

R. P. OCTAVII MARIÆ
A S. JOSEPH
OPERA MORALIA.

THE
LIBRARY OF THE
MUSEUM OF NATURAL HISTORY
AND
ZOOLOGY
JAN 1 1899

R. P. OCTAVII MARIÆ
A S. JOSEPH
TUSCULANI,
Theologi Augustiniani Excalceati,
OPERA OMNIA;

IN QUIBUS BIS MILLE, TRECENTA,

Et decem Dubia Moralia, quæ per modum Interrogationum, & Responsionum discussa, continebantur, in hac novissima Editione, in duos Tomos distributa, multis Doctrinis locupletata, ac per varios Titulos alphabetico ordine disposita, habentur.

ADDITIS CENTUM ALIIS QUÆSTIS EJUSDEM
Authoris, nondum impressis, necnon Propositionibus à Summis Pontificibus damnatis: una cum Instructione pro Casibus, quorum absolutio, seu dispensatio, à Sacra Apostolica Penitentiaria impetratur.


TOMUS PRIMUS.



VENETIIS, M.DCCXI.

Apud Paulum Balleonium.

SUPERIORUM PERMISSU, AC PRIVILEGIIS.



CLARISSIMO SANCTORUM SIDERI

DIVO NICOLAO TOLENTINATI,

Crebris Miraculis coruscanti , assiduisque
Prodigiis Præclaro.

AUGUSTINIANI EXCALCEATI PATRES
Sub ejus in Urbe Ecclesia commorantes, hocce leve munusculum D. D. D.



AD Te sanè Deo perdilectum,
Hominibusque charum , qui
in Mundi adversis nemini
adversaris, Cœli prospera in
prosperitate promittis, Bene-
ficus Reis , Piorumve perenne Sola-
tium , cunctos adjuvans , nullosque re-
linquens: Ad Te, inquam, non modò

dicare fas erit, sed præproprio gradu festinare necesse, quæ serò quidem, ast ut optaverat Auctor, Imploratione Tua, perficere conatus est. Nos igitur, Tua pariter confisi Gratia, unà cum his Operibus Pectora nostra offerimus, humiliter deprecantes, ut in Dilectione Operum Tuorum, quibus assimilari cupimus, benignè perseverare concedas. Supra hæc Tibi sit cordi, Errorum omnium expulsio, Hæreseos profligatio, ut Sancta Mater Ecclesia, Orthodoxa Romana, Tui Deprecatione perpetuam sentiat Tranquillitatem, & Pacem. Cœnobiumque nostrum adjuvare non desine Spiritualibus, ac Corporalibus Fulcimentis; & quod Tuo venit Nominē, Tuum sit, vel ad apicem, exemplatum.



A M I C O L E C T O R I.

Suo Viduata Auctore Volumina in Duos Tomos redacta, cum materia ad omnium legentium commoditatem coordinata, jam prodeunt. R. P. Octavius Maria à S. Joseph, Augustinianus Excalceatus, adeò Confessariis benemeritus Auctor, Opera omnia Moralia, quæ complevit, morte præventus non vidit. Vide Religiosi senis, & ægri, indefessum laborem; Cerne animi magnitudinem, qua nedum varios pro opportunitate majori Titulos posuit, verùm aliis ditavit centum Quæstis. Plura habuisses, nimis, quam instare præsensit, rapuisset Auctorem, pro quo, Pie Lector, haud cesses ad Deum fundere preces. Sub S. R. E. Censura, ac purgato oculo tuo vide conscripta, & stude, ut diu victurus, vive, ut cras moriturus.

F A C U L T A S.

Nos Fr. Valerianus à S. Cecilia, Fratrum Eremitar. Discalceat. Ordinis S.P. Augustini Congregationis Italiae, & Germaniae Generalis Vicarius, nostri auctoritate Officii licentiam, quantum ad nos attinet, harum serie, & tenore impartimur Tibi R. P. Orazio Maria à S. Ioseph, nostrae Congregationis Theologo, denuò in lucem promittendi Opera tua Moralia, alia vice approbata, ac novissimè in Duos Tomos redacta, & per varios Titulos Alphabetico ordine disposita à R. P. Nicolao à S. Ioanne Baptista ejusdem nostrae Congregationis Sacrae Theologiae Professore, cum Additione Centum Quaestorum nondum impressorum, quae Antecessoris jussu à duobus Theologis nostris cum fuerint revisa, & approbata, servatis de jure servandis, Typis mandare possis, itidem facultatem lubentes in Domino concedimus. In quorum fidem, &c.

Dat. in Conventu nostro Iesu Mariae de Urbe, hac die 24. Mensis Decembris Anno 1707.

Fr. Valerianus à S. Cecilia Vic. Gen.

Fr. Joannes Vincentius à S. Jacobo Prosecretarius.

Reg. lib. 3. fol. 101.

NOI REFORMATORI Dello Studio di Padova.

HAvendo veduto per attestato del Segretario nostro, nel Libro Stampato in Roma nell'anno 1708. intitolato: R. P. Orazio Maria à S. Ioseph Tusculani, Theologi Augustiniani Excalceati, Opera omnia, non esservi cos'alcuna contro Principi, e buoni costumi, concediamo licenza à Paolo Baglioni, che possa esser stampato, osservando gl'ordini in materia di stampe, e presentando le solite copie alle pubbliche Librarie di Venezia, e di Padova.

Dat. 8. Genaro 1707. M. V.

}
}
}
}

Girolamo Venier Kav. Proc. Reform.

Marin Zorzi Reform.

Agostino Gadaldini Segr.

I N:

INDEX TITULORUM

Primi Tomi.

Tit. I. De Abbatibus.	pag. 1	Tit. XXXIV. De Celebratione Missæ.	58.
Tit. II. De Abbatissis, seu Priorissis.	2	Tit. XXXV. De Censuris Ecclesiasti-	
Tit. III. De Abortu.	3	cis.	75
Tit. IV. De Absolutione à Censuris.	9	Tit. XXXVI. De Circumstantiis Peccato-	
Tit. V. De Absolutione à Peccatis.	11	rum.	76
Tit. VI. De Absolutione à reservatis.	14	Tit. XXXVII. De Clericis, & Pensionis	
Tit. VII. De Accusationibus, & prote-		Ecclesiasticis.	81
statione in illis.	20	Tit. XXXVIII. De Cognatione matrimo-	
Tit. VIII. De Adoratione.	22	nium dirimente.	87
Tit. IX. De Adulterio.	24	Tit. XXXIX. De Cohabitatione Conju-	
Tit. X. De Emulatione.	24	gum.	90
Tit. XI. De Ætatibus ad diversa munera		Tit. XL. De Concionatoribus, & Con-	
requisitis.	25	cionibus.	91
Tit. XII. De Affinitate.	27	Tit. XLI. De Concubinariis, & Concu-	
Tit. XIII. De Alienatione bonorum Ec-		binari.	95
clesiæ.	29	Tit. XLII. De Confessariis.	97
Tit. XIV. De Apostatis à Religione.	31	Tit. XLIII. De Confessariis extraordina-	
Tit. XV. De Appellationibus.	32	riis Monialium.	103
Tit. XVI. De Attentione.	33	Tit. XLIV. De Confessione Sacramenta-	
Tit. XVII. De Attractione.	34	li.	105
Tit. XVIII. De Bannitis.	35	Tit. XLV. De Conscientia.	115
Tit. XIX. De Benedictione Nuptia-		Tit. XLVI. De Consilio.	116
rum.	37	Tit. XLVII. De Consuetudine.	117
Tit. XX. De Beneficariis, & Beneficiis		Tit. XLVIII. De Contractibus & Pa-	
Ecclesiasticis.	38	ctis.	119
Tit. XXI. De Beneficiorum permutatio-		Tit. XLIX. De Contritione.	120
ne.	41	Tit. L. De Contumelia.	123
Tit. XXII. De Beneficiorum pluralitate.	42	Tit. LI. De Copula Carnali.	123
Tit. XXIII. De Bigamia.	43	Tit. LII. De Correctione.	124
Tit. XXIV. De Blasphematoribus, & Blas-		Tit. LIII. De Culpâ juridica.	127
phemiis.	45	Tit. LIV. De Debito Conjugali.	127
Tit. XXV. De Bullis.	46	Tit. LV. De Debito ex Contractu.	131
Tit. XXVI. De Calice Missæ.	48	Tit. LVI. De Decimis.	132
Tit. XXVII. De Canonicis.	49	Tit. LVII. De Decretis.	132
Tit. XXVIII. De Canonico Pœnitentia-		Tit. LVIII. De Defensione bonorum tem-	
rio.	49	poralium.	133
Tit. XXIX. De Capitulo, Sede vacan-		Tit. LIX. De Defensione honoris.	135
te.	50	Tit. LX. De Defensione pudicitie.	136
Tit. XXX. De Capellania, & Capella-		Tit. LXI. De Defensione vitæ pro-	
nis.	51	prie.	136
Tit. XXXI. De Carceratis.	53	Tit. LXII. De Defensione vitæ proxi-	
Tit. XXXII. De Cardinalibus.	54	mi.	137
Tit. XXXIII. De Calibus reservatis.	56	Tit. LXIII. De Delectatione.	138
		Tit.	

Index Titulorum.

Tit. LXIV. De Delectatione morosa.	138	Tit. XCV. De Fidei professione.	237
Tit. LXV. De Delictis.	139	Tit. XCVI. De Filiis.	237
Tit. LXVI. De Denunciationibus.	139	Tit. XCVII. De Fornicatione.	240
Tit. LXVII. De Desideriis.	148	Tit. XCVIII. De Furto.	240
Tit. LXVIII. De Detractione, & Libellis famosis.	149	Tit. XCIX. De Gabellis.	243
Tit. LXIX. De Diaconis.	151	Tit. C. De Gaudiis de morte alterius.	244
Tit. LXX. De Differentiis.	151	Tit. CI. De Gula.	244
Tit. LXXI. De Dispensatione.	156	Tit. CII. De Hæresi, & Hæreticis.	245
Tit. LXXII. De Divortio.	159	Tit. CIII. De Homicidio.	249
Tit. LXXIII. De Dubiis.	163	Tit. CIV. De Horis Canonicis, & Officio divino.	251
Tit. LXXIV. De Duello.	166	Tit. CV. De Jejunio.	255
Tit. LXXV. De Ebrietate.	167	Tit. CVI. De Ignorantia.	266
Tit. LXXVI. De Ecclesiæ immunitate.	169	Tit. CVII. De Illegitimis.	273
Tit. LXXVII. De Ecclesiæ pollutione.	182	Tit. CVIII. De Impedimentis dirimentibus Matrimonium.	276
Tit. LXXVIII. De Ecclesiis.	185	Tit. CIX. De Impedimentis non dirimentibus Matrimonium.	278
Tit. LXXIX. De Edictis.	187	Tit. CX. De Impedimento publicæ honestatis.	279
Tit. LXXX. De Electione, & Electoribus.	188	Tit. CXI. De Impotentia coeundi.	280
Tit. LXXXI. De Eleemosyna.	192	Tit. CXII. De Incestu.	281
Tit. LXXXII. De Emptione, & Emptoribus.	197	Tit. CXIII. De Infamia.	282
Tit. LXXXIII. De Episcopatu, & Episcopis.	198	Tit. CXIV. De Infirmis.	286
Tit. LXXXIV. De Examinatoribus Synodaliibus.	215	Tit. CXV. De Ingressu in Monasteria Monialium.	290
Tit. LXXXV. De Examine Conscientiæ.	216	Tit. CXVI. De Ingressu in Religionem.	292
Tit. LXXXVI. De Examine quoad scientiam, & doctrinam.	217	Tit. CXVII. De Inimicis.	295
Tit. LXXXVII. De Excommunicatione, & Excommunicatis.	217	Tit. CXVIII. De Injustitia.	296
Tit. LXXXVIII. De Excommunicatione minori.	221	Tit. CXIX. De Inquisitoribus.	297
Tit. LXXXIX. De Excommunicatione ob Clerici percussione.	221	Tit. CXX. De Intentione.	298
Tit. XC. De Falsificatione Litterarum, & Scripturarum.	228	Tit. CXXI. De Interdicto.	299
Tit. XCI. De Falsis Monetis.	229	Tit. CXXII. De Invidia.	301
Tit. XCII. De Famulis.	229	Tit. CXXIII. De Ira, & Odio.	301
Tit. XCIII. De Festis diebus.	232	Tit. CXXIV. De Irregularitate.	302
Tit. XCIV. De Fide.	236	Tit. CXXV. De Irritatione Votorum.	310
		Tit. CXXVI. De Jubilæo.	312
		Tit. CXXVII. De Judiciis.	315
		Tit. CXXVIII. De Judiciis temerariis, & Suspicionibus.	317
		Tit. CXXIX. De Juramento.	318

INDEX TITULORUM

Secundi Tomi.

Tit. CXXX. De Laicis.	3	Tit. CLXVI. De Pensionariis, & Pensionibus.	74
Tit. CXXXI. De Largitione munerum.	7	Tit. CLXVII. De Pyxide, in qua servatur Sacra Eucharistia.	75
Tit. CXXXII. De Legatis.	10	Tit. CLXVIII. De Pœnis.	76
Tit. CXXXIII. De Libris prohibitis.	11	Tit. CLXIX. De Polygamia.	78
Tit. CXXXIV. De Literis, & Scripturis.	15	Tit. CLXX. De Possessoribus bonæ, vel malæ fidei.	79
Tit. CXXXV. De Lucris ex Munto.	16	Tit. CLXXI. De Præceptis.	79
Tit. CXXXVI. De Ludis.	17	Tit. CLXXII. De Præcepto annuæ Communionis.	81
Tit. CXXXVII. De Luxuria.	18	Tit. CLXXIII. De Præcepto annuæ Confessionis.	82
Tit. CXXXVIII. De Mandato.	18	Tit. CLXXIV. De Præcepto audiendi Sacrum.	84
Tit. CXXXIX. De Medico.	19	Tit. CLXXV. De Prælati Regularibus.	86
Tit. CXL. De Memoria peccatorum.	21	Tit. CLXXVI. De Privilegio Canonis, & Fori.	98
Tit. CXLI. De Mendacio.	21	Tit. CLXXVII. De Pueris.	102
Tit. CXLI. De Metu.	22	Tit. CLXXVIII. De Querelis subditorum Regularium.	105
Tit. CXLI. De Mollitie, seu Pollutione.	23	Tit. CLXXIX. De Rapto mulierum.	106
Tit. CXLIV. De Monialibus.	24	Tit. CLXXX. De Regularibus, seu Religiosis.	107
Tit. CXLV. De Monopolio.	25	Tit. CLXXXI. De Reis mortis.	147
Tit. CXLVI. De Moribundis, & Morti proximis.	26	Tit. CLXXXII. De Religionibus aliquibus particularibus.	149
Tit. CXLVII. De Multatione membrorum.	30	Tit. CLXXXIII. De Reliquiis Sacris.	156
Tit. CXLVIII. De Mutuo.	31	Tit. CLXXXIV. De Residentia.	158
Tit. CXLIX. De Negotiatione Clericorum, & Religiosorum.	32	Tit. CLXXXV. De Restitutione accepti.	160
Tit. CL. De Negotiationis societate.	34	Tit. CLXXXVI. De Restitutione accepti, & damni.	161
Tit. CLI. De Novitiis.	36	Tit. CLXXXVII. De Restitutione damni.	163
Tit. CLII. De Oblationibus Fidelium.	37	Tit. CLXXXVIII. De Restitutione famæ.	170
Tit. CLIII. De Occasionibus.	38	Tit. CLXXXIX. De Revelationibus secretorum.	172
Tit. CLIV. De Operibus.	40	Tit. CXC. De Sacerdotibus.	172
Tit. CLV. De Opinione.	41	Tit. CXCI. De Sacramentis.	174
Tit. CLVI. De Oratorio privato.	43		
Tit. CLVII. De Ordinibus Minoribus.	46		
Tit. CLVIII. De Ordinibus Sacris.	46		
Tit. CLIX. De Papa, seu Summo Pontifice.	49		
Tit. CLX. De Parochiis.	52		
Tit. CLXI. De Parvitate materiz.	63		
Tit. CLXII. De Patrinis.	66		
Tit. CLXIII. De Peccatis.	68		
Tit. CLXIV. De Peccato mortali.	71		
Tit. CLXV. De Peccato veniali.	73		

Tit.

Index Titulorum.

Tit. CXCI. De Sacramento Baptismi.	177	Tit. CCXXII. De Validitate Absolutionis.	253
Tit. CXCI. De Sacramento Confirmationis.	182	Tit. CCXXIII. De Validitate Beneficiorum.	256
Tit. CXCI. De Sacramento Eucharistiae.	184	Tit. CCXXIV. De Validitate Confessionis.	257
Tit. CXCV. De Sacramento Extremae Unctionis.	191	Tit. CCXXV. De Validitate Dispensationum.	268
Tit. CXCVI. De Sacramento Matrimonii.	192	Tit. CCXXVI. De Validitate Electionis.	269
Tit. CXCVII. De Sacramento Ordinis.	199	Tit. CCXXVII. De Validitate Sacramenti Baptismi.	270
Tit. CXCVIII. De Sacramento Pœnitentiae.	204	Tit. CCXXVIII. De Validitate Sacramenti Matrimonii.	271
Tit. CXCIX. De Sacrilegio.	205	Tit. CCXXIX. De Validitate Sacramenti Pœnitentiae.	278
Tit. CC. De Satisfactione Pœnitentiali.	206	Tit. CCXXX. De Validitate Sacramentorum.	278
Tit. CCI. De Scandalo.	208	Tit. CCXXXI. De Validitate Sponsalium.	279
Tit. CCII. De Sepultura Ecclesiastica.	209	Tit. CCXXXII. De Validitate Votorum.	280
Tit. CCIII. De Sepultura particulari.	209	Tit. CCXXXIII. De Venditione, & Venditoribus.	281
Tit. CCIV. De Sigillo Confessionis.	211	Tit. CCXXXIV. De Verbis.	283
Tit. CCV. De Simonia.	215	Tit. CCXXXV. De Verbis cum Monialibus.	284
Tit. CCVI. De Simulatione.	223	Tit. CCXXXVI. De Vestibus Sacris.	285
Tit. CCVII. De Sociis Criminis.	225	Tit. CCXXXVII. De Vicariis Capitularibus.	285
Tit. CCVIII. De Sodomia.	228	Tit. CCXXXVIII. De Vicariis Episcoporum.	286
Tit. CCIX. De Sollicitatione.	229	Tit. CCXXXIX. De Virginitate.	287
Tit. CCX. De Sponsalibus.	231	Tit. CCXL. De Virogamia.	288
Tit. CCXI. De Sponsis.	232	Tit. CCXLI. De Visitatoribus.	288
Tit. CCXII. De Stupro.	233	Tit. CCXLII. De Voto.	291
Tit. CCXIII. De Subdiaconis.	233	Tit. CCXLIII. De Usu Conjugii.	295
Tit. CCXIV. De Subditis.	234	Tit. CCXLIV. De Usura, & Usurariis.	297
Tit. CCXV. De Superstitionibus.	236	Tit. CCLV. De Uxoribus.	201
Tit. CCXVI. De suspectis de Hæresi.	243	Propositiones Damnata à Summis Pontificibus.	pag. 304
Tit. CCXVII. De Suspensione.	245		
Tit. CCXVIII. De Tabacho.	246		
Tit. CCXIX. De Testamentis Religiosorum.	246		
Tit. CCXX. De Testibus, & Testimoniis.	247		
Tit. CCXXI. De Tonfura.	252		



P. OCTAVII MARIÆ

A S. JOSEPH

OPERA MORALIA

Confelsariis, & Personis Ecclesiasticis
utilia, atque fructuosa.

TOMUS PRIMUS.

TITULUS I.

De Abbatibus.

Vide tit. de Alien. Inter. 6. tit. de Episc. Etc. Inter. 67 70. 71. de Præl. Regul. Ins. 1. 18. tit. de Quer. Subd. Regul. Ins. 1. tit. de Subdit. Ins. 1. 2.

Interrogatio 1. Abbates Regulares habentes jura Episcopalia, seu quasi Episcopalia, usumque Mitræ, & Baculi, possuntne primam tonsuram, & Ordines Minores conferre?

Resp. Possunt, sed dumtaxat suis subditis Regularibus, non autem Regularibus alterius Congregationis, Ordinis, vel Instituti. Ita declaravit Sac. Congregatio die 25. Novembris 1641. additis poënis, &c. ut videre licet apud Lezanam tom. 1. part. 1. cap. 14. sub nu. 13. Vide Em. Sæ verb. Ordo num. 16. idem docentem. Et nota, non esse necessarium, quod ipsi Abbates conferentes primam ton-

Tom. I.

suram, aut Ordines minores suis subditis Regularibus, sicut benedicti, prout ex Sac. Congregat. refert decisum Barb. in *Collect. Bullar. verb. Ordo* apud Lezan. tom. 2. verb. *Ordines Sacri* sub numer. 6. qui alios etiam allegat id asserentes. Vide Barbos. in *collect. ad Trident. sess. 23. de refor. cap. 10. num. 7.*

2. Inter. 2. Præfati Abbates possuntne consecrare Calices, Altaria, Campanas, & benedicere Lapidem, Pixides, & alia vasa Ecclesiastica suarum Ecclesiarum, & etiam alienarum?

Resp. Tale dubium post alios movet Diana part. 3. tractat. 2. resolut. 25. & adducit DD. pro una, & altera parte, & concludit affirmativè, ex consuetudine fundata in privileg. Innoc. VIII. & pro se citat Barbos. de potest. Episc. part. 2. alleg. 26. numer. 36. Mirandam, Portellum, Rodriguez, & Ascanium Tamburinum de jure Abbat. tom. 1. disputat. 13. quest. 13. & præterea refert Privilegia Urbani II. & Pauli III. & quamvis Sac. Congr. apud Naldum verb. *Abbat. nu. 1.* declaraverit, Abbatem

A bene-

benedictum, Mitrae, & Baculi Pastoralis usum habentem, non posse se ingerere in illis benedictionibus Altarium, Calicum, & hujusmodi; in quibus unctio requiritur, tamen ad instantiam Procuratoris generalis Congregationis Casinensis exhibentis summarium Privilegium, & Gratiarum ejusdem Congreg. Sacra Cardinalium Congregatio censuit non obstaré, quò minus idem prædictæ benedictionis munus quoad ea, in quibus unctio requiritur, impedire queant si specialibus Sedis Apostolicæ privilegiis, quibus Concil. Trident. nequaquam derogat, muniti fuerint. Ita ex Diana, ubi supra, qui tandem advertit, hoc esse speciale Privilegium pro Abbatibus Congregationis Casinensis, nec posse extendi per communicationem privilegiorum ad alios Prælatos Regulares. Tenendum igitur, pro benedictione eorum, in quibus adhibetur Sac. Chrismatis unctio, speciale requiri privilegium, ut sub die 6. Decembris 1631. decrevit Sacra Congregatio apud Lezanam *tom. 2. verb. Calix num. 3.*

3 Inter. 3. Ab Abbate Consecrato, qui non est Episcopus, potestne Sacramentum Confirmationis administrari?

Resp. Abbates ex privilegio Sedis Apostolicæ, & de consensu Ordinarii, possunt tale Sacramentum administrare, ut refert decisum Armendarix apud Barbosa in *Collect. DD. in Trident. sess. 7. de confirm. num. 5.* Vide Barbosa *part. 2. alleg. 3. nu. 5. de officio, Et potest. Episc.* Cæterum Abbas, qui non est Episcopus, de jure communi confirmare non potest. Bonac. *de Sacram. disp. 3. quæst. unica, punct. 2. n. 7.* Tandem nota, quòd confirmans plures successivè in peccato mortali, tot mortalia peccata committit, quot personas confirmat, ut dicam in *tir. 163. de peccatis ad Inter. 24. cum Diana p. 9. tr. 7. ref. 38.*

TITULUS II.

De Abbatissis, seu Priorissis.

Vide tit. de Illegit. Int. ult. tit. de Virgin. Int. ult.

4 Inter. 1. Possuntne Abbatissæ, seu Priorissæ, omnium Monialium vota irritare, sicut Prælati Regulares?

Resp. Licet Abbatissa, seu Priorissa nequeat dispensare in votis Monialium, quia caret jurisdictione Ecclesiastica, non tamen sequitur, non posse Monialium vota irritare,

re, etiamsi subsint Episcopo, vel Prælati Regularibus; nam irritare vota non pertinet ad Ecclesiasticam autoritatem, sed directè spectat ad potestatem dominativam, seu quasi dominativam; unde non minorem potestatem debet habere Abbatissa, seu Priorissa in actus Monialium, quàm Mater tuatrix impuberum, maximè cum Abbatissa habeat potestatem præcipiendi, & Moniales pendere debeant ex ipsius natu, & voluntate. Hæc, & alias rationes, & DD. assert Sanchez pro hac tuenda sententia, *tom. 1. par. 2. lib. 4. cap. 33. num. 19.* quibus concordat Bonac. *de præcept. Decalogi disp. 4. quæst. 2. punct. 6. §. 2. num. 26. vers. Adde 4. pro qua sententia alios DD. adducit.* Vide Lezan *tom. 1. part. 1. cap. 16. nu. 15.* Cassian. à S. Elia in *Arbor. opin. moral. verb. Abbatissa, §. 3. n. 26. Et tir. 175. Int. 13.*

5 Inter. 2. Possuntne Abbatissæ, seu Priorissæ, sibi eligere Confessarium ab Ordinario non approbatum, & suis subditis hanc licentiam concedere, ut Superiores Regulares facere queant?

Resp. Non solum non possunt sibi eligere Confessarium non approbatum, sed neque approbatum, nisi specialiter ab Ordinario fuerit pro ipsis approbatus; nam Gregorius XV. in *const. 18. qua incipit, Inscrutabili,* emanata die 5. Febr. anno 1623. statuit, ut Monialium Confessarius ab Ordinario approbatur. Imò Sac. Congregatio apud Lezanam *tom. 1. part. 1. cap. 25. nu. 46.* declaravit, Regulares generaliter ab Episcopo approbatos ad Confessiones Personarum Sæcularium audiendas, nequaquam censeri approbatos ad audiendas Confessiones Monialium sibi subjeclarum, sed egere quoad hoc speciali Episcopi approbatione. Et præterea Regularis ab Episcopo approbatus ad audiendas Confessiones Monialium unius Monasterii, non potest audire Confessiones Monialium alterius Monasterii, nec Confessarius extraordinarius semel deputatus, atque ab Episcopo approbatus ad Monialium Confessiones audiendas pro una vice, potest pluries, in vim approbationis ejusmodi, illarum Confessiones audire; sed toties est ab Episcopo approbandus, quoties casus deputationis contigerit. Ita Sac. Congregatio declaravit, ut videre licet apud Lezanam *loco supra cit. ubi plura ad intentum, & tandem Clem. X. in Const. incip. Superna* sic præcipit.

6 Inter. 3. Potestne Abbatissa, seu Priorissa, de bonis Monasterii aliquas elemosinas, aut etiam donationes remuneratorias facere? & quid dicendum est de Monialibus, cæterisque Religiosis?

Resp.

Resp. Dare, seu donare aliquid titulo, seu ex dictamine gratitudinis in remunerationem, vel compensationem beneficiorum, est licitum, & permittum Religiosis utriusque sexus, cum licentia tamen expressa, & oretenus, vel saltem tacita, seu interpretativa sui Superioris. Vide Dianam *par. 1. tra. 6. ref. 20. ubi ref. 21.* asserit etiam sufficere licentiam obtentam semel per semper; nam solum in ordine ad forum externum est necessaria licentia in scriptis, quia in foro conscientiae satis est licentia tacita, vel interpretativa, ut docet Valerus in *differe[n]tiis utriusque Fori verb. munera nu. 83.* & præcipue S. Thomas 2.2. *quest. 33. art. 8. ad 1.* Donatio igitur remuneratoria est permittum, quia non est proprie, & strictè donatio, ut colligitur ex l. *Atrilius Regulus ff. de donationibus*: sed est jure naturæ omnibus debita, sic postulante gratitudinis lege, ut optimè tradunt S. Thomas 2.2. *quest. 106. art. 6.* Passerinus de *statib. tom. 1. quest. 87. art. 1. num. 869.* Trulench. in *decal. lib. 7. cap. 17. dub. 8. num. 4.* Cassianus à S. Elia in *Arbor. opin. moral. verb. administrator §. 2. num. 14.* Bonac. de *contract. disp. 3. quest. 12. punct. 1. nu. 6.* & alii plures, quos refert Diana ubi supra *resol. 15.* Imò in remunerationem pro beneficio accepto dari potest aliquid plus, ut docet S. Thomas *loc. cit.* & alii, quos refert, & sequitur Diana ibidem *ref. 16.* Item licet dari potest illi, à quo speratur aliquod beneficium, aut majores eleemosynæ sperantur. Lezana *tom. 2. verb. dare, seu donare, num. 7.* Diana *suprà resol. 5. vers. Restat modo.* Præterea non solum licet tribui possunt munera à Religiosis utriusque sexus causa gratitudinis, & in recompensationem beneficiorum, sed etiam ex aliis causis, quæ ex natura sua sunt actus virtutis, & meritis; & ita clarè constat ex declaratione Sac. Congregationis ab Urbano VIII. confirmata, quam videre licet apud Lezanam, ubi supra *num. 10.* & cui nos his temporibus stare debemus. Ex quo sequitur, quòd eleemosynæ erga Pauperes, beneficentiæ erga Proximos, quam sint actus virtutis, & meriti, de licentia superiori localis, non prohibentur in Bulla de largitione munerum. Vide Lezanam *loco citat. num. 8. 11. & 12.* & alios penes ipsum, Bonac. in *tract. de largit. munerum tom. 1. disp. 3. punct. 1. num. 9.* Concludendum est igitur, quòd sicut Religiosi de suorum Superiorum licentia, ut diximus, aliqua dona præbere possunt; ita à fortiori possint ipsi Superiores, cum Superiores tanta conscientia queat uti illis facultatibus,

seu licentiis, quas suis subditis conferre possunt, ne sint peioris conditionis, quàm ipsi subditi, ut pluribus citatis firmat Peyrinus de *Relig. subditi, qu. 1. cap. 8. §. 5. vers. Dico sexto, cum D. Thoma 2.2. q. 185. art. 8. in corpore propè finem.* Ultra quòd sicut Prælati Regulares possunt remunerare merita, & obsequia, non solum quando merita pariunt actionem ex iustitia, sed etiam quando ejus sunt naturæ, ut hominem doceant gratum esse, ac antidotaliter obligant, ut inquit Thesaurus de *penis part. 2. verb. munera cap. 10. vers. Est autem*: Ita pariter dicendum est de Abbatissa, seu Priorissa, cum sit dispensatrix, & moderatrix bonorum temporalium Monasterii. Sic docent Sanchez, & Ledesma, quos dat, & sequitur Lezana *tom. 2. verb. Abbatissa num. 17. in fine.* Ad Abbatissam enim libera bonorum Monasterii administratio pertinet, ut docet Abbas in *cap. 2. de his, quæ fiunt à Prælato num. 4.* consequenter poterit licitè eleemosynas facere de superfluis, aut non superfluis Monasterii, ac etiam alias donationes tribuere pro ratione administrationis, ex causa tamen, quam vir prudens sufficientem exstimaaverit. Favet Andreas Mendo *Epist. opin. moral. verb. Moniales sub num. 10. in fine.* Si quidem si alicui personæ, cui bonorum administratio competit, prohibitum sit donare, ea prohibitio non censetur comprehendere donationes remuneratorias, ut colligitur ex *cap. Si quis 12. q. 2. Vide Layman tom. 1. lib. 3. tr. 4. cap. 12. num. 10.* Hoc tamen intelligi debet, dummodò modestè, & discretè fiant eleemosynæ, aut donationes, & dummodò per Regulam, aut Ordinis statuta non prohibeantur, ut benè admonet Bonac. in *tract. de larg. munerum disp. 3. punct. 6. num. 1.* ubi concordantes refert. Ita etiam docet Sanchez in *summ. tom. 2. lib. 7. cap. 19. num. 14.* Diana *par. 1. tra. 6. ref. 22. in fine.* & alii communiter Itaque noceat hæc omnia Religiosis, ne fallantur; nam superiores non sunt domini bonorum Conventuum, vel monasterii, ut dicam *tit. 180. Inter. 40.* Adverte tamen ex Divo Thoma *qu. 13. de malo art. 4. ad 3.* dare temporale pro spirituali, tamquam gratuitam compensationem, vel è contra, simoniacum crimen censendum esse, ut valide probat etiam P.F. Laurentius Maria Pisanus in *Gedonis gladio, propos. 13. num. 8.*

7. Inter. 4. Abbatissa, seu Priorissa, expleto officiorum suorum triennio, potestne de novo eligi ad eadem officia.

Resp. Ex Bulla Gregorii XIII. quæ incipit: *Exposcit. debitum* &c. edita anno 1583.

habetur, quod non; nam abstinere debent per triennium à die finitæ administrationis sui officii. Vide Quarantam in *Summ. Bullar. verb. Abbatissa*, & Gavantum in *Man. Episc. verb. Monialium Officialis* num. 19. Unde absque Sedis Apostolicæ, aut Sac. Congreg. licentia, denuò eligi non potest; & ita pluries declarasse Sac. Congreg. testatur Lezana *tom. 1. part. 1. cap. 26. num. 4. Barbofa in Trident. sess. 25. de Regul. cap. 7. numer. 10. & 11.* Concludendum est igitur ex Barbofa *num. 22. secundum Bullam Gregorii XIII* quod in Italia ad triennium tantummodo eligendæ sunt Abbatissæ, & Priorissæ; & expicto triennio sui officii, nullatenus possunt ad illud inmediate reeligì absque expressa licentia saltem Sac. Congregationis, quæ iustis de causis cum nonnullis conditionibus eam concedere solet.

8 Inter. 5. Monialis Abbatissæ Soror potestne eligi Abbatissam, & inmediate succedere in officio Sorori?

Resp. Dummodò nullum addit impedimentum legitimum, nec sit prohibitum per Constitutiones Ordinis; & si canonice fuerit electa, ejus electio valida censeri debet; quia de jure communi non est prohibitum, quin possit eligi in Abbatissam Soror Abbatissæ præterita, & sic licite Abbatissæ Soror potest succedere in officio Sorori. Ita refert decimum à Sac. Congregatione Aldanus in *compend. canon. resol. lib. 1. tit. 28. num. 15.* apud Barbofam ubi supra *num. 12.*

Quæritur. An Abbatissa possit præcipere Monialibus aliquid in virtute sanctæ obedientiæ, & Spiritus Sancti, sicut possunt Prælati Regulares?

Resp. Quamvis Moniales teneantur in conscientia obedire Abbatissæ, seu Priorissæ, cui subsunt, ut habetur *ex cap. dilecti filii de arbit. cap. dilecta, de excess. pralat. & cap. dilecta, de major. & obediens.* Tamen non per hoc sequitur, posse Abbatissam imponere spiritualia præcepta, quæ vim legis, & præcepti habeant, ut possunt Episcopi, & cæteri Prælati Ecclesiastici; consequenter nec posse præcipere in virtute Spiritus Sancti, & Sanctæ obedientiæ, quia Abbatissa non habet potestatem spirituales in Moniales, sed tantum potestatem domesticam, sicut habet Mater familias; undè sicut filiz tenentur obedire Matri, & filii Parentibus, ita tenentur Moniales obedire suæ Priorissæ, sive Abbatissæ, & peccabunt ejus præceptis non obtemperantes circa ea, quæ ad domesticam, &

communem Monasterii pacem conducunt, mortaliter, aut venialiter, juxta gravitatem, vel levitatem materiæ præceptæ. Ita tradunt Sanchez *tom. 2. sum. lib. 6. cap. 1. num. 21.* Portellus in *dub. Regul. verb. Abbatissa num. 1.* Sayrus in *Clavi Regia libr. 5. cap. 10. num. 26.* Ledesma, Baldellus, Valentia, & Ugolinus, quos dat, & sequitur Diana *part. 5. tract. 9. resol. 16.* qui hanc sententiam probabiliorem vocat, sed penes ipsum sit auctoritas; ego enim dumtaxat probabilem puto, & scio eam docere etiam Chaves in *sum. Victoria, ubi de Clavibus sub num. 14.* Rotarium in *Appar. Theol. mor. par. 1. cap. 10. sect. 3.* & alios. Sed ut verum fatear, mihi magis placet opposita, quam tuetur Lezana *tom. 1. cap. 26. num. 10.* qui pro se citat Azorium, & Cornesium, & alios refert Diana *loco cit.* & tandem invenio eam docere ex præclarissima Prædicatorum familia doctissimum Passerium *tom. 1. de sum. quest. 186. ar. 8. num. 89. & seqq.* nam prima sententia docens Moniales vovere obedientiam Abbatissæ, & negans ipsi potestatem spiritualem, videtur sibi contradicere, quia potestas, quæ est ex vi voti, simpliciter spiritualis esse debet: Si quidem Abbatissa non est veluti Pater, vel Mater, cujus potestas dominativa fundatur in subjectione naturali filii imbecillis ingenii in impubertate; sed fundatur in sacra traditione Monialis facta ipsimet Abbatissæ, eaque potestas etiam irritando habet pro objecto cultum Divinum in directione monialis: non sic Mater familias, quæ neque respicit perfectionem filii in dirigendo ipsum, prout Abbatissæ convenit. Neque ex hoc sequitur, quod ordinariè possit dispensare, & similia facere, quæ jurisdictionem requirunt. Vide quæso Passer. *loco cit.* qui hanc sententiam fortioribus terminis tuetur: item vide Suarez *tom. 3. de Relig. lib. 10. cap. 11. num. 20.* Castropalaum *tract. 16. disp. 4. punct. 2. num. 3.* & alios, qui merito istam sententiam defendunt, ne auferratur meritum Sanctæ Obedientiæ ex voto à Monialibus.

TITULUS III.

De Abortu.

9 **I**nter. 1. Medicus potestne licitè applicare medicinam, quæ æqualiter tendat ad salutem matris, ac ad fœtus abortum.

Resp. Suppono primò, probabilem esse illorum sententiam, quæ docet, pro salute matris prægnantis licere aliquando uti medicamentis non directè tendentibus ad expulsiõnem fœtus, ut sectio venæ, pharmacum, balneum &c. ex quibus tamen potest sequi abortus fœtus animati; dummodò Medicorum iudicio securam timeatur Matris mortem cum prole ante ejus nativitatem: Nam in tali casu occisio fœtus per accidens resultat, cum fœtus vita pendeat à vita, & salute Matris, & rarissimè contingat, fœtum vivum edi post mortem matris, ut pluribus citatis docet Diana *part. 3. tract. 5. ref. 11. & part. 7. tra. 5. ref. 35.* qui etiam *ibidem* resol. 36. cum Trullencho *in decal. tom. 3. libr. 5. cap. 5. dub. 5. num. 4.* Sanchez. *tom. 2. de Matrim. lib. 9. disp. 20. num. 18.* asserit in casu proposito, posse Matrem sumere medicamentum, quod æqualiter tendit ad ejus salutem, ac ad fœtus abortum, & Medicum posse licitè applicare, quia potius jus habet Mater ad vitam suam conservandam, quam habet fœtus, cum hic à matre pendeat, ut dixi supra, & non è contra; eo etiam maximè, quòd matre pereunte, penè miraculum sit, si fœtus incolumis evadet. Alias rationes vide apud eundem Dianam, qui denique *ibidem* ref. 37. resoluit, quòd si adsit spes, ut fœtum animatum Mater possit in lucem prodere, teneatur cum periculo ipsiusmet vitæ supradicta medicamenta non adhibere, ut fœtus baptizetur; aliàs peccet contra charitatem ipsa Mater, talia medicamenta assumendo, & Medicus applicando: & rectè hoc dicit, quia præceptum charitatis illam obligat ad præferendam vitæ suæ corporali vitam spiritualem proximi extreme indigentis, qualis est puer non baptizatus. Vide Layman *lib. 3. tract. 3. part. 3. cap. 4.* Trullenchum *loco cit. mun. 4.* & Sanchez *ubi supra num. 17.* & alios, quos refert, & sequitur idem Diana, qui tandem concludit cum Lessio *lib. 3. cap. 31. dub. 6. n. 33.* quòd si tali remedio non adhibito probabile esset utrumque moriturum; eo verò adhibito probabile esset, Matrem saltem posse conservari; in tali casu posset illud licitè adhi-

Tom. I.

bere, & Medicus applicare, quia de duobus malis minus est eligendum.

10 **I**nter. 2. Peccatne mortaliter, qui suadet abortum mulieri, quæ ob vitandam infamiam, vel ne occidatur à Patre, vel alio consanguineo, parata est se occidere?

Resp. Non peccat; nam DD. communiter docent, licere consulere minus malum ad vitandum majus malum, quando totum malum removeri non potest; & quia in tali casu consulit minus malum, & removet mulierem à majori malo, ideò nullo modo peccat. Dian. *part. 7. tr. 5. ref. 39. Vide et. 46.*

Inter. 1.

11 **I**nter. 3. Si Pater esset animo firmus occidere filiam ex turpi concubitu gravidam repertam ad averteandam infamiam, potestne alter ei suadere, ut eam non occidat, sed faciat, ut abortiatur?

Resp. Licitè, & sine peccato id facere potest: & ratio est, quia tunc abortus malitia formaliter continetur in matris occisione, cum matris enecatio regulariter secum trahat animati fœtus enecationem: & sic suadens abortum, non inducit Patrem Puellæ ad malum; sed abducit à parte mali, cum eum à toto avertere nequeat. Favet Diana *part. 7. tr. 5. ref. 39.* & alii plures apud Cabrinum *part. 2. cas. 7. in Corollario. Vide et. 46.*

Inter. 1.

12 **I**nter. 4. Puella potestne sine gravi peccato procurare abortum ad hoc, ne reperiatur gravida, & à Patre, vel Fratre occidatur.

Resp. Non potest, quia alter in casu supradicto ideò potest Puellæ abortum suadere, quia dominium voluntatis Puellæ non habet, & ita si non potest à toto malo eam avertere, rectè agit, si saltem à mali parte removeat; Puella verò dominium suæ voluntatis habet, ideò potest, & tenetur suam voluntatem à toto malo culpæ abducere: aliàs ipsa mortaliter peccat peccato homicidii. Doctores communiter.

13 **I**nter. 5. Estne licitum procurare abortum pro occultando peccato, & peccatore, vitando scandalo, & infamia, & ne Puella occisionis periculo se exponat, si partus in lucem prodeat cum scandalo, infamia, inimicitia, &c.

Resp. Non licet, & omnino gravissimum peccatum est, & ubi culpa, & peccatum est, etiam levissimum, potius vitam propriam, & quodcumque bonum creatum perire tenemur permittere, quam peccatum admittere; nec sunt facienda mala, ut eveniant bona. Vide Dian. *part. 7. tract. 5.*

A 3 ref. 32.

ref. 32. & hoc procedit, etiam si fœtus non sit animatus, ut rectè docet ipse Dian. *part. 6. tract. 8. resolut. 37.* Et jam contraria sententia fuit reprobata ab Innoc. XI. die 2. Martii 1679. & est propositio 34. inter reprobata.

14 Inter. 6. Si fœmina nobilis, vel monialis cum viro peccaverint, & timent mortem, vel infamiam, vel grave scandalum; si gravidæ fiant, estne licitum procurare abortum, si fœtus nondum sit animatus?

Resp. Non desunt Auctores pro affirmativa sententia, ut videre licet apud Dianam *part. 6. tr. 8. resolut. 37.* sed negativam, & meritò docent Theſaurus in *praxi part. 2. verb. Abortus cap. 1. limit. 3.* Diana *part. 3. tract. 5. resolut. 11.* Baſſæus *verb. Abortus num. & contrarium esse improbabile tenet Candidus in Disquis. moral. tom. 2. disquis. 1. art. 2.* & ita est omnino tenendum, cum ad minus tamquam scandalosa, & in praxi periculosa, opposita sententia fuerit reprobata ab Innoc. XI. ut ego jam breviter dixi ad Inter. 5. antecedentem in hoc eodem tit. de Abortu; nam non sunt facienda mala, ut eveniant bona, & est contra ordinem naturæ impedire conceptionem fœtus; quia semen, & copula sunt instituta ad proles conceptionem, & generationem; ergo est illicitum procurare abortum, etiam ante animationem fœtus, quamquam Puella deprehensa grvida occidatur, aut infametur; nec aliter affirmari potest sub poena excommunicationis latæ sententiæ, & Summo Pontifici reservatæ, ut patet ex decreto Innoc. XI. die 2. Martii 1689. Vide Inter proximè sequentem.

15 Inter. 7. Fœminæ prægnantes procurantes abortum fœtus, præsertim animati, quam poenam incurrunt?

Resp. Certum est, quod poena excommunicationis afficiuntur, qui abortum præsertim animati fœtus procurant, ut statuit Sixtus V. in Const. infrà ad Inter. 9. referenda, & confirmavit Gregorius XIV. quam excommunicationem absolvere non possunt Confessarii, nisi ad hos casus specialiter per loci Ordinarium fuerint deputati, ut dicam ad duas ultimas interrogationes hujus tituli de Abortu. Verùm an dictam excommunicationem incurrant ipsæmet fœminæ prægnantes proprium procurantes abortum, dissensio est inter Doctores, quia Const. Sixti V. non loquitur de recipientibus potionem ad abortiendum, sed de tradentibus, vel consulentibus, vel cooperantibus, vel inveniuntibus. Tamen Bonac. de

legib. disp. 3. qn. 1. p. 4. m. 6. verius, & probabilius esse putat, hujusmodi fœminas excommunicationem incurrere, tum quia sic usu receptum, tum quia textus loquitur non solum de cooperantibus, sed etiam de ipsismet fœminis, quæ vel ut principales, vel ut sociæ, consciæ sunt talis criminis per opem, consilium, favorem, potionem &c. & ita esse sentio. Vide quæ dixi suprà ad Inter. 14. hujus tituli de Abortu.

16 Inter. 8. Fœtus quando censetur animatus?

Resp. Si loquamur de masculo, censetur animatus post quadraginta dies; si autem de fœmina, post octoginta dies; nam mas ferè animatur die quadagesimo, fœmina octogesimo: sed in dubio præsumitur masculus. Ita Sylvest. *verb. Homicidium num. 3.* Navar. *cap. 27. numer. 223.* Conradus in *Responsis cas. conf. quest. 1.* Em. Sæ. *verb. Homicidium num. 2.* & alii communiter. Sed secundum Burgasium de *irregul. part. 6. tit. de venefic. sub num. 14.* tam in mare, quam in fœmina, anima judicatur infusa, si lineamenta omnium membrorum fœtus habeat.

17 Inter. 9. Procurantes abortum, aut impediens humanam generationem, sunt ne omnes irregulares?

Resp. Dico, irregulares non esse, qui modo deformant embrionem inanimatum, nec qui propinant viro, aut mulieri potum, quo eis generandi facultas impediatur, nec qui prægnantem abortiri faciunt ante fœtum anima rationali informatum, juxta terminos Juris communis, & Sacrorum Canonum. Vide Capitulum quod videtur, *cap. Moyses 32. quest. 1.* Et *cap. sicut ex litterarum, de homic. & ea quæ dicam ad Inter. sequentem, & ad inter. 7. tituli 197.* tamen graviter peccant in dictis casibus, quamquam irregularitatem non incurrerent. Qui autem propinat potum venenosum, quo sequitur abortus creaturæ animatæ, non solum graviter peccat, sed etiam sit irregularis, & gravissimas poenas incurrat, ut patet ex constituto Sixti V. quæ incipit: *Effrenatam*, edita die 16. Novembr. 1588. quam moderavit in parte Greg. XIV. in alia sua Const. quæ incipit *Sedes Apostolica*, edita anno 1591. quando fœtus est animatus. Si verò nondum sit animatus, constitutio Sixti V. tollitur in totum, & reducitur ad terminos Juris communis, & non facit irregularem. Abortus denique fœtus animati est unus ex casibus, in quibus persona Ecclesiastica potest tradi Curie

Curia seculari punienda. Vide Moronum resp. 40. num. 6. & seqq. ubi plura ad intentum.

18 Inter. 10. Fitne irregularis, qui abortiri facit foetum, si foetus nondum sit animatus, nempe ante quadragesimum diem à die conceptionis?

Resp. Minime, nam de jure irregularitas non contrahitur, nisi sequatur homicidium, Foetus nondum vivificatus non est homo nisi in fieri, & consequenter, qui abortiri facit, non est propriè homicida, & sic neque irregularis. Ita habetur ex capis. ficut, 2. de homicidio, & docet Toletus lib. 1. cap. 76. sub numer. 5. Quod graviter peccet, in dubium revocare non licet, Bordonus in consil. Regul. resol. 45. numer. 11. & alii apud Dianam part. 7. tract. 5. resol. 8.

19 Inter. 11. Quidam Clericus dedit portionem mulieri gravidæ, ut foetus jam conceptus, & animatus abigatur, sed effectus non fuit infectus: estne censendus irregularis dictus Clericus?

Resp. Quidquid sit de poenis aliis temporalibus, de quibus hic ego non loquor, certum est, irregularitatem minimè incurrisse, quia verba legis accipienda sunt cum effectu secuto, quem Legislator punire intendit, can. ult. 13. quest. 1. & probat Navar. conf. 60. de sens. eorum. Et propterea conatus solus ad culpam non meretur poenam ordinariam legis effectu non secuto. Favet Toletus lib. 1. cap. 76. num. 6. Diana part. 7. tract. 5. resolus. 10. vers. Unde Novarius, & alii.

20 Inter. 12. Qui dubitat, an sextus fuerit animatus, debetne se irregularem reputare, vel non?

Resp. In dubio semper præsumitur scutum fuisse animatum, consequenter talis debet se tenere tanquam homicidam, tanquam obnoxium reservationi, tanquam excommunicatum, & irregularem, ac proinde abstinere debet à Ministerio Altaris. Intellige, si effectus sit secutus. Secus dicendum est de aliis poenis, quæ à Iudice solent imponi, cum poena statuta delicto certo non sit imponenda delicto dubio, sed extraordinaria, pro qualitate dubii. Vide Doctores, quos refert, & sequitur Diana part. 3. tract. 5. ref. 24. & part. 5. tract. 2. ref. 16. qui testatur de comuni, & in Sum. verb. Abortus num. 12. Barbosa de potest. Episc. part. 3. alleg. 51. num. 14. Cabrinum part. 3. cas. 7. annot. 6. numer. 18. & alios penes ipsos.

21 Inter. 13. Si adultera procuravit abortum, fitne irregularis adulter, qui suppeditavit prolem?

Resp. Adulter non dicitur causa homicidii, quia ipse suppeditavit prolem, consequenter nisi suadeat, aut adjuvet adulteram in dicto casu, non fit irregularis. Vide Bartholomæum à S. Faustino in Speculo Confess. disp. 23. quest. 8. num. 8. & Dianam part. 2. tract. 17. resolus. 55. vers. Qui assert. Alii verò dicunt, quod si illam impedire non studet, irregularitatem incurrat, quia tamquam Pater tenetur titulo justitiæ vitam servare Filio. Sed Diana part. 4. tract. 2. resol. 8. negativam sententiam tanquam probabilem defendit, & cum Lessio lib. 1. cap. 9. dub. 13. num. 94. docet, Patrem non teneri defendere vitam Filiorum lege justitiæ, sed pietatis, & officii paterni. Verum licet hæc opinio sit probabilis; mihi tamen probabilior apparet contraria, nempe teneri Patrem ex justitia vitam tueri filiis, & qui non impedit homicidium, quod tenetur ex justitia impedire, irregularitatem incurrit, ut docent Doctores communiter, quidquid dicat Diana part. 4. tract. 2. resol. 7. ergo Adulter, qui scit mulierem, prægnantem à se redditam, abortum procurare, & eam impedire non studet, irregularitatem incurrit secuto effectu.

22 Inter. 14. Quid facere debet ille, qui contraxit irregularitatem ex abortu?

Resp. Ad Summum Pontificem recurrere debet, si publicum est delictum. Verum si casus est occultus, ad Sac. Pœnitentiarum recurrendum est, Navar. cap. 2. num. 194. Conrad. de dispens. Apost. lib. 5. cap. 1. num. 3. & 13. quos allegat, & sequitur Cabrinus in suo Elucid. cas. reserv. part. 2. cas. 7. de gravitate hujus delicti. Immo Thesaurus in praxi part. 2. cap. 1. in fine observat, quod supplicans in Sac. Pœnitentia pro dispensatione super irregularitate ex abortu, debet exprimere, si erat foetus à se genitus, aliàs gratia esset subreptitia, ut patet ex stylo, & facultatibus Sac. Pœnitentiariæ, in quibus major in hoc casu ponitur difficultas ad dispensandum; & hoc docet etiam Alphonsus de Leone de censur. Recol. lib. 1. nu. 58. teste Diana part. 7. tract. 5. resol. 21. in fin.

23 Inter. 15. Potestne Episcopus dispensare in irregularitate contracta ex abortu, effectu secuto, si delictum sit occultum?

Resp. Nequaquam potest, quia cum irregularitas abortus oriatur ex homicidio vo-

huntario, ad illam non se extendit Episcopi auctoritas. Vide quæ dicam tit. 83. Inter 18. & Dianam *resol. 21. part. 7. tract. 5.* Unde non est audiendus Novarius in *Summ. Bullarum tom. 2. tit. de Abortu num. 21.* improbabiliter asserens oppositum. Sed vide Navar. *loco proximo cit.* & Layman. *lib. 3. tract. 3. part. 3. cap. 12. num. 1.*

24. Inter. 16. Qui percutit prægnantem in utero, sine intentione tamen causandi abortum, & sequitur abortus ex tali percussione, potestne Episcopus illum dispensare ab irregularitate?

Resp. Affirmat Diana *part. 7. tract. 2. ref. 30. vers.* Et idem, cum Sayro *de conf. lib. 7. cap. 7. n. 7.* & Marchino *de Sac. Ordinis tract. 2. part. 9. cap. 1. diff. 3. nu. 7.* contra Navar. *cap. 27. num. 240.* & alios. Et ratio est, quia non est homicida voluntarius; nam quod non est volitum in se, sed in causa tantum, est casuale, & consequenter integrum erit Episcopo cum eo dispensare, non solum si delictum sit occultum, sed etiam quando est publicum; prout aliis citatis tenet Diana *loco citat. resol. 31. ex Marchino.* Vide Bonac. *de conf. disp. 7. quest. 5. pun. ult. num. 9.* & Lezannam *tom. 3. verb. Irregularitas sub numer. 69.* qui ex Trident. *sess. 14. cap. 7. de Reformat.* huic sententiæ favet; nam eodem modo, eodemque verborum tenore loquitur ibi Concilium de irregularitate orta ex homicidio casuali, ac de illa, quæ oritur ex homicidio ad sui tutelam: ergo si Episcopus potest, juxta communem sententiam, in posteriori irregularitate dispensare, ita etiam in priori. Ita Marchinus *loco citat. num. 9.* & ex eo Diana *ubi supra.* Tamen ipse Diana *part. 12. in tract. de consec. Episc. resol. 104. vers. Nota nomen,* re melius considerata, suam sententiam non approbat, scilicet posse Episcopum dispensare in irregularitate ex homicidio casuali publico, nisi ad Ordines minores, & ad beneficium simplex, prout observat stylus Curie Romanæ. Sic Diana, & rectè quidem.

25. Inter. 17. Abortum foetus animati procurans, gaudetne immunitate, si sequatur effectus?

Resp. Bonac. *de legibus disp. 3. quest. 7. punct. 5. p. 3. num. 8.* negat immunitate privari, quia non dicitur verè proditoriè occidere, nisi qui per insidias, seu dolum aliquem id non prævidentem occidit; & hoc rectè probat: & ita probabilius puto cum eo tenendum, & aliis ibi citatis. Vide Dian. *part. 3. tr. 5. ref. 42. idem docentem.*

26. Inter. 18. Qui habet generalem facul-

tatem ab Ordinario absolvendi ab omnibus casibus reservatis, potestne absolvere à casu abortus foetus animati?

Resp. Non potest, quia talis actus, si effectus sit secutus, habet annexam excommunicationem, ut docent DD. Communiter, Hoc idem novissimè docet Author *Cautelæ Confessarii lib. 2. cap. 20. sub numer. 16.* Hic Romæ verò quilibet confessarius approbatus potest à dicto casu absolvere, quia solum prohibetur, ne à casibus Summo Pontifici reservatis poenitentem absolvat.

27. Inter. 19. Qui habet privilegium absolvendi ab omnibus censuris Episcopo reservatis, potestne absolvere ab excommunicatione contracta ob abortum foetus animati effectus secuto?

Resp. Non potest, quia confessarius in terminis Bullæ Gregorii XIV. quæ incipit: *Sedes Apostolica,* debet esse ad hunc casum specialiter deputatus; idem non censetur concessus nisi specificetur. Est communis sententia contra Bonac. Diana *part. 7. tract. 5. ref. 15.* & 19. Cabrinus *de casibus reserv. part. 2. cap. 7.* de gravitate hujus delicti, Cassianus à S. Elia in *Arbor. opin. moral. verb. Abortus num. 9.* & *vers. Absolutio §. 10. num. 103.* & alii apud ipsos.

Quæritur. An sit licitum suadere abortum mulieri, quæ quidem parata est se occidere, ne à Patre, vel alio consanguineo occidatur, aut mori potius, quàm cum dedecore vivere.

Resp. Non dico, esse licitum abortum procurare, ne mulier occidatur, aut infametur, quia hoc meritò reprobatum fuit ab Innoc. XI. sed probabiliter dico, quodd suadere abortum Mulieri, quæ proflus est determinata se occidere, nec est alia via dissuadendi illam, non sit abortum procurare, neque contra decretum Pontificis, quia suavis finis est mulierem avertere à majori malo patrando. Unde abortum suadens in dicto casu, nequaquam influit in effectum peccaminosum, & prohibitum, nisi indirectè, & per accideos, cum directè, & per se primò velit dumtaxat, ne majus malum committatur, scilicet duo homicidia; & sic dum scemine suadet abortum, non suadet ei malum, sed conatur eam removere à parte mali, quod habet in animum perpetrandi; consequenter ipse suadens non procurat abortum, neque cooperatur peccato illius, cum ei non suadeat malum, seu peccatum, sed solum, tali pacto, majus malum ei vitandum proponat, cum aliud

aliud remedium magis opportunum non videat in tali casu. Si autem nil ampliùs diceret, postquam sceminam conatus est removere ab utroque malo, duo quippè sequerentur homicidia majori cum icandalo, ac Dei offensa, & meritò dicere posset: Væ mihi, quia tacui; nam unicuique mandavit Deus de proximo suo. Imò qui commodè potest malum impedire, & non impedit, est ejusdem peccati reus: Ergò dicendum est, quòd nullo modo peccet qui abortum suadet Mulieri indirectè, & tanquam minus malum, si ab utroque malo eam avertere nequeat, & ipsa sit jam parata se occidere ob vitandam infamiam, vel ne occidatur à Patre, aut ab alio Confanguineo, ut breviter docui in hoc titulo *ad Immo. 2. cum Sanchez de Matrim. lib. 7. disp. 11. numer. 14* Cardin. de Lugo *de just. tom. 1. disp. 19. sect. 2. §. 2. num. 43.* Mazzucchello, & aliis, quos refert, & sequitur Diana *par. 7. tract. 5. resol. 39.* quibus subscribit Josephus Gabrinus *de cas. reserv. part. 2. cas. 7. pag. 149. in corollario*, quidquid in contrarium dicat novissimè P. Augustinus Matthæucci in *Causula Confessorii lib. 2. cap. 20. numer. 13.* cui in hoc sanè adhærere non possum, quia licèt sit verum, quòd in materia peccatorum, seu malorum moralium, non valeat dicere *de duobus malis minus est eligendum*, cum peccatum nunquam sit eligibile; & de hoc nullum est dubium: tamen dico, quòd qui dat consilium in dicto casu, potiùs permittit minus malum, quàm faciat, aut ad faciendum inducat, præsertim quando quis unum de duobus sit facturus, aut utrumque prorsus facere velit. Itaque dum quis est omninò paratus facere majus malum, licèt, & sine peccato possum illum retrahere à majori malo patrando, ut in casu nostro, & similibus, in quibus alterius suasionem, saltè à parte mali delinquens retrahi potest; ne majus malum, & peccatum committat: Siquidem in hoc casu, nisi suadeatur abortus, duplex quidem sequitur homicidium, nempe Matris, & prolis, cujus damnum jam certum est, & omninò irreparabile in utroque eventu, ejusque Mater insuper moritur in peccato mortali, & æternè damnatur. Hæc mea igitur responsio non fundatur in illo communi axiomate: *De duobus malis minus est eligendum*, ut videatur supponere idem P. Matthæucci loco cit. quia certò peccatum nunquam est eligibile: sed fundatur in eo, quòd majus malum sit vitandum in illo, cujus volunta-

tis dominium non habeo, & idè à toto malo avertere non possum; & sic rectè ago si saltè à mali parte illum removeam. Undè non perperam me docuisse memini non peccare mortaliter eum, qui parato facere majus malum, suadet minus malum, ut majus vitetur, dummodò tamen non sit damnum tertii, & damnum sit irreparabile; quod quidem in casu nostro irreparabile puto. Denique insuper dico, quòd si aliquis extra confessionem sciat, hujusmodi Mulierem velle se interficere, nec posse diverti, & dubitet rationabiliter de iactura vitæ foetus, debet potiùs illi innocentem ex charitate subvenire, curando, non obstante secreto naturali, ut Juxda ponat in tuto vitam foetus, & Matris, ab offensione parentum: Et ita faciendum est, si adest tempus, & commodè fieri possit; nam mea responsio militat, quando nullum aliud suppetit remedium in dicto casu, prout de facto suppono.

TITVLVS IV.

De Absolutione à Censuris.

Vide tit. de Val. Abs.

18 **I**Nter. 1. Ad quid tenetur Confessorius, qui à censuris malè absolvit penitentem, ex eo quia talem facultatem non habebat?

Resp. Tenetur, ac debet ipsum penitentem, licèt absens, absolvere, obtenta priùs facultate à Superiore absolvendi à censuris: & ratio est, quia absolutio censurarum ferri potest in absentem, ignorantem ac etiam existentem in peccato mortali. Tolet. *lib. 1. cap. 14. sub num. 3.* & alii passim ita docent. Vide Bonac. *de Cens. disp. 1. §. 3. pun. 4. nu. 4.*

29 Inter. 2. Absolutio generalis à Censuris, & dispensatio ab irregularitatibus, quæ communiter solet dari à Prælati Regularium in Capitulis, Visitationibus, & certis festivitatibus, ad quid infervit & prodest?

Resp. Infervit, & prodest Religiosis in foro interno animæ, saltè pro Censuris, & irregularitatibus dubiis & oblitis, seu ignoranter incurtis. Ita Ledesma *de Statu Religiosis in tom. cap. 4.* Peyrinus *tom. 1. privileg. Minim. in Constitut. 1. Julii II. Lezana tom. 1. par. 1. cap. 18. nu. 93.* qui etiam valdè probabiliter putat, insuper valere pro censuris &

ris & irregularitatibus certis, ac manifestis, occultis tamen, & in foro conscientiae dumtaxat. Et quia absolutio à censuris potest dari absenti, & ignorantis, ut dixi ad Inter. præcedentem cum Toletio & Bonac. quos ibi adduxi, tenent etiam Reginaldus, & Avila apud Lezanam tom. 2. verb. *absolutio num. 16*. Ideò probabile est, illam absolutionem valere itidem absentibus, & distantibus, posito, quòd Superior talem intentionem habeat. Tandem in dicta absolutione generali solet concedi à Superiore facultas omnibus Confessariis Conventus, & Religionis, ut valeant & possint à reservatis suos ejusdem Ordinis Religiosos penitentes absolvere. Vide Lantulf. in *Theatr. Regul. verb. absolutio n. 14*.

30. Inter. 3. Qui obtinuit facultatem absolvendi à calibus reservatis, potestne etiam absolvere à censuris?

Resp. Quando quis obtinuit facultatem absolvendi à calibus Papalibus, potest etiam absolvere à censuris Papæ reservatis; quia casibus omnibus, qui sunt Papæ reservati, annexa est aliqua censura, ut docent Navarrus, & Vivaldus, quos refert Victorius apud Emman. Sæ verb. *casus reservati num. 2*. qui sic inquit: Concessis casibus Papalibus intelliguntur etiam censuræ. Vide etiam Toletum lib. 3. cap. 14. num. 2. Verùm si obtinuit facultatem ab Episcopo absolvendi à casibus, quos ipse reservat, nequit absolvere à censuris, quia casus, & censuræ, apud Episcopum sunt res distinctæ, & diversæ, & à diversis non valet illatio. Ita Navar. in man. cap. 27. num. 261. Sanchez in sum. lib. 2. cap. 11. num. 1. & alii, quos sequitur Bonac. de censur. dispus. 1. quest. 3. punct. 1. numer. 1. Sed vide quæ dicam titul. 7. Interrog. 347. 7.

31. Inter. 4. Quinam sunt casus, in quibus Metropolitanus potest absolvere à censuris latis à Suffraganeis?

Resp. Est communis sententia, non posse Archiepiscopum absolvere à Censuris latis à suffraganeis, vel à Papa, quia in subditos suffraganeorum non habet jurisdictionem. Verùm dantur aliqui casus, in quibus Archiepiscopus judicare potest subditos suffraganeorum, & hi sunt tres, Primus, quando facta fuit appellatio apud Archiepiscopum, & cognitum fuit, de appellatione, & vocatæ fuerunt partes. Secundus est, quando Episcopus suffraganeus malitiosè, aut negligenter differt absolutionem. Tertius est, quando visitat Diocesim; nam tunc ratione officii, ordinariam

facultatem habet ab absolvendum. Ita Pluribus relatis probat Bonac. de censur. disp. 1. quest. 3. punct. 2. nu. 7. Vide Dianam par. 7. tract. 2. resolut. 7. & Armillam verb. *Absolutio num. 50*.

32. Inter. 5. Quisnam potest absolvere ab excommunicatione à Jure imposita, quando nemini est reservata?

Resp. Episcopus, Capitulum Sede vacante, Abbas, & Prælati Religiosorum nam hi omnes, cum habeant jurisdictionem in utroque foro, jure ordinario absolvere possunt sibi subditos à censura juris nemini reservata. Ita docent Doctores omnes cum D. Thoma in *Addit. quest. 24* & 21. teste Diana par. 5. tract. 9. resol. 5. & deducitur ex cap. Nuper, §. in 2. casu de sint. excomm. & licet ibi solum fiat mentio de minori excommunicatione, ratio tamen assignata currit etiam de excommunicatione majori, & ubi est eadem ratio, est eadem juris dispositio. Imò docent quamplurimi Doctores, quos sequitur Diana loc. cit. posse Parochum, & quemlibet alium Confessarium approbatum absolvere à tali excommunicatione, non jure ordinario, sicut Episcopi, cæterique Prælati habentes jurisdictionem quasi Episcopalem, sed ex commissione à Summo Pontifice facta in prædicto cap. Nuper; & hanc sententiam docet etiam Toletus lib. 1. cap. 16. numer. 2. & inter alios citat Sanctum Thomam in 4. disp. 18. quest. 2. art. 5. Vide etiam Bonac. de censur. dispus. 1. quest. 3. punct. 1. num. 10 idem docentem, modò non adsit in aliqua Diocesi peculiaris prohibitio absolvendi à censuris.

33. Inter. 6. Excommunicatus ab uno Episcopo, potestne absolvi ab alio, in cuius Diocesi jam residet, & habet domicilium?

Resp. Oportet distinguere, vel est excommunicatus per generale sententiam, vel per sententiam particularem; in primo casu potest absolvi ab Episcopo. Vide Bonac. de censur. dispus. 1. quest. 3. punct. 1. num. 7. In secundo autem casu non poterit absolvi, nisi ab eo, à quo excommunicatus fuit, quia causa est incepta, & ad illud pertinet causæ, & litis consummatio, & consequenter est ei singulariter reservata illa censura. Ita Suarez de censur. disp. 7. sect. 2. numer. 19. & 26. Coninchus de sac. dispus. 14. dub. 16. numer. 258. Layman. de censur. tract. 5. pars. 1. cap. 7. numer. 4. & alii quos sequitur Diana par. 5. tract. 9. resolut. 8.

Inter.

34 Inter. 7. Titius, dum versabatur in alieno Episcopatu, contraxit quandam excommunicationem ibidem per statutum impositam, potestne absolvi, dum redit in patriam, à proprio Episcopo?

Resp. Dico, quòd Titius, dum perpetravit delictum in alia Diocesi, in qua est imposita excommunicatio contra tale delictum perpetrantes, non potest absolvi à proprio Episcopo, quia ratione delicti est subditus illius Episcopi, ubi delictum commisit, & ab illo solum potest absolvi; & ita decernitur in iure, ut non nisi Episcopus ille absolvere possit, in cuius Diocesi deliquit, quia ratione criminis illius in illa causa Titius delinquens factus est subditus illius Episcopi. Habetur ex cap. *proposuisti de foro compet.* & docet Diana ex Fabro p. 5. tract. 9. resol. 9.

35 Inter. 8. Sacerdos, qui in excommunicationem incidit, absolvendo absque facultate à casibus reservatis, potestne ab Episcopo absolvi vigore Concilii Trident. sess. 24. de reform. cap. 6. aut à Prælo Regulari, si fuerit sibi subditus dictus Sacerdos?

Resp. Negant aliqui apud Dianam mox adducendum, & asserunt, ita declarasse Sacram Cardinalium Congregationem: oppositum tamen ex Beja, Finellio, Homobono, Suario, & Peregrino resolvit Diana pars 3. tract. 4. ref. 73. Idemque docet Bonac. de Sacram. disp. 5. quest. 7. pun. 5. § 2 & in tract. de Censur. quest. 3. pun. 2. num. 4. substat, per decretum Clementis VIII. non esse revocationem privilegii Episcopis concessum in Trident. quare putant, vigore Concilii posse Episcopum à dicta excommunicatione absolvere, dummodò occultum sit delictum. Mihi verò prima sententia placet, tum ob clausulam revocationis in Decreto Clementis VIII. tum etiam propter ea, quæ dicam infra tit. 25. ad Inter. 2. & tit. 115. ad Inter. 4. An verò possint Prælati Regulares absolvere sibi subditum, vide tit. 175. ad Inter. 2. nã privilegia Regularium non censentur revocata, nisi in novis reservationibus Papalibus addit clausula irritans specialiter huiusmodi privilegia Regularibus concessa.

36 Inter. 9. In quibus casibus potest Episcopus absolvere ab Excommunicatione contracta ob percussione Clerici, sine onere se præsentandi Summo Pontifici, vel ejus Legato?

Resp. Quando quis habet impedimentum perpetuum; nam quando impedimen-

tum est perpetuum, tunc Episcopus potest absolvere impeditum, non imposito onere se præsentandi Summo Pontifici, aut ejusdem Legato, quia impossibile nulla est obligatio. Quòd si excommunicatus potest adire Legatum, aut alium habentem privilegium ad absolvendum à censura reservata, tunc non potest Episcopus absolvere, quia tunc cessat necessitas, à qua ortum habuit facultas absolviendi facta Episcopo, ut bene docet Leander part. 4. disp. 17. allegans plurimos DD. Vide quæ dicam tit. 83. ad Inter. 17. Item potest Episcopus absolvere Clericos viuentes in Seminariis, vel Cathedralibus inferiutes, percutientes se ad inuicem percussione etiam gravi, sed non enormi, sine onere se præsentandi Summo Pontifici, &c. habetur ex cap. *Quoniam de vita & honestate Clericorum*. Item pariter potest absolvere sine dicto onere impuberes doli capaces ab hac censura. Diana pars. 9. tract. 2. resol. 68. Imò potest etiam absolvere pueros, qui ante annos 14. Clericum, quamvis grauitur, percusserint, etiam postquam compleuerint annum decimum quartum ætatis, ut docet Alloza verb. *excommunicatio facti*. 8. numer. 5. & alii communiter.

TITULUS V.

De Absolutione à Peccatis.

Vide tit. de Confl. Int. ult. tit. de Dub. Inter. 13. tit. de Val. Abs.

37 Inter. 1. Potestne Confessarius absolvere Concubinarium, aut Usurarium manifestum?

Resp. Dico primò, non posse Concubinarium absolvere, quotiescumque adest periculum recidendi, & si non vult Concubinam abiicere, quia non est contritus. Can. *legatur 24. quest. 2*. Nam vera poenitentia non est sine excisione causarum peccandi, cap. *satisfactio de poenitentia dist. 3*. Dico 2. quòd nec Usurarium manifestum potest, aut debeat absolvere, nisi restituerit, vel de restituendo cautionem idoneam dederit, cap. *Quamquam de usuris in 6*. In articulo tamen necessitatis extreme, si cautionem facere nequit, potest Confessarius eum absolvere, Can. *si quis de poenit. dist. 7*. Item si Usurarius non esset soluendo, nec inueniret cautionem, tamen cum juramento potest absolvi; sed ad vitandum scandalum, bonum

bonum est hoc fieri de licentia Episcopi. *Vi-*
de Siluest. *verb. Cencubinariorum sub numer. 2. &*
verb. Usura 9 sub numer. 18. Usurarius verò ma-
nifestus qui dicatur, docet ipse Siluest. *Ibi-*
dem numer. 1. Emanuel Sà *verb. Usura numer. 7.* qui
alios refert, & iterum Emanuel Sà *verb. Con-*
fessio n. 32.

38 Inter. 2. Quæ, & quot sunt conditio-
nes, quas debet habere Confessarius ad hoc,
ut licite absolvere queat?

Resp. Sunt quinque, scilicet Scientia, Prudentia, Bonitas, Potestas, & Sigillum. Verum est tamen, quòd potestas Ordinis, & Jurisdictionis, ordinaria, vel delegata, est necessaria simpliciter. Ita docent DD. communiter. Vide Armillam *verb. Confessor, n. 1. & seq.*

39 Inter. 3. Quid tenetur scire Confessarius, ad hoc, ut licite possit confessiones audire, & pœnitentes absolvere?

Resp. Tenetur scire differentias peccati venialis, & mortalis, & quæ sint communiter peccata mortalia ordinaria, & circumstantiæ mutantes speciem, Censuræ, & Casus reſervati, & habere principia, quibus dubitet de reliquis, ac consulat Viros doctos; non enim tenetur omnia scire, cum hoc sit impossibile. Tolet. *lib. 3. cap. 15. nu. 1. &* docent communiter DD. Vide Bonac. *de Sac. disp. 5. quæst. 7. pun. 4. § 2. n. 7. & 8.*

40 Inter. 4. Si Confessarius certò sciat, aliquem scisse peccatum mortale, ipse verò non se accuset de eo, imò à Confessario interrogatus, neget; potestne talis Confessarius dictum pœnitentem absolvere?

Resp. Dicunt aliqui Doctores, quòd non debeat, nec possit illum absolvere, quia censetur indispositus; tamen dicendum est, quòd si Confessarius prudenter poterit sibi persuadere, quòd apud alium Confessarium sit confessus, possit ac debeat eum absolvere: Rationes, & Doctores pro utraque parte refert Diana *par. 3. tr. 4. ref. 105.* Vide etiam Bonac. *de Sac. disp. 5. q. 7. pun. 5. § 2. n. 23. & seq.*

41 Inter. 5. Quando Confessarius debet aliquem sub conditione absolvere, sufficitne si conditio in sua mente sistat, aut est verbis exprimenda?

Resp. Non est necesse, quòd verbis exprimat, sed sola mente potest apponi. DD. communiter docent.

42 Inter. 6. Confessarius potestne à peccato absolvere pœnitentem excommunicatum, quem ab excommunicatione absolvere nequit?

Resp. Silvester. *verb. Confessor 3 num. 12.* cum D. Thom. & aliis, docet, quòd non: & ratio est, quia omnis excommunicatus, etiam minori excommunicatione, est privatus participatione Sacramentorum passiva; & hæc est communis sententia Theologorum, Canonistarum, & Summistarum, teste eodem Silv. Vide ea, quæ dicam ad *Inter. sequentem, nec non in tit. 88. ad Inter. 2. & in tit. 222. pariter ad Inter. 2. præcipuè verò in tit. 230. item ad Inter. 2.* Unde non est audiendus Diana *par. 3. tract. 4. ref. 78. ubi vers. Et omnia*, habet, validam esse absolutionem impensam à Confessario illi pœnitenti, quem scit habere peccata, quæ annexam habent excommunicationem, licet ipse Confessarius potestatem non habeat absolvendi à tali censura; siquidem communis sententia docet, quòd excommunicatione non ablata, invalida sit absolutio?

43 Inter. 7. Potestne absolutio peccatorum impendi excommunicato, qui prius ab excommunicatione non fuit absolutus?

Resp. Minimè, nam Sacerdos non potest excommunicatum absolvere à culpa, & à peccatis, nisi prius fuerit ab excommunicatione absolutus, quia excommunicatus non est particeps Sacramentorum Ecclesiæ. Tolet. *lib. 3. cap. 10. n. 1. &* est communis sententia. Vide Armillam *verb. Excommunicatio 95. propè finem.*

44 Inter. 8. Peccatne Sacerdos, quoties mutat formam absolutionis, sed ista mutatio est tantummodò accidentalis, & remanet idem sensus, eademque significatio?

Resp. Peccat quidem, nam quilibet tenetur se communi usui Ecclesiæ accommodare. DD. communiter.

45 Inter. 9. Si Confessarius mutet tantum accidentaliter formam absolutionis, peccatne mortaliter, vel venialiter?

Resp. In hoc non conveniunt Doctores. Suarez, Cochinchus, & alii, putant peccare mortaliter. Sotus autem, Valentia, & alii plures, dicunt venialiter. Utrumque est probabile; tamen melius est servare formam consuetam ad vitandum peccatum, quòd displicet Deo, licet sit veniale.

46 Inter. 10. In quò casu potest unus Sacerdos plures pœnitentes eodem tempore absolvere?

Resp. Si ingruente procella, grassante peste, vel sæviante prælio, aut incendio, Confessarius audit multos alta voce aliquid peccatum confitentes, posse, imò & debere,

bere, aut saltem expedire simul eos absolvere, dicendo: Ego vos absolvo à censuris, & peccatis vestris, in nomine Patris &c. docent communiter DD. teste Leandro à Sanctissima Trinitate *par. 1. tra. 7. §. disp. 2. quæst. 33.* Quia in hoc nulla est implicantia, sicut non est in eo, quod quis unica asperione multos baptizet, dicendo: Ego vos baptizo in nomine Patris &c. ut docet Sanctus Thom. 3. *par. quæst. 66. ar. 5. ad 5.* & alii apud Dianam *par. 5. tract. 3. resolut. 27.* Vide etiam Bonacin. *de Sacram. disput. 5. quæstion. 5. sect. 2. punct. 2 §. 3. diffie. 4. num. 17.* & P. Remigium à S. Cath. in suo *Extrac. moral. de Sacrament. Pœnit. num. 49.*

47 Inter. 11. Parochus, vel alius Confessarius potestne tempore pestis audire aliqua peccata, & confessione non finita moribundum absolvere.

Resp. Doctores pro utraque parte sentientes refert Diana *par. 5. tract. 3. resolut. 74.* ipse tamen tenet cum illis, qui asserunt, quod extusatur Confessarius ab audienda integra confessione, ex qua sibi mortem timeret; sed hæc opinio cum duplici limitatione est intelligenda: prima pro illis, qui necdum tanta charitate ardent, ut periculum vitæ corporalis pro majori quiete spiritali proximi adire audeant, ut docet Chapeavilla *de Sacram. pœnit. quæst. 26. in fine:* secunda, casu quo Confessarius in excipiendo confessionem integræ alicujus inirmi detineretur, & alii sine confessione morerentur. Ita tradunt Villalobos, & Joan. de la Crux in *Direct. casu conf. part. 2. de Sacram. de pœnit. quæst. 3. dub. 5. conclus. 3.* apud eundem Dianam loco cit. ubi plura videre poteris ad intentum. Verum Bonacin. *de Sacram. disp. 5. quæst. 5. sect. 2. §. 3. diffie. 4. num. 12.* sic habet: Quando infirmus laborat morbo contagioso & Confessarius non potest ipsum etiam à longè absque periculo audire, diutius immorando in peccatis audiendis, Confessarius potest auditis aliquibus peccatis absolutionem statim impendere: & pro se citat Vasquez, & Coninchum: & ratio est, quia confessio integrè faciendâ est, quando moraliter fieri potest absque damno notabili pœnitentis, vel Confessarii. Vide Victoriam in *sum. sit. de confessione num. 165.*

48 Inter. 12. Potestne quilibet Sacerdos absolvere à peccatis ex eo quod habeat potestatem Clavium, scilicet ligandi, & solvendi?

Resp. Non quivis Sacerdos, præciso mor-

tis periculo, à peccatis absolvere valide potest; nam in Sacerdote requiritur, præter potestatem Ordinis, potestas jurisdictionis, ut constat ex Concil. Trident. *sess. 14. de pœnitent. cap. 7.* sicque non potest quis alicquem absolvere, vel ligare, nisi super eum habeat jurisdictionem ordinariam, vel saltem delegatam; & sicut nemo potest absolvi, nisi à proprio Sacerdote, vel ab eo, cui ipse licentiam dederit, ut decernitur *cap. omnis de pœnit. & remis.* ita etiam non omnis Sacerdos exercere potest usum Clavium, seu jurisdictionis potestatem, sed hi dumtaxat, qui oves proprias habeat, vel sibi commissas à proprio Sacerdote. Sylv. *verb. Confessor. 1. numer. 1.* Bonacin. *de Sacram. disp. 5. qu. 7. sect. 5. pun. 1. num. 1. & præsertim numer. 8. & alii communiter.*

49 Inter. 13. Potestne quivis simplex Confessarius absolvere à peccatis Sacerdotem, qui ob delictum præteritum fuit suspensus à celebratione pro tanto tempore, vel ad arbitrium Superioris?

Resp. Quamvis simplex Confessarius non debeat absolvere à peccatis, nisi prius pœnitens sit absolutus à Censuris; tamen in casu proposito certò potest ipsum absolvere, & ratio est, quia dicta suspensio non est propriè censura, sed pura pœna vindictiva delicti præteriti, & ad illud puniendum inflicta principaliter fuit, non in emendationem, & ob contumaciam, & consequenter non habet rationem censuræ, quæ debet esse medicinalis, & solum instituta ad tollendam contumaciam, ut docent Doctores communiter. Vide Suarez *de censur. disput. 25. sect. 1. num. 2.* Moronum *Resp. 18. num. 6. & 7.* Lezauam *tom. 1. verb. suspensio num. 6. propè finem,* Gabriel. à S. Vincentio *de censur. disput. 5. num. 11. & seqq.* Andreæ à Mare Dei *tom. 2. Theol. mor. tract. 10. de cens. cap. 5. punct. 1. num. 6.* Bonac. *de cens. disput. 1. quæst. 1. pun. 3. num. 20. & disp. 3. pun. 1. sub num. 2. & alios apud illos.* Item quando Clericus ob delictum jam perpetratum priuatur Officio, & Beneficio in vindictam commissi criminis, talis priuatio non habet rationem Censuræ (quamvis priuatur Diuinis Officiis) sed solius pœnæ vindictivæ, ut ait ipse Bonacin. citat. *num. 20.* Ergo &c. Ultrà quod notandum est, suspensum ab Officio, licet non possit Sacramenta ministrare, posse tamen Sacramenta recipere, item & Indulgentias, & sepeliri in loco Sacro. Quan-

Quando verò quis est suspensus à perceptione Sacramentorum, tunc non potest Sacramenta recipere sine gravi peccato, & consequenter Confessarius non potest illum absolvere à peccatis, dum actualiter peccat petendo absolutionem à peccatis, antequam sit à suspensione absolutus ab habente auctoritatem; & sic in illo casu dumtaxat, non potest simplex Confessarius absolvere suspensum, nisi fuerit prius à suspensione liberatus, sive absolutus; nam militat eadem ratio de excommunicato, ut dicam, *tit. 230 ad Inter. 2.*

50 Inter. 14. Possuntne simplices Sacerdotes, qui non sunt ab Ordinario approbati, absolvere à venialibus, ac etiam à mortalibus peccatis aliàs rite absolutis?

Resp. Sententia affirmativa erat plausibilis, & recepta inter non infimæ notæ Doctores; sed nunc stante Decreto Sac. Congregationis publicato die 15. Februarii 1679. oppositum dicendum est omnino, excepto dumtaxat mortis periculo, in quo quilibet simplex Sacerdos potest absolvere (absente tamen approbato Confessario) quemlibet in mortis periculo constitutum.

51 Inter. 15. Qui dubitat, an aliquem in honore, fama, aut fortunæ bonis læserit, potestne à Confessario absolvi, antequam satisfaciatur parti læsæ?

Resp. Dico, quòd sic, durante tamen, & non deposito tali dubio, & dummodò paratus sit animo ad satisfaciendum, cum sibi moraliter de debito constiterit; nam illa regula Juris, *Quòd in foro externo nullus solvere cogatur, antequam monstretur esse debitor*, etiam in animæ judicio locum habet, ut rectè resolvit Gabrinus in *Elucid. cas. refer. par. 1. resol. 135. vers. non places*, & pro se citat Lessium, Sotum, & Layman *lib. 1. tract. 1. c. 5. nu. 31*. Idem enim est iudicium fori externi, & interni, quando forum externum non nititur falsa præsumptione, ut docent Doctores communiter.

52 Inter. 16. Potestne absolvi, qui non dolet de peccato, quia per illud Deum offendit, sed propter vitandam pœnæ Inferni, ut si diceret: si non essent pœnæ Inferni, non curarem Deum offendere?

Resp. Certè talis absolutione non est dignus, quia tunc ille dolor neque attritio est, & consequenter neque idoneus dolor ad iustitiam impetrandam cum Sacramento. Unde meritò asserit Sotus *distinct. 19. quest. 3. art. 2.* quòd non auderet absolvere dicentem se non pœnitere propter Deum.

Vide Sà *verbo Confessio in fine*.

53 Inter. 17. Hic actus verbi gratia, doleo ex animo, quòd non satis doleam de meis peccatis, quibus offendi Deum, sufficitne pro obtinenda absolutione Sacramentali?

Resp. Sufficit quidem, dummodò coniungatur cum proposito non peccandi de cætero, quia est actus attritionis. Emanuel Sà *verb. Contritio mun. 5.* & alii. Tamen hoc intelligi debet, si ly satis designet, quòd doleat se non habere tantum dolorem, quantum exigeret offensà Dei; nam si ly satis significet se non habere dolorem sufficientem ad Sacramenti validitatem, certè non fit validum Sacramentum.

TITULUS VI.

De Absolutione à Reservatis.

Vide tit. de Valid. Absol.

54 Inter. 1. Potestne simplex Confessarius pœnitentem à non reservatis absolvere, & postea illum ad Superiorem pro reservatis transmittere?

Resp. Posita necessitate, vel rationabili causa, utique potest. Unde qui est obstrictus necessitate communicandi, vel celebrandi, ad vitandum grave damnum, vel scandalum, vel gravis infamiae periculum, potest tali Confessario simplici confiteri peccata, tam reservata, quàm non reservata; nam directè à non reservatis, indirectè verò à reservatis poterit absolvi, cum onere tamen, & obligatione adeundi Superiorem pro absolutione reservatorum. Tolet. *lib. 3. cap. 8. sub num. 3.* & alii passim ita docent, & præsertim Bonac. de *Sacrament. disp. 5. q. 7. punct. 5. § 3. num. 6 8. & 19.*

55 Inter. 2. Quando Episcopus, seu Ordinarius injustè denegat facultatem absolvendi à reservatis, potestne, hoc non obstante, Confessarius à reservatis absolvere?

Resp. Pœnitentem absolvi posse, docent nonnulli; nam in tali eventu dicunt esse iudicandum, ac si Superior esset absens; tamen non est recedendum à communi sententia, nempe non posse, quia etiam injusta denegatio facultatis valida est, sicut valida censetur injusta reservatio. Bonac. de *Sacram. disp. 5. quest. 7. punct. 5. §. 2. numer. 20.* & alii plures.

56 Inter. 3. *Quam pœnam incurrit absolvens aliquem à casibus Episcopo reservatis, secluso articulo, aut probabili mortis periculo?*

Resp. Non solum peccat mortaliter, & nulla est absolutio, sed præterea incidit in excommunicationem, ac incurrit privationem omnium Officiorum, Dignitatum, & Beneficiorum, inhabilitatemque audiendi confessiones, & ad quæcumque officia ipso facto absque ulla alia declaratione, super quibus à nemine, quam à Romano Pontifice, præterquam in mortis articulo, absolutionem impetrare potest, ut patet ex decreto Clementis VIII edito die 9. Januarii 1601 cum ejusdem Pontificis moderatione facta die 26. Novembris 1602. & ex decreto Pauli V. sub die 7. Januarii 1617. quo confirmatur, & innovatur præfatum decretum Clementis cum sua moderatione, non obstantibus privilegiis; & tandem ex alio decreto Urbani VIII. de anno 1628. die 17. Novembris, quo prohibetur Regularibus facultas absolviendi à casibus reservatis in Bulla Cœnæ, & à casibus reservatis Ordinariis locorum, itidem non obstantibus privilegiis obtentis, & obtinendis Vide Mirandam in *manual. tom. 1. quest. 46. art. 2.* Lezanam *tom. 1. par. 1. cap. 19. nu. 16.* & 17. Barbosam de *Officio Parochi cap. 19. num. ult.* Dianam *par. 3. tract. 17. ref. 30. & par. 3. tract. 2. ref. 13.* & præsertim *par. 11. tract. 2. ref. 18.* §. *sed quidquid*, Bonac. *tom. 1. de Sacram. disp. 5. quest. 7. pun. 5. §. 2. n. 14.* & *tom. 3. disp. 2. q. 9. punct. 5. nu. 16.* Aufonium in *summa Diana verb. Absolvere num. 33.* & *verb. Regulares nu. 37.* & alios penes ipsos; Diana verò *par 3. tract. 4. ref. 73.* notat, quòd ad incurrendas pœnas prædictas non satis est absolvere à reservatis, absque facultate, sed necessaria est præsumptio in absolvente, ut patet ex ipsis verbis decreti; unde absolvens sub spe rati habitationis, vel ex inconsideratione, aut ignorantia, non tamen crassa, aut affectata, non incidet in excommunicationem &c. ita Diana, & est communis sententia. Vide, quæ dicam ad Inter. sequentem, & iterum *Dian. par. 10. tr. 13. ref. 22. vers. sed propterea*, ubi refert per extensum quoddam Epistolam S. Congreg. de mandato Innoc. X. directam Archiepiscopo Neapolitano.

57 Inter. 4. *Qui audet, seu præsumit absolvere à casibus clare, vel dubie contentis in Bulla Cœnæ Dom. vel aliàs Summo Pontifici, vel locorum Ordinariis reservatis, quam pœnam incurrit?*

Resp. Qui absolvit à casibus quomodolibet Papæ, vel Episcopo reservatis, sine licentia,

& hoc faciat scienter ex malitia, & præsumptione, incurrit ipso facto in excommunicationem Summo Pontifici reservatam, ut patet ex decreto Sac. Congregationis Em. Cardinalium super negotiis Episcoporum, & Regularium, emanato de speciali mandato Clem. VIII. die 9. Januarii 1601. & ex declaratione illius edita die 26. Novembris 1602. quam invenies apud Finellum de *cas. reserv. cap. 6.* Vide Mirand. *tom. 1. quest. 46. ar. 2.* Bonac. *tom. 3. de cens. in particulari, disp. 2. q. 22. pun. 7. n. 17.* & 18. Lezan. *tom. 1. par. 1. cap. 19. n. 15.* & *seq. & tom. 2. verb. Casus reserv. num. 4.* Dian. *par. 2. tr. 17. ref. 30. par. 3. tr. 2. ref. 13. par. 10. tr. 14. ref. 8.* Aufon. in *sum. Dian. verb. Absolvere n. 33.* & *verb. Casus reserv. n. 1.* & *verb. Regul. n. 37.* & Cutillum in *append. ad practicum 3. Jacobi Mancini dub. 3.* Nota tamen, quòd ad incurrendam excommunicationem non sufficit ignorantia etiam crassa, sive juris, sive facti, quia tertur dumtaxat contra præsumentes absolvere, quod verbum denotat requiri scientiam in absolvente, ut plerique tradunt Doctores, teste Diana *par. 3. tract. 2. ref. 13. vers. Nota quarto*. Dico ergo, quòd quando pœna lata est contra scienter violentes, aut præsumentes, etiam ignorantia crassa, & supina excusat transgressorem à censura. Sanchez de *precept. Decalogi lib. 2. cap. 10. nu. 38.* Qui tamen bene subdit, non excusare ignorantiam affectatam, aut adeo crassam, ut esset quasi scientia, & ingens temeritas, ut aliis citatis probavit idem Sanchez de *matrim. tom. 3. lib. 9. disp. 32. n. 39.* & 40. Vide Bonac. de *censu, disp. quest. 2. pun. 1. n. 11.* & 12. Dian. *par. 3. tract. 5. ref. 13.* §. *Notandum*, & *tract. 6. ref. 17.* & *par. 5. tract. 9. ref. 17.* §. *Notandum*. Imò etiam de ignorantia affectata id esse verum probabiliter putant Bonac. Diana, & alii apud ipsos.

58 Inter. 5. *Quando quis dubitat, an casus sit reservatus, vel non, potestne à simpliciori Confessario absolvi?*

Resp. Dico cum Emanuel Sæ *verb. casus reservati num. 5.* quòd casus in dubio non Presumitur reservatus, quia pœnæ sunt restringendæ; consequenter potest absolvi à quolibet Confessario tanquam non reservatus, ut pluribus relatis docet Portellus in *dub. Regul. verb. casus reserv. num. 7.* cui subscribit Diana *par. 4. tract. 3. ref. 4.* Lezan. *tom. 2. verb. casus reservati nu. 14.* & alii multi, quos refert, & sequitur Cabrinus in *Elucidar. cas. refer. par. 1. ref. 9.* & 10. Vide etiam Bonac. de *Sac. disp. 5. quest. 7. pun. 5. §. 4. nu. 2.* ubi ait, quòd qui dubitat se homicidium commisisse, vel complexisse peccatum aliquod reservatum, ut copulam incestuosam, sodomiam cum seminis emissionem

in

in vase sœdissimo &c. non debet censeri reservatione innodatus, ac proinde a quolibet Confessario absolvi potest. Idem aliis relatis docet idem Cabrinus, ubi suprà *resol.* 10. qui latè hanc pertractat difficultatem, & etiam ad objecta respondet. Notandum est tamen, hanc doctrinam intelligendam esse dumtaxat, dum sit sermo de casibus ab Episcopis reservatis: Casus autem Bullæ Cœnæ dubiè, vel clarè, semper sunt reservati, ut docet *Lezana tom. 2. verb. Casus nu. 14.* & alii communiter. Item quando dubium esset, an percussio Clerici esset levis, vel gravis, credendum est, esse gravem, juxta Extravagantem quandam, quam refert Navar. in *man. cap. 27. num. 91.* teste *Lezana* loco cit. Et hoc ego puto verum, quidquid in contrarium alii apud Cabrinum ubi suprà, quos ipse sequitur, sentiant, dum dicunt, quod quando dubitatur, utrum percussio Clerici sit levis, aut mediocris, aut gravis, judicari debeat levis: tamen dicendum est, quando dubitatur, an percussio sit levis, vel gravis, vel mediocris, judicanda est gravis, ut patet ex Extravagan. *perlectis* apud Navar. Sayrum, Molinam, & Philarcum, quos dat, & sequitur Bonac. *de censur. disp. 2. quest. 4. pun. 5. sub num. 8.*

59. Inter. 6. Quando Confessarius petit facultatem ab Episcopo pro una persona absolvenda a casibus reservatis, potestne illa facultate uti pro sua persona?

Resp. Dico, quod in illa facultate petita ab Episcopo comprehenditur etiam ipse petens, si petat sic: Est quædam persona, quæ indiget vestra auctoritate, placetne vobis illam dare? Secus autem si diceret: Rogo te, ut des facultatem pro una persona: & ratio nostra est, quia non tenetur seipsum prode- re, ultra quod in generali sermone comprehenditur etiam persona ipsa, quando loquens concepit in persona alterius. Ita ex Florono, Villalobos, & Leone, firmat *Diana part. 8. tract. 7. ref. 91.* qui idem docuerat *par. 3. tract. 4. ref. 142.* Vide Cabrinum *de casibus reserv. par. 1. resol. 20.*

60. Inter. 7. Qui obtinuit à Sede Apostolica facultatem absolvendi ab omnibus censuris, potestne absolvere à reservatis contentis in Bulla Cœnæ, aut Episcopo loci reservatis?

Resp. Nec validè, nec licitè potest absolvere, non obstante quocumque privilegio, quia in generali concessione non veniunt ea, quæ non esset quis verisimiliter concessurus in specie, juxta regulam 18. juris in 6. præterquamquod ita decrevit Clem. VIII. in suo de-

creto, quod incipit, *Sacr. Congregatio*, sæpè cit. & docet Bonac. *de Sarram. disp. 3. quest. 7. pun. 5. §. 2. num. 14.* & habetur ex Constitutione Clementis X. quæ incipit, *Superna*, edita anno 1670. ergo ab hac responsione non est recedendum. Vide Cabrinum *de casib. ref. p. 1. ref. 38. & 40.* qui luculenter firmat, ut dixi. Vide suprà *ad Inter. 3. in 4. de absolutione à censuris.*

61. Inter. 8. Quomodo se gerere debet Confessarius circa penitentes habentes casus reservatos, quos ipse nequit absolvere?

Resp. Debet penitentem ad Superiorem remittere, vel ipse Confessarius petat facultatem à Superiore, qua possit penitentem absolvere. Ita docent Doctores communiter. Vide Bonac. *de Sacr. disp. 5. q. 7. §. 2. pun. 5. num. 18.*

62. Inter. 9. Mortuo, vel amoto Episcopo ab Episcopatu, potestne quisvis Confessarius absolvere à casibus, qui Episcopo erant reservati?

Resp. Emanuel Sà *verb. Absolutio n. 20.* affirmatiuè respondet; hoc tamen limitant alii, & dicunt esse intelligendum de casibus, quos Episcopi sibi reservant, non verò de illis, qui de jure sunt reservati ipsis Episcopis. Ita Quaranta apud *Lezanam tom. 1. par. 1. cap. 19. nu. 17. in fine*, Viualdus in *Candelab. tit. de absolut. verb. casus Episcopo reservati à jure num. 10.* Mendo *Epit. opin. moral. verb. reservati casus nu. 43.* Dicendum est igitur, quod quando casus sunt reservati à jure, vel à consuetudine, aut per statuta Diceclana, seu in constitutionibus Synodalibus reperiuntur inserti, tunc eorum reservatio cum sit à jure, & vim, & firmitatem retineat etiam post mortem Episcopi, vel ejus amotionem ab Episcopatu, ac proinde absolutio petenda sit à successore, aut à Capitulo sede vacante. Ita ex Gavan. Pialecio, & aliis, firmat *Diana part. 4. tr. 4. ref. 108* Vide Mendo *ubi sup. verb. Episcopus nu. 5. & 6.* Cabrinum in *Elucidario cas. ref. par. 1. ref. 37.* Aufonium in *sum. Diana verb. reservata num. 2.* Casus verò, qui à jure sunt Episcopis reservati, sunt quinque, aut sex, ut videre licet apud citatos Auctores, & apud Navarr. in *Man. cap. 27. num. 256.* Quamvis Mendo loco proxime cit. num. 4. asserat, quod de facto nulli casus ipso jure reservati sint Episcopis, nisi quos ipsi reservant, quia reservati olim, jam per contrariam consuetudinem consentientibus Episcopis sunt abrogati.

63. Inter. 10. Qui constitutus Superiore, vel alii habenti facultatem supra reservata, si obli-

obligatur reservata confiteri, poteritne deinde ab illis absolvi à simplici Confessario?

Rsp. Maximè, quia tunc desinunt esse reservata, Sylvest. verb. Confess. 1. numer. 7. Navar. cap. 26. numer. 14. Emanuel Sà verb. Casus reserv. numer. 7. & alii communiter. Vide etiam Bonac. de Sacram. disp. 5. quæstion. 7. punct. 5. §. 5. numer. 5.

64 Inter. 11. Confessarius simplex, qui non habeat facultatem absolvendi etiam à reservatis, potestne absolutionem impendere iter agentibus, aut peregrinis habentibus casus reservatos proprio ipsorum peregrinorum Episcopo.

Rsp. Si in Diocesi, ubi Confessarius excipit confessiones, non sint casus reservati, potest illos absolvere, quia Confessarius non tenetur scire casus aliis Episcopis reservatos, tum etiam quia reus iudicari solet juxta leges, & consuetudines loci, in quo reperitur. Navar. in man. cap. 27. numer. 275. Suarez de penitent. disput. 30. sect. 1. num. 4. & alii plures, quos dat, & sequitur Bonacin. de Sacram. disp. 5. quæst. punct. 5. §. 2. num. 9. His tamen non obstantibus dicendum est, hoc esse verum, modò præfati iter agentes, & peregrini, id non faciant consulto, & data opera in fraudem reservationis, ut bene decernitur in const. Clem. X. quæ incipit *Superna*, edita Anno 1670. Par enim non est, ut fraus, & dolus eis patrocinetur.

65 Inter. 12. Potestne simplex Confessarius absolvere Peregrinum habentem casum reservatum in loco, ubi constituitur; sed non reservatum Episcopo proprii domicilii?

Rsp. Minimè potest eum absolvere, nisi habeat facultatem absolvendi à reservatis, quia Peregrini iudicari debent juxta leges loci, in quo reperiuntur, ut docent Navar. ubi supra num. 261. & Suarez loco citat. numer. 15. quibus subscribit Bonac. loco sup. cit. num. 10. & 11. Quæ ratio militat à fortiori si Peregrinus habeat casus reservatos utrique Episcopo.

66 Inter. 13. Quilibet Sacerdos valetne absolvere à casibus, & censuris quamlibet prægnantem?

Rsp. Quando non potest haberi copia Superioris, & scemina primum partum sit editura, vel alios difficiles atque periculosos parus experta sit, & jam doloribus partus sit correpta, potest à quolibet Sacerdote absolvi; nam censetur in probabili mortis periculo constituta: & in hoc omnes Doctores conveniunt, ut videre licet apud Dianam

Tom. 4.

part. 3. tr. 4. ref. 72. & par. 5. tract. 3. ref. 63. Cabrinum. par. 1. resol. 82. & alios, quos dat, & sequitur Pasqualig. de privileg. eorum qui in peric. mortis constituntur, quæstion. 4. numer. 6. Ubi præterea num. 7. docet, non omnes prægnantes proximè parituras censendas esse in periculo mortis, ut quidam putant; sed solum prægnantem, quæ est primò proximè paritura, aut si aliàs peperit, experta est cum periculo parere, aut licet assueta sit feliciter parere, tamen de præfati subest talibus circumstantiis, ut rationabiliter mors timeatur. In his ergo casibus à quolibet Sacerdote potest absolvi; quod quidem est valde notandum, ne in praxi Sacerdotes fallantur.

67 Inter. 14. Quædam nobilis puella habet casum reservatum, & non potest sine nota infamiae adire Superiorem, aut non se communicare illa die, potestne Confessarius simplex illam absolvere?

Rsp. Dicunt quidam, quòd Confessarius possit illam absolvere indirectè à reservatis, & directè à non reservatis, cum onere comparandi per se, vel per Confessarium eoram Superiore pro absolutione reservatorum, ut docui supra ad Inter. 1. hujus tituli de absolutione à reservatis, cum Bonacin. de Sacram. disput. 5. quæst. 7. punct. 5. §. 3. nu. 6. 8. & 9. & aliis ab ipso relatis. Nunc verò invenio Dicastrum de Sacram. tom. 2. tract. 8. disp. 11. dub. 17. num. 305. quem sequitur Diana par. 11. tract. 8. resol. 49. docentem, probabiliter credi posse, illud peccatum pro tali casu non esse reservatum, quia potestas Prælati, & exercitium illius, semper sit, & præsumatur esse in ædificationem, non in destructionem Animarum, & quia in eo casu reservatio potius cederet in damnum, quàm in bonum Animæ penitentis, non censetur Superior exercuisse suam potestatem reservandi absolutionem pro illa occasione, quando ex reservatione gravissima damna sequerentur, & tanti Sacramenti frequentia, quam posset habere, privaretur, imò Communionis frequentia, ad quam etiam non posset accedere, nisi urgente necessitate propter impedimentum illius peccati reservati. Itaque voluntas credita, vel præsumpta Superioris ex parte Superioris, qua tale peccatum hic, & nunc ab inferiori Sacerdote possit absolvi, non est voluntas illa præsumpta, aut ratihabito, seu interpretativa, quia censetur velle hic, & nunc, ut tale peccatum, quod reservatum est, absolvat; talis enim voluntas nulla est, nec eam Superior significat actu, ut virtute illius cen-

B

sea-

seatur inferior habere jurisdictionem; sed est duplex, alia voluntas Superioris, altera, quæ contulit Confessario potestatem generalem absolvendi omnia peccata, ad quæ non pertingat reservatio; & alia voluntas Superioris reservantis, quæ non censeatur reservare peccata pro casibus tantæ necessitatis, sed se continere citra illam occasionem. Quibus duabus voluntatibus sic probabiliter præsuppositis, & præsumptis, censeatur libera, & expedita facultas ad absolvendum ab illis peccatis, quæ extra illam occasionem censerentur reservata. Hæc Dicastillus, qui postea prosequitur hanc doctrinam, confirmando alia ratione, ex qua Diana ad dubium propositum affirmativè respondet. Ego autem priorem sententiam, quam, ut dixi, supra docui, amplectendam esse sentio, præcipuè nè his subtilibus interpretationibus paulatim infirmetur reservatio casuum.

68 Inter. 15. Si Episcopus reservaret absolutionem alicujus excommunicationis Summo Pontifici, possetne hoc non obitaute Metropolitano in casibus sibi permittis eam elargiri?

Resp. Dicendum est, posse Metropolitano in casibus jure permittis absolvere, non obstante illa reservatione facta per Episcopum Papæ; nam licet talis reservatio tollat ipso facto potestatem absolvendi vigore renunciationis factæ, non potest tamen præjudicare Metropolitano; quia, etsi valeat quis renunciare favori, vel juri suo, non tamen in alterius præjudicium, ut rectè ex Novario contra Campanili firmat Diana *part. 3. tract. 4. resol. 11*; 8. quibus calculum meum adjungo.

69 Inter. 16. Qui habet facultatem absolvendi ab omnibus casibus Sedi Apost. reservatis, potestne etiam ab omnibus casibus Episc. reservatis?

Resp. Nequaquam affirmari potest stante Const. Clem. X. in qua oppositum approbatur.

70 Inter. 17. Teneturne Episcopus, vel alius Superior, facultatem absolvendi a reservatis, toties quoties opus fuerit, ac semper concedere?

Resp. De rigore non tenetur. Verum est tamen, quod debet se faciliem ad concedendam ostendere, ut ait D. Thomas, cœterique Doctores.

71 Inter. 18. Potestne committi facultas absolvendi a reservatis cuilibet Confessario indifferenter, & sine discrimine?

Resp. Potest a Superiore committi, tamen generaliter committenda non est, nisi Viro scientia, ac prudentia prædito. Unde pro gravioribus peccatis, quæ reservari solent, deputari non debent, nisi qui inter alios sunt doctiores, peritiores, ac ad id munus aptiores, ut ipsamet ratio docet.

72 Inter. 19. Qui habet facultatem ab Episcopo absolvendi a casibus reservatis, potestne illam alteri subdelegare?

Resp. Non eandem facultatem alteri committere valet sine expressa Episcopi licentia, quia delegatus ad nudum ministerium non potest subdelegare. Verum in aliquo casu particulari occurrente, si petatur ab eo facultas absolvendi alicumque cum tali casu reservato, potest quidem tunc illam concedere inferiori Confessario, ut poenitentem absolvat ab illo casu; sed hoc intelligo de illis Confessariis, quibus ratione dignitatis, vel officii committitur generalis absolvendi facultas a casibus reservatis, ut sunt Vicarii Episcopi, etiam foranei, Poenitentarii maiores in Cathedralibus, & etiam alii, quibus ab Episcopo delegata est facultas ad universitatem causarum, scilicet absolvendi a reservatis; nisi tamen sit privilegium personale, nempe ob ejus doctrinæ, vel prudentiæ prærogativam; nam tunc esset electa industria personæ, quæ subdelegari non potest. Ita resolvunt Piascius in *praxi Episcop. par. 2. cap. 1. numer. 15*. Riccius in *praxi fori Eccles. par. 1. resol. 419. numer. 1*. Zecula in *praxi poenitent. c. 25. question. 17*. & in *praxi Episcop. par. 1. verbo Poenitentarii question. 4*. Finellius de *casibus reservatis cap. 9. nu. 11*. Homobonus de *casibus reservatis part. 1. cap. 5*. & alii, quos refert, & sequitur Diana *part. 2. tract. 17. resol. 53* quibus addo Gabrinum de *casibus reservatis par. 1. resol. 36*. qui bene addit, nisi aliam esse Superioris delegantis voluntatem constet. Ideo vide illum, si non vis errare.

Quer. 1. An Prælati Regulares possint absolvere suos subditos a casibus Bullæ Cœnæ, & quid dicendum sit de Episcopis?

Resp. Nullo modo posse Prelatos Regulares absolvere ab hæresi externa occulta suos subditos, jam fuisse declaratum à Sacra Congregatione die 17. Novembris 1628. testatur Diana *par. 1. tract. 5. resol. 6*. & *par. 2. tr. 2. resol. 122*. idemque affirmat Lezana *tom. 1. par. 1. cap. 18. numer. 38*. ubi præterea contra nonnullos asserit, neque posse absolvere sibi subditos a casibus Bullæ Cœnæ, hæresi exco-

excepta: & hoc quidem puto tenendum, quidquid aliqui in contrarium dicant apud Dianam *par. 3. tract. 2. resolut. 72.* qui etiam pro hac nostra sententia plures Doctores refert, licet ipse nolit suum interponere iudicium; tamen Bordonus penes Lezanam ubi *suprà*, cum Sygismundo de Bononia, Naldo, Vecchio, Cruce, Sorbo, Tamburino, Zarnardo, ac etiam Diana, firmat, nullatenus posse Prælatos Regulares absolvere suos subditos à casibus Bullæ Cœnæ; & hanc sententiam puto veriore, maximè propter præfatam S. Congregationis declarationem, quam per extensum refert idem Diana *par. 8. tract. 7. resolut. 50. §. sed hanc doctrinam*, ubi expressè comprehenduntur etiam alii casus, qui in Bulla Cœnæ continentur. Imò *part. 10. tract. 13. resolut. 32.* adducit quandam Epistolam Sac. Congregat. sub Innocent. Decimo, directam ad Archiepiscopum Neapolitanum, ex qua sanè apparet, hanc nostram sententiam esse secundum stylum, & praxim Romanæ Curiae: Nec obstat, si dicatur præfatam prohibitionem absolviendi esse intelligendam in ordine ad Sæculares personas, non autem in ordine ad Regulares, quia respondetur cum Angelo à Lantusca in *Theatr. Regular. verb. casus reservati numer. 2. in fine*, semper standum esse stylo curiæ. Vide ergo quæ dicam in *sit. 102. de Hæresi, & Hæresicis, ad Inter. 5. & Pat. Augulinum Matthæiucium in Causula Confess. lib. 1. cap. 3. numer. 28.* Ratio verò huius nostræ sententiæ est, quia Papa in publicatione Bullæ Cœnæ, quæ sit quolibet anno, communiter derogat omnibus privilegiis, & facultatibus absolviendi à casibus, & censuris in ea expressè nominatis, ita quòd nec Episcopi possunt ab illis absolvere, ut docet Bonacina *de cens. dispus. 2. quæst. 5. punct. 2. numer. 8. & tom. 3. de cens. in pars. dispus. 1. quæstion. 22. punct. 2. numer. 3. & 3. & 23.* quibus in locis plures Doctores pro hac sententia refert, & ad objecta respondet. Idem docet Tolet. *lib. 1. cap. 30. numer. 3. & cap. 41. numer. 7.* Emanuel Sà *verb. Episcopus numer. 27.* Lezana *tom. 3. verb. Bulla Cœnæ à numer. 54. & 55. & verb. casus reservati numer. 28.* Imò in *verb. Bulla Cœnæ loco citat* addit, & benè, quòd opposita sententia, etsi plurium Doctorum, tamen parùm tuta, aut secuta sit in praxi. Ergo hæc nostra cum sit conformis usui, ac stylo Curiae Romanæ, vera, ac tuta omninò censerì debet. Unde Passerin. *de elect. can. cap. 26. numer. 51.* efficaciter eam probat, & solidis fundamentis ostendit, nec Prælatos Re-

gulares, nec Episcopos posse his temporibus suos subditos validè absolvere ab hæresi, & ab aliis casibus in Bulla Cœnæ contentis. Verùm quid faciendum sit in tali casu, quo nec per privilegia, nec per Bullam Cruciatæ, nec per Episcopum quis absolutionem obtinere potest, docent idem Lezana ubi *suprà* in *verb. casus reservati numer. 24.* Dian. *part. 1. tract. 5. resolut. 4.* Lantusca *loco citat. eodem verb. numer. 4. & ego in tit. 102. de Hæresi, & Hæresicis, ad Inter. 6.* Longum quidem esset hic recensere quod ibi dicimus; ideò non te tædeat consulere ea loca indicata.

Quer. 2. An Confessarius possit absolvere alterius Episcopi subditum, qui ob locutionem cum Monialibus in propria Diocesi contraxit excommunicationem occultam suo Episcopo reservatam?

Resp. Licet hæc excommunicatio, qua est talis pœnitens innodatus, fuerit lata per statutum, aut ab homine per sententiam generalem; tamen quia est illi Episcopo reservata, non potest relaxari, nisi ab eo, vel ejus successore, vel delegato: ergo si talis pœnitens non sit in articulo, aut in mortis periculo constitutus, à nullo alio Confessario potest absolvi, quia excommunicatione non ablata, invalida est absolutio. Nemo enim potest absolvi à peccatis, antequam absolvatur ab excommunicatione, tam majori, quàm minori, ut docent Doctores communiter: nam excommunicatus, etiam occultus, est privatus susceptione Sacramentorum: Nec relevat, si dicatur, quòd in Diocesi Confessarii non sit lata pœna excommunicationis contra alloquentes Moniales; nam sufficit, ut Confessarius sciat prohibitionem sub pœna excommunicationis factam ab Ordinario Pœnitentis contra alloquente, Moniales in sua diocesi, & quòd talis excommunicatio sit ei reservata; generaliter enim excommunicatus in una Diocesi, aut in una Ecclesia, est excommunicatus ubique locorum, ut colligitur ex *cap. Cura. 11. quæst. 3.* & docet Abbas in *cap. Pastoralis numer. 18. de appellat.* apud Toletum *lib. 1. cap. 11. sub numer. 7.* Itaque ex defectu jurisdictionis nequit dictus Confessarius absolvere à peccatis subditum alterius Episcopi, in cujus Diocesi delinquendo excommunicationem reservatam contraxit: neque bona fides pœnitentis suffragatur, dum ad Dioecesim Confessarii se transferat devotionis, aut negotiationis gratia, & non in fraudem, quia bona fides operatur dumtaxat, ut absolvi possit à reservatis,

non autem ab excommunicatione reservata, cum tum ratione domicilli, tum ratione commissi criminis, semper dicatur subditus sui Episcopi, ideoque sine ejus facultate ab excommunicatione liberari non potest. Casus autem reservati non prohibentur absolvi, si poenitens non accedat in fraudem reservationis, & dummodo Confessarius non sit in sua Diocesi prohibitus ad absolvendum; nam reservatio non est poena, sicuti est excommunicatio, quæ quidem absolvi non potest, nisi cum licentia Superioris, qui illam tulit: quapropter absolutus in articulo, seu periculo mortis, si convalescat, omnino ad obediendum tenetur se præsentare suo Superiori, & si non obediit, ob illud peccatum inobedientiæ, incidit in excommunicationem eodem modo reservatam, ut erat illa, super qua fuerat absolutus, ut alibi dixi, & tradunt Doctores communiter. Ergo non est eadem ratio de peccatis reservatis, ac de censura; nam pro reservatis non tenetur comparere, bene tamen pro censura, à qua fuit absolutus, & ideo habet onus se præsentandi, cum primum poterit, ut satisfaciatur Ecclesiæ, & congruam medicinam recipiat: Ex qua doctrina satis colligitur, non posse Confessarium absolvere poenitentem alterius Episcopi subditum ab excommunicatione, quam contrahit alloquendo moniales sine debita licentia, etiam si ad eum accedat bona fide, quia tam ipse, quam Episcopus poenitens, æqualem, aut diversam auctoritatem haberent, unus scilicet ligandi, alter verò absolvendi, unus imponendi poenam, alter relaxandi, unus prohibendi, alter contemnendi præceptum; quod est absurdum asserere. Vide *cap. Nuper de sentent. excomm.* ubi loquitur de excommunicatione nemini reservata, quæ potest à quolibet Confessario absolvi. Ergo secus dicendum est, quando est Superiori reservata. Hanc sententiam sustinuit olim perdoctus, & in scriptis amicissimus, & Rev. P. Abbas Magnonus Canonicus Regularis Lateranensis, à me nunquam satis laudatus, in cujus gratiam ego etiam hæc breviter scripsi.

TITULUS VII.

De Accusationibus, & protestatione in illis.

Vide titul. de Denunciation. ad Quæst. vis. de Homicid. Inter. 6. tit. de Iudiciis. Inter. ultim. tit. de Prælat. reg. Inter. 28. tit. de Quæst. subd. reg. Inter. 1. tit. de Regul. Eccl. Inter. 54. tit. de Testib. Eccl. tit. de Vxor. Inter. 1. 2.

73 Inter. 1. Quam poenam incurrunt Clerici, & Laici accusantes aliquem apud Judicem in causa sanguinis?

Resp. Ecclesiastici prohibentur accusare aliquem apud Judicem Sæcularem, quando agitur de poena mortis infligenda à Judice propter tale delictum, de quo est accusatus: habetur ex *cap. Sententiam sanguinis, nō Clerici, vel Monachi*, ubi glossa sic ait, Clericis prohibentur omnia illa, ex quibus sequitur, vel sequi potest vis amissio, vel sanguinis effusio; colligitur etiam ex *cap. Postulasti de homicid. cap. Prælati eodem tit. in 6.* Itaque tam Clerici, quam Laici accusantes aliquem in causa sanguinis, secuta morte, vel mutilatione, sunt irregulares, *cap. penult. de homicid. in 6. Covar. in Clement. 1. de homicid. pars. 2. §. 5. & alii communiter*. Verum est tamen, quod irregularitas, quæ contrahitur à Laicis, dicitur ex defectu lenitatis; quæ autem contrahitur à Clericis, dici potest ex delicto, quia ipsis prohibitum est accusare, non verò Laicis. Vide Bonac. *de censur. disp. 7. quæst. 4. punct. 2. numer. 1. & seqq.* Lezanam *tom. 2. verb. Accusare numer. 18.* Sed hoc intelligendum est, quando accusant aliquem petendo vindictam, & non, ut dicetur in sequenti Responsione.

74 Inter. 2. Fitne irregularis, qui accusat, vel denunciat aliquem in criminibus dignis morte, non petendo vindictam, sed solum satisfactionem, vel interesse sibi debitum?

Resp. Minimè, sed debet protestari, quod non intendit poenam mortis, vel sanguinis. Ita pluribus relatis firmat Bonacin. *loco cit. numer. 3. & testatur de communi, & colligitur ex cap. Prælati 2. de homicid.* quod per extensum refert Lezana *ubi supra numer. 18. in fine*. Vide Cajetan. *2. 2. quæstion. 33. artic. 7. Novar. cap. 27. numer. 213.* & alios penes Lozanam. Ita etiam non sunt irregulares Clerici, aut Laici, si præmissa protestatione accusant alterum pro damno illato suis dome-

domesticis, aut ita conjunctis, ut injuria illorum per consequentiam aliquo modo ipsum accusantium censetur. Layman. lib. 3. de iustis, tract. 3. part. 3. cap. 7. assert. 5. numer. 5. & alii apud Bonacin. numer. 4. Lezana loco citat. numer. 19. & alii plures, quos refert, & sequitur Diana part. 4. tract. 2. resolut. 33. Præterea potest Clericus, si præmittat protestationem, siue posponat illam post accusationem, modò ante sententiam protestetur, se non intendere mortem, & non habere affectum ad homicidium, vel mutilationem, potest, ut dixi, accusare etiam iniustum damnificatorem suæ Ecclesiæ, aut suorum subditorum, vel ad evitandum grave damnum innocentis, vel Reipublicæ, quando aliter tale damnum impedire non possit. Vide præcitatios Doctores, à quibus plura haberi possunt ad intentum. Vide infra in hoc titulo Inter. 7.

75. Inter. 3. Protestatio debetne fieri, quando quis accusat aliquem apud Judicem Ecclesiasticum de crimine poena mortis digno?

Resp. Necessaria non est, & consequenter fieri non debet, quia cap. Prælati de homicidio in 6. solum dicit, necessariam esse, quando penes Judicem Seculare sit depositio criminis; ultra quòd Judex Ecclesiasticus non potest imponere penam sanguinis, & licet tradat Reum brachio Sæculari, tamen non per hoc dicitur concurrere ad mortem, & ita nec accusator. Suarez de cens. disp. 47. sect. 2. n. 18. Naldus in Sum. verb. Irregularitas nu. 11. Cornejo apud Lezan. ubi sup. n. 19 & alii communiter.

76. Inter. 4. Qui omittit protestationem ex oblivione in causa criminis morte digni, incurritne irregularitatem secuta morte?

Resp. Qui ex oblivione, vel inadvertentia non protestatur, ut supra, &c. licet excusetur à peccato, tamen irregularitatem incurrit ex defectu lenitatis, sed non ex delicto. Ita ex Sayro, & aliis, docet Bonacin. de irregul. disp. 7. q. 4. par. 2. n. 8.

77. Inter. 5. Incurritne irregularitatem, qui iuste accusat aliquem, præmissa protestatione facto animo, scilicet interius desiderando vindictam, & sanguinem?

Resp. Navar. in Manual. cap. 27. numer. 226. Sylvest. verb. Homicidium num. 2. quæstion. 8. Tolet. lib. 1. cap. 86. numer. 5. & alii, quos dat, & sequitur Bonac. ubi suprad. numer. 11. dicunt quòd non incurrat: & ratio horum est, quia protestatio facta tantum valet apud Judicem ignarum fictionis, quantum valeret, si ex

Tom. I,

animo, & non sciret fieret, tum etiam quia in textu nulla fit mentio alicujus intentionis interioris, sed solum exterioris protestationis: ergo cum sumus in materia odiosa, & pœnali, benigniorem partem amplecti debemus: Ita etiam tenent Suarez, & Cornejo apud Lezanam tomo 2. verb. Accusare sub numer. 19. tamen ipse Lezana, licet dicat hoc esse probabile, putat, quòd oppositum in praxi consulendum sit propter auctoritatem Doctorum oppositum sentientium; & restat quidem.

78. Inter. 6. Quomodo debet fieri protestatio coram Judice, apud quem deponitur querela, & debetne fieri in scripto?

Resp. Non est necesse, quòd fiat in scripto, sed potest fieri sola voce, dicendo sic, vel similibus verbis: Domine, peccato cures mihi satisfactionem, vel restitutionem exhiberi ab ipso, qui mihi damnum intulit, protestorque me nullas rationes intendere mortem, penam sanguinis, vel mutilationem illius. Ita colligitur ex cap. 2. de Homicidio in 6. & docet Bonacin. loco citato numer. 9. Lezana ibidem, & alii penes ipsos.

79. Inter. 7. Possuntne dari aliqui casus, in quibus Clericus excusetur ab irregularitate, accusando alium de crimine, etiam non præmissa protestatione?

Resp. Certò dari possunt, ut asserunt Bonac. supra numer. 7. & Lezana verb. Accusare num. 20. & alii. Primus est, quando crimen, de quo accusat, est adeò leve, ut Reus non sit dignus morte, vel mutilatione; nihilominus Judex pro sua malitia, vel ignorantia illum condemnat ad mortem; tunc enim non Accusator, sed Judex censetur causa efficax mortis. Secundus est, quando ipse Clericus accusat de re gravi aliquem, & postea in carcere constitutus, propter aliorum accusationes damnatus est morte. Et hoc verum est, quando non potuit prævidere illud periculum. Tertius, quando accusat ad vitandum grave damnum innocentis, vel Reipublicæ; nam tenetur in tali casu ex charitate, vel iustitia accusare delinquentem si non possit damnum imminens alio modo impedire. Denique quando petit satisfactionem sibi debitam dumtaxat, non verò vindictam; sed in hoc casu debet protestari, quòd non intendit poenam sanguinis; & etiam postea sequatur, eamque certò securam præviderit, non sit irregularis, ut dixi supra in hoc eodem titulo ad Inter. 2.

80. Inter. 8. Quid est conjuratio, & conspiratio, & debetne admitti conjuratores, &

B 3 con-

conspiratores ad denunciandum, accusandum, vel testificandum?

Resp. Conjuratio est multorum simul juratio, & contingit, quando aliqui Rebelles auctoritate in unum se colligendo, juramenta in se dederunt, *cap. si qui Clericorum 1. quest. 1.* Conspiratio importat idem sine juramento; nam hæc duo pro eodem crimine accipiuntur, ut patet *ex cap. coniurationum 11. quest. 1.* Est autem conspiratio, quædam fraudulenta confederatio facta in præjudicium alicujus personæ, vel dignitatis, *cap. si quis laicus 22. quest. 5.* Conjuratio, & conspiratio aliquando potest esse licita, & illicita; unde si aliqui conjurant, aut conspirant in unum, quod de se est bonum, vel saltem non malum, tunc dicitur licita, ut si Canonici conspirent de non parendo Episcopo Excommunicato, vel non eligendo indignum &c. Si verò conjurant, ut rebellent Prælato, vel obedientiæ, & hujusmodi, dicitur conjuratio, vel conspiratio mala, & illicita, estque peccatum mortale. Colligitur *ex cap. Petitis vestra de jurejurando*, & ibi Panormitanus numer. 2. In dubio autem, an sit licita, vel illicita, semper præsumitur mala, & illicita, secundum Innocentium, & alios, quos refert, & sequitur Sylvest. *verb. Confraternitas*, ubi loquitur etiam de conjuratione, & conspiratione. Omnis igitur conjuratio, vel conspiratio, ut plurimum damnabilis est, præcipue contra Clericos, & Religiosos. Et est adeo gravis hæc culpa, ut conspiratores audiendi non sint, utpotè infames; deducitur *ex cap. Conspiratores 3. quest. 4. & cap. coniurationum 11. quest. 1.* ac proinde repelluntur ab accusatione, denunciatione, & testimonio ferendo contra quem conspiraverunt. Gloss. in *cap. Constitutionem de verborum significat. in 6.* & jura ibi citata. Vide infra ad Interrog. 11. tit. 220.

8r Inter. 9. Si quis dixerit, Confessarium Confessionem revelasse, ille verò neget, vel se quidem aliquid dixisse fateatur, sed neget se illud per Confessionem habere; cui in tali casu probandi onus incumbit?

Resp. Generaliter loquendo, onus probandi semper incumbit auctori, seu accusatori. Unde quando id quod apponitur Confessario, vel à penitente, vel à tertia persona non constat, & Confessarius non sit convictus, aut non sit confessus, cæteris paribus præsumendum est in favorem Confessarii, estque absolvendus, cum non sit illi minus credendum, quam aliis. Si verò

Confessarius dixerit, se quidem aliquid dixisse, sed neget illud per Confessionem habere, tunc ipse docere tenetur, aliunde illud se habuisse; alias præsumptio esset contra ipsum, ut patet *ex cap. placuit 6. quest. 2.* licet non debeat puniri pœna ordinaria, sed arbitraria, quia non aperte convincitur. Vide Sylvest. *verb. Confess.* 3. numer. 5. qui pro hac sententia refert Hostiensem, Panormitanum, & Ricardum. Item de hac re vide Dianam *part. 5. tract. 11. resolut. 25.* qui ut semper solet, plures Doctores cumulat ita recte sentientes, quos Judices Ecclesiastici in casu contingenti videre poterunt, & præsertim Facundez *part. 2. lib. 6. cap. 5. num. 10.*

82 Inter. 10. Qui capit furem, vel alium malefactorem, suæ utilitatis, vel defensionis causa, & illum tradit, vel indicat Judici, sitne irregularis, si Judex illum ad mortem condemnet?

Resp. Si præmissa protestatione, quod non intendit, ut deveniatur ad pœnam sanguinis, id faciat, certò non fit irregularis, licet Judex ad illam deveniat. Ità habetur in *cap. Prælati de Homicidio in 6.* Vide Toletum *lib. 1. cap. 86. numer. 3.* & ego jam dixi *suprà in hoc tit. ad Interrog. 1.* Verum ad vitandam irregularitatem in foro conscientie, oportet, ut ei displiceat, quod Judex procedat ad dictam pœnam; si enim ei placet, licet sit protestatus, in foro conscientie irregularitatem incurrit, ut dixi etiam in *hoc tit. ad Inter. 5. in fine*, & docent plurimi Doctores apud Dianam *part. 4. tract. 2. resolut. 75.* licet alii oppositum sentiant. Vide Tolet. *ubi supra numer. 5.* pro hac nostra sententia.

TITULUS VIII.

Ac Adoratione.

Vide *tit. de Papa &c. Inter. 1. tit. de Simul Inter. 2. 3. tit. de Superst. Inter. 1.*

83 Inter. 1. Quid, & quotuplex est adoratio?

Resp. Sanctus Thomas. 2. 2. *quest. 84. art. 1.* ait, quod adoratio est exhibitio reverentiæ propter excellentiam, cui exhibetur, seu, ut dicunt alii, quos refert Bonacin. *de præcept. decalog. disput. 3. question. 1. punct. 1.* adoratio est actus, quo unus alteri se submittit, vel alterum honorat in recognitionem ipsius excellentiæ. Adoratio verò est triplex, scilicet

scilicet una Latriæ, quæ debetur Deo ob in-
creatam excellentiam; alia est Dulæ, & de-
betur Sanctis ob perfectionem creatam, &
tertia denique dicitur Hiperdulæ, quæ de-
betur Beatissimæ Virgini ob ejus excellen-
tiam, qua reliquos Sanctos antecellit. Vi-
de Sanctum Thomam 2.2. *question. 103. ar. 3.*
& 4. & alios Doctores, quos refert, & se-
quitur Bonacina *loco supracit. puncti. 1. per
totum*, & Cassianum à Sancto Elia in *Arbor.
opin. moral. verb. Adoratio, §. 1. num. 1. &
num. 5.*

84. Inter. 2. Viri probi in hoc mundo, &
post ipsum mortem, possuntne licitè adori-
ari, si nondum relati sunt in numerum
Sanctorum ab Ecclesia?

Resp. Proculdubio multi homines viven-
tes propter ipsorum sanctitatem, & excel-
lentiam digni sunt honore, & adoratione in
hoc mundo, & post mortem etiam licitè
adorari possunt, quamquam in Catalo-
gum Sanctorum nondum à Summo Ponti-
fice sint relati: sed cum hac limitatione,
non publicè, sed privatim adorandi sunt,
videlicet ex privata, & peculiari devotio-
ne colentis; non autem nomine Ecclesiæ,
& tanquam ab Ecclesia ut Sancti nobis de-
clarati. Duplex est enim cultus, unus di-
citur privatus, qui non exhibetur tanquam
institutus ab Ecclesia, neque nomine Eccle-
siæ; alter dicitur publicus, & solemnus,
& hic non ideo dicitur talis, quod coram
aliis exhibeatur, sed quia desertur tanquam
institutus ab Ecclesia, & nomine Ecclesiæ.
Itaque possumus licitè cultu privato tales
homines justos colere, & adorare, licet nobis
certò non constet, ipsos esse Sanctos; nam
in *cap. final. de Reliquiis, & veneratione San-
ctorum*; prohibemur hujusmodi Sanctos pub-
licè adorare, & ideo à contrario sensu vi-
detur illos privatim adorare esse permittum.
Ita ex Sanchez, Azorio, & aliis, docet Bo-
nacina *ubi sup. punct. 2.* ubi plura videri possunt
ad intentum. Vide etiam Lezan. *tom. 3. verb.
Sanctorum cultus n. 1. & n. 5. & tom. 1. p. 1. c. 12.
num. 40.*

85. Inter. 3. Quid licet, & minimè pro-
hibetur faciendum circa adorationem hu-
jusmodi virorum, qui ex hac vita migraverunt
cum fama, vel opinione Sanctitatis, vel
Martyrii, & quid non licet, & est expressè
prohibitum?

Resp. Dico primò, licere illos privatim
vocare Sanctos; sed in Concionibus ab hu-
jusmodi appellatione abstinendum est. Eo-
rum imaginem in domibus depingi, retine-
ri, & coli non est prohibitum; sed non po-

test exponi in templo, vel in Altari, nisi
fortè causa ornatus cum aliis imaginibus,
scilicet Pontificum, Imperatorum, Regum,
Patronorum &c. absque tamen laureolis, ra-
diis, vel splendoribus. Item eorum reli-
quias retineri possunt, & osculari, etiam in
aliorum præsentia, dummodò scandalum
absit; non licet tamen distas Reliquias pub-
licè venerandas proponere, aut Altaria,
vel Cappellas ipsis dedicare; nec privatim,
nec publicè in Litanii, divino Officio, aut
in Missa illos invocare, neque licet institue-
re publicum festum, aut publicum jeju-
nium, vel votum publicum in die Sancti
nondum canonizati; quamvis liceat in die
natalis ejusdem, prætermisiss operibus ser-
vilibus, operam dare spiritualibus in ipsius
memoriam, vel ei votum offerre, in ejus
vigilia jejunare, etiam si alii hoc scient. Di-
co secundo, Urbanus Octavus in generali
Congregatione Sancti Officii die 4. Aprilis
1625. tres præcipuas actiones prohibet in
casu nostro: prima est, ne quis imagines illo-
rum proponat cum laureolis, radiis, vel
splendoribus, nec illos apponat in Eccle-
siis quorumcumque, tam Sæcularibus,
quàm Regularibus, Oratoriis, vel aliis locis
publicis, vel privatis, antequam canonizen-
tur, vel Beati declarentur à Sede Apostol.
Secunda actio est, ne libros continentes illo-
rum gesta, miracula, revelationes, vel be-
neficia, tanquam ipsorum intercessionibus
obtentæ, imprimantur sine recognitione, &
approbatione Ordinarii. Tertia actio deni-
que est, ne tabellæ, aut imagines ex cera,
aut alia materia, ad eorum se pulchra appen-
dantur, vel affigantur, aut lampades, vel
lumina accendantur, nisi facta ab Ordinario
recognitione, eaque approbata à Sede
Apostolica: Hæc omnia libavi ex Bonacin.
*loco proximi cit. part. 2. & Lezana verb. Sancto-
rum cultus tom. 2. à numer. 6. usque ad numer. 8.
inclusivè*, quialios concordantes referunt.
Vide iterum Lezanam *tom. 1. part. 1. cap. 12.
numer. 39. & 40.* & Cassianum à Sancto Elia
in *Arbor opin. moral. verb. Adoratio §. 2. num. 20.
& seqq.*

TITULUS IX.

De Adulterio.

Vide tit. de Confess. Sacram. Inter. 12. tit. de Deb. conjug. Inter. 2. 3. tit. de Divorc. Inter. 5. 6. 7. 8. 10. 12. tit. de Fornic. Inter. 1. tit. de Homicid. Inter. 4. 5. tit. de Illegit. Inter. 1. tit. de Infam. Inter. 2. tit. de Irreg. Inter. 7. 8. 9. tit. de Mes. Inter. ult. tit. de Res. accep. Inter. 12. tit. de Res. damn. Inter. 1. 2. 4. 5. 6. tit. de Sacr. Matr. Inter. 13. 14. tit. de Val. Sacram. Matrim. Inter. 8. 9. 10. tit. de Vxor. Inter. 1. 2. 3.

86 **I**nter. 1. Uxoratus, qui habet copulam cum conjugata, committitne unum, aut duo adulteria?

Resp. Duo adulteria committit, ideò utrumque in Confessione explicare tenetur, quia facit injuriam propriæ Uxori, & Marito conjugatæ, cum qua peccavit. Bonacin. de Matrim. disp. 6. punct. 15. à numero. 5. & alii ab ipso rel. *Vide ad Inter. sequentem.*

87 **I**nter. 2. Quid est Adulterium, & quotupliciter potest committi?

Resp. Adulterium est accessus ad alienum torum, seu violatio alieni tori; est enim illicitus concubitus cum conjugata, vel è contra: & ideò tripliciter potest committi; primò, quando conjugatus congredditur cum scemina soluta, 2. quando conjugata congredditur cum soluto, 3. quando uterque, qui copulam habet, est matrimonio junctus, & quia duplex torus violatur, & duobus fit injuria; ideoque talis circumstantia aperienda est in confessione, ut dixi ad Inter. præcedentem. Imò aliquando Adulterium cum stupro conjungitur, & est, quando conjugatus rem habet cum Virgine, quod etiam explicari debet in confessione. *Vide Tolet. lib. 5. cap. 11. numer. 2. Bonac. Matrimo. quest. 6. punct. 15. num. 1. & 3. Et de Sacram. disp. 5. quest. 5. sect. 2. punct. 3. §. 3. diff. 3. nu. 11. & est communis sententia.*

88 **I**nter. 3. Adulter teneturne aliquod restituere Marito propter adulterium commissum cum sua Uxore?

Resp. Licet Adulter peccet contra justitiam violando alterius torum, quia privat Conjugem Jure suo, & utitur re aliena invito domino; ad nullam tamen restitutionem pecuniarum tenetur, quia peccat solum contra justitiam ratione injuriæ datæ absque omni damno; in quo casu, & similibus non

requiritur alia restitutio, nisi quædam satisfactio, quæ consistit in petitione veniæ à patiente injuriam, & ostendere ei signa doloris, & similes actus; quando tamen injuria sit nota patienti, scilicet Marito adulteræ, & quando putari potest eum desiderare, & velle talem satisfactionem. *Vide Stephanum à Sancto Gregorio de contrav. lib. 1. cap. 11. numer. 7. qui plura congerit ad hoc propositum.*

89 **I**nter. 4. Potestne licitè Rex, aut alius Princeps absolutus, sine ulla citatione, aut processu, Uxorem deprehensam cum adultero interficere?

Resp. Circa tale dubium decertant inter se Card. de Lugo de Just. tom. 2. disp. 37. sect. 5. nu. 52. & Boslius 10. 1. tract. 1. tit. 1. §. 29. num. 910. ut videre est apud Dian. par. 10. tract. 15. res. 34. Negat de Lugo, sed affirmat Boslius, cui adhæret Diana ibidem. Imò probat, quòd quando delictum est occultum, ut non possit juridicè probari, saltem plenè, scitur tamen à Principe, queat Princeps rationabili causa existente condemnare delinquentem absque juridica probatione per Testes, & absque citatione rei. *Vide ergo Dianam, qui plures affert rationes pro hac tuenda sententia, quæ quidem est probabilis, servato tamen quantum fieri potest, ordine charitatis ad salutem animæ occidendi, & ut certò constet Principi de delicto, & aliis tribus, ita ut juridicè probari possit; nam quando crimen ita est probabile, nullam habet justam defensionem, & Princeps dispensare potest super lege humana requirente citationem rei, & processum.*

TITULUS X.

De Æmulatione.

90 **I**nter. 1. Cajus videt hominem doctum; & tristatur, non quia ille sit doctus, sed quia ipse doctrina caret; aut videt, ubi æquales habere bona temporalia, & tristatur se non habere, sicut illi habent, ut familiam possit sustinere: peccatne Cajus in tali casu?

Resp. Hæc tristitia Caji non est propriè invidia, sed æmulatione quædam, quia tam doctrina, quàm bona temporalia sunt ei proportionata, & ob bonum finem illa desiderat, & nullo modo peccat, si tristatur de illis bonis, non quatenus inalterto sint, sed quia eis ipse caret DD. communiter. *Vide Bonac. de præcep. decal. disp. 3. q. 4. punct. ult. §. 2. sub n. 1.*

91 Inter. 2. Peccatne mortaliter Titius, qui trislatur, & dolet, quod Sempronius affectus sit beneficium, illud sibi cupiens?

Resp. Si Titius trislatur, non quatenus Sempronius adeptus est beneficium, sed quia eo ipse caret, illud sibi optando ad bonum finem non peccat, quia non est tristitia inordinata pertinet ad invidiam, cum non doleat de bono illius, quatenus est diminutivum propriæ excellentiæ, sed solum quia videt se eo destitutum: secus autem si intenderet Sempronii injuriam, & damnum; nam esset peccatum odii; vel quatenus est diminutivum proprii boni, quod propriè esset peccatum Invidiæ. Bonac. loco sup. citat.

TITULUS XI.

De Etatibus ad Diversa Munera requisitis.

Vide tit. de Electione &c. Inter. ult. tit. de Iejun. Inter. 26. 27. 28. tit. de Iub. Inter. 3. 9. tit. de Parv. mat. Inter. ult. tit. de Patrim. Inter. 4. tit. de Puer. tit. de Regul. Inter. 55. tit. de Sac. Ord. Inter. 6. tit. de Sep. par. Inter. 1. 2. tit. de Test. &c. Inter. 7.

92 **I**nter. 1. Cujus ætatis debet esse Monialis, ut eligi possit in Abbatissam, seu Priorissam?

Resp. Dico, debere esse quadraginta annorum ætatis, & octo post expressam professionem; si autem his qualitatibus non reperitur in eodem Monasterio, ex alio ejusdem Ordinis eligi potest; sed si hoc Superiori videatur incommodum, potest eligi cum Ordinarium licentia una ex iis, quæ in eodem Monasterio annu trigessimum exceperit, & quinque saltem annos professionis habuerit. Ita habetur in Concilio Trident. sess. 25 de Regular. cap. 7. & tradunt Suarez. som. 4. de Relig. tract. 8. lib. 2. cap. 6. num. 7. Lezana tom. 1. part. 1. cap. 26. num. 3. & alii. Dicunt præterea, quod defectus dictarum conditionum non reddat electionem nullam, aut irritam, sed ad summum irritandam: sed Aldanus apud Barbosa in collect. Tridentini loco cit. a numer. 9. asserit Sac. Congregat. in Viterbien. 16. Maii 1623. decidisse, electionem Abbatissæ, quæ ætatem 40. annorum requisitam non habebat, si in Monasterio non decant aliz Moniales quadragenariæ, atque habiles, licet non adeo idoneæ, sicuti electa, nullam esse ac irri-

tam. Nota tamen secundum aliquos prædicti 40. anni non requiruntur completi: sed vide Dianam pars. 7. tract. 12. ref. 9. ubi ostendit oppositum, nempe 40. annos debere esse completos, & ita puto tenendum.

93 Inter. 2. Quam ætatem, & conditiones debet habere, qui aliquod Beneficium simplex exoptat?

Resp. In primis quoad ætatem sufficit, quod habeat 14. annos inceptos. Vide Conc. Trident. sess. 23. cap. 6. Em. Sæ verb. Beneficium numer. 30. Secundo debet esse Clericus, saltem prima Tonsura initiatus, ac nullo Canonico impedimento irretitus, scilicet non irregularis, excommunicatus, suspensus, & hujusmodi. Tertiò, debet esse dignus, quod consistit in scientia, morum rectitudine, & aptitudine ad officium. Quartò denique, unum tantum beneficium habere debet, nec alterum accipere, nec retinere potest absque dispensatione. Vide Toletum lib. 5. cap. 79. & cap. 81. num. 3. ubi sic inquit: Nullus deinceps potest habere plura beneficia, etiam sine cura, quocumque modo, nec etiam ad commendam perpetuam, nisi cum unum ad sustentationem, pro ratione persone, loci, & temporis, non sufficit. Dixi supra sufficere, ut habeat 14. annos inceptos, scilicet non completos, quia sic referunt fuisse decem plures Doctores, quos allegat, & sequitur Barb. in collect. in Trident. loco supra cit. numer. 2. Vide eundem Barbosa de potestas. Episc. pars. 3. allegat. 6. numer. 75.

94 Inter. 3. Potestne Episcopus dispensare, ut quis ante annum 14. Beneficium simplex obtineat?

Resp. Dicendum est, quod non possit id facere, & ita decisum fuisse in Sac. Congregatione, referunt Azorius, Novarius, Armendarix, Riccius, & alii, teste Barbosa in collect. Trident. sess. 23. de reform. cap. 6. num. 8. Imò secus faciens Episcopus mortaliter peccaret, & collatio Beneficii nulla esset omnino. Vide eundem Barb. de potestas. Episc. pars. 3. alleg. 60. n. 75.

95 Inter. 4. Etas 14. annorum sufficere ad obtinendum Canonicatum in Ecclesia Collegiata, & potestne habere vocem in Capitulo?

Resp. Sufficere referunt decem Gonzalez in reg. 8. Cancell. gloss. 5. num. 91. & alii, quos refert Barbosa in tract. de Canonici cap. 13. num. 14. & in Trident. loco proximi citat. num. 4. & ibidem numer. 5. asserit, ætatem 14. annorum requiri ad obtinendam di-

mir

midiam portionem in Ecclesia Cathedrali, nec tales dimidias portiones habere annexum ordinem Sacrum; ita testatur decisum Gonzalez *dicta gloss.* 5. num. 39. quem assertit idem Barbof. in *trac.* de *Canonic.* cap. 13. num. 16. Verum licet in Collegiata Canonicus possit esse 14. annorum, ut dixi; tamen nisi sit ætate 22. non potest habere vocem in Capitulo. Barbof. in *collect.* Trident. *sess.* 22. cap. 4. n. 5.

96 Inter. 5. Ad Cardinalatum, & Papatum quænam ætas requiritur?

Resp. Omnia circa ætatem, natalia, scientiam, vitam, & mores, requisita in eo, qui est Cardinalitatis dignitate decorandus, statuit Sixtus V. in sua Const. incip. *Postquam verus de anno 1595.* ibique §. 6. decernit, in Diacono Cardinalem assumi posse illum, qui saltem vigesimo secundo suæ ætatis anno fuerit constitutus. Vide Barbof. in *collect.* Trident. *sess.* 24. de *reform.* cap. 1. num. 6. & 7. Itaque ad Cardinalatum requiritur ætas, ut intra annum possit promoveri ad eum Ordinem, ad quem destinatur, ut probat Marchinus de *Sac. Ordinistr.* 1. part. 5. cap. 2. nu. 23. apud Dianam part. 10. *trac.* 16. ref. 86. *vers.* *Es tandem;* ubi idem Diana ex eodem Marchino resolvit, quod nulla pro Summo Pontifice à Jure determinata ætas requisita sit, sed eo ipso, quo à duabus partibus Cardinalium fuerit electus qui alias jure naturali, & divino spectato aptus fuerit ad Ecclesiam Dei gubernandam, electio valida persistat.

97 Inter. 6. Quænam ætas requiritur in eo, qui ad Dignitatem, cui animarum cura subest, promoveri desiderat?

Resp. Ad Dignitates quasvis, quibus animarum cura subest, nemo promoveri potest, nisi saltem 25. ætatis suæ annum attigerit, cap. cum in cunctis de elect. §. Inferiora, cap. licet eodem tit. in 6. Moronus *resp.* 97. num. 32. & alii ab ipso relati. Vide Barbof. in *collect.* ad Trident. *sess.* 24. de *reform.* cap. 12. num. 1. ubi ex Aldano refert decisum, ætatem incipere à die nativitatis, non autem à die Baptismi, & sufficere dictum 25. ætatis annum inceptum. Verum si nondum hunc attigit annum, sine dispensatione non potest retinere beneficium, nec fructus percipere, ut bene notat Toletus lib. 5. cap. 1. sub num. 5. Et Em. Sà *verb. Benef.* n. 9. Nota tamen, quod ad Episcopatum requiritur 30. annus completus, ut dicam in *tit. de Episc.* ad Int. 3.

98 Inter. 7. pro dignitatibus, vel personatu, quibus animarum cura nulla subest, quænam ætas requiritur?

Resp. Ad dignitates, vel personatus in Ca-

thedralibus, quibus nulla inest animarum cura, excepto tamen Archidiaconatu, de Jure communi requiritur ætas viginti duorum annorum completorum, & ita sæpè fuisse à Sac. Congregatione decisum, refert Garzia part. 7. de *Benef.* cap. 4. num. 70. & hanc sententiam tanquam veriore amplexi sunt Barbof. de *potest. Episc.* part. 3. alleg. 60. n. 66. Diana part. 10. *trac.* 16. ref. 86. *vers.* *sed bis non estantibus*, & alii penes ipsos: Quare audiendi non sunt, qui docent sufficere annum 22. esse inceptum, præsertim stantibus decisionibus Sac. Congreg. à Garzia relatis. Inimò prædicti 22. anni, qui desiderantur ad dignitates in Cathedralibus, requiruntur etiam ad dignitates, quæ sunt in Collegiatis, ut docent, & decisum referunt Garzia loco *supra cit.* nu. 59. & 62. & Armendarix lib. 7. de *Episcopis* num. 2. licet oppositum dicant Barbof. ubi *supra* num. 67. Gonzalez ad *regul.* 8. *Cancel.* *Gloss.* 9. num. 29. Piafeci in *praxi Episc.* par. 2. cap. 5. num. 25. & alii, quos allegat idem Barbof. in *collect.* ad Trident. *sess.* 24. de *reform.* cap. 12. num. 13. Et Em. Rodriguez in *Addit.* ad *Bullam compos.* num. 4. testatur Christophorum Vellam Archiepiscopum Burgensem contulisse cuidam Scholastico ætatis 17. annorum dignitatem Scholasticæ Ecclesiæ Collegiatæ de Aguillar. de campo, & lite mota, judicatum esse, collationem fuisse canonicam; & juridicam. Vide Barbof. loco *proximè cit.* num. 13. & Dianam part. 10. *trac.* 16. ref. 86. §. *Verum*, qui contra Castropalaum hanc sustinet sententiam. Vide etiam *suprà ad Inter. 4.* hujus Tituli, Lezanam tom. 2. *verb. etas* num. 9.

99 Inter. 8. Quænam ætas sufficit pro obtinenda pensione?

Resp. Emm. Sà *verb. Beneficium* num. 30. docet, nullum posse nec beneficium, nec pensionem, ante 14. annum inceptum obtinere, & hoc asserit ex Conc. Trident. *sess.* 23. de *reform.* cap. 6. & ex declaratione Sac. Congreg. Concilii, & ita etiam sentiunt alii, quos refert Barbof. in *collect.* ad Trident. loco *cit.* num. 9. licet ipse resolvat cum Riccio, Gonzalez, Gratiano, & Novario, ad pensionem obtinendam sufficere ætatem septem annorum, quia dispositio Concil. Trid. non procedit de pensionibus, sed Beneficiis. Tamen si constat authenticè de decisione Sac. Congregat. non est recedendum ab ea. Vide Lezanam tom. 2. *verb. etas* num. 9. & *infra* in *tit.* 166. ad *Inter. 2.*

100 Inter. 9. Ad contrahendum matrimonium quænam ætas de Jure requiritur, & quid dicendum est quando malicia supplet ætatē?

Resp.

Resp. Ad contrahendum matrimonium requiritur ætas, quæ ad generationem sit apta; unde in maribus requiruntur anni 14. in femina verò 12. habetur *cap. de illis 2. de despons. impub.* Sed hoc intelligendum est, nisi malitia suppleat ætatem. Ortus autem pilorum, & menstruorum, sunt signa pubertatis, imò secundum Medicos menstrua sola arguunt pubertatem in muliere, quæ si incipiat habere, est apta ad generationem; & quando malitia suppleat ætatem, nempe si masculus ante 14. annos, & femina ante 12. habent coeundi potentiam, quæ interdum malitia appellatur, possunt simul in matrimonium copulari; nam quando certis iudiciis ostenditur puerum, aut puellam ante dictam ætatem discretionem, & pubertatem, sive carnalis copulæ potentiam affectus fuisse, à matrimonio repellendi non sunt; quia quando adest potentia generandi, & sufficiens discretio ad se obligandum, valide ante dictam ætatem contrahere possunt matrimonium, ut docent Sylvest. in *sum. verb. matrimonium 5. quæst. 3.* Lancellotus *instit. juris can. tit. de spons. lib. 1. vers. non proximi fol. 191.* Layman *tom. 2. lib. 5. tract. 10. cap. 12. per tot.* Bonac. *de matrim. quæst. 1. pun. 4. propos. 2.* Diana in *sum. verb. matrimonium num. 18.* Vide Navar. *conf. 39. de spons. per totum*, ubi plura ad intantum repertiuntur. Vide etiam Em. Sà *verb. matrimonium n. 7.* Dianam *part. 3. tract. 4. ref. 277. in fine*, & Fagnanum in *cap. de illis, de despons. impub. nu. 47. & seqq.*

101 Inter. 10. Peccantne mortaliter, vel venialiter, ante ætatem legitimam matrimonium contrahentes?

Resp. Paludanus, quem sequitur Sylvest. *loco proximi cit. numer. 6. in fine*, dicit, quod peccant mortaliter, si sine iusta causa, vel licentia Episcopi, matrimonium contrahunt ante legitimam ætatem, nec matrimonium est validum, nisi sint potentes, ut dictum est in præcedenti responsione, sed solum sponsalia. Vide *cap. 14. de despons. impub. & Emm. Sà verb. matrim. n. 8.* ubi concludit sic; *Nec sequens copula facit matrimonium ante contrahendum impuberum validum, nisi ad sit consensus, saltem tacitus utriusque;* & ante ipsum docuit idem Sylvest. ubi *supra sub nu. 8.* Vide Dianam *p. 3. r. 4. ref. 276.*

102 Inter. 11. Quænam ætas requiritur pro suscipienda prima Tonfura, & Ordines minores, atque majores?

Resp. Ad primam Tonfuram, & tres minores, requiruntur septem anni completi, ad Accolitatum duodecim: ad Subdiaconatum autem requiruntur viginti duo anni in-

cepti, ad Diaconatum viginti tres, & ad Sacerdotium viginti quinque item incepti. Ita habetur ex Trident. *sess. 23. de reform. cap. 4. 11. & 12. & docent DD. communiter.* Vide Em. Sà *verb. ordo num. 20. 21. & 22.* Bonac. *de Sacram. disp. 2. quæst. unica pun. 5. nu. 11.* & Fornarium *de Ordine cap. 3. num. 5.*

103 Inter. 12. Quidam bona fide fuit ordinatus ante legitimam ætatem, remanetne suspensus; & celebrando sine irregularis, vel solum irregularitatem incurrit si adveniente mala fide celebret?

Resp. Pœna suspensionis appositæ per Pium II. est solum contra præsumentes, sed qui credit se habere ætatem legitimam, non dicitur præsumere, consequenter suspensione in non incurrit, neque irregularitatem, si celebrat: & hoc est verum, etiam adveniente mala fide: quia cum non est suspensus à principio, irregularitatem minimè incurere potest celebrando, ut per se patet, quamvis mortaliter peccet. Vide Portellum in *dub. Regul. verb. Ordines Sacri num. 13.* Mirandum in *man. tom. 1. quæst. 36. art. 6.* Suarez *de censur. tom. 5. disp. 31. scilicet. 1. num. 26.* Peyrinum *de Priv. lib. minimor. in consil. 1. Iulii II. §. 16. numer. 20.* & præsertim Dianam *part. 3. tract. 4. ref. 182.* Bonac. *loco proximi cit. sub nu. 13.* & Fornarium *de Sac. Ordinis cap. 8. num. 2.* Vide infra in *tit. 197. ad Inter. 6.*

TITULUS XII.

De Affinitate.

Vide tit. de Sac. Matr. Inter. 15 16 17.

104 Inter. 1. Quid est Affinitas?

Resp. Affinitas, ut docent Doctores communiter, est propinquitas personarum proveniens ex carnali copula licita, vel illicita.

105 Inter. 2. Quotplex est Affinitas?

Resp. Est duplex, quia una oritur ex copula licita, scilicet Matrimonii quæ extenditur usque ad quartum gradum inclusive; altera nascitur ex copula illicita, scilicet fornicaria, quæ tamen non excedit secundum gradum, ut dicam ad Inter. sequentem. Vide Bonac. *de matrim. qu. 3. pun. 12. num. 1.* & est communis sententia.

106 Inter. 3. Per copulam licitam, & per copulam fornicariam contrahiturne eodem modo impedimentum affinitatis?

Resp. Non eodem modo, quia per copulam licitam contrahitur usque ad quartum

gra-

gradum, per illicitam verò usque ad secundum inclusive. Em. *Sà verb. imped. dirim. num. 13.* nam ad secundum gradum restricta fuit affinitas ex fornicaria copula à Concilio Trid. *sess. 24. cap. 4. refer. Toletus lib. 7. cap. 15. sub num. 1.*

107 Inter. 4. Affinitas dirimitne Matrimonium, vel tantum impedit?

Resp. Absque dubio dirimit, cum affinitas sit unum ex impedimentis dirimentibus, secundum omnes DD.

108 Inter. 5. Oritur affinitas per Matrimonium ratum, & non consummatum?

Resp. Minime, quia non fit una caro per illud, donec consummetur saltem à Viro; oritur tamen ex eo impedimentum publicæ honestatis. Diana *part. 6. tract. 8. ref. 25.* & alii plures apud ipsum. Vide Em. *Sà verb. imped. dirim. num. 12.* & 13. ubi ait, quod ad contrahendam affinitatem requiritur seminatio viri intra vas foeminae, & verbo *Affinitas* idem asserit cum Navar. *Vide tit. 163. ad Inter. 9.*

109 Inter. 6. Contrahitur affinitas, si Vir in fine copulae extrahat membrum genitale, & semen foras emittat, aut per actum sodomiticum?

Resp. Minime contrahitur affinitas, nisi per copulam intra vas naturale foeminae cum seminatione saltem viri, unde excluditur sola penetratio vas foeminae, vel etiam conjunctio sodomitica, seu quavis alius actus luxuriae; nam ad contrahendam affinitatem requiritur sanguinum commixtio, & quod fiat una caro, & denique quod ex copula carnali generatio sequi possit; & ita docent DD. communiter. Vide Navar. *cap. 12. num. 41. Tolet. lib. 7. cap. 15. sub num. 1.* & Em. *Sà verb. Affinitas. Vide ad Inter. 11. in hoc titulo.*

110 Inter. 7. Contrahitur affinitas,posito, quod solus vir intra naturale vas foeminae semen emittat, vel requiritur etiam foeminae seminatio?

Resp. Magna quidem difficultas est ista, idcirco vide quae dicam *tit. 243. ad Inter. 7.* & Doctores ibidem citandos. Quidam enim ad contrahendam Affinitatem, & ad Proles generationem, juxta Medicorum sententiam utrumque, tam viri, quam foeminae, semen dicunt esse necessarium; sed juxta communior, & verior sententiam Theologorum, illa dicitur perfecta copula, & sufficiens ad generationem, & ad affinitatem contrahendam, in qua solus vir intra claustra pudoris foeminae seminat: ergo ad contrahendam affinitatem, foeminae seminatio non requiritur, ut rectè docet Sylv. *in Sum. verb.*

matrim. 8. quæst. 15. Em. Sà verb. Affinitas, & alii quos citat, & sequitur Cabrinus de cas. refero. part. 2. cas. 5. annot. 5. num. 14. Nam per solam viri seminationem gigni affinitatem probabilius est, & tenendum. Vide Bonac. *de matrim. q. 3. punct. 13. n. 13.* Sanchez *de matrim. lib. 7. disp. 64.* & alios apud ipsos.

111 Inter. 8. Oritur Affinitas ex copula, in qua sola foemina semen emittit?

Resp. Minime, quia semen foemineum non est sufficiens ad generationem, & ad sanguinis commixtionem, sicut sufficiens est seminis virilis emissio. Bonac. *eo num. 13.* & Cabrinus *part. 2. cas. 5. annot. 3. n. 7.* & alii communiter.

112 Inter. 9. Quando fit commixtio seminum in copula, sed pudoris claustra non franguntur, contrahitur affinitas?

Resp. Maxime: ratio est, quia ex illa commixtione generatio sequi potest, & consequenter contrahitur affinitas. Sylvest. *in sum. verb. matrim. 8. qu. 15. Em. Sà verb. Affinitas, & alii communiter.*

113 Inter. 10. Oritur affinitas ex copula habita cum foemina iuvita, vel dormiente?

Resp. De hoc minime est dubitandum, quia ex tali copula certò sequi potest generatio, & commixtio sanguinis, & habetur *cap. discretionem, de eo, qui cognovit consanguineam uxoris, & docent DD. communiter, teste Bonac. de matrim. quæst. 3. punct. 13. num. 17.*

114 Inter. 11. Quid requiritur ad contrahendam Affinitatem, tam ex copula licita, quam illicita?

Resp. Requiritur, quod copula sit perfecta, & intra vas foeminae naturale consummata; nam ratio, ob quam ex copula nascitur Affinitas, est, quia per eam vir, & foemina fiunt una caro. Unde quia non efficiuntur una caro, nisi per copulam intra vas naturale foeminae consummatam, quæ simul ad proles generationem sufficit; idcirco ad contrahendam affinitatem requiritur copula perfecta intra vas naturale foeminae consummata. Ita Navar. *in Man. cap. 22. num. 42. Tolet. lib. 7. c. 14. num. 1. Sanchez de matrim. lib. 7. disp. 64. num. 8.* Bonac. *loco supra citato num. 12.* & est communis sententia. Vide igitur ea, quæ dixi *ad Inter. 5. & 6.* hujus tituli, & quæ dicam *tit. 112. ad Inter. 3. & tit. 163. ad Inter. 9.*

115 Inter. 12. Inter Virum, & Uxorem, contrahitur affinitas?

Resp. Non contrahitur, sed nascitur ab eis. Ita tradunt DD. communiter.

116 Inter. 13. Quos effectus producit affinitas

nitas superveniens matrimonio jam contracto?

Resp. Dico, quod Conjux, qui commisit incestum cum consanguinea alterius Conjugis in primo, vel secundo gradu, privatur jure petendi debitum conjugale, si scienter commisit incestum cum affine, id est cum consanguinea alterius Conjugis, & prohibetur (altero Coniuge defuncto) matrimonium cum aliis contrahere etiam si incestus sit occultus; siquidem propter incestum contraxit unum ex impedimentis impediens: quod, si eo mortuo ducat uxorem, vel respectivè maritum, peccat mortaliter, & absque dispensatione, debitum petere non potest. Ita pluribus relatis firmat Bonac. de matrim. disp. 3. punct. 12. num. 20. & punct. 14. num. 10. Verum, qui cognovit consanguineam suæ uxoris primo, vel secundo gradu, tenetur reddere debitum alteri petenti, quia non debet innocens damnum pati ob culpam alterius &c.

117 Inter. 14. Affinitas extinguitur morte personæ, ex qua contracta est?

Resp. Non extinguitur, sed durat semper. Ita S. Thom. quæst. 55. artic. 3. in addit. ad 3. Sæ verb. Affinitas, & est sententia communiter recepta.

T I T U L U S XIII.

De Alienatione bonorum Ecclesiæ.

Vide sit. de Reliq. Sac. Inter. 4.

118 **I**nter. 1. Quidam Superior localis Regularium urgente necessitate Monasterii indigentis, scilicet victu, & vestitu pro suis Religiosis, de licentia sui Capituli, sed sine licentia Sac. Congregationis, oppignoravit quædam vasa argentea, nempe lampades, & candelabra: quæro, an incurrerit pœnas contra alienantes bona Ecclesiastica impositas?

Resp. Suppono, esse notum, non posse alienari dicta bona Ecclesiæ, aut oppignorari, non solum si sint immobilia, sed etiam mobilia pretiosa, quæ servando servari possunt ultra triennium, ut sunt vasa aurea, argentea, gemmæ, cassulæ pretiosæ, tapetes, item quæcumque triennio non corrumpuntur, & simul fructificant, ut ovium grex, caprarum &c. copiosa bibliotheca librorum, multitudo arborum ferentium, vel non ferentium fructum, quia hæc omnia quoad æstimationem comparantur inter immobilia, &

prohibitum est alienari sub pœna excommunicationis, privationis Officiorum, vocifque activæ, & passivæ, & inhabilitatis ad alia &c. ut videri potest in *Extravaganti Pauli II.* quæ incipit *Ambitiosa*, & in Decreto S. Congregationis apud Lezanam tom. 1. part. 1. cap. 10. n. 1. & seqq. & tom. 2. verb. Alienation. 3. 4. & 5. Respondeo itaque ad præfatum dubium, & dico nullam pœnam incurrisse Superiorem in dicto casu, quia posita urgente necessitate Monasterii, ut præfertur, est unus ex casibus à jure permisis, in quibus licita est alienatio sine ulla Sedis Apostolicæ licentia, vel Sac. Congregationis, de quibus agit idem Lezana dict. cap. 10. sub num. 4. Quaranta in Sum. Bullar. verb. Alienation. verum Ecclesiæ nu. 24. limit. 7. Filiucius tom. 3. tract. 44. cap. 5. nu. 11. & tandem vide Peyrinum in *Formulario litterarum A.* cap. 11. n. 3. qui rectè probat, posse Regulares absque consensu Sac. Congregationis, & absque incurfu censurarum, res pretiosas in pignus tradere, seu pecunias ad cambium sumere, si aliter non reperiant, & etiam dato, quod tradito pignore non recipiant pecunias, vendere posse dictas res pretiosas, imò & immobilia, quando tamen tam urgens sit necessitas, ut expectare non possint licentiam Sacre Congregationis. Vide ipsum, qui certè optimè ad intentum concludit. Vide etiam Dianam part. 5. tract. 13. ref. 6. qui putat contra Peregrinum, neque necessarium esse in dicto casu licentiam Episcopi, etiam si commodè haberi possit.

119 Inter. 2. Sub nomine bonorum Ecclesiæ, quæ prohibentur alienari ab Episcopis, Parochis, Beneficiatis, & Regularibus &c. sine licentia Sac. Congregationis, quid intelligitur?

Resp. Intelligitur de bonis, quæ dicuntur corporalia, ut sunt bona immobilia pretiosa, quæ servando servari possunt, ac etiam de bonis, quæ dicuntur incorporalia, quæ sunt veluti actiones, jura, nomina debitorum, & servitutes, ut docet Bonac. in tract. de alienation. disp. 2. qu. unica punct. 2. sub nu. 2. Item intelligitur de pignoratione; unde sicuti res Ecclesiæ alienari non possunt, neque etiam possunt oppignorari propter eandem rationem: & tandem, ut omnia unico verbo concludam, dico, quod in Extravaganti *Ambitiosa* Pauli II. sic habetur: *Omnium rerum, & bonorum Ecclesiasticorum, omneque patium, per quod ipsum dominium transfertur, concessionem, hypothecam, locationem, & conductionem ultra triennium, necnon infundationem, vel constrastum emphiteusicum, præterquam in casibus jure permisis, ac de rebus,*

rebus, & bonis in emphyteusim ab antiquo concedi solent, & tunc cum Ecclesiis evidenti utilitate, ac de fructibus, & bonis, quæ servando servari non possunt pro instanti temporis exigentia, hac perpetua vultura Constitutio fieri probemus. Vide Lezanam tom. 2. verb. Alienatio nu. 3. & Bonac. tom. 3. disp. 2. q. 4. pun. 11. nu. 3. & 4. & alios in verb. Alienatio.

120 Inter. 3. Alienatio facta cum hac conditione, salvo Summi Pontificis consensu, valetne, nondum obtento beneplacito Apostolico?

Resp. Doctores communiter docent, non valere, teste Bonac. de contract. disp. 3. qu. 8. pun. 4. num. 7. vers. caveant, & tom. 3. disp. 2. qu. 4. punct. 11. num. 11. & ratio est, quia protestatio est contraria factio, & etiam quia assensus Superioris debet actum præcedere, cum sit de illius forma; unde qui bona Ecclesiastica vendit, aut alienat cum dicta conditione, excommunicationem, & alias pœnas contra alienantes incurrit, saltem si bona tradat, antequam beneplacitum Apostolicum obtineat sed circa tale dubium ne deferas videre Dianam pars. 1. tract. 8. ref. 77.

121 Inter. 4. Clericus in Sacris constitutus potestne sine licentia sui Episcopi alienare Patrimonium, ad cuius titulum fuit Ordinatus, si aliquid acquisivit Beneficium, vel alia bona sufficientia pro victu?

Resp. Magnalia est inter Doctores, an requiratur licentia Episcopi in dicto casu, ut videre est apud Barbosam in Collect. ad Trident. sess. 21. de reform. cap. 2. num. 63. & apud Dianam pars. 9. tr. 8. ref. 23. qui tandem suam profert sententiam dicens, & probans alienationem patrimonii factam absque licentia Episcopi esse illicitam, etiam si promotus de novo habeat sufficiens Beneficium, vel congruam sustentationem; & hoc sibi probabilius videtur, licet oppositum, quod docet etiam Bonacin. de sac. disp. 8. quæst. unica punct. 5. num. 47. sit probabile. Dicendum est igitur, Episcopi licentiam necessariam esse ad Patrimonium alienandum, quamvis dictus Clericus Beneficium Ecclesiasticum, vel alia bona sufficientia pro victu adeptus fuerit; nam ad Episcopum pertinet judicare post diligens examen de tali sufficientia, qua existente, pro dicti Patrimonii alienatione suum debet præstare consensum. Rationes pro hac probabiliori sententia vide si lubet apud Ugolinum de officio Episc. cap. 26. §. 13. n. 4. vers. obviat, Barbosam ubi supra, & p. 2. alleg. 19. n. 9. & Dianam loc. cit.

122 Inter. 5. Qui Patrimonium, ad quod fuit ad Ordines promotus, absque Episco-

pali licentia vendit, permutat, obligat, aut aliquo modo alienat, incurritne suspensionem, & esse valida dicta alienatio?

Resp. Turrianus, & Gordonus apud Dianam p. 5. tract. 10. ref. 57. dicunt, quod qui renunciat Patrimonio post susceptum Ordinem Sacrum, graviter peccat, si non habet, unde vivere possit, tamen suspensionem non incurrat; & hoc mihi non displicet, quia revera habebat titulum, quando fuit ad Ordines Sacros promotus, suspensio autem est imposita contra suscipientes Ordines Sacros sine titulo, ut docent quidam, quos ego infra citabo in tit. 1. §. 18. ad Inter. 4. ubi tamen ostendunt nullam suspensionem incurere ipso jure: ergo &c. Vide Bonac. de sac. disp. 8. quæst. unica punct. 5. num. 19. & seqq. An verò valida sit dicta alienatio Patrimonii, antequam habeat unde vivere possit, vel non, dissensio est inter Doctores; Probabilior aurem sententia docet, nullam esse, ut colligitur ex Trident. sess. 21. de reform. cap. 2. prohibente dictam alienationem sub verb. Nullatenus, quod tollit potentiam alienandi, & reddit actum nullum, ex Glossa in Clem. 1. verb. Nullatenus de sequestrat. poss. & in Auth. si qua mulier, verb. Nullatenus, C. ad Senatus Consult. Vellejanum, & ex verbo, Non possit, quod etiam inducit nullitatem, utpotè quod omnem potentiam ad actum aufert, teste Bart. l. cum lex num. 6. & 7. ff. de fideiussoribus, Jason. l. Frater à Fratre num. 44. vers. servia difficultas, ff. de condi. indeb. & pluribus aliis exornat Sanchez lib. 6. de matrim. disp. 38. num. 20. & hanc sententiam docent plures Doctores apud Barbosam in Collect. ad Trident. sess. 21. de reform. cap. 2. numer. 60. 61. & 62. quibus addo Navar. in man. cap. 27. num. 1. §. 8. & Emm. Sà verb. ordo num. 26. & alios penes Dianam pars. 9. tr. 8. ref. 23. vers. Verum his non obstantibus; tamen ipse favet Adversariis, dicens oppositum esse probabile: sed hanc nostram sententiam probabiliorē vocat, ideoque ab ea discedendum non est, sed firmiter adhærendum. Vide Barbosam supra, & de potest. Episc. pars. 2. alleg. 19. nu. 77. Sanchez loco cit. disp. 32. num. 7. Avilam de censur. par. 3. disp. 5. dub. 5. conclus. 2. Præpositum in 3. pars. qu. unica de Sac. Ordin. dub. 18. nu. 178. & alios, quos refert Barbof. locis citat. Vide etiam Bonac. in tract. de alienat. disp. 2. qu. unica pun. 2. n. 28. & tom. 3. disp. 3. qu. 1. punct. 8. nu. 22. & Tolet. lib. 1. cap. 38. num. 16.

223 Inter. 6. Sub quibus penis, & censuris est prohibita alienatio rerum, & bonorum Ecclesiarum?

Resp. Sub pœna excommunicationis latæ sententiæ, tam contra eum qui alienat, quam con-

contra illum qui alienatas res receperit, modo alienans non sit Episcopus, vel Abbas; nam si Pontificali, vel Abbatiali præfulgeat dignitate, ab ingressu Ecclesiæ interdicitur, & si per tres menses in interdicto permanferit, suspensus remaneat à regimine, & administratione Ecclesiæ, vel Monasterii, cui præfideret, in temporalibus, & spiritualibus: Alii verò Prælati inferiores, & officii, & dignitatibus ipso facto absque ulla declaratione privati sunt. Tandem contra Regulares est imposita etiam pena privationis vocis activæ, & passivæ, officiorum omnium, & perpetuæ inhabilitatis ad illa in posterum obtinenda, quam ipso facto absque alia declaratione incurrunt, ex Decreto Sac. Congregationis Concilii die 7. Septembris 1624. jussu Urbani VIII. edito. Vide Bonac. de alienat. disp. 2. quæst. unica pun. 1. num. 1. & 8. Lezanam tom. 1. par. 1. cap. 10. nu. 1. & seqq. & tom. 2. verb. Alienatio num. 19. 21. & 22.

TITVLVS XIV.

De Apostatis à Religione.

Vide tit. de Ecclef. Immunit. Inter. 16.

124 **I**nter. 1. Estne censendus apostata Religiosus, qui discedit à Conventu sine licentia, animo tamen se præsentandi Superioribus, ut ab injusta vexatione, aut gravamine sublevetur?

Resp. Non solum non est Apostata, sed neque fugitivus, dummodo agatur de causa gravi, non de levi, ut docent communiter Doctores, teste Andrea à Matre Dei in *Curso Theol. Moral. tom. 4. tract. 5. cap. 5. §. 1. nu. 125.* est enim ab iniqua vexatione se ita liberare, quando aliud non suppetit remedium eam evadendi; siquidem fugere non dicitur, qui ad Superiorem vadit. Ità Enim. Sà verb. *Fuga*, Sanchez in *Summ. lib. 6. cap. 8. num. 13.* & 17. Azorius *part. 1. lib. 12. cap. 8. num. 11. qu. 7.* & 8. Bonac. ubi *infra*, Angelus à Lantusca in *Theat. Regul. verb. Appellatio num. 8.* & alii mox citandi. Neque hoc est contra Concil. Trident. *sess. 25. cap. 4. de Regul.* & ibi Barb. *nu. 9. in collect. Doctorum*, ubi citat Doctores ad satietatem, & Emm. Sà verb. *Religio n. 51.* sic inquit: Non obstat Concil. Trident. ei, qui fugit nimis sævient Superiore. Idem docet Diana *part. 3. tract. 2. ref. 56. in fine*, Peyrinus *tom. 2. de subdito quæst. 1. cap. 1. 20. vers. Addunt.* Vide Bonac. de *Clausura disp. 2. pun. 11. §. 1. nu. 9.* Lezanam *tom. 1. par. 1. cap. 4. n. 34. & cap. 11.*

num. 11. & cap. 16. num. 8. & 9. & tom. 2. verb. Appellat. nu. 23. & 98. ubi obiter loquitur de Religioso, qui posito gravamine Romam petit; Thesaurum de panis *part. 2. verb. Relig. cap. 5. var. limita*, & *cap. 7. prop. fin.* ubi refert exemplum de S. Antonio de Padua, qui fugit, & Romam venit; Panimollam *tom. 2. decif. 84. annot. 3. nu. 22. & 23.* Dianam *part. 3. tract. 2. ref. 115.* & alios penes ipsos. Et tandem hoc colligitur ex *cap. Dilecti filii 2. de appell.* ubi dicitur, quod adire Superiorem ob injustum gravamen habet vim appellationis. Tandem vide etiam Cassianum à S. Elia in *Arbor. Opin. Moral. verb. Accessus §. 3. n. 77. & seqq.* & Barb. in *collect. Trident. sess. 25. cap. 4. num. 9.* Nec ab Ordinario, vigore *Trid. sess. 25. de Reg. cap. 9.* debet incarcerari, aut puniri, ut docent Dian. *part. 3. tract. 2. ref. 56.* & Lezana *tom. 1. par. 1. cap. 11. sub n. 11.* si absque licentia reperitus fuerit.

125 Inter. 2. Estne censendus Apostata Religiosus in dicto casu, si dimisso habitu incedat, ne detegatur, aut comprehendatur in via, vel alia iusta de causa?

Resp. Dico, quod non, quia ratio Apostatisæ non consistit præcisè in habitus dimissione; nam potest quis deferre habitum, & esse apostata, & è contra, cum revera ille dicatur apostata, qui discedit animo deferendi statum Religiosum, aut discedit intentione non amplius redeundi. Bonac. *loco cit. num. 1.* Lezana *tom. 1. par. 1. cap. 16. num. 7.* & est communis. Non officit igitur in dicto casu habitus Religionis dimissio, quia id prudenter aliquando fieri potest, ut quoties v. g. timetur aliquod grave daninum eventurum. Favent huic Responsioni Emm. Sà verb. *Religio numer. 71.* Portellus in *dub. Regul. verb. Habitus nu. 3.* Diana *part. 3. tract. 2. ref. 115. vers. Non desinam*, Bonac. *tom. 3. de censur. disp. 2. quæst. 8. pun. 6. num. 15.* ubi sic ait: Excusatur Religiosus, qui causa defensionis famæ, vel ad præcavendum scandalum, & pravam suspitionem, habitum Religionis dimittit. Vide Cassianum à S. Elia *loco supra cit.* qui ex Azorio firmat, ut diximus, & tandem Thesaurum ubi supra ita asserentem Potest tunc Religiosus habitum dimittere si aliter non potest sibi consulere. Idem docet Peyrinus *loco proximo cit. quæst. 1. cap. 10.* Nec incidit in excommunicationem latam in *cap. 2. ut Periculosa, de Religiosis domibus*, contra temerè habitum Religionis dimittentes, quia non temerè, sed iusta subsistente causa, ut suppono, habitum Religionis dimittit, modo recto tramite ad Superiorem se transferat: sunt enim aliquando ita indifcreti, & parùm charita-

ritativi aliqui Superiores, se ipsos potius pascentes, quam subditos, ut miseris misera sit agenda vita, nisi his iurium fulcris sustententur. Peyrinus ubi supra *quest. 1. cap. 20. vers. Addunt.*

Quar. An Apostatae à Religione sint de hæresi suspecti, & quas poenas incurrant?

Resp. Si transeunt ad partes hæreticorum, & cum eis communionem habent, sunt quidem de hæresi suspecti, dummodo tamen aliquid addant, quod sapiat hæresim, ut est eorum conciones audire, habitum Religiosum lacerare, eumque pedibus conculcare, & quid simile agere in contemptum Religionis Catholicæ. Item quoties Apostata per annum in excommunicationem infordeat, & postquam est declaratus excommunicatus, adhuc persistit cum pertinacia, & animi perversitate non curat ad Religionem redire, est de hæresi suspectus, & tanquam talis debet ad S. Officium denunciari, & potest ab Inquisitore citari ad dicendum, quid sentiat de fide &c. Ita pluribus relatis firmat D. meus Dandinus de *suscep. de hæresi cap. ult. frist. 1. num. 23. & seqq.* quibus addo Dianam *part. 4. tract. 7. ref. 3. §. 3.* Quaro igitur, qui citat Zanardum, Sanctarellum, & Peyrinum de *privileg. Minim. in cons. 1. Pauli V. §. 2. num. 13. tom. 2.* Idem docet Lantusca in *Thes. Regul. verb. Apostata mon. 3.* & alii ab ipso relati. *Vide cap. excommunicatus 1. & cap. cum contumacia de heret. in 6.* Tandem omnes transeunt ad Iudæos, Saracenos, Idololatrias, vel hæreticos, etiamsi id faciant, non animo relinquendi fidem Catholicam, sed ex libidine, desperatione &c. itidem de hæresi suspecti censentur, ut docet Lezana *tom. 3. verb. Hæresis num. 4.* Quas verò poenas incurrant Religiosi apostatae, refert idem Lezana *tom. 1. par. 1. cap. 16. num. 12. & 13.* sed inter alias est excommunicationis poena, quia deponendo habitum Religionis temerè, cum assumptione vitæ Secularis, ipso iure sunt excommunicati, in *cap. ut periculosa ne Cler. vel Mon. in 6.* & docent Armilla *verb. Apostata n. 6. verb. excomm. 53. & verb. habitus muner. 2.* Sylvest. *verb. Apostata numer. 11.* Emm. *Sà verb. Religio nu. 75.* Tolet. *lib. 4. cap. 18. nu. 4.* & alii passim; ac etiam ex peculiari Statuto, Regula, vel Constitutione aliarum Religionum, ut loquens de sua, testatur Lantusca *heo cit. nu. 1.* & ego de mea idem dico, ut videre licet in *4. part. nostrarum Constitutionum cap. 14. sub nu. 1.* Tandem Apostatae à fide sunt etiam irregulares, *cap. Presbyteros dist. 50.* Et puniendi sunt ut hæretici. *Vide Armillam verb. Irregularitas.*

TITVLVS XV.

De Appellationibus.

Vide tit. de Quar. Subd. Reg. Inter. 2.

126 **I**nter. 1. Quid est appellatio, & quot sunt effectus, quos producit appellatio, & quænam est forma faciendi illam?

Resp. Appellatio est à minori ad maiorem, vel superiorem provocatio, ut habetur *cap. omnis oppressus & cap. placuit 2. q. 6.* & docet Sylvest. *verb. Appellatio num. 1.* Lezana *tom. 2. eodem verb. num. 1.* & alii communiter. A Papa nullus iure appellare potest, ex eo quia non habet superiorem in Terris, nec ab æquali ad æqualem, nec à superiori ad inferiorem dari potest appellatio. Duo effectus autem producit appellatio, unum devolutivum, alterum suspensivum. Primus est devolvere cognitionem causæ ad Superiorem ad quem appellatur: Secundus est suspendere sententiam, quamquam illam non extinguat. Forma verò appellationis, in qua tam ea quæ sunt de substantia ipsius, quam alia continentur, videri potest apud eundem Lezanam *loco cit. n. 15.* qui eam à Doctoribus satis perdoctè collegit.

127 Inter. 2. Potestne dari appellatio à Vicario ad Episcopum, & à Delegato ad delegantem?

Resp. Dico, quod à Vicario Generali ad Episcopum non datur appellatio, quia idem est Tribunal Episcopi, & Vicarii, & eadem est iurisdicção, & potestas amborum. Habetur ex *cap. Romana Ecclesia 3. de appellat. in 6. & cap. 2. de consuet. item in 6.* A Delegato verò ad Delegantem permittitur appellatio. Ita patet ex *cap. super questione 27. §. Porro de offic. Judicis deleg. & docet Diana *part. 10. tract. 15. resol. 31. vers. Confirmatur, Victorellus in addit. ad Em. Sà verb. Vicarius sub num. 5.* & est communis sententia. Ab Archidiacono tandem, & Vicariis Foraneis datur ad Episcopum appellatio. Nicolius *Elucidationum part. 2. lib. 1. tit. 28. num. 10. simis. 47.**

TITULUS XVI.

De Attentione.

128 **I**nter. 1. Qui recitat Horas Canonicas in Choro, vel extra, vel audit missam sine interna attentione, satisfacitne præcepto Ecclesiæ?

Resp. Attentionem internam non esse necessariam sub præcepto peccati mortalis in recitatione Officii, & auditione Missæ, & consequenter satisfacere præcepto Ecclesiæ, qui recitat Horas, vel Missam audit sine interna attentione, sustinent innumeri Doctores, quos refert, & sequitur Diana *part. 2. tract. 12. ref. 2. & part. 4. tract. 4. resol. 107. & part. 5. tra. 13. ref. 61. in fine, & part. 7. tract. 11. resol. 30.* Et horum fundamentum est, quia lex humana non potest præcipere, aut vetare, quod non potest punire, nec punire, quod cognoscere, & judicare non potest; sed nulla potestas humana potest cognoscere, & judicare actus internos: ergo neque eos præcipere, aut vetare: Fortissimum quidem argumentum, siquidem Ecclesia non habet jurisdictionem super actus merè internos, neque de illis potest legem ferre; actus enim merè mentales non judicat, idè neque lege punit, & hæc Doctrina fundatur in communi illo effectu; Ecclesia non judicat de occultis: quod satis diversis juribus comprobatur, & tandem docet S. Thom. *quest. 61. artic. 4.* Cæterum, quia S. Doctor ibi non loquitur de oratione, prout in casu, de quo fit sermo, idè quod nullo modo Adversariis favet; unde oppositum in casu nostro est longè probabilius, verius, & in praxi sequendum cum eodem S. Thoma loco adducendo. Nam in Concilio Generali sub Innoc. III. *cap. Dolentes de celebrat. Missæ.* præcipitur recitando devota, & actus orationis, & ut Divinum Officium celebretur studiosè pariter, & devotè, quod sanè significat internam attentionem, & devotionem; non est autem Oratio, sive in Deum elevatio, ubi nulla est mentis attentio, sed inanis vociferatio, quia si cor non orat, in vanum lingua laborat. Ultra quod, licet Ecclesia non possit directè præcipere actum internum seorsim sumptum, tamen potest illum compræcipere, quatenus scilicet habet connexionem cum actu externo, ut docet Bonac. *de legib. disp. 1. quest. 1. punct. 5. num. 7.* Et quociens actus internus est de substantia actus externi, Ecclesia potest actum internum præcipere. Itaque concludendum est, in recitatione Divini Officii, & in auditione Missæ,

necessariam esse attentionem, secus non satisfieri Ecclesiæ præcepto: & hæc sententia est verior, probabilior, & tutior, ut ipsimet adversarii fatentur. Vide S. Thom. *in 4. distinct. 15. Cajet. 2. 2. quest. 83. art. 13. Navar. in Man. cap. 25. num. 133. Emm. Sà verb. Hora Canon. num. 19. Tolet. lib. 2. cap. 10. num. 4. & cap. 13. numer. 30. Layman tom. 1. lib. 4. tract. 1. cap. 5. numer. 9 & 10. Bonac. de Hor. Canon. disp. 1. quest. 3. punct. 2. §. 2. num. 14. & seqq. ubi satisfaciunt objectis, & luculenter respondet. Plures pro hac sententia refert Bonac. ibidè, & Diana *part. 2. tract. 12. resol. 3. in princip.* licet ipse oppositam defendat, tamen hanc nostram probabiliorè appellat, & meritò: nam qui non habet attentionem, saltem implicitam, & virtualem, more Plutarchi vociferatur, sed revera non orat. Ergo &c.*

129 Inter. 2. Ad quid attendere debet, qui recitat Divinum Officium, ut adimpleat præceptum?

Resp. Quatuor modis quis attendere potest, ut præceptum adimpleat. Primò, ad verba, ne scilicet dicat unum verbum pro alio, ne confundat, aut colligat verba, ut distinctè, ac reverenter dicat. 2. ad sensum verborum, ut percipiat mente, & applicet affectum ad id quod verbis significatur. 3. ad gratiam petitam, vel ad rem, quam petit, puta Castitatem, Humilitatem, Fidem, Spem, Divinam amicitiam, Cœlestem Patriam, & alia hujusmodi, quæ sola peruntur communiter in Divino Officio. 4. ad ipsum Deum, vel ad Jesu Christi passionem cum intentione ipsum laudandi, vel ad Sanctos, ad quos orationem dirigit. Et una istarum attentionum sufficit quidem, nec aliud ex vi orationis exigitur, rectè docent Cajet. *in Summ. verb. Hora Canon. Toletus lib. 2. cap. 13. Emm. Sà verb. Hora Canon. num. 19. Bonac. de Horis Canon. disp. 1. quest. 3. punct. 2. §. 2. num. 4. & seqq.* & alii ab ipso relati. Vide Navar. *in man. cap. 25. numer. 105. & seqq.*

130 Inter. 3. Beneficiarius qui Divinum Officium recitat sine attentione, teneaturne ad restitutionem fructuum?

Resp. Bonac. *de Horis Canon. disp. 1. quest. 2. punct. 3. num. 17.* pluribus relatis respondet teneri, & rectè quidem; nam de substantia orationis est attentio, ut ego satis dixi ad Inter. 1. hujus tituli. Qui ergo recitat officium sine attentione, non satisfaciunt præcepto quoad substantiam, & perinde est, ac si non recitasset, & per consequens necessarium dicendum est teneri ad restitutionem fructuum. Imò si recitat in Choro ex officio,

neque distributiones in conscientia retinere potest, si abque attentione divinum officium recitavit. Vide Bonac. & alios penes ipsum, qui ita rectè concludunt; licet oppositum dicat Tolet. lib. 3. cap. 13. numer. 6. & alii: Sed vide Cajet. in Summ. verb. Hora Canon. versic. Quoad tertium, ubi plura ad intentum.

TITULUS XVII.

De Attritione.

Vide titul. de Absol. à pec. Inter 16. 17. titul. de Contris. ad ques. tit. de Diff. Inter. 1. 2. tit. de Moribus. Eccl. Inter. 5. 15. tit. de Sac. Pœnit. Inter. ult.

131 Inter. 1. Quid est Attritio?

Resp. Est dolor imperfectus de offensa Dei, quoniam vel ex turpitudinis peccati consideratione vel ex gehennæ, & pœnarum metu, vel ex timore amissionis gloriæ communiter concipitur; debet tamen excludere voluntatem peccandi, cum spe veniæ: Ita communiter Doctores. Vide Conc. Trid. sess. 24. cap. 4.

132 Inter. 2. Attritio de peccatis ob malum temporale, v.g. ob nocumentum salutis, vel ob pœnam pecuniariam, sive corporalem, qua peccator damnatus est, vel dampnandus à Iudice humano, vel ob similia, sufficitne ad Sacramentum pœnitentiæ validè recipiendum?

Resp. Tale dubium proponitur à Diana par. 4. tract. 4. ref. 193. & pro parte negativa adducit Vasq. in 3. pars. som. 4. quest. 92. art. 1. dub. 3. Suar. de pœnit. disp. 20. sect. 2. Sylv. in 3. pars. Supplem. D. Thom. quest. 1. art. 3. in fin. quibus ego addo Tolet. lib. 3. cap. 4. num. 5. vers. prima quidem. ubi docet, detestari peccatum propter malum illatum, licet sit bonus actus, non tamen sufficere ad Sacramentum; imò qui sic accederet, putat eum peccare denuò, & non implere præceptum, & consequenter esse repetendum Sacramentum; si quidem non quælibet attritio sufficit ad gratiam, & fructum in Sacramento pœnitentiæ suscipiendum; sed requiritur, & sufficit attritio supernaturalis, & efficax, ut patet ex Trid. sess. 6. cap. 6. sess. 13. cap. 3. & sess. 14. cap. 4. & docent Bonac. de Sac. dispus. 5. quest. 5. sect. 1. numer. 3. Undè cum nemo possit solis viribus naturæ sufficienter se disponere ad Sacramentum, ejusque effectum recipiendum, ideo videtur non sufficere attritionem ob

malum temporale, ut ponitur in quæsito. Tamen ipse Diana probabiliter censet cum aliis ab eo congestis, attritionem, & dolorem peccatorum ob malum temporale cum respectu ad Deum, à quo immisum, aut immittendum est, sufficere ad effectum Sacramenti pœnitentiæ suscipiendum; nam dolor de peccatis ob malum temporale respiciens Deum, ex se, non solum est honestus, sed etiam habet motivum, quod movet ad dolendum de peccato, & non ad dolendum de bono opere, & excludit affectum peccandi, quia Deus etiam eo malo punit peccatum, & non opus bonum, &c. Aliæ rationes videri possunt apud Dian. ubi supra & part. 9. tractat. 11. resol. 62. verb. Nota etiam hic. Cæterum hæc opinio, si intendat esse licitum confiteri advertenter cum ea sola attritione, subjacet damnationi propositionis primæ reprobatae ab Innocen. XI. ut ostendit Joan. de Cardenas in Crisi differt. 8. cap. 6. art. 2. quest. 2. Vide ipsum, qui optimè concludit. Hanc sententiam sequitur etiam Author Caut. Confess. lib. 2. cap. 34. num. 27. & 28.

133 Inter. 3. Peccator, qui non habet copiam Confessarii, cui peccata confiteri valeat, potestne salvari cum sola attritione?

Resp. Minimè salvari potest, quia non dicitur habere Sacramentum Pœnitentiæ in re, vel in voto; nam peccata non remittuntur, nisi per Sacramentum Pœnitentiæ in re, vel in voto; in re, quando de facto subiiciuntur peccata legitimo Confessario, in ordine ad absolutionem recipiendam, & tunc sufficit attritio; in Voto autem remittuntur peccata per contritionem in ordine ad Confessionem; siquidem qui actum contritionis elicit, quando non habet copiam Confessarii, tenetur adhuc eadem peccata, quorum remissionem per actum contritionis obtinuit, subicere suo tempore Sacramento Pœnitentiæ; quod necessarium est in re, vel in voto illis, qui mortaliter peccarunt post Baptismum, tamen necessitate mediæ, quàm necessitate præcepti. Vide Bonac. de Sac. Pœnit. disp. 5. quest. 2. punct. 3. per tot. ubi plures Doctores refert. Ideo, qui non habet copiam Confessarii, eliciat actum contritionis, cum proposito tunc confitendi, si posset; aliàs salus non obtinetur.

TITULUS XVIII.

De Bannitis.

Vide tit. de Fil. ad Quæst. 1.

154 **I**nter. 1. Potestne quisvis simplex Sacerdos absolvere Bannitum poena capitali à casibus reservatis, & à censuris, etiam in Bulla Cœnæ, Summo Pontifici reservatis?

Resp. Supponendum est primò tamquam certum, articulum mortis, & periculum, pro eodem accipi quoad effectum absolutionis à censuris, & casibus reservatis, tum à Romanis Pontificibus, tum à Sacris Canonibus, Theologis, & Juris peritis, ut rectè probat Cardin. de Lugo *disp. 18. de penis. scilicet. 10. nu. 2.* & docent etiam Layman *lib. 5. tract. 6. cap. 12. num. 13.* Bonac. *de Sac. disp. 5. quæst. 7. punct. 1. num. 10.* Navar. *in Man. cap. 29. nu. 31.* Emm. *Sà verb. Absol. num. 3.* Dian. *part. 3. tract. 3. resol. 71.* Cassian. à S. Elia *in Arbor. opin. mor. verb. Articuli. mort. §. 6. num. 97.* & alii plures penes ipsos, quidquid aliqui in contrarium sentiant. Hoc posito, dicendum est, posse quemlibet simplicem Sacerdotem absolvere hujusmodi Bannitos ab omnibus casibus, & censuris, dummodò sint dispositi, scilicet contriti, cum proposito non peccandi in futurum: & ratio est, quia Bannitus (modò tamen saluum conductum non habeat, & nisi sit in loco, ubi securum esse arbitrat) ubique, ac semper impunè potest occidi, & consequenter dicitur esse in probabili mortis periculo constitutus, ideoque quisvis simplex Sacerdos potest ipsum absolvere, absente alio Sacerdote approbato: & ita docent Naldus *in Summ. verb. Absolut. num. 9.* Bassæus *eodem verbo num. 31.* quibus subscribit Gabrinus *part. 1. ref. 82. vers. 5.* Diana *part. 5. tract. 5. ref. 64.* & alii ab ipso relatis: Lezana *tom. 2. verb. Bannitus num. 14.* Vide Pasqualig. *de Privileg. eorum, qui in peric. mortis constituuntur quæst. 4. numer. 15.* ubi docet, quod non obstante salvo conducto, adhuc Bannitus censendus sit in periculo mortis, & consequenter à quolibet Sacerdote possit absolvi; nam si Bannitus sciat habere infidiatores vitæ, & quòd Princeps, à quo fuit bannitus, quærat caput ipsius, sufficit quidem, ut dicatur esse in periculo mortis; quia odium hominis potentis est sufficiens ad constituendum eum in tali periculo, ut benè probat ipse Pasqualigus.

135 Inter. 2. Capitaliter banniti, consu-

gientes ad Ecclesiam, gaudentne ejus Immunitate?

Resp. Ita certè tenendum est, dummodò delictum, pro quo sunt banniti, non sit de exceptuatis in Bulla Gregoriana; cum de Jure communi omnes confugientes ad Ecclesiam non sint ab Altari evellendi, ut dicitur *in cap. 2. de Immun.* Vide Sanchez *in Opuscul. tom. 2. lib. 6. cap. 1. dub. 8. num. 24.* Bonac. *tom. 2. de legibus disp. 3. quæst. 7. punct. 5. numer. 15.* & Dian. *part. 6. tract. 1. resol. 21.* & alios penes ipsos.

136 Inter. 3. Banniti capitaliter, confugientes ad Ecclesiam, gaudentne ejus Immunitate, & quomodò le gerere debent Regulares Prælati, si ad eorum Ecclesias confugerint dicti banniti, aut fures, & alii homines facinorosi?

Resp. Dico primò, capitaliter bannitos, fures, aliosque facinorosos homines gaudere Ecclesiarum immunitate, dummodò delictum, pro quo sunt banniti, non sit de exceptuatis in Bulla Gregoriana, ut dicam *infra tit. 76. ad Inter. 33.* & ita docet Sanchez *in Opuscul. tom. 2. lib. 6. cap. 1. punct. 8. num. 24.* Barbos. *de Jure Eccles. lib. 2. cap. 3. num. 130.* Bonacin. *de legib. disput. 3. quæstion. 7. punct. 5. numer. 15.* & alii plures, quos sequitur Diana *part. 6. tract. 1. resolus. 21.* & hoc est certissimum, & ipse Diana ibidem satisfacit objectis, & rectè quidem. Dico secundò, prohibitum esse à Sac. Congregatione Regularibus retinere quoscunque bannitos, decoctores, seu fallitos, aliosque delinquentes, sub poena privationis officiorum, ut asserit Lezana *tom. 1. part. 1. cap. 10. numer. 21.* & *tom. 2. verb. Bannitus numer. 2.* & 8. ubi refert aliam Epistolam, quam Sac. Congregatio mittere solet ad Episcopos, & Nuntios, qua prohibetur retineri in Ecclesiis quibuscunque malè viventes, & facinorosos, ultra tres dies; non quia eis non suffragetur immunitas Ecclesiastica, quia Sac. Congregatio non intendit derogare Constitutioni Greg. XIV. sed ob alia motiva, ut videre licet apud eundem Lezanam *locis citat.* & Dianam *part. 3. tractat. 1. resolus. 40.* qui conatur probare, quòd dictæ Epistolæ missæ fuerunt ad Archiepiscopum Bononiensem, & Archiepiscopum Neapolitanum; ideoque ibidem dumtaxat obligare: quod quidem mihi non placet, quia mens Sac. Congregationis est, ut nullibi retineantur, ut patet ex Epistola, quam refert Lezana *ubi supra verb. Bannitus numer. 8.* Verùm Peyrinus *tom. 1. privileg. Min. in Constitut. 4. Clem. VIII. num. 7.* asserit posse Superiorem Regularem retinere in suo

Conventu per aliquot dies Bannitum aliquem sibi benevolam, qui casu aliquo, & non dolo, aut data opera commisit aliquod crimen, propter quod proscriptus est, v. g. homicidium, vel quid simile; quia iste talis non debet vocari male vivens, aut facinorosus, de quibus solis in prædictis litteris, & aliis similibus decretis, fit fermo; & ita dicit Genuæ servari. Vide Lezanam tom. 1. part. 1. cap. 10. num. 21. ubi tandem concludit sic: Cautè tamen in hoc procedendum. Vide Bonac. ubi supra num. 6. vers. Obiciunt quatuor.

137 Inter. 4. Bannitus si steterit in Ecclesia suæ Patriæ, censeturne fregisse exilium?

Resp. Negativam sententiam tenendam esse putat, & probabiliter, doctus Diana part. 4. tractat. 1. resolut. 92. nam tunc censetur, ac si esset extra Territorium quoad juris effectum, quia esse in loco exempto, vel extra Territorium, est idem, juxta sententiam Pauli de Castro, Alexandri, Rolandi, Nattæ, & aliorum, & docent Legistæ in l. fin. de jurisdic. omnium Judicium, ut observat ipse Diana ubi supra. Et rectè quidem, nam Ecclesia est extra Territorium, & jurisdictionem Principis laici, ut docet Castro Palao tom. 2. tractat. 11. disputat. unica punct. 11. mun. 6. & alii: vel ut alii asserunt, Ecclesia, licet dicatur esse in Territorio Principis Sæcularis, non tamen propriè dicitur esse de ejus Territorio, ut docet Aymon consil. 908. numer. 6. lib. 5. Cassaneus in consuetud. Burgundia rubr. 1. §. 5. num. 117. Tuscus verb. Eccles. conclus. 5. numer. 10. Farinac. de Immuni. cap. 22. num. 356. & Sperellus de res. 3. num. 11.

138 Inter. 5. Qui occidit capitaliter bannitum existentem in Ecclesia, quam penam incurrit?

Resp. Peccat mortaliter, & committit Sacrilgium, & licet non possit puniri tamquam homicida (cum Bannitus impunè occidi valeat) tamen severè à Judice Ecclesiastico puniri debet hujusmodi homicida, quia fuit violator Ecclesiæ, & Ecclesiasticæ immunitatis, ac proinde etiam Excommunicationis vinculo censendus est innodatus, ut rectè firmat Diana part. 6. tract. 1. resolut. 21. vers. Notandum est etiam hic &c. & pro se alios adducit.

139 Inter. 6. Peccatne mortaliter, qui Bannitum, sive proscriptum capitaliter, interfecit?

Resp. Non peccat, quia quivis de populo potest etiam in foro conscientie Bannitum,

seu proscriptum occidere; nam facit non privata, sed publica autoritate. Tolet. lib. 5. cap. 6. sub numer. 10. & alii mox citandi. Verum est tamen, quod debent concurrere istæ quatuor conditiones; 1. ut per publicam mortis sententiam data sit omnibus facultas illum occidendi; 2. ut Bannitus existat intra Territorium Principis proscribentis, & non habeat saluum conductum; 3. ut id fiat publicæ justitiæ zelo, non ex odio, aut privatæ vindictæ causa; 4. ut excipiantur parentes, quia, ut dicam ad Inter. sequentem, non licet filio occidere Patrem Bannitum, & docet etiam Emm. Sà verb. Bann. num. 4. Ita è contra neque Patri licet occidere filium, vel fratri fraterem, nec uxori maritum, ut videre licet admodum Nicol. in Etsi verb. Occiso, sub numer. 4. Cabrin. de Cef. Reserv. part. 2. cap. 1. annos. 5. num. 17. Lezana tom. 2. vers. Bannitus numer. 9. Quod tamen verum putant, nisi hujusmodi essent Reipublicæ hostes, aut ei valde noxii, cum bonum commune debeat præferri bono privato, ut dicam etiam ad Inter. sequent. Imò dicunt aliqui, licitum esse etiam proditoriè, aut per insidias Bannitum occidere, quidquid alii in contrarium sentiant propter periculum damnationis æternæ, cui frequenter exponitur Bannitus, si occidatur in statu peccati mortalis) nam sibi prospicere debet, cum possit cessare à peccatis, & non vult, idè sibi imputare debet, si in statu peccati mortalis occidatur; major enim ratio urget, ut occidatur pro bono communi, quam non, ob solum bonum privatum ipsius: Ita tradunt Molina, Filliuc. Azorinus, & Megala, quos refert, & sequitur Diana part. 5. tract. 4. resolut. 25. contra Bonac. de Res. disp. 2. quest. ultima sect. 1. punct. 2. num. 3. & alios apud ipsum; Cabrinus autem loc. citat. num. 16. statetur sibi magis placere opinionem Bonac. propter periculum damnationis Animæ, cui frequenter exponitur Bannitus, si in eo statu proditoriè occidatur. Utraque sententia est probabilis, modò concurrant quatuor illæ conditiones supradictæ. Vide Lezanam loc. cit. numer. 9. & 10.

140 Inter. 7. Potestne sine peccato mortali filius occidere Patrem bannitum?

Resp. Occidere Patrem bannitum non licet filio absque peccato mortali, quia in tali casu filius non amittit obligationem naturalem, qua tenetur erga Patrem. Ita docet Bonac. de Res. disp. 2. quest. ult. sect. 1. punct. 2. num. 6. Diana part. 5. tract. 4. resolut. 25. vers. Nota tamen, Nicolius verb. Occiso numer. 4. ubi tamen notat, quod si Parentes hujusmodi,

modi, essent Reipublicæ valde noxii, etiam à filiis occidi possent, quia bonum commune præterendum est privato. Vide Layman lib. 3. tract. 3. part. 3. cap. 2. num. 2. & Resp. ad Inter. antecedentem.

TITULUS XIX.

De Benedictione Nuptiarum.

Vide tit. de Paroch. Inter. 36.

141 Inter. 1. Quodnam peccatum est consummare matrimonium ante benedictionem?

Resp. Dicunt aliqui, quoddam secluso contemptu, & scandalo, nullum sit peccatum. Vide Dianam part. 3. tractat. 4. resol. 240. & resol. 265. vers. Adde; tamen quia Concil. Trident. sess. 24. de reformat. matrimon. cap. 1. hortatur, ut Conjuges non consumment matrimonium ante benedictionem, idem aliter facientes peccant venialiter, sicut erat ante Concilium, ut ex Armilla, & Cajetano docet Toleus lib. 7. cap. 23. numer. 2. Verum concludendum esse puto, omittere benedictionem, aut ante eam consummare, non esse peccatum mortale. Ita Sylvest. verb. *Debitum conjugale* §. 11. Imò nec veniale, si fiat juxta aliqua de causa, ut docent Emh. Sà verb. *Debitum conjugale* num. 6. & verb. *matrimonium* num. 6. Chaves in summ. *Victoria de Sacram. matrimon. quest. 247.* Diana ref. 240. cit. qui cum Sanchez aliquando credit esse sanum consilium matrimonium consummare ante benedictionem, ut quando ex aliqua justa causa differtur, estque periculum incontinentiæ. Vide Bonac. de matrim. quest. 4. punct. 6. sub num. 2.

142 Inter. 2. Tempore ab Ecclesia vetito potestne dari benedictio nuptiarum sine peccato mortali?

Resp. Quia violatur præceptum Ecclesiæ in re gravi, idem committitur peccatum mortale dando benedictionem solemnem tempore ab Ecclesia interdicto, & Sacerdos graviter puniendus esset poena arbitraria, cum in jure nulla sit præscripta poena: Sponsi verò in poenam criminis separandi essent ad tempus, nisi periculum incontinentiæ timeatur ob separationem, sed puniri deberent alia poena arbitraria. Ita Sylvest. verb. *matrimonium* 7. quest. 2. in fin. Rosella verb. *impedimentum* num. 17. Sanchez de matrim. lib. 7. disput. 7. numer. 5. quos refert Bonac. de matrim. quest. 3. punct. 14. num. 4. vers. secundo sequitur.

Tom. I.

143 Inter. 3. Benedictio conjugalitatis quando fieri debet?

Resp. Benedictionem conjugalem non posse nisi inter missarum solemniam fieri, resoluit Aldanus, & testatur ita fuisse decisum in una Pisaurina. 13. Julii 1630. Vide Barbof. Collect. ad Trident. sess. 24. cap. 1. de reformat. matrim. numer. 251.

144 Inter. 4. A quo fieri debent nuptiales benedictiones? & quam poenam incurreret, qui sine licentia sponfos benediceret?

Resp. Fieri debent ab Ordinario, vel à Parocho Sponsi, vel Sponsæ, vel ab alio Sacerdote de ipsius licentia; nam si alius Sacerdos hoc faceret sine licentia Parochi, vel Ordinarii, ipso facto incurreret suspensionem ab Officio, donec ab Ordinario Parochi absolutionem habuerit, ut habetur ex Trident. sess. 24. cap. 1. de reformat. matrim. Et idem dicendum esset, si dictus Sacerdos esset Regularis, siquidem suspensionem solum incurreret, non autem excommunicationem latam in Clementina 1. de privileg. ut pluribus relatis docet Bonac. de matrim. qu. 4. punct. 6. num. 3. & ego dicam in tit. 196. de Sacram. Matrim. ad Inter. 7. ad quam te remitto. Vide DD. apud Barbof. in Collect. ad Trident. loco cit. num. 154. & seqq.

145 Inter. 5. In secundis nuptiis estne opus, ut Sponsi iterum benedictiones recipiant?

Resp. Non est necessarium, quia benedictiones non respiciunt nuptias, sed personas; unde si in primis nuptiis eas receperint, non sunt iterum astrigendi ad illas recipiendas; dummodò tamen in eo loco non adit consuetudo in contrarium; nam consuetudinis legitimæ Diocesani circa secundas nuptias benedicendas standum esse asserunt plures Doctores. Cæterum quando alter Conjugum non suscepit benedictionem, videtur usu receptum, ut in secundis nuptiis benedictiones conferantur, maxime si femina nondum fuit benedicta, cum sit virgo. Ita pluribus allegatis docent Bonac. loco proxime cit. num. 4. & Barb. ubi supra nu. 152. & 153. Sed si plura circa tale dubium scire desideras, vide Sylvestrum verb. *Nuptia*, Em. Sà verb. *Benedictio* nu. 2. & Dianam part. 3. tract. 4. res. 265.

TITULUS XX.

De Beneficiariis, & Beneficiis Ecclesiasticis.

Vide tit. de Exat. Etc. Inter. 2. 3. tit. de Atestione, Inter. 3. tit. de Bigam. Inter. 8. tit. de Cappell. tit. de Canon. tit. de Election. Etc. Inter. 1. 2. 4. 6. 8. tit. de Elem. 1. 14. tit. de Episcop. Etc. Inter. 15. 42. 69. tit. de Excom. Min. Inter. 4. tit. de Horis Canon. Etc. Inter. 1. tit. de Injust. Inter. ultim. tit. de Ira, & Od. Inter. ult. tit. de Irregul. Inter. 2. 16. tit. de Largit. Mun. Int. 1. tit. de Mutu. Inter. ult. tit. de Paroch. tit. de Peccat. Inter. 27. tit. de Pensiom. Etc. tit. de Privileg. Etc. Inter. 7. tit. de Refid. Inter. 6. tit. de Refid. accept. Inter. 6. 7. 8. 9. 10. tit. de Sac. Ord. Inter. ult. tit. de Simon. tit. de Susp. Inter. 1. 2. tit. de Val. Benef.

146 **I**nter. 1. Ad quem pertinet Beneficiorum collatio?

Resp. Beneficia conferre pertinet pro toto Orbe ad Papam; pro sua Diocesi ad Episcopum (cum quo concurrat Legatus à latere) & aliquando pertinet ad Capitulum, ut docet Layman lib. 4. tract. 2. cap. 10. & ex eo Lezana tom. 2. verb. Beneficium sub numer. 12. Verum, ut bene advertit Toletus lib. 5. cap. 77. num. 2. Capitulum non potest conferre Beneficia per se, nisi in tribus casibus. Primus est, quando Ordinarius est suspensus à collatione Beneficiorum, ut non possit conferre, aut est excommunicatus. Secundus, quando vacat Sedes, & tale est Beneficium, quod Capitulum cum Episcopo providere solebat; tunc verò si solus Ordinarius conferre debebat. Tertius, quando est Beneficium juris patronatus; nam licet solus Ordinarius conferebat, tamen vacante sede, potest Capitulum per ipsum conferre. Extra istos tres casus non potest de jure Capitulum beneficia conferre; sed tantum ex speciali aliquo privilegio, si habet, aut ex immemorabili aliqua consuetudine, vel statuto in contrarium; nam posito aliquo statuto, vel consuetudine immemorabili, quivis, licet non sit Ordinarius, Beneficia conferre valet. Vide Sylvestrum verb. Beneficium 2. Toletum, & Lezanam locis citatis. Et nota, quod collatio beneficiorum non est actus Ordinis, sed jurisdictionis. Vide infra in tit. 83. ad Inter. 15.

147 Inter. 2. Potestne fieri licite promissio Beneficii vacaturi, aut ad id presentatio?

Resp. Talis promissio, quacumque verborum forma fiat, nec licet, nec valet: habetur ex cap. 1. 13. & 16. de concess. Præben. & cap. detestanda eodem tit. in 6. & cap. Ne captande de spol. Cler. Vide Em. Sà verb. Beneficium num. 16. & Armillam eodem verb. n. 14.

148 Inter. 3. Non Clericus, aut Clericus sed Conjugatus, potestne habere Ecclesiastica Beneficia.

Resp. Dicam alibi, non Clericum, seu laicum obtinere minimè posse beneficium Ecclesiasticum, cum sit quid spirituale, quod dari non potest laico. Vide infra in tit. 223. de Validitate Beneficiorum, ad Inter. 5. Quantum verò ad Clericum Conjugatum, licet gaudeat privilegio fori, & canonis, si unam, & Virginem duxerit, & incedat in habitu, & tonsura, & alicujus Ecclesiæ servitio, vel ministerio ab Episcopo deputatus, eidem Ecclesiæ serviat, vel ministret, ut statuit Trident sess. 23. de refor. cap. 6. tamen de jure communi habere non potest beneficium Ecclesiasticum, nec administrationes Ecclesiasticas, quare nec esse potest Vicarius Episcopi, ut docet Panormitanus in cap. Joannes, & in cap. Sanè de Cler. Conjug. & Doctores communiter in cap. unico eodem tit. lib. 6. teste Sylvestro verb. Beneficium 3. num. 8. qu. 4. qui etiam citat D. Thomam pro hac sententia.

149 Inter. 4. Clericus beneficiarius Matrimonium contrahens, perditne ipso facto beneficium?

Resp. Si est in Sacris, & contrahit per verba de presenti, non est ipso facto privatus, sed est privandus, nam matrimonium est nullum, ideòque compellitur uxorem dimittere: & sic non valet regula, quod non possit servire uxori, & beneficio, ut dicitur de Clerico in minoribus ordinibus constituto, qui contrahit matrimonium per verba de presenti, quia cum matrimonium validè sit contractum, perdit jus ad beneficium per vinculum incompatible cum ipso beneficio, & ad illud amplius non habet regressum. Si verò Clericus in minoribus solum contrahit sponsalia per verba de futuro, non perdit beneficium, quia dissolutis sponsalibus, potest ad suum redire beneficium, ut aliis citatis docet Sylvestr loco proxime cit. num. 23. qu. 22. & Em. Sà verb. Beneficium num. 24. Tolet. lib. 5. cap. 82. nu. 2. Itaque qui ducit uxorem, perdit Beneficium, nec illud potest ullo modo retinere.

150 Inter. 5. Qui animo ducendi uxorem retinet beneficium aliquod, peccatne mortaliter, & teneturne ad restitutionem?

Resp. Certò mortaliter peccat, nisi animum mutet: ad restitutionem verò non tenetur,

tur, nisi cum curatum est Beneficium, & non Collegiatum. Navar. cap. 26. num. 118. & Soto lib. 10. quest. 5. artic. 6. apud Toletum lib. 5. cap. 5. num. 2. Sed Gabriel in 4. diffin. 15. quest. 8. art. 3. putat teneri ad restitutionem in omni beneficio, etiam non curato; tamen cum sit jus ad hoc obligans, non videtur esse poena amplianda; quare si uxorem ducat, non tenetur fructus jam ante perceptos restituere, juxta communioem sententiam.

151 Inter. 6. Qui Beneficium recipit animo illud resignandi, vel permutandi, incurritne aliquam poenam?

Resp. Ex Bulla Pauli I V. quae incipit *Inter cetera*, edita die 27. Novembris 1557. quam per extensum ponit Gonzalez in *Regul. Cancell. glossa* 15. num. 90. & refert etiam Fillicius tom. 3. tractat. 14. capis. 5. numer. 43. apud Dianam part. 7. tractat. 7. resolut. 14. prohibitum est sub poena excommunicationis latae sententiae, & summo Pontifici reservatae, recipere Beneficium animo resignandi, vel permutandi; & in Romana Curia, teste Diana ubi supra; datur juramentum, quo non accipiat Beneficium animo resignandi. Verum, ut docet Garzias de Benefic. tom. 2. pars. 11. capis. 3. num. 291. dicta Bulla procedit dumtaxat in obtinentibus, seu impetrantibus beneficia in Curia Romana, seu à Papa, non autem ab Ordinariis locorum extra Curiam; nec dictam poenam incurrit, qui non statim, seu infra parvum tempus, sed post aliquos annos habet intentionem resignandi Beneficium; & ita esse usu receptum asserit idem Garzias; quia nemo tenetur habere idem annuum retinendi semper beneficium, & juramentum, quod Romae exigitur, sic accipiendum videtur; Imò qui obtinet beneficium cum animo dubio, aut condicionali illud resignandi in favorem alterius, dictam poenam non incurrit, prout tenet ipse Garzias, cui adhæret Diana loco cit. ad quem brevitatis gratia Lectorem remitto.

152 Inter. 7. Excommunicatus occultus teneturne se manifestare, ne accipiat Beneficium?

Resp. Si potest absque scandalo, & infamia se manifestare, tenetur id facere, quia quilibet tenetur obedire Ecclesiae, & servare effectus censuræ: si verò imminet periculum infamiae, vel scandali, non debet se prodere; nam Ecclesia non obligat cum tanto incommodo. Debet tamen, si potest, aliquo honesto titulo se excusare, & non acceptare beneficium, at si illud deceperit, debet quam primum petere absolutionem occulte

à Sac. Penitentiaria, & sic erit tutus in conscientia. Vide Bonac. de cens. disp. 2. quest. 2. pun. 4. §. 1. nu. 12. Dian. part. 4. tr. 4. ref. 56. prop. 50. & Suarez de censur. disp. 13. sect. 1. n. 11.

153 Inter. 8. Beneficiarius, si incidat in excommunicationem, estne ipso jure privatus fructibus, redditibus, seu distributionibus Beneficii?

Resp. Dicunt alicui, non teneri illos restituere, quia nulla adest obligatio restituendi, dummodò exequatur onera, & officia Beneficii, sive excommunicatus sit Peruchus, sive Canonicus, sive habeat Beneficium simplex, nam putant non esse ipso jure privatum fructibus, &c. sed necessario requiri Judicis sententiam. Alii verò probabilius docent excommunicatum non facere in conscientia fructus suos, consequenter teneri absque alia Judicis sententia illos restituere, aut saltem curare eorum condonationem à Sac. Penitentiaria, exposita causa paupertatis, ignorantiae, vel injustae excommunicationis, vel diligentiae in procuranda statim absolutione, sed dilata culpa aliorum. Ita Tolet. lib. 1. cap. 13. num. 12. cum Palud. in 4. dist. 18. quest. 4. Sylvest. verb. Clericus 4. quest. 25. & aliis ibi congestis: ita etiam tenet Suarez de cens. disp. 13. sect. 2. numer. 4. Fillicius tom. 1. tractat. 12. cap. 5. numer. 120. Sayrus de censur. lib. 1. capis. 5. num. 14. Reginaldus tom. 2. lib. 32. tract. 2. cap. 7. num. 36. & alii multi. Imò Tolet. loco cit. testatur de communi: sed Bonac. de censur. disp. 2. quest. 2. pun. 4. §. 2. num. 2. est pro prima opinione, quæ revera est probabilis, sed magis tuta mihi videtur opposita, idcirco sequenda in praxi. Vide Dianam part. 4. tractat. 4. resolut. 54. qui utriusque partis Doctores refert, sed adhæret illis, qui docent, non esse ipso jure privatum fructibus Beneficii: Idem docet Rot. in Appar. pro exam. Cler. capis. 8. sect. 1. numer. 9.

154 Inter. 9. Expositi debentne admitti ad Beneficia in Cathedralibus, & suntne habendi puri sanguinis?

Resp. Dicam infra in tit. 83. ad Inter. 35: Expositos habendos esse pro legitimis, & consequenter sunt habiles ad Ordines, & ad Beneficia; & hæc sententia est probabilior, & communior, ut asserit Diana part. 10. tract. 16. resolut. 96. ubi citat Doctores ad satietatem vers. Restat modò, & luculenter probat, in Cathedralibus Expositos admittendos esse ad Beneficia; quia ex præsumptione Juris habent puritatem sanguinis, quod sæpius firmavit Sac. Rota, ut videre licet apud ipsum Dianam, qui egregie respondet

det etiam ad argumenta contraria, & pluribus citatis hanc sustinet sententiam, quam impugnare difficile mihi videtur, etiamsi in aliqua Cathedrali adsit statutum de puritate sanguinis, & sufficientem informationem exposcat. Vide Dianam, & non te poenitebit vidisse; nam longum esset recensere omnia, quæ ibidem perdoctè tradit.

155 Inter. 10. Socrates servivit per multos annos cuidam Episcopo, & habuit intentionem recipiendi beneficium, ut pretium servitii; obtinuit beneficium, potestne illud tuta conscientia retinere?

Resp. Multi dicunt, quòd non, sed debeat illud resignare, quia usurarius mentalis tenetur ad restitutionem; & ita quoque teneatur qui committit Simoniam mentalem, ut fecit ipse Socrates. Sed Sanchez in *Opusculis* lib. 2. cap. 3. dub. 105. num. 5. cum Cajetano Angles, & aliis, docet, quòd si in tali casu externè nullum etiam implicitè interfuit pactum, sed tam Socrates, quàm Episcopus hñxerint gratias facere, recipiens beneficium non teneatur illud resignare, nec Episcopusolvere servitium; & hanc sententiam sequitur Diana pars. 4. tract. 4. resol. 168. & inter alios citat D. Thomam 2. 2. quæst. 100. art. 6. ad 6. & benè quidem, nam Simonia mentalis non obligat ad restitutionem, ut obligat mentalis ulura. Em. Sà verb. *Simoniam* num. 8. & alii apud ipsum.

156 Inter. 11. Quinam sunt de jure inhabiles ad beneficia Ecclesiastica consequenda?

Resp. Multi sunt, qui de Jure censentur inhabiles ad beneficia Ecclesiastica consequenda: Sunt igitur hæretici, eorumque fautores, receptatores, & defensores, Excommunicati, Suspendi, Interdicti personaliter, Irregulares, Bigami, Conjugati, Laici, Illiterati, corpore vitiiati, publici aleatores, Ebriosi, Simoniaci in beneficio assequendo post privationem; Clerici malè usurpantes bona quæcunque, vel jura Ecclesiarum, Concubinarij incorrigibiles, Filij, & Nepotes offendentium Cardinalem, Neophiti, Erma-phroditi, Infames, Obligati Reipublicæ ob administrationem, aut redditam rationem, & cæteri hujusmodi, de quibus latè agunt Squillante de priv. Clericor. cap. 4. per totum, Barb. de jure Ecclesiastico lib. 3. cap. 13. & alii. Vide etiam Lezanam tom. 2. verb. *Beneficium* n. 4. & seqq.

157 Inter. 12. Qui commisit crimen, propter quod, lege ita statuente, incurrit ipso facto, vel ipso jure poenam privationis be-

neficii, & officij, teneturne in Foro conscientie statim illud dimittere ante sententiam declaratoriam Judicis?

Resp. Dicam infra in tit. 168. de panis, ad Inter. 1. non teneri, juxta sententiam plurimorum Doctorum, quos ibi citabo. Vide igitur Dianam pars. 12. in tract. de consecr. Episcop. resol. 56. qui pluribus allegatis doctè, ut semper solet, hanc sustinet sententiam, quæ revera mihi videtur probabilissima, quia ut quis re, quam possidet, privetur in poenam criminis, oportet, ut sententia aliqua procedat; cum natura abhorreat, ut idem sit agens, & patiens; ideòque lex humana videretur nimis acerba, & supra humanas vires, si cogeret ad exequendum in se poenam valde gravemunde non censetur obligare cum tanto rigore, saltem nisi exprimat, ut in conscientia ante omnem declaratoriam quis teneatur dimittere jus, quod habet, & rem, quam possidet, ante omnem Judicis sententiam declaratoriam. Alias rationes vide, si libet, apud ipsum Dianam, & alios Doctores, quos ipse refert, & præsertim Thomam Hurtadum variat. tom. 2. tract. ult. resol. 11. §. 4. nu. 700. & Garziam de Benefic. pars. 11. cap. 10. num. 8. & 9. Vide etiam Em. Sà verb. *Beneficium* num. 20.

158 Inter. 13. Teneturne Beneficiarius persolvere boras canonicas statim post adeptam collationem Beneficii?

Resp. Non statim ad onera Beneficii obligatur, sed postquam Beneficii possessionem jam accepit; nam æquum non est, ut qui non potest jura beneficii exercere, teneatur ipse onera sentire: Ita pluribus relatis docet Dian. pars. 2. tract. 12. resol. 21. Sed hoc intelligo, nisi Beneficiarius spontè differat possessionem capere, siquidem esset in culpa, & Ecclesia debito obsequio defraudari non debet ob ejus culpam, aut negligentiam, maxime cum frans, & negligentia ipsius non debeat ei prodesse, ut benè ex Lessio, Parisio, Menochio, Filiuc. Azorio, Molfesio, Squillante, & Vasquez, resolvit Bonac. de Heris Canon. disp. 1. quæst. 2. punct. 5. num. 2.

159 Inter. 14. Beneficiarius teneturne Divinum Officium recitare, si Beneficium sit ita tenue, ut non sufficiat ad vitæ sustentationem?

Resp. Communis sententia docet teneri, & benè quidem; nam jura, dom asserunt beneficium dari propter officium, indistinctè loquuntur, nec magis loquuntur de beneficio pingui, quàm tenui, ut patet ex Concil. Lateranensi sub Leone X. sess. 29. can. 9.

can. 9. & ex Bulla B. Pii V. Quare cum verba Concilii, & Bullæ præfatæ, generalia sint, nec ullo modo excipiunt habentes Beneficium tenue, nec nos distinguere, aut excipere debemus, nec quis potest se excusare, si inde non percipiat necessaria ad sustentationem, quia voluntariè, & scienter ad illud intulituri se fecit; scienti autem, & volenti non fit injuria; idèò imputet sibi. Sylvest. verb. hora numer. 3. Navar. de Orat. cap. 7. nu. 37. & cap. 25. numer. 102. D. Anton. pars. 3. tit. 13. cap. 4. §. 1. Tolet. lib. 2. cap. 14. numer. 4. Suarez de Relig. tom. 2. lib. 4. cap. 21. numer. 4. Azor. pars. 1. lib. 10. cap. 3. quæst. 3. Castropol. tom. 2. disp. 2. punct. 1. §. 2. & alii plures, quos refert, & sequitur Bonacin. de Horis canon. disp. 1. quæst. 2. punct. 4. numer. 17. qui etiam ad objectiones in contrarium respondet; licet Diana pars. 2. tract. 12. resol. 9. hanc nostram sententiam non sequatur, hanc communem esse fatetur, & plures Doctores allegat in favorem. Verum non definit Doctores aliter sentientes, ut videre licet apud Bonac. loco supra cit. & apud Dian. loco cit. & par. 4. tract. 4. resol. 146. & par. 5. tract. 5. resol. 25. & par. 10. tract. 16. resol. 47. vers. & tandem nota. Et quamvis hæc opposita sententia probabilitate non careat, tamen puto non esse discedendum à communi sententia, quæ quidem verior est, ac probabilior. Vide igitur Bonacin. ubi supra, qui fortioribus terminis hanc sustinet sententiam, & meriti.

160 Inter. 15. Clericus qui non est sacris ordinibus initiatus, & habet beneficium Ecclesiasticum, peccatne mortaliter si officium Divinum non persolvit?

Resp. Peccat certò mortaliter; Toletus lib. 2. cap. 12. numer. 2. quia facit contra determinationem Ecclesiæ in re gravi, & contra finem, propter quem datur beneficium, ut patet ex Bulla Beati Pii Quinti edita 12. Kalend. Octobris anno 1571. apud Bouacin. de Horis Canon. disp. 1. quæstion. 5. punct. 2. numer. 2. & si elapsis primis sex mensibus post obtentam Beneficii possessionem officium non recitaverit, non solum peccat mortaliter, ut dixi, verum etiam tenetur ad restitutionem pro rata temporis, & officii omitti. Ita docet Bonacin. loco citat. numer. 8. & rectè quidem, tenetur enim ex obedientia. Vide Bonacin. disp. 1. quæst. 2. punct. 4. numer. 1. ubi supra.

161 Inter. 16. Qui habet onus recitandi Divinum Officium ratione Beneficii, si culpabiliter illud recitare prætermittit, ad quid teneatur.

Resp. Tenetur restituere pro rata juxta ommissionem Officii, & hoc patet ex Concil. Lateranensi sub Leone X. & etiam ex Bulla B. Pii V. quam per extensum refert Navar. in Man. cap. 25. nu. 22. Bonac. de Horis Canon. disp. 1. quæst. 5. punct. 2. numer. 2. & alii. Vide Dianam pars. 4. tract. 4. resol. 111. qui docet, quomodo debet fructus restituere.

TITULUS XXI.

De Beneficiorum Permutatione.

Vide sit. de Beneficiis Inter. 6.

162 Inter. 1. Permutantes Beneficia sine Superioris licentia, inciduntne in censuras, & alias pœnas contra Simoniacos inflictas?

Resp. Affirmativè tenendum est omnino, nam hujusmodi permutationes minimè fieri possunt sine labe Simonizæ, sine Superioris licentia, quidquid in contrarium dicat P. Navarrus. Nam sic habetur ex cap. Cum olim, & cap. Quæsitum, de rerum permutatione, cap. Majoribus de preben. & cap. fin. de pallis, & tradunt quàmplures DD. quos allegat, & sequitur Diana pars. 10. tract. 16. resol. 16. qui testatur de communi. Hæc autem Simonia est dumtaxat de jure Canonico prohibita, ut probat Bonac. loco max. citando nu. 3.

163 Inter. 2. Si Beneficarii tractent inter se de aliqua permutatione inter eos faciendâ, si Superiori placuerit, committuntne peccatum Simonizæ?

Resp. Nullum peccatum committunt; nam licet partibus inter se tractare de futura permutatione, si Superior consentiat. Sylvest. verb. permutatio 2. quæstion. 5. & alii plures, quos dat Diana loco proxime citat. vers. Sed hic quero; qui etiam testatur de communi. Vide Bonac. de Simon. disp. 1. quæst. 4. §. 12. nu. 5.

164 Inter. 3. Potestne licitè fieri permutatio Beneficiorum sine justa aliqua causa?

Resp. Nequaquam; siquidem requiritur aliqua causa, quæ justa censetur quidem, si permutans uno loco commodius propriæ salutis sit consulurus, vel quia in loco sui Beneficii habet graves inimicitias, aut saltem incommodum patitur propter aeris intemperiem, &c. Si verò permutatio pro aliquo commodo temporali unius, aut utriusque fiat, esse Simoniam docet Sanctus Thomas in 4. disp. 15. quæst. 3. art. 3. ad 8. Cæterum Diana loco citat. vers. Quæro 2. excusat à peccato Simonizæ, qui permutat pro aliquo suo tempo-

rali

rali bono; sed mihi non placet, sed solum concedo cum Sylvestro ubi supra nu. 3. quando quis in alio loco possit melius Deo servire, licitam esse permutationem. Vide Toletum lib. 5. cap. 91. & Bonac. ubi supra nu. 7.

TITULUS XXII.

De Beneficiorum Pluralitate.

Vide sit. de Cardinal. Inter. 5.

165 **I**nter. 1. Potestne quis tuta conscientia habere plura Beneficia simul.

Resp. Plura Beneficia simul retineri non possunt, licet sint simplicia, si personalem requirant residentiam, vel sint supra sufficientem, & honestam possidentis sustentationem. Concil. Trident. sess. 24. cap. 17. Itaque habens unum Beneficium sufficiens, non potest retinere duo; & habens duo per se separatim insufficientia, sed simul juncta sufficientia, non potest retinere tertium. Ita Doctores apud Barbof. in Trident. loc. cit. num. 6. & concordat Panorm. quem citat Sylvest. verb. Benefic. 4. sub num. 2. circa finem; & ap proinde, qui habet Beneficium, quantumcumque simplex, quod per se sufficiat ad vitam Beneficiati, non potest aliud tenere sine peccato mortali, secundum Gloss. in cap. siue dum 2. de elect. Quod si à Papa dispensetur, ut plura simplicia possit habere pingua Beneficia, ego non audeo improbare. Sed solum vellem, ut legerentur Doctores, quos allegat, & sequitur Diana part. 10. tract. 13. resol. 1. per totam. Vide Navar. in Manual. cap. 25. num. 125. Tolet. lib. 5. cap. 80. Sylvest. loco cit. Eman. S. verb. Beneficium num. 1. & D. Tho. quodlib. 9. artic. 5. Rotarium de exam. cler. cap. 8. sect. 2. nu. 14. & infra in hoc eodem tit. ad Inter. 4.

166 Inter. 2. Episcopus potestne dispensare, ut aliquis possit habere duo Beneficia simplicia?

Resp. Episcopi habenti unum beneficium simplex, quod non sufficiat ad ejus sustentationem, potest quidem aliud simile conferre usque ad sufficientem sustentationem absque Apostolica dispensatione; sed non potest plura simplicia ultra duo conferre sine Papæ dispensatione. Vide Doctores apud Barbof. in Trident. sess. 24. cap. 17. n. 4. & seqq. Emm. S. verb. Beneficium n. 2. & Panimollam ro. 2. dec. 31. ad nos. num. 34. & seqq.

167 Inter. 3. Quando dicitur posse Beneficium Ecclesiasticum sufficere ad congruam sustentationem Beneficiarii?

Resp. Hoc relinquendum est ad arbitrium Superioris, qui consideratis considerandis existimare poterit plus, vel minus, quid necessarium sit pro qualitate personæ, loci, & temporis. Ita pluribus relatis firmat Barbof. loc. cit. num. 17. & de potest. Episcop. part. 3. allegat. 62. num. 11.

168 Inter. 4. Qui sine iusta causa obtinet ex dispensatione Papæ plura Beneficia, estne tutus in conscientia?

Resp. Doctores ad satietatem refert Barbof. in Trident. loco supra cit. num. 54. qui loquuntur de materia tam periculosa, & lubrica. Item vide S. Thomam quodlib. 9. quæst. 7. Sylvest. verb. Beneficium 4. num. 14. Emm. S. eodem verb. sub num. 1. & alios, quos refert, & sequitur Diana part. 10. tract. 13. resol. 1. Quænam autem sint iustæ causæ ad dispensandum, habebis ex DD. allegatis. Hoc unum verò non prætereo, scilicet quod nemini suffragatur dispensatio Pontificia ad possidendum plura simul Beneficia, nisi ex iusta causa fuerit obtenta, ut docet Marchantius apud Dianam loc. cit. in fine. Iusta autem causa non est, nisi in utilitatem Ecclesiæ, vel ob ipsius Ecclesiæ necessitatem; secus non est bona dispensatio, nec est homo securus coram Deo. Toletus lib. 5. cap. 81. nu. 4. Nam dispensatio Papæ semper, vel saltem in dubio intelligi debet facta cum illa bona intentione, ut Beneficia non habeantur ad proprium commodum, luxum, &c. alias sic dispensare, ex Hostiensis apud Dianam, est in Infernum cum licentia Papæ introire. Alia quæ dicunt ipsi DD. circa tale dubium, libenter prætermitto, sciens, quod durus est hic sermo apud aliquos. Multa exempla aliorum, qui fuerunt æternaliter condemnati propter Beneficiorum pluralitatem, referuntur in Prato spiritali, & apud Villadiegos, teste Barbof. in Trident. loc. cit. nu. 1. in fine. Tandem vide Dianam part. 12. tract. de Consecr. Episcop. resol. 73. Armillam verb. Benefic. num. 43. & Sylvest. verb. Benefic. 4. num. 4. si plura scire desideras.

169 Inter. 5. Qui habet plura Beneficia, & non persolvit divinum Officium, teneaturne ad restitutionem fructuum omnium Beneficiorum, vel sufficit restituere pro rata officii omisi? & quot peccata committit?

Resp. Licet qui plura Beneficia iuste, & cum legitima superioris auctoritate retinet, unum specie peccatum committat dum horas Canonicas prætermittit, quia facit contra obligationem ejusdem rationis, ut docent quamplurimi DD. apud Bonac. de Horis Canon. disp. 1. quæst. 2. pun. 1. num. 9. in fine. & Dianam part. 2. tra. 12. ref. 23. tamen tenetur fructus omnium Bene-

Beneficiorum pro rata officii culpabiliter omissi restituere; & hoc clarè patet ex Bulla B. Pii Quinti, & tradunt DD. communiter.

TITULUS XXIII.

De Bigamia.

Vide sit. de Differ. Inter. 22. sit. de Privileg. Inter. 2. 3. 4. 5.

170 **I**nter. 1. Quotplex est Bigamia?

Resp. Triplex est Bigamia, scilicet vera, interpretativa; & similitudinaria: Vera illa dicitur, quando quis duas, vel plures uxores successivè ducit, & cum utrisque copulam perficit: Interpretativa illa dicitur, quando conjugatus denuò contrahit cum alia & cum ea copulam habet, vel quando unam uxorem legitimam habuit, postea aliam invalidè ducit cum impedimento dirimente, & cum ea affectu maritali, & uti uxore matrimonium consummat; vel semel matrimonium cum foemina ab alio cognita, sive antecedenter nupta, sive vidua contrahit. Denique quando quis contrahit matrimonium cum Virgine, eamque cognoscit, postquam ipsa adulterata fuerit, sive per vim, aut metum. Nota tamen, quòd qui ducit foeminam à se ipso corruptam ante Matrimonium, non fit bigamus, quia caro non est divisa, juxta virorem, & communiorem sententiam. Vide Dian. *part. 4. tract. 1. ref. 27. vers. Notandum est*; Tolet. *lib. 1. cap. 66. num. 5.* Tandem Bigamia similitudinaria est, quando quis post votum solemne castitatis emissum in ordinibus sacris, vel in professione in approbata Religione, matrimonium celebrat cum aliqua virgine, vel corrupta, eamque carnaliter cognoscit, & licet matrimonium sit nullum, præterea fit Irregularis ratione bigamiae, qui hujusmodi matrimonium contrahit, necnon committit sacrilegium, & est suspectus de fide. Vide Dianam *part. 7. tract. 7. ref. 5.* Bonac. *de censur. disp. 7. qu. 2. pun. 5. per totum, præsertim n. 3.* Tolet. *lib. 1. cap. 65. num. 1. & seqq. & cap. 67. Zeccum de castus reserv. cas. 1. de Irregular. pag. 109. num. 37.* Peyrinum *tom. 3. in Constit. 2. Julii II. §. 29. num. 120.* & alios *verb. Irregularitas, vel in verbo Bigamia.*

171 Inter 2. Laicus contrahens Matrimonium cum Moniali, aut cum ea, quæ votum solemne castitatis emisit, fitne irregularis ratione bigamiae similitudinariae?

Resp. Minimè, quia in jure non est expressa talis irregularitas; & irregul. non incurritur, nisi sit in jure expressa, ut patet ex *cap. 1. §. qui,*

de sentent. excomm. tum etiam quia tale matrimonium non potest significare unionem Christi cum Ecclesia. Et idem dicendum est de Clerico in Minoribus constituto, aut de habente solum votum simplex castitatis, si contrahat cum Virgine; propter eandem rationem. Bonacin. *de censur. disp. 7. quæst. 2. pun. 5. sub numer. 2.* Lezana *verb. Bigamia numer. 3. prop. finem*, & alii.

172 Inter. 3. Fitne bigamus, & irregularis Maritus, qui ignorat adulterium Conjugis, & illam carnaliter cognoscit? vel qui putat ducere Virginem, & ducit corruptam?

Resp. Supponendum est tanquam certum, quòd bigamia interpretativa non solum contingit, quando quis contrahit matrimonium cum Vidua, quæ prius matrimonium consummavit, vel ducit corruptam ab alio, ut deducitur ex *cap. Precipimus, & cap. Si quis Viduam disp. 34. & cap. Debitum de Bigamis*; sed etiam per accessum ad propriam Uxorem postquam illa Adulterium commiserit, licet à principio Virgo accepta fuerit, ut tradunt communiter DD. teste Suarez *de censur. disp. 49. sect. 3. n. 15.* & Tolet. *max. adducendus nu. 6. & 7. Dianam par. 7. tra. 12. ref. 20.* Hoc ergo supposito, quidquid dicant aliqui, tenendum est, irregularitatem incurrere dictum Maritum ignarum Adulterii; nam hæc est communis sententia, quam docent Avila *de censur. par. 7. disp. 8. dub. 1. vers. Tertio modo*, Sanchez *de Matrim. disp. 84. num. 1 §. Layman lib. 1. tract. 5. part. 5. cap. 6. n. 3.* & alii innumeri apud ipsos. Et idem dicendum est de eo, qui à principio putavit ducere Virginem, & duxit corruptam. Tolet. *lib. 1. cap. 66. num. 3.* Et ratio est, quia hæc irregularitas non in poenam delicti, neque ob infamiam ullam Personæ, sed ob defectum significationis inducta est. Vide Dianam *part. 10. tract. 11. ref. 25.* ubi plura ad intentum, & Bonac. *de censur. disp. 7. quæst. 2. pun. 5. nu. 10. 11. & 12.* & Emanuel Sà *verb. Irregularitas ex Bigamia numer. 2. & 3.*

173 Inter. 4. Quare est irregularis ratione Bigamiae, qui ducit foeminam ab alio cognitam, & non qui contrahit matrimonium cum Virgine, quamvis ipse sæpius fornicatus sit?

Resp. Rationem reddit Bonac. *de censur. disp. 7. quæst. 2. pun. 5. sub numer. 7.* ubi sic inquit: Defectus Virginitatis in Sponsa arguit majorem indecentiam, quàm in Viro; est enim ignominiosum ducere sceminam fornicariæ ab alio cognitam. Sicut etiam ignominiosum videtur contrahere cum ferva, aut mima, seu scenica, idest publica fabularum actrice; &

ob id

ob id contrahens cū ea, est irregularis, etiam si illa Virgo fuerit, ut post Sylvestrum notat Suarez, Reginal. & Filiuc. *ex can. 17. Apostolorum*. Et *cap. Si quis Viduam dist. 34.* nam contrahens cum vili Persona, similis illi efficitur: Tum quia sicut motus non specificatur à termino à quo, sed à termino ad quem, ita etiam matrimonium non specificatur ab ipso met contrahente, qui sæpius fornicatus est; sed ab altero contrahente, ad quem terminatur, qui est femina, cuius caro sæpius divisa est; unde si femina capax esset Ordinum, fieret bigama, ducendo virum fornicarium, sicut ipse vir sit bigamus contrahendo, & consummando Matrimonium cum ea, quæ fuit ab alio carnaliter cognita. Hæc enim Bonac.

174 Inter. 5. Quare Bigamus censetur irregularis ex defectu Sacramenti? & quid significat: Ex defectu significationis.

Resp. Ex defectu significationis, & Sacramenti, est idem. Dico igitur, quod idem Bigamus sit irregularis, & talis censetur ex defectu Sacramenti, quia Matrimonium consummatum significat unionem Verbi cum natura humana, quæ à Theologis dicitur unio hypostatica, & etiam significat unionem Christi cum Ecclesia, quæ quidem uniones sunt indissolubiles; hanc autem significationem non habet Bigamus, quia unio Christi cum natura humana, & cum Ecclesia, est unius cum una; Bigamus vero est unius cum pluribus, & sic non potest aptè habere hanc significationem: quæ ratio & si propriè procedat in Bigamia reali, proportionaliter tamen adaptatur ad interpretativam, & similitudinariam per quamdam analogiam, ut docet Lezana *tom. 2. verb. Bigamia sub nu. 2.* estque communis Theologorum sententia. Et hæc est ratio, per quam Bigamus dicitur irregularis propter defectum Sacramenti. Vide Bonac. *loco supra cit. num. 3.* & Tolet. *lib. 1. cap. 65. num. 2.*

175 Inter. 6. Potestne Episcopus dispensare cum Bigamo, ut possit Ordines suscipere? aut in susceptis ministrare?

Resp. Qui duxit unicam, & Virginem, nulla indiget dispensatione, quia non est Bigamus, nec irregularis. An verò possit Episcopus in Bigamia vera, vel interpretativa dispensare, hæc est difficultas; & absolute respondendum est, non posse, quamvis occulta sit; quia non oritur ex delicto, sed defectu Sacramenti. Tolet. *lib. 1. cap. 68. num. 1.* qui testatur de coniugii. Imò Bonacin. *loco supra cit. num. 15.* asserit, hoc tempore Episcopum non solum non posse cum bigamis dispensare

ad suscipiendos Ordines Sacros, vel ad usum susceptorum, sed neq. ad Minores, vel ad primam Tonsuram, vel ad Beneficium etiam simplex, ut colligitur ex Trident. *sess. 23. cap. 17. ad finem*; & ita declarasse Sac. Congregationem apud Garziam, testatur contra communem DD. sententiam. Unde non est audiendus Diana *part. 10. tract. 11. resol. 23.* in fine, ubi docet, posse Episcopum etiam cum Bigamis propriis dispensare, ut Ordines Minores, & beneficia simplicia obtineant: In Bigamia verò similitudinaria non prohibetur dispensare, si talis Bigamus contraxit cum Virgine, imò ei conceditur in *cap. 1. qui Clerici, vel vocantes*, sed non cum femina ab alio corrupta. Bonac. ibidem ita docet. Et est communis sententia. Vide etiam Lezana *loco proxime citat. num. 4.* idem docentem, & Tolet. *lib. 1. ubi supra num. 4. 5. & 6.*

176 Inter. 7. Quis dispensare potest in omni bigamia vera, & interpretativa? Et concediturne huiusmodi dispensatio?

Resp. Solus Papa dispensare potest in omni bigamia; nam bigamia est de iure humano introducta: ergo in ea Papa valet dispensare. Tolet. *ubi infra num. 2.* cum D. Thoma in *4. dist. 27. quest. 3.* & aliis. Verum difficillime dispensat cum bigamo vero, nisi fortè ad Minores Ordines, aut cum ingrediente Religionem ad Sacros: minori autem cum difficultate dispensat cum Bigamo interpretativo. Et ratio est, quia bigamia vera (quæ est, quando quis verè duas Uxores legitime duxit, & cognovit carnaliter, sive duxerit ante Baptismum, sive post illum) majorem habet bigamiz rationem, quàm interpretativa, & hæc, quàm similitudinaria; & sic major, vel minor debet esse difficultas in dispensando. Toletus *lib. 1. cap. 68. num. 3.* Emmanuel Sà *verb. Irregularitas ex bigamia nu. 6.* & alii omnes.

177 Inter. 8. Bigamus potestne consequi Ecclesiastica Beneficia?

Resp. Bigamus non solum est incapax Sacramenti Ordinis, sed posito etiam, quòd post susceptionem Ordinis fiat Bigamus, tamen non potest consequi Ecclesiastica beneficia, ut pluribus relatis firmat Barbosa in Concilio Tridentino *sess. 23. cap. 17. num. 3.*

TITVLVS XXIV.

De Blasphematoribus, & Blasphemiis.

*Vide tit. de Cas. reserv. Inter. 6. tit. de Cor-
rect. Inter. 6. tit. de Denunc. Inter. 1. 2. 3. 4.
tit. de Parv. mat. Inter. 1. 2. 15. tit. de
Pec. Inter. 5.*

178 **I**nter. 1. Quid est Blasphemia?

Resp. Blasphemia secundum suam rationem formalem est loquutio in Deum, B. Virginem, aut Sanctos, per modum convicii, vel contumelie.

179 Inter. 2. Quotuplex est Blasphemia?

Resp. Blasphemia est duplex, alia simplex, alia verò hæreticalis.

180 Inter. 3. Quanam est Blasphemia simplex, & quæ hæreticalis?

Resp. Illa dicitur simplex Blasphemia, quæ directè falsitatem non continet contra fidem; hæreticalis verò est illa, quæ errorem contra fidem continet, quia vel opponitur articulis fidei, vel denegat Deo, quod ipsi convenit, aut tribuit ei, quod ipsi non convenit.

181 Inter. 4. Blasphemias hæreticales proferens, estne ipso excommunicatus?

Resp. Si detineatur errore repugnante Catholicæ veritati, & illum pertinaciter, pertinacia explicanda inferiùs in tit. 102. de Hæresi, & Hæreticis, responsione 3. retineat, utique est hæreticus, & consequenter excommunicatus in Bulla Cœnæ: si verò nullo detineatur errore adversante Catholicæ fidei, in foro pœnitentiali licet sit impius Blasphemus, tamen non est hæreticus, neque excommunicatus in Bulla Cœnæ: nam forum pœnitentiæ non præsumptione, sed veritate nititur; quamvis talis perditissimus peccator, si extra Sacramentalem Confessionem innotescat, loquistoribus hæreticæ pravitate denunciari debeat, ut pluries me dixisse memini; quia in foro externo habetur tanquam hæreticus, & excommunicatus. Vide Grassium de cas. reserv. lib. 1. cap. 10. num. 25.

182 Inter. 5. Blasphemantes Deum, & B. Virginem, gaudentne immunitate Ecclesiæ?

Resp. Quod tales gaudeant privilegio immunitatis, apud me est certissimum, non solum post Constitutionem Gregorianam, sed etiam de jure communi. Vide Dianam par.

6. tract. 1. resolut. 26. versic. Quæro octavo. Verum est tamen, quod si blasphemia est hæreticalis, utique eam evomens, Ecclesiæ immunitate gaudere non potest, non ratione blasphemiz, sed quia est suspectus de hæresi, & consequenter à ministris Sanctissimæ Inquisitionis licet ab Ecclesiâ extrahi potest, incarcerationi, & puniri, sicut de quocumque alio de hæresi suspecto contingit. Ita firmat Diana par. 4. tract. 1. resolut. 51. ubi concordantes adducit. Vide iterum ipsum Dianam par. 1. tract. 1. resolut. 38. idem, ut dixi, alserentem, & Bonacin. de legibus, disput. 3. quæstion. 7. pun. 5. num. 13.

183 Inter. 6. Blasphemiz, si vè sint in Deum, si vè in Sanctos, suntne ejusdem, vel diversæ speciei?

Resp. Secundum probabilem opinionem, sunt ejusdem speciei, nisi hæresim contineant vel à formali odio Dei procedant, Diana par. 2. tr. 7. res. 50. & par. 5. tr. 13. res. 21. in fin. & alii ab ipso relati.

184 Inter. 7. Si quis dixerit *Rinnego Dio, la Madonna, San Pietro*, estne censendus Blasphemus hæreticalis, ita ut possit ab Inquisitoribus puniri?

Resp. Certum est, Blasphemiâ hæreticalem esse dicere *Rinnego Dio*, ut docent Doctores communiter teste Diana par. 4. tract. 7. resolut. 8. versic. Notandum est etiam hic & de facto contra talem blasphemantem procedunt Inquisitores, & benè quidem; nam in foro externo censetur tanquam Apostata à fide. Quando quis verò solum diceret *Rinnego Maria, San Pietro &c.* puto, quod non sit blasphemus hæreticalis, & per consequens non procedunt contra illum Inquisitores, sed Episcopus, ut testatur Sanchez 10. 1. moral. lib. 2. cap. 32. numer. 36. Sed hoc intelligendum est, dummodo ex aliqua circumstantia talis blasphemus merito judicari non possit suspectus de fide; nam Inquisitores regulariter possunt cognoscere de blasphemis, quæ habent in se hæresim implicitam, vel explicitam, ut optimè docet Lazarius de blasphemis quæst. 6. num. 10.

185 Inter. 8. Estne censendus Blasphemator hæreticalis, qui dicit, *Al dispetto di Dio* hoc feci, vel faciam, & possuntne Inquisitores hunc Blasphemantem punire?

Resp. Licet non nulli graves Auctores defendant talem blasphemiam non esse hæreticalem, quia fidei confessioni non opponitur, & consequenter nec punitionem pertinere ad Inquisitores, sed ad Judices Ordinarios. Vide Suarez tom. 1. de Relig. lib. 6. cap. 5. 3.

cap. 5. numer. 8. *Rojas de hereticis pars. 2. numer. 178. Sanchez in Summ. tom. 1. lib. 2. cap. 32. numer. 36. quos allegat Diana loco proximo cit. versic. Sed ponam hic.* Tamen dicendum est, dictam blasphemiam esse hæreticalem, & huic sententiæ tanquam probabiliori adhæret idem Diana, & pro se citat Naldum, Sanctarellum, Lazarium, & Filliucium: & ratio hujus assertionis est, quia sensus horum verborum, scilicet *Al dispetto di Dio* est, quod omnino debeat fieri id, quod blasphemans profert, etiamsi Deus sua omnipotentia nolit; quod est derogare divinæ potentie. Quare absolutè tenendum est, posse Inquisitores contra evomentem talem blasphemiam inquirere, & illum punire. Imò quivis in conscientia tenetur hujusmodi verba proferentem Inquisitoribus denunciare, ut rectè resolvit ipse Diana loco citat.

186 Inter. 9. Blasphemi consuetudinarii excusantur, si blasphemant in iracundia, vel ebrietate, vel somno, vel ludo?

Resp. Qui est solitus blasphemare, non debet excusari, si in iracundia profert blasphemias, sicut nec in totum excusatur, si in somno dormiens blasphematur, ut dicit Alexand. Rom. *Præm. 1. numer. 128. de blasphemia*, quæ facit linguam disertam, & acutam in blasphemiiis & maledicentiis. Neque qui in ebrietate, nam debet se abstinere à quantitate, vel qualitate vini, aliàs non excusatur; & tandem nec est excusatione dignus, qui ludendo exponit se periculo blasphemandi; siquidem est in culpa; qui enim scit, quod aliquem actum faciendo, incidit in iram, & ex ira in blasphemiam, debet se ab illo actu abstinere, aliàs excusationem non meretur, ut aliis relatis rectè resolvit Raynaldus *tom. 1. observ. cap. 1. § 1. ad 7. numer. 34. usque ad nu. 38. inclusivè*. Vide id, quod ego obiter dicam in *tit. 33. de Casibus Reservatis. ad Inter. 6. in fin*. Et tandem pro praxi notandum est id, quod docet Zanardus in *direct. Theol. par. 2. præcept. 1. cap. 11. num. 10. ubi assertis*: Blasphemi in ira semel bis, & ter, si ira magna fuit, & ex causa iusta non solent abjurare: non consuetudinarii verò in ira abjurant de levi, & consuetudinarii in ira, & extra iram de vehementi. Vide *Dianam par. 4. rr. 7. ref. 8. qui alios scilicet docentes adducit*. Et nota, quod Inquisitores possunt procedere contra blasphemantes hæreticaliter in iracundia, ut ex aliis docet idem Diana *par. 4. tract. 8. refol. 87.*

187 Inter. 10. Potestne absolvi à simplici Confessario Scomponius, qui sæpe sepius dum irascitur dicit, *Al dispetto di Dio*, *Corpo di*

Dio, *Sanguis di Dio*, *possar Dio*, *possanza di Dio*?

Resp. Affirmant quidam probabiliter, dummodo illa verba sine indignatione in Deum proferantur, & quia ut plurimum abest intentio blasphemandi, seu concivium inferendi Deo, aut saltem dicendi; idè non sunt verè blasphemie, nisi ex conscientia erronea. Vide *Navar. cap. 12. n. 84. & 85.*

188 Inter. 11. Blasphemator hæreticis estne censendus Hæreticus tam in foro fori, quam in foro poli, ita ut non possit à quolibet Confessario absolvi?

Resp. Contra evomentes blasphemias hæreticales solum Inquisitores procedere possunt, ut tradunt plurimi Doctores, quos refert, & sequitur Diana *par. 4. tract. 7. ref. 8.* alius refert Raynaldus *tom. 1. observ. cap. 1. § 1. ad 7. nu. 61. & 63.* & in Inquisitione Romana habentur vehementer suspecti de hæresi, & idè imponitur eis abjuratio *de vehementi*, ut testantur Doctores penes eundem Dianam loco citat. Itaque quando quis aliquod hæresim manifestam sapiens profert, in foro fori absolutio inquisitoribus reservatur; tamen non sequitur ex hoc, quod in foro poli sit censendus hæreticus, ac per consequens non possit à quolibet Confessario absolvi, quia si revera errorem non habet intellectus, & male non sentiat de fide, quivis confessorius illum absolvere valet, dummodo talis blasphemia non sit ex casibus ab Episcopo reservatis, ut rectè docent *Gyptius de cas. reserv. cap. 6. qus. 4. n. 83. & 84. Zanard. in direct. Theol. par. 2. præcept. 1. cap. 11. apud Dianam par. 2. tract. 4. ref. 143. vers. Idem tenet, & vers. Et tandem*, ubi etiam pro hac sententia refert Turreblan. & Bannez. Vide igitur quæ dicam *sum in tit. 106. ad Inter. 2. & 3. tum etiam in tit. 215. ad Inter. 23.* nam militat eadem ratio.

TITULUS XXV.

De Bullis.

Vide tit. de Absolut. à Reserv. ad quæst. 1. tit. de Episcopali, &c. Inter. 19. 22. tit. de Falsis. lit. &c. Inter. 2. & seqq. tit. de Jubil. ad quæst. tit. de Largit. mun. Inter. 6. & seqq. tit. de Lib. prob. Inter. 1. 2. 3. 5. tit. de Medic. Inter. 6. tit. de Parv. mor. Inter. 9. tit. de Regul. Inter. 31. tit. de Rest. accep. Inter. 9. tit. de Suc. Ord. Inter. 7. tit. de Simul. Inter. 2. tit. de Val. Conf. Inter. 14.

189 Inter. 1. Possuntne Regulares sine licentia suorum Superiorum, saltè virtute,

tute Bullæ Cruciatæ, sibi eligere Confessarium extraneum?

Resp. Quidam dicunt posse pro non referatis tantum, alii verò pro reservatis etiam posse sibi eligere Confessarium extra Religionem sine licentia; hos Auctores refert Diana *par. 1. tract. 11. ref. 14. par. 6. tract. 10. vers. Notandum est hic obiter, et par. 11. tract. 4. ref. 37. et 38.* Verum communis sententia docet, nullo modo posse Regulares vigore dictæ Bullæ confiteri extra Religionem sine licentia Superiorum; Lezana *par. 1. tom. 1. cap. 19. n. 29.* nam Religiosi sine expressa suorum Superiorum licentia uti non possunt facultatibus in Jubilæis, aut Bullæ Cruciatæ confessionalibus, aut aliis quibuscumque Apostolicis indultis, quomodocumque hæcenus concessis, & in posterum concedendis; ut decrevit Gregorius XIII. pro Patribus Societatis Jesu, teste Diana *par. 3. tract. 2. ref. 49.* Et quia dictum decretum est privilegium Regionis, ideoque per communicationem fruuntur illo etiam aliæ Religiones, ut docet Tambur. *de Jure Abbas tom. 1. disp. 16. nu. 1.* Imò Molæsius apud Barbosam *in collect. ad Trident. sess. 23. de Refor. cap. 1. s. n. 12.* testatur sepe fuisse decisum, quòd nunquam Bullis Jubilæi, aut Cruciatæ uti possunt Religiosi quoad effectum eligendi sibi confessarium, nisi in illis id clarè exprimat, & pro se plures concordantes refert; et hanc sententiam communiorē, atque probabiliorē esse, fatetur idem Diana *loco cit. par. 1. tract. 11. ref. 14.* maxime post Constitutionem Clementis VIII. emanatam die 23. Novembris 1590. apud Quarantam *verb. Confessor pag. mibi 197.* Tandem sic ferunt B. Pium Quintum respondisse, dum de tali dubio interrogatus fuit. Vide Bonac. *de Sac. disp. 5. quæst. 7. pun. 4. §. 1. n. 27. in fine.*

190 Inter. 2. Titius ingressus Monasterium Monialium ad malum finem, potestne ab Episcopo absolvi, aut à Confessario virtute Bullæ Cruciatæ?

Resp. Dicunt nonnulli, quòd non, ut videre licet apud Dianam *par. 2. tract. 16. ref. 3.* tamen ipse pluribus allegatis sustinet posse Episcopum vigore Concilii Tridentini *sess. 24. cap. 6.* absolvere dictum Titium ab excommunicatione dummodò occulta sit, contracta ex ingressu ad monasterium Monialium contra prohibitionem Gregorii XIII. ac etiam Confessarium virtute Bullæ Cruciatæ. Et ratio ipsius est, quia cū in reservatione talis excommunicationis non efficiatur mentio de Concilio Tridentino, non censetur illi derogatum, ex communi Doctorum sententia. Siquidem decreta alicujus Concilii generalis

ita sancita sunt matura deliberatione, ut videantur continere vim clausulæ derogatorie ad alia decreta posteriora contraria, nisi de illis specificam mentionem faciant. Vide Doctores penes Dianam *loco cit.* Sed quia Merolla *tom. 1. disp. 1. cap. 2. diff. 10. nu. 527.* refert ex aliis, Sacram Congregationem, & Gregorium VIII. respondisse, Episcopum non posse ab hoc casu, etiam si sit occultus, absolvi; ideo cautè procedendum est; nam dictam Sac. Congreg. responsum refert etiam Gavantus *in manual. verb. Absolutio n. 13.* & Barbof. *de potest. Episc. par. 2. alleg. 29. num. 45.* Consulo igitur, ut Episcopus se abtineat ab absolviendo, eò magis, quia Fagnanus *in cap. quoniam de confictis. num. 30. et in cap. dilectus de temp. ordin. n. 33.* docet ex Sac. Congr. Moniales secretò delinquentes in materia clausuræ, ab Episcopo absolvi non posse. Denique (quod caput est) idem Fagnanus ibidem *nu. 30.* refert, Sacram Congregationem censuisse, Episcopum non posse absolvere facultate sibi tributa *in cap. 6. sess. 24.* in casibus occultis post Concilium ex nova lege Sedis Apostolicæ reservatis, cum clausula (non obstantibus) ergo &c. Vide *in tit. 11. §. ad Inter. 4. in fine.*

191 Inter. 3. Bulla Clementis VIII. de largitione munerum obligatne in conscientia ad sui observationem?

Resp. Scio quidem multos viros doctos in illa sententia esse, quòd supradicta Bulla non obliget in conscientia, quia non fuit usu recepta quoad pœnas, quæ in illa continentur. Hos viros doctos refert Diana *par. 1. tract. 6. ref. 1.* Imò hanc sententiam putat esse probabiliorē, unde fatetur, quòd non condemnaret illum Religiosum, qui legitime præscriptum sequeretur usum suæ Provinciæ, & Religionis. Verum hoc nullo modo est dicendum, & multo minùs prædicandum, tum quia inter magis timoratos est in usu, tum etiam quia videtur innovata in Decretis Sac. Congregationis de Apostatis, & ejectis, sub Urbano VIII. emanatis, ut rectè observat Lezana *10. par. 1. cap. 6. nu. 55.* Quamobrem nil obstat, quin illa Bulla in aliquibus partibus non sit usu recepta, aut saltem abierit in desuetudinem, ut testatur Peyrinus *tom. 2. de subdito quæst. 2. de paupertate cap. 2. §. 6.* nam in dictis decretis de Apostatis, & ejectis, sic habetur: *Curent Superiores, ut constitutio interdicens largitiones munerum, et præscribens hospitalitatis formam ab omnibus in quolibet Conventu inviolabiliter observetur.* Sed vide iterum Lezanam *tom. 2. verb. dare seu donare sub num. 1. præp. finem,* ubi alias adducit auctoritates, & tandem sic resolvit: *Modò ergò his temporibus exclusa quacum-*

que non receptione dista Constitutionis Clem. seu etiam consuetudine in contrarium, eadem Constitutioni stare debent Regulares omnes &c. & ita tenendum est omnino. Vide Barbof. in collect. in Trident. sess. 25. de Regular. cap. 2. nu. 34. & nota, quod Innoc. XII. in Constit. super facultatibus majoris Pœnitentiarii, edita Anno 1692. §. Munera, clarè supponit præfatam Constit. Clementis VIII. vigere. Vide igitur ibi.

TITVLVS XXVI.

De Calice Missæ.

Vide tit. de Abbat. Inter. 2. tit. de Loic. Inter. 7. tit. de Reliq. Sac. Inter. 2. tit. de Vet. Inter. 20. 21. & ad Quæst.

192 **I**nter. 1. Quam pœnam incurrit, qui in Missa utitur Calice non consecrato?

Resp. Incurrit pœnam depositionis ab officio, & beneficio, ut habetur ex cap. ultim. de celebr. Missarum, & docet Bonac. de Sac. disp. 4. quæst. ult. pun. 9. numer. 17. Lezana verb. Calix num. 2. & alii.

193 **I**nter. 2. Calix non consecratus manetne consecratus, si quis in eo bona fide celebrat?

Resp. Affirmat Diana part. 2. tract. 14. ref. 69. & par. 5. tract. 13. ref. 60. sed Lezana probabilis docet contrarium; quia Ecclesia pro forma consecrationis Calicis verbalem benedictionem assignavit. Vide igitur, quæ ego firmabo in tit. 77. ad Inter. 15. ubi quæritur, si Sacerdos bona fide celebrat in Ecclesia polluta, sit iterum reconcilianda? & tene, ut ibi dicam; quia est probabilis, & tutius: nam est eadem ratio in utroque casu, & ubi est eadem ratio, est eadem legis dispositio. Vide ad Inter. anteced.

194 **I**nter. 3. Calix, qui usu aurum amisit & iterum postea deauratur, quoad illam superficiem, quæ tangit sanguinem Christi, debetne denuo consecrari?

Resp. Doctores communiter affirmativè respondent; quia consecratio fit propter contactum corporis, & sanguinis Christi Domini; ergo consecrari debet de novo, cum amittat consecrationem calix, & patena, qui indigent nova deuratione, & de facto deaurantur: nam in eoloco, in quo proximè fit contactus, non est consecratus Calix, seu patena, ergo &c. Et licet aliqui oppositum doceant, tamen non est recedendum à communi sententia, ut dixi, præsertim cum sit probabi-

llior, & tutior, ut docet Vasquez in 3. par. 2. 3. qu. 83. art. 2. disp. 233. Imò Reginaldus in praxi tom. 2. lib. 19. sect. 6. n. 199. contrariam docet periculofam. Vide Dianam par. 2. tract. 3. ref. 3. Lezana tom. 2. verb. Calix sub n. 5. Emmanuel Sà, & Sylvestrum eodem verb. nu. 2. & Bonac. de Sacram. disp. 4. qu. ult. pun. 9. n. 19. qui tenet, ut dictum est supra, & concordat Armilla verb. Calix n. 3.

195 **I**nter. 4. Ad quem spectat consecrare calices, patenas, & alia, in quibus requiritur sacra unctio.

Resp. De Jure Ordinario spectat solùm ad Episcopum; quia est actus Ordinis Episcopalis, ut docent Sylvest. verb. Benedictio n. 2. & 3. Barbof. de potest. Episc. par. 2. alleg. 27. n. 35. apud Lezanam loco proximi cit. n. 3. Emman. Sà verb. calix n. 3. Et licet quidam dicant sperare quoque ad quosdam Abbates Benedictinos, & Cistercienses, ex privilegiis Summorum Pontificum; tamen notandum est, Sac. Congregationem aliter declarasse Anno 1632. quam declarationem refert idem Lezana ubi supra tom. 2. verb. Benedictio n. 8. & hanc esse ultimam, & postremam omnium, asserit idem Auctor verb. calix sub nu. 3. consequenter illi standum est, donec ab eadem Sac. Congreg. aliud declaretur. Vide quæso ea, quæ dixi in tit. 1. de Abbatibus, ad Inter. 2. & ea, quæ dicam infra in tit. 28. de Prælati Regularibus, ad Inter. 17.

196 **I**nter. 5. Consecratio vini in Calice facta à Sacerdote, censeturne facta de guttis in Calice separatis à toto vino existente in fundo Calicis?

Resp. Affirmat Bonac. de Sac. disp. 4. quæst. 2. pun. 6. n. 7. & absolute asserit, omnes vini guttas, quæ sunt in Calice, licet separatæ à vino, manere consecratas: & ratio ipsius est, quia intentio Sacerdotis ferri videtur circa totam materiam in Calice existentem, quæ demonstratur per particulam *Hic*, ut patet à simili de consecratione plurium hostiarum in eodem vase existentium. Verùm alii, quos refert & sequitur Diana part. 2. tract. 17. ref. 16. & par. 3. tract. 4. ref. 32. dicunt, quod totum illud vinum censeri debet consecratum, quod per modum unius continui potabile existit in fundo Calicis, & non ille guttæ vini separatæ à toto vino, quod in Calice ipso continetur; ob defectum intentionis; nam intentio habenda circa materiam Calicis est, ut Sacerdos intendat consecrare illud vinum per modum unius continui potabile, quod intra Calicem existit, ut docet Reginaldus in praxi tom. 2. lib. 28. cap. 2. num. 19. Expedit tamen prius omnes guttas, præsertim remotas, abtergere, & tunc simpliciter omnem materiam consecrabilem,

bilem, quæ est in Calice, consecrare, no materia non consecrata miscetur consecratæ: & hæc doctrina, quæ est Coninchi de Sacram. quæst. 74. art. 2. dub. 3. numer. 43. mihi magis placet. Sed vide Layman. lib. 3. tract. 4. cap. 2. mun. 14.

TITULUS XXVII.

De Canonicis.

Vide tit. de Aetas. Eccl. Inter. 4. tit. de Cler. ad quæst. 3. tit. de Fid. prof. Inter. 1. 2. tit. de Her. Canon. Eccl. Inter. 8. 9. 10. tit. de Sepul. par. Inter. 4.

197 **I**nter. 1. Defectus nobilitatis, vel eminentis scientiæ, repellitne à consecratione præbendæ in illis Ecclesiis, quæ nobiles dumtaxat viros, & emineatis scientiæ recipere solent?

Resp. Juxta Sac. Canones illi non debent repelli, quia non generis, sed virtutum nobilitas, vitæque honestas, gratum Deo faciunt; cap. Venerabilis de præbend. Et dignis. ubi Gloss. inquit, quod solum Sanctus Paulus, & Sanctus Bartholomæus nobiles fuerunt, alii autem Apostoli ignobiles, & pauperes; & tamen electi fuerunt ad regimen Ecclesiæ, quia, ut ait Sanctus Ambrosius, Summa apud Deum nobilitas est, clarum esse virtutibus. Cæterum necessarium non est, quod quis sit eminentis scientiæ; ideò vide Concil. Trid. sess. 22. de reform. cap. 2.

198 Inter. 2. Potestne Episc. cogere Canonicos, & Confessarios sub pœna pecuniaria, ut ad Congregat. casuum conscientiarum interveniant?

Resp. Barbof. Collect. DD. ad Concil. Trident. sess. 5. de reformat. cap. 1. n. 7. affirmativè respondet, imò ex aliis docet, ita fuisse decisum à Sac. Congreg. Sed intellige de Canonicis confessariis, ut Sac. Congregat. declaravit in una Urbinaten. die 10. Martii 1663. Nota verò, quod licet Episcopus possit imponere pœnam pecuniariam in multis casibus, ut docet Diana par. 10. tract. 8. resol. 1. 2. 3. 4. 5. tamen debet esse moderata, ita ut imponatur potius correctionis zelo, quam lucris cupiditate; ita docet Riccius in praxi for. Eccl. par. 1. ref. 330.

TITULUS XXVIII.

De Canonico Pœnitentiario.

199 **I**nter. 1. Quas condiciones debet habere Canonico Pœnitentiarius, qui vigore Tridentini sess. 24. de reformat. cap. 8. in omnibus Cathedralibus Ecclesiis instituitur?

Resp. In primis requiritur, quod sit in ætate 40. annorum completorum, ut docet Barbof. de potest. Episcop. par. 3. alleg. 55. n. 9. sed Moronus mox citandus dicit sufficere, quod quadragesimus annus sit inceptus, & hoc ego puto verius cum Diana par. 10. tract. 16. resol. 86. Morono, & aliis, quia annus inceptus habetur pro completo in tali casu. 2. requiritur, quod sit Magister, vel Doctor, aut licentiatius in Theologia, vel in jure Canonico; sed dato, nullum esse in Dicecesi, qui sit doctor, aut licentiatius in Theologia, vel in jure Canonico, potest quidem quæri extrà Dicecesim, sed omnino habere debet gradum scientiæ, maturitatem ætatis, & morum probitatem. Barbof. ubi supra, Moronus in suis Resp. 97. sub num. 35. & alii penes ipsos. Imò decium fuisse dicunt à Sac. Congregatione, officium Pœnitentiariæ non esse conferendum Doctori, qui dicebatur esse valde ignarus; & rectè quidem, nam Doctori non est credendum propter dignitatem, sed propter doctrinam, ut inquit Lezana tom. 2. verb. opinio num. 3. siquidem turpe est Doctori ignorare leges, in quibus versatur, habetur ex lib. 2. §. servus suspicius ff. de origine juris.

200 Inter. 2. Canonico Pœnitentiarius electus vigore Tridentini sess. 24. de reform. c. 8. potestne ex vi muneris sui absolvere à casibus Episcopo reservatis.

Ref. Dico, quod non, quia nullo jure ei ratione officii competet talis facultas, nisi specialiter concedatur ab Episcopo. Itatradunt Navar. conf. 28. tit. de pœnitent. Et remiss. in novis, Zerola in praxi Episc. par. 1. verb. dimissoria §. 1. Riccius in praxi auctor. ref. 179. in fine, & alii, quos dat, & sequitur Barbof. in Collect. Trident. sess. 24. c. 28. num. 25. quibus addo Paceni Jordanum tom. 1. lib. 3. tit. 4. sub nu. 10. vrf. neque Pœnitentiarius, Moronum resp. 76. numer. 104. Et seqq. & Dianam par. 9. tract. 8. resol. 11. Et 12.

TITULUS XXIX.

De Capitulo Sede Vacante.

Vide tit. de Monial. Interrog. 3. titul. de Vic. Capit.

201 **I**nter. 1. Capitulum, sede vacante, habetne facultatem dispensandi, & absolvendi, concessam Episcopis per Concil. Trident. *sess. 24. cap. 6.*

Resp. Negat Bona *de cons. disp. 7. quest. 5. punct. 1. numer. 6.* & alii penes ipsum, & apud Dianam *part. 4. tract. 4. resolut. 211.* Et *part. 7. tract. 2. resolut. 3.* qui locis citatis pluribus relatis satis probat dictam facultatem habere etiam Capitulum sede vacante; & hanc sententiam, præter alios, amplexi sunt Sanchez *de Matrimon. lib. 8. disp. 2. numer. 10.* Barbosa *de Potestat. Episcop. part. 2. allegat. 39. numer. 16.* Gavantus *in Manual. Episcop. verb. Capitulum sede vacante numer. 48.* & alii plures apud ipsos, quibus ipse assentior. Vide Dianam *part. 7. tract. 2. res. 3. cit. supra*, ubi assignat rationem, quæ quidem satis concludit, in favorem Capituli.

202 Inter. 2. Potestne Capitulum, sede vacante, dare licentiam volenti Ecclesiam ædificare ut acquirat in ea Jus patronatus; & potestne præstare consensum donationi Juris patronatus?

Resp. Posse dare prædictam licentiam ego non dubito, quia Capitulum sede vacante succedit in omnem jurisdictionem ordinariam Episcopo competentem, ut dicam *in hoc titulo ad Inter. ultimam*; & hanc sententiam docent Lambertinus *de Juris patronat. part. 2. artic. 9.* Garzias *tom. 1. de benefic. part. 5. cap. 9. num. 79.* Barbosa *de potestat. Episcop. tom. 3. allegat. 79. numer. 33.* qui tamen *allegat. 71. numer. 24.* subdit cum Gratiano *disceptat. forens. cap. 303. num. 10.* Et *seqq.* non posse Capitulum præstare assensum donationi juris patronatus: quod si de facto id faciat, putat præstare titulum coloratum ad præscribendum, *ex decis. Seraphin. 88. numer. 2.* Vide Dianam *part. 8. tract. 4. resolut. 54.*

203 Inter. 3. Capitulum Sede Vacante potestne visitare Dioecesim, sicut poterat visitare Episcopus?

Resp. Dico, quod potestas Episcopis concessa visitandi Ecclesias Episcopatu subiectas transit ad Capitulum Sede Vacante, sed post lapsum anni à die ultimæ Visitationis

per Episcopum factæ, & dummodò de proximo Ecclesia non sit de Pastore providenda. Ita Aldanus *in compend. Canon. resolut. lib. 2. titul. 16. numer. 3.* Et *sequens.* qui etiam pluries id fuisse decretum à S. Congregat. testatur. Vide alios quamplurimos Doctores, quos refert, & sequitur Barbosa *in Collect. Concil. Trident. sess. 24. de reformat. capit. 3. numer. 4. § 6.* Et *8. Item* vide Molinam *de Iustis. tom. 6. tract. 5. disp. 11. num. 7.* & multos alios; quibus adhæret Diana *part. 8. tract. 4. resolut. 13.* Et hæc sententia mihi valde probatur, quia Capitulum Sede vacante succedit in Jurisdictionem Ordinariam Episcopi, ut DD. communiter dicunt.

204 Inter. 4. Capitulum Sede Vacante succeditne in omnibus, quæ ad ordinariam Episcopi jurisdictionem pertinent?

Resp. Communior, & probabilior sententia est, Capitulum Sede Vacante venire nomine Episcopi, ipsique competere ea omnia, quæ competunt Episcopo jure communi, & jurisdictione ordinaria; & colligitur ex diversis juribus citatis per Dianam *part. 8. tract. 4. resolut. 1.* ubi etiam plures Doctores pro hac sententia refert. Vide Cabrinum *Elucidat. casuum reservat. part. 1. resolut. 118.* qui hanc sustinet sententiam, & pluribus allegatis docet, posse Capitulum Sede Vacante dispensare in omnibus irregularitatibus ex delicto occulto provenientibus, in quibus potest Episcopus vigore Concil. Trident. *sess. 24. cap. 6.* Idem tenet Diana *6. loco citat. resolut. 7.* Et *part. 7. tract. 2. resolut. 3.* Concludendum est itaque, Capitulum Sede Vacante succedere in jurisdictionibus Episcopo de jure communi spectantibus; non autem competentibus de jure gratiofo; & speciali, ut sunt causæ delegatæ; ut docet Abbas *in cap. verum de foro competente. numer. 9.* Francisc. Leo *in Theaur. fori Eccles. part. 2. capit. 10. numer. 8.* & constat ex his, quæ habet idem Cabrinus loco supracitato & Diana *ea resolut. 7. versicul. Nec obstat.*

TITULUS XXX.

De Cappellania, & Cappellanis.

Vide tit. de Simon. Inter. 8.

205 **I**nter. 1 Cappellanus quotidiè obligatus ad celebrandum, potestne tuta conscientia aliquando non celebrare?

Rsp. Si institutio missæ dirigatur ad personam Sacerdotis, ut si dicatur; Eligatur Cappellanus, qui quotidiè celebret; potest tuta conscientia semel in hebdomada à celebrando vacare, juxta cap. Significatum, de preben. Emman. Sà verb. missa. num. 46. Bonac. de Sacram. disp. 4. q. ultim. pun. 7. § 2. numer. 16. Et 17. Lezana tom 3. verb. missa num. 42. Diana part. 2. tract. 14. ref. 28. & alii apud ipsos. Sed non potest in tali die celebrare missam pro aliis, & accipere stipendium, ut docent Doctores cõmuniter. Nullus enim tenetur quotidiè celebrare, sed debet celebrare salva reverentia, & debita honestate, ut habetur ex cap. Significatum citat. & docet Sylvester verb. missa 1. §. 7. Navar. cons. 6. de preben. Tollet. lib. 2. cap. 3. num. 1. Emmanuel Sà ubi supra, & alii communiter. Secus autem dicendum est, si institutor Cappellaniz dixerit, quod per se, vel per alium, Cappellanus celebret, vel ut dicatur ab ipso quotidiè missa in tali Ecclesia, vel in tali Capella; tunc enim Sacerdos, qui hujusmodi onus habet, sine ulla vacante, tenetur quotidiè celebrare, ut docent præcitati Doctores, & alii omnes. Sed vide infra in hoc tit. ad Inter. 7. & Dianam par. 10. tr. 14. resol. 37. & Armillam verb. Missa num. 29.

206 Inter. 2. Cappellanus, qui per aliquot dies ægrotat, & non potest celebrare, teneturne per alium Sacerdotem supplere?

Rsp. Si Fundator Cappellaniz suam mentem non explicavit, probabiliter docent Authores, non teneri per alium supplere, præsertim si Cappellanus ægrotaret per octo, vel decem dies dumtaxat Ita Riccius p. 1. resol. 140. num. 3. Barbof. de potest. Episc. par. 2. allegat. 24. num. 31. & alii apud Dianam par. 9. tr. 2. ref. 27. Alii verò putant, hoc esse verum, etiam si Cappellanus per spatium duorum mensium ægrotaret; sed minus probabiliter quidem, nam tale diu impugnat, & meritò à Genuensi in praxi cap. 47. nu. 2. Diana tandem meo videri meliùs concludit, dicens, quod si Cappellani infirmitas non excedat quindecim dies,

non obligaret illum ad Missas celebrandas, nec per se, nec per alium. Nam id potest de mente Fundatoris prudentissimè præsumi, nisi tale Beneficium, aut nota consuetudo id non permittat; tunc enim majore rigore urgebit hæc obligatio quotidiana. Sed vide Pasqualig. de Sacrific. Missæ q. 1122.

207 Inter. 3. Cappellanus, vel alius, qui simplici beneficio cum onere Missarum gaudet, potestne sine licentia Episcopi alium idoneum substitutum deputare pro tali munere.

Rsp. Si in institutione Cappellaniz expressè fuit dispositum, ut Cappellanus per se ipsum celebret, tunc per alium substitutum satisfacere non potest, quia ita declaratum fuisse à Sacra Congregatione, testatur Campanil. rubr. 7. cap. 6. numer. 13. Verum si hoc cautum non sit in institutione Cappellaniz, mihi non est dubium, quod possit Cappellanus sine licentia Episcopi per alium substitutum satisfacere, quia nullum aliud onus habet, nisi celebrandi Missas, & non ministrandi Sacramenta, ut debet Vicarius Parochi, qui quidem non potest subrogari à Parocho, nisi de Episcopi licentia. Vide Dian. part. 4. tract. 4. ref. 87. qui sic cum Fraxinello rectè concludit. Imò Barbof. in Collect. DD. in Trident. sess. 23 cap. 5. de reform. nu. 4. ex Garz. de Benefic. par. 7. c. 1. num. 87. dicit decisum à Sac. Congregatione, quod Episcopus non possit cogere obtinentem Cappellaniam, ut ipsemet celebret, licet in ejus fundatione disponatur, quod Rectores celebrent; nam istis oneribus Missarum rectè per substitutum satisficit: & hoc mihi valde probatur.

208 Inter. 4. Quidam Cappellanus habet Cappellam, quæ pro paucis missis dicendis pingue stipendium respondet; si per alium Sacerdotem sacra celebrentur, sufficite, quod Cappellanus det justum, & consuetum stipendium, vel debet illi præbere totum id, quod sua Cappellania respondet?

Rsp. Sufficit dare substituto justam stipem, & consuetam, juxta morem Patriæ; & ratio est, quia Cappellanus illud reliquum retinet titulo Beneficii, & Cappellaniz; cum non tribuatur ei tantum pro missis dicendis, ut benè resolvunt Philiaichus in Sum. p. 1. l. 2. cap. 14. Cenedus in qq. Can. q. 27. n. 12. in fin. Possivinus de Offic. Curati c. 2. num. 18. Villalobos in Sum. par. 1. tr. 8. diffi. 17. n. 1. Ledesma in Sum. 10. 1. de Eucb. cap. 19. concl. 13. apud Dian. par. 2. tr. 14. ref. 11. qui sic etiam declarasse S. Congregat. testatur Nam S. Congreg. ad octavum dubium respondit, non habere locum Decretum

tam Urbani VIII in hoc casu, nisi in fundatione beneficii aliud cautum fuerit; sed satis esse, ut Rector beneficii tribuat Sacerdoti celebranti Eleemolynam congruam secundum morem Civitatis, vel Provincie. Vide pro hac sententia Rotarium in *Appar. pro exam. Cler. c. 7. scilicet 2. nu. 30. & Campion. Instr. pro ordin. cap. 39. num. 66.*

209 Inter. 5. Cappellanus quotidie obligatus ad celebrandum, teneturne tres missas in die Nativitatis Domini applicare pro Instituto Cappellanæ, & etiam in die Commemorationis omnium Defunctorum?

Resp. Dico primò, non teneri nisi unam Missam applicare pro Instituto Cappellanæ in die Nativitatis Domini. Ita Pasqualig *de Sacristis. Missa qu. 1133.* ex aliis quatuor, qui bene probat ita: Obligatio celebrandi quotidie sufficienter impletur per celebrationem unius Missæ; nam salvatur, quòd celebraverit pro Fundatore; & ideo nihil amplius potest Fundator à Cappellano exigere. Dico secundò in die Commemorationis omnium Defunctorum non posse Sacerdotem pro aliquo particulari defuncto celebrare, sed pro omnibus Defunctis in Purgatorio existentibus in communi; & hanc esse Ecclesiæ mentem, probat Fraxinellus, quem reperies apud Dianam loco suprà cit. Sed hanc doctrinam Fraxinelli valide impugnatur Pasqualig *qu. 1134.* cui certum est, non adesse hanc obligationem; docet tamen numer 4. Commemorationem omnium Defunctorum esse causam sufficientem pro interpretanda voluntate Fundatoris, quòd contentus sit, quòd illa die Cappellanus offerat pro omnibus Defunctis in communi, vel pro aliquo particulari ad se pertinente. Vide eundem Pasqualig loco cit. & Dianam *p. 4. tr. 4. ref. 68. vers. Notandum est, & ibidem resol. 166. vers. Nota etiam.*

210 Inter. 6. Cappellanus obligatur ad celebrandum in certo Templo, Oratorio, vel Altari, peccatne mortaliter alibi celebrando, & teneturne ad restitutionem?

Resp. Peccare mortaliter docent quamplures Doctores, quos sequitur Diana *part. 2. tract. 14. ref. 29.* & rectè quidem, nam infideliter se habet frangendo promissum in re magni momenti, quamvis ipse Diana excuset Cappellanus, qui bis, vel ter in anno in tali Cappella, sive Altari non celebret, propter parvitatem materiæ: Imò notat, quòd si Cappellanus in designato loco rarinimè celebravit, & aliquid inde suffragium defunctis subtraxerit (cum aliqui ad eum locum covenissent, ut sacrum audirent, & mortuos precibus adjuvassent) teneatur ipse Cappellanus

in conscientia hujusmodi defectum aliis precibus compensare. Vide Navar. *cap. 23. numer. 154. & Azorium lib. 10. re. 1. cap. 24. quest. 8.* Cæterum ad restitutionem non tenetur, quia iustitiam non violavit, sed tantum fidem, nisi obligatio esset celebrandi in Altari Privilegiato, quia tunc Testator damnum patereetur grave, ut optimè observat Diana *part. 9. tr. 2. ref. 15.* & alii ab ipso relati. Vide Bonac. *de Sac. disp. 4. q. ult. pun. 7. §. 4. n. 2. & 3.*

211 Inter. 7. Cappellanus obligatus singulis diebus Missam pro aliquo celebrare, potestne tuta conscientia in quolibet anno aliquando pro se, vel pro aliis Sacrificium applicare?

Resp. Naldus in *Sum. verb. Missa n. 7.* & Homobonus de Bonis in *Exam. Eccles. par. 3. tr. 4. cap. 1. q. 1. ref. 2.* quibus addo Peyrinum, & Tamburinum, quos refert, & sequitur Antonius à Spiritu Sancto *par. 2. tract. 7. disp. 6. scilicet 4.* probabiliter putant, ex aliqua ingruenti necessitate licere Cappellano aliquando per annum, puta quater, vel sexies, pro se ipso, vel sibi conjuncto, ad aliquam à Deo gratiam obtinendam celebrare: & ratio horum est, quia Institutor Cappellanæ hoc ei non negasset, si de tali casu cogitasset, vel interrogatus fuisset. Talem opinionem non impugnatur Diana *par. 4. tr. 4. ref. 86.* Vide Pasqualig. *de Sac. Missa qu. 1129 num. 5.* qui optimè ad intentum concludit.

212 Inter. 8. Cappellania potestne conferri Clerico minorum Ordinum, si Testator dicat, ut Cappellania conferatur Sacerdoti?

Resp. Si in fundatione talis Cappellanæ cautum non est, ut Cappellanus per se ipsum Missas celebret, non tenetur promoveri ad Sacerdotium, sed debet curare, ut per alium Missæ in illa celebrentur, ut ex Garzia docet Barbosa. in *collect. DD. in Concil. Trident. sess. 25. c. 5. n. 6.* Consequenter dicendum est, quòd Cappella in casu nostro possit conferri Clerico minorum Ordinum, & licet solum habeat annos quatuordecim; nam nisi expressè caveatur à testatore, quòd Sacerdos per se ipsum celebret, potest quidem per alium celebrare, ut tenet Gonzalez *ad Regul. Cancell. Gloss. 5. numer. 24.* apud Dianam *p. 2. tr. 14. ref. 18. vers. Nota etiam,* qui Diana *par. 4. tract. 4. ref. 227.* idem sustinet cum Lara, Barbosa, & Castropalao *rom. 2. tract. 13. disp. 1. pun. 6. numer. 18.* Unde si Testator dicat, Instituitur Cappellanus, qui Missas celebret, non sequitur ex hoc, Cappellaniam actu, vel aptitudine proxima, debere esse Sacerdotalem, ac proinde conferri potest constituto

In ætate 14. annorum, ut dixi. Vide infra in
rit. 83. ad Interrog. 42.

213. Inter. 9. Quid facere possunt, vel facere nequeunt Cappellani Confraternitatum carum Ecclesiis?

Resp. Dico, quod Confraternitates non possunt in eorum Ecclesiis per suos Cappellanos facere solemniter celebrare, Confectiones audire, sepelire, Sacramenta ministrare, & alia huiusmodi, quæ ad solum Parochum spectant, abique expressa Ordinarii licentia, aut illius Parochi, intra fines cuius Parochiæ Ecclesiæ Confraternitatum consistunt. Ita à S. Congreg. refert decisum Barb. in collect. Bullar. verb. Confraternitates, Lezana tom. 4. conf. 24. n. 59. Bordonus tom. 3. var. res. 72. sub num. 23. Nicolius in Flos. verb. Confraternitates n. 19 & in terminis juris communis, seclusis privilegiis in contrarium, decisio Sac. Congregationis est certissima, ut videre licet in cap. Ecclesia, & cap. Quicumque, 16. quæst. 1. cap. Ad audientiam 3. de Ecclesiæ edific. & Pastoralis de his quæ fiunt, & in Rubr. de Parocho. Item non possunt, nec debent Sanctissimæ Eucharistiæ Sacramentum in suis Ecclesiis tenere, nisi ex causa, & expressa licentia Ordinarii: Sac. Congregat. die 3. Aprilis 1632. in una Asculana; Nicolius ubi supra n. 26. qui etiam dicit, non posse Episcopum cedere Ecclesiæ non Parochiali dictam facultatem, sed esse necessarium Privilegium Apostolicum, prout habent Ecclesiæ Regularium utriusque sexus. Verum possunt facere solas processiones, quando non sunt in Parochiali, & primaria Ecclesia. Item possunt in eorum Ecclesiis prædicare facere à Concionatore aliàs ab Ordinario approbato, benedicere Palmas, ignem, & aquam, ut habetur ex declaratione ejusdem Sac. Congregationis apud Barbof. quem refert Bordonus loc. cit. Sed oppositè asserit Nicolius ubi supr. verb. Parocho n. 18. ex Sac. Congregatione Rit. 28. Maii 1602. scilicet ad Parochum, non autem ad Cappellanum, pertinere huiusmodi benedictiones facere, nempe Cinerum, Candelarum, Ramorum Olivæ, Ovorum, aliarumque novarum frugum: & ita tenendum puto, nisi addit consuetudo in contrarium, & sit sufficienter præscripta, quia ita rescriptit Sac. Congregatio Episcopo Cajetano die 26. Martii 1602. & Episcopo Senogallien. die 7. Januarii 1604. teste Nicolio verb. Parocho sub n. 17. Sed vide Lezanam tom. 1. par. 2. cap. 15. nu. 29. & 31. & 10m. 4. conf. 24. per tot.

TITULUS XXXI.

De Carceratis.

Vide tit. de Interrog. ad quæst. 1.

214. Inter. 1. Peccatne mortaliter Carceratus non audiendo Missam, quam omnino audire non potest, si ipse ex conscientia erronea putet se peccare mortaliter?

Resp. Dico, quod non, quia non est in sua potestate illam audire. Bonac. de Peccat. disp. 4. quæst. 4. pun. 6. num. 24. cui subscribit Nicol. in Flos. verb. conscient. n. 2. Nullum est peccatum, inquit ipse Bonac. nisi voluntarium; talis autem omisso Missæ non est voluntaria, cum detentus in carcere nequeat Missam audire: ergo non peccat.

215. Int. 2. Titius in carcere detentus dimittitur à Custode, vel Iudice, cum iuramento redeundi; teneturne Titius redire, etiam si imminet ei capitalis sententia?

Resp. Dicunt nonnulli, teneri etiam cum vitæ periculo. Vide DD. apud Bon. 4. de precept. decal. disp. 4. q. 1. pun. 8. n. 2. vers. Secundo sequitur; addentes præterea, quamvis sciat se ob id mortem obitum, eamque sibi inferendam injustè; quod tenet etiam Cajet. in 2. 2. quæst. 89. art. 7. ad 4. & alii penes Dian. par. 9. tract. 8. ref. 57. nisi tamen iuramentum relaxetur per Episcopum. Vide Eman. Sà verb. Iuramentum n. 11. Limitant tamen aliqui apud Bonac. ubi supr. nisi fortè iuraverit cum æquivocatione, aut nisi tempore iuramenti inscius esset tanti periculi. Tandem dicunt alii, non teneri redire si iniquè detentus erat in carcere, puta quia innocens de facto; tamen juxta allegata, & probata censetur reus, & nocens: & pro hac sententia sunt Navar. in man. cap. 12. num. 18. Vasquez, & Reginaldus, quos citat, sed non sequitur Bonac. Ego tamen sic concludo cum Tolet lib. 4. cap. 22. nu. 2. Quod si Titius contra iustitiam detinebatur in carcere, & intellexit se obligare, & redire, peccat mortaliter, si non redeat, secus si æquivocè iuravit: nam æquivocatione uti poterat, si reverà innocens erat de facto, nec peccat non rediendo. Ita etiam tenet Sylvest. verb. Iuramentum um 4. nu. 26. Latè tractat de hac materia San ch. in Summæ lib. 3. cap. 11. à num. 27. usque ad 37. & in Opuscul. tom. 2. lib. 6. c. 4. dub. 16.

TITULUS. XXXII.

De Cardinalibus.

Vide tit. de Aet. &c. Int. 5. tit. de Decret. Int. 4. tit. de Elect. &c. Int. 5. tit. de Injuri. Int. 2. tit. de Testib. &c. Int. 3.

216 **I**nter. 1. Possuntne Cardinales in suis titulis absolvere, & dispensare suos subditos in casibus occultis, sicut possunt Episcopi vigore Concil. Trid. sess. 24. c. 6. de reform.

Resp. Quamvis Diana conetur probare affirmativam, ut videre est par. 5. tract. 2. ref. 59. tamen discedendum non est à negativa sententia, per ea, quæ tradit Fagnanus in cap. Ne pro ditione de penitent. & reniss. sub nu. 42. nam ibidem sic habet: Et quamvis olim dubitatum in Sacra Congregatione Concilii, an Cardinales qui habent titulos Ecclesiasticos ubi, possint in suis Ecclesiis titularibus, & earum subditis, uti illis facultatibus, quæ à Concilio Tridentino tribuæ sunt Episcopis in suis Civitatibus, & Diocesis, & specialiter illis, quæ comprehenduntur sess. 24. cap. 6. facta relatione Sanctissimo, Sanctitas sua dixerit se nolle ea, ut qua Episcopi concessa sunt à Concilio, competant Cardinalibus in suis titulis, quia licet habeant quasi Episcopalem jurisdictionem ibi tamen verè, & propriè non sunt Episcopi: Nihilominus hæc decisio, ut in libris Sac. Congreg. est adnotatum, intelligenda est quoad facultatem concessam à Concilio. Extra illas autem salva manet jurisdictio Cardinalium in suis titulis juxta notata in cap. His quæ de maior. & obed. Hadenùs Fagnanus; ergo &c. Vide Responsionem ad Inter. 3. hujus tituli.

217. Inter. 2. Cardinales possuntne conferre primam Tonfuram, & minores ordines in suis titulis?

Resp. Certò possunt: sed suis familiaribus, & dummodo tales Cardinales sint presbyteri, ut docent plures Doctores, quos refert, & sequitur Barb. in Collect. ad Concil. Trid. sess. 23. cap. 9. numer. 3. & de poss. Episc. p. 2. alleg. 5. numer. 19. Sylvest. Verb. Ordo 3. quæstion. 2. Bonac. de Sacram. disp. 8. quæst. unic. pun. 4. numer. 3. & tom. 3. disp. 3. quæst. 1. pun. 11 sub numer. 4. in fine, & alii plures, quos congerit, & sequitur Diana part. 5. tract. 2. resol. 5. Imò Barbof. de poss. Episc. loco supradictis, testatur, ita sensisse Rotam in una Cremonen. 3. Decembris 1582. & hoc procedit ex consuetudine, quæ licet dare non possit jurisdictionem, est tamè signum eam habere à Summo Pontifice; unde

audiendi non sunt, qui oppositum docent. Vide Lezanam tom. 2. verb. Cardinalis n. 5. & Forarium de Sac. Ordinis sub numer. 2. ubi sic inquit: Cardinalibus autem hoc ex consuetudine concessum est, ut notat Soto, Henricus, & Valentia.

218 Inter. 3. Cardinales possuntne leges ferre in suis titulis, ligantes in conscientia? & quid facere possunt in Ecclesiis suorum titularum?

Resp. De hoc minimè est dubitandum, quia in illis Cardinales habent jurisdictionem quasi Episcopalem. Ita docent quamplurimi Doctores, quos refert, & sequitur Diana loco proxime citat. resol. 71. loquens de legibus ferendis. Item possunt concedere Indulgentias centum dierum, ex consuetudine, vel facultatem Papæ; cognoscere de causis Clericorum ibi, excommunicare, suspendere, interdicere, assistere, & dare licentiam assistendi matrimoniis, conferre beneficia, quando tamen ipsi Cardinales sunt in Urbe, ac etiam recipere resignationes Beneficiorum exilientium in suis titulis. Ita alii allegatis docet Lezana tom. 2. verb. Cardinalis sub numer. 5. & Diana part. 5. tract. 2. per totum, ubi plura ad intentum resoluit, quæ ad Eminentissimos Cardinales pertinent. Vide supra ad Interrogat. antecedentem.

219 Inter. 4. Electus ad Cardinalatum amittitne omnia beneficia Ecclesiastica, quæ habet?

Resp. Circa tale dubium extat quoddam Decretum sub Sixto V. de Anno 1588. die 16. Martii, in quo sic habetur: Sanctissimus Dominus Noster Sixtus Papa Quintus decrevit, quod per promotionem ad Cardinalatum vacent omnes Ecclesiæ, & omnia beneficia cuiuscunque nominis, & tituli sint, nisi fuerit data reter. tio, quæ concessu intelligatur, & data ad Patriarchales, Metropolitanas, & Cathedrales Ecclesiæ, & Monasteria, etiam commendata, ad Prioratus, & cetera omnia beneficia, quæ videntur convenire dignitati præmentia Cardinalatus. Ad alia verò, quæ videntur repugnare dignitati, & gradui Cardinalatus, puta Archiepiscopatus, Archiepiscopatus, Decanatus, Canonatus, & similia beneficia, non extendatur, cum obtinentes hujusmodi beneficia teneantur residere in Obitorio, & habere debeant locum post Episcopum, Cardinalis dignitati non convenientem. Ita refert Diana part. 5. tract. 2. resol. 11. qui citat Parisium de resignat. benefic. lib. 3. quæstion. 1. numer. 66.

220 Inter. 5. Cardinales comprehenduntne legibus, quæ prohibent duo, aut plura beneficia simul habere, ut dixi in tituli. 22.

de Beneficiorum pluralitate ad Interrogat. 1.
 & 4.

Resp. Hinc inde sunt auctoritates Doctorum circa tale dubium. Quidam enim volunt, Cardinales comprehendere; alii verò nequaquam, ut videre licet apud Dianam *part. 5. trañt. 2. resol. 41.* Tamen quidquid sit de hoc, certum mihi est, quòd in Cardinalibus iusta subest causa, ut Romani Pontificis indulgentia ab huiusmodi legibus soluti, plura Ecclesiastica beneficia consequantur, ut rectè docet Azorius *to. 2. lib. 4. cap. 3. quæstio 4.* apud eundem Dianam, qui luculenter hanc firmat sententiam tali pacto. Habetur autem *ex Extravag. execrabilis de preben.* ut Cardinalibus concedatur, ut plura beneficia simul habeant, & in *cap. de multa, de preben.* dicitur: Iusta causa est ad plura beneficia possidenda, si quis sit doctus, fama, industria, & prudentia clarus, cuius opera, & diligentia maximè utilis esse credatur: Ecclesia enim talibus viris indigere videtur, & ob id eis multa concedi posse constat, quæ cæteris merito denegantur, ut insinuat *lex in cap. cum ex eo de elec. in 6.* nam idcirco egregiis, strenuisque militibus, & ducibus maiora stipendia, & præmia tribuuntur, præsertim cum ob splendorem, & excellentiam personarum, à rigore legis recedi posset, *leg. bestias digestis de penis:* & Cardinales honoris, amplitudinis, & dignitatis auctoritate præstant; ergo &c. Imò addo ego, ea quæ sunt specialissima, & habent nomen speciale, non venire sub generali locutione, ut deducitur *ex cap. de multa cit. cap. Sedes Apostolica de rescript. & cap. fin de offic. de leg. in 6.* & hanc sententiam docet etiam Sebast. Cæf. *de Eccles. Hierarchia part. 1. disp. 2. §. 5. num. 12.* ubi docet, Cardinales plura beneficia incompatibilia posse facili ex dispensatione obtinere. Vide Dianam *loco citato*, & *sequentem respon.*

221 Inter. 6. Cardinales habentes amplum patrimonium, possuntne illud conferre, & vivere de redditibus Ecclesiasticis?

Resp. De hoc ego non dubito; quia qui altari servit, de altari vivere debet; nec ullus suis militat stipendiis, nisi cedere velit iuri suo, ut ex Covar. Navar. Molina, Azorio, & aliis, docet Bonac. *de obligat. Benefic. quæstion. 4. punct. 2. num. 6.* Vide Armillam *verb. Clericus num. 23.* Unde Cardinales vivere possunt de redditibus Cardinalatus, & conservare patrimonium proprium, & possunt in victu uti pluribus ferculis; quia ad constituendam congruam sustentationem Cardinalibus, eorumque familiæ, est habenda ratio

ad tantam dignitatis amplitudinem, gravitatem, & auctoritatem; siquidem honorabilius debent vestire familiam suam, & sumptuoso ornatu in vestibus, & familia, & ædibus uti eos oportet; & sic habita ratione scientiæ, literaturæ, nobilitatis, & dignitatis, licite possunt plus infumere, quàm faciant alii Prælati inferiores. Ita ex Mansfredo, Barbatia, & Germonio, firmat Diana *loco proxime cit. ref. 38.*

222 Inter. 7. Cardinales possuntne sibi eligere Confessarium non approbatum ab Ordinario?

Resp. Affirmat Diana *dist. par. 5. tr. 2. ref. 10. & par. 8 tr. 1. ref. 85. vers. Tertius casus*, & Lezana *tom. 2. verb. Cardia. num. 7.* & plures Doctores id asserentes adducunt, & asserunt, hoc esse verum tam de Cardinalibus Episcopis, & Legatis à latere, quàm de non Episcopis, & Legatis, & non solum ante Concilium Tridentinum, sed etiam post illud. Vide Naldum *in summ. verb. Cardinalis num. 8.* Tannerum *tom. 4. disp. 6. quæst. 6. dub. 3. num. 58.* & alios apud citatos Auctores. Tamen Pagnanus *in cap. ne pro dilatione de penitent. & remiss.* solidis rationibus, & auctoritatibus, oppositum firmat, non obstante quacunque consuetudine in contrarium. Vide igitur Pagnanum *loco citato nu. 53. usque ad finem*: nec ego possum huic veriori sententiæ contradicere; quare sum in voto, teneri Eminentissimos Cardinal. eodem modo, quo tenentur Episcopi, eligere Curatum, sive alium Confessarium ab Ordinario approbatum, præsertim, quia, ut inquit idem Pagn. ibidem num. 62. Sac. Congregatio declaravit privilegium eligendi Confessorem, quod competit Episcopis in vim huius Decretalis, non esse quidem à Concilio sublatum. sed tamen non posse sibi eligere Sacerdotem sibi non subditum, nisi aut Parochiale Beneficium habeat, aut à suo Ordinario approbatus fuerit ad Confessiones audiendas, ad præscriptum Tridentini *sess. 23. cap. 15.* idemque declaravit Gregor. XIII. audita relatione Congregationis: cuius resolutionis fundamenta habentur ex eodem Pagnan. *ubi supra à num. 6. usque ad 30.* qui tandem concludit, idem dicendum esse de Cardinalibus, per ea, quæ tradit Sarnen. *in reg. de valore qu. 1. num. 6.* præsertim verò quia in dispensatione huius articuli multas rationes perpendit Sac. Congregatio, quæ plurimum hanc sententiam confirmant. Vide quæ dicam de Episcopis *in tit. 83. ad Inter. 49. & 50.* & præsertim Dianam *par. 12. in tr. de Consecr. Episcop. ref. 105. vers. sed in his casibus*, ubi loquens de Cardinalibus, an possint sibi eligere Confessarium, suum iudicium interponere recusat,

cusat, & pro parte negativa plures Doctores refert.

223 Inter. 8. Possuntne Cardinales ingredi Monasteria Monialium?

Resp. Quidquid asserat Campanili in *divers. juris canon. rub. 12. cap. 16. num. 39.* dicendum est, non posse Cardinales ingredi Monasteria Monialium, nisi in casibus necessariis, ut expressè mandavit Greg. XIII. teste Dian. par. 5. tr. 2. ref. 20. & hoc ultimum etiam intelligendum est de Cardinalibus protectoribus dumtaxat; nam alii nullam possunt habere justam causam ingrediendi clausuram Monialium, nisi de expressa Summi Pontificis licentia.

224 Inter. 9. Cardinales ægritudine laborantes, possuntne pati sanguinis missionem sine licentia Papæ?

Resp. Videtur curiosa petitio, sed minimè necessaria; tamen video plurimos Doctores asserere, non posse Cardinales sine speciali licentia Papæ (ubi commodè haberi possit) sanguinis missionem pati, quia Cardinales dicuntur inviscerati Papæ, & dicuntur pars corporis Papæ, & una persona cum illo, ut habetur in *e. felix de penis in 6.* ergo sine Papæ licentia sanguinem, scindendo venam, emittere non debent, ut Hostiensis, Perez, Villadiego, Garcias, Mosconius, Jacobatus, & Mantredus, quos refert, & sequitur idem Diana ubi sup. ref. 33. Unde non est dumtaxat hæc petitio curiosa, sed valde necessaria, & scitu digna, ut consideranti patebit.

225 Inter. 10. Familiares Cardinalium, si deliquerint, possuntne coerceri, & puniri ab eisdem Cardinalibus, vel debent puniri à Vicario Summi Pontificis?

Resp. Cardinalium exemptio redundat etiam in familiares ipsorum, ut patet ex Trid. *sess. 24. cap. 11. prop. fin.* Unde Julius Clarus in *praxi l. 5. §. fin. q. 66. n. 32.* ait, familiares Cardinaliū judicari ab ipsis solis Cardinalibus, ita ut nec Vicarius Papæ eos judicet, sed remittat ad suos Cardinales, qui propter ea habent privatum carcerem, & testatur ita de stylo curiæ observari; & ideo non est audiendus Bon. to. 3. *disp. 1. q. 16. pun. 3. n. 7.* & Scavia, qui hanc observationem negat. Itaque concludendum est Cardinales habere facultatem judicandi, & puniendi suos domesticos, & familiares privative quoad alios; nam Vicarius Papæ dictos familiares non judicat, sed eos remittit suo Cardinali. Vide Doctores sic asserentes apud Dian. ubi sup. ref. 25. & Fagnan. in *e. Ne pro dilatione de penis. c. remiss. n. 44.* qui hanc sententiam amplectitur.

TITULUS XXXIII.

De Casibus Reservatis.

Vide tit. de Confess. sacr. Inter. 30. tit. de Ignor. Inter. 8. 9. tit. de Regul. Eccl. Inter. 5. 6. tit. de Relig. aliq. pars. Inter. 2. tit. de Sed. Inter. ult.

226 Inter. 1. Danturne alii casus præter illos, qui continentur in Bulla Cœnæ, & sibi reservant Episcopi, in quibus nullus possit absolvere sub pœna excommunicationis?

Resp. Certò dantur, & hi sunt (nisi in articulo mortis) Violatio immunitatis Ecclesiæ, sic in terminis Cōstitutionis Greg. XIV. quæ incipit: *Cum aliis nonnullis*: Violatio Clausuræ monialium, & malum finem Provocatio, & pugna in Duello juxta decretum Tridentini, & constitutionem Greg. XIII. incipi. *Ad tollendam* &c. Injunctio violētā manuum in Clericos juxta Canonem, *Si quis suadente* &c. qu. 4. ac juris dispositionem: Simonia realis scienter contracta, atque etiam confidentia Beneficialis. Ita Bonac. *tom. 3. disp. 2. quæst. 9. pun. 5. n. 16.* Diana *part. 11. tract. 2. ref. 18. vers. Primum*, & iterum Bonacin. *tom. 1. de Sacramentis disp. 5. quæst. 7. pun. 5. §. 2. sub num. 14.* qui ibidem n. 15. subdit, quòd id fuit sancitum à Clement. VIII. in sua Bulla, quæ incipit: *Sacra Congregatio*, edita anno 1602 Idem serè sub eisdem pœnis prius constitutum fuerat à Sixto IV. in Extravagant. incipiente, *Et si Dominici*, de pœnitentia, & remissione, contra eos, qui extra mortis articulum absolvunt à Casibus Bullæ, aut ab interdicto à Sede Apostolica imposito, aut excommunicatione contracta ob occisionem, vel mutilationem alicujus in Sacris ordinibus constitutæ aut à Simonia occasione Ordinum, vel Beneficiorum contracta. Vide Mirandum in *man. tom. 1. q. 46. art. 4.* & Peyrinum *tom. 1. privil. in confis. l. Julius 11. §. 32. num. 63.* Lezan. *tom. 1. par. 1. cap. 19. sub num. 15.* Imò adverte, si quis habeat privilegium absolventi à sex prædictis casibus, hoc privilegium ei non suffragari in tota Italia extra Urbem, ut constat ex duobus Decretis Clementis de anno 1601. & 1602. quæ omnino vide.

227 Inter. 2. Potestne Episcopus, vel alii Superiores potestatem habentes, sibi reservare casus, quos pro suo libito placuerit; & si modum excedant, possuntne Confessarii validè absolvere pœnitentes ab hujusmodi casibus reservatis?

R. S.

Resp. Negari non potest, Episcopum casus sibi reservare posse; nam qui hoc scienter negat, excommunicationis poenam incurrit, ut decernitur in *Trident. sess. 14. cap. 7. can. 11.* & docent DD. communiter apud Card. de Lugo *de panit. disp. 20. sect. 1.* teste Cabrinio in *Elucid. cas. reserv. pars. 1. resol. 2.* Hæc autem facultas reservandi casus competit Summo Pontifici in toto Orbe, Episcopo in sua Diocesi, Concilio Provinciali in Provincia, Generali in sua Religione, unà cum Capitulo Generali, & pro sola Provincia in Capitulo Provinciali, & non aliter; nam Clement. VIII. in suo Decreto edito anno 1493. die 26. Maii mandat, ut nemo ex Regularium Superioribus peccatorum absolutiones sibi reservet, exceptis undecim, quæ videri possunt in dicto Decreto, & apud Lezanam *tom. 1. part. 1. cap. 18. num. 20.* Cabrinum *ubi supra resol. 3.* & alios. Unde non possunt Superiores Regulares pro suo libito reservare casus. Episcopi verò juxta eorum arbitrium possunt casus sibi reservare, quamvis salutis animarum non expediat, ut multos casus reservent, ne confessio nimis onerosa efficiatur; & idem Clem. VIII. ut supra dixi, certos præscripsit casus, qui pro Religiosis reservari possunt, ut rectè observat Bonac. *de sacram. disp. 5. quest. 7. pun. 5. §. 1. num. 1.* Imò Episcopi monentur à Concil. Trident. *sess. 14. & à Sac. Congregat. de mandato Clement. VIII.* apud Quarantam in *Summ. Bullar. verb. casus reserv. num. 14.* ut concessa sibi potestate utantur in ædificationem, non destructionem, nec in ea remodum excedant. Tamen, etsi illicitè excedant Episcopi, semper est valida reservatio, ac proinde absolutionem invalidam esse post reservationem, communis, & vera sententia docet; quia inferior accipit Jurisdictionem à Superiore; consequenter non potest validè absolvere, posita reservatione, cum Superior per reservationem adimat inferiori facultatem absolvendi. Ita docent Bonac. *loco citat.* & Cabrinus *ubi supra resol. 4.* qui pro hæc sententia citat Sylvestrum, Navar. Suarez, Layman, Coninchum, Filliuc. Facundez, Bonac. & Bassæum, addens insuper, quòd si interdum nimia, & irrationalis videatur Parochis casuum reservatio, Episcopis supplicare debeant, aut ad Superiorem recurrere: at interim legitimi eorum Superioris reservantis dispositioni acquiescere illos conveniat.

218 Inter. 3. Quinam sunt illi casus, quos sibi possunt Episcopi reservare?

Resp. Non potest dari certa regula, quia de

jure communi relinquitur eorum arbitrio, & prudentiæ; idèquè juxta illorum arbitrium reservatur hoc, vel illud peccatum mortale, & est magis, vel minus limitata reservatio. Cæterum Sac. Congregatio Ordinarius monendos censuit, ut non passim mortalia delicta, sed atrociora tantum, gravioraque crimina sibi reservent, teste Quaranta in *Summ. Bullar. verb. cas. reserv. n. 14.* & ex eo Cabrinus in *Elucid. cas. reserv. pars. 1. resol. 6.* Quod etiam patet ex *Trid. sess. 14. cap. 7.* nam idè reservantur casus, ut crimina graviora corrigantur, salubrioraque iis remedia adhibeantur, & ut ex difficultate impetrandæ veniæ scelesti homines reddantur minus proclives ad committenda peccata, sicut patet ex *Extrav. Et si Dominici, de Panit. & remis*

229 Inter. 4. Si in uno loco sit casus reservatus non jejunare in vigilia alicujus Sancti, non verò in alio loco alterius Diocesis: si incolæ primi loci tunc ab illo discedat, & consultò transeat ad secundum, & ibi non jejunet, incurritne casum reservatum contra non jejunantes?

Resp. Dicunt aliqui, quòd non, quia dicta obligatio est affixa illi loco, & nullam vim habere potest in alio, ultra quod præceptum Superioris obligat ibidem jejunare, sed non ut quis non possit se aliò transferre, consequenter si transeat ad aliud locum, utitur jure suo, ac proinde nullam fraudem, seu peccatum committere videtur. Ita docet Facundez *de præcept. Ecclæs. tract. 1. lib. 1. cap. 7. mun. 7.* Villalob. in *Summ. tom. 1. tract. 2. dub. 34.* Sanchez *de matrim. tom. 1. lib. 3. disp. 18. Dian. part. 1. tract. 10. resol. 18.* & favet Bonac. *de præcept. decal. disp. 5. qu. unic. pun. 3. n. 17.* Sed vide, quæ dicam in *tit. 92. ad Int. 16.* & in *tit. 105. ad Int. 14.* & nota, quòd qui consultò, & data opera aliò se transfert in fraudem reservationis, poenam reservationis non evadit, per ea, quæ supra dixi in *tit. 6. de Absolutione à reservatis ad Inter. 11.*

230 Inter. 5. Peregrini, aut vagi, qui nulli fixum domicilium habent, incurritne casus reservatos in loco per quem transeunt, si ibi Superiorum præcepta non observant?

Resp. Ita dicendum est, aliàs hoc esset contra ordinem naturæ, seu distamen rationis, quia darentur in Republica, seu Communitate aliqua membra nulli capiti pro tempore subiecta, quod utique absurdum est asserere. Navar. in *man. c. 13. n. 5.* & c. 23. n. 120. Suar. *de Relig. 10.2. lib. 2. c. 14. n. 8.* Azor. *p. 1. lib. 5. c. 11. q. 13.* & alii plures, quibus ad stipulat Cutillus in *Appen. ad præf. 3.* Jac Mancini *dub. 7.*

231 Inter. 6. Inciditne in casum reservatum,

tum, qui blasphemias in Deum, vel Sanctos ex prava consuetudine iactat, sed tantum inadvertenter?

Resp. Non incidit, nam Blasphemia ex prava consuetudine, sed inadvertenter emissa, verè, & propriè rationem blasphemiae non habet, cum nec in se, nec in causa sit voluntaria: Quòd si advertentia sit aliqua, sed non plena, sufficit quidem ad venialem culpam, non autem ad mortalem, & consequenter ad reservationis poenam. Fauter Layman lib. 1. tract. 2. cap. 3. n. 6. in fin. Diana par. 3. tr. 5. ref. 62. & alii ab ipso relati. Mihi verò magis placet oppositum Vide Inter. 5. 11. 47. de Consuetudine.

232 Inter. 7. Qui dicit per modum contemptus, *Al cessetatio di Dio, Al sanguinatio di Dio, Dio Sacratum &c.* Inciditne in casum reservationis blasphemiae?

Resp. De hoc minimè est dubitandum, nam gravissimae culpa, & reservationis poenae subjacet, qui per modum contemptus praedicta verba profert, cum majorem Dei contemptum contineant, & vilipendium, ut rectè docet Ignatius de cas. reserv. par. 2. cas. 2. quem refert, & sequitur Cabrinus in suo Elucid. cas. refer. par. 2. in resolutiva praxi pro incidentibus pag. 230. n. 18.

233 Inter. 8. Afficitur reservatione, qui necem suo nomine patratam, postea ratam habet, posito, quòd homicidium sit casus reservationis, uti ferè ubique est talis?

Resp. Non afficitur reservatione, quia licet rati habitio quoad culpam aequiparetur mandato, non ita quoad reservationis poenam, quae ad mandatum verum, non fictum, est extendenda, cum simus in poenalibus, quibus debetur restrictio. Rati habitio verò est mandatum fictum, non verum; ideò non debet fieri extensio. Hic autem ego non loquor de illo qui ratum habet homicidium nomine suo factum in personam Clerici, sed in alterius personam. Vide Cabrinum de cas. reserv. par. 2. nu. 18.

234 Inter. 9. Inciditne in casum reservationis, qui committit sodomiae peccatum, sed non complet actum in vase praeposito?

Resp. Utique graviter peccat, tamen non incidit in casum reservationis, quia non censetur reservationi obnoxius, qui hoc horrendum scelus inchoavit in vase turpissimo; sed illud extra consummavit, foras semen effundendo: nisi aliud constet de mente Superioris. Diana par. 7. ref. 13. §. Quarto tercio, & alii apud ipsum. Vide etiam Bonacini loco proximo citando.

235 Inter. 10. Qui committit hoc nefan-

dum sodomiae peccatum, inciditne in casum reservationis, si tantum fuerit succubus, seu patiens?

Resp. Succubi, seu Patientes, in rigore non dicuntur verè Sodomitae, sed molles, juxta illud D. Pauli ad Corinth. cap. 7. Sed neque molles, neque masculorum concubitores possident Regnum Dei: & hanc sententiam ut probabilem docent plurimi Doctores. Sed contraria certè est probabilior, & tutior, quia in correlatiis, dispositum de uno, censetur dispositum etiam de altero, nisi aliud constet de verbis Legis, aut de mente Legislatoris. Diana par. 7. tract. 12. resol. 13. §. Quarto secundo, Cabrinus de cas. reserv. par. 1. resol. 28. Bonac. de Matrim. qu. 4. pun. 11 sub n. 2.

236 Inter. 11. Impuberes, scilicet ante annum. 14. sodomiticè sese recognoscentes, inciduntne in casum reservationis?

Resp. Minime, quia non sunt Juris dispositioni obnoxii in hoc casu, cum regulariter sint inhabiles ad semen effundendum. Vide Dianam par. 7. tract. 12. ref. 13. §. Quarto quarto, & par. 2. tract. 15. ref. 1. Sed hoc intelligendum est, nisi malitia suppleat aetatem, nempe quòd non sint apti ad seminandum.

TITULUS XXXIV.

De Celebratione Missae.

Vide tit. de Cel. Miss. tit. de Cappellania &c. tit. de Concubinar. &c. Inter. 4. tit. de Confess. Sacr. Inter. 35. 36. 37. 38. 39. tit. de Eccles. pollus. Inter. 14. 15. 16. 18. tit. de Episcopis. &c. Inter. 26. 57. 66. tit. de Excomm. &c. Inter. 3. tit. de Excomm. min. Inter. 5. tit. de Haeres. &c. Inter. 10. tit. de Infam. Inter. 5. tit. de Infirmit. Inter. 6. Inter. 5. tit. de Interdictis. Inter. 3. tit. de Laic. Inter. 4. tit. de Moribus. &c. Inter. 9. 10. 11. tit. de Orat. per. Inter. 1. 2. 3. 6. 7. 9. 10. tit. de Paroch. Inter. 6. tit. de Praec. an. com. Inter. 3. tit. de Regul. &c. Inter. 5. 7. 8. 9. 36. 74. tit. de Rest. accep. Inter. 9. tit. de Sacram. Inter. 3. tit. de Sacram. Euch. Inter. 5. 7. tit. de Sigil. Conf. Inter. 1. 7. tit. de Sumon. Inter. 11. tit. de Voe. Inter. 18.

237 Inter. 1. Qui celebrat Missam nondum recitato Matutino, peccatne mortaliter, vel venialiter tantum?

Resp. Quidquid dicant aliqui Doctores, mihi satis probabile videtur, nullum esse peccatum celebrare ante dictum Matutinum, si hoc fiat ex aliqua iusta causa, puta si Praelatus praecipiat, vel alius elemosynam ei offerat, ut statim Missam celebret, & non-

nondum recitavit Matutinum. Leander *part. 6. tract. 8. quæst. 105.* afferens Sotum, & alios 7. Doctores; tecus erit tantum veniale. Vide Enim. Sâ *verb. Missæ nu. 22.* & Bonac. *de Sac. disp. 4. quæst. ult. pun. 6. nu. 7.* Et de Horis Canon. *disp. 1. quæst. 3. pun. 4. num. 11.* qui plures DD. allegat id asserentes. Et præsertim vide Dianam *part. 2. tract. 14. ref. 36.* Concludo igitur cum communi sententia, Missam dicere absque rationabili causa, non præmissa recitatione Matutini, esse peccatum veniale. Leander *q. 106.* & probabilis esse, non committi peccatum mortale: Quam sententiam modò esse communem testatur idem Leander. *qu. 104. pro ea referens 22. DD.*

238 Inter. 2. Quodnam peccatum committit Sacerdos, qui advertenter non lotis manibus Missam celebrat, & in fine digitos non lavat?

Resp. Secluso scandalo, & contemptu, peccat venialiter, quia facit contra reverentiam tanto Sacramento debitam. Undè S. P. Augustinus *ser. 244.* sic inquit: *Erubescamus, & timeamus Eucharistiam manibus sordidis tangere.* Dicendum est igitur per se loquendo, non lotis manibus celebrare, esse peccatum veniale, si advertenter fiat, ut rectè resolvunt Granad. *in 3. par. D. Thom. contr. 6. tr. 10. disp. 9. n. 13.* Sotus *disp. 12. qu. 1. art. 7.* Suarez *in 3. par. tom. 2. disp. 82. sect. 1.* Leander *de Sac. tom. 2. tr. 7. disp. 6. quæst. 16.* & alii, quos refert, & sequitur Diana *part. 10. tr. 12. ref. 19.* Qui etiam concludit, Sacerdotem non abluentem digitos post Missam, nullum peccatum committere, quia lotio manuum ante Missam præcipitur, non autem post Missam: & ita puto tenendum cum ipso Diana ubi supra, quidquid aliqui in contrarium dicant.

239 Inter. 3. Eritne opus, ut in Altari, dum Missa celebratur, collocetur Crucifixus, vel sufficit, quòd adsit Crux tantum? Et quid si fuerit picta, vel sculpta in Altari?

Resp. Audivi quosdam dicentes, necessariò debere adesse Crucifixum, nec sufficere Crucem: sed nullus ex Doctoribus, quos hucusque vidi, hoc dicit; sed dicunt, quòd requiratur Crux, prout apertè loquitur Rubrica Missalis Romani *tit. de Preparat. Altaris. n. 20.* Undè si necessariò deberet adesse Crux unà cum Crucifixu, clariùs quidem, & apertius locuta esset Rubrica. Non est igitur de verbis dialecticandum; sed absolute dicendum est, quòd Rubrica Crucem in Altari, dum fit Sacrificium, solum expostulat; & ita docent Bonac. *de Sac. disp. 4. quæst. ult. pun. 9. sub num. 30.* Lezana *tom. 2. verb. Crux nu. 3.* Diana *part. 10. tr. 15. ref. 28.* & alii communiter. Imò

Diana ibidem, aliis relatis, probabiliter docet, quòd sufficiat, si in Altari adsit Crux, vel Imago Crucifixi depicta in tabula, vel pariete, etiamsi nulla alia Crux apponatur; sed Patqualigus *de Sacrificio Missæ quæst. 716. ait,* & benè, quòd Crux picta debet esse per se primò in ipsa Icone, ita ut principali modo se habeat, & non aliter, atque quòd tali modo sita sit, ut censeatur exposita pro adoratione. Undè si esset pictus Christus, aut sculptus, ut deferens Crucem ad Calvarium, non sufficeret, quia non censeretur Crux exposita in ordine ad adorationem, nec repræsentaretur, prout in ipsa crucifixus est Christus, sed prout in ea debebat crucifigi, sicut si repræsentaretur nondum erecta, sed quando in ea offerens fuit Christus. Sufficiet tamen Imago B. V. Pietatis, in qua pingi, aut sculpi solet B. V. sedens ante Crucem cum Christo Crucifixu super genua, quia tunc Crux stat erecta, & tanquam adorabilis. Item Diana *part. 5. tr. 5. ref. 35.* allegit ex Palao, & Sanchez, licere Crucem variis reliquiis, licet non approbatis, ornatam in Altari collocare, & Populo adorandum proponere, quia adoratio Reliquiarum tunc est per accidens, & solum cultu privato, & non publico adorantur, cum sola Crux adoranda proponatur, quæ cultu publico adoratur; nec dissident Lezana ubi supra. Tandem omnes Doctores tenent, non esse peccatum mortale celebrare sine Imagine Crucis, vel Crucifixi, licet commode haberi possent: & ratio est, quia omisso Crucis, vel Crucifixi, non videtur esse conjuncta cum magna irreverentia, quæ constituere possit culpam mortalem: sed hoc ego puto esse intelligendum secluso scandalo, & contemptu, & non aliter; sed vide Leandrum *de Sac. tom. 2. tr. 8. disp. 7. q. 23.* & Bonac. ubi supra, qui citat Suarez, & Reginaldum.

240 Inter. 4. Quot mappis debent Altaria cooperiri ad hoc, ut possit Sacerdos ibidem licetè Missam celebrare?

Resp. Altaria debent cooperiri tribus mappis, seu tobaleis, in repræsentationem Sanctissimæ Trinitatis, tum ex generali consuetudine Ecclesiæ, tum ex Rubricis Missalis Romani *n. 20* & habetur quoque *ex cap. si per negligentiam de consecr. dist. 2* & hæc est communis sententia. Imò sic præcipitur observari Romæ à Visitatoribus Apostolicis à Sanctissimo Deputatis, nec tuta conscientia aliter fieri potest, ut docet Gavantus *in Comment. de Rubric. Missalis part. 1. tit. 20. §. Tribus mappis*, cui subscribit Lezana *tom. 3. verb. Paramenta Sacra sub n. 2.* Siquidem servandus est ritus Ecclesiæ, & quique debet Missali, & communi usui

usui se conformare, maxime quia Missale Romanum auctoritate Clem. VIII. & B. Pii V. editum fuit, & expressè tres mappa requirit, ut dixi. Ita Card. de Lugo apud Busembaum lib. 6. tr. 3. cap. 3. de celebr. Miss. dub. 5. nu. 2. & alii. Latè de hac re tractat Diana p. 10. tr. 11. ref. 5. & docet, ut dixi supra.

241 Inter. 5. Potestne Sacerdos in casu necessitatis Missam celebrare sine lumine, & de qua materia debet esse lumen?

Resp. Missam celebrare absque ullo lumine, nunquam licet: habetur ex cap. fin. de celebr. Miss. Lumen verò debet esse ex cereo ignito, & duæ candelæ requiruntur, licet in casu magne necessitatis una tantum sufficiat: Item in dicto casu necessitatis potest Sacerdos sine peccato Missam celebrare cum lumine olei, secluso tamen scandalo, & contemptu: Ex sevo autem, aut inferiori materia, non licere Missam dicere, tenent nonnulli, quos dat, & sequitur Lezana tom. 2. verb. Missa n. 60 quamvis oppositum probabiliter doceat Layman lib. 5. tract. 5. cap. 6. n. 17. dummodò scandalum absit; cui adhærent Bonac. de Sac. disp. 4. qu. ult. pun. 9. n. 3. Diana par. 2. tract. 14. ref. 45. & alii. Et nota etiam, quòd si Consecratio à Sacerdote fuerit incipit, & tunc lumen deficiat, nec aliud haberi possit, debet Sacerdos, imò tenetur Sacrificium perficere, quia urget præceptum divinum integrandi Sacrificium illud.

242 Inter. 6. Potestne unquam Missa celebrari sine Ministro, & si adsit scemina, quæ sciat ministrare, potestne admitti?

Resp. De iure positivo est, quòd Missa non celebretur sine Ministro: habetur ex Conc. Basiliens. 21. Non licet ergo Missam celebrare sine Ministro, juxta rubricas Missalis, & Ecclesiæ consuetudinem. Emm. Sà verb. Missa n. 18. Mendo Episc. opin. Moral. eodem verb. n. 25. Secus est peccatum mortale, juxta sententiam Nav. Facundez, & aliorum, quos sequitur Busembaum lib. 6. tract. 3. de celebr. Missæ dub. 5. sub n. 8. Alii verò docent, quòd urgente gravi necessitate possit Missa celebrari sine Ministro. Alloza verb. Missa scilicet 3. n. 22. 27. & 28. Sed Bonac. de Sac. disp. 4. qu. ult. pun. 9. nu. 34. non excusat Sacerdotem à mortali, si celebret sine ministro etiam in die festo, ne Populus carcat Missa, quia tenetur ritus ab Ecclesia præscriptos scrvare, nec debet Missam celebrare contra Ecclesiæ ritum. Tamen ego puto, quòd in gravi necessitate, qualis esset diei festi, vel præbendi moribundo Viaticum, possit Sacerdos sibi ipsi respondere, quando nullus sit, qui sciat id facere; & ita pluribus relatis docet Diana par. 2. tract.

14. ref. 43. & par. 10. tr. 15. ref. 26. Aufonius in Sum. Diana verb. Celebrare Missam nu. 21. Idem tenet Lezana tom. 2. verb. Missa n. 63. licet postea subdat sic: Consulere tamen in tali casu necessitatis, ut Sacerdos Sacrum facturus, nescientem aliquem doceret, præcedendo etiam in ipso Altari, & responsiones proferret cum eodem &c. Quòd si Minister malè pronunciet, nil interest, ut docet Alloza loco cit. Cæterum scemina nullo modo debet admitti, quia hoc expressius est jure prohibitum, & de se quid indecens, magisque vitandum. Concedunt tamen quidam, ut possit scemina à longè respondere, non verò ad ministerium immediatum admitti. Vide Doctores penes Dianam par. 10. tr. 15. ref. 26. vrf. Potest tamen. Et de facto permittitur Monialibus respondere Sacerdoti ex Choro, & remotè, ex Ecclesiæ consuetudine, ut docet Bonac. loco cit. num. 33. Facundez, & alii, quos dat, & sequitur Lezana ubi supra. Tandem nota id quod dicit Dominicus Soto in 4. disp. 13. qu. 2. art. 5. Citius audiret Egomet mihi respondere, & ministrare, quam sceminam ad id muncris admittere; & rectè quidem, nam in cap. 1. de cubilibus. Cler. & Mulier. sic habetur: Nulla femina ad Altare presumat accedere, aut Presbytero ministrare.

243 Inter. 7. Qui habet aliquod peccatum, cui est annexa excommunicatio, vel suspensio, sed est occultum, potestne ad vitandum scandalum, vel gravem iacturam rerum, vel honoris Personæ, celebrare?

Resp. Dummodò non sit in mora petendæ absolutionis, vel dispensationis, prævia tamen contritione, & etiam confessione peccatorum, quia licet non absolvatur à Confessario, stante censura reservata Superiori absenti, tamen fit in signum majoris contritionis, vel ad ipsam excitandam, & ita potest celebrare, nec ullam irregularitatem contrahit, neque ullum peccatum committit; nam sicut jugum Domini suave est, ita pè sunt interpretanda Ecclesiæ mandata, scilicet nolle cum tam gravi iactura obligare, ne nimis gravia videantur. Navar. in Manual. Cordub. Supplement. Sylvest. Castro, & alii, quos citat, & sequitur Corradus in Responsis tom. 1. quæstio 52. in fine.

244 Inter. 8. Si Sacerdos Inchoata Missa meminit se esse excommunicatum, vel saltem in peccato mortali, teneturne missam dimittere, & absolutionem petere?

Resp. Si Missam nequeat dimittere sine scandalo, ut ferè semper contingit (rarè enim potest sine scandalo omitti) idèd præmissa contritione, potest Sacrum incœptum perficere, & po-

& postea quàm primùm confiteri, & absolutionem petere. Ita pluribus relatis docet Bonac. *de Euchar. disp. 4. quæst. 6. punct. 1. n. 16.* & alii mox citandi: dixi, præmissa contritione, quia actus contritionis est in nostra potestate, posito Divino auxilio, quod semper est paratum, ad eum actum elicendum. Vide Bonac. *loc. cit. n. 13.* ubi præterea n. 15. hoc notabile ponit, scilicet, quòd si Sacerdos possit vocare Confessarium ad Altare commodè, & sine scandalo, teneatur id facere; & benè quidem, nam extat præceptum Divinum de præmittenda Confessione ante Eucharistiæ sumpcionem; & ita etiam docet Sylv. in *Sum. Verb. Euchar. 2. qu. 9.* Navar. in *Man. cap. 25. n. 76.* quod etiam probabilis censet Diana *part. 3. tract. 4. resol. 48. vers. Non reticebo in fin.*

245 Inter. 9. Quid facere debet Sacerdos, si excommunicatus denunciatus intret in Ecclesiam, dum Missa celebratur.

Resp. Admonere debet excommunicatum, ut exeat; si verò post admonitionem non vult exire, potest etiam per vim expelli, quamvis sit Clericus; quòd si nolit exire, nec expelli potest sine periculo, Sacerdos debet tunc Missam omittere, modò nondum inchoata sit confectio; si verò facta est consecratio, prætere debet Missam usque ad sumpcionem inclusivè, & post sumpcionem se recipere debet in Sacramentum, vel in alium locum, & ibi reliquis orationes dicendas post Communionem persolvere; & in eo eventu omnes adstantes debent ab Ecclesia exire, excepto interveniente, ne simul cum excommunicato Missam audiant, alioquin minorem excommunicationem contraherent, & mortaliter peccarent, licèt aliqui à mortali excusent; quod mihi non probatur, nam est communicatio in divinis, quæ sub mortali prohibetur. Verùm licet quidam putent, Sacerdotem non debere omittere Sacrificium, quando excommunicatus vitandus advenit, vel advertitur advenisse tunc temporis, quo inchoatus est Canon Missæ ab iis verbis; *Te igitur Clementissime Pater*; tamen tutius est ante consecrationem omittere Missam, licèt Canon sit inceptus. Layman *lib. 2. tract. 5. p. 2. c. 2. n. 6.* Bonac. *de Conf. disp. 2. q. 2. §. 1. punct. 3. n. 12.* & 13. Diana *par. 5. tract. 9. resol. 92.* qui plures Doctores allegant. Excommunicatus tandem, qui admonitus à Celebrante, ut exeat, si exire nolit, incurrit novam excommunicationem Papæ reservatam, ut habetur *c. Ros de S. Excom.* Vide Lezanam *tom. 2. verb. Excom. n. 21 & 22.*

246 Inter. 10. Estne licitum celebrare Missam coram personis interdictis?

Resp. Si tales interdicti sunt nominatim denunciati, debent expelli; & si expelli non possunt, Sacerdos debet à celebratione Missæ cessare, juxta modum dictum à me *ad Inter. antecedentem* pro casu, quo excommunicatus vitandus vellet assistere Missæ. Lezana *verb. interdictum nu. 25.* in principio. Tamen quando locus non est interdictus, sed tantum persona est interdicta, & expelli non potest, est probabile, non esse ob eam causam omittendam Missam, quia in tali casu non est moralis cooperatio cum persona, seu personis interdictis; cum sit potius contra voluntatem Sacerdotis celebrantis. Imò considerato solo jure naturali (cum nulla sit prohibitio juris positivi) non est aliquid, ratione cujus celebratio sit inhonesta, vel contra rationem, dummodò voluntariè non permittatur interdictis audire Missam: Ita pluribus relatis firmat Diana *part. 5. tr. 10. ref. 64.* Et in dicto casu, qui non sunt interdicti, non tenentur exire ab Ecclesia, & Missam relinquere, ex eo quòd illi Sacrificio assistant interdictus, quia non est prohibitum ab Ecclesia communicare cum interdictis, veluti cum excommunicatis. Cajet. in *Sum. verb. Interdictum*, Suarez, Naldus, & Layman, quos refert, & sequitur Lezana *ubi supra sub eo nu. 25.*

247 Inter. 11. Quomodo se gerere debet, qui celebrat Missam coram Episcopo existente in propria Diocesi?

Resp. Quando in principio dicit Confiteor, debet dicere, & Vobis Pater, & Fratres: in fine verò Missæ debet inclinare caput, & expectare ab Episcopo licentiam benedicendi adstantes, deindè illos benedicere, sed non Episcopum; postea iterum se debet Episcopo inclinare, veluti expectans ab illo benedici; sicque omnibus peractis faciat ei reverentiam. Ita rectè docet Emm. *Sa verb. Missa num. 52.* Vide Sylvest. *verb. Benedictio nu. 1.* Lezanam *eodem verb. tom. 2. num. 2.* & *verb. Missa num. 67.* ubi addit, hoc multò magis procedere, quando Sacerdos celebrat coram Cardinali; ideò nota, & tene menti.

248 Inter. 12. Licetne Missam celebrare in Alinari, in quo Episcopus eodem die celebravit?

Resp. Dicunt aliqui, quòd sit necessarius consensus Episcopi, vel ut aliqua superveniat necessitas ibi celebrandi; alijs non esse licitum ob reverentiam illi debitam, & hoc deducunt *ex cap. fin. de consecr. dist. 2.* & docet Naldus in *Sum. verb. Episcopus numer. 31.* & *verb. Missa numer. 17.* & ex eo Bonac. *disp. 4.*

disp. 4. quest. ult. pun. 9. n. 16 Sed Azorius, quem sequitur Lezana *verb. Altare tom. 2. nu. 11.* dicit, quod hic canon sit disuetudine abrogatus; unde idem Lezana concludit, consuetudini Patriæ standum esse; nam non sine magno fundamento dicunt quidam cum Diana *par. 10. tract. 12. resol. 24* supradictum canonem intelligendum esse de Missa solemnī, & Pontificali, non autem de Missa particulari, & de Altari, in quo Episcopus tanquam particularis Sacerdos celebrat. Ceterum sententia communis docet, quod dictus canon non sit in usu, atque adeo non obliget. Ego tamen puto, Patrię consuetudini in hac re standum, & ubi viget, ea, qua decet, reverentia, observandum esse.

249 Inter. 13. Licetne unquam sub dio, & extra Ecclesiam Missam celebrare, vel supra Mare, aut Flumen in navi?

Resp. Quamvis de jure communi non liceat celebrare, nisi in Ecclesia consecrata, vel benedicta, ut habetur *ex cap. Sicut, & cap. Nullus de consec. dist. 1.* & docet S. Thomas 3. *par. quest. 83. art. 3.* & expositores ibidem, & Canonistę in *cap. ult. de consec. Eccles.* tamen urgente necessitate jure communi permillum est celebrare sub dio, & extra Ecclesiam, aut Oratorium designatum. Et est, ut docet Lezana *tom. 1. part. 1. cap. 21. nu. 16.* si Rex, aut Dux sit in exercitu, vel classis Christianorum appellat ad terram, vel si in itinere Ecclesia desit, vel cum magna multitudo hominum in aliquo die festo ad parvam aliquam Ecclesiam concurrat; modò tamen semper addit Altare Viaticum, seu portatile, ab Episcopo consecratum. Vide Barbof. in Trident. *sess. 22. in Decreto de observ. & evitandis in celebr. Missę nu. 18 & 20.* & probatur *ex canon. 1. & can. concedimus, de consec. dist. 1.* & pro hac sententia idem Lezana citat Suarez *tom. 3. in 3. par. disp. 81. sect. 3.* Vasquez, & asserit præterea hoc esse permillum in dictis casibus absque eo quod accipiat Episcopi licentia. Sed vide Dianam *part. 9. tract. 1. res. 44 & 45* & 46 ubi de his, & aliis casibus loquitur, in quibus liceat celebrare extra Ecclesiam, aut Oratorium: sed *resol. 45. vers. Sed quidquid*, sic concludit: *Securius erit in dictis casibus petere licentiam ab Episcopo, & ita consulendum esse existimo Parochis, & aliis Sacerdotibus;* & pro se alios Auctores refert. Ceterum nunquam licet propter quamcumque necessitatem celebrare supra Mare, seu Flumen in navi, propter periculum effusionis sanguinis ex motu Navis. Ita præcitat Doctores. Vide Em. S. *verb. Missa n. 19 & 20* & Suarez *loco cit.* Item vide Armillam *verb. Missa n. 4.* & *verb. Altare n. 5.*

250 Inter. 14. Sacerdos, qui ob aliquam infirmitatem, vel senectutem non potest ambulare sine baculo, aut baculis, valetne Missam celebrare?

Resp. Claudus, vel debilis Sacerdos, utique potest Missam celebrare, licet non possit sine baculo incedere, modò tamen per ipsum ad Altare accedere valeat, & functiones absque baculo exercere; nam Irregularis solum censetur, qui Missam sine baculo celebrare nequit, ut habetur *ex cap. Si quis in infirmitate dist. 55.* & *cap. Nullus Episcopus dist. 1. Vi. de Em. S. verb. Irregularitas ex defectu corporis sub n. 4.* Bonac. *de Conf. dist. 7. qu. 2. punct. num. 15.* Tolet. *lib. 1. cap. 63. sub n. 3.* & est communis sententia. Imò nota, quod facilius aliquis toleratur, ut in susceptis Ordinibus ministrare valeat, quam admittatur ad Ordines suscipiendos, ut patet *ex Canon. ult. 1. quest. 1.* Dico igitur, talem Sacerdotem posse Missam celebrare, dummodò sine baculo Altari assistere possit, ut bene observat Sylvest. *verb. de Corp. viuat. sub n. 5.* Zeccus de *cas. reser. cas. 1. de Irreg. pag. 107.* & alii communiter.

251 Inter. 15. Si defectus surditatis contingat alicui, postquam fuit promotus ad Ordinem Sacerdotalem, potestne sine dispensatione Missam celebrare?

Resp. Non solum potest Missam celebrare, sed etiam exercere valet omnia ea munera, ad quæ non est necessarius auditus; nec ulla indiget dispensatione. Navar. *lib. 1. tit. de Corpore variat. conf. 6. nu. 1.* ubi citat Glos. singularem in *cap. Nec quoque de consec. dist. 1.* Vivaldus in *Cardel. aur. de Irregul. ex defectu corporis, & ibi de auris defectu, num. 3.* Andreas à Matre Dei in *Cur. Theol. moral. tom. 2. tract. 10. de censur. cap. 9. punct. 6. num. 67.* Et licet non audiat Ministrum respondentem in Missa, adhuc potest Missam submisit celebrare, quia ministri auditio parum ducit ad intentum. Non est tamen admittendum ad Missam solemnem celebrandam, ne risum excitet, faciendo aliquid extra tempus, ut bene ex Reginaldo advertit Bonac. *de Censur. disp. 7. quest. 2. punct. 2. num. 7.*

252 Inter. 16. Qui laborat infirmitate capitis, vel nimie frigiditatis causa, potestne licite celebrare capite velato, vel à quo debet dispensationem impetrare?

Resp. Nullus potest, nisi capite discooperato, celebrare, prout habetur *ex Canon. Nullus Episcopus, de consec. dist. 1.* Nec Episcopus, vel Prælati Regulares possunt in hoc dispensare cum suis subditis, ut quidam docuerunt, nam per duas Sacras Congregationes fuit decisum, nullum præter Romanum Pontificem posse saccul-

cultatem concedere celebrandi capite velato, nec Episcopus ipse potest uti pileolo sine Sedis Apostolicæ licentia. Vide Dianam p. 2. tr. 14. ref. 58. Lezanam tom. 2. verb. *Missæ*. num. 64. & alios penes ipsos: & id constat ex Missali Romano reformato iussu Urbani VIII. in cujus principio habetur similis declaratio cum derogatione cuiusvisque consuetudinis in contrarium, teste eodem Lezana loco citat. in fine. Verum si gravis infirmitas id exigeret, & licentia facile postulari non possit, putat Suarez in 3. par. tom. 3. disp. 83. scilicet. 3. posse id fieri sine gravi peccato; & Ledesma tom. 1. de Sac. Euchar. cap. 21. conclus. 7. dicit hoc esse probabile, quia secluso scandalo, & contemptu, excepto tamen Canone, non videtur materia peccati mortalis. Vide Dianam loco cit. Et in Summ. verb. celebrare Missam n. 20. Verum ego partem negativam tenendam censeo, præcipue propter recentiores Rubricas Missalis, quas præfati Auctores non videntur.

253. Inter. 17. Potestne licitè Sacerdos post cibum celebrare Missam pro communicando infirmo, qui est in articulo mortis?

Resp. Quidquid censeant nonnulli, non est recedendum à communi sententia negativa, quia maior ratio habenda est reverentiæ huius Sacramenti, quam necessitatis proximi, tum quia præceptum sumendi Viaticum intelligi debet, quando decenter, & reverenter Sacramentum confici, & sumi potest. Sylvest. verb. Euchar. 3. n. 8. D. Antoninus part. 3. tit. 13. cap. 6. §. 2. Navar. cap. 25. n. 88. Bonac. de Sac. disp. 4. quest. 6. pun. 2. num. 24. & alii plures citati à Dian. par. 9. tr. 6. ref. 18. Vide Jac. Mancinum præf. 8. dub. 24. ubi pro hac sententia plures allegat, & testatur de communi.

254. Inter. 18. In quo casu potest licitè Sacerdos non jejunos sumere, & consecrare in Missa Sacram Eucharistiam?

Resp. In tribus præcipue casibus id licitè facere potest. Primus est, quando aquam pro vino in calice posuit, & illa postea post sumptionem hostiæ assumpt; tunc enim vel denud debet consecrare hostiam, & calicem, vel saltem Sanguinem tantum propter integritatem Sacrificii. S. Thom. in 3. part. qu. 83. art. 6. ad 4. Navar. in Man. cap. 25. num. 89. Toletus lib. 2. c. 9. num. 3. Emm. Sæ verb. *Missæ* à n. 31. & alii, quos sequitur Diana pa. 2. tract. 14. ref. 66. Sed omnino vide Dianam ibidem ref. 70. Secundus casus est, quando post sumptionem Calicis, & ejus abluitionem videt reliquias hostiæ in patena, vel Corporali, tunc licet Sacerdoti sumere illas reliquias hostiæ à se consecratæ; secus erit de reliquiis

ab alio Sacerdote in altera Missa consecratæ, Emm. Sæ loco cit. nu. 36. Navar. ubi supra, Sylvest. verb. Euchar. 3. §. 8. & alii plures apud Dianam ibidem. Dixi, secus erit de reliquiis præconsecratæ ab alio Sacerdote in alio Sacrificio, quia earum sumptio non est convivii à celebrante parati, & ideo non possunt per modum unius cum Sacramento tunc consecrato post abluitionem à Sacerdote sumi, ut de communi testatur Diana p. 6. tract. 6. ref. 23. contra Marchinum. Tertius casus est, quando celebrans post consecrationem recordatur se non esse jejunum, vel si post consecrationem hostiæ deficiat; nam in tali casu si adesset Sacerdos alius non jejunus, deberet Sacrificium illud perficere, & communicare, dummodò alius Sacerdos jejunus ibi non adesset. Vide Toletum ubi supra à num. 1. Conincham de Sac. quest. 60. art. 8. num. 63. & alios, quos refert, & sequitur idem Diana in primo lo. cit. & Emm. Sæ ibidem nu. 38. & præsertim Dian. part. 9. tr. 6. ref. 13. ubi pulchra invenies circa talem doctrinam.

255. Inter. 19. Potestne Parochus aut alius Sacerdos illicitò post mediam noctem celebrare propter necessitatem communicandi ægrotum morti proximum, si non adsint particule consecratæ, vel post meridiem?

Resp. Pluribus relatis affirmat Diana par. 10. tr. 12. ref. 26. vers. Nota hic obiter. Et hæc quidem est sententia S. Antonini, Sylvest. & Angeli, teste Enimmanuel. Sæ verb. *Missæ*. n. 27. Imò Valquez, Avefa, Caspenis, Castropalao, & Leander penes Dian. loc. cit. asserunt posse Sacerdotem jejunum celebrare ad tres horas post meridiem in dicto casu: An verò requiratur Episcopi licentia, si adest, est problematamen non requiri tenet ipse Diana cum Præposito, & ante illos docuit Navar. c. 25. n. 25. apud Sæ ubi sup. Vide iterum Dianam p. 1. tr. 7. ref. 21. At ego consulo, petendam licentiam, quando adest Episcopus, & commode peti potest. Vide Respon. ad Inter. 40. bujus tituli.

256. Inter. 20. Potestne quis statim post Missam mediæ noctis Nativitatis Domini licitè communicare?

Resp. Affirmat Diana p. 9. tr. 7. ref. 43. sed negat Bordonus tom. 2. ref. 56. num. 61. & recte quidem; nam pro parte negativa adest decretum Sac. Congreg. sub die 7. Decembris 1641. quale per extensum ego adducæ in resp. ad Inter. sequentem. Ergo dicendum est, neminem posse Sacram Synaxim sumere in illa Missa, quæ celebratur in nocte Nativitatis Domini, ut asserbat Diana, quia non vidit dictum Decretum, quod etiam prohibet,

habet, ne aliæ Missæ in ea nocte celebrentur.

257 Inter 21. Potestne licetè, & sine peccato in nocte Nativitatis Domini quis Sacerdos celebrare tres Missas ante auroram?

Resp. Olim plurimi DD. relati à Diana p.2. tract. 14. ref. 35. & par. 10. tract. 12. ref. 57. docuerunt partem affirmativam. Sed id non licere, omnino dicendum est; nam S. Congreg. ita decrevit:

Cum Superioribus diebus consultata hac Sac. Rituum Congregatione: An esset permittendum celebrari in media Noctè Nativitatis Domini post Missam decantatam successivè alias duas Missas, & in eis S. Communionem exhiberi fidelibus illam deprecantibus; & respondisse non esse permittendum, sed omnibus utrumque prohibendum. Nihilominus nonnulli Regulares afferentes hoc licere, supplicarunt audiri, & Sac. Congreg. ipsi auditis cum procuratoribus, & Advocatis, ad relationem Em. Pallotti, fletit in Decretis, & respondit iterum prohibendum, tam Sacerdotibus celebrare volentibus, quàm confluentibus in media nocte ad Ecclesiam, & communionem deprecantibus. Die 7. Decembris. 1641 quorum Decretorum duplicata, expedita fuerunt die 9. Augusti 1653.

C. Episcopus Ostien. Card. Medices.

Loco ✠ Sigilli.

B. Roccius S. R. C. Secr.

In Regis fol. 44.

Et Emin. D. Card. Carpineus Vic. SS. D. N. Clementis XI. feliciter regnantis, promulgavit Edictum die 31. Martii 1699. iussu Suzæ Sanctitatis, in quo inter alia habentur:

Per remediare ancora all'abuso di celebrare le Messe in bore intertempive, comandiamo, che non possono queste incominciarsi prima di un' hora avanti l'Aurora, & che un' hora dopo mezzo giorno debbano del tutto offer terminati li Sacrificii sotto le sopradette pene da incorrersi irremissibilmente piteo dalli Sacerdoti celebranti, quanto dalli Sacrifiani, che lo permetteranno, non ostante qualsivoglia pretesa consuetudine in contrario, & privilegio, che non sia stato esibito nella nostra Secretaria, & riconosciuto, & approvato da Noi.

Hoc tamen secundum Decretum afficit tantum Romanam Urbem, & dummodò non exhibeatur, & approbetur Privilegium aliquod.

258 Int. 22. In qua hora potest Sacerdos incipere Missam? Et potestne Missa celebrari post meridiem? & quid dicendum est de Regularibus propter eorum privilegia?

Resp. Hic Romæ adest prohibitio generaliter pro omnibus Sacerdotibus tam secularibus, quàm Regularibus (nisi ostenderit aliquod privilegium approbandum ab Eminentissimo Card. Vicario) ut nullus possit Missam celebrare, nisi per unam horam ante Auroram, & infra horam post meridiem, post quam est omnino abstinendum à celebratione; quia Missæ omnes finem habere debent in illa hora post meridiem. Hæc prohibitio patet ex tenore Edicti Eminentiss. Vicarii Sanctissimi Domini Nostri, quod retuli in respon. ad litem, antecedentem, ad quam te remitto. Cæterum extra Romam attendendæ sunt Constit. Synod. Dicecesum, quæ si de hoc nihil disponat, videndæ sunt opiniones Doctorum, quos refert Diana p.2. tra. 14. ref. 33. & 34. & ex illis tutiore consulo amplectendam, licet Missa de Jure communi sit celebranda ab Aurora usque ad Meridiem; & est hæc regula generalis. Vide Navar. cap. 25. nu. 85. Lezan. statim citandum; Em. Sæ verb. Missa nu. 27. & Bonac. de Sac. disp. 4. qu. ult. pun 9. num. 1. & seqq. Verum restat modò, quid dicendum sit de Regularibus extra Urbem degentibus? Dico igitur varias esse opiniones Doctorum, ut videre licet apud ipsum Dian. loc. cit. & par. 9. tract. 7. ref. 43. & par. 10. tract. 12. ref. 25. & 26. & tract. 15. ref. 27. ipse tamen intrepide affirmat, posse Regulares celebrare Missas tribus horis ante ortum Solis, & tribus horis post meridiem iusta interveniente causa; sed vide Lezan. tom. 1. part. 1. cap. 21. sub num. 2. qui asserit, Sac. Congreg. sic declarasse nempe ante diem, & horis indebitis celebrare non licere, etiam vigore privilegiorum ante Conc. Trident. concessorum. Imò Naldus in Summ. verb. Missa n. 30. refert quendam Constit. B. Pii V. qua revocat omnia privilegia ad id Regularibus concessa. Vide Dicastillum de Sac. tra. 5. disp. 4. dub. 4. n. 65. 70. & 71. qui explicat Bullam B. pii V. Tandem an Missa celebrari possit ante Auroram, & post Meridiem, à Cappellanis Card. naliis in eorum Cappellis, docet Dian. par. 6. tr. 8. ref. vtrf. 40. His præmissis, ubi plura haberi possunt circa ea, quæ supra diximus de hac materia.

259 Inter. 23. Qualis esse debet modus celebrandi Missam?

Resp. Missa debet celebrari cum A. B. C. D. id est, altè, breviter, clarè, devotè. Ita docet Emm. Sæ verb. Missa num. 50. & alli, quibus ad stipulat Lezana tom. 2. verb. Missa sub num. 58. sed cum hoc particulari, quod Sacerdos coherere faciat illud breviter cum illo devotè, præsertim si cum Gavato addatur altera littera, scilicet F, id est exactè, aut exquisitè. Et

hotat

notat etiam ipse *Lezana*, quod illud breviter, denotat, non ultra mediam horam. Sed addo Ego, minus quam quadrantem cum dimidio non esse licitum infumere; ut præcipitur in Edicto Eminentissimi Cardin. Vicarii jussu Sanctissimi edito die 31. Martii 1699.

260 Inter. 24. Peccaretne mortaliter Sacerdos Regularis, si in Canone Missæ, pro nomine Episcopi, poneret nomen Generalis suæ Religionis?

Resp. Sac. Congregatio respondit, cum mortaliter peccare in dicto casu, quia ad unguem Missale observandum est, nec in collectis Missæ potest aliquid addi, sub eadem pœna peccati mortalis, præter orationem solitam, &c. Vide Portellum in dubiis *Regul. verb. Missa num. 14.* Rodriguez, & Villalobos apud Dianam *part. 2. tract. 14. ref. 40.* Emman. Sæ *verb. Missa num. 41.* & *Lezanam part. 1. tom. 1. cap. 21. num. 30.*

261 Inter. 25. Præceptum consecrandi in utraque specie, estne Ecclesiasticum, vel Divinum? & estne de essentia Sacrificii consecratio utriusque speciei?

Resp. Dico primò: Esse præceptum Divinum, ut asserunt Vasquez, in 3. *part. disp. 223. cap. 3.* Suarez *tom. 3. in 3. par. sect. 4.* Nugnus in 3. *par. quest. 74. art. 1.* Coninch. de *Sacram. quest. 83. artic. 1. dub. 5. conclus. 3.* Sotus in 4. *distinct. 9. quest. 2. art. 1. in fin.* Cajetan. in 3. *part. quest. 8. art. 12. par. 1.* Marfilus in 4. *quæ. 6. art. 1. par. 1. dub. 3.* & cum aliis: deducitur etiam ex concil. Trident. *sess. 22. cap. 1.* Dico secundò: Consecrationem utriusque speciei esse de essentia Sacrificii. Ita Sanctus Thomas in 3. *par. quest. 76. art. 2. ad 1.* & *quest. 80. art. 12. ad 3.* Vasquez, & alii, quos dat, & sequitur Leander de *Sacrament. tom. 2. tract. 8. disp. 1. quest. 27.* & alii plures, quos refert, & sequitur Diana *part. 10. tract. 16. resol. 63.* qui etiam probabilem putat sententiam asserentem, præceptum consecrandi in utraque specie esse Ecclesiasticum, & non esse de essentia Sacrificii: tamen fatetur se adherere nostræ sententiæ tamquam probabiliori, cui adhæret etiam Dicastill. de *Sacram. tom. 1. tract. 5. disp. 1. dub. 3. num. 238.* & Recentiores communiter. Rationes hujus nostræ opinionis videri possunt apud præfatos Auctores. Ego vero more meo brevitatem amplector. Vide tamen quæ dicuntur in *titul. 197. ad Interrog. 1.* & Bonacin. de *Sacram. disp. 4. quest. 3. punct. 3. numer. 13. & 14.*

262 Inter. 26. Si Sacerdos in Missa unam tantum consecraret speciem, possetne pro tali Missa accipere consuetum stipendium?

Tom. I.

Resp. Licet una species validè consecrari possit, altera non consecrata, ut dicunt communiter DD. cum Div. Thoma 3. *part. qu. 78. artic. 6.* tamen dicendum est in casu nostro cum Diana ubi *supra resol. 63. in fin.* Sacerdotem in dicto casu non posse licitè accipere stipendium pro illa Missa, quia si dantes stipendium, hoc scirent, utique illud non præberent; ergo Sacerdos non potest licitè accipere stipendium certum pro fructu incerto. Vide Pasqualig de *Sacrificio Missæ.*

263 Inter. 27. Si hostia Calici hæreat, aut palato Sacerdotis celebrantis, quid facere debet?

Resp. Toties debet abhibere abluitionem, donec hostia deglutatur ab eo, non autem licet adhibere digitum. Navar. *cap. 25. numer. 90.* & ex ea Emmanuel Sæ *verb. Missa numer. 35.* Idem dicendum est de illo, qui se communicavit, ob eandem rationem. Tambur. tamen *Opus. de sp. communis cap. 2. §. 8. num. 42.* dicit, Sacerdotem, qui advertit particulam hostiæ infusam in Calice, ipsi Calici hærescere, posse digito ad labrum Calicis adducere. Sed melius est propter majorem reverentiam infundere vinum, ut dixi.

264 Inter. 28. Si hostia consecrata, vel aliquod illius fragmentum cadat super barbam alicujus, aut Sanguis cadat super barbam Sacerdotis, quid est faciendum in tali casu?

Resp. Diana *part. 10. tra. 12. ref. 10.* putat ex aliis ab eo citatis, lotionem barbam esse purgandam, & aquam reponendam in piscinam, postquam Sacerdos modèstè acceperit hostiam, vel fragmentum, quod super alterius barbam ceciderat: Si autem Sanguis, aut ejus aliqua gutta cadat super barbâ ipsius Sacerdotis, dum illas species sumpsit, dicit Barthol. ab Angelis *diat. 5. §. 713.* barbam Sacerdotis, post trinam lotionem, abradendam, & comburendam esse; sed hoc nimis durum videtur aliquibus; ideo dicendum est sufficere, si repetita lotionem Sacerdos barbam purget juxta receptam consuetudinem. Ita docet Bonac. de *Sacram. disp. 4. quest. ult. punct. 10. num. 10.* Trullench. de *Sac. lib. 3. cap. 8. dub. 23. num. 16.* & Dicastill. *item de Sac. tom. 1. tract. 5. disp. 4. dub. 15. num. 301.* quos refert, & sequitur Diana loco *suprà cit.* Vide item Dian. *tract. 13. ref. 49.*

265 Inter. 29. Sacerdos pauper potestne Missam celebrare, & illam applicare pro offerente stipendium, quem Deus scit futurum primum

E Resp.

Resp. Nullo modo sunt audiendi Doctores decent hoc licite fieri posse; nam hæc sententia tamquam pluribus nominibus periculosa, Fidelium scandalis, & offensionibus obnoxia, atque à vetusto Ecclesiæ more nimium abhorrens, improbat, & condemnata fuit à Sac. Congr. de mandato Clem. VIII. die 15. Novembris anno 1505. prout ex Cenedo, & Riccio, testatur Diana par. 2. tract. 14. ref. 15. Vide Barbof. de potest. Episcop. par. 2. alleg. 14. num. 12.

166 Inter. 30. Peccatne mortaliter Sacerdotes accipientes nova onera Missarum celebrandarum cum stipendio, oneribus jam susceptis non satisfactis?

Resp. Omnes DD. conveniunt dicentes peccare mortaliter differendo celebrationes Missarum ad longum tempus. Vide Bonacin. de Sacram. disp. 4. quæst. ultim. punct. 7. §. 5. num. 2. Si verò infra modicum tempus possint omnibus satisfacere, non peccant, nisi Missa sit dicenda pro aliqua necessitate, quæ moram non admittat, ut potè pro præsentis infirmitate, tribulatione, expeditione alicujus litis, vel magni negotii; ut bene observat idem Bonac. & præsertim Lezan. infra adducendus. Dixi infra modicum tempus, quia Sac. Congregat. Concil. in Decretis Urbani VIII. respondens ad undecimum ita dixit. Quid autem intelligat Sac. Congreg. per ly *infra modicum tempus*, explicant Doctores. Peyrin. apud Dian. nimis laxè quidem loquitur, dum dicit, quòd modicum tempus in hoc casu intelligitur spatium trium annorum. Nam Thefaurus in praxi par. 2. verb. *Missarum onera capis. 1. in fin.* exillimat, spatium octo, vel decem dierum, non ultra, intelligi pro modicum tempus. Diana verò par. 2. tract. 14. refol. 25. & par. 9. tract. 6. refol. 55. cum Ledesma, Villalobos, & Cardinal. de Lugo, putat spatium quinquaginta aut sexaginta dierum ad plurimum esse modicum tempus. Tandem Lezan. tom. 2. verb. *Missæ numer. 39.* cum Thefauro, hoc relinquunt arbitrio viri prudentis, pensatis circumstantiis loci, temporis, Missarum dicendarum, & Sacerdotum, qui illas dicere debent. Mihi tamen magis præstat opinio Pasqualig. de Sacrific. Missæ quæst. 965. scilicet quòd non possit differri celebratio Missarum ultra tempus determinatum. Si verò tempus non sit determinatum, sed solum præscribantur Missæ celebrandæ, tunc modicum tempus, intrà quod sunt celebrandæ, comprehenditur duos menses. Si autem Missæ committantur absque ulla celeritate in celebrando, & veluti ad commoditatem celebrantis; tunc spatium trium mensium ha-

berendum sit pro modico tempore. Addit etiam Pasqualig. quòd quando committuntur Missæ pro aliquo recenter defuncto, debent quamprimum, & sine aliqua dilatione celebrari. Possent tamen, quando esset magnus numerus Missarum, celebrari cum aliqua dilatione, ita tamen ut quotidie nonnullæ celebrentur. Tandem dico, quòd graviter peccant illi Sacerdotes, qui magnum Missarum numerum anticipato stipendio promittunt, earumque celebrationem notabiliter differunt, aut se periculo exponunt non persolvendi Missas simpliciter, vel opportuno tempore. Vide Bonacin. loco citat. num. 1. & 2.

267 Inter. 31. Potestne Sacerdos licitè pro una Missa duplex stipendium accipere, applicando uni partem solitam, & alteri suam partem?

Resp. Quamvis multi graves Auctores docuerint, affirmativam sententiam esse probabilem, ut videre licet apud Dianam par. 2. tract. 14. refol. 14. & Lezanam loc. mox cit. numer. 17. tamen oppositam sustinent Suarez in 3. par. tom. 2. disp. 79. sect. 9. in fin. Bonac. de Sacram. disp. 4. quæst. ultim. punct. 8. numer. 16. Gavant. in commun. ad Rubr. Missal. tom. 1. par. 3. sit. 12. num. 29. & Lezana tom. 2. verb. *Missæ numer. 10.* qui testatur de communi, & ex aliis affirmativam sententiam, iniquam, impiam, & erroneam appellat. Jure merito igitur ut talem reprobavit Sac. Congr. in Decr. Urbani VIII. de Celebr. Missæ editis 21. Junii 1625. & postremò Alexand. VII. in suo decreto edito anno 1665 die 24. Septembris. Vide Dianam par. 5. tract. 14. ref. 45. pro hac nostra sententia, & Rotarium in Appar. pro Exam. Cler. capis. 7. sect. 2. num. 27.

268 Inter. 32. Potestne Sacerdos, saltem pauper, plura stipendia pro una Missa suscipere propter ejus paupertatem extremam?

Resp. Dico, quòd non; quia Missa non est instituta, & ordinata ad sustentationem Sacerdotis pauperis, ut rectè docet Tolet. lib. 2. cap. 8. sub num. 3. & alii communiter. Ideò Ecclesia ordinavit, quòd nullus promoveri valeat ad Ordinem Sacerdotalem, nisi constet habere bona, seu titulum sufficientem ad vitæ sustentationem. Vide Conc. Trid. sess. 21. cap. 2. & cap. non licet, & cap. Episcopus de præbendis. Unde si Sacerdos in paupertatem incidat, aliqua arte, seu agricultura sibi victum quærat, ut dicitur in cap. Clericus victum dist. 91. nam defraudare non debet contra iustitiam illos, qui ei stipendium præbent pro Missa, Ideò tot Missas celebrare tenetur, quot ad ratio-

tionem attributæ elemosynæ præscriptæ fuerunt, nulla in hoc illi suffragante paupertatis necessitate. Et hanc esse mentem S. Congreg. testatur *Lezan. ubi supra num. 13. & nu. 21. per Quartus casus*. Vide Bonacin. *de Sacramen. disp. 4. quæst. punct. 7. §. 2. sub nu. 1. & pun. 8. n. 14. & Dian. p. 2. r. 14. ref. 8.* à quibus plura circa tale dubium habentur in confirmationem nostræ sententiæ. Vide etiam *in tit. 149. ad l. 1.*

269 Inter. 33. Sacerdos, qui tenetur celebrare in aliqua Ecclesia sine Sacrificii applicatione, ut vulgò *con la sola presenza*, potestne aliud stipendium pro illa Missa accipere, & alteri applicare?

Resp. Multi dicunt, non posse aliud stipendium accipere pro applicatione Missæ, quia unica Missa non meretur, nisi unicum stipendium, ex Decr. Urbani VIII. Ita inter alios tenet Barthol. à Sancto Fausto *in tract. de Euchar. lib. 2. quæst. 156. & Gavant. in Comment. ad Rubr. Missal. tom. 1. part. 3. tit. 2. numer. 5.* & huic sententiæ adheret Diana *par. 2. tract. 14. ref. 80.* Alii verò dicunt, mentem Sac. Congreg. esse, ne Sacerdos plura stipendia accipiat pro applicatione Missæ; non tamen prohibere, ne possit accipere unum pro obligatione celebrandi tali tempore, loco &c. cum hæc sint pretio æstimabilia, & aliud in sui sustentationem pro applicatione Missæ Hos Doctores refert Diana loco citat. & *Lezana tom. 2. verb. Missa sub numero. 21.* Verum tamen est, quòd in hac opinione diversitate standum mihi videtur ad circumstantias personarum, & præfertim ad verba, quibus utitur Testator, vel Cappellaniæ Institutior. In dubio autem non præsumitur datum, vel relictum pro cultu Ecclesiæ, commoditate populi &c. sed pro applicatione Sacrificii, ut bene notat Alphons. de Leone *in tract. de Jubilæo par. 3. qu. 20. num. 27.* Et ad hanc sententiam comprobendam refert idem *Lezana ex Barthol. in collect. Bull. verb. Missarum elemosyna numer. 3.* quandam Sac. Congreg. declarationem, quæ sic inquit: *Missæ unica non potest satisfacere Sacerdos duobus obligationibus, duplicem elemosynam recipiens, nisi in fundatione expressè cautum sit, quòd non teneatur Sacrificium applicare.* Sequitur ergo, solum posse aliud stipendium accipere, quando Institutior Beneficii, seu Cappellaniæ, expressè dixerit non teneri Sacrificium applicare, & pro dante illud stipendium Missam celebrare; & non aliter fieri debet.

270 Inter. 34. Sacerdos, qui ab amico intrinseco accipit pro dicenda Missa duplicatum stipendium, potestne per alium Sacerdotem satisfacere dato ei iusto stipendio?

Resp. Ad hoc dubium respondet Diana *par. 2. tract. 14. resolut. 12.* & dicit, quòd si illud stipendium datum fuit præcisè, & simpliciter pro Missa, per alium satisfacere non possit, dato ei tantum iusto stipendio. Si verò datum fuerit non solum pro Missa dicenda, sed etiam intuitu personæ, quæ Missam celebrare debeat, utpotè quia Amicus, vel Coniunctus, possit. Limitat tamen Diana *par. 10. tractat. 16. resolut. 63. verb. Verum, prope finem*, dummodò verbi gratia qui petit Missam, vel Missas à Regularibus, non offerat stipendium actus, & positivè intendat eas ab ipsis Regularibus, & non ab aliis esse celebrandas; idque ad effectum acquirendi majus illud meritum, quod in Missæ Sacrificio pendet ex opere operantis (& potest sperari auctius ex Missis per Sacerdotes Religiosos celebratis, quàm ex Missis per Laicos Sacerdotes dictis) tunc enim Diana sentit, Regulares non posse modo dicto retinere illum excessum stipendii, cum talis retentio rationabiliter præsumi possit fieri invito domino offerente, qui stipendium ita pingue non dedisset, si credidisset, Missas celebrandas esse ab aliis, quàm à Regularibus. Verùm Sac. Congreg. super Decreto Urbani VIII. *de celebrat. Missar. ad 10. absolutè præcipit*, debere eandem integram elemosynam tribuere Sacerdoti celebranti, nec ullam illius partem sibi retinere posse; & ita omninò observari debet. Vide propositionem 9. reprobata ab Alex. VII. anno 1665.

271 Inter. 35. Peccatne mortaliter Sacerdos, qui præbet aliis minus stipendium, quàm accepit pro Missis dicendis?

Resp. Scio nonnullos docere, illud Decretum Urbani VIII. quod incipit: *Cum sæpè contingat*, emanatum die 12. Junii 1625. non obligare ad peccatum mortale, quia non continet præceptum, sed solum simplicem prohibitionem: ita docet Bordon. *in conf. Regul. resolut. 15. numer. 28.* cui subscribit Tamburin. *ad Sacram. Missæ lib. 3. cap. 1. §. 5. n. 6.* nec omninò dissentit Pellizar. *in Man. sem. 2. tract. 6. cap. 3. num. 23.* relati à Dian. *par. 10. tract. 16. resolut. 69.* qui tamen hanc opinionem refellit, & meritò; nam Urbanus VIII. *ibid. §. 4.* omne damnable lucrum ab Ecclesia remove voluit, necnon tam fordide negotiationis indecentiam. Unde quia videtur materia gravis, & sufficiens ad constituendum peccatum mortale; idcirco sub pœna peccati mortalis obligare non dubitat Diana ubi supra, & alii ab ipso relati, quibus

ad stipulatur Lezana in *Sum. 2. 3. verb. Missa num. 33*. Imò Sac. Congregat. Conc. ad decimum dubium respondet, debere Sacerdotem absolute integram elemosynam tribuere Sacerdoti celebranti, nec ullam illius partem sibi retinere posse. Vide *Dian. par. 2. tra. 14. ref. 10. vers. Sed modo*. Nec relevat, si dicatur, quòd sicut Sacerdos potest gratis celebrare pro alio, condonando illi totum stipendium, ita pariter possit condonare partem, cum præfata Decreta non tollant exercitium misericordiæ, vel liberalitatis. Non relevat, inquam, quia ut plurimum timere debet, quòd Sacerdos, cui Missæ celebrandæ traduntur, collatio minori stipendio, non liberè, seu ex metu aliquo cedat Juri suo, vel quia aliis non darentur sibi tales Missæ, vel in futurum aliq non dabantur. Et hoc eò magis timere potest, quando Sacerdos est pauper, & egens, siquidem non præsumitur liberaliter acceptare onus dicendi Missas pro parte stipendii. Ideò ut verum fatear, nescio qua conscientia aliqui id non observent, maxime cum nullo modo post Decretum Urbani VIII. possit Sacerdos, cui Missæ celebrandæ traduntur, per alium satisfacere, collato illi minori stipendio, alia parte stipendii sibi retenta; nec aliter affirmari potest, cum sit reprobatum in Decreto Alexand. VII. die 24. Septembris 1665. & est 9. propositio ibidem reprobata. Imò Decretum Urbani VIII. innovatum, & confirmatum fuit à Sac. Congregat. Concilii prævia autoritate. *fel. recordat. Innocent. XI. anno 1698*. Non nego tamen id quod dicit Lezana loco cit. & Alloza *verb. Missa sect. 4. num. 8*. quòd si Sacerdotes aliqui omnino spontè, & liberè, nec vi aliquæ, alioque metu, aut alio modo coacti contenti sint parte stipendii, possint Sacerdotes alii, qui majus stipendium receperunt, eas Missas ipsis committere, retenta sibi parte stipendii, quia hoc non est contra Decreta Summorum Pontificum, qui solum detestabile, ac turpe lucrum, atque indecentissimam negotiationem, vel avaritiam, ab Ecclesiasticis eradicare jussit prædicantur. Vide *Dian. loc. prox. cit. ref. 11. 12. & 13*.

273 Inter. 36. Titius dedit Cajo Sacerdoti Julios quindecim pro Missis 25 teneturne Sacerdos sub mortali tot Missas celebrare, & totum Missæ fructum eidem applicare?

Resp. Licet dictus Sacerdos non recipiat justum stipendium taxatum secundum consuetudinem suæ Civitatis, vel Provinciæ, adhuc sub mortali tenetur 25. Missas celebrare pro Titio, & Missæ fructum ei applicare,

& ni faciat, ad restitutionem teneatur stipendii, vel reticere Missas. Vide Bonac. *de Sacram. disp. 4. quæst. ultimum. pun. 7. nu. 8. §. 2. & Dianam par. 2. tra. 14. ref. 7*. Imò Sac. Congreg. *de celebr. Miss. in Decret. emanat. sub Urbano VIII.* ita sub obtestatione Divini Judicii mandat, præcipit, videlicet, ut absolute tot Missæ celebrentur, quot ad rationem attributæ elemosynæ præscriptæ fuerint, ita ut aliquin ii, ad quos spectat, suæ obligationi non satisfaciant, quinimò graviter peccent, & ad restitutionem teneantur. Unde stantibus apertis verbis hujus decreti, & declarationis ejusdem ad 2. & 3. dubium, non est audiendus Tambur. *Opus. de Sac. Missa lib. 3. num. 53*. quem aliis allegatis refellit *Diana par. 10. tra. 16. ref. 71*. eò quia asserit, Sacerdotem in dicto casu non teneri. Vide Trullench. *de Sac. lib. 3. cap. 8. dub. 13. numer. 8*. Balsæum *verb. Missa lib. 3. num. 10*. & alios apud *Dian.* loco cit. & propositionem 8. reprobata ab Alex. VII. anno 1665. Vide etiam Bonac. *de Sac. disp. 4. quæst. ult. punct. 8. num. 15*. Lezana. *loc. cit. verb. Missa num. 11. & 14. & Rotarium in Appar. pro exam. Cleric. cap. 7. sect. 2. numer. 24. & 25*.

273 Inter. 37. Sacerdos rogatur à Socrate, ut dicat decem Missas, cui Socrates præbit pecuniam charta involutam, & discessit. Sacerdos, aperit chartam, & in ea reperit sex Julios; quot Missas igitur celebrare tenetur.

Resp. Quia Sacerdos putabat esse justum stipendium, juxta consuetudinem loci, & postea reperit esse dimidium, licet potest ad ratam minuere numerum Missarum, & tantum Missas sex celebrare, si in loco, ubi reperitur, adeit consuetudo, ut pro qualibet Missa unus Julius detur; debet tamen prius monere Socratem, si commodè illum invenire potest, vel etiam illo non monito, quoties ex justa causa non possit. Ita docet Franc. Lugo *de Sacram. lib. 5. cap. 22. qu. 5. num. 51*. apud *Dian.* loco proxime cit. cui ipse adhæret, cum Decreta Sac. Congreg. non loquantur in his casibus, in quibus Sacerdos videtur esse deceptus.

274 Inter. 28. Peccatne mortaliter ille Sacerdos, qui accipit stipendium à Benefactori pro dicenda Missa Sancti Spiritus, B. Virg. aut de Requiem, postea verò dicit Missam in illa die currentem?

Resp. Multi dicunt, quòd non peccet, quia omnes Missæ sunt æqualis valoris, & quamvis cæteris paribus, Missa de Requiem magis prodesset Defunctis, cum ejus preces ad animarum liberationem indirectè fundantur,

tur; supplee tamen potest major Sacerdotis devotio, vel Sancti illius intercessio, cujus suffragium imploratur. Ita Diana *part. 2. tra. 14. resol. 31.* & magis ad intentum hoc probat *part. 3. tra. 6. resol. 62.* ex aliis allegatis per ipsum. Oppositum verò sustinet Sylvest. in *Summ. verb. Missa, quæstion. 8. dist. 3.* Fraxinellus, & Rodriguez, quos citat ipse Diana loco proximè citat. Ego verò puto, quodd solum venialiter peccet ex vi promissionis, & veracitatis; sed non mortaliter, quia non damnificat Proximum notabiliter, nec decipit quoad essentiam Sacrificii, cum omnes sint ejusdem valoris, ut docet Sanctus Thom. in *4. dist. 45. quæst. 2. art. 3. qu. 1. ad 5.*

275 Inter. 39. Sacerdos qui suscipit onus celebrandi Missas D. Gregorii, teneturne illas dicere sine interruptione, & omnes de requiem?

Resp. Interruptio non tollit Missarum effectum: ergo si cum interruptione dicantur, non amittunt suam vim, etiam ut eas quas instituit D. Gregorius; nec opus est, ut singulæ dicantur de requiem, quia est prohibita à S. Rituum Congr. in festis duplicibus celebratio pro Defunctis, excepta una solemnè præseunte corpore Defuncti. Ultra quod, ut dixi ad Inter. antecedentem, omnes Missæ sunt æqualis valoris ex opere operato: ergo &c. Ita probabiliter tenent Bonac. *de Sac. disp. 4. quæst. ult. pun. 7. §. 3. num. 6.* & 7. & Dian. *part. 2. tra. 14. resol. 32.* qui alios concordantes referunt.

276 Inter. 40. Potesne licitè Sacerdos eadem die in aliquo casu plures Missas celebrare?

Resp. Casus, in quibus id liceat, dummodo Sacerdos sit jejunus, sunt septem, ut videre licet apud Dianam *part. 2. tra. 14. resol. 56.* Sed hi casus modò ob multiplicatam Sacerdotum abierunt in disuetudinem, & solus primus, & ultimus in his nostris regionibus observatur. Primus est in die Nativitatis Domini Nostri. Ultimus est, quando unus Sacerdos præficitur duabus Ecclesiis Parochialibus ob illarum pauperatem. Vide Dianam *part. 10. tra. 16. ref. 22. prop. finem.* Ubi addit licitum esse Sacerdoti, ad communicandum Infirmum morti proximum, secundam Missam celebrare, & etiam ubi viget consuetudo, ut defunctus sine Sacrificio non sepeliatur. Vide etiam Bonacin. *de Sacram. disp. 4. quæst. ult. pun. 7. §. 5. num. 9.* & 10. & Toleum *lib. 2. cap. 3. num. 3.* & 4. ubi notat, nullum posse habere duas Parochias post Concilium Tridentinum: ergo ex hoc capite non potest

quis bis celebrare. Vide Armillam *verb. Missa num. 25.*

177 Inter. 41. Peccatne mortaliter Sacerdos simplex, qui rarò infrà annum Missam celebret?

Resp. Quidam Canonistæ dicunt, quodd mortaliter peccet, quia in *cap. Si quisquecumque de Consecr. dist. 2.* Sanctus Ambrosius dicit: Ego, qui quotidie pecco, quotidie debro accipere medicinam. Et major. & Duran. dicunt, quodd sine gravi peccato Sacerdos non potest abstinere à Celebratione. Unde in *cap. Dolentes de celebrat. Miss.* reprehenduntur, qui solum quater in anno celebrant. Verùm Cajetan. *3. part. qu. 82. art. 10.* tenet, Sacerdotem in dicto casu non peccare mortaliter; & ita videtur sentire Sanctus Thomas, cum non exprimat hoc esse mortale, tamen licet hoc sit verum secluso scandalo, & contemptu, peccat venialiter, quia defraudat Ecclesiam suo Sacrificio, ad quod offerendum est constitutus minister. Denique Sacerdos nullo impedimento detentus, qui solum contentus Communione Paschali nunquam celebrat, DD. communiter dicunt, quodd peccat mortaliter. Vide Dian. *part. 2. tra. 14. resol. 19.* Si verò celebrat ter, vel quater in anno, præcipue in die Nativitatis Domini, Resurrectionis, & Pentecostes, à peccato mortali illum excusant; cum de Jure communi aliis vicibus celebrare non teneatur, sed tantum de consilio. Vide Bonac. *de Sac. disp. 4. quæst. ult. pun. 6. num. 1.* & 2. Rotarium in *Appar. pro exam. Cler. cap. 7. sect. 2. num. 1.*

278 Inter. 42. Licetne Sacerdotibus passim celebrare Missam feria v. in Cæna Domini, atque in Sabbato Sancto?

Resp. Vasquez *tom. 3. disput. 232. cap. 2. numer. 15.* docet, neque jure scripto, neque consuetudine vetitum esse feria quinta in Cæna Domini missam celebrare, neque Prælati licentiam esse necessariam, & testatur se plures Romæ vidisse eo die celebrare; idem docet Marchinus *de Sacram. Ordinis tra. 3. part. 3. capis. 8. numer. 1.* apud Dianam *part. 4. tra. 16. 6. resol. 19. vers. Non desinam,* ubi ex aliis notat, Sac. Rituum Congregationem decrevisse, feria quinta in Cæna Domini celebrandam esse unam tantum Missam. Sed postea sequitur, hoc Decretum multis in locis non esse usu receptum; nam passim in illa die Sacerdotes celebrant, & id fieri posse etiam publicè, secluso scandalo, testatur idem Diana, asserere plures Doctores. Ego verò puto licere Sacerdotibus in illa die celebrare privatim, ut docet Navar. in *Manual. cap. 25. num. 88.* & concordant Sotus, & Sua-

rez apud Victorellum in *Addit. ad Emmanuel Sâ verb. Missa numer. 23.* & ita video practitari. Vide *Dian. punct. 11. tract. 32. versic. Sed ut verum fatear*, ubi pro hac sententia plures Doctores refert. Verùm Vasquez fatetur congruentius esse, ut eo die reliqui omnes Sacerdotes, præter Superiorem, vel alium solemniter celebrantem, à celebratione abstineant, & ad imitationem Apostolorum de manu illius, tanquam de manu Christi, Eucharistiam accipiant. Cæterùm in Sabbato Sancto, licet quidam, ut Sotus, Suarez, & Azorius, arbitrentur, posse Sacerdotes ob justam causam privatim celebrare, amoto scandalo, & cum licentia Superioris, ut videre est in *Emmanuel Sâ loc. cit. tamen Sac. Rituum Congregatio die 12. Februarii Anno 1690. & die 11. Martii ejusdem anni, censuit, celebrationem Missarum die Sabbati Sancti omnino prohibendam in quibuscumque Ecclesiis, & Oratoriis privatis, atque unicam Missam Conventualem unâ cum Officio ejusdem Sabbati Sancti celebrandam fore præcepit.*

279 Inter. 43. Teneturne sub peccato mortali Sacerdos perficere Sacrificium alterius Sacerdotis, qui dum Missam celebrat post Consecrationem morbo corripitur, nec ullo modo potest Sacrum inceptum explere?

Resp. Communis sententia docet teneri, licet non sit jejunus, aut excommunicatus, vel irregularis existat; & ratio est, quia integritas Sacrificii est de jure Divino; ideoque tale præceptum anteponendum est omni juri Ecclesiastico positivo. Unde si non potest Sacerdos Missam inchoatam perficere, debet ab altero hoc fieri, quamquam præferendus sit Sacerdos jejunus, & nulla censura irretitus, si adsit; & hanc esse communem, & probabilior sententiam, testatur *Dian. par. 9. num. 6. ref. 18.* Vide quæ dixi in *hac mat. tit. ad Inter. 18.* Quidam verò apud eundem *Dian.* dicunt esse probabile, posse Sacerdotem in dicto casu, si velit, explere, sed non teneri. Vide *Tolet. lib. 2. cap. 9. num. 1. & Bonac. tom. 1. de Sac. disp. 4. quæst. ult. pun. 10. n. 20.* Sed non est recedendum à communi, & probabiliori sententia affirmativa, quia Sacrificium, ut dixi, de Jure Divino integritatem expositulat. Vide in *tit. 30. de Laici, ad Inter. 4.*

280 Inter. 44. Si Sacerdos dum celebrat moriatur, vel nullo modo possit Sacrificium inceptum explere, quid facere debet alius Sacerdos, qui Missam tenetur perficere; præsertim si non constet, in qua parte Missæ dictus Sacerdos mortuus fuerit?

Resp. Si post Consecrationem utriusque materie Sacerdos moriatur, & nullo modo Sacrificium possit explere, secundus Sacerdos tunc debet species Sacramentales remanentes fumere, & Sacrificium inceptum perficere, nihil addendo. Si verò Sacerdos, qui moritur, unam tantum consecraverat speciem, quidam dicunt, quod secundus Sacerdos non solum debeat consecrare Sanguinem, sed etiam alteram Hostiam, & postea suo tempore fumere utramque Hostiam, & Sanguinem; & est probabilis hæc opinio. Tamen consultius est, alteram Hostiam non consecrare, ut docet Sanctus Thomas in *4. dist. 83. quæst. 2. art. 4.* Vide Nugnum in *3. par. tom. 1. qu. 83. art. 6.* apud *Dianam par. 9. tract. 6. ref. 18.* Nam quando consecrata Hostia deficit Sacerdos, definitum est in Concilio Toletano VII. & XI. ut alius Sacerdos succedat ad Calicem tantum consecrandum. Sed dato, quod Sacerdos moriatur post sumptionem Hostiæ à se consecratæ, & non potuerit item vinum consecratum fumere, dicunt quidam non teneri alterum Sacerdotem perficere Sacrificium, quia substantia Sacrificii videtur perfecta respectu Sacerdotis celebrantis, cum sumpta Hostia recipiat gratiam Eucharisticam; & ideo volunt, quod sanguis, qui non fuit sumptus à Sacerdote mortuo, fumatur à Sacerdote alio Sacrificium faciente. Mihi verò magis probatur id, quod *Diana docet par. 10. tract. 13. ref. 15.* nempe secundum Sacerdotem posse solum Sanguinem fumere, quia absolvere debet continuando à parte relicta ab alio, ultrâ aliâ rationes, quas pro sua tuenda sententia affert idem *Diana.* Imò cum *Chaves in Summ. Victoria de Eucharist. quæst. 18.* mihi probabiliter videtur dicendum, ex præcepto Divino teneri Sacerdotem in Missa se communicare sub utraque specie, quia utriusque speciei sumptio ad Sacrificii integritatem pertinet; aliâ non esset nec Sacrificium, nec Sacramentum perfectum. Nam Sacramentum Eucharistiæ est quedam refectio, quæ perfecta dici non potest, si sub una specie tantum fumatur à Sacerdotibus sacrificantibus tam pro se, quam pro Populo. Sed vide *Bonacin. tom. 1. de Sacram. disp. 4. quæst. ult. punct. 10. num. 23.* qui in hac opinionum diversitate ait, tutius esse se accommodare consuetudini. Cæterum quando non constat in qua parte Missæ mortuus fuerit Sacerdos, & ideo dubitatur, an consecraverit, vel non; nonnulli apud *Bonac. loc. cit. nu. 24.* tenent, debere secundum Sacerdotem ponere aliam Hostiam, & aliud vinum in alio cali-

calice, & utramque Hostiam; ac utrumque calicem consecrare, alterum simpliciter, alterum sub conditione; vel posse novam Hostiam, vel novum vinum consecrare simpliciter, & post summptionem utriusque speciei illam materiam, de qua dubitatur, an sit consecrata, ante purificationem sumere; & hanc opinionem inter recentiores fatetur esse communem. Tamen, ut verum fatear, mihi magis placet sententia, quam docet Serra in cit. *quest. 83. art. 6. Div. Thom.* ubi ait, sibi probabilius videri, satis esse in dicto casu Hostiam, & Calicem, quæ invenit secundus Sacerdos in Altari, sub conditione consecrare, & non debere aliam Hostiam, & vinum apponere. Et si certum esset, primum Sacerdotem consecrasse Hostiam, & nesciretur consecrasse vinum, sufficere hoc, quod in Altari invenit, consecrare. Et rectè dicit; nam perficitur Sacrificium, & integratur, & nulla sit injuria Sacramento, si adhibeat conditio in tali dubio; & sic opus non erit aliam Hostiam, & vinum consecrare, ut dicunt DD. primæ sententiæ, cum non sint multiplicanda entia sine necessitate. Sed vide Dianam *par. 10. tract. 12. ref. 12.* pro hac nostra sententia, & nota, quod Missa hodie incepta, & post consecrationem Corporis Christi non perfecta propter impedimentum celebrantis, non potest ab alio perfici cras, ut contra Tambur. probat Dian. *par. 10. tract. 11. ref. 4.*

281 Inter. 45. Quid debet facere Sacerdos, qui est in peccato mortali, quando tenetur alterius Sacerdotis Sacrificium inceptum perficere? Et quid si sit Excommunicatus, aut Irregularis?

Resp. Tenetur confiteri; sed si non habeat copiam Confessarii, debet, elicto actu contritionis, Sacrificium perficere. Et ratio est, quia major est obligatio perficiendi Sacrificium, quam præmittendi Confessionem, licet utrumque sit de Jure Divino. Bonacin. *de Sacram. disp. 4. quest. ultim. punct. 10. numer. 20.* Et hoc eo magis est verum, quia sequeretur scandalum grave ex omissione Sacri imperfecti. Verùm si adest alius Sacerdos, non existens in peccato mortali, aut nulla censura prædictus, tenetur ipse supplere, & Sacrificium in dicto casu perficere, ut dixi suprà in hoc titulo, ad Inter. 43. Quod autem teneatur Sacerdos Excommunicatus, vel Irregularis, si nullus alius adsit Sacerdos, illud Sacrificium explere, mihi videtur satis probabile, quia non est major ratio, cur teneatur Sacerdos non jejunus, si alius jejunus non adsit, & non qui est aliqua censura innodatus, cum semper minus sit pre-

ceptum servandi jejunium, & non celebrandi in Excommunicatione, aut Irregularitate, quàm de Sacro perficiendo; nam illud est Ecclesiasticum, hocque Divinum, ergo &c. Vide quæ dixi suprà in hoc titulo ad Inter. 43. Sed quoad Excommunicatum, aut Irregularem, solum admittit Viozzellus in add. ad Emm. Sà verbo *Missæ n. 38.* quando ex Sacri omissione secuturum sit grave scandalum aliorum, & pro se citat Azorium, & Sotum.

282 Inter. 46. Quidam credens Conjugem esse mortuam, fecit se promoveri ad Ordines Sacros; potestne mortua Uxore absque dispensatione Missam celebrare?

Resp. Qui præsumit vivente Uxore sine ejus licentia, vel extra casus à jure concessos, Sacros ordines suscipere, etiam solum matrimonium, non potest in illis ministrare sine Summi Pontificis dispensatione, nisi profiteatur in aliqua approbata Religione (nam in tali casu etiam Episcopus dispensare valet, ut habetur ex *Extravagante Antiqua Joan. XXII. de voto*) Verùm, qui ignoranter, & multò magis qui bona fide fecit se ordinare, nullam suspensionem incurrit, neque irregularitatem, ac proinde post mortem uxoris licetè potest in ordinibus susceptis ministrare, ut rectè docet Præpositus in 3. *part. question. 3. de suspens. dub. 5. num. 4.* ergo in casu nostro nulla indiget dispensatione, ut Missam celebrare queat, qui bona fide suscepit Sacros ordines, credens mortuam esse Uxorem, licet durante matrimonio non possit, sed solum post mortem Conjugis, ut dixi. Vide Dian. *par. 5. tract. 10. resol. 59.*

Quer. 1. An Missa mali Sacerdotis profit tantum sicut Missa boni? & quot peccata committat Sacerdos, qui celebrat in peccato mortali?

Resp. Ex doctrina Angelici Præceptoris 3. *part. quest. 82. art. 6.* habetur, quod in Missa duo considerata sunt, scilicet ipsum Sacramentum, & orationes, quæ in ea dicuntur, ac oblatio Sacrificii. Quantum autem ad primum, quod est principale, non minus valet Sacerdotis mali Missa, quàm Missa boni ex opere operato. Orationes verò possunt dupliciter considerari, uno modo in quantum procedunt ab hac privata persona; & ex hac parte majoris efficaciz sunt orationes boni Sacerdotis, quàm oratione mali, quia licet aliquando Deus audiat malos, tamen certum est, quod potius audit bonos. Alio modo possunt considerari prædictæ orationes tanquam procedentes à celebrante in persona Ecclesiastica, & quantum ad hoc

tantam efficaciam habet oratio mali, sicut oratio boni Sacerdotis, & e contra. Et ratio est quia is, cui mittitur aliquid, non respicit, per quem mittatur, sed quis, & quid mittat. Si enim quis mitteret servum ad dandam elemosynam, licet servus doleret, & repugnaret, nihilominus prodest elemosyna valeret omnibus illis, pro quibus affertur. Sic Sacerdos, cum sit minister Ecclesiæ Missam celebrans, licet peccet ipse, si non sit in gratia, prodest tamen aliis ejus Sacrificium. Ex parte autem orationum, & ipsius oblationis, quod melior fuerit Minister, eò magis accepta erit oblatio. Facilius enim, & sæpius, & amplius impetrat bonus, quam malus. Unde Sanctus Thomas ubi supra asserit, magis fructuosam esse Missam dictam a meliore Sacerdote cum majore devotione, quam sit Missa dicta ab alio. Armilla verb. *Missæ num. 34. & verb. Euch. num. 18.* Vide Navar. in *man. cap. 25. num. 79.* Tolet. *lib. 2. cap. 8. num. 1.* Bonac. de *Sacram. disp. 4. quest. unica punct. 6. num. 3. & 4.* Lezanam *tom. 3. verb. Missæ num. 7.* & alios penes ipsos. Tandem probabiliter dicunt quidam, ut Nugnius in *3. par. tom. 1. quest. 82. art. 5.* P. Campionus in *sua instruct. Ordinand. cap. 29. num. 50.* Author Cauthel. *Confes. lib. 2. cap. 28. num. 8.* & alii, Sacerdotem celebrantem in mortali peccato duplici peccato sacrilegii, & quia conficit, & quia sumit Sacramentum. Oppositum tamen docent Dicastillus de *Sacrament. tom. 1. tractat. 1. disp. 3. dub. 10. num. 235.* Bonacin. de *Sacram. disp. 4. quest. 5. punct. 2. numer. 4.* Diana *part. 2. tract. 14. resol. 24. & par. 10. tract. 16. resol. 27. versic. & tandem nota*, & alii plures apud ipsos, & asserunt unum tantum peccatum committere; & hoc mihi magis placet, quia sicut unum est Sacrificium, & una actio moralis, qua consecrando simul Sacramentum. Eucharistiam, sumit, & sibi ministrat; ita unum est peccatum ex multiplici causa, & titulo gravissimum.

Quar. 2. An Sacerdos Missam celebrans cum stipendio, possit eandem Missam alteri applicare ex gratitudine, aut benevolentia?

Resp. Pro indubitato haberi debet, non posse Sacerdotem partem sibi debitam ex opere operato in Sacrificio Missæ alteri applicare, ut duplicatum, pro eadem Missa stipendium accipiat. Ita nanque habetur ex Decretis Sac. Congregationis, de *Celebr. Missæ*. sub Urbano VIII. emanatis, & docent communiter Doctores, qui post supradicta Decreta scripserunt; & ita inter alios testantur Diana *part. 3. tract. 14. ref. 45. & par. 6. tract.*

6. refol. 8. & par. 10. tr. 12. ref. 21. versic. & idem. Lezan. *tom. 3. verb. Missæ numer. 10.* & alii apud ipsos. Si verò applicatio fiat ex charitate, & benevolentia, aut gratitudine pro aliquo Benefactore, Conspanguineo, vel Amico, à quo nullum stipendium accipitur, nonnulli dicunt, posse Sacerdotem alteri quoque ejusdem Missæ valorem pro stipendio applicare, quia in tali casu semper salvatur non accipi duplex stipendium pro eadem Missa, quod dumtaxat est prohibitum in præfatis Decretis de *celebrat. Missæ*. Nec fit contra Propositionem octavam damnatam ab Alexandro septimo die 24. Septembris 1665. cum reverà Sacerdos duplex stipendium non accipiat. Ita tradunt Mendo *Epist. opin. moral. verb. Missæ numer. 32.* Lezana ubi *suprà numer. 22.* Diana *par. 6. tract. 6. ref. 9. & par. 10. tract. 15. ref. 43. versic. nota verò.* Quamquam non desint alii, qui oppositum doceant, ut videre licet apud eundem Dianam *ultimo loco citat. circa fin.* Sed ipse Dianam *par. 4. tr. 4. ref. 196.* ubi loquitur, an Sacerdos possit unica Missa satisfacere pluribus petentibus unam Missam sine stipendio, affirmativæ sententiæ minimè se subscribit, dicens, hujusmodi opinionem multis recentioribus non placere, quamvis Lezana loco *suprà cit. nu. 8.* rectè probet, Sacrificium Missæ pluribus applicatum, æquè prodesse omnibus, prout in eo, in quo ratio Sacrificii consistit; nam is eo modo valor Missæ est infinitus, & indeterminatus. Ergo secundum hanc sententiam potest Sacerdos unica Missa pluribus petentibus satisfacere, si nullum, aut saltem unum recipiat stipendium. Et licet Sacerdos teneatur applicare non solum impetrationem, sed etiam totam satisfactionem pro eo, qui stipendium dedit; impetrationem tamen posse etiam pro aliis applicare, docet Alloza *verb. Missæ sect. 1. mun. 50.* Sequitur ergo posse Sacerdotem eandem Missam cum stipendio acceptam, alteri ex gratitudine, charitate, aut benevolentia applicare. Verum est tamen, quòd esset peccatum contra fidelitatem, si Sacerdos promitteret danti stipendium, quòd pro nullo alio Missam offerret, quia contraria opinio est damnata ab Alexand. VII. loco cit. & est propositio decima ab eodem Pontifice reprobata. Et licet Diana loc. *prox. cit.* dicat, quòd Sacrificium Missæ sit infiniti valoris, æqualiterque profit omnibus secundum cujuslibet devotionem, nec unus ex participatione alterius in re minima lædatur. Hinc est, quòd qui dedit stipendium, ut pro illo offeratur, non debet esse irrationabiliter invitatus, ut pro aliis idem Sacrificiū ex charitate offeratur. Tamen

quid-

quidquid sit de hac opinione, in nostra Congregatione, prout per spatium 49. annorum vidi, Missæ, quæ applicantur pro Religiosis nostris defunctis, sunt omnino diversæ ab illis, quæ celebrantur pro Benefactoribus stipendiū præbentibus; & hoc mihi magis probatur, Primò, quia in Sacerdote offerente ferè semper adest alius titulus propriæ obligationis, aut in eum refusæ à petente, & debitum alterius virtutis, v.g. Religionis, Voti, Penitentiæ, Gratiitudinis debitæ, aut similis Felicitatis, aut Charitatis, aut Officii Pastoralis, aut Obedientiæ ex Lege &c. Hæ enim virtutes eriam, saltem aliquando, cadunt sub debito. Secundò, quia qui imponit, vel suscipit obligationem Missæ, ex quocumque capite imponat, vel suscipiat, nisi alia forsan expressè detur explicatio, petit, & promittit maximum cultum Religionis, seu Dei, qui in Sacrificio attenditur, consequenter à quacumque alia obligatione independentem; nam petit Missam absque diminutione Divini cultus, sed ut augeatur. Unde fit, quòd etiam independentem è decreto Urbani VIII. nequit satisfieri pluribus obligationibus in hac parte, quia etiam si actio sit infiniti valoris, promittens eam pluries reddere, non satisfacit una vice reddendo. Unde Sacerdos debet esse cautus, ut nulli promittat specialiter, nisi illi, cui de jure debetur; aliis verò dicat, Rogabo pro eo, vel pro te, quia ex natura rei, seu conventionis, seu, ut melius dicam, impositionis oneris cuiuscumque, etiam si nil fructus alicui minueretur, Missæ Sacrificium obligatum, est inapplicabile pluribus petentibus.

Quær. 3. An Missa, quæ dicitur pro uno, pluribus prodesse queat? & si illius anima non existat in Purgatorio, cui illa Missa suffragetur?

Resp. Ad primam quæstionem dico, quòd illa Missa, si per modum congratulationis intelligatur, omnibus in Purgatorio existentibus equidem prodest, non autem si per modum expiationis. Siquidem in tali casu illi tantum prodest, pro quo Missa applicatur, quia expiatur, scilicet purgatur, ejusque anima per illud Missæ sacrificium liberatur, aut saltem magnum levamen recipit. Ideò, ut rectè docet Lavorius de Indulgiis par. 2. cap. 30. num. 120. Missa relicta pro aliquo particulari, non est pluribus applicanda, quia hoc esset dividere aurum pluribus, quod tantum uni debetur: quæ tamen ratio Lavorii mihi non probatur sicut assertum, nam illa ratio, & proportio ex auro deducta, supponit, Sacrificium esse finiti valoris, quod est contrà communioem sententiam; sed nil fructuum deperditur ex

aliorum consortio, licet, ut dixi supra Quær. 2. non possit pluribus obligationibus satisfieri, sed pluries repetenda est actio infiniti valoris si pluries suscipiatur. Ad secundam verò quæstionem, dico, quòd vel illi suffragatur, cui intendit Sacerdos in genere, sive in specie, tacite, vel expressè; aut si nemini applicat, dispensabitur aliis indigentibus per Divinam misericordiam: vel quòd si Sacerdos non habeat intentionem suffragandi alicui sibi conjuncto, aut amico, per Divinam misericordiam adhuc dispensabitur aliis indigentibus, ut ait idem Lavorius ubi supra n. 140. Expedit tamen, ut Sacerdos suam intentionem determinet in particulari ante consecrationem, prout sibi magis placuerit. Vide Dianam par. 9. traft. 2. ref. 5. & 7. nam ibi alia plura scitu digna circa hanc materiam invenies.

Quær. 4. An expedit, ut quis se vivente faciat sibi applicari sacrificia potius, quam post mortem? & an de requiem Missæ licite esse possint?

Resp. Est quidem magna controversia inter Doctores, an vivens Missa, & officia defunctorum pro se dici licite facere possit, ut videre licet apud Lezanam tom. 3. verb. Missa num. 54. & Dianam part. 5. traft. 13. resol. 2. & part. 9. traft. 2. ref. 18. verè sed brevis obiter. Affirmat Lezana, & aliis relatis intrepide sustinet id esse licitum. Tamen opposita sententia mihi magis probatur, quàm tuetur Diana locis cit. pro qua refert Layman lib. 5. tra. 5. cap. 2. num. 15. Hieronymum Garziam, Callropalaum, & alios; & fundamenta sententiæ affirmativæ satis doctè elidit. Ratio autem hujus nostræ sententiæ est, quia licet fructum respondentem Missæ de Requiem, & officia Defunctorum possint in rigore applicari vivis, æquè ac defunctis, cum sit fructus satisfactorius ex opere operato, & operantis, cujus vivi, ac defuncti sunt capaces; attamen aperte videtur id esse contra ordinationem Ecclesiæ, quæ diversas Missas, & officia pro vivis, & defunctis instituit. Ideoque Missæ vivorum in casu nostro, omnino esse debent de Sanctis, aut pro remissione peccatorum &c. non autem de requiem, quia istæ ex institutione Ecclesiæ, & ex ipsa significatione ad solos mortuos referuntur. Hoc itaque prænotato, Respondeo directè ad quæstum, esse quidem valde laudabile, ut Fideles curent pro se Missas, non de requiem, sed pro vivis, apte mortem celebrari; imò esse optimum consilium sic facere, ne postea hæretes pigri sint, & negligenter se gerant in hujusmodi suffragiis faciendis, cum dispendio, & detrimento

notabili suorum defunctorum ; Unde qui jubet in vita pro le Missas celebrari , habet majorem certitudinem , quòd actu dicantur , & recipiat fructum ; ultra quòd Missa applicata vivis , non solum est satisfactoria , sed est propitiatoria pro peccatis , conferendo varias gratias pravenientes ; & impetratorias variorum beneficiorum , & idè prodest magis , non solum in vita , sed etiam post mortem , ut per se patet , & inferius breviter ostendam . Audiamus ergo modo id , quod ait S. Gregorius Papa lib. 4. *Decalog. cap. 58. Tunc* , inquit , *est via , ut bonum , quod quisque post mortem suam sperat agi per alios , agat ipse , dum vivit per se ; Beatius quippè est liberum exire , quàm post vincula libertatem querere .*

Expedi igitur , ac maximè juvat , ut quis se vivente faciat sibi applicari Missas potius , quàm post mortem ; & ita rectè fecerunt nonnulli , ac me consulente fecit etiam novissimè quædam mea Consanguinea . Missæ enim pro defunctis applicatæ solum , serè sunt satisfactoriæ , cum defuncti aliorum fructuum non sint capaces ; nam Missæ fructus , ut tradunt Theologi , sunt tres , scilicet satisfactorius , propitiatorius , & impetratorius : at dumtaxat illius primi sunt capaces defuncti ; Missæ verò in vita pro aliquo celebratæ , non solum satisfactoriæ sunt , sed etiam propitiariæ , meritoriæ , & impetratoriæ , consequenter juvant in vita , & post mortem . Imò tanta esse possunt Sacrificia in vita alicujus oblata , ut totam poenam , quæ in Purgatorio debebatur , expient , ac delectant , ita ut ille decedens cælum statim consequatur ; ut docet inter alios Fraxinellus , quem refert Barbosa in *collect. ad Trid. sess. 22. cap. 2. nu. 11.* Alias solidas rationes videndas relinquo apud præfatos Auctores , & præsertim apud Dianam *loc. cit.* Non nego tamen esse valdè laudabile , quòd quisque etiam post mortem sibi Missas de requiem applicari curet , cum ad extremum vitæ contrahere possit novas obligationes ad poenas Purgatorii , quas quidè bonè est per sacrificia post mortem tollere . Hoc est igitur quod ego sentio circa præsentem difficultatem , de qua sæpius interrogatus fui . Sed vide si lubet D. Meum Dandinum *de suspens. de barosi cap. 3. sess. 1. sub sess. 5. num. 14. usque ad nu. 28. inclusivè* , qui egregiè , more suo , loquitur de hac quæstione .

Quær. 5. An Missa applicata à Sacerdote Religioso contra intentionem sui Prælati , valeat pro intentione ipsius , vel ejus Superioris ?

Resp. Applicatio Sacrificii pendet omninò ab intentione Sacerdotis , non autem ab in-

tentione Superioris ; & sic mihi non est dubium valere ei , cui per Sacerdotem Missa applicatur , & non alteri , cui intendit applicare ejus Prælati ; & ratio est , quia Sacerdos in administratione Sacramentorum , & applicatione Sacrificiorum , operatur ut minister Christi , & ut habens solum ab ipso potestatem : ergò solum illi subicitur , non alii Superiori , quoad has actiones , ut rectè ex Suarez , & Ledesma firmat Lezana *tom. 1. par. 1. cap. 4. n. 35* & hanc sententiam sequitur etiam R. P. Rotarius in *appar. Theol. Moralis par. 3. cap. 6. sess. 5. num. 10.* Quòd autem Gavantus hoc intelligat de Sacerdote sæculari libero , non autem de Religioso , cujus voluntas à Prælato pendet , nil officit , quia si Sacerdos Regularis est Christi minister , ut est Sacerdos sæcularis , pendere non potest ab alio , quàm ab eo , cujus vices gerit , & à quo potestatem recepit ; hæc autem potestas non potest auferri à Sacerdote Regulari , ergo neque potest impediri quoad ejus effectus : sed effectus secundarius characteris est applicatio Sacrificii , ergo non potest impediri à Prælato ; consequenter applicatio Sacrificii non pendet à voluntate Superioris , sed ab intentione Celebrantis ; aliàs lequeretur , quòd Prælati posset etiam reddere invalidam sui subditi Consecrationem , quod est falsum omninò . Nec valet dicere cum Poncio , non esse verisimile , quòd Christus dederit hanc potestatem Sacerdoti Regulari , nisi cum dependentia à voluntate ejus , qui potest ei præcipere , & solet applicare Missam subditi pro sui intentione . Nec enim ratio non convincit , ut patet ex dictis , & præsertim si hoc verum esset , etiam Consecratio penderet à voluntate Prælati : ergo sicut non pendet à voluntate Superioris effectus primarius hujus potestatis , ita neque ejus secundarius effectus ; nam Christus Dominus liberum actum celebrationis instituit , & ut tota applicatio penderet ex Sacerdotis intentione . Verum est , tamen , & nullus negat , peccare Subditum non conformando suam voluntatem , & intentionem cum illa sui Prælati , à cujus nutu , & voluntate pendere debet propter votum obedientiæ , quod emisit . Cæterum nec obstat adducere absurda , & inconvenientia , quæ posita hac nostra sententia sequi possunt ; nam hæc absurda etiam sequi possunt stando in opinione contraria , præsertim quia præbentes elemosynas Missarum , prudenter pariter dubitare possunt , an revera Superior fecerit eis , aut aliis applicare Missas ; & sic eadè ratio militat pro utraque opinione quoad inconvenientia , quæ sequi possunt . Unde Benefactoribus sufficere de-

bet ,

bet, quod sive ex defectu Superioris, sive ex defectu subditi, Missæ juxta eorum intentionem celebratæ, vel applicatæ non fuerint, semper mortaliter peccant Superiores, vel subditi, & ad restitutionem tenentur, nisi Missas reficiant, & tandem quoddam quique sue conscientiæ consulere debet in tam gravi negotio. Itaque non recedo à sententia, quam tanquam communiorē doceo in tit. 180. de regular. seu relig. ad Inter. 7. & 74. & adducam Pasqualigum de Sacrific. Missæ quæst. 83. qui pro hac nostra sententia 28. Doctores refert, licet P. Augustinus Matthæuccius, nunquam satis laudatus, sequatur oppositam in sua Causa Confessarii lib. 1. cap. 4. num. 24. & 25. quæ tamen mihi minus placet. Nam Butenbaum lib. 6. tract. 3. cap. 3. dub. 2. testatur, nostram sententiam esse communem.

TITULUS XXXV.

De Censuris Ecclesiasticis.

Vide tit. de Differ. Inter. 19. tit. de Dub. Inter. 9. tit. de Edict. Inter. ult. tit. de Episcopis. &c. Inter. 19. tit. de ignor. Inter. 3. tit. de Irreg. Inter. 23. tit. de Puer. Inter. 18. tit. de Susp. de Har. ad Quæst. 1.

283 I Nter. 1. Quid est censura Ecclesiastica?

Resp. Est quædam poena spiritualis, ab Ecclesiastica potestate infligenda, privans hominem baptismatum usu aliquorum spiritualium per ordinem ad salutem. DD. communiter Sayrus de censur. lib. 1. cap. 1. Bonac. loc. suprà cit. Gabrin. de cas. reserv. par. 2. cas. 1. annot. 1. nu. 1. & alii omnes, ut dixi.

284 Inter. 2. Quotplex est censura, seu quot sunt censuræ Ecclesiasticæ?

Resp. Est triplex, seu tres tantum sunt censuræ Ecclesiæ, nempe Excommunicatio, Suspendio, & Interdictum. Bonac. de censur. di. p. 1. quæst. 1. pun. 1. num. 4. & alii communiter contra Sotum in 4. dist. 12. qu. 3. art. 1. qui Irregularitatem, & Cessionem à divinis inter censuras enumerat.

285 Inter. 3. Censuræ in Decretis visitationis Episcopalis latæ, suntne à jure, vel ab homine? & extinguiturne mortuo, vel amoto Episcopo?

Resp. Quia Censuræ decretis Visitationis Episcopalis infliguntur per modum præcepti, & decreti, & in factis particularibus Urbis, vel Diocesis; ideo reputari debent Censuræ ab homine, quæ vim suam amit-

tunt mortuo, vel ab officio amoto Episcopo, nisi à Successore renoventur, & confirmantur; ne nemo deinceps eas incurrat, quamvis si antea incurrerat, iis innodatus maneat, donec absolvetur. Ita ex Suarez, Sylvestro, Coninch, Sayro, & Layman firmat Gabrinus Elucid. cas. reserv. par. 2. cas. 1. annot. 5. num. 12. & 13. Nam Censuræ per constitutiones Synodales perpetuè durant, sicut & ipsæ Constitutiones, nisi vel à Successore revocentur, vel contraria consuetudine legitime præscripta abrogentur: Censuræ verò per editum latæ, cum non sint à jure, sed ab homine per temporale, & locale præceptum, non obligant mortuo, vel amoto Episcopo, nisi à successore confirmantur; ut jam dixi, & aliis citatis docet idem Gabrinus ubi suprà pag. 21. numer. 13. Vide Responsionem ad Inter. ultimam tituli 79. & Dianam par. 6. tract. 6. resol. 41. in fine.

286 Inter. 4. Episcopus, vel alius Prælatus potestne suspendere effectus censurarum? & quid dicendum est de Summo Pontifice?

Resp. Dico, quoddam non, nisi privilegium habeant, aut consuetudo aliqua immemorabilis hoc eis permittat; nam ipsi dispensare nequeunt, per se loquendo, in jure communi. Papa verò, quia habet potestatem supra jus humanum, utique suspendere potest effectus censurarum, cum jure humano sit instituta censura, & de facto Martinus V. in extravag. ad revocanda, declaravit, esse licitum communicare cum Excommunicato occulto hoc est, non denunciato, cum ante ejus extravagantem licitum non esset: ex quo elicitur Summum Pontificem posse suspendere censurarum effectus, & consequenter posse valide conferre beneficium Excommunicato, quamquam unus ex effectibus excommunicationis sit, collationem beneficii irritam reddere. Hoc autem facere non valet Episcopus, vel alius Prælati, quia de jure communi invalida est collatio beneficii facta excommunicato ante absolutionem, & ipsi non possunt dispensare in jure communi, ut dixi, ac per consequens nec impedire effectus censurarum. Ita aliis relatis docet Bonac. de censur. disp. 1. quæst. 1. punct. ult. numer. 4. & seqq.

TITULUS XXXVI.

De Circumstantiis Peccatorum.

Vide tit. de Confes. sac. Int. 18. tit. de Incest. Inter. ult. tit. de Lux. Int. ult. tit. de Sacril. Int. 7. tit. de Scand. Inter. ult. tit. de Soc. crim. Inter. 1. 2. tit. de Sed. Inter. 3. tit. de Superst. Int. 18. tit. de Val. Sac. Inter. ult. tit. de Virgin. Inter. 3.

287 **I**nter. 1. Quæ, & quot sunt circumstantiæ peccatorum?

Rsp. Generaliter continentur in isto versu:

Quis, quid, ubi, quibus auxiliis, cur, quomodo, quando.

Sed vide Bonac. de Sac. disp. 5. q. 5. sect. 2. p. 1. 2. §. 3. diff. 3. num. 3. Alii tamen addunt, Quoties: at verò non est circumstantia, sed peccatorum multiplicatio.

288 Inter. 2. Illæ circumstantiæ peccatorum, quæ mutant speciem, suntne necessariæ in confessione explicandæ?

Rsp. Sine dubio id fieri debet, quia addunt novam malitiam mortalem.

289 Inter. 3. Illæ circumstantiæ, quæ solum aggravant peccatum, sed non in infinitum, debentne explicari in confessione?

Rsp. D. Thom. D. Bonav. & alii plures apud Dianam pars. 1. tract. 7. resol. 1. dicunt, quòd non, quia non habemus præceptum de his circumstantiis explicandis, cum de Jure Divino, & humano teneamus dumtaxat confiteri omnia peccata mortalia, quæ omnia confiteri quidem possunt absque iis circumstantiis, & hæc probabilissima sententia.

290 Inter. 4. Quomodo potest cognosci, quando circumstantia mutat speciem, & quando solum aggravat peccatum?

Rsp. Quando transfert peccatum ex materia opposita uni virtuti in materiam alteri virtuti oppositam, tunc mutat speciem; quando verò relinquit actum intra materiam ejusdem virtutis, non mutat speciem, licet peccatum in ea specie aggravet. Est communis sententia. Quæ communis doctrina sic est intelligenda: Quòd illa peccata specie diversa sunt, quæ vel diversis virtutibus adversantur, ut furtum, & blasphemia; vel quæ eidem virtuti, sed diversa ratione deformitatis repugnant, ut perjurium, & prævaricatio voti, quæ opponuntur eidem virtuti Religioni; primum, invocando nomen Divinum

in confirmationem falsitatis; secundum, non servando promissum Deo. Similiter Prodigalitas, & Avaritia, quæ opponuntur eidem virtuti Liberalitatis, prima secundum excessum, secunda per defectum. Item odium Dei, & proximi, quæ opponuntur eidem virtuti Charitatis; primum, quoad objectum ejus primum; secundum, quoad secundarium.

291 Inter. 5. Fœmina habens copulam cum Clerico in minoribus, vel cum aliquo Novitio teneturne hanc circumstantiam in Confessione explicare?

Rsp. Nequaquam, quia talis circumstantia non variat speciem, nec aggravat notabiliter peccatum fornicationis DD. apud Dianam p. 1. tr. 7. ref. 7.

292 Inter. 6. Mulier peccans cum Sacerdote Religioso, teneturne utrumque explicare, scilicet circumstantiam Sacerdotii, & Religionis?

Rsp. Minime, sed sufficit, quòd explicet alterutrum, nempe, peccavi cum Religioso, vel Sacerdote. Nam vota solemnia castitatis, quæ emittuntur in professione Religiosa, & in susceptione Sacrorum Ordinum, sunt ejusdem speciei. Diana pars. 1. tract. 7. ref. 3. & pars. 3. tr. 4. ref. 67. & alii ab ipso relati.

293 Inter. 7. Mulier peccans carnaliter cum aliquo Excommunicato non tolerato, teneturne hanc circumstantiam in Confessione aperire.

Rsp. Certum est, quòd potiori ratione prohibetur etiam illicita conversatio cum Excommunicato. Unde quia Mulier in dicto casu non solum committit simplicem fornicationem, vel adulterium, secundum qualitatem propriam, & personæ, cum qua carnaliter commiscetur; sed etiam peccat contra prohibitionem Ecclesiæ, communicando cum Excommunicato; idè tenetur hanc circumstantiam in Confessione aperire; nam communicans cum Excommunicato in humanis, non solum venialiter peccat, sed præterea incurrit minorem excommunicationem; quare fit, quòd ea non ablata, non sit capax Sacramentorum cum Excommunicato minor privet receptione, seu passiva participatione Sacramentorum; ut alibi dicam, & patet ex cap. 2. de except. & cap. ult. de Cler. Excom. & cap. penult. de Sentent. Excomm. & docet Bonacin. de Conf. disput. 2. quest. 3. num. 1. cæterique Doctores. Vide Chaves in Summ. Victoria de excommunicatione, conclus. 14. Et nota, quòd communicare cum excommunicato, ferè est veniale peccatum, nisi in Divinis communicetur illicitè, ut dicitur.

ut docet *Sa. verb. Excomm. num. 51.* & alii communiter.

294 Inter. 8. Qui habet rem carnalem cum Judæa, Turca vel Hæretica, teneturne huiusmodi circumstantiam in Confessione aperire?

Resp. Maximè, quia talis concubitus reducitur ad Sacrilegium, siquidem est ab Ecclesia prohibitus in honorem Christianismi; & ita tenendum est, quidquid in contrarium dicant aliqui. Vide *Dianam p. 3. tr. 4. ref. 138.* qui tandem ita concludit. *Vide etiam in sis. 97. de Fornicatione ad Int. 1.*

295 Inter. 9. Qui habet copulam sodomiticam cum infideli, teneturne hanc circumstantiam in Confessione aperire?

Resp. Dicunt quidam, quòd secluso scandalo, & periculo subversionis, & contemptus legis, & Religionis Christianæ, vel non sit casus reservatus ab Ordinario, necessarium non esse hanc circumstantiam in Confessione aperire; putant enim non esse circumstantiam mutantem speciem, sed solum aggravantem. Tamen alii probabilius docent oppositum, scilicet, quòd sit circumstantia mutans speciem, & consequenter necessario in confessione aperienda; & ita tenendum est omnino, ut docui in hoc tit. ad Inter. antecedentem, & docui in sis. 97. de Fornicatione, ad Inter. 1. loquens de habente copulam cum muliere infideli, Turca, Judæa, aut Hæretica, quia talis copula est etiam contra Religionis Christianæ decus, ac proinde sacrilegium, ut rectè docent *Candidus tom. 1. disp. 24. art. 23. dub. 35.* Card. de Lugo de penis, *disp. 16. sect. 6. num. 333.* *Leander de Sacram. tom. 1. tract. 10. disp. 8. §. 3. quæst. 7.* *Naldus in summ. verb. Fornicatio numer. 2* & alii apud *Dianam part. 3. tract. 4. refol. 138.* & *part. 9. tract. 11. refol. 3.* qui *Diana* huic sententiæ adhæret, & probabilior esse fatetur. Imò poenæ peculiare gravissimæ statuta sunt contra tam gravissimum scelus Perpetrantes. Vide *Sanchez de matrim. lib. 7. tom. 1. disp. 5. numer. 12.*

296 Inter. 10. Qui cognosceret Virginem in vase præposito, teneturne in Confessione aperire circumstantiam Virginitatis, vel sufficit, si dicat habuisse copulam sodomiticam cum fœmina?

Resp. Non est necesse, quòd explicet circumstantiam Virginitatis, sed satis est, si dicat habuisse copulam sodomiticam cum fœmina quia talis copula non habet specialem malitiam stupri. *Bonac. de Matrim. quæst. 4. punct. 11. n. 9.* *Diana par. 1. tract. 7. refolut. 11.* & *par. 7. tract. 12. refolut. 16.* & est communis

sententia. Sed vide Inter. 3. sis. ult. 208. de Sodomia.

297 Inter. 11. Deslorans Virginem spontè contentientem teneturne explicare circumstantiam Virginitatis, vel sufficit, si dicat se esse fornicatum.

Resp. Nonnulli dicunt, quòd contentiente Virgine non sit stuprum, quia volenti, & contentienti nulla fit injuria; & hanc sententiam præter alios, docent *Suarez*, & *Navar.* quibus subscribit *Diana part. 3. tr. 4. refol. 67.* & *part. 2. tract. 7. refol. 11.* Tamen opposita videtur probabilior cum *Corrado in Resp. tom. 2. quæstio 17.* & eò magis si sit sub cura parentum ut docet *D. Th. 2. 2. q. 64. art. 6.* & alii multi. Verum prima sententia sua probabilitate non caret.

298 Inter. 12. Si Eunuchus carnaliter cognoscit fœminam, teneturne in Confessione dicere se esse Eunuchum?

Resp. Certò tenetur, quia talis copula reducitur ad peccatum contra naturam, ex eo quòd non habeat finem à natura intentum, qui est generatio, & filiorum procreatio; *Henriquez*, *Lessius*, & *Sanchez*, quos dat, & sequitur *Diana p. 4. tr. 4. ref. 139.*

299 Inter. 13. Qui invitat fœminam ad copulam, & peccat cum ea, teneturne in Confessione aperire circumstantiam inductionis? & quid dicendum est, si cum ea non fornicetur?

Resp. Negativè respondet *Bonac. de Sacram. disp. 5. quæst. 5. sect. 2. pun. 2. §. 2. diff. 3. num. 20.* sed sufficit dicere se peccasse cum fœmina conjugata, soluta, aut consanguinea &c. quia explicato actu principali, sufficienter explicita videtur circumstantia inductionis. Nam inductionis est medium ordinatum ad talem finem, & regulariter vir inducit fœminam, & non è contra. Vide *Dianam part. 5. tract. 13. refol. 5.* Sed hoc intelligendum est, dummodò inducens illam ad peccatum non intendat directè formaliter ruinam spirituales ipsius. Qui verò invitat fœminam, licet paratam ad peccatum fornicationis, sed cum ea non fornicatur, utique circumstantiam inductionis aperire debet in confessione, quia circumstantia inductionis non exprimitur, expreso solo desiderio peccandi cum tali fœmina &c. Ita *Bonac. ubi sup. cum Sanchez*, & alii.

300 Inter. 14. Qui fornicatur cum muliere jam parata, teneturne in Confessione aperire circumstantiam inductionis ad peccatum?

Resp. Affirmat *Bonac. de Sacram. disp. 5. quæst. 5. sect. 2. pun. 2. §. 3. diff. 3. sub num. 19.* & pro se citat *Sanchez*: & ratio ipsius est, quia etiam

in isto casu cooperatur peccato alterius; sed sibi videtur contradicere, ut ipsum legenti patebit. Ideo oppositum tradunt Suar. in 3. p. disp. 22. sect. 4. num. 18. Azorius part. 1. lib. 10. cap. 16. quest. 5. Coninchus de Sacram. disp. 7. dub. 4. num. 23. Ledesma, & alii, quos citat, sed non sequitur Bon. sed illos sequitur Dian. p. 1. tr. 7. resol. 34. & ratio est, quia revera in tali casu non datur scandalum, nec propria, & moralis inducio, cum illa sit jam parata, & exposita ad peccandum. Si verò incitavit talem sceminam ad fornicationem, & cum ea non fornicetur; tunc tenetur circumstantiam inductionis in Confessione aperire, quia circumstantia inductionis non exprimitur expresso solo desiderio peccandi cum illa, ut dixi in precedenti Resp.

301 Inter. 15. Qui habet votum Castitatis si peccat cum sceminam eodem voto adstrictam, teneturne utramque circumstantiam in confessione aperire, vel sufficit, si dicat, Peccavi contra castitatem?

Resp. Utique tenetur eodem modo, quo supra in tit. 9. de Adult. ad Int. 1. de conjugato carnaliter cognoscente conjugatam, quia novam malitiam actui superaddit; ut docet idem Bonac. de Sacram. disp. 5. sect. 2. punct. 3. diff. 3. n. 13. & alii communiter.

302 Inter. 16. Qui habet votum simplex, & solemne castitatis, puta, quia in sæculo, vel in novitiatu emisit votum simplex, postea in Religione professus est; vel quia post votum simplex, Sacris Ordinibus initiatus fuit, teneturne in confessionem explicare circumstantiam Sacrorum Ordinum, vel professionis in Religione, si aliquid luxuriæ peccatum commiserit?

Resp. Affirmat Bonac. de matrim. qu. 4. punct. ult. num. 3. & citat alios; nam putat duplex sacrilegium committere, quia votum solemne differt specie à voto simplici: Ego tamen puto probabile, & in praxi tutum oppositum, cum Sanchez de Matrim. lib. 7. disp. 27. num. 18. & 35. scilicet votum simplex, & solemne non differre specie, sed solum accidentaliter; sique satisfacere dicendo in confessione, se habere votum castitatis; & ita tenet Dian. par. 1. tr. 7. resol. 4. §. notandum, & alii ibi relati. Vide quoque Diana ibidem ref. 9. cum Filiucio tom. 2. tr. 3. c. 7. n. 26.

303 Inter. 17. Si aliquis Sæcularis polluat tactibus alicuius Religiosi professi, aut in Sacris constituti, teneturne hanc circumstantiam in Confessione aperire; vel sufficit dicere, Tactibus alienis sum pollutus?

Resp. Nonnulli docent sufficere, si dicat in Confessione, Passus sum voluntariè pollui ta-

ctibus alienis. Hos Doctores refert, sed impugnatur Diana part. 1. tract. 7. ref. 33. & part. 9. tract. 9. resol. 65. idè nullo modo sunt audiendi; sed dicendum est cum ipso Diana, Trullench. in Decalogum tom. 2. lib. 6. cap. 1. dub. 8. §. 1. num. 2. & aliis, quòd quando sæcularis committat pollutionem tactibus Professi, aut in Sacris constituti, tenetur in Confessione explicare hanc circumstantiam; nempe passus sum pollui tactibus personæ Sacræ, & ita tenendum est omnino; nam Sacrilegium committitur in dicto casu.

304 Inter. 18. Teneturne in dicto casu Religiosus, aut in Sacris constitutus aperire in Confessione: Ego sum in Sacris, vel Professus, & alium pollui?

Resp. Dicunt quidam, quòd si ei non accidat voluntaria pollutio consummata, sufficiat si in cōfessione dicat, Causavi tangens impudice alium pollui; sed ut dixi in precedenti Resp. tales Auctores non sunt audiendi, quia Religiosus, vel Monialis, aut alius in Sacris Ordinibus constitutus, alium tangens impudicè, Sacrilegium committit, ac proinde tenetur talem circumstantiam in confessione explicare. Imò si polluat uxorem, aut personam Sacram, tenetur etiam id explicare, quia cooperatur ad Adulterium, vel Sacrilegium illius. Vide Dianam locis suprà citis, & præsertim par. 9. tract. 9. ref. 65. qui addit in fine sic: Cautè legendi sunt Tamburinus in Method. expedit. Confess. lib. 2. cap. 5. §. 10. num. 66. Grassius de casu reserv. lib. 3. cap. 8. numer. 39. Gesualdus in Theol. Morali tom. 1. tr. 27. cap. 10. numer. 16. Llamas in Summ. par. 3. cap. 8. §. 16. & alii duo, quos ibidem refert, atque meritò quidem refellit.

305 Inter. 19. In delectatione morosa, quæ attingit ad mortale, estne opus fateri circumstantiam personæ circa, quam tendit ipsa delectatio, scilicet an fuerit nupta, an monialis?

Resp. Teneri, sicut si talis consensus fuerit efficax circa actum, de quo delectatur; nam sumit speciem ab illo. D. Thom. 1. 2. qu. 74. art. 8. Sylvest. verbo Delectatio qu. 1. Navar. cap. 6. num. 9. & per consequens est opus fateri circumstantiam personæ: sic etiam si consistat in sola complacentia, quæ propriè est delectatio morosa. Bonac. de Matrim. qu. 4. punct. 8. nu. 19. & seqq. licet Diana oppositum probabile putet, par. 1. tr. 7. resol. 48. & part. 3. tr. 4. resol. 69.

306 Inter. 20. Si conjuges in actu conjugali delectentur de alterius fœmina, aut viro, peccantne mortaliter, & teneturne hanc circumstantiam in Confessione aperire?

Resp.

Resp. Coniux, qui in dicto actu cogitat, & delectatur de alterius persona, graviter peccat pro qualitate personæ, quam mente revolvit, & tenetur hanc circumstantiam in Confessione aperire: Nam committit vel Adulterium mentale, vel Incestum, vel Sacrilegium, vel Stuprum. Ita docent Bonac. *de matrim. qu. 4. punct. 6. sub nu. 7.* Alphonsus de Leone *De Offic. Confess. pars. 1. collecti. 1. n. 54.* Vasquez in 2. *part. som. 1. disp. 1. 21. cap. 2. num. 10.* & alii communiter, teste Diana *par. 3. tr. 6. ref. 73.* Unde non sunt audiendi Doctores, quos ipse Diana pro contraria sententia citat *ibid.* *Et par. 3. tr. 1. 3. refol. 99.* Vide iterum Bonac. *ubi supra quæst. 4. punct. 8. sub num. 20.* & Candidum *rom. 1. disquis. 24. dub. 14. num. 16.* apud Dianam *part. 10. tract. 11. refol. 61.* qui etiam hanc nostram sententiam tenet, licet addat, quod si delectatio in nulla re turpi esset, sed in sola pulchritudine viri, aut foeminae, ac posset esse in cogitatione alicujus picturæ pulcherrimæ, & de illa delectari, ut ad actum conjugalem magis excitetur, nullam involvere lethalem culpam, quia tunc delectatio in nullum turpe objectum fertur, & ad honestum finem dirigitur; & pro se citat Sanchez *de matrim. lib. 9. disp. 17. num. 16.* & alios. Vide Dianam *ea resolut. 61.* Verum ad hoc additum practicandum, neminem Conjugatum hortaretur; nam istæ præceptiones minus juvant in circumstantiis adco lubricis, & magnum est periculum labendi in aliquam turpem cogitationem.

307 Inter. 21. Sponsus, vel sponsa de futuro, & cum eis carnaliter se commiscantes, tenentur hanc circumstantiam in confessione explicare?

Resp. Multi multa dicunt, tamen probabile puto, talem circumstantiam non esse necessariò aperiendam in confessione, neque à sponsa, & cum adulterium non sit, ut docet Henric. *lib. 11. de matrim. cap. 23. num. 4.* nec mutat speciem, ut tenet Megala, & alii, quibus subscribit Dian. *par. 3. tr. 7. refol. 5. Et par. 3. tr. 4. ref. 67.* ergo &c. Et hanc sententiam probabilem vocat Layman *lib. 5. pars. 1. cap. 1. num. 6.* imò probabiliorem putat Azorius apud Filliue. *rom. 3. tract. 30. cap. 2. num. 53.* Sed hoc intelligendum est, nisi dicta copula sit casus reservatus in Ditecesi; nam tunc necessario explicari deberet.

308 Inter. 22. Verba turpia, inspectiones inhonestæ, & tactus impudici facti in Ecclesia, habentne specialem malitiam sacrilegii, necessariò in confessione explicandam?

Resp. De turpi aspectu, aut levi verbo,

maximè si per transitum, & sine notabili mora, & scandalo fiant, non habere specialem malitiam sacrilegii mortalis, est probabilissima sententia, licet sint mortalia peccata; quia non videtur materia ita gravis, ut pluribus citatis docet Suarez *de Relig. se. 1. lib. 3. cap. 7. nu. 11.* Tamen de tactibus impudicis, & turpibus, est magna difficultas: nam pro utraque parte adsunt validæ rationes, & Doctorum dicta. Quidam enim dicunt, quod tales tactus non sint sacrilegium, & consequenter non continent circumstantiam in confessione aperiendam, dummodò periculum pollutionis absit. Ita docet Sanchez *de matrim. som. 3. lib. 9. disp. 1. 5. num. 21.* Valen. 2. *disp. 6. qu. 1. 5. punct. 1. Et præterea,* cum Henriquez, & Vasquez; & ita quoque tenet Diana *par. 3. tr. 7. ref. 25.* cum aliis ab eo allegatis, nec dissentire videtur Bonac. *de matrim. disp. 4. punct. ult. numer. 8.* Suarez verò, & alii oppositum docent. Vide Suarez *loc. cit.* & alios plures, quos citat Diana, ubi supra, in principio Ref. Utraque sententia est probabilis, tamen mihi magis placet secunda, cum dicti tactus impudici disponant ad naturalem pollutionem, & consequenter ordinantur ad violationem, & pollutionem Ecclesiæ, & tanquam indecentissimos ejus sanctitati, puto habere specialem malitiam in confessione aperiendam, quia plus cœlestis iræ moerentur, si ædibus Deo sacratis agantur, ut ait Ven. Beda *hom. 7. som. 7.*

309 Inter. 23. Estne peccatum sacrilegii habere copulam in Sacristia Ecclesiæ, vel in Cameris Ecclesiæ adhærentibus, itaut necessario sit explicanda talis circumstantia in Confessione?

Resp. Nullum sacrilegium committitur, idèdque opus non est, talem circumstantiam in confessione aperire. Bonac. *de matrim. disp. 4. punct. ult. num. 15.* Diana *par. 1. tr. 7. refol. 20.* & alii apud ipsos: nam illud spatium solum dicitur locus sacer, quod spectat ad interius corpus Ecclesiæ à recto interiori usque ad pavementum. Secus dicendum est de Choro, & Capellis in casu proposito, quia Chorus, & Capellæ spectant ad interius Ecclesiæ corpus, non autem Sacristiæ, vel Cameræ Ecclesiæ adhærentes, ut notat Bonac. *loc. cit.* & alii apud ipsum: ergo &c. Vide Dian. *par. 3. tr. 4. ref. 166.*

310 Inter. 24. Qui furaretur rem sacram de loco sacro, satisfaceretne, si in confessione diceret alterutrum, nempe, furatus sum rem sacram, vel furatus sum de loco sacro?

Resp. Satis est alterutrum explicare, nam utraque circumstantia est ejusdem speciei con-

contra virtutem Religionis: ita Dian. *part. 1. tr. 7. ref. 22. §. Unde ex his, & aliis*

311 Inter. 25 Qui furatus est ad mæchandam, satisfacite dicendo in Confessione, se rem alienam furtivipisse?

Resp. Non satisfacit, sed tenetur exprimere circumstantiam finis, quæ superadit furto, nam medium participat rationem finis & eadem est ratio finis, & mediorum Bonac. *de Sac. disp. 5. qu. 5. sect. 2. pun. 2. disp. 3. num. 25. Diana par. 1. tract. 7. ref. 23. & alii plures apud eos.*

312 Inter. 26. Quotupliciter potest committi Sacrilegium ratione loci? Et hæc circumstantia estne in Confessione aperienda?

Resp. Tripliciter; Per furtum in Ecclesia commissum; Per injuriosam sanguinis humani effusionem; Et per effusionem seminis. Aliqui tamen putant probabiliter, quod non sufficiat furari in Ecclesia, ad hoc ut sit Sacrilegium; sed oporteat rem esse Ecclesiæ. Attamen vide, quæ dicam *in tit. 199. de Sacrileg. ad Inter. 3.* In his tribus peccatis igitur est consistenda circumstantia loci, scilicet in furto, in effusione sanguinis, & seminis voluntaria. Verum est tamen, quod si aliquis haberet volitionem perpetrandi prædicta tria, vel aliquod eorum extra Ecclesiam, non esset sacrilegus; si verò extra Ecclesiam conficiat in aliquod eorum faciendum intra Ecclesiam, teneretur confiteri de hac circumstantia, quia jam fit injuria loco. Imò puto, quod etiam tactus impudici facti in Ecclesia habeant specialem malitiam sacrilegii, necessariò in confessione aperiendam, ut docui *in hoc tit. ad Inter. 22.* quia dicti tactus impudici ordinantur ad naturalem pollutionem, ac proinde tendunt ad violationem, & pollutionem Ecclesiæ. Vide Suarez *tom. 1. de Relig. lib. 3. cap. 7. num. 11. & Bonacinam de peccatis tom. 2. disp. 2. qu. 4. pun. 1. 3. num. 9.*

313 Inter. 27. Si aliquis Religiosus, aut alius, quod ablit, in actu venero gestaret Reliquias, vel illas Amasæ daret, teneturne hanc circumstantiam in Confessione aperire?

Resp. Dicunt probabiliter quidam, quod non esset circumstantia in Confessione aperienda, quia non est speciale sacrilegium; concomitanter enim se habet ad illum actum venerum: Ita etiam putant, quod si Agnus benedictus, vel calculi cum indulgentia aut ipsæ Reliquiæ darentur Amasæ ex gratitudine, & benevolentia, & non tamquam pretium actus veneri, non esset circumstantia necessariò explicanda in Confessione, cum es-

set potius quædam irreverentia, quàm sacrilegium. Ita docet Filliucius *tom. 2. tr. 30. cap. 7. num. 229. & ex eo Diana par. 1. tract. 7. ref. 28. idem tenent Sanchez in Sum. tom. 1. lib. 2. cap. 40. num. 28. Facundez præcept. 1. lib. 1. cap. 4. num. 13. & Sylvius in 2. 2. D. Thoma quæst. 144. art. 10. apud eundem Dianam par. 3. tract. 4. ref. 67. licet oppositum doceat Philarchus de Offic. Sacerd. tom. 1. part. 2. lib. 3. cap. 9. prop. finem, & novissimè Rotarius in Appar. pro examine Cler. cap. 9. sect. 14. nu. 5. Sed non invenio in quo loco se retractet Diana, ut asserit ipse Rotarius.*

314 Inter. 28. Qui se exponit periculo peccandi, & post periculum committit illud peccatum, teneturne hanc circumstantiam in Confessione aperire?

Resp. Non plura, sed unum peccatum committit, qui facit illud peccatum cujus periculo se antea exposuit; ac proinde non tenetur hanc circumstantiam in Confessione aperire, dummodò tamen inter periculum, & actum intercesserit notabilis mora, quia tunc novum numero distinctum peccatum esset, ut docent Sanchez in Sum. tom. 1. lib. 4. cap. 8. num. 4. Suarez in 3. part. tom. 5. disp. 18. sect. 3. num. 16. & alii, quibus subscribit Dian. *part. 1. tract. 7. ref. 44. Vide etiam Bonac. de Sac. disp. 5. quæst. 5. sect. 2. pun. 2. §. 3.*

315 Inter. 29. Peccatne mortaliter, qui falsò putat hodie esse vigiliam, & carnes comedit, & teneturne hanc circumstantiam in confessione aperire?

Resp. Certò mortaliter peccat, quia jam habet animum peccandi mortaliter, nempe frangendi jejunium, etiamsi verè illa die non esset jejunandum. Tolet. *lib. 3. cap. 2. num. 3. & alii communiter.* Sed in Confessione sufficit, quod dicat comedisse carnes in die prohibito inquit Dian. *par. 3. tr. 4. ref. 162.* quia peccatum ejusdem speciei committit, ac si verè fuisset Vigilia. Sed Valentia *to. 4. disp. 7. quæst. 11. pun. 4. & Navar. in man. cap. 6. num. 14.* asserunt esse necessarium explicare, quod peccaverit contra conscientiam. Idem docet Em. Sà *verb. Confessio num. 26.* At ego puto opinionem Dianæ esse tutam in praxi.

316 Inter. 30. Qui unico voluntatis actu vult plures homines interficere, vel plures ad mulierem accedere, & peccare, teneturne hanc circumstantiam in confessione aperire?

Resp. Quidam putant, hujusmodi objecta numero diversa materialiter, & physicè, facere solum actum peccati graviores, sed esse unum objectum formaliter, & moraliter, & consequenter non esse talem circumstan-

tiam

tiam in confessione aperiendam. Ita Suar. 3. part. tom. 4. disp. 2. sect. 5. num. 35. & alii. Verum contraria sententia magis mihi placet, atque in praxi omnino sequenda est: Siquidem in eo actu dantur plures malitiæ numero distinctæ: Unde non tantum aggravatur peccatum, sed diversificant; sicut qui unico ictu occideret plures homines, licet faceret unum peccatum physice ratione unius actionis, tamen in eo essent diversæ malitiæ homicidii necessarii in confessione aperiendæ, ut recte docet Vasquez, & alii plures penes Dian. part. 1. tract. 6. resol. 17. quibus & ipse subscribit.

Quær. An qui commisit aliquod luxuriæ peccatum in Oratorio privato, teneatur hanc circumstantiam in confessione aperire?

Resp. Si Oratorium non sit consecratum, aut benedictum, non est opus, ut talis circumstantia in confessione aperiatur, quia speciale sacrilegium non committitur, nec ulla res sacra læditur, aut violatur. Ita docent Sanch. de matrim. lib. 9. disp. 15. num. 29. Bordonus in consil. Regul. tom. 2. resol. 90. num. 7. Leander de sac. tom. 1. tract. 5. disp. 8. §. 4. quæst. 25. & alii quos dat, & sequitur Diana part. 9. tract. 1. res. 50. Vide ergo quæ egomet dixi in hoc tit. de Circumstant. peccat. ad Inter. 26. & dicam in tit. 199. de Sacrilegio, ad Inter. 1. Secus autem dicendum est, si Oratorium saltem fuerit benedictum, quia Sacer dicitur locus, dum est per benedictionem deputatus ad officia divina, aut sepulturam, ut ait Emm. Sæ verb. Sacra num. 6. Vide Azorium lib. 9. cap. 27. quæstio 5. Verum est tamen, quod non committitur sacrilegium, ubi non est propriè locus Sacer, quamvis fortè ibi Altare sit, ut docet Em. Sæ verb. luxuria num. 4.

TITULUS XXXVII.

De Clericis, & Personis Ecclesiasticis.

Vide tit. de Accus. Eccl. Inter. 1. 7. tit. de Alien. Eccl. Inter. 4. 5. tit. de Circumst. pec. Inter. 5. tit. de Concubinar. Eccl. Inter. 2. 3. 4. tit. de Confil. Inter. 4. tit. de Corrept. Inter. 3. & ad qua. 11. & 2. tit. de Defens. bon. temp. Inter. 3. tit. de Defens. bon. Inter. 1. tit. de Hæres. Eccl. tit. de Eccles. Immun. Inter. 14. 15. 34. 54. tit. de Excomm. ob Cler. percuss. tit. de Gabell. Inter. 4. 5. tit. de Ignor. Inter. 14. tit. de Laic. Inter. 2. tit. de Lud. Inter. 1. 2. 3. tit. de Negotias. Cler. Eccl. Inter. 1. 2. 3. 5. 6. 7. 8. tit. de Peccat. Inter. Tom. I.

ult. tit. de Peccat. mort. Inter. 3. tit. de Prac. Inter. 3. tit. de Privileg. Can. & Fo. tit. de Regul. Eccl. Inter. 76. tit. de Sac. Bap. Inter. 6. tit. de Sac. Or. tit. de Sacril. Inter. 7. tit. de Val. Sac. Matr. Inter. 19.

317 **I**nter. 1. Beneficium Parochiale, & conferri Clerico non Sacerdoti?

Resp. De hoc minimè est dubitandum, quia quando Beneficium Parochiale, vel Canonatus Sacerdotalis alicui confertur, non est necesse, ut actu Sacerdos sit; sed sufficit, ut aptitudinem habeat Ordinem Sacerdotalem recipiendi intra annum à die adeptæ possessionis. Vide Concil. Trid. sess. 22. de reformat. cap. 4. Sylvest. verb. Beneficium 3. num. 7. Toletum lib. 5. cap. 5. sub num. 1. vers. Tertiò, Emm. Sæ verb. Beneficium num. 39. & est communis sententia: Imò si infra annum non fit Sacerdos, iusto aliquo impedimento detentus, excusatur, ideò vide Barbosam in Collect. Trident. sess. 11. cap. 4. de reformat. numer. 20. quia plura congerit ad hoc propositum.

318 Inter. 2. Peccantne mortaliter Clerici, qui comediis assistunt?

Resp. Est prohibitum Clericis, & Ecclesiasticis personis comediis interesse, in cap. non oportet 2. dist. 5. & in cap. Clerici 2. de vita, & honest. Clericorum, licet Bonac. de matrim. disp. 4. punct. 9. num. 22. Diana part. 2. tractat. 17. resolus. 35. & alii apud ipsos dicant, talem prohibitionem non obligare sub mortali cessante scandalo, & contemptu. Tamen si comediarum turpia repræsentent, est peccatum mortale illis interesse, ratione periculi delectationis, vel alterius gravis peccati; si verò tantum delectatio silleret in repræsentatione ipsa, & non procedat ad rem repræsentatam, & absit periculum consensus in actus turpes, non esse peccatum mortale, dicunt Bonac. ubi suprad. & alii, quos sequitur Diana. loc. cit. Verum melius est, quod Ecclesiastici ab illis nugis se abstinant, & præsertim quando in illis turpes res repræsentantur; nã non potest nisi scandalum sæcularibus afferri, & est quidem res valde periculosa; ideòque Paulus Comitulus in Resp. Moral. lib. 5. quæst. 21. existimavit, peccatum esse mortale sæcularibus huiusmodi Comediis interessentibus; ergo multò magis Ecclesiasticis, addo ego. Vide Resp. ad Inter. 10. tit. 180.

319 Inter. 3. Ubi requiritur major scientia, in Confessario, qui est deputatus ad excipiendas confessiones sæcularium, vel in eo, qui

qui solum Clericorum confessiones audire debet?

Resp. Videtur mihi, quod major scientia requiratur in eo, cui munus incumbit audiendi confessiones Clericorum, cum scire teneatur etiam casus irregularitatem continentes, vel saltem de illis dubitare, ut possit admonere Clericos, quinam actus ipsis prohibeantur. Bonac. de Sac. disp. 5. quest. 7. pun. 4. §. 2. num. 9 & alii ab ipso relati.

320 Inter. 4. Clericus, qui ad duellum provocat, aut illud acceptat, quam poenam incurrit?

Resp. Multæ quidem sunt poenæ impositæ contra duellantes, ut patet ex Bullis Summorum Pontificum. At Clerici non solum excommunicationem incurrunt, sed etiam ipso Jure sunt privati omnibus dignitatibus, Beneficiis, & Officiis Ecclesiasticis, & sunt inhabiles ad illa, & ad alia posterum obtinenda; & à solo Papa possunt dispensari, & absolvi. Ita habetur ex Bulla Pii IV. & Clem. VIII. Et quamvis nullum occidant, aut mutilent; tamen propter infamiam, quæ ob duellum contrahitur, sunt etiam irregulares post sententiam Judicis probato delicto. Imò de Jure communi antiquo incidunt in suspensionem, ut tenent plures Doctores apud Bonac. & Stephanum à S. Gregorio; licet quidam dicant dictam suspensionem non esse latæ sententiæ, sed ferendæ. Vide Bonac. tom. 3. disp. 2. quest. 3. puncti. 48. num. 21. & Stephanum à S. Greg. num. 4. de contr. lib. 1. cap. 18. Cæterum præter excommunicationem, & suspensionem, posito, quod sit ipso Jure lata, alias poenas non incurrunt, nisi post sententiam declaratoriam Judicis, ut docet ipse Bonac. & cæteri Doctores. Vide Armillam verb. Duellum num. 4.

321 Inter. 5. Clericus ob crimen perduellionis, & læsæ Majestatis, potestne puniri à Judice Laico?

Resp. Clericum pro quocumque gravissimo, & enormissimo delicto, etiam læsæ Majestatis, non posse puniri à Laica jurisdictione, probat Dian. p. 7. r. 1. ref. 9. & 10. & pluribus relatis luculenter ostendit, Judices, vel Principes violare immunitatem Ecclesiasticam, si Clericos propter crimen perduellionis, seu læsæ Majestatis puniant. Itaque pro indubitato haberi debet, Clericum non posse puniri à Judice Laico pro quocumque gravissimo, enormissimo, & acerbissimo crimine, abque immunitatis Ecclesiasticæ violatione. Vide iterum Dian. par. 1. tractat. 2. resol. 52. Nam tam majora, quam minora crimina Clericorum, ad Ecclesiasticum Judicem

pertinent, ut patet aperte ex cap. Cum non ab homine de Jure. & cap. At si Clerici, & cap. Clerici eodem sit. Vide Dian. qui in locis cit. de hac tractat materia; & rectè quidem.

322 Inter. 6. Clericus testimonium falsum dicens coram Judice Sæculari, potestne ab eo puniri?

Resp. Quidam dicunt, quod Judex Sæcularis possit illum punire circa ejus bona, non autem circa personam; sed absolute dicendum est, quod nullo modo possit Clericus à Judice Laico puniri, neque circa bona, neque in persona; nam Clericus gaudet privilegio fori quoad utrumque, consequenter Judex Laicus nullam habet in Clericum jurisdictionem, cum non sit ejus Judex; ut deducitur ex cap. si diligenti de foro compet. c. 1. de Cleric. conjug. & ex Authen. Statuimus, Cod. de Episc. & Clericis, & pluribus relatis firmat Diana par. 1. tract. 2. ref. 110. Imò asserit, quod neque per viam exceptionis possit Judex Sæcularis cognoscere Clericum de tali delicto, ad effectum euni repellendi à tali testimonio.

323 Inter. 7. Titius Clericus commisit grave quoddam delictum, nec gestabat habitum, aut tonsuram; à quo Judice debet processari, & puniri?

Ref. Bonac. de legibus disp. 10. q. 2. pun. 1. §. 4. num. 14. asserit, fuisse à Sac. Congreg. declaratum, Clericum, qui dimisso Clericali habitu homicidium commiserat, & sine Clericali habitu à Laica potestate captus fuerat, remittendum esse ad forum Ecclesiasticum, quia non præsumitur dimisisse habitum animo illum deferendi, sed ut commodius delictum perpetraret. Diana ubi sup. ref. 24. Ergo dicendum est, Titium in casu nostro puniri debere ab Episcopo suo, si delictum perpetravit in ejus Diocesi, & non à Judice Laico.

324 Inter. 8. Clericus exercens aliquod officium sæculare, & in eo delinquens, potestne à Judice sæculari puniri?

Resp. Aliqui dicunt, quod possit puniri in bonis, & non in persona; sed hoc non subsistit, quia non solum persona Clerici, sed ejus bona sunt exempta à Jurisdictione laicali; patet ex cap. unic. de Clerico conjugato in 6. nam bona Clericorum sequuntur privilegium personæ, ut rectè docent quamplurimi Doctores, quos refert, & sequitur Diana p. 1. tract. 2. resol. 19. Et idè dicendum est cum communi Doctorum sententia, Clericum nullo modo posse puniri à Judice Laico, si ratione officii sæcularis, aut cujusque artificii deliquerit, quia per assumptionem talis officii, aut artificii, fori privilegio, non privatur, & sic

& sic nec in persona, nec in rebus per Judicem laicum puniri potest. Certum est enim, quod si persona exempta est, ita etiam res, ut asserit Abbas in *cap. qualiter de Iudiciis num. 8*. Vide pro hac nostra sententia Sanchez in *Opusc. tom. 2. lib. 3. cap. unic. dub. 20*. Bonacin. de *legib. disp. 10. quæst. 2. punct. 1. §. 1. num. 23*. Duardum in *Bulla Cæna lib. 2. can. 1. §. quæst. 21. num. 273*. Genuensem in *praxi cap. 8. numer. 5*. Lezanam *tom. 2. verb. Clericus num. 30* & plures alios apud Dianam *ubi supra*, qui testatur de communi. Vide iterum Dianam *part. 4. tr. 1. ref. 39*.

325 Inter. 9. Potestne Judex Laicus punire Clericum in defectu Justitiæ Ecclesiasticæ?

Resp. Numquam hoc est ei permissum, quia Judex laicus inferiorem habet jurisdictionem, ac proinde non potest umquam supplere negligentiam Judicis Ecclesiastici, qui est omnino superior; & hoc clarè patet ex *cap. qualiter, Et quando de Iudiciis*, ubi prohibetur, ne ob defectum Justitiæ Clerici trahantur ad Tribunal sæculare. Ita docent Bonac. *tom. 3. disp. 1. q. 11. punct. 4. §. 4. num. 10*. Diana *p. 3. tr. 1. ref. 25. Et par. 4. tract. 1. ref. 80*. qui plures concordantes adducit, & testatur de communi. Vide etiam Lezanam *verb. Clericus num. 26*.

326 Inter. 10. Tempore caritatis potestne Judex Laicus compellere Clericos, ut vendant frumenta, vel ad aliquod faciendum tempore pestis?

Resp. In nullo casu possunt cogi personæ Ecclesiasticæ ad aliquod faciendum, vel non faciendum, tempore pestis, vel caritatis, per Judices Laicos, sed per eorum Judices Ecclesiasticos; nec possunt puniri pœna comminata à Judice Laico, sed alia arbitraria, ut rectè docet Guazzinus de *defens. reor. tom. 2. defens. 20. c. 9. n. 10*. Vide plura apud Dianam *p. 1. tr. 2. ref. 8. Et p. 4. tr. 1. ref. 37*. qui quidem hanc sententiam pluribus relatis tuetur, & oppositam tamquam contra libertatem Ecclesiasticam reprobatur, & damnatur.

327 Inter. 11. Ministri curiæ Laicalis possunt licitè spoliare Clericum armis prohibitis?

Resp. Negativè respondet Diana *part. 1. tr. 2. ref. 10. Et par. 3. tr. 1. ref. 28*. & pro se plures Doctores allegat, qui rectè asserunt, quod Clerici ad observanda statuta Laicorum sunt cogendi per Judicem Ecclesiasticum; unde non poterunt per ministros curiæ Laicalis, armis spoliari, nisi ad obviandum delicto, & consignandum dictum Clericum Iudici Ecclesiastico, & licet Bonacina de *legib. disp. 10. quæst. 2. punct. 1. §. 1. sub num. 22*, & alii

putent, necessariam esse ad capiendum talem Clericum licentiam expressam Episcopi; tamen puto probabile, & tutum in praxi, posse capi cum armis prohibitis, ut statim ita ducatur sine injuria ad suum Ecclesiasticum Superiorem. Vide Dianam *ubi sup. ref. 11. Et 12. Et par. 4. tract. 1. ref. 19. Et par. 5. tract. 1. ref. 4*. Lezanam *tom. 2. verb. Clericus num. 31. Et verb. Arma n. 5*.

328 Inter. 12. Si Ministri curiæ sæcularis inveniant Clericum asportantem frumentum, equos, vel quid simile contra legem, possuntne talia ab illo auferre?

Resp. Dico, quod non possunt licitè absque fractione libertatis Ecclesiasticæ, & timore Excommunicationis, præfati Ministri auferre à Clerico dictas res, quia Clerici non comprehenduntur sub statuto, aut lege Principis sæcularis, ut docent Alterius de *censur. tom. 1. disp. 16. lib. 2. in fin.* Bartholomæus à S. Fausto in *speculo confess. disp. 33. quæst. 20*. Valerus in *differ. utriusque fori verb. Clericus differ. 3. num. 5*. Azorius *part. 3 lib. 5. cap. 19. quæst. 13*. & alii, quos dat, & sequitur Diana *par. 4. tract. 1. ref. 16*. Et ratio est evidens, prout ex Vasquez, & Salas notat idem Diana, quia non habent Laici potestatem, saltem coercitivam, & punitivam, in ordine ad Clericos; nam licet Clerici teneantur vi directiva sub pœna peccati mortalis, ut ego teneo, obedire Legibus, vel statutis Principum iustis, & in bonum commune ordinatis; tamen non sequitur posse puniri ex transgressione à Judice Laico, cum nullam potestatem habeat in illos. Vide ad *Intersequentem, Et infra in tit. 149. ad Ino. 7*.

329 Inter. 13. Statutum Laicorum imponens pœnam adversus eos, quorum pecora, & animalia reperta sunt in alienis pascuis, obligatne Clericos?

Resp. Hinc indè sunt auctoritates Doctorum, prout videre licet apud Dianam *part. 1. tr. 2. ref. 81*. Nam licet Judex laicus non possit procedere contra personam Clericorum, aut Religiosorum pro executione pœnæ statuti, & ordinationis, ut omnes fateantur; tamen nonnulli putant, posse procedere contra ipsa pecora, aut animalia, quæ fuerunt reperta in pascuis alienis, & prohibitis, quia hoc non est exercere Jurisdictionem in personam Clerici, cum contra illum nulla dirigatur executio; sed solum onus reale rei impositum exigitur à Clerico. Sed Barbosa in *Collect. tom. 1. lib. 1. tit. 2. cap. 10. num. 6*. oppositum sustinet; & ratio ipsius est, quia animalia minime sunt capacia, quod conveniantur, vel condemnentur: ergo oportet omnino senten-

tiam ferri, & condemnationem pœnam fieri in personam Clerici, quod nullo modo fieri potest, cum sit contra Ecclesiasticam libertatem. Unde in facti contingencia, puto, standum esse stylo Curiz Episcopalis, quia Judex sæcularis non potest procedere, neque contra personam Clerici, neque contra res Clerici, ut bene probat Sanchez in *Opus. tom. 2. lib. 3. cap. unic. dub. 31. num. 2.* apud Dianam p. 4. r. 1. resol. 72. qui etiam alios pro hac sententia refert.

330 Inter. 14. Tenentur Clerici, & aliæ personæ Ecclesiasticæ observare leges Laicorum; & peccantne mortaliter illas transgrediendi?

Resp. Quando dictæ leges non sunt contra Sacros Canones, & sunt favorabiles, & privilegiativæ ipsi naturali rationi, & Justitiæ innituntur, servandæ sunt ab eis ex ratione naturali distant, servandas esse leges sæculares propter conformitatem cum personis sæcularibus ejusdem Reipublicæ. Ita Emm. Sæ verb. Lex. nu. 11. Layman. *trac. 4. cap. 13. nu. 6.* Azorius *part. 1. lib. 5. cap. 12. q. 3. & par. 2. lib. 9. c. 7. qu. 8. & is.* Navar. in *man. cap. 25. num. 88. & cap. 27. numer. 115.* Bonac. *tom. 2. de Legibus disp. 1. quæst. 1. punct. 6. num. 29. & seq.* Diana *part. 1. trac. 10. resol. 12.* & alii apud ipsos. Unde cum non teneantur Clerici, & personæ Ecclesiasticæ observare leges laicorum, nisi ex vi directiva, non semper peccant mortaliter illas transgrediendo, sed solum quando esset scandalum, vel agerent contra Justitiam, violando leges, quæ sunt juri naturali conformes. Vide Bonac. *loco citat.* & præsertim Lezan *tom. 2. verb. leges num. 28.* & infra in *tit. 180. de Regularibus, seu Religiosis, ad Inter. 57.*

331 Inter. 15. Tenentur Clerici consuetudinem Laicorum servare?

Resp. Clericos per se loquendo non potest consuetudo Laicorum obligare; consequenter non tenentur illam servare, quia non debent, nec possunt consentire in aliquam subjectionem contra eorum exemptionem, & Ecclesiasticam libertatem. Dixi per se loquendo: nam quando materia consuetudinis de se communis est Clericis, & Laicis, quia pertinet ad politiam civilem, & Ecclesiasticam, tenentur illam servare, cum tacite adsit voluntas Episcopi, & ita velle præsumatur. Unde Clerici non possunt frumenta, vel alias res venales pluris vendere, quam habet consuetudo, quæ adhuc viget apud Laicos. Et tædem si materia sit spiritualis, & ad bonum Animæ tendat, tenentur pariter Clerici illam observare, ut sunt jejunia, Festivitates ali-

cujus diei, & similia ad Divinum cultum spectantia, in quibus non considerantur subditi tam ut Laici, vel Clerici distincti ordinis, quam omnes, ut Christiani: Ita docet Valquez in 2. *par. quæst. 97. art. 3. num. 22.* Sylvius in 2. *part. D. Thom. quæst. 97. art. 2. concl. 10.* Suarez, Salas, & Bordonus, quos refert, & sequitur Diana *part. 6. trac. 5. resol. 16.*

332 Inter. 16. Quam pœnam incurrunt habentes temporale dominium, si prohibeant Laicis, ne vendant Clericis, ne molant, aut coquant panem, vel ne is exhibeat aliqua servitia, & obsequia?

Resp. Incurrunt pœnam Excommunicationis Bullæ Cœnæ, quia faciunt contra libertatem Ecclesiasticam, ut patet expressè in *cap. Eos, de immuni. Eccles. in 6.* & tradunt Suarez de *conf. disp. 21. sect. 2. num. 93.* Reginaldus in *praxi tom. 1. lib. 9. cap. 24. nu. 358.* Filiucius *tom. 1. trac. 16. cap. 10. nu. 271.* & alii quibus subscribit Diana *part. 1. r. 2. ref. 54.* qui testatur de communi; ergo non sunt audiendi, qui oppositum docent, ut Cajetanus in *Sum. verb. excommunicatio cap. 31.* Navarrus in *Man. cap. 27. nu. 119.* & alii, quos impugnat idem Diana *loco cit.* asserens præterea falsam apud ipsum esse eorum sententiam; & ita puto tenendum.

333 Inter. 17. Judex Ecclesiasticus tenetur punire Clericos delinquentes pœnis Jure civili impositis?

Resp. Dico cum Bonacina de *legibus disp. 10. quæst. 2. punct. 1. §. 1. num. 28.* & aliis ab eo citatis, non teneri. Primò, quia Ecclesia mitius agit cum Clericis Secundò, quia Ecclesiastici non subjacent dictis legibus, consequenter pœnis Jure civili impositis non sunt puniendi, sed pœna arbitraria, quando in Jure canonico non sit præscripta aliqua pœna pro tali delicto. Vide etiam Dianam *part. 4. trac. 1. resol. 29. vers. Quæ quidem, & part. 1. trac. 8. vers. sed notandum est*, qui aliis allegatis non suffinet sententiam, & meritò; nam Clerici non incurrunt pœnas lege civili statutas, ut docet Valquez in 2. *par. tom. 2. disp. 164. cap. 4.* & alii communiter.

334 Inter. 18. Personæ Ecclesiasticæ, si de redditibus Ecclesiarum debitas elemosynas non præbent, tenentur ad restitutionem?

Resp. Est magna quidem dissensio inter Doctores circa tale dubium, ut videre est apud Dian. *part. 5. r. 8. resol. 31.* Ego tamen in hoc opinionum conflictu nolo meam interponere sententiam. Scio, Cajet in 2. *quæst. 87. artic. 1. & quæst. 185. artic. 7.* D. Antoninum 3. *part. tit. 15. cap. 1. §. 19.* & alios Thomistas dq-

docere Ecclesiasticos non præbentes debitas eleemosinas de sibi superfluis ad vitam, & status decentiam, & in profanos usus expendentes, non solum peccare mortaliter, sed etiam ad restitutionem teneri. Sed hoc aliis non placet, & dicunt, quod licet peccet mortaliter, tamen ad restitutionem non teneantur, quia habent dominium fructuum beneficiorum. Verum Layman. lib. 3. tr. 2. cap. 4. nu. 3. docet, quod Ecclesiastici licet dominium reddituum beneficiorum habeant, ex lege tamen iustitiae eos in pium aliquem usum erogare debent, aliter ad restitutionem tenentur. Sed vide in tit. 131. ad Inter. 1.

335 Inter. 19. Qui deturpat portas, vel fenestras Clerici, inciditne in excommunicationem?

Resp. Multi dicunt, quod non, quia nec percutitur, nec iniuriose tangitur Clericus. Diana par. 9. tract. 4. ref. 37. §. Et quia, prope finem.

336 Inter. 20. Qui detinet Clericum, vel aliam Personam Ecclesiasticam domi inventam honeste colloquentem cum Uxore, Matre, Sorore, vel Filia, post monitionem, ut ab ea recedat, inciditne in excommunicationem?

Resp. Minime, modò tamen nil aliud malum ei faciat, quam detinere spatio 20. horarum ad tradendum eum suo Iudici, ut puniatur. Navar. in man. cap. 27. n. 85. Tol. lib. 1. cap. 33 sub num. 3. Dian. par. 9. tract. 4. resol. 32. qui putat etiam non improbabiler posse illum verberare sine periculo incurrendi excommunicationem.

Quæ. 1. An Episcopus possit compellere Clericos etiam senes ad removendas famulas, & ancillas?

Resp. Dico, posse Episcopum compellere Clericos quamvis senes ad removendas famulas, & ancillas: Quia licet Doctores, dum loquuntur de periculo incontinentiæ, juvenem intelligant usque ad annum quinquagesimum; ut testatur Em. Sà verb. *Invenit*, attamen Sac. Cong. Episc. & Regulari Senogallien. 15. Febr. 1629 in Ferrariensi 3 Junii ejusdem anni, censuit posse Episcopum compellere etiam Clericos senes ad ipsas famulas removendas; & rectè quidem, nam Clerici omnes evitare debent mulierum familiaritatem, cohabitationem, & consuetudinem, ut habetur ex cap. *Interdixit*, cum duob. seqq. dist. 32. Vide Conc. Trid. sess. 25 de reform. cap. 14. & ibidem Barbof. in collect. D.D. nu. 4. & 5. & cap. cum omnibus, cap. volumus, & cap. furivas 81. dist. 1. cum multis seqq. de cohabit. cleric. & mulier. & licet quidam dicant non peccare

Tom. I.

mortaliter Clericos habitando cum mulieribus, quia dicti canones non sunt præceptivi; peccant tamen mortaliter, si adest scandalum, vel si scienter se exponunt periculo peccandi, aut quoties hæc contumaciter, aut contemptibiliter faciunt; quare si non obediunt Episcopo, non solum peccant mortaliter, sed etiam possunt ab eo puniri. Imò S. P. N. Augustinus Hipponensis Episcopus, ac Catholice Ecclesie lumen, tanquam verus pudicitie amor, & custos, sceminarum, & in eis Sororis, & Fratris Filie contubernium, familiaritatemque vitavit. Quippà qui diceret; Et si propinque mulieres suspecte non essent, tamen quæ ad eas ventitarent, posse suspitionem efficere. Notent itaque tum Sacerdotes, tum Clerici, quod breviter dicam in tit. 133. de Occasionibus; ad Inter. 5. in fine, scilicet, quod mus in pera, ignis in sinu, & serpens in gremio, malè suos remunerant hospites. Ideo lubentes obediunt Episcopo præcipienti remotionem Ancillarum, quia qui amat periculum, peribit in illo; nam igniculus etiam in senibus plerumque viget, ut testantur historici. Unde S. P. Augustinus nec cum sorore habitare volebat, ut habetur ex cap. *Legitur dist.* 30. relato per Reverendissimum D. Abbatem Zerbi, qui doctissimo, ut solet, & pleno omnigenæ eruditionis scripto, huic meæ responsioni favet in sua Gemma Episcopali tit. 2. de Episc. obligat. qu. 1. in princ. cuius pulcherrimum opus Typis demandatum fuit hic Romæ currenti anno 1706. dum hæc scribo.

Quæ. 2. An in foro conscientie censendus sit excommunicatus, ac mortaliter peccasse ille Clericus, qui metu mortis ab alio sibi comminatus detulit arma prohibita pro sua tuenda persona? Et quid sit metus cadens in virum constantem?

Resp. Notandum est primò, excommunicationem majorem supponere peccatum mortale, nec ligare eum, qui peccatum mortale haud committit. Colligitur ex cap. Nullus, & cap. Nemo 11. quæst. 3. & ex Glof. in cap. ex parte de verb. significat. Navar. in man. cap. 17. num. 115. & alii communiter. Itaque ubi non est peccatum mortale, excommunicatio major non incurritur, ex regula generali. Hoc ergo prænotato, dicendum est non peccasse mortaliter dictum Clericum, quia metus, aut periculum probabile alicujus gravis damni, ut plurimum excusat à transgressione legis humanæ, consequenter à peccato. Ita Sylvester verb. *Metus* quæst. 7. Emm. Sà eodem verb. numer. 2. Bonac. tom. 2. de peccatis dist. 2. quæst. 9. pun. 2. numer. 3. & 8. Summa Diana verb. *Metus*

F 3

NUM. I.

NUM. 1. & alii plures. Dixit, ut plurimum, quia hæc non est regula generalis, nam Clerici ob defensionem immunitatis, grave damnum patri tenentur; Judices laici non excusantur à peccato, & à censuris, si metu probabili amittendi officium, violant immunitatem; & plura alia habentur exempla, quæ brevitatis gratia relinquo, sed videri possunt apud Gonet. *tom. 3. Theol. tract. 6. disp. 5. art. 4. §. 1 sub num. 63 ubi nu. 65. & seqq.* pulchram tradit doctrinam. Verum est tamen, quòd jus naturale conservandi vitam, aut bona propria, sine quibus homo non potest sustentari, præponi debet omni legi positivæ & humanæ, ut tradunt Grassus, & Barb. quos sequitur Lezana *tom. 2. verb. Arma num. 6. Tolet. lib. 7. cap. 12. sub num. 1 Bonac. de censur. dispus. 1. quæst. 2. punct. 3. num. 3* Ergo dictum Clericum non peccasse, nec excommunicationem incurrisse dicendum est, maxime si ille, qui ei mortem comminatus fuerat, erat solitus minas exequi. Metus autem justus, & probabilis, qui dicitur cadere in constantem virum, est, quando quis probabiliter timet sibi, aut suis aliquid grave malum eventurum, & sic cogitur à tali metu minus malum eligere, ut majus probabiliter imminens evitari valeat. Tolet. *Sà la cius cit. n. 11. Bonac. de matrimon. q. 3. pon. 8. nu. 2.* Tamen talis metus non semper est metiendus ex causa, ex qua nascitur, & ex natura rei, sed ex persona cui incutitur; non enim omnes homines æqualiter moventur, etiam servata virtute constantiæ, ut docet Sanchez, Coninch. Rebell. & alii, quos refert, & sequitur idem Bonac. *loco proxime cit. un. 7. vers. addo.* Marcus Paulus Leo ad *litt. Major. Parnis p. 2. pag. 148* Unde sceminam minor metus excusat, quàm virum; & timidum, quàm animosum &c. Cætera vide apud citatos Auctores, ego enim brevitas studeo.

Quer. 3. An inter Doctores detur aliqua præcedentia: & an ratione Doctoratus sit aliqua præminetia inter Canonicos, & alios simplices Sacerdotes, & quis præcedere debeat, quando duo eadem die ad Ordinem Presbyteratus promoti fuerint; & tandem quæritur, cujus latitudinis esse debeat corona Sacerdotum, & Clericorum?

Resp. Dico primò, quòd inter Doctores datur præcedentia, & Theologus quidem omnibus Doctoribus præcedit, deinde Canonista, postea Legista, & inter istos ultimum locum debet habere Medicus, prout docet Panor. in *cap. Clerici de iudic. Sylvester verb. Doctor. n. 3.* Armilla eodem *verb. nu. 2. Emm. Sà nu. 8.* & alii plures. Ratione verò Doctoratus nulla datur præminetia inter Canonicos,

habetur ex declar. Sac. Congreg. Rit. 19. Martii 1611. Idè debent præcedere ratione Canonici, aut antiquitatis præbendæ, vel promotionis ad illam, juxta consuetudinem Ecclesiæ, in quibus habent Canonici. Verum est tamen, quòd Canonici coadjutores, viventibus coadjutis, sedere debent in ultimo loco ejusdem Ordinis coadjuti; nam præcedentia competit Canonici, quamvis posterius provis, non coadjutoribus: Sed si Coadjutor esset in dignitate, absente, vel impedito Coadjuto suo, tunc præcedit omnibus Canonici. Et sic pluries resolutum fuisse à Sac. Congreg. testatur Barbos. in *collect. ad Trid. sess. 2. de reform. c. 7. num. 17. usque ad 20. inclusivè.* Sed vide etiam Diamam *part. 4. tr. 4. resol. 88.* Dico 2. quòd Presbyter prius ordinatus præferri debet Presbytero postea ordinato, licet sit Doctor, quia Presbyteratus Ordo longè dignior est, quàm gradus Doctoratus, prout censuit Sac. Congreg. in *Mediolanen. 29. Nov. 1603.* apud Barbos. in *Collect. verb. Presbyter. num. 6.* In casu verò, quòd duo fuerint eadem die Ordine Sacerdotali insigniti, an debeat præcedere, qui ætate alterum anteibat, vel qui prius post Ordinationem Missam celebraverit? est res quidem valde disputabilis, quamquam audio, aliquos opinari illi competere præcedentiam, qui ante primam Missam celebraverit, hac ducti ratione, scilicet, quia acquisivit Jus ad præcedentiam ratione potestatis exercitæ, dum in tali casu Sacerdos reducit potestatem ad actum, qui valde attenditur, ut quis altero censeatur dignior ad effectum acquirendi præcedentiam. Ego tamen nolo in hoc casu Judicis officium agere, etenim in mea Congregatione oppositum prædicatur, & ille præcedit, qui prius professionem in Religione emisit: si autè in aliquo loco, usu, & consuetudine sit receptum, ut ille præcedat, qui prius Missam post Ordinationem celebraverit (ut mihi astitit in facti contingetia) dico, hujusmodi consuetudinem esse observandam, quia loci consuetudo valde attenditur in præcedentis, etiamsi consuetudo Juri repugnet, ut pluribus allegatis rectè sustinet Barbos. *loco sup. cit. in Trident. c. 13. n. 11. & 12.* Imò censimè Juribus citatis probat etiam Lezana *ro. 4. post consult. 57.* ubi agit de Cathedralitate Ecclesiæ S. Mariæ de Pilari Casaragustanæ *cap. 15. nu. 369. & seqq.* Siquidem observantia præminetiarum plurimum valet, cum præcedentia sint de jure positivum humano, in quo maxime prævalet consuetudo: Ipsa namque est alteri jus positivum, & æquipollet veritati, & du-

& dubia quæ possunt esse, remouet, ac denique est optima cuiuslibet dispositionis interpres. Vide ergo Doctores apud duos præfatos Autores, & ibi jura, quæ quidem valde rectè conducunt ad intentum, de quo in præsentiarum fit sermo. Itaque in tali dubio consuetudo consideranda videtur, & secundum illam determinandum.

Tandem pro conone hujus responsionis dico, quod corona Sacerdotis debet esse ad mensuram majoris hostiæ, Clerici verò ad mensuram minoris hostiæ, Diaconi, & Subdiaconi, formæ mediæ. Sed omnino videndus est Reverendiss. P. Campionus in sua eruditissima Instructione pro Ordinandis *cap. 7. nu. 8.* qui luculenter, ut semper solet, firmat regulam, scitu quidem, & notatu dignam.

Quæ. 4. Quam pœnam incurrat Clericus, si conueniat alterum Clericum coram Judice laico; & an possit conuenire laicum coram Judice laico, & ab eo judicari?

Resp. Clericus conueniens alium Clericum coram Judice sæculari, committit peccatum mortale sacrilegii, & pœnam excommunicationis incurrit, quia facit contra libertatem personis Ecclesiasticis, tam à jure diuino, quam à Sacris canonibus, concessam, ut alibi melius probò: idcirco non est immunis à peccato sacrilegii, & ab excommunicatione, ut patet *ex cap. noueris, cap. grave, de sent. excomm. & ex cap. qualiter, & quando de judic.* Sit pluribus relatis resoluit Bonac. *tom. 2. de legib. disp. 10. quæst. 2. pun. 1. §. 5. numer. 1.* Si autem coram Judice laico causam ageret contra laicum, nullum peccatum committeret, quia laicus, qui conuenitur ab eo coram Judice laico, sustinet personam rei, & est subditus laicæ potestati, & sic seruat reo suum proprium forum, ut habet idem Bonac. *loco cit.* & alii communiter. Si verò Clericus conueniat laicum coram Judice laico pro causa civili, tunc laicus potest illum reconuenire civiliter, & à Judice laico potest Clericus judicari, & ejus sententia tenet, quia Clericus per reconventionem fit subditus talis Judicis. At criminaliter laicus sicuti non potest Clericum conuenire coram Judice laico, sic etiam nec illum potest reconuenire, ut docent Syluester *verb. Index 1. num. 3. & 4. Tolet lib. 5. cap. 58. num. 2. Emm. Sæ verb. Clericus num. 3. Armilla in summ. verb. Index num. 19.* & est communis sententia. Sed omnino videndus est Diana *pars. 4. tract. 1. resol. 21. 23. 24. 25 & 65.* ubi plura haberi possunt ad intentum, & tandem in dicta *res. 65. in fine*, sic habet: Licet Clericus possit à laico reconueniri, & teneatur stare sententiæ,

nihilominus secuta sententia non poterit à laico Judice cogi ad solvendum, quia coactio supponit jurisdictionem; Judex autem laicus non habet jurisdictionem in Clericum, præcisa occasione reconventionis: ergo &c. Et pro se citat Bonac. & Duardum, & alios penes ipsos. Vide Lezanam *tom. 3. verb. Clericus num. 19.* & 20 ubi latè de hac tractat materia pertinet ad Privilegium fori, quo fruuntur Ecclesiasticæ personæ &c.

TITULUS XXXVIII.

De Cognatione Matrimonium dirimente.

337 **I**nter. 1. Quotuplex est cognatio, quæ impedit, & dirimit matrimonium?

Resp. Triplex est cognatio, quæ impedit, & dirimit matrimonium, scilicet naturalis, seu carnalis, legalis, & spiritalis, ut docent Doctores communiter.

338 **I**nter. 2. Cognatio carnalis, quæ est eadem, ac consanguinitas, quo jure impedit matrimonium, & usque ad quem gradum?

Resp. Dico, quod jure naturali prohibiti sunt Parentes contrahere cum liberis. Ita etiam cum aliis in quolibet gradu ascendentium invalidum esse matrimonium jure naturali, docent Sylvest. *verb. matrimonium 8 q. 6. Navar. in man. c. 22. num. 84.* & alii, quos refert, sed non sequitur Bonac. *de matrim. quæst. 2. pun. 3. §. 1. num. 8.* qui cum aliis ibidem congestis tenet, matrimonium in linea recta dumtaxat irritum esse jure naturæ in primo tantum gradu; sed S. Thomas *addit. ad 3. part. q. 54. art. 3. aii.* in primo tantum gradu ascendentium, & descendentium naturæ jure vetitum esse matrimonium: sed Vide Dianam *par. 4. tr. 4. resol. 93. & par. 8. tract. 1. resol. 70.* qui latè scribit de tali dubio pro utraque parte. Item in primo gradu transversali inter fratres, & sorores, probabile quidem est invalidum esse matrimonium, non solum jure Ecclesiastico, sed etiam jure naturæ, ut rectè probat ibidem Bonacin. *ubi supra n. 12.* & respondet ad argumenta contraria. Tandem invalidum est matrimonium, saltem jure Ecclesiastico, inter personas consanguineas intra quartum gradum inclusive, tam in linea recta, quam linea transversali. Vide *cap. Non debet de consanguinitate, & affinitate; Concil. Trident. sess. 24. de sac. matrim. can. 3.* Emm Sæ *verb. inapdem, diriment. num. 4.* Bonac. *ibidem num. 7.* Chaves *in summ.*

Victoria tit. de cognat. carnali quæst. 275. Toletum lib. 7. cap. 9. & Armillam verb. dispensatio nu. 9. & 10.

339 Inter. 3. Potestne Papa dispensare quoad impedimentum cognationis carnalis?

Resp. Em. Sà loco proxime citato sub num. 4 putat posse Papam dispensare cum omnibus, exceptis parentibus, & fratribus: Itaque Papa dispensare potest super impedimento cognationis carnalis in gradibus, qui non sunt prohibiti jure naturali; iusta tamen subsistente causa, ut v. g. sit pax inter familias, vel ob confederationem Regnorum, vel ob aliam rationabilem causam, puta necessitatem magni scandali vitandi, evitacionem inimicitiarum, rixarum, & homicidiorum, aut dotis incompetentiam, quia multum interest puellas nobiles dote sufficientem habere, ex l. prima ff. soluto matrim. & cap. 15. de consan. & affinis. ut docet Diana p. 7. traçt. 12. resol. 34. Verum est tamen, Conc. Trident. sess. 24. c. 5. de reform. matrim. prohibere, ut in 2. gradu nunquam dispensetur, nisi inter magnos Principes, & ob publicam causam, quamquam sub nomine maguorum Principum, secundum aliquos, includantur etiam Domini titularis; unde Zetola in praxi Episc. part. 1. verb. dispensatio §. 2. refert se vidisse dispensare inter Barones, & titulares Regni Neapolitani. Imò Diana part. 8. traçt. 7. ref. 8. pluribus citatis, asserit, Summum Pontificem ex sua benignitate ob causam urgentem, etiam privatam, interdum dispensare cum personis inferioris conditionis. Cæterum nota id, quod docet Coninchus disp. 33. nu. 44 apud Barbos. in collect. ad Trident. loco supracit. à numero. 27. scilicet hunc Tridentini locum intelligendum esse de gradu consanguinitatis, vel affinitatis ortæ ex legitimo matrimonio, quia in affinitate orta ex fornicaria copula, præsertim occulta, longè facilius dispensatur, Sed circa hanc difficultatem vide Barbos. ubi suprà per totum; nam ibi docet modum pro dispensationibus obtinendis valide, ac licite.

340 Inter. 4. Quid est, & in quo consistit cognatio legalis, & inter quas personas contrahitur?

Resp. Cognatio legalis est propinquitas quarundam personarum consurgens ex adoptione, ut docent Doctores communiter in 4. dist. 42. & in cap. 1. de cognat. legal. teste Valentia tom 4. disp. 11. quæst. 5. punct. 3. verb. cognatio, column. 3. apud Bonac. de matrim. quæst. 3. pun. 5. §. 3. num. 1. Adoptio verò est quadam legitima assumptio extraneæ personæ in filium, vel nepotem, vel in filiam, aut nepem,

ut docet S. Thom. in 4. dist. 42. quæst. 2. ar. 1. & alii apud eundem Bonac. loc. citat. qui testatur de communi. Vide igitur ipsum; nam plura explicat ad intelligentiam cognationis legalis, & quas condiciones habere debeat, ut aliquis possit adoptare. Cæterum cognatio legalis consistit in hoc, quod impedit, & dirimit matrimonium inter adoptantem, & adoptatum, & adoptati descendentes, usque ad quartum gradum: & hæc cognatio inter has personas semper impedit, etiam si adoptio dissoluta fuerit: habetur ex cap. diligere 30. quæst. 3. Item non potest subsistere matrimonium inter adoptatum, quamdiu non est emancipatus, & adoptantis filios legitimos, dum sunt in Patris potestate, & inter uxorem adoptantis, & adoptatum, & inter hujus uxorem, & adoptantem. Sed mortuo adoptante, inter hujus filios legitimos, & adoptatum, nullum est impedimentum. Verum inter uxorem adoptantis, & adoptatum, & inter uxorem adoptati, & adoptantem, perpetuò remanet impedimentum, quamvis adoptio sublata sit. Duo autem adoptati inter se contrahere minime prohibentur. Vide Em. Sà in pedem, dirim. numer. 6. Chavef. in sum. Victoria de cognat. legal. quæst. 281. Toletum lib. 7. cap. 8. num. 4. & præsertim Bonacinam loco supracit. nu. 4. & seqq. est enim communis doctrina: Vide etiam Dianam part. 9. traçt. 6. resol. 54. qui docet, ex adoptione imperfecta non oriri impedimentum cognationis legalis.

341 Inter. 5. Quid est cognatio spiritalis, quæ impedit, & dirimit Matrimonium, & cum quibus contrahitur talis cognatio?

Resp. Est attinentia duarum personarum, quæ ex statuto Ecclesiæ oritur per Baptismi, & Confirmationis administrationem, vel susceptionem Baptizati, vel Confirmati. Ita S. Thomas, & communis in 4. dist. 40. & gloss. & communis in cap. 1. de cogn. spirit. in 6. Sylvest. verb. Matrim. 8. num. 7. Contrahitur autem inter Baptizantem, & Baptizatum, baptizatique Patrem, & Matrem, & inter Baptizatum, & patrinum, qui locum Patris, vel Matris tenet, sive sit unus, sive plures, sive vir, sive femina; & hæc dicitur paternitas. Per compaternitatem verò contrahitur inter Patrem, & Matrem Baptizati ex una parte, & Patrinum, vel Patrilinos ex altera, non autem inter ipsos Patrilinos oritur aliqua spiritalis cognatio. Tolet. lib. 7. c. 8. nu. 2. Nota tamen, Tridenti statuisse, ne sint plures duobus susceptoribus in baptismo. Vide Concil. Trid. sess. 24. cap. 2. de reformat. & docent

cent DD. communiter. Bonacin. *de matrim. quest. 3. punct. 5. §. 2. num. 2.* Vide *in sit. 162. Inter. 6.*

342 Inter. 6. Quid est cognatio spiritualis & inter quas personas contrahitur?

Resp. Cognatio Spiritualis desinitur à Sancto Thoma in 4. *distinct. 40.* & aliis communiter, quod sit propinquitus quædam orta ex hoc, quod aliquis confert Sacramentum, vel tenet aliquem ad suscipiendum Sacramentum, baptismi scilicet, vel confirmationis; & contrahitur inter baptizantem, vel confirmantem, & baptizatum, vel confirmatum, inter tenentes baptizatum, vel confirmatum, & Patrem, & Matrem naturalem baptizati, vel confirmati, & tandem inter susceutores, seu tenentes, & Patrem, ac Matrem baptizati, vel confirmati, ut docui in *resp. antecedenti*. Et nota, quod sicut cognatio naturalis dirimit matrimonium propter reverentiam debitam consanguineis; ita conveniens est, ut matrimonium dirimatur per cognationem spirituales inter præfatas personas ob reverentiam cognationis spiritualis. Vide Tolet. *lib. 7. cap. 8. n. 2.* Emman. *Sa verb. matr. imped. dirim. num. 5.* Bonacin. *de matrim. quest. 3. punct. 5. §. 2. per totum*, & alios penes ipsos. Vide etiam Trident. *sess. 24. de reform. matrim. cap. 2.* & Barb. *ibidem in collect. Doctorum nu. 38.* ubi ex aliis asserit, dispositionem Concilii militare in cognatione orta ex confirmatione, sicut militat in cognatione orta ex baptismo, excepto tamen quod in confirmatione adhibendus sit unus tantum Patrinus, ut egomet firmabo in *tit. 162. ad Inter. 6.*

343 Inter. 7. Cognationem spirituales contrahitne, qui Procuratorem mittit ad suscipiendum infantem de Sacro Fonte, vel illum potius contrahit ipsemet Procurator?

Resp. Triplex est sententia Doctorum circa præsentem casum; quidam enim dicunt cognationem spirituales non contrahi, nec ab ipso mittente, neque à Procuratore. Hujus autem opinionis fundamentum videndum relinquo apud Sanchez *tom. 3. de matrim. lib. 7. disp. 59.* & apud Dianam *part. 3. tract. 4. resol. 2. §. 1. in ego et par. 10. tract. 16. resol. 29. versic.* Nota etiam, & alios. Alii verò putant contrahi à Procuratore, non autem ab ipso mittente, & pro hac sententia sunt Navar. *lib. 4. tit. 11. de cognat. spir. conf. 2. n. 3.* Toletus *lib. 7. cap. 8. sub n. 2.* Sotus in 4. *distinct. 42. qu. 1. prop. finem*, Barbos. *de potest. Episcop. par. 2. allegat. 49. num. 5.* Pax Jordanus *tom. 1. lib. 3. tit. 2. nu. 75.* & alii plures penes ipsos. Tandem in tali casu principalem, qui Procuratorem constituit, cognationem contrahere, magis probabiliter

tenent plurimi, ut Sylvest. *verb. Matrimon. §. 1. num. 7. vers. quantum decimum*, Emmanuel *verb. Imped. dirim. sub numer. 5.* Bonacin. *de Matrim. quest. 3. punct. 5. num. 34.* Basilius Pontius *de Matrim. lib. 7. cap. 49. num. 10.* Moronus *resp. 15. num. 21.* & alii plures apud ipsos, & ita sensisse Rotam Romanam referunt Varallus, & Riccius teste Morono *ibidem*. Imò cum Emmanuel Sà asserit, ita fuisse decisum à Sac. Congregatione Concilii, & hoc etiam affirmat Bonacin. loco citat. Licet autem Alloza *verb. Baptismus numer. 8.* utramque sententiam probabilem putet, tamen recedendum non est à nostra sententia, quæ docet, quod Procurator non contrahit cognationem spirituales sibi, sed mandanti; & ita tenet etiam Farinac. in *dec. part. 4. in declarat. sess. 25.* Conciliis ut legenti patebit; Sylvius in *addis. ad 3. part. qu. 56. art. 5. ad 4.* Layman. *lib. 5. tract. 10. par. 4. cap. 4. nu. 5.* & alii; & ratio est, quia Procurator non suo, sed alieno nomine tenet infantem, & sic ut plurimum non intendit cognationem contrahere. Idco Patrinus esse non potest, quia nec principale, nec accessorium vult, & ubi non est consensus, non oritur obligatio. Præterea Procurator non est electus, nec designatus pro Patrino: ergo cognationem non potest contrahere ipse, sed bene qui illum mittit, cum non sit actio pure personalis, ut nequeat per procuratorem exerceri: & quamvis ad contrahendam cognationem spirituales requiratur contactus, sufficit tamen alienus; nam sicut sufficit per alium suscipere, vel tenere, ita per alium tangere; qui enim per alium facit, per se ipsum facere videtur, juxta regulam juris notam. Tandem consuetudo, quæ est optima legum interpres, probat, illum esse Patrinum, qui Procuratorem constituit; imò consuetudo vim legis habet, & in favore consuetudinis decidisse Sac. Cong. etiam ipsi Adversarii fatentur: ergo &c. Quæ autem dicta sunt de Patrino Baptismi, merito dici possunt de Patrino Confirmationis, cum pari passu incedant, & militet eadem ratio de utroque.

344 Inter. 8. Ille qui baptizat in necessitate, contrahitne cognationem spirituales?

Resp. Sanchez *de matrim. lib. 6. tom. 2. disp. 62. nu. 11.* dicit, quod sic, & ita tenet etiam Emman. Sà *verb. Baptismus. sub nu. 15. in fin.* nam Baptizans in necessitate cōfert verum Sacramentum, & consequenter cognationem contrahere cum ipso baptizato, & Patre, & Matre ipsius, necessarium dicendum est. Vide Dianam *part. 3. tract. 3. ref. 7.* & est commun. sent.

Bonac. de *Matrim.* disp. 3. num. 11. punct. 5. §. 2. num. 11.

345 Inter. 9. Si aliquis in privato Baptismo infantem tenet ex proposito, ut Patrini munus obeat, contrahitne cognitionem spirituales?

Resp. Notandum est primò nullum adesse Ecclesiæ præceptum, ut in privato Baptismo Patrinus adhibeatur, ut docent Sotus in 4. disp. 42. qu. 1. art. 1. Henric. lib. 2. cap. 18. in fin. Suar. Sanchez, Rodriq. & alii, quibus subscribit Dian. par. 3. tr. 4. ref. 18. & par. 5. tr. 3. ref. 7. Verùm an contrahat cognitionem spirituales, qui ex proposito infantem tenet, ut Patrini munus obeat, est magna difficultas. Affirmat Navar in *Man.* cap. 22. n. 40. Coninch. de *Sacr.* disp. 32. dub. 2. conclus. 5. Laym. lib. 5. tr. 2. cap. 9. n. 1. & alii ab ipso relati, & est sententia valdè probabilis; tamen non minùs probabilem puto oppositam sententiam, quam tuentur Sanch. loco sup. cit. num. 15. Granad. de *Sac.* in 3. par. contr. 4. tract. 2. disp. 7. n. 4. Rodriq. & alii apud ipsos, quibus aspiatur Diana loco citat. & ratio est, quia non est in potestate susceptoris, vel ut meliùs dicam, tenentis Infantem in Baptismo privato velle, aut nolle cognitionem contrahere; nam requiritur, ut pe. ita ab Ecclesia ferventer: sed munus susceptoris non obitur propriè, nisi quando Baptismus est solemniss: ergo non contrahitur spiritualis cognatio, nisi in Baptismo solemniter administrato. Bonac. loco proximè cit. Vide Sanch. & Dian. loco sup. cit. & par. 10. tr. 16. ref. 29. §. Notandum est, à quibus plura haberi possunt in confirmationem hujus posterioris sententiæ, cui libenter adhæreo.

TITULUS XXXIX.

De Cohabitatione Conjugum.

Vide tit. de *Divort.* Inter. 2. 3. 4. 8. 13.

346 Inter. 1. Tenenturne Conjuges simul cohabitare? Et Uxor tenenturne sequi Virum migrantem?

Resp. Certum est, teneri Conjuges simul cohabitare; quia Matrimonium fit ad prolem suscipiendam, & ad vitandam incontinentiam; si autem conjuges non cohabitarent, nec proles susciperetur, nec incontinentia evitaretur; ergo simul cohabitare tenentur, & patet ex cap. *litteras de restit. spoliat.* Nec de hoc est aliquid dubium, nisi inter eos factum sit divorcium, ut dicam in tit. 72. de *Divortio*, ubi plura de *Divortio agam*, & nisi unus conju-

gum timeat infectionem lepræ, aut alterius contagiosi morbi, ut dicam ad Inter. sequentem, vel tandem dummodò simul cohabitando non imminet aliquod grave periculum animæ, vel corpori alterius conjugis. An verò Uxor teneatur sequi virum migrantem, ita in terminis respondet Emmanuel Sà huic dubio verb. *matrimon.* n. 28. Tenetur Uxor virum migrantem eum sequi, nisi aliud esset inter eos conventum, & ipse non cogereetur aliqua necessitate migrare, aut nisi inficiens vagandum duxisset, aut si ipse vellet in bonestè vagari, aut cum periculo animæ, vel corporis, vel post matrimonium factus est vagabundus. Concludendum est igitur, Uxorem teneri sequi Maritum, quando nullum extat pactum in contrarium, ut habetur ex cap. *Unaquaque* 13. q. 2. Inò si cum uxore vir fecit conventionem, aliò non transferendi suam habitationem, adhuc superveniente aliqua justa causa transferendi aliò domicilium, tenetur Uxor illum sequi; puta si fuerit per exilium expulsus, aut bannitus, vel ad tuendas res familiares migret, aut ob inimicitias capitales, seu etiam propter aeris intemperiem, & hujusmodi. Nam Uxor tenetur sequi Viri infortunium, non quidem per modum pœnæ, sed tamquam onus annexum Matrimonio, ut dicitur in 1. si cum dotem §. *Sint autem ff. de soluto matrimonio*. Ultra quod, pactum, seu promissio non transferendi aliò domicilium censetur facta sub hac conditione, nisi justa superveniat causa. Ità ex Sanchez, Gutierrez, Reginaldo, & aliis, firmat Bonac. de *matr.* q. 4. punct. 6. n. 20. usque ad n. 24. inclusivè, quò n. 25. asserit, Virum quoque teneri, Uxorem sequi, quando ipsa transfert ex causa domicilium, quia conjuges sunt pares quoad mutua obsequia matrimonii; & rectè dicit. Vide Navarrum in *Man.* cap. 14. n. 20. Toletum lib. 5. cap. 2. per totum, Sanchez de *matrim.* tom. 1. lib. 1. disp. 40. Dianam par. 3. tract. 4. ref. 102. Layman. lib. 5. tr. 10. p. 3. c. 2. per totum, & alios penes ipsos.

347 Inter. 2. Conjuges tenenturne cohabitare cum altero Coniuge, lepra, vel morbo gallico infecto?

Resp. Si vult, potest cohabitare, sed non tenetur, quia Coniux sanus non est obligatus cohabitare cum tanto incommodo cum altero Coniuge infecto, dum probabiliter timet sibi infectionem lepræ, morbi gallici, vel alterius contagiosi morbi; unde ei licebit, non solum thoro, sed etiam cohabitatione separari. Ita Emmanuel Sà verb. *Debitum conjugale* num. 15. Navarrus in *man.* cap. 16. n. 25. Sanchez tom. 3. de *matrim.* lib. 9. disp. 24. n. 29. & alii communiter. Non debet tamen ita longè abesse, ut non possit alteri coniugi cætera obsequia exhibere.

exhibere, quia non eximitur ab aliis obsequiis præstandis, ut docet ipse Sanchez loco cit. Reginaldus, & alii, quos sequitur Bonac. *de matrim.* q. 4. *pun.* 6. *sub* n. 21. Vide Sylvestrum *verb. Debitum Conjugale* *sub* n. 2. & *suprà* ad *Inter. antecedentem*, & *infra* in *tit.* 54. ad *Inter.* 10.

TITULUS XL.

De Concionatoribus, & Concionibus.

Vide tit. de Episcopis, &c. Inter. 57. tit. de Excom. &c. Inter. 2. tit. de Her. Canon. Inter. 4. tit. de Paroch. Inter. 25. tit. de Regul. Interrogat. 11. 12. 13. 14. 15. 44. 50. 117. tit. de Simon. Inter. 24.

348 **I**nter. 1. Concionator potestne sine peccato concionem habere coram excommunicato vitando?

Resp. De hoc minimè est dubitandum, quia concio dirigitur, & ordinatur ad utilitatem ipsius excommunicati, & omnes cum eo possunt audire concionem, ut dicam in *tit.* 87. ad *Inter. 2. propò finem*, & *habetur cap. Responso, de sentent. excom.* Et hoc est verum, etiam si oratio Angelica in principio concionis recitetur; nam illa oratio non censetur publica, sed privata, ut docet Navar. in *man. cap. 27. sub* n. 36. *circa finem*, & *ex eo* Bonacin. *de Conf. disp. 2. quest. 2. pun. 6. §. 1. nu. 9.* & alii plures, quos vidi.

349 **I**nter. 2. Licetne concionari tempore Interdicti?

Resp. Licet concionari, & concionem audire; nam per divina Officia non intelligitur prædicatio, ut docet Navar. ubi *suprà* num. 176. Toletus *lib. 1. cap. 53. n. 1.* Zeccus, Bonac. & alii communiter, & habetur *cap. Responso de sentent. excomm.* Vide quæ dixi ad *Inter. antecedentem*; nec non ea, quæ dicam in *tit.* 87. ad *Inter. 2.* & docet etiam Lezana *verb. Interdictum* *sub* n. 20.

350 **I**nter. 3. Prædicandi licentiam potestne dare Parochus in sua Parochia non approbata ab Ordinario?

Resp. Diana *part. 3. tr. 1. resol. 111. vers. Nota etiam*, docet ex Rodriguez, & Barbosa, posse Parochum, seu Curatum dare dictam licentiam viro docto, & noto, etiam Regulari, ut bis, vel ter concionetur in sua Ecclesia sine Episcopi approbatione. Vide Dianam *par. 4. tr. 4. ref. 22. vers. Notandum est etiam.* Imò addit, quod Concionatores Regulares semel approbati in una Diocesi itinerantes,

possunt prædicare, ubi voluerint, non contradicente Parocho, & non obstante proprio Episcopo loci, ex concessione Gregorii XIII. facta Societati Jesu, qua per communicationem frui possunt alii communicantes in privilegiis; & pro se citat Villalobos, Joan. della Crux, Portellum, Barbosa, & Mirandam. Sed Lezana *tom. 1. par. 1. cap. 20. n. 4.* id admittit, dummodò præsumi posset licentia tacita, vel interpretativa Episcopi, & sit in loco, ubi non est Episcopus, & legitima consuetudine sit receptum, aliàs non; nam cautè procedendum est, maxime post Constit. Gregor. XV. & Clement. X. *infra referendam* in *tit.* 180. ad *Inter. 44.*

351 **I**nter. 4. Prælati Regulares possuntne dare licentiam sæculari, ut concionetur in suis Oratoriis, aut Ecclesiis? & Episcopus potestne hoc illis prohibere?

Resp. Affirmativè respondet Baldellus *tom. 2. lib. 1. disp. 21. nu. 13.* cui ad stipulatur Diana *par. 9. tr. 7. ref. 68.* dummodò sit sufficiens, nam etiam laicis de jure communi permittitur disserere de rebus Divinis, & prædicare, *cap. Mulier disp. 23.* ergo sicut non debet Episcopus contradicere Regulari, ne prædicet in sua Ecclesia, sic nec laico docto, qui licentiam habet à Prælato Regulari, jurisdictionem spirituale habente in loco, in quo prædicatio est facienda. Verùm talis sæcularis tenetur petere benedictionem ab Episcopo, & emittere professionem fidei coram eodem; nam Episcopus potest id exigere à Religiosis, ita etiam à fortiori ab ipso laico. Vide Dian. loco cit. Sed si Episcopus contraxerit, melius est, ut ei obediatur.

352 **I**nter. 5. Concionatores quotidiani tempore Quadragesimæ tenentur ne jejuna-re?

Resp. Generaliter loquendo, putant quidam non teneri, etiam si concionentur propter stipendium, & licet ter in hebdomada ad Populum concionem habeant. Bonacin. *de leg. disp. ultim. quest. 1. pun. ultim. numer. 13.* Trullench. *tom. 1. in Decal. lib. 3. cap. 3. dub. 7. num. 15.* Navar. in *man. cap. 21. num. 16.* Sylvius in 2. d. Thom. *qu. 147. ar. 4.* & alii, quos refert, & sequitur Dian. *par. 1. tr. 9. ref. 10.* & 11. & *par. 10. tr. 11. ref. 32.* ubi præterea excusat Concionatorem à jejunio præcedentes diei, si intrā annum prædicet; sed hoc intelligit, quando concionator non posset *commodè jejuna-re*, alioquin teneretur; hæc omnia docet etiam Sanch. in *Opuscul. tom. 2. lib. 5. cap. 1. dub. 13.* Mihi tamen videtur distinguendum, aut concionator voluntariè se ingerit petendo prædicandi licentiam, & locum sibi

sibi ad prædicandum procurat, vel à suo Præ-
lato prædicare jubetur, aut tenetur ex vo-
to, aut ejus Conciones admodum utiles ef-
fent Populo. Si voluntariè, & spontè se in-
gerit, agnoscens suam impotentiam ad præ-
dicandum sine fractione jejunii, peccat qui-
dem, nec excusatur, quia tenetur ex debito
jejunare, non autem prædicare. Unde quia
ejus ministerium est voluntarium, non excu-
satur; & idè si non jejunat, peccat, cum in
fraudem jejunii se exponat ad concionan-
dum, reddens se impotentem ad præceptum
Ecclesiæ servandum, nec fraus debet ei pro-
desse. Si verò nescit suam impotentiam, &
justus à Superiore prædicare, eam illi manife-
stat, etque cognita Superior adhuc in sua jus-
tione persistit, aliqua justa, & rationabili cau-
sa ductus, tunc Concionator non peccat, si
præceptum jejunii non servat. Vide Sylv.
verb. Jejunium §. 26. Tolet. lib. 6. cap. 4. n. 4. &
præsertim Peyrin. tom. 1. de subdito qu. 4. cap. 6.
questio 11. Et id quod dictum est de jejunio,
dicendum est etiam de esu carniarum: & hæc
opinio videtur mihi in praxi sequenda,
cum sit tutior, magis pia, & consentanea
rationi.

333 Inter. 6 Possuntne licitè Concionato-
res tempore Quadragesimæ, dum concionan-
tur quotidie, non jejunare, si non possunt si-
mul jejunare, & prædicare?

Rsp. Huic petitioni jam satisfacere in *Rsp. ad*
Inter. antecedentem, & dixi, quòd illi excu-
santur Concionatores à jejunio, qui concio-
nantur ex obedientia, vel ex voto, vel si eo-
rum conciones essent multum utiles Populo,
& non illi, qui sciunt non posse prædicando
jejunare, & tamen sibi locum, & licentiam
procurant in fraudem jejunii; nam Ecclesia
præcipit jejunium, non autem ut quis spontè
se ingerat, & voluntariè suscipiat illud
onus incompatible cum jejunio; in hærendo
illi doctrinæ quæ habet, excusari eos, qui
ob opera pietatis majora, non valent jejunare,
ut prædicando, docendo &c. quia hæc
doctrina militat pro iis, qui ex officio, nem-
pe ex obedientia, vel ex voto, aut ex aliqua
necessitate concionari, & docere tenentur;
non autem pro iis, qui sua se spontè inge-
runt (*Quomodo enim prædicabunt, nisi mistan-*
tur?) & præter Doctores quos ibi citavi, ita
etiam docent Binsfeldius in *Enchiridion Theol.*
par. 3. cap. 33. conclusio 9. Philarchus de offic. Sa-
cerd. tom. 1. par. 2. lib. 3. cap. 25. Fernandez in
exam. Theol. par. 2. cap. 8. §. 2. 12. Facundez præ-
cep. 4. lib. 1. cap. 9. n. 19. & alii. Verum est ta-
men, quòd si aliquis procurat sibi locum, &
licentiam concionandi, & habet simul inten-

tionem jejunandi; si possit ratione debilita-
tis, aut pravæ complexionis jejunare non va-
let, tunc videtur excusandus, cum sit melius
opus inceptum perficere, quàm jejunare: præ-
sertim quia abest tunc fraus, & dolus, & in-
tentio violandi præceptum jejunii. Tandem
pro coronide puto probabile, quòd qui non
concionatur principaliter propter lucrum,
sed minus principaliter, ob necessitatem sci-
licet se sustentandi, possit licitè non jejunare,
quia habet justam causam. Vide Navar. in
man. cap. 21. n. 17. Grassium par. 1. lib. 2. cap. 37.
n. 54. & Reginald. in praxi tom. 1. lib. 3. cap. 17.
n. 219. Sic iterum relcribendum duxi, ut sa-
tisfacerem nonnullis, qui pro conscientie
quiete à me quæsierunt aliquam majorem de-
clarationem circa prædictum dubium.

Quar. 1. An sit peccatum mortale prædica-
re sine licentia Superiorum legitima, & à
quibus licentiam habere debeant Regulares
prædicare volentes? Et quid si prædicarent
inutilia, aut detraherent Prælati Eccle-
siæ?

Rsp. Qui sine debita Superioris licentia
prædicare præsumit, equidem mortaliter
peccat; nam facit contra illud Sacræ Scri-
pturæ dictum: *Quomodo prædicabunt, nisi mistan-*
tur? Itæ, & prædicare Evangelium. Imò præ-
dicantes sine licentia possunt excommunicari,
ex cap. *Excommunicatus §. quia verò de heret-*
sic. At excommunicatio supponit peccatum
mortale: ergo qui sine legitima Superioris li-
centia prædicat, peccat mortaliter. Ità tran-
dunt Sylvest. *verb. prædicatio sub n. 1. Navar. in*
man. cap. 23. nu. 147. Cajetan. in Summ. verb.
Prædicatum peccat, Emmanuel Sà verb. Præ-
dicare n. 4. Bordonus in consil. Regul. ref. 7. n. 28.
Dian. par. 8. tr. 7. ref. 11. & alii contra Bassium,
& Machadam. Verum est tamen, ut notat
ipse Diana, quòd in transgressione hujus præ-
cepti datur parvitas materię; unde qui semel
tantum sine licetia prædicaret, posset excusa-
ri à mortali culpa, nisi ex aliqua circumstan-
tia gravaretur culpa, & de veniali fiat morta-
lis, ratione circumstantiarum; siquidem præ-
dicare valde inutilia, aut scienter falsa in fidei
doctrina, vel morum, aut vita Sanctorum, aut
detrahare, serè nominatum, Prælati Eccle-
siæ, semper est peccatum mortale, ut docent
præcitati Doctores, teste Viñorello in Addis,
ad Emman. Sà loco citat. quibus addo Armil-
lam verb. Prædicare num. 3. & 6. Dandinum de
suscept. de heresi cap. ult. §. 2. sub §. 2. nu. 59 &
segg. & in hoc omnes Doctores conveniunt.
Vide Leganam tom. 1. par. 1. cap. 20. per totum, &
præsertim num. 17. propositum finem, & tom. 3. verb.
Concionator nu. 10. & Barbos. in Trid. sess. 4. n. 7.

Et seqq. Et sess. 5. cap. 2. de reform. nu. 17. Et seqq. Et sess. 24. de reform. cap. 4. à num. 1. usque ad 23. inclusivè; ab his enim plura haberi possunt ad hoc propositum, & à quibus licentiam habere debeant Regulares prædicare volentes. Vide etiam eundem Barbof. de potest. Episcop. pars. 3. alleg. 76. Et de offic. Parochi par. 1. cap. 14. Et alios supra citatos.

Quæ. 2. An Prædicatores prædicantes in peccato mortali, mortaliter peccent? Et an sit simonia, pro concione de pretio pacisci?

Resp. Nonnulli certò putant, esse peccatum mortale prædicare in peccato mortali, non solum publico, sed etiam occulto, & sine scandalo, si ante non eliciatur saltem contritionis actus. Ita Caietanus 3. pars. quest. 64. artic. 6. Et in 2. 2. quest. 187. artic. 3. Paludanus in 4. distinct. 19. quest. artic. 3. Angelus verb. Prædicare num. 7. Navar. in Man. cap. 25. nu. 141. & alii, teste Diana infra referendo: nec dissentit Rotarius in Appar. pro exam. Cler. cap. 8. sess. 5. sub numer. 20. & ratio est, quia munus prædicandi est ministerium Ordinis, & procedit à gratia Sacramenti, ut docet novissimè P. Campionus par. 2. cap. 37. sub num. 17. Instru. pro se præparant. ad aud. Confess. vel, ut alii dicunt, est annexum Ordini, & præcipue Consecrationi Episcopi, & actio illa est satis gravis, & in ea operatur homo, ut Spiritus Sancti organum. Oppositum tamen docent alii, nempe, prædicantes in statu peccati mortalis, non peccare mortaliter, si peccatum sit occultum, & absit scandalum. Ita Sotus in 4. distinct. 1. quest. 5. art. 6. Emmanuel Sà verb. Irregul. ex Ordinis abusu, sub num. 8. Et verb. Prædicare numer. 2. Armilla verb. Prædicare sub num. 2. Suarez in 3. par. tom. 3. disp. 16. sess. 3. Valentia tom. 4. disp. 3. quest. 5. pun. 3. Lezana tom. 1. par. 1. cap. 20. nu. 15. & præsertim Diana par. 3. tract. 4. resol. 197. & alii plures. Ego verò in hac opinionum diversitate, putò melius esse, quòd Concionator antè prædicationem confiteatur peccata mortalia, si habet, aut saltem actum Contritionis eliciat; nam aliàs ad minus semper grave peccatum veniale committit, & de hoc ego non dubito cum Lezana loco citat. Ceterum non credo esse peccatum mortale, quia ex regula tradita à Divo Thoma 3. pars. quest. 64. artic. 6. ministrare opera charitatis non consecrata in mortali, non est mortale. Nec prædicare propriè, & secundum se est actus Ordinis, vel alterius Sacramenti, cum nullus Ordo, aut Sacramentum ad concionandum

ordinetur, ut docet Suarez tom. 4. de Relig. tract. 10. lib. 9. cap. 1. numer. 15. Passer. de stat. quest. 187. artic. 1. numer. 1099. Caietanus in sum. verb. Prædicatum pecc. Armilla loco citat. Emmanuel Sà, & alii. Ergo &c. Nec obstat, si dicatur, Diaconum teneri annunciare Evangelium; & Sacerdotem docere Populum necessaria ad salutem, & munus prædicandi annexum esse Ordini, & præcipue Consecrationi Episcopi. Nam respondetur, quòd Diaconus annunciat Evangelium, illud legens solum ex officio in Missa Solemni; & Sacerdos tenetur docere Populum, non ex vi Ordinis, sed ex officio. Aliud est enim legere Evangelium, aliud docere Populum, aliud verò prædicare, ut per se patet; nam prædicatio non æqualiter competit omnibus, sed iis dumtaxat, quibus id specialiter fuerit demandatum, juxta illud Apostoli, Quomodo prædicabunt, nisi mittantur? & ex Evangelio habetur. Ire, prædicare Evangelium omni creaturæ. Ac denique licet prædicandi munus sit proprium Episcoporum, tamen hoc resultat ex eo, quòd est missus à Christo Domino salvo ordine Ecclesiasticæ Jerarchiæ; unde prædicare esse solum actum jurisdictionis Spiritualis, optimè probat Passerinus ubi supra numer. 1112. & seqq. & propterea non competere forminis, & laicis, docet, & bene. Prædicare enim nec ex natura rei, nec ex institutione Ecclesiæ est actus Ordinis, & consequenter non est opus consecratum, cum nullus Ordo ordinetur ad talem actum, nec in traditione ullius Ordinis sit mentio talis actus, nec alibi, ubi legitur Ecclesiæ hujusmodi institutio, ut rectè notat Suarez, ubi supra num. 17. & Passerinus loco citat. num. 1099. Idem prorsus egregiè sustinet etiam Diana loco supra citat. ergo &c. Tandem pro concione de pretio pacisci simonia est, secundum Sotum apud Victorem in add. ad Emmanuel Sà, ubi supra sub numer. 5. in fine. Non est tamen simonia, si Concionator aliquid sponte datum pro sua sustentatione, aut pro emendis libris recipiat; est enim dignus operarius mercede sua. Vide Emmanuel Sà in verb. Simonia sub numer. 1. Sanchez in opusc. tom. 1. cap. 3. dub. 11. numer. 9. & Lezanam tom. 3. verb. Simonia sub nu. 2. Et verb. Concionari num. 12. ubi plura referat ad intentum ex Suarez de Simonia lib. 4. cap. 46. numer. 4. Bonacin. item de Simonia quest. 6. punct. 2. obiect. 3. & aliis; & præsertim posse fieri pactum de tali mercede, quia

quia deducere in pactum rem licitam non est illicitum; non est tamen licitum plus exigere pro sustentatione, quam ferat ratio laboris, quia excessus ille non est debitus, ac per consequens est injustus, & suspectus de Simonia. Ego tamen dico: id, quod spectat ad sustentationem, & pro itinere &c. potest deduci in pactum, & obligationem ex iustitia, quia locat libertatem suam, & obligat se ad hoc faciendum, & aliud facere non potest ipse Concionator. Pro labore vero, si est labor intrinsecus ipsi concioni, non videtur ullo modo posse in pactum deduci; potest tamen aliquid exigi absque pacto ex consuetudine probata, & iudicis Ecclesiastici auctoritate interposita, ut bene notat Armilla verb. *Simonia* nu. 2. & ita habet consuetudo Ecclesiæ, ut videmus.

Quæst. 3. Quis teneatur salarium, seu elemosynam solitam Prædicatori præstare? vel quibus sumptibus solvenda sit elemosyna Concionatori?

Resp. Prædicatoris electio, & deputatio in Cathedralibus semper spectat ad Episcopos, & sumptibus propriis illum conducere debent. Si verò adest consuetudo immemorabilis, quod Universitas, seu Communitas solvat, & Episcopus exigit, ea servanda erit, & Episcopus ad nihil tenetur. Casu tamen quod Communitas, sive Populus ab immemorabili habeat jus eligendi prædicatorem, & Episcopus eo uti sinat, potest cogere eundem Populum ad impensas, & elemosynas Prædicatori præstandas, quas ipse Populus solitus est præstare; secus verò dicendum est, si Episcopus non fineret, ut Populus nominaret, & eligeret Concionatores, & solitus esset præstare elemosynam, quia in tali casu minimè posset compellere Populum ad solitam elemosynam, & impensas Prædicatori præstandam. Nam si Episcopus prætendat Communitatem quoque teneri præstare elemosynam, ad ipsum incumbet onus probandi immemorabilem. Ità ex Sellio refert decissum Barbof. in collect. ad Trident. sess. 24. cap. 4. nu. 10. Cæterum consuetudo immemorabilis nominandi, vel præsentandi Prædicatorem Episcopo pro Ecclesiis inferioribus, non est sublatà; tamen Episcopus non potest compellere Populum, sive Communitatem ad præstandam solitam elemosynam Prædicatori, si ipsum voluerit deputare. Ac denique consuetudo servanda est, qua solent ex publico Civium ærario elemosynæ dari. Ità ex Decretis Sac. Congregationis, & Doctoribus resolvit Barbof. in collect. DD. in Trident. sess. 5. de reform. cap. 2. n. 6. usque ad nu. 13. exclusivè, &

de potest. Episc. par. 3. alleg. 76. nu. 10. 11. 12. & 13. Vide quoque Dianam par. 3. tract. 5. resol. 71. & Lezanam tom. 3. verb. *Concionator* sub nu. 12. qui alios Doctores referunt, & concludunt, quod in hoc consideranda sit consuetudo Ecclesiæ, & locorum, & secundum illam determinandum, qua seclusa Episcopum obligabis; nam Pastoris est prædicare, vel prædicari curare, & Verbum Dei annunciare gregi suo, idque expensis suis, nisi aliter consuetudo prescripserit, quæ omnino servanda erit, ut dixi; quia facit, ut iustus titulus præsumatur, præsertim si sit immemorabilis, aut saltem quadraginta annorum.

Quæst. 4. An Parochus qui per se ipsum vult habere conciones ad Populum in Adventu, vel Quadragesima, possit prætereundere consuetam elemosynam; & quid dicendum est de Episcopo? Et an Parochus possit ab Episcopo impediri, ne concionetur?

Resp. Parochus per se ipsum concionanti, minimè licet, prætextu cuiuscumque paupertatis, prætereundere sibi præstari elemosynam solitam dari Prædicatoribus, aliàs ab Universalitate electis: Et hoc quod dictum est de Parocho, à fortiori dicendum est de Episcopis, cum ex proprio munere ad id teneantur. Ità ex Aldano refert decissum Barbof. in Collection. ad Trident. sess. 5. cap. 2. n. 15. & de Officio Parochi par. 1. cap. 14. n. 7. Vide Gavantium in Man. Episcoporum verb. *Concio sacra* num. 2. & Sellium in select. can. cap. 23 n. 18 qui testantur sic fuisse resolutum in una Vestana 20. Mart. 1621. Vide iterum Barbof. in Trid. sess. 24. de reform. cap. 1. n. 4. Verum est tamen, quod si Parochus velit per se ipsum munus prædicationis obire, non debet impediri; nam ità fuisse decissum à Sac. Congregatione, refert idem Barbof. de offic. Parochi cap. 14. n. 5. Imò Parochus per se ipsum inter Missarum solemnias habere potest concionem ad Populum, & etiam quando Episcopus ipse in Cathedrali prædicat. Barbof. loco proximè cit. num. 3. Lezana tom. 1. par. 1. cap. 20. n. 6. qui asserit, quod etiam prædicante Episcopo, Religiosi prædicare possint: tamen circa hoc videndus est Gavantius in Man. Episcoporum verb. *Concio sacra* n. 52. nam refert quandam Sac. Congregationis declarationem sub Urbano VIII. emanatam, ex qua oppositum apparet. Unde assertum Lezanæ intelligi debet Episcopo non contradicente. Parochus verò cum habeat iure communi à Papa jurisdictionem, videtur non posse ab Episcopo impediri absque causa, quam legitimam putarem, si Episcopus ipse
alia

aliquando infra annum prædicare vellet, aut alium magis idoneum deputare. Vide Emmanuel Sà *verb. Parochus* nu. 5. Lezanam *tom. 3. verb. Concienari* nu. 3. & 13. & Tambur. *de jure Abbat. disp. 11. questio 1. num. 3.* & nota, quòd Parochi de jure divino concionem ad Populum habere tenentur, & Episcopi non possunt in jure divino dispensare: ergo non possunt impedire, quin suis parochianis prædicent, quando Episcopus in sua Cathedrali prædicat, modò tamen non sit eadem hora, in qua Episcopus vult habere Concionem in Cathedrali. Vide Bonacin. *de legibus disp. 6. quest. unica punct. 8. sub numer. 4. vers. quarum est*, & Emmanuel Sà *verb. Episcopus* num. 43.

TITULUS XII.

De Concubinariis, & Concubinato.

Vide tit. de Absol. à peccat. Inter. 1. tit. de Paroch. Inter. 23. 32. tit. de Præ. aud. Sac. Inter. 1.

354 **I**nter. 1. Quid est concubinatus, & quibus pœnis debent puniri concubinari? & quomodo probatur concubinatus?

Resp. Concubinatus est frequens, & consueta fornicatio cum eadem persona; idè quod non sufficit unus, vel alter actus fornicarius, sed requiritur consuetudo, qua simul cohabitent, ac si essent conjugati. Unde ad hoc, ut quis verè dicatur concubinaris, requiritur, quòd habeat copulam cum femina soluta, vel conjugata, tenendo eam in propria, vel aliena domo ad Venerem, ac si esset Uxor. Ità docent Sylvestr. *verb. Concubinarius* nu. 1. Toletus *lib. 1. cap. 47. n. 1* Riccius *in antiquis verb. praxi panarum decis. 361.* quibus subscribit Bonacin. *de matrimonio quest. 4. pon. 14. num. 8.* Vide etiam Barbof. *in Trident. sess. 25. de reform. cap. 14. nu. 3.* qui plures concordantes adducit. Circa autem pœnas, quibus ab Ordinario puniendi sunt concubinari, videri possunt in Conc. Trid. *sess. 24. de reform. cap. 8* ubi Barbof. *in collect. latè de talibus pœnis agit.* Sed ut breviter aliquid referam, dico, posse Episcopum damnare laicos concubinaris in pecunia, exilio, reclusionè, vel aliis pœnis. Item potest illos excommunicare; sed debent præcedere tres monitiones, ex quibus vera contumacia eliciatur; quæ monitiones debent esse distinctæ, & separatæ.

Si verò pœnis pecuniariis, vel aliis, ut dictum est, eos multare velit, nullis præcedentibus monitionibus, procedere potest, ut declaravit Sac. Congregatio apud Doctores, quos refert Barbof. ubi suprà, & Diana *par. 5. tract. 1. ref. 10. vers. Sed hæc proferuntur*, & *par. 10. tr. 8. ref. 4.* à quibus plura haberi possunt ad hoc propositum. Imò idem Barbof. *in Collect. ad Trident. sess. 25. de reform. cap. 14. n. 2.* refert ex aliis, B. Pium V. per specialem constitutionem monuisse omnes locorum Ordinarios, & in virtute Sanctæ obedientiæ eis præcepisse, ut statuta Concilii Tridentini contra concubinaris, tam Clericos, quàm laicos, edita, districtè faciant observari, reddituri Deo, ac sibi, si id omiserint, rationem. Hoc unum verò restat notandum, scilicet non posse probari concubinatum ex publica voce, & fama: quia ad eum probandum necessaria est plena, & concludens probatio, & testes de publica voce, & fama non sufficient, nam quando agitur de crimine, ipsa fama nec semper plenam probationem facit, sed tantum delicti operatur indicium. Ità Gloss. & DD. *in cap. veniens 1. de Testam. Antonellus de Regim. Eccles. Episc. lib. 6. cap. 29. n. 7.* & alii communiter.

355 **I**nter. 2. Clerici Concubinari quomodo sunt ab Ordinario puniendi?

Resp. In Concil. Trid. *sess. 25. de reformat. cap. 14.* decernuntur pœnæ, quibus debet Ordinaris punire Clericos concubinaris; idè vide Concilium loc. cit. & Barbofam *in collect. ibidem*, Sylvestrum *verb. Concubinaris*, Toletum *lib. 1. cap. 47. n. 6* Bonac. *de cons. disp. 3. qu. 7. punct. 5.* Concilium autem Trident. contra concubinaris, vel fornicarios Clericos graves pœnas infligit, ultra eas, quæ habentur in jure antiquo, quas ibi confirmat: & merito quidem; nam, ut docet Decianus *in tract. crimin. lib. 6. cap. 21. n. 6.* tria ex hoc peccato Clericorum mala oriuntur, videlicet, quia laicorum corda scandalum patiuntur, vituperatur officium Ecclesiasticum, & præstatut aliis occasio peccandi, juxta *cap. si mala 2. qu. 5.* & *cap. significasti de adulter.* Et dicuntur violare templum Dei, nam qui fornicatur, in corpus suum peccat, ut ait Sanctus Paulus *1. ad Corinth. cap. 6.* Corpus autem Sacerdotis præcipue, dicitur Templum Spiritus Sancti, ut ibi dicitur. Notent igitur hoc Clerici, & Episcopi, & ea, quæ mandavit B. Pius V. in sua Constitutione, in præcedenti responsione relata; & tandem meminerint illius Ambrosii: *Facilis est venia, magis præbere solet incentivum ad malum, can. est injulta 32. quest. 4.* & illius, Isidori: *Citò violatur auro justitia, n. 1. latè.*

hancque reus pertimescit panam, quam scit pecunia posse redimere, ut in can. Pauper. 11. quæst. 3. Ideo non sint faciles Prælati ad compositiones faciendas super delictis; sed castigent ea pœnitentiis salutaribus afflictiis, ne delinquentes deteriores fiant imposterum. Unde Hostiensis dicit, delicta debere puniri secundum statuta canonica, & non secundum questum pecunie; & personæ sunt, quæ delinquant, non res, *can. Prodest, & severitas 23. quæst. 5.* Vide Zerulam in *praxi par. 1. verb. compositio §. Tertio*, apud Dianam *par. 10. tr. 4. resolut. 5. vof. Hic suppositis*, à quibus hæc libavi. Et nota, quod inter crimina depositione digna est concubinatus diu continuatus, præsertim notorius, & stuprum virginis; & qui notorio crimine enormi, & digno depositione notatur, est irregularis. Vide Navar. *cap. 27. n. 248.* & duas sequentes responsiones immediate positas.

336 Inter. 3. Clericus concubiniarius notorius estne ipso jure suspensus ab officio, & beneficio, vel suspendendus est ab Episcopo? Et quid requiritur ad hoc, ut dicatur concubiniarius notorius?

Resp. Decimus à Sac. Congregat. referunt Balletus, Garcia, & Armendarix apud Barbosa loco proxime cit. à num. 17. Clericum concubiniarium notorium sine aliqua moutione Superioris esse hodie, prout in veteri jure, ipso facto suspensum ab officio, & beneficio, & si celebret, irregularitatem incurrere. Verum, ut quis dicatur notorius concubiniarius, requiritur, quod delictum sit notum per confessionem ipsius factam in iudicio, aut per Judicis sententiam, vel saltem per facti evidentiam, quæ tergiversatione aliqua celari non possit. Ita colligitur ex *cap. questum de cohabit. Cleric. & mulierum*, & docet Toletus *lib. 1. cap. 47. n. 1.* Notorium enim facti consistit in hoc, scilicet, quod ita clarè, & apertè se offerat, & exhibeat oculis omnium, ut aliqua probabilitate negari non possit, nullaque tergiversatione celari: habetur ex *cap. vestra, & cap. tua de cohabit. Cleric. & mulier. Mascardus de probat. verb. notorii conclus. 107.* Thefaurus in *praxi par. 1. c. 2. §. Notorium juris*, apud Lezan. *tom. 2. verb. notorium n. 3 & 4* & tandem colligitur ex Extravag. Martini V. quæ incipit: *Ad evitanda*. Sed vide Armillam *verb. Clericus n. 3.*

337 Inter. 4. Episcopus potestne absolvere Clericum concubiniarium à supradicta suspensione? Et si celebrat, vel actum ordinis excreet ante absolutionem, quam pœnam incurrit?

Resp. Certò potest Episcopus conferre ab-

solutionem, quia dicta suspensio non est reservata, ut docet Sylvest. *verb. irregularitas §. 15. nota 27.* Abbas in *cap. quia circa n. 5. de Bigamis*, quos refert, & sequitur Toletus ubi suprà num. 5. qui num. 6. inquit, Clericum concubiniarium, modò sit notorius, non solum esse suspensum, sed etiam irregularitatem incurrere, & indigere ad celebrandum, vel actum ordinis exercendum, non solum absolutione à suspensione, sed etiam dispensatione ab irregularitate, quam dispensationem potest Episcopus etiam concedere, sed si antea talem absolutionem, & dispensationem celebrat, aut exerceat actum Ordinis, incurrit aliam irregularitatem circa quam solus Papa dispensat; quia celebrat, vel actum Ordinis exerceat cum suspensione. Vide Toletum loco citat. & hoc est certum apud omnes. Vide Emmanuel Sà *verb. Irregularitas ex ordinis abusu nu. 6. & 7.* & Cabrinum *par. 2. cas. r. numer. 1. pag. 49* ubi sic inquit: Si Clericus violavit censuram exercendo actum proprii Ordinis, irregularitatem contraxit, à qua, si est notoria, solum Summus Pontifex dispensare potest; si verò occulta, etiam Episcopus dispensare cum sibi subditis non prohibetur.

338 Inter. 5. Qui concubinam retinet non in propria domo, sed in aliena, & propriis expensis illam alit, & tantum semel in mense ad ipsam accedit, & peccat, debetne iste talis absolvi?

Resp. Non debet absolvi, quia censetur non habere propositum abstinendi, & consequenter est indispositus.

339 Inter. 6. Confessarius concubiniarius potestne audire confessionem suæ concubinæ?

Resp. Si non sit casus reservatus, potest, quia in rigore loquendo, id minime est prohibitum in Jure; tamen si esset periculum lapsus, vel doloris defectus, vel manendi in occasione peccandi, ut sæpè accidit, nunquam licitum erit. Vide Dian. *par. 5. tract. 14. ref. 100.*

360 Inter. 7. Qui copulam carnalem habet cum Concubina post filium ex ea susceptum, & in necessitate à se baptizatum, quale peccatum committit? & potestne illam in Uxorem ducere?

Resp. Committit peccatum incestus, quia inter eos jam est contracta cognatio spiritualis, & consequenter nec matrimonium inter se contrahere possunt, quia regula juris habet cognationem spirituales impedientem, & dirimentem, contrahi inter baptizantem, & Parentes baptizati, *cap. 1. de cognat. spirit.*
Na-

Navar. in manual. cap. 22. sub num. 40. Emman. S. verb. Baptismus sub num. 1. & alii communiter. Vide infra, tum in sis. 196. de Sacram. Matrimonii ad Inter. 19. tum etiam in sis. 54. de Debito conjugali ad Inter. 4. ubi invenies, quod est dispar ratio baptizare proprium filium in necessitate post contractum matrimonium, quia per actum bonum, ut est baptizare filium in necessitate, non debet præjudicari matrimonio sancto antea contracto, ut rectè dicit Navar. loc. cit. & Diana pars. 10. rr. 16. ref. 29. vers. Respondeo.

TITULUS XLII.

De Confessariis.

Vide sis. de Absol. à Conf. Inter. 1. sis. de Absol. à pec. Inter. 2. 3. sis. de Absol. à reserv. Inter. 2. 6. 8. 9. 10. 14. 18. 19. sis. de Canon. Inter. 2. sis. de Cler. &c. Inter. 3. sis. de Concubinar. &c. Inter. 6. sis. de Confessar. extr. Mon. sis. de Contris. Inter. 2. sis. de Correl. Inter. 1. sis. de Denunc. Inter. 9. sis. de Dub. Inter. 13. sis. de Episcopopat. &c. Inter. 48. 49. 50. 51. sis. de Exam. quoad scient. &c. Inter. 1. sis. de Fide Inter. ult. sis. de Hæres. &c. Inter. 7. 8. 9. 10. 11. 12. sis. de Hor. Canon. Inter. 4. sis. de Ignor. Inter. 7. 8. 9. 10. 11. 12. & ad quæst. 1. sis. de Impedim. dir. Mus. Inter. 3. sis. de Incest. Inter. ult. sis. de Jubil. Inter. 6. 9. 10. & ad quæst. sis. de Opin. Inter. 7. 8. 9. sis. de Paroch. Inter. 14. 15. 18. sis. de Peccat. Inter. 22. sis. de Pen. Inter. 4. sis. de Polyg. Inter. 3. sis. de Prac. an. conf. Inter. ultim. sis. de Prol. Reg. Inter. 9. 10. 15. 16. sis. de Puer. Inter. 3. sis. de Regul. &c. Inter. 2. 3. 4. 16. 17. 18. 19. 20. 21. 22. 23. 24. 25. 26. 31. 42. 43. 49. 67. 109. 110. 111. 112. & ad quæst. 5. sis. de Relig. aliq. pars. 4. 5. 6. sis. de Restit. accep. Interrog. 4. 5. titulus de Restitut. ac accep. ac dam. Inter. 5. 6. sis. de Sacerd. Inter. 3. sis. de Sacram. Euchar. Inter. 7. sis. de Sacril. Interrog. ultim. sis. de Satisf. pen. Inter. 13. 14. 15. sis. de Sigil. Conf. sis. de Simul. Inter. 3. sis. de Soc. crim. Inter. 7. 8. 9. 10. 11. 12. 13. 14. 15. sis. de Sod. Int. ult. sis. de Sollic. sis. de Superst. Inter. 2. 23. sis. de Ton. Inter. 1. sis. de Val. Dispens. Interrog. 1. 2. sis. de Vendit. &c. Inter. 2. sis. de Vic. Cap. Inter. ultim. sis. de Voc. Ep. Inter. 7. 4. sis. de Vos. Inter. 5.

361 **I**nter. 1. Peccata mortaliter, vel venialiter tantum, qui certus de sua insufficientia fe exponit ad audiendas Christi fidelium Confessiones.

Resp. Doctores omnes conveniunt dicentes, quod peccat mortaliter.

Tom. I

362 Inter. 2. Qui est approbatus ad audiendas Confessiones in una Diocesi, potestne audire Confessiones in alia?

Resp. Non potest; nam debet esse approbatus etiam in illa. Ita docent plures Doctores, & præsertim Fagnanus mox citandus.

363 Inter. 3. Confessarius, sive Sæcularis, sive Regularis, qui est approbatus in una Diocesi, potestne extrâ eam excipere confessiones subditorum illius Episcopi, in cujus Diocesi fuit approbatus?

Resp. Minime, nec contrarium affirmari potest ob Constit. Clem. X. quæ incipit: *Superna*, data 11. Kal. Julii 1670. & ita quoque decidisse Sac. Congregat. refert Fagnan. in cap. *Ne pro dilatione de penitent. & remiss. numer. 65.* & sequi ubi sic inquit: *Sacerdos in una Diocesi approbatus, ex sententia Sacre Congregat. non potest in alia Diocesi audire Confessiones, etiam personarum illius Diocesis, in qua est approbatus. Parochus vero, quia habet jurisdictionem ordinariam, potest audire confessiones suorum Pærcorianorum in quacunque Diocesi.* Ita Fagnan. & alii communiter.

364 Inter. 4. Facultas delegata audiendi Confessiones, expiratne mortuo Episcopo concedente, aut ejus amotione ab officio, seu Episcopatu?

Resp. Est sententia communis in ordine ad Confessarios Regulares, licentiam audiendi Confessiones durare etiam post mortem Episcopi, quia in Constitut. Clement. V. quæ incipit: *Exigentibus*, & Extravag. Inter cunctas privileg. §. ut autem, sic habetur: *Datam vero licentiam, per Diocesano- rum mortem nolumus terminari.* Vide Bordonum in consil. Regul. resol. 36. quæst. 9. numer. 38. Boffium de Jubilæo scilicet. 3. cas. 2. numer. 10. Pasqualigum tom. 1. decis. 499. per totam, Averlam de Sacram. penit. quæst. 16. scilicet. 4. & alios apud ipsos, & præsertim Dianam pars. 8. tract. 7. resol. 74. qui etiam ibidem tract. 3. resol. 99. versis. Notandum; absolutè probat pro omnibus Confessariis, quod Confessiones audiendi delegata facultas, non expirat mortuo Episcopo concedente, aut ejus amotione ab officio, seu Episcopatu, quia hæc facultas audiendi confessiones, computatur inter gratias factas, quæ non expirant morte concedentis, etiam re integra. Lege ipsum locis citat. Verum hanc Dianæ opinionem non approbarem pro omnibus Confessariis. Et quidem hanc licentiam expirare morte concedentis, tradunt Palud. Sanctus Antoninus, Navar. Philircus relati à Pasqualigo ubi supra; pro qua opinione

G

nione etiam referri possunt Abbas, Jacobinus, Rolandus, Angelus, Sylvester, & Corduba apud Sanchez de *Matrimon.* lib. 8. *disp.* 28. *numer.* 74. asserentes, licentiam eligendi confessorem ab Episcopo concessam, explere morte concedentis, quia eadem videtur ratio.

365 Inter. 5. Licentia audiendi confessiones obtenta medicante pecunia estne valida?

Resp. Concil. Trident. *sess.* 23. *cap.* 15. mandatur, ut talis licentia gratis detur, ut *dicam in tit.* 205. de *Simonia*, ad Inter. 24. tamen quia hæc verba concilii non important conditionem, quæ si expleta non fuerint, approbatio non valeat (nam id non fuit necessarium, nec fortè expediens) unde cum tantum contineant præceptum datum Episcopis, ut gratis talem approbationem concedant, sequitur peccare illos dantes, & recipientes huiusmodi licentiam non gratis; atamen esse validam, ex Suarez docet Reginaldus in *praxi* lib. 1. *cap.* 16. *quest.* 6. *numer.* 198. quibus alligatur Diana *part.* 5. *tractat.* 14. *resol.* 41. *versic.* sed non *definiam*, & *tract.* 13. *ref.* 70. *prop.* *finem*.

366 Inter. 6. Potestne quilibet adire confessarium excommunicatum, vel suspensum, & inducere ad si ministrandum Sacramenta sine peccato?

Resp. Dico, quòd sic, dummodò tamen non sit nominatim denunciatus excommunicatus, aut publicus Clerici percursor; nam ita colligitur ex Concilio Constant. quia ut inquit Concilium, hæc indulgentia non in alium Excommunicatorum levamen, sed causa sedandi scrupulos conscientiarum cum eis communicantium concessa est. Sanchez de *Matrimon.* lib. 7. *disp.* 9. *numer.* 8. Layman. lib. 2. *tract.* 5. *part.* 2. *cap.* 5. *numer.* 5. Verùm quia contraria sententia (scilicet non licere) est probabilissima, & communis, ut fatetur etiam ipse Sanchez ubi suprà *numer.* 7. idè nostra responsio sic intelligenda est ex mente Sancti Thom. in 4. *distin.* 5. *quest.* 2. *art.* 2. *quæst.* 5. ad 5. & 3. *part.* *quest.* 64. *art.* 6. ad 2. Durandi, Paludani, Joan. Driedonii, Soti, Suarez, Gregorii de Valentia, quos dat, & sequitur Sayrus de *Sacram.* in *comm.* lib. 2. *propos.* 1. licitum esse sine peccato mortali petere Sacramentum à ministro parato, & non præcio, solum ex causa iusta, & rationali. Non tamen licet, si non sit paratus. Ita Joan. Driedonius, Cajetanus, Sotus, Navarrus, Scotus, Michael de Palatio, Suarez, Valentia, & alii apud Sayr. ubi suprà *prop.* 2. lege ipsum, & non pigebit. Et eo-

dem modo intelligenda est sequens responsio.

367 Inter. 7. Peccatne ipse confessarius excommunicatus, modò sit toleratus, si audiatur confessiones?

Resp. Non peccat, si est toleratus ab Ecclesia, & si cum præmissa contritione faciat rogatus; dixi, rogatus, quia si spontè se ingereret, absque dubio peccaret mortaliter. DD. communiter ita docent.

368 Inter. 8. Suffragante opinione probabili, suppletne Ecclesia jurisdictionis defectum in confessario, sicut eundem supplet concurrente errore communi, & titulo colorato?

Resp. Eodem modo Ecclesiam supplere, docent Sanchez lib. 3. de *matrimon.* *disp.* 22. *numer.* 65. & lib. 1. *Moral.* *cap.* 9. *numer.* 35. Lessius lib. 2. *cap.* 29. *dub.* 8. *numer.* 68. Bonacin de *matrimon.* *quest.* 2. *punct.* 8. *numer.* 26. Reginaldus lib. 1. *numer.* 103. Diana *part.* 2. *tract.* 13. *resol.* 2. Layman. lib. 1. *tract.* 4. *cap.* 22. *numer.* 9. quibus alligatur Gabrin. de *cas. reserv.* *part.* 1. *resol.* 15. *prop.* *finem*, quibus addo Passerinum tom. 2. de *Statib.* pag. 84. *num.* 356. Cassian. à Sancto Elia in *Arbor. opin. moral. verb. Absolvo* §. 16. *num.* 135. & iterùm Diana *part.* 3. *tract.* 2. *ref.* 3. *versic.* unde, & *part.* 8. *tractat.* 1. *resol.* 93. Imò dicunt, id esse verum, etiam si opinio contraria esset probabilior, vel si ea opinio probabilis, quam habet Confessarius de sua jurisdictione, falso niteretur fundamento. His tamen non obstantibus, hæc assertio, quòd existente opinione probabili Ecclesia suppleat jurisdictione, non videtur admittenda in praxi. Nam cam falsam demonstrat Fagnanus in *cap. Ne innitaris de consit.* lib. 1. *decret.* *num.* 380. & luculenter quidem; & tradit etiam Nicolius, *Lucubr.* *part.* 2. lib. 5. *tit.* 39. §. *verum tamen*, & §. *immediatò præcedent.* asserit, quòd hic Romæ non admittitur ampliùs. Imò adverte, Passerinum ubi suprà *numer.* 359. & Gabrin. loco citat. inmerito pro sua opinione allegasse Suarez; nam ille Auctor tom. 4. in 3. *part.* *disp.* 26. *sess.* 6. *numer.* 7. hæc habet: Est quidem hic modus dicendi probabilis, non tamen certus, & hoc ipso non omnino tollit dubium, nec rei certitudinem, quam quærimus. Licet postea sequatur alium modum dicendi. Vide Nicol. ubi suprà pag. 255.

366 Inter. 9. Quomodò se gerere debet confessarius, quando ei in confessione accidit aliquis casus difficilis, quem ipse statim dissolvere nequit, cum sit necessaria maturatio reflexio, aut sapientum virorum consilium,

filium, debetne statim Pœnitentem absolvere?

Resp. Sylv. verb. *Confess.* 3. numer. 13. *quest.* 10. Navar. in *manual.* cap. 26. nu. 3. & alii plures, quos dat, & sequitur Bonac. de *Sacram.* disp. 5. qu. 7. pun. 4. §. 2. num. 10. docent, posse confessarium absolutionem impendere, modò Pœnitens promittat se facturum, quod iudicatum fuerit, quia isto modo Pœnitens censetur sufficienter dispositus, ideòque debet absolvi. Ita citati DD. & alii plures.

370 Inter. 10. In foro pœnitentiali debetne confessarius stare dicto Pœnitentis, tam pro se, quàm contra se?

Resp. In foro pœnitentiali creditur pœnitenti, tam pro se, quàm contra se, ut colligitur ex cap. *significasti* 18. de homicidio, & cap. tua 26. de sponsalibus, & Doctores communiter docent: ergo confessarius stare debet dicto pœnitentis in utroque casu assignato; quia pœnitens est testis legitimus in dicto foro, cum non præsumatut velle veritatem occultare in præjudicium animæ suæ.

371 Inter. 11. Quomodo se gerere debet confessarius cum pœnitente furdo?

Resp. Debet illum in aliquem remotiorem locum ducere, ibique ejus confessionem excipere, ne ab aliis audiatur. Vide Rotarium in *Appar. pro examen.* Cler. cap. 9. sect. 8. num. 3. Non debet tamen eum interrogare, nisi de puris necessariis circa peccata mortalia, ut evitet fatigationem suam, & pœnitentis, qui surditatis vitio laborat. Verùm si hujusmodi pœnitens scribere sciat, bonum erit, dicunt aliqui, ut sua peccata scribat in charta, illamque præsenti Sacerdoti legendam tradat, atque de iis expressè se accuset; licet id quidam non probent, ut Diana pars. 5. tra. 6. resol. 5. Ego verò puto licere, ut *firmabo* in titul. 44. de Confessione Sacramentali, ad Interrogationes 41. 42. & 43. necnon in titul. 22. de Validitate Confessionis, ad Interrog. 3. quavis in hoc casu non puto necessarium, dum surdus potest loqui, & confessarius audire.

372 Inter. 12. Confessarius, qui absolvat, quem non poterat, quid facere debet pro exoneratione suæ conscientiae, ac etiam pœnitentis?

Resp. Debet adire pœnitentem, & ei dicere se errorem commississe in confessione gravem, & si ei placet, iteratò redeat ad confessionem, rogando tamen priùs, ut facultatem det ei loquendi de confessione præterita; & si concesserit, detegat suum errorem; si autem pœnitens renuat, culpa

in ipsum transfunditur. Vide Tolet. lib. 3. c. 16. sub num. 5. Vide etiam Inter. 5. tit. 185. & Inter. 8. tit. 204.

373 Inter. 13. Sed dato, quòd confessarius talem pœnitentem invenire nequeat, quid facere debet?

Resp. Si eum non agnoscit, nec invenire poterit, ad amplius non tenetur, & pœnitens apud Deum excusatur, cum bona fide sit confessus. Confessarius verò peccavit, etiam si hoc ignoranter fecerit, cum scire teneatur suam potestatem, antequam pœnitentem absolvat. Ita DD. communiter. Vide Inter. 5. tit. 185. & Inter. 8. tit. 204.

374 Inter. 14. Si Confessarius in audiendis confessionibus sentiat se moveri sensualiter, teneturne in conscientia ab hoc officio desistere?

Resp. Si talis Confessarius expertus sit. non dico se polli, dum audit Confessiones seminarum, involuntariè, sed se polli voluntariè, vel cum consensu in turpem delectationem ferri, nec probabiliter putat se posse emendare, imò de facto nunquam se emendat; tenetur ad ipsam occasionem deferendam, quia alius confessarius non fragilis potest audire hujusmodi confessiones; quid enim prodest homini, si universum mundum lucretur, animæ verò suæ detrimenta patitur? Ita fortioribus terminis docet ex D. Tho. Celebris Theologus Corradus in suis *resp. quest.* 397. in addit. Vide in tit. de Parochis ad Inter. 12.

375 Inter. 15. Quomodo se gerere debet confessarius in examine mulierum circa peccata carnalia?

Resp. Valdè cautè certò; nam melius est, quòd confessarius peccatum Pœnitentis minùs perfectè intelligat, quàm illi, vel sibi ali-quod scandalum, seu ruinam pariat; ideò nisi de puris necessariis interroganda non erit. Diana p. 3. tr. 4. res. 98. & alii ab ipso relati; & est comm. fent.

376 Inter. 16. Confessarius sollicitator, vel alius, qui aliquod delictum spectans ad Sanctum Officium commisit, quomodò potest sibi consulere, ut veniam impetrare possit?

Resp. Debet spontè comparere coram Tribunali Sanctissimæ Inquisitionis, & ibi fateri suum delictum, humiliter veniam petendo; & ita illam consequetur juxta praxim, & benignitatem hujus Sacri Tribunalis, quam referunt DD. quos dat, & sequitur *Lexana tom. 4. consil. 31. numer. 36.* qui etiam docet ibidem numeris sequentibus conditiones necessarias, ut præfati delin-

quentes gaudere possint beneficio sponte comparentium, inter quas prima est, ut nullis præventi iudiciis coram fidei iudicibus compareant; nam qui iudiciis præventi fuerint, pro sponte comparentibus non habent, nisi forte iudiciorum nullam eos habuisse scientiam constiterit; ut docet Farinaccius de *bars. quest.* 193. num. 28. apud Eundem Lezanam ubi supra, qui testatur de communi. Secunda conditio est, ut integrè fateantur, atque pericte delictum suum. Siquidem hæc confessio spontanea, quæ fit in S. Officio, comparatur, quantum ad hoc, confessioni Sacramentali, per quam non obtinetur venia, nisi fuerit plena, & completa. Vide Lezan. loco cit. à nu. 36. usque ad 52. exclusivè, & ea, quæ ego ipse breviter dicam in Responsione ad Inter. sequentem.

377 Inter. 17. Quid facere potest confessarius, qui excipit confessionem confessarii sollicitantis, nè temere desperet propter ignaviam, seu timorem, quem habet de pœna temporali?

Resp. Consulere potest, quòd corde puro se deferat Fidei censoribus, quia si nullis sit præventus iudiciis, gaudebit beneficio sponte comparentium; & si fuerit preventus iudiciis, gaudebit beneficio comparentium non citatorum, nec vocatorum. Ita rectè docet Carena de *Offic. S. Am. Inq.* tit. 6. §. 20. numer. 109. Vide etiam Peyrin. tom. 2. priv. Minim. in *Consil.* 4. Gregor. XV. §. 9. num. 33.

378 Inter. 18. Potestne quilibet confessarius commutare, seu dispensare in votis Secularium?

Resp. Non quilibet confessarius id facere potest, nisi privilegium habeat; nam hoc est proprium munus Episcoporum, & Prælatorum circa subditos. Verum est tamen, quòd confessarii Ordinum Mendicantium, & qui cum eis participant in privilegiis, possunt commutare, aut etiam dispensare in omnibus votis, exceptis illis quinque, quæ sunt Papæ reservata; sed non sine iusta causa, & oppositum facere peccatum est, nec vovens coram Deo liber manet. Præterea dicti confessarii non solum debent esse ab Ordinario approbati, sed etiam ad id à suis Superioribus deputati, secundum probabilior sententiam. Vide Navar. in *Manual.* cap. 12. numer. 79. Layman tom. 2. lib. 4. cap. 8. sub numer. 17. Bonacin. de *præcept. decal. disput.* 4. punct. 7. §. 4. numer. 26. Lezan. tom. 1. part. 1. cap. 19. num. 23. Diana pars. 3. tractat. 5. resolut. 25. Summa Dianæ verb. *Confess.* Regular. numer. 3. Bulemb. libr.

3. tract. 2. de 2. præcept. decal. cap. 3. dub. 8. de voto, prope finem, Allox verb. *Votum scil.* 4. numer. 26. & alios mox adducendos. Nota tamen, Lezanam loco supra cit. numer. 23. & 24. Passerin. de *Stat. quæst.* 187. numer. 604. docere, & rectè quidem, confessarium Regularem posse solum commutare, non autem dispensare vota Secularium, quia rarissimè datur causa ad quata dispensandi simpliciter; dispensare enim est relaxare voti obligationem, idèòque tutius est non dispensare in votis sine commutatione. Vide Passerin. loco citat. numer. 759. Placet tamen id quod docet Diana ubi supra, nempe posse Regulares vota commutare in opus etiam minus bonum, & docet etiam Bonacin. ubi supra punct. 7. §. 3. num. 11. & alii plures, ac etiam extra confessionem, & respectu omnium fidelium, ex quacunque dioecesi ad se accedentium. Ita tenet etiam Peyrin. de *Relig. Subdito quæst.* 1. cap. 21. §. 1. versis. Dico quòd, & alii ab ipso relati. Allox. ubi supra n. 7. & 28. Sed Nicolius in *Flof. verb. Regulares* numer. 39. & alii, dicunt, quòd huiusmodi commutationes, & dispensationes, solum in actu Sacramentalis confessionis concedi debeant. Verum puto cum Passerin. Diana, & aliis, posse confessarios Regulares vota commutare etiam extra confessionem. Vide Passerin. loco citat. numer. 77. & ea quæ infra dicam in tit. 126. ad Interrog. 11. & Dian. pars. 3. tract. 2. ref. 9.

379 Inter. 19. Confessarius qui obligat poenitentem ad confitendum delictum dignum morte, si iuridicè interrogetur à Iudice, sitnè irregularis sequuta morte poenitentis?

Resp. Dico, quòd non incurrit irregularitatem, quia hortatur, & obligat poenitentem ad id, ad quod tenetur, & præstat munus suum, cum intendat consulere animæ poenitentis, qui sub peccato mortali tenetur sateri veritatem Iudici legitime interroganti, ut dicam in tit. 181. de *Reis mortis*, ad Interrogat. 1. Dicendum est igitur, quòd confessarius in dicto casu fungitur officio suo, & mors per accidens sequitur ex dicto poenitentis, consequenter non fit irregularis secuta morte; nam, ut dixi, confessarius non intendit mortem reus, sed animæ salutem: Salus autem Animæ præferri debet sanitati, & vitæ corporis, atque omnibus rebus, ut habetur ex canon. *Si habes* 24. quæst. 3. Ita docent Sayrus, Avila, Henriquez, & alii, quos refert, & sequitur Bonacin. de *confu. disp.* 7. qu. 4. punct. 1. num. 33. quibus addo Dianam pars. 4. tract. 2. resolut. 99. qui pro se citat

Cor.

Cornejum in 3. par. Dio. Thoma tra. 5. de irregul. disp. 12. dub. 1. quæst. 4. Qui etiam addunt, hoc esse verum, etiam si confessarius illi confuleret, ut sententiam sententiæ mortis iustæ, quam differre non potest, nisi per injustam appellationem. Secus si confessarius confuleret poenitentem, ut omitteret appellationem jure concessam, vel aperiat veritatem coram Judice incompetente, aut in casu, quo delictum nondum sit semiplene probatum, certò irregularitatem incurreret, secuta morte, vel mutilatione, quia est causa accelerationis ipsius, imò dat operam rei illicitæ, atque periculose homicidii: ergo sit irregularis secuta morte, ut dictum fuit.

380 Inter. 20. Quid debet facere Confessarius, qui videt aliquos occidentes hominem qui iteratis vicibus confessionem petit, sed non potest ad audiendum illius confessionem accedere, quia interfectores minantur ei mortem si accedat?

Resp. Dico, quòd Sacerdos, qui audit vocem poenitentis confessionem petentis, in eo loco, in quo reperitur, debet illum absolvere ab omnibus peccatis, & censuris, antequam ab hac vita discedat; nam dicitur esse moraliter præsens; & poenitens, qui petit iteratis vicibus confessionem, videtur attritus: ergo debet illum absolvere, ut mediante absolutione Sacramentali ex attrito fiat contritus, & salvetur. Mancin. pract. 4. dub. 34. Imò si periculum esset in mora, potest Sacerdos in dicto casu dicere, *Absolve te à peccatis tuis* (subintelligendo prius, à censuris, & deinde à peccatis) quando est ita morti propinquus, ut non vacet tempus ad impendendam utramque absolutionem. Sed quia certior modus absolvendi est, si confessor dicat: *Ego te absolvo ab omnibus censuris, & peccatis tuis*; ita est absolvendus, si tempus hoc permittat, ut docent Suarez tom. 5. disp. 10. sect. 2. in fin. numer. 7. & Bonacin. disp. 1. de Censuris quæst. 3. punct. 5. num. 3.

381 Inter. 21. Potestne licitè Confessarius, & sine fractione sigilli, revelare hæredibus restitutionem faciendam, quam debebat mortuus poenitens?

Resp. Si Poenitens pro suæ conscientie exoneratione rogavit Confessarium, ut post suum obitum admoneret hæredes de re aliqua restituenda, certò licitè, & absque fractione sigilli poterit Confessarius id facere, quia utitur scientia Confessionis de licentia poenitentis. Ita Navar. in manual. cap. 12. numer. 13. Favet etiam Diana part. 5. tract. 11. resolut. 28. qui alios concordan-

tes refert, & colligitur ex cap. Prætoris de Offic. deleg.

383 Inter. 22. Quando non satis constat de voluntate poenitentis jam mortui, & hæredes dubitant, & præsumunt Confessarium in dicto casu Confessionem Poenitentis revelasse, quid est agendum?

Resp. Credendum est Confessario. Vide Diana ubi supra ref. 41. atque præsumendum est, id dictum fuisse ab eo de licentia poenitentis; agit enim in bonum poenitentis animæ jam mortui, & præsumitur habuisse licentiam. Quòd si hæredes nollent ex avaritia dictis Confessarii acquiescere, tenentur probare contra Confessarium id non fuisse ex mente, & licentia poenitentis; quia præsumptio transfert onus probandi in agentem, qui debet probare, contra quem facit præsumptio ut rectè docet idem Diana loco prox. cit. ref. 78. Verum ad tollenda hujusmodi incommoda, & dissensiones, consultus est, si tempus suppetat, suaderi Moribundo, ut secreto suo codicillo talia inferat, hæredibus injungenda. Ideò notet Confessarius hanc doctrinam, quando casus occurrerit.

383 Inter. 23. Confessores, qui in domibus laicorum confessiones audiunt, quid facere debent, & ad quid tenentur?

Resp. Hic Romæ extat Decretum Sacre Congregationis Apostolicæ visitationis, de mandato Urbani Octavi editum, quò præcipitur omnibus Confessariis indiscriminatim, ne hujusmodi Sacramentum administrent Chistidelibus utriusque sexus in eorum domibus, aut alienis ædibus, nisi de licentia Eminentissimi Cardinalis Vicarii, vel ejus Vicegerentis, vel nisi gravi infirmitate detenti ad Ecclesiam accedere nequeant. Excipiuntur tamen Cardinales, Principes, Oratores Regum, & magnorum Principum, nec non Duces, & Nepotes summi Pontificis. Additur præterea, ut iidem Confessarii in excipiendis Confessionibus mulierum causa infirmitatis, cubiculi januam apertam, ac velum levatum semper habeant, ita ut conspici, non autem audiri possint. Cœterum qui in domibus laicorum confessiones, ex causa infirmitatis, audierint, statim Parochum admonere tenentur, & saltem relinquendo schedulam, & fidem auditæ confessionis pro medico adveniente, ut alibi me dixisse meminimus ex Sacra Congregatione die 2. Junii 1587. & ex Constitutione Clementis X. quæ incipit *Superna*. Vide Lezanam tom. 1. part. 1. cap. 19. numer. 31. & 32. & ita observari debet omninò.

Quar. 1. An qui commisit aliquod grave crimen, quod sit casus reservatus, aut annexam habeat excommunicationem, si effectus nondum sit secutus, possit à quolibet simplici Confessario absolvi, & post effectum sequuto iterum confiteri teneatur cum habente facultatem absolvendi à reservatis, aut ab excommunicatione?

Resp. Quia verba legis accipienda sunt cum effectum secuto, idè in casu nostro potest absolvi à quocumque simplici Confessario, nec tenetur postea effectum secuto iterum confiteri illud peccatum Superiori. Si verò illud peccatum habeat annexam excommunicationem, utique comparere tenetur coram Superiore, aut alio habente facultatem effectum secuto, ut ab excommunicatione absolvatur; non enim militat eadem ratio de censura, & de casu reservato. Verum pro majori intelligentia hujus questionis ponam hic duos sequentes casus. Titius verbi gratia procuravit abortum scetus animati, & talis casus non solum ubique est reservatus, sed præterea habet annexam excommunicationem, si effectus sit secutus, ut breviter dixi in tit. de Abort. ad Inter. 18. Sed ipse Titius ante abortum secutum facit quantum potest, ut abortum impediatur, & constituitur cum simplici Confessario ipsam procuracionem abortus. Hic est primus casus, Secundus est, verbi gratia: Cajus dedit causam homicidio vulnus lethale infligendo, sed antequam sequatur mors vulnerati, respiscit per Confessionem Sacramentalem. Unde si queratur modò, an Titius, & Cajus potuerint à simplici confessario absolvi, & an secuta morte vulnerati, & respectivè abortionis effectum, iterum confiteri teneantur Superiori? Respondendum est, nequaquam teneri pro casu reservato, sed solum tenetur Titius pro excommunicatione contracta ob abortum secutum. Ratio est, quia jam rectè supponimus, tam Titium, quam Cajum fuisse ritè confessos, & valide à simplici Confessario absolutos, quia non habebant casum reservatum, ante secutum homicidium, & abortum; nam si effectus postea sit secutus, naturaliter quidem censetur secutus, ex causa scilicet data, non autem liberè, & voluntariè, ex eò quòd voluntas fuit recisa per Confessionem jam factam, & peccatum fuit remissum per Sacramentalem absolutionem. Nullus autem tenetur sua peccata semel ritè confessa iterum confiteri, ut docent Henricus lib. 5. numer. 5. in gloss. littera Z. Fagundes in præcept. 2. disput. 8. cap. 7. numer. 17. Rotarius in Appar. pro exam. Cleric. cap. 9.

session. 9. §. 3. versic. ultimo sub numer. 5. & alii. Quoad excommunicationem verò secus dicendum est, quia censura, & irregularitas incurruntur eo ipso, quando sunt impositæ super aliquem actum, & effectum completum. Siquidem irregularitas, & censura possunt incurrri, & de facto incurruntur ob culpam præteritam, & remissam, sub tali tamen conditione actus, & effectus secuti idèque ratione excommunicationis dumtaxat in casu nostro omnino oportet deferre factum ad Superiorem, vel alium habentem facultatem, ut ab eo absolvatur, & relaxetur ab excommunicatione ob abortum scetus animati contracta; & ità tradunt Mazzuchellus de cas. reserv. disput. 2. cap. 7. question. 3. diffi. 3. per totam, & Aversa de Sacram. Penitent. qu. 10. sect. 2. qui citat Homobonum, & Bordonum. Alia plura circa talem questionem videnda relinquo apud Dianam par. 8. tract. 7. resol. 85. nam ibi pro utraque parte Doctores, & rationes refert, & tam probabiliter resolvit, ut hic ego breviter dixi. Sed, ut verum fatear, mihi magis placet sententia Passerini tom. 2. de stat. quest. 187. art. 1. numer. 468. nam docet, quòd quando certò mortaliter, vel probabiliter omnibus pensatis est secutus effectus, homicida sit coram Deo, & in foro pœnitentiali, cui causavit certò moraliter, vel æquivalenter alterius mortem ex vi vulneris secuturam, & delictum in ratione homicidii sic censetur consummatum etiam extrinsecus, & idèd remanet reservatum ex vi conditionis, actionis, & effectus secuturi; & sic non debeat absolvi, sicut de censuris dictum fuit: & hæc opinio mihi magis probatur.

Quar. 2. An Regulares pro Confessionibus audiendis in Diocœsibus, approbati debeant à singulis Ordinariis, aut habeant aliquod Privilegium? Et quid de aliis Confessariis dicendum?

Resp. Licet antiquitus multis privilegiis fruerentur Regulares circa audiendas Sæcularium Confessiones, de quibus loquitur Diana par. 3. tract. 2. resol. 123. & tract. 4. resol. 110. & par. 8. tract. 7. resol. 94. Lezana loco mox citando, Lantusca in Theatr. Regul. verb. Confessarius numer. 12. & alii; tamen omnia sublata fuerunt per diversos Summos Pontifices, præcipuè ea, quæ sunt contra Concilium Tridentinum; idèque minimè audiendi sunt oppositum docentes; sed omnino dicendum est cum Card. de Lugo de Penitent. disput. 21. sect. 2. numer. 29. & aliis mox adducendis, non posse Regulares sæcularium confessiones

siones audire, nisi à singulis Ordinariis approbentur, in quorum Dieceſibus confessiones audire cupiunt, juxta dispositionem Concil. Trident. *ſeſſ. 23. de reſor. cap. 15.* ut habetur ex conſtitut. Gregor. XV. quæ incipit *Inſeruiſſabili*, emanata die 5. Februarii 1622. ex Decreto Urbani VIII. edito die 17. Septembris 1628. quod incipit *Sicut accepimus*, ex Breui Innoc. X. edito 14. Maii 1648. & poſtea confirmato die 17. ejuldem Menſis 1653. ſuper controverſis vertentibus inter Episcopum Anginopolitanum, & P.P. Societatis Jeſu; & tandem ex conſtitut. Clem. X. quæ incipit *Superna*, data 11. Junii 1670. Vide ergo Dianam *part. 1. traſt. 2. reſol. 11.* Barboſ. in Concil. Trid. loc. cit. num. 6. & 8. Lezana *tom. 1. part. 1. cap. 19. num. 2. & 5.* Fagnan. in *cap. Ne pro dilat. de penitent. & remiſſ. num. 65. & ſeqq.* Auguſtinum Lucenſem in *Cautela Confess. lib. 1. cap. 26. numer. 11. præſertim in fine*. Et tandem dico Conſeſſarios; tam ſæculares, quàm Regulares, exceptis Parochis, nullo modo poſſe audire Confeſſiones perſonarum illius Dieceſis, in qua ſunt approbati, ſine approbatione Ordinarii illius Dieceſis, in qua illas invenerint, quàmvis ibidem per modum tranſitus exiſterent, aut ſimul iter facerent; quidquid in contrarium dicant Lezana, Diana, & alii, qui non viderunt Conſtitutionem Clement. X. ſuprà citat. & Decretum Sacræ Congregat. Ideò vide ea, quæ docui in *hoc tit. ad Int. 2. & 3.* Dianam *part. 10. traſt. 14. reſol. 23. & ibidem traſt. 16. reſol. 75. verſe. Verùm contra*, Leandrum, ac denique Paſſerin. *de Stat. tom. 2. pag. 53. numer. 243. & ſeqq. uſque ad numer. 247. incluſivè, & pag. 59. numer. 336.* qui more ſuo perdoctè tale dubium reſolvit.

Quæſt. 3. An Conſeſſarius Secularis, ſeu Regularis, approbatus tantùm pro uno Oppido, vel ad certum genus perſonarum, ſit eligibilis per Jubilæi? Et an Conſeſſarius in caſu quo poenitens ei licentiam concedat loquendi de auditis in Confeſſione, debeat talem licentiam exigere in ſcriptis.

Reſp. Ad primam difficultatem abſolutè dicendum eſt, non poſſe dictum Conſeſſarium eligi vigore Jubilæi, niſi ab illis perſonis dumtaxat, pro quibus data eſt illi talis approbatio: & ratio eſt evidens; nam nequit quis virtute Jubilæi in Conſeſſarium eligi, niſi ab Ordinario ſit ſimpliciter approbatus; ſed quid ad unum genus perſonarum, ſcilicet ruſticorum, maſculorum, ſeu ad unum Oppidum, in quo nec contractus, nec caſus diſticiſes evenire ſolent, eſt tantùm appro-

batus ex defectu ſcientiæ, non eſt ſimpliciter approbatus pro omnibus, imò potiùs reprobatus ad omnem alium locum, & ad omnes alias perſonas: ergo ab illis tantùm eſt eligibilis virtute Bullæ, aut Jubilæi. Præterea approbatio non plus valet, quàm pro illo, pro quo data eſt: ergo approbatus dumtaxat pro uno loco, vel ad unum tantùm genus perſonarum, maxime ex defectu ſcientiæ, vel ob juvenilem ætatem, non poſſe in Conſeſſarium eligi, niſi ab illis, pro quibus fuit approbatus. Ita aliis relatis rectè reſolvit Diana *part. 5. traſt. 12. reſol. 48.* & hæc eſt probabilior ſententia, juxta id quod dicam in *tit. de Jubil. ad Inter. 8.* Ad ſecundam verò difficultatem dico, neceſſarium non eſſe, ut dicta licentia exigatur in ſcriptis, quia ſufficit licentia oretenus data, cum aliàs eſſet valde periculolum, & oneroſum poenitentibus, ut per ſe patet. Et dato etiam, quòd oriatur dubium, an Conſeſſarius de auditis in Confeſſione loquatur de licentia poenitentis, nec ne; tamen in tali dubio potiùs credendum eſt dicto, & teſtimonio Sacerdotis, quàm Poenitentis, ut firmavi in *tit. de Accuſ. &c. ad Inter. 9.* & præter Doctores ibi citatos, docent etiam alii, quos dat, & ſequitur Diana *eodem part. 5. tra. 11. reſol. 41.* ad quem Lectorem remitto, ut ſolitam brevitatẽ amplectar.

TITULUS XLIII.

De Conſeſſariis extraordinariis Monialium.

Vide tit. de Jubil. Inter. 7. tit. de Præl. Reg. Inter. 9.

384 Inter. 1. Episcopos teneturne bis, vel ter in anno, aut ſæpiùs, Conſeſſarium extraordinarium Monialibus concedere?

Reſp. Vigore Concil. Trident. *ſeſſ. 25. de Regular. cap. 10.* non ſolùm poſſe, ſed etiam tenetur Episcopos concedere Monialibus ſibi ſubjectis, duabus, aut tribus vicibus in anno Conſeſſarium extraordinarium; & hoc quidem ſub poena peccati mortalis, cum verbum, offeratur, quo ibi utitur Concil. gravem obligationem pariat, & conſequenter ſub mortali obligare videtur. Sanchez *lib. 6. moral. cap. 4. numer. 31.* Si verò Episcopos vult ſæpiùs Conſeſſarium extraordinarium Monialibus concedere, non eſt ei prohibitum,

prout in terminis tradit Bordonus in *Conflis Regul. resol. 5. quæst. 11. num. 11.* ex Galetto asserente, ita fuisse decisum Vide *Dianam part. 6. tractat. 8. resol. 28. Et in Summ. verb. Prælati Regular. numer. 43. & Passerin. de stat. tom. 2. quæstion. 187. artic. 1. sub numer. 907.* ubi probat, quod Superior nedum bis, aut ter, sed pluries possit concedere Confessarium extraordinarium Monialibus, sicut ipsæ etiam pluries cum petere queunt. Vide infra ad *Inter. sequentem*, & ad *Inter. 4. in hoc titulo*.

385 Inter. 2. Episcopus debetne Confessarium extraordinarium concedere Monialibus bene valentibus dumtaxat, vel etiam infirmis lecto decumbentibus?

Resp. Debet, & tenetur illum concedere omnibus Monialibus, tam bene valentibus, quam infirmis, quæ commodè, ubi audiuntur Confessiones, accedere non possunt; nam non debent esse pejoris conditionis, tum maximè quia Concil. Tridentinum generaliter loquitur pro omnibus Monialibus, & verba generalia generaliter intelligenda sunt; tum etiam quia sicut Confessarius Ordinarium licitè potest ingredi Monasterium ad excipiendas Confessiones ægrotantium, quando aliæ Moniales tenentur confiteri de præcepto, aut Regula, vel consuetudine, imò & quoties Monialis infirma asserit se indigere Confessione, ut docet Bonacin. de *Claus. quæstion. 4. punct. 4. numer. 4.* Barbosa in Concil. Trident. *sess. 25 de Regul. capit. 5. numer. 82.* Portellus in *verb. Claus. Monialium numer. 9.* Summa Diana *verb. ingredi Monaster. numer. 9.* ac etiam quotidie peculiari ipsius devotione, ut docet Mendo *Epist. Opin. Moral. verb. Monialis numer. 11.* si monialis solebat sana quotidie confiteri: ita pari ratione Confessarius extraordinarius tempore suæ deputationis, æquum erit, ut Monasterium ingrediatur ad excipiendas Confessiones Monialis infirmæ, quæ ad sedem Confessionalem accedere non potest; dum aliis inanis esset pro Monialibus infirmis deputatio Confessarii extraordinarii, cum tali privilegio minimè fruerentur. Vide infra ad *Inter. 4. hujus tituli*.

386 Inter. 3. Potestne Episcopus concedere Moniali morti proximæ aliquem Confessarium Regularem, quem ipsa petit, ut loco Confessarii Ordinarii ei omnia Sacramenta administret, & assistat tempore agonizæ?

Resp. Videtur mihi posse Episcopum auctoritate propria, ad præcisam iustitiam Monialis spirituales consolationem, concedere talem

Confessarium, dummodò sit gravis, pius, & prudens; nam in articulo, seu in probabili mortis periculo, ea omnia concedi debent, ad hoc ut melius, & facilius ad piæ, sanctæque moriendum se disponat; & ita sentiunt quamplurimi Theologi, inter quos est Baldellus, quibus & ipse meum suffragium sero, cum in dicto casu solum lex Clausuræ obstare possit, quæ tamen ratione necessitatis & utilitatis spiritualis ipsius Monialis morituræ, ab Episcopo dispensari poterit, & non dispensando irrationabiliter se haberet, quia sicut Episcopus licitè potest concedere Confessarium extraordinarium alicui Moniali particulari, non obstante Decreto Sac. Congregationis, quod adducit Gavantus *verb. Monialium cura spiritualis*, cum illud Decretum procedat de una designatione pro pluribus vicibus, ut rectè observat Bordonus *tom. 2. resol. 5. quæst. 11. num. 11.* & Diana in *Summ. verb. Prælati Regular. numer. 43.* potiori ratione dispensare debet in casu nostro, cum plus indigeat Monialis morti proxima, quam sana; consequenter nullo modo eo spirituali solatio erit privanda, ut in terminis firmat Passerinus *tom. 2. de stat. quæstion. 187. artic. 1. sub numer. 921.* Ultra quod asseritur à Baldello, teste Pellizzario *in tra. de Monialibus cap. 10 sect. 3. sub sect. 2. sub numer. 249.* ita practicum fuisse hic Romæ à Card. Bellarmino, dum erat protector Monasterii Sanctæ Marthæ, & post illum ab aliis Cardinalibus ejusdem Monasterii protectoribus. Imo addit, quod Cardin. Vicar. acriter reprehenderit quendam Ministrum ad curam Monialium deputatum, quia denegaverat Moniali morituræ dictam consolationem. Et bene quidem; nam debemus Animarum lucra querere, quæ est regula valde generalis, multumque notabilis, rationalis, pia, & fructuosa. Et est omnium Doctor. consilium, rectè hac de re sentiantur, quod potius sit declinandum ad equitatem, quam Epicheyam vocant, quam ad rigorem; rigor enim est juris excessus, æquitas verò est iustitia dulcore misericordie temperata, quam semper Judices, atque Prælati habere debent præ oculis, cum melius sit de misericordia, quam de severitate reddere rationem. Hæc dicta sint, utpotè usu frequentissima, & à me sæpissimè postulata: Salvo semper &c.

387 Inter. 4. Facultas, quæ ab Episcopo conceditur Confessario extraordinario Monialium, debetne concedi ad determinatum tempus, vel melius est, ut nulla fiat temporis determinatio?

Resp.

Resp. Supponendum est tanquam certum, quod qui vult finem, vult etiam media necessaria ad finem; & cui finis est permixtus, media quoque necessaria permixta censentur, ut habetur *ex cap. Præterea de officio deleg. & l. 2. ff. de jurisdiction. omnium iudic.* Finis autem cur concedatur à Prælati Confessarius extraordinarius Monialibus, est utilitas spiritualis ipsarum Monialium, ut patet; ideoque earum Prælati omni studio, ac diligentia ipsam procurare tenentur. At quia magis expedit pro bono spirituali Monialium, quod eis concedatur Confessarius sine ulla temporis limitatione; ideo consultum esset, si non fiat temporis determinatio; nam reverà octo, vel decem dies minimè sufficiunt ad extricandas Monialium conscientias, maxime si Confessarius, ut decet, minori cum sollicitudine suum munus obire debeat, & majori cum utilitate, & spirituali profectu ipsarum Monialium conscientias expurgare. Non nego tamen posse Episcopum determinare tempus sibi benè visum, cum sit omnino in ejus arbitrio; sed dico cum Pellizario in *tratt. de Monial. cap. 10. sect. 3. subsect. 2. numer. 261.* longè melius, & consultius esse deputare Confessarium extraordinarium, ipsi non limitando tempus; adest enim justa causa sic faciendi, ut ipsamet experientia docet & ita pluries de hac re interrogatus consultui, & multis in locis me consulente practicum fuit. Cæterum tempus hujusmodi deputationis videtur esse, ut infra quindecim dies totum negotium perficiatur, nisi aliter Episcopus judicaverit.

388 Inter. 5. Quomodo se gerere debet Episcopus pro consolatione Monialium assignando eis Confessarium gratum, maxime tempore Jubilæi?

Resp. Potest dicere Abbatissæ, vel Priorissæ, quod congreget Moniales, & ab eis habeat votum, quodnam Confessarios gratos habeant; & sic nominent tres, vel quatuor, aut plures, quorum nomina mittat ad illum, ut omnes, vel prout is melius in Domino judicaverit, aliquos approbare valeat, licentiamque concedere excipiendi earum confessiones. Ita nonnullis citatis docet Diana p. 3 *tr. 2. ref. 29 & tr. 4. ref. 154.* Vide etiam, quæ dixi in *tit. 2. ad Inter. 2.*

389 Inter. 6. Tempore Jubilæi potestne quisvis Confessarius ab Ordinario approbatus excipere confessiones Monialium sine expressa Episcopi licentia?

Resp. Bonac. de *Sac. disp. 5. quest. 7. pun. 4. §. 1. nu. 22. in fine*, putat, quod sic; tamen absolute dicendum est, non posse, quia etiam con-

fessariis prohibitum est accedere ad monasteria Sanctimonialium; ac proinde Pontifex dum publicat Jubilæum, non intendit jurisdictionem conferre illis Sacerdotibus, qui habent aliquod impedimentum: consequenter dicendum est, omnino necessariam esse Ordinarii licentiam pro audiendis confessionibus Monialium, etiam tempore Jubilæi, ut rectè docent à S. Fausto de *Jubilæi extraord. lib. 4. qu. 78.* Alphons. de Leone de *Jubilæo part. 2. qu. 9. numer. 25.* & alii apud Dianam *part. 3. tract. 4. ref. 154.*

T I T V L V S XLIV.

De Confessione Sacramentali.

Vide tit. de Absol. à pec. Inter. 11. tit. de Circumst. pec. tit. de Confess. Inter. 6. tit. de Dub. Inter. 4. §. 6. 7. 8. 10. tit. de Duel. Inter. ultim. tit. de Exam. conf. tit. de Incess. Inter. ultim. tit. de Jubil. Inter. 2. 16. tit. de Laic. Inter. §. tit. de Mand. Inter. ultim. tit. de Morib. Eccl. Inter. 1. 2. 3. 4. 5. 6. 7. 8. 11. 12. 13. tit. de Opin. Inter. tit. de Papa Eccl. Inter. 6. tit. de Paroch. Inter. 6. 9. 10. 12. 16. 17. 18. tit. de Peccat. Inter. 21. 22. tit. de Pec. ven. Int. 3. 4. tit. de Pœnit. Inter. 45. tit. de Proc. an. com. Inter. 2. tit. de Proc. an. Confess. tit. de Puer. Inter. 2. tit. de Regul. Eccl. Inter. 37. 66. 67. 108. 109. 110. tit. de Relig. aliq. par. Inter. 4. §. 6. tit. de Sacram. ad Quæst. tit. de Sac. Euch. Inter. §. 6. 7. tit. de Satisf. pen. Inter. 6. 12. tit. de Singl. Confess. tit. de Simon. Inter. 24. tit. de Soc. Crim. Inter. 4. §. tit. de Sollic. tit. de Val. Confess.

390 I Nter. 1. Quid est Confessio Sacramentalis?

Resp. Est secreta accusatio peccatorum coram proprio Sacerdote, ut ab illis Sacramentaliter absolvatur. Ita DD. communiter.

391 Inter. 2. Quot sunt partes integrales Confessionis Sacramentalis?

Resp. Sunt tres, contritio, confessio, & satisfactio; verum contritio, & confessio, sunt etiam partes essentielles. Bonac. de *Sac. disp. 5. c. 3. pun. 2. n. 2.*

392 Inter. 3. Quænam est materia Confessionis, prout est Sacramentum?

Resp. Materia hujus Sacramenti est duplex, scilicet proxima, & remota; Remota sunt ipsa peccata in se; Proxima verò sunt actus penitentis, nempe oris confessio, cordis contritio, & operis satisfactio; Sic habetur

tur ex Conc. Florentino, & Trident. ubi asseritur, materiam hujus Sacramenti esse actus poenitentis, & docet etiam Tolet. lib. 3. cap. 1. n. 1. cæterique Doctores. Vide Bonac. de sac. disp. 5. q. 3. pun. 3. n. 1.

393 Inter. 4. Teneturne Poenitens confiteri ea peccata, quæ jam sunt nota Confessario extra Confessionem, vel sufficit, si dicat, Pater me accuso de illis peccatis, quæ nosse me commississe?

Resp. Doctores utique in hoc non conveniunt, tamen est sententia certò probabilis, quòd sufficiat se accusare sic, Pater me accuso de omnibus illis peccatis meis, quæ tu scis me perpetrare; nam isto modo ipse Poenitens sufficienter aperit statum suum Confessario, qui certior factus de statu Poenitentis potest illi congruam satisfactionem imponere, & ita eum absolvere: Emm. Sà verb. Confessio nu. 37. Verùm mihi contraria sententia magis probatur, ad hoc ut in Confessione non debeat verecundia, quæ licet non sit necessaria simpliciter, tamen est valdè necessaria, cum erubescencia, & verecundia profit ad pænæ remissionem.

394 Inter. 5. Qui facit Confessionem generalem peccatorum aliis ritè confessorum, teneturne singula peccata mortalia jam ritè confessa iterum in ea Confessione aperire?

Resp. Minimè, quia hujusmodi peccata non sunt materia necessaria hujus Confessionis; imò qui paulatim Confessionem generalem faciunt de hujusmodi peccatis, possunt absolvi quotidie ab illis peccatis, quæ paulatim, & quotidie fatentur. Toletus lib. 3. cap. 8. num. 5. Em. Sà verb. Absolutio n. 25. Diana, & alii communiter.

295 Inter. 6. Estne peccatum mortale, si aliquis prius confiteatur uni Confessario peccata mortalia, deinde alteri solùm venialia?

Resp. Generaliter loquendo, non semper est peccatum mortale, quia hoc potest facere, ne bonam exilimationem amittat apud Confessarium ordinarium. Diana part. 3. tract. 5. ref. 132. & alii ab ipso relati. Potest tamen esse peccatum per accidens, scilicet quando ex hoc poenitens maneret in occasione peccandi. Dicendum est igitur, quod qui semel, vel iterum incidit in mortale peccatum, aliàs non solitus peccare, si confiteatur alteri, ne perdat opinionem, quam habet erga primum Confessarium suum, sit excusandus; alias non. Victoria in Sum. de Confess. num. 179. Sà verb. confessor num. 16. Et ratio est, quia irrideret Confessarium, faciens credere,

quòd ipse sit probus; quod est magna fictio. Ita Victoria loco cit.

396 Inter. 7. In quo casu Confessio dicitur integra materialiter, vel formaliter? & sufficiente Confessio integra formaliter pro obtinenda salute?

Resp. Dico, quòd Confessio dupliciter integra appellari potest, ut docent Doctores communiter. Primò, materialiter: Secundò, formaliter; Confessio tunc dicitur integra materialiter, quando explicatur omnia mortalia, quæ sunt materia necessaria Confessionis. Integra verò formaliter dicitur, quando explicantur omnia peccata mortalia, quæ moraliter explicari possunt, ita ut nulla reticeantur absque iusta, & sufficienti causa; undè si quis omittat aliquod peccatum ex oblivione, aut ex alia iusta causa (quæ tamen non est verecundia) dicitur integrè formaliter confiteri, & satisfacit divino præcepto, quamvis non confiteatur integrè materialiter: Siquidem Christus Dominus præcepit absolute Confessionem integram formaliter, non materialiter. Vide Bonac. de Sac. disp. 5. quest. 5. sect. 2. pun. 2. §. 3. diff. 4. sub num. 1. & est communis Doctrina. Verùm est tamen, quòd qui confitetur tantùm integrè formaliter, tenetur cessante causa aperire in alia Confessione omnia peccata mortalia, quæ ex oblivione, vel alia de causa explicare non potuit, ut patebit infra in aliis titulis. Vide igitur que dicam in tit. 140. de Memoria Peccatorum ad Inter. 2. & tit. 146. de Meritibus, & mori proximis, ad Inter. 10. & 11. & præsertim in tit. 224. de Validitate Confessionis, ad Inter. 2. prope finem nam Confessio debet esse integra, non solùm formaliter, sed etiam materialiter, nisi legitimum impedimentum, aut legitima causa excuset. Integras enim Confessionis est de Jure divino, ac proinde servanda, nisi aliter permittat iusta, & rationabilis causa, ut dixi.

397 Inter. 8. Poenitens potestne tacere aliquod peccatum, quando sibi vel Confessario notabile damnum animæ, vel corporis, vel famæ, assert, si detegatur?

Resp. Non peccat poenitens, tacendo illud peccatum, vel circumstantiam, ex qua sequitur vel sibi, vel Confessario, vel etiam tertiarum Personarum grave damnum in vita, vel in fama (puta, si prudenter dubitet Confessarium revelaturum peccatum poenitentis) sicut in pecunia, vel multò magis in anima, imò debet confiteri alia peccata, tali peccato, vel circumstantia dissimulata, donec possit commode confiteri cum alio Confessario; communiter DD. teste Tolet. lib. 3. cap. 8.

cap. 8. numer. 4. in princ. Vide Interrog. sequent.

398 Inter. 9. Mulier, quæ probabiliter cognoscit Confessarium ex Confessione suarum turpitudinum fore eam sollicitaturum, excusaturne à Confessione illarum coram illo, si non sit alius Confessarius, qui hic, & nunc possit suam Confessionem excipere?

Rsp. Proculdubio excusatur; nam non debet se, & Confessarium periculis spiritualibus animæ exponere. Sylvest. in Summ. verb. Confess. l. 1. §. 19. Tol. lib. 3. cap. 8. num. 4. circa medium, & alii omnes.

399 Inter. 10. Qui habet copulam cum soluta, sufficitne, quod dicat in confessione se commississe grave peccatum cum soluta, non explicando copulam?

Rsp. Non sufficit, sed omnino tenetur copulam explicare, & opinio contraria fuit damnata ab Alex. VII. die 24. Septemb. 1665. & est 25. propositio reprobata.

400 Inter. 11. Qui rem habuit cum tribus fœminis solutis, sufficitne, si in Confessione dicat, Pater, ter fornicationem commisi; vel debet dicere, fornicatus sum cum tribus mulieribus?

Rsp. Sufficit, quod dicat, ter fornicatus sum, quia quando sunt plura peccata ejusdem speciei, non oportet individua nominare sigillatim, nempe hanc, & hanc fornicationem, scilicet quot fuerunt personæ. Bonac. de Sac. disp. 5. qu. 5. sect. 2. punct. 2. §. 3. diffie. 3. prop. 3. num. 14. Diana par. 1. tract. 7. resol. 13. & alii.

401 Inter. 12. Qui habet copulam cum Muliere conjugata, consentiente Marito, sufficitne, si in confessione dicat, se esse fornicatum, non explicando adulterium, cum non fiat injuria Marito, quia volenti, & consentienti nulla fit injuria?

Rsp. Non sufficit, quia etiam consentiente Marito committitur Adulterium, & contraria sententia merito reprobata fuit ab Innoc. Papa XI. die 2. Martii 1679. & est propositio 50. inter reprobata.

402 Inter. 13. Estne necessarium, quod in confessione exprimat gradus Incestus, videlicet in quo gradu fuerit commissus?

Rsp. Non conveniunt Doctores: quidam, ut Navar. in Man. cap. 16. num. 3. Bonac. de Sac. disp. 5. qu. 5. punct. 2. §. 3. diffie. 3. num. 10. & alii plures dicunt, quod omnes Incestus specie differant, & per consequens necessarium, opus esse in confessione aperiendum, in quo gradu fuerit commissus: Alii verò docent, & probabiliter, Incestus inter consanguineos, & affines, non differre specie in genere moris, ac proinde Pœnitentem, per se loquen-

do, non teneri explicare circumstantiam consanguinitatis, vel affinitatis, neque diversitatem graduum; ita Diana par. 1. tra. 7. ref. 31. cum D. Thom. 2. 2. quæst. 154. art. 9. Cajetano ibidem, & aliis ibidem congelis, & par. 5. tract. 14. ref. 56. §. quæro sextò: Quorum ratio est, quia talis circumstantia non mutat speciem Incestus, sed solum aggravat intra eandem speciem, sicut maior, vel minor quantitas rei ablatæ in furto, ut dicam in hoc titulo ad Int. 21. Tamen nunc dico, & iterum dicam, & affirmabo ad Inter. seq. primam sententiam esse probabilior, & magis tutam in praxi: Unde gradus Incestus exprimendos esse in confessione, non dubito; & licet ipse teneam, circumstantias aggravantes intra eandem speciem non esse in confessione necessaria aperiendas, ut asserui in tit. 36. de circum. peccat. ad Int. 3. nihilominus puto certum, quod qualitas personæ, cum qua committitur Incestus, non sit circumstantia actus, seu peccati, sed potius quid pertineat ad substantiam actus, seu ad integritatem malitiæ substantialis actus in individuo considerati; & consequenter non sufficere, se accusare commississe incestus, sed teneri explicare gradus incestus: Nec D. Th. est nobis contrarius, solum enim loco supra cit. ad 2. docet, incestus inter consanguineos, & affines, non differre specie: Vide Layman lib. 1. tract. 2. qu. 10. n. 3. Coninch. Rodriguez, quos refert, & sequitur Cabrin. de cas. reserv. part. 2. cas. 5. annot. 4. num. 17. quibus addo Bonac. loco supra cit. qui alios concordantes adducit; & ita est in praxi tenendum, etiam ubi peccatum incestus non est casus ab Ordinario reservatus.

403 Inter. 14. Qui peccavit cum sorore in primo gradu, sufficitne si dicat in Confessione, Pater commisi peccatum incestus bis, aut semel &c. non explicando gradum?

Rsp. Aliqui dicunt non sufficere, & quod de necessitate sit confitendum, in quo gradu fuerit commissum. Sed oppositum sentiunt alii, docentes, quod dammodo non sit casus reservatus, sufficiat: quia non differunt specie licet in genere moris gravius sit se miscuisse cum sorore in primo gradu, quam in 2. 3. & 4. Diana par. 1. sr. 7. ref. 31. & par. 3. tract. 4. ref. 67. & alii apud ipsum. Tamen prima sententia est probabilior, & magis tuta in praxi. Vide ad Inter. antecedentem.

404 Inter. 15. Qui copulam sodomiticam habet cum consanguineo, vel affine, teneturne gradus consanguinitatis in confessione explicare?

Rsp. Doctores in hoc non conveniunt; sed mihi videtur, si talis concubitus habeatur cum

cum affinibus, vel consanguineis in linea trāsf-
versali, explicandum esse gradum Personæ
utque ad secundum gradum; si verò cum con-
sanguineis in linea recta, aperiendum esse in
quocunque gradu, quia talis actus continet
specialem malitiam contra pietatem, & re-
verentiam consanguineis debitam, Bonacin.
de matrim. quest. 4. pun. 11. nu. 8. & seqq. Verùm
qui tenet, circumstantias aggravantes intra
eamdem speciem non esse in Confessione aperi-
endas, docet posse aliquem probabiliter in
tali casu se accusare de actu sodomitico
tantum eum Consanguineo, vel Affine, sine
explicatione gradus primi, & secundi, cum
quibus habita fuit dicta copula. *Diana part. 3.
tr. 4. ref. 101. & ref. 159. vers. secundum, & par. 7.
traff. 12. ref. 18.* ubi quoque utrumque pro-
babile putat. Mea denique sententia est eam-
dem cum Bonac. circa primum, vel secundum
gradum; circa tertium verò, aut quartum,
teneri poenitentem in Confessione dicere, se
commisisse sodomiam cum consanguineo, aut
affine, non tamen teneri ad explicationem
gradus.

405 Inter. 16. Si quis in Confessione dice-
re nollit, an fuerit agens, vel patiens; sed
tantum diceret, exercui toties actum sodo-
miticum, debetne absolvi?

Resp. Non debet absolvi (& ferè ubique
est casus reservatus) propter pollutionem,
quæ contingit in agente; & hec sententia
est probabilior. Lugo *de Sac. disp. 16. numer.
423.* Oppositum tanquam probabile docet
Diana part. 3. traff. ref. 159. & par. 5. tr. 14. ref. 56.
alios allegans. *Mazzucchel. de cas. refer. disp. 1.
cap. 22. q. 2. n. 21.*

406 Inter. 17. Qui concupivit, aut deflo-
ravir virginem, teneturne circumstantiam
virginitatis fateri? & quid si illa spontè con-
sentiat?

Resp. Dico, quòd teneatur, quamvis illa
consentiente defloraverit; nam communis
D.D. sententia docet, stuprum habere specia-
lem malitiam, si ve puella consenserit, si ve
dissenferit; & ita tenent plures Doctores,
quos refert, sequitur Bonac. in *traff. de pec-
catis disp. 5. quest. 5. sect. 2. pun. 2. §. 3. diffi. 3. nu.
8. de matrim. quest. 4. pun. 17. nu. 2.* & hanc sen-
tentiam probabiliorē, atque tutiorem
vocat. Vide igitur quæ dixi in tit. 36. ad Inter.
11. & dic, quòd licet, qui concupiscit virgi-
nem, non habeat voluntatem inferendi ei
violentiam, adhuc teneatur hanc circum-
stantiam in confessione aperire, cum sit pro-
babilius, & tutius.

407 Inter. 18. Episcopus, si peccat morta-
liter, teneturne explicare in Confessione cir-

cumstantiam, quòd est Episcopus?

Resp. Mihi satis probabile videtur, quòd
non teneatur, nisi peccatum publicum sit,
quod scandalum pareret, quia in tali casu ef-
fet circumstantia in Confessione aperienda,
cum teneatur Episcopus non solum verbo,
sed etiam exemplo pascere subditos; ac
proinde esset specialis malitia ultra pecca-
tum commissum, Idòque manifestanda in
Confessione. *Sanchez de matrim. tom. 2. lib. 7.
disp. 27. n. 33. Filiucius tom. 3. traff. 30. cap. 7. nu.
525. & alii, quos allegat, & sequitur Diana
part. 1. traff. 7. ref. 6.* Et id, quòd dictum est de
Episcopo, intelligendum est etiam de Gene-
rali alicujus Religionis, ut docent præciti
Doctores. Sed vide Toletum *lib. 5. cap. 4.
num. 8.*

408 Inter. 19. Si quis dormiret cum Ama-
fia, vel Concubina, teneretur explicare in
Confessione numerum copularum, vel suffi-
ceret tantum dicere, dormivi cum quadam
fœmina, & feci, quòd potui?

Resp. Dicendum est, quòd teneatur aperi-
re numerum peccatorum, scilicet semel,
vel bis fornicatus sum; quia sunt peccata dis-
tincta, nec unum respicit, & ordinatur ad
alterum; ergo necesse est in casu nostro aperi-
re in confessione, per tot vices eam cognovisse,
quamvis non habuerit Interruptionem
mentis, vel operis; & ita tenendum est omni-
nino contra Zanardum, quem impugnat
Diana part. 3. traff. 4. ref. 67. Vide *Zerulam in
praxi panis. cap. 12. quest. 15.* apud ipsum *Dia-
nam part. 1. tr. 7. ref. 39. prop. finem.*

409 Inter. 20. Sufficitne in Confessione di-
cere, commisi mortale furtum toties, non
explicando quantitatem furti?

Resp. Multi multa dicunt, tamen probabi-
liter puto cum *Diana part. 1. traff. 7. ref. 14.* &
aliis, quos ipse sequitur, necessarium non ef-
se aperire furti quantitatem, quia quantitas
non mutat speciem, sed solum aggravat.
Contrarium placet *Victoriz de Confess. sub nu.
163.* Sæ *verb. Conf. n. 18.* Bonac. *de Sac. disp. 5. qu.
5. pun. 2. §. 3. difficul. 1. num. 6.* Utraque sententia
est probabilis.

410 Inter. 21. Qui omisit aliquo die totum
Officium, vel notabilem partem illius, te-
neturne in confessione explicare id quod
omisit, vel sufficit, si dicat, peccatum mor-
tale commisisse in non persolvendo Horas Ca-
nonicas?

Resp. Dissensio est inter Doctores circa ta-
le dubium; Bonac. enim *de Horis Canon. disp.
1. quest. 5. pun. 1. nu. 9.* ait, non sufficere, sed
explicandam esse quantitatem Officii omis-
sam, si sit magna, & etiam numerum Ho-
rarum;

rarum; & ita quoque docent nonnulli apud ipsum, & apud Dian. *par. 2. tract. 12. ref. 23.* Sed ego non minus probabile puto cum ipso Diana, & aliis ab eo allegatis, non esse circumstantiam necessariam aperiendam in confessione; sed satis esse, si se accuset asserendo commississe culpam mortalem in omissione Horarum. Squillante de obligat. *Cler. par. 1. dub. 33. numer. 70.* & alii plures. Et ratio est, quia Officium unius diei est unum totum integrale cadens sub uno præcepto, quamvis tamen peccatum tantò sit gravius, quantò plures partes omittuntur, non tamen, si totum omittatur, plura sunt peccata, sed unum, modò voluntas interdicta non fuerit. Sylv. in *Summ. verb. Hora sub nu. 15. verb. sextum, & n. 16.* Nav. in *Man. cap. 25. nu. 97.* Em. Sà *ver. Hor. Canon nu. 13.* & alii sic probabiliter docent teste Diana *loco cit. resol. 5.*

411 Inter. 22. Qui infamat aliquem, dicendo falsum, vel verum, occultum tamen, teneturne in confessione aperire, utro istorum modorum proximum infamaverit?

Resp. Non teneri, tuetur Diana *par. 5. tract. 14. resol. 56.* & alii per ipsum allegati quorum ratio est, quia istæ duæ infamationes conveniunt in ratione formali, quæ est intentio auferendi alteri famam. Sed contrarium mihi videtur probabilius, & in praxi tenendum; quia istæ duæ infamationes differunt specie, si enim verum dicit, sed occultum, peccat solum contra Iustitiam; qui verò falsum, peccat etiam contra veritatem, quæ in materia gravi graviter obligat; & hanc sententiam tenent Marcantius, & Jacobus Granadus.

412 Inter. 23. Qui diversis contumeliis Proximum affecit, vocando illum v. g. Sodomitam, Adulterum, Ebrium, Furem, Lenonem, &c. sufficere, quòd in confessione dicat, Toties contumeliis affeci Proximum meum, vel tenetur explicare numerum, & diversitatem contumeliarum?

Resp. Juxta ea, quæ docet Diana *punct. 3. tract. 16. ref. 1.* & loco *suprà cit.* sufficit, quòd Pœnitens dicat, Pater bis, ter, vel pluries, circumcirca, graves contumelias dixi adversus Proximum meum; nec opus est, quòd sic se accuset, nempe illum vocavi Sodomitam, Adulterum, Furem, Lenonem, &c. nam satis est dicere, Toties gravibus contumeliis Proximum affeci. Præter Dianam, ita quoque docet Cajetanus in 2.2. *quest. 72. ar. 1.* Emman. Sà *verb. Contumelia n. 1.* & plures alii, quos citat, & sequitur ipse Diana *par. 1. tract. 7. resol. 28.* Vide etiam Bonac. de *pœnit. disp. 5. quest. 5.*

sect. 2. pun. 2 §. 3. diff. 3 sub num. 18. vers. addo ubi tandem concludit, hanc opinionem esse probabilem, & in praxi sustineri posse non dubitat.

413 Inter. 24. Quando pœnitens confitetur se odisse proximum; teneturne explicare mala volita, vel an odium fuerit circa personam, vel facultatem, vel honorem?

Resp. Affirmant Suarez, & Sylv. apud Dianam *par. 1. tract. 7. ref. 30.* nam dicunt, afficere proximum injuria in vita, vel in fama, esse peccata diversa contra iustitiam, propter diversitatem materiæ, & consequenter pari modo facere diversitatem in odio, necessariò explicandam in confessione. Sed ego puto non minus probabile oppositum cum Cajetan. in 2.2. D. Thom. *quest. 34. ar. 6.* Turrianio, & Valentia, quibus subscribit Bonac. de *Præcept. Decal. disp. 3. quest. 4. punct. ultim. §. 1. nu. 10. vers. observa tamen,* & tenet etiam Diana *ubi supra, & par. 3. tract. 4. ref. 67. §. in ref. 30.* ubi cum Homobono de Bonis sic inquit: In confessione non sunt explicanda mala volita, v. g. si fuerint circa facultates, vel circa personam, seu circa honorem; sed sufficit dicere, Toties odio habui proximum meum. Et ratio est, quia licet illa mala volita differant specie, tamen in casu nostro optantur sub una eademque ratione formali, quæ est odium proximi; neque currit paritas de damnis illatis quorum diversitas, in omnium sententia, affert peccata specie distincta.

414 Inter. 25. Teneturne Pœnitens in confessione exprimere, quòd peccaverit in confidentiam Jubilæi, & spe veniæ, & absolutionis impetrandæ?

Resp. Diana *par. 1. tract. 7. resol. 33.* cum Pitigiano, Facundez, & aliis docet, quòd non teneatur hanc circumstantiam in confessione aperire, & hoc ego puto verum.

415 Inter. 26. Teneturne reptere confessionem, qui confitetur confessario aliquando dormienti, aut non advertenti ob surditatem, vel animi distractionem?

Resp. Dicunt quidam, confessionem iterandam esse, quia confessio est accusatio sui ipsius, ac proinde erit nulla, si à Iudice non intelligatur. Vide Dianam *par. 3. tract. 4. resol. 109.* & ita etiam videtur innuere Bonacin. de *Sacram. disp. 5. quest. 5. sect. 2. pun. 3. numer. 14. in obiectione.* Tandem Diana cum Henriquez lib. 5. cap. 14. numer. 5. & Layman lib. 4. tract. 6. cap. 9. numer. 5. oppositum docent, & sustinent, dummodò sine culpa pœnitentis hoc accadat, & bona fide sua peccata aperuerit, quia essentia, & effectus Sacramenti

confitere potest absque integra peccatorum explicatione; unde copula in solo confessario transfunditur. Verum est tamen, quod tenetur Pœnitens, quando cognoscit, vel dubitat confessarium, unum, vel plura peccata nullo modo intellexisse, illa peccata, vel alia postea, si ea commiserit, in sequenti confessione iterum explicare: ut ab omnibus directè, & in specie absolvetur. Vide iterum Dianam *part. 4. tit. 4. ref. 198.*

416 Inter. 27. Quid debet facere pœnitens quando advertit se recepisse Sacramentum pœnitentiæ in excommunicatione; teneturne reiterare confessionem?

Resp. Pœnitens, postquam cognoverit se irritum esse censuram, satisfacit petendo absolutionem censuræ, & confitendo peccatum, cui est annexa censura, quam per ignorantiam, vel oblivionem prætermiserat confiteri; nam ejus confessio non fuit nulla, ideoque non est necesse ut irritetur. Vide Bonac. *de cens. disp. 2. qu. 2. pun. 2. §. 2. nu. 2.* & est communis sententia.

417 Inter. 28. Qui scienter, & malitiosè fecit unam confessionem invalidam, sed continuavit alias bona fide cum ignorantia invincibili, vel inadvertentia ad primam; teneaturne, quando advertit ad eam malitiosè factam, reiterare omnes confessiones; vel sufficit, quod solum se accuset de nullitate illius confessionis, & de peccatis in illa confessis?

Resp. Non est opus præteritas confessiones reiterare, sed satis est hanc solam cum peccato, vel defectu in ea commissio aperire; nam confessiones intermediæ validæ fuerunt & semper validæ remanent, Sancius, Vasquez, & alii, quos citat, & sequitur Diana *part. 3. tract. 4. ref. 108. §. Notandum*, Card. de Lugo *de Pœnit. disp. 16 sect. 1 §. num. 599.* Anton. Cotonius *lib. 2. de Sacram. pœnit. contr. 6. nu. 78.* plures alios allegans, & Antonius à Spiritu Sancto *de Sac. pœnit. tract. 5. disp. 9 sect. 3. numer. 686.* testatur de communi.

418 Inter. 29. Qui reperit fecisse invalidè confessionem, eò quia prætermisit aliquod peccatum mortale confiteri sine justa causa teneaturne in alia confessione omnia peccata singillatim repetere, vel sufficit, quod se accuset solum de illo peccato voluntariè prætermisso?

Resp. Dico, quod si Pœnitens confiteatur apud alium confessarium, certè tenetur omnia peccata singillatim repetere, eademque denuò recensere: Si verò confessionem reiterat apud eundem confessarium, qui prius ejus confessionem audierat, sufficit, si dicat,

Pater confiteor tibi omnia peccata, quæ antea dixeram, vel dico meam culpam de iis, quæ prius tibi dixi in alia mea confessione, subiuncto tamen in particulari illo peccato in prima confessione prætermisso, addendo se illud malitiosè omisisse, & aliis quoque, post illam confessionem si quæ fuerint ab eo commissa: Hoc tamen intelligendum est, dummodò confessarius saltem in genere, vel confuso recorderet status Pœnitentis, vel saltem penitentiæ ei injunctæ. Ita firmant Sylv. in *Sum. verb. Confes. 1. sub num. 4.* Navar. in *Man. cap. 9. num. 16.* Tolet. *lib. 3. cap. 10. num. 6.* Em. *S. verb. Confessio num. 8.* Bonac. *de pœnit. disp. 5. quest. 5. pun. 3. sub num. 1 §. Et alii omnes:* Quod planè intelligi debet etiam quoad responsionem ad interrogationem 33. ubi agitur de illo, qui ob verecundiam omisit aliquod peccatum confiteri: Etenim cum ibi dico, *Verum est tamen, quod si confiteatur cum eodem Confessario, sufficit solum illud peccatum confiteri*, intelligo sufficere solum illud peccatum confiteri in particulari, seu specialiter, cum aliis compertum sit apud omnes scribentes, debere penitentem de aliis peccatis se accusare in genere, & in communi, ut dictum est supra; & ita omnino fieri debet ex consensu omnium Doctorum. Vide etiam Dianam *part. 4. tract. 4. resolut. 203.* & Jac. Mancinum *prædict. 4. dub. 36.*

419 Inter. 30. Teneaturne pœnitens iterum confiteri peccata reservata, à quibus fuit à Superiore absolutus, omitendo alia non reservata inferiori confessario?

Resp. P. Simeon à S. Cruce in *Memor. Theol. tom. 2. de Pœnit. questio 53.* dicit, quod non teneatur. Idem docet Bonac. *de Sacra. disp. 7. qu. 7. pun. 5. §. 3. numer. 4.* cum Suar. Conincho, Nugno, Valq. & aliis: sed mihi magis placet oppositum, quod teneatur Sylv. *verb. Confessio 1. num. 19.* Navar. in *cap. consideret, de pœnit. dist. 1. §. 5. cautus num. 12.* Victoria in *Summ. de Confessione questio 162.* Tolet. *lib. 3. cap. 8. num. 5.* Vidorellus in *Addit. ad Em. S. verb. Absolutio sub num. 24.* Diana *part. 3. tract. 4. ref. 74.* & alii plures: Uni igitur confessario pandenda esse omnia peccata, probabilius puto cum præfatis Authoribus, ad hoc ut integra sit confessio, cum Christus Dominus præcipiat omnia peccata manifestari uni Sacerdoti, propter confessionis integritatem, quæ non ita facilè est frangenda, ut docent etiam Doctores primæ sententiæ, ergo &c. & hæc est sententia D. Th. in *4. dist. 12. quest. 3. art. 3. quæstioncula 4. ad 6.* Et Oposcul. 19. qui adducit probabilem rationem ex similitudine corporalis infirmitatis, quæ uni medico tota detegenda est,

est, ac tandem deducitur ex cap. omnis, de penis. Et remiss. ubi præcipitur, quod omnia peccata proprio Sacerdoti, idest uni, & non pluribus dicantur Vide Sylv. loco supra cit. ex quo hæc, & alia plura habentur, & tene id, quod dicam in tit. 222. de Validitate Absolutionis ad Inter. 9.

420 Inter. 31. Si quis, dum puer erat, commisit multas pollutiones nesciens esse peccatum mortale, si postea advertat, teneturne omnes confessiones repetere, vel sufficit dumtaxat illas pollutiones manifestare?

Resp. Non tenetur repetere confessiones jam bona fide factas, sed sufficit, quod numerum pollutionum, scilicet plus, vel minus in confessione aperiat, Diana pars. 3. tract. 4. resolut. 108. & alii plures apud ipsum.

421 Inter. 32. Cajus, dum puer erat, confessus est Sacerdoti jurisdictionem non habenti, quid facere debet, si vir factus cognoscat hunc errorem?

Resp. Tenetur illam, seu illas confessiones, quas illi fecerat, dumtaxat iterare. Ita Navar. in cap. placuis de penis, dist. 6. num. 182. & ex eo Em. S. verb. Confess. num. 33. & rectè quidem; Nam si aliæ factæ fuerunt cum vero dolore, & proposito cavendi in futurum, validæ censentur, & semper validæ manent; & sic opus non erit iterare illas confessiones, quæ legitime factæ fuerunt confessariis jurisdictionem habentibus. Favet Dian. pars. 3. tract. 4. resolut. 108.

422 Inter. 33. Qui ob verecundiam omisit aliquod peccatum in confessione, teneturne totam confessionem repetere, vel sufficit, si se accuset de illo peccato omisso.

Resp. Tenetur totam confessionem repetere, quia nulla certè fuit, & est invalida. Verum est tamen, quod si confitetur cum eodem confessario, sufficit solum illud peccatum confiteri in particulari, & alia eidem confessa in genere, & addere, quod pro verecundia omisit, dummodo confessarius, saltem in confuso, status penitentis memoria habeat. Navar. in man. c. 9. n. 16. in fin. Tolet. lib. 4. c. 10. num. 6. propè fin. & alii plures. Vide igitur quæ dixi in hoc tit. ad Inter. 29.

423 Inter. 34. Peccatne mortaliter, qui confitetur propter vanam gloriam, vel ne notetur in Populo, vel alium finem, sed minus principaliter, ut absolvatur à peccatis?

Resp. Licet talis confessio sit cum peccato veniali, tamen quia veniale non est obex gratiæ, fieri potest, ut non solum illa confessio sit valida, verum & absolutio sit fructuosa; nam nil obstat, quominus quis possit spe ve-

nire obtinendæ, & gratiæ habendæ, confiteri, & tamen simul faciat id ob vanam gloriam, siquidem in tali casu adest intentio suscipiendi Sacramentum, & omnia requisita ad illius valorem. Diana pars. 4. sr. 4. ref. 212 & pro se citat Vsq. Sotum, & alios. Verum si finis mortalis adest, certè nil valet talis confessio, imò peccatum mortale fieret. Sotus in 4. dist. 18. quest. 3. art. 3. contra Sylvestrum: Et ita quoque dicendum est, si quis in vanagloria constitueret ultimum finem, ut optimè docet S. Thom. 2. 2. q. 132. art. 3.

424 Inter. 35. Qui ratione scandali, vel præcepti tenetur celebrare, vel communicare, & non adest, nisi confessarius approbatus in aliena Dicecesi, teneturne in tali casu dicto confessario ante celebrationem, vel communionem, confiteri?

Resp. Afirmat Cornejo in 2. 2. D. Thoma 11. 8. disp. 4. dub. 2. in fine quem citat, sed non sequitur Diana pars. 5. tract. 14. ref. 111. Sed mihi magis probatur sententia Sancio, quem sequitur ipse Diana ibidem, quia sic asserit: Obiter advertendum maxime erit, Sacerdotem habentem lethale crimen, & volentem celebrare, neque invenientem confessarium, qui sit ab Ordinario proprio approbatus, non fore contristum sua crimina aperire approbato in aliena Dicecesi, quia tunc meritò arbitratrur copiam confessarii deficere; nec tenetur quis aliorum opinionem sequi, propria deserta, multò minus in materia Sacramentorum, ubi Sacrilegii periculum evenire poterit. Ita Sancio in select. in edit. Lugdun. disp. 44. num. 13. Putat igitur Sancio (inquid Diana) in tali casu, deficiente confessario certo, non esse præmittendam confessionem cum confessario dubio: ultra, quod addo ego, sicuti quis non potest confiteri Sacerdoti non approbato, nisi in periculo mortis; ita neque approbato in aliena Dicecesi, cum confetur tanquam simplex Sacerdos in loco, ubi non est ad confessiones audiendas approbatus, ut omnes Doctores fatentur: ergo qui ratione scandali vitandi, vel ratione præcepti tenetur celebrare, vel communionem sumere, eliciat actum contritionis cum proposito confitendi, & sic celebret, vel communionem sumat; siquidem idem est, ac si copiam confessarii non haberet.

Sed adverto, multos graves DD. (apud Leandrum pars. 2. tract. 7. disp. 7. resolut. 25. & 27.) docere, nec simplicem Sacerdotem posse in die festo celebrare absque confessione cum sola contritione, si non habeat aliam Missam, quam audiat; nec similiter Laicum cum sola contritione communicare, ut præcepto Pal-

Paschalis communionis satisfaciatur. Ipse tamen Leander cum aliis multis oppositum docet, quibus libenter adhaereo.

425 Inter. 36. Sacerdos conscius peccati mortalis, qui ob necessitatem urgentem, non praemissa Confessione, celebrat, teneturne sub peccato mortali, quam primum postea confiteri?

Resp. Dico primò, esse præceptum, & non consilium in dicto casu confiteri quam primum, & habetur ex Conc. Trid. sess. 13. cap. 7. Et oppositum affirmari non potest, cum sit reprobata ab Alex. VII. propositio, quæ sic agebat: *Mandatum Tridentini sacrum Sacerdoti sacrificanti ex necessitate cum peccato mortali, confitendi quam primum, est consilium, non præceptum.* Quodd autem hoc præceptum obliget sub mortali, negat Thom. Tambur. in *meth. exped. comm. cap. 1. §. 6. num. 49. Et seq.* & pro se citat Villalobos, & Ledesma; sed est contra omnes Theologos Societ. Jesu, teste Diana p. 9. tr. 3. ref. 22. Itaque dicendum est cum communi DD. sententia, verba Conc. continere præceptum sub onere peccati mortalis, ut optimè ex Card. de Lugo, Nugno, Candido, Præposito, & Hurtado, firmat Diana loco citat. Unde si Sacerdos in dicto casu mortaliter peccare nolit, quamprimum confiteri procurare debet.

426 Inter. 37. Sacerdos, qui ex malitia, vel oblivione, aut quia copia Confessarii caret, cum peccato mortali celebravit, teneturne quamprimum confiteri?

Resp. Sacerdos, qui habet copiam confessarii, sed ex malitia celebravit cum peccato mortali, aut ex oblivione illud non confitetur, satis probabiliter dicunt quidam, quòd non teneatur postea, quamprimum confiteri, quia nullibi adest hoc præceptum, nisi in Trident. sess. 23. cap. 7. in fin. ubi sic habetur: *Quòd si necessitate urgente Sacerdos absque prævia Confessione celebravit, quamprimum confiteatur.* Ergo cum Conc. non exprimat, Sacerdotem ex malitia celebrantem, non videtur obstrictus post celebrationem, quamprimum confiteri; Conc. enim facile sibi potuit persuadere, Sacerdotem ex malitia celebrantem, non statim expiaturum sua peccata per confessionem, cum temerè ausus sit grave sacrilegium ex malitia perpetrare in Eucharistiæ Sacramento suscipiendo. Et hoc multò magis dicendum videtur de Sacerdote, qui sui peccati invincibiliter oblitus, non præmissa confessione celebravit. Ita firmat Diana ea p. 9. tr. 3. ref. 26. qui pro hac sententia citat Suarez in 3. part. to. 3. disp. 66. sect. 7. Leandr. de Sac. to. 2. tract. 7. quest. 5. Stephanum à S. Grego-

rio de Sac. lib. 3. cap. 16. n. 12. Marcerum, Gradano, Fill. Bonac. de Sac. disp. 2. quest. 6. punct. 1. num. 38. Et 39. Verùm Sacerdos, qui non habet copiam confessarii, & urgente necessitate celebravit, tenetur quamprimum poterit, confiteri; deducitur ex Conc. Trid. loco cit. & ex Rubr. de defectibus dispositionis Animæ in Missali Romano. Vide Calpensem in curs. Theol. tom. 2. tract. 22. disp. 9. sect. 2. num. 26. & præcipuè Dianam ubi supra ref. 24. 25. 26. Et seq. Et part. 10. tract. 19. ref. 78. Et part. 2. tract. 14. ref. 61. qui eleganter more suo diversos casus circa tale dubium resolvit, & concordantes adducit.

427 Inter. 38. In die Parasceves Sacerdos, qui urgente necessitate, aut quia non habet copiam confessarii, absque prævia confessione officium facit, teneturne quamprimum confiteri? Et quid dicendum, quando Sacerdos teneatur perficere Sacrificium ab alio inchoatum?

Resp. Certum est, quòd Sacerdos in tali die propriè Sacrificium non facit; tamen quia sufficit, ut exerceat actionem, quæ dicitur celebratio, sub cuius nomine Conc. suum decretum expressit; idcirco proculdubio, si erat in peccato mortali, quamprimum confiteri tenebitur; nam Rubrica Feriæ 6. Parasceves sic ait: *Celebrans fasila reverentia usque ad terram &c.* Ex quibus verbis satis deducitur id, quod intendit Conc. dictam obligationem imponens. Ita pluribus relatis resolvit Diana. ubi supra ref. 29. Et part. 10. tract. 12. ref. 26. Vide etiam Averfam de Sac. Euch. quest. 8. sect. 7. Calpensem loco supra cit. tract. 22. disp. 9. sect. 3. num. 27. & nostrum Stephanum à S. Gregorio de Sac. lib. 3. cap. 26. num. 12. Denique eodem modo tenetur confiteri quamprimum Sacerdos, qui complet Sacrificium ab alio inceptum, etiam post consecrationem, quia talis actio est propria Sacerdotis, & sub nomine celebrationis meritò comprehenditur, juxta communem usum, & sensum hujus vocis. Ita ex Amico, Calpen. Pellizario docet ipse Diana part. 9. tract. 3. ref. 30. Vide Emm. Sà verb. Confessio sub num. 43. in addit.

428 Inter. 39. Teneturne Sacerdos finita Missa, ad satisfaciendum illi præcepto, illico confessionem infruere?

Resp. Dicunt quidam, præsertim Sancius in select. disp. 32. num. 14 Sacerdotem adstrictum esse illico finita Missa confiteri. Alii verò cum quibus tenet Granadus in 3. part. contr. 6. tra. 10. nu. 16. docent, non peccare mortaliter, si ad crastinum diem confessionem differat; quam sententiam approbat Diana loco prox. cit. resolut. 23. Imò putat absque ullo pec-

peccato posse Sacerdotem in dicto casu intra triduum confiteri, quia id, quod intra triduum fit, dicitur fieri quamprimùm, aut ex incontinenti, *juxta l. fin. C. de errore advocat. l. fin. Cod. de judicis*; & ibidem Baldus, & Filius in *cap. Veniens*, *et cap. 2. de Testib. num. 15.* Mandosius de *Monitoriis quæst. 31. num. 8.* qui omnes docent, dici incontinenter probari, quod intra triduum probatur. Ex qua doctrina probat suam sententiam Diana, & refert Candidum *tom. 3. disput. 2. art. 22. dub. 2. et 3.* Trullench. Averfam, Pellizarium, Balsæum *verb. Comm. Sac. num. 39* Leandr. de *Sac. tom. 2. sr. 7. quæst. 53* & alios. Notat tamen ibidem, quòd si Sacerdos prima die habet commoditatem confitendi, non habiturus sequentibus diebus, teneretur non differre confessionem, ne longiori mora retardaretur. Et hoc mihi valde placet. Vide Campionum *Instr. pro Ordin. cap. 39 num. 53.* Cæterum non sunt audiendi, qui docent illud verbum Conc. *Quam primùm*, intelligendum esse usque ad aliam sequentem communionem, vel cum Sacerdos suo tempore confitebitur; nam est propositio 11. ab Alex. VII. reprobata anno 1666. die 18. Martii, & meritò, quia talis Sacerdos, ante aliam celebrationem, necessariò Jure Divino tenetur confiteri propter scientiam peccati mortalis, ut rectè docet Averfa de *Sac. Eucb. quæst. 8. sect. 7.* & alii. Vide iterum Dian. *part. 2. sr. 14 ref. 60. et part. 10. sr. 12. ref. 16.*

429 Inter. 40. Præceptum de præmittenda confessione ante Eucharistiæ sumptionem estne de jure Ecclesiastico, vel Divino?

Resp. Quòd præceptum de confessione Sacramentali peccati mortalis præmittenda ante sumptionem Eucharistiæ sit de Jure Ecclesiastico, nemo dubitat; nam ita fuit definitum in Concil. Trident. *sess. 23. cap. 7. et canon. 11.* Quòd autem sit etiam de Jure Divino, dubitant aliqui apud Dianam *part. 9. tract. 3. ref. 1.* Ipse tamen, & meritò, absque ulla dubitatione asserit, & probat, non esse purè Ecclesiasticum, sed etiam Divinum positivum; & hanc sententiam communiorè, & probabiliorè vocat Amicus in *Curs. Theol. tom. 7. disp. 26. sect. 1. num. 8.* qui Author *ibidem num. 11.* putat, quòd etiam si aliquis certa revelatione sciat, se per contritionem esse à peccato justificatum, adhuc teneatur ad Sacramentalem confessionem præmittendam ante sumptionem Eucharistiæ, & huic sententiæ adhæret ipse Diana *ubi supra ref. 2. et 3.* apud quem plura videri possunt. Vide etiam ipsum Dianam *part. 8. sr. 1. de Potest. Summi Pontificis ad Sac. resol. 51. ubi resolvit, non posse Pa-*

Tom. I.

pam dispensare, ut absolute aliquis in particulari sumat Eucharistiam cum solo actu contritionis, sine prævia confessione mortali.

430 Inter. 41. Diciturne habere justam causam scribendi peccata, & per scriptum confiteri, qui pro suæ conscientie quiete cupit confiteri cum aliquo Confessario furdastro, sed docto?

Resp. Mihi quidem videtur justam habere causam, siquidem aliquando poenitens iustissime facere videtur, adeundo confessarium illum, ut melius sibi consulat, præsertim si illum doctiorem, & pro suæ conscientie quiete aptiorem, & meliorem invenerit: & hoc magis verum est in locis quibuscumque, ubi non adfuerint confessarii ad sufficientiam, aut saltè minus periti experiuntur; nam juxta cap. *Quem panitet de penis, dist. 1.* poenitens discretum debet eligere Sacerdotem, cui confiteatur, qui sciat *ligare, et solvere*, & omnino Sacerdoti meliori, quam potest, confiteri debet, cum ex confessariorū ignorantia multarum perditio animarum quotidie conspiciatur, ut asserit Corradus in *suis resp. q. 3. in Addis.* Dicendū est igitur, quòd sicut puella, vel alius propter nimiam verecundiam validè, licetque potest confiteri per scriptū, ita potiori ratione possit quisvis alius eodem modo confiteri cum aliquo confessario docto, licet furdastro; nam confiteri cum docto longè melius est, quam cum alio minus perito, ut compertum est apud omnes, nec consuetudo Ecclesiæ proprio ore confitendi obligat cum tanto rigore in casu nostro. Undè ad tollendum scandalum pusillorum puto licere id quod dixi, dūtaxat si confessio in casu præsentis excipiat in cubiculo ipsius confessarii, vel in aliquo alio secreto, & honesto loco, & poenitens sit masculus, non autem femina. Nec obstat cap. *Quem panis, supra cit.* ubi dicitur, quòd quilibet confiteri debet non per nuntium, vel per epistolam, aut per scriptum, ut majori afficiatur verecundia, quæ partem poenitentiae relevat; non obstat inquam, quia intelligitur de confessione, quæ sit non præsentem Sacerdote, quod ultra concedo. Sed confessio in casu de quo loquimur, fit Sacerdoti præsentem facie ad faciem, consequenter non abest verecundia, ut per se patet, & docet Sylvester *verb. confessio 1. sub num. 16. prop. finem.* Ultra quod verecundia non est conditio necessaria simpliciter ad validitatem confessionis. Tandem si cap. *Quam panitens.* nolit confessionem esse faciendam per scriptum, adhuc intelligi debet, quando commodè verbo fieri potest, & non aliàs, ne contradicat

H

cap.

cap. Qualis 30 q. 5 ubi conceditur posse quemlibet confiteri per scriptum, & ad hoc propositum citatur à Sylvestro, Navar. & Sà *locis supra cit.* ergo cum jura iuribus debeant concordari, & jurium correctio sit evitanda, juxta *cap. Cum expediat, de elect.* in 6. intelligendum erit, ut dixi, salvo &c. Vide sequentem Resp. & Dianam *par. 11. r. 7. ref. 1. vers. Nota hic.*

431 Inter 42. Pœnitens, qui confitetur per scriptum Confessario præsenti, quando Sacerdos legit schedulam, in qua scripta sunt peccata, etne opus, ut ipse pœnitens voce confirmet, vel nutu, si sit mutus, id, quod scripsit in schedula?

Resp. Affirmat Corradus in *Resp. qu. 14. & 68.* & si pœnitens nihil ampliùs dicat, nec voce, nec nutu confirmet, putat nullam esse Confessionem; & ita est in praxi tenendum, licet Suarez *tom. 4. de penis. disp. 21. sect. 3. num. 7.* doceat moraliter necessariam nō esse aliud speciale signum, sed sufficere, ut peccator, qui scripturam illam offert Sacerdoti, eam offerat loco accusationis suæ, signa contritionis exhibendo, & petendo ab eo pœnitentiam, & absolutionem, eamque expectando humiliter, dum Sacerdos legit peccata, & denique satisfactionem acceptando, quam Sacerdos imponit. Verùm Chaves in *Summa Victoria ubi de Confessione num. 160* inquit: Credo, quod tunc licitè fiat Confessio per scriptum, si pœnitens signis annuat, quod confitetur illa. Quod confirmat sententiam Corradi, & nostram.

432 Inter. 43. Teneturne quis aliquando confiteri per scriptum?

Resp. Qui alio modo confiteri non potest, & urget præceptum cōfiteendi, ut in Paschate, & in periculo, vel mortis articulo, tenetur confiteri per scriptum, vel quia est mutus, vel quia non habet nisi Cōfessarium surdum; non enim videtur deobligandus homo à lege tanti momenti, dum scribere peccata, & scripto confiteri non est medium magnæ difficultatis: ergo qui aliter non potest, tenetur scripto confiteri, ut docet Granadus *de Sac. in 3. par. D. Thoma cont. 7. tract. 1. disp. 9. sect. 1. num. 4.* Nugnus, Turrianus, Becanus, Vasquez, & alii plures cumulat à Diana *par. 3. tract. 4. resol. 128. & par. 5. tract. 6. resolut.* 4. qui pro opposita sententia nonnullos alios adducit, asserens utramque opinionem probabilem esse. Vide Aulonium in *Summa Diana verb. Confessionis modus numer. 59.* Bonac. *de Sac. disput. 5. quest. 5. sect. 2. par. ult. num. 6.* ubi docet ex aliis, esse verum quod dixi, quoties per scriptum possit pœnitens confiteri sine suo gravi incommodo, & absque periculo,

& damno propriæ famæ. Sed Suarez *loco proximo cit. sub num. 2.* asserit, quod non solum pœnitens possit ita confiteri, sed etiam teneatur in articulo necessitatis, quia illa est materia indubitata, & facilè, & sine inconvenienti exhiberi potest; & sic ego puto tenendum in praxi, quia, ut inquit Vasquez in *3. p. tom. 4. q. 91. art. 4. dub. 5. num. 2.* non obstat scriptum periri posse; nam absoluta Confessione potest statim rumpi, & paulò ante Confessionem ita scribi, & custodiri, ut non perdatur &c. Itaque huic periculo publicationis facilè potest occurrì, adhibendo remedium, quod est, ut docet idem Vasquez, & alii, post lecturam Confessarii, ut lanietur, aut comburatur scriptum. Vide Dianam *p. 11. r. 7. ref. 1. vers. Sed si aliquis.*

433 Inter. 44. In articulo mortis teneturne quis confiteri per interpretem, si alio modo non potest?

Resp. Dico primò, neminem teneri, per se loquendo, Confessionem facere per interpretem, quia Confessio fieri debet secretò, quamquam non sit de essentia Confessionis, ut secretò fiat cum solo Sacerdote, ut pluribus relatis ostendit Bonac. *de Sac. disput. 5. qu. 5. sect. 3. §. 2. par. 2. nu. 21. & 23.* Ex quo inferitur validam esse Confessionem, quæ fit per interpretem coram Sacerdote præsente, pœnitente annuente, seu confirmante nutibus id, quod per interpretem exprimitur, ut rectè probat idem Bonac. *loco citat.* Victoria in *Summ. ubi de Confessione num. 173* & alii. Dico secundò, teneri pœnitentem per interpretem confiteri, quando in articulo mortis existit, præsertim si advertit se non posse contritionis actum elicere de gravibus peccatis, quorum aliàs non obtinuit absolutionē directè, vel indirectè; nam periculum Animæ præponderat jacturæ famæ, & aliorum bonorum externorum. Imò si probabiliter dubitat non habere contritionem, ex charitate utique tenetur confiteri per interpretem, ne se exponat periculo damnationis æternæ; quia cum absolute teneatur Deo satisfacere, merito in casu dubio obligatur, ut docent Turrianus *de penis. quest. 9. art. 2. disp. 32. dub. 1.* Suarez *tom. 4. disput. 36. sect. 6.* & alii quos refert, & sequitur Dian. *par. 3. tract. 4. ref. 129. vers. dico secundò.* An autem teneatur in tali casu confiteri omnia peccata mortalia in specie, vel sufficiat, ut se accuset de venialibus, & in genere de mortalibus, dicendo se confiteri alia omnia peccata, quibus Deum offenderit, non conveniunt Doctores, ut videre licet apud Dianam *loco cit.* qui tamen concludit, consulendum esse, ut in tali casu

moribundus omnia peccata confiteatur, quia interpres tenetur servare sigillum, sicut Confessarius. Cæterum si quis solum vellet confiteri aliqua peccata, & tacere peccata majoris infamiae, confessio esset valida, quia in tali casu non tenetur facere Confessionem materialiter integram, sed formaliter, ut bene notant Suarez loco cit. *sect. 6. nu. 5.* Layman *l. 4. tract. 6. n. 5.* Nugnus in *addit. ad 3. par. q. 9. art. 3. diff. 2. ad argum. 1.* Facundez, Henriquez, & alii cumulatim ad Dian. ubi *supra*, quibus libenter assentior. Vide iterum Diaman *p. 3. tr. 3. ref. 72. & p. 11. tr. 7. ref. 1. per totam.*

TITULUS XLV.

De Conscientia.

Vide tit. de Caro. Int. 1. tit. de Infr. Int. 6. tit. de Sacril. Int. 7. tit. de Val. Conf. Int. 22.

434 I Nter. 1. Quid est Conscientia?

Resp. Conscientia, non est potentia, nec proprius habitus animæ, sed ejus actus, dirigens dictando aliquid faciendum, vel non faciendum. Ita S. Thom. *1. par. qu. 79. art. 13.* Navar. in *Man. cap. 27. num. 280.* Nicol. in *Flof. verb. conscientia*, P. Simeon ad S. Cruce in *suo Memoriali Theologico tom. 1. de affectibus human. questio 16.* Unde est quædam regula proxima actionum, quæ dicitur hic, & nunc tale malum esse fugiendum, & tale bonum amplectendum: Conscientia autem prohibente, si fiat aliquid, peccatum est, ut tradunt DD. communiter. Vide Bonac. de *Peccatis disp. 2. qu. 4. pun. 6 per tot.*

435 Inter. 2. Quid est synderesis?

Resp. Synderesis est habitus quidam naturalis, qui ex principiis operabilium naturaliter inditit, instigat hominem ad bonum, ac malo remurmurat. Ita colligitur ex D. Th. *1. p. quest. 79. art. 12. in ref. Nicol. in Flof. verbo Conscientia num. 1.* Unde synderesis est conscientiae principalis radix, & regula, quia ei proponit in communi omne malum esse fugiendum, & bonum amandum, & amplectendum. Et quamvis P. Simeon ad S. Cruce *loc. sup. cit. quest. 17.* asserat, synderesim esse actum, pro clara distinctione ipsius à conscientia, non per hoc negat esse habitum; nam ipse non tradit ibi definitionem synderesis, sed solum, an conscientia distinguatur à synderesi; actus quippe est habitus in exercitio positus, prout à me super hoc consultus recte respondit.

436 Inter. 3. Quotuplex est conscientia?

Resp. Alia dicitur recta, alia erronea; item alia certa, alia dubia, alia scrupulosa. Illa dicitur recta, quæ verè judicat aliquid esse faciendum: Erronea verò, quæ falsò judicat esse faciendum, vel non. Certa, quæ pro certo judicat: Dubia, quæ nullatenus judicat, sed manet suspensa; & Scrupulosa, seu Scrupulus, est inanis apprehensio, & hinc oritur timor, & anxietas alicubi esse peccatum, ubi non est. Ita communiter Navar. & alii. Vide etiam P. Simeonem ad S. Cruce *ubi sup. qu. 18. qui breviter, sed luculenter, de more suo, rem peccati tractat, & Bonac. ubi sup. n. 2. idem docet.*

437 Inter. 4. Peccatne, qui non facit id, quod faciendum per modum præcepti dicitur recta conscientia?

Resp. Certò peccat, quia facit contra obligationem; nam conscientia recta est regula proxima voluntatis derivata à prima, & principali regula omnium actionum humanarum, scilicet Lege divina, & æterna, ut docet S. Th. *1. 2. quest. 19. art. 3.* ergo qui non facit, quod dicitur conscientia recta, censetur facere contra voluntatis regulam, & consequenter peccat.

438 Inter. 5. Peccatne, qui facit aliquid, quod non est peccatum, putans ex conscientia erronea esse peccatum?

Resp. Sine dubio peccat, nisi deponat conscientiam erroneam, & credat illud hic, & nunc, dum illud facit, non esse peccatum; est communis sententia, teste Bonac. *ubi supra num. 13.* Vide etiam Layman *lib. 1. tract. 1. cap. 4.* & me ipsum in *tit. 164. ad Inter. 1. & in tit. 99. ad Int. 1. & Cajet. loco proximo citando.*

439 Inter. 6. Qui expuit in terram, dum est in Ecclesia, credens committi peccatum irreverentiae, & sacrilegii, committitne de facto peccatum sacrilegii?

Resp. Si re ipsa expuit in terram, antequam rationabiliter deponat conscientiam erroneam, utique peccatum sacrilegii committit. Bonac. *ubi supra. nu. 19* & alii communiter. Vide Cajet. in *Summa verb. Conscientia.*

440 Inter. 7. Quid est scrupulus? & quomodo mitigari potest, & tolli?

Resp. Scrupulus est, ut dictum est supra ad Int. 3. Scrupulus mitigat sibi parum, & multum Christo fidere. Vide Navar. in *man. cap. 27. n. 290.* Scrupulus est deponendus consilio docti Viri, aut bona ratione, ut doceat plures DD. classici.

TITULUS XLVI.

De Consilio.

Vide tit. de Abor. Int. 2. 3. Et ad quas. tit. de Confessur. Int. 9. tit. de Differ. Int. 6. tit. de Dub. Int. 1. 3. tit. de Ebriet. Int. 5. tit. de Elect. Eccl. Int. 13. tit. de Excom. ob Cler. percus. Inter. 1. 3. 5. 16. tit. de Furt. Int. 10. tit. de Irreg. Int. 20. tit. de Rap. Mul. Int. ult. tit. de Reg. Eccl. Int. 37. tit. de Soc. crim. Inter. 11. tit. de Superst. Int. 7.

441 **I**nter. 1. Peccatne mortaliter, qui omnino parato facere majus malum, suadet minus malum, ut majus vitetur?

Resp. Dicunt aliqui, quod mortaliter peccet, quia inducere aliquem iussu, vel suasionem ad peccatum, per se malum est, & nullo casu licitum. Ita Cajetan. 2. 2. quæst. 78. artic. 4. notab. 3. Emm. Sâ verb. Peccatum num. 8. & alii; sed mihi probabilius videtur oppositum cum Navar. in man. cap. 17. num. 263. Sanch. de matrim. lib. 7. dispus. 11. num. 15. Layman. lib. 2. tract. 3. cap. 13. vers. Verum posteriori sententia, & lib. 3. sect. 4. num. 6. Bonac. de restitut. dispus. 1. quæst. 3. punct. 7. numer. 5. Et de irregul. dispus. 7. quæst. 4. pun. 8. sub num. 19. prop. fin. Cabrin. de cas. reserv. par. 2. cas. 7. in Corollario, & aliis penes ipsos. Et ratio est, quia suavorum absolutio non suadet malum, sive peccatum; sed solum suadet minus malum, ut vitetur majus. Imò, quia non inducit illum ad malum, sed abducit à parte mali (dum jam est paratus facere majus malum) recte agit, si delinquentem retrahit majori malo patrando, ut patet ex responsionibus, quas dedi ad Int. 2. & 3. Et ad quas. tit. 3. de Abortu, & quam dabo ad Int. 3. hujus tituli, & præcipuo ad Int. seqq. in hoc eodem titulo, & ad Int. ultimam tit. 98. de Furt. Vide Layman. loc. suprà cit. Cabrin. ubi suprà. & Dian. part. 5. tr. 7. ref. 19. circa finem, & p. 3. tr. 5. ref. 37. ubi plures Cõcordantes refert.

442 **I**nter. 2. Sempronius habet firmum propositum committendi adulterium cum Berta, possumne ei suadere, ut potius cum femina soluta fornicetur?

Resp. Dico, quod sic, quia malitia fornicationis continetur in adulterio; tamen nullam ei debes designare personam in particulari, cum qua possit fornicari, quia hoc esset inducere ipsam ad peccatum, quod nunquam est licitum, cū repugnet naturali precepto negativo, Non induces alterum in peccatum. Cabrinus de cas. reserv. par. 2. cas. 7. pag.

142. in Corollario. Vide Dianam p. 3. tr. 5. ref. 37. & p. 5. tr. 7. ref. 18.

443 **I**nter. 3. Titius firmiter in corde suo proposuit occidere Cajum, & jam occasionem, & opportunitatem quærit ipsum occidendi, possumne ego ei consulere, ut potius fuisse cædat, vel vulnus inferat, quàm vitam auferat?

Resp. Si non poteris animum Titii avertere ab occisione perpetranda, tutè quidem poteris ei consulere, ut fuisse cædat, vel tantum vulnus inferat, ad vitandum majus malum, quod est homicidium. Est communis sententia. Vide ad Int. 1.

444 **I**nter. 4. Qui dedit consilium interficiendi Clericum, sufficitne ad vitandam excommunicationem, & irregularitatem, si postea seriò tale consilium revocet, vel tenetur quoque monere occidendum, ut caveat?

Resp. Quia plus requiritur ad removendum effectum consilii, qui concernit ipsum operantem, quàm effectum mandati, qui agitur in gratiam mandantis; ideo consulens, si firmiter non credat, quod locum habeat revocatio, tenetur indicare occidendo, ut sibi caveat, saltem in generali; & ita docent Sylv. in sum. verb. Homicid. 1. sub num. 11. Tolet. lib. 1. cap. 34. num. 3. Avila de censur. part. 7. dispus. 6. sect. 2. dub. 4. conclus. 3. Henriquez, & Villalobos, apud Dianam part. 4. tract. 2. resol. 14. & alii plures: Quare si postea sequatur homicidium, non suavisor consilio, sed executoris malitiæ imputari debet, & consequenter dicendum est, quod qui dedit consilium interficiendi Clericum, non incurrat excommunicationem, nec irregularitatem, si consilium seriò retractaverit, & nihil omnino intermisit, quo homicidium impedire posset, ut optimè firmat Diana p. 3. tr. 5. ref. 183. Cabrinus par. 2. cas. 2. annot. 7. & alii multi penes ipsos, contra Bonac. de irregul. disp. 7. quæst. 4. pun. 8. num. 20. & alios. Vide Layman lib. 2. tract. 5. part. 2. cap. 5. nu. 7. ubi pulchra invenies in confirmatione hujus Responsionis.

445 **I**nter. 5. Si Confessarius in aliquo casu difficili dicat pœnitenti, velle consulere viros doctos, & pœnitens nolit, nec in genere quidem, consilium peti, debetne Confessarius illum absolvere?

Resp. Quamvis teneatur, dum Viros doctos consulit, nomen pœnitentis celare; tamen si hoc non obstante, pœnitens renuat in re dubia, & difficili, ut consilium Confessarius petat, est irrationabiliter invitatus, ideoque non debet illum absolvere, ut docet Sotus disp. 18. q. 4. art. 6. quem citat, & sequitur Victorellus in addit. ad Enum. Sâ verb. Confess.

sub

sub num. 32. *verf. Tacendum*; sed ne deferat videre Sylvest. *verb. Confess.* 3. num. 13. qui nonnullas regulas tradit circa tale dubium Vide etiam Rotarium in *Appar. pro exam. Cler. cap. 9. sect. 8. n. 10.*

TITULUS XLVII.

De Consuetudine.

Vide tit. de *Blasphemias*. Int. 9. 10. tit. de *Cas. refer.*
Inter. 6. tit. de *Cler. etc.* Int. 15. tit. de *Paroch.*
Int. 11.

446 **I**nter. 1. Qui habet peccata longa consuetudine inveterata, & nunquam se mendat, debetne statim absolvi, vel debet ei Confessarius absolutionem differre?

Resp. Dicunt aliqui, inter quos est Sancius apud Dianam *part. 1. tract. 7. ref. 55. prop. 5. inc.* peccatorem consuetudinariam in quocumque peccato, si dolorem habet de peccatis, firmamque propositum non peccandi de cætero, esse absolvendum, nec posse Confessarium ei beneficium absolutionis denegare, aut differre. Tamē hec opinio displicet aliis, & merito, cum persuasio communis DD. sit in contrarium, & à doctis, siquidem Confessariis communi usu recepta, pisiudem in dicto casu sicutum præsumitur pœnitentis propositum. Itaque dicendum est, si nulla de antea acta vita emendatio, nullusque profectus appareat, debere Confessarium medicinam adhibere ad præcavenda peccata futura, quæ sanè est dilatio absolutionis per aliquod tempus, plùs, vel minùs, ut ejus prudentia dictabit nam ita peccata graviora corriguntur, cū ex difficultate veniæ scelesti homines reddat minus proclives ad perpetranda peccata; facilitas enim veniæ incentivum tribuit delinquendi, ut desumitur *ex cap. est injusta*, 23. qu. 4. Ultra quod est Compertum apud omnes, quod consuetudo peccandi arguit infirmum emendationis propositum, ex quo sequitur consultum esse, peccatori recidivo, atque consuetudinario, non esse impertiendam toties, quoties constitetur, absolutionem, sed expectandum per aliquot dies, donec resipiscat, & emendatio aliqua appareat. Favet Tolet. *lib. 3. cap. 18. n. 3.* Em. Sà *verb. Absolutio* nu. 12. Layman. *lib. 5. tr. 6. c. 4. n. 10.* Card. de Lugo *disp. 14 de pœnit. sect. 8. nu. 160.* Tambur. in *meb. exp. conf. lib. 3. c. 3. § 6. per totum*, Gassianus à S. Elia in *Arbor. opin. mor. verb. Absolutio* §. 17. & alii plures, quos citat Diana *part. 1. tr. 7. ref. 55. in princ.* & tandem Bonac. *de matrim. qu. 4. pun. 14. nu. 14* (ubi loquitur præcipue de eo, qui est solitus se pollueri) sic habet, scilicet,

Tom. I.

Confessarium debere aliquando differre absolutionem, ut pœnitens cum majori proposito proponat evitare hujusmodi turpia peccata, Vide etiam Gabrinum *de cas. ref. par. 2. cas. 5. p. 117. & seq.* Imò asserere, absolutionem non esse differendam pœnitenti habenti consuetudinem peccandi, ethi emendationis spes nulla appareat, est falsum omnino, cum talis propositio sit reprobata ab Innoc. XI. anno 1679. quæ est 60. inter reprobata ab ipso. Vide igitur ea, quæ dicam, tum ad dnas proximè sequentes Interrogationes, tum ad Int. 4. tit. 153.

447 Inter. 2. Qui ex consuetudine se polluit, & post plures confessiones non se emendat, debetne toties, quoties constitetur, statim absolvi?

Resp. Dico, quod non, sed debet per aliquot dies absolutione privari, ut resipiscat, maxime si emendationis spes nulla appareat; & contraria sententia fuit damnata ab Innoc. XI. die 2. Martii 1679. & est propositio 60: quæ sic agebat, Pœnitenti habenti consuetudinem peccandi contra Legem Dei, Naturæ, aut Ecclesiæ, ethi emendationis spes nulla appareat, nec est neganda, nec differenda absolutio, dummodò ore proferat se dolere, & proponere emendationem. Si autem pœnitens magnæ contritionis tunc signa ostendat, potest absolvi, adhibita prius debita monitione, ut abstineat, & traditis aliquibus remediis ad abstinendum; nam est gravissimum peccatum, & difficillimæ emendationis. Efficax, & potissimum remedium est frequentissima confessio cum uno, eodemque Confessario, & ut fiat ter in hebdomada, si fieri potest: Est enim hoc Sacramentum maximum frænium. Toletus *lib. 5. cap. 13. à nu. 6. circa fin.* & *lib. 3. cap. 18. n. 3.*

448 Inter. 3. Si talis pœnitens, qui est solitus se pollueri, sit Sacerdos, vel est alius, qui non potest omittere communionem sine gravi infamia, debetne statim absolvi?

Resp. Si talis Sacerdos necessitatem habeat celebrandi, nec potest omittere sacrum sine gravi infamia, quod idem dicendum est de illo, qui non potest omittere communionem, debet absolvi, dummodò sit dispositus, & magnæ contritionis signa ostendat; aliàs non debet, nec potest absolvi sine gravi peccato, ultra quod absolutio ei impena esset nulla ex defectu veri doloris cum proposito non peccandi de cætero.

449 Int. 4. Peccatne mortaliter, qui habet consuetudinem jurandi falsum, sed inadvertenter? & debetne à Confessario absolvi?

Resp. Dicunt nonnulli, quos dat, & sequi-

H 3 tur

jur Diana par. 3. r. 5. ref. 63. & par. 10. traft. 14. ref. 23. juramenta indeliberata, orta ex prava consuetudine jurandi, nec in se ipsis esse peccata, nec in sua causa; & hanc doctrinam procedere etiam quoad blasphemias putant: sed aliis & mihi non placet, ut dixi in vir. 33. de castibus refero. ad Inter. 6. loquens de blasphemia; nam talia juramenta, seu blasphemiz sunt voluntariae in causa propter pravam consuetudinem ex gravi negligentia non correctam: Et ita docent Azorius tom. 1. lib. 11. cap. 3. quæst. 3. Sayrus in Clavi Regia l. 5. cap. 1. num. 10. Texeda, & alii plures, quos citat ipse Dian. ubi sup. Dico igitur, ut citò me expediám ab hac responsione, cum Bonac. de præcept. decal. disp. 4. q. 1. pun. 13. nu. 6. & aliis, quòd qui consuetudinem habet jurandi, & mentiendi, peccat mortaliter, si talem consuetudinem evellere non conatur, quia semper est in occasione proxima peccandi. Jo à S. Th. in Doctr. Christi. in 2. præceptum Decalog. prop. fin. Unde si ter, aut quater à Confessario admonitus, nullo usuf sit studio ad hanc labè tollendam, differat absolutio, nisi aliqua causa aliud velit. Ita ex Azorio docet Em. Sà verb. Juramentum sub num. 37. Verùm dic, si femel, aut bis à Confessario admonitus sit. Vide quæ dicam ad Inter. seq.

450 Inter. 5. Qui habet consuetudinem jurandi, sed inadventerter, peccatne mortaliter toties, quoties jurat?

Resp. Si jurat, nulla habita ratione illius, quod jurat, an verum, vel falsum sit, semper mortaliter peccat. Em. Sà in Aphor. verb. Jurament. sub num. 37. Azorius: alii apud Dian. par. 3. r. 5. ref. 63. Et ratio est, quia talia juramenta sunt voluntaria in causa propter pravam consuetudinem jurandi ex gravi negligentia non correctam. Oppositum tamen sustinet Diana ibidem cum aliis, præsertim Sancio in selectis disp. 20. n. 5. Laym. lib. 2. r. 2. c. 3. n. 6. in fine; & dicunt, quòd juramenta indeliberata, orta ex prava consuetudine, nec in seipsis esse peccata, nec in sua causa. Unde concludit Diana, quòd Confessarii faciant accusare poenitentes de negligentia in extirpanda prava consuetudine jurandi, & de reliquo aliquo non curent. Prima tamen placet sententia mihi. Vide Inter. Antecedentem.

451 Inter. 6. Qui habet consuetudinem blasphemandi, jurandi, adulterandi, fornicandi, aut se polluendi &c. si à Confessario interrogetur, an sit solitus talia peccata committere, teneturne poenitens ei fateri consuetudinem, & veritatem aperire?

Resp. Non teneri asserunt nonnulli, & præsertim Sancio, quem refert Diana par. 1. r. 7.

ref. 55. nec dissentit Nicolaus in Alesorb. Occasio nu. 2. Sed hæc opinio est contra torrentem Doctorem, ut patet ex Bonac. de Sac. disp. 5. q. 9. sect. 2. pun. 2. §. 3. diffie. 3. num. 22. & ex ipso Diana ubi sup. ref. 15. & 55. ac meritò fuit reprobata ab Innoc. XI. die 2. Martii 1679. & est propositio 58. inter alias ab eodem Pontifice reprobata.

452 Inter. 7. Estne idem habere consuetudinem, & occasionem proximam peccandi?

Resp. Non est idem; occasio enim proxima est extrinseca, consuetudo autem intrinseca, & à propria fragilitate nata, quam dicitur habere ille, qui est solitus se pollueri, seu molliorem committere, blasphemare, jurare &c.

453 Inter. 8. Qui vult se fundare in præscriptione consuetudinis immemorabilis, quomodo debet illam probare?

Resp. Debet illam servatis servandis concludenter probare per testes, qui debent deponere de quatuor requisitis, ut habet Gilof. in cap. 1. verb. Memoria, de præscript. Primò igitur debent deponere de visu per quadraginta annos. Secundo, de auditu à suis Majoribus, qui ab aliis audierunt. Tertiò, quod nunquam viderunt, nec audierunt servari contrarium. Quarto, de publica voce, & fama, per verbum fuit, & est, memoriam non extare, nec extitisse in contrarium. Ita Sperellus decis. 69. num. 21. & num. 26. addit, singulos testes de his requisitis debere deponere, & inter se esse testes; nec posse conjungi, si unus de uno, & alius de altero requisito deponant. Vide eundem Sperellum, qui alia plura ibi scitu digna tradit.

454 Inter. 9. Quenam dicitur consuetudo legitime præscripta?

Resp. Consuetudo decem annorum contra legem civilem cõsetur esse legitime præscripta, sed contra legem Canoniam requiritur spatium quadraginta annorum, ad hoc ut dicatur præscripta: contra Ecclesiam Romanam non datur præscriptio, nisi centum annorum spatio. Ita Em. Sà verb. Præscriptio n. 4. & est communis. Vide Dianam par. 6. traft. 7. ref. 8. & par. 6. traft. 5. ref. 2. qui par. 10. traft. 15. ref. 6. probat, consuetudinem 40. annorum derogare Regulæ Religioforum citra vota. Verùm hoc non obstantè fatetur posse postea Superiores illam reducere in pristinum statum, & citat Tambur. de Iure Abbas. tom. 3. disp. 5. quæst. 6.

455 Inter. 10. Estne tam inter præsentem, quam inter absentes, eodem modo intelligenda consuetudo præscripta?

Resp. Non eodem modo, quia contra Lai-

cos præsentem in eadem Provincia præscribitur regulariter decem annis; contra absentes viginti: Ita docet Sylvest. *verb. consuetudo n. Emm. S. verb. Præscriptio num. 4.* qui addit, idem esse, quando agitur de præscriptione contra bona patrimonialia Clericorum; sed si agatur de re Ecclesiastica, aut Religiosa, inter præsentem triginta anni requiruntur ad præscribendum; sed inter absentes quadraginta; contra verò Ecclesiam Romanam requiruntur centum, ut supradictum fuit in proxima præcedente responsione. Sed circa tale dubium, vide Dian. *p. 6. r. 5. ref. 3.* qui congerit Doctores diversè sentientes, sed utrumque dictum probabile putat.

TITULUS XLVIII.

De Contractibus, & Pactis.

Vide tit. de Beneficiis. Eccl. Inter. 2. tit. de Dub. ex contr. tit. de Famul. Inter. 2. tit. de Fess. dictus Inter. 8. tit. de Mutu. 5. tit. de Negot. Cler. & Rel. Inter. 2. 3. tit. de Negot. soc. tit. de Resp. recep. Inter. 3. tit. de Resp. Da. Inter. 7. 9. 10. 11. 12. 13. 14. 15. 16. 17. tit. de Sim. Inter. 2. 5. 19. 20. tit. de soc. crim. Inter. 11. tit. de Vendit. Eccl. Inter. 6. tit. de usur. Eccl. Inter. 4. 5. 7. 21. 22.

456 Inter. 1. Quid est contractus propriè acceptus?

Resp. Contractus strictè acceptus, est actus externus inter duos, vel plures, ex consensu ipsorum ultrò, citròque obligationem pariens. Bonac. *de contract. disp. 3. q. 1. pun. 1. num. 1.* Vel est obligatio quædam hinc inde confurgens ex voluntate contrahentium; & in hac definitione omnes DD. conveniunt. Vide Sylv. *verb. Contractus n. 1.*

457 Inter. 2. Quotuplex est Contractus?

Resp. Multiplex est, ut docet idem Bonac. *ubi sup. num. 21.* nam alius est onerosus, alius lucrativus, & gratuitus; alius fit in gratiam recipientis tantum, alius in gratiam tradentis tantum, alius in gratiam, & boni utriusque; alius est simplex, & absolutus, alius conditionalis; alius est licitus, alius illicitus; alius perpetuus, alius temporalis; alius dicitur nominatus, alius innominatus; alius dicitur bonæ fidei, alius stricti juris. Alii sunt contractus, qui perficiuntur re ipsa, alii perficiuntur solo consensu. Denique alius dicitur pactum nudum, & alius vestitum. Ita communiter DD. Sed vide Bonac. *loc. sup. cit.*

458 Inter. 3. Quinam sunt contractus nominati, & innominati?

Resp. Contractus nominati sunt, qui proprium nomen habent, ut sunt emptio, venditio, locatio, pignus, depositum, commodatum, & societas. Contractus verò innominati quatuor sunt species: Prima, do, ut des. 2. do, ut facias. 3. facio, ut des. 4. facio, ut facias. Sylv. *ubi sup. nu. 5.* Bonac. *loc. citat. & alii communiter.*

459 Inter. 4. Quid est Contractus Mohatra, seu Stocco, reprobatus ab Innoc. XI & est propositio 40. in suo Decreto reprobata?

Resp. Contractus Mohatra, est ficta venditio, cum quis indigenti nummis, alter dat merces cum pacto ad sibi retrovendendas pretio medio, vel infimo, & ipse venderat summo pretio indigenti. Unde est illicitus contractus, vel quia est mutuum tacitum, & usura palliata, vel quia additur onus iniustum, vel quia minoris iusto pretio retrovenditur. Vide D. Antoninum *p. 3. tit. 8. s. 3. §. 4.* Parpera in *Indice capios. par. 4. s. 3. r. n. 40.* Tolet. *lib. 5. cap. 31. num. 3.* Cafet. in *Summ. verb. Usura casu 10.*

460 Inter. 5. Quid est Quota? Et potestne Clienens cum Advocato, vel Procuratore, de quota pacisci?

Resp. Quota Ecclesiastica est certa bonorum pars debita Ecclesiæ ministris in ipsorum subsidium, ut docet Bonacina *de legibus disp. ult. quest. 5. pun. 2. 1.* An verò licitè, & sine peccato possit Clienens de quota litis pacisci cum Advocato, vel Procuratore, promittens tertiam, aut quartam lucri partem, negativè respondent communiter Doctores, ne via, & aditus Advocatis, & Procuratoribus aperiat, vinecedi lites per fraudes, ut parte promissa fruatur. Ita Bonacina *loc. cit. disp. 10. q. 3. pun. 4. prop. 4. num. 10.* & alii ab ipso relati. Em. S. *verb. Iudicialis actus*, & ibi de Advocato *n. 10.* Dian. *part. 2. tract. 16. ref. 47.* qui testatur de communi.

Quar. An licitè fieri possit pactum de quota litis, vel certa quantitate danda Procuratori, vel Advocato, in casu quo vincat litem, seu in casu victoriæ?

Resp. Huiusmodi pactum nequaquam licitè fieri potest, & absque peccato mortali, quia omnino est à lege prohibitum, ut patet ex l. *si quis C. de postul. & cap. arceantur 3. quest. 7.* & sicut reprobatur à iure pactum de quota litis danda Advocato, vel Procuratori, casu quo vincat; ita pariter reprobatur pactum dandi certam quantitatem, *juxta gloss. communiter receptam in l. sumptus ff. de pactis*, quia eadem est ratio: & quod dicitur de Advocato, dicendum est etiam de Procuratore, cum secundum omnes sit pariter eadem ratio, &

habetur in l. idem C. de Procuratoribus. Unde sicuti non licet pacisci de quota litis cum advocato, vel Procuratore, ne via, & aditus eis aperiat vincendi lites per fas, & nefas, ut dixi in Responsione ad Inst. ult. antecedentem ita neq; licet eis promittere aliquid pro palmario litis, nisi moderatæ quantitatis, juxta personarum qualitatem; nam Advocatus, vel Procurator debet esse contentus sumptibus, & salario moderato, cum aliquo palmario pro personarum qualitate temperato, secundum aliquorum sententiam; aliàs mortaliter peccat ipse, & qui ei occasionem peccandi præbet. Siquidem promittere magnum palmarium in casu victoriæ, est dare magnam occasionem tractandi causam illicitè: ergo est peccatum mortale, cum sit dare occasionem peccandi alteri, quam jus dare specialiter prohibet, ut optimè firmat Navar. tom. 1. conf. 4. lib. 1. de passis. Vide Sylv. verb. Advocatus n. 12. ubi rem perdoctè tractat, & tandem concludit, quod si nomine palmarii ultra mercedem aliquid promittitur Procuratori, vel Advocato in casu victoriæ, talis promissio sit licita, dummodò non sit de re magna, sed modica, juxta viri prudentis, & timorati æstimationem: addo ego, nam dato, quod Procurator perdat causam, non perdit laborem, cum mercedem habere debeat promissam. Quoad palmarium verò moderatum in casu victoriæ, non videtur prohibitum, quia cessat ratio dubitandi velle Advocatum contra conscientiam, per fas, & nefas, ad victoriam pervenire, ut tali palmario fruatur. Bonac. tom. 2. q. 3. punct. 4. n. 10. & alii apud ipsum Sed Toletus lib. 5. cap. 60. sub n. 6. prop. finem, & cap. 52. n. 4. hoc palmarium tanquam illicitum non admittit, & ego hanc ejus opinionem tutiorem esse arbitror, & in praxi sequendam consulo, cum magis faveat legi, & à peccatis removeat; non enim possunt Advocati, & Procuratores tuta conscientia exigere à Clientulis plusquam debent, ut docent Doctores communiter, ergo &c. Vide etiam Busemb. libr. 4. cap. 3. dub. 3. §. 8. ubi agit de tali dubio. Non nego tamen posse dari, & recipi aliquid licitè ratione gratitudinis, & benevolentiae; sed non tanquam ex justitiâ debitum, & excluso omni pacto. Tandem vide Navar. in Man. cap. 28. num. 30. & Armillam verb. Advocatus nu. 14. & 16. Cæterum attendenda sunt statuta, & consuetudines locorum, à Principibus, & Tribunalibus approbatæ. Alicubi enim exigere licet etiam coram Judice palmarium in casu victoriæ; alicubi non licet aliquid exigere ultra statutas taxas pro labore, ut hic Romæ. Quare respiciendum est in

hoc casu ad consuetudines, & statuta diversorum locorum; multum enim faciunt consuetudines locorum, & statuta, quando non sunt contra legem naturalem, & divinam.

TITULUS XLIX.

De Contritione.

Vide de Celebr. Mis. Inter. 8. tit. de Differ. Inter. 1. 2. tit. de Mem. Pec. Inter. ultim. tit. de Monib. &c. §. 13. 14.

461 **I**nter. 1. Quid est Contritio?
Resp. Est animi dolor, & detestatio de peccato commissio, ut est offensæ Dei summe dilecti, cum proposito non peccandi de cætero.

462 Inter. 2. Peccatne mortaliter Sacerdos, qui incipit audire Confessionem in peccato mortali, sed ante absolutionem conteritur? Et si non conteratur, quot peccata committit?

Resp. Non peccare mortaliter in primo casu, asserit Dicastill. de Sac. tract. 1. disp. 3. dub. 10. num. 243. Ratio est, quia tunc Sacerdos non administrat Sacramentum, sed quando absolvit; nam tunc fit Sacramentum. Vide Dianam part. 1. tract. 7. resol. 47. & part. 10. tract. 16. resol. 27. sub vers. Sed Ego. Si verò non conteratur, non duo, sed unum peccatum committit, quia dignè non tractat Sacramentum, non autem peccat peccato omissionis, dum non conteritur, quia talis omisso non habet per se suam malitiam, sed est tantum circumstantia actus mali. Ita Mercerus de Sac. quest. 64. art. 6. & alii, quibus subscribit Diana, part. 9. tr. 7. resol. 58. vers. Et tandem. Cæterum si plures successivè absolvat, toties quoties mortaliter peccat, ut dicam in tit. 163. de Peccatis, ad Inter. 22. contra Dianam ibidem citatum; licet nunc ibidem Auctor in princip. ref. cit. 58. fateatur se adhærere nostræ sententiæ, quæ severè est probabilior, & tutior, quia sunt plures actiones determinatæ, & completæ, etiam si fiant successivè; nam sunt plures Sacramenta administrationes: Ergo toties quoties dicendum est peccare.

463 Inter. 3. Tenemurne contritionem habere de peccatis jam confessis, & remisissis, & quoties illorum recordamur?

Resp. Dico, quod non, sed solum tenemur de illis non complacere, vel mentem aliò divertere. Tolet. lib. 3. cap. 5. nu. 3. Nam qui semel ab illis justificatus est, manet exemptus ab obligatione illius; nimis enim durum

esse

esset obligare peccatorem ad habendam contritionem de peccatis, quoties illorum recordatur. Suarez *de pœnit. disp. 18. sect. 8.* Bonacin. *de Sacram. disp. 5. quæst. 5. sect. 1. pun. 2. nu. 9.* qui citat D. Thom. & alios, Diana *part. 5. tra. 23. resol. 33. versic. Unde ex his*, & alii ab ipso relati. Tamen si quis de mortalibus de novo conteratur, bene facit. Verum Sylv. *verb. contritio numer. 4.* putat, quod teneamur conteri de peccato quoties practicè recordamur.

464 Inter. 4. Potestne unquam dari casus, in quo quis possit licitè communicare cum conscientia peccati mortalis scienter, non elicto priùs Contritionis actu?

Resp. Nulli dubium est, quemlibet Jure Divino teneri ad confessionem mortaliū ante Eucharistiæ assumptionem, ut docet ex Covar. Victorel. *in add. ad Emmanuel Sà verb. Confessio, sub num. 5.* Bonac. *de Sacram. disp. 2. qu. 6. punct. 1. nu. 35.* & multi alii apud ipsum; & pluries ego dico in aliis Responsionibus. Vide igitur in *tis. 34. ad Inter. 8. & tit. 159. ad Inter. 6.* Sed dato, quod quis iusta aliqua de causa non possit conteri sine nota infamiae, aut hujusmodi, posse communionem sumere non elicto contritionis actu, docet Cutilli. *in add. ad Jacob. Mancium præf. 8. dub. 24.* qui alios pro se citat: sed hanc opinionem ego non admittam in *tis. 40. de Memoria peccatorum*; *ad Interrogat. 2.* neque nunc admitto. Imò illam refellit Diana *part. 9. tra. 3. resol. 19. versic. Et tandem*, ubi cum Ochogavia, & Antonio de Elcobar, dicit, quod tam Laicus, quam Sacerdos, in quovis casu potest elicere actum contritionis, cum Deus semper sit paratus, auxilium nobis præbere; & ita tenendum est omnino. Vide quæ dicam infra in *cit. tit. 140. ad Inter. 2.* ubi satis me explico.

465 Inter. 5. Teneturne peccator, post peccatum mortale commissum, statim actum contritionis elicere?

Resp. Quidam docent teneri ad contritionem habendam de peccatis commissis statim, ac mortaliter peccavit; sed oppositum probabilius censet Bonacin. cum Vasquez, Conincho, Medina, Suarez, Regin. Valentia, & alii; & hoc mihi satis probatur ex communi usu Christianissimorum, nullus enim putat se reum novæ culpæ, si pœnitentiam statim non agat, nec solet in confessione se accusare non eliciisse actum contritionis statim post peccatum commissum; qui usus admittitur à viris doctis, nec ullum scrupulum faciunt. Vide Bonac. *de Sacram. disp. 5. quæst. 5. section. 1. punct. 2. num. 8.* qui ad objectiones satis, & per-

doctè respondet. Vide etiam Tolet. *lib. 3. cap. 5. num. 3.*

466 Inter. 6. Quando obligat contritionis præceptum?

Resp. Non conveniunt Doctores; nam quilibet suam profert sententiam, ut videre licet apud Dianam *part. 5. tra. 13. resol. 33.* Bonacin. *de Sacram. disp. 5. quæst. 5. sect. 1. pun. 2. num. 5. & seq.* Sed prætermisissimus hujusmodi opinionibus, dico cum communi, obligare contritionis præceptum per se, & vi propria, in articulo mortis, aut in periculo, maxime si quis tunc non habeat confessarii commoditatem. Imò Bonacin. loco cit. num. 5. docet, præceptum contritionis obligare etiam in periculo amentiae perpetuæ, & ideo tunc tenetur præstare ea, quæ facere deberet, si esset in periculo mortis. Præterea per accidens ratione præcepti alterius virtutis à charitate distinctæ, tenetur actum contritionis elicere, quando quis susceptorum est, vel administratur aliquod Sacramentum, posito, quod sit in peccato mortali, & copiam Confessarii non habeat; nemo enim Sacramentum dignè suscipere, aut administrare quit, nisi peccatum dealeat per confessionem, vel saltem per contritionem, excepta susceptione Sacram. Baptismi, & Pœnitentiæ, ad quam sufficit attritio; quia hæc duo sunt Sacramenta mortuorum, ut dicam in *tis. 191. de Sacram. ad Inter. 2. 3. 4. & 5.* & instituta ad conferendam primam gratiam, & sic non supponunt gratiam in subiecto, sed eam conferunt subiecto attrito. Ita Bonac. ubi supra. Tandem, quando quis est in probabili periculo incidendi in aliquod peccatum mortale, vel aliqua grandis tentatio paratur, cui existenti in peccato mortali periculum est succumbendi, si contritionis actum non eliciat, tenetur conteri, alioquin mortaliter peccat, juxta id, quod docent Tolet. & Bonac. ibidem, & alii plures. Sed vide Tolet. *lib. 4. cap. 9. per totum.* Bonac. *de legib. disp. 3. qu. 4. punct. 2.* ubi plura habentur, & Emm. Sà *verb. contritio n. 2.*

Quar. An contritio sit sufficiens ad remissionem peccatorum sine actu dilectionis Dei super omnia, & an sit necessaria ad salutem; & quando obliget contritionis præceptum? Et an attritio ob timorem gehennæ, vel amissionis gloriæ, aut ob turpitudinem peccati, unà cum Sacramento, sufficiat ad justificationem?

Resp. Censeo, quod pœnitentiæ, ejusque actus præcipuus, qui est contritio, nascatur ex charitate, & procedat ex amore Dei. Nam peccator verè pœnitens, & contritus, non movetur ad pœnitendum, neque odio habet

habet peccata, nisi propter Dei amorem: ergo detestatio, aut odium peccatorum nascitur ex dilectione Dei. Confirmatur assertum; nam ad veram contritionem requiritur nolle offendisse Deum, quatenus est summum bonum, & nolle amplius ei displicere; sed hæc est vera dilectio Dei. Consequenter dicendum est, actum contritionis continere dilectionem Dei; qui enim vult Deo in omnibus placere, & in nullo displicere, verè illum diligit: ergo patet, quod actus contritionis nõ potest esse sine actu dilectionis Dei. Verum quia dilectionis actus est perfectior actu contritionis, & sunt inter se duo actus distincti, videtur sequi, quod remissio peccatorum tribueretur actui dilectionis, & non poenitentiae; & contritionis; & in hoc consistit difficultas. Dico igitur; quod contritio procedit ex actu dilectionis, si est vera contritio, cum sit actus imperatus, à charitate procedens. Sed cum præcipiatur etiam actus poenitentiae, seu detestationis formalis, quo affectu reintegretur dominium Dei in nostras actiones, idè remissio peccatorum magis tribuitur poenitentiae, seu contritioni claudenti charitatem, qua redditur Deo ratio summi boni, & ultimi finis; & ita videtur illi actui remissionem peccatorum promitti ex pluribus locis, tum veteris, tum novi Testamenti; dicitur enim: *Convertimini, & agite poenitentiam de omnibus iniquitatibus vestris, & non eris vobis in ruinam iniquitas. Non vult Dominus mortem peccatoris, sed ut convertatur. Et vivas, Cor contritum, & humilatum Deus non despicies. Erat Joannes in deserto predicans Baptismum poenitentiae in remissionem peccatorum. Nisi poenitentiam egeritis, omnes simul peribitis; & patet ex pluribus aliis locis Sacre Scripturæ: Nec obstat, si dicatur Christum Dominum de Maria Magdalena dixisse, quod ei remissa sunt peccata multa, quoniam dilexit multum, quia dicimus, quod dilectio non justificavit illam formaliter, cum charitas non sit forma justificans, nisi præsuppositivè, seu dispositivè. Justificatio enim formalis solum à gratia sanctificante habetur, ut docent communiter Thomistæ, teste Jo: Baptista Gonet tom. 6. *Manual. tract. 7. cap. 16. §. 1. de gratia*: sed quidquid sit de hoc, relinquamus, ut in scholis decidatur talis difficultas: sed dico, quod dolor peccatorum in casu nostro debet esse propter Deum, & non propter solum timorem poenarum, aut propter quodvis aliud; ut justificet extra Sacramentum, sed quia sunt offensa Dei, ut summi boni: Præterea dico cum Cajetan. in *summ. verb. Contritio poenitentiam necessariam esse peccatori ad salu-**

tem, & poenitentiam principaliter consistere in Contritione, quæ necessaria fuit ante legem, sub lege, & tempore gratiæ, nimirum necessitate mediæ extra Sacramentum, post Baptismum iis, qui mortaliter peccarunt. Vide Concilium Tridentinum *sess. 14. cap. 4.* Quando verò obliget contritionis præceptum, videri potest apud Cajetan. loco citat. Emmanuel Sà *eodem verbo n. 2.* Bonacin. *de Sacram. tom. 1. disp. 5. quest. 3. sess. 1. per totam, & me ipsum, ubi supra.* Denique dico, quod Recentiores ferè omnes, ad ultimum quæsitum, affirmativè respondent, & ita quoque me pluries docuisse memini, attritionem scilicet procedentem ex motivis suprà relatis, & includentem amorem Dei initialem, unà cum Sacramento, sufficere ad suscipiendum Sacramentum poenitentiae cum fructu, quia peccator virtute clavium ex attrito sit contritus, & gratiam habitualem, & remissionem peccatorum recipit, & consequenter justificatur. Nihilominus consulendi sunt poenitentes, & præsertim in periculo mortis, ad eliciendum actum perfectæ contritionis, nempe ad dolendum de peccatis dumtaxat ex motivo charitatis, & amore Dei super omnia dilecti; nam per contritionem justificari hominem extra Sacramentum, & multò magis cum Sacramento, & saltem præsuppositivè, cum sit sufficiens dispositio ad gratiam, à nullo negari equidem rectè potest. Tria tandem exigit vera Contritio, displicentiam scilicet de peccatis commissis suprà omne odibile, propter Deum super omnia dilectum, propositum vitandi peccata supra omne vitabile, & propositum confitendi, seu satisfaciendi. Sed hoc tertium requiritur, si homo non est confessus. Duo autem prima simpliciter, & absolute exiguntur. Unde si aliquis per Dei revelationem certò sciret se esse perfectè contritum, adhuc teneretur confiteri, quia sic Christus ordinavit; ut optime docet Pater Campionus in *sua Instru. pro ordinand. cap. 11. nu. 31.* cæterique Doctores. Vide Gonet ubi suprà *de Poenitent. tract. 5. cap. 4. per totum.*

ACTUS CONTRITIONIS.

Ex P. Vuilhelmo Nakanteno Soc. Jesu in *Thesouro Sacrae Supellectilis*.

Amo te Deus super omnia, & ex solo amore tui doleo ex intimo corde, quod te summum bonum meum, summo malo, idest peccato offenderim: ignosce precor per merita acerbissimae passionis tuae: cupio per tuam gratiam emendari, & implere legem tuam.

Breviter.

Deus meus & omnia, propter te, quem summè diligo, intimè doleo, quod unquam peccavi, quia te offendi, emendationemque propono in futurum.

Oporet itaque, ut peccatorem puniat offendisse Deum non tam ob supplicium, aut damnum, quod incurrit, quando mortaliter peccat, quia esset tantum astrictio, quae non potest, nisi Confessione conjuncta, peccata mortalia delere, ut dixi in tit. 17. de Astrictione, ad Inter 3. Et dicam in tit. 70 de differentiis, ad Inter 2. Vide suprà in hoc titulo ad Inter 6 & ad quas. Sed necesse est, ut possimum doleat de peccatis, quia per ea offenditur Deus summum Bonum, & in hoc consistit vera, & perfecta contritio.

Poenitemini, & convertimini, ut deleantur peccata vestra. *Act. 3.*

Cor contritum & humiliatum Deus non despicies. *Pf. 50.*

TITULUS L.

De Contumelia.

Vide tit. de Confess. Sacrae Inter. 23. titulus de Differ. Inter 9. 10. tit. de Revel. Secrae Inter. 1.

467 **I**nter. 1. Quid est contumelia?

Resp. Est injuria, quae obicitur alteri crimen, vel alius defectus in ipsius presentia. Ita docent communiter Doctores, teste Bonacin. *de Restit. disp. 2. qu. 5. puncti 1. n. 3.* Vide dicenda in tit. 70. de Differ. ad Inter. 9.

468 Inter. 2. Estne peccatum mortale dicere contumelias Proximo?

Resp. Contumelia quidem est peccatum gravius detractione, & consequenter ex genere suo est mortale. Sanctus Thom. 2. 2. *quest. 73. art. 2. ad 2.* & alii communiter. Unde quando dicuntur contumeliae cum intentione graviter laedendi proximum, vel qui eas profert,

scit laesionem fore gravem, mortaliter peccat: secus dicendum est, quando quis per jocum, vel per correctionem proicit convicium, sicut etiam quando invincibiliter ignorat laesionem aliquam secuturam. Vide Bonacin. loc. prox. cit. n. 3. & seq. ubi concordantes refert.

469 Inter. 3. Contumeliae omnes suntne ejusdem, vel diversae speciei?

Resp. Omnes Contumeliae conveniunt in eadem ratione formali auferendi honorem, quamvis differant secundum magis, vel minus, sed magis, & minus non variant speciem: ergo omnes contumeliae sunt ejusdem speciei. Cajetan. 2. 2. *q. 72. art. 1.* Emmanuel *Si verb. Contumelia n. 1.* Bonac. ubi suprà n. 5. Diana *part. 1. tract. 7. resol. 28. vers. ego verò, & part. 3. tract. 4. resol. 67. vers. in Resol. 28.* Vide dicta in tit. 44. de Conf. Sacrae, ad Inter. 22. & 23.

TITULUS LI.

De Copula carnali.

Vide tit. de Conf. Sacrae Inter. 10 19. tit. de Opin Inter. 3. tit. de Peccat. Inter. 8. 9. tit. de Sacrae Inter. 4. tit. de Simul. Inter. 7. tit. de Soc. crim. Inter. 8. tit. de Sponsal. Inter. 5. tit. de Spons. Inter. 14. tit. de Vet. Inter. 14. tit. de Usura &c. Inter. 13.

470 **I**nter. 1. Habens copulam cum femina dormiente, quodnam peccatum committeret?

Resp. Certum est, quod secundum qualitatem personae talis copula reducitur vel ad simplicem fornicationem, si mulier esset soluta, vel ad Adulterium, si esset conjugata, vel ad Incestum, si esset consanguineae, aut affinis, vel ad Stuprum, si esset Virgo, vel ad Sacrilegium, si esset Monialis &c. Nam committeret peccatum ejusdem speciei, ac si haberetur copula cum illa vigilante, ac sponte consentiente, & de hoc nulla est difficultas. Si verò foemina quae dormiens cognoscitur, ante somnum in copulam non consentit, dicunt nonnulli, quos refert Diana *p. 9. rr. 9. ref. 2.* quod habens copulam cum ea committeret etiam raptum formalem, quia copula illa censetur cum muliere invita, consequenter violentata; nam si vigilaret, non consentiret: ergo raptus committitur, quia sola violentia est sufficiens ad constituendum raptum, ut docet Sanctus Thomas 2. 2. *q. 154. art. 7.* Sanchez, & alii apud Dianam loco cit. Tamen non desunt alii, qui subsistent oppositum, asserentes, non suffi-

sufficere violentiam ad constituendum raptum, sed requiri, quod mulier violentata adducatur de loco ad locum; probant etiam, quod raptus sit violenta extractio de domo Patris, ut dicitur in *lege unic. de Raptu*. Ideo vide DD. quos pro utraque parte refert ipse Diana, qui tamen in hac difficultate suum interponere iudicium recusat.

471 Inter. 2. Qui habet copulam cum femina mortua, quodnam peccatum committit?

Resp. Dicit Diana, quod sit peccatum molititiae, & satis fit dicere in Confessione se polluisse, absque eo, quod fateatur illam circumstantiam fornicationis mortuae, & recte dicit. Tamen notandum est, quod si in illo actu intendat peccare cum conjugata, consanguinea, moniali, &c. certum est teneri hanc circumstantiam explicare, quia addit novam malitiam necessariò in Confessione aperiendam. Vide Tolet. *lib. 5. cap. 13. sub nu. 6. & docent Doctores communiter*. Vide Inter. 7. tit. 163.

472 Inter. 3. Copula habita cum femina mortua, ad quam speciem peccati reducitur?

Resp. Quidam dicunt, quod reducatur ad simplicem fornicationem. Alii verò putant reducendam esse ad bestialitatem, ut videre est apud Dian. *par. 9. tr. 9. res. 1.* Sed Sanch. *de matrim. tom. 3. lib. 10. disp. 4. n. 14.* docet non esse fornicationem, & multò minùs bestialitatem, sed tantum continere malitiam pollutionis factæ adiutorio illius corporis mortui, quod cum sit instrumentum inanimatum, ac si esset statua ipsius mulieris, non potest constituere diversam speciem malitiæ ab ipsa pollutione; & in hanc sententiam inclinat Tambur. *opusc. 1. lib. 2. cap. 7. §. 10 nu. 78. & Diana ubi supra* qui pluribus rationibus id probat egregiè; sed hoc intelligit, dummodò peccans cum tali femina mortua, non habeat effectum fornicarium diversum à pollutione; iam si in illo actu intenderet peccare cum consanguinea, moniali, conjugata, vel virgine, vel peccatum pollutionis, committeret Incestum, Sacrilegium, Adulterium, vel Scuprum, ut de se patet, & ego jam breviter dixi in *Respons. ad Inter. antec.*

473 Inter. 4. Qui habet copulam cum duabus sororibus in primo, vel secundo gradu, quale peccatum committit?

Resp. Peccatum incestus, quia contraxit afinitatem cum secunda, peccando cum prima,

TITULUS LII.

De Correctione.

Vide cit. de Reliq. aliq. par. Inter. 3. tit. de Soc. crim. Inter. 6. 7. tit. Superfl. Interrogat 3. 9.

474 Inter. 1. Potestne licitè Confessarius ex noticia in confessione habita corrigere complicem penitentis, aut saltem ex eius licentia hoc facere?

Resp. Dico primò, nullo modo posse Confessarium ex noticia in Confessione habita corrigere complicem penitentis, aut eius delicta extra Confessionem impedire, aut alloqui complicem de peccato &c. Dico secundò contra Bonac. *de Sac. disp. 5. q. 6. sect. 5. pun. 4. nu. 25. & alios*, quos refert Diana *par. 3. tr. 4. res. 113.* non licere Confessario interrogare penitentem de complice in ordine ad ipsius correctionem faciendam, & illam de licentia penitentis facere. Nam finis intrinsecus Sacramenti Pœnitentiæ est tantum justificatio penitentis, non autem emendatio complices; & hanc esse communem opinionem in schola Div. Thom. testatur Diana ubi suprà, plures allegans Doctores. Vide igitur, quæ dicam in tit. 207. de Sociis criminis ad Inter. 7. & 17. & iterum Dian. *par. 3. tr. 2. resol. 42. in fin. vers. Non potest igitur: Et par. 5. tract. 11. res. 49.*

475 Inter. 2. Peccatne mortaliter Coniux verberando Uxorem?

Resp. Non est dubium, quod Maritus teneatur Uxori amorem, honorem, & obedientiam præstare, & è contra Uxor teneatur amorem, reuerentiam, & obedientiam viro exhibere, sunt enim duo in carne una; tamen in multis est subiecta viro, licet ejus serva non sit; ideoque si opus fuerit, non peccat maritus, si causa correctionis leviter Uxorem verberet ex gravi aliqua causa, ut ipsam corrigat, & ad meliorem frugem trahat; Peccaret tamen mortaliter Maritus, si illam graviter percuteret, aut aliqua injuria afficeret, qua notam infamiam incurreret. Ita tradunt Toletus *lib. 5. c. 2. n. 1.* Emm. Sà *verb. Matrimon.* nu. 3. Navarrus *in Man. cap. 14. num. 18.* Sylvest. *verb. Uxor quest. 3.* Bonacin. *tom. 2. de legib. disp. 6. quest. unic. pun. 7. num. 12.* & 11. qui plura congerit ad hoc propositum, & plures Doctores refert. Vide etiam Layman *lib. 5. tr. 10. par. 3. cap. 2. num. 6.* & Armillam *verb. Uxor. num. 2.*

476 Inter. 3. Pater percutiens Filium Clericum causa correctionis, incurritne Excom-

mu-

municationem contra percutientes Clericos latam in cap. Si quis suadente Diabolo 17. quæst. 4.

Resp. Quod Pater correctionis gratia possit moderate corrigere, & absque metu excommunicationis percutere filium Clericum in inferioribus gradibus, & Ordinibus constitutum, est inconfesso apud omnes scribentes. Verum difficultas consistit, an licet, & sine metu excommunicationis possit id facere in filium in Sacris constitutum, & præsertim si sit Sacerdos; in hoc enim Doctores non conveniunt. Quidam putant, quod Pater animadvertens in Sacerdotem filium, non reus sit violatæ legis Ecclesiasticæ de non verberando Clerico, & pro hac sententia sunt Sanctus Antoninus 3. par. titul. 24. cap. 1. §. 2. casu 12 Sylvest. verb. Excomm. 6. nu. 6. casu 8. Navar. cap. 27. num. 82. Avila par. 2. cap. 5. disput. 3. dub. 13. casu 1. Suarez de Conf. disp. 22. sect. 1. numer. 49. Facundez, Graffius, Filliuc. Coninch. Bannes, Valent. & Baunius, quos dat, sed non sequitur Diana par. 9. tract. 4. ref. 1. Et ratio est ipsorum præcipua, quia per Ordinem Sacrum non tollitur patria potestas, sed solum per Episcopatum, & Cardinalatum, quod affirmat etiam Emman. Sà verb. Filius n. 23. Alii verò, quos sequitur Diana, oppositum docent, quorum ratio est, quia jus commune prohibens Clerici percussionem, non excludit Patrem. Imò in cap. cum voluntate de sentent. excom. hoc ei potius dicunt esse prohibitum. Alias rationes, & auctoritates, libens prætereo, cum facile videri possint saltem apud Dian. loc. cit. Tamen si Sacerdos Filius in vita, moribusque sacra indignum persona, quam sustinet, peccaverit, à Patre emendari, & moderate castigari licet posse non dubito, cum Bonac. de Conf. disp. 2. qu. 4. pun. 4. & aliis supra citat. Vide etiam Bonac. de Legibus disp. 6. qu. ultim. punct. 8. sub nu. 9. vers. 3. & Armillam verb. de verberatione nu. 1.

477 Inter. 4. Prælati Regulares tenentur ne inquirere occulta peccata subditorum, ut illa fraternè corrigere valeant?

Resp. Sanctus Thomas 2. 2. qu. 33. art. 2. ad 4. & ferè omnes Doctores, docent, Superiores teneri non solum corrigere peccata, quæ casu vident à subditis fieri, & ab iis facta cognoscunt; sed etiam inquirere in vitam subditorum, ut videant, si quæ in eis fortè corrigenda sint, quia de manibus Prælatorum sanguis subditorum requiretur, ut dicitur in cap. Irrefragabili de offic. ordin. Nam quod à bovis non aratur, negligentia Pastoris adscribitur, ait Sanctus Joannes Grisostomus. Sed vi-

de, quæ dicam in tit. 214. de Subditis, ad Inter. 1. & 2. Tamen nota, quod debent Superiores uti magna prudentia in quærendo, quid reprehendant, quia nimia sollicitudo, & intempestiva inquisitio facit, ut Superior tamquam inquietus, & suspiciolus, odio habeatur. Unde, ut docet Lorca in 2. 2. D. Thomæ loco supr. cit. ar. 6. disp. 45. sect. 3. n. 11. Sanctus Benedictus in sua Regula cap. 64. de Abbate prudenter inquit: Non sit turbulentus, & anxius, non sit nimis, non sit zelotypus, & nimis suspiciosus &c. Et Sanctus Bernardus dicit, quod Superior omnia videat, multa dissimulet, & pauca corrigit cum charitate. Vide Dian. par. 3. tr. 2. ref. 42. & Armill. verb. Episcopus n. 7 & verb. correctio sub n. 3.

478 Inter. 5. Possuntne subditi licitè suos Prælatos corrigere, & quomodo se gerere debent in corrigendo suos Prælatos?

Resp. Non solum possunt, sed etiam aliquando id facere debent, quia præceptum divinum, Si peccaverit in te Frater tuus, corripe illum, comprehendit omnes tam subditos, quam Prælatos. Verum est tamen, quod quando Prælati sunt corrigendos propter aliquos defectus, necessariò corrigi debet à personis gravibus, & auctoritatibus, & leniter, humiliter, & reverenter; nam Sanctus Paulus 1. ad Timoth. cap. 5. inquit: Seniores ne increpaveris, sed obsecra ut patrem. Et hoc intelligit S. Thomas 2. 2. q. 33. art. 4. quod ad corrigendos Prælatos ita se habere debeant subditi, ut docet Lezana tom. 1. par. 1. cap. 4. n. 36. qui citat Valentiam, & Rodriquez. Vide Dianam par. 7. tract. 3. ref. 25. & Armillam verb. correctio n. 3.

479 Inter. 6. Antequam Blasphemator hæreticis denunciatur, estne præmittenda correctio fraterna?

Resp. Quidam affirmant, & dicunt, semper præmittendam esse correctionem fraternam antè denunciationem, præsertim quando blasphemia est occulta, & blasphemator de levi suspectus. Ita tradunt Sylvest. verb. correctio q. 5 Toletus lib. 5. c. 54 n. 3. Portellus de dub. Regul. verb. correctio fraterna n. 1. & alii plures. Sed rectius dicunt Azor. lib. 9. c. 28 q. 8. Henric. lib. 11. c. 24 n. 11. Sancius in select. disp. 11. nu. 56 & Diana p. 1. tr. 4. ref. 2. & alii penes ipsum, asserendo, blasphemos hæreticos, attentis DD. Inquisitorum Edictis denunciandos esse absq; ulla alia prævia monitione: & ratio est, ut sæpè dico, quia in delictis, quæ tendunt contra bonum commune, non est præmittenda correctio, ultra quod denunciatio, quæ fit in Tribunali Sanctis. Inquisitionis, est denunciatio judicialis, quæ punitionem intendit ad exemplum

plum aliorum, & ne delicta impunita remaneant ob bonum commune, consequenter non est necesse, ut correctio præmittatur, & ita tenendum est omnino; nam Blasphemii hæreticales Hæreticis æquiparantur, vel saltem sunt suspecti de hæresi, ut dixi supra in tit. 24. de Blasphematoribus, & Blasphemiis, ad Inter. 11. & tradunt plurimi allegati per Raynaldum eo tom. 1. Obscrv. cap. 1. §. ad 7. nu. 65. Et seqq. ac proinde nulla præmissa correctione denunciandi sunt Inquisitores, vel locorum Ordinariis, ubi non sunt Inquisitores, maxime hodie post decretum Alexand. VII. quod incipit *Licet aliis*, ex quo remanet omnino profligata opposita sententia. Vide Sanchez in opusculis, lib. 6. cap. 2. dub. 5. num. 6. Vide ad Inter. seq.

480 Inter. 7. Antequam suspecti de hæresi denunciantur, suntne prius fraternè corrigendi?

Resp. Dicam in sequenti Responsione, in delictis ad Sanctum Officium spectantibus nullam esse præmittendam correctionem fraternam; nunc etiam idem dico cum Suarez de fide disp. 3. n. 12. Diana par. 4. tr. 5. ref. 24. quibus subscribit Lezana 10.2. verb. Denunciatio n. 7. Vide iterum Dianam par. 5. tr. 2. ref. 89. vers. Sed difficultas, in fine, par. 9. tr. 8. ref. 46. Et in Sum. verb. Denunciatio n. 8. qui absolute docet correctionem in hac materia nullo modo esse faciendam, sed statim sunt denunciandi, etiamsi speretur per correctionem emendatio; nam talis denunciatio præcipitur in eorum penam, & ob publicum bonum Christianæ Religionis, & ita tenendum est omnino; nec audiendi sunt, qui oppositum docent apud eundem Dianam par. 1. tract. 4. resol. 2. maxime nunc post decretum Alexandri VII. quod incipit, *Licet aliis*, referendum in tit. 66. de Denunciatis, ad Inter. 10.

481 Inter. 8. In delictis spectantibus ad Sanctum Officium, debetne fieri denunciatio sine prævia correctione fraterna, vel ante ipsam est necesse, ut correctio præmittatur?

Resp. Multi dicunt, quod Christus Dominus dixit, delictum proximi manifestandum esse Ecclesiæ, quando proximus correctionem secretam non audit: ergo præmittendam esse putant correctionem fraternam: tum etiam quia Charitas obligat, quod minori, qua fieri potest iactura, medicina delinquenti adhibeatur. Doctores pro utraque parte refert Diana p. 1. tr. 4. ref. 2. His tamen non obstantibus dicendum est, quod tam hæretici, quam quomodolibet etiam leviter de hæresi suspecti, prætermissa omni correctione fraterna, denunciandi sunt Inquisitoribus, vel locorum

Ordinariis; nam Inquisitorum Edicta non adversantur præcepto Christi Domini, cum non loquatur Christus de denunciatione judiciali, sed Evangelica; tum quia Christi Domini præceptum est de peccatis, quæ contra bonum publicum non vergunt; tum quia ipse Dominus loquitur de correctione, quæ sit solum, ut frater, seu proximus emendetur; sed nos loquimur hic de denunciatione judiciali, quæ fit, ut delinquens ad aliorum exemplum publice puniatur, & bono communi consulatur, & ita est omnino tenendum, cum opposita sententia profligata remaneat ex Decreto Alex. VII. quod incipit, *Licet aliis*, edito Anno 1660. & per extensum refert Cabrin. de cas. res. p. 1. ref. 42. §. 16. ubi paulo ante, id, quod supradictum est, sortioribus terminis probat. Ne deseras ipsum videre. Vide etiam Dianam loco sup. cit. Et par. 4. tract. 5. resol. 24. per totam.

482 Inter. 9. Audiens detrahentem de re gravi, & cum non corrigens, peccatne mortaliter?

Resp. Si de detractione minimè delectatur, vel si delectatur solum de auditione rei novæ, vel de eloquentia detractoris, dummodò tamen ad detrahendum ex nullo signo, nec quidem indirectè, detractorem moveat, non peccat mortaliter. Si verò potest corrigere detrahentem, & speret correctionem profuturam, & non corrigit, peccat mortaliter contra charitatem. Quod si ex officio detractionem impedire tenetur, ut Pater familias respectu filiorum, & servorum, Abbas, Prior, Guardianus &c. respectu Regularium, Parochus respectu Subditorum, & Dominus respectu Vassallorum, graviter peccat, non solum contra Charitatem, sed etiam contra iustitiam, si non corrigit Subditos detrahentes. Cæterum privatæ personæ possunt à peccato mortali sæpius excusari non obstando detractioni; primo, quia sæpè non est spes fructus; secundo, quia audiens non debet in dubio præsumere de loquente malum, nisi habeat sufficientes conjecturas in contrarium; & cum ipse nesciat, an delictum, quod ab illo narratur, sit publicum, vel occultum, & utrum iuste, vel iniuste narretur, non peccat non obstando narrationi. Bonac. disp. 2. p. 4. pun. 11. n. 6. Et seqq. Diana p. 2. tr. 17. ref. 24. Et p. 3. tr. 5. ref. 35. & alii plures apud ipsos. Verum in his casibus, ut rectè observat Bonac. ibid. n. 7. qui non potest aliter impedire detractionem, debet discedere, si commodè potest, vel sermonem ad res alias transferre, vel faciatiam interponere, vel obsecrare, ne de ea re agatur, aut vultum hilarem

noq

non præferre, sed tristere; hoc enim pacto facile retrahi potest detractor à detractore, quod est quidem notatum dignum. Vide Emmanuel Sà verb. *Infamare* n.6. Toletum lib. 5. cap. 67. per totum.

TITULUS LIII.

De Culpa juridica.

Vide tit. de Excom. ab Cler. percuss. Inter. 23. tit. de Resp. Dam. Inter. 8. 9. 10. 12. 13. 14. 15. 16. 19. 20. 21.

483 **I**nter. 1. Quid, & quotuplex est culpa?

Resp. Culpa alia dicitur Theologica, alia verò juridica. Culpa Theologica est peccatum mortale, aut veniale, quia est deordinatus actus, idest non congruens debito fini: Peccatum autem est in operatione naturæ, & artis, sed culpa in operatione voluntatis tantum; & in hoc solum differt culpa à peccato. Culpa verò juridica est deviatio ab eo, quod rectum est, & per hominis diligentiam provideri poterat. Ita docent Sylvester verb. *Culpa* n. 1. Toletus lib. 1. cap. 32. sub n. 8. Bonac. som. 2. de contract. disp. 3. q. 1. pun. 6. n. 1. & alii omnes.

484 **I**nter. 2. Quotuplex est Culpa juridica?

Resp. Est triplex, scilicet, Lata, Levis, & Levissima. Lata culpa est omisio illius diligentiae, quam communiter homines illius conditionis, & professionis adhibere solent. Levis culpa est omisio diligentiae, quam non omnes communiter adhibere solent, sed diligentiores. Levissima denique culpa est illa omisio diligentiae, quam exquisitissimi, & diligentissimi homines facere solent, quia valde cautè procedunt in operando. Ita Toletus, Sylvester n. 2. & Bonac. locis suprà citatis, quia etiam asserunt exempla. Vide etiam Emmanuel Sà verb. *Culpa* n. 1. & Navarrum in *Man. cap. 17. n. 177.* Unde Culpa est quædam negligentia, & omisio ejus, quod potuit, & debuit fieri; & quantum magis est negligentia, & omisio, tanto magis est gravis culpa. Ideo non immerito asserunt quidam, quod datur etiam culpa Latior, & Latissima. Latior idem est, ac dolus præsumptus. Latissima, hoc est dolus apertus. Vide Sylvest. ubi suprà. Stephanum à S. Gregorio de controver. lib. 1. cap. 1. sub n. 8. & Layman lib. 3. sect. 4. cap. 7. sub n. 2.

485 **I**nter. 3. Quid est dolus?

Resp. Datur dolus bonus, & dolus malus. Dolus bonus est quædam solertia in operan-

do; sed Dolus malus est quædam calliditas, fallacia, vel machinatio ad aliquem decipiendum: Calliditas fit tacendo, fallacia mentiendo; machinatio autem arte verborum, ut docet Gloss. ff. de dolo l. 1. Bonac. loc. suprà cit. nu. 3. Stephanus à S. Gregorio ubi suprà, qui testatur de communi. Vide Cajetanum in *Summ. verb. Dolus*, & Emman. Sà *cod. verb. n. 1. Et sequa.*

TITULUS LIV.

De Debito conjugali.

Vide tit. de Disp. Inter. 7 8 tit. de Div. Inter. 23. tit. de Episcop. Eccl. Inter. 47. tit. de Foro Inter. ultim. tit. de Ingeg. in Relig. Inter. 10. 11. tit. de Val. Sacram. Matrim. Inter. 11. tit. de Vol. Inter. 9 11.

486 **I**nter. 1. Debitum conjugale quotupliciter potest amitti?

Resp. Quadrupliciter, nempe ratione voti, ratione incestus, ratione adulterii, & ratione cognationis spiritualis; ita DD. communiter.

487 **I**nter. 2. Conjug adulter occultus potestne petere debitum ab altero conjug ignorante suum adulterium?

Resp. Jam dixi in Responsione antecedente, quod per adulterium amittitur jus petendi debitum conjugale; modò verò, ut satisfaciatur præfenti petitioni, dico probabile esse illam sententiam, quæ docet, Adulterum Uxori occultum posse ab ea debitum exigere, quia tale jus non amittitur in foro conscientie, nisi post sententiam Judicis, nec ipse adulter occultus tenetur suum manifestare delictum. Consequenter juxta hanc sententiam licite potest debitum petere; ut docent Sanchez de matr. lib. 1. disp. 68. n. 4. Sotus in 4. disp. 36. quæst. unic. art. 4. Petrus à Soto, Lopez, & alii plures apud Emmanuel Sà verb. *Adulterium* sub n. 3. in *Additione*, & apud Bonac. de matrim. qu. 4. pun. 5. à n. 20. qui hanc sequitur sententiam. Contraria tamen, quam tenent Navar. in *man. cap. 23. n. 23.* Rebell. lib. 2. qu. 17. nu. 3. Rodriguez par. 1. cap. 243. n. 14. & alii, multis probatur, præsertim quia lex impediens dominium rei, non est merè pœnalis: nec talis pœna consistit in actione, & passione; sed statim incurritur patrato adulterio, cum sit purè privativa; ideò aut petat dispensationem ab Episcopo, vel ab alio habente facultatem, aut se ablineat à debiti petitione; nam probabilius est, quod peccet mortaliter sciens pro-

prohibitionem Ecclesiæ; & debitum petens. Vide Emman. Sâ *verb. Debitum conjugale* n. 13.

488 Inter. 3. Uxor potestne debitum negare conjugii adultero?

Resp. Certè potest sine peccato, & è contra Vir Uxor; sed melius est, ut Uxor Viro reddat, ad evitandum majus malum, quia quanto plus ad Uxorem accesserit, tanto minus aliam quæret.

489 Inter. 4. Qui post contractum matrimonium baptizat, vel suscipit filium communem, aut filium alterius conjugis, privaturne jure petendi, vel reddendi debitum conjugale?

Resp. Qui scienter ex malitia, vel extra necessitate, communem filium baptizat, juxta probabiliorum sententiam privatur jure petendi debitum ratione cognationis, seu paternitatis inde ortæ cum proprio conjugis; tenetur tamen reddere petenti, quia par non est, ut alter innocens abique culpa privetur jure suo. Si verò baptizat in necessitate, scilicet, quando non adest alius, qui illum baptizet, & est periculum, ut filius moriatur sine Baptismo, quamvis cognationem spirituales contrahat cum altero conjugis, nihilominus non privatur jure petendi, vel reddendi debitum, ex eo quòd satislecit suæ obligationi, ne filius sine Baptismo decederet: habetur ex *cap. si Vir, de cognat. spirit. Et Can. Ad limina*, 30. *quæst. 1.* Qui autem suscipit tamquam Patrinus filium communem, vel alterius conjugis in necessitate, vel extra, dicunt aliqui, quòd privetur jure petendi debitum; negant enim susceptorem esse simpliciter necessarium in Baptismo, consequenter non adesse rationem, cur suscipiens excusetur, sicut excusatur baptizans in necessitate. Verùm puto probabiliter, posse quemlibet filium suum in Baptismo suscipere licitè, si desit, qui illum suscipiat. *Can. pervenit*, 30. *quæst. 1. Can. Ad limina, eadem causa, Et qu. Emman. Sâ verb. Baptismus* n. 8. Suarez 3 *par. de Baptismo* qu. 67. *art. 8.* Sanchez *de matrim. lib. 9. disp. 26. n. 3.* & alii, quos refert, sed non sequitur Bonac *de matrim. quæst. 4. pun. 2. sub num. 3.* & per consequens non privatur jure petendi debitum, ut tenet etiam Navar. mox adducendus. Cæterùm nota, quòd ignorantia invincibilis juris, vel facti conservat jus petendi debitum baptizanti filium extra necessitatem, quia jura prohibent debiti petitionem, quando contracto Matrimonio scienter contrahitur affinitas, vel cognatio spiritualis, non verò quando contrahitur ex ignorantia juris, vel facti, ut docent Navar. in *Man. cap.*

16. n. 34. Emman. Sâ ubi supra *sub n. 15* Suarez loc. cit. & alii plures, quos dat, & sequitur Bonacin. supra *nu. 6.* Tandem hoc unum non prætereo, scilicet eum, qui contraxit cognationem scienter baptizando, aut tenendo communem filium, aut alterius conjugis, in Baptismo, vel Confirmatione, non privari jure petendi, aut reddendi debitum, licet gravissimè peccet, atque puniendus esset juxta sententiam Sanchez & aliorum apud Bonac. loco supra cit. *nu. 4.* & illorum, quos refert, & sequitur Diana *part. 3. tract. 4. ref. 3. Et par. 5. tr. 3. ref. 25.* Sed non est recedendum à communi sententia; quæ est probabilior, & tutior.

490 Inter. 5. Maritus habens rem cum Uxoris consanguinea ultra secundum gradum, amittitne jus petendi debitum conjugale?

Resp. Docui in *tit. 12. de Affinitate, ad Inter. 13.* quòd conjux, qui committit incestum cum consanguinea alterius Conjugis in primo, vel secundo gradu, privetur jure petendi debitum conjugale, & solum possit reddere conjugi petenti; modò verò id iterùm doceo: unde per copulam habitam cum consanguineis alterius Conjugis ultra secundum gradum, non amittitur ulus matrimonii, scilicet jus petendi debitum conjugale: ergo maritus habens rem cum Uxoris consanguinea ultra secundum gradum, licet committat incestum, tamen non indiget dispensatione, ut debitum licitè petere valeat, cum tali jure non sit privatus, ut ex Navarro, & Emmanuel Sâ docet Gabrinus in *Elucid. casuum refer. par. 2. casu 5. fol. 115 n. 1.* Vide Dianam *par. 3. tract. 5. ref. 19* idem docentem. Tamen puto esse privatum jure petendi debitum, non ratione incestus, sed ratione adulterii.

491 Inter. 6. Qui sciens nupsit cum habente votum simplex castitatis, privaturne jure petendi debitum conjugale?

Resp. Licet peccaverit mortaliter contrahendo matrimonium, tamen postea non privatur jure petendi debitum, quia acquisivit dominium corporis ejus, qui castitatem vovit. Dicastill. *de matrim. disp. 9. dub. 10. n. 1* & alii apud Dianam *par. 3. tract. 4. ref. 296 §. Notandum.*

492 Inter. 7. Si Uxor sciat Maritum esse ligatum voto castitatis, potestne, si ipse petat debitum, sine peccato reddere?

Resp. Est quidem magna quæstio inter DD. quidam dicunt, eam reddidit mortaliter peccare, quia est ad Viri peccatum cooperatrix. Alii verò cōtrarium sustinent, quia licet Maritus peccet contra virtutem Religionis petendo

tendo debitum, Uxor tamen habet jus Justitiæ ad petendum, & sic Vir ex Justitia reddere tenetur rem suam, cui debetur ex Justitia: ergo Uxor quoque si reddit debitum ex Justitia, cui solvere tenetur ratione matrimonii, consequenter non concurrat ad illicitam petitionem alterius, nisi per accidens. Tamen Confessarius debet illis consu- lere, ut dispensationem petant propter periculum incontinentiæ, stando in prima sen- tentia, quæ probabilior videtur. Sed vide Sanchez. lib. 9. disp. 37. per tot.

493 Inter. 8. Teneturne conjux reddere debitum alteri conjugi, quem scit obstrictum esse voto castitatis?

Resp. Potestne petere, ac etiam reddere tenetur alteri conjugi petenti, quia per votum non amittit dominium corporis alterius con- jugis, sed tantum peccat exigens: ergo con- jux exatus reddere tenetur. Diana par. 3. traçt. 5. resol. 296. versic. Notandum est. Bonac. de matrim. quæst. 4. punct. 3. nu. 7. qui insuper addit, hoc esse verum, etiam si unus con- jugum consenserit in votum alterius, dummo- dō non intenderit juri suo renunciare, sed solum permiserit cum facere quidquid vel- let: Tamen vide antecedentem Resp. Nam ibi dixi melius fore impetrare dispensatio- nem, quia non desunt alii, qui tenent non posse in dicto casu petenti debitum reddere, ne ejus peccato cooperaretur; quam senten- tiam dixi probabiliorē, & tunc dico in pra- xi sequendam. Vide Emman. Sà verb. Debi- tum conjugale num. 1. Toletum lib. 7. cap. 24. sub num. 3. & cap. 25 in fine.

494 Inter. 9. Conjug teneturne reddere debitum petenti, si uterque habet votum castitatis? Et quid si de communi consensu illud emisserit?

Resp. Affirmant Bonacin. loco proximè cit. numer. 8. nam dicit, quod per votum conjux non amittit dominium acquisitum per matri- monium supra corpus alterius conjugis, quā- quam peccet contra Fidem datam Deo in voto emisso; unde aliis relatis, putat teneri reddere petenti, ne violet jus illius, licet ipse quoque simile votum habeat. Sed hæc opinio aliis, quos refert Sanchez de matrim. lib. 9. disp. 37. nu. 10. non placet. Vide Navar- rum cap. 16. per totum. Imò idem Bonacin. loco cit. putat etiam hoc esse verum, quamvis uterque emisserit votum castitatis de communi consensu, dummodò ipsi con- juges non intenderint remittere sibi obligatio- nem reddendi debitum, quia tunc peccaret reddendo debitum; cum petens non habeat jus petendi ob factam remissionem cedendo

Tom. I.

juri suo. Oppositum tamen, & probabilius docet Sylvestr. verb. Matrim. 6. quæst. 5. Navar- rus cap. 12. numer. 59 Soto, Lessius, & alii. Itaque dicendum est cum præfatis Auctori- bus, & Emman. Sà verb. Debitum conjugale nu. 2. quod si uterque communi consensu voverit castitatem, neuter petere possit, aut red- dere petenti, absque Summi Pontificis dis- pensatione. Nam dispensatio pertinet ad Pa- pam tanquam votum integræ, & perpetuæ castitatis, vel saltem ad Episcopum, quando ad Sedem Apostolicam, vel Legatum facile non patet recurrere, ut dicani in tit. 83. de Epi- scopatu, & Episcopis, ad Inter. 47. Lege Navar- rum cap. 16 numer. 30. & 31. Toletum lib. 7. cap. 24. in fine, Emmanuel Sà ubi supra, Sylvestrum loco citat. & verb. dispensatio qua- sition. 6.

495 Inter. 10. Teneturne conjux cum gra- vi detrimento sui corporis reddere debitum, ad vitandum graue periculum incontinentiæ in conjuge petente?

Resp. Dico, quod non teneatur Conjug reddere debitum in dicto casu, neque viro le- pra, vel morbo gallico &c. infecto, etiam si in graui peccata carnis labatur, debitum non reddendo, quia patiens ad superandas carnis tentationes plura remedia adhibere potest, quibus Divina gratia adjutus illas vincat. Vide Castropalaum lib. 5. disp. 3. punct. 4 §. 11. num. 4 & Emman. Sà verb. Debitum conjugale num. 1 §. Dianam par. 6. tr. 7. res. 64. Ultra quod, ut docet ex Suarez, Conincho, & Reginal- do, & aliis, Bonac. de Matrim. qu. 4. punct. 1. num. 5. obligatio reddendi debitum intelligitur salva sanitate, & ordine naturæ; nec petens cen- setur esse in extrema necessitate spirituali, in qua Charitas obligat ad præferendam proximi salutem spiritualem propriæ salutis corpo- rali. Verum si ante matrimonium scie- rit, conjugem esse infectum morbo contagio- so, tenetur reddere, quia per contractum mat- rimonii scierat ad id se obligavit. Tandem si morbus conjugis non tendat ad mortem, est in optione alterius sani, si velit, reddere debitum, ad fovendum conjugalem amorem, & ad vitandum incontinentiam, tam in se, quam in altero. Ita rectè resoluit idem Bonac. ubi supra n. 8. Vide Cajetan. in Sum. verb. Ujus matrimonialis conjugii, & ad Int. 2. tit. 39. de cohabitatione conjugum.

496 Inter. 11. Teneturne conjux reddere debitum alteri petenti cum peccato venia- li?

Resp. Non semper peccat conjux reddendo debitum, quoties petens peccat petendo; imò ferè semper excusatur reddens, si alter illicitè petat,

petat, sed non injuste. Unde Sanch. *de matrim. lib. 9. disp. 9. n. 6.* Filiucius *tr. 10. cap. 9. qu. 3. nu. 308.* & alii apud ipsos, absolute dicunt non esse denegandum debitum Conjugi cum peccato dumtaxat veniali, quia semper adest iusta causa excusans reddentem, qualis causa est, ne displiceat petenti, & ne oriantur lites, & discordiae inter eos. Imò addo ego, & ne periculo incontinentiae exponatur petens ob denegatum sibi debitum ab altero conjugum; ideo mihi non placet distinctio, qua utitur Bonac. *de matrim. qu. 4. pun. 3. nu. 9.* nempe si petat illicite propter circumstantiam personae reddendum esse debitum, secus si petat illicite ob circumstantiam aetatis. Nam nostra sententia est satis probabilis. Sed vide Sanch. *Debitum Conjugale n. 14.* & Dian. *p. 1. r. 7. resol. 35. & p. 3. r. 5. ref. 296.*

497 Inter. 12. In quo casu Conjuges peccant mortaliter non reddendo debitum conjugale alteri conjugi, tacite, vel expresse petenti?

Resp. Licet regulariter peccent mortaliter Conjuges non reddendo debitum, nisi adest aliqua iusta causa illud denegandi; tamen aliquando possunt etiam excusari à culpa lethali, ut videre licet apud Bonac. *de matrim. qu. 4. pun. 1. par. 101.* Dico igitur cum Diana *p. 5. r. 14. ref. 36.* peccatum mortale tunc esse, quando rarissime redditur debitum conjugale, & cum magna difficultate ei, qui serio perit illud; tum propter discordias, quae inde solent pullulare; tum propter injuriam factam alteri consorti, eo modo denegando, quod suum est; tum etiam propter periculum incontinentiae, quod inde potest resultare. Vide igitur Bonac. & Dian. loc. cit. qui pluribus relictis multa ad intentum recte resolvunt.

498 Inter. 13. Ab obligatione reddendi debitum Conjugale excusantur Conjuges, quando habent gravem difficultatem in alendis filiis, si multiplicentur?

Resp. Si Conjuges inter se convenient abstinenti à copula conjugali, ne proles multiplicetur, cessante incontinentiae periculo, nullo modo peccant, ut docent Navarr. in *Manual. cap. 16. num. 33.* Paludanus in *4. disp. 31. q. 3. art. 2. cas. 3.* D. Antonias *par. 3. r. 1. c. 20. §. 6.* & alii communiter. Verum difficultas consistit, an alter possit debitum negare conjugi petenti, ne proles multiplicetur; & hinc inde adhaerent Auctoritates Doctorum, sed omnes tamen intelligant, dummodò absit incontinentiae periculum, quia cum tali periculo semper est peccatum mortale denegare debitum, nisi aliqua iusta causa excuset, quae non censetur gravis difficultas in alendis filiis

nam debet esse extrema penuria, ad quam Parentes, vel filii ob novae proles generationem redigendi sint, quod raro inter Christianos eveniet, ita Layman *lib. 5. r. 10. p. 3. cap. 1. num. 16.* qui pro se citat Angelum Sylvestr. & Navarrum, teste Diana *par. 3. r. 14. ref. 213.* Alii verò putant, gravem difficultatem in alendis filiis, si multiplicentur, excusare, nec ullam culpam, saltem mortalem, committi in praedicta negatione debiti conjugalis. Et hi inter alios sunt Emm. Sanch. *Debitum conjugale n. 18.* Sanch. *tom. 3. lib. 9. disp. 25. n. 3.* Gaspar Hurtado *disp. 10. de matrim. diff. 12. n. 54.* Ledelma *qu. 64. pun. 12.* & 13 & Diana *loco cit. & p. 9. r. 7. ref. 3. Aes. Verum* ubi plures rationes adducit pro hac tuenda sententia; at semper excipiunt, nisi in petente esset aliquoquin periculum incontinentiae, quod semper adest, probabiliter quidem puto ex parte viri; imò ex parte etiam feminae. Ideò ex negatione debiti ob dictam causam multa peccata incontinentiae sequi possunt. Unde mihi magis probatur opinio Rebelli, Coninchii, & Layman, quos citat, & sequitur Casp. *rom. 5. disp. 3. pun. 4. §. 10. n. 9.* quam opinionem tenet etiam Texeda *tom. 2. lib. 4. r. 1. contrav. 12. n. 129.* & luculenter solidis rationibus id probat, & praecipue, quia habere prolem ex Matrimonio est magnum bonum, quod praeponderat quibuscunque incommodis conjugum. Et debitum negare, ne filii multiplicentur ob difficultatem illos alendi, opponitur immediate providentiae Dei, & arcanis, imò & consiliis ejus, quia cum de volatilibus coeli curam habeat, multò magis de creaturis rationalibus quorum est Pater, & specialiter illam habebit. Alias pulchras, & solidas rationes, vide, si lubet, apud Texedam, quem refert Diana *cap. 9. tract. 7. ref. 3.* qui tandem fatetur hanc opinionem esse satis probabilem; sed mihi nedum probabilis, sed etiam probabilior videtur.

499 Inter. 14. Si debitum conjugale nimis crebro, & immoderate exigatur, estne peccatum illud denegare?

Resp. Sotus in *4. disp. 32. qu. un. art. 1.* post conclusiones, Henrici *lib. 11. c. 15. n. 7. in fine*, quibus subscribit Diana *p. 5. r. 14. ref. 36.* dicunt, nullum esse peccatum, secundum illud commune proloquium: *Est modus in rebus sunt certi denique fines.* Vide tamen Emm. Sanch. *Debitum Conjugale nu. 18.* moderate enim petendum est, ne corporis sanitati noceat. Vide etiam *suprà ad Inter. 10.*

TITULUS LV.

De Debito ex contractu.

Vide titul. de Restitut. Acc. Et De Interrogatione 2. 3.

150 **I**nter. 1. Peccatne mortaliter debitor, qui est in mora solvendi debitum ex contractu, absque damno Creditoris?

Resp. Licet nonnulli apud Dianam *part. 2. tract. 17. resolut. 3.* affirmativè respondeant, tamen oppositum est etiam probabile, modò debitor intentionem habeat solvendi, nec creditor periculum subeat amittendi rem sibi debitam. Nam dilatio non videtur adeò injuriosa creditori, ut debitor judicari debeat lethalis criminis reus, præsertim quando debitor non potest commodè restitutionem facere. Ita ex Molina firmat Bonacin. *de Restitut. disput. 2. quest. 6. punct. unico num. 4.* & Diana loco supracit. Urgeant tamen semper Confessarii propter solutionem, maxime quando non esset admodum magna. Non verò facile debent Confessarii hunc debitorem condemnare ob talem dilationem non magnam in casu prædicto.

151 Inter. 2. Quandonam mutuatarius, vel alius debitor dicitur esse in mora solvendi?

Resp. Dicunt Doctores, quòd tunc mutuatarius dicitur esse in mora, aut alius debitor, quando non solvit tempore præfixo, cum possit solvere, advertens explicitè, vel implicitè, creditorem velle sibi solutionem fieri: Dixi, cum possit solvere, quia si ob impotentiam solvere non valuit, non dicitur fuisse in mora, nec in foro conscientiae ad aliquid teneretur, quia impossibile nullo est obligatio; hoc autem intelligendum est, modò non adesset expressum pactum contrarium. Verùm est tamen, quòd si mutans voluntariè pateretur damnum, ut si, verbi gratia, habeat aliam pecuniam otiosam, qua potest evitare damnum, & tamen accipit pecuniam sub usuris, vel ad cambium; non potest tuta conscientia petere damnum à debitore, vel mutuatario, quia censetur voluntariè velle pati damnum. Ita Bonacina, Stephanus à Sancto Gregor. & alii apud ipsos, & est communis sententia.

152 Inter. 3. Titius pauper dixit Cajo dixi, Solve quæso debita mea, alioquin cer-

tò me interficiam; teneturne sub mortali dictus Cajus solvere Titii debita; ut non se interficiat?

Resp. Dico, quòd nullo jure tenetur Cajus, & consequenter non peccat, si Titii debita non solvit; non sunt enim nequitiae hominum juvandæ, aut fovendæ: Titius autem in dicto casu depravata sua voluntate est in ea necessitate constitutus. Vide quòd dicam infra in tit. 87. *de elemosyna ad Interrog. 4.* Et nota, quòd si Titius peccat ex infirmitate animo, vel aliquo cæco affectu, teneretur Cajus ex charitate ei subvenire, & tale homicidium impedire. Ita Azor. *tom. 2. lib. 12. cap. 9. quest. 7.* & ex eo Dian. *part. 5. tract. 8. res. 7. prope finem.*

153 Inter. 4. Decoctores gaudentne privilegio immunitatis, si ad Ecclesiam confugiant?

Resp. Affirmant Diana *part. 1. tract. 1. res. 23.* ubi citat Farinacium, Gratianum, & alios. Et ratio est, quia inter casus exceptos in bulla Gregoriana non reperitur casus decoctorum, quamvis obstricti sint debito publico, aut suspecti sint de fuga, aut decoxerint cum magno Reipublicæ detrimento; prout de communi testatur Bonac. loco proxime cit. numer. 6. & egregie respondet ad argumenta contraria. Et hoc intelligendum est, etiamsi fraudulentè decoxerint; nam ita à Sac. Cardinal. Congregatione fuisse decisum testatur Diana ubi supra. Idem docet *part. 4. tract. 1. resolut. 83. vers. Notandum est.* Et *part. 6. tract. 1. res. 17.* in quibus locis quàm plures Doctores id asserentes adducit. Vide Bonac. *tom. 3. disput. 2. quest. 5. punct. 16. §. 5. num. 6.*

154 Inter. 5. Decoctores, qui una secum ad Ecclesiam portant bona in præjudicium creditorum, debentne gaudere immunitate simul cum bonis ibidem asportatis?

Resp. Debitores fraudulentè ad Ecclesiam cum bonis confugientes, non debent ibi multo tempore tolerari, sed ab Ecclesia sunt eiiciendi: Et bona transportata ad Ecclesiam ini eritorum præjudicium, Judici Seculari consignanda sunt, ut illa, cui de jure, adjudicet. Ita pluries mandasse S. Congr. testatur Diana *part. 6. tr. 1. res. 17. prope fin.* Idem docet Lezana *tom. 2. verb. Immunitas Eccles. num. 28.* & alii communiter.

TITULUS LVI.

De Decimis.

Vide tit. de Lois. Inter. 11. tit. de Regul. Ets. Interrog. 28. 29.

505 **I** Nter. 1. Potestne Parochus à Sacramentis repellere illos, qui decimas non solvunt, dummodò delictum sit publicum?

Resp. Si cognoscat eos paratos esse ad non soluendum data opportunitate, licetè potest illos à Sacramentorum perceptione repellere; quia sunt indispositi ad dignè suscipienda Sacramenta, qui decimas, oblationes, vel primitias Parocho non solvunt; Parochus autem tanquam minister Sacramentorum non potest indignè petenti Sacramenta administrare. Vide Riccium *part. 4. decis. Curia Neapolit. decis. 199. in princip.* Unde si ei competat jus decimarum, ut evitet scandalum, debet protestari coram aliis, poenitentem repelli à Sacramentis, non quia poenitens denegat, quod ei debetur tanquam Parocho, sed quia non vult propriæ conscientiz consulere, & ad dignè Sacramenta suscipienda se preparare; nam in foro fori non pertinet ad Parochum priuare poenitentem susceptione Sacramentorum, sed ad Episcopum, seu Ordinarium, ultra quod nemo est Iudex in propria causa; idè dixi ad vitandum scandalum, debet coram aliis protestari, ut tollat suspensionem usurpatæ sibi alienæ potestatis. Ita docet Bonacin. *de Sacram. disp. 3. quæst. 7. punct. 4. §. 2. sub numer. 20.* Vide Concil. Trident. *sess. 25. cap. 12.* & ibi Barbof. in *Collect. DD.* & Bonac. loco mox citando.

506 Inter. 2. Potestne Parochus priuare Ecclesiastica sepultura poenitentem ob decimas non solutas?

Resp. Dico, quòd non, quia tale jus non competit ei, sed Superiori, & Judici in foro externo, ut docet Sanctus Thomas 2. 2. *qu. 76. art. 1.* & ibi Cajetanus. Idem tradunt Navarr. *confil. 2. de decimis*, & Genuensis in *praxi Neapolit. cap. 61. in annot. num. 10.* & alii, teste eodem Bonac. loco *supra* cit. Vide iterum Bonac. *de præcept. Eccles. tom. 2. disp. ultim. qu. 5. punct. 3. sub num. 3. vers. Utrum verò.*

TITULUS LVII.

De Decretis.

Vide tit. de Cler. Ets. Inter. 13. 14. tit. de Episcop. Ets. Inter. 41. tit. de Regular. Ets. Inter. 6. 61. 77. 79. 105. tit. de Valor. absolut. Interrog. 22. tit. de Valor. dispens. Inter. 2.

507 **I** Nter. 1. Decreta Visitationis Episcopalis, si prius non fuerint promulgata, obligantne illos, qui priuata noticia sciunt, in visitatione ea condita fuisse?

Resp. Dico, quòd non, etiam si illis decretis annexa sit aliqua censura, quia promulgatio est de eorum essentia; nam Decreta illa sunt leges, vel particulares alicujus Parochiz, vel generales totius Dioecesis, & obligant ad modum aliarum legum Ecclesiasticarum; sed nulla lex obligat, nisi sufficienter fuerit promulgata: ergo qui hujusmodi decreta non observat, nulli culpæ, aut pænæ erit obnoxius, non obstante, quòd priuata noticia ea sibi innotescant, cum priuata illa noticia non suppleat promulgationis defectum, quæ essentialis est ad valorem legis, ut docet Soto *de just. lib. 1. quæst. 1. art. 1. Tolet. lib. 7. de peccatis mort. cap. 18.* & Suarez *de legib. lib. 3. cap. 10. num. 2. & 6.* & est communis sententia.

508 Inter. 2. Meretrices comprehenduntur statutis Synodalibus excommunicantibus non confitentes, aut non communicantes in Pascha?

Resp. Emman. Sà *verb. Confessio num. 22* dicit quòd non, nec tales unquam denunciantur excommunicationem incurrisse: & rectè dicit: nam ut ait Leander *de Sacram. tom. 1. tra. 5. disp. 3. quæst. 58.* licet meretrices peccent mortaliter non implendo annuæ confessionis præceptum, tamen alias pœnas non incurrunt, præsertim quia illarum misericordis status permittitur ab Ecclesia ob vitanda majora incommoda; non ergo ab illa puniuntur: & pro hac sententia citat Vivaldum, Sà, Grashum, Rodriguez, & Zerulam. Verum est tamen, ut etiam obseruat Diana *par. 10. tr. 12. res. 36.* quòd meretrices, quæ in Paschate non receperunt Sacramentum Penitentiz, si moriantur absque Confessione, hic Romæ non sepeliuntur in Ecclesia, sed extra Portam Populi, in quodam loco, qui dicitur *à mura torto*; & ibi tumulantur.

509 Int. 3. Tenenturne Episcopi in sua Dioecesi curare, ut leges Pontificiæ publicentur, &

& observentur. Et obligantne tales leges, si non fuerint publicatæ in Diocesis, & Provinciis?

Resp. Si id faciunt Episcopi, optimè faciunt; cæterum eo ipso, quod Romæ more solito publicatæ sunt, obligant ubique; neque earum obligatio pendet ex acceptatione populi, ut rectè docet Diana *part. 6. tra. 6. ref. 38.* Dicendum est igitur cum communi sententia DD. Leges Pontificias ubique obligare eo ipso, vel saltemper duos menses à publicatione Romæ (nisi apponatur certum tempus obligationis) facta, nec alia in Provinciis, & Diocesis publicatione egere. Doctores ad satiætem pro hac sententia congerit Diana *par. 1. tra. 10. ref. 8. & par. 5. tra. 14. ref. 25.* quibus se subscibit, & *par. 6. tra. 6. ref. 39. versè.* Dico igitur &c. validis rationibus, & auctoritatibus hanc sustinet sententiam: idèd Episcopi subditos, eas leges non observantes, possunt, & debent punire. Lege Diana, & non te poenitebit legisse. Vide Emm. Sà *verb. Lex nu. 8.*

§10 Inter. 4. Declarationes Eminentissimorum Cardinalium habentne vim legis obligantis, tam in foro fori, quam in foro conscientie?

Resp. Est quæstio ardua, & difficilis, ideoque Doctores inter se decertant. Quidam enim dicunt, dictas declarationes non habere vim legis, quia ut lex obliget, necesse est, ut solemniter promulgetur; sed tales declarationes non promulgantur solemniter; ergo non habent vim legis obligantis, tum quia non fiunt, neque pronunciantur citata parte, ac proinde censendæ non sunt leges decisivæ, sed tantum opinioniones doctrinales, quamvis plurimi faciendæ; & pro hac sententia sunt Sanchez *lib. 8. de matrim. disp. 2. num. 20.* Bonac. *de legib. disp. 1. quæst. 1. pun. 8. num. 4.* Diana *par. 1. tra. 2. ref. 36.* qui plures concordantes adducit. Verum mihi dicendum videtur, declarationes Eminentissimorum Cardinalium, præsertim Concilii Tridentini Interpretum, esse definitivas, seu decisivas, & vim legis habere obligantis in utroque foro, dummodò tamen quatuor habeant conditiones, ut perdoctè firmat Gabrinus in *Elucid. cas. reserv. par. 1. ref. 113.* Prima est, ut certum, & indubitatum sit, esse declarationes Cardinalium, quod patebit, si sigillo, & subscriptione Eminent. Card. Præfècti, ac ejusdem Congregationis Secretarii munite fuerint Secunda, ut factæ sint jussu Sanctissimi, vel ipso consulto. Tertia, ut Cardinales declarent tantum, non autem dispenfent, vel amplient ultra juris regulas, quam formam præscripsit

Tom. I.

Greg. XIII. teste Diana *p. 5. tr. 2. ref. 96.* Quarta denique, ut hæ declarationes consentient notitia publica, quod fit, si transmittantur ad Episcopos, ipsique mandetur, ut eas juridica forma in Diocesi promulgent, & in usum deducere curent. Cæterum quamquam dictas conditiones non habeant, nihilominus magnam inducunt probabilitatem, ut potè ab Eminentissimis viris pietate, doctrina, rerumque usu præstantibus editæ, qui etiam Theologos, & Juris peritos, alioque viros doctissimos ad consilium adhibere solent. Concludendum est igitur, Sacrorum Purpuratorum responsa, & declarationes, velut oracula, debita, ut par est, reverentia excipiendæ esse, & in praxim deducendas; nam casu etiam dato, quod aliquæ ex illis nec authenticæ sint, nec publicatæ, aut desit aliqua ex supradictis conditionibus; tamen si constet illa responsa à Sac. Congr. emanasse, tantæ quoque auctoritatis sunt, ut ab eis sine firmissimo fundamento recedendum non sit, ut do cet idem Gabrinus, Lezana omnino videndus *tom. 2. verb. Sac. Congreg. à n. 6. usque ad n. 14. inclusivè,* & alii penes ipsos. Vide Suares *lib. 6. de legib. cap. 1. num. 6.* & Dianam *par. 5. tr. 2. ref. 95.* qui tandem sic concludit: *Verum licet ego par. 1. tra. 10. ref. 29. sententia negativa adhaeserim, asserens dictas declarationes esse tantum doctrinales, tamen nunc circa præsens dubium nolo judicium meum interponere; optarem tamen decisionem hujus difficultatis à Summo Pontifice ita definiti, ut impossibilem amplius locus non esset Doctorem opinionibus adhaerere.*

TITULUS LVIII.

De Defensione bonorum temporalium.

Vide titul. de Prac. aud. Sac. Interrogatione ultim.

§11 Inter. 1. Potestne quis licitè pro defensione suarum rerum occidere furè?

Resp. Doctores satis communiter conveniunt dicentes, in tribus casibus non posse quem licitè, & sine peccato occidere furem pro defensione rerum. Primò, quando fur potest capi sine occisione. Secundo, quando bona erepta possunt alia via recuperari; licet in dubio potest dominus uti jure suo, occidendo furem. Tertiò, debet esse aliuscuius magni momenti res; nam regulariter non est licitum occidere furem pro conservatione unitus aurei, ut quidam dixere, quorum opinio reprobatà fuit ab Innoc. XI. die 3. Martii anno 1679

1 3 &c

& est propositio 31. ab eodem Pontifice condemnata. Quanti autem valoris oportet sit res, pro cuius defensione occidere liceat, vide Dianam loco mox adducto ref. 18. Sed non approbo id, quod in fine dicit ex Lessio. Cæterum pro defensione rerum, quando aliter non possunt defendi, nisi furem occidendo, licet illum occidere, non solum nocte, sed etiam die. Ita Cajetanus 2. 2. qu. 64. art. 7. S. Antoninus 3. p. tit. 4. cap. 3. Sylvester verb. *Bel-lum* 2. n. 10. Navarrus in man. cap. 15. n. 2. Toletus lib. 5. cap. 6 sub n. 16. Emman. Sæ verb. *Homicidium* nu. 5. Zeccus de cas. refer. cas. 13. pag. 206. vers. *Rursus dubitatur* &c. & alii plures, quos dat, & sequitur Diana p. 5. tr. 4. resol. 17. quia bona externa sunt media ad sustentationem vitæ; unde sicut occidere licet pro conservatione vitæ, ita & pro conservatione mediorum, quibus vita sustentatur, & servatur; nam res externæ dicuntur sanguis, & vita hominis, ut docet Gloss. juncto textu in leg. *Advocati*, Cod. de *Advocatis divers. judic.* Vide cap. 51. *perfidens*, & cap. *Interficiendi de homicidio*, & Lezanam tom. 2. verb. *Homicidium* n. 9. Armillam verb. *Homicidium* sub n. 3.

512 Inter. 2. Estne licitum occidere furem si cum re furata fugiat?

Resp. Affirmativam sententiam docet Diana p. 5. tr. 4. ref. 17. vers. *Notandum est etiam hic*, & p. 8. tr. 7. ref. 47. & alii penes ipsum. Et ratio est, quia invasio rei durat, donec se in tutum recipiat, ubi quiete possidere incipiat; unde putat esse licitum, sagitta, sclopo, vel catapultâ furem cum re furata fugientem occidere, nam, inquit, si hoc non esset licitum defensor rerum maxima ex parte esset inutilis, dum possent fures quodlibet rapere, & statim fuga se proripere, si fuga essent tuti: Post invasionem certò non licet occidere, sed in casu nostro invasio durat, ait Diana: ergo licitum erit occidere furem, si cum re furata fugit, dummodò sit res alicujus magni momenti, & aliter recuperari non possit, ut dixi ad Inter. antecedentem, & non sint personæ Ecclesiasticæ, ut dicam ad Inter. sequentem Sed vide Toletum lib. 1. c. 80. n. 14. qui docet, in hoc casu incurri irregularitatem, quod est probabilius.

513 Inter. 3. Clerici, & Religiosi possuntne sine peccato occidere latronem pro conservatione suarum rerum, quando eas aliter habere, vel recuperare non possunt?

Resp. Affirmativam sententiam docet Diana loco suprà citat. & pro se plures concordantes adducit. Oppositam tamen, & probabilius, docent Sylvester loco cit. nu. 8. Toletus, Sotus, Bannes, & alii apud Victorel-

lum in add. ad Emman. Sæ verb. *Homicidium* sub n. 5. & habetur ex cap. *Suscepimus*, & *Interficiendi de homicidio*, quia hoc esset contra mansuetudinem Ecclesiasticam, nec sic conformarentur capiti Christo, qui neminem occidit. Unde dicendum est, non licere Clericis, & Religiosis, pro defensione rerum, aut honoris quemquam occidere; sed tantum ob vitam salvandam, quando aliter salvare non possint. Verum puto in casu nostro licere Ecclesiasticis percutere furem citra occisionem, ut tenet Sotus apud Zeccum loco. prox cit. & Sylvester verb. *Homicidium* 1. q. 4. Vide Toletum lib. 1. cap. 80. sub n. 11. & Lezanam tom. 2. verb. *Homicid.* n. 9.

514 Inter. 4. Incurruntne irregularitatem, qui occidunt invasorem in defensionem bonorum temporalium?

Resp. Quòd irregularitatem incurrant Clerici, & Religiosi interficientes hominem in defensione rerum temporalium, apud me indubitatum est, quia eis, ut dixi in præcedenti responsione, non licet interficere invasorem bonorum temporalium, aut honoris: De sæcularibus autem hinc inde sentiunt Auctores, ut videre licet apud Dianam p. 4. tract. 2. ref. 4. & Lezanam tom. 2. verb. *Irregularitas* sub nu. 65. qui tamen probabilius existimant, irregularitatem non incurryere in casu nostro Laicum; & quamvis hæc opinio sit valde probabilis, mihi tamen valde placet opposita, quia est communis, & tutior. Unde dico cum Navarro in *Manual*, cap. 27. n. 123. & aliis multis, quos citat Diana ubi suprà, quòd nemo ob vitæ alterius, honoris, rerumve defensionem, excusatur ab irregularitate; sed solum quando aliter mortem vitare non potest, suum interficit invasorem, hoc est cum moderatione inculpatæ tutelæ, scilicet si alia ratione suam vitam defendere nequeat; is enim non solum non peccat, nec tenetur ad restitutionem, sed neque irregularitatem incurrit, ut docet Sanctus Thomas 2. 2. q. 64. art. 7. Vide etiam Sayrum de *Conf.* lib. 6. cap. 15. n. 21. Emman. Sæ verb. *Irregularitas ex deformatione* &c. sub n. 2. in addit. & Zeccum de cas. refer. cas. 1. de *Irregularitate* pag. 101. versic. *Quarto ampliatur*, & Toletum lib. 1. cap. 80. n. 13. & tene, ut dixi, quia tutius est.

515 Inter. 5. Licetne occidere invasorem, seu furem, pro defensione rerum, & bonorum externorum proximi? Et quid de irregularitate?

Resp. Affirmat Diana p. 5. tract. 4. resol. 20. & testatur de communi, quando aliud non suppetat remedium; & hoc probat eadem

ratio.

ratione de eo, qui interficit injustum in vasorem pro defensione vitæ proximi, cum bona externa sint & sanguis, & vita hominis; unde putat id licere non solum in præsentia domini bonorum, sed etiam in illius absentia, ex præsumpta illius voluntate, bona illius defendendo. Vide Molinam de Just. 10. 4. tract. 3. disp. 18. n. 1. Sed hæc sententia intelligenda est, quando bona non sint modici valoris, & dummodò non sint personæ Ecclesiasticæ, quæ, ut sæpè dixi, neminem possunt licite occidere, nisi pro servanda vita propria, & quando fuga non possunt mortem vitare. Cæterum irregularitatem in dicto casu nemo evadere potest, ut dicam ad Inter. 2. tit. 62. ex defectu lenitatis.

T I T V L V S L I X.

De Defensione honoris.

Vide tit. de Irreg. Inter. 13. tit. de Prac. aud. sac. Inter. ultim.

516 **I**nter. 1. Peccantne Clerici, Religiosi, & Personæ infimæ conditionis, qui percussi, vel invasi, reperiuntur in vasorem?

Resp. Quando fuggere possunt sine gravi incommodo, tenentur fugere, maxime quia, cum humilitatem, modestiam, ac mansuetudinem profiteantur, nullum eis dedecus accrescit ex aliorum contumelia, vel percussione ex eo, quodd fugiant; sed potius gloria & bonum nomen: neque parvi habentur, sed magni potius, propter virtutem, quam ostendunt. Vide Dianam p. 5. tract. 4. ref. 49. Bonac. de Resp. disp. 2. quest. ult. punct. 10. n. 11. Quod si commodè fugere queant, si alapa percussi, vel fuste, vel quocumque alio modo invasi, reperiuntur, & occidunt in vasorem, mortaliter peccant contra justitiam, prout firmat Bonac. loc. cit. quicquid alii in contrarium dicant, dum putant solum peccare contra charitatem. Tamen certò puto peccare contra justitiam, si ob levem alapam vitandum occidunt in vasorem; & ita tenent plures Doctores citati à Diana ubi supra prope finem, cum quibus ipse sentit, & meritò. Vide Cabrin. de Cas. reserv. p. 2. cas. 1. annos. 10. num. 47.

517 **I**nter. 2. Estne licitum viro honorato interficere illum, à quo vocatur ex. gr. cornutus &c. quando non potest cogi, ut taceat?

Resp. Affirmare non dubitant quidam Au-

thores penes Dianam, p. 5. tract. 4. ref. 12. quia alias daretur licentia improbitati optimos viros contumeliis vexandi. Sed contraria sententia, quam tuentur Mollesius in Sum. tom. 1. tr. 11. cap. 19. n. 74. Filliucius 10. 2. tract. 29. cap. 3. n. 49. Azorius tom. 3. lib. 2. cap. 1. quest. 17. & alii, quibus se subscribit Diana loco cit. est tenenda, quia injuriæ verbales verbis repelli possunt, quæ est legitima vindicta, & ita repelli solent etiam apud viros honoratos. Vide Dianam ibid. Bonac. ubi supra n. 7. Cabrinum de cas. reserv. p. 2. cap. 2. annos. 10. n. 45.

518 **I**nter. 3. Estne licitum in foro conscientie occidere aliquem pro defensione honoris, quando aliter ignominia vitari non potest?

Resp. Dico, quodd si aliquis non potest absque suo dedecore fugere, non tenetur id facere; unde si ver gr. non potest vitare vulnus, alapam, vel percussione ignominiosam, quam sibi alter intentat impingere, nisi occidendo, occidere quit. Navar. in Man. cap. 15. n. 4. Tolet. lib. 5. cap. 6. nu. 15. Bonac. de Resp. disp. 2. quest. ult. punct. 10. n. 6. Diana p. 5. tr. 4. ref. 4. & 9. Cabrinus sub num. 45. supra citato, & alii communiter, teste Tolet. loc. cit. Verum est tamen id solum licere Nobilibus, & personis, quæ suum tueri honorem maxime obligantur; non autem hominibus plebeis, aut infimæ sortis, qui ex alapis, & verberibus non magnam sustinent ignominiam, ut rectè docent citati Doctores. In praxi tamen hoc quodd dixi, non videtur consulendum, tum, ut vitetur occasio cædium, tum ut excessus odii, vindictæque periculum arceatur; est enim res valde periculosa. Vide Layman lib. 3. sect. 5. tract. 3. p. 3. cap. 3. nu. 3. Bonac. ubi sup. sub n. 8. Cabrinum loc. sup. cit. n. 46. vers. Adde. Denique notandum est, si non esse viro honorato occidere in vasorem, qui solum nititur calumniam inferre, etiam si aliter hæc ignominia vitari nequeat. Nam oppositum est reprobatur ab Innocentio XI. & est propositio 30. ab eodem condemnata. Vide Inter. 1.

519 **I**nter. 4. Estne licitum ad honorem tuendum, in vasorem post impactam alapam, fustem, vel vulnus, fugientem insequi, & occidere?

Resp. Affirmat Diana p. 2. tract. 15. ref. 15. & p. 5. tr. 4. ref. 11. cum aliis ab ipso relatis; sed nullo modo sunt audiendi tales Authores, cum parum timoratos loquantur in hoc casu. Sed vide Tolet. lib. 5. cap. 6. n. 16. Bonac. loc. cit. disp. 2. quest. ult. sect. 1. punct. 10. n. 8. & alios, quos refert ipse Diana d. ref. 15. in princ. Navar.

loc. prox. cit. Gabrin. ubi sup. vers. addo. Jure merito igitur affirmativam sententiam damnavit Innoc. XI. in suo Decreto; vide propof. 30. inter damnatas. Nam nunquam licet vindicta cum non pertineat ad personam privatum, sed ad Principem, mediante iustitia, quam publica auctoritate administrat.

TITULUS LX.

De Defensione pudicitiae.

Vide sis. de Ingr. in Relig. Inter. 3. tit. de soc. crim. Inter. 5.

520 **I**nter. 1. Peccatne Mulier, vel Adolescentens, qui occidit inuaforem suae pudicitiae? *

Resp. Doctores communiter docent, quod non peccat, quoties fugiendo, vel vociferando, aut alio modo se tueri non possit. Bonac. de resist. disp. 2. quest. ult. sect. 1. punct. 10. n. 12. Toletus lib. 5. cap. 6. sub nu. 16. & ratio est, quia bonum pudicitiae majus bonum est, quam opes, & non raro æquiparatur bono vitae, ultra quod in amissione pudicitiae periculum peccandi subest. Verum est tamen, quod si periculum consensus absit, potest condonare uitam suae pudicitiae inuafori, pariendo uiolationem. Nauar. in Man. cap. 15. n. 5. Diana p. 5. tract. 4. ref. 36. & alii plures, quos congerit Gabrinus p. 2. cas. 2. annos. 10. n. 44. Vide, quae dicam in sis. 89. de Excommunicatione ob Clerici percussione ad Inter. 20.

521 **I**nter. 2. Peccaretne, qui particulam linguae sibi amputaret, ut ipsam expueret in faciem Meretricis sollicitantis ad libidinem?

Resp. Quando non suppetit alia ratio se defendendi, nullo modo peccaret, ut de quodam adolescente testatur Sanctus Hieronymus in uita Pauli, & refert Bonac. de Resist. disp. 2. quest. ult. punct. 6. sub n. 6. Cæterum non licet sibi membrum, uel membri partem mutilare ad sanitatem spirituales, ut ad uitandas carnis tentationes, & ad peccatum fugiendum, ut docet Sanctus Thom. 2. 2. q. 65. art. 1. ad 3. Molina, Salonijs, Filliucius, Turrianus, Bannes, & Toletus, quos dat, & sequitur idem Bonacin. loc. citat. Sed uide id, quod dicam in sis. 147. de Mutilatione Membrorum ad Inter. 4.

TITULUS LXI.

De Defensione uitae propriae.

Vide sis. de Fornic. Inter. ultim. tit. de Homicid. Inter. 6. 7. tit. de Irreg. Inter. 9. 10. 11. 12. 13. 23. tit. de Paroch. Interrog. 22. sis de Prae. aud. sac. Inter. ultim. tit. de Re. mort. Int. 1. & ad quas. tit. de Sacril. Inter. ultim. tit. de fignil. confes. Int. 16. 7. 18. tit. de simul. Inter. 1.

522 **I**nter. 1. Peccatne, qui uigiliis, penitentis, & aliis huiusmodi afflictionibus, aduertit uitam quæ abbreviare? *Resp.* Tenetur homo uitae suae consulere in quantum potest, & debet; quilibet enim tenetur ex charitate se ipsum conservare, & non habere affectum contrarium. Unde si uitam sibi decurtat per abstinentias, uigilias, aut alios labores, uel penitentias indiscretas, quas scit, & aduertit esse indiscretas, etiam si absque intentione abbreviandi eam id faciat, sed aduertit, quod eam decurtat, peccat mortaliter. Ita Sanctus Hieronymus relatus in cap. Non mediciner de confes. disp. 5. Sanctus Thomas 2. 2. q. 147. art. 1. & 2. Cajetanus ibidem, Nauar. in Man. cap. 15. n. 12. vers. 14. Tolet. lib. 5. cap. 6. sub n. 8. & alii communiter. Verum tamen est, quod si bonum opus facere exilimet, & probabiliter putet non esse indiscretas huiusmodi afflictiones, nullo modo peccat. Nam qui per moderatam abstinentiam, per jejunia, per macerationes, uel etiam studia, prauidet uitam abbreviare, sed non intendit mortem, sed uirtutem; non uidetur peccare, quia hoc non repugnat rationi, cum haec opera sint laude digna, ut recte docet Bonacin. de Resist. disp. 2. quest. ult. sect. 1. punct. 5. sub n. 9. & alii allegati per ipsum, Lezana tom. 2. verb. Homicidium n. 5. Tandem pro coronide hujus responsionis, dico cum Diana, p. 5. tract. 4. resol. 33. in fine, quod in hoc optimum consilium erit, nihil facere sine consilio prudentis Confessarii, & Superioris. Vide etiam Emmanuel Sà verb. Vita num. 1.

523 **I**nter. 2. Cajus iurauit ire Lauretum tali die, sed postea audit esse in uia latrones, qui omnes occidunt, uel capiunt, teneturne se exponere tali periculo? *Resp.* Minime tenetur implere promissam, & cum periculo, implere, quod iurauit; nam iuramenti obligatio cessat ratione euentus, ut docet ipse Tolet. lib. 4. cap. 22. sub n. 2. & alii omnes.

524 **I**nter. 3. Quid facere debet Confessarius

rius alicujus mulieris ductus in aliquod desertum à marito ejus nobili, vel à Tyranno, & interrogante, an sua uxor confessâ fuerit ei, se adulteratam esse, intendendo ei mortem, si veritatem non dixerit?

Resp. Respondeo cum Navar. *Man. cap. 8. num. 19.* quod potest absolute dicere, & si opus est, etiam jurare, eam sibi non esse confessam ullum adulterium. Quia, ut docet S. Thom. in 4. *dist. 21. qu. 3.* Confessarius non scit illud adulterium, ut homo, sed ut Deus. Bonac. de *Sac. disp. 5. qu. 6. scilicet. 5. pun. 6. nu. 13. Et de Precep. Decal. disp. 4. q. 1. pun. 12 sub num. 5. vers. 7.* Diana pars. 3. tra. 6. ref. 30. vers. 6. & p. 5. tr. 11. ref. 43. & alii plures penes ipsos. Emm. Sâ verb. *Confessori n. 24. Sylv. verb. Confessio n. 6. Cajet. in sum. verb. Confessori necessaria, dum loquitur de sigillo Confess.*

525 Inter. 4. Pro servanda vita propria potestne Confessarius aliquo modo manifestare peccata pœnitentis audita in Confessione?

Resp. Nequaquam, quia majus bonum est servare secretum confessionis propter bonum commune fidelium, & propter reverentiam Sacramenti debitam, quàm sit vita unius hominis: Turrianus de *penit. disp. 33. dub. 5.* Dian. p. 5. tr. 11. ref. 46. Vide etiam dicam in tit. 204. De Sigillo Confessionis ad tit. 1. §. 1. & 18 nam quod ibi firmabo, videtur probabilius etiam Bonac. de *Sac. disp. 5. q. 6. scilicet. 5. pun. 4. nu. 29 in fin.* quia ex scientia Confessionis sequeretur damnum pœnitenti, & confessio fieret odiosa.

TITULUS LXII.

De Defensione vitæ proximi.

Vide tit. de Deb. ex contract. Inter. 3. tit. de Elem. Inter. 4. §. 15 de Homicid. Inter. 8. §. 15. de Testib. Etc. Inter. ult.

526 Inter. 7. Estne licitum pro defensione vitæ proximi occidere injustum invasorem?

Resp. Doctores communiter affirmant licere, quia lege charitatis licitum est aliis facere, quod pro se ipso quisque potest; sed quisque potest licite occidere invasorem vitæ, ergo poterit pro vita proximi etiam id facere alius, maxime quia talis censetur innocens, etiam si causam dederit invasioni; invasio enim semper injusta, & innocens semper licite defendi potest: ergo &c. Ita ex Filiucio, Maldero, Molina, & Azorio firmat Diana p. 8. tr. 7. ref. 19. & testatur de communi. Verum est tamen, quod si invasus cedat Juri suo, &

serio dicat nolle se defendi sed potius mori, quàm occidatur invasor in peccato mortali, tunc non erit licitum ejus injustum invasorem occidere, ut recte notat idem Diana *ibidem in fine.* Vide Sylvestrum verb. *Bellum 2. nu. 8. Navarrum in man. cap. 1. num. 2. Tolet. lib. 1. cap. 80. nu. 10. & Zeccum de casib. reserv. cas. 13. de homicidio pag. 208. vers. Succesivè etiam Etc.* qui hanc sententiam sequuntur, & tuerentur.

527 Inter. 8. In dicto casu, qui occidit injustum invasorem proximi, sitne irregularis, & incurritne excommunicationem, si invasor sit Clericus?

Resp. Dico primò, incurrire irregularitatem, qui occidit invasorem proximi, ut dixi supra in tit. 58. de defensione bonorum temporalium, ad inter. 4. & ita docent Sylvest. Toletus, & Navarrus loco supra cit. & alii multi. Dico secundò, cum eodem Sylvest. *ibidem*, quod pœnam excommunicationis, percuciendo, vel occidendo Clericum, evitat, non solum defendendo se, sed etiam Patrem, Matrem, Uxorem, Filium, vel Filiam; non autem defendendo extraneum; sed servato moderamine inculpatæ tutelæ, puto, neque descendendo extraneum, excommunicationem incurrit, si Clericum invasorem occidat, quia excommunicatio Juris numquam incurritur sine peccato mortali, quod non adest in casu prædicto, ut suppono. Oppositum tamen tenet Diana p. 4. tr. 2. ref. de irregularitate in casu nostro; sed ego non recedo ab affirmativa sententia, quam præter Navarrum, & Sylvestrum, docent Layman, Avila, Bizozerus, Majolus, & alii, quos refert, & sequitur Diana loc. cit. in princ. Nam incurrit irregularitatem ex defectu lenitatis, ut consideranti patebit. Vide Zeccum loc. cit.

528 Inter. 3. Teneturne famulus vitam domini defendere cum periculo propriæ vitæ?

Resp. Non omnis famulus ad id specialiter tenetur, sed solum ille, qui ad talem effectum fuerit conductus; nam si certò tenetur, ob conventionem, dominum comitari, ac ejus vitam defendere, si opus fuerit, etiam cum vitæ propriæ periculo, cum specialiter ad id se obligaverit, non animo offendendi alios, sed vitam domini tuendi, si casus inopinatus evenierit. Cæterum quilibet famulus impedire tenetur, ne dominus damnum patiatur, sed non cum onere perdendi propriam vitam. Ita ex Reginaldo, Filiucio, & aliis resolvit Bonacina de *Legibus disp. 6. qu. unica punct. 8. nu. 15.* Vide Dianam p. 7. tr. 7. ref. 50.

TITULUS LXIII.

De Delectatione.

Vide tit. de Gul. Inter. 1. tit. de Parois. mat. Inter. 3. 4. tit. de Spons. Inter. 1. tit. de Vj. conjug. Inter. 2.

329 **I**nter. 1. Conjuges, qui utuntur copula conjugalī ob solam voluptatem, peccantne mortaliter, vel venialiter, vel nullo modo?

Resp. Sanchez de *matrim. lib. 9. disp. 11. nu. 4.* Bonac. de *matrim. quest. 4. pun. 6. num. 7.* & alii, quos ipsi referunt, docent, quod tantum venialiter peccent, quia non constitunt sibi finem honestum, qualis esse debet procreatio filiorum, vel ad evitandam incontinentiam; non est autem mortale peccatum, quia, ut ait Navar. in *man. cap. 16. n. 23.* cui subscribit Bonac. *loc. cit.* accedere causa voluptatis ad conjugem, non habet tantam oppositionem cum ratione, ut constituit valeat culpam mortalem. Diana vero p. 3. tr. 4. ref. 216. & alii ab eo relati dicunt, quod neque venialiter peccent: Verum hoc nullatenus affirmari potest, maxime cum talis sententia jam postremo fuerit reprobata ab Innoc. XI. anno 1679. & est 9. propositio inter alias in suo Decreto reprobata. Vide etiam Victoriam in *Summ. de matrim. num. 252.* ubi docet, quod matrimonium ulius propter delectationem est peccatum veniale, & recte probat.

330 Inter. 2. Si quis oscularetur aliquem absque ulla sinistra intentione, & periculo delectationis veneret, sed solum ob illam delectationem sensibilem, quæ ex osculo oritur, committeretne peccatum lethale?

Resp. Negativam sententiam conatur probare Sylvius in 2. 2. D. Th. q. 154. art. 4. *conclus.* 4. & pro se citat alios, nec dissentire videtur Comitulus, & Joan. Salas; sed non admittitur à Filiucio *tom. 2. tr. 30. c. 9. n. 179.* neque à Sanchez in *Summ. tom. 2. lib. 5. c. 6. n. 12.* & eam tanquam improbabilem refellit Diana p. 4. tr. 4. ref. 136. & merito quidem, nam talis actus (nisi fiat ex aliqua iusta, & rationabili causa, & non pro illa delectatione) quippe periculosus est valde, atque ut plurimum inductivus ad libidinem; unde quia se exponit periculo peccandi mortaliter, jam mortaliter peccat: nec aliter affirmari potest, cum negativa sententia, veluti improbabilis, & scandalosa, sit reprobata ab Alex. VII. die 18. Martii 1666. & est propositio 40. ab eodem Pontifice damnata, etiam se-

cluso periculo consensus ulterioris, & pollutionis. Vide Bonac. de *matrim. qu. 4. pun. 9. præsertim n. 5.* Cajet. in *Sum. verb. impudicitia, & verb. osculum, & Armillam eodem verb. n. 1.*

TITULUS LXIV.

De Delectatione Morosa.

Vide tit. de Circumst. pec. Inter. 20. 21. tit. de Sacril. Inter. 5.

331 **I**nter. 1. Quid est delectatio morosa?

Resp. Est complacentia in re mala sine voluntate illius faciendæ. Ita docent Doctores communiter.

332 Inter. 2. Quare dicitur morosa?

Resp. Dicitur morosa, non à mora temporis, qua durat, sed ex mora rationis in repellendo; nam durat usquequod ratio deliberet, in qua deliberatione est aliqua mora, & ideo dicitur morosa. Vide Tolet. *lib. 5. c. 34. nu. 2. vers. 5.* Bonac. de *matrim. q. 4. pun. 8. n. 1.*

333 Inter. 3. Peccantne mortaliter, qui in cogitatione morosa delectantur, nullo pacto tamen in opus consentiens, imò potius mortem subire paratus, quam consentire in facto?

Resp. Si objectum talis cogitationis sit mortiferum, ut si esset Homicidium, Adulterium, Furtum, & huiusmodi, ipsa cogitatio certe mortalis est: Si verò objectum est veniale, venialis quoque est cogitatio ex parte actus, sed ex parte cogitantis iudicanda est secundum qualitatem deliberati consensus.

334 Inter. 4. Quando delectatio non cadit super opus cogitatum malum, sed tantum super nuda cogitatione sistit, ut v. g. quod Cajus salva manu occidi possit, non delectando de homicidio, sed de ingeniosa inventione, & sic circa alia; estne peccatum mortale talis cogitatio?

Resp. Minime, quia quando quis delectatur circa modum, illa delectatio non est mortalis; sed si super opus ipsum caderet, ut ique mortalis esset. Ita docent DD. communiter. Vide Bonac. de *matrim. q. 4. pun. 8. n. 7.*

335 Inter. 5. Qui cogitat de aliqua muliere discurrens intra se, si esset sua uxor, secum coiret, oscularetur, amplexaretur &c. peccantne mortaliter?

Resp. Mortaliter peccat, quia licet talis cogitatio conditionalis sit, tamen ejus præsens delectatio est absoluta, & illicita, multò magis circa personas ad hoc inhabiles, ut sunt personæ per votum Deo dieatæ, Favet Bonac.

nac. loc. cit. nu. 33. Vide ad Inter. 4. tit. 67. de desiderijs.

536 Inter. 6. Conjugati possuntne sine peccato delectari de copula in absentia alterius conjugis?

Resp. Seclulo pollutionis periculo, & tactu impudico proprii corporis, non peccant mortaliter, quia delectantur de actu licito, qui est copula conjugalis. Diana p. 3. tr. 6. ref. 73. §. Verum, cum Castropalao rom. 1. tr. 2. disp. 2. pun. 10 §. 2. n. 1. & alii; sed tutius est ab hujusmodi cogitatione abstinere, quia non desunt viri docti, qui docent non licere delectari carnaliter de copula licita præterita, vel futura, ita ut insurgat sensus concupiscentiæ motus. Sylvest. in Summ. verbo delectatio q. 3. cui subscribit Sæ verb. luxuria n. 12. Idem docet Tolet. lib. 5. c. 14. nu. 3. in fin. Sed vide etiam Bonac. de matrim. q. 4. pun. 8. n. 12.

537 Inter. 7. Viduæ, si delectentur de copula præterita, peccantne mortaliter, an venialiter tantum?

Resp. Peccant mortaliter; nam eis nullo modo licet delectari de copula præterita. Layman lib. 1. tr. 3. c. 2. n. 14. Bonac. de matrim. q. 4. pun. 8. n. 13. Diana p. 3. tr. 5. ref. 2. alios allegans.

538 Inter. 8. Si quis in die Jejuniis, vel die Veneris delectaretur de esu carniū imaginariè tantum concepto, peccaretne mortaliter?

Resp. Minimè, quia præceptum positivum humanum non extenditur per se ad actus inæternos. Layman lib. 1. tr. 3. c. 6. n. 9. & alii, quos citat, & sequitur Diana p. 3. tract. 5. resol. 5.

TITULUS LXV.

De Delictis.

Vide tit. de Denunc. Int. 1. §. tit. de edict. Int. 1. tit. de Episcop. etc. Int. 24. tit. de Pen. int. 8. tit. de Val. Dispens. Int. ult.

539 Inter. 1. Ad hoc ut delictum dicatur notorium, & publicum, quid requiritur?

Resp. Requiritur, quòd sciatur à majori parte viciniæ, vel Collegii, vel Parochiæ, vel Monasterii; ubi sunt decemad minus. Ita docent Sylvest. verb. notorium n. 4. Navar. in man. cap. 27. n. 225. Emm. Sæ verb. manifestum n. 2. Bonac. de censur. disp. 1. q. 3. pun. 2. n. 1. & alii penes ipsos.

540 Inter. 2. Quotupliciter quis potest dici innocens, vel nocens; & in dubio estne

consensus nocens, vel innocens, seu bonus, vel malus?

Resp. Dupliciter quis dicitur innocens, vel nocens, scilicet de facto, & de jure. De facto dicitur innocens, si in veritate crimen non commisit; de jure verò, quando crimen illud commississe juridicè non probatur. Ita pariter dicitur quis nocens, seu reus de jure, quando juridicè conviuitur crimini commississe, & de facto, quando crimen in veritate commisit. Et sic innocens de jure potest esse reus, seu nocens de facto, & è contra. Vide Sylvestrum verb. Index 2. n. 5. In dubio tamen quilibet præsumitur bonus, & innocens, dummodò contrarium non probetur, præsertim si fuerit bonæ notæ, & famæ. Deducitur ex leg. merito, ff. pro socio, leg. quoties 18. §. qui dolo ff. de probat. & tradunt Marcus Paulus Leo. in praxi ad lit. M. Pan. pag. 361. vers. fi ad id, & Lezana ro. 2. verb. Reus n. 5. in fine, & ro. 4. conf. 49. n. 2. Malus autem semper præsumitur malus in eodem genere mali, aut illi simili, ex regula, semel malus in 6. nam malus in uno, habet contra se præsumptionem, quòd sit malus in aliis, propter connexionem, quam habet inter se vitia, & peccata, nisi fortè fuerit emendatus per triennalem laudabilem vitam, ut docent DD. in cap. Ferrum disp. 50. Vide Rodericum in compend. qq. Regul. resolut. 43. n. 22.

TITULUS LXVI.

De Denunciationibus.

Vide tit. de Accus. etc. Inter. 8. tit. de Correct. Int. 6. 7. 8. tit. de Edict. Int. 1. 2. tit. de Impedim. dir. Mat. ad quas. tit. de Judicib. Inter. 4. tit. de Morib. etc. Inter. 16. tit. de Paroch. Int. 32. 37. tit. de Polyg. Inter. 2. 3. tit. de Regul. etc. Int. 30. 31. tit. de Sac. Matr. ad quas. tit. de Sollic. tit. de Superfl. Inter. 3. 9. 14. tit. de Testib. etc. tit. de Val. Sac. Matr. ad quas.

541 Inter. 1. Audiens blasphemum, teneturne illum denunciare? & cui est facienda denunciatio.

Resp. Si Blasphemia sit hæreticalis, certò audiens illum tenetur blasphemantem Inquisitoribus contra hæreticam pravitatem denunciare; de hoc enim ipsi foli, & nullus alius cognoscit, ut dixi supra in tit. de Blasphematoribus, & Blasphemiis, ad Inter. 11. Et ad hunc effectum quotannis promulgant iidem Inquisitores edicta, quibus præcipiunt sub excommunicationis lætæ sententiæ pœna, ut hujusmodi blasphemum ad S. Inquisitionis Tribunal deferantur. Ita docent Sanchez lib. 3. man. al.

cap. 32. num. ult. Caren. de offic. S. Inquis. part. 2. tit. 9. §. 2. num. 5. & 6. & alii. Si verò blasphemia sit simplex, videtur sufficere, si denunciatio fiat Episcopo; & hoc maxime procedit, si Blasphemus consuetudinem habet blasphemandi, ut post alios docet Mazzuchellus de *cas. reserv. disp. 2. cap. 16. qu. 4. diffi. 5. num. 82.* Verum Raynaldus *tom. 1. observ. cap. 1. §. ad 7. m. 65* & *segg.* pluribus allegatis sustinet, blasphemias simplices esse mixti fori, & pertinere earum cognitionem tam ad Judicem Ecclesiasticum, quam ad sæcularem, itaut inter eos sit locus præventioni. Vide Dianam *part. 4. tracl. 8. ref. 87.*

542 Inter. 2. Qui aliquem hæreticaliter blasphemare audit, intra quot dies tenetur illum Inquisitoribus denunciare? & si hoc non facit, quam poenam incurrit?

Resp. Intra triduum; nam si intra triduum non denunciaret, blasphemantis poenas incurrit, ut habetur ex Const. Julii III. quæ incipit *In multis*, teste Cassiano à S. Elia in *Arbor opin. moral. verb. blasphem.* Flor. 2. Imò addo ego, si contumax fuerit in denunciatione faciendi, à nullo Cōfessario poterit absolvi, quia obstat excommunicationis censura latæ sententiæ in *Edicto S. Inquisitionis lata, & Latoribus reservata*, qua innodatur contumacia in denunciatione faciendi. Vide Facundez in *Decal. 10. lib. 2. cap. 3. in 2. præcepto num. 32.* & Dianam *p. 4. sr. 5. ref. 41. per tot.*

543 Inter. 3. Quando plures audiunt blasphemantem, tenenturne omnes divisim denunciare?

Resp. Omnes divisim tenentur denunciare, nisi unus nomine omnium consentientium denunciaret, ut docet idem Cassianus loco *sup. cit.* Nam Edictum DD. Inquisitorum obligat omnes, & singulos; & ideò omnes, ac singuli denunciare tenentur, nisi, ut dixi, unus nomine omnium denunciaret.

544 Inter. 4. Estne denunciandus Inquisitoribus, qui proferit hujusmodi blasphemias scilicet: *Deus non vult mihi succurrere, succurrat igitur mihi Diabolus; Deus non recordatur mei, memoret igitur mei fit Diabolus?*

Resp. Hujusmodi blasphemias derogant tum iustitiæ, tum providentiæ Dei; ideòque habentur hæreticales, ut docet Grassius de *cas. reserv. lib. 1. cap. 10. de blasphemia num. 44.* & alii communiter; ergo talis blasphemus proculdubio est denunciandus Inquisitoribus, ut puniatur, prout scelus expostulat.

545 Inter. 5. In delictis, seu casibus pertinentibus ad S. Officium, tenenturne denunciare ii, qui certò non sciunt alterius delictum, sed solum ab aliis audierunt?

Resp. Supponendum est primò, quòd in S. Officio contra Reos admittuntur Testes aliàs inhabiles, ut excommunicati, criminosi, infames, perjuri &c. ut patet ex *cap. in fidei favorem de baris in 6.* & hoc rectè fit, quia crimen hæresis, vel illam olens, est ita grave, & Reipublicæ perniciosum, ut meritò in ejus detestationem tales Testes admittantur, ut sic facilius delictum puniri queat, & extirpari; hoc ergo prænotato, dico, quòd non solum denunciare tenentur delicta ad S. Officium pertinentia, qui illa certò sciunt fuisse à tali, vel tali commissas, sed etiam illi, qui à personis saltem fide dignis hoc acceperunt, ut obiter quoque dicam in *hoc eodem titulo ad Inter ultimam*, ubi loquitur de tali dubio quoad Cōfessarium sollicitantem penitentes ad turpia, quia est de hæresi suspectus. Vide etiam Lezanam *tom. 2. verb. Denunciatio sub nu. 4.* qui concordantes adducit. Imò Diana *par. 4. tracl. 5. resol. 28.* pluribus relatis probat non solum teneri denunciare eum qui à fide dignis audivit (quod est in confesso apud omnes) sed etiam eum, qui à levibus personis etiam audivit, quia in *Fuisto DD.* Inquisitorum absolutè, & sine ulla distinctione præcipitur sub excommunicationis pœna, ut si quis sciverit, vel audivit delicta in illo Edicto contenta, Inquisitoribus denunciaret. Vide ergo Dianam, qui quidem magno cum fundamento loquitur in casu nostro. Ego tamen non discedo à communi sententia, nempe quòd notitia habita à levibus personis nullam generet fidem, ergo &c. Vide etiam Sanchez in *opuscul. tom. 2. lib. 6. cap. 2. dub. 16. nu. 1.* Navar. *cap. 25. numer. 46.* & Bonac. de *onere denunc. disp. 6. pun. 2. n. 7.*

546 Inter. 6. Si quis non denunciaverit intra terminum præfixum in Edictis Inquisitorum, eo termino transacto, remanetne liber à tali obligatione?

Resp. A tali obligatione utique liber non remanet, quia ille terminus non assignatur eo fine, ut extinguatur denunciandi obligatio, sed ut non differatur. Ita ex Suarez de *confess. sollicit. quest. 21. numer. 15.* Acugna de *confess. sollicit. quest. 21. numer. 4.* & Joan. Sancio in *select. disp. 11. num. 59.* docet Lezana *tom. 2. verb. Denunciatio num. 8.* Itaque qui non denunciavit intra terminum præfixum ex malitia, aut nulla iusta subsistente causa, est reus mortalis culpæ, innodatus excommunicationis majoris pœna, & à nullo simplici Cōfessario potest absolvi, hic in articulo mortis; & adhuc semper obligatus remanet ad denunciandum, quia nunquam talis obligatio extinguitur, ut concors Doctorum sententia tenet. Vide quòd dicam

dicam ad Int. 28. huius tituli, & Em. S. d. verb. denunciatio n. 1. & infra ad Inter. 9.

547 Inter. 7. Teneturne filius denunciare Patrem hæreticum, & è contra teneturne Pater denunciare filium? & quid de Marito, & uxore est dicendum?

Resp. Nonnulli dicunt, non teneri filium denunciare Patrem hæreticum, sicut nec Matrem, neque è contra Patrem, aut Matrem filium hæreticum, quia Jure naturæ Pater, Mater, & filius sunt veluti una persona, ita ut bonum, & malum unius in alterum refundatur. His tamen non obstantibus dicendum est, supradictos teneri denunciare, ut docent Farinacius de hæresi quæst. 197. §. 2. n. 40. Suarez in tract. de fide disp. 20. sect. 4. n. 21. Azorius pars. 2. lib. 2. cap. 1. quæst. 13. Bonac. in tract. var. dispus. 6. punct. 2. numer. 3. & de censur. disp. 2. quæst. 6. punct. 5. numer. 1. Portellus in dub. Regul. verb. correctio fratrum numer. 11. & alii plures, quos refert, & sequitur Dian. par. 1. tract. 4. resol. 4. & hanc sententiam sine hæsitacione amplectendam esse puto, quia hæresis est perniciofa Reipublicæ, unde bonum Reipublicæ præponendum est particulari Patris, Matris, & filii: & èd magis hoc puto verum, quando horum hæresis tenderet in perniciem publicam, ita ut quis eorum dogmatizaret, & alios doceret hæresim: nam strictius obligat bonum commune Religionis propter Dei honorem, & salutem animarum, quàm bonum cuiuscumque personæ privatæ, licet sanguine conjunctissimæ. Vide Tolet. lib. 5. cap. 1. numer. 8. Simancham lib. de Cathol. inf. tit. 29. numer. 4. Filiucium tom. 2. tr. 40. cap. 8. numer. 233. Genuensem in praxi cap. 18. numer. 9. Suarez loco supracis. & Lezanam tom. 2. verb. Denunciatio sub numer. 4. qui bene subdit, idem proportionaliter dicendum esse de uxore respectu Mariti, aut Mariti respectu Uxoris, propter eandem rationem. Sed vide Dianam ubi supra resolut. 5. & Cabrinum de cas. reserv. par. 1. ref. 42. §. 18. & sequentem ref.

548 Inter. 8. In casu criminum, quæ sapiunt tantum hæresim, sed non est ibi hæresis formalis, teneturne filius, uxor, & frater denunciare Patrem, Maritum, vel Fratrem perpetrantes hujusmodi crimina?

Resp. Lazarus, & præcipue Homobonus apud Dian. loco proximo cit. resol. 6. dicunt, quod Pater, & Filius, Maritus, & Uxor, & Fratres inter se censentur una, & eadem persona, & jure naturali repugnat se ipsum prodere, consequenter excepta hæresi formali ad hoc non coguntur: Verùm idem Dian. sic concludit: At his non obstantibus, attenta

praxi, contrarium dicendum videtur: & rectè dicit, dummodò ex tali denunciacione sibi non timeant gravem iacturam in vita, fama vel re familiari, quia præcepta Ecclesiastica non obligant cum tanto rigore. Vide Carenam in tract. de Offic. S. Inquis. p. 2. tit. 9. §. 7. numer. 39. Secus dicendum est in casu hæresis formalis, quia, ut dixi in præcedenti resp. damnum commune Reipublicæ, hoc est, Religionis & fidei, præferri debet bono privato, teste Suarez de censur. disp. 6. sect. 3. Beccano in Sum. tr. 3. cap. 4. numer. 5. Layman lib. 1. tract. 4. cap. 14. Carena loco cit. & alii apud Dianam loco supracis. resol. 7.

549 Inter. 9. Potestne Confessarius absolvere, qui non vult denunciare hæreticum, aut de hæresi suspectum? & quid si talis sit in articulo mortis?

Resp. Communis Theologorum sententia docet absolutionem sacramentalem non posse impendi indigno, seu ponenti obicem, aut indisposito, ut rectè tradunt Medina de Confess. quæst. 19. Sotus in 4. dist. 18. quæst. 2. artic. 4. ad 2. Sanchez de matrim. lib. 2. disp. 38. numer. 2. Coninchus de punct. dispus. 8. dub. 17. numer. 136. Layman lib. 5. tractat. 6. cap. 13. quæst. 4. numer. 5. & alii, quos refert, & sequitur Lezana tom. 2. verb. denunciatio numer. 29. & seqq. Qui autem denunciare non vult ex malitia, aut absque rationabili causa, non est dignus absolutione; ponit enim obicem effectui ipsius absolutionis, estque indispositus, cum nolit obedire in re gravissima Confessario, & Ecclesiæ præcipienti dictam denunciacionem. Imò Confessarius, si talem absolveret, incurreret penam excommunicationis latæ in Decreto, seu Edicto S. Inquisitionis, quod refert Carena ubi supra p. 2. tit. 9. §. 7. Ergo dicendum est, nullo modo posse Confessarium absolvere, etiam si sit in articulo mortis, qui non vult denunciare Hæreticum, aut de hæresi suspectum, nisi credat penitentem ob aliquam causam, puta ignorantiam; (& Confessario non suppetit tempus docendi ipsum de tali obligatione) imbecillitatem judicii &c. aut quia non habet plenam satisfactionem de scientia ipsius Confessarii, vel similem, non præbere ipsi fidem circa obligationem illam de denunciando Hæretico &c. Lezana ubi supra à nu. 28. usque ad finem, qui latè de tali dubio loquitur.

550 Inter. 10. Sub quibus penis tenemur denunciare Inquisitoribus, vel locorum Ordinariis illos, qui sunt de hæresi suspecti?

Resp. Tenemur sub excommunicationis majoris pena ipso facto incurrenda, & Pæne, ac Sanctæ Romanæ Ecclesiæ Generali Inquisi-

Inquisitioni reservata. Ita namque mandatur in Decreto DD. Cardinalium Inquisitorum Generalium, ut refert Peyrinus *tom. 1. priviil. minim. in Conf. 9. Pauli V. n. 25. Lezana tom. 2. verb. Accusare num. 7.* & tandem sub censuris, & gravissimis poenis, decernitur in Decreto Alexand. VII. edito anno 1660. quod incipit: *Licet aliis*, &c. quale Decretum singulis annis de mandato ejusdem Pontificis legi debet à Regularibus in unoquoque Conventu in Capitulo, aut publica mensa Kalendis Martii.

§ 51 Inter. 11. Quis solum ob levem suspensionem, vel ob signa quæ facile fallere possunt, est de hæresi suspectus; debetne denunciari Inquisitoribus, vel locorum Ordinariis?

Resp. Notandum est primò, triplicem esse suspensionem, nempe levem, gravem seu vehementem, & violentam. Levis dicitur illa, quæ procedit ex indicis, quæ aliquando, sed raro concludunt: Gravis est quæ procedit ex indicis efficacibus, quæ tamen aliquando deficiunt: Violenta denique illa censetur, quæ æquivalat sufficienti probationi. Sylvest. in Sum. verb. Indiciu qu. 2. Lezana *tom. 2. verb. hæresi num. 3.* & alii ab ipso relati. Hoc ergo prænotato, dico, quod tenez Navar. *tom. 2. lib. 5. sit de Hæreticis, conf. 3. num. 1.* neminem esse denunciandum ob levem suspensionem, & ob signa, quæ facile fallere possunt. Tamen mihi videtur dicendum oppositum, quia suspicio, & signa de iis, quæ pertinent ad firmitatem fidei, an sint sufficientia necne, judicio, & prudentiæ Episcoporum, & Inquisitorum relinquenda sunt; & hoc eo magis puto verum, quia in Edicto Sanctissimæ Inquisitionis dicitur denunciari debere omnes, & singulos hæreticos, seu de hæresi quomodolibet suspectos. Particula enim illa *quomodolibet*, cum sit universalis, ad quoscunque, etiam levi suspensione suspectos, extendi debet. Favet Lezana *loc. cit. num. 5.* Et modò post Decretum illud Alexand. VII. id in dubium revocare non licet, nam omnes, etiam de levi suspensione; denunciandos esse, in eo præcipitur. Probo insuper, nam in delictis spectantibus ad S. Officiu non requiritur infamia, sed sufficientia indicia, præsumptiones, & suspensiones verisimiles, *cap. excommunicamus §. Addicimus de hæres. in 6. & DD. ibidem plena manu*; neque requirunt indicia valde urgentia, sed solum sufficienti probabilitate, prout pluribus relatis docet Carena de Off. S. Inquisit. *part. 3. tit. 1. nu. 17. & 18. Lezana ubi supra verb. Denunciatio num. 22. & 1099. Diana par. 4. tract. 6. resol. 4. & in Summ.*

verb. Denunciatio numer. 3. ergo &c.

§ 52 Inter. 12. Sempronius cognoscit Cajum Polygamum, eò quia habet duas uxores viventes, sed scienter prætermittit eum denunciare ad Sanctum Officiu; potestne Sempronius, à quocumque Confessario absolvi?

Resp. Nequaquam quia cum scienter prætermiserit denunciationem, contraxit excommunicationem positam contra non revelantes hæreticos, vel de hæresi suspectos; & sic mittat eum ad Episcopum, vel Inquisitorem, à quibus, præmissa denunciazione, poterit absolvi.

§ 53 Inter. 13. Si Fœmina ignorantè se aculet in Confessione habuisse animum peccandi turpiter cum ipso Confessario, & Confessarius ex hoc summatmotivum illum sollicitandi, & de facto sollicitet, teneatur dicta fœmina talem Confessarium denunciare?

Resp. Certo tenetur illum denunciare, aliàs à nullo poterit Confessario absolvi; quia Confessarius in dicto casu abutitur Sacramento, & de hoc apud me nullum est dubium. Vide Bonac. in tract. var. disp. 6. pun. 3. num. 17. & Dianam *par. 4. tract. 5. resol. 20.* Et quamvis tales auctores dicant, hoc intelligendum esse, quando fœmina turpem suum amorem aperit Confessario animo consentendi, seu accusandi se de gravi illo affectu, & Confessarius ansam inde assumit exequendæ libidinis, & non quando fœmina id Confessario significat animo ipsum provocandi, quia tunc ipsa dicitur sollicitare Confessarium, non autem ab ipso sollicitari; tamen dico, quòd tam in primo, quàm in secundo casu, teneatur Confessarium denunciare; nam sufficit, quòd Confessarius consentiat, & inhonestos sermones cum poenitente habeat in Confessionario, vel ante, aut post immediatè Confessionem, ut sæpe dico. Vide igitur ad Inter. 29. præsentis tituli de Denunciationibus.

§ 54 Inter. 14. Quidam Confessarius fuit vocatus ad ægotantis fœminæ confessionem audiendam, sed eadem fœmina sollicitavit Confessarium ad turpia, minas superaddens, se exclamaturam vim sibi ab eo inferri, nisi consentiat: unde Confessarius ob vitandam infamiam auctui impudico consensit: Estne talis Confessarius Episcopo, vel Inquisitori denunciandus?

Resp. Sancius, Suarez, & alii, quibus subscribit Diana *part. 4. tit. 3. res. 19.* docent non esse denunciandum. Idem sentiant Bonac. *20. 1. de oblig. denunc. disp. 6. pun. 3. n. 17.* Peyrinus *tom. 2. priviil. minim. in conf. 4. Gregor. XI.*

§. 3. nu. 9 & alii pēnes ipsos: Ego tamen cum Cabrino de *cas. reser. resol.* 42. §. 20. puto esse denunciandum, etiam si ipse fuerit sollicitatus, & consenserit. Ducor quia in *Constitut. Greg. XV.* quæ incipit *Universi Dominici gregis*, emanata die 30 Augusti 1622. præcipitur Confessariis omnibus, ut moneant Penitentes, quos noverint ab aliis sollicitatos, se teneri judicialiter denunciare sollicitantes Inquisitoribus, seu locorum Ordinariis, siue sollicitatio fiat in actu Confessionis Sacramentalis, siue ante, siue post immediatē, vel etiam prætextu confessionis, etiam confessione non *equita*. Nec eximitur Fœmina, si prius ipsa Confessarium sollicitaverit, & ipse consenserit, ut tradunt plurimi DD. & ita prædicatur in Sancto Officio.

§ 55 Inter. 15. Estne denunciandus Confessarius, si vi, aut metu scēmine sollicitantis, prætextu confessionis, consenserit?

Resp. Præter Doctores, quos pro parte negativa adduxi ad *Inter. antecedentem*, alios refert *Dian. pars. 10. tr. 14. ref. 40.* dicunt enim supradictum Confessarium non esse denunciandum, neque incurrere pœnas Constitutionis Gregorianæ. Ita inter alios sustinet Joseph de Januario de *cas. reser. resol.* 58. per tot. contra Carenam de *offic. SS. Inquisit. pars. 2. tit. 6. §. 19. n. 94.* docentem, Confessarium in dicto casu esse denunciandum, atque pœnas Bularum incurrere; & ita est in praxi tenendum per ea quæ dixi ad *Inter. antec. cit.* & tenet etiam Diana *ubi sup. vers. unde* Ego, quamvis dicat, quoddam talis Confessarius puniretur pœna extraordinaria, seu arbitraria ab Inquisitoribus, quia qui metu peccat, pœnam extraordinariam non effugit; & recte hoc dicit, & probat: ne deferat ipsum videre.

§ 56 Inter. 16. Estne denunciandus ad S. Officium Confessarius, qui consensit sollicitationi à muliere sibi factæ.

Resp. Ipsemet docui ad *Inter. 14. hujus tituli*, esse denunciandum, quia non eximitur scēmina ab obligatione illum denunciandi ex eo quod ipsa prius Confessarium sollicitaverit, cum satis sit, quod Confessarius consenserit, aut ad invicem inhonestos sermones habuerint. Non sunt igitur audiendi oppositum docentes, cum sit contra praxim Sac. Inquisitionis Tribunalis, ut ibidem dixi, & iterum dico cum Diana *pars. 9. tract. 9. resol. 32. vers. Sed ego puto*. Vide igitur Dianam *loco cit. Et par. 4. tr. 5. resol. 4. Et resol. 42.* qui plures concordantes adducit. Vide etiam Cabrinum de *cas. reser. par. 7. ref. 42. §. 21.* Verum ipse Diana putat supradictum Confessarium esse minus puniendum. Vide ea *refol. 32. Et par. 1. tract. 4. ref. 11.* ipsius

Dianæ, & Lantuscæ *verb. Sollicitare n. 4*.

§ 57 Inter. 17. Fœmina, quæ consensit sollicitationi factæ ei in Confessione, teneturne Confessarium sollicita antem denunciare, cum illa tunc sit delicti complex?

Resp. Obiter docui ad *Inter. 14.* in fine, teneri scēminam Confessarium sollicitantem denunciare, etiam si illa sit delicti complex; nam ita tradunt Acugna in *tr. de Confess. sollicit. in quest. 10. num. 10.* Bonac. in *tract. var. disput. 6. par. 3. nu. 10.* Peyrinus de *privil. minim. in Conf. 4. Greg. XV. §. 3. nu. 11.* quos refert Diana *p. 1. tr. 4. resol. 9. propositum finem*, quibus Addo Cabrinum *Elucid. cas. reser. par. 1. resol. 42. §. 8.* qui ita fuisse decisum à Sac. Congregatione S. Officii hujus Almæ Urbis, refert ex Arena de *Offic. S. Inquisit. par. 2. tit. 9. §. 20. nu. 122.* Siquidem scēmina sollicitata non tenetur suum consensum explicare, neque de hoc debet examinari, uti de re ad S. Officium non spectante; ut bene notat ipse Cabrinus, & alii supra citati teste Diana *ibidem*. Ergo non est regula generalis, ut criminosi non teneantur denunciare complices, ex eo quia proderent se ipsos; nam bonum commune fidei, & Sacramento-rum, debet præferri bono privato, & ita tenendum est omnino. Vide Lantuscam *verb. Sollicitare n. 5. Et 6.*

§ 58 Inter. 18. Si scēmina sollicitat Confessarium ad fornicationem, & ipse renuat, sed provocet ad sola oscula, estne denunciandus tanquam sollicitator iste Confessarius?

Resp. Equidem certò; siquidem est manifesta sollicitatio. Joannes Sancius in *select. disp. 11. n. 28.* cui subscribit Diana *par. 4. tr. 5. ref. 13.* & est communis sententia.

§ 59 Inter. 19. Estne denunciandus Confessarius tanquam sollicitator, si dicat penitenti: *Se in fossi Sæculari, vi prenderai per moglie?*

Resp. Quidquid dicat Bordonus, discedendum non est ab affirmativa sententia; nam ut docet Diana *par. 9. tract. 9. resol. 32.* illa verba sine aliqua occasione in Confessione dicta, videntur maxime excitativa ad venerem, & cum sint impertinentia ad Confessionem, sapiunt sollicitationem; & ita tenendum est omnino. Vide quæ dicam in *tit. 209. de sollicitatione, ad Inter. 2.* loquens de Confessario, qui in Confessionario, aut ubi audiuntur Confessiones, laudat penitentem de pulchritudine, & venuustate; nam dicam esse talem Confessarium denunciandum, & idem nunc dico; & ita pari ratione dicendum est in casu præsentis, siquidem quando Confessarius cū verbis, & signis dubiis sollicitat, tenetur prædictum illum denunciare, ut recte docet Soula, &

& Peyrinus, quos refert, & sequitur idem Diana *par. 4. tract. 5. ref. 35*. Et nota, quod in S. Officio verba dubia, & æquivoca merito in deterorem significationem accipiuntur, teste Carena *de Officio Sanctissimæ Inquisitionis*. Vide Cibrinum *loco proximo cit.*

560 Inter 20. Estne denunciandus tanquam sollicitator Confessarius præbens donum Pœnitenti in Confessione?

Resp. Dissentiant Doctores circa tale dubium, ut videre est apud Dianam *p. 9. tr. 9. ref. 34*. qui tamen putat, quod si Confessarius daret pœnitenti ramusculum, seu florem, vel donum minimi valoris, censendus non esset sollicitator ad turpia. Verum licet talis actio ex se, seclusis aliis circumstantiis, sit indifferens, cum possit sumi factum fuisse donum causa gratitudinis, elemosynæ, vel ex affectu paternitatis spiritualis &c. tamen quia muneribus feminæ facile allici, & provocari solent, mihi videtur adesse maxima præsumptio contra Confessarium in tali casu; nam ut ait Escobar. *in tr. de Confess. sollicit. pars. 1. q. 3. §. 3. nu. 14*. non solum prohibetur aperta sollicitatio, sed etiam palliata, tacite, vel amphibologicè demonstrata, qualis videtur donatio muneris magni valoris, inquit ipse; sed ego puto contra Dianam, dare ramusculum, seu florem, vel etiam donum aliud minimi valoris (nisi aliis constet aperte de bonitate, & recta intentione Confessarii) esse speciem sollicitationis, quia nil aliud cogitare potest pœnitens, nisi Confessarium habere affectum libidinosum erga se; consequenter tunc tentatur, & prouocatur tacite ad libidinem, & sic tanquam sollicitator denunciandus erit; & hanc sententiam tenet Trimarchus *tract. de Confess. sollicit. disp. 2. q. 4*. ubi ait cum Ledesma, & Paramo, sollicitationem fieri per donorum largitionem, & ipsa dona magis, quam verba, allicere. Puto igitur, quod in dubio præsumptio sit contra Confessarium, ac proinde denunciandum, præsertim quia in dubio de rebus pertinentibus ad S. Officiū, tutor pars est eligenda.

561 Inter. 21. Confessarius, qui tantum dicit feminæ in Confessionario, vel ante, aut post immediate confessionem, verba levia, vel facit aliud signum, aut opus leve indicativum amoris lascivi, estne denunciandus?

Resp. Negativam sententiam subfinere conatur Portellus *in addis. ad dub. Regul. verb. sollicitare feminas nu. 4*. docens, ex paruitate materiæ excusandum, & non denunciandum esse talem Confessarium: sed non est audiendus, quia non datur paruitas materiæ in sol-

licitatione facta in Confessione; unde quomodocumque fiat, semper sit gravis injuria Sacramento. Vide Lezanam *tom. 2. verb. denunciatio, sub n. 5*. Dianam *par. 1. tr. 5. refol. 21*. & *par. 4. tract. 5. refol. 5*. & *par. 5. tr. 6. refol. 9*. ubi pluribus relatis firmat, ut dixi; vide ergo me ipsum *tit. ibi de parv. mat. ad Inter. 14*. & nota, & tene menti, quod in rebus veneris non datur parvas materiæ, ut ibidem innuo, & docet Diana *ea par. 5. tract. 5. refol. 5*. qui bene addit ex Lopez de Texeda, ita definitum fuisse à Clem. VIII. in Officio Sanctissimæ Inquisitionis.

562 Inter. 22. Laicus vel Sacerdos carens Jurisdictione audiendi Sacramentalia confessiones, & fingens se esse confessorium, sollicitat in confessione pœnitentes, estne denunciandus inquisitoribus?

Resp. Dicunt quidam, quod Laicus, vel Clericus non Sacerdos non comprehendatur in Bullis Summorum Pontificum, qui imponunt poenas contra Sacerdotes sollicitantes, quia verba poenalia non sunt extendenda ad similes casus; & ac proinde docent non esse denunciandum Laicum, vel Clericum in dicto casu, dummodò eos non absoluant. Vide Dianam *p. 1. tr. 4. ref. 15*. & *16*. Verum his non obstantibus dicendum est, esse denunciandos Inquisitoribus, vel locorum Ordinariis non solum si Sacerdos sit, qui fingit se habere potestatem absolvendi, ut docet idem Diana *loco cit. refol. 17*. sed etiam si sacerdos non sit, puta, si sit Laicus, aut Clericus, quia cum sollicitatio fiat prætextu, & simulatione Confessionis, comprehenduntur in Bulla Gregoriana, & quamvis non absolvant, tamen videntur suspecti de fide; unde Leander *de Sac. tom. 1. tract. 5. disp. 13. q. 37. 38*. & *39*. apud Dianam *par. 9. tr. 9. ref. 32* *verb. nota verò*, asserit, Laicos, Subdiaconos, & Diaconos, vel Sacerdotes carentes jurisdictione, sollicitantes in Confessione, non esse ex vi prædictarum Constitutionum decanandos, posse tamen ab Inquisitoribus puniri tanquam suspectos de fide: Ergo, addo ego, saltem ut de fide suspecti debent denunciari; & sic patet responso ad quaesitum. Qui plura scire desiderat, videat Dianam *loc. cit.* & Doctores quos ipse adducit diversè sentientes. Vide etiam Lezanam *tom. 2. verb. denunciare sub n. 6. prope finem*, & *tom. 4. consult. 21. n. 54*. & *seqq.* Et nota, quod Judicium illud discernendi circa suspicionem de fide, quæ resultat supposita Pontificis, vel alicujus Edicti præsumptione, non competit Confessariis, vel aliis, sed Inquisitoribus, & aliis fidei Censoribus, ut docent Doctores communiter: ergo &c.

563 Inter. 23. Eſſne denunciandus confeſſarius, qui ſedens in Confeſſionario, & loquens cum poenitente ſtante, vel ſedente ante Confeſſionarium, illam ſollicitat, non ſimulata confeſſione.

Reſp. Licet plurimi Doctores dicant, quod non, ut videre eſt apud Dianam *part. 4. tra. 5. reſol. 38. & part. 9. traſt. 9. reſol. 33.* tamen ipſe merito affirmativam ſententiam tenet; & ab hac ſententia non eſt recedendum, cum poſita, proſtigata remaneat ex Decreto S.R. E. Universalis Inquiſitionis, edito ſub Paulo V. die 10. Julii 1614. ut docet ipſe Dian. ubi ſupra, & Trullench. in *decal. tom. 1. lib. 1. cap. 3. dub. 18. num. 73.*

564 Inter. 24. Si Confeſſarius ſtatim poſt confeſſionem ducat Puerum ad cubiculum, aut alio, ut tradat ei Chirographum confeſſionis, & ibi cum ad inhonora ſollicitet, debetne denunciari?

Reſp. Ita ſane. Diana *part. 4. traſt. 5. reſ. 11.* & alii communiter.

565 Inter. 25. Quam poenam incurrit abſolvens ſœminam ab alio confeſſario ſollicitatam, ſi ipſam non obliget ad denunciandum illum?

Reſp. Non incurrit aliam poenam jure communi, ſed peccat mortaliter. Sed vide ad Inter. ſequentem.

566 Inter. 26. Quam poenam incurrit confeſſarius, qui abſolvere præſumit ſœminam, vel puerum ab alio confeſſario ſollicitatum, ſi abſque juſta cauſa non vult ſollicitantem denunciare, vel ſaltem ſcienter, & malitiſe negligit denunciationem.

Reſp. Poſt ſcripta ad Inter. antecedentem, legi Cabrinum in ſuo *Elucidar. caſ. reſerv. part. 1. reſolut. 42. §. 9.* aſſerentem, Confeſſarium, neglecta denunciatione ſœminæ ſollicitatæ extra mortis periculum abſolvere præſumentem, ipſo facto excommunicationem incurere, ex vi Ediſti 53. Inquiſitionis. Idcirco addendum eſt, conſulenda eſſe ſpecialia locorum Ediſta, ad quæ nos conformare debemus.

567 Inter. 27. Confeſſarius qui non declarat ſœminæ ab alio ſollicitatæ obligationem denunciandi, quam poenam incurrit, aut qui eidem dicit, ad talem denunciationem faciendam non teneri?

Reſp. Peccat mortaliter contraveniendo præcepto Summi Pontificis Gregorii XV. & præterea ab Inquiſitoribus pro qualitate culpe poſſe puniri, ut habetur ex Bulla diſti Pontificis, & notat Souſa in *Aphor. Inquiſ. lib. 1. cap. 44. num. 73.* & Freyſas in *novis addit. ad traſtat. de Confeſſ. ſollicit. quaſt. 21. num. 77.*

.. Tom. I

apud Dianam *part. 4. traſt. 7. reſol. 7. verſ. Nota etiam hic.* Sed vide id, quod egodixi ad Inter. 25. & 26.

568 Inter. 28. Fœmina ſollicitata, neglecta denunciatione, poteſtne abſolvi?

Reſp. Nequaquam, quia incidit in excommunicationem, ſi id ſcienter fecerit; ſecus ſi ignoranter ſe habuit. Vide Lantufc. in *Theat. Reg. verb. ſollicit. n. 2.*

569 Inter. 29. Poteſtne confeſſarius ſaltem tempore Jubilæi abſolvere Puerum, vel ſœminam in confeſſione ab alio ſollicitatam, neglecta denunciatione?

Reſp. Minimè, quia non poſſunt abſolvi, niſi ſatisfacta parte, & Privilegium Jubilæi ſemper intelligitur ſine præjudicio tertii: Unde à fortiori hoc eſt dicendum in caſu noſtro, cum hoc tertium ſit commune bonum Religionis, & Sanctæ Fidei. Ita Cabrinus in *Elucidar. caſ. reſerv. part. 1. reſol. 42. §. 7.* & alii communiter. Imò nec Episcopos, nec Inquiſitores poſſunt abſolvere in eo caſu Penitentem, niſi fiat denuntiatio, ut in ſimili dixi ad Inter. 12. in ſin.

570 Inter. 30. Quænam eſt juſta cauſa, ob quam poſſit Puer, vel ſœmina excuſari à denunciatione faciendam in caſu prædiſto?

Reſp. Doctores communiter docent, quod tunc excuſantur à denunciatione judicialiter faciendam, quando ex tali denunciatione grave damnum metuant in vita, fama, bonis temporalibus, ſibi, vel Marito, vel Filiis, aut proximis conſanguineis. Siquidem præcepta Eccleſiaſtica, quin etiam Divina aliquando, non obligant cum tanto rigore. Carena de *offic. Inquiſit. ſir. 9. §. 7. num. 39.* & alii plures, quos reſert, & ſequitur Cabrinus *loc. cit. §. 17.* Diana *part. 1. tra. 4. reſol. 7.* Aliqui tamen dicunt, raro prædictas cauſas habere locum, quia dictis periculis mederi poteſt ope Superiorem, & ratione ſtriſſimi Tribunalis S. Officii ſecreti. Et hoc ego puto verum.

571 Inter. 31. Quando occurrit aliqua rationabilis cauſa, quæ à denunciatione excuſare videatur ſœminam, poteſtne ſtatim confeſſarius illam abſolvere?

Reſp. Dico, quod non, quia ex cauſa prius debet approbari à Papa, vel ſaltem à Sacra Congregatione S. Officii, quæ ſolet concedere facultatem Confeſſario, ut ſœminam ſollicitatam abſolvat, ſed cum hac conditione: primò, quod ceſſante impedimento teneatur ſollicitantem denunciare; ſecundò, quod confeſſarius abſolvendi ſit alius ab eo, qui eam ſollicitavit: ita Cabrin. ubi ſupra §. 5. Unde Confeſſarius ſuſpendat abſolutionem, donec detur

K

detur responsum à Sacra Congregatione; & ita fieri debet omnino.

572 Inter. 32. Confessarius sollicitans, teneatne monere Penitentem ab eo sollicitatam, ut eat ad denunciandum se ipsum?

Resp. Quamplures DD. penes Dianam *part. 1. tra. 4. ref. 8.* docent, quod non teneatur; & ratio est, quia nemo tenetur se prodere, juxta regulam D. Chrysothomi relata in *Jure cap. Si quis aliquando de penit. dist. 1.* & sicut non tenetur se ipsum denunciare, sic neque per interpositam personam id facere debet; nam facere per se videtur, qui per alium facit, *cap. Qui per alium 72. de reg. jur. in 6.* Verum est tamen, quod iste non est modus evadendi obligationem denunciandæ sollicitationis. Ideo si sollicitatus confiteatur cum sollicitante, hic non potest ipsum absolvere absque onere denunciandi. Et oppositum fuit reprobatur ab Alexand. VII. anno 1665. & est propositio 7. ab eo reprobata, & merito, quia bonum commune debet præferri bono particulari: Ultra quod patet non fore validum Sacramentum, si Confessarius non moneret scēminam, ut denunciaret se ipsum; & ratio est, ut luculenter probat Gabriel à S. Vinc. de rein. *ignor. circa propositiones damnatas num 56.* quia cum scēmina sollicitata teneatur sub mortali denunciare, & Confessarius teneatur eandem scēminam monere de hac obligatione, ut verum fiat Sacramentum, & sacrilegium non committatur, oportet, quod scēmina observet præceptum denunciandi, & Confessarius debet ponere hanc monitionem, aliàs non fiet Sacramentum; & sic ut fiat Sacramentum, debet Confessarius monere Penitentem de obligatione denunciandi, & si non vult monere, non potest illius confessionem audire, & si audiat, non fit Sacramentum. Ita Gabr. *loc. cit.* Accipe, & tene menti, & vide ea, quæ dico in tit. 42. de Confessariis, ad l. 16. & 17.

573 Inter. 33. Confessarius post sollicitationem statim se pœnitet sollicitasse, & hoc asserit pœnitenti sollicitatæ, debetne penitens talem Confessarium denunciare?

Resp. Utique debet, & sub peccato mortali, & excommunicationis pœna tenetur illum denunciare Episcopo, aut Inquisitori, vel eorum Vicariis; nam quilibet Confessarius sollicitans, ad effugiendas pœnas potest dicere se pœnituisse de sollicitatione facta; ultra quod non sufficit post delictum se pœnitere, sed necessaria est pœnitio ob bonum publicum; nam denunciatio in hac materia tendit ad nationem, & non ad correctionem. Unde si Confessarius sollicitans statim

se pœniteat, & postea se emendaverit, adhuc est denunciandus, ut ex Portello, Bosio, Roderico à Chuna, & Thoma del Bene firmat Cabrin. in *elucid. cas. ref. p. 1. ref. 42. §. 13. vers. tertio*, & §. 21. idem reperit; & hoc etiam docent Sandacellus, & Bonac. apud Dianam *part. 4. tr. 5. ref. 32.* Vide Bonacinam in *tra. 7. var. disput. 6. punct. 3. num. 9.* iterum Dianam *loc. cit. ref. 23. vers. sed ego*, Lezanam *tom. 2. verb. denunciatio sub num. 5. in fine*, & Graßium de *cas. reserv. lib. 2. cap. 12. num. 39.*

574 Inter. 34. Si aliquis per tertiam personam sciat Confessarium sollicitasse Penitentem in confessione, & hoc sciat sub secreto naturali, vel habet juramentum de non manifestando, aut non potest hujusmodi sollicitationem probare, teneturne ipsum Confessarium sollicitantem denunciare; & si hoc non facit, quam pœnam incurrit?

Resp. Si ab ipsa sollicitata, vel alia persona graui, & sic digna hujusmodi noticiam habuerit, & licet sub secreto naturali, vel cum juramento acceperit, & quamvis id probare nequeat, à denunciatione minimè excusatur; Dian. *p. 1. tr. 4. ref. 24. & par. 4. tr. 5. ref. 3.* Quod autem denunciatio sit facienda, etiam si delator delictum probare non possit, pluribus relatis firmat ipse Diana *part. 1. tr. 4. ref. 1. & par. 7. tra. 12. ref. 21. §. Sed hæc opinio.* Vide etiam Cabrin. §. 10. *loc. supracit.* Imò si denunciationem prætermittit, ipso facto excommunicationem incurrit, ut constat ex Edicto Sanctissimæ Inquisitionis, quod bis singulis annis publicari solet, & per consequens mortaliter peccat: Vide propositionem 5. damnatam ab Alex. VII. anno 1665.

Quær. Quando nam teneatur quis accusare, vel denunciare crimen alterius Superiori, & in quo differat accusatio à denunciatione, & quomodo fieri debeat accusatio, aut denunciatio, præsertim inter Regulares?

Resp. Quando alterius crimen vergit in multitudinis corruptelam corporalem, vel spirituale, & dummodò sufficienter probari possit, tunc quis tenetur illud crimen sub mortali accusare, vel denunciare superiori propter bonum publicum, quia tale bonum debet anteponi malo particulari, quod ex accusatione, vel denunciatione sequitur delinquenti. Verum est tamen, quod accusatio, seu denunciatio fieri non debet ex odio, aut aliquo alio iniquo fine; nam tunc esset peccatum mortale; & sic solum fieri debet propter bonum publicum conservandum, & ut cæteri quietè viuant. Quare denunciator, vel accusator zelo justitiæ moveri debet, non autem ex odio, vel solum propter suum interesse Clerici

Clerici verò, & præsertim Regulares, neminem accusare debent, nisi propter bonum commune, & ad impediendum damnum tertii, & quando aliter impediri non possit; tunc enim adest causa legitima accusandi, aliàs hoc est eis prohibitum, in cap. sicut Sacerdos 2. §. 7. & est contra dignitatem personarum Ecclesiasticarum, ac valde decedit viros religiosos aliquem accusare, quia ferè semper ex liuore, & odio accusatio provenire præsumitur, cap. si omnes, 6. §. 1. Imò perturbat pacem, auget inimicitias, & facile cuiusque peccato potest occurrere per simplicem denunciationem iudiciali abique investigatione iudicis, ut docet Suarez tom. 4. de Relig. lib. 10. c. 12. num. 45. & alii multi. In casu verò quod Clerici prosequantur injuriam suam, accusare eis permittitur, etiam si veniat sanguinis pœna imponenda, dummodò tamen protestentur, quod non intendunt accusare, ut pœna sanguinis imponatur, sed solum satisfactionem, vel interesse sibi debitum petere, habetur ex cap. Prælati de homicidio in 6. qui Canon talem protestationem requirit, solum quando apud iudicem secularem fit depositio criminis; nam Iudex Ecclesiasticus non potest imponere pœnam sanguinis, ut docui in tit. 7. de accus. etc. ad Inter. 1. usque ad 7. inclusivè. Vide Sylvest. verb. accusatio num. 4. & 5. Armillam eodem verbo nu. 6. & 10. Emm. Sà verb. Corruptio, & verb. denunciatio. Præterea non solum quis tenetur accusare, vel saltem denunciare Superiorem, quando crimen alterius vergit in periculum corporale, vel spirituale multitudinis, sed etiam quando vergit in grave damnum alicuius tertie personæ, etiam si hoc sciat sub secreto naturali; nemo enim potest obligare contra tale debitum per secretum commissum; & eo magis si præcessit infamia, & crimen potest saltem semiplenè probari. Unde si quis v.g. viderit aliquem insidiantem vitæ, vel famæ alterius, debet illum manifestare apud Superiorem; unicuique enim Deus mandavit de proximo suo, & negligere quod potest perturbare, idem est quod fouere, & error, cui non contradicitor, approbatur, cap. error. 83. dist. 6. & cap. negligere 2. qu. 7. Si autem crimen alterius non vergit in damnum communis, aut in damnum tertii, & post occultum, necessariò prius præcedere debet fraterna correctio, modò tamen profuturam speretur; nam omnia cum charitate tentanda sunt, ut minori cum detrimento proximi subueniatur. Ita S. Thomas 2. 2. qu. 33. art. 7. & ibidem Expositores. Vide Nauar. in cap. Sacerdos de panis, dist. 6. & in man. s. 18. n. 56. & Emm. Sà verb. Correctio n. 5. ubi tamen sic rectè inquit:

Potest quis nec correptionem Prælati denunciare, si peccatum est publicum, aut in damnum tertii, aut aliqui Reipublicæ perniciosum, vel communitati, aut Prælati vir prudens, & probus sit. Itaque si delictum, aut crimen est publicum, ita ut sciatur à majori parte vicinæ, Collegii, Parœciæ, aut Monasterii, ubi saltem sunt decem, tunc non habet locum correctio, cum præcedere debeat, quando delicta non sunt publica, aut notoria majori parte didorum locorum; nec in tertii damnum, vel communitati perniciose, quia non tantum peccavit in te, sed in alios, & de peccato futuro neque debet fieri secreta monitio, sed statim potest denunciari Prælati, saltem ut singulari personæ, seu tanquàm Patri, ut impediatur, quando aliter non potest obviari. Vide Lezanam tom. 3. verb. accusare num. 9. & verb. denunciare, quia valde doctè de hac tractat materia. Vide etiam Armillam verb. correctio n. 4. §. 6. Cæterùm nota ex eodem Armilla in verb. Accusatio n. 2. quod accusatio propriè sumpta differt à denunciatione, primò, quia in accusatione attenditur criminis punitio, in denunciatione verò fratris emendatio: Secundò, quia accusationem non debet de necessitate præcedere secreta admonitio, sicut in denunciatione, juxta præceptum evangelicum, quando scilicet de peccatis emenda agitur: tertio, quia accusatio debet fieri in scriptis, non autem denunciatio: quarto, accusator obligat se ad pœnam rationis, idest similem, vel talem, sed minimè denunciator ad talem pœnam se obligat. Forma accusationis, vel denunciationis fieri potest, ut sequitur, quando agitur inter Regulares ..

Rev. Pater, seu Adm. Rev. Pater.

Ne mala cœpta progrediantur, & ut cerceantur crimina, accusandum, seu denunciandum esse duxi vobis, ut ex officio provideatis, prout vobis magis judicare videbitur, vel ut Pater, vel ut Iudex contra Patrem N. contra quem uernacula lingua per modum denunciationis, vel accusationis sic expono.

Exponitur factum, & in fine sic concluditur ..

Hæc autem exposui non animo calumnians, sed zelo Dei ductus, & boni Religionis, & ne cæteri simile diabolicum munus exerceant, ac etiam salutis ipsius Patris N. N. & ut nos tanquam Iudex, vel Pater provideatis supradictis malis, eo meliori modo, via, ac forma, quibus vobis melius visum fuerit,

& Patres, aut Fratres N. N. poterunt rationes reddere de omnibus supradictis. Mac
dic &c. mense &c. anno &c.

TITULUS LXVII.

De Desideriis.

*Vide tit. de Episcopis. Eccl. Int. 2. tit. de Gand. Eccl.
tit. de Intert. Int. ult. tit. de Mallis. Eccl. Int. ult.
tit. de Peccat. Int. 7. tit. de Sacril. Int. 5.*

575 Inter. 1. Peccatne mortaliter, qui dicit, quod si non esset Infernus, aut supplicium, libenter occideret Cajum, vel adulteraretur cum Berta?

Resp. Dico, quod mortaliter peccat: & ratio est, quia motivum non est honestum, ultra quod intercedit timor servilis cum servilitate, quod omnino est peccatum, quia si pena Inferni non esset, aut supplicium, nihilominus peccare vellet: Unde cum timeat malum ob poenam, & non odio habeat malum, ut malum est in se, nec quatenus est offensiva Dei, ideo mortaliter peccat. Ita DD. quos sequitur Bonac. de Matrim. disp. 4. pun. 10. nu. 29. Vide etiam ea, quae dixi in tit. 5. de Absolutione a Peccatis ad Int. 16.

576 Inter. 2. Si aliquis diceret: Ego hodie vellem comedere carnes, nisi dies veneris esset, vel nisi esset prohibitum ab Ecclesia, peccatne mortaliter?

Resp. Minime, quia quando apponitur illa conditio circa ea, quae solo jure positivo sunt prohibita, aufertur malitia operis, ideoque non est peccatum mortale ea desiderare, aut etiam in eis delectari; ita quoque dicendum est in hoc casu, ut dixi in tit. 64. de Delectatione morosa ad Inter. ult. & expresse docet Layman lib. 1. tract. 3. cap. 6. sub num. 9. Et 10. Bonacin. de Matrim. disp. 4. pun. 10. num. 24. Et alii plures.

577 Inter. 3. Si quis diceret: Si Sacerdos, aut Religiosus non essem, vellem fornicari libenter, committeretne peccatum mortale, vel nullo modo peccaret?

Resp. Quod nullo modo peccaret, dici certo non potest, quia fornicari semper est peccatum, neque id desiderare licet. Dicendum est igitur, quod lethaliter peccaret. Probat, nam talis actus inclinat affectum ad peccatum, quod adhuc esset peccatum, si ipse Sacerdos, vel Religiosus non esset: delectatur quoque, de re venerea actu, ac proinde peccat contra religionem, peccato Sacrilégii; nam per votum castitatis prohibetur omnis delecta-

tio venerea; videtur autem mihi fieri non posse, ut quis desideret fornicari, quin de fornicatione ipsa delectetur. Sed vide omnino responsum ad Interrogationem proximam sequentem.

578 Inter. 4. Quidam Sacerdos, seu Religiosus habet desiderium uxorem ducendi, si ratione sui status hoc ei non esset vetitum; & prohibitum, peccatne mortaliter ratione hujus desiderii?

Resp. Dicendum est, quod non peccat mortaliter; & ratio est, quia non est peccatum habere actum desiderii sub ea conditione, quae posita actus ille non esset peccatum: sed hoc intelligendum est, modo tamen cum dicto desiderio non habeat adjunctam delectationem, nam nunc quippe mortaliter peccaret, cum hujusmodi delectatio sit intrinsece mala. Nota igitur hanc egregiam doctrinam Cajet. in Summ. verb. Delectatio morosa num. 8. ubi sic ait: Quamvis licet cupiat quis delectationem cum aliqua Muliere conditionaliter, scilicet si esset uxor sua, (quia talis opus tali conditione relatum ad se cupiendam est licitum.) Delectatio tamen voluntaria, quam iste in presenti recipere de tali opere cogitans cum illa, esset delectatio morosa, quia presenti delectatio non fertur cum conditione, sed de facto habetur sine conditione. Desiderium autem est, quod cum conditione fertur super opus. Unde Religiosus, etsi non peccat mortaliter cupiendo delectari cum Muliere, si esset sua uxor; peccat tamen mortaliter voluntarie se delectando in actu carnalis cogitationem, quia conditio excusat desiderium futuri, sed non delectationem ad praesentem. Vide ea, quae dixi in tit. 64. de Delectatione morosa Int. 5.

579 Inter. 5. Peccatne mortaliter, qui dicit: Si Sejus hoc mihi fecisset in adolescentia, vel ante praesentem statum, illum occidisset, aut certem de illo vindictam sumpsisset?

Resp. Si habet affectum ad peccatum, scilicet occidendi, aut lumenque vindictae, si esset in alio statu, peccat mortaliter, quia in nullo statu quis potest sine gravi peccato occidere, aut se vindicare de injuria sibi illata. Si vero per illa verba solum ostendit, quid fecisset, si non esset Senex, Sacerdos, aut Religiosus &c. non peccat mortaliter, cum non habeat affectum ad peccatum, scilicet hic, & nunc occidendi, aut se vindicandi de injuria. Vide Bonac. de Matrim. qu. 4. pun. 9. num. 31.

580 Inter. 6. Peccatne mortaliter, qui mortem exoptaret ad vitanda mala temporalia, ut aegritudinem, internam afflictionem, paupertatem &c.

Resp.

Resp. Aliqui Doctores, & præsertim Navar. in *man. cap. 15. num. 11.* putant, esse peccatum mortale, si deliberato animo sibi mortem exoptat, & citat D. P. Augustinum *lib. 1. de Civitate Dei*, & D. Thom. in *2.2. qu. 64. art. 5. &c.* Si non licet, 23. *quæst. 5.* Et ratio est, quia nemo est dominus vitæ suæ; deinde timiditatis, aut pusillanimitatis vitium est velle carere magno bono temporali, quod est vita, & mori ob vitanda aliqua mala minoris momenti. Alii verò, quibus astipulatur Diana *part. 5. tra. 14. resol. 92.* contrarium sùstinent, docentes, posse aliquem absque peccato desiderare mortem, ut à magno malo temporali liberetur, præsertim in casu magnæ calamitatis, aut afflictionis, & ob alias rationes, quas ipse adducit. Tandem concludit, esse damnandas de mortali mulierculas, & præsertim vetulas, quæ ob res minimas vociferantur, & optant sibi mortem, nisi illas excusare velimus (ita ut plurimum est) ex defectu adventitiæ, & deliberationis. Vide dicenda in *tit. 163. de pecc. ad Inter. 3.*

581 Inter. 7. Peccatne, qui mortem hereticis, vel hominibus incorrigibilibus deiderat?

Resp. Non peccat, nam licet concupiscere mortem temporalem à Domino hæreticis alios pervertentibus, & incorrigibilibus, ne alios perdant secum; siquidem hoc non est odium personarum, nec mala velle ipsis, sed odium abominationis, ne alios peste inficiant, & sic melius est, ut de medio tollantur, ne aliis malum inferant. Navar. in *man. cap. 15. numer. 10.* Tolet. *lib. 4. cap. 11. num. 1. & lib. 8. cap. 66. in fin.* Bonacin. *de præcept. decalog. disp. 3. quæst. 4. pun. ultim. §. 1. sub num. 7.* Em. Sà verb. *Charitas num. 8.* & alii comm. Vide *seq. Resp.*

582 Inter. 8. Estne semper peccatum mortale maledicere, seu imprecari malum proximo, vel brutis animalibus?

Resp. Ad hoc ut maledictio, seu imprecatio sit peccatum mortale, multa requiruntur. Primò, ut ipsa imprecatio mali sit ex animo. Secundò, ut ex plena deliberatione animi. Tertiò, ut malum, quod imprecatur alteri, sit grave; unde si aliquod istorum deficit, erit tantum veniale; & sic sæpe excusari possunt à peccato mortali mulieres maledicentes suis liberis, vel ancillis; Rustici, & Mulionæ maledicentes sibi, vel jumentis &c. cum frequenter ex ira quadam maledicant, non ex animo imprecantes malum: imò ex imperfecta animi deliberatione, & ex quadam levi negligentia, vel inconsideratione maledicunt; ex quo fit, quòd solum venia-

Tom. I

liter peccent. Ita ex Jo. Azorio firmat Dian. *part. 2. tra. 5. ref. 13.* Vide Navar. in *man. cap. 23. num. 117.* Em. Sà verb. *maledictio.* Jo. à S. Th. in doctrina Christiana *part. 2. de 2. præcept. decal. pag. 74.* Non est tamen omittenda magistralis doctrina Sylv. verb. *maledictio in princ.* dicentis: Optare alicui malum, puta, ut fur suspendatur, vel ut aliquis peccator ægrotet sub ratione boni, vel quia hoc iustum est, vel quia est, ut scilicet melior fiat, aut aliis non noceat, non esse peccatum: Optare verò malum sub ratione mali, hoc est peccatum, & de hoc hic loquimur. Vide in *tit. 120. de intentione ad Inter. ult. & in præfensi tit. de Desideriis ad Inter. 6.*

TITULUS LXVIII.

De Detractione, & Libellis famosis.

Vide tit. de Concione &c. ad quæst. 1. tit. de Corrept. Int. 9 tit. de Differ. Int. 9. 10. tit. de infam. Int. 1. tit. de lict. & script. Int. ult. tit. de Rescript. fa. Int. 1. 2. 3. 4. tit. de Revel. secret. Inter. 3. 4. tit. de Soc. crim. Int. 4. 11. tit. de Testib. &c. Inter. 2.

583 Inter. 1. Quid est detractio?

Resp. Est denigratio aliene famæ per occulta verba, idest, dicta in absentia ejus, cui detrahitur. Ita S. Thom. *2.2. quæst. 73. art. 1.* & alii communiter, teste Sylv. verb. *Detractio num. 1.* Bonac. *de rescript. disp. 2. q. 4. pun. 1. nu. 1.* & alii communiter.

584 Inter. 2. Quotplex est detractio?

Resp. Est duplex, una dicitur formalis, altera verò materialis tantum; formalis est, quando fit animo auferendi alteri famam; materialis, quando fit sine intentione auferendi famam proximi. Ita S. Thom. *2.2. q. 73. art. 2.* cæterique Doctores, teste Bonac. *sup. num. 5.*

585 Inter. 3. Utraque detractiois species, nempe tam formalis, quàm materialis, estne peccatum mortale?

Resp. Omnes Doctores docent, detractio-nem ex suo genere esse peccatum mortale, cum sit contra iustitiam. Imò S. Thom. dicit, ex suo genere esse pejus, quàm furtum, cum melius sit bonum nomen, quàm divitiæ multæ. Detractio materialis excusari potest à mortali, si fiat ex justa causa; quia S. Thom. habet in suis dictis virtualiter istam maximam, quòd detractio tunc semper, & tunc solum est peccatum mortale, quando notabiliter quis lædit famam ex intentione, vel ipso

K 3 facto

facto sine causa rationali; tamen videtur requiri læsio maior, quando abest intentio lædendi. Sylv. verb. *detraçtio* n. 2. Tolet. lib. 5. cap. 64. num. 3. Bonac. de rest. dis. 2. qu. 4. pun. 1. num. 5. Vide Dianam p. 5. sr. 5. ref. 69.

586 Inter. 4. Quotupliciter potest committi peccatum detractionis?

Resp. Octo sunt modi, quibus committitur peccatum detractionis, ut docet D. Th. loc. sup. cit. art. 1. ad 3. & est communis Theologorum sententia; qui modi in duas partes dividuntur, quidam versantur circa malum proximi, quidam verò circa bonum ejusdem. Circa malum committitur detraçtio, primò imponendo alteri crimen falsum, 2. revelando crimen occultum, quamvis verum, 3. augendo, & amplificando verum crimen, 4. explicando factum honestum alterius in sinistram partem, ut si quis honestum factum alicujus asserat prava intentione factum esse. Circa bonum verò, committitur, primò negando rectè facta, & bona alterius, 2. diminuendo rectè facta, vel laudes alterius, 3. reticendo bona alterius eo loco, & tempore, quo cæteri reticentiam accipiant pro tacita vituperatione, & opprobrio, 4. ita frigide laudando, ut hoc cedat in vituperium, & opprobrium laudati. Primis modis fit directè detraçtio, secundis verò indirectè. Ita tradit perdoctè Bonac. loco prox. cit. nu. 6. ex D. Th. & aliis communiter. Vide Sylv. verb. *detraçtio* sub n. 1. Tolet. lib. 5. c. 63. sub n. 3.

587 Inter. 5. Peccatne mortaliter, qui dicit, v. g. Titium esse superbum, avarum, iracundum &c.

Resp. Non semper est peccatum mortale, ita dicere de aliquo, quia hæc nomina non ita ordinariè accipiuntur, ut sonent peccata mortalia, sed ut naturalem inclinationem, vel veniales defectus denotent: dixi non semper, nam aliquando fieri potest, ut ratione dignitatis personæ, de qua dicuntur, vel quia putantur accipienda pro gravibus vitiis, sit in tali casu peccatum mortale, ut rectè docet Diana pars. 5. sr. 5. ref. 69. prop. finem, & pars. 3. tract. 5. resol. 30. §. notandum est quartò Nicolius in Elos. verbo *Fama dicto* §. & alii.

588 Inter. 6. Peccatne mortaliter, qui crimen alterius in uno loco publicum, manifestat in loco, ubi nescitur?

Resp. Emm. Sà verb. *Infamare*, sic ait: Infamatum alicubi juridicè, aut publicè, alibi proderet, non est mortale, nec ulla restituendi obligatio. Notandum est tamen, illum dici juridicè infamatum, de quo constet per ipsius confessionem in judicio, aut per Testium depositionem, aut per Judicis senten-

tiam, commississe aliquod grave delictum: sic etiam diffamatum censetur per publicitatem delicti, scilicet quod in multorum præsentia commissum est, ut in foro publico, aut in via publica, eo tempore, quo multis innotescere potuit. Tandem quando fama ex sufficientibus indicis orta innotuit majori parti vicinæ, vel Oppidi, vel Paræciæ, tunc ejus delictum dicitur famosum. Unde non est peccatum mortale, saltem contra justitiam, crimen alterius alicubi publicum aliquo ex tribus modis prædictis, manifestare alibi, ubi nescitur, quia delinquens per criminis publicitatem amittit jus ad famam. Bonac. disp. 2. quest. 4. pun. 6. num. 1. & seq. ubi plures concordantes adducit. Tamen multoties potest esse peccatum contra charitatem, ut ait ipse Bonac. sub num. 3. Tolet. lib. 5. cap. 65. & etiam contra justitiam. Vide Tolet. ibidem num. 2. ubi plura ad intentum, & seq. Resp.

589 Inter. 7. Quid est libellus famosus, & quibus poenis punitur conficiens, vel publicans illum?

Resp. Libellum famosum esse scripturam, vel signum, in famam continentem de crimine alicujus occulto, illud publicantem, docent Sylvester in Summ. verb. *libellus famosus* num. 4. Bonac. de legib. tract. de test. in particulari disp. 2. quest. 4. punct. 9. num. 1. Lezana tom. 2. verb. *Libri numer.* 31. Armilla verb. *Libellus numer.* 1. & alii communiter. Verùm qui solum scribit litteras infamatorias ipsius, ad quem scribit, non est reus libelli famosi, quia tales litteræ non publicantur, & potest, cui mittuntur, illas celare, Bonac. loco citat. nu. 2. Portellus in dub. Regul. verb. *Libellus famosus numer.* 3. & Lezana loco citat. Quando autem delictum alterius est publicum, illud quomodolibet publicans, etiam in alio loco, ubi tale non est, licet peccet contra charitatem, tamen non est reus dicti criminis, quia propriè non dicitur causa infamæ, cum alter amiserit jus ad famam per publicitatem criminis. Bonac. ibidem num. 3. & 9. vers. sextò. Lezana, & Portellus nu. 5. ubi supra. Vide Dianam pars. 5. tract. 5. ref. 17. & pars. 4. tract. 4. resol. 228. Jure civili, libelli famosi Auditor, poena capitali puniuntur l. 1. c. de libell. fam. De Jure autem Canonico excommunicantur, verberantur, fiunt infames &c. Vide Sylvestrum loco supra cit. num. 5. Bonac. num. 9. Lezana ibidem, & alios penes ipsos. Qui verò libellum famosum invenit ignarus, & non statim destruxerit, vel occultaverit, sed vim ejus dolo manifestaverit, secundum jura puniretur ut auctor. Ita præcitati

citati Doctores. Sed circa id quod diximus de infamato in uno loco, Toletus lib. 5. cap. 65. num. 2. docet, quòd, si quis infamatus, sive per crimen publicum, sive per Judicis sententiam, jam est bonam affectus famam, qui absque legitima causa illius crimen manifestat, peccat contra charitatem, & contra iustitiam: vide ipsum etiam num. 5. & id quod dixi ad Inter. antecedentem.

TITULUS LXIX.

De Diaconis.

Vide tit. de Eccl. Inter. 9 tit. de Monib. Eccl. Inter. 2. tit. de Ordin. Sac. Inter. 1 tit. de Sac. Bapt. Inter. 5. tit. de Sac. Euch. ad ques. 3. tit. de Sac. Ord. ad qu. 1.

590 **I**nter. 1. Confirmatio debetne præcedere susceptionem Ordinis Diaconatus? Et si non præcedit, peccatne mortaliter præfatam Ordinem suscipiens?

Resp. Supponendum est primò, quòd una ex conditionibus, quæ requiritur ad licitè suscipiendos Ordines, est, ut suscipiens Ordines, sit confirmatus: patet ex Trident. sess. 23. cap. 4. nam ibidem prohibentur initiari tonsura, qui Sacramentum Confirmationis non susceperunt: Ergo dicendum est, eum, qui scienter suscipit, aut ministrat Ordinem ante Confirmationem, peccare mortaliter, quia facit contra Tridentinum, & contra consuetudinem Ecclesiæ in re gravi. Ita Bonac. de Sac. disp. 8. qu. unica par. 5. nu. 10. & concordant Toletus lib. 1. cap. 71. num. 6. Fornarius tract. de Ordine cap. 3. num. 3. Nugnus, & Majolus, quos citat, sed non sequitur Diana par. 2. tract. 16. resol. 4. qui pluribus relatis, firmat oppositum: docens Episcopum non peccare mortaliter ordinando non confirmatum, aut etiam antequam ipse confirmatus sit, Confirmationem, aut Ordines conferendo; & hæc opinio est Navar. in Man. cap. 22. num. 9. Deinde respondet ad rationes Bonacinae, & aliorum, & dicit, quòd in Tridentino nihil præcipitur initiandis, sed præscribitur Episcopis, quid facere debeant, quamvis nec ibi stricta aliqua obligatio imponatur, quia nulum est verbum, quo strictum præceptum indicetur. Hæc Diana. Sed mihi, ut verum fatear, prima sententia placet, quia opinio Dianæ est saltem contra communem Ecclesiæ consuetudinem, quam quidem ad mortalem culpam obligare non dubito.

591 Inter. 2. Diaconus potestne saltem

de licentia Episcopi benedicere aquam litralem?

Resp. Dico, quòd non potest aquam benedicere, neque Episcopus potest ei hanc licentiam concedere, quia benedicere dona Dei, officium est Presbyterorum, non verò Diaconorum, cap. periculis §. ad Presbyterum 25 dist. Et sic solus Sacerdos, & non Diaconus valet aquam benedicere, cum sit Ordinis Sacerdotalis actus, cap. Aquam sole, de consec. dist. 3. & docent Sylvester verb. Aqua benedicta num. 1. Mendo Epis. Opin. Moral. eodem verbo num. 2. Lezana tom. 3. verb. Benedictio nu. 20. & alii communiter.

TITULUS LXX.

De Differentiis.

Vide tit. de Conf. Inter. 7. tit. de Eccl. Immu. ad ques. 2.

592 **I**nter. 1. Quænam differentia est inter Contritionem, & Attritionem?

Resp. Differentia est ista; quòd Contritio est dolor perfectus de peccatis, quatenus sunt offensa Dei summè dilecti: Attritio autem est dolor imperfectus, quia non respicit peccatum, ut offensam Dei summè dilecti, sed ut asserentem malum æternum.

593 Inter. 2. Estne idem valor Contritionis, & Attritionis?

Resp. Non est idem, sed diversus; nam illa per se iustificat, hæc autem non ita, sed requirit Sacramentum Confessionis in re, quo mediante peccator ex attrito fit contritus.

594 Inter. 3. Quænam differentia est inter ignorantiam vincibilem, invincibilem, crasam, supinam, & affectatam?

Resp. Ignorantia vincibilis est illa, quæ potest vinci adhibita sufficienti diligentia, juxta qualitatem negotii, ad illam vincendam. Unde qui v. gr. habet aliquod officium, scire debet ea, quæ ex officio tenetur; sed si non adhibet diligentiam ad cognoscendum ea, quæ pertinent ad proprium officium, dicitur laborare ignorantia vincibili: secus qui nescit ea, quæ scire non tenetur, quia ad officium suum non pertinent, dicitur habere ignorantiam invincibilem; & ita etiam, qui nihil unquam audit, vel cogitavit, vel dubitavit de aliqua censura, dicitur habere ignorantiam invincibilem, & sic ignorantia invincibilis dicitur illa, quæ vinci non potest neque à dubitante de aliqua censura, si facta diligentia, vel consultis peritis, & doctis viris, rei veritatem invenire non potest. Inter ignorantiam

crassam, supinam, & vincibilem, nullam esse differentiam dicunt quidam; tamen ignorantiam crassam, & supinam distingui à vincibili, est probabilius, quia non omnis ignorantia vincibilis est crassa, & supina; sed illa dumtaxat, quæ procedit ex lata culpa ignorantis, seu ex summa ipsius negligentia, quia aut nullam, aut valde modicam adhibuit diligentiam, ut sciret, quæ nolle tenetur: Unde ignorantia crassa, & supina est illa, quæ vel ex malitia, vel ex nimia negligentia procedit. Demùm ignorantia affectata est, quando quis vult nescire præceptum, ut liberius peccet; ut facit, qui fugit audire Parochum, vel Concionatorem præcepta Decalogi explicantem, vel Religiosus suam Regulam, & Constitutiones, ut liberius agat, quidquid vult contra illas; siquæ de tali dicitur in Psalmo 25. *Noluis intelligere, ut bene ageris.* Vide fuscè Bonac. *de cens. disp. 1. quest. 2. punct. 3. num. 3. 4. & 5. & de legib. loc. citat. supra*, Sylvest. *verb. Ignorantia*, & alios eodem verbo.

595 Inter. 4. Quænam differentia est inter opera mortua, & opera mortificata?

Resp. Differentia est ista, quòd opera mortua nunquam reviviscunt, sed mortificata accedente charitate vivificantur.

596 Inter. 5. Quænam differentia est inter præcepta negativa, & positiva?

Resp. Præcepta negativa obligant semper, & ad semper; positiva verò obligant semper, & non ad semper. Ita DD. communiter.

597 Inter. 6. Quænam differentia est inter mandatum, & consilium?

Resp. Mandatum nomine, & gratia mandantis fit, & agitur res ipsius; Consilium verò datur in gratiam consulti, seu accipientis consilium; ideoque plures requiruntur ad removendum effectum consilii, quàm mandati; nam non sufficit suasio contrarii, ut in mandato, sed removendus est consultus ab effectu, etiam alia via, qua removeri potest. *Sylv. verb. homin. 1. sub num. 11. Tolet. lib. 1. cap. 34. num. 3. & cap. 85. sub num. 1. Bonac. de irregul. disp. 7. qu. 4. punct. 8. num. 13. Vide Cabrin. de cas. refer. par. 2. cas. 2. annot. 7. per tot. ubi pulchra invenies.*

598 Inter. 7. Quænam differentia est inter occasionem proximam, & periculum peccandi?

Resp. Cotonius *centr. 6. nu. 55.* dicit, peccati periculum, & occasionem, moraliter pro eodem sumi. Nihilominus Cardenas in *Crisi Theol. disp. 40. c. 3.* definit periculum peccandi esse motivum inclinans ad futuritionem pec-

cati, inquam, in genere motivi: Occasio verò proxima constituitur per duo prædicta, nempe circumstantiam extrinsecam, & periculum formale proximum peccandi. Et quidem omnis occasio proxima peccandi affert periculum proximum peccandi, sed non omne periculum proximum peccandi dicitur occasioem proximam. Nam occasio proxima dicitur circumstantiam extrinsecam, hæc autem non requiritur ad periculum proximum. Qui enim ex propria fragilitate intrinseca habet diuturnam consuetudinem se polluendi, habet periculum proximum peccandi, ortum ab habitu intrinsecoper consuetudinem acquisito. Hæc ex Cardenas: sed vide Parperam in Schol. veritatis Lucerna qu. 10. per tot. ubi perdoctè de hac tractat materia.

599 Inter. 8. Quænam differentia est inter peccatum mortale, & veniale, & quare sic nuncupantur?

Resp. Differentia est, quia peccatum mortale est contra divinam, aut humana præcepta in re gravius veniale non est nisi præter aut extra præcepta; unde qui v. gr. furatur, agit contra præceptum, Non furtum facies; qui verò dicit verbum otiosum, vel mendacium jocosum, licet recedat à regula, cum faciat, quod in Deum non est ordinatum, tamen non facit omnino contra præceptum, ideoque solum venialiter peccat. Præterea peccatum mortale privat in præsentem animam vitam spiritualis amicitia, quæ est, seu esse debet inter hominem, & Deum; at veniale ex se non est ablativum gratiæ, & amicitia Dei; siquæ dicitur veniale, quia est venia dignum, & veniam à Deo amico meretur: mortale autem ita nuncupatur ex eo, quia infert mortem animæ, dum privat gratia, & amicitia Dei. Nota tamen, quòd licet peccatum veniale non expellat gratiam, & Dei amicitiam, expellit tamen fervorem charitatis, & devotionem aliqua ex parte extinguit, atque infrigidat. Vide Cajet. in *Summ. verb. Peccatum*, & Tolet. *lib. 3. cap. 2. nu. 1.* & est communis Doctrina.

600 Inter. 9. Detractio differtne specie à contumelia, vel est idem?

Resp. Differt omnino à contumelia, nam sicut rapina differt specie à furto, ita detractio à contumelia. Per detractioem enim clamor datur fama proximi, sicut clam laeditur proximus per furtum; per contumeliam verò aperte, & in præsentia offenditur proximus, sicut offenditur per rapinam ergo detractio non est idem, ac contumelia, sed specie differt: ultra quod, detractio dicitur ablatio

ablatio famæ, in quo etiam differt à contumelia, quæ est ablatio honoris. Bonacin. *de Resist. disp. 2. quest. 4. punct. 1. num. 2.* Toletus *lib. 5. cap. 63 sub num. 11.* & alii communiter.

601 Inter. 10. Quid est susurratio? & esse semper peccatum mortale? Et in quo differt à detractioe, & contumelia?

Resp. Susurratio est peccatum linguæ, quo quis manifestat alterius defectus ad feminandas discordias inter amicos. Ita docent S. Thomas 2 2. q. 74 art. 1. Navar. *in Man. cap. 18. n. 13.* Bonac. *tom. 2. de resist. disp. 2. q. 6. n. 1.* Armilla *verb. Susurratio n. 1.* & alii communiter. Ex genere suo est peccatum mortale contra iustitiam, & est gravius detractioe, & contumelia; potest tamen aliquando excusari à peccato mortali, ratione ineliberationis, vel ratione inadvertentiæ; imò aliquando nullum est peccatum, & est, quando susurratio fit ad bonum finem, scilicet tamen mendacio, nempe ad dissolvendam turpem, & noxiam amicitiam; nam turpis amicitia non habet leges, & conditiones veræ amicitiae; quare dissolvere huiusmodi amicitias, cum sint in offensam Dei, & proximi, nullum erit peccatum; & in hoc omnes Doctores conveniunt, teste Stephano à S. Gregorio *de Resist. lib. 1. sup. 13. de Susurratioe.* Cæterum susurratio mala differt à detractioe, & contumelia, quia, ut docet idem Bonacina loco cit. nu. 2. finis detractiois est injusta denigratio famæ proximi; finis contumeliæ est, læsio honoris; sed finis susurratiois est disseminatio discordiarum, & zizaniarum ad dissolvendam amicitiam. Imò in susurratioe sæpè includitur detractio, & contumelia, cum ad feminandas discordias ut plurimum refertur crimen alterius falsum, aut verum, sed occultum, in absentia, vel in præsentia. Ita Solonius *in 2. 2. D. Thoma q. 7. art. 1.* & alii communiter.

602 Inter. 11. Quænam differentia est inter bonam famam, & honorem?

Resp. Bona fama est bona opinio communis de aliquo circa aliquod ipsius bonum: v. g. si aliquis communiter existimetur castus, dicitur habere bonam famam circa castitatem; secus verò, malam dicitur habere famam; & sic dicendum est de cæteris bonis, aut malis. Honor tamen est actus, quo quis testatur, & verbis manifestat, aut signis externis opinionem, quam habet de alterius excellentia; & sic honor est reverentia, quæ alicui exhibetur. Tolet. *lib. 5. c. 63. sub n. 11.* Bonac. *tom. 2. de Resist. disp. 2. q. 4. p. 1. n. 2.* Et q. 5. *p. 1. nu. 1.* Et 8. & alii communiter.

603 Inter. 12. Quid est iudicium temerarium? Et differtne à suspitione?

Resp. Iudicium temerarium est mala interpretatio ex levibus indiciiis facta circa opus proximi, & differt à suspitione, quia suspicio est mala opinio proximi orta ex levibus indiciiis, & potius est assensus inchoatus, quo quis inclinat in unam partem. Unde tunc committitur iudicium temerarium, quando quis firmiter credit, tale opus proximi esse malum, ex levibus indiciiis; vel quando vertit in malam partem opus proximi ex levibus indiciiis: suspicio verò est cum formidine oppositi. Vide Azorium 3. *p. lib. 13. c. 11.* Bonac. *tom. 2. de resist. disp. 2. q. 7. punct. 1. n. 1.* & alios apud ipsos, & præsertim Armillam *verb. suspicio.*

604 Inter. 13. Quænam differentia est inter furtum, & rapinam?

Resp. Furtum fit clam, & ignorante domino: Rapina verò fit, quando accedit violentia, & fit præsentem domino. Tolet. *lib. 5. c. 16. n. 1.* & alii communiter.

605 Inter. 14. Quænam differentia est inter iram, odium, & indignationem?

Resp. Certum est, quod ira, odium, & indignatio inter se differunt, quia ut docet Bonacin. *de præcept. decal. disp. 3. quest. 4. punct. ult. p. 1. n. 8.* & alii ab ipso relati, ira contingere solet, dum quis vult alteri malum, eò quod alter injuriam sibi, aut læsionem aliquam intulerit, quam cupit vindicare: Odium autem, quando quis cupit alteri malum ex displicentia personæ, quamvis nullam ab eo injuriam passus sit: Indignatio verò contingit dum quis dolet, cum vidit bona indignis conferri.

606 Inter. 15. Quid est maleficium, & veneficium; & suntne idem, aut diverſa?

Resp. Aliud est maleficium, aliud verò veneficium; unde non sunt idem, sed diverſa. Maleficium enim est ars nocendi ex pacto, & auxilio Dæmonis, ut docet Sylvestr. *verb. Maleficium n. 1.* Toletus *lib. 4. cap. 16. nu. 3.* & alii communiter; sed veneficium est aliquid arte Dæmonis fabricatum, quo malefici ejusdem Dæmonis auxilio per occultum veneni applicationem alteri nocent, vel in bonis corporis, vel in bonis fortunæ. Ita Finellius *de cas. refer. cas. 2. num. 2.* Azorius *tom. 1. lib. 9. cap. 26.* & alii plures. Vide Toletum *lib. 4. cap. 16. nu. 3. supracitato,* & Bonacin. *de Legibus, tom. 2. disput. 3. quest. 5. punct. 1. n. 1. 2. & 3.*

607 Inter. 16. Quænam differentia est inter veneficia, incantationes, & sortilegia?

Resp.

Resp. Hæc tria specie non differunt; sed tantum ex parte materiæ, seu modi, quo sunt; conveniunt enim in formali nialitia, quæ est fieri insignante, vel pacifcente Dæmone; & differunt dumtaxat in hoc; quia Veneficium fit applicando res naturales inefficaces ad aliquem effectum, non utendo aliquibus verbis, neque cæremoniis: Incantatio verò fit dicendo verba inutilia, aut inefficacia ad talem effectum, non apponendo res naturales, sed sola verba: Sortilegium denique fit mittendo sortes, vel quid æquivalens ad cognoscendum secretum præteritum, vel futurum; ita ut semper in his tribus concurrat Diabolus. Ita ex Portello, Grassio, & Bordonio docet *Lezana tom. 2. verb. Veneficia num. 2.*

608 Inter. 17. Quænam differentia est inter præceptum annuæ confessionis faciendæ, & obligationem confitendi in articulo, vel periculo mortis?

Resp. Præceptum confessionis obligat quamprimum elapso anno ad confessionem anno præcedenti prætermittam: Præceptum verò confitendi in articulo, vel periculo mortis, non obligat eo elapso, quia latum videtur ob circumstantiam, conditionem talis temporis, nempe ob periculum imminens damnationis. Sic valde probabiliter docet Bonac. de Sacram. disp. 5. quæst. 5. scilicet 2. puni. 4. num. 39.

609 Inter. 18. Quænam differentia est inter sigillum naturale, & sigillum confessionis?

Resp. In primis, Sacramentale sigillum est etiam naturale; sed non è contra, naturale est Sacramentale; ideoque fortius obligat sigillum Sacramentale, quàm naturale, cum naturale possit aliquando violari, ut quando in detrimentum proximi, vergeret, vel in dñum publicum, vel commune, tam temporale, quàm spirituale: sed sigillum Sacramentale, seu confessiois, ita obligat, ut in nullo vitæ casu, nec etiam pro tuendo Rege, vel liberando toto Orbe ab injusta conflagratione, infringi potest; & quamvis universa Ecclesia, & hdes tota Christiana per impossibile periret, nisi Sacramentale sigillum reveleretur; & ut dicam in tit. 204 Inter. 2. etiam si Summus Pontifex præciperet confessionem revelari; nam præceptum sigilli, ne injuria fiat Sacramento, strictius obligat alio quovis præcepto, non solum Papæ, sed etiam totius universalis Ecclesiæ, quæ fractio hujus sigilli est intrinsecè mala, nec ulla de causa cohonestari potest, ut docet Sanctus Thomas in addit. quæst. 11; art. 1. & alii plures, quibus

subscribit Bonac. de Sacram. disp. 5. quæst. 9. scilicet 5. pun. 4. num. 20. Diana pars. 5. tract. 11. resol. 1. qui tellatur de communi. Vide id quod dicam in tit. 204. de Sigillo Confessionis ad Interrog. 13.

610 Inter. 19. Quænam differentia est inter censuram, quæ est à jure, & illam, quæ dicitur ab homine?

Resp. Censura à jure est illa, quæ fertur per Canones, Constitutiones, vel statuta Ecclesiastica, stabili, & permanente lege contra omnes subditos: Censura verò ab homine infligitur à Judice, vel Prælato per modum sententiæ, vel decreti, seu mandati in aliquo facto particulari, aut contra certas personas; & hæc censuræ ab homine cessant mortuo; vel amoto Legislatore; sed Censuræ à jure durant etiam mortuo, vel amoto statuente, nisi à successore revocentur, vel contraria consuetudine legitime præscripta tollantur, ut colligitur ex cap. fin. de offic. deleg. ex cap. unico de maior. & obedien. & cap. Pastoralis §. 1. de offic. ordin. & tradunt Suarez in 3. part. tom. 5. disp. 3. scilicet 1. Sayrus de censu lib. 1. cap. 7. num. 11. & 12. Layman lib. 1. tract. 4. cap. 5. n. 5. & Ugolinius de cens. tr. 1. cap. 9. §. 4. quibus subscribit Cabrinus Elucid. cas. refer. par. 2. cas. 1. annot. 5. n. 10. & 11.

611 Inter. 20. Quænam differentia est inter suspensionem, & excommunicationem?

Resp. In multis differunt, ut videre licet apud Tolet. lib. 1. cap. 46. num. 5. Bonac. de Censu, disp. 3. pun. 2. num. 3. sed principaliter differunt in hoc. Primò Excommunicatio numquam tollitur, nisi per absolutionem; suspensio verò aliquando tollitur. 2. Excommunicatio nunquam fertur, nisi cum contumacia; sed suspensio aliquando in pœnam delicti, etiam sine contumacia. 3. Excommunicatio omnis vetat Sacramentorum susceptionem; & collationem; at suspensio non omnis prohibet susceptionem, nisi quando est à susceptione Sacramentorum, nec collationem, nisi quando est ab Officio, vel Ordine, aut collatione Sacramentorum. 4. Excommunicationem à jure contrahunt Episcopi, licet de eis non fiat expressa mentio; suspensionem verò à jure incurrunt solum, quando de eis fit mentio, & non alias; nec Interdictum generale, nisi de eis fiat expressa mentio. Emmanuel Sà verb. Episcop. numer. 10. 5. Ab Excommunicatione à jure, non reservata, Episcopus potest absolvere, sed non à suspensione, nisi quando est perpetua, & quando posita est in contumacia, vel ob delictum, super quod potest dispensare. Ita.

Ita docet Toletus loc. citat. & alii plures.

612 Inter. 21. Quenam differentia est inter irregularitatem, & suspensionem?

Resp. Irregularitas directe privat susceptione Clericatus, & Ordinum: Suspendio vero privat usu, & exercitio ipsorum ordinum. Ita ex communi docet idem Bonac. *de Censur. disput. 7. quest. 1. part. 2. numer. 12 & dicta disput. 3. punct. 2. numer. 4. versic. 4.* & alii communiter.

613 Inter. 22. Quenam differentia est inter Bigamiam, & Polygamiam?

Resp. Polygamia est, quando simul plures habentur uxores; imò gravis pœna imponitur, ei qui contrahit cum pluribus simul viventibus, & præsumitur malè sentire de fide contra Sacramenta. Vide igitur quæ dicam in tit. 169. de Polygamia, ad Inter. 3. & Dian. *part. 4. tit. 7. ref. 4. versic.* Notandum est tamen; præterquam quòd, qui dixerit licere Christianis habere simul plures uxores, excommunicatus est, ut patet ex Concil. Tridentino *sess. 24. can. 2.* & docet Bonac. *de matrim. quest. 3. punct. 10. numer. 3.* Bigamia verò propria, & vera, est quando plures uxores successivè habentur, undè ex multiplici matrimonio contracto, & consummato, oritur Bigamia, quæ facit hominem irregularem, & per consequens inhabilem ad Ordines, & ad Beneficia. Ita docent Doctores communiter. Vide Bonacin. *de Censur. disput. 7. quest. 2. punct. 5. per totum, præsertim numer. 3.* Tolet. *lib. 1. cap. 65. numer. 2.*

614 Inter. 23. Fitne aliqua differentia inter illum, qui habet impotentiam ratione frigiditatis, & alium, qui est impotens ratione maleficii, ut aliam possit ducere uxorem?

Resp. Certo fieri debet differentia: Jura enim non concedunt frigidum, ut post separationem ab una, ducat alteram, quia quod est naturale, semper est tale respectu ejusque: sed maleficiatis permittitur aliam ducere, quia aliquando Dæmon impedimentum facit alicui respectu unius, non autem respectu alterius, ut docet Sanctus Thomas in 4. *distinct. 34. artic. 4.* Armilla *verb. Matrimonium §. 49.* quos sequitur Toletus *lib. 7. cap. 16. sub numer. 2.* & patet ex titulo de frig. & Malefici.

615 Inter. 24. Quenam differentia est inter mutuum, & commodatum?

Resp. In commodato non transfertur dominium rei, sed conceditur usus tantum, & res eadem postea redditur; in mutuo verò transfertur dominium, nec

eadem res in specie redditur. Doctores communiter.

616 Inter. 25. Quenam differentia est inter Votum reale, & personale?

Resp. Differentia est, quia Votum personale est, quando promittitur Deo aliqua actio ipsius personæ, vel aliqua ommissio, ut votum peregrinationis, jejunii, castitatis, orationis, abstinentiæ à ludo &c. Reale verò est, quando promittitur Deo aliqua res, ut elemosynæ, & ea, quæ absque rei dispendio non fiunt. Itaque personale spectat ad personam voventis, & reale ad rem pertinet, & aliquando votum includit utrumque, nempe personale, & reale, & tunc dicitur mixtum, & est, verbi gratia, si quis promittat peregrinationem Lauretanam, & offerre aliquid Beatissimæ Virgini, dum ad ejus Ecclesiam pervenerit: Ita Doctores communiter, teste Bonac. *de Præcepto Decal. disput. 4. quest. 2. punct. 2. numer. 1.* Tolet. *lib. 4. cap. 18. sub numer. 5.*

617 Inter. 26. Quenam differentia est inter Votum simplex, & solemne?

Resp. Votum simplex consistit in nuda promissione, & traditione ex parte voventis; solemne verò consistit, ultra talem promissionem, & traditionem, in acceptance ex parte Dei, scilicet illius, qui vicem Dei tenet; & ita solemniatur per acceptationem, quæ fit per Superiorem, & Prælatum ipsius; & hujusmodi votum solemne solum fit per professionem in approbata Religione, & in susceptione Sacrorum Ordinum. Præterea Votum simplex castitatis, & Religionis, impedit Matrimonium contrahendum, non tam en dirimit contractum; sed Votum solemne non solum impedit, sed etiam contractum dirimit, nullumque est Matrimonium. Bonac. Toletus locis supracitatis, & alii communiter. Vide, quæ dicam in tit. 242. de voto, ad Inter. 10. & 13.

618 Inter. 27. Quenam differentia est inter votum conditionale, pœnale, & absolutum?

Resp. Conditionale est illud, quod ponitur sub conditione, verbi gratia, si à Deo sanetur, liberetur &c. Et obligat tale votum posita conditione, nisi mala sit. Pœnale est illud, quod in pœnam alicujus ponitur, ut quando quis dicit, si hodie non me abstinuero à ludo, vel fornicatione, voveo centum aureos, vel tot dies jejunii, vel ingredi Religionem, vel quid aliud simile. Absolutum autem est illud, quod simpliciter fit, absque conditione, & pœna. Toletus *lib. 4. cap. 18. numer. 6.* Bonacin. *de præcept. Decal. disp.*

disp. 4. quæst. 2. punct. 2. sub n. 1. & alii communiter.

619 Inter. 28. Quænam differentia est inter dispensationem, & commutationem, & irrationem votorum?

Resp. Differentia est ista, quia dispensare in voto nihil aliud est, quam nomine Dei condonare obligationem voti, quam vouens erga Deum contraxerat vouendo, ut docet Cajetanus 2. 2. quæst. 88. art. 12. & alii communiter. Commutare votum est materiam voti in aliam mutare; & ideo non aufertur simpliciter obligatio, sed una substituitur loco alterius. Irritare autem, est annullare votum factum, & facere, ut non sit obligatorium, nec verum votum; & hæc irritatio pertinet ad potestatem dominationis, nec requirit causam ad sui validitatem, sicut requirit commutatio, & dispensatio, ut dicam in sequenti tit. ad Interrogationem 5. Cæterum commutare votum in minus, vel dispensare, pertinet ad potestatem Spiritualem. Sed commutare in euidenter melius, quilibet propria auctoritate potest, cum manifestò constat, id quod est euidenter melius, Deo gratius, & receptius esse. Sed non potest quis propria auctoritate votum reservatum Papæ in opus euidenter melius commutare, & ratio est, quia eo ipso, quod reservatum est, non est amplius sub potestate vouentis, sed subditur arbitrio Superioris. Excipitur tamen commutatio in Religionis ingressum, in quem quodlibet votum commutari potest propter summam Religionis perfectionem, ut habetur cap. scriptura, de voto, & docet Pater Syrus in dilucidario facultatum minor. Punit. p. 6. cap. 6. dub. 2. Vota denique, aut iuramenta Deo facta, in bonum euidenter æquale, propria auctoritate commutari non posse, probabilius est, ut docent plurimi, quos refert, & sequitur Leander p. 7. tract. 1. dispus. 18. q. 9. Aduerte tamen, ut validè, & licitè fiat commutatio, necessariam esse iustam causam, ut omnes apud Leandrum ubi supra qu. 27. fatentur.

TITULUS LXXI.

De Dispensatione.

Vide tit. de Absol. 2. cens. Inter. 2. tit. de Confess. Inter. 18. tit. de Illegis. ad quæst. 1. & 2. tit. de Har. Etc. ad quæst. tit. de Sacram. Ord. ad quæst. 3. tit. de Subd. Inter. ult. tit. de Val. Dispens. tit. de Val. Sacram. Matrim. Inter. 13. tit. de Val. Sponsal. Inter. ult. tit. de Vos. Inter. 6. 7. 8.

620 Inter. 1. Quando adest iusta causa dispensandi, teneturne Superiori dispensare? Et dispensatio estne debita, vel est gratia?

Resp. Potestas dispensandi commissæ est Prælati in bonum Reipublicæ; & subditorum utilitatem; consequenter, quando adest iusta causa exercendi hanc potestatem, dicunt Doctores, quod Prælati teneantur illam exercere, alias faciat contra debitum muneris sui. Ita tradunt Suarez de legibus lib. 6. cap. 18. n. 20. Salas disp. 20. sect. 7. n. 70. Sancius in selectis disp. 43. n. 8. Sanchez de matrim. lib. 3. disp. 10. n. 6. quos refert, & sequitur Diana p. 8. tr. 3. res. 27. Sed vide, quæ dicam in titulo 175. de Prælati Regularibus, ad Inter. 3. ubi pluribus relatis idem firmabo. An autem dispensatio sit debita, vel gratia, dico cum eodem Diana ibidem, & resol. 7. in quatuor casibus esse debitam, extra quos erit tantum gratia. Debita igitur est primò, quando ius disponit, ac præcipit, ut existente tali casu concedatur dispensatio, seu debeat Prælati dispensare. Si verò ius solum concedat, ut Superior possit dispensare cum tali causa, tunc non est debita dispensatio, sed gratuita. Potest tamen esse debita dispensatio per præceptum ab homine, ut v.g. in dispensationibus, quas concedit Summus Pontifex, remittens causas Ordinariis, ut sit in Breuibz Sac. Penitentiariæ, in quibus mandatur, ut dispensent, si preces veritati nitantur; nam impleta tali conditione, illa dispensatio est debita. Secundò, item debita erit, quando necessaria est ad commune bonum, vel vitandum publicum scandalum, aut quid simile. Tertio, quando fuerit concessa ad spirituale bonum postulantis, vel ad vitandum aliquod graue animæ periculum. Quarto denique, si subditus grauiter ea dispensatione egeat ad vitandum aliquod graue damnum in persona, uel bonis temporalibus, & sine dispendio potest illi concedi; nam tunc tenetur Prælati, saltem ex charitate, eam dispensationem concedere. Vide Dian. loco cit. Emman. Sæ verb. Dispensatio n. 2. & Syluest. eodem verbo num. 3.

621 Inter. 2. Causa dispensationis debetne esse certa, & manifesta, uel sufficit causa dubia?

Resp. In Responsione ad dictam Inter. 3. tit. prox. tit. contra Bonacinam, & alios, duco, quod multis scrupulorum occasionibus esset exposita Superiorum potestas, si ad causas solas certò iustas extenderetur, & uix audent Superiores dispensare. Unde in benigniorem partem inclinandum esse, & creden-

dendum facultatem Superiorum extendi etiam ad causas dubie iustas firmos hoc enim videtur petere bonum, & suave Ecclesie regimen: & ita hanc sententiam præter Authores à me eo loco cit. tenent etiam Amicus tom. 5. disp. 6. scilicet 6. num. 81. Merolla, Placios, & alii, quibus subscribit Diana part. 8. tract. 4. ref. 29. ubi plura ad intentum reperies. Imò nota id, quod docet Emmanuel Sà loco suprà citat. ubi inquit: *Cum subest causa dispensandi, videtur peccare Prælati, qui potest, si non dispenset, quando oportet.* Idem aliis relatis docet Lezana tom. 2. verb. *Prælati Regul.* sub numer. 14. Vide iterum Dianam part. 4. tract. 3. ref. 44.

622 Inter 3. Quando subditus proponit Superiori causam dubiam ad obtinendam dispensationem, debetne Superior dispensare, vel debet id remittere conscientie subditi petentis?

Resp. Docebo in tit. 105. de Jejunio, ad In-
ter. 2. 5. cum Cajetano 2. 2. D. Thomæ quest. 147. art. 4. & omnibus expositoribus ibidem, Prælati, ac Superiores, quando subditi proponunt causam dubiam ad obtinendam dispensationem, non debere esse nimis scrupulosos, ac ambiguos remittentes id conscientie subditi petentis, cum potius ad ipsos spectet tunc dispensare, causam dubiam per dispensationem efficiendo iustam; & idem nunc doceo cum Doctoribus à me ibidem citatis, quibus addo Azorium tom. 1. lib. 7. cap. 29. quest. 2. qui citat Navarrum, Rosellam, & Angelum. Vide Dianam part. 9. tract. 6. resolut. 27. contra Caramuelem oppositum docentem. Vide eundem Dianam part. 1. tract. 10. ref. 31.

623 Inter. 4. Quenam est iusta causa, ob quam licite concedi potest dispensatio interdictorum?

Resp. Non est eadem in omnibus Ordinibus, siquidem ad Minores Ordines sufficit, quod Episcopo videatur magis expediens, ut habetur in Trident. sess. 23. cap. 11. Ad Subdiaconatum requiritur necessitas, aut Ecclesie utilitas iudicio Episcopi, ex eadem sess. cap. 11. Ad Diaconatum non exigitur tanta necessitas, cum Concilium nihil de hoc dicat, voluntati rationabili Episcopi id relinquit, dicta sess. 23. cap. 13. Dixi, voluntati rationabili Episcopi, quia ut bene dicit Bonac. disp. 8. de Ordin. pun. 6. num. 2. Episcopus non potest simpliciter ex quavis causa in interdictis dispensare, sed ad dispensandum requiritur iusta causa. Ad Presbyteratum verò major causa requiritur, scilicet Ecclesie utilitas, ac necessitas iudicio Episcopi, ut constat ex eo-

dem Concilio dicta sess. 23. cap. 14. Miranda in Man. quest. 38. art. 8. cui subscribit Lezana tom. 1. cap. 14. num. 6.

624 Inter. 5. Quenam dicitur iusta causa ad effectum commutandi, vel dispensandi vota Christifidelium?

Resp. Supponendum est primò tanquam certissimum, requiri iustam causam, ut votum commutetur in minus, quia commutatio in minus participat de dispensatione; unde à fortiori, & eò magis iusta causa requiritur ad dispensationem: hoc ergo prænotato. Dico, quòd iusta causa reducit ad pietatem, utilitatem, & necessitatem. Itaque difficultas in voto persolvendo, utilitas voventis, repugnantia parentum, vel Mariti &c. est iusta causa, ut votum commutetur in minus. Ita quoque utilitas Ecclesie, honor Dei, utilitas, & fructus spiritualis voventis, morale periculum sæpius violandi votum, imperfecta deliberatio in voto facto, metus etiam levis incussus ab homine ad extorquendum votum, dubium de obligatione voti, notabilis difficultas superveniens executioni voti, & alia huiusmodi, juxta prudentis viri iudicium, faciunt causam iustam, ut non temere fiat commutatio vel dispensatio voti, ut pluribus relatis firmat Bonac. de præcept. dec. disp. 4. q. 2. pun. 7. §. 3. sub nu. 11. Et §. 4. nu. 24. Sed vide Dianam part. 2. tr. 6. ref. 8. ubi fusè de hac tractatur materia.

625 Inter. 6. Facultas delegata dispensandi vota, extenditurne ad ea commutanda?

Resp. Azorius, Valentia, & Sanchez apud Dianam part. 8. tractat. 3. resolut. 43. dicunt quòd non, quia hæc potestates sunt diversæ rationis: ergo si conceditur una, non censetur altera concessa. Sed oppositum dicunt Suarez, Lessius, Layman, & alii, quos dat, & sequitur idem Diana: & hæc sententia mihi magis placet, quia cui conceditur quod plus, & majus est, & minus concedi videtur. Vide Dianam, qui id rectè probat, & respondet ad argumenta contraria valde doctè.

626 Inter. 7. Conjuges de communi consensu voventes non petere, nec reddere debitum conjugale, possuntne dispensari, & à quo dispensationem obtinere possunt?

Resp. Quia tale votum non est integræ, & perfectæ Castitatis, ideo tales Conjuges possunt dispensari, non solum ab Episcopo, sed etiam per Confessariū simplicem virtute Bullæ Cruciatæ, ubi adest tale privilegium. Imò quilibet Confessarius Regularis potest com-

commutare hujusmodi votum, dummodo fuerit ad id à suo Superiore deputatus. Vide igitur, quæ dixi in tit. 42. de Confessariis, ad Inter. 18. & quæ dicam in tit. 180. de Regularibus, seu Religiosis, ad Inter. 26. Imò nota, quod post tale Votum, si unus Conjugis decedat, alter, qui supervivit, non prohibetur ad secundas nuptias transire, ut docent Doctores communiter. Vide Dianam par. 1. tract. 11. resolut. 58. & par. 3. tract. 5. resolut. 25. versic. Quarta.

627 Inter. 8. Quis dispensare valet cum conjugibus incestuosis super amisso jure peccati debitum conjugale?

Resp. Jam dixi in tit. 12. de Affinitate ad Inter. 13. quod Coniux, qui commisit incestum cum consanguinea alterius conjugis in primo, vel secundo gradu, privatur jure petendi debitum; & docet etiam Cassianus à Sancto Elia in Arbor. Opin. moral. verb. Affinitas num. 21. Emm. Sà verb. Debitum conjug. num. 13. & alii. Modò verò ut ad interrogationem satisfaciam, dico posse Episcopum dispensare per se, vel per Confessarium, cui id committat; sed non committitur solum per hoc, quòd Episcopus concedat facultatem absolvendi à reservatis, sed requirit specialis facultas, quia agitur de dispensatione. Verum est tamen, quòd Confessarii Regulares, qui habent facultatem absolviendi à reservatis, & participant in privilegiis cum PP. Congreg. S. Benedicti Vallisoleæ, possunt uti privilegio dictis Patribus concessio à Julio II. quod est, ut valeant cum talibus conjugibus incestuosis dispensare quoad petitionem debiti conjugalis; nam illud privilegium subsistit, quia fuit rescriptum & non vivæ vocis oraculum, ut docent Leczana tom. 2. verb. Affinitas num. 4. Diana par. 6. sr. 8. ref. 32. & par. 10. tract. 14. resolut. 20. Cassianus à Sancto Elia loc. sup. cit. num. 27. qui Author notat etiam, quòd tales Confessarii debent esse specialiter deputati à Superiore locali, & debent esse viri docti, & prudentes, nec possunt uti dicto privilegio, nisi intra Ecclesias, vel domos suas regulares, & non sine iusta causa dispensare debent; quæ tamen sufficit, si poenitens juvenis sit, & non possit abstinere à debiti petitione. Item numerus Confessariorum est etiam servandus, unde in majoribus Monasteriis non debent esse nisi tres, vel quatuor, in parvis verò unus, vel duo, & tandem hujusmodi dispensatio debet fieri in actu Confessionis, & non extra, quidquid dicat Diana par. 3. tract. 2. resolut. 14. in fine. Vide Cassianum ubi suprà, & Nicolium in Flos. verb. Debitum conjug. num. 5. & Dianam par. 6. sr. 8. ref. 32. Nota tamen id, quod do-

cet Diana in Summ. verb. Confessarius num. 48. scilicet, quòd non debent moneri coniugati de hoc impedimento ob melius bonum, cum non peccent petendo debitum, excusante illos ignorantia; nam coniugati ferè omnes, etiam docti, ignorant hoc impedimentum; ideòque Confessarius melius est, ut taceat, quàm illos admonere, stante communi ignorantia Laicorum. Ita ex Bordon. tradit ipse Dian. par. 10. sr. 14. ref. 20. Hæc tamen intelligo solum in casu, quo nullus speretur fructus ex admonitione.

428 Inter. 9. Quis potest dispensare super impedimenta, quæ tantum impediunt, sed non dirimunt matrimonium?

Resp. Episcopus potest, excepto voto Castitatis, & Religionis absoluto, & perfecto: Summus Pontifex verò in omnibus.

629 Inter. 10. Potestne Episcopus, vel Prælati Regularis dispensare cum sibi subdito, ut nunquam in tota vita jejunet, aut nunquam recitet Officium Divinum?

Resp. Dico, quòd non, quia hæc est res non levis, sed magni momenti, & quæ non frequenter accidere solet; unde non præsumitur Pontificem voluisse committere inferiori Prælato eam dispensationem. Ita ex Soto firmat Diana par. 8. tractat. 3. resolut. 12.

630 Inter. 11. Possuntne Prælati, & qui habent potestatem dispensandi in lege cum aliis, secum etiam dispensare?

Resp. Communis sententia docet, Principem, seu Prælatum, qui potest dispensare cum subditis, posse etiam immediate, & directè secum dispensare in omnibus rebus eo modo, quo potest cum sibi subditis; & hoc intelligendum est tam de Summo Pontifice, quàm de Episcopis, Principibus Sæcularibus, & Prælati Regularibus, five Generalibus, five Provincialibus, five aliis Superioribus localibus, qui toti domui præfunt, & illis absentibus de Vicerefforibus, quando eis hæc jurisdictio non restringitur. Doctores ad satisfactionem de hac re tradantes refert Diana par. 8. sr. 3. resolut. 5. & 16. par. 10. sr. 10. tract. 14. ref. 25. & 64. Vide Sanct. Thomam 2. 2. quæst. 88. & 181. quem refert Emmanuel Sà verb. Religio num. 47. qui tamen addit hæc verba: Expediit verò id. facere per suum Confessarium; quod quidem mihi valde probatur.

631 Inter. 12. Quinam sunt illi casus, in quibus Episcopi, & Prælati Regulares possunt dispensare cum sibi subditis in legibus. Pon-

Pontificiis, quamvis expressam potestatem non habeant?

Resp. Primus est in rebus, quæ frequenter occurrunt, ut sunt jejunia, recitatio horarum Canonicarum, auditio Missæ, & similes, Secundus est, materia, levis, seu exigui momenti; materia autem levis est illa, quæ non obligat sub mortali. Tertiò, casus, est, quando materia legis non est communis, sed propria subditorum, dumtaxat talis Episcopi, vel Prælati, ut si Papa præcepisset solis subditis Episcopi Tusculani, posset iste cum illis dispensare, quia cum ea lex sit lata solum propter commodum, & utilitatem particularem talium subditorum, videtur Summus Prælatas tacite relinquere relaxationem illius inferiori Prælati, cui specialiter incumbit eorum subditorum gubernatio. Quartò, est, quando recurrit ad superiorem esset valde difficilis, seu quando occurreret magna valde necessitas, & esset periculum in mora; tunc enim ex præsumpta voluntate Pontificis, posset Episcopus, vel Prælatas Regularis dispensare in lege illius. Alius casus appositus à Castro Palao, est, si consuetudine præscribatur, inferiori in lege superioris dispensare, quia consuetudine præscripta, legitime tamen, iurisdictionem concedit, ut constat ex cap. Cum contingat de foro compet. Doctores, qui loquuntur de his casibus, sunt Cajetanus 2. 2. quæst. 97. art. 4. Sotus lib. 1. de iustitia quæst. 7. art. 3. Suarez de legib. lib. 6. cap. 14. nu. 9. Salas de legib. disp. 20. sect. 3. num. 22. Castro Palao tom. 1. rr. 3. disp. 6. punct. 5. & alii plures penes Lezanam tom. 4. conf. 6. numer. 4. & Dianam par. 8. tractat. 3. ref. 12. à quibus plura haberi possunt ad intentum.

632 Inter. 13. Qui est dispensatus ad edendas carnes in Quadragesima, teneturne jejunare?

Resp. Quidem dicunt, quoties infirmus est dispensatus ad resiciendas vires, ut in convalescentia, excusari à Jejunio; si verò sit dispensatus, eo quod alii cibi illi nocent, non excusari. Tandem, alii absolute probabiliter docent, quod dispensatus ad edendas carnes, eo ipso intelligitur etiam dispensatus à jejunio, quia abstinencia carnis est de essentia jejunii. Dian. par. 1. tract. 9. ref. 25. refert utriusque partis Assertores, & concludit, quod non teneatur jejunare. Idem docet Navar. in Man. cap. 21. num. 25. Toletus lib. 6. cap. 3. sub numer. 2. Alloza verbo Jejunium sect. 3. n. 19. & alii multi. Tamen sententia, quæ docet, non excusari à Jejunio, si sanus sit, & fortis, videtur tutior; nam qui non potest fervare præceptum in totum, debet servare in partem, quæ

servari potest, pro quo facit Text. in cap. Cum dilecti, de dolo, & contrum. & ibi Gloss. & DD. Vide Bonac. de Leg. disp. ultim. quæst. 1. punct. 2. numer. 3. & in tit. 105. de Jejunio ad Inter. 12. Et nota, quod dispensatus à carne, non potest licite comedere quascumque carnes, sed salubriores tantum, aliàs mortaliter peccat. Ita patet ex Decreto SS. D. Nostri Clement. XI. de anno 1702. die 24. Februarii, quale Decretum refert Campionus part. 2. cap. 48. n. 16.

633 Inter. 14. Qui est dispensatus, ut possit edere carnes in diebus Jejuniarum, peccatne mortaliter, si pisces quoque manducet?

Resp. Doctores communiter docent, quod non peccet, saltem mortaliter, quia licet hoc faceret ex gula, tamen gula ex genere suo non est mortale. Imò aliquando quis edere potest pisces, & carnes in eodem prandio, vel cena, sine ullo peccato, ut ad excitandum appetitum, vel ita parum de piscibus sumere potest, ut nullatenus ei noccat talis comestio. Vide Doctores penes Dianam par. 1. tra. 9. ref. 26. quibus ipse subscibit, contra Navarrum, & Grassium, qui oppositum tenent; sed vide Sanchez in Opusculo tom. 2. lib. 5. cap. 1. dub. 4. n. 4. & seq. ubi plura ad intentum. Tamen nota, quod si hoc esset prohibitum ab Episcopo, non esset licitus usus piscium ad excitandum appetitum, nisi forte in tam levi quantitate, ut in considerationem non veniat. Dian. p. 9. rr. 7. ref. 11.

TITULUS LXXII.

De Divortio.

Vide tit. de Matrim. Inter. ult.

634 Inter. 1. Quid, & quod duplex est divortium?

Resp. Divortium nihil aliud est, nisi quædam legitima Viri, & Uxoris separatio; & hæc separatio tripliciter accipi potest, scilicet quoad separationem tori, hoc est quoad copulam carnalem; quoad separationem tori, & habitationis, tandem quoad dissolutionem vinculi matrimonialis, ita ut omnino dissolvatur matrimonium, ac si nullum esset: sed hoc intelligendum est de matrimonio rato non consummato; nam matrimonium ratum dissolvitur per professionem in Religione approbata, vel aliquando per Summi Pontificis dispensationem; sed matrimonium consummatum habet omnimodam indissolubilitatem. Vide Bonac. de matrim. quæst. 4. punct. 5. num. 1. & ea quæ dicam in tit. 159 de Papa, seu Summo.

summo Pontifice, ad Int. 7. ubi firmabo, posse Papam dispensare in matrimonio rato, & non consummato.

635 Inter 2. Quibus de causis possunt Conjuges invicem separari quoad torum, & habitationem?

Resp. Possunt quidem separari ob corporis, aut animæ periculum, & propter alterius pertinacem hæresim, vel adulterium, vel sodomiam, vel pollutionem cum aliquo extraordinarium, etiam si cum conjugē invita. Ita docet Emmanuel Sà *verb. Divortium n. 1.* Vide Sylvestrum *verb. Divortium*, & Bonac. *loco proximo cit. pun. 5. per totum*, qui tamen ibidem nu. 5. probabilius putat, pollutionem extraordinariam cum alia, vel secum tantum, non esse causam sufficientem divortii, quia caro propriè non dividitur: sed hoc puto esse intelligendum dumtaxat de pollutione extraordinaria cum alia, non autem cum sua; nam si conjugis corrigi non vult, tunc immineret Uxori periculum salutis, cui potest, & debet providere, & consequenter potest facere divortium; colligitur *ex cap. Gaudemus de Divortio*, & docet Sylvest. *loco cit. sub num. 10.* Vide Dianam *par. 6. tra. 7. 8. resol. 7. Et par. 9. tra. 8. 8. resol. 37.* ubi plura circa tale dubium habebis. Vide etiam *ad Inter. seq.*

636 Inter. 3. Quænam sunt causæ sufficientes ad faciendum divortium quoad torum, & habitationem, quandiu ipsæ causæ durant?

Resp. Septem causæ numerantur in Doctoribus, in quibus liceat facere divortium ad tempus, scilicet, quandiu ipsæ causæ durant. Prima causa est sævitia mariti, scilicet periculum gravis damni, seu malæ tractationis, nisi à marito sufficiens cautio exhibeatur de non offendenda Coniuge; quæ cautio debet esse pignoratitia, & hîdejussoria, vel saltem juratoria. Secunda causa est furor alterius Conjugis, quando furor est ita vehemens, ut alter conjugis periculum fubeat cohabitando. Tertia causa est, quando unus conjugum tentavit alterum occidere. Quarta causa est, quando alter conjugis infligit alterum ad peccatum, & præmissa correctione non desistit ab infligendo. Quinta est, quando delictum unius Conjugis potest esse alteri causa gravis damni, ut quando Uxor est venefica interficiens filios, aut timetur, ne necet maritum. Sexta causa est lapsus unius in infidelitatem, vel hæresim; nam hæresis, vel infidelitas est quædam fornicatio spiritualis. Unde sicut est licitum ob fornicationem carnalem facere divortium, ita ob fornicationem spirituales; ut habetur *ex cap. Adolus-*

tria, Et cap. quædam de divor. Septima causa tandem potest esse votum castitatis emissum de communi consensu; in quo casu non solum possunt separari quoad torum, sed etiam quoad habitationem; cum possint ambo Religionem ingredi, & in ea proficere. Ita pluribus relatis docet Bonac. *de matr. qu. 4. pun. 5. n. 25 per totum.*

637 Inter. 4. In quibus casibus non potest Conjug licitè facere divortium?

Resp. Septem sunt casus, in quibus vir Uxorem adulteram repellere non potest. Primus est, si ipse illam prostituit, vel si sciat ejus adulterium, & non prohibet, cum commodè possit. Secundus est, si Virum defunctum credens probabiliter, alteri nupsit. Tertius si fuerit cognita latenter ab aliquo, quem virum proprium credebat. Quartus, si fuerit per violentiam oppressa. Quintus, quando eam post adulterium reconciliavit, vel publicè adulterantem tenuit, & retinet in consortio maritali. Sextus, si infidelis conjugis infideli conjugis dat libellum repudiij, & illa nubit secundo, & uterque convertatur ad fidem, quia tenetur eam recipere primus, & etiam cognitam à secundo, nisi alteri fuerit fornicatione conjuncta. Septimus de quo est, si vir convincitur adulterari; imò si vir est adulteratus occulte, & uxor manifestè, sine peccato eam dimittere non potest; quia uxori non deficit jus excipiendi, sed probatio. Verum, si ille poenitentiam egisset, & illa eam agere noller, sine peccato acculare eam, & dimittere potest. Ita Juribus, & Doctoribus allegatis, docet Sylvest. *verb. divortium n. 12. quæst. 9.* Vide etiam Bonac. *de Matrim. quæst. 4. punct. 5. nu. 14.* & Armillam *verb. Matrim. nu. 73.*

638 Inter. 5. Quæ noticia adulterii requiritur ad faciendum divortium?

Resp. Requiritur, ut Conjug, qui vult facere divortium ob alterius adulterium sit moraliter certus, ita ut non levem suspicionem, sed maxime fundatam habeat, de adulterio Conjugis; & talis suspicio dicitur violenta, quæ æqualeat probationi, & sufficit in foro externo ad convincendum Conjugem de adulterio; ut accidit, quando probatur, quod fuit solus cum sola, nudus cum nuda in eodem lecto, aut simul in secretis locis, & latebris commodis, & horis electis. Sylvest. *verb. divortium nu. 10.* Bonac. *de Matrim. quæst. 4. pun. 5. n. 7. Et 8. ubi n. 9. addit.* ad faciendum in foro conscientie divortium non requiri, ut adulterium probetur; quia probatio requiritur solum pro faciundo divortio in foro externo, ut docent Emmanuel Sà *verb. divortium num.*

num. 3. Sanchez lib. 10. de Matrimon. disp. 12. nu. 40. & alii quos refert, & sequitur idem Bonac. loco cit.

639 Inter. 6. Qua auctoritate potest fieri divortium ratione adulterii?

Resp. Si adulterium est notorium, potest conjux innocens reum sua auctoritate dimittere, scilicet non ei cohabitando, vel debitum negando. Si autem delictum non est notorium, fieri non potest separatio quantum ad cohabitationem sine auctoritate, & judicio Ecclesiae; aliàs cogeretur redire, donec constet de adulterio, quod debet probare intra octo dies; ut docet Sylvestr loco proxime citato, & concordant Sanchez, Emm. Sà Navar. & alii, quos allegat Bonac. ubi suprâ numer. 10. Dicendum itaque mihi videtur, quod si delictum est occultum, & alioquin scandalosa separatio fieri non possit absque Superioris Ecclesiastici auctoritate, nisi quoad separationem tori, id est, copulae carnalis, negando debitum; nam frangenti fidem fides servanda non est. Vide Sotum in 4. disp. 36. q. unic. art. 3. apud Victorellum in addic. ad Emmanuèl Sà verb. divortium sub numer. 1. Cæterum ad faciendum divortium in foro conscientiae non requiritur, ut adulterium probetur, ut aliis citatis docet Bonacin. ibidem num. 9. & Diana par. 3. tract. 4. ref. 257. & alii penes ipsos. Vide infra ad Ins. 13. hujus tituli.

640 Inter. 7. Habetne justam causam faciendi divortium Titius, qui non suppeditavit alimenta Uxori, atque eam e domo eiecit; quare Uxor commisit adulterium?

Resp. In hoc casu Titius non est causa proxima adulterii Uxoris, sed tantum causa remota; consequenter non censetur adulterio consentire, neque à divortio faciundo potest impediri; nam justam habet causam illud faciendi, cum mulier ad fornicandum nulla ratione adduci debeat: ideò ignoscendum ei non est ut tradunt Sanchez de matrim. lib. 10. disp. 5. num. 7. Castropalaotom. 5. dispus. 3. pun. 6. §. 1. num. 2. Coninchus de Sacram. dispus. 33. dub. 1. num. 7. & alii, quibus adstipulantur Bonac. de Matrim. qu. 4. punct. 5. sub numer. 14. & Diana p. 9. tract. 8. ref. 38. quidquid in contrarium dicant Emman. Sà verb. Divortium num. 10. & Texeda in Theolog. moral. tom. 1. lib. 4. tract. 1. contrav. 13. numer. 23. Verum est tamen, quod si vir ea intentione Uxorem repulisset, & alimenta denegasset, ut necessitate compulsus, adulterium comitteret, esset causa proxima illius adulterii, ac proinde idem esset, ac si adulterio conniveret;

Tom. I.

1

unde mortaliter peccaret, & à divortio faciundo impeditur.

641 Inter. 8. Adulter factio divortio, habetne actionem repetendi innocentem, qui lapsus est in adulterium post sententiam divortii latam.

Resp. Quod Judex possit sua auctoritate illos reconciliare, non est difficultas; quia sententia divortii non abstulit jus Superiori, ne possit Conjuges separatos, quoad torum, & habitationem, iterum conjungere ad vitanda pericula incontinentiae; imò tenetur hoc facere, quando adest scandalum, vel manifestum incontinentiae periculum. Ita Bonacin. mox citandus. Sed an adulter habeat actionem repetendi innocentem factum nocentem, est dissensio inter Doctores. Negat Bonac. loc. supra cit. num. 19. cum Ledelma, Henriquez, Sanchez, Reginaldo, & aliis, & est probabilis sententia. Tamen probabiliorem oppositam putat Dian. p. 9. tr. 8. ref. 39. asserens non solum ex Judicis officio, sed ad petitionem partis cogendum esse innocentem, postmodum nocentem, nocenti dimisso reconciliari, obligatosque esse in conscientia hanc praestare reconciliationem quolibet volente; & ratio ipsius est, quia sententia divortii ob adulterium ab altero Conjuge commissum non concedit innocenti jus ab eo divertendi; sed jus, quod ex adulterio acquisivit, declarat, ut eo publicè uti possit. At jus, quod ex adulterio innocentem acquiritur, est, dum innocens est: ergo factio nocente cessat praedictum jus, ac proinde obligatus est reconciliari, sicut obligaretur, si adulterium commississet ante sententiam latâ & pro hac sententia idem Diana citat Martinum, Perez, Praepositum, Hurtadum, Pontium Coninchum, & Castropal. tom. 5. pun. 6. §. 6. num. 11. qui respondet ad omnia argumenta, quae pro contraria sententia adducit Sanchez.

642 Inter. 9. Post sententiam divortii potestne Conjux innocens, vel adulter suscipere Sacros Ordines, aut ingredi Religionem?

Resp. Conjux Innocens factio divortio ob fornicationem potest invita Uxore, vel profiteri in Religione, vel Sacris Ordinibus insigniri; patet ex cap. Agasofa 27. quest. 2. Et cap. Constitutus de conv. coniugat. Idem dico de Uxore innocente quoad Religionem. Sed conjux adulter non potest absque licentia innocentis Sacros Ordines suscipere, aut profiteri in Religione: quia innocens habet jus concedendi reconciliationem conjugi adultero, & illum repetendi, quo jure non potest invitus privari, ideoque requiritur licentia conjugis innocentis tacita, vel expressa, ad hoc ut conjux

L

adul-

adulter possit Sacris Ordinibus insigniri, aut professionem emittere in Religione. Verum si conjux adulter sæpius petat ab innocente reconciliationem, & innocens nolit eam concedere, licet tunc potest, vel Ordines suscipere, vel Religionem intrare; nam censetur licentiam habere ab innocente, qui postea non poterit amplius revocare adulterum Sacris Ordinibus initiatum, vel Religiosum effectum. Ita ex Sanchez, Henriquez, Coninch, Reginaldo, & aliis firmat Bonac. *de matr. quest. 4. pun. 5. num. 23.* Vide Emman. S. *verb. Divortium sub nu. 4.* & Sylvestrum *eodem verbo qu. 10. & Dianam par. 3. tract. 4. ref. 257. vers. Secundo nota.*

643 Inter. 10. Adulter, facto divortio, in quibus casibus potest licite intrare Monasterium, fierique professus?

Resp. Sylvester loco proximè cit. propè finem docet, posse de licentia innocentis, vel si innocens jam ingressus sit, & professus, aut si mulier de adulterio condemnata, vel publice deprehensa in Monasterium detrudatur ad poenitentiam perpetuam peragendam, & eam emendatam recipere noluerit, quod potest intra biennium; propter quod tamen monialis non erit, si non fuerit amplius processum. Ita Sylvester.

644 Inter. 11. Postquam adulter suscepit Sacros Ordines, vel ingressus est Religionem, teneturne conjux innocens ingredi Religionem, aut votum castitatis emittere?

Resp. Dico, quòd facto divortio, innocens si Religionem ingrediatur, non tenetur adulter manens in sæculo emittere votum castitatis, nec Religionem intrare. Ita neque innocens remanens in sæculo, postquam adulter suscepit Sacros Ordines, vel Religionem intravit, tenetur, vel Religionem ingredi, vel votum castitatis facere, quia hoc nullo jure cavetur, cum in *cap. Sanè*, & *cap. Significasti de conur. coniugator*, solum loquatur de matrimonio integro, & illæso, non verò quòd factum est divortium, ut pluribus relatis rectè observat Bonac. ubi supra num. 24. Vide quæ dicam infra in tit. 158. de Ordinibus Sacris, ad Inter. 2.

645 Int. 12. Teneturne Vir, secuto divortio, Uxori adulteræ alimenta præbere? & quid si sententia divortii nondum sit secuta?

Resp. Secuto divortio per sententiam Judicis, maritus non tenetur alimenta præbere uxori adulteræ; quia potest illam privare omni jure maritali, & consequenter etiam alimentis. Idem dicendum est, quamvis scien-

tentia divortii non sit secuta; nã quoties maritus certus sit de Uxoris adulterio, potest in conscientia alimenta negare; sed in foro externo potest à Judice compelli ad præbendam alimenta Uxori, donec sententia sequatur divortii, quia Uxor, donec sententia sequatur, est in possessione recipiendi à Viro alimenta, in qua possessione manuteneri debet, donec per sententiam privetur. Vide Sanchez *de matrim. lib. 10. disp. 8. num. 25* Sotum in *4. disp. 36. qu. unic. art. 3. ad finem corporis*, & alios quos dat, & sequitur Bonac. *de contro. disp. 3. q. 11. pun. 11. nu. 24.*

646 Inter. 13. Innocens, qui propria auctoritate fecit divortium cum adultera, teneturne cum ea habitare, & debitum reddere, si per censuras ad id compellatur à Judice?

Resp. Quia in tali casu præceptum Superioris procedit ex falsa presumptione, nõ obligat in conscientia, ac proinde talis innocens ex natura rei non tenetur habitare cum conjuge adultera, eique debitum reddere; nec per hoc ullam poenam in foro conscientie incurere valet, quamvis ad tollendum scandalum in foro externo obedire teneatur, recipiendo Uxorem, & habitando cum ea; nam cum scandalo nihil licet. Ita ex Sanchez, Reginaldo, Soto, Filiucio, & aliis, firmat idem Bonac. *de matrim. quest. 4. pun. 5. nu. 11.* Potest tamè abeundo, si non sit scandalum, illam deserere, ut docet Sot. in *4. disp. 36. quest. unic. art. 3. in fine*, teste Viñorello in *Addit ad Emmanuel S. verb. Divortium nu. 12.* Vide Bonacin. *ibidem num. 10.* & ea, quæ dixi supra in hoc titulo ad Inter. 6 & Dianam *par. 3. tract. 4. ref. 257.* & nota hic, quòd in casu divortii vir, & uxor sunt pares, habetur ex *cap. Christiana 32. qu. 5.*

647 Inter. 14. Uxor, quæ sollicitatur à Viro ad sodomie peccatum, habetne sufficientem causam faciendi divortium? & in foro exteriori credendum estne distæ uxori, asserenti se à viro tentatam fuisse de nefando vitio?

Resp. Dico primò, posse Uxorem in dicto casu discedere ad tempus, & separari à Viro propter periculum Animæ, donec Vir respiciat; nam non habet causam sufficientem faciendi divortium perpetuum, ut haberet, si ejus Conjux cum alio dictum peccatum nefandum committeret; quia caro Conjugum non dividitur, nisi per copulam cum alio habitam. Dico secundò probabilius esse, quòd in foro externo Judex non debeat credere dicto mulieris, ne detur occasio læminis accusandi Viros, & impediendi vitam conjugalem.

lem, & ita pluries decidisse Rotam, testantur Auctores, quos refert, & sequitur Bonac. ubi supra sub nu. 4. qui rectè hanc doctrinam limitat, nisi præter seminae assertionem, non extent alia indicia, quibus Iudex inducatur ad credendum dicto mulieris; nam in tali casu non præcisè creditur ei, sed ex indicii formatum iudicium. Cæterum Peccatum contranaturam est una ex causis diuortii, secundum Sancti Thom. in addis. ad 3. part. quæst. 62. art. 1. ad 4. & ibidem Ledesma teste Emmanuele Sà verb. *Diuortium* num. 12. in fine, & Armilla verb. *Matrim.* sub n. 75.

T I T V L V S LXXIII.

De Dubiis.

Vide tit. de Delict. Inter. 2.

648 **I**nter. 1. Quid est dubium, seu dubitatio, & quando contingit?

Resp. Est cognitio duarum rerum contrariarum; neutram ipsarum iudicando veram. Nicol. in *Flof. verb. Dubium*. Contingit verò, quando de aliquo, vel circa aliquid dubitatur, & cum pro utraque parte sunt equaliter rationes, aut quasi æqualiter, & tamen neutri parti assentitur. Syluest. & Emm. Sà in verb. *Dubium* n. 1 Bonac. de *Peccatis* disp. 2. q. 4. pun. 6. n. 5.

649 Inter. 2. Quid significat dubium juris, & dubium facti, & quomodo contingere possunt?

Resp. Dubium significat, quòd intellectus humanus in neutram partem inclinare potest, & neutri parti assentitur; & distinguitur ab opinione, quia opinio est assensus cum formidine de opposito, ut dixi ad Inter. 1. antecedentem & dicam in tit. 55. de *Opinione*, ad Inter. 1. Dubium juris contingit, quando quis ignorat legem continentem penam: Dubium verò facti, quando quis scit latam esse legem continentem talem penam, sed dubitat, an factum, quod perpetrauerit, sit prohibitum sub tali pena. Est communis sententia, sed vide Bonacin. de *Cens. disp. 7. qu. 2. punct. 5. n. 1.* & Tolet. lib. 1. cap. 57. n. 4. & 5.

650 Inter. 3. Tam in dubio juris, quàm in dubio facti, censendus estne quis irregularis propter aliquod crimen ab eo perpetratum, cui à Jure est annexa pœna irregularitatis?

Resp. In dubio juris, posita ignorantia invincibili, nullus censendus est irregularis Ita Bonac. loc. cit. nu. 2 & seq. & Diana part. 3.

tr. 5. resol. 72. & par. 4. tract. 2. ref. 52. qui Doctores rationes etiam pro hac sententia adducunt. Vide Emm. Sà verb. *Irregular. n. 3.* In dubio facti homicidii, Doctores communiter docent, censendum esse irregularem, & patet ex cap. ad *audientiam*, & cap. *significasti* 2. de *homic.* Vide Sanch. in *Sum. tom. 1. lib. 1. cap. 10. n. 45.* & seq. & infra in hoc tit. ad Inter. 9. & præsertim Tolet. lib. 1. cap. 57. n. 4. 5. & 6. qui luculenter hoc dubium decidit, cui ego libenter adhæreo; nam inquit, quòd in dubio facti debeat unusquisque apud se, & in foro anime potius se irregularem existimare, quia in iis, quæ concernunt animæ salutem, tutior pars est eligenda; secus verò in foro contentioso, ubi agitur de pœna imponenda, & nullum est periculum animæ, non debet iudex aliquem reputare irregularem, cum sit contra naturalem æquitatem, ubi incertum est delictum, certam imponere pœnam: sed ubi agitur de pœna concernente salutem animæ, tunc tutius est in dubio reputari irregularem, quia si non reputatur, est periculum errandi contra salutem animæ. Ita Tolet ubi supra, & ibi plura ad hoc propositum videntur relinquo. Oppositum tamen docet Diana resol. 52. cit. Sed sententiam Toleti tenet etiam Syluest. verb. *Dub.* num. 7. & alii multi, & præsertim Armilla verb. *Dubitatio* n. 2. & 3.

651 Inter. 4. Qui dubitat, an peccatum mortale commiserit, necnè, teneturne illud confiteri?

Resp. Quidam ex neotericis dicunt, quòd non teneatur, & absolntè tenent peccata dubia non esse materiam confessionis: hos refert Diana part. 3. tr. 4. resol. 60. & par. 4. tr. 3. ref. 5. & par. 10. tr. 12. ref. 2. & tr. 16. ref. 79. verif. & hac omnia; sed ipse Diana horum sententiam improbabilem putat, & meritò, quia est contra praxim omnium fidelium, & totius Ecclesiæ, à qua non est recedendum, sed omnino est tenenda cum communi antiquorum Theologorum Schola, & præcipuè D. Thom. in 4. diff. 21. quæst. 2. art. 3. ad 3. Et hanc nostram affirmativam sententiam amplexi sunt multi recentiores, ut Sanchez in *Summ. tom. 1. lib. 1. cap. 10. n. 57.* Filliucius tom. 2. tr. 21. cap. 4. nu. 171. Azorius tom. 1. lib. 1. cap. 4. quæstio 3. & alii plures, quos citat, & sequitur Diana loco supra cit. Vide Leandrum tom. 1. de *Sacr. tr. 5. disp. 5. q. 26.* Tamburinum *Opuscul. de confess.* lib. 2. cap. 1. §. 3. n. 14. & ea quæ ego breviter dicam ad Inter. sequentem, cum Bonacin. quibus addo Sylvest. verb. *Confessio* 2. numer. 3. Vide etiam Bonacin. de *Sacram. disp. 5. q. 5. sect. 2. pun. 4. nu. 7.*

652 Inter. 5. Peccata dubia possuntne esse materia Confessionis, & quando, & in quo casu?

Resp. Dico, quod si quis sciat peccatum admisit, sed solum dubitet circa gravitatem peccati, scilicet, an fuerit mortale, vel veniale, tunc certe esset materia Confessionis. Dico secundo, quod si quis post diligentem animi discussionem dubius maneat, an mortaliter peccaverit, ita ut in neutram partem assentiendo inclinare possit, tenetur quidem illud peccatum sub dubio confiteri: ergo peccata dubia modo dicto, possunt esse materia Confessionis. Bonac. de Sac. disp. 5. q. 5. sect. 2. pun. 2. §. 3. diff. 4. n. 2.

653 Inter. 6. Qui dubitat, an commiserit peccatum mortale, teneturne illud confiteri?

Resp. In *Resp. ad Inter. antecedentem*, docui ex Bonac. ibidem citato, quod peccata dubia possunt esse materia Confessionis, & quod teneatur poenitens illud peccatum sub dubio confiteri; & hoc iterum doceo quidquid in contrarium dicant aliqui. Vide igitur Sanchez in *Sum. lib. 1. cap. 10. nu. 67.* Cardin. de Lugo de *pauis. disp. 16. sect. 2. num. 63.* & alios, quos refert, & sequitur Diana par. 4. tract. 3. resol. 5. & par. 10. tract. 12. resol. 2. ubi asserit hanc esse communem Theologorum sententiam cum eorum Magistro D. Thom. in 4. disp. 21. qu. 2. art. 3. ad 3. Rationes hujus veræ sententiæ invenies apud eundem Dianam loc. cit. & apud Cabrinum ubi *supra* ref. 12. & alios penes ipsos, qui etiam ad argumenta contraria satis respondent. Vide iterum Dianam p. 6. r. 6. ref. 32. & par. 11. tract. 8. resolut. 44. & infra ad Inter. 8. & Sylvest. verb. *Confessio* 2. quest. 2.

654 Inter. 7. Peccata dubia, & sub dubio confessa, si postea advertatur fuisse certa, tenemurne illa iterum in Confessione aperire?

Resp. Maxime; nam quando reperiuntur certa, pro certis iterum debent confiteri; est sententia communiter recepta inter Doctores, & docet Bonac. de Sacram. disp. 5. q. 7. pun. 4. §. 2. sub num. 15.

655 Inter. 8. Qui peccatum confessus est ut dubium, teneturne cessante dubio iterum illud confiteri ut certum?

Resp. Affirmativam sententiam docui in *Resp. ad Inter. antecedentem*, & ibi pro hac sententia adduxi Bonacinam; nunc addo Sanchez in *Summ. tom. 1. lib. 1. cap. 10. numer. 69.* & Turrianum de *pauis. quest. 9. art. 2. disp. 29. ab. 6.* Et ratio est, quia peccatum explicandum est in Confessione, prout est in conscien-

tia poenitentis; prædictum autem peccatum jam est in conscientia poenitentis ut certum, qua ratione non erat subiectum clavibus, sed solum ut dubium: ergo adest obligatio manifestandi illud in confessione: sic inquit Turrianus. Vide Dianam par. 3. r. 4. ref. 91. & par. 4. tract. 3. ref. 5. & par. 6. tract. 6. resolut. 31. & hæc sententia est communis, & in praxi sequenda, ut asserit Cabrinus de *cas. ref. par. 1. resol. 13.* sed cum hac limitatione, scilicet, quando poenitens tantum confessus est se dubium mortale commississe; nam si integrè factus est peccatum, quod fecit, dubitans tamen ipse, vel Confessarius, an esset mortale, tunc non tenetur iterum Confessionem illius peccati repetere, nisi aliunde confessio fuerit irrita, ut bene observat Sanchez, & Cabrinus locis supracit. Et ratio est, quia in hoc casu nulla nova circumstantia explicanda occurrit, nec ad Confessionis valorem est necessarium, ut poenitens, aut Confessarius sciat determinatè, peccatum confessum esse mortale, aut veniale, cum hoc distinctè, & determinatè scire de omnibus peccatis sit impossibile. Vide igitur Sanchez, Dianam *dis. 1. resol. 91.* & Cabrinum ubi supra, qui plures concordantes adducunt.

656 Inter. 9. Qui dubitat, an excommunicationem, vel aliam censuram incurrit, quid facere debet pro suæ conscientiae quiete?

Resp. Debet sub conditione absolutionem procurare, & interim se gerere ut excommunicatum, quantum sine infamia, & scandalo fieri potest; sed si communis persuasio, & rumor de excommunicatione contracta ad sit, debet se abstinere à communione Fidelium, & ab administratione Sacramentorum, vel receptione, si inde sequatur scandalum. Vide Emmanuel sà verb. *scandalum numer. 5.* Cæterum in dubio juris, nemo in foro externo, aut interno censendus est excommunicationem incurrisse, quia odia sunt restringenda, & favores ampliandi. Favet Bonacin. de *Cens. disp. 7. quest. 2. pun. 5. num. 2.* In dubio verò facti, quidam docent, & bene, quod debeat se habere ut excommunicatum, ut colligitur ex cap. *ad audientiam*, & cap. *Significasti*, & c. *petitio tua de bonis.* ubi tamen solum sit sermo de irregularitate. Licet non desint aliqui asserentes, nec in dubio quidem facti aliquem se gerere debere ut excommunicatum. Vide Dianam par. 4. tract. 3. ref. 35. & par. 5. tract. 9. ref. 44. & DD. penes ipsum. Denique Lezana verb. *dubia Regul.* aliis allegatis sic habet: Religiosum dubitantem, an excom-

municationem, suspensionem, vel interdictum contraxerit; vel an sententia excommunicationis, suspensionis, vel Interdicti contra eum lata sit; si facta sufficienti diligentia ad inveniendam veritatem, adhuc maneat dubius, siue tale dubium sit juris, siue facti, non esse censendum excommunicatum, suspensionum, aut interdictum. Ratio est, quia nullum jus est determinans, aliquem in tali casu censendum esse excommunicatum, suspensionum, aut interdictum (sicut extare dixi hic ad Inter. 3. de Irregul. in dubio facti homicidii) Necus est, quando aliquis certus esset de censuris contra eum latis, aut quando dubitaret, an Iudex, vel Prælati servaverit modum procedendi jure requisitum. Vide ergo Lezanam loc. cit.

657 Inter. 10. Qui dubitat, aliquem esse excommunicatum denunciatum, teneturne illum vitare? & quid si vellet confiteri cum Sacerdote; quem dubitat esse excommunicatum vitandum?

Resp. Nequaquam: Nam non sufficit dubium quamvis prudens dicte denunciationis; sed requiritur notitia illius moraliter certa, ut teneatur illum vitare. Ita ex Suarez firmat Hurtado de except. dispus. 11. diff. 3. num. 20. quibus subscribit Diana pars. 4. tract. 3. resolus. 71. Ita etiam obiter doceo in titul. 87. de Excommunicatione, & Excommunicationis, ad Inter. 8. Vide Emmanuel Sà verb. Excomm. n. 34. & Dianam ibidem ref. 35. vers. Notandum est; ubi rectè advertit, quod si quis confiteri vellet, quem dubitat esse denunciatum, debet abstinere, ne se exponat periculo faciendi Sacramentum irritum; modò absque scandalo, vel alio periculo fieri possit. Quæ doctrina est valde notanda.

658 Inter. 11. Qui manet dubius, an suum consilium influxerit ac homicidium secutum, debetne se irregularem reputare? & teneturne ad restitutionem damni illati?

Resp. Doctores communiter docent, quòd sic, quia in dubio præsumitur delinquentem fuisse motum ex consilio, aliàs non fuisset facturus. Sanchez, Sayrus, Merolla, Tabiena, & Avila pars. 7. disp. 6. sect. 2. dub. 2. conclus. 5. quos refert, & sequitur Diana pars. 4. tract. 2. resol. 25. ubi præterea docet ex Cornejo, quòd in tali casu standum est dictis ipsius Consulti, itaut si dicat, se motum non fuisse per consilium, liber maneat Consules an irregulartate. Imò probabile etiam potest (si post adhibitam diligentiam, adhuc dubi us remaneat, & homicida ei asserat, ad homicidium perpetrandum non fuisse mo-

tum eo consilio) ad nullam teneri restitutionem, si tamen, ut benè dicit Sanchez, homicida sit fide dignus, vel aliæ conjecturæ concurrant. Ita ex aliis docet Diana p. 3. tr. 5. ref. 8. §. Notandum est tamen, quibus ego subscribo. Stando tamen in opposita sententia, quæ est tutior, dic cum Molina, ita Consules non teneri restituere totum damnum, sed partem, pro quantitate dubii, si adhuc maneat dubius Consules de sui consilii influxu in homicidium.

659 Inter. 12. Peccatne, qui in dubio, ex duabus opinionibus contrariis, unam eligit, & secundum illam operatur?

Resp. Non peccat, nisi pro contraria esset aliquis Scripturæ locus, aut Ecclesiæ auctoritas; debet tamen cum aliqua bona ratione ex animo dubietatem expellere, & certò credere, opinionem ab eo electam, esse veram; nam si, priusquam id faciat, aliquid ageret, peccaret contraveniendo conscientia dubiæ. Navar. in Man. c. 72. num. 288. Emman. Sà verb. Dubium nu. 10. & alii communiter. Vide S. Antonin. par. 1. tit. 3. cap. 10. §. 10. verb. Regula Moralit.

660 Inter. 13. Confessarius in graviorebus dubitationibus potestne licitè amplecti quamcumque opinionem, quæ sibi videtur probabilis? vel tenetur consulere Viros doctos, & pios, antequam prænitentem absolvat?

Resp. Dico, quòd tenetur doctiores, pioque Viros consulere, ne temeritate ductus animabus periculum creet, sibi que exitum infelicem. Ita ex Solonio 2. quæst. 67. artic. 4. contro. 2. colum penult. docet Victorellus in addit. ad Emm. Sà verb. Confessor, prope fin. ubi præterea addit hæc verba: Notet hæc indoctus, & audax Confessorius, hostis potius, quàm medicus animarum, & respiscat. Et rectè quidem; nam non omnis opinio est probabilis, quæ ei per errorem forsitan probabilis videtur; aliqua enim est nimis laxa, altera erronea, vel scandalosa, ideòque reprobata; aliqua denique minus probabilis, & tuta, quare ut in tuto ponatur animæ nostræ salus, & proximorum, semper opinionem tutiorem in dubiis, & semper probabiliorem, relicta minus probabili, sequi debemus. Ratio est, quia in dubiis tutior pars est eligenda juxta cap. Iovenis de sponsalibus, & certum tenere debemus relicto incerto, juxta cap. si quis de panis, disp. 7. præsertim in his rebus, quæ concernunt animæ salutem. Vide quæso, quæ dicam in tit. 155 de Opinione, ad Inter. 6. & 9. Sylvest. verb. Dubium num. 2. & Armill. verb. Dubitatio m. 2.

661 Inter. 14 Qui solum dubitat de fide, esse hæreticus?

Resp. In cap. 1. de hæreticis, Stephanus Papa asserit, dubium in fide esse infidelem, & ita tenent plures Doctores apud Sanchez in *Sum. tom. 1. lib. 2. cap. 7. num. 12.* & alii apud Dianam *par. 2. tract. 16. ref. 53.* qui tamen oppositum sustinet. Ego tamen sentio cum communi, quæ tenenda est, ut inquit Emmanuel Sà *verb. Hæres. num. 1.* Est autem dubius in fide, qui nec credit articulis, & rebus fidei, nec discedit, sed est suspensus omnino: Unde dubium in fide reducitur ad hæresim, ut bene docet Toletus *lib. 5. cap. 4. nu. 3.* Bonac. *de censu. disp. 2. quæst. 5. pun. 1. num. 3.* Verum est tamen, quod duo sunt necessaria, ut dubium hoc faciat hominem hæreticum; primum, ut sit cum pertinacia; secundum, ut sit voluntarium dubium, quod sua sponte habet. Vide Tolet. loco cit. Cæterum qui per ignorantiam non crassam errat in fide, tamen se Ecclesiæ Romanæ submittens, paratus id credere, quod illam credere intellexerit, non est hæreticus. Emmanuel Sà ubi supra. Et nota, etiam in contraria sententia, dubium in fide semper quoad forum externum censeri infidelem, ut docet Sanchez *loc. cit. c. 8. n. 13.*

TITULUS LXXIV.

De Duello.

Vide tit. de Cler. &c. Int. 4. 5. tit. de Infam. Int. 2.

662 Inter. 1. Vir nobilis potestne sine gravi peccato acceptare duellum ad vitandam infamiam, & ne timiditatis notam apud alios incurrat?

Resp. Assertivam sententiam conatur defendere Hurtadus de Mendoza apud Dianam *par. 5. tr. 4. resol. 99.* sed tandem asserit, hanc sententiam esse speculativè probabilem, praticè verò esse difficilem. Non est igitur discedendum à communi sententia, nempe licitum non esse acceptare duellum, etiamsi recusando videatur aliqua infamia imminere apud illos, cum quibus vivitur; nam potius perpetua infamia contrahitur à certatibus in duello, ut decernitur in Concil. Trid. *sess. 14. cap. 4. de reform.* cum duellum sit intrinsicè malum, & prohibitum, etiam lege Ecclesiastica: ergo recusans duellum, nullam honoris sui iacturam facit apud Christianos, & pios homines. Et ita tradunt Sayrus in *Clavi Regu.*, Valentia, Rodriguez, Peregrinus, Sanchez, Filiucius; & Turrianus allegati per

Bonacinam *de Resist. disp. 3. quæst. scilicet. 1. pun. 10. nu. 9.* & de Censu, *disp. 2. quæst. 6. pun. 4. num. 11.* ubi plures concordantes refert, Gabrinus *de casu reserv. p. 2. cas. 1. annos. 7. numer. 34.* Et oppositum est omnino damnatum ab Alexand. VII. anno 1665. & est propositio 2. in suo Decreto reprobat. De Excommunicatione, quæ contrahitur propter duellum; Vide Dianam *par. 2. r. 16. ref. 53.* & p. 3. tr. 6. ref. 1.

663 Inter. 2. Si aliquis provocetur ad duellum, nisi æqualibus cyathis respondeat, potestne sine peccato mortali respondere cum periculo inebriandi?

Resp. Layman *lib. 3. sect. 4. nu. 5.* I. essius, & Villalobos, quos refert, & sequitur Diana *par. 6. tr. 7. ref. 44.* dicunt, licitum esse inebriari mortis vitandæ causa, quam aliquis per violentiam minatur, nisi respondeat. Sed oppositum videtur probabilius, & tutius, quia non sunt facienda mala, ut eveniant bona. Unde Sanctus Pater Augustinus *Serm. 231.* & *segg. de tempore*, sic habet: Qui alterum cogit, ut se plus, quam opus est, bibendo inebriet, minus malum ei erat, si carnem ejus vulneraret gladio, quam animam ejus necaret. Ideo etiamsi ad hoc veniretur, ut tibi diceretur? Aut bibas, aut morieris; melius erat, ut caro tua sobria occideretur, quam per ebrietatem anima moreretur. Ergo non licet ad vitandam mortem se vino repleri cum manifesto periculo ebrietatis; & consequenter dicendum est in casu nostro, non posse sine peccato mortali respondere cum periculo inebriandi. Et ita ex Divo Augustino respondent Cajetan. 2.2. *quæst. 150. art. 2.* Azorius *to. 1. lib. 7. cap. 33. quæst. 5. præp. finem*, & alii. Melius est enim mori, quam sædari; imò potius mori debemus, quam Deum offendere; nam mortale est, se ebrietatis periculo committere, ut asserit Emm. Sà *verb. ebrietas num. 1.* & alii communiter.

664 Inter. 3. Locum ad Monomachiam concedentes, quam penam incurruunt?

Resp. Omnes dominium temporale habentes, qui Terris suis locum ad Monomachiam concedunt, (hoc est, causa duelli) ultra alias gravissimas pœnas, incidunt etiam in Excommunicationem latæ sententiæ, à qua excepto Summo Pontifice, nullus potest absolvere, nisi in mortis articulo, ut patet ex Concil. Trid. *sess. 25. de reformat. c. 19.* & ex diversis Summorum Pontificum Bullis, ut vide-re licet apud Barbof. in Trid. loco cit. num. 2. Bonac. *tom. 3. disp. 2. quæst. 2. pun. 4.* & Stephanum à S. Gregorio *de contro. l. 1. cap. 18.* qui latè de hac tractat materia, & notat etiam, quod Monomachia idem est, ac singularis pugna, sci-

scilicet unius cum uno pugna ex condicto. Et adest Textus in cap. Monomachia 2. quæst. 4. Vide etiam Toletum lib. 5. cap. 6. nu. 17. & Emman. Sæ verb. Duellum, & verb. Excommunicum. Papa reserv. num. 16. Dicitur Excommunicationem esse Papæ reservatam, clarè patet ex Decreto Sac. Congregat. quod incipit, Sac. Congreg. & ex Bulla Clem. VIII. data die 2. Septembr. 1592.

665 Inter. 4. Quænam sunt illæ personæ, quæ ultra alias poenas incurrunt etiam Excommunicationem Papæ reservatam propter duellum?

Resp. Non solum Principes, Domicelli, alique Terrarum Domini, qui in locis suis permittunt duellum, aut singulare certamē, ut dixi in præced. resp. incidit in talem Excommunicationem; sed etiam qui pugnant in duello, vel diffidationes faciunt, aut invitāt, & provocant. Item Patrini, & qui consulunt, vel alio modo favent, auxilium, vel favorem præstantes. Imò qui spectaculo concurrunt, & ex industria interfunt, ultra alias poenas, Excommunicationem itidem incurrunt, ut constat ex Bull. Greg. XIII. Pii IV. & Clem. VIII. quas per extensum refert idem Stephanus à S. Gregor. ubi supra cap. 18. num. 6. Qui verò circa hanc duelli materiam plura scire desiderat, legat præf. Auth. loc. cit. Bonac. ubi supra punct. 4. per tot. & Dianam par. 3. tract. 6. resol. 1. pars. 6. tract. 6. ref. 20. & 21. qui diversos decidunt casus pertinentes ad duellum.

666 Inter. 5. Qui in duello inimicum occidit, gaudetne Ecclesiæ immunitate?

Resp. Conantur quidam probare illum non gaudere, sed meritò rejiciuntur à nostro Diana par. 4. tract. 1. resol. 46. & par. 6. tractat. 1. resol. 26. vers. Quare decimo tercio. Et ratio est, quia duellum non est inter casus exceptuatos à jure, qui non gaudent immunitate: ergo non sunt audiendi oppositum docentes.

667 Inter. 6. Debent privari Ecclesiastica sepultura, qui in confictu duelli vulnerati, & eadem die, vel alio postea moriuntur?

Resp. Dummodò non decedant in ipso loco duelli, non sunt Ecclesiastica sepultura privandi, ut benè docet Diana par. 2. tract. 16. ref. 52. cum Sancio contra Peregrinum in tract. de duello q. 7. n. 4 qui poenam Concil. Trident. sess. 25. c. 19. de resor. ultra rigorem litteræ extendit; nam in Trid. loco cit. sic habetur, Et si in ipso confictu decesserint, perpetuò careant Ecclesiastica sepultura. Ergo dicendum est, quòd si in confictu non decesserint, poterunt sepeliri

in loco sacro, quia non debemus hanc poenam extendere ultra id, quod verba legis sonant; licet probabiliter contrarium doceat Homobonus in consult. cas. conf. som. 2. par. 7. resp. 64. Sed nostram sententiam approbat etiam Lezana 10. q. cons. 49. n. 33. Vide Dian. p. 11. rr. 6. ref. 26. ubi plures concordantes refert. Item vide Rotarium de exam. Cler. cap. 9. sess. 12. sub num. 11.

668 Inter. 6. Potestne sepeliri in loco sacro qui percussus in duello cadit in terram, & signa contritionis ostendit; sed quia non adest confessarius, confessionem non præmittit, sed moritur?

Resp. Affirmat Portellus in Resp. Moral. p. 3. cas. 10. nu. 3. sed negat Homobonus loco supracit. cum Riccio: & hoc mihi probabilius videtur, quia ut docet Santicus in selectis disp. 36. num. 9. duellantibus, si in loco confictus morerentur, quamvis ibi essent ministrata Sacramenta poenitentiae, & Eucharistiæ, non esset concedenda Ecclesiastica sepultura, quia semper verificatur, in loco confictus decessisse, ut vult Tridentinum: nec refert, quòd major, vel minor mora inter mortem, & cessationem pugnae intercesserit, cum semper verificetur decessisse in duello; & ita determinatur in Rituali Romano jussu Pauli V. edito, nam ibi in Rubr. de exequiis sic dicitur: Negatur Ecclesiastica sepultura morientibus in duello, etiam si ante obitum dederint poenitentiae signa. Ergo ab hac sententia non est recedendum. Vide Dianam p. 4. rr. 4. ref. 192.

TITULUS LXXV.

De Ebrietate.

Vide tit. de Duel Inter. 2. tit. de Gula Int. 2.

669 Inter. 1. Quid est ebrietas, & quale peccatum est se inebriare?

Resp. Ebrietas secundum Div. Thom. 2. 2. q. 150. est inordinata vini potatio, causa voluptatis facta, privans potatorem usu rationis, Unde qui violentiæ ita deditus est, ut ebrietatem scienter incurrat, proculdubio mortaliter peccat. Ita S. Th. ubi supra. art. 2. Sylvest. verb. Ebrietas num. 2. Navar. in Man. cap. 23. num. 121. Tolet. lib. 8. cap. 61. Bonac. de præcept. Eccles. disp. ult. q. 1. par. 1. n. 2. vers. 4. Pax-Jordanus 10. 1. lib. 1. tit. 7. n. 7. Alloz. verb. Ebrietas nu. 1. & alii communiter.

670 Inter. 2. Quæ expertus est aliquoties se ex tali vino, vel simili potu quoad qualitatem, vel quantitatem inebriari, peccatne

L 4 sem-

semper mortaliter, dum illud bibit cum periculo ebrietatis?

Resp. Semper mortaliter peccat; nam qui potest prævidere imbecillitatem sui cerebri, & tamen trahit dulcedine vini non vult ebrietatem vitare; nec à potione abstinere, dicitur esse in culpa, dum spontè ebrietatis periculo se exponit; & quamvis ebrietas non sit ita frequens, & assidua, tamen quia voluntaria existit, directè, vel saltem per indirectum volita in se, aut in causa, semper est peccatū: idèd cum scit se usum rationis perditurum, seu in ebrietatem venturum, & nihilominus potum talè sumit, vult ebrietatem, & consequenter peccatum mortale. Ita docent Sanctus Thomas loco supra cit. ar. 2. in corpore, & in *resp.* ad 1. Tabiena, Angelus, Lessius, quibus subscribit Pax-Jordan. ubi supra nu. 8. Navar. in *man. cap.* 23. nu. 121. Tolet. lib. 8. cap. 61. nu. 1. Moron. *resp.* 89. num. 15. & alii communiter. Vide quæ dixi in tit. 74. de Duello, ad Int. 2. & etiam, quæ dicam in ritul. 101. de Gula pariter ad Inter. 2. Qui verò inadverteenter in ebrietatem incidit, nesciens vini virtutem, aut non credens potum esse immoderate, à peccato quodam excusatur à DD. Vide Cajet. in *Sum. verb. Ebrietas*, & Em. Sà rod. *verb. num.* 1.

671 Inter. 3. Quando quis scienter excedit modum bibendi, ob quem redditur nimis lætus, aut turbatur in phantasia, & plus solito, & in solita, aut inordinata loquitur, peccatne mortaliter?

Resp. Quidam dicunt, quòd si non totaliter inebriatur, nec perdit usum rationis, quia scit, quod facit, solum venialiter peccet. Ita Tolet. Cajetanus & alii. Mihi tamen videtur dicendū peccare mortaliter, si scienter, & spontè bibat sine causa, ut trahat dulcedine vini, aut causa voluptatis; nam notabiliter lædit usum rationis, & exponitur periculo proximo peccati mortaliter: ergo mortaliter peccat (qui enim amat periculum, peribit in illo) Ultra quod nunquam sine gravi scandalo hoc contingere solet. Vide Sylvest. *verb. Ebrietas* sub nu. 2. *prop. fin.* Angelum, & Farinac. cum quibus tenet Pax-Jordanus *rom. 1 lib. 1. tit. 7. num.* 10. & faver etiam Bonac. de *præcept. Ecclæ disp. ult. q. 1. pun. 1 sub n. 2.* nam dicit, solum peccare venialiter, sed præciso scandalo: ergo cum scandalo mortaliter peccat. Tandem si scire desideras, quot mala sequuntur, tam animæ, quàm corpori, ex inordinata vini potatione, & ex ebrietate: Vide Lessium *lib. 4. p. 3. dub. 3. per tot.* ubi luculenter ejus turpitudinem, & damna recenset. Itè vide Pacem-Jordan. ubi sup. nu. 6. & præfer-

tim Dominum meum de Zaulis Episcopum Verulanum *rom. 1. observ. ad Rubr. 30. lib. 4. man.* 8 & 9. ubi more suo egregiè loquens de ebrietate, & nimia vini potatione, sic inquit: *Inducit exilium mentis, & libidinis incensivum, auferit memoriam, dissipat sensum, confundit intellectum, impedit linguam, corrumpit sanguinem, totum corpus debilitat, ac est fons omnium vitiorum.* Et num. 10. ait, Ebrios deteriores esse Brutis, & Diabolo, vocans eos filios Belial sine jugo, & Apostatas: denique nu. 15. probat, quòd mediante crapula, & ebrietate aliter ignorantia. Unde si Ebrietas secū tot mala invehit, ultra grave peccatum, quod committitur, jure meritò vitari debet superflua potatio à personis præcipuè Ecclesiasticis, cum per Sacros Canones ipsis omnino prohibeatur, & gravissimis poenis puniatur Ebriosi. Vide *cap. de Crapula, de vita & honestate Clericor. &c. Quando 2. distinct. 40.* Ubi præterea præcipitur Clericis, & Religiosis, ut sobriè, & moderatè bibant. Temperent igitur sibi vinum, & se à vino juxta dispositionem dicti *cap. de Crapula*, quia sicut vinum purum immoderatè sumptum est causa plurimorum malorum, sic temperatus potus suis non caret utilitatibus, ut refert Barbof. de *potest. Episcop. par. 1. ritul. 2. gloss. 11. num. 4.*

672 Inter. 4. Actus mali, & peccaminosi, quos Ebrius facit in ebrietate, debetne ei imputari ad peccatum?

Resp. Si Ebrius citra culpam suam factus est ebrius, nullam contrahit culpam per quoscunque actus malos in ebrietate factos, quia non sunt voluntarii, nec scienter facti. Si verò culpabilis fuit ebrietas, meritò ei imputari debent ad peccatum, quia sunt voluntarii in causa, cum sint prævisi, aut saltem prævideri deberent. Ideoque si fornicetur, polluat, aut si occidat, vel vulneret, semper mortaliter peccat, ut docet Sanctus Thomas 2. 2. *quest. 150. art. 4.* & ibi Cajet. *dub. 2. Sanch. in Sum. tom. 1 lib. 1. cap. 16. numer. 44. Medin. in 1. 2. quest. 71. art. 5. concl. 4.* & contra nonnullos dicunt, etiam hoc esse verum quoad peccata blasphemie, perjurii, & infidelitatis, quia licet ea peccata in se non sint voluntaria, nec scienter fiant; tamen in causa sunt prævisa, & libera, nec Deus ea acceptat, ut facietas. Vide Tolet. *lib. 8. cap. 61. num. 5.* Emmanuel Sà *verb. Ebrietas numer. 1. in addit.* Verum quoad contumelias, quæ profert ebrius erga homines, cum non sequatur illis ullum detrimentum, puto non esse peccata. Plura circa tale dubium videri possunt apud Dian. *part. 3. tr. 6. resol. 52.* & Armillam *verb.*

verb. Ebrietas num. 8. & verb. Ignorantia num. 10.
 673 Inter. 5. Estne peccatum ex Medicorum consilio propter sanitatem acquirendam usque ad ebrietatem bibere?

Resp. Aliqui absolute tenent, non posse Medicum sine gravi peccato, saltem directe, pro remedio sanitatis suadere ebrietatem. Vide Paulum Zacchiam in *qq. Medicis legibus lib. 6. tit. 1. quest. 5. n. 6.* nam Doctores communiter docent, ut qui scienter alium inebriat, mortaliter peccet. Verum quia, ut ait Bonac. de *prac. Eccles. disp. ult. quest. 1. punct. 1. n. 3.* ebrietas non est ita intrinsecè mala, quin ob justam causam possit aliquando permitti; ideo dico, quòd si pro curando morbo necessarium sit generosum vinum, ex quo sumpto sequitur ebrietas per accidens, sumi possit eo animo, ut morbus pellatur. Ita ex Bannes, Valentia, & Azorio, firmat Emman. Sà *verb. Ebrietas*, nec dissentiunt Tolet. Bonac. Pax-Jordanus, Alloz, & alii. sed hoc intelligendum est, dummodò non timeatur aliquod damnum in ebrietate faciendum, scilicet, quòd tempore ebrietatis occidat, vulneret, blasphemet, aut aliud malum committat, quia non sunt facienda mala, ut eveniant bona; siquidem salus animæ præferri debet sanitati, vitæ, atque omnibus rebus, ut habetur *cap. si habes, 24. q. 3.* & ita concludit Tolet. *lib. 8. cap. 61. n. 2.*

674 Inter. 6. Peccantne mortaliter, qui vendunt vinum iis, quos probabiliter credunt lapsuros in ebrietatem?

Resp. Videntes vinum bibere volenti in ea quantitate, ut probabiliter credere possint, aut experti sint lapsurum in ebrietatem, utique mortaliter peccant, quia absque iusta causa omittunt impedire peccatum proximi, negando ei tantam vini quantitatem, prout poterant, & tenebantur: nec est iusta causa, quòd lucrum ipsis cessaret non vendendo vinum in tali eventu, quia huiusmodi lucrum per se loquendo non videtur tanti momenti, ut præferendum sit occasione peccati, in quod alter prolabitur se inebriando. Ita docent Sanch. in *Sum. lib. 1. cap. 7. num. 33.* Valentia, & Rodriq. quibus scribit Bonacin. de *Peccatis disp. 2. q. 4. punct. 2. §. ult. n. 32.*

TITULUS LXXVI.

De Ecclesiæ Immunitate.

Vide tit. De Abor. Int. 17. tit. de Bannit. Int. 2. 3. tit. De Blasphemias. &c. Inter. 5. tit. de Deb. ex contrar. Int. 4. §. tit. de Duel. Inter. 5. tit. de Eccl. pollut. Int. 7. tit. de Episcopis. &c. Int. 16. tit. De Homicid. Int. 1. tit. de Paroch. Int. 30. tit. De Simon. Int. ult.

675 Inter. 1. Reus, dum est in Ecclesia, potestne vinculis alligari, vel alio modo vexari, usque dum proferatur sententia, an gaudeat immunitate, vel non, & interim ei negare ea, quæ sunt ad vitam necessaria?

Resp. Nullo modo potest alligari, aut quocumque modo vexari, quia hoc est, loco sacro carcerem facere, quod expresse prohibetur, in *cap. definitur 27. q. 4.* ubi sic habetur: *Nec ipsi aliqua vi, notabilitas, aut damnum inferatur.* Diana in *Summ. verb. Immunitas Eccles. n. 20.* Andreas à Matre Dei in *curso Theol. Moral. tom. 4. tract. 18. cap. 3. §. 6. n. 110.* Alloza *verb. Ecclesia sect. 3. n. 12.* & alii communiter. Vide Sylvestrum *verb. Immunitas 3. nu. 4. & 12.* Lezanam *tom. 2. verb. Immunitas Eccles. n. 18.* & Bonac. de *Legibus disp. 3. q. 7. punct. 3. num. 4. & 5* & consequenter non possunt ei denegari necessaria quæ sunt ad vitam conservationem.

676 Inter. 2. Quis tenetur victum providere confugientibus ad Ecclesiam?

Resp. Si habent proprium, sibi providebunt de proprio; quòd si non habent, nec quærere possunt, Ecclesia providere debet tanquam pauperi. Item si habent proprium, & eo uti non possunt, Ecclesia providebit, ne cogantur tradere se Curie Sæculari contra Ecclesiæ immunitatem; sed teneantur ad restitutionem, quando sua poterunt rehabere. Ita ex D. Thoma docet Sylvestr. *verb. Immunitas 3. n. 6.* Sed vide Lezanam *tom. 2. verb. Immunitas Eccles. sub n. 23.* & non pigebit. Vide etiam Em. Sà *verb. Eccles. Immunitas n. 8.*

677 Inter. 3. Ad hoc, ut quis tanquam assassinus non possit uti privilegio immunitatis Ecclesiæ, quid requiritur?

Resp. Requiritur, quòd interveniat mandatum ad occidendum, & ut addit pecunia, vel loco pecuniæ aliqua res pretio æstimabilis. Dixi, mandatum ad occidendum, quia ex mandato ad vulnerandum tantum, etiam mediante pecunia, non committitur assassinium Bonac. *tom. 3. disp. 2. qu. 3. punct. 6. §. q. nu. 2. & 7.* Riccius, & Ambrosinus, quos refert, & sequitur Diana *par. 1. tract. 1. resol. 18. vers. Non reti-*

reticebo, Lezana tom. 2. verb. *Immunitas Eccles.* n. 13. Vide infra in hoc tit. ad Int. 6. & 26.

678 Inter. 4. Qui homines in viis publicis obfident, & deprædantur, gaudentne immunitate Ecclesiæ?

Resp. Nequaquam; nam isti etiam dicuntur assassini, & publici latrones, & merito immunitate Ecclesiæ privantur, ut patet ex Bulla Gregoriana, & docent Doctores communiter; sunt enim grassatores viarum expressi nominatim in dicta Bulla. Sed vide Int. 8. & 30 hujus tituli.

679 Inter 5. Assassinus gaudetne immunitate, etiam homicidio non sequuto?

Resp. Bonac. de legibus disp. 3. qu. 7. pun. 6. § 4. sub nu. 6. aliis relatis, tenet non gaudere, etiam si effectus non sit sequutus; sed sufficere solum effectum effectui proximum, ut insultus, aut vulneratio, & constat ex cap. *Pro humani*, de homicid. in 6. Idem docet Lezana loco cit. sub n. 13. & Diana par. 1. tr. 1. resol. 18 & assignat rationem, quare gaudeat immunitate, qui attentavit homicidium proditorium, & non qui attentavit assassinium, & ait esse disparem rationem; quia Gregorius XIV. in sua Bulla excipit occidentes proditoriæ, & assassinos; sed sine morte subsequuta, quis non potest dici occisor proditorius, sicuti potest dici assassinus. Tamen alii oppositum docent apud eundem Dianam loc. cit. Sed vide Dianam p. 6. tr. 1. res. 11. vers. *Sed de veniendo*, qui mutata sententia partem affirmativam sequitur.

680 Inter. 6. Qui fuit mediator assassinii, gaudentne immunitate Ecclesiarum?

Resp. Jam dixi supra ad Inter. 3. in quo casu assassini non gaudent privilegio immunitatis; nunc verò dico cum Diana par. 4. tract. 1. resol. 33. & aliis ab ipso relatis, quod sub nomine assassinii non venit mediator. Imò in Bulla Gregoriana excipiuntur assassini dumtaxat: ergo mediores immunitate Ecclesiastica privari non possunt; & sic fuisse decusum retere ex aliis ipse Diana loc. cit. ad quem te remitto.

681 Inter. 7. Qui mandato alterius median- te pecunia occidit communem inimicum, privaturne immunitate Ecclesiæ?

Resp. Non privatur tali privilegio immunitatis, quia in rigore non dicitur assassinus, sicut qui per preces, vel per alium respectum occidit aliquem, non est assassinus; quia non intervenit pecunia, vel alia res pretio æstimabilis. Item nec qui præsentem mandante; est assassinus, si aliquem occidat. Ita Diana par. 1. tract. 1. resol. 18. vers. *non reticebo*. Vide Bonac. tom. 3. disp. 2. quest. 3. punct. 6. §. 4. per

tot. Lezanam tom. 2. verb. *Immun.* Eccles. num. 13.

682 Inter. 8. Qui semel, vel bis in via publica, & cum violentia deprædatur, privaturne immunitate?

Resp. Affirmativè respondent aliqui apud Dianam par. 6. tract. 8. resol. 15. sed ipse oppositum sustinet, dicens præterea affirmativam sententiam prorsus refellendam esse à Tribunalibus Ecclesiasticis; & pro se citat plures Canonistas, asserentes non sufficere unum, aut duos actus, ad hoc ut immunitate privetur; nec dissentit Bonac. de legib. disp. 3. qu. 7. pun. 6. §. 1. sub n. 3. quia qui semel, vel bis aliquem spoliavit, non dicitur latro publicus, & consequenter minime comprehenditur in Bulla Greg. XIV. Et idem dicendum putant de illo, qui semel tantum grassatus est, quia grassator is dicitur, qui vias etiam in Urbe obfidet, & sæpius hoc crimen commisit.

683 Inter. 9. Qui proditorie voluit aliquem occidere, & devenit ad actum proximum, sed casu non occidit, gaudentne privilegio immunitatis?

Resp. Quia in Bulla Gregoriana clarè requiritur mors sequuta, aut actus consummatus cum effectu subsequuto: idèò non sufficit conatus, ut immunitatè amittatur, ac proinde immunitate gaudebit. Ita Bonac. Farinac. Peregrinus, & alii, quibus subscribit Diana p. 1. tract. 1. resol. 4. & 18. & par. 6. tract. 1. resol. 12. Lezana tom. 2. verb. *Immun.* Eccles. sub n. 12.

684 Inter. 10. Debetne gaudere immunitate Ecclesiæ, qui occidit aliquem apponstatè, & animo præmeditato?

Resp. Quidquid sit de jure communi, quia non conveniunt Auctores, modò tamen post Bullam Gregorianam dicendum est, in casu proposito immunitatem gaudere, quia in dicta Bulla non annumeratur inter delicta exceptuata homicidium consultò, & deliberatè perpetratum, sed solum homicidium proditorium; sed qui occidit de industria, & animo pensato, non occidit proditoriè: ergo, &c. Diana par. 6. tract. 1. res. 13. qui etiam addit contra Sarpum, non solum qui occidit aliquem consultò, & animo pensato, gaudere immunitate ex vi Bullæ Gregorianæ; sed etiam secundum aliquos stante jure antiquo. Quodnam sit homicidium proditorium, dicam in tit. 103. de Homicidio, ad Int. 1. ad quam te remitto.

685 Inter. 11. Homicida extractus violentè ab Ecclesia à Parentibus occisi, si superveniat Curia Sæcularis, & capiatur, debetne adhuc gaudere immunitate, vel non?

Resp.

Resp. Illa extractio, quia fuit uiolenta, censetur nulla; ideo Reo præjudicare non debet, & consequenter Ecclesiæ est restituendus dictus homicida, quia immunitatis privilegium non amisit, ut rectè pluribus relatiis firmat Diana p. 9. rr. 7. ref. 6. Vide Castropalaum tom. 2. rr. 11. disp. unica pun. 11. n. 2 qui nominatim refellit Suarez oppositum docentem. Vide etiam Bonac. de legib. disp. 3. quest. 7. pun. 4. §. 2. n. 10. Trullench. in decalog. tom. 1. lib. 1. cap. 11. dub. 1. n. 14. & alios relatos à Diana loco cit. & p. 1. tract. 1. ref. 16. ubi plura ad intentum.

686 Inter. 12. Qui ueneno occidit aliquem, gaudetne immunitate?

Resp. Diana p. 6. tract. 1. ref. 36. ait, quod ferè omnes Doctores docent gaudere. Tamen concludit cum Farinac. in tali casu debere Episcopum consulere Summum Pontificem, & juxta illius responsum se regulare, & exequi. Tamen p. 6. tract. 1. refolut. 12. vers. Sed ego puto, præter Doctores, quos refert pro hac nostra sententia, asserit fuisse decusum à S. Congregatione Concilii die 3. Decembris 1632. immunitate Ecclesiasticam non gaudere, qui committit homicidium ueneno. Verum sustinet, hanc Sac. Congregationis declarationem intelligendam esse in casu, quo occidatur ueneno aliquis, cum quo nulla præcessit inimicitia, quia tunc est uerè homicidium proditorium; non autem si occideretur inimicus, quia non dicitur illum occidisse proditoriè; nam stante inimicitia, habet causam præcauendi, & poterat, & debebat sibi præcauere; & pro hac sua tuenda sententia plures Doctores allegat, quæ mihi satis probabilis apparet. Vide quæ dicam infra ad Inter. 22.

687 Inter. 13. Filius occidens Patrem gaudetne dicto immunitatis privilegio?

Resp. Posito, quod illum proditoriè non occidat, scilicet quando inter Patrem, & Filium nulla intervenisset inimicitia, Diana p. 6. rr. 1. ref. 26. vers. Quæro primo, refoluit filium occidentem Patrem immunitate gaudere; etiam si seditiosè, & incaute illum occiderit; nam tenet, quod homicida insidiosus etiam privilegio immunitatis gaudeat; quod tamen Barb. de Jure Ecclesiæ lib. 2. c. 3. n. 95. non admittit. Cæterum nunquam in foro conscientie licet filio occidere Patrem, quamuis capitaliter bannitum, nisi esset ualde noxius Reipublice, ut dixi in tit. 18. de Bannitis, ad Inter. ult. Sed uide in hoc titulo ad Inter. 10.

688 Inter. 14. Occidens, uel percutiens Clericum, seu Religiosum, gaudetne immunitate Ecclesiæ?

Resp. Certò gaudet, quamuis excommunicationem incurrat, & sacrilegium committat; nec de hoc est dubitandum, stando in terminis Constitutionis Greg. XIV. ut egregiè probat Diana p. 1. rr. 1. refol. 34. ubi respondet ad omnia argumenta contraria, & iterum asserit p. 4. tract. 1. refol. 68. & p. 6. rr. 1. ref. 26. vers. Quæro sextò.

689 Inter. 15. Religiosi delinquentes gaudetne immunitate? & quid dicendum est de Clericis Sæcularibus, si se recipiant in Ecclesiam?

Resp. Est magna quæstio inter Doctores, an Clerici, & Religiosi ad Ecclesiam confugientes pro criminibus non exceptis in Bulla Gregoriana, ab eorumdem Judicibus, uel Superioribus Ecclesiasticis inuiti extrahi possint ab ea. Vide Bonac. de legib. disp. 3. q. 7. pun. 5. n. 5. & Dianam p. 1. rr. 1. ref. 24. & 25. & par. 3. rr. 1. ref. 35. qui tandem concludit, Clericos Sæculares gaudere hac immunitate, & per consequens Religiosos, cum non debeant esse peioris conditionis, quam Laici. Tamen hæc opinio quoad Religiosos non uidetur tuta, prout obseruat ipse Diana loco cit. ref. 25. vers. Sed contrarium tenendum est, & idem docet Lezana tom. 2. verb. Immunitas Ecclesiæ n. 6. & to. 1. p. 1. c. 18. n. 83. ubi sic inquit: Si Religiosi intra ipsa loca sacra deliquerint, quamquam de rigore juris posset illis talis immunitas, sicut & laicis, fauere; consuetudine tamen, & consensu Summorum Pontificum est receptum contrarium; Ideoque si Religiosi deliquerint in suis Ecclesiis, uel Monasteriis, immunitas eis Ecclesiæ non suffragatur, nisi ad aliud Monasterium, uel Ecclesiam alterius Ordinis confugiant. Vide Dianam p. 10. rr. 14. ref. 30. & Bordonum in Miscellanea decis. 143. 144. & 145. & ad Inter. seq.

690 Inter. 16. Religiosus Apostata gaudetne immunitate Ecclesiæ?

Resp. Aliis relatis affirmat Diana p. 1. rr. 1. ref. 23. sed non in Ecclesiis, & Monasteriis ejusdem Religionis, à qua apostatauit, sed in aliis; & idem docet Lezana tom. 3. loco supra cit. n. 17. Et ratio est, quia talis casus non excipitur in Bulla Greg. XIV. Vide ad Inter. antecedentem.

691 Inter. 17. Qui confugit ad Ecclesiam armatus, gaudetne ejus immunitate?

Resp. Res cum armis prohibitis confugiens ad Ecclesiam, gaudet ejus immunitate, nec potest à ministris laicis dictis armis spoliari, quia in cap. 1. de Immunit. & cap. 2. eodem tit. in 6. expresse prohibetur Judicibus laicis aliquam jurisdictionem in Ecclesia exercere; & ideo Sac. Congregatio in una Salernitana die

die 30. Septembris 1616. declaravit immunitate gaudere eos, qui cum armis prohibitis in Ecclesiam se recipiunt. Vide Dianam *part. 1. tr. 1. usq. 8. & p. 6. tract. 1. ref. item 8.* ubi hæc, & alia plura videtur poteris ad hoc propositum. Idem docet Lezana *tom. 2. verb. Arma num. 7. & verb. Immunitas Eccles. numer. 19.* ubi cum Diana, & aliis concludit, non solum non posse satellites auferre ab eo arma prohibita, sed neque rem aliquam, etiam furto sublatam.

692 Inter. 18. Gaudetne immunitate, qui committit homicidium propè Ecclesiam, sub spe confugiendi ad eam statim post patratum delictum?

Resp. Contra nonnullos affirmat Diana *p. 1. tract. 1. ref. 3. & p. 6. tract. 1. ref. 10.* & hæc opinio est vera, cum sit magis conformis Bullæ Gregorii XIV. nam in ea exprimuntur solum patratæ homicidia, vel mutilationes membrorum in Ecclesiis, vel eorum Cæmeteriis: ergo Pontifex respexit delicti qualitatem, & injuriam Ecclesiæ, non verò spem; consequenter fieri non debet extensio ad casus in Bulla non expressos. Et hanc sententiam præter Dianam, docet etiam Suarez de *Relig. tom. 2. lib. 3. cap. 11. nu. 9.* Sylvester *verb. Immunitas 3. nu. 5.* Bonac. de *legib. disp. 3. qu. 7. punct. 6. §. 2. num. 12.* & alii plures allegati per eundem Dianam, qui fusiori calamo rectè probat quod dixi. Vide ergo ipsum *locis cit.*

693 Inter. 19. Gaudetne immunitate Reus, qui jam vicinus Ecclesiæ, cum ipso satellite per vim intrat in Ecclesiam?

Resp. Affirmat Diana *p. 4. tr. 1. refolut. 106.* cum Castro Palao *tom. 2. de immunit. disp. unica pun. 7. n. 11. & par. 6. tr. 1. ref. 22. vers. Sed cum,* aliis relatis idem sustinet. Et præterea hoc putat esse verum, quamvis, ut se de illius manibus eximat, vulneraret illum cum magna sanguinis effusione. Ita cum Farinacio firmat idem Diana *p. 1. tract. 1. ref. 13. & p. 3. tr. 1. ref. 36. & p. 6. tr. 1. ref. 27. vers. Ad alium verò casum.*

694 Inter. 20. Quidam vulneravit Cajum in Ecclesia existentem, potestne immunitate Ecclesiastica gaudere? & quid si provocatus occiderit?

Resp. De hoc ego non dubito, quia in Bulla Gregoriana excipitur solum homicidium, aut vulnus cum mutilatione alicujus membri; sed in isto casu Reus non commisit homicidium, nec mutilavit membrum aliquod, ut suppono: ergo potest immunitate gaudere. Imò idem puto, si interfecisset illum, aut membrum mutilasset non deliberatè, sed ac-

cidentaliter ex calore iracundiæ, ex rixa subitanea, sed & ad alterius provocationem, aut ad se defendendum, quia non videtur habuisse animum irreverentem offendendi, aut violandi ipsam Ecclesiam, dum casu, & non deliberatè hujusmodi delictum contingeret. Hæc omnia aliis relatis docet Diana *part. 1. tract. 1. ref. 11. & 13. & part. 4. tract. 1. ref. 107.*

695 Inter. 21. Qui existens in Ecclesia, vel aliquo Monasterio, ex fenestra pilam tormentariam jecit in alium existentem extra Ecclesiam, & illum occidit, gaudetne immunitate?

Resp. Non desunt pro negativa sententia varii Doctores, qui dicunt, non gaudere, quia tale homicidium videtur commissum in Ecclesia, cum in illa initium habuerit. Tamen mihi videtur probabilius oppositum, quod tuctur Bonac. de *legib. disp. 3. quest. 7. pun. 6. §. 2. n. 3.* Diana *p. 1. tract. 1. ref. 9.* & alii penes ipsos; nam quia sumus in poenalis, non est faciendi extensio ad homicidium inchoatum in Ecclesia, maxime post Bullam Gregorianam, cujus verba denotant, solum complotum, & perfectum in Ecclesia requiri. Vide Dianam *loco cit.* & *p. 4. tr. 1. ref. 107.* cum Novario.

696 Inter. 22. Qui inimicum suum à tergo, vel ex fenestra, mittens contra eum pilam tormentariam, aut dormientem occidit, gaudetne immunitate? Et quid si occidat amicum reconciliatum, aut cui fidejussionem dedit de non offendendo?

Resp. Omnes asserunt non esse proditorem hujusmodi homicidam, & consequenter immunitate gaudere, si ad Ecclesiam confugiat. Et ratio est, quia occisus necem prævidere poterat, & illius præcavendæ occasionem habebat. Bonac. *ubi sup. §. 3. n. 3.* Diana *loco supra citat. ref. 5.* & Lezana *tom. 2. verb. Immunit. Eccles. n. 12.* & est communis sententia, teste eodem Bonacina. Idem dicendum est, si occiderit amicum reconciliatum, ut docet Diana *p. 1. tract. 1. ref. 35. & p. 6. tr. 1. ref. 12. in fine,* & etiam si fidejussionem dederat de non offendendo, ut docet ipse Diana *p. 4. tract. 1. ref. 34.*

697 Inter. 23. Sempronius ex platea Ecclesiæ emisit ex sclopo pilam tormentariam in Ecclesiam, & interfecit suum inimicum ibidem existentem, potestne immunitas ei suffragari?

Resp. Minimè suffragatur, nam revera dicitur commississe delictum occisionis in Ecclesia: ergo ipsius immunitate gaudere non potest. Bonac. *ubi supra num. 2.* & alii plures, quos

quos refert, & sequitur Diana p. 1. tr. 1. ref. 9. Siquidem in his casibus putat ipse non esse attendendum locum inchoati, sed locum consummati delicti; & rectè dicit.

698 Inter. 24. Cajus lethaliter vulneravit Sejum in Ecclesia, qui postea extra Ecclesiam mortuus est; gaudetne privilegio immunitatis Cajus, si se recipiat in Ecclesiam; & quid si vulneratus extra Ecclesiam, in Ecclesia moriatur?

Resp. Nequaquam, nam delictum homicidii censetur commissum in Ecclesia, ideòque privilegio immunitatis gaudere nequit. Secus verò esset, si vulnerasset, aut illum mutilasset extra Ecclesiam, quamvis vulneratus, vel mutilatus, in Ecclesiam se reciperet, & ibi moreretur, quia non dicitur delictum in Ecclesia fuisse commissum, ut bene docet Bonac. de legib. disp. 3. q. 7. pun. 6. §. 2. num. 5. & alii plures.

699 Inter. 25. Qui committit crimen læsæ Majestatis in personam Principis superiorem recognoscentis, caretne dicta immunitate?

Resp. Pro affirmativa sententia Doctores non desunt, ut videre est apud Dianam p. 1. tr. 1. refol. 6. Sed ipse cum Barbosa, Peregrino, Farinacio, & Mario Italia, oppositum sustinet; quia licet committat crimen læsæ Majestatis illos offendendo, tamen in casu nostro intelligitur de offendentibus personam Principis Supremi; & hoc ex fundamento, quia versamur in materia odiosa, & pœnali, in qua non debet fieri extensio, sed potius restrictio, juxta regulas juris in 6. Vide Dianam loco cit. & Bonac. tom. 2. disp. 3. qu. 7. pun. 6. §. 6. sub n. 2. qui docet, quòd in casu, de quo loquimur, ille censetur Princeps, qui superiorem in sua jurisdictione non cognoscit: ergo &c.

700 Inter. 26. Gaudetne immunitate, qui scit, & non revelat crimen læsæ Majestatis in personam Principis?

Resp. Jam pro indubitato suppono, quòd crimen læsæ Majestatis in personam ipsiusmet Principis, sit unus ex casibus exceptuatis in Bulla Gregoriana, cui immunitas Ecclesiæ non suffragatur: hoc supposito, Dico, valde probabilem esse sententiam Bonac. ubi supra sub n. 9. & aliorum asserentium, scientem, & non revelantem crimen læsæ Majestatis in ipsam personam Principis supremi, gaudere immunitate, quia licet tale crimen puniri debeat pœna mortis, tamen immunitatem Ecclesiæ non amittit. Et ratio est, quia illa dictio apposta in Bulla Gregoriana importat actionem positivam, non verò negativam, &

cum sit crimen omissionis, & non commissionis contra personam Principis, non comprehenditur in dicta Bulla. Ita ex aliis firmat Diana p. 1. tr. 1. refol. 7. vers. An verò, & p. 6. tr. 1. refol. 18. vers. Notandum est hic, ubi fatetur, sententiam Bonac. sibi placere.

701 Inter. 27. Monetarii gaudetne privilegio immunitatis?

Resp. Monetarios, seu eudentes monetam falsam, aut veram, sed contra Principis edictum, non carere immunitatis privilegio, docent Bonac. loco supra cit. pun. 6. §. 5. n. 6. Lezana tom. 2. verb. immunit. Eccles. sub n. 16. & verb. Monetarius, ubi latè de his tractat, & n. 8. iterum asserit eos immunitate Ecclesiastica gaudere. Imò id verum esse, licet in Ecclesiis tale delictum commiserint, tenet Diana p. 1. tr. 1. refol. 2. Idem dicendum non solum de falsam monetam eudentibus, sed etiam de tonforibus monetarum; & quòd non sint propriè perduellionis Rei, neque publici latrones, probat idem Diana part. 6. tr. 1. refol. 19. Et ratio nostra est, quia licet eudens falsam monetam, crimen læsæ Majestatis committat; tamen non est immediatè in personam Principis, quod excipitur in Bulla Gregoriana: ergo fieri non debet extensio de uno ad aliud, ut sæpè me dixisse memini cum communi Doctorum sententia. Vide Bonac. loco cit. & §. 1. nu. 4. & Diana ea ref. 19. qui plures concordantes referunt.

702 Inter. 28. Excommunicati nominatim gaudetne immunitate Ecclesiastica?

Resp. Immeritò quidam docent, & non gaudere, etiam si commiserint delictum exceptuatum in Bulla Greg. XIV. quia sunt Ecclesiæ rebelles, & exclusi ab Ecclesia & Fidelium participatione; nam tales excommunicati nullo jure excluduntur ab hac immunitate, & consequenter eis competit; & licet sint rebelles Ecclesiæ, & exclusi ab Ecclesia, & communione fidelium, tamen Ecclesia majorem ostendit pietatem, dum illos tuetur; ultra quod, in materia immunitatis, non respicitur delictum, sed loci sanctitas. Vide Sylvest. verb. immunitas 3. n. 2. Navar. in man. cap. 25. numer. 19. & Diana part. 1. tr. 1. refol. 34. & part. 6. tr. 1. ref. 26. vers. Quæro 3. qui plures concordantes refert.

703 Inter. 29. Quisnam dicitur depopulator agrorum, qui Ecclesiæ privatur immunitate?

Resp. Depopulator, agrorum is dicitur, qui diripit alienos agros, idest, qui segetes, seu fructus surripit, & agros, seu vineas vastat; & sive sit depopulator nocturnus, sive diurnus.

diurnus hac immunitate privatur; nam in Bulla Gregoriana sæpius citata fit sermo de quolibet agrorum depopulatore, non facta restrictione ad nocturnum, sicuti in *cap. Inter alia de Immuni fibat*. Vide Dianam p. 6. tr. 1. *resol.* 15. *vers. verum*. Idem dicendum putant quidam de incendiariis, data opera incenditibus, quod aliis non placet, ut *dicam infra in hoc tit. ad Inter.* 31. nisi ex incendio sequatur proditoria mors, aut aliud delictum in Bulla Gregorii expressum, ut bene observat Bonac. *de legib. disp.* 3. q. 7. *pun.* 6. §. 1. nu. 6. Vide Lezanam *tom.* 2. *verb.* Immunitas n. 10.

704 Inter. 30. Qui furatur in Ecclesia, privaturne immunitate? & quis vocari potest publicus latro?

Resp. Minimè, etiamsi sit fur famosus; nam huiusmodi delictum non exprimitur in Bulla Gregorii XIV. Bonac. *de legib. disp.* 3. *quæst.* 7. *pun.* 5. n. 7. & *tom.* 3. *disp.* 2. q. 3. *pun.* 16. §. 5. n. 7. Nam soli publici latrones hac immunitate privantur. Publicus verò latro est dumtaxat, qui violenter aggreditur, & deprædatur in viis publicis, & ob frequentata latrocinia pro latrone communiter habetur, seu qui publicè, & palam furatur, vel publicè transeuntes in viis invadit, & spoliat, vel in mari palam prædas agit; & tandem, qui in domibus privatorum cum violentia furatur, modò delictum sit publicum, ut rectè observat idem Bonac. *pun.* 6. §. 1. n. 2. & alii ab ipso relati: ergo qui non est talis, quamvis furetur in Ecclesia, non privatur immunitate. Ita etiam pluribus citatis tenet Diana p. 6. tr. 1. *res.* 9. & Lezana *loco proxime cit.* *sub* n. 7.

705 Inter. 31. Incendiarii suntne privandi Ecclesiæ immunitate? & quid dicendum, si comburant fores Ecclesiæ ad eam prædandam?

Resp. Non sunt privandi, quia dicta immunitate gaudent etiam ipsi; nam licet hoc crimen sit simile depopulationi agrorum, tamen non est idem, sed diversum, & à diversis non valet illatio; & cum non sit exceptuatum in Bulla Gregorii XIV. nec nos illud comprehendere tanquam exceptuatum debemus; quia exceptio firmat regulam in contrarium, scilicet in non exceptis specificè, prout docet Syluester *verb. alienatio* q. 12. nu. 11. & ibi jura, & alii plures, quos refert Diana p. 6. tr. 1. *resol.* 25. *vers. Sed contrariam*. Et tandem idem Diana *loco cit.* *res.* 16. cum Castropalao, Farinacio, & Bonac. absolute tenet, & probat, incendiarios, maximè post Bullam Gregorianam, immunitate Ecclesiæ gaudere, adde-ns, etiamsi ad prædandam Ecclesiam fores comburerent; & pro se citat Peregrinum,

& Novarium in *Sum. Bullar. tit. de Truncum* n. 9. qui sequitur Peregrinum. Et ratio est, ut ipsi dicunt, quia solum violentes Ecclesiam per homicidium, & mutilationem in ea commissam, excluduntur ab ejus immunitate. Et hæc est regula generalis in hac materia. Vide Dian. p. 1. *trakt.* 1. *resol.* 21. & etiam *suprà in hoc tit. ad Inter.* 32.

706 Inter. 32. Raptores Virginum gaudentne immunitate Ecclesiæ? & quid si aliquis deflorasset Monialem?

Resp. Omnes Canonistæ, & Casistæ affirmatiuè respondent, teste Diana *par.* 4. tr. 1. *res.* 43. Idem tenet Bonac. *de leg. disp.* 3. q. 7. *pun.* 5. *sub* n. 7. Imò Diana etiam putat gaudere immunitate illum, qui deflorasset Monialem in ipsa Ecclesia Monasterii. Et ratio est, quia, ut ipse Diana docet p. 5. *trakt.* 1. *resol.* 2. privatio immunitatis non est extendenda ad casus in Bulla Greg. XIV. non expressos, quamvis atrocissima fuerint delicta; nam in Bulla Gregoriana excipitur tantum homicidium, & membrorum mutilatio facta in Ecclesia: ergo alia delicta in illa perpetrata non comprehenduntur, consequenter gaudere debent immunitate Ecclesiæ illa perperantes; quæ ratio quidem est fortissima. Verum tales delinquentes debent à Judice Ecclesiastico severe puniri ratione loci delicti, & consulto Romano Pontifice poterunt etiam tradi Curie Sæculari, quando delictum fuerit atrocissimum, ut docet ipse Diana, & rectè quidem. Vide Bonac. *ubi supra*, & iterum Dianam p. 6. tr. 1. *res.* 14. qui confirmat id, quod *suprà* docuit p. 4. tr. 1. *res.* 43. de deflorante Monialem.

707 Inter. 33. Quinam sunt illicafus, in quibus delinquentibus immunitas Ecclesiastica non suffragatur?

Resp. Sunt octo, ut patet ex Bulla Gregoriana, nempe latrocinium publicum, oblectio itinerum frequentatorum, vel publicarum stratarum, ac viatorum ex insidiis aggressio, depopulatio agrorum, homicidia, vel mutilationes in Ecclesiis, vel Cæmeteriis, homicidium proditorie factum, crimen assassinii, delictum hæresis, & crimen læsæ Majestatis in personam ipsiusmet Principis, de quibus latè tractat Bonac. *de legib. loco supra cit.* *pun.* 6. & Lezana *tom.* 2. *verb.* Immunitas Eccles. à n. 7. usque ad n. 15. *inclusivè*.

708 Inter. 34. In quibus casibus potest capi Clericus à ministris Judicis Sæcularis sine læsione immunitatis?

Resp. Quando in flagranti delicto fuerit inventus, item quando probabiliter præsumitur ad delinquendum incedere, & tandem post

post delictum commissum, ad effectum præsentandi illum Prælati Ecclesiastico: Sed bene notat Diana p. 5. r. 1. *resol.* 22. hoc procedere in casu, quo præsumatur fuga, nisi Clericus tunc capiatur, vel non possit tunc à Prælato impetrari mandatum, & dummodò statim Judici proprio remittatur, scilicet infra spatium viginti horarum ad summum; nam si brevi tempore possunt illum suo Judici remittere, tenentur id facere, quia aliàs Superior Ecclesiasticus non præsumitur consentire. Castropalaus *tom. 2. tract.* 12. *disp.* unica, *pun.* 6. n. 14. & ex eo Diana loco cit. favet etiam Bonac. *de legib. disp.* 10. q. 2. *pun.* 1. §. 1. n. 21. ubi concordantes refert. Vide iterum Diaman p. 1. r. 2. *ref.* 11. & 12. & præsertim p. 4. r. 1. *ref.* 85. & Armillam *verb. Carcer* n. 2. & *verb. Index* n. 20.

709 Inter. 35. Quomodo Ecclesia gaudet privilegio immunitatis quoad quadraginta, vel triginta passus?

Resp. Dico, quòd Ecclesia Matrix, seu Basilica gaudet immunitate ad quadraginta passus, ut colligitur ex *cap. Sicut antiquitas*. Verum si Ecclesia minor sit, ad triginta passus dumtaxat, prout habetur ex *cap. Definivit*, & *cap. Quisquis* 17. *quæst.* 4. & docent Doctores communiter. Tamen de consuetudine oppositum servatur, quia propter locorum angustiam dictum privilegium passuum praticari non potest circa Ecclesias infra ambitum murorum Castri, vel Ciuitatis constructas. Deducitur ex *cap. Quisquis* supra citato, ubi sic habetur: *Cappella, que sunt inter ambitum murorum Castellorum, non ponuntur in hac triginta passuum observatione*. Et licet hic textus loquatur dumtaxat de Ecclesiis intra Castellorum muros constructis; nihilominus Arch. in dicto *cap. Quisquis*, Bonac. *tom. 2. de legib. disp.* 3. q. 7. *pun.* 4. n. 6. & *tom. 3. disp.* 2. q. 3. *pun.* 16. §. 4. *sub nu.* 6. Andreas à Matre Dei ubi *infra*, & alii plures dicunt, hoc esse verum etiam quoad Ecclesias intra moenia Civitatis positas; & rectè quidem, nam militat eadem ratio, quia cum tot sint in Ciuitatibus Ecclesie, adeoque frequentes, universa civitas immunis esset, quod est absurdum asserere. Vide Em. Sà *verb. Ecclesia immunitas* n. 1. ubi sic habet: Gaudebant & olim quadraginta, aut triginta passus circa Ecclesias, sed id jam non est in usu. Ita etiam docet Navar. *cap. 25. nu.* 18. Suarez *de Relig. tom. 1. lib. 3. cap. 9. n.* 8. Layman *lib. 4. r. 9. cap. 3. num.* 2. Castropalaus *tom. 2. r. 11. disp.* unica *punct.* 6. *num.* 15. Ambrosinus *de immunit.* *cap. 10. num.* 4. Farinac. *de carcer. quæst.* 28. *num.* 12. Gavantus in *Addit. ad Man. Episc. verb. immunitas Ecclesiastica* num. 1. An-

deas à Matre Dei *tom. 4. Theol. Moral. r.* 18. *de privi.* *cap. 3. pun.* 3. *sub nu.* 86. & alii plures, Licet Diana par. 6. *tract.* 1. *resol.* 2. *vers.* At his non obstantibus, sustineat, non esse verum hanc Ecclesie immunitatem quoad passus triginta, vel quadraginta, de consuetudine esse sublatam; & quatenus adesset, servandam non esse, nisi de Ecclesiis Castellorum, non autem Ciuitatum. At ego video, sententiam Dianæ, & aliorum id assertentium, non habere locum in Sac. Congregatione immunitatis. Vide Bonac. *de legib. disp.* 3. q. 7. *pun.* 4. *num.* 6.

710 Inter. 36. Ecclesia, quæ non est perfectè constructa, aut si ejus constructio intermittatur, gaudetne privilegio immunitatis?

Resp. Eo ipso quòd Ecclesia auctoritate Episcopi cœpit constitui, dicitur locus diuinis obsequiis dicatus, & idèd immunitate gaudet, ut docet Farinacius *de immunit.* *cap. 17. num.* 261. Nec valet dicere cum Mario Italia *lib. 1. cap. 13. §. 3. n.* 15. & *seq.* hoc esse verum, quando Ecclesia continuò, & perseveranter constituitur, secus si ædificatio intermittatur; nam ut rectè observat idem Farinacius ubi *suprà*, & Castropalaus *tom. 2. r. 11. disp.* 1. *pun.* 6. n. 4. hæc ratio est inefficax; nam ob cessationem ab ædificio non tollitur deputatio Ecclesie ad diuina celebranda; ergo Ecclesia, quæ non est perfectè constructa, aut si ejus constructio intermittatur, immunitate gaudet. Ita Diana p. 6. r. 1. *ref.* 1. *vers.* Verum ad confirmationem &c.

711 Inter. 37. Ecclesia destructa, & diruta gaudetne immunitate Ecclesiis concessa?

Resp. Si auctoritate Superioris destructa non sit, & adesset spes reædificationis, utique immunitate gaudet, itaut Rei fugientes ad illam extrahi non possint, nisi in casibus exceptis in Bulla Gregoriana. Ita docent Sanchez in *opusc. tom. 1. lib. 7. cap. 1. dub.* 7. *num.* 2. Castropalaus *tom. 2. tract.* 11. *disp.* 1. *pun.* 6. n. 7. Bonacina *tom. 2. disp.* 3. q. 7. *pun.* 4. *nu.* 4. & alii plures, quos refert, & sequitur Diana p. 6. r. 1. *resol.* 1. *vers.* Verum &c. Nam Ecclesia diruta, ratione loci, in qua ædificata erat, non definit esse sacra, nec ob id amittit sua privilegia, modò, ut dixi, non sit diruta auctoritate Superioris, scilicet Episcopi, sine spe reædificandi: Ecclesia enim diruta sine spe reædificandi, sicut amittit Indulgentias, ita etiam immunitatem, quia, ut docet Bonac. ubi *suprà*, privilegium est veluti accedens morale; accedens autem destruitur destructo subiecto: ergo &c.

712 Inter. 38. Campanile Ecclesie, &c.
me

meterium distinctum ab Ecclesia, gaudente ejus immunitate?

Resp. De hoc dubitandum non est, dummodo Campanile intra triginta passus existat, & solummodo pro servitio Ecclesiae inferviat, ut determinavit Sac. Congregatio die 7. Decembris 1632. teste Diana p. 4. rr. 1. ref. 108. Ita dicendum est de Cœmeterio, quamvis disjunctum, & separatim sit ab Ecclesia, quia eo ipso, quod sepulture fidelium destinatum est, præsumitur benedictum esse, & auctoritate Episcopi sacratum. Castropalaus tom. 2. disp. unica de immunitate Eccles. punct. 6. nu. 16. & ex eo Diana ubi supra.

713 Inter. 39. Qui adhæret ostio clauso Ecclesiae, vel valvas ostii Monasterii manibus apprehendit, vel confugit supra tectum Ecclesiae, vel Monasterii, seu Conventus Religiosorum utriusque sexus, gaudente privilegio immunitatis?

Resp. Non obstantibus aliquorum dictis, tenendam esse partem affirmativam, docent plurimi Doctores, quos dat, & sequitur Bonac. tom. 3. disp. 2. quest. 3. punct. 4. n. 19. & 20. & Diana p. 6. rr. 1. ref. 3. Neque hoc indiget probatione, cum sit commune apud omnes scribentes; ideo sufficit videre duos præfatos Auctores, à quibus plura haberi possunt in confirmationem hujus responsionis. Vide etiam Sperellum decis. 60. n. 38. & decis. 63. n. 9. ubi loquitur de tecto Palatii Episcopalis, domorum Canoniorum intra confines triginta passuum, & tu adde, Monasteriorum, Hospitalium, & aliorum hujusmodi immunitate gaudentium. Sic Diana loco cit. Vide iterum Dianam p. 3. tract. 1. resolut. 73. & p. 10. tract. 15. resolut. 38. vers. Nota hic, ubi docet id, quod hucusque dictum fuit; imò dicit sufficere, quod tangat parietem Ecclesiae partis exterioris, aut amplectatur. Vide infra in tit. 77. de Ecclesia Pollutione, ad Ins. 7.

714 Inter. 40. Si Reus capiatur à satellitibus prope Ecclesiam in aliqua publica via, esse violata immunitas Ecclesiastica?

Resp. Viæ publicæ non pertinent ad Ecclesiam, etiam si eidem proximæ sint: ergo Ecclesiae privilegiis frui non possunt, & consequenter in casu nostro non esset violata immunitas. Ita Tuschus, Marius Italia, Peregrinus & Farinacius, quos dat, & sequitur Bonacin. de censuris in particulari tom. 3. disp. 2. q. 3. punct. 16. § 4. n. 7. & tom. 2. de leg. disp. 3. qu. 7. punct. 4. sub nu. 7. Et in hoc consentit etiam Diana par. 6. tract. 1. ref. 2. vers. res. enim, combinæ, ubi sic inquit: Hæc autem omnia non sunt in viis publicis, & laicorum

domibus, etiam si sint proximæ Ecclesiae, cum non pertineant ad Ecclesiam ipsam; igitur neque gaudebunt ejus immunitate. Imò Bonac. loc. cit. n. 7 loquens de scalis Ecclesiae, dicit, quando constat illas pertinere ad publicam viam, aut esse illius partem, non gaudent; quod est valde notandum.

715 Inter. 41. Palatia Episcoporum gaudente immunitate Ecclesiastica?

Resp. Hoc est certissimum, etiam si non habeant Cappellam, & distent ab Ecclesia extra 40 passus, prout perdoctè firmat Diana p. 1. rr. 1. resolut. 27. & par. 4. tract. 2. ref. 40. Nam talis immunitas concessa est ratione dignitatis Episcopalis, propter sanctitatem muneris, & dignitatis, sicut tota familia Episcopi, licet laica, gaudet intuitu ejus privilegio fori. Verum est tamen, quod Palatia Episcoporum extra Diocesim tali immunitate non gaudent. Vide Dianam locis cit. & p. 6. rr. 1. ref. 9. ubi plura ad intentum. Sed Bonac. loc. prox. cit. n. 11. probabile putat hoc solum admittendum, quando in Palatio Episcopi constructum est Oratorium, in quo divina celebrantur; tunc enim censet immunitatis privilegio gaudere, licet distet ultra quadraginta passus, secus autem non gaudere.

716 Inter. 42. Reus confugiens ad Sacerdotem manibus Eucharistiam ferentem, & illum tangens, gaudente immunitate?

Resp. Bonac. de legib. disp. 3. q. 7. punct. 4. n. 27. dicit, quod non: tamen communis DD. sententia est in contrarium, nam licet jura loquantur solum de Ecclesiis, nihilominus Doctores plena manu extendunt hoc etiam in supradicto casu propter identitatem rationis. Imò hoc Sacramentum esset præcipua ratio, cur Ecclesiis immunitas concessa sit: ergo à fortiori debet ipsum eandem habere immunitatem. Præterea Diana, qui pro hac sententia Doctores allegat, docet etiam hoc esse verum, quamvis Reus non tangeret Sacerdotem; sed sufficere, ut intret in cubiculum ægroti, cui à Sacerdote præbetur Sacramentum Eucharistiae, aut quando per plateas, & vias se immisceret inter illas personas, quæ afficiant hoc venerabile Sacramentum, etiam si non tangeret Sacerdotem, aut hastam Baldachini, quia omnes illæ personæ unâ cum Sacerdote gestant Sanctissimum Sacramentum representant unam Ecclesiam. Ita etiam docet Alloza verb. Ecclesia sect. 2. n. 7. Vide Sylvestrum verb. Immunitas 3. n. 1. Lezannam tom. 2. verb. Immunit. Eccles. sub n. 2. & Dianam p. 4. rr. 1. resolut. 48. in fine, qui testatur de communi.

717 Inter. 43. Quænam sunt ea loca, quæ

quæ gaudent immunitate Ecclesiæ?

Resp. Hoc privilegio gaudent omnes Ecclesiæ consecratæ, vel benedictæ, etiamsi fuerint pollutæ, aut interdixtæ, vel dirutæ si adit refectionis spes, quia per hoc non perdit suum privilegium. Item Coemeterium, sive conjunctum Ecclesiæ, sive separatim sit; atrium, seu porticus Ecclesiæ ad hærens, fores, & janua ipsius Ecclesiæ, etiamsi clausæ sint, dummodò à Reis tangerentur, imò schalæ ipsius Ecclesiæ. Extenditur etiam hoc privilegium ad fines, seu confinia Ecclesiæ usque ad quadraginta passus, aliæ verò minores usque ad triginta: excipiuntur tamen Ecclesiæ in Civitate, vel alio loco murato constructæ, quia ob locorum angustiam id servari nequit, prout distum est supra in hoc tit. ad Int. 35. Gaudent quoque eodem privilegio Hospitalia, & Oratoria auctoritate Episcopi constructa; non autem Oratoria privata, quæ in privatis domibus reperiuntur, quia ea non sunt Ecclesiæ. Vide Dianam par. 9. traçt. 1. resol. 18. Nec Cappellæ privatorum Prælatorum, sed solum Capella, & Episcopi Palatium, ut dixi supra ad Int. 41. Tandem Monasteria, & domus Religiosorum, tam Regularium, quam Sæcularium, aliæque loca sacra, aut Religiosa, gaudent privilegio immunitatis, ut patet ex Bulla Gregorii XIV. ibi, *Et Monasteriis, locisque Sacris, aut Religiosis*. Vide Bonac. de legib. disp. 3. quæst. 7. punct. 4. per totum, Lezanam tom. 2. verb. immunitas Eccles. num. 2. 3. & 4. Dianam par. 6. traçt. 1. resol. 1. 2. & 3. & alios penes ipsos, à quibus plura haberi possunt: Et etiam Emm. Sæ verb. Ecclesiæ immunitas nu. 1. & 6. Vide etiam supra ad Int. 38. Et nota, quod etiam Grangie, seu hospitia Religiosorum, Ecclesiarum immunitate gaudent, ut firmat ipse Diana loc. cit. resol. 6. sub vers. Et tandem, & par. 9. traçt. 1. resol. 18.

718 Inter 44. Reus fugiens ab Ecclesiâ, potestne ab Episcopo, vel Judice Sæculari puniri pœna exilii vel ad carceres perpetuas, vel ad triremes?

Resp. Non posse, asserit Diana par. 1. tr. 1. ref. 12. cum Suarez de Relig. tom. 1. traçt. 2. lib. 3. cap. 12. nu. 6. & aliis ibidem congestis, & par. 6. traçt. 1. ref. 33. Ideo ne deseras ipsos videre. Vide etiam Lezanam tom. 2. verb. immunitas sub nu. 18. nam non potest pœna corporali puniri.

719 Int. 45. Judex laicus potestne extrahere Reum ab Ecclesiâ sine Episcopi licetia, quando notoriè constat, ipsum immunitate Ecclesiæ non gaudere, & Vicarius Episcopi potestne hanc licentiam concedere?

Tom. I.

Resp. Non posse Judicem Laicum propria auctoritate Reum extrahere ab Ecclesiâ sine licentia Episcopi, latè probant Bonac. to. 2. de legib. disp. 3. quæst. 7. punct. 7. num. 4. Lezana tom. 2. verb. immunitas Eccles. num. 28. Diana in Summ. verb. eodem num. 20. & 26. & verb. Index laicus num. 31. Nec sufficit licentia Vicarii Foranei, sed omnino requiritur Episcopi licetia, vel saltem ejus Generalis Vicarii. Bonac. ubi supra nu. 5. Lezana ibidem, Diana par. 10. traçt. 14. resol. 30. aliique plures penes ipsos. Nam cognoscere, an delictum, seu casus sit exceptus in Bulla Gregorii XIV. pertinet ad Episcopum, vel ejus Vicarium Generalem. Bon. & Lezana ubi supra, Andreas à Matre Dei tom. 4. Theol. Moral. traçt. 18. cap. 3. §. 6. num. 121. Imò Episcopus non tenetur stare processui factò à Curia Sæculari, quia potest illum habere suspectum Palais. Polizarius, Lezana, & Bordonus, quos sequitur idem Andreas à Matre Dei, loco cit. n. 122. Idem docet Bonac. ubi supra, & alii communiter. Vide Dianam par. 4. traçt. 1. ref. 42. & 49. par. 1. tr. 1. ref. 14. & par. 6. traçt. 1. ref. 28. & 31.

720 Inter. 46. Quando constat de delicto privante immunitate, tenenturne Prælati locorum immunitum, delinquentem Curie Sæculari tradere?

Resp. Quoties constat delictum commissum à delinquente ad loca sacra confugiente, privilegio immunitatis non gaudere, certò tenentur ipsi Superiores cõsignare Curie Sæculari illum requirenti, prout patet expressè ex verbis præfatæ Bullæ Gregorii quoad Bonac. loco cit. punct. 7. num. 1. & Lezanam ubi supra num. 25. Verùm antequam Reus Curie Sæculari tradatur, observare debent Prælati Regulares, & quicumque alii, id quod idem Pontifex præcipit in sua Bulla, quod videre poteris apud Lezanam loco cit. & Bonac. ubi supra nu. 4. & seqq. Nam longum esset recensere omnes circumstantias, quæ necessariò servari debent, antequam Reus Judici Sæculari tradatur, idèò lege præfatos Auctores, à quibus plura ad intentum invenies. Sed hoc unum non prætereo, scilicet, quod antequam tradatur brachio Sæculari Reus, prius debet de delicto constare certò, & plenè, atque evidenter? nec debet Episcopus stare processui factò à Laica potestate, sed debet novas probationes recipere, ut dixi Resp. antecedentem. Vide Bonac. loco cit. nu. 9. & est communis sententia.

721 Inter. 47. Reus, qui deceptus fuit subdolis verbis, & fallaciis, ad egrediendum ab Ecclesiâ, potestne à Judice puniri?

M

Resp.

Resp. Mihi videtur distinguendum, vel fuit extractus à Curia cum dolo data promissione impunitatis, aut restitutionis in eodem loco, vel ab aliquo particulari blandis verbis, aut promissionibus sine coactione extractus fuit à loco sacro, absque Judicis, & Satellitum cooperatione. In primo casu non potest puniri, sed restitui debet in eodem loco, & ei fides data servari; alioquin ei gravis fieret injuria. In secundo casu autem, si Satellites illum extra locum sacrum inventum capiunt, licet per vim extra locum Sacrum extractus sit, potest puniri, quia læsa non fuit immunitas Ecclesiastica; nam tunc Judex, & Satellites exercent suam potestatem extra locum sacrum, quod eis est permissum. Ita docet Bonac. loco *suprà* citat. *punct.* 4. *num.* 24. & 25. Verum Diana oppositum iussinet in favorem Ecclesiæ, in casu, quod blandis verbis, & fallaciis à Ministris Iustitiæ, vel Iudice inductus delinquens, sponte exiret. Tamen dico contra Bonac. *ubi supra*, quod quando constaret fuisse per vim ab aliquo extra locum sacrum extractus, non amitteret privilegium immunitatis, & consequenter non potest puniri; quia illa extractio esset violenta, & omnis extractio violenta est nulla, & Reo præjudicare non potest; aliàs facile possent Iudices confuentes ad Ecclesiæ capere, & punire, si per vim ab aliis extractos licite capere, & punire possent. Vide Farinac. in *append. de immunit. cap. 2. n.* 55. & id quod docet Diana p. 4. *tr. 1. ref.* 102. & *part.* 9. *rr.* 7. *ref.* 6. cum aliis ibi allegatis, & tene id quod dixi *suprà* ad *Int.* 11.

722 *Inter.* 48. Quam pœnam incurrunt ministri Curie extrahentes Reum sine licentia Episcopi ab Ecclesia;

Resp. Ultra grave Sacrilgium, tenentur restituere Ecclesiæ delinquentem, & huic damna; & ultra alias pœnas, à jure civili, & Canonico impositas, incurrunt ipso facto in pœnam excommunicationis, à qua absolvi non possunt, nisi à Summo Pontifice, prout videre licet in Bulla Greg. XIV. quæ incipit, *Cum aliis*, emanata anno 1591. & has pœnas incurrunt etiam ipse Judex, Satellites, & executores, aut aliæ personæ privatæ, quæ de mandato Iudicis extrahunt ab Ecclesia confuentes. Genuensis in *praxi c. 2. num.* 7. Bon. de *legib. disp.* 3. *quest.* 7. *punct.* 8. *per totum*, & *punct.* 9. & alii apud ipsos Imò nota, Sac. Congreg. super controversiis Jurisdictionalibus die 7 Septembris 1638. declarasse, Brevia Sac. Pœnitentiariæ non suffragari in foro externo, sed tantum in foro conscientiæ, prævia tamen satisfactione, in materia violatio-

nis libertatis, ac Jurisdictionis Ecclesiasticæ, *Lezana tom. 2. verb. immunitas Eccles. numer.* 29. *Vide Infrà* in *tit.* 83. de *Episcopatu*, & *Episcopis*, ad *Inter.* 16.

723 *Int.* 49. Immunitatem violans attentando aliquem capere, vel extrahere è loco sacro, incurritne excommunicationem, etiam effectu non secuto?

Resp. Quidquid aliqui in contrarium dicant, communis sententia est affirmativa, nempe sufficere attentionem, scilicet actionem, qua quis opere externo tentavit capere, vel extrahere, vel in carcerem conjicere existentem in loco sacro. Ita Bonac. loco *proximè* citat. *num.* 4. & alii ab ipso relati. Sic etiam docet Diana p. 1. *tr. 1. ref.* 15. Et de hoc minimè est dubitandum post Bullam Gregorianam, nam ibi sic habetur: *Quicumque præter, aut contra hujus nostræ Constitutionis tenorem attentare presumpserit, declaramus etiam &c.* Vide *Lezana tom. 2. verb. immunitas Eccles. num.* 21. *prop. finem*.

724 *Inter.* 50. Reus extractus ab Ecclesia contra formam Bullæ Gregorii XIV. debetne restitui eidem Ecclesiæ, ex qua extractus fuit, vel sufficit, ut restituatur alteri Ecclesiæ æquè tutæ, seu Episcopo, aut ejus Vicario?

Resp. Multi dicunt sufficere, si restituatur alteri Ecclesiæ, dummodo in illa æquè commodè securus habitare possit Reus; ita etiam sufficere, si Reus Episcopo, vel ejus Vicario restituatur, quia Episcopus Ecclesiæ representat. Hanc sententiam post alios docet Bonac. loco *suprà* citat. *punct.* 3. *num.* 14. Tamen quidquid dicant Doctores circa hanc difficultatem, dicendum est, quod omnino eidem Ecclesiæ sit restituendus, nec sufficere restitutionem alteri Ecclesiæ, vel Episcopo factam; nam ita determinavit Sac. Cardinalis Congregat. anno 1632 apud Barb. de *jure Eccles. lib. 2. cap.* 3. *n.* 54. & huic sententiæ adhæret Diana p. 6. *trakt.* 1. *resolut.* 27. ubi plura in confirmationem hujus resolutionis adducit testimonia juridica.

725 *Int.* 51. Cui credendum est, quando Reus testatur se fuisse captum in loco sacro, Satellites verò è contra asserunt eum cepisse in loco profano? & ad quem Iudicem spectat hoc decidere?

Resp. Quidam apud Bonacin. de *legib. disp.* 3. *quest.* 7. *pun.* 3. *nu.* 15. dicunt, non esse præstandam fidem Satellitibus in præjudicium tertii, quia Satellites ut plurimum solent multa scelera perpetrare; & hoc ad magis puto verum, quando Satellites accepto stipendio, & mercede cum ceperunt; nam pos-

set præsumi fuisse corruptos mediante pecunia. Quare prudens Iudex debet ex conjecturis verisimilibus judicare, cui credere oporteat, præsertim quando nullus adsit testis de visu, qui asseruit in quo loco revera fuit captus à Satellitibus; nam si omnes Satellites, & præcipue eorum Dux, & Capitaneus asserat illum captum fuisse extra locum Sacrum, magnam præsumptionem faceret contra Reum, in casu, quo veritas aliunde haberi non possit. Cæterum quia agitur de immunitate Ecclesiastica, proculdubio ad Judicem Ecclesiasticum spectat decidere, & judicare, an Reus in loco sacro, vel profano captus fuerit, vel non. Ita ex Bonac. *loc. cit.* Vide Dianam *par. 3. tr. 1. ref. 32.*

726 Inter. 52. Gaudetne immunitate, qui jam captus à Satellitibus ducitur ad carceres transeundo per Cœmeterium, vel locum sacrum, aut Ecclesiam?

Resp. Non violatur locus, nec immunitas Ecclesiastica in tali casu, etiamsi Reus tunc per vim extrahatur à Satellitibus, si iudè exire recuset; quia hic non dicitur captus in loco sacro, cum liber ad Ecclesiam, vel Cœmeterium non confugiat, & consequenter non gaudet illius immunitate; nam Ecclesia tuetur illos dumtaxat, qui ad eam liberi confugiunt. Ita juxta nonnullos allegatos firmat Bonac. *loco proxime cit. pun. 6. num. 21.* licet oppositum sentiant alii, idèd ad tollendas lites in re tam periculosa, confulo, ut Ministri Justitiæ non se exponant periculo violandi immunitatem, transeundo per dicta loca, de quibus controversitur inter Doctores; quia si gaudet immunitate Reus, qui cum Satellite per vim intrat in Ecclesiam, ut dixi *supr. in hoc titul. ad Int. 39.* à fortiori debet gaudere in præsentis casu, dum non per vim ingreditur Ecclesiam, vel Cœmeterium, sed Satellitum voluntate: ergo &c. Opinio Bonacin. est juri conformior, aliorum negativa magis pia, & idèd in praxi amplectenda, ut docet Diana *p. 1. tr. 1. ref. 30.*

727 Int. 53. Quo jure Clerici, & Ecclesiasticæ personæ exemptæ sunt à Laica potestate? & immunitas Ecclesiarum estne de jure divino?

Resp. Est dissensio inter DD. an sint jure divino exemptæ tales personæ; nam quoad jus civile, & Canonicum, conveniunt eas dicta exemptione gaudere. Tamen juxta probabiliorum opinionem Bonac. *de legib. dispur. 10. quest. 2. punct. 1. §. 1. sub num. 3. vers. Tertia opinio*, & aliorum, Clerici, aliæque personæ Ecclesiasticæ sunt non solum jure civili, & Canonico, sed etiam jure divino exem-

ptæ tam in spiritualibus, quam in temporalibus à potestate laicali; nam prætermisiss multis rationibus, & auctoritatibus, quas adducit ipse Bonac. ad hoc probandum, clarè constat ex Concil. Trident. *sess. 25. cap. 20.* ubi dicitur, Ecclesiæ, & personarum Ecclesiasticarum immunitatem Dei ordinatione, & Canonicis sanctionibus constitutam esse; & pro hac sententia, præter DD. relatos per Bonacinam, alios quamplures refert Diana *part. 1. tr. 2. resolut. 1. & part. 4. tract. 1. ref. 44.* ubi etiam probat, immunitatem Ecclesiarum esse de jure civili, Canonico, & Divino, sicut dixit *ea resolut. 1. part. 1. tract. 2. Clericorum exemptionem*, esse de jure divino, & humano; & ita docere communiter Canonistas, & quamplures Theologos, testatur. Et hoc tenendum est omnino. Vide iterum Dianam *part. 7. tract. 1. resolut. 2. & Bonac. loc. cit. pun. 1. num. 2.* ubi asserit sustineri posse, immunitatem Ecclesiæ esse de jure naturali, & divino.

Quer. 1. An immunitas, & libertas Ecclesiastica sint idem, aut in quo differant? & an sit semper sacrilegium, & incurrat excommunicatio, contra unam, vel alteram agere? & cui sit re servata?

Resp. Immunitas, & libertas Ecclesiastica non sunt idem, sed diversæ; nam libertas est quædam exemptio, seu quoddam privilegium exemptionis concessum personis Ecclesiasticis, quo tuentur non solum personas, sed etiam eorum bona, quæ possident, aut quibus per liberum arbitriū utuntur. At immunitas est privilegium Ecclesiarū, seu locis sacris concessum; idèd qui injuriam loco sacro facit, non est reus violatæ libertatis, sed inmunditatis Ecclesiasticæ: è contra verò qui facit injuriam personis Ecclesiasticis quoad privilegium fori, seu exemptionem à jurisdictione temporali, est reus violatæ libertatis, ut patet ex *Extraord. Benedicti XI. qua incipit: Inter cunctas*, in qua habentur distincti casus violationis libertatis, & immunitatis Ecclesiasticæ, prout asserunt Cajet. in *Summ. verb. immunitas, propt. finem*, Armilla *eodem verb. num. 24.* Bonac. *tom. 2. de legib. disp. 3. q. 7. punct. 1. n. 2. & disp. 10. q. 2. pun. 1. §. 1. sub n. 1.* & alii plures. Qui autem lædit immunitatem, vel libertatem Ecclesiasticam, semper quidem peccat peccato sacrilegii, ac etiam excommunicationem incurrit, quæ excommunicatio Summo Pontifici reservatur; sed cum hac dissensientia, quòd excommunicatio, quæ incurritur ob violationem libertatis Ecclesiasticæ est reservata in Bulla Cœnæ; sed illa, quæ contrahitur ob violationem immunitatis lo-

cis sacris concessam, est reservata in decretis Clem. VIII. editis anno 1601. & 1602. ac etiam in *Const. Greg. X IV. de immunit. Eccles.* quæ incipit: *Cum aliâr.* à qua nullus potest absolvi, nisi in articulo, vel periculo mortis, quia illam sibi Summus Pontifex reservat, ut dixi, vel in Bulla Cœnæ, aut alibi. Undè audiendi non sunt, qui docent posse Episcopos absolvere ab excommunicatione, quæ contrahitur ob violationem immunitatis. Vide Doctores, quos refert Diana *par. 1. tr. 2. ref. 41. in princ.* & præsertim Lezanam *to. 3. verb. Bulla Cœnæ n. 38. & 40. & verb. immunitas Ecclesiastica sub nu. 21.* & iterum vide Dianam *par. 6. tract. 1. resol. 34. vers. Et tandem pro coronide*, & alios apud ipsos. Vide etiam Bonac. ubi supra *disput. 3. quæst. 7. punct. 8. sub num. 3. prop. 5. item.*

Quær. 2. An portantes secum Aram portatilem gaudeant immunitate Ecclesiastica?

Resp. Affirmativa sententia, quam docet Quintanadvenas, cui subseribit Diana *par. 10. tract. 1. resol. 1. & 5. vers. Et tandem*, est quidem probabilis, ut censuit etiâ Suarez de tali dubio consultus, eamque asserunt prædicatam fuisse à quodam Militum Generali Gubernatore, consulente, ac præcipientem quodam viro docto Illustrissimæ Societatis Jesu, qui Episcopi vices in exercitu quoad spiritualia gerebat; quare Dux Generalis Militum non fuit ausus capere per suos Ministros quendam Militem morte dignum ob scelus ab eo perpetratum, eò quòd Aram, seu Altare portatile secum ferebat; & sic secundum hanc sententiam Reus secum portans Aram portatilem, immunitate gaudet, & puniri non potest. Hæc sententia, ut dixi, est probabilis, ac satis pia; sed an tuta sit Reo in praxi, aliis iudicandum relinquo. Iudex verò, qui hanc sententiam sequeretur, tutè quidè, & piè ageret. Ego enim eam solum Iudici consulerem, quia licet multa privilegia concessa sint locis sacris intuitu Sanctissimæ Eucharistiæ, attamen immunitatis privilegium nullibi cõcessum legitur Aræ portatili extra Ecclesiam existenti, eò quòd super eam consecratur Sacra Eucharistia; imò si hoc esset verum, sequeretur à fortiori, communicantem, & in os recipientem Eucharistiam, immunitate gaudere; sed hoc nullus dicit: ergo multò minùs dicendum videtur ea gaudere deferentem Aram portatilem. Unde ubi non adest talis consuetudo, dicta sententia non est amplectenda in praxi. Optarem tamen, ut introduceretur, sicuti consuetudine alicubi receptum dicitur, ut amplexantes Sacerdotem, & præsertim quando desert Infirmis

Sacram Eucharistiam, tuti sint, & carceribus mancipari nequeant; siquidem hujusmodi consuetudines, ubi vigent, sunt servandæ, dum non præjudicant immunitati; quinimò eis valdè favent, ut per se patet. Vide quæ dixi in hoc titulo *ad Int. 42.*

Quær. 3. An cadaver defuncti gaudeat immunitate Ecclesiastica, & an percussiones Clerici cadaver incidat in excommunicationem canonis: Si quis suadente diabolo 17. q. 4.

Resp. Quòd Cadaver hominis defuncti gaudeat Ecclesiæ immunitate, solidè, luculenter, ac validis rationibus, & auctoritatibus probat Doctissimus Lezana *in addit. ad consult. Theologica, juridica, & regularia, conf. 5. per tot* & ad objecta rectè respondet, & præcipuè hanc affirmativam sententiam sustinet, ex eo quia leges immunitatis Ecclesiarum generaliter loquuntur, & favores sunt ampliandi: quapropter concludit, non minùs hominem mortuum, quàm vivum, potiri debere Ecclesiæ immunitate; & hanc esse probabiliorẽ sententiam, sibi apparere fatetur, cui & ego libenter adhæreo.

Item ipse Lezana *loc. cit. n. 11.* pluribus relatis asserit, quòd excommunicatio Canonis, si quis suadente, extenditur etiam ad defunctos, ita ut percussus Clerici cadaver incidat in illam; & ita doceo in *titul. 89. de excommunic. ob Cler. percuss. ad Inter. 5. cum Tolento*, & Diana, qui etiam plures concordantes refert, quia licet homo mortuus, non sit verè homo, sed potius non homo, aut æquivocè homo; tamen honor, & reverentia, quæ debetur hominibus, præsertim Ecclesiasticis, procedit tam de mortuis, quàm de vivis hominibus, cum etiam mortuis fiat injuria, & violentia, vel honor, & reverentia exhibeatur in memoriâ priuslæ dignitatis. Nam mortuo exhibetur idem honor, qui vivo exhiberetur, *cap. Clericusus de Reliq. & vener. Sancti. in 6.* & id constat ex consensu cõmuni fidelium. Quare respectu honoris, & dignitatis, non minùs honoratur, vel læditur Clericus vivus, quàm mortuus: ergo rectè plures Doctores magni nominis, & auctoritatis, ut Felinus, Boerius, Duennas, Hyppolytus, Tolet, Squillante, Belletus, Naldus, Thefaurus, Villalobos, Sperellus, Diana, Lezana, & alii, asserunt, percutientem Clericum mortuum excommunicationem incurrere &c. Et sic ego hic libenter hanc sententiam doceo, nec me pœnitet illam docere, quia est magis pia, & cõmuni Ecclesiasticorum statui favorabilis, nec non ratione, & auctoritate Doctorum satis munita. Siquidem non consideratur Petrus, vel

vel Martinus Clericus mortuus; sed attenditur, & consideratur privilegium ratione dignitatis Ecclesiasticæ à jure emanatum; sicut non consideratur Ecclesia materialiter, ex mortuis lapidibus ædificata, sed sub ratione formalis, & sic quando fit injuria Ecclesiæ, non censetur fieri lapidibus, ex quibus constat, sed ei, quem repræsentat. Ita in casu nostro, non tantum attenditur injuria, & violentia, quæ fit Clerico mortuo, quatenus fuit Martinus, vel Petrus; sed ea, quæ fit Ordini, & dignitati status Ecclesiastici, quibus erat insignitus: Quare nemo potest huic privilegio renunciare, consentiendo percussioni, ex eo quia non Clerico, sed dignitati Ecclesiasticæ infertur injuria, ut docet Diana p. 9. tr. 4. resol. 9. & habetur ex cap. contringit. 1. de sens. excom. Imò si Clericus se ipsum suadente Diabolo percuteret, in excommunicationem incideret, juxta sententiam Nauar. cap. 15. n. 11. Cajet. verb. excom. s. 10. & aliorum apud Dianam loco cit. resol. 8 & est communis sententia, teste Tolet. lib. 1. cap. 34. nu. 7. & seqq. nam tale privilegium conceditur à Jure ratione excellentiæ status Clericalis in communi, & singulis in particulari, qui nisi propter demerita, vel alia via illud perdant, & viui, & mortui illo fruuntur, ut patet ex dictis; & non sine altera magni ponderis ratione, sibi nota, vel manifesta, tradunt præcitati Doctores, & alii multi, quorum sententia profecto mihi magis probatur, quidquid nunc aliter sentiat Author Cautelæ Confessarii lib. 1. c. 23. propos. 44. nu. 20. dum se retractat ab hac nostra sententia, quam jam satis probabiliter docuerat in Offic. cur. Regul. cap. 23 n. 31. ut clarè, & apertè fatetur.

Quæ. 4. An infidelis quicumque ille sit gaudeat immunitate Ecclesiæ, si ad eam confugiat?

Resp. Si infidelis, ut Judæus, Paganus, Sacerdos &c. tali privilegio frui desiderat, opus est, quoddam verè, realiter, & non simulatè baptismum petat, & fidelis fiat; aliàs sua infidelitate indignum se facit Ecclesiæ privilegio. Ita docent quamplurimi Doctores penes Dianam in locis modo adductis. Verum Divus Antonius, Sylvester verb. Immunitas 3. n. 2. Azorius p. 2 lib. 9. cap. 9. questio 9. Hostiensis, Innoc. alique multi, quos refert, & sequitur Diana p. 1. tract. 1. resol. 22. & in aliis locis infra referendis, absolute tenent, & probant, hujusmodi infideles immunitate Ecclesiæ gaudere, si ad Ecclesiam confugiant, & tali privilegio frui velint; nec esse illis denegandum, quamvis nolint baptismum recipere: & ratio horum est, quia tale pri-

villegium non fuit concessum à jure, & à Summo Pontifice ratione personarum, sed locorum; at privilegia locis concessa, ad omnes personas ibi existentes extenduntur; ergo non est infidelibus denegandum in casibus non exceptis, dum illo frui volunt. Et ut verum fatear, hæc sententia mihi magis probatur, quia fauores sunt ampliandi, & privilegium Ecclesiæ extendendum est etiam ad illos, qui solum timore poenarum, & non zelo fidei, vel Religionis, ad eam confugiunt: Jura enim absolute, & sine distinctione loquuntur, & ubi jus non distinguit, nec nos distinguere debemus; & verba indefinite prolata æquivalent uniuersali, ut habent jura vulgata; undè exceptis casibus in jure expressis, præsertim in Bulla Gregorii XIV. omnes immunitatis privilegio fruuntur. Vide Dianam p. 4. tr. 1. resol. 50. p. 5. tr. 1. resol. 1. v. Natandum etiam, & p. 6. tr. 1. resol. 23. qui pro hac sententia more suo egregie plures Doctores refert, ad argumenta contraria rectè respondet, & tandem ex Barb. asserit, ita fuisse decisum anno 1631. à Sac. Cardinalium Congregatione immunitatis; ergo ab ea non est recedendum.

Quæ. 5. Quot peccata committat immunitatis Ecclesiasticæ violator, & an ad restitutionem teneatur?

Resp. Plura peccata committit; committit enim peccatum mortale sacrilegii, quia gravem injuriam facit loco sacro, ut ait S. Thomas 2. 2. q. 92. art. 3. & alii, quos dat, & sequitur Bonac. 10. 2. de legib. disp. 3. q. 7. pun. 8. n. 1. & tellatur de communi. Insuper peccat contra justitiam, si per vim extrahit delinquentem à loco sacro, & immuni. Siquidem immunitas Ecclesiastica est jus hominibus confugientibus ad Ecclesiam concessum; sed qui contra jus alterius facit, lædit justitiam commutativam; & consequenter tenetur ad restitutionem omnium damnorum, quæ inde patitur delinquens. Secus autem dicendum erit, si aliquis blanditiis, vel precibus rogaret delinquentem, ut è loco sacro securum exiret: nam in tali casu non peccaret contra justitiam, quia volenti, & consentienti non fit injuria; & immunitas, ut rectè docet idem Bonac. loco cit. violatur ob violentiam alteri illatam. Casu verò, quoddam verbis injuriosis, & minis induceret reum ad egrediendum de Ecclesia, puto, quoddam solum esset violator immunitatis Ecclesiasticæ, sed etiam peccatum contra justitiam committeret, & esset excommunicatus, quia excommunicatio incurritur ob violentiam extractionis ab Ecclesia, vel cooperationem ad illam. Reus enim

in tali casu censentur exire ab Ecclesia violenter, scilicet per vim, & metum: ergo sequitur non esse idem, ut de verbis blandis, & precibus, quæ non tollunt omnino voluntarium, licet oppositum videatur innuere Bonacina quoad excommunicationem, ob violentiam non illi illatam; sed id, quod dixi, mihi magis probatur, præsertim si ex timore minarum ab Ecclesia cogatur exire ad vitandum majus, & grave damnum sibi, uxori, aut propriis liberis probabiliter eventurum. Vide in hoc tit. ad Inter. 47.

TITULUS LXXVII.

De Ecclesiæ Pollutione.

Vide tit. de Harib. Eccl. Int. 15. tit. de Præl. Reg. Inter. 17. tit. de Sacril. Inter. 4.

728 Inter. 1. Quando Ecclesia est polluta, censeri debet Cœmeterium esse pollutum; & è contra, quando est pollutum Cœmeterium, quod sit etiam polluta Ecclesia?

Resp. Polluta Ecclesia, polluitur etiam Cœmeterium conjunctum, sed non è contra; & illa reconciliata reconciliatum est Cœmeterium. Em. Sà verb. Ecclesia n. 22. Bonac. de Sacril. disp. 4. punct. ult. n. 21. & alii ab ipso relati. Et ratio est, quia nobilius trahit ad se minus nobile, sed minus nobile non trahit nobilius, ut habetur ex cap. unico de consec. in 6.

729 Inter. 2. Quot sunt illi casus, quibus Ecclesia censetur polluta, & indiget reconciliatione per novam benedictionem?

Resp. Sunt sex. Primò polluitur Ecclesia per injuriosam sanguinis humani effusionem ex vulnere intra eam incusso. Secundò per effusionem voluntariam seminis viri, vel femine, si fiat cum peccato mortali, dummodò fiat manifesta, ut docet Navar. cap. 16. nu. 23. & cap. 27. n. 257. Tertio si sepeliatur in ea excommunicatus vitandus. Quarto sepulto in ea infideli; & tunc etiam parietes radi debent, nisi Ecclesia sit consecrata. Quintò si per Episcopum excommunicatum denunciatum fuerit consecrata, vel benedicta. Quod si benedixit Cœmeterium, aut Altare consecravit, nec in hoc celebrandum, nec in illo ante reconciliationem sepeliendum. Sextò quando major pars parietum Ecclesiæ simul corruunt: Parietum autem diruptione, aut constructione, Cœmeterium non violatur. Verum est tamen, quod in prædictis casibus oportet factum esse notorium per rei evidentiam publicam, aut confessionem ju-

ridicam rei. Ita docet Emm. Sà verb. Ecclesia n. 13. & seqq. & alii ab ipso relati, & est communis sententia. Vide Toletum lib. 5. cap. 8. n. 8 & Lezanam tom. 2. verb. Ecclesia n. 12. qui concordantes refert.

730 Inter. 3. Polluiturne realiter Ecclesia in illis sex casibus in antecedente Responsione numeratis? & quare in facti contingentia reconciliantur Ecclesiæ pollutæ?

Resp. Dico, quod revera Ecclesiæ non polluantur, nisi tantum quoad opiniones hominum, qui eas pollunt; nam quæ sancta sunt inquinari realiter non possunt, ut colligitur ex Glof. in cap. Unico de consec. Eccles. in 6. & docet Zeccus de casibus reserv. cap. 11. de pollut. Ecclesia sub n. 11. fol. mibi 188. Idèd solum reconciliantur ad terrorem Populi, ut à similibus inquinamentis abstineant, ut videntes laici Ecclesiam lavari, quæ non peccavit, cogitent infrà se, quantum pro lotionem peccatorum sit laborandum.

731 Inter. 4. Ad hoc, ut Ecclesia censetur polluta, sufficitne quæcumque delicti notitia, vel debet per Judicis sententiam declaratoriam polluta denunciari?

Resp. Nonnulli, quos dat, & sequitur Diana p. 6. sr. 6. resol. 27. dicunt non sufficere quæcumque delicti notitiam, nec Ecclesiam censendam esse pollutam, donec Judicis sententia declaratum sit Ecclesiam illam esse pollutam: Tamen meo videri saluntur hi Doctores, quia violentia loci sacri non est propriè interdictionum, ut ipsi putant, prout videtur licet apud Dianam loco cit. & sic Decretum Concilii Constantiensis ad Ecclesiæ pollutionem non extenditur. Imò Cardin de Lugo de Euchar. disp. 20. sect. 2. n. 55. in fine, testatur, esse Romæ praxi receptum, ut Ecclesiæ reconcilientur, etiam si violatio denunciata non fuerit per Judicem, & eandem esse praxim aliarum Diocesum, dicunt alii apud Dianam p. 11. sr. 2. resol. 59. & hanc sententiam probabiliorē putat ibidem ipse Diana. Et rectè quidem, quia hæc Romana praxis anteposenda est omnibus Doctorem sententiis, præsertim quia stylus curiæ jus facit, & stylus, & observantia Romanæ Curie servari debet in omnibus aliis curiis, ut resolvit Rota decis. 212. teste Nicolio in Glof. verb. confectio n. 7. ergo &c. Vide quæ dixi suprà ad Inter. 2.

732 Inter. 5. Quænam quantitas sanguinis, vel seminis requiritur, ad hoc ut Ecclesia remaneat violata, & polluta?

Resp. Communis sententia docet, effusionem sanguinis debere esse in quantitate notabili, & non sufficere duas, aut tres guttas, quia effusio propriè largitatem, & abundantiam

tiam significat. Vide Sylvest. *verb. Consecratio* 2. n. 5. §. 2. Navar. *cap. 27. n. 256.* Tolet. *lib. 1. cap. 32. n. 1.* & deducitur ex *cap. Reversimini* 16. *quest. 1.* ibi Glof. in *verb. effusio*. Vide alios Doctores, quos refert, & sequitur Diana p. 6. *tr. 6. resol. 2. §. p. 11. tract. 2. resol. 58.* Et insuper notandum est, quod vulnus debet fieri cum peccato mortali; nam si ob meram defensionem fieret, aut aliunde à culpa lethali excusetur, Ecclesia quidem non censetur polluta, aut violata, ut omnes Doctores fatentur. Restat modò videndum, an id quod dictum est de sanguinis effusione, ut censetur Ecclesia polluta, procedat etiam in alio casu, in quo polluitur ex seminis humani effusione peccaminosa. Diana ibidem respondet, Doctores communiter docere procedere etiam in hoc secundo casu. Sed ab hac communi sententia recedit Pax-Jordanus *tom. 1. lib. 5. tit. 11. n. 109.* cui libenter fatetur Diana se adherere; putat enim Pax-Jordanus, quòd si actus est completus emissionis seminis, sive multum, sive parum sit emissum, sequatur violatio Ecclesiæ; & ita etiam ego puto tenendum, nam sufficit quòd actus luxuriæ sit consummatus, vel per simplicem pollutionem, vel cum tertia persona. Alia plura videnda relinquo apud Pacem Jordanum, & Dianam *locis cit.*

733 Inter. 6. Si quis rixando cum alio in Ecclesia illum percutiat in naribus, ex quibus magna sanguinis quantitas exeat, etne censenda polluta illa Ecclesia?

Resp. Doctores communiter docent non pollui Ecclesiam, quando pueri rixantur, & sanguinem sibi ex naribus eliciunt pugno, vel alapa, quia ut plurimum non fit cum peccato mortali, vel saltem judicatur levis percussio, cum non faciat vulnus; neque attenditur copia sanguinis, quia natus est organum nimium facile ad effusionem sanguinis; licet Pax-Jordanus *tom. 1. lib. 5. tit. 11. nu. 51. in fin.* velit, quòd si gravis esset percussio etiam in illa parte, Ecclesia remaneat polluta. Verùm Diana p. 6. *tr. 6. resol. 24.* absolute tenet cum Marchino *de Sac. Ordin. tract. 3. p. 3. cap. 11. n. 8.* quòd Ecclesia non polluitur, quando effusio sanguinis, etiam lethifera, seu gravis, & in magna quantitate, de naso profunderet pugno, alapa, & similibus, quia natus est organum sanguinis facile ab hac parte fluentis; & hanc sententiam putat esse tenendam, & non quoad pueros tantum rixantes in Ecclesia. Vide Em. *Sà loco cit. eo n. 13. in fine.* Mihi tamen non placet hoc assertum, nam idèò communiter à Doctoribus dicitur non pollui Ecclesiam, quando rixan-

tur pueri, & alter alteri nares percutiat, & multus sanguis fluat, quia non censetur eos mortaliter peccare, nec graviter percutere: ergo quando percussio est peccaminosa, & lethalis, & cum illa conjungitur copiosa sanguinis effusio, Ecclesia proculdubio violatur, nisi quoad pueros tantum rixantes loquamur. Dicendum est igitur, ad polluemdam Ecclesiam non sufficere emissionem sanguinis è naso, ut accidit in rixa puerorum, saltem quando non sufficit ad peccatum mortale, ut ex Grassio, Conincho, & aliis, docet Bonac. *de Sac. q. 4. pun. ult. sub n. 20.*

734 Inter. 7. Quare per sanguinis, vel seminis effusionem non polluitur Ecclesia, nisi effusio contingat intra ambitum internum Ecclesiæ; & violatur immunitas Ecclesiastica, si capiatur delinquens supra tectum, vel in scalis, aut ad januam Ecclesiæ? ut dixi in antecedente ad Inter. 39.

Resp. Dico, ita esse, quia ad effectum pollutionis, cum sit pœnalis, solus internus ambitus Ecclesiæ spectandus est; secus quoad privilegium immunitatis, quod est favorabile, & ita latè interpretandum, per Doctores, quos citat, & sequitur Decianus *lib. 3. consil. 70. num. 19.* & 22. Sperellus *decis. 63. num. 10.* & alii, teste Diana *par. 6. tract. 1. resol. 1. vers. Nec obstat*, propè finem. Vide *Sà loco cit. num. 13.*

735 Inter. 8. Si quis percutiatur in Ecclesia, & non fundat in illa sanguinem, sed extra, remanetne polluta Ecclesia? & quid si percutiatur in Ecclesia, & moriatur extra illam?

Resp. Suarez *tom. 3. in 3. p. disput. 81. sect. 4. cas. 2.* existimat, necessarium esse, ut mors ipsa in Ecclesia contingat, quia aliàs revera non fit homicidium in Ecclesia: Azorius autem p. 1. *lib. 10. cap. 26. quest. 1.* putat, quòd si sanguis minimè fundatur, licet ossa, & membra conterantur, aut frangantur, non idcirco polluitur Ecclesia; & ita etiam docuit Panormitanus in *cap. Proposuit* num. 14. *de consoc. Eccles.* & hos refert, & non impugnatur Diana p. 6. *tract. 6. resol. 26.* Tamen p. 11. *tract. 2. resol. 58.* fatetur esse contra communem id, quod dicunt præfati Autores, idèòque se retrahat, & absolute cum communi sententia tenet, quòd Ecclesia non solum polluitur per ipsum contactum sanguinis decidentis in pavimento, sed etiam per actionem injuriosam, qua causatur effusio, & omnis propria malitia formaliter continetur. Dicendum est igitur, pollui Ecclesiam, si aliquis percutiatur in ea, licet sanguis extra effundatur, vel colligatur in vase, vel percuf-

præparatur ad consecrationem. Ita ex Suarez, Reginaldo, Nugno, Conincho, & aliis, docet Bonac. *de Sacram. quest. 4. pun. ult. sub num. 24. Dian. ubi supra ref. 23. versic. Nota hic.*

742 Inter. 15. Quam poenam incurrit Sacerdos celebrans data opera in Ecclesia polluta?

Resp. Peccat mortaliter, sed non fit irregularis, quia non celebrat cum suspensione, ut putant aliqui apud Dianam *part. 6. sr. 6. ref. 28. & par. 11. tract. 2. ref. 59.* quia talis suspensio solum est imposita contra celebrantes in loco interdicto. Ecclesia autem polluta, non est propriè interdicta: ergo non est faciendi gratis, & sine fundamento talis extensio, præsertim cum versemur in materia poenali, & odiosa, quæ potius est restringenda, quam amplianda, ut aliis relatis firmat ipse Diana, & docet etiam Bonac. *de Sac. disp. 4. pun. ultim. num. 26.* & concordat Lezana *tom. 2. verb. Ecclesia num. 11.*

743 Inter. 16. Si Sacerdos celebret in Ecclesia polluta, estne iterum reconcilianda, quando fuit occultè violata, si postea publicetur?

Resp. Negat Diana, & alii apud ipsum loco citato; sed nec in praxi tutum, sed esse contra communem Doctorum sententiam, & omnino falsum, docet Sayrus *de consil. 5. cap. 16. num. 11.* Dicendum est igitur, in calu proposito esse necessarium Ecclesiam cōsecrare, quia minimè est censenda consecrata ex eo quod, sive bona fide, sive id quod in nullo jure fundatur, sive mala fide quis in ea missam celebraverit. Auditores pro nostra sententia vide apud Leandrum *par. 5. tract. 5. disp. 2.* qui idem docuerat *p. 2. tract. 8. disp. 7. quest. 31.* Plures rationes affert Cardin. de Lugo *de Euchar. disp. 20. sect. 12. num. 62.* quibus omisiss, hac solum sum cōtentus, quæ mihi videtur valdè efficax: Ex opposita sententia, si Ecclesia nondum fuisset consecrata, aut benedicta, dici posset, semel celebrata missa, non indigere alia consecratione, aut benedictione, quia sicut dignitas Sacrificii æquivalet reconciliationi, æquivalet etiam, & præponderat consecrationi, aut benedictioni. Quod tamen asserendum non est, quia reconciliatio pendet ex certa verborum forma, & solemnitate ab Ecclesia instituta, & ita supponunt omnes Doctores, inquit Thesaurus *de panis part. 2. verb. Sacrilegium cap. 5.* addens se vidisse in praxi Romæ servatam nostram sententiam.

744 Inter. 17. Ecclesia polluta à quo debet reconciliari? & Episcopus potestne dare li-

centiam simplici Sacerdoti illam reconciliandi?

Resp. Si Ecclesia erat consecrata, non potest nisi per Episcopum reconciliari cū aqua per ipsum benedicta, scilicet cum sale, vino, & cinere; nec Episcopus licentiam concedere potest simplici Sacerdoti Ecclesiam consecratam reconciliandi, sed solus Papa. Lezana *tom. 2. verb. Ecclesia num. 14.* Ecclesia verò non consecrata potest reconciliari per simplicem Sacerdotem cum aqua benedicta communi, nec est necessaria Episcopi licentia, licet hæc licentia sit conveniens. Vide Pasqualig. *de Sacrif. quest. 604. & 605.* Sylvest. *verb. Consecratio 2. nu. 2.* Dian. *p. 4. sr. 4. ref. 91.* Emmanuel Sà loc. *supr. cit. nu. 20.* qui tamen dicit posse Episcopum licentiam concedere simplici Sacerdoti reconciliandi Ecclesiam consecratam, si fuerit polluta. Idem docent alii apud Dian. *p. 2. sr. 15. vers. 6.* quos meritò ipse refellit. Nota tamen, petendam esse licentiam ab Episcopo, vel ejus Vicario Generali, ex congruentia, ut dixi Vide Bon. *supr. cit. nu. 27.* & Lezanam ubi *supr. nu. 16.* nisi casus esset, quod Ecclesia pollueretur, dum missa incepta est.

745 Inter. 18. Episcopus potestne concedere licentiam, ut in polluta Ecclesia celebretur?

Resp. Potest hanc licentiam concedere, quia potest permittere celebrationem in loco non benedicto, ut docet ex Suarez, Victorius *in addit. ad Emm. Sà verb. Ecclesia num. 23.* Vide Div. Thomam *in 3. par. q. 83. art. 3. ad 2.* & Dianam *p. 11. sr. 8. ref. 23. versic. Non nego.*

TITULUS LXXVIII.

De Ecclesiis.

Vide tit. de Alienat. & tit. de Bannis. Int. 4. 5. tit. de Canon. Int. 1. tit. de Can. Panis. Int. 1. tit. de Cap. Sed. Vac. Int. 2. tit. de Cappellania & Inter. 9. tit. de Card. Int. 1. 2. 3. tit. de Circumstant. per. Int. 22. 23. 24. 26. tit. de Eccles. Imm. Int. 19. 20. 21. 23. 24. 30. 31. 33. 35. 37. 38. 39. 40. 43. 50. 51. 52. tit. de Episcopat. & Int. 6. 57. tit. de Excom. & Int. 1. tit. de Fess. diob. Int. 13. tit. de Oblat. fidel. Int. 1. tit. de Paroc. Int. 27. tit. de Præc. aud. Sac. Int. 7. tit. de Regul. & Int. 12. 14. 15. 33. 34. 35. 36. 91. 99. tit. de Sac. Inter. ult. tit. de Sacrif. Int. 3. 5. tit. de Sepul. par. Int. 4. 5. tit. de Tabac. Int. ult. tit. de Val. Confess. Inter. 21. tit. de Visi. Int. 1.

746 Inter. 1. Possuntne licitè fieri repræsentationes sacræ in Ecclesia?

Resp.

Resp. Affirmat Sylvest. *verb. Ludus sub nu. 2.* nec esse veniale peccatum putat, in Ecclesia representare devota, scilicet, præsepe Domini, & huiusmodi. Imò Angelus *verb. Ludus, n. 1.* ait, quoddam Demonstrationes, quæ fiunt ad honorem Dei, puta Passionis Christi, & vitæ alicuius Sancti, non sunt prohibita fieri in Ecclesiis; idem docent Tabiena eodem verbo q. 4 & Sanchez in *opusc. tom. 2 lib. 1. cap. 8. dub. 24. n. 23.* relati à Dian. p. 4. *tracl. 4. resol. 184.* ubi tamen observat alios Doctores oppositum docere, ut Gavant. in *Enchir. Episc. verb. Representationes sacrae n. 1.* Barbof. de *potest. Episc. p. 2. alleg. 24. n. 25.* & alii. Verùm hoc intelligendum est in casu, quod Episcopus prohibuerit; sed ut omnis evitetur perturbatio, petenda est ab Episcopo licentia, qua matura deliberatione concessa, licite fieri poterunt; aliis fieri non debent, quia ad Episcopum pertinet iudicare, an inconvenientia aliqua accidere possint, necne; & ideo Zerula in *prax. Episcop. p. 1. verb. Representationes*, optimè observat, non immerito aliquos Episcopos prohibuisse, nullibi fieri posse alique eorum expressa licentia.

747 Inter. 2. Ecclesiæ diruta materia potestne licite converti in usus profanos, vel requiritur aliqua licentia?

Resp. Ecclesiæ, præcipuè consecrata, vel Oratoria, Monasteria, & huiusmodi, reverti non debent ad sæculare habitationem, & usus profanos. Sylvest. *verb. Ecclesia 2. num. 7.* Requiritur enim licentia Papæ, licet Emmanuel Sà *verb. Ecclesia num. 2.* putet sufficere licentiam Episcopi, quod quidem mihi non placet, quia secundum Archidiaconum, & alios, Ordinarius non potest concedere, ut partes Altaris, vel Ecclesiæ collapsæ ad usus profanos vendantur. Vide Navarrum de *spot. Clericor. §. 18. numer. 11.* & Viçtorellum in *addit. ad Emmanuel Sà loco citat.* sub *num. ultim.* & Armillam *verb. Consecrat. Eccles. numer. 11.* & *verb. Eccles. num. 8.*

748 Inter. 3. Quibus spectat reficere Ecclesiam vetustate collapsam?

Resp. Si portio reddituum fabricæ Ecclesiæ deputata sufficiat, ex ea reparatio Ecclesiæ fieri debet, *cap. unic. 30. quæst. 3.* & *cap. decernimus 10. quæst. 1.* Abbas in *cap. 1. de Eccles. adific. mun. 3.* & alii. Si autem talis portio non sufficiat, spectat ad Rectorem; & Beneficiarios Ecclesiæ, ad quam collationem etiam Canonici possunt compelli. Quando verò adeat consuetudo, ut populus reficiat Ecclesiam, ab hoc onere liberatur Rector, si ve Curatus Parochialis &c. Tandem puto

posse Parochum collectas exigere à populo, quando Ecclesiæ redditus sufficientes non habet; sed laici ad reparationem Ecclesiæ non possunt compelli, nisi adsit consuetudo; habetur ex *Glof. in cap. quatuor 12. quæst. 2.* & docet Emmanuel Sà *verb. Ecclesia numer. 9.* Item tenetur Parochus, & quivis alius Beneficiarius illius Ecclesiæ, si detractis necessariis aliquid eis superest. Vide Sylvestrum *verb. Ecclesia 2. num. 6.* & Dianam p. 8. *tracl. 7. resol. 16.* à quibus plura haberi possunt ad intentum; & Armillam *verb. Ecclesia numer. 7.*

749 Inter. 4. Estne iterum ab Episcopo reconcilianda Ecclesiæ, quæ per longum tempus steterit absque tecto, & janua, & plena multis spurcitiis?

Resp. In Concilio Niceno relato à Gratiano de *consecrat. distincl. 1.* sic habetur: Ecclesiis semel consecratis Deo non debet iterum consecratio adhiberi, nisi aut ab igne exustæ, aut sanguinis effusione, aut cuiuscumque semine pollutæ fuerint. Quare si eorum nihil sit factum, & nihil contra Temporum reverentiam ab hæreticis admissum, satis erit, si Episcopus his ejectis, Altaria visitet, & an sint integra, tracta, vel polluta, tam oculis ipse, quam aliorum lustrat, lustrata reconciliet asperione aquæ benedictæ benedictione simplici, aut reconciliari per Sacerdotem sua auctoritate, ac nomine curet. Vide Baucium in *Theol. moral. part. 1. traclat. 6. quæst. 17.* apud Dianam *part. 1. traclat. 7. resol. 93.*

750 Inter. 5. Scamna, & sedilia Laicorum posita in Ecclesiis pro audiendis concionibus, possuntne Episcopus, vel Superior Regularium pro suo libitu non amplius illa admittere, remove, vel alia eorum loco apponere, laicis invitis?

Resp. De tali dubio loquitur Diana *part. 10. tracl. 6. resol. 64.* & pro utraque parte refert jura, & Doctores; sed tandem resolvit, jus sedilium in Ecclesiæ esse tantum jus facti, non juris, consequenter posse à Rectore mutari, & auferri pro libitu, non obstante quacumque consuetudine, etiam immemorabili, quia præscriptio non currit sine possessione, & possessio in his non datur propter subiecti incapacitatem. Alia multa, quæ pro hac tuenda sententia adducit idem Diana, hic ne longior sim, transcribere prætermitto. Unde quando casus acciderit, ne deseras videre ipsum; nam. reverè rectè concludit, & luculenter etiam ad objecta satisfacit.

facile. Advertendum tamen est, hujusmodi mutationes non esse facile faciendas; nam ex talibus mutationibus solenturbationes, & lites oriri, sicuti experientia constat.

Quar. Quodnam peccatum committit, qui in Ecclesia delinquit, & à quo Judice puniri debet secularis in Ecclesia delinquens?

Resp. Qui in Ecclesia delinquit, sacrilegium quidem committit: ergo cum sit crimen mixti fori, saltem ratione loci, in quo est commissum, sequitur posse tam secularem Judicem, quam Ecclesiasticum contra talem delinquentem procedere, & illum, qui in captura prævenit punire, quia in criminibus mixti fori datur locus præventioni. Ita docet Farinacius in *Append. de Immunitate Eccles. cap. 16. numer. 236.* & alii ab eo relati, teste Diana *part. 4. tract. 1. resolut. 67.* contra quosdam, quos ibidem citat idem Diana, qui minus rectè quidem asserunt oppositum. Unde notandum est pro praxi, quòd crimen mixtum spectat ad utrumque forum, ut sacrilegium, de cuius pœna etiam Judex laicus cognoscere potest, & illud punire, ut habet *Gloss. in cap. Felicis de panis in 6. verb. audivimus.* Vide Sylvestrum *verb. crimen. num. 2.* Verum est tamen, quòd Judex laicus potest crimen mixti fori laicè punire, quamvis fuerit à Judice Ecclesiastico canonica pœna punitum, habetur ex dicto *cap. Felicis §. præmissi*, & tradunt Panormit. & Felinus, quos allegat Navarrus *tom. 1. lib. 12. titul. de judiciis consil. 1. numer. 2.* Quæ doctrina procedit, quoties crimen est mixti fori, ut suprà dixi, & crimen majorem pœnam meretur; nec Judex Ecclesiasticus potest inhibere Judici laico hujusmodi punitionem, ut videre licet apud Navarrum loco citato. Crimen quid dicatur, vide in *cap. Apostolus 71. distinct. gloss. in cap. peccatum de reg. juris in 6.* De multiplici pœna sacrilegorum, vide *Cod. de Episc. & Cleric. & 16. quest. 4. per totam*, licet ad Confessarios hoc non pertineat, sed ad Judices alios.

TITULUS LXXIX.

De Edictis.

Vide tit. de Denunc. tit. de Fess. dieb. Interrogat. 14. tit. de Regul. Eccl. Inter. 84. tit. de Superfl. Inter. 3.

751 **I**nter. 1. Ex vi Edicti Inquisitorum teneturne quisdenunciare delictum alterius, si ipse fuerit complex ejusdem delicti?

Resp. Doctores communiter docent, quòd nemo tenetur denunciare se ipsum, quia nemo tenetur prodere se, ut habetur *ex cap. aliquando de panis. distinct. 1.* Vide Doctores penes Dianam *p. 1. tr. 4. resol. 8.* Ergo sicut quis non tenetur denunciare se ipsum, ita neque tenetur denunciare alterius delictum, in quo ipse fuerit complex, aliàs virtualiter denunciaret se ipsum. Ita docet Suarez *de fide disp. 10. sect. 4. n. 18.* qui pro se citat Pegnam, & Simancham. Idem sentiunt Megala in *1. par. lib. 1. c. 3. nu. 30.* & Portellus in *addit. ad dub. Regul. verb. denunciatio n. 10.* Limitant tamen hanc sententiam in casu hæresis formalis, ut benè notat Diana *loco cit. res. 9.* quia hæresis, cum sit Reipublicæ perniciosa, facit, quòd quilibet teneatur pro bono communi vitam propriam ponere. Unde Diana *dicta res. 8. circa finem*, testatur, quòd in quadam nostræ Italiæ nobilissima Civitate, doctissimi Theologi obligaverunt denunciare quendam Hæreticum dogmatizantem, & docentem alios hæresim, quamquam ipsi denunciantes fuerint discipuli ejusdem hæretici, & consequenter complices ejus delicti. Sed omninò vide *Interrogat. 7. 8. & 17. tit. 66. de Denunciationibus.*

752 **I**nter. 2. Qui ignoravit Edictum tempore quo ejus terminus currebat, teneturne denunciare statim, ac habuit notitiam illius?

Resp. Dicunt quidam, posse expectare tantum tempus, quantum Edictum designaverat, cum non sit pejoris conditionis, quam alii. Ita Suarez *loco proxime cit. sect. 3. num. 15.* Acugna, Sancius *disp. 11. n. 59.* & Portellus in *dub. Regul. verb. denunciatio sub nu. 3.* apud Lezanam *tom. 2. verb. denunciatio sub n. 8.* Tamen dico, si prævideat se habiturum impedimentum ad denunciandum transacta ea occasione, certò teneri prævenire denunciationem ante impletionem termini designati per Edictum. Inquisitorum, eo modo, quo plures dicunt de obligatione confessionis, vel cõmuniois; nam sicut qui timet, quòd quando obligabit

confessio, non erit copia Confessarii, aut prævidet impedimentum futurum, ut ver. gr. tempore Paschatis Eucharistiam recipere non valeat, aut in die festo audire sacrum hora nona, tenetur anticipare tempus confessionis, communionis, & missæ auditionis; ita tamen pari in casu nostro ex vi juris positivi tenetur prævenire denunciationem ante terminum designatum in *Edicto*. Et hæc quidem sententia est probabilior, & tutior, quam aliis relatis sustinet Dian p. 4. tr. 7. ref. 39. & rectè quidè.

753 Inter. 3. Contrahentes Edictis Episcopi post ejus mortem, vel depositionem ab officio, aut translationem ad aliam Ecclesiam, innodantur Censuris in illis contentis?

Resp. Minimè, quia Edicta sunt leges ab homine, quæ expirant mortuo, vel amoto Conditor, nisi renoventur, & confirmantur sub iisdem poenis à successore, vel à Capitulo Sede vacante, quod in locum Episcopi, quoad ea, quæ sunt jurisdictionis, non dignitatis Episcopalis, succedit. Uginus de *Conf. tab. 1. cap. 47. §. 2. num. 1. & 2.* Franciscus Leo in *Theaur. Fori Eccl. p. 2. c. 10. n. 8.* & alii plures.

TITULUS LXXX.

De Electione, & Electoribus.

Vide tit. de Abbatib. Eccl. Inter. 4. §. tit. de Aetat. Eccl. Inter. 1. tit. de Episcopis. Eccl. Interrog. 38. tit. de Ingr. in Mon. Eccl. Interrog. ultim. tit. de Regul. Eccl. Interrog. 102. tit. de Sigil. Confess. Int. 1. §. tit. de Val. Elect. tit. de Vic. Cap. Inter. 1.

754 **I**nter. 1. Qui in concursu, omisso digniori, eligit dignum, tenetur ad restitutionem?

Resp. Quidquid aliqui dicant, communis opinio, quæ omnino est amplectenda, docet obligationem restituendi oriri, quia in beneficiis Parochialibus continetur implicitè promissio de dando digniori; imò illam expressit Tridentinum *sess. 24. c. 18.* Quæ promissio; cū onerosa sit, habet pactum ultro, citroque obligatorium, sine quo Ecclesia non transfert vices suas collatoribus, & distributoribus, nisi digniori conferat beneficium; & sic distributor, si sic non conferat, meritò censetur esse in fraude, & dolo, ac proinde tenetur fraudato digniori restituere. Ita docet Thomas Hurtadus *tom. 2. controvers. 121. cap. 1. §. 12. num. 1791.* qui fortioribus terminis, & rationibus id rectè probat, ut videre licet sal-

tem apud Dianam p. 11. tra. 4. ref. 35 & hanc sententiam sequitur etiam Gerunda de Episcopo *tom. 2. lib. 6. disp. 12. cap. 4. numer. 4.* quibus adhæret Diana loc. cit. qui fatetur, hanc communiorum esse Doctorum, & rectè quidem; nam eam sequuntur Molina, Barthol. de Medina, Petrus Navarra, Gutierrez, Vasquez, & Fernandez, quos refert, & sequitur Barbosa in *Collect. DD. in Trid. sess. 24. de reform. cap. 18. nu. 127.* Concludendum est igitur, Electores sub poena peccati mortalis, & restitutionis obligatione, teneri digniorem, seu meliorem (illum scilicet, qui muneris, cui præficitur, sit aptior) eligere. Cæterum eligentem dignum extra concursum relicto digniori ad beneficia curata, ad nullam restitutionem teneri, ex amico probabile existimat A Idem Diana ubi *suprà in principio resolutionis*: sed teneri ad restitutionem, docent, & rectè, septem graves DD. quos refert ipse Diana p. 3. *traff. ref. 53.* dicens, esse commune Thomistarum cum Villalobos, qui etiam citat Arragon. & Convaruviam. Vide etiam Toletum *lib. 5. cap. 78. sub nu. 2. vers. Secundum etiam est*. Sed vide omnino ea, quæ dicam ad Inter. sequentem in fine cum D. Thoma 2. 2. *quest. 63. ar. 2.* & aliis ibidem relatis.

755 Inter. 2. Peccantne mortaliter, qui conferunt Beneficia Ecclesiastica minus dignis relictis dignioribus? vel illa conferunt indignis?

Resp. Dico primò, quòd conferre Beneficia indignis, illis scilicet, qui non habent qualitates requisitas ad ministeria, ad quæ ipsa instituantur, est peccatum mortale contra iustitiam saltem distributivam, qua communia debent distribui secundum merita personarum. Poenæ autem, quæ canonico iure indigni electioni, & collationi decretæ sunt, videri possunt in *cap. cum in cunctis de elect. cap. grave nimis de praben.* Vide Toletum *lib. 5. c. 78.* Lezanam *tom. 2. verb. Beneficium num. 13. & tom. 1. par. 2. cap. 11. num. 21.* & adverte, quòd collatio beneficii facta indigno, in utroque foro est nulla; ideoque perceptos fructus, & damna ea collatione illata restituere tenetur Ecclesiæ, cui damnum dedit, non autem digno; licet quidam dicant Ecclesiæ, & digno restituendum esse; & hoc mihi magis probatur, ut ex Petro Navarra, & aliis, docet Vitorrellus in *addis ad Emmanuel Sà verb. Beneficium sub num. 32. & 42.* Dico secundò, dare beneficium simplex digno, relicto digniori non est peccatum mortale; secus si sit beneficium curatum, teste Emmanuel Sà ubi *suprà qu. 24.* & aliis communiter. Unde in beneficiis habentibus curam animarum, eligere dignum

gnum prætermisso digniori, semper est peccatum mortale, ex duplici capite, scilicet ex defectu debitæ fidelitatis, & ex defectu proportionis, quam requirit iustitia distributiva, ut rectè docet Diana *par. 1. tr. 4. ref. 34. vers. Verum his non obstantibus*; & hæc est sententia Divi Thomæ 2.2. q. 63. *art. 2. & qu. 185. art. 3.* & ibi Cajetanus, & alii Expositores. Vide Toletum loco *supra* citatis, *vers. secundum etiam est*, & Lezanam ubi *supra* eo n. 13. citato, qui benè addit ex Div. Thomæ dicta q. 63. *art. 2.* dignitatem, vel majorem dignitatem personæ censendam esse non absolute, sed in ordine ad Ecclesiæ commoditatem, ita ut qui aptior est ad illud, dignior censetur, & qui ineptus, reputetur indignus, licet in aliis qualitatibus præcellat. Notandum est cum Toletus, quod excessus percipi debet; nam si est parvus, aut non benè dignoscitur, nullum adest inconveniens, maxime si speratur major futura dignitas probabiliter, quam sit in præsentia. Dico tertiò, probabilis est etiam esse peccatum mortale dare beneficia simplicia, (quæ nullam etiam mediatam habent curam animarum) dignis, omisiss dignioribus. Ita Sanctus Thomas 2.2. *qu. 63. art. 2.* & aliis in locis, Sanctus Antoninus, Cardinalis Turrecremata, & Cajetan. alique viginti quinque Doctores, quos refert, sed non sequitur Sanchez *in episc. tom. 1. lib. 2. cap. 1. dub. 23.* qui tamen pro se allegat novem Doctores. Ratio nostræ assertionis est, quia beneficia, etiam simplicia, instituta sunt, saltem, ut præmia meritorum; sed contra iustitiam distributivam operatur, qui ea non distribuit pro meritis: ergo &c. Vide Cajet. *in sum. verb. Personarum acceptio, & ad Inter. sequentem.*

756 Inter. 3. Electores tenenturne sub pœna peccati mortalis eligere digniores, & electio digni, omisso digniori, estne valida? & estne idem dicendum de Prælati Regularium?

Resp. Certò sub pœna peccati mortalis tenentur eligere digniores, seu meliores, ut alibi me dixisse memini. Vide *ad Inter. 1. & ad Inter. proximè antecedentem.* Tamen electio de digno facta, non est irrita ipso jure, nec venit irritanda, quamvis illicitè peracta sit, quia multa fieri prohibentur, quæ tamen facta tenent, de *reg. juris* in 6. Vide Doctores, quos ad satietatem refert Barbof. *de offic. Parochi par. 1. cap. 2. nu. 98.* Vide Sanctum Thomam 2.2. *quest. 63. art. 2. in corpore*, & ibi Cajetan *in fin. Navar. cap. 17. nu. 72.* Reginald *in praxi lib. 30. tract. 3. n. 195.* Dianam *par. 2. tract. 5. resol. 40.* qui plures concordantes adducit, & asserit

esse communem sententiam. Regulares etiam tenentur ad officia eligere digniores secundum communionem sententiam; quia Prælati Regulares, & cætera officia sunt veluti Beneficia Ecclesiastica, ac proinde etiam in illis militat ratio naturalis, & dispositio juris, ut elegantur digniores. Ita Navarrus *lib. 2. de rescript. cap. 2. n. 159.* Reboll. *par. 1. lib. 3. qu. 4. conclus. 5.* Turrrianus *tom. 2. in 2. 2. disp. 22. dub. 4. nu. 1.* Portellus *in dub. regul. verb. electio num. 6.* apud Barbof. loco citat. & apud Dianam *par. 2. tract. 15. resol. 6.* & *par. 5. tract. 14. resol. 11.* & *par. 11. tract. 4. resol. 37.* quibus addo Pacem Jordanum *tom. 1. prælud. 12. num. 27.* ubi plura videri possunt ad intentum. Vide etiam Lezanam *tom. 2. verb. electionum. 152.* & *153.* & *verb. Beneficium sub num. 13.* & *tom. 1. par. 1. cap. 15. numer. 12.* & *13.*

757 Inter. 4. Daturne aliquis casus, in quo liceat dare beneficium digno, relicto digniori?

Resp. In duobus casibus id esse licitum, affirmat Toletus *lib. 1. cap. 78. num. 3.* dummodo Beneficium curam animarum annexam non habeat. Primus casus est in beneficiis Patrimonialibus, in quibus distribuendis non est peccatum relinquere digniorem, si extraneus sit, & eligere civem dignum. Secundus casus est de beneficiis, quæ quis de rebus propriis instituit, & vult dari iis, qui sibi sunt cognati, aut de ejus familia, ut patet *ex capite Monasterium 16. q. 7.* Talia igitur beneficia licitè possunt conferri cognato digno, relicto non cognato digniori. Cæterum tam in primo, quam in secundo casu, nunquam licitum est dicta beneficia indigno conferre, cum sit intrinsecè malum, contra iustitiam, & rectam rationem.

759 Inter. 5. Possuntne Cardinales in electione Papæ, sine scrupulo, eligere dignum prætermisso digniori?

Resp. Cardinales sicut cæteri electores tenentur in conscientia eligere digniorem in Papam, ex gremio tamen Sac. Collegii, ut latè probat Castellinus *in tract. de elect. cap. 10.* teste Diana *par. 5. tract. 2. resol. 85.* Nam eligendus in Prælatum Ecclesiasticum duobus debet pollere virtutibus, ut rectè docet Cajetan *in sum. verb. Electio.* Prima est, quod sit bonus, hoc est sine peccato mortali Secunda, quod sit melior cæteris cognitis, qui possit eligi, & haberi. Melior autem non quantum ad bonitatem vitæ, sed quantum ad illud regimine nunc, & hic respectu talium ovium, & reliquis particularibus occurrentis pensatis: & si scienter omittatur, est peccatum: & ratio

ratio est, quia existens in peccato mortali, non est dignus Prælatione Ecclesiastica, postponere digniorem minus digno, non est sine crimine acceptio personarum, dum persona præponitur causæ. Vide Sanctum Thom. 2.2. quæst. 63. art. 3. Bannes quæst. 63. in 2.2. art. 2. c. 1. Sylvestrum verb. Electio 1. n. 18. & Emm. Sâ eodem verb. num. 8. Verum est tamen, quod quando pars sufficiens ad electionem vult dignum in Papam eligere prætermisso digniori, tunc minor pars tuta conscientia potest se conformare cum majori, ut ex Villalobos, Valero, Riccio, Joan. della Crux, & Sylvio, firmat Diana loco cit. & de hoc ego non dubito; quia tunc peccatum mortale est, quando minor electorum pars concurret cum majori ad electionem indigni, cum electio indigni sit intrinsecè mala, ut videre est apud Dianam par. 10. tract. 13. resol. 31. Vide infra ad Inter. 9. & Lezanam tom. 1. par. 1. cap. 15. sub nu. 14.

759 Inter. 6. Qui jus habent conferendi beneficia per provisionem liberam, ut Summus Pontifex, & quidam Principes sæculares ex privilegio, tenenturne eligere digniores.

Resp. Non teneri eligere digniores, nisi in promptu sint, sed sufficere eligere dignos, docet Reginaldus tom. 2. lib. 30. tr. 3. cap. 34. dub. 14. n. 197. Sed Lessius de just. lib. 2. cap. 34. n. 64. probabilius tenet, quod qui liberè conferunt beneficia, graviter peccent, si digniores prætermittant, sive sit Papa, sive Princeps sæcularis; non enim sunt Domini Beneficiorum, sed Æconomi. Ita Lessius. Hanc sententiam probabiliorē, ac tutiorem esse puto; quia docet Sanctus Thomas 2.2. quæst. 63. art. 2. ad 2. cum Cajetan. Aragonio, Salono, & Bannes, ut electio non possit impugnari in Foro judiciali, sufficit eligere bonum, nec oportet eligere meliorem, quia si omnis electio posset habere calumniam: sed ad conscientiam eligentis necesse est eligere meliorem; dimittendo autem digniorem sine causa debita, violatur iustitia distributiva, ex qua beneficia sunt bona communia, & præmia meritum, & sic committitur peccatum acceptio personarum, quod est mortale ex genere suo. Vide Sylvestrum verb. acceptio personarum n. 2. & 4. Unde distributores spiritualium dignitatum, seu beneficiorum Ecclesiasticorum, semper debent tribuere meliori, ad evitandum hoc peccatum. Vide Dianam par. 8. tr. 7. resol. 83. Quot modis verò quis melior dicatur, docet ex Div. Thoma idem Sylvestrum loco citat. & Emmanuel Sâ verb. Electio sub nu. 13.

760 Inter. 7. Patronus laicus ad Parochialem sui Jurispatronatus teneturne præsentare digniorem, vel sufficit, ut præsentet dignum, & idoneum?

Resp. Doctores non conveniunt; quidam enim dicunt, Patronum, qui non est primus Beneficii fundator, debere digniorem præsentare, quia & ipse debet servare modum debitum in beneficiis distribuendis, quod est eligere digniores. Hos Doctores refert Barbosa in Collect. ad Trident. sess. 24. de reform. cap. 18. n. 152. & Diana par. 2. tr. 15. ref. 37. Alii verò, cum quibus tenent Barbosa, & Diana loc. cit. pu tant, quod Patronus laicus non teneatur præsentare digniorem etiam quoad Beneficia curata, quia Tridentinum loco cit. solum vult, quod præsentatus a Patrono examinetur, & repertus idoneus admittatur: ergo cum Concilium non ardeat Patronum laicum ad præstandum digniorem, neque nos ardere debemus. Quid ego sentiam, dicam breviter: sequendam existimo primam sententiam; nam hoc jus, quod ipsi Patrono competit à Jure, ea conditione concessum est, ut ipsi tantum incumbat, quod Episcopo, aut alii Prælato incumbat; sicque necessarium non erat, ut Concilium Trid. id exprimeret, quia ad conscientiam eligentis necesse est eligere meliorem, tum maxime cum discretio Judicio debeant Ecclesiastica officia personis magis idoneis dispensari. Vide Azorium par. 2. lib. 6. cap. 21. quæstio 5. & Sylvest. verb. Acceptio personarum num. 1. & 2.

761 Inter. 8. Si Elector alicujus Beneficii Ecclesiastici inclinet ad eligendum indignum, vel minus dignum, potestne licitè dignior pretio redimere hanc vexationem? & quid si facta fuerit collatio?

Resp. Non potest, quia est simonia redimere pecunia vexationem, dum quis tantum habet jus ad rem. Facta verò collatione Beneficii, si quis injustè impediretur accipere possessionem, puto esse tunc licitum pecunia hanc redimere vexationem; quia habet jus in re acquisitum per collationem Beneficii. Vide Sanchez in quæst. rem. 1. lib. 2. cap. 3. dub. 30. n. 11. Dianam par. 4. tract. 4. ref. 152. & par. 5. tract. resol. 12. & 13. & Emm. Sâ verb. Simonia sub n. 2.

762 Inter. 9. Peccatne mortaliter dignus, si acceptat officium, cognoscens in electione prætermisum esse digniorem? & potestne licitè retinere officium?

Resp. Dummodò canonice fuerit electus, potest licitè acceptare officiū, ad quod eligitur, etiam si credat alium esse digniorem. Et ratio est,

est, quia ipse non est Iudex in illa causa, & debet credere Electores rem bene pensasse. Ita Sygismundus de Bononia *tract. de elect. dub.* 34. post plures alios, teste Lezana *to. 1. p. 1. c. 15. n. 12. in fine*, & concordant alii plures, quos refert, & sequitur Diana *p. 5. tr. 2. resol. 85. vers. Verum &c.*

763 Inter. 10. Qui fuit canonicè electus ad aliquod officium, teneturne illud acceptare, vel debet potius illud renunciare?

Resp. Potest quis laudabiliter considerans proprium defectum, ex humilitate officium Prælationis recusare; potest etiam laudabiliter consentire, ex charitate fraterna, ut salutem proximorum procuret: sed quia valde difficile est purgatum se quolibet posse cognoscere, prælationis officium tutius declinatur; non tamen pertinaciter, cum ad suscipiendum hoc Superna Voluntas agnoscitur. Ita docet ex D. Thomas Sylvestre *verb. Electio 1. n. 23. prope finem*. Quare si illi à Superiore præcipiatur, aut aliàs sequeretur notabile Ecclesiæ, vel Religionis damnum, dissentire sine peccato non potest. Emmanuel *Sæ eodem verb. nu. 12.* Concludendum tandem esse puto cum Lezana *p. 1. tom. 1. cap. 15. n. 23.* Quod eo ipso sic canonicè electus, debet credere electionem esse juxta voluntatem Dei, & sic melius facit assentiendo. Si autem indignum, & insufficientem se existimat, potest electioni renunciare: sed non pertinaciter, ut docet Sanctus Thomas *Quodlib. 5. art. 23. ex mente Sancti Gregorii Papæ in Pastoralis*: & si per obedientiam cogatur, omnino acceptare tenetur, etiam si credat futurum, ut sapiens peccet; dummodo id non intendat, & procuret pro posse semper placere Deo. Ita Lezana ex Valentia *tom. 5. disp. 10. quest. 3. punct. 3. asser. 6.* Vide Armillam *verb. Electio numer. 37. & verb. Episcopus numer. 1.* qui citat D. Thom. 2. 2. q. 185. *art. 2.*

764 Inter. 11. Potestne quis licitè in Capitulis pro se, vel pro aliis vota vel suffragia procurare?

Resp. Nequaquam hoc est licitum; ideòque cavere debent omnes à directâ, vel indirectâ vocum, seu suffragiorum procuracione tam pro se ipsis, quàm pro aliis; nam si secus faciant, præter alias pœnas, & censuras à sacris Canonibus contra hujusmodi ambientes inflictas, in pœnam privationis officiorum, quæ obtinent, eo ipso incidunt, & ad futura quæcumque pariter inhabiles habentur, nec ab ullo possunt dispensari, nisi à Summo Pontifice. Imò supradictas pœnas in-

currunt complices, & simplices scientes, & non revelantes. Ita habetur ex decretis Clem. VIII. *pro reformat. Regul. approbatis à S. Congregat. jussu Urbani VIII.* Vide Lezanam *tom. 1. par. 1. cap. 15. à nu. 24.* & ea quæ dicam in hoc titulo ad Interrog. 13. & in titul. 180. de Regularibus, seu Religiosis, ad Inter. 76. & 102.

765 Inter. 12. In Electionibus si feratur votum album, vel sub conditione, vel personis incapacibus, debetne numerari tale votum, aut haberi debet pro non adjecto, itaut qui à majori parte aliorum votorum fuerit electus, ritè sit electus?

Resp. Inter vota eligentium non computantur vota conditionata, vel inutilia, ut si personæ inhabiles eligerent, & ab activa voce omnino exceptæ; aut si in scrutinio per schedulas celebrato reperitur aliqua schedula alba; nam hujusmodi vota, & suffragia haberi debent pro non adjectis, & totum jus electionis remanebit in reliquis electoribus; itaut illud, quod ipsorum major pars statuerit erit firmum, & validum, ac si alii ex Capitulo, seu Collegio nullatenus essent. Ita Castellinus de election. *cap. 5. n. 4.* Sigismundus de Bononia *item in tr. de elect. dub. 29.* Lavorius *tr. 4. c. 19. n. 64.* Miranda in man. *Prelat. apud Dianam*, & colligitur ex *cap. in electionibus de elect. in 6.* & consentit idem Diana *p. 8. tr. 7. resol. 77.* Vide etiam Lezanam *tom. 1. par. 1. cap. 15. num. 16. & 18.* qui alios concordantes adducit.

766 Inter. 13. Possuntne licitè Electores ante electionem habere tractatum consultatorium de qualitatibus eligendorum?

Resp. Utique possunt, quia hoc est conforme juri naturali: necessariumque est enim, ut electores noscant virtutes, & vitia eligendorum; unde est licitum interrogare, & respondere simpliciter de qualitatibus eligendorum; nulla tamen adhibita persuasione, aut inductione; servata insuper justitia, charitate, & veritate, & cum recta intentione, scilicet quòd digniores cæteris præferantur. Cæterum si quis talem tractatum efficeret per se ipsum, aut per alios pro sua electione, esset tractatus ambitiosus, ideòque prohibitus, ut partialis, conventionalis, & conditionalis &c. Caveant igitur Religiosi, ne practicas vulgò dictas facere audeant pro se, vel pro aliis, suffragia, seu vota procurando, præsertim precibus, vel donis, aut minis, quibus postea nullæ reddi possunt electiones; quia ultra peccatum gravissimum, quod tunc committunt, subjiciuntur gravissimis pœnis, ut

ut dixi supra ad Inter. 11. Vide Lezanam 10. 1. p. 1. c. 15 sub n. 24. & Dian. p. 2. r. 16. ref. 35. *præcipue* §. Patet igitur, & p. 11. r. 4. refol. 37. *vers.* Vide etiam, qui alios concordantes referunt.

767 Inter. 14. Potestne aliquis ex electoribus ejici à Capitulo sub prætextu alicujus inhabilitatis, antequam sententialiter sit declaratus inhabilis?

Resp. Dico, nullatenus excludi posse sub prætextu alicujus delicti, aut censuræ, etiam causa pendente, nisi prius fuerit per sententiam condemnatus; quia ante sententiam in foro externo pro habili habetur, ut docent Hostiensis, Joan. Andreas, & Felinus in cap. *minime de accusat.* Castellinus de elect. cap. *Prælat.* cap. 5. nu. 1. licet ipse mortaliter peccet, quia cum inhabilitate, quamvis occulta, accedit ad electionem non dispensatus. Vide Lezanam tom. 1. p. 1. cap. 5. n. 5. & p. 2. c. 12. n. 30. & Leandrum à Murcia apud Dianam p. 10. tract. 13. refol. 30.

768 Inter. 15. Quinam sunt ii, qui non possunt de jure communi eligi, aut eligere?

Resp. Eligi non possunt in Prælatos Religionum, qui non sunt expressè in illa professi; nec infames, seu notoriè prævi, nec excommunicati excommunicatione majori; nam de excommunicatis minori excommunicatione valet electio secundum aliquos, sed potest annullari. Item nec suspensi, interditi, aut qui interdictum non servaverunt, qui non sunt legitime nati, aut debita ætatis, vel sufficientis literaturæ, & tandem neque irregulares. Item eligere non possunt excommunicati excommunicatione majori, suspensi ab officio, nec qui scienter celebraverunt in loco interdicto, nisi habeant privilegium; irregulares, & tandem voce privati. Vide Sylvestrum verb. *electio* 1. q. 4. Emmanuel Sà eodem verb. n. 1. 2. & 3. Lezanam p. 1. tom. 1. cap. 15. n. 5. & 25. cap. 18. n. 5. & alios, quos citat ipse Lezana. Et quamvis quidam dicant, irregulares non esse privatos jure eligendi, ut inter alios docet Bonacin. de conf. disp. 7. q. 2. p. 4. n. 18. tamen non est communis sententia, ut dicit ipse; nam Passerinus de elect. cap. 10. n. 102. pro affirmativa sententia, quam ipse non sequitur, septem graues refert Auctores, & resolvit, quòd aliqui irregulares non possunt eligere, ut in casu celebrationis in loco interdicto, & in casu, quòd quis sit infamatus, vel condemnatus de homicidio: licet neque in his casibus privatio activæ vocis sit ex vi irregularitatis; sed vi pœnæ adjunctæ, quæ in illis casibus locum habet. Ita docet ibidem nu. 105. & num. seq. ait, quòd

dato, irregulares non posse validè eligere, hoc esset intelligendum de irregularibus denunciatis, & non toleratis: & tandem nu. 107. concludit, quòd in Ordine Prædicatorum irregulares sunt privati activa voce, consequenter eligere non possunt. Quare in casibus occurrentibus videndus est idem Passerinus, qui certò optimè tale dubium resolvit. In nostra autem Congregatione irregulares non possunt eligi, nec alios eligere, ut expressè habetur in Conf. p. 3. cap. 1. n. 3. Vide tit. de Infam. Inter. 6.

TITVLVS LXXXI.

De Eleemosyna.

Vide tit. de Cleric. Etc. Inter. 18. tit. de Cencion. Etc. ad quas. 3. & 4. tit. de Hæres. Etc. Inter. 10. tit. de Largit. Mun. Inter. 1. tit. de Oblat. fidel. tit. de Pensionar. Etc. Inter. ultim. tit. de Regul. Etc. Inter. 37. tit. de Res. accep. Inter. 1. 9. 10. tit. de Susp. de Har. ad quas. 2. tit. de Vos. Inter. 18. tit. de Vor. Inter. ult.

769 Inter. 1. Peccantne mortaliter Episcopi, & alii habentes Ecclesiasticæ Beneficia, si superflua honestæ sustentationis non dant pauperibus?

Resp. Certò mortaliter peccant; nam Doctores communiter docent, totum, quòd superest Episcopo, & Beneficiario post suam congruam sustentationem, expendi debere in pauperes, & alia pia opera. Nam Sac. Canones Ecclesiasticorum bona, *Patrimonium Dei appellant;* & idè in Ministrorum Dei sustentatione, & piis operibus infundenda sunt, & absurdum est existimare, non esse contra intentionem, & iustissimam voluntatem Ecclesiæ, quòd hæc accipiantur, ut prodige, & vanè infumantur. Unde si grauitur peccant sæculares, qui cum possint commodè, egentibus non subveniunt, multò magis Ecclesiastici, qui superflua honestæ sustentationi non dant pauperibus, maxime quia, ut inquit Tollet. lib. 8. c. 25. in fine, superfluum magis invenitur in Ecclesiasticis personis, quæ cum non habeant filios, & filias, non ita indigent, ac Sæculares, & cum ipsorum etiam viqus, & vestitus majorem requirat modum, & modestiam. Vide Azor. tom. 2. lib. 12. cap. 11. qu. 1. in fin. Emmanuel Sà verb. *Eleemosyna* num. 3. & præsertim Dian. part. 4. tract. 4. refol. 214. & part. 5. tract. 8. ref. 31. & part. 8. tract. 7. refol. 12. Nam, ut semper solet, varias refert Doctorum opiniones. Vide

Vide pro hac noſtra ſententia Campionum *p. 2 cap. 12. n. 13.*

770 Inter. 2. Peccantne mortaliter divites, qui habent ſuperflua, & non præbent eleemofynam in gravi neceſſitate pauperum?

Reſp. Quodd in ſæcularibus, etiam in Regibus, vix inveniatur ſuperfluum ſtatuī, & vix aliquis teneatur ad eleemofynam, quando teneatur tantum ex ſuperfluo ſtatuī, ut docuere quidam apud Dian. *part. 2. traſſat. 16. ref. 26. c. 1. Quæſt. 1. et part. 4. c. 1. ref. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.* jam meritò, tamquam ad minus ſcandaloſum, fuit reprobatur ab Innocent. XI. Anno 1679. ut patet ex propoſitione 12. ibi damnata: hoc ergo prænotato, dico, quodd peccant mortaliter divites, qui ſaltem ex ſuperfluis non ſuccurrunt pauperibus, non ſolum in extrema, ſed etiam in gravi neceſſitate exiſtentibus. Ita Sanct. Thom. *in 4. diſt. 15. qu. 2. art. 1. quæſt. unic. 3. D. Antoninus 2. par. cit. 1. cap. 24. §. 4. Ricardus, Sylv. Tabiena, Armilla, & Medina, quibus ſubſcribit Tolet. lib. 8. cap. 35. & alios plurimos reſert Dian. part. 5. c. 1. ref. 14. & teſtatur de communi. Verum eſt tamen, quodd non teneatur inquirere pauperes, ſed ſolum miſereri occurrentibus: Epifcopi verò, & quivis alius ſuperior, præſertim Eccleſiaſticus in ſua ditione, ultra hoc teneatur inquirere neceſſitates pauperum, ut eis ſuccurrant; alijs nam ſatisfaciunt præcepto. Ita Tolet. loco cit. in fin. & alii plures, & præſertim Bonac. *de præcept. decal. diſp. 3. qu. 4. par. 6. nu. 8. & 10.**

771 Inter. 3. Teneturne quis in extrema neceſſitate indigenti dare eleemofynam, non ſolum titulo charitatis, ſed etiam lege juſtitiae?

Reſp. Affirmativam partem tenent Spino, Petrus Nauarra, Alex. de Ales, Turrecremata, Aragon. Cajetan. 2. 2. quæſt. 118. art. 3. & alii apud Dianam *part. 5. c. 1. ref. 2.* Oppoſitum tamen dicendum eſt, nempe in caſibus neceſſitatis proximi ſolum ex charitate, & non rigorofa juſtitia, teneri quom ad faciendam eleemofynam; & ita tenet major Theologorum pars, ut teſtatur, & ſequitur Leander *par. 6. c. 1. diſp. 2. quæſt. 5.* referens pro hac ſententia 28. Doctores. Probat, quia neceſſitas etiam extrema non facit, ut hujusmodi res ſint de dominio indigentis, quandoquidem in tali neceſſitate dominio harum rerum non indiget, ſed uſu; ac proinde res tales non efficiuntur ſuæ in tali caſu, & conſequenter dives non peccabit contra juſtitiam illas denegando in tali indigentia. Imò ex quo jure omnia ſunt communia, ſit, ut jure naturæ

Tom. I.

res divitis non ſit propria ipſius pauperis potiùs, quàm divitis eam poſſidentis. Alias rationes vide apud Joan. Medianam *Cod. de reſtit. quæſt. 37.* Nec obſtans primò, divites poſſe cogi ad dandam eleemofynam. Secundò, Sanctus Thomas 2. 2. quæſt. 114. art. 4. agnoſcit debitum legale, ex quo divites obligantur ad ſuperflua pauperibus eroganda. Tertiò ex SS. Baſilio, Ambroſio, & Auguſtino, dives negans neceſſaria extremè indigenti, non aliter peccat, quam ſi ea furatus eſſet, aut tunc non eſt talium bonorum juſtus poſſeſſor. Nam *Reſp.* ad primum, cum adminiſtratores Reipublicæ ſuorum ſubditorum curam habere debeant, ſuperiorem poſſe compellere ſubditos, ut teneant legem juris naturæ, & charitatis, etiamſi ad eam non obligentur ex juſtitia. Ad 2. *Reſp.* Angelicum Doctorem ibi per debitum legale, ſolum intelligere id, quodd eſt debitum ex lege, quæcumque ea ſit, ut ipſe Sanctus Doctor clare ſe explicat 2. 2. qu. 80. art. 1. in corp. Voluit igitur ſignificare Sanctus Magiſter in illis caſibus, de quibus loquebatur, eſſe verum, ac propriè dictum debitum, etiam ſub reatu peccati mortalis, quodd aliquando non ſignificat ſtriſſam obligationem, ſed tantum decentiam, & honeſtatem, ut docet 2. 2. qu. 114. art. 2. in corp. & qu. 117. art. 5. ad 1. quomodo amicitia, & liberalitas attendunt debitum. Ad 3. dico, SS. Patres loqui per exaggerationem, non quia poſſent non eſſe horum etiam ſuperfluum dominos, ſed quia non ſunt domini, niſi cum onere expendendi illa in uſus pauperum. Dicunt ergo, divites eſſe ſpoliatores, aut non eſſe juſtos poſſeſſores, quia retinent id, quodd debetur pauperibus, & quidem ſub mortali; ac proinde verè obligantur illud diſpenſare, & parùm reſert, unde naſcatur ea obligatio, an ex juſtitia, an ex ſola charitate. Concludendum eſt igitur, eum qui videns pauperem in neceſſitate extrema, non impertitur ei eleemofynam, cum poſſit, licet peccet mortaliter contra charitatem, non teneri tamen ad reſtitutionem, cujus obligatio oritur ſolum ex violatione juſtitiae particularis, non autem ex violatione juſtitiae legalis, quæ eſt juſtitia generalis.

772 Inter. 4. Si aliquis in extrema neceſſitate conſtitutus tibi diceret, Ego volo me interficere, aſſi mihi des decem aureos, & de ſacto vult ſe occidere; teneriſne illos aureos ei dare, ut non ſe occidat?

Reſp. Quodd iſte talis velit ſe occidere, niſi habeat à me decem aureos, provenit ex culpa ſua, licet in extrema reperitur neceſſitate opus autem nō eſt, ut ſe occidat in tali neceſſitate

N

ſitate

itate positus: ergo non ob id ei dare teneor, quod petit, ut rectè docet Tolet *lib. 8. cap. 34. sub num. 2. & alii*. Sed vide in *tit. 55. de Debito ex contractu, ad Int. 3. & in presenti tit. ad Interrog. seq.*

773 Inter. 5. Si latro minetur Titio mortem, nisi det sibi decem nummos aureos, quos non habet: teneturne alter qui habet, illos ei dare, ut non occidatur à latrone?

Resp. Utique sub mortali tenetur, quia Titius dicitur esse in extrema necessitate: nam hæc necessitas constituit eum in periculo mortis probabiliter. Bonacin. *de præcept. decal. disput. 3. quæst. 4. punct. 6. sub num. 4. & favet etiam Dian. part. 5. tract. 8. ref. 7. præp. finem.*

774 Inter. 6. De necessariis simpliciter ad vitæ propriæ, aut familiæ conseruationem, teneturne quis alteri succurrere necessitate extrema laboranti?

Resp. Nullus tenetur vitæ alterius succurrere cum dispendio suæ vitæ, aut parentum, filiorum, vel familiæ, ut omnes Doctores sententur, teste Tolet *lib. 8. cap. 34*. Sed quilibet tenetur, de superfluis vitæ, naturæ, & statui, facere eleemosynam proximo, etiam extra necessitatem ipsius extremam, vel quasi extremam. Verùm si loquamur de necessitate extrema Communitatis, seu publicæ personæ, valde necessaria: Republicæ, à qua bonum commune Ciuitatis dependet, aut exercitus; tunc certò potius huic, quàm sibi succurrendum esset, non solum dum extrema, verùm etiam dum graui necessitate laborat; nam bonum publicum præferendum est priuato, & proprium bonum negligere quisque tenetur; ut docet Sanctus Thomas 2. 2. *quæst. 32. art. 6.* & alii, quos refert, & sequitur idem Tolet. loc. cit. & aliis relatis tenet etiam Bonac. *loc. prox. cit. sub num. 11. vers. in Resp. pos. & c.*

775 Inter. 7. Ex bonis necessariis ad decentiam status, & non necessariis ad vite conseruationem, teneturne quis facere eleemosynam in extrema necessitate exilienti?

Resp. Plurimos Doctores pro parte affirmatiua refert Dian. *par. 5. tr. 8. ref. 7.* & hoc procedit, etiam si ex opitulatione patiat aliquod damnum in dignitate, & fultu externo; & hanc esse communem sententiam, testatur Toletus *lib. 8. cap. 34. num. 2.* & ait, quòd potius homo debet facere iacturâ decentiæ status sui, & minuere se, & restringere, quàm quod alius moriatur ob defectum eleemosynæ ab ipso faciendæ; & hoc mihi videtur tenendum, quicquid alii apud Dian. *videm*,

et par. 2. tract. 16. ref. 26. in contrarium sentiant, dum dicunt, quòd licet nostra opinio sit vera, tamen nullus teneatur statum suum absolute deicere, aut deprimere, ob proximi necessitatem extremam. Nam respondetur, ipsammet rationem naturalem dicere, vitam proximi præferendam esse decenti nostro statui: ergo de bonis necessariis ad decentiam status tenetur quilibet facere eleemosynam in extrema necessitate exilienti; agit enim de vita amittenda, & sic charitas obligat, ne tantum malum patiat in proximo suo, ut ipse à statu non cadat. Vide S. Th. *loc. mox adducendo q. 32. art. 2. Sylv. verb. Eleemosyna n. 2. §. 1.*

776 Interrog. 8. Teneturne quis facere eleemosynam in communibus pauperum necessitatibus, ex bonis omnino superfluis?

Resp. Diana *par. 2. tract. 15. ref. 32. et par. 5. tr. 8. ref. 17.* pluribus relatis conatur defendere non tencri. Oppositum tamen docet Sanctus Thom. 2. 2. *qu. 32. art. 7.* & ibi Cajetan. & Bannes, Nauar. *in man. cap. 24. nu. 5.* & alii plures, quos dat, & sequitur Bonacin. *de præcept. decal. disput. 3. quæst. 4. punct. 6. num. 6. & 8.* & apud eundem Dian. loco citat. Pro utraque parte sunt validæ rationes, ut videre licet apud citatos Autores. Mihi tamen placet id, quod docet Granadus in 2. 2. *contr. 3. tract. 11. disput. 2. sect. 4. num. 26.* ubi inter alia hæc habet: Si in communibus necessitatibus diues non elargitur pauperi eleemosynam, ut Templum ædificet, vel Monasterium Religiosorum erigat, vel quid simile; ab omni culpa excusabitur, ut Ecclesiæ praxis persuadet. Sed vide Tolet. *lib. 8. cap. 35. nu. 2.* ubi sic inquit: Qui superflua habent, debent multum timere, & Confessarius debet illis maxime consulere, ut distribuant, nec apud se retineant, quia, etsi Doctorum Scholasticorum communis sententia eos excusat, tamen Doctores Sancti illos damnant. Consulendum est igitur eis semper, ut largæ eleemosynas præbeant.

777 Inter. 9. Peccantne mortaliter diuites, qui habent superflua, & non faciunt eleemosynam extra extremam, vel quasi extremam necessitatem pauperum, si habeant intentionem construendi templa, aut omnia relinquendi pauperibus post mortem?

Resp. Peccant certò mortaliter, quia hæc eorum intentio non tollit obligationem, nec facienda sunt mala, ut eveniant bona; nam ut ait Sanctus Joannes Chrysostomus *hom. 34. ad Populum Antiochenf.* Diuites habentes superflua sunt economi in Dei familia, & ex præcepto tenentur distribuere ea in pauperes. Vide

Vide Bonac. loco prox. cit. sub num. 9. qui ex Azorio, & aliis communiter, docet, ut dictum est supra.

778 Inter. 10. In quo casu quis peccat mortaliter, si eleemosynam non largiatur?

Resp. In duobus casibus peccat mortaliter. Primus, quando habet de superfluo nature, & personæ. Secundus, quando ei apparet pauper in extrema, vel serè extrema necessitate constitutus; & hoc intelligendum est, non quando pauper emissurus est spiritum, sed quando ob defectum necessariorum apparet, quòd ille morietur, nisi ei succurratur de necessariis. Ita Cajetan. in Summ. verb. Eleemosyna. Mihi tamen omnino dicendum videtur, teneri etiam sub mortali, & ex precepto eleemosynam erogare, non solum dum extrema, sed etiam dum gravi necessitate laborat. Ratio est, quia Luc. cap. 11. dicitur: Quod superest, date eleemosynam. & ecce omnia munda sunt vobis. Vide Tolet. lib. 8. cap. 35. num. 1. qui inter alios pro hac sententia citat D. Th. Idem tenet Bonac. de precepto. decal. disp. 3. quest. 4. punct. 6. num. 8. & alii plures penes ipsum. Notandum est tamen, quòd necessarium, vel superfluum, non debet considerari solum respectu præsentis temporis, sed etiam respectu periculorum, quæ probabiliter possunt accidere, ut bene observat Cajetan. loc. cit. Tolet. ibidem cap. 33 sub num. 1. & alii communiter.

779 Inter. 11. Qui habet parentes, & filios ad extremam necessitatem redactos, teneturne potius succurrere parentibus, an propriis liberis?

Resp. Dicunt aliqui, teneri succurrere filiis. Ita Angelus verb. Filius num. 2. & alii. Oppositum tamen, & probabilius docet Sancti Thomas 2. 2. quest. 26. traet. 8. ad 3. & cum eo cæteri Thomistæ, teste Dian. par. 9. traet. 9. resol. 60. vers. Sed difficultas: & ratio est, quia filii totum suum esse, & vitam, & quidquid habent, à Parentibus habent; sed parentes nihil habent à filiis, nisi jacula, spinas, & curas, quibus maxime anguntur, & stimulantur, ut eis vitæ remedium quærant, ut ex Sacra Scriptura bene probat ipse Diana. Extra verò necessitatem extremam dicimus potius filiis, quam parentibus succurrendum esse. Vide Sylv. verb. Charitas num. 2. & Emm. Sæ eodem verb. num. 10. & præsertim Bonac. de precepto. decal. disp. 3. qu. 4. punct. 4. num. 2. & iterum Sæ verb. Parentes num. 10.

780 Inter. 12. Coniux cui tenetur subvenire, si habeat Parentes, & Filios in extrema necessitate constitutos?

Resp. Maritus, qui non potest omnibus subvenire, dicunt quidam, quòd potius teneatur subvenire suæ Uxori, quia maritus, & Uxor consentent una caro, juxta illud Matthei cap. 19. Itaque jam non sunt duo, sed una caro; & relinquit homo Patrem, & Matrem, & adhaeret uxori suæ. Et, ut dicitur in Evangelio. Ita docet Henriquez lib. 11. cap. 8. num. 1. & alii. Sed communis sententia, teste Bonac. tom. 2. de legib. disp. 6. quest. unica punct. 7. num. 10. docet, potius subveniendum esse Parentibus, & filiis, quam Uxori; nam erga parentes major quidem est obligatio, quia ab illis accepimus esse, & major conjunctio est quoad esse absolute; unde dixit Aristoteles: Dicit Parentibus, atque Magistris numquam potest reddi æquivalent pro beneficiis acceptis. Sed vide, quæ dixi in Resp. ad Inter. antecedentem, ubi firmavi, teneri quemquam potius parentibus succurrere in extrema necessitate redactis, quam propriis filiis; quia parentes nihil habent à filiis, nisi jacula, spinas, & curas, quibus anguntur, & stimulantur, ut eis vitæ remedium quærant. Sed quia in casu nostro major est conjunctio, quæ est inter Patrem, & Filium, quam illa, quæ est inter Maritum, & Uxorem; ideò dicimus potius maritum teneri subvenire parentibus, deinde filiis, cum Uxor non sit aliquid substantiæ viri, ut filii, qui sunt veluti pars Patris, ex ipsis visceribus decisa. Vide Tolet. lib. 5. cap. 1. Sanchez de matrim. lib. 9. disp. 4. num. 26. & alios plures, quos refert, & sequitur idem Bonac. ubi supra, & Dianam p. 5. traet. 14. ref. 93.

781 Inter. 13. Potestne Parochus, vel Episcopus impedire Religiosos ex Ordine Mendicantium, & qui cum eis participant in privilegiis, ne eleemosynas quærant?

Resp. Non possunt, quia licitum est illis sine præjudicio voti paupertatis mendicare, seu ex eleemosynis mendicatis vivere, prout jam definitum fuit in Conc. Constant. sess. 8. & in Bulla Martini V. & à Leone X. contra errores Lutheri. Vide Lezanam tom. 1. part. 1. cap. 6. num. 43. qui ibidem num. 44. refert declarationem Sac. Congregat. Concilii, quæ ita decidit, Fratres Ordinum Mendicantium nequaquam posse ab Episcopo prohiberi, quo minus per se ipsos in Diocesis, ubi habent Conventus, eleemosynas quærant, sed tantum si extra loca, ubi Monasteria existant, quæritare voluerint, teneri suorum Superiorum licentiam Ordinario ostendere. Peyrinus tom. 1. privileg. Minim. in Constitut. 4. Sixti IV. §. 8. num. 40. Et hoc etiam est verum, licet dicti Regulares habeant bona

habilia, quando illis adhuc defunt necessaria ad vitam; aliàs peccant eleemosynas superfluas queritantes, sed non contra iustitiam, & sic ad restitutionem non tenentur, quia nullum pactum ineunt dantibus illas eleemosynas. Peccant quoque Regulares superfluas eleemosynas accipientes, si id faciunt animo aggregandi opes, vel ut lautè vivant, aut quando reverà talibus eleemosynis non indigeant. Tamen non videtur admittendum id, quod aliqui dicunt, ut Laurentius de Franchis in *contro. Episc. & Regul. pag. mibi 39. Matthæucci in offic. curie Regul. cap. 16. num. 40. in prima editione*, & alii, nimirum posse Ordinarios impedire, & prohibere, ne Mendicantes superfluas eleemosynas petant; nam ipsi Ordinarii nullatenus competere possent facultas iudicandi, an eleemosynæ, quas petunt, sint, vel non sint superflue, cum non sint Iudices ipsorum, ut bene observat Lezana tom. 1. pars. 2. cap. 1. numer. 5. Imò prohibentes eos mendicare, secundum aliquos, incidunt in excommunicationem latæ sententiæ, & Inquisitores hæreticæ pravitatis ad petitionem Fratrum possunt, & debent contra illos procedere, sicut contra alios hæreticos. Vide Lezanam loco cit. num. 4. & tom. 2. verb. *Quæstionarii* num. 4. ubi plura privilegia, & Sac. Congregationis Decreta in favorem Regularium adducit, & tandem ne deferas videre, quæ dicam in tit. 120. de Hæres. & Hæretici ad Interrog. 10. & in tit. 180. de Regularibus, seu Religiosis, ad Interrog. 37. Sanchez in *Summ. lib. 7. tom. 2. capit. 24. per totum*, Barbosa in *Trident. sess. 21. cap. 9. num. 4. & 5.* & Lantuscum in *Tricat. Regular. verb. Eleemos. 1. & 2. & in Suppl. eodem verb. per totum*, ubi plura ad intentum.

782 Inter. 14. Peccatne mortaliter Beneficiarius, qui fructus suæ sustentationi superfluos non expendit in opera pia?

Resp. Doctores communiter docent, eum peccare mortaliter, & rectè quidem; nam Beneficium appellatur res Dei, Patrimonium Christi, & bona pauperum; consequenter grave peccatum est profanè expendere patrimonium Christi, res Dei, & bona pauperum. Ita Bonac. de oblig. *Benefic. disp. 4. punct. 1. num. 9.* Armilla verb. *Beneficium* num. 41. & Emmanuel Sà verb. *Eleemosyna* num. 3. Ideoque commune est inter Doctores pronuntiatum, totum, quod superest Beneficiario post suam congruam sustentationem, expendi debere in pauperes, & usus pios, nec legi aliquem, qui contrarium doceat. Vide Dianam *part. 4. tract. 4. resol. 214. & part. 10. tract. 11. resol.*

35. *verse. Verùm*, ubi putat certò Beneficium peccare peccato sacrilegii, si in profanos usus expendat fructus Beneficii, & rectè dicit. Legatur Trident. *sess. 25. de reformat. cap. 1.* & id, quod dixi ad Interrog. 1. Vide Armillam verb. *Clericus* num. 24. & 25. qui testatur hanc esse mentem D. Thom. 2. 2. *quest. 185.* quidquid novissimè in contrarium sentiat Rotarius in *Appar. pro exam. Cler. cap. 8. sect. 5. per totam*.

783 Inter. 15. Episcopus teneturne erogare in usus pios omne id, quod ei superest ex congrua, & decenti sustentatione, vel tantum aliquam partem?

Resp. Quidam dicunt, in communibus necessitatibus Episcopum satisfacere præcepto, si quartam partem reddituum in usus pios expendat, vel si medietatem superflui. Vide Doctores apud Dianam *part. 4. tractat. 4. resol. 214. & part. 8. tractat. 7. resol. 12.* ubi tandem sic concludit ipse Diana hic ultimo loco citat. scilicet, quod omnes Ecclesiastici deberent amplecti sententiam Card. de Lugo, viri non solum in Scholastica, sed etiam in Moral Theol. nemini secundi. Vide ergo ipsum de Lugo de *iust. tom. 1. disp. 4. sect. 2. nu. 10. & seqq.* qui rectè probat, Episcopum, & alios Beneficiarios teneri erogare in usus pios omne id, quod superest ex congrua, & honesta sustentatione; & hæc est communis Doctorum sententia, teste Diana ibidem. Vide etiam Campionum *part. 2. Instrucl. pro Confess. cap. 12. num. 13.* & præsertim Armillam verb. *Beneficium* num. 41. ubi rectè sic inquit: Dispensare malè proventus Ecclesiasticos, mortale peccatum est, ut si ea, quæ superfluum necessitati naturæ, & personæ, & dispensentur in ditando propinquos, in pompis, & luxibus, vel in aliis exorbitantibus. Non enim sunt domini, sed dispensatores proventuum Ecclesiasticorum, quos in pauperes Christi dispensare tenentur, si ultra necessitatem suam superflui. Idem docet Cajet. in *Sum. eodem verbo*.

784 Inter. 16. Commendatarii tenenturne ex iustitia eleemosynas elargiri, & suarum Ecclesiarum necessitatibus succurrere?

Resp. Affirmativè respondendum est, eo quod prædicti redditus sunt bona Ecclesiastica; aliàs defraudatores, & usurpatores. erunt bonorum Ecclesiasticorum; nam omnino ex iustitia tenentur ad certam fructuum quantitatem in pauperes erogandam, seu infabricam, & ornamenta Ecclesiæ distribuendam, prout illis à Papa impositum fuerit. Vide Bonacinam de oblig. *Benefic. disp. 4. punct. 2. num. 20.*

*num. 10. & licet probabile sit id, quod dicit Fagnan. 10. 3. in prima par. 3. decret. cap. Si quis san-
 cto, de peculio Cler. à numer. 28. usque ad finem,*
 scilicet ex iustitia teneri, quando redditus
 abundarent, deductis etiam necessariis ad
 decentem status sustentationem: idem doc-
 cet Sylvest. verb. Clericus 4. numer. 14. ubi sic
 inquit: Et intellige, quando redditus super-
 sunt, detractis necessariis. Verum quia Fa-
 gnanus loc. cit. in fine, cum aliqua formidine
 de opposito, concludit Summum Pontificem
 consulendum esse in tali casu, ut ambiguitas
 omnis de medio tollatur; consequenter res
 manet sub dubio, & in dubio tutior pars est
 eligenda, ex celebri illa regula juris, quam
 tradunt Pontifices in cap. ad audientiam, cap.
Juvenis de spons. Quam regulam multi quidem
volunt habere locum non solum in dubio fa-
cti, sed etiam in dubio juris, ex rationis æqua-
litate. Basilius Legionen. lib. 10. de Matrim.
cap. 10. cum Vasquez, & aliis. Idem la-
tè probat Sanchez in Summ. lib. 1. cap. 10.
numer. 10. cui adhæret Rodericus in Com-
pend. 99. Regul. resolut. 3. sub numer. 25. fol.
40 in princip. tum maxime quia bona Ec-
clesiæ, bona pauperum sunt; Ecclesia nam-
que aurum non ob id vult, nisi ut pauperes
alat, cap. Aurum 46. dist. tum denique quia
Ecclesiasticorum victus, & vestitus majorem,
quàm Sæcularium, requirit modum, & mo-
destiam, ut concors Doctorum sententia ten-
net. Ergo &c.

TITULUS LXXXII.

De Emptione, & Empto-
ribus.

Vide tit. de Fest. diob. Interrog. 2. tit. de Jur. Int.
7. tit. de Monopol. tit. de Negor. Cler. &c. Int.
4. 5. tit. de Possess. &c. Int. 2. tit. de Simon. tit.
de Vendit. &c. tit. de Usur. &c. Int. 15.

785 **I**nter. 1. Qui bona fide, v. gr. emit
 equum à latrone, quia nesciebat esse
 latronem, comperto postea vero domino
 tenetur in conscientia vero domino resti-
 tuere, vel potest reddere latroni, à quo
 equum bona fide accepit?

Resp. Non tenetur vero domino restituere
 sed sufficit, si restituit illi, à quo bona fide
 emit, & recuperare suum pretium. Navarr.
in Man. cap. 17. num. 9. & alii plures, quos re-
fert Diana par. 2. tr. 17. ref. 4. in princ. qui testatur
de communi: idem aliter Bon. de Rest. disp. 1.
quest. 4. pun. 2. num. 1. Si verò suum pretium re-

Tom. I.

euperare non potest, tunc reddere Domino
 tenetur, ut docet Sylv. in Summ. verb. Restit. 3.
 §. 7. & Alexand. de Ales apud Tolet lib. 5. cap.
 17. sub num. 7. & alii apud Bouac. loc. citat. nu-
 mer. 4. qui hanc sententiam communem esse
 testatur.

786 Inter. 2. Qui mala fide rem emit à la-
 trone, quia sciebat, rem esse furtivam,
 potestne tuta conscientia, cognito verò
 domino, latroni restituere, ut pretium re-
 cipiat?

Resp. Multi dicunt posse contractum cum
 fure initium rescindere, & recuperare pre-
 tium, quod pro ea dedit, & consequenter
 eidem restituere; & pro hac sententia sunt
 D. Antonin. par. 2. tit. 1. cap. 12. §. 16. Sylv. verb.
 Restit. quest. 7. Tolet. loc. sup. cit. & alii plures,
 quos refert, & sequitur Dian. loc. prox. citat. §.
 his verò, & par. 5. tract. 4. ref. 87. Alii verò te-
 nent, verò domino, & non furi esse red-
 dendam, ut sunt Bannes, Rebellius, Vas-
 quez, Molina, Sotus, Medina, & Covar-
 vias, quos sequitur Reginal. tom. 1. lib. 19. cap.
 5. num. 40. ut videre licet apud ipsum Dian. ex
 ref. 4. & quamvis ipse Diana hanc sententiam
 ibi non sequatur, tamen p. 5. tr. 14. ref. 87. fate-
 tur hanc esse probabiliorē, eique hæere;
 & ita est omnino tenendum, cum fit magis
 tutum in praxi; sibi enim imputare debet, si
 pretium non recipiat. Cæterum si non dat
 verò domino, manifestè cooperatur furto per
 continuationem, & persecrantiam, ut ha-
 bet Turrianus in select. cens. 4. censura Theol.
 dub. 36. Vide Bonac. loc. sup. cit. sub nu. 1.

787 Inter. 3. Sciens thesaurum latere in
 fundo alieno, potestne illum tuta conscientia
 emere pretio currente?

Resp. Thesaurum hunc inter Venditorem,
 & Emptorem æqualiter diuidendum esse,
 nonnulli existimant; aut, ut alii dicunt, di-
 ctus Emptor tenetur dare pretiis æquivalens
 Venditori, juxta valorem thesauri, dedu-
 ctis expensis; aliàs facit contra iustitiam,
 emens agrum communi pretio, & tenetur
 ad restitutionem. Ità docent Angelus, Ar-
 milla, & Tabiena, quos sequitur Hurtadus
 de iust. & iure disp. 1. diff. 35. Tamen op-
 positum docent S. Thom. Bannes, Saloni-
 us, Vasquez, Lessius, Beccanus, cum aliis ab
 eodem Hurtado, teste Diana par. 9. tract. 5. re-
 sol. 15. quibus ipse addit Card. de Lugo, Re-
 bellium, Dicastillum, Layman, & alios, &
 solidis rationibus hanc confirmat sententiā
 inter quas unam tantum hic referam, nempe
 Dominus fundi, vel agri in isto casu, non
 est dominus thesauri, quia thesaurus non
 est fructus agri; & ante manifestationem ni-

N 3 hil

hil thesauri ad eum pertinet, etiam ex dispositione juris. Ergo emens thesaurum, vel sciens ibi esse, nullam facit domino agri injuriam, non manifestans illi thesaurum; & ideo stando in jure naturæ, sive casu, sive ex industria inveniatur thesaurus, totus est inventoris, sicut & alia bona communia sunt primò occupantis; ac per consequens, qui emit fundum, vel agrum illum communi pretio, iustè emit, ac proinde securus est in conscientia, ut rectè dicit ipse Diana loc. citat. ad quem te remitto, si plura scire desideras. Idem docet Bonac. *tom. 2. de resit. disp. 1. quest. 3. punct. 6. num. 7* qui citat Sanctum Thomam, & alios. Demum pro thesauris attendendæ sunt leges juris communis Civilis, & municipales, quæ vigent in loco, ubi thesaurus inventus est.

TITULUS LXXXIII.

De Episcopatu, & Episcopis.

Vide tit. de Absol. ad refer. ad ques. 1. tit. de Exat. &c. Inter. 3. 6. tit. de Canon. Inter. 2. tit. de Cas. refer. Inter. 3. tit. de Celeb. Miss. Inter. 18. tit. de Censur. &c. Inter. 3. 4. tit. de Cler. ad ques. 1. tit. de Conscien. &c. ad ques. 4. tit. de Confess. ad ques. 2. tit. de Confess. sac. Inter. 18. tit. de Decr. Inter. 12. 3. tit. de Dispens. Inter. 10. 12. tit. de Eccles. Imman. Inter. 4. tit. de Ecclesia pollus. Inter. 17. 18. tit. de Edict. Inter. 3. tit. de Elemosyn. Inter. 1. 13. 15. tit. de Exat. quoad sit. &c. Inter. 1. 3. tit. de Exc. &c. Inter. ultim. tit. de Heres. &c. Inter. 5. tit. de Ignor. Inter. 12. 15. tit. de Ing. in Mon. &c. Inter. 4. & segg. tit. de Ing. in Relig. Inter. ultim. tit. de Interdict. Inter. 5. 6. tit. de Irreg. ad ques. 1. tit. de Jubil. Int. 5. tit. de Largit. Mun. Inter. 12. tit. de lib. prohib. Inter. 10. 11. tit. de Lud. Inter. 4. & segg. tit. de Novis. Inter. ult. tit. de Opin. Inter. 10. tit. de Otat. priv. Inter. 12. 3. tit. de Ord. min. Inter. 2. tit. de Ordin. sac. Inter. ultim. & ad ques. 2. tit. de Papa &c. Inter. 3. tit. de Paroch. Inter. 4. 7. tit. de Pensionar. &c. Inter. 4. tit. de Prac. Inter. 4. tit. de Prel. Regul. Inter. 14. tit. de Quar. Subd. reg. Inter. ult. tit. de Regul. &c. Inter. 8. 9. 11. 12. 13. 14. 15. 16. 17. 18. 19. 20. 21. 22. 23. 24. 25. 31. 32. 34. 35. 36. 39. 40. 41. 42. 43. 44. 45. 46. 47. 48. 50. 58. 63. 77. 78. 79. 80. 84. 87. 91. 97. 101. 113. 114. 115. & ad ques. 6. tit. de Relig. aliq. part. Inter. 5. tit. de Resid. Inter. 12. 3. 4. 5. tit. de Sac. Confirmat. Interrog. 2. 3. 4. 5. 9. tit. de Sac. Mastr. Inter. 7. 9. 23. & ad ques. tit. de Sac. Ord. Inter. 4. & ad ques. 3. & 4. tit. de Signif. Confess. Int. 20. tit. de Simon. Int. 22. 26. 27.

tit. de Sollic. Inter. 7 & segg. tit. de Soldiac. tit. de Subd. Interrog. 1. 2. 3. tit. de Tons. 3. 4. tit. de Val. abs. Inter. 1. 8. tit. de Val. Benef. Inter. 4. tit. de Val. Confess. Inter. 14. 16. 21. tit. de Val. Dispens. Int. ult. tit. de Val. Sac. Mastr. Inter. 20. tit. de Val. For. Int. 1. tit. de Verb. cum Morial. Int. de Visis. Int. 1. 2. 6. 8. tit. de Voc. Inter. 7. 8.

788 I Nter. 1. Quid significat hoc nomen Episcopus?

Resp. Dico, quòd hoc nomen Episcopus, est nomen Græcum, & nihil aliud significat, loquendo sermone latino, nisi speculatorem, ac superintendentem, quia Subditorum mores, & vitam speculatur, & superintendit Laicis, & Clericis, cum ejus officium sit attendere gregi, nempe hominibus, qui ei sub-sunt, & eorum spirituali saluti invigilare. Sylvester verb. *Episcopus num. 1. Tolet. lib. 5. cap. 3. num. 1.*

789 Inter. 2. Estne peccatum mortale, honoris, aut diuitiarum gratia, Episcopatum appetere, aut alium pinguiorem procurare?

Resp. Quamvis aliquis reuerà sit dignus Episcopatu, & habeat qualitates requisitas pro tali gradu; tamen si illum appetit appetitu deliberato propter ambitionem, & cupiditatem principaliter, aut tanquam finem, mortaliter peccat, quia est cupiditas periculosa, & ambitio bono communi repugnans Ita Sylvester verb. *Episcopus num. 4.* cui se subscribit Toletus lib. 5. cap. 3. num. 3. Vide Emmanuel Sà verb. *Episcopus sub num. 3.* & præsertim Div. Thomam 2. 2. qu. 185. art. 1. quem refert Peyrinus tom. 2. de Prelato qu. 1. cap. 6. qui ex processo de hac tractat materia: Si verò minùs principaliter, non est plusquam peccatum veniale, secundum Toletum loco cit. Ceterum non valet dicere, quòd, qui Episcopatum desiderat, bonum opus desiderat; quia in casu nostro, potius ope, desiderat, & præsumptuosum est, hominem appetere talem gradum; nam oportet Episcopum irreprehensibilem esse, non iracundum, non violentum, non turpis lucris cupidum, &c. ut ait S. Paulus ad Timotheum. Vide Doctores supracitados, à quibus plura haberi possunt ad hoc propositum. Et nota, peccare mortaliter Episcopum, qui propter bona temporalia, vel ambitum, alium pinguiorem Episcopatum procurat, ut docent Doctores apud Dianam *part. 4. tract. 4. resol. 100.* quibus ego etiam calculum meum adjungo. Sed vide Lezanan *tom. 1. per. 1. cap. 17. num. 22. per totum.* Et præsertim Armillam verb. *Beneficium num. 39. & 74.*

790 Inter. 3. Quænam sunt conditiones, quas

quas debet habere, qui ad Episcopatum debet assumi?

Resp. Debet habere ætatem triginta annorum completorum, *cap. cum in cunctis de elect. sed in Regno Gallie, ex concordatis inter Leonem X. & Regem Gallie, sufficit, quod sit in 27. anno constitutus, ut rite eligi possit. Vide Dianam pars. 10. tract. 16. resol. 86. vers. Sed cum pro Episcopis.* Item debet esse de legitimo Matrimonio natus, moribus, & vita honestus, Ordine ad minus Subdiaconatus antea sex mensium spatio constitutus ac tandem doctrina præditus; unde debet esse Doctor, vel saltem licentius in Theologia, vel in iure Canonico, aut publico alicujus Accademie testimonio idoneus ad alios docendos ostensus. Vide Concil. Tridentinum sess. 7. cap. 1. & sess. 22. de reformatione. cap. 7. & Toleum lib. 5. cap. 3. sub num. 4. addentem præterea, quod qui aliquid harum conditionum fingit se habere, graviter peccat. De tali dubio videndi sunt Doctores cumlati per Barbos. in Collect. ad Tridentinum locis supracitatis.

79r Inter 4. Ad Episcopatum estne præferendus Theologus, vel Canonista?

Resp. Est quæsitio inter Theologos, & Canonistas, qui sit præferendus. Theologi pro Theologis sentiunt, Canonistæ pro Canonistis, inter quos etiam multi Theologi nominantur. Vide Bonacin. de rebus, disput. 1. quest. 1. punct. 1. num. 16. qui Theologis adhæret. Et ratio horum est, quia præcipuum munus Episcopi est concionari, docere, fidei veritatem tueri, & multa alia præfari, quæ ad conscientie forum pertinent; quàm finem litibus imponere. Ultrà quod Episcopus in consecratione non interrogatur, an sciat jus Canonicum, sed an sciat utrumque Testamentum? Sed vide etiam Dianam pars. 7. tract. 12. resol. 1. qui pro utraque parte Doctores refert, & tandem concludit, quod pro bono regimine Ecclesiarum melius sit, ut promoveantur Canonistæ, quàm Theologi, in his præsertim partibus, in quibus non vigent hereses; quamvis non neget, sæpius etiam Theologos Episcopali dignitate condecorandos esse; maxime quia in rigore sententia pro Theologis est probabilior, quam præter alios Doctores egregie, & solide tuetur Bannes in 2.2. quest. 63. art. 2. dub. 3. Verùm, ut ait ipse Diana ubi supra, eligatur Theologus, vel Canonista, dummodo sit doctior, & dignior, optima erit electio; nam ad hunc effectum illustrandæ sunt Academiæ, Collegia, Capitula Ecclesiarum, & Monasteria Regularium, & ex istis digniores, & sapientiores eligi de-

bent, siquidem non minùs est necessaria scientia Sacrorum Canonum, quàm Theologia ad Ecclesie regimen.

792 Inter 5. Qui habet votum ingrediendi Religionem, estne tutus in conscientia, si adeptus est Episcopatum?

Resp. Non est tutus in conscientia, sed debet resignare Episcopatum, & reddere Altissimo vota sua, ut dixit Innocentius III. in cap. Per tuas, de voto, de tali casu interrogatus; nam Episcopatus non efficit hominem perfectiorem, quàm Religio, sed supponit hominem perfectiorem; & licet Episcopatus sit status perfectior statu Religioso, non est tamen perfectior, melior, ac magis meritorius respectu ipsius votantis; quàm sit Religio; sed vocatur status perfectior, quia supponit perfectionem in illo, qui ad Episcopatum promovetur, ut rectè offendit Bonacin. De Præf. Decal. disp. 4. quest. 2. pan. 7. §. 4. Vide Azorius lib. 11. cap. 22. qu. ult. Laym. lib. 4. tr. 5. cap. 9. num. 15. Mirandam in Man. tom. 1. qu. 20. art. 9. licet contrarium dicat Emman. Sà verb. Episc. nu. 2. & alii. Si autem Religionis onera ferre diffidat, recurat ad Sac. Pœnitentiarum Romanam, & petat commutationem in alia opera pia, quæ gratis datur; & sic tutus erit in conscientia; nam propria auctoritate non potest tale votum commutare in susceptionem Episcopatus. Vide Sanchez in opp. moral. tom. 1. lib. 4. cap. 17. per tot. Sylvest. verb. Religio 2. num. 20. & verb. Votum 3. in fine, & Passerium de Statib. tom. 1. qu. 185. art. 5. num. 181. & ea quæ dicam ad interrogat. 2. titul. 232. de Validitate Votorum.

793 Inter. 6. Potestne Episcopus sibi erigere Baldachinum in quibuscumque Ecclesiis suæ Diœcesis?

Resp. Quando Pontificalia exercet, vel in Pontificalibus vult adesse etiam in Ecclesiis exemptis, & Regularium; cum Mitra, vel sola Cappa indutus, tenentur Regulares, & debent in loco ad solium Episcopi constituendum opportuno, & congruo, Baldachinum attollere; aliàs possunt Fratres ad id penis, & censuris Ecclesiasticis cogi ab Episcopo; ut patet ex Decreto Sac. Congregationis Episcoporum, & Regul. sub Clem. VIII. de anno 1603. quale per extensum post alios refert Lezana tom. 2. verb. Baldachinum, sub numer. 4. Vide Doctores allegatos in tit. 180. De Regularibus seu Religiosis, in Responsione ad inter. 15.

794 Inter. 7. Episcopus ratione majoris doctrine, aut nobilitatis, potestne licitè ex redditibus Ecclesiasticis in sui sustentationem plus insumere?

N 4. *Resp.*

Resp. Concil. Trident. *sess. 25. de reform. cap. 1.* admonet, ut Episcopi modesta suppellectili, & mensa, ac frugali uictu contenti sint; & hoc intelligendum est de omnibus Ecclesiasticis, maxime si habent Ecclesiastica Beneficia; nam hujusmodi Beneficia non sunt instituta, ut foueatur nobilitas, & pompa illa debita; sed ut Ministrorum Ecclesie honor pro dignitate officii conservetur. Ideo in casu predicto negative respondet Lorca apud Dianam *par. 2. tra. 16. ref. 24.* Verum ipse Diana cum Molina de *Justis. tom. 1. tra. 2. disp. 145.* & Conincho de *actibus supernaturalibus lib. 2. disp. 27. dub. 11. numer. 194.* probabilius censet oppositum, scilicet, Ecclesiasticos valde nobiles, aut magnæ litteraturæ, cæteris paribus, posse plus aliis minus nobilibus, & minus doctis in sui sustentationem insumere. Debet tamen talis excessus sustentationis esse moderatus, ut non excedat decentem Ecclesiasticorum modestiam. Tamen hæc intelligi debent, dummodò dicti Ecclesiastici non negligant Eleemosynas, quas pauperibus præbere teneantur ut dixi in *titul. 81. De Eleemos. ad inter. 1.*

793 Inter. 8. Episcopus debetne subesse Principibus, Baronibus, aliisque Magnatibus, an potius debet præesse?

Resp. Episcopus nequaquam debet illis subesse, sed omnino præesse, quanquam sit parvæ Civitatis Episcopus; nam ex qualitate Civitatis non augetur, vel minuitur Episcopi dignitas, & potestas; quæ quidem non pendet ex qualitate sedis, sed quia ex se magna dignitas est in Ecclesia. Vide Pacem Jordanum *tom. 1. in prelude 9. nu. 1.* & jura ibi citata. Quare Innocent. III. in *cap. solita de majoris. Et obid.* ut ostenderet Episcopi dignitatem ad differentiam dignitatis sæcularis, sic inquit: *Freis Deus duo luminaria magna, idest duas instituit dignitates, Pontificalem scilicet auctoritatem, & Regalem potestatem; sed illa, quæ præstatur diebus, idest spiritualibus, major est; quæ vero carnalibus minor est, ut quantitas est inter Solem, & Lunam, tanta inter Pontifices, & Reges differentia sit, cognoscatur.* Vide etiam *capit. in scripturis, cap. quæ, cap. duo sunt, capit. si Imperator, & seq. dist. 96.* ubi a & hoc propositum multa pulchra inveniuntur. A spiritu Sancto enim positi sunt Episcopi regere Ecclesiam Dei, quam acquisivit sanguine suo, in locum Apostolorum successerunt, ideoque eorum dignitas omnino conservanda est, ut decernitur in Trident. *sess. 25. cap. 17.* & à Principibus, & cæteris honorandi sunt, ac eos paterno honore, ac debita reverentia prosequi necessarium est, ut obediatur Trid. loco

supracit. tum maxime, quia Episcopatus est culmen omnium dignitatum; nam sunt cæteris Clericis, & Sacerdotibus superiores, Apostolis æquales, & Patres Principum sæcularium, ut ex Suarez & Valboa docet Lezana *tom. 4. conf. 54. nu. 30.* Vide Barbos. in *Trid. sess. 25. de refer. cap. 17. præsertim n. 5.*

796 Inter. 9. Episcopus feudatarius Regis, cui debet obedire, Regi, vel Papæ, seu Metropolitanano suo?

Resp. Quidam apud Dianam *par. 3. tra. 1. resol. 6.* dicunt, quod prius debeat obedire Regi, quam Papæ; sed hoc assertum nullo modo debet audiri à Christifidelibus, nam est contra Ecclesiasticam libertatem. Dicendum est igitur, debere Episcopum prius obedire Papæ, quam Regi; nec obstat juramentum fidelitatis, ab Episcopo Domino factum, quia semper intelligitur excepta sui Superioris auctoritate. Imò si Metropolitanus vocaret Episcopum, in tali casu Episcopus tenetur magis obedire suo Metropolitanano, quam Regi, etiam directo Domino feudi; & ratio est evidens, cum magis obliget vinculum spirituale, quam temporale, ex eo quia est majus, ut habetur *ex cap. solita de major. Et obediunt.* & cum Marta docet Diana *ubi sup. refer. 6. citata.*

797 Inter. 10. Estne verum, quod Episcopi in suis Diocesis possint quicquid potest Papa in universali Ecclesia?

Resp. Nonnulli id absolute asserere non dubitantur. Alii verò dicunt, hoc esse verum, dummodò aliquid à Pontifice reservatum non sit, quia Episcopi sunt Pastores Ordinarii in sua Diocesi, sicut Pontifex in toto Orbe, licet sint ipsi subiecti consequenter; posse dispensare vi potestatis ordinariæ in totam legem Pontificiam, in qua illis expressè, jure, aut consuetudine, vetitum non fuerit. Doctores pro hac sententia refert Diana *p. 7. tra. 10. ref. 36.* quos tamen ipse non sequitur, nec ullo pacto admittit, Episcopos posse in propria Diocesi id, quod potest Summus Pontifex in toto Orbe, licet eis aliquid non sit prohibitum; nam communis, & recepta sententia docet, Episcopos non posse, ex vi suæ potestatis ordinariæ, dispensare in legibus Pontificiis, nisi expressè, vel tacite hoc eis fuerit concessum, quæ inferior nequeat dispensare in lege Superioris sui, ut olamant jura vulgata; & ita est omnino tenendum. Qui plura scire desiderat, legat ipsum Dianam loc. prox. cit. qui certò rectè concludit, & aliis allegatis docet, in quibus casibus possit inferior vi suæ potestatis Ordinariæ dispensare in lege Superioris sui, & meminisse dixisse in *tit.*

in *tit. 71. de dispensatione ad Inter. 12.* cum eodem Diana *p. 8. r. 3. ref. 12.* & aliis ibidem citatis. Vide infra ad Inter. 39.

798 Inter. 11. Potestne Episcopus subditum suum citare, si in aliena existat Dioecesi?

Resp. Si non habet aliquod speciale privilegium, aut per consuetudinem præscriptam jus acquisiverit, non potest citare subditum suum in alieno territorio existentem, prout tum rationibus, tum DD. auctoritate, egregie sustinet Doctissimus Diana *part. 5. tract. 9. resol. 34* & ad argumenta contraria luculenter satisfacit; nam Episcopus, vel alius Iudex non potest exercere jurisdictionem in aliena Dioecesi, vel Territorio *ex cap. fin. de Cons. cap. Episcopum 9. quæst. 2. Ex Clem. 1. de foro compet. & l. fin. de Jurisd. omnium Judic. ergo, &c.* Vide Dianam *loc. citat.* & non pigebit. Quod potestas ferendi censuras possit consuetudine vel præscriptione acquiri, docet idem Diana *supra ref. 42.*

699 Inter. 12. Quo die, & quo tempore consecrandus est Episcopus?

Resp. Consecrandus est Episcopus die Dominico, & intra menses tres à sua confirmatione. Habetur ex Can. *Qui in aliquando dist. 51. & cap. Quoniam dist. 75.* Sylvest. *verb. Consecratio 1. numer. 3.* Emm. Sà *verb. num. 7.* & alii communiter.

800 Inter. 13. Episcopus electus, & adhuc non consecratus, potestne approbare Sacerdotes in Confessionis Ministros?

Resp. Si est electus, & confirmatus, licet non consecratus, utique potest, quia licet non possit concedere ea, quæ sunt Ordinis Episcopalis, tamen potest ea, quæ sunt jurisdictionis. Ita docent plurimi, quos refert, & sequitur Barbof. in *Collect. DD. in Trident. sess. 23. cap. 1 §. n. 25* & est communis sententia. Vide Sà *verb. Episcopus sub n. 37.* & præsertim Sylvestrum *verb. Episcopus sub nu. 9.* Vide etiam ad interrog seq.

801 Inter. 14. Episcopus electus, & confirmatus, sed nondum consecratus, potestne uti facultate absolvendi, & dispensandi, concessa ei à Trident. *sess. 24. de reform. cap. 6.* in casibus occultis?

Resp. Pluribus relatis affirmat Diana *part. 7. tract. 2. resol. 1.* quia tali Episcopo competunt ea, quæ sunt jurisdictionis: sed talis est facultas dispensandi, & absolvendi: ergo &c. Immo addit ex Sanchez, & Filiucio, posse dispensare in votis, & juramentis. Verum Episcopi titulares, qui carent Dioecesi, tali privilegio minime frui possunt, ut bene notat ipse Diana, & alii penes ipsum.

802 Inter. 55. Episcopus electus, & con-

firmitus, potestne beneficia conferre, si nondum sit consecratus, & ipse habet aliquod beneficium, valetne illud retinere post confirmationem, vel post consecrationem?

Resp. Potest Episcopus electus, & confirmatus, quamvis nondum sit consecratus, beneficia conferre; quia exercet actum jurisdictionis, non autem actum Ordinis, conferendo beneficia, ut rectè docet Squillante *de oblig. & priv. Episc. par. 3. cap. 3. dub. 5. numer. 30.* Dico secundò, posse Episcopum electum, & confirmatum, & non consecratum, retinere omnia beneficia, quæ habet, usque ad consecrationem, licet ex dispensatione ultra tres Menses consecrationem non recipiat; quia posita dispensatione, dilatio illa non erit culpabilis, colligitur *ex cap. cum ex eo de elect. in 6.* ubi dehnit Parochum, cum quo erat dispensatum, ne intra annum promoveretur, non amississe beneficium illud, aut aliam penam incurrisse. Vide Sanchez *de matr. lib. 8. disp. 1. num. 24.* Postquam verò Episcopus est consecratus, & habuit pacificam possessionem Ecclesiæ, si prius aliqua beneficia habebat, ipso jure vacant, ut probat Parisius *de resignatione benefic. quæst. 1. nu. 26.* Vide etiam Rodriquez *in sum. par. 2. cap. 10. in fin.* idem docentem.

803 Inter. 16. Episcopus potestne absolvere ab excommunicatione violantes Ecclesiarum immunitatem?

Resp. Multi dicunt posse Episcopum supradictos violantes Ecclesiarum immunitatem absolvere ab excommunicatione, quam incurrunnt ipso facto, ut supra dixi in *tit. 76. De Ecclesiæ immunit. ad Inter. 48.* Nam putant, dictam censuram non esse Summo Pontifici reservatam, & hi inter alios, sunt Barbof. *de potestate Episc. part. 3. allegat. 51. cas. 3. numer. 72. in impressione Romana*, Belletus in *disquis. Cler. tit. de favore Cler. reali §. 4. numer. 39.* Bonac. *de legibus disp. 3. quæst. 7. punct. 11. numer. 2.* Riccius in *praxi par. 2. resolus. 333. numer. 1.* & alii plures cumlati à Diana *part. 1. tract. 2. resolus. 41.* quos ipse non sequitur, ut asserunt quidam, & præsertim Lezana *tom. 2. verb. Immunitas Eccles. sub num. 21.* Nam ipse solum refert pugnantis sententias, sed suam non proferit opinionem, quam postea *part. 6. tract. 1. resolus. 34. vers. Et tandem pro Coronide*, rectè explicat, non posse Episcopum ullo modo à præfata excommunicatione absolvere violantes immunitatem Ecclesiæ, & refert Epistolam quamdam Sæc. Congregat. in qua prohibetur Episcopis, ne absolvant, cum non pertineat ad ipsos, sed tantum ad Summum Pontificem Romanum, cui est reservata. Verum idem Bonac.

Bonac. ubi *supra* prope finem hanc nostrani sententiam putat tutiorem in praxi, & sequendam consulit: siquidem esse dictam excommunicationem Papæ reservatam, in Prætorio Sac. Penitentiariæ fuisse decisum testatur, & Paulum V. cui hac de re factum fuit verbum, annuile.

804 Inter. 17. Potestne unquam Episcopus absolvere ab excommunicatione Papæ reservata, si propter aliquod delictum publicum fuerit contracta?

Resp. Si excommunicatus habet impedimentum legitimum, quod nequeat adire Pontificem Maximum, vel saltem Legatum, vel alium habentem privilegium ad absolvendum, tunc certò Episcopus potest eum absolvere. Et licet quidam dicant, quòd non teneatur adire legatum, vel alium habentem privilegium Papæ, etiamsi possit, quia Episcopus, tamquam Pastor, potestate ordinaria potest eum absolvere; & neque teneatur mittere procuratorem, vel epistolam, ut ex Henriquez, Avila, & aliis, tenet Diana *par. 9. tr. 4. resol. 62. §. Sed tria & §. Adverte*; tamen oppositum est probabilius, & tenendum cum Nav. in *Man. cap. 27. n. 90.* Bonac. *de censur. disp. 1. g. 3. pun. 1. n. 4.* & hanc sententiam vocat tutiorem, & probabiliorē Nicolius in *Flof. verb. absolutio numer. 7.* & pluribus relatis eam docet Cassianus à S. Elia in *Arb. opin. moral. verb. absolutio §. 12 sub numer. 127. vers. idem dicatur*; nam cessat ratio necessitatis, ob quam ab Episcopo possit absolvi: tenetur igitur saltem mittere Epistolam, si periculum non sit in mora.

805 Inter. 18. Quisnam dicitur habere impedimentum legitimum, ut ab Episcopo absolvi possit ab excommunicatione publica, & Summo Pontifici reservata?

Resp. Legitimum impedimentum quis habere dicitur, quoties absolutè, aut sine gravi suo, vel aliorum damno, aut periculo, Romam venire non valet, & sunt Senes, saltem sexaginta annorum, & groti, & Convalescentes, Religiosi utriusque sexus, Pauperes, qui aliàs mendicare non solent; Impuberes, Servi, quando Romam venire non possunt sine præjudicio Domini, & Dominus non fuit causa, quòd servus incidit in excommunicationem; Filii qui sunt sub cura parentum; Fœminæ cujuscumque conditionis sint, Capitales inimicitias habentes, Clerici simul viventes; Habentes curam animarum, aut temporale dominium, si subditiore iura timeatur; Viri delicati nequouantes incommoda itineris sustinere, & alii huiusmodi impedimenta habentes, quæ iudicio prudentis viri

relinquo. Vide Layman. *tom. 1. lib. 1. tr. 5. par. 2. c. 6. de absolut. ab excomm. sub nu. 3.* Bonacin. *de censur. disp. 1. qu. 3. pun. 2. numer. 4.* Navar. in *man. c. 27. n. 88. & 89.* Dianam *par. 9. tract. 4. ref. 47. & 62.* Pacem Jordanum *tom. 1. lib. 3. tit. 4. numer. 36. & seqq.* Jacobum Mancinum *præf. 4. dub. 18.* Mendo Epist. *Opin. mor. verbo reserv. casus sub num. 4.* Cab. *de cas. resp. 1. ref. 98 per totum*, & alios penes ipsos. Vide sequentem Resp. Tolet. *lib. 1. cap. 32.*

806 Inter. 19. Qui habet supradicta impedimenta, & Romam venire pro absolutione non valet, potestne ab Episcopo absolvi, si fuerit irretitus aliqua censura in Bulla Cœnæ Domini reservata?

Resp. Licet præfata impedimenta videantur solum esse admittenda in absolutione propter percussionem Clericis; tamen generaliter admittenda esse puto ob eandem rationem, ut docent quamplurimi DD. Quare dicunt, huiusmodi impedimenta adeundi Papam pro absolutione, procedere etiam in censuris Bullæ Cœnæ, ad hoc ne quis ob earum reservationem exponatur damnationis æternæ periculo; & ita contra nonnullos tradunt Suarez *de Penitent. disp. 30. secl. 3. num. 9.* Ugolinus in *Bulla Cœnæ par. 3. fol. 47.* Thomas del Bene *de offic. Inquis. par. 1. dub. 61. num. 22.* & alii quos dat, & sequitur Cabrin. *loc. prox. cit. resolut. 99.* quibus addo Pasqualig. *tom. posthumo in Theorica, & praxi, qu. 219. per totum*, ubi 15 DD. pro hac citat sententia; nec dissentit Bonac. *de censur. disp. 1. qu. 3. pun. 2. sub num. 4. prop. fin.* & plures concordantes refert Cassianus à S. Elia *verb. Absolutio §. 12. sub num. 27. vers. Denique*. Notandum est tamen, quòd si impedimentum est perpetuum, Episcopus absolutè, & sine onere se præsentandi imposito Apostolicæ Sedis, absolvere potest impedimentum; si autem impedimentum est temporale, tunc ante absolutionem debet exigere ab impedito iuramentum, quòd cessante impedimento, Apostolico conspectui se præsentare velit pro absolutione, vel coram Legato, aut aliàs auctoritatem absolvendi habente. Quòd si postmodum non comparuerit, in similem excommunicationem incidit, iuxta textum in *cap. eos qui de sent. excomm. in 6.* & in hoc omnes DD. conveniunt. Tamen mihi videtur dicendum, si periculum non est in mora, tutius esse mittere Epistolam ad Sanctam Sedem, aut Emin. Card. Majorem Penitentiariam, & expectare ab eis facultatem absolvendi ab his casibus, propter superius dicta ad Inter. 17.

807 Inter. 20. Titius graviter percussit Cajum Clericum, sed publicè ignoratur Cajum esse Clericum; potestne Episcopus ab-

sol-

solvere ab excommunicatione dictum Titium?

Resp. Etiam si Titius sciebat Cajum esse Clericum, adhuc potest ab Episcopo absolvi, quia licet percussio sit publica in ratione actus, quia facta uti coram Populo; tamē in ratione delicti, & censuræ, dicitur occulta: ideo integrum erit Episcopo vigore Trident. Titium præsumt abolvere. Cabrin. de cas. res. par. 1. ref. 91. vers. addo, & est communis sententia. Vide infra ad Int. 26.

808 Inter. 21. Potestne Episcopus abolvere sibi subditos ab excommunicatione contracta ob levem percussione Clerici, si delictum sit ad forum contentiosum deductum?

Resp. Dico, quod Episcopus in hoc casu potest abolvere sibi subditum in utroque foro; & ita docent Panorm. in cap. pervenit, de sent. excom. & alii communiter, teste Dian. par. 9. tract. 4. resol. 47. in princ. & colligitur etiam ex Extravag. Joan. XXII. qua incipit perlektis; sicque novissime fuisse decisum à S. Congreg. 26. Aprilis 1687. refert Illustriss. & Reverendiss. D. meus de Zaulis Episcopus Verulanus, Prælatus quidem morum integritate, singulari prudentia, egregiaque doctrina ornatissimus, cujus prærogativas maxime patefaciunt eius editæ observationes Canonicae, Civiles, Criminales, & mixtæ. Vide igitur ipsum tom. 1. observ. ad rubr. 6. lib. 4. gl. 462. n. 14 Sed nota, non esse concedendam hujus excommunicationis abolitionem, quin excommunicatus prius parti læsæ satisfactionem præstet, quantum commodè possit.

809 Inter. 22. Potestne Episcopus abolvere ab hæresi externa, & ab aliis casibus in Bulla Cœnæ contentis, quando sunt occulti?

Resp. Dico, quod non, quia absolutio ab hæresi, vel aliis criminibus in Bulla Cœnæ contentis, prohibetur Episcopis, non solum quando publica sunt, sed etiam quando occulta; & Summo Pontifici reservantur. Toller. lib. 1. cap. 41. sub n. 7. Em. Sæ verb. Episcopus n. 27. & 34. Sanch. in Summ. to. 1. lib. 2. cap. 11. n. 26. & 27 in fine, Diana par. 7. rr. 2. ref. 23. §. Sed ego, & prius dixerat par. 1. rr. 5. ref. 2. §. Sed his non obstantibus, Mendo Ep. Op. Mor. verb. absolvi n. 3. Alloza ver. Episc. sect. 2. n. 3. Cabr. de cas. res. par. 1. ref. 112. Et tandem ita declaravit Alex. VII. die 24. Septembr. ann. 1665. & opinionem contrariam reprobavit, quæ sic asserbat: *Sententia asserens Bullam Cœnæ solum prohibere absolutionem hæresis, & aliorum criminum quando publica sunt, & id non derogare facultati Tridentini, in qua de occultis criminibus sermo est, anno 1629. 18. Julii in Consistorio Sac. Congregat. Emin. Cardinalium, visa, & tolerata est.* Nam ibi

quidem nunquam tolerata fuit; sed vide supra ad Inter. 19. Verum quando hæresis est merè interna, seu mentalis tantum, non solum ab Episcopo, sed etiam à quolibet simplici Confessario absolvi potest, ut dicam in tit. 102. de Hæresi, & Hæreticis, ad Inter. 7. quia non habet annexam excommunicationem, ut docent innumeri DD. apud Barb. in Collect. ad Trid. sess. 24. cap. 4. n. 31. & est communis sententia.

810 Inter. 23. Valetne Episcopus abolvere à casibus, & censuris Summo Pontifici reservatis, & dispensare in omnibus irregularitatibus ex delicto occulto provenientius?

Resp. Præter crimen hæresis, & alia quæ continentur in Bulla Cœnæ, non est dubium, Episcopum abolvere posse, itemque dispensare in omnibus irregularitatibus, & suspensionibus, ex delicto occulto, nec deducto ad forum contentiosum, provenientes, excepta irregularitate, quæ ex homicidio voluntario contrahitur. Ita conceditur ei à Tridentino sess. 24. cap. 6. de reform. & tradunt DD. communiter. Vide Sanchez in Sum. lib. 4. cap. 11. n. 2. & Barbof. in Collect. DD. in Trid. eadem sess. 24. cap. 6. n. 1. ubi adducit Doctores ad fatietatem. Sed debet hanc facultatem exercere in proprios subditos, & intra Diocesim, licet nonnulli teneant, posse etiam extra Diocesim, ut Bassius tom. 2. verb. Irregularitas 11. sub num. 5. Diana par. 4. tract. 4. ref. 116. Barbof. de potest. Episc. par. 1. alleg. 39. n. 7. & loc. sup. cit. n. 44. Sanch. ubi sup. n. 12. & alii plures penes ipsos; & est probabilis hæc sententia, & tuta in praxi. Hic tamen adverte, Passerin. de elect. Sum. Pontif. q. 29. §. ult. docere cum Bonac. & Dian. Episcopos, virtute prædictæ facultatis Tridentini, non posse abolvere delinquentes contra formam in eligendo Summo Pontifice præscriptam à Greg. XV. in Constit. *Æterni Patris*.

811 Inter. 24. In quo casu delictum censetur occultum, ut ab eo Episcopus vigore Trident. sess. 24. cap. 6. abolvere, vel respectivè dispensare valeat?

Resp. Quidam dicant, tunc delictum censeri occultum, quousque per confessionem criminis factam in iudicio, vel per sententiam iudicis, vel per facti evidentiam in Civitate, Populo, Collegio, Vicinia, vel loco, notorium non sit, aut publicum, vel famosum. Suarez de cens. disp. 41. sect. 5. Sanchez lib. 2. moral. cap. 11. n. 19. & lib. 8. de matr. disp. 34. nu. 55. Bonacin. de cens. disp. 1. q. 3. pun. 4. nu. 1. Diana par. 7. tract. 2. resol. 15. Barb. de potest. Episc. par. 2. alleg. 39. num. 29. Pax Jordanus tom. 1. lib. 2. tit. 4. numer. 74. Mendo Episc. Opin. moral. verbo

Pro.

Prelatus sub num. 6. Cabrin. de cas. reserv. par. 2. ref. 111. & alii apud ipsos. Itaque quocienscumque delictum non constat iudicis sententia, vel clara judiciali probatione, vel Rei confessione in iudicio, aut non est publica infamia proditum, vel viciniæ, aut Collegio cognitum, etiam si probari possit, à quatuor, vel quinque personis, adhuc censetur occultum. Sylvester vera. Occultum nu. 4. Navar. in man. cap. 27. n. 255. Et cap. 27. nu. 68. Emm. Sà verbo Manifestum n. 4. Unde delictum perpetratum coram quinque, adhuc dicitur occultum. Vide Bordon. tom. 3. ref. 46. num. 1. Dian. pars. 9. tract. 4. ref. 65. Et licet in viciniæ, aut Collegio, ubi ad minus sunt decem, non sufficiat, ut quinque sciant delictum, ut publicum dicatur, quia oportet, ut notum sit sex, adhuc ut sit majori parti notum; tamen in loco ingenti non sufficit sex homines scire delictum, ut publicum censetur, sed debet innovescere saltem decem hominibus. Bonac. ubi sup. disp. 2. q. 2. pun. 1. §. 1. n. 6. Diana pars. 2. tr. 16. ref. 22. in fine. Mendo los. cit. verbo Episcopus n. 6. in fine, & alii.

812 Inter. 25. Potestne Episcopus absolvere, aut dispensare, quando delictum non est ad forum contentiosum deductum, vel lis contestata non est?

Resp. Affirmant nonnulli, & dicunt, quòd Trident. dum concedit Episcopo facultatem absolvendi, & dispensandi, utitur his verbis: Excepta ea quæ oriuntur ex homicidio voluntario, & exceptis aliis ad forum contentiosum deductis. Ex quibus verbis probabiliter inferunt Doctores, posse Episcopum absolvere, & dispensare in omnibus criminibus, quamdiu ad forum contentiosum deducta non fuerint, & lis contestata non erit. Ita Tolet. lib. 1. cap. 89. sub n. 5. Barbosa de potest. Episc. part. 2. alleg. 39. n. 29. Et in Collect. DD. ad Trid. sess. 24. cap. 6. num. 41. Diana pars. 7. tr. 2. ref. 17. in Sum. verb. absolvere à censur. nu. 58. Et verb. Censura nu. 45. Bassius tom. 2. vers. Irregul. 11. sub nu. 5. & alii penes ipsos; & hanc sententiam valde probabilem appellat Cabrin. par. 1. ref. 111. & favet etiam Navar. cap. 27. sub n. 255 & docet quòd delictum ad iudicium non deductum, diversæ glossæ penè occultum appellant. Verùm hanc sententiam in praxi non amplecterer, cum sex Auctores apud Dianam doceant cum bonis fundamentis, ad hoc ut Episcopus non possit absolvere vigore Tridentin. satis esse, ut denunciatio, vel accusatio coram legitimo Iudice facta sit, & Reus ratione illius citatus fuerit.

813 Inter. 26. Cajus Sacerdos celebravit Missam coram Populo, dum erat excommu-

nicatione irretitus, ideòque contraxit Irregularitatem Papæ reservatam: potestne dari casus, quo possit ab Episcopo dispensari?

Resp. Dico, quòd si adstantes nesciebant ipsum Sacerdotem esse talis censura irretitum, irregularitatem quæ contrahitur ab ipso Sacerdote in excommunicatione celebrante, dicitur occulta, & consequenter potest ab Episcopo dispensari, quia, ut delictum dicatur notorium, non sufficit, quòd actus externus sit notorius, & publicus tantum materialiter, sed requiritur, ut sit notorius formaliter, & in ratione delicti, & in quantum est delictum Navar. cap. 27. n. 255. Em. Sà verb. Episcopus n. 35. Sanchez de Mat. lib. 8. disp. 34. nu. 56. Bonac. de cens. disp. 7. q. 5. pun. 1. sub n. 5. vers. Dixi in preteritis, Moronus ref. 13. num. 32. Barbof. in Collect. ad Trid. sess. 24. cap. 6. nu. 27. Et seqq. Layman tom. 1. lib. 1. tract. 5. par. 1. cap. 9. n. 4. Cabr. de cas. ref. par. 1. ref. 91. vers. addo, & alii penes ipsos. Est autem regula generalis, quòd quoties delictum est occultum formaliter, & in ratione delicti, Episcopus absolvere, vel dispensare non prohibetur. Vide dicta supra ad Inter. 20.

814 Inter. 27. Episcopus potestne dispensare in irregularitate proveniente ex injusta mutilatione, si delictum sit occultum?

Resp. Supponendum est tanquam certum, quantum ad irregularitatem contrahendam parem secisse jura mutilationem homicidio; unde qui occidit, aut mutilat, sive licite, sive illicite faciat, semper irregularitatem incurrit, ut docet Tolet. lib. 1. cap. 96. n. 1. & alii communiter. Hoc ergo supposito, Dico posse Episcopum dispensare in dicta irregularitate, dummodò ex delicto occulto sit contracta; nam Concil. Trid. sess. 24. c. 6. facultatem concedit illi, ut dispensare valeat in irregularitate proveniente ex delicto occulto, excepto homicidio voluntario. Ita pluribus relatis firmat Bonac. de cens. disp. 7. qu. 4. pun. ult. n. 11. & Diana pars. 7. tract. 2. ref. 28. Vide Barbof. de potest. Episc. part. 2. alleg. 39. nu. 49.

815 Inter. 28. Potestne Episcopus dispensare in omnibus irregularitatibus?

Resp. Non in omnibus, sed solum in irregularitatibus provenientes ex delictis occultis, excepta ea, quæ oriuntur ex homicidio voluntario, aut ex delicto ad forum contentiosum deducto. Emm. Sà verb. Episcopus num. 34. Tolet. lib. 1. cap. 58. num. 3. Bonac. loco proxime cit. quæst. 5. punct. 1. num. 3. & alii ab ipso relati. Dixi, non in omnibus, quia non potest dispensare in irregularitatibus, quæ non ex delicto, sed ex defectu contrahuntur.

var secundum communem sententiam .

816 Inter. 29. Episcopus potest dispensare in omnibus irregularitatibus ex delicto occulto provenientes, ut dictum fuit *ad Inter. antecedentem*, excepta ea, quæ oritur ex homicidio voluntario, aut ex delicto ad forum contentiosum deducto: modò scire vellem, an si reus à delicto deducto ad forum contentiosum fuerit liberatus, possit cum illo Episcopus uti facultate Concilii *sess. 24. cap. 6.*

Resp. Utique potest; nam delictum adhuc dicitur occultum, si sententia absolutoria sit secreta; *Moronus resp. 13. num. 33. & seq.* & alii ab ipso relati. *Diana part. 4. tract. resol. 97. & par. 6. tract. 2. ref. 18. vers. sub ego.* *Cabrinus de cas. reserv. part. 1. ref. 34.* & alii plures apud ipsos. Et ratio est, quia præter alias rationes, quæ videri possunt apud cit. Auctores, tale delictum adhuc manet occultum, & non potest dici deductum ad forum contentiosum cum effectu, eò quia probatum non fuit. Ita docet etiam Bonacina *de conf. disp. 7. quest. 5. pun. 1. sub nu. 5.* Imò dicit hoc esse verum, etiam si se purgavit veris, & falsis testibus, aut quando fuit absolutus defectu probationis; quod etiam tenet *Pax Jordanus tom. 1. lib. 13. tit. 4. sub n. 77.* *Cabrinus, Diana, & alii penes ipsos.*

817 Inter. 30. Potestne Episcopus finito iudicio, si delinquens convictus fuerit condemnatus, & punitus, cum eo dispensare super irregularitate?

Resp. Negat Bonac. *loco supracit. n. 6.* *Pax Jordanus ibidem n. 79.* & alii penes ipsos, & apud *Dianam part. 4. tract. 2. resol. 97. & par. 10. res. 12. ref. 33. vers. At aliquis*, ubi plura habentur ad intentum.

818 Inter. 31. Qui occultè, sed spontè fecit se castrare, potestne ab Episcopo dispensari, ut ad Ordines Sacros promoveatur?

Resp. Sciendum est primò, nemini licere se vivere in corpus suum, quia nemo est dominus membrorum suorum, *leg. liber homo 13. ff. ad leg. Aquilianam*. Undè si quis, ut castus esset, sibi amputaret virilia, aut testes, esset irregularis; item si permiserit amputari causa castus. Colligitur *ex cap. Si quis absiderit, si quis se*,

disp. 55. & cap. Significasti, de corpore viiatis. Bonac. *de irregul. disp. 7. quest. 2. pun. 2. n. 34.* & alii ab ipso relati. Secus si à Medicis fibi virilia, aut testes amputari permiserit ex iusta aliqua causa, vel ab inimicis sectus sit; nam in tali causa non esset irregularis, neque ut falsò putat vulgus, tenetur quis testes suos gerere siccos apud se, ut docet *Goffredus in sum. tit. de corp. vir. nu. 4.* *Ancaranus, Jo. Andreas, & Glossa*, quos citat *Toletus lib. 1. cap. 63. n. 7. Sylvest. in sum. verb. corp. vis quest. 2. Navar. in Man. cap. 27. de irregul. num. 200.* Bonac. *loco proximi citat. quest. 2. pun. 2. num. 31.* qui testatur de communi. Hoc ergo prænotato, dicendum est in casu nostro posse Episcopum dispensare cum illo, qui fecit se castrare, modò delictum sit occultum. Et ratio est, quia hæc irregularitas non est ob vitium corporis, sed ex delicto, ut probat *Avila part. 7. disp. 3. dub. 1. vers. contraria sententia deducta à Canonis 22. Apostol. Sæc. irregularitas ex illicita deformat. n. 5.* Nam quamvis notorium sit, eum esse Eunuchum, tamen id per delictum factum fuisse, est occultum, & consequenter integrum erit Episcopo cum eo dispensare. Trident. autem *sess. 24. cap. 6.* concedit Episcopo facultatem dispensandi in irregularitate proveniente ex delicto occulto. Ita docet *Pater Andreas Gerunda de Episcopatu lib. 2. disp. 5. cap. 3. n. 21.* quem citat, & sequitur *Diana par. 10. res. 13. resol. 28.* ubi perdoctè hanc sustinet sententiam, licet oppositum teneant Bonac. *loco cit. quest. 2. sub nu. 54.* & Sylvest. *verb. corp. viiatis. prop. finem*, ubi ait, quòd Episcopus potest dispensare cum mutilato, quantum ad membrum occultum, excepto castrato; sed ego priori sententiæ adhæreo. Verùm qui se castrat, aut castrari permittit est irregularis, *ex Can. 5. & 11. disp. 55.* Vide *Dianam par. 9. res. 1. ref. 21.*

819 Inter. 32. Episcopus potestne dispensare super irregularitate contracta ex defectu lenitatis, si casus sit occultus?

Resp. Non desunt Doctores affirmativæ sententiam teneantes, quos refert, & sequitur *Barbol. de potestat. Episcop. par. 2. alleg. 39. nu. 47.* & alii apud *Dianam par. 4. tract. 2. ref. 69.* quos ipse non sequitur, cum sententia negativa sit probabilior, & omnino sequenda, quia Concil. Tridentinum *sess. 24. cap. 6.* solum concedit Episcopo facultatem dispensandi circa irregularitatem ex delicto contractam; sed hæc irregularitas, de qua fit sermo, non est ex delicto: ergo sequitur, Episcopum non posse super ea dispensare, ut ego jam breviter dixi *hoc tenio ad Interrogat. 28.*

par. 28. & pro hac sententia ipse Diana loco cit. plures DD allegat Vide Bonac. de censur. disp. 7. quæst. 4. pun. ult. numer. 13. & iterum Dianam ubi supra ref. 70. ubi de tali dubio loquitur incidenter.

820 Inter. 33. Potestne Episcopus dispensare, ut ad Sacerdotium promoveatur, qui caret pede, & ambulat pede ligneo; & an Prælati Regulares possint hanc dispensationem concedere Religioso sibi subdito?

Resp. Antonius Butrius in cap. ult. de Corp. sit. asserit, posse dispensari cum Religioso, qui ambulat cum pede ligneo, quia propter velles longas latet huiusmodi defectus: Sylvest. verb. Corpore vitiatum num. 5. in fine ait, quod Episcopus potest dispensare cum Religioso, ut celebret cum ligneo pedes; sed si membrum appareat, non possit cum eo dispensare, nisi Papa, quando tamen fuit in culpa vitiationis, Toletus lib. 1. cap. 63. num. 3. citat Antonium Butrium loco à me supracitato, addens, posse Episcopum dispensare cum Clerico laico, qui etiam habet velles longas. Tandem quod Prælati Regulares possint dispensare cum suis subditis, qui sunt corpore vitiiati (dummodo non sit notabilis indecentia, seu defectus corporis non sit essentialis, neque scandalum oriatur) docent Rodericus in Compend. qq. Regul. dub. 5. Diana in sum. verb. Prælati regul. num. 17 & 18. & præsertim tenent, posse Prælatum Regularem dispensare suum subditum, si careat pede, & ambulat pede ligneo. Ego tamen dico, non posse Episcopum, aut Prælatum Regularem dispensare. Ita Cornejo in 3. part. 5. I. bona to. 2. de Irregul. traft. 51. disp. 12. dub. unico, quæst. ult. Et Andreas à Matre Dei traft. 10. de censuris cap. 9. pun. 6. num. 75. inquit: Durante defectu corporis, qui ex culpa propria non emanavit, solus Pontifex dispensare potest, non Episcopus, quia ipsi solum conceditur dispensare in iis, quæ proveniunt ex delicto. Quare bene Passerinus de elect. Canon. cap. 27. num. 18. inquit: In multis etiam irregularitatibus, quæ non sunt ex delicto, Prælati Regulares dispensare non valent; ut contingit in irregularitatibus ex vitio corporis provenientibus. Licet enim in levibus vitiis, & deformitatibus non requiratur Papæ dispensatio, sed Episcopus dispensare possit; Rota coram Seraphino decis. 625. numer. 5. tamen in gravibus Corporis vitiis, & magnis deformitatibus, & membrorum principalium mutilatione, solus Papa dispensat. Pro quo allegat 7. DD. Prosequitur Passerinus: At verò Prælati Regulares super huiusmodi irregularitate non dispensant. Denique infra à num. 87. diligenter examinat 4. Privilegia,

quæ videbantur opinioni contrariæ aliquatenus favere.

821 Inter. 34. Potestne Episcopus dispensare quoad Ordines Sacros, & Beneficia curata pro illegitimo occulto?

Resp. Quidquid dicant aliqui apud Dianam par. 10. traft. 11. ref. 24. discedendum non est à communi sententia, quæ docet, cum illegitimo etiam occulto non posse Episcopum dispensare, nisi ad Ordines minores, & beneficium simplex; utrumque enim deducitur expressè ex cap. 1. de filiis Præbys. in 6. ubi generaliter loquitur de quibuscumque filiis illegitimis. Vide Dianam loco cit. & par. 4. traft. 13. refol. 30. per sot. & par. 7. traft. 2. refol. 24. Et id quod dictum est de Episcopo, dicendum est de Capitulo sede vacante. Hoc tamen intelligendum est cum duplici limitatione, ut docet Diana in primo loco citat. verb. Verum licet: Prima limitatio est, quod tale Beneficium simplex non fuerit possessum à Patre talis illegitimi, ex toto titulo de filiis Præbys. & ex Concil Trident. sess. 25. de reform. cap. 15. Secunda, quod tale Beneficium non requirit Sac. Ordinem: nam aliàs non poterit Episcopus in eo dispensare, sicut nec in Ipso Ordine Sacro, ut pluribus relatis resol. vit Sayrus lib. 4. cap. 21. nu. 11. Plura videnda relinquo apud ipsum Dianam, quæ quidem sunt scitu, & notatu digna.

822 Inter. 35. Valetne Episcopus omnes Ordines conferre Expositis, absque Summi Pontificis dispensatione?

Resp. An Expositi sint irregulares, vel non, est quidem magna quæstio inter Doctores, ut videre licet apud Dianam par. 2. traft. 14. refol. 22 Sed ipse Diana ibidem absolutè, & simpliciter tenet, Expositos siue ulla dispensatione posse ab Episcopo promoveri ad omnes Ordines. Et pro hac sua tuenda sententia alios concordantes refert: & ratio est, quia quilibet præsumendus est legitimus, dum non probetur contrarium; tum quia in dubiis præterenda est pars benignior, ideo flante dubitatione præsumendum est pro legitimatione: tum etiam quia tales in nullo iure illegitimi decernuntur, & interdum Parentes filios legitimos ob paupertatem exponunt. Itaque concludendum est, quod expositi, & omnes illi, de quibus dubitatur an sint legitimi pro legitimis habendi sunt, ut de communi testatur Alloza verb. irregularitas sess. 4. n. 44. Imò quod expositi habendi sint pro legitimis, decrevit Gregorius XIV. in gratiam Confraternitatis pro Expositis. Vide Dianam par. 4. tr. 2. ref. 58. & in summa verb. irregularitas num. 13. & tandem Moronum resp. 66. num. 2. qui

qui ad hoc probandum fortioribus nititur terminis, & rationibus, & ad argumenta contraria luculenter respondet. Ergo cum non sint irregulares, Episcopus potest illis sicut aliis, absque ulla dispensatione, omnes Ordines Conferre.

823 Inter. 36. Potestne Episcopus transferre jejunium, quod incidit in aliquod festum solemne, peculiariter in sua Diocesi, vel Civitate celebrari solitum; & quid de Vigilia S. Matthiæ, si incidat in ultimo die Bachanalium?

Resp. Affirmat Layman lib. 4. tract. 8. cap. 3. num. 9. apud Dianam pars. 3. tract. 6. ref. 66. & alii: tamen neutrum facere posse, est probabilius, & tutius; nam non licet inferiori contra solum Superiorem dispensando venire. Vide Leandrum de preceptis. Eccles. tract. 5. disp. 10. quest. 42. & huic sententiæ adheret Diana par. 10. tract. 16. ref. 7. Imò notat Card. de Lugo, fuisse in voto Innocen. X. non debere dictam Vigiliam S. Matthiæ transferri in alium diem; ac tandem Sac. Congr. novissimè memini declarasse non posse Episcopum in alium diem transferre vigiliam S. Matthiæ, & ita tenendum est omnino.

824 Inter. 37. Tempore pestis potest Episcopus dispensare, ut in sua Civitate comedant carnes in Quadragesima?

Resp. Veneris in exam. Episcop. lib. 4. cap. 46. num. 53. Homobonus de Bonis in consilio. select. casuum conscient. vol. 1. par. 2. resp. 57. affirmant, Episcopum cum consilio sui Capituli, & aliorum Theologorum, Canonistarum, & Medicorum, posse dispensare, ut omnes tempore pestis carnes comedere valeant ad preservationem tanti morbi: Oppositum tamen docent Marchinus de Bello Divino, seu de pestilentia part. 6. cap. 2. num. 3. & Paulus Nazarius tom. 8. opusc. 3. cap. 1. fol. 419. qui à fundamentis, & Theologicè hanc pertractat questionem, & respondet ad argumenta in contrarium adducta à Venero; & hanc oppositam sententiam sequitur Diana par. 10. tract. 14. ref. 3. aliàs 5. Verùm est tamen, quòd Marchinus loco cit. num. 6. concedit, quòd in locis ab Urbe valde remotis, vel ubi periculum sit in mora, vel ex generali consuetudine, liceret Episcopo, universos Cives abstinencia Quadragesimali ex causa pestis solvere, quod quidem mihi valde probatur.

825 Inter. 38. Potestne umquam dari casus, in quo possit Episcopus dispensare in impedimentis dirimentibus matrimonium?

Resp. Quòd Episcopus possit dispensare in impedimentis dirimentibus, quæ superveniunt matrimonio jam contracto, ad effectum

petendi debitum conjugale, est in confessis apud omnes. Quòd autem possit in foro conscientiæ, & dummodò impedimentum sit occultum, ex urgentissima tamen necessitate, dispensare in impedimento dirimente ante, & post contractum matrimonium, est magna difficultas. Videtur affirmare Valquez, Salas, Henriquez, & Valentia, quos dat, & sequitur Bonac. de matrim. quest. 3. punct. 15. n. 5. & 6. nec dissentit Dian. par. 9. tract. 7. ref. 39 & alii apud ipsum, & ante dixerat par. 2. tract. 16. ref. 17. ubi plures pro hac citat sentent. Et par. 8. tract. 3. ref. 96. Sed Barbof. de potestate Episc. par. 2. alleg. 35. num. 4. sic ait: Communis sententia videtur tenere, tunc Episcopum posse dispensare in impedimentis dirimentibus, quando matrimonium est bona fide contractum, & publicè, ac impedimentum est occultum, & separatio conjugum nequit fieri absque magna famæ jactura, aut scandalo, aut alio magno inconveniente; & neque ad Pontificem iri, neque ad alium habentem privilegium dispensandi, aut si adiri potest, dispensatio tamen differri nequit, absque probabili periculo. Hæc enim Barbof. ex sex Doctores, quos ibi allegat. Vite Em. Sà verb. Episcopus in fine. Tamen Fagnan. in cap. nuntiis, de filiis præb. num. 27. oppositum docet, sic inquit: Perperam Navar. post Jo. de Lignano, Abb. Angelum & Sylv. quos citat; scripsit, Episcopum posse dispensare in impedimentis, quæ dirimunt, si impedimentum sit occultum, matrimonium publicum, & separatio magno scandalo fieret, & ad Papam, aut ejus Nuncium potestatem ad id habentem confugi non posset, propter paupertatem, & alia legitima impedimenta; & gloriatur hanc doctrinam se primùm vulgasse Salmanticæ, & propter eam nonnullos Episcopos aliquoties dispensasse, eamque novissimè sequitur Sanch. Etenim, quidquid sit de veritate hujus doctrinæ, profectò illa fuit malè applicata à Navagro in partibus Hispaniarum; undè meritò illius sententiam reprobat Sac. Congreg. Concil. item Congreg. deputata in causa Laudicesi. Ita Fagnan. Vide ergo quæ dicam in tit. 108. ad Inter. 2.

826 Inter. 39. Potestne umquam dari casus, quòd Episcopus possit dispensare in Matrimonio rato, & non consummato, sicuti potest Papa?

Resp. Quòd Papa possit dissolvere Matrimonium ratum, & non consummatum, dicam in tit. 159 de Papa, seu Summo Pontifice, ad Inter. 7. & de hoc ego non dubito, dummodò adsit aliqua justa causa; causa verò, ex qua potest Papa dispensare in Matrimonio rato, &

non

non consummato; prima est notabilis in qualitate disparitas; secunda, quando magnum scandalum timetur, & magnæ rixæ inter sponfos aut consanguineos eorum oriri possunt; tertia, est lepra, aut alius gravis morbus superveniens, ratione cujus nunquam possit Sponsus ad Sponsam accedere; quarta, impotentia superveniens matrimonio rato; quinta, est, ut vir maxime conveniens bono communi efficiatur Episcopus. Ita ex Sanchez docet Ochagavia *tr. 2. de Sac. matrim. essentia quest. 5. n. 5.* Baunius in *Moral. 10. tract. 12 Theol. mor. de impedim. matrim. qu. 5. Sanch. de matrim. lib. 8. disp. 16. Diana pars. 8. tract. 1. ref. 65. vers. Nam in primis, & alii. Imò ipse Diana ex Perez de matrim. disp. 20. sect. 7. nu. 1. & aliis, contra Pontium resolvit, posse Papam dissolvere matrimonium ratum, & non consummatum, non solum inter magnos Principes, sed etiam inter alios, quoties adest una ex causis enumeratis. Vide Dian *loc. cit. & tr. 3. ref. 97.* & nota, quod iusta existente causa potest Papa dispensare in casu nostro absque mutuo consensu Conjugum, quia potestas hæc dispensandi, non in gratiam ac bonum præcipue privatum ipsorum conjugum, sed in primis ipsius Ecclesiæ concessa est. Quod autem possit Episcopus in aliquo casu raro id facere, asserit Baunius *loco supra citato*, putaus, posse Episcopum in sua Diocesi id quod potest Papa in tota Ecclesia, nisi ab eo prohibeatur; sed hanc sententiam, prorsus refellendam esse, & carere omni probabilitate existimat Diana, & eam refellit Perez de matrim. disp. 29. sect. 8. num. 2. apud ipsum Dianam supra resolut. 64. & rectè respondet ad argumentum Baunii. Vide, quæso, quæ dixi supra ad Inter. 10. & dic, nullo modo posse Episcopum, sine expressa Papæ delegatione, in quocumque casu, & quacumque necessitate dispensare, seu dissolvere matrimonium ratum.*

827 Inter. 40. Potestne Episcopus dispensare in omnibus juramentis? & quid de juramento Castitatis, Religionis, & triplicis peregrinationis?

Resp. Non potest in omnibus juramentis, sed solum in juramentis non reservatis Papæ, ex lege, vel consuetudine, ut benè observat Bonac. de præcept. decal. disp. 4. quest. 1. pun. ult. num. 9. Unde Episcopus subsistente iusta causa, & dummodo juramentum non sit in favorem alicujus tertii, potest dispensare, & commutare in illis omnibus, quæ, si vota essent, posset dispensare, ut docet Cajet. 2. 2. quest. 89. art. 9. Tol. lib. 4. cap. 23. nu. 1. & alii. An verò possit dispensare in juramento Castitatis,

Religionis, Peregrinationis vis Romanæ, Hierosolymitanæ, & Compostellana; est magna difficultas. Affirmat Diana *part. 10. tract. 14. ref. 17.* Negant tamen probabilius alii, ut Bonac. & Tolet. *loc. cit.* & alii apud Emm. *Sà verb. juramentum sub num. 33.* & ita tenendum est in praxi cum Valentia *tom. 3. disp. 6. pun. 4.* & hanc sententiam probabiliori existimat etiam ipse Diana. Verum est tamen, quod si juramentum fuit penale, aut conditionale putant probabiliter quidam, quod etiam in illis quinque juramentis reservatis possit Episcopus dispensare ante, & post impletam conditionem, & penam, incursum. Bonac. *ibid.* & alii. Vide Renzium in præcept. decal. lib. 2. c. 2. sect. 5. quest. 15. & infra in tit. 242. De Voto ad Inter. 8.

828 Inter. 41. Episcopus potestne dispensare in legibus Synodi?

Resp. Episcopus, cum sit legislator, aut legislatoris successor, equidem potest in dictis legibus dispensare; nam alii qui interfunt Synodo, tantum sunt consilarii, non autem unà cum Episcopo legesatores. Barbosa de potest. Episc. par. 2. alleg. 24. Verum est tamen, quod si Constitutiones Synodi fuerint à Papa confirmatæ, non valet in eis Episcopus dispensare, quia per confirmationem Papæ fiunt propriæ ipsius, & inferior, ut est Episcopus dispensare non potest in lege Superioris sui: sed hoc intelligi debet, quando Papa ita confirmat, ut velit illis Constitutionibus robur addere, & illas facere proprias; si secus verò si solum eas confirmat, declarando esse laudabiles, & debere observari à subditis. Salas de legib. disp. 20. sect. 3. num. 29. Mendo Episc. opin. moral. ver. Episcopus numer. 14. & alii. Sed omnino vide Dianam *part. 8. tract. 3. ref. 73. & par. 9. tract. 6. ref. 41.* qui luculenter id probat.

829 Inter. 42. Potestne Episcopus cum consensu hæredis tollere qualitates in fundatione beneficiorum appositas, & saltem pro una, vel altera vice dispensare?

Resp. Affirmant nonnulli, & dicunt, posse Episcopum ex causa de consensu hæredis dispensare, ut detur Beneficium non habenti omnia requisita à Fundatore, & cum consensu Patroni jus habentis, mutare aliquid in institutione Beneficii. Ita docent Navar. conf. 3. de Cler. non residens. cui subscribit Emm *Sà verb. Beneficium n. 37.* & alii plures, quos refert, sed non sequitur Castropalaus *tom. 2. tract. 13. disp. 1. pun. 6. num. 11.* Tamen oppositam tenendum est omnino, quia Concil. Trident. sess. 25. de reform. cap. 5. prohibet Episcopis tollere, etiam cum consensu Patroni, qualitates in fun-

fundatione beneficiorum appostas, ut recte observant idem Castropalao ubi supra nu. 22. Barbof. de pœst. Episc. p. 3. alleg. 83. n. 14. Et in Collect. in Trident. sess. 22. de reform. cap. 6. nu. 7. in fine, & Diana p. 4. tract. 4. resol. 227. vers. Et tandem, qui alios concordantes referunt. Ex quo inferit ipse Diana, non posse Episcopum dispensare, etiam ad consensu hæredis, quod Capellania actu, vel habitu sacerdotialis, saltem una, vel altera vice conferatur Clerico 14. annorum.

830 Inter. 43. Qui habet votum non contrahendi matrimonium, vel non fornicandi, aut non se polluen- di, vel non tangendi turpiter mulierem, potestne ab Episcopo dispensari?

Resp. Si adest iusta causa, utique Episcopus in his votis dispensare valet, sicut in voto virginitalis, aut non petendi debitum conjugale, & in omnibus votis, quæ non sunt integræ, & perfectæ Castitatis; reservatio enim est odiosa, eò quod coerceat potestatem Episcoporum: ideoque strictè est interpretanda. Unde regula generalis est, quoties materia voti deficit à materia integra voti Castitatis, ab Episcopo dispensari potest, quia est votum partialis & imperfectæ Castitatis, quod sub reservatione non cadit. Bonac. tom. 2. De Præc. Decal. disp. 4. q. 2. pun. 7. §. 4. nu. 21. vers. quinto, Barbof. de pœst. Episc. par. 2. alleg. 37. num. 17. Card. de Lugo in Resp. Moral. lib. 6. dub. 1. nu. 2. Andreas à Matre Dei in curs. Theol. moral. tom. 4. tract. 17. cap. 3. pun. 12. num. 104. Lezan. tom. 2. verb. Votum nu. 13. Et 14. Allox. verb. Episcopus disp. 6. sect. 1. n. 15. Et verb. Votum sect. 4. nu. 10. Emm. Sà verb. Votum nu. 24. Dian. pars. 1. tract. 11. resol. 61. Vide supra in tit. 42. de Confessariis ad Inter. 18. Et infra in tit. 180. De Regularibus, seu Religiosis, ad Inter. 26. & est communis sententia. Verum non ita facile debent Episcopi dispensare in votis non fornicandi, non se polluen- di, non committendi sodomiam, & similibus.

831 Inter. 44. Potestne unquam Episcopus dispensare in votis Papæ reservatis, & præcipuè in voto perpetuæ Castitatis, & Religionis?

Resp. Quando ob aliquam iustam causam non est facilis aditus ad Papam, vel recursus ad Sacram Pœnitentiarum, puta, quia necessitas urget, aut timetur transgressionis periculum, certò Episcopus dispensare valet, & quoad votum Castitatis perpetuæ, aut Religionis, Leander p. 7. tract. 1. disp. 17. dicit sibi certissimum, & communiter doceri à Doctoribus: Quoad alia verò tamen vota,

Tom. I.

postquam allegaverit Sanchez, Palatium, Petrum Ledesma, & Suarium, optimè advertit cum his Doctoribus, raro, aut nunquam eventurum hunc necessitatis dispensandi casum: Verum est tamen, non posse Episcopum dispensare, nisi quando periculum postulat, eoque durante, cum solum ei concedatur ex æquitate dispensandi facultas pro necessitate, & non aliàs, quia tunc credi potest, non esse Pontificis mentem, velle, urgente necessitate, sibi reservare casus, & quod animæ laqueis irretitæ versentur in tanto periculo. Notandum est tamen, quòd dispensatus v. g. ab Episcopo, ut matrimonium contrahere possit, contra Votum quidem peccat, si extra matrimonium fornicaretur, vel eo soluto ad aliud sine nova Pontificis dispensatione transiret, ut docet Lezan. to. 2. verb. Votum n. 12. & alii ab ipso relati; qui Author rectè quidem advertit, quòd si facilis sit aditus ad Legatum Pontificis, non possit Episcopus dispensare, sed ad Legatum spectet: idem docet Bonac. loc. cit. & Leand. q. 124. ubi pro se allegat Navar. Suarez, & alios octo DD. & ratio est, quia tunc cessat necessitas, pro qua sola Episcopus dispensare potest, licet propriè non dicatur dispensare, sed suspendere Voti executionem ad tempus, ut bene notat Bonac. de præc. decal. disp. 4. q. 2. pun. 7. §. 4. nu. 15. ubi concordantes refert.

832 Inter. 45. Quidam emisit votum ludendi, sub pena, ut non possit dispensari, nisi à Summo Pontifice, potestne Episcopus in tali voto dispensare?

Resp. Affirmat Trullench. in Decal. tom. 1. lib. 2. c. 11. dub. 5. n. 2. quia tale votum non est de reservatis Summo Pontifici, & sic non aufert jurisdictionem Episcopo, & videtur esse de re impossibili, & pro se citat Sanchez, & Bonacinam, quibus se subscribit Diana p. 7. tract. 9. resol. 59. Alios Auctores id asserentes refert Diana p. 1. tract. 11. resol. 75. Imò nota, quòd qui vovit non petere dispensationem voti, adhuc illam petere potest, explicando secundum votum, si timeret aliqui periculum peccandi. Ita docet Emm. Sà verb. Votum n. 15.

833 Inter. 46. Titius positus in periculo vitæ, vovit ingredi determinatam Religionem, ad hoc ut pristinam recuperaret sanitatem, quod votum recuperata sanitate confirmavit; modò verò desiderat dispensari, potestne Episcopus id facere?

Resp. Quoties votum non fuit absolutum, sed conditionatum, potest utique ab Episcopo dispensari, quia solum votum absolutum Religionis est Summo Pontifici reservatum;

O

tum; sed votum Titii fuit conditionatum: ergo Episcopus potest cum eo dispensare, & licet impleta conditione obligatio sit absoluta, tamen initium, origo, & radix dictæ obligationis fuit imperfecta voluntas pendens à futuro eventu, quæ semper in ipsa obligatione imbibita manet; ac proinde idem semper est verum dicere, eam obligationem ortam esse ex consensu quodam imperfecto, & consequenter potest Episcopus dispensare. Nec obstat quòd post adimpletam conditionem confirmatum fuit votum, quia talis confirmatio cadit supra votum à principio non absolutum, sed conditionale. Ita pluribus relatis docet Diana p. 1. r. 11. *resolut. 54. & p. 3. r. 5. resolut. 25. vers. 8.* & in terminis in casu præfati respondet affirmativè p. 6. *tract. 8. resolut. 16.* ut dixi, & fortioribus rationibus hoc probat. Vide Layman lib. 4. *tract. 4. cap. 8. num. 10.*

834 Inter. 47. Si Coniuges ex communi consensu Castitatem voverint, potestne cum eis Episcopus dispensare propter periculum incontinentiæ, ut petant, & reddant debitum conjugale?

Resp. Affirmativè respondet Diana *part. 4. tract. 4. resolut. 125.* & Pontio *de matrim. lib. 8. cap. 9. nu. 2.* Ratio est, quia cum periculum incontinentiæ sit moraliter certum, nec ita breviter potest adiri Pontifici, adeit iusta, & legitima causa dispensandi, & Episcopus ex quodam tacito consensu Papæ, & benigna ejus voluntate interpretativa dispensare potest. Vide Emm. Sà *verb. Debitum conjugale n. 2. & verb. Voti irritatio sub n. 11.* Nota tamen, in tali casu Episcopum non relaxare simpliciter Votum, sed solum ex parte, & secundum quid; & ideo mortuo uno conjugum, non potest alter Matrimonium aliud inire, sine Summi Pontificis dispensatione: nam voti obligatio non fuit extincta, sed solum pro illo tempore suspensa ratione periculi incontinentiæ &c. Et de hoc nullum est dubium: sed omnino vide, quæ docui ad Inter. 44. ubi notavi, quòd si sit facilis aditus ad Legatum, ad ipsum, & non ad Episcopum spectat dictam dispensationem concedere.

835 Inter. 48. Episcopus incidens in casum reservatum Summo Pontifici, potestne à proprio Confessario absolvi, & dispensari?

Resp. Si Episcopus habet facultatem absolviendi, & dispensandi alios in eundem casum incidentes, potest quidem absolvi à Confessario ab eo electo, quia non debet esse deterioris conditionis aliis; & sicut alii non coguntur adire Papam in casibus occultis eidem Papæ reservatis, sed possunt ab Episco-

po absolvi, & dispensari, ut patet ex Trident. *sess. 24. c. 6.* ita & Episcopus potest deputare sibi Confessarium cum eadem facultate, quam ipse in propriis subditos exercere valet, & ab eo Confessario sic electo absolvi, vel dispensari. Sanchez *in summ. tom. 1. lib. 2. c. 11. & lib. 8. de matrim. disp. 3. n. 3.* Henriquez, Nugnus, Filliucius, & alii, quos dat, & sequitur Bonac. *de Sac. disp. 5. q. 7. pun. 5. §. 2. sub n. 7.* Imò sic decusum fuisse à Sac. Cardinalium Congregatione, testantur præfati Authores, quibus addo Toletum lib. 1. c. 89. *sub n. 55.* & Dianam p. 7. *tract. 2. ref. 14.* Vide in tit. 205. ad Inter. 27.

836 Inter. 49. Potestne Episcopus sibi eligere Confessarium non subditum, & cum eo confiteri?

Resp. Episcopus, dico, quòd extra Diocesim non potest confiteri neque Regulari, qui non sit ab Ordinario loci approbatus: ita ex Sac. Congregatione refert Nicolius *in flosce. verb. Episcopus n. 60.* & *verb. Parochus sub n. 22. in fine*, & docet etiam Em. Sà *verb. Confessor nu. 5.* Unde tenetur eligere Curatum, seu approbatum ab Ordinario. Vide Fagnanum *in lib. 5. decret. cap. in pro dilatione, de pen. & remiss. num. 62.* Suarez *tom. 4. de penit. disp. 28. sect. 6. nu. 13.* apud Bonac. *de Sac. penit. disp. 5. quest. 7. pun. 4. §. 1. num. 25.* Dianam p. 3. r. 2. *resolut. 3. & p. 11. tract. 4. ref. 13.* Gabrielem à S. Vincentio *Var. Resp. 17.* Passerinum *de statib. tom. 2. quest. 187. num. 211.* & ita pluribus relatis firmat Barbosa *in Collect. DD. in Trident. sess. 23. c. 15. n. 30.* Vide ad Inter. sequentem.

837 Inter. 50. Quare Episcopus non potest sibi eligere Confessarium non approbatum, ut dictum est ad Inter. antecedentem, & possunt Superiores Regulares, ac etiam ipsorum subditi, ut dicitur infra in tit. 175. de Præfatis Regularibus ad Inter. 15. & 16. & in tit. 180. de Regularibus, seu Religiosis, ad Inter. 108.

Resp. Circa tale dubium vide Dianam p. 3. *tract. 2. ref. 3.* ubi sic inquit: Concilium verè, & propriè non derogat Episcoporum privilegio, quia privilegium expressè dicitur, ut possint eligere Sacerdotem idoneum, & hoc illis integrum manet; neque Concilium illud in totum, vel in partem abstulit, sed solum ex parte Confessoris posuit conditionem necessariam, ut idoneus sit, nempe approbatus ab Ordinario: & hæc conditio universaliter apposta est respectu omnium Sæcularium, inter quos Episcopi continentur.

Quoad verò Præfatos Regulares, certum est, Concil. Trid. nihil innovasse; nam solum

hūm loquitur de confessionibus Secularium, & ad has approbationem Episcoporum in Confessariis requirit tam Sæcularibus, quàm Regularibus. Igitur Prælati Regularis, uel quilibet Regularis habens absolutè licentiam eligendi Confessarium, possunt eligere sibi in Confessarium quemlibet Sacerdotem, etiam ab Episcopo non fuerit approbatus. Et pro hac sententia plures concordantes adducit, quos breuitatis gratia citare omitto.

838 Inter. 51. Potestne Episcopus approbare aliquem Sacerdotem non subditum, & ei concedere facultatem audiendi Confessiones?

Resp. Non potest, nisi ei subdatur saltem ad tempus, ex eo quia talis approbatio est actus iurisdictionis, qui debet exerceri tantum in subditum. Bonac. de Sac. disp. 5. qu. 7. pun. 4. §. 1. n. 16. Bufembaum lib. 6. tr. 4. c. 2. de approbat. Confessar. dub. 2. & alii.

839 Inter. 52. Potestne licitè Episcopus absque causa reuocare licentiam audiendi Confessiones, datam alicui Confessario notoriè sufficienti sine examine?

Resp. Quod possit Episcopus sine examine ad audiendas Confessiones admittere quemlibet Sacerdotem suæ Diocesis idoneum, firmabo in tit. 86. de examine quoad scientiam, & doctrinam, ad Inter. 1. & præter DD. ibi citatos, nunc addo Dianam p. 7. tr. 11. res. 33. qui alios concordantes refert. Item dicam in tit. 180. de Regular. seu Religiosis, ad Inter. 23. quomodo non possit Episcopus reuocare licentiam audiendi Confessiones datam Regularibus, sine causa, eaque Confessiones ipsas concernente, aut ob non seruatum interdictum ab Ordinario positum. His ergo prænotatis, respondeo ad præsentem difficultatem, & dico, quod Episcopus licitè potest reuocare licentiam excipiendi Confessiones datam Regulari sine examine absque ulla causa; & ratio est, quia illud fuit priuilegium penitus gratiosum, siquæ & gratis reuocari potest. Ultra quod quia gratificatus nullum per hoc acquisiuit ius irreuocabile, consequenter potest reuocare, ut docet Bordon. in conf. regular. res. 36. quæst. 2. num. 9. Imò ita declarasse Sac. Congregationem die 31. Julii 1613. testatur Gavantus in man. Episcop. verb. Confessarii num. 21. & ex eo Diana ubi supra in fine.

840 Inter. 53. Potestne Episcopus facultatem dispensandi, sibi tributam à Concilio, aliis subdelegare; & quid dicendum est de facultate absolendi, an possit Episcopus aliis subdelegare?

Resp. Quidquid aliqui in contrarium dicant, puto posse Episcopum in casibus occultis non solum per seipsum dispensare, & absolvere, sed etiam per alium sibi benè visum: & ratio est evidens; nam qui habet potestatem ordinariam, potestne alteri eam delegare, ut dicitur in cap. fin. de offic. Ordin. & habetur quoque ex aliis iuribus vulgatis: Concilium autem Tridentinum non concedit Episcopis hanc facultatem tanquam Sedis Apostolicæ delegatis, ut aliquoties facere solet, sed absolute, & simpliciter. Undè colligitur, talem facultatem annexam esse muneris Episcopali, iure ordinario, & consequenter ab Episcopo delegari poterit. Huic sententiæ favent Sylvestr. in Summ. verb. absolutio 4. §. 6. Navar. lib. 1. conf. 1. de Confir. num. 48. Toletus lib. 1. cap. 32. num. 7. Bonac. tom. 1. de censur. disp. 7. quæst. 5. punct. 1. num. 8. & punct. 2. num. 6. Moronus Resp. 13. num. 42. & seqq. & præsertim num. 46. Diana part. 7. tract. 2. res. 12. & 13. & in Summ. verb. Episcopi jurisdictionis num. 22. Suarez, quem refert, & sequitur Cassianus à S. Elia in Arbor. Opin. Moral. verb. Absol. vo §. 12. num. 127. vers. Episcopi, & habetur etiam ex Gloss. in cap. de cetero, de sent. excomm. & faciunt pro ea multa, & validiora fundamenta, ut fatetur Barboz. de potestat. Episc. p. 2. alleg. 39. num. 10. & seqq. licet in hoc opinionum conflictu suam interponere sententiam recuset; sed tantum utriusque partis Assessores refert: At ego quia libenter sequor sententiam, quam etiam tot viri docti ut tutam in praxi meritò defendunt, sanè puto, quod Episcopus salva conscientia possit committere, & denegare huiusmodi facultatem non solum Vicario suo, sed etiam alteri Sacerdoti: sibi benè viso. Tandem vide Barb. in Collec. ad Concil. Trid. sess. 24. cap. 6. de reform. num. 45. ubi pro hac sententia, quam sequor, citat Navar. conf. 11. num. 4. de priuileg. Sanchez de matrim. lib. 2. disp. 40. num. 17. versic. Sed dicendum, Layman lib. 1. tract. 5. par. 2. cap. 5. num. 2. Azorium in instit. moral. part. 1. lib. 8. cap. 10. quæst. 11. & alios; & in fine dicti numeri sic habet: Ego tamen ex aliorum mente puto, Concilium in præsentem distinguere voluisse inter facultatē dispensandi super irregularitate, & suspensione, ac absolendi à casibus reservatis; ut prima possit exerceri per quemcumque, secunda verò conueniat tantum Vicario, qui speciatim deputatus sit per Episcopum cum facultate absolendi à casibus reservatis. Verum Diana res. 13. loco supra citat. ita concludit: Quare dicta facultas, cum sit ordinaria, utpotè ratione dignitatis; & officii ex juris Privilegio Episcopali.

copis competens, poterit speciali commissione alicui generaliter delegari, sicut quælibet alia ordinaria potestas; ex quibus remanent soluta advarliaræ partis fundamenta. Vide etiam Em. S. verb. *Delegatus* n. 2.

481 Inter. 54. Episcopus debetne dictam facultatem exercere solum in subditos, & intra Dioecesim, vel non, ubi Tridentinum non fuit receptum?

Resp. Dixi suprà ad Inter. 23. quòd hanc facultatem exercere debeat in propriis subditos, & intra Dioecesim, licet sit valde probabile, posse etiam extra Dioecesim, ut docent Doctores quos ibi citavi. Vide Dianam p. 7. tr. 2. resol. 8. ubi aliis citatis probat, posse Episcopum extra suam Dioecesim existentem hac facultate uti, & ibidem ref. 9. tenet cum Sanchez in *Summ. tom. 1. lib. 2. cap. 11. nu. 17.* posse Episcopum dicta facultate uti, etsi subditi extra ejus existant Dioecesim, quod etiam docet Thesaurus in *praxi part. 1. capit. 23. §. 6.* Bossius de *Jubilæo scilicet. 1. cas. 10. §. 6. num. 166. & seqq.* Quinam autem includantur nomine subditorum in dicto Decreto Conc. Trid. rectè docet ipse Diana *loc. cit. resol. 11.* Vide ipsum, & non pigebit. Sed nota, quòd ubi Tridentinum non est usu receptum, non potest Episcopus uti privilegio concessa per dictum Concilium *sess. 14. cap. 5. de reform.* Vide Barbof. de *potest. Episc. part. 2. alleg. 39. nu. 3.* Licet Diana ubi suprà ref. 27. dicat, quòd in Gallia dispensant per Canonem licet Concilii Trid. absque ullo ad Summum Pontificem recursum. *Sed part. 12. tract. de Consec. Episc. ref. 104.* oppositum doceat ex Sacr. Congregatione esse tenendum; & ita ego credo, si specialem facultatem non habeat.

842 Inter. 55. Potestne Episcopus commissa sibi à Papa per verba *oneramus conscientiam tuam* aliis subdelegare, seu committere?

Resp. Menochius docet, quòd non, quia censetur electa industria personæ, quando in aliquo Brevis Apostolico dicitur: Super quo tuam oneramus conscientiam. Alii verò probabilius affirmant, & dicunt, quòd sit solum onerata conscientia ineligenda persona apta, & idonea ad faciendum negotium. Ita Moronus *resp. 76. nu. 151.* Et rectè quidem; nam illa verba *tuam oneramus conscientiam*, potius videntur posita in vim monitionis, quàm in vim formæ delegationis, neque per ea censetur electam esse industriam personæ; ideo jure optimo poterit subdelegari negotium commissum, & per alium expediri; & ita tenet etiam Nayar. *lib. 1. caus. 2. cit. de potest.*

Judicii delegari. Rota decis. 14. de Offic. deleg. in novis. Rodericus in Compend. qq. Regul. resol. 82. sub n. 4. Em. S. verb. Episcopus n. 25. Allozo eodem verb. sess. 5. nu. 7. & Pax Jordanus tom. 3. lib. 13. cit. 6. n. 42. ubi plura ad intentum.

843 Inter. 56. Si Episcopus procedat contra aliquem in aliquo particulari casu tanquam Sedis Apostolicæ delegatus, teneaturne copiam suæ commissionis parti petenti dare, si vult illum excommunicare?

Resp. Episcopus non potest procedere ut Sedis Apostolicæ Delegatus, nisi in casibus à Conc. Trid. & aliis Bullis Pontificiis exceptis, ut dicam in tit. 180. ad Inter. 47. Unde si alio modo est delegatus, tenetur copiam suæ commissionis parti petenti dare; alias non solum erit injusta, sed etiam nulla excommunicationis sententia. Sylvester *verb. Delegatus q. 3. n. 4. Em. S. verb. excommunicatio n. 10.* qui citat Innocentium, Panorm. & Fillium; & hoc procedit de quocumque alio delegato. Et ratio est, ut ait Sylvester *loc. cit.* quia delegato non creditur, nisi probet delegationem; nec tenetur quis exequi sententiam ejus, nisi litteræ ostendantur.

844 Inter. 57. Potestne Episcopus multis, & poenis cogere Populum, ut eat ad audiendum Sacram Concionem, & Missam in Ecclesia Parochiali?

Resp. Nequaquam hoc facere valet; & ita censuisse Sacram Congreg. testantur Rodericus in *comp. qq. Regul. resol. 112. n. 11. Zerula in praxi Episc. part. 2. verb. Parochia pag. 83.* & alii, quibus subscribit Barbosa in Tridentino *sess. 22. de Sacrificio Missæ cap. 8. num. 31. & sess. 24. de reformat. cap. 4. numer. 17.* Sed vide Dianam *par. 10. tract. 13. resolut. 25.* ubi plura haberi possunt ad intentum, concludendo suam resolutionem his prudentissimis verbis: *Consulo tamen Regularibus, ut cum Reverendis Parochis bene se gerant, & suos parientes à frequentatione Ecclesiarum Parochialium minime dissuadeant.* Et tandem vide Rotarium in *Appar. pro exam. Cler. cap. 9. sess. 3. num. 17. & 18.*

845 Inter. 58. Quid debet considerare Episcopus in eligendis ad animarum curam?

Resp. Debet considerare probitatem vitæ, scientiam, industriam, & prudentiam in rebus agendis: sed probitas debet præferri scientiæ, & interdum comparative antefrã debet industria, & prudentia, supposita semper fuisse. & scient. Ita docet Ban. *2.2. quest. 63. art. 2. colum. 1.* Itaque Episcopus eligit ex probatis ad animarum curam, quos magis idoneos putabit, considerata ætate, moribus, scientia, & prudentia, ut habetur ex Trid.

seff 24. cap. 18. Vide Barbosam de offic. Parochi cap. 2. num. 122 & in collect. ad Trid. loc. sup. cit. num. 118. & seff. ubi plures concordantes adducit. Vide etiam Viskorellum in adit. ad Em. S. d. verb. Electio sub num. 13.

846 Inter. 59. Quid debet facere Episcopus, si in aliquo negotio, aut causa Ecclesiastica minus peritum se inveniat?

Resp. Licet Episcopus aliorum doctrina non debeat egere, ut dicitur in cap. Qui Ecclesiasticis 36. dist. tamen ibi Glof. in verb. Quarent, sic inquit: Si Episcopus minus sit eruditus, ab alio doceri non contemnat; & habetur ex cap. Si habes, 24. quest. 3. nam nemo est, qui doceri non eget, dum vivit, licet defectus scientie in Episcopis sit omnino reprobatus, nec tolerandus, cap. imer cetera, de offic. Ordinaris. Unde non erubescit Episcopus in tali casu à subdito doceri, quia reprehensibilis foret, si edoceri contemnat à subdito perito; nam sic dicitur in dicto cap. Si habes, & ibi Glof. in verb. Senex, ubi S. Pater Augustinus magnum Ecclesie lumen, sic ait: Ego senex à puero nondum anniculo paratus sum edoceri; & Juris consultus inquit: Si unum pedem habere in sepulchro, alium extra, adhuc addiscere vellem, ff. de Fideicom. liber 1. apud Julianum. Si quidem nulla ætas fera est ad discendum, cap. Nullus Episcopus 38. dist. cap. Nisi cum pridem de renunc. & ibi Glof. in verb. Plerumque. Ideoque Episcopus litteratos viros secum habere debet. Glof. in cap. Ego subjectus 95. dist. in verb. Invidant, & reprehenditur Episcopus, qui malit habere illiteratos, quam viros doctos circa se. Utinam Episcopi ante omnia in quovis negotio bene consulere, quia qui agunt cum consilio, reguntur sapientia. Seneca Epist. 23. Sed qui de sui unius sententia omnia gerit, superbum magis quam sapientem judicavit Titius Livius apud Barbosam de potest. Episc. part. 1. tit. 2. Glof. 6. num. 11. Sed vide quæso Dianam part. 12. in tract. de consecr. Episc. resolut. 71. ubi agit de scientia, quam habere tenetur Episcopus ante consecrationem; & Pacem Jordanum tom. 1. tit. 15. per totum, ubi more suo egregie agit de prudentia, quæ in Episcopis summo perè desideratur. Et quod dictum est de Episcopis, pari ratione dicendum est de Prælati Regularibus; nam ignorantia non excusat in his, quæ quis tenetur ex officio inquirere, cap. ad Falsarium de crim. fals. & docent Doctores apud Fagnan. 2. part. lib. 3. Decret. in cap. Nullus de Regul. n. 47.

847 Inter. 60. Episcopus extra suam Diocesim, & in aliena existens, potestne accedere ad Monasteria Monialium?

Tom. I.

Resp. Dicam in tit. 235. de verbis cum Monialibus ad Inter. 2. cum Gratiano, Episcopum incurrere excommunicationem alloquentem Monialem sine licentia, si ibi lata est, quia efficitur subditus Episcopi ferentis censuram ratione delicti; nunc autem dico, talem Episcopum non posse accedere, & multo minus ingredi Monialium septa, sine licentia Episcopi prohibentis, ne quis accedat ad Monasteria Monialium; & ita resolutum fuisse à Sac. Congreg. in Januarii 10 Maii 1631. refert Aldanus in compend. Canon. res. lib. 3. tit. 15. numer. 8. apud Barbosam in collect. ad Trident. seff. 25. cap. 1. de Regul. sub num. 61.

848 Inter. 61. Episcopus potestne excommunicare Reges, eorumque Ministros, & Officiales?

Resp. De Jure novo, & privilegio à Summo Pontifice obtento, Reges, & Imperator nequeunt ab Episcopo excommunicari, ut docent Avila de censur. part. 2. cap. 4. diff. unie. dub. 4. Layman. lib. 4. tract. 6. cap. 10. num. 4. Barbosa in cap. duo sunt 96. dist. Bonacin. de cens. diff. 1. qu. 1. pun. 4. num. 19. & Emm. S. d. verb. excomm. numer. 15. Cæterum posse Episcopum excommunicare Officiales, Consiliarios, & Ministros Regios perturbantes ejus jurisdictionem, non est dubitandum, quia privilegium, quod habent Reges, & Imperator, est personale, propter eorum reverentiam illis dumtaxat concessum. Undè dicendum est, posse Episcopum procedere ad censuras contra Ministros Regios, inconsulto Rege, seu Prorege: quam sententiam egregie tueretur Diana part. 3. tract. 1. res. 9. & multi alii penes ipsum.

849 Inter. 62. Episcopus participans in crimine criminoso cum aliquo à se excommunicato, incurritne eandem excommunicationem?

Resp. Dico, quòd sic, quia Episcopus tenetur servare jus commune, & afficitur excommunicatione à jure communi lata, transgrediendo jus commune, quale est cap. Nuper, de sens. & excomm. & hoc est certissimum. Vide Bonac. de cens. diff. 2. q. 2. punct. 6. §. 1. num. 8. Sylvest. verb. excomm. §. sub n. 1.

850 Inter. 63. Potestne Episcopus administrare omnia Ecclesiæ Sacramenta suis subditis, inconsulto Parocho?

Resp. De hoc minime est dubitandum, cum Episcopus sit propriissimus sue Diocesis Animarum Pastor; imò ei principaliter est animarum cura commissa, ut colligitur ex Canon. quæcumque, 10. qu. 1. & Can. præcipimus 12. quest. 1. Barbosa de officio Parochi cap. 20. num. 12. Pax Jordanus tom. 1. lib. 3. num. 49. & 81. Imò

O 3 adver-

aduertendum est, quòd nomine Parochi, qui necessàriò assistere debet Matrimonii, intelligi debet etiam Episcopus, ac ejus Generalis Vic. ut à Sac. Congregatione refert decisum Diana p. 11. tr. 3. ref. 35.

851 Inter 64. Episcopus potestne confirmare in sua Diocesi subditum alterius Episcopi? Et si hoc faciat, inciditne in aliquam censuram, aut culpam?

Resp. Tolet. lib. 2. cap. 24. sub num. 2. Bonac. de Sac. disp. 3. qu. unica pun. 2. n. 10. & alii, docent non posse; sed Genuensis in man. Prælat. cap. 45. n. 7. Barb. de potest. Episc. p. 2. alleg. 30. n. 12. Emm. Sà verb. confirmatio n. 2. Diana p. 3. tract. resol. 24. vers. adde etiam, & p. 10 tr. 9. resol. 12. vers. Adde, & alii plures penes ipsos sustinent oppositum, & nullam censuram, aut culpam incurrere dicunt; siquidem præsumendum est, hoc ratum, & gratum fore proprio oppositum, & ita Ego ipse pluries practicari vidi: tamen seclusa ratihabitione, erit peccatum mortale, ut ait Diana p. 2. tr. 17. ref. 17.

852 Inter. 65. Episcopus exiens per Villas, & Oppida, ut Sacramentum Confirmationis conferat, potestne recipere victualia, vel quid aliud à Laicis, aut Ecclesiarum Rectoribus?

Resp. Episcopum exeuntem non causa Visitationis, sed solum ut Sacramentum Confirmationis conferat, Sac. Cong. declarauit à nemine esse procurandum. Ita tradunt, ac decisum referunt Armendariz, & alii apud Barbos. in collect. ad Trid. sess. 24. de reform. c. 3. n. 20. & de potest. Episc. p. 3. alleg. 13. nu. 53. & concordat Bonac. tom. 3. disp. 3. quæst. 5. pun. 4. n. 9. qui etiam probabilius censet Episcopum victualia, vel quid aliud tunc temporis accipientem, ligari interdicto ab ingressu Ecclesiæ, nisi duplum infra mensem restituat. Hoc tamen verum esse puto, si victualia, seu procuracionem accipiat, non autem si esculenta, vel poculenta liberaliter donata, & non petita recipiat, quia non accipit prætextu, nec ratione visitationis, ut decernunt Jura vetantia munerum receptionem. Ergo dum non militat eadem ratio, in hoc casu non potest esse eadem Juris dispositio.

853 Inter. 66. Episcopus potestne in alterius Diocesi conferre primam tonsuram suis subditis, vel benedictionem solemnem dare, aut canere Missam Pontificalem absque facultate Episcopi illius loci?

Resp. Circa omnia supradicta, posse Episcopum absque alia licentia facere, docet Henriquez lib. 3. cap. 6. nu. 6. penes Bonac. de Sac. disp. 3. quæst. unica, pun. 2. n. 12. & ratio

est, quia nullo jure prohibetur; nam prima tonsura conferri potest domi priuatim sine Pontificalibus, ut firmabo in tit. 221. de Tonsura, ad Inter. ultimam; & benedictio, & missa solemnis, non videtur comprehendere nomine Pontificalium, de quibus loquitur Tridentinum sess. 6. cap. 5. Sed de hac re videndus est omnino Diana p. 3. tr. 6. ref. 36 ubi pro utraque parte Doctorum autoritates refert, & tandem concludit, non posse Episcopum in casu nostro Missam celebrare in Pontificalibus, seu cum Baculo, & Mitra absque licentia Ordinarii illius loci. Et hoc ego puto probabilius. Vide Dianam p. 4. tr. 3. ref. 143.

854 Inter. 67. Prima tonsura, & Ordines minores, quo tempore ab Episcopo possunt conferri?

Resp. Prima tonsura quouis anni tempore, quouis die, hora, & loco dari potest. Ita docet Vaquez in 3. p. tom. 5. disp. 246. cap. 5. n. 23. & alii. Ordines autem minores possunt conferri ab Episcopo tres, vel etiam quatuor, non quouis anni tempore, ut dictum est de prima tonsura, sed in qualibet Dominica, aut festiuo die, dummodo non videatur facere ordinationem generalem. Sic ex Reginaldo, Henriquez, Villalobos, & Vaquez, docet Diana p. 2. tr. 16. ref. 28. vers. Notandum est. Hi uerò dies festiui debent esse de præcepto, quamquam factis erit, si solemnitas diei festi sit in sua Religione, vel Monasterio, si loquatur de Abbatibus conferentibus dictos Ordines; aut si loquatur de Episcopo, sufficit, quòd sit dies festiuus in sua Diocesi, vel Ciuitate. Lezana tom. 2. verb. Ordines Sacri n. 9. qui plures concordantes allegat. Vide Emm. Sà verb. Ord. n. 13.

855 Inter. 68. Peccatne Episcopus conferendo primam Tonsuram, uel Ordines minores illis, qui non habent intentionem recipiendi majores?

Resp. In tit. 176. de Privilegio Canonis, & fori, ad Inter. 1. dicam, probabiliter non peccare mortaliter illum, qui recipit minores Ordines, uel primam Tonsuram animo non ascendendi ultra, sed gaudendi privilegio fori, & exemptione à tributis; & ita tenet etiam Bon de matrimon. quæstion. 3. punct. 9. n. 6. cum Sanchez, Nauar. & Filliucio. Ita pariter cum Bonac. ibid. num. 7. & aliis ab eo citatis, dico non peccare Episcopum, saltem mortaliter, conferendo Ordines minores illi, qui eos recipiat animo non recipiendi majores.

856 Inter. 69. Potestne Episcopus tua conscientia Sacros ordines conferre alicui, qui

qui in sua Diœcesi habet beneficium, quamvis illud sit tenue?

Resp. Licet DD. communiter dicant, quatuor modis, aliquē dici posse subditum Episcopo, ut ab eo ordinari queat, nempe ratione originis, ratione domicilii, ratione Beneficii, & familiaritatis; ut videre licet apud Bonac. de Sac. disp. 8. quæst. unica punct. 4. num. 8. & seqq. Emm. S. verb. Ord. num. 29. Dianam par. 4. tract. 4. resol. 148. tamen modò post Constit. Sanctiss. D. N. Innoc. XII. quæ incipit *Speculatores*, edita anno 1694 (& est 44. inter alias de mandato ejusdem Pontificis emanata) non omnia, quæ dicunt DD. circa hoc, subsistere valent, & præcipuè posse Episcopum tota conscientia Ordines cōferre ei, qui habet in sua Diœcesi Beneficium quātmvis tenue, ut inter alios asserabant Garzias, Henric. Barbof. & Sanchez, quos refert, & sequitur Dian. par. 4. tract. 4. resol. 51. Vide Barbof. in collect. DD. in Triden. sess. 23. de reform. c. 8. nu. 22. & 24. Sanchez in *Opusculis tom. 2. lib. 7. cap. 1. dub. 23. num. 7.* Bonac. ubi *supra* num. 14. Non enim hoc, inquam, sustineri potest, quia in dicta Constit. §. 8. habetur, quòd Clericus non possit ab alio promoveri ratione subjectionis ex Beneficia absque testimonialibus Episcoporum Originis, & Domicilii, & §. 9. habetur sic: Beneficium ad effectum subjectionis pro Ordinibus, debet sufficere ad congruam sustentationem detractis oneribus, sublata quacumque facultate supplendi, quod deficeret fructibus ejusdem Beneficii, cum additione Patrimonii etiam pinguis, quod ipse ordinandus in eadem, seu alia qualis Diœcesi obtineret. Ita igitur servari debet, ne contraveniatur præfatæ Constitutioni, ad quam brevitatæ gratia Lectorem remitto.

857 Int. 70. Episcopus ligatus aliqua censura, sitne irregularis exercendo Ordinem Episcopalem?

Resp. Episcopus excommunicatus, vel suspensus, proculdubio sit irregularis exercendo Ordinem Episcopalem, ut consecrando Episcopos, conficiendo Chrisma, Ordines conferendo, degradando Clericos, solemniter benedicendo, aut alia faciendo, quæ propria sunt Ordinis Episcopalis; & idem dicendum est de Abbate conferente minores Ordines. Ita pluribus relatis firmat Bonac. de conf. disp. 7. q. 3. punct. 5. num. 9.

858 Inter. 71. Episcopus consecrando Chrisma, vel Oleum, seu conferendo Ordines Minores in peccato mortali, peccatne mortaliter?

Resp. Dico primò, quòd Episcopus conse-

crando Chrisma, vel Oleum in peccato mortali, non peccet mortaliter, sed venialiter tantum, dummodò absit scandalum; & hanc opinionem tanquam probabiliorē docet Dian. p. 3. tr. 4. ref. 67. cum Jo. della Crux in *directorio conscientie*, part. 2. de Sac. in genere q. 4. dub. 3. concl. 1. Conincho de Sac. qu. 64. dub. 1. nu. 39. Suarez in 3. p. disp. 16. sect. 3. & aliis. Dico secundo, peccare mortaliter Episcopum consecrando Ordines Minores in peccato mortali, & hoc assero cum Layman lib. 5. tr. 9. cap. 4. nu. 4. Conincho de Sac. disp. 21. dub. 6. n. 47. Fillucio tom. 1. tr. 9. cap. 1. nu. 82. Jo. della Crux loco cit. de Sac. Ordinis, dub. 1. concl. 3. & aliis, quos refert, sed non sequitur Diana ubi *supra*: & ratio est, quia secundum communem opinionem DD. omnes Ordines sunt verum Sacramentum; & patet, quia quilibet Ordo est sacra rei signum: hæc est S. Thomæ sententia, D. Bonaventuræ, Alberti Magni, Majoris, Paludani, & aliorum apud Emm. S. verb. *ordo* n. 1. Bonac. de Sac. disp. 8. qu. unica, punct. 2. nu. 2. & Fornarium de Sac. Ordinis ca. 1. n. 2. Sed vide S. Thom. 3. part. qu. 22. art. 2. qui est unus pro mille existimandus. Sequitur ergo peccare mortaliter Episcopum in dicto casu, quia administrat Sacramentum in peccato mortali, & hoc apud me est indubitatum.

TITULUS LXXXIV.

De Examinatoribus Synodalibus.

Vide sit. de Simon. in tit. 13.

859 Inter. 1. Quot esse debent Examinatores Synodales?

Resp. Ad minus debent esse sex, ut habetur ex Concilio Trid. sess. 24. cap. 18. Si vero lingulis annis Synodus nō fit, Examinatores semel deputati munus suum debent exercere, donec nova Synodus habeatur; & hic notandum est, quòd si solum sint sex, & aliqui ex eis moriantur, officium omnium expirat, prout decernit S. Congregatio refert Gallet. in *marg. cas. conse. verb. examinatores* n. 1. Venerus in *exam. Episc.* lib. 4. c. 25. n. 8. & 10. Barb. de *potest. Episc.* p. 3. alleg. 60. nu. 40 & 49. Diana par. 3. tr. 5. ref. 64. *vers. Nota etiam*. Vide ad Inter. seq. in fine.

860 Int. 2. Potestne Episcopos eligere examinatores Synodales, qui non sint Magistri in Theologia, aut Licentiati, aut in Jure Canonico Doctores, seu Licentiati?

Resp. Sac. Congregatio Cardinalium Concil. Trid. respondit, necessario examinatores

elligi debere, qui sint Magistri, seu Doctores, aut Licentiatii in Theologia, aut Jure Canonico, si extent, alioquin alios Clericos esse eligendos, qui ad id videbuntur magis idonei. Vide Dianam *part. 3. tr. 5. ref. 64.* Lezanam *10. 2. verb. Examen. num. 2.* Quia propter dicendum est, non posse Episcopum eligere Cler. secul. aut regul. qui dictis gradibus non sint insigniti, nisi ulli viri qualitatis superiùs expressè nō extent. Barbof. *de offic. Parochi p. 1. c. 2. num. 37.* Vide Concil. Trid. *sess. 14. c. 18.* Nota hñc obiter, quod examinatur non potest præmonere examinandum de punctis, si fiat per concursum, vel detur juramentum de non præmonendo. Diana *p. 10. tr. 16. vers. Notandum est, &c.*

861 Inter. 3. Quando fit aliquis concursus cum examinadoribus Synodalibus, possuntne ab Episcopo, vel ejus Vicario adhiberi alii examinadores non Synodales?

Resp. Nequaquam hoc fieri potest; & ita decilum fuit à S. Congregatione Concilii, teste Diana *par. 3. tr. 5. ref. 65.* secus, si nullus erit concursus.

TITULUS LXXXV.

De Examine Conscientiæ.

Vide tit. de Mem. pæ. Int. 1. tit. de Val. Confes. Int. 1.

862 **I**nter. 1. Qui nulla præmissa diligentia in examinatione conscientie confessioni accederet, deberetne à Confessario absolvi?

Resp. Generaliter loquendo, Confessarius non debet, nec potest talem pœnitentem absolvere: Sed debet illum dimittere, eique imperare, ut debitam præstet diligentiam ad excutiendam conscientiam; & eaque præstita redeat; nam si à Confessario absolvatur, non solum peccat Confessarius, sed Pœnitens. Præterea ultra peccatum mortale, quod tunc committit, tenetur quoque ad novam suorum peccatorum confessionem, quamvis suam negligentiam aperuerit in confessione, & à Confessario absolutionem obtinuerit. Navar. *in man. cap. 9. n. 6.* & ex eo Bonac. *de Sac. disp. 5. q. 5. sect. 2. pun. 2. §. 1. nu. 5.* Tolet. *lib. 3. cap. 9. n. 1.* Victoria *in Sum. de Confessione sub nu. 148.* & alii. Vide quod dicam in *tit. 140 de Memo. pæ. ad Inter. 1.* Dixi, generaliter loquendo, quia si Confessarius vult supplere defectum examinis per interrogationes, optime faciet, maxime cum teneatur Confessarius pœnitentem examinare, aut interrogare, ut rectè concludit Bonac. *loc. cit. nu. 6. & 7.* Vide

Sylv. *verb. Confessio 1. n. 18. in fin.* Dianam *part. 10. tr. 14. ref. 31.* Sed hoc intelligendum est, quando pœnitens aliquam diligentiam adhibuit, aliàs abusus est non ferendus, nihil confiteri, nisi interrogatum; Tolet. *lib. 3. cap. 18. n. 1.* Em. Sà *verb. Confessio n. 11.* Unde si nullam prorsus fecit diligentiam in perscrutanda conscientia, & numerum peccatorum, ante Confessionem, audiendus non est; modò tamen non adit periculum, vel articulus mortis Pœnitentis.

863. Int. 2. Quale examen conscientie requiritur, & sufficit ad confessionem?

Resp. Notandum est, in primis de Jure Divino prærequiri examen conscientie ante Confessionem, ut ex Tridentino, & Doctoribus probat Bonac. *ubi sup. nu. 1.* Nam præceptum de examinatione conscientie idem est, quod de confessione, & de integrè confitendo; & quia nemo integrè confitetur, si non examinaret se, idèd prærequiritur examen, ut medium prærequisitū ad omnia, & singula peccata confitenda; aliàs est peccatum contra præceptum Confessionis, ut docet etià Chaves *in Sum. Victoria num. 148.* Hoc ergo prænotato, dicendum est, examen illud requiri, quale permittit humana fragilitas, unde sufficit mediocrem præstare diligentiam in indagandis, & inquirendis propriis peccatis, quanta scilicet, inquam, humano, & communi modo sufficiat ad peccatorum mortalium recordationem, ut ipsemet, secundum rectum judicium, quod in se est, cognoscat fecisse. Tolet. *lib. 3. cap. 9. n. 1.* Victoria *in Sum. de Conf. sub n. 148.* Bonac. *loc. prox. cit. nu. 2.* & alii apud ipsum: Et quamvis majorem diligentiam adhibere teneatur, qui diutius confessionem differre consuevit, & qui negotia exerceat periculosa, quàm qui tot negotiis periculosus non involvitur, & sæpius confitetur, & qui non tam felici memoria pollet, quàm qui feliciter, tamen non tenetur maximam diligentiam adhibere, sed sufficit mediocris modo prædicto, quamvis si amplius examinasset per longè prolixius tēpus recordaretur aliorum peccatorum similium jam commissorum, nam diligentia debet esse moralis per recto judicio cujusque, & quanta adhiberetur in negotiis magis arduis, & maximis: sed vitari debet excessus, quia in omni virtute morali peccatur, non solum per defectum, sed etiam per excessum, ut docet S. Thom. *par. 2. q. 64. art. 6.* Ita præcitant Doctores, & est communis sententia; sed vide Dianam *p. 3. tr. 17. ref. 46. vers. Et alii asserunt.*

TITULUS LXXXVI.

De Examine quoad scientiam, & Doctrinam.

Vide tit. de Episcopis, etc. Inter. 52. tit. de Paroch. Inter. 7. 10. tit. de Præl. Regul. Int. 10. tit. de Regul. etc. Interrog. 42. 43. 44. 45. tit. de Valor. Confess. Inter. 18.

864 **I**nter. 1. Episcopus potestne examine prætermisso concedere facultatem audiendi Confessiones Sacerdotibus suæ Diocesis, & Regularibus, vel necessariò debet illos examinare quoad scientiam?

Resp. Quando cognoscit personam esse idoneam pro excipiendis Confessionibus, si vult, potest eis dictam licentiam concedere sine examine, quia Concil. Trid. sess. 23. de reform. cap. 15. sic habet: *Ab Episcopis per examen, si illis videbitur esse necessarium, aut aliis idoneis iudicetur.* Unde Episcopus sciens, aut prudenter credens aliquem esse idoneum, potest illum ad audiendas Confessiones admittere absque examine. *(Barbos. in Collect. DD. in Trid. sess. 23. c. 15. nu. 32. alios elegans. Vide Dian. par. 7. tr. 11. ref. 33. qui aliis allegatis idem sustinet contra Novarium.)*

865 Inter. 2. Doctor, seu licentiatu in Theologia, vel in Jure Canonico, & in publica Universitate graduatus, debetne examinari, quando petit provideri de aliqua Ecclesia Parochiali?

Resp. Certò debet examinari, ut docent communiter Doctores, quos allegat Barbosa de potest. Episc. par. 3. alleg. 60. n. 86. *et in Collect. Trident. sess. 7. de refor. cap. 13. num. 28.* Imò ita fuisse à Sac. Congreg. decisum, testantur plures Auctores apud eundem Barbosam, ut videre licet, si lubet.

866 Inter. 3. Episcopus cui per litteras Apost. commissum est examen alicujus, potestne illud alteri delegare?

Resp. Quamvis in litteris Apostolicis fuerit Episcopi conscientia onerata, nihilominus potest alteri examen delegare, quia non censetur electa industria personæ, ut ex Aldano in compend. canon. ref. lib. 2. tit. 5. num. 10. docet Barbosa in Collect. ad Trid. loco proximo cit. à n. 24. Vide quæ dixi in tit. 83. ad Inter. 55.

TITULUS LXXXVII.

De Excommunicatione, & Excommunicatis.

Vide tit. de Circumf. pec. Inter. 7. tit. de Concionat. etc. Inter. 1. tit. de Confess. etc. Int. 6. 7. tit. de Confess. sac. Inter. 28. tit. de Differ. Inter. 20. tit. de Dub. Inter. 9. 10. tit. de Eccles. Immunit. Inter. 26. tit. de Elit. etc. Inter. ultim. tit. de Episcop. etc. Inter. 56. tit. de Hor. canon. Inter. 1. tit. de Ignor. Inter. 2. 7. tit. de Laic. Int. 3. tit. de Lud. Int. 4. et seqq. tit. de Pec. mort. Inter. ultim. tit. de Prac. aud. sac. Inter. 1. tit. de Sac. Inter. 10. 11. tit. de Sac. Euch. Inter. 5. 6. tit. de Sac. Matr. Inter. 20. 21. tit. de Spons. Inter. 3. tit. de Stup. Inter. 1. tit. de Susp. de Har. Inter. ultim. et q. 1. tit. de Testib. etc. Inter. 6. 7. tit. de Val. Benef. Inter. 1. 2. 3. tit. de Val. Confess. Inter. 7. 8. tit. de Val. Sac. Pan. Inter. 2. tit. de Val. Sac. Inter. ult. tit. de Uxor. Inter. 4.

867 **I**nter. 1. Quid est excommunicatio?

Resp. Est censura Ecclesiastica, qua homo baptizatus privatur aliquibus bonis communibus, videlicet consortio fidelium, participatione Sacramentorum, & communibus Ecclesiæ suffragiis. Navar. in Man. cap. 27. n. 1. & alii plures, quos citat, & sequitur Bonac. de Conf. disp. 2. quas. 1. punct. 1. n. 2. Tolet. lib. 1. cap. 4. n. 1. et 2. & alii communiter. Vide Gab. de cas. reserv. par. 2. cas. 1. annot. 1. n. 4.

868 Inter. 2. Potestne licitè excommunicatus vitandus ingredi Ecclesiam, & ibi orare, vel etiam concionem audire?

Resp. De hoc non est dubitandum, quodd est verum, etiamsi alii fideles in Ecclesia privatim orent, dummodò separatim ille oret. Imò Cajetan. in Summ. cap. de participatione cum excom. & illicita autem, tenet, quodd possit orare in eodem Sacello, in quo alii similiter privatim orant, cum non sit communis oratio. Ita etiam potest ingredi Ecclesiam tempore, quo celebrantur ibi divina Officia, non ut intersit illis, sed solum ut transeat per Ecclesiam ob commoditatem itineris, etiamsi transiendo genuflectat, & paululum oret, quia non dicitur ingredi Ecclesiam causa orandi, & interessendi divinis Officiis, sed tantum ad aliquod negotium peragendum, quod ei pariter licere, affirmant plures Doctores, quos refert, & sequitur Diana par. 5. tract. 9. resol. 86. qui tandem asserit, quodd possit in Ecclesia cum aliis in communi etiam audire concionem, & tenet etiam Bonac. de Conf. disp. 2. q. 2.

quæ 2. p. 3. §. 1. n. 15 & §. 2. n. 10 quæ con-
cilio non venit nomine divinatorum Officiorum.
Hæc omnia docet etiam Lezan. loc. mox cit.
sub n. 19. & 22.

869 Inter. 3. Excommunicatus vitandus
incurritne aliquam pœnam, si Missæ, aut di-
vinis Officiis assistat? Et quam pœnam incur-
rit, qui illum admittit?

Resp. Præter peccatum mortale, nullam
pœnam incurrit. Bonac. ubi sup. §. 1. num. 6.
Diana loc. cit. ref. 95. & alii communiter. Ve-
rùm si aliquis eum admittit, excommuni-
cationem minorem incurreret, ut habetur ex
cap. is qui, de sentent. excommuni. in 6. & docet
Diana ibidem: sed si est exemptus ab Episco-
po, ut sunt Regulares, etiam interdictum
incurreret, ut patet ex cap. Episcoporum de pri-
vil. in 6. quia, ut inquit ipse Diana, dictus tex-
tus non procedit generaliter de omnibus, sed
solum de exemptis ab Episcopis. Vide etiam
Lezanam tom. 2. verb. Excommunicatio nu. 20. in
fin. Hic tamen adverte, quod excommunica-
tus majori excommunicatione, etiam si non
sit denunciatus, peccat mortaliter, assistendo
divinis Officiis; neque enim per Concil. Co-
stantiense illi conceditur facultas communi-
candi cum fidelibus, quamvis aliis fidelibus
liceat communicare cum excommunicato
tolerato, seu non vitando, ut docet Dian. par.
5. tract. 9. ref. 117.

870 Inter. 4. In quo casu participans cum
excommunicato vitando, non solum peccat
mortaliter, sed etiam ligatur majori excom-
municatione?

Resp. Quando communicat in crimine cri-
minoso, id est, quando cooperatur crimini, vel
contumaciæ ipsius, propter quam lata fuit
excommunicatio. Unde si lata est excommuni-
catio contra concubinarium, eod quod no-
luerit concubinam domo expellere, præbens
auxilium, favorem, vel consilium concubi-
nario ad retinendam domi concubinam, non
solum peccat mortaliter, sed maiorem incur-
rit excommunicationem, quia participat in
crimine criminoso. Sicut impediens Titium
restituere, incurrit eandem excommuni-
cationem, quam Titius contraxerit, eod quod
noluit restituere; & sic de cæteris, ut videre
licet apud Bonacin. de Conf. disp. 2. quæst. 2. p. 4.
§. 1. nu. 8. & habetur ex cap. Si Concubina &c.
Nuper de Sentent. excommuni. Vide Toletum lib.
1. cap. 13. numer. 1. Syl. verb. Excommunicatio §.
num. 6.

871 Inter. 5. In quibus casibus prohibitum
nobis est communicare cum excommunicatis
vitandis?

Resp. Omnes casus continentur in hoc car-

mine, ut docent Doctores communiter. Or,
orare, vale, communicatio, mensa negatur. Per os in-
telligitur, quod non licent colloctiones, si-
ve per verba, sive per signa, sive per literas.
Per orare, intelligitur, quod non licet ora-
re simul cum excommunicatis vitandis. Per
vale, prohibetur omnis honorifica salutatio.
Per particulam communicatio, intelligitur socie-
tas, quæ fit communicando cum excommuni-
catis in habitatione, vel exercitio, vel con-
tractu. Per mensam denique intelligitur, si-
mul in una mensa convesci, ut accidit, quan-
do quis alterum invitat ad cœnam, aut quan-
do aliqui communem, & socialem vitam
agunt, sive iisdem cibis vescantur, sive
univique proprium apponatur obsonium;
& denique intelligitur, quotiescumque per
modum societatis comedunt; in his omnibus
non licet communicare cum excommuni-
catis vitandis, aliàs communicando cum eis in
aliquo prædictorum, contrahitur excommuni-
catio minor, & peccatum mortale com-
mittitur, si in divinis communicatur; in cæ-
teris verò, venialiter tantum, nisi in contem-
ptum Ecclesiæ id fiat. Vide Syl. verb. Ex-
communi. §. num. 2. & seq. Navar. in Man. cap. 27.
n. 20. Tolet. lib. 1. cap. 11. n. 3. & 4. Bonac. loc.
supra cit. §. 2. num. 1. & seq. à quibus plura ha-
beri possunt, quæ brevitatis gratia libenter
prætereo.

272 Inter. 6. Daturne aliquis casus, in quo
licet possimus communicare cum dictis ex-
communicatis vitandis?

Resp. Utique datur, imò multi sunt casus,
in quibus licitum est participare cum eis: qui
casus continentur in hoc carmine: *Utile, lex,
humile, res ignorata, necesse*; de qua re latè
tractat Bonacina ubi supra à nu. 7. usque ad 63.
inclusivè. Ego verò breviter me expediam, ut
brevitatem amplectar; gaudent enim brevi-
tate moderni. Dico igitur cum Tolet. quod
per *Utile*, intelliguntur verba ad salutem spi-
ritualem excommunicati pertinentia; nam
licet eum exhortari, ut sibi cõsulat; intelli-
gitur etiam utilitas, tam spiritualis, quàm tem-
poralis ipsius participantis cum excommuni-
cato, aut ipsius excommunicati participantis
cum alio, dummodò utilitas sit vera, & non
ficta. Per verbum *lex*, intelligitur matrimo-
nium, seu lex matrimonialis, qua licet uxori
colloqui, convesci, reddere debitum. Mari-
to excommunicato, &c. Per *humile*, intelli-
guntur omnes, qui sunt in humilitate sub-
jectionis, vel servitutis positi, ut sunt filii sub
potestate Patris existentes, famuli, ancillæ,
& alii huiusmodi respectu domini sui. Item
Religiosi respectu sui superioris excommu-
nicatæ.

niciati, quia sunt quasi de familia ejus. *Ignorantia, seu res ignorata*, est, quando quis probabiliter ignorat illum esse excommunicatum. Per *necessitatem* tandem intelligitur, quando occurrit necessitas gravis, vel consilii, vel refugii, vel elemosynæ, vel petendo, vel dando. In his ergo casibus licitum est participare, seu communicare cum excommunicato vitando, ut docet Sanctus Thomas in 4. dist. 18. art. 4. *quæst. 1. Sylv. loco supra cit. numer. 5. Tolet. ubi supra nu. 5. Bonacin. & alii commun. Vide etiam Navarr. loco sup. alleg. n. 26. & 27. Emman. Sâ verb. Excommunicatio num. 44. & seqq.*

873 Inter. 7. Licetne aliquando salutare, vel resalutare excommunicatum non toleratum?

Resp. Dicunt aliqui, quod per particulam *Vale* solum prohibetur salutatio verbalis, & consequenter esse licitum salutare, vel resalutare excommunicatum absque verbis, ut aperiendo caput, mouendo labia, assurgendo, dando locum illi &c. Ita pluribus relatis affirmat Diana p. 5. *traçt. 9. resol. 116.* & hanc opinionem probabilem vocat Bonacin. *de Censur. disp. 2. quæst. 2. punct. 6. §. 2. n. 4.* Sed probabilior exiſtimat illam, quæ docet, exhibentem hujusmodi signa, venialiter peccare, & minoris excommunicationis vinculo irretiri; & pro hac sententia citat Ugolinum, Vasquez, Henriquez, Suarez, & Reginaldum, quibus addo Nauarr. in *Manual. c. 27. n. 20.* Sylvest. *verb. Excommunic. §. sub nu. 3. Tolet. lib. 1. cap. 11 sub n. 3.* Et hoc mihi magis probatur, quia dicta signa sunt quædam salutatio, non verbo, sed opere, & communicatio quædam, quæ generaliter prohibetur in pœnam ipsius excommunicati. Verum est tamen, quod si præfata salutationis signa fierent absque plena aduertentia, vel ad vitandum scandalum, & non ad exhibendum honorem excommunicato, à peccato, & à minori excommunicatione excusari possunt. Cæterum non videtur illicitum, imò est permixtum, caput aperire, vel assurgere personæ publicæ, ut Episcopo, aut Prætori excommunicato; ut pluribus concordantibus relatis firmat idem Bonacina *ubi supra n. 4. prop. finem.* Imò, ut docet Rodericus in *Compend. q. Reg. ref. 62. n. 17.* & alii ibi relati, licitum est, levato galero aperire caput, inclinando illud excommunicato denunciato, si est nobilissimus, seu Minister Regis, qui prius urbanitatis gratia se discooperuit.

874 Inter. 8. Qui sunt illi excommunicati, quos statim vitare debemus?

Resp. Tenemur vitare illos, qui sunt de-

nunciati nominatim. *Dian. p. 5. n. 9. ref. 62. & ref. 97.* Secundo publicos Clerici percussores, quando nulla tergiuerſatione celari, aut juris remedio excusari possint, & non credantur esse absoluti, aut dubitatur, an sint denunciati. Sed posito, quod quis alibi sit denunciatus, & hic ubi degit nesciatur, non debemus illum hic publice vitare, sed bene in priuato. *Nauar. in Manual. c. 27. n. 35. Tolet. lib. 1. c. 12. n. 2. & alii apud Viſtorellum in Addis. ad Emman. Sâ verb. Excommun. sub n. 34. idem docentes.* Vide Bonacin. *de Censur. disp. 2. q. 2. pun. 6. §. 2. n. 47. & 48. & seqq. & Lezan. tom. 2. verb. Excommun. sub n. 5. & præsertim Dianam loc. cit. ref. 134.*

875 Inter. 9. Estne vitandus Titius excommunicatus, si dubitatur, an ab excommunicatione fuerit absolutus?

Resp. Utique est euitandus, quia ut docet Bonac. *de cens. disp. 2. pun. 6. §. 2. n. 54.* in hoc casu non dicitur adesse dubium juris, vel facti excommunicationis; nam jam de ea constat, & pro ea stat possessio; nec jus præsumit absolutionem fuisse collatam, nisi probetur. Ita Sylv. *verb. Excomm. §. n. 26.* Nauar. in *Man. cap. 27 n. 36.* & alii, quos refert, & sequitur idem Bonac. loc. cit.

876 Inter. 10. Unus excommunicatus potestne licite communicare cum alio excommunicato absque ulla pœna?

Resp. Excommunicatus non est melioris conditionis ut sic, quàm non excommunicatus: ergo si non est excommunicatus, non potest communicare cum excommunicato: à fortiori idem dicendum est de excommunicato, cum per hoc non desinat esse membrum Ecclesiæ per fidem, nec est exemptus à legibus, & præceptis sui Prælati, nec omnino extra Ecclesiæ, sicut Ethnicus, neque est totaliter abscessus; consequenter si communicat, & participat cum alio excommunicato denunciato, vel publico Clerici percussore, peccat, & minore excommunicationem incurrit; & si participat in crimine criminoso, peccat mortaliter, & excommunicationem aliam majorem incurrit. Vide Chæues in *Sum. Viſtoria de excomm. conclus. 14.* Est tamen communis sententia.

877 Inter. 11. Excommunicatus inſordescens per annum in excommunicatione, à quo, & qualiter puniendus est?

Resp. Dico primò, quod inſordescens per annum in excommunicatione, sunt de hæresi suspecti, quia censentur male sentire de Fide, & possunt contra illos Inquisitores procedere. Colligitur ex *cap. Gravem de panis, & ex Trid. sess. 25. c. 3. Quamvis Soula in Apb. In-*

Inquisition. lib. 1. cap. 27. n. 6. dicat, ex consuetudine Romana non procedere contra illos Inquisitores, nisi in causa hæresis. Oppositum docet Genuensis *in praxi cap. 68. n. 8.* Sed quidquid sit de hoc, certum est, tales infordecentes esse, leuiter saltem, de hæresi suspectos, beneficiisque priuatos, dummodo pro crimine aliquo fuerint excommunicati, & non pro causa ciuili, ut bene obseruat Barbosa, Sandarellus, Sayrus, & alii, quos sequitur Diana p. 4. tract. 7. ref. 18. Et ita fuisse decisum à Rota Romana, asserit Gonzalez *in Reg. 8. Camerell. gloss. 15. n. 106.* contra Menoc. & Salzedo, quos pro se citat Castropalao *10. 1. 11. 5. disp. 4. pun. 2. nu. 5.* qui oppositum docet. Vide *in tit. 216. ad Inter. 2.*

878 Inter. 12. Potestne licite Episcopus, vel alius superior terre excommunicationem, si certò sciat, vel saltem dubitet, illam non profuturam delinquenti?

Resp. Equidem finis Prælati debet esse salus, emendatio, & resipiscencia illius, contra quem fertur censura, iuxta illud Diui Pauli ad Cor. *Ut resurgat à peccato, & saluus fiat in die Domini.* Unde quando Episcopus certò scit, vel dubitat excommunicationem non esse profuturam delinquenti, non debet illam ferre; nam excommunicatio est medicinalis, & non mortalis, ut colligitur *ex cap. 1. de sentent. excommuni. in 6. cap. Notandum 24. qu. 3. & cap. multi 2. q. 1.* ac proinde non est adhibenda, nisi quando adest ipse fructus. Tamen quia etiam fertur ad terrorem aliorum, ut exemplo illius se absteineant à crimine; idè erit medicinalis, cum prosit aliis, & per consequens licite fertur ab Episcopo in tali casu, ut ex Abbate, Covar. & Alterio, firmat Bonac. *de cens. disp. 1. q. 1. pun. ult. n. 2.*

879 Inter. 13. Inquisitores possuntne excommunicare Episcopos, & è contra Episcopi Inquisitores?

Resp. Nec Episcopi ab Inquisitoribus ligari censuris possunt, cum sit ipsis Inquisitoribus generaliter prohibitum, ne contra Episcopos procedant, ut habetur *ex cap. Inquisitores, de hæres. in 6.* nec Episcopus hanc Jurisdictionem habet contra Inquisitores, cum sint Officiales Summi Pontificis, qui censuris ligari non possunt, ob Extrauag. cum *Mattheus.* Ita docet Megalinus *in 3. p. lib. 1. cap. 3. quæst. 2. num. 43.* quamuis Cantera *in qq. Crimin. cap. 1. de hæres. num. 65.* dicat Inquisitorem Conuenientem excommunicasse Episcopum ejusdem Ciuitatis. Vide Dian. p. 5. rr. 9. ref. 51. Quod quidem mihi non placet, quia ut bene probat Diana p. 7. rr. 1. ref. 15. & ref. 5. dicens: Nec propter hæresim Episcopus potest ab Inquisitoribus ci-

tari, vel puniri: sed etiam hæc causa Papæ reseruatur, ut statuit Pius IV. in Constitut. 10. quæ incipit *In Suprema*, de anno 1560 addens id docere Molinam, Acugniam, Sanchez, Farinacium, Pegnam, Simancham, & alios. Aduerto tamen, ipsum Dian. p. 4. rr. 6. ref. 21 postquam docuerit Inquisitores non posse procedere contra Episcopos, addere ex pluribus Doctoribus: *Nisi Episcopus sit suspectus de fide, vel aliquid in manifestum fidei, & fidelium detrimentum moliretur, quia tunc potest capi, & custodiri, donec Summus Pontifex certior reddatur.* Vide ipsum, plura ibi scitu digna asserentem.

Quæ. Quid requiratur ad incurrendam excommunicationem in foro conscientie propter crimen hæresis?

Resp. Tria requiruntur, primò ut hæreticus habeat errorem in intellectu, secundò cum pertinacia, & tertio ut ejus incredulitas subiaceat humano sensui. Unde si aliquis solum exterius neget fidem, non erit hæreticus in foro poli, seu in foro conscientie, quia non habet errorem in intellectu. Item requiritur pertinacia; quare opus est, ut teneat aliquid contra Ecclesiam, vel ut alii dicunt, ut quis cognoscat, & animadvertat suam opinionem esse contra sensum Ecclesie catholice, & tamen neglecta auctoritate ipsius Ecclesie, in sua opinione persistat, aut saltem cum consensu rationis dubitet, quia etiam dubitare de articulis, & rebus fidei, est hæresis; nam dubius in fide dicitur infidelis: Debet igitur Christianus in credendis firmus esse, nec dubitare. Quò ad pertinaciam verò, temporis mora, & in errore perseverantia non requiritur, quia in quouis temporis spatio, & momento, & uno solo actu, & assensu instantaneo potest hæresis culpa perpetrari. Tandem necessarium est etiam, ut ejus incredulitas sensui subiaceat, quia hæreticus purè mentalis non incurrit in excommunicationem, nisi verbo, aliquo signo, vel facto hæresim interius latitantem explicet; nam hæreticus sola mente non est excommunicatus, ut alibi dixi, & pluribus relatis docet Sanchez *in sum. n. 1. lib. 6. c. 7. n. 8.* Bonac. *10. 3. disp. 1. q. 2. pun. 2. propos. 1. per tot.* Diana *par. 1. rr. 5. ref. 1. & p. 4. rr. 7. ref. 241.* & est communis sententia, teste eodem Diana loc. cit.

TITULUS LXXXVIII.

De Excommunicatione minori.

Vide tit. de Val. Confess. Inter. 9.

880 **I**nter. 1. In quo casu contrahitur excommunicatione minor, & à quo potest absolvi?

Resp. In iure non invenitur casus alius, in quo propriè contrahatur, nisi communicando cum excommunicatis denunciatis, vel publicis Clericis percussoribus; qui enim cum his communicat, minorem contrahit excommunicationem; sed hæc minor non afficit alios: Ejus autem absolutio potest dari à quocumque Sacerdote Confessario approbato, ut docet Cajetan. *verb. Absolut. ab excommunicato. Et to. 1. Opuscul. 7.* contra nonnullos, qui putant etiam à Smplici Sacerdote dari posse; quod quidem admitti non potest per ea, quæ dixi in tit. 5. ad Interrog. 4. Vide Dian. *par. 5. tract. 9. resol. 3.* Sed non omnia, quæ ibi docet, subsistere possunt.

881 **I**nter. 2. Potestne quis absolvi à peccatis, manente saltem excommunicatione minori?

Resp. Minimè, 'nisi fuerit priùs ab excommunicatione minori absolutus: & ratio est indissolubilis, quia, ut patet ex definitione excommunicationis, omnis excommunicatus, etiam miuori excommunicatione, est privatus participatione passiva Sacramentorum. Colligitur ex *cap. ult. de Cler. excomm. ministrante. Valq. dub. 4. de excomm. n. 9.* apud Dianam *par. 5. tract. 9. resol. 82. Vide tit. 5. ad Inter. 6.*

882 **I**nter. 3. Excommunicatus minori excommunicatione, privaturne illis tribus bonis suprâ recensitis?

Resp. Minor excommunicatio solum separat hominem à passiva Sacramentorum communione; non enim potest susceptioni Sacramentorum accedere, & si aliquod Sacramentum suscipit, mortaliter peccat. Tolet. *lib. 1. cap. 17. n. 1.* & est communis sententia. Tamen validè administrat Sacramenta, sed peccat venialiter, ut dicam in hoc tit. ad Inter. ult. Sed vide Dianam *par. 5. tract. 9. ref. 3.* ubi pro utraque parte DD. refert. Item excommunicatio minor privat passiva electione, præsentatione, & collatione beneficii Ecclesiastici, & Ecclesiasticæ dignitatis, ut docent DD. communiter.

883 **I**nter. 4. Excommunicatus minori excommunicatione, estne capax Beneficii

Ecclesiastici, aut pensionis?

Resp. Dico primò cum communi sententia, talem esse incapacem Beneficii Ecclesiastici, ut breviter dixi in *Resp. ad Inter. antecedentem*, in fine, licet non desint Doctores aliter sentientes apud Hurtadum *Var. tom. 1. tract. 57. cap. 7. §. 17. nu. 963.* quos ipse sequitur, teste Diana *par. 11. tract. 5. resol. 5.* qui ibidem *versic. Dico secundò*, asserit probabilitate non carere, validam esse collationem cujuscumque pensionis excommunicato factam. Sed omnino tenendum est, collationem pensionis, quæ si mul est temporalis, & spiritalis, irritam esse, ut docet Bonacina *de censuris disp. 2. punct. 4. quest. 2. §. 1. n. 4.* & alii plures apud ipsum Dianam *vers. Scio, ubi supra.*

884 **I**nter. 5. Excommunicatus minori excommunicatione, celebrando missam, incurritne irregularitatem?

Resp. Non incurrit, sicut incurrit excommunicatione majori excommunicatione. Ita docet Summa Corona *part. 1. tract. de excomm. & alii.*

885 **I**nter. 6. Excommunicatus minori excommunicatione, conferens Sacramenta, peccatne mortaliter, vel venialiter tantum.

Resp. Secundum Sotum peccat venialiter tantum, secundum verò Sylvestrum, & Adrianum, mortaliter; ego puto probabilius id quod dicit Sotus. Vide dicta ad Inter. 3.

TITULUS LXXXIX.

De Excommunicatione ob Clerici percussorem.

Vide tit. de Correc. Inter. 3. tit. de Defens. vita prox. Inter. 2. tit. de Eccles. Immunit. ad quas. 3. tit. de Furt. Inter. 9. tit. de Homic. Inter. 3. tit. de Ignor. Inter. 4. §. 6. tit. de Peccat. Inter. 19. tit. de Præl. reg. ad quas. 3. tit. de Privileg. Inter. 2. §. 4. tit. de Puer. Inter. 5. tit. de Regul. Inter. 1. Et ad quas. 4. Et 5. tit. de Relig. aliq. part. Interrog. 3.

886 **I**nter. 1. Qui percutit Eremitam, inciditne in excommunicationem Canonis, Si quis suadente diabolo, 27. *quæst. un. 4.*

Resp. Non solum Eremitæ gaudent hoc privilegio, quando vivunt in communi sub aliquo Prælato Ecclesiastico; sed etiam quando non vivunt in communi, sed seorsim cum habitu Religioso, alicui loco Sacro servientes sub obedientia Episcopi, vel alterius Prælati, ut docent quamplures Doctores. apud Dianam *par. 9.*

par. 9. tr. 4. ref. 11. tenet etiam Lexan. tom. 1. par. 2. cap. 7. n. 6. Ergo qui percutit hujusmodi Eremitas, cum sint personæ specialiter Deo dicatæ, incurrit excommunicationem Canonis: licet oppositum sentiant Castropalao tom. 6. disp. 3. punct. 23. §. 1. n. 14. & alii penes Dian. loco citat. Sed quod dixi, probabilius mihi videtur, cum Sylv. verb. excomm. 6. sub num. 3.

887 Inter. 2. Qui percutit Clericum conjugatum, inciditne in excommunicationem?

Resp. Distinguo, si duxit unam, & Virginem, & incedat in habitu, & tonsura, certo gaudet & Privilegio fori, & Canonis; consequenter ipsum percussus est excommunicatus. Si verò plures uxores habuit, vel unam tantum duxerit, sed ab alio corruptam, dicitur Bigamus, qui omni Clericali privilegio privatur; idcirco ipsum percussus, nullo modo est excommunicatus, nisi sit Sacris Ordinibus initiatus. Diana par. 9. tr. 4. resol. 6. §. An verò.

888 Inter. 3. Qui percutit Clericum non deferentem habitum, & tonsuram, inciditne in excommunicationem Canonis, si quis suadente? Et quid si sit Clericus conjugatus, qui percutitur?

Resp. Si sciat illum esse Clericum, certo illam excommunicationem incurrit, nec audiendi sunt, qui contrarium docent; nam Concil. Trident. sess. 23. cap. 6. loquitur ibi tantum de privilegio fori, & non Canonis; & ita declarasse Sac. Congregationem Concilii asserit Gonzalez in Reg. 8. Cancel. gloss. §. §. 5. n. 7. & docet Bellettus in Disquis. Cler. par. 1. titul. 3. §. 8. n. 59. & hanc sententiam tuetur Diana par. 9. tract. 4. ref. 5. ubi concordantes adducit, addens præterea hoc privilegium gaudere etiam Clericos conjugatos cum unica, & Virgine, nulli inservientes Ecclesie, ibid. resol. 6. modo habitum, & tonsuram deserant. Tamen non excusatur quis percutiendo Clericum conjugatum à dicta excommunicatione, ex eo quod non deferat habitum, & tonsuram, ubi talis antea solebat illa gestare, quia nescit, an animo ipsa non amplius reassumendi dimisisset, vel non. Imò nota, quod Clericus conjugatus non bigamus, si dimittat habitum, & Tonsuram, & postea illam reassumat, gaudet privilegio Canonis, quia nulli auferenda est poenitentia iusta. Vide Dianam aa par. 9. tract. 4. resol. 6. versic. An verò, & infra in cit. 176. De Privilegio Canonis, & Fori ad Inter. 6.

889 Inter. 4. Estne censendus excommunicatus, qui percutit Clerici Uxorem gau-

dentis privilegio fori, & Canonis?

Resp. Quamvis uxor Clerici conjugati gaudet privilegio fori, non solum vivente viro, sed etiam post ejus mortem durante viduitate, ut docet Hostiensis, Imola, Panor. Perez, & alii apud Sanchez in Opuscul. lib. 6. cap. 1. dub. 3. & consequenter debeat conveniri coram Judice Ecclesiastico, non autem coram Judice Sæculari, si aliquod delictum commiserit, ut tradunt etiam alii Doctores, quos citat, & sequitur Diana par. 9. tract. 4. ref. 6. quo quidem privilegio gaudent quoque filii Clerici conjugati, dommodò non fuerint emancipati: tamen dicta uxor non gaudet privilegio Canonis, unde ipsam percussus non erit excommunicatus, prout ex Perez concludit ipse Sanchez loco citato. Verum Diana, & alii ab ipso relati ubi supra dicunt, quod si Uxor, vel filii Clerici conjugati percutiantur in odium Mariti, vel respectivè Patris, tales sic percussiones, essent excommunicati; & hoc ego probabile valde puto. Circa autem percussientem Clericum conjugatum, in quo casu non sit excommunicatus, jam dixi ad interrogationem 2. quæ ratio militat etiam de ejus uxore, & filiis.

890 Inter. 5. Cajus ex odio, passione, & malignitate percussit quemdam Clericum mortuum, debetne censeri incurrisse excommunicationem, vel non?

Resp. Excommunicatus censeri debet, ut rectè docet Diana par. 9. resol. 39. & alii apud ipsum: idem etiam docet Toletus lib. 1. cap. 31. sub numer. 5. in fin. & hoc privilegium gaudet in memoriam pristinae dignitatis.

891 Inter. 6. Debetne censeri excommunicatus, qui proicit saxum contra Cajum Clericum, sed casu percutit alium Clericum transeuntem?

Resp. Quia non intendebat percutere alium Clericum, sed tantum Cajum, idcirco illa percussio non fuit voluntaria, consequenter nec mortaliter peccaminosa; & licet fuerit mortalis, quatenus procedit ex prava voluntate percutiendi Cajum, tamen cum effectu non fuit læsiva, seu peccaminosa respectu alterius Clerici ex errore percussus; ac proinde censeri non debet excommunicationem incurrisse, quia excommunicatio incurritur propter culpam mortalem, & illa percussio fuit inculpabilis respectu alterius, ut dixi. Posito tamen sufficientem diligentiam adhibitam fuisse, ne ille alius Clericus læderetur. Ita rectè resolvunt Bonac. de censu. disp. 1. quest. 2. punct. 11. num. 20. Diana par. 11. tr. 5. resol. 19. prope finem versic. Et tandem, & alii.

alii plures penes ipsos. Unde dicam in tit. 106. de Ignor. ad Inter. 4. non solum in dicto casu non incurrere excommunicationem, sed neque irregularitatem, si mors ex illa percussione sequeretur; nam idem docet etiam Bonac. loc. cit. Vide Dianam par. 9. tr. 4. ref. 31.

892 Inter. 7. Innodatur excommunicatione, qui credit percutere Sejum Clericum, & percutit Sempronium Clericum?

Resp. Proculdubio excommunicationem incurrit, quia talis excommunicatio non imponitur ob percussione huius, vel illius, sed ob Clerici voluntariam percussione. Unde quia in tali casu percutit voluntarie Clericum, cum habitu, & tonsuram videat, ut suppono, & verè Clericus est: ergo excommunicationem incurrit, licet non sit ille Clericus quem percutere intendebat. Ita pluribus relatis docet Diana par. 6. tract. 4. ref. 27. *propt. finem*. Et nota, quod hic casus est omnino diversus ab illo, quem dicam in Inter. 4. tit. 106. de ignorantia; Et dicit in Inter. antecedente; nam hic loquitur de percussione voluntarie Clericum, & in posteriori casu, sicut & in antecedente, loquimur de percussione præter intentionem, casu, & inculpabiliter alium Clericum, quem non videbat, nec intendebat percutere.

893 Inter. 8. Incurrunt excommunicationem, qui percutit Titium Clericum, credens illum non esse Titium, sed Socratem similiter Clericum?

Resp. In Resp. ad Inter. antecedentem docui, excommunicationem incurrere, & idem nunc assero cum Bonac. de Conf. disp. 1. quest. 2. pun. 1. n. 20. Molina, Sanchez, & aliis, quos ipse sequitur. Et ratio ipsorum est, quia tam intentio, quam opus externum est iniuriosum statui Clericali; nam propter ejus reverentiam inposita fuit excommunicatio: tum etiam quia nulla ignorantia excusat in tali casu, cum habeat intentionem percutiendi Clericum, & revera percutit Clericum, licet credat esse alium Clericum. Vide Dianam par. 11. tr. 7. ref. 19. in fin. qui testatur de communi.

894 Inter. 9. Qui percutit aliquem, quem putat esse Clericum, sed revera non est Clericus, sed Laicus, inciditne in excommunicationem, ac si Clericum percussisset?

Resp. Dico, quod non; & ratio est, quia nemo ligatur suo iudicio, nec poenæ sunt extendendæ ultra proprium significatum, nec alia casus in jure expressos, neque ultra id,

quod verba legis sonant. Ita sentiunt Doctores communiter.

895 Inter 9. Estne excommunicatus, qui scelopum explodit in Clericum, qui statim moritur, non quia pila ipsum attingit, sed solum strepitu scelopi perterritus ex hac vita decedit?

Resp. Bonac. de Conf. disp. 2. q. 4. pun. 1. §. 1. n. 12. affirmative respondet, quia censetur actio violenta, & injuriosa in Clericum; strepitus enim scelopi attingit ipsum, eique violentiam infert, & consequenter sufficit ad excommunicationem incurrendam; & hoc est valde notandum.

896 Inter. 11. Porrigens furtivè venenum Clerico ad ipsum necandum, inciditne in excommunicationem?

Resp. Maximè, quia licet furtivè, & sine violentia id faciat, tamen dicitur injectio manuum ad ipsum occidendum; nam per violentas manus intelligitur quilibet injurious effectus adversus Clerici personam. Vide Dianam par. 9. tr. 4. ref. 36. ubi etiam alios adducit id asserentes. Verum est tamen, quod excommunicatio non incurritur, antequam venenum operari incipiat. Diana ibidem ita docet.

897 Inter. 12. Qui capit Clericum, vel Religiosum per capillos, aut barbam, vel per caputium, dicens: Si non esses Clericus, vel Religiosus, te occiderem, vel percuterem; estne excommunicatus?

Resp. Bordonus in Conf. Regul. tom. 1. refol. 28. n. 38. conatur probare, non esse excommunicatum; sed contra ipsum insurgit Sperellus tom. 1. dec. 45. per tot. & hanc affirmativam sententiam docent plures Doctores, quos refert, & sequitur Diana loc. prox. cit. ref. 35. & tandem Sylvester verb. Excommunic. 6. num. 18. in casu proposito ait, quod si irato animo, & injuriandi id faciat, sit excommunicatus, quia licet non inferat injuriam tantam, quantam tenet in animo, inserit tamen aliqualem: & restè dicit; nam illa actio videtur sufficere ad incurrendam excommunicationem, quia et si contactus physicè consideratus sit levissimus, tamen secundum moralem existimationem sufficit ad gravem injuriam contra honorem, & reverentiam Clerico, vel Religioso debitam. Vide Sperell. & Dian. loco cit.

898 Inter. 13. Estne eo ipso excommunicatus, qui mandat percutere Clericum, vel consilium dat, aut tentat percutere illum?

Resp. Licet percussione Clerici consulens, vel

vel mandans, eandem excommunicationem incurrat; ut qui illum percussit; tamen huic excommunicationi nullus horum subiicitur, nisi effectus sequatur. Unde qui mandat percutere Clericum, vel consilium dat, aut tentat illum percutere, non est eo ipso excommunicatus, quia ad incurrendam censuram requiritur effectus prohibitus sub censura; nullus enim incidit in pœnam latæ sententiæ per solam attentionem, nisi ad actum consummatum pervenerit. Sylvester *verb. Excommun. 6. nu. 2. Et verb. excommun. 8. numer. 24. Tolet. lib. 1. cap. 8. nu. 8. Bonacin. de Cens. disp. 2. qu. 4. punct. 1. §. 2. num. 1. Et 2. & alii apud ipsos.*

899 Inter. 14. Qui mandat percuti Clericum, sed ante percussionem revocat mandatum, inciditne in excommunicationem, si mandatarius percutiat?

Resp. Si revocet mandatum, & revocatio perveniat ad mandatarium, excommunicationem non incurrit, etiam si mandatarius percutiat. Sylv. in *Sum. verb. Homicidium 1. sub n. 11. Tolet. lib. 1. cap. 34. sub n. 1. Bonac. de Irregular. disp. 7. q. 4. pun. 8. nu. 13. & alii communiter.*

900 Inter. 15. Ligaturne excommunicatione consulens parato occidere Clericum, ut tantum eum percutiat?

Resp. Minimè excommunicatione ligatur, quia non dicitur culpabiliter influere in effectum prohibitum sub censura; nam ad illam incurrendam requiritur peccatum prohibitum sub censura: sed in casu nostro, qui consulit minus malum parato facere majus, non peccat, ut pluries me dixisse memini, præsertim ad Inter. 1. & 3. tit. 46. de Consilio: ergo neque ligatur censura. Ita Diana *par. 5. tr. 9. ref. 57. in fin. & alii.*

901 Inter. 16. Potestne dari casus, in quo consulens, vel mandans percussionem Clerici, incurrat excommunicationem, & eam non incurrat ille, qui consultus, vel de mandato percutit?

Resp. Utique dari potest, & est, quando executor ignorat invincibiliter illum, quem percutit, esse Clericum, aut invincibiliter ignorat latam esse excommunicationem contra percutientes Clericos. Bonac. *de cens. disp. 2. qu. 4. pun. 1. §. 2. n. 6. Et disp. 1. q. 2. punct. 1. n. 15. Tolet. lib. 1. cap. 8. n. 5. Jacobus Mancinus præf. 4. dub. 9. versic. Dico secundò, & alii communiter.*

902 Inter. 17. Qui ratificat percussionem Clerici nomine suo laicam, inciditne in pœnam excommunicationis?

Resp. Maximè, quia sic habetur *ex cap.*

Cum quis, de sent. excommun. in 6. Navar. in Man. cap. 27. num. 76. Diana par. 9. tr. 4. resol. 14 §. Notandum est etiam. Vide seq. Resp.

903 Inter. 18. Qui ratam habet Clerici necem suo nomine patratam, incurritne in excommunicationis pœnam? & sitne irregularis?

Resp. Qui ratum habet homicidium in personam Clerici suo nomine commissum, certissimè excommunicationem incurrit; ita namque habetur *ex cap. Cum quis de sentent. excommun. in 6. cum ibi annotatis, & tradunt communiter DD. nam rati habitio retrahitur, & mandato æquiparatur, ut dicitur in Regul. Jur. 10. in 6. Et hoc maximè locum habet in maleficiis. Navar. in Man. cap. 27. sub nu. 76. præf. finem, Diana par. 9. tr. 4. ref. 14. §. Notandum est etiam. Sed irregularitatem non incurrit, ut in tit. 103. ad Inter. 2. dicam. Vide infra Inter. 5. tituli 185. de Restit. accepti. Neque cæteras juris pœnas, sicuti neque restituendi obligationem. Cabr. *par. 2. cas. 2. sub nu. 18. & alii ab ipso relati.**

904 Inter. 19. Qui ratam habet Clerici necem nomine suo patratam, quando erat infans, inciditne in excommunicationem?

Resp. Non incidit, & ratio est, quia non dicitur ratum habere, qui non poterat illi actum tunc facere. Navar. *cap. 27. sub n. 233. Tolet. Dian. par. 9. tract. 4. ref. 14 & alii communiter.*

905 Inter. 20. Fœmina, quæ perecutit Clericum, vel Religiosum, de stupro, vel ad inhonestam provocantem, inciditne in excommunicationem?

Resp. Nequaquam, dummodò tamen tentatio, & provocatio fiat factò, & non solo verbo; nam injuria verbalis, verbis repelli potest, & ideo non liceret, nisi defensio verbalis. Navar. in Man. *cap. 27. num. 83. Tolet. lib. 1. cap. 33. sub nu. 3. Dian. par. 9. tr. 4. ref. 58. qui docet, quòd si nullo modo possit se liberare ab hujusmodi vexatione, nisi percutiat, excommunicationem non incurret. Vide ad Inter. 1. titul. 60. de Defens. Pudicitia.*

906 Inter. 21. Qui invenit Clericum, vel Religiosum inhonestè cum Uxore, Matre, sorore, filia legitima, aut naturali, si ipsum percutiat, mutilet, aut etiam occidat, esse excommunicatus?

Resp. Dico, quòd non, quia sic habetur *ex cap. Si verò 1. de sentent. excomm. Sed hoc intelligendum est, dummodò id fiat incontinenti, & passione subita; aliàs esset excommunicatus.*

catus. DD. communiter. Vide Toletum *lib. 5. cap. 5. §. 8. sub. num. 3.* qui hoc extendit, etiam si reperiatur cum nepte: Semper tamen mortaliter peccat, ut asserit Tolet. *loc. cit. Et tit. 1. cap. 33. sub. num. 1. versu quartus casus*, & alii communiter. Vide Dianam *part. 9. tract. 4. ref. 2.* & ea quæ dicam *ad Interrog. 4. tit. 103. de Homicidio*.

907 Interrog. 23. Titius post contractum matrimonium cum Berta per verba de præsentibus, scilicet coram Parocho, & testibus, sed adhuc eo non consummato, occidit quemdam Clericum. inventum turpiter agentem cum Berta, quæritur, an excommunicationem incurrerit?

Resp. Docui in *Responsione ad Interrog. antecedentem*, percutientem, seu occidentem Clericum, vel Religiosum incontinentiter turpiter inventum cum propria Uxore, excommunicationem non contrahere, *ex cap. si verò 1. de sentent. excomm. n. hocque idem assero in casu præsentis*. Nam nomine uxoris meritò venit etiam illa, quæ solum contraxit matrimonium in facie Ecclesiæ, hoc est, coram Parocho, & testibus. Siquidem matrimonium ratum, & minime consummatum, est verè matrimonium licet copula non intercesserit, sicut inter beatissimam Virginem, & Sancti. Joseph fuit verum matrimonium, quamquam fuerit ratum, & non consummatum, cum sit de fide credere, Beatam Virginem semper talem fuisse, scilicet ante partum, & post partum, ut docet Bonacin. *de matrim. quest. 2. punct. 1. numer. 9.* cæterique Doctores; ultra quod certissimum est, ex matrimonio rato, & non consummato oriri impedimentum dirimens usque ad quartum gradum, ut dicam *in tit. 10. de impedimen. to publica honestatis, ad Interrog. 1.* atque esse indissolubile, patet expressè; ideoque dicendum est peccasse mortaliter Titium in casu nostro, sed minime excommunicationem incurrisse, quia ut ait Gloss. *in dist. cap. si verò in verb. turpiter*, iustum talem dolorem compescere difficillimum est; & sic ab excommunicatione immunem illum facere æquum erit. Verum est tamen, quod talis doctrina extendenda non est ad illum, qui verberaret, vel occideret Clericum inhonestè inveniunt cum sponsa de futuro, quia sponsa de futuro verè non est uxor, sicut est illa, quæ in facie Ecclesiæ per verba de præsentibus desponsata fuit, ut in casu nostro. Vide Sanch. *de matrim. lib. 1. dist. 1. n. 6.* qui pluribus relatis hoc rectè probat & idem docet Tolet. *lib. 1. c. 33. n. 2.* cum Sylv. & testatur de communi. Vide etiam me ipsum *in tit. 124. de Irregul. ad Interrog. 7.* ubi plura haberi possunt ad intentum.

Tom. I.

908 Inter. 23. Sed posito, quod non inveniat Clericum, vel Monachum cum prædictis mulieribus in ipso opere carnali, sed solum amplexantem, osculantem, aut in loco suspecto; si percutiat, vel occidat, inciditne in excommunicationem?

Resp. Non incidit, modò tamen absit fraus, & dolus, id est, quod maritus, & uxor non conveniant, ut dolo accersatur Clericus, ut afficiatur injuria. Navar. *cap. 27. n. 84.* Diana *p. 9. tr. 4. ref. 32. verb. Et Tandem, Et ref. 32. Et ref. 2. §. Sed ego*.

909 Inter. 24. Si quis ex præfatis viris invenerit Clericum, vel Religiosum turpiter agentem cum aliis suis consanguineis in remotiori gradu, si ipsum percutiat, aut occidat, estne excommunicatus?

Resp. Certè, & ita sentiunt communiter DD. Vide Tolet. *lib. 1. cap. 33. sub. num. 1. vers. 4. casus*. Et hoc procedit etiam, si cum filia adoptiva inveniatur. Navar. *cap. 27. numer. 83. prope fin.*

910 Inter. 25. Qui ter percuteret Clericum, quot excommunicationes incurreret?

Resp. Unam tantum excommunicationem incurreret, si uno ira impetu id faceret. Diana *part. 3. tract. 4. resolut. 163. Et 164. in fine*, & alii ab ipso relati; nam moraliter, seu in genere moris, unica actio censetur. Vide Bonac. *de Censur. disp. 1. quest. 1. pun. 5. num. 5.*

911 Interrogat. 26. Publicus Clerici percussor estne statim evitandus, vel requiritur sententia Judicis, antequam vitetur?

Resp. Quamplures DD. dicunt, quod non debent vitari ante sententiam Judicis, quia requiritur, ut delictum nulla posita tergiversatione celari, quod non habetur, nisi post sententiam declaratoriam. Layman *tom. 1. lib. 5. part. 2. cap. 4. n. 2.* Dian. *part. 3. tr. 4. ref. 14. par. 5. tr. 9. ref. 61. par. 9. tr. 4. ref. 18. Et part. 11. tract. 8. ref. 25. §. Sed ex his*. Summa Diana *verb. censura n. 14. Et verb. Excommunicationes sub. num. 4. Et 9.* Allog. *verb. Clericus num. 13.* & alii penes ipsos. Sed oppositum alii censent, & ita præstant viri timorati.

912 Inter. 27. Cajus scit Titium percussisse Sempronium Clericum, sed manet in dubio, an sit publicus Clerici percussor, vel non: teneturne Cajus vitare Titium percussorem?

Resp. Dico, quod non, aliàs faceret ei injuriam; omnia enim jura clamant, in casu dubio neminem esse puniendum: ergo non debet privare illum communione in re dubia

Itaque dicendum est cum Hurtado de Excom. disp. 11. diff. 3. nu. 10. non sufficere dubium, ut teneamur vitare percussorem Clerici, sed necessariam esse notitiam moraliter certam notorietatis. Vide Dianam part. 4. tractat. 3. resol. 71.

Quar. 1. Quando dubitatur, percussorem in personam Clerici factam esse gravem, vel levem, an iudicanda sit potius gravis, quam levis, aut è contra; & quænam dicatur levis percussio?

Resp. Doctores communiter docent, in dubio, percussorem potius iudicandam esse gravem, quam levem, quidquid in contrarium dicat Bordonus in consil. Regul. tom. 1. resol. 38. num. 45. Nam in extrauagant. Joann. XXII. quæ incipit *Perleflis*, dicitur, Prælatum potius debere inclinare, percussorem fuisse gravem, quam levem, ne iniuriantes de vicina abolutione confisi, de facili in atroces prorumpant percussiones. Quamvis Bordonus loco cit. putat hoc esse potius consilium, quam præceptum, vel, ut inquit Diana part. 9. tract. 4. resol. 46. præfatam extrauagantem auctoritatem non habere; sed tamen hanc nostram sententiam communem esse fatetur, & pro ea plures adducit Auctores, ut Nauarr. in man. cap. 27. num. 92. Paluum tom. 6. disp. 3. pun. 23. §. 4. num. 2. Molina disp. 57. num. 3. Sayrum de censur. lib. 3. cap. 28. numer. 8. Suarez de censur. disp. 22. sect. 1. numer. 88. & alios. Et hæc communis sententia mihi valde probatur, quia Papa in cap. *peruenis de sentent. excom.* solum committit Episcopo abolutionem hujus excommunicationis, quando levis est percussio. Sed quando adest dubium de graui Clerici percussione, non potest dici ampliùs percussio levis: ergo non censetur Papam sibi præiudicare velle committendo Episcopo abolutionem, ac se sua jurisdictione privare, in dubio scilicet de percussioneis grauitate, quam sibi reseruare intendit: Aliæ rationes videri possunt apud præfatos Doctores. Tandem quænam dicatur levis percussio: Non est facile mihi dare responsum, quia licet generaliter loquendo levis censetur, si fiat palma, pugno, pede, ligno, aut lapide non relinquentem vestigium, ut habetur ex dicta Extrauagante *Perleflis*, & docent Nauar. ubi supra nu. 90. Sayrus loco cit. num. 35. Emmanuel Sà verb. *Excom.* Papa referu. num. 4. Tolet lib. 1. cap. 32. sub num. 1. Lezana tom. 3. verb. *Clericus* num. 11. & alii; tamen, ut notat Toletus, Lezana, & Diana locis supracit. ref. 45. hoc non semper est verum, neque circa hoc potest dari certa regula, & ideo iudicio viri prudentis, & iudicis periti relinquendum est; nam non solum ex facto,

sed ex aliis circumstantiis personarum, locorum, temporum, & modo percutiendi, ac lædendi, quod leue est, potest esse graue, vel enorme. Vide Armillam verb. *excommunic.* 1. num. 9. & verb. *enormitas* num. 3. Tolet. ubi supra, & Dianam loco proximè cit. ubi rectè docent, quandomam percussio Clerici dicatur levis, grauis, & enormis. Item vide Bonac. tom. 3. disp. 2. quæst. 3. pun. 6. sect. 5. num. 8 qui sua auctoritate hanc meam responsum confirmat, & præcipue Syluestrum verb. *absolutio* 4. num. 1. per totum, ubi exemplis rem perdoctè explanat.

Quar. 2. An ab excommunicatione contra Clericum percutientem imposita excusetur, qui non per excogitatum malitiam, sed ex subito impetu illum percutit.

Resp. Supponendum est primò, in homine esse tres motus voluntatis. Primus est ita celer, ut nullo modo sit in potestate hominis cohibere: Aliquando enim viso aliquo malo, voluntas ita citò in odium mouetur, ut homo nullo modo cohibere potuerit; & iste dicitur motus primò primus, in quo non est peccatum, nec meritum: Alter est ita celer, ut homo ferè non possit cohibere, licet aliqua ex parte possit, imperfectè tamen, & non plenè; & in isto actu potest esse ratio meriti, & peccati, sed non plena; non enim fufficit ad peccatum mortale, sed solum ad veniale, & talis motus dicitur secundò primus. Tertius verò est, in quo est verè libertas, & deliberatio; & in tali motu solet peccatum mortale esse, cum libertas, & deliberatio sint necessaria ad peccatum mortale. Hoc itaq; prænotato, dicendum est, quòd qui ex subito impetu, & passione, animo non plenè aduertente, Clericum percutit, nec mortaliter peccet, nec excommunicationem incurrat; nam calore iracundiæ, non autem ex cogitata malitia censetur illum percutere. Undè quia excommunicatio peccatum mortale præsupponit, & in hoc casu non datur, ideo licet percussio aliàs esset grauis, tamè modus, quo contingit, grauitatem diminuit, ne culpam mortalem attingat, nequè excommunicationem contrahat. Motus enim primò primus, & secundò primus non sufficiunt ad peccatum mortale, ac per consequens excusant percutientem Clericum ex subita passione, ne excommunicationem incurrat. Ita colligitur ex cap. 1. de sentent. excom. & tradunt Suarez de consil. disp. 22. sect. 1. num. 50. Molina tract. 3. disp. 51. au. 7. & 8. Layman lib. 1. tract. 5. par. 2. cap. 5. num. 8. Bonacin. tom. 3. disp. 2. quæst. 3. punct. 6. numer. 3. & alii, quos refert, & sequitur Diana part. 9. tract.

tract. 4. ref. 27. §. Quibus verò. Vide Lezanam tom. 3. verb. Clericus sub num. 4. Armillam verb. excommunicatio contra percussiones Clericos num. 6. & Tolet. lib. 1. cap. 32. sub num. 1. idem doctores.

Quæ. 3. An sine metu incurrendi excommunicationem possit quis gratia disciplinæ, vel correctionis, percutere clericos in minoribus constitutos?

Resp. Ex cap. cum voluntate de sentent. excomm. habetur posse licet, & sine metu excommunicationis sex genera personarum percutere, & castigare Clericos disciplinæ, & correctionis gratia, dummodò non excedant modum, & non ex odio percutiant dictos Clericos. Unde tam Prælati, quàm Præceptores, Parentes, & propinqui possunt subditos, & domesticos suos corrigere, & castigare. Idem facere possunt domini respectu eorum, qui sunt de familia, ac etiam senioribus Clericis concessum est leuiter in minoribus Ordinibus constitutos punire, si diuini officium turbent. Vide Sylvestrum verb. excommunicatio 6. num. 6. vers. octavo, Tolet. lib. 1. cap. 33. numer. 4. Layman lib. 5. tract. 5. part. 2. cap. 81. num. 7. Suarez de censur. disp. 22. sect. 1. num. 48. Dianam part. 9. tractat. 4. resolut. 21. & 23. & alios apud ipsos. Et licet quando prædicti excedunt modum percussione relatæ ad correctionem, incurrant excommunicationem; tamen non contrahitur, quando est parvus excessus, ita ut non sit peccatum mortale, si fiat ex fine corrigendi, & non ex odio; nam talis facultas est dumtaxat ad corrigendum concessa in canone suprà relato, & docent DD. communiter. Vide Cajetan. in sum. verb. excomm. cap. 10. vers. nota sextid, & Emm. Sà de excomm. Papa refer. sub num. 2.

Quæ. 4. An liceat Prælati, & Magistris titulo correctionis percutere etiam suos Clericos in sacris constitutos?

Resp. Si loquamur de Episcopis, certum est illos non debere aliquem suis manibus verberare, quia eorum dignitati non conuenit suis manibus cedere subditos. Oportet enim Episcopum non esse percussorem, ut inquit Sanctus Paulus ad Titum cap. 1. & idè eis prohibetur in cap. non licet dist. 86. Tamen si iusta, & rationabili causa id facerent, & non ex odio, & vindicta, sed solum correctionis zelo, excommunicationem non incurrerent, quia, ut ait Toletus lib. 1. cap. 33. numer. 6. Diana part. 9. tractat. 4. resolut. 22. & alii, juxta cap. cum voluntate de sentent. excommunic. licet omnibus Prælati absque excommunicatione percutere leuiter subditos; nec capis, non

licet suprà relatam; id Episcopis prohibet sub excommunicatione, licet Bonac. tom. 1. de cens. disp. 2. quæst. 4. punct. 4. sub num. 5. oppositum teneat. Dico igitur, quòd licitum est Prælati, & Magistris disciplinæ, & correctionis gratia (suis manibus tamen) non solum Clericos in sacris constitutos, sed etiam Sacerdotes, si opus fuerit, dummodò modum non excedant, aut odio, & vindicta moueantur, moderatè percutere. Si verò leuiter tantummodò excedant, excusari quidem possunt ab excommunicatione, quia excommunicatio supponit peccatum mortale. Itaque tam Prælati, quàm magistri, Submagistri, & Pedagogi, sicut quicumque alius, qui ad honestum aliquid docendum, vel in officio Clericos continendos assumitur, habent legitimam facultatem ad percutiendum Clericos sibi commissos, correctionis, & disciplinæ causa: nam in cap. Universitatis de sentent. excomm. nulla fit mentio, aut distinctio de Clerico majoribus, vel minoribus Ordinibus initio, ut sit de illis, qui non sunt nec Prælati, nec Clericorum Magistri, seu Præceptores, ut asserit Toletus loco cit. sub num. 4. Unde Præceptores verberantes discipulos causa correctionis, Prælati subditos, & Parentes filios Clericos, etiam in Sacris, licet faciant, nec incidunt in Canonem, si moderatè faciant; non enim hoc fit suadente diabolo, sed iustitia. Vide Armillam verb. excomm. 1. contra percussiones Clericos sub num. 4. & de verberatione num. 1. Imò licet de rigore juris non possint, nisi suis manibus, Prælati Episcopo inferiores, & Magistri percutere Clericos sibi subditos, sub pena excommunicationis, ut patet ex dicto cap. Universitatis; tamen plures Doctores probabiliter docent, non solum Prælatos, sed etiam Præceptores, & Magistros posse disciplinæ, & respectivè correctionis gratia suos subditos, & discipulos, etiam per alium, sive Clericum, sive laicum, punire, ut rectè notat Diana ubi suprà ref. 22. & 23. Vide Sylvest. verb. excommunicatio 6. §. 6. Tolet. & Bonac. locis cit. & alios penes ipsos. Quòd autem possit etiam Pater correctionis gratia percutere moderatè filium in Sacris, jam docui in tit. 52. de correct. ad Inter. 3. ad quam lectorem remitto.

TITULUS XC.

De Falsificatione Litterarum, & Scripturarum.

Vide tit. de Regul. Eccl. Inter. 49.

913 **I**nter. 1. Estne licitum aliquando, iusta existente causa, falsificare scripturas?

Resp. Dicunt Doctores benè sentientes, quamcumque falsificationem scripturæ esse peccatum mortale, etiamsi ea in locis personæ præjudicium cedat. Unde Emman. Sà correctus verb. *Falsarius* num. 2. sic inquit: *Non licet amissa scriptura de hereditate, aut nobilitate, etiam simile facere, etiamsi nulli fiat injuria? sicut neque licet convento super mutuo, quod jam solveris, falsum solutionis instrumentum producere.* Et pro se citat Covarruvias lib. 1. *variæ. resol. cap. 2. num. 3.* & rectè dicit, quia talis falsificatio, licet non sit contra Justitiam commutativam, est tamen contra Justitiam legalem, & bonum Reipublicæ, ut potè eidem maxime perniciofa, & idè seueris legibus prohibetur; quæ prohibitio, cum iusta sit, obligat in conscientia. Ita docent Tannerus in 2. 2. *disp. 4. q. 6. dub. 12. nu. 332.* Layman lib. 3. *sect. 5. tract. 4. part. 1. cap. 4. nu. 4.* quibus subscribit Diana *part. 3. tract. 6. resol. 56* qui etiam *par. 9. tract. 8. resol. 61.* pro hac sententia refert Cardin de Lugo de *Justis. tom. 2. disp. 40. section. 3. num. 27.* & Mazuchellum de *cas. reserv. disp. 2. cap. 18. qu. 2. num. 31.* licet num. 33. dicat, hoc esse verum solum de scriptura publica, non autem de privata: sed hoc alii non admittunt; idè absolute dicendum est, esse illicitum, & peccatum mortale, amissa scriptura de hereditate, nobilitate, debito, &c. aliam similem conficere; vel convento de pecunia, verbi gr. mutuo accepta, quam legitime solverat, factæ solutionis falsum instrumentum producere. Peccatur enim contra veritatis virtutem, & quidem cum Reipublicæ perniciæ, ut optimè inquit Diana in primo loco cit. Vide iterum Dian. *part. 5. tra. 14. resol. 40.* ubi quoque asserit, illicitum esse, amissa vera scriptura, aliam consimilem fingere?

914 **I**nter. 2. Falsificantes litteras Apostolicas quam pœnam incurrunt, & quid intelligitur nomine falsificationis in casu nostro?

Resp. Falsificantes Bullas, seu Brevia, aut Supplicationes Summi Pontificis, aut Vicecancellarii, aut gerentium vices ipsorum, nisi parvitas materię excuset, incurrunt ipso

facto excommunicationem Bullæ Cœnæ, ut patet ex ipsa Bulla *cas. 6.* & docent Doctores communiter. Vide Bonac. *tom. 3. de Cens. in particulari tom. 1. quest. 7. per totam.* Nominè autem falsificationis hoc in loco intelligitur additio, seu mutatio, vel detractio aliqua à præfatis litteris, vel supplicationibus, ut aliquid addendo, seu scribendo, vel subscribendo; item radendo, secando, aut levando sigillum verum, falsis litteris apponendo, aut fabricando falsas litteras, aut signando falso sigillo, vel etiam vero, sed sine consensu illius, ad quem spectat. Dixi, nisi parvitas materię excuset: Nam quoties verborum sensus non mutatur, licet aliquis corrigatur, aut mutetur, juxta tamen mentem, & intentionem Pontificis, litteræ sic correctæ tum Pontificis intentione conformes sint, veræ, & non falsæ sunt appellandæ. Sed circa hanc materiam plura videri possunt apud eundem Bonacin. ubi suprâ, & Dianam *par. 9. tr. 7. ref. 1. 5.* qui plures Doctores referunt, & ad casus particulares deveniunt. Notant tamen, cavendum esse, ne talis correctio fiat propria auctoritate, quia faciendâ est per Officiales, seu Notarios in Curia deputatos, nisi difficilis ad ipsos aditus esset. Sed vide Tolet. *lib. 1. cap. 22. num. 6.* Navar. in *Man. cap. 27. num. 62.* & Emmanuel Sà de *Excommunic. Bullæ Cœnæ* nu. 9. à quibus plura haberi possunt ad intentionem.

915 **I**nter. 3. Defensores, & Fautores falsificantium litteras Apostolicas, aut per alios Falsificantes dictas litteras, incurruntne excommunicationem Bullæ Cœnæ?

Resp. Plures Doctores asserunt, non ligari pœna excommunicationis Bullæ Cœnæ, sed excommunicatione in cap. *Ad falsarium de crimine falsi*, contenta; quæ tamen nulli est reservata, & idè ab Ordinario potest absolvi. Ita docent Tolet. *lib. 1. cap. 22. sub num. 4.* Bonacin. *tom. 3. de Censur. in particulari disput. 1. question. 7. punct. 3. num. 8.* Diana *part. 9. tract. 7. resol. 1. 5. in fine*, & alii penes ipsos.

916 **I**nter. 4. Qua pœna est puniendus, qui falsis litteris utitur Apostolicis.

Resp. Qui utitur falsis litteris, tanquam falsarius punitur, ut habetur ex cap. *ad falsarium de crimine falsi in fin. cap. Inter dilectos S. Præterea de excess. Prelat. & ex leg. falsi nominis. ff. ad leg. Cornel. de falsi.* Idè ultra excommunicationem, quam incurrit, si Clericus est, qui dictis litteris utitur, etiam officiis omnibus, & beneficiis privatur; si verò per se ipsum, aut per alios falsificavit, nō solum pri-

vatur.

vatur officiis, & beneficiis; sed degradatur, & Curie seculari pœnis legitimis puniendus traditur, ut patet ex citato cap. ad falsarium. Excommunicationem tamen Bullæ Cœnæ non incurrit, si solum utatur falsis litteris Apostolicis, postquam falsatæ fuerunt; sed tantum si partem habuit in falsificandis illis, ut dicunt quidam. Vide Toleum, & Dianam locis cit. sup. & Bonacinam ibidem num. 7. qui addit, quod tunc traditur brachio seculari, quando frequenter præfatas litteras falsificare ausus fuerit. Vide Lezan. loco mox citando.

917 Inter. 5. Falsificantes litteras, seu Brevia, aut Bullas Cardinalis Pœnitentarii, Episcopi, Nuncii, aut Legati à Latere, incidunt in excommunicationem Bullæ Cœnæ?

Resp. Quamvis huiusmodi falsificantes graviter peccent, & tamquam falsarii debeant puniri; tamen non comprehenduntur sub nomine falsificantium litteras Apostolicas, aut Vicecancellarii, aut eorum Vicegerentium, quia non expediuntur nomine Papæ seu Sedis Apostolicæ, sed prædictorum illorum nomine; & ac proinde dictas litteras falsificantes, non incurunt excommunicationem Bullæ Cœnæ, quæ solum afficit falsificantes litteras Apostolicas, quæ nomine Summi Pontificis expediuntur, ut dictum est. Toleus ibidem lib. 1. cap. 21. n. 2. Bonac. ubi supra pun. 1. n. 2. Navar. in Manual. cap. 27. num. 62. & alii plures, quos refert, & sequitur idem Bonac. loc. cit. Vide Lezan. 10. 2. verb. *Falsarius sub n. 1.*

TITULUS XCI.

De Falsis Monetis.

Vide sit. de Eccl. Imm. Int. 27.

918 **I**nter. 1. Qui falsam monetam bona fide accepit, & eam scienter expendit, peccatne mortaliter, & teneturne ad restitutionem?

Resp. Si scienter pro bona eam expendit, peccat mortaliter, & ad restitutionem tenetur, si moneta sit alicujus magni valoris: Nam de obulo v. g. non potest esse materia peccati mortalis. Ita docent Sylv. verb. *Falsarius nu. 8.* Angelus eodem verb. §. 4. Sed Petrus Navarra de restit. lib. 3. cap. 1. nu. 312. & Navar. in Man. cap. 17. nu. 167. dicunt, quod si eadem bona fide illam monetam in alium transulit, adhuc teneatur ad restitutionem, quia error meus, ait Navarra, nulli nocere debet, sed error

Tom. I.

suos tenere debet auctores. Vide Dian. p. 3. tr. 6. ref. 3. & Stephanum à S. Gregor. lib. 2. de contrah. cap. 65. nu. 14. qui testatur de communi.

919 Inter. 2. Monetam falsam cudens, vel exuberantem tendens, diciturne eodem modo falsarius? Et quot modis moneta falsificari dicitur?

Resp. Qui cudit falsam monetam, est falsarius, graviter peccat, committit crimen læsæ majestatis, & tenetur ad restitutionem ei, cui intulit damnum: Tondens autem exuberantem monetam, propriè falsarius non est, licet mortaliter peccet, sed qui justum pondus monetæ minuit; proculdubio est falsarius, siquidem moneta tripliciter falsificari dicitur. Primo, quando cuditur sine legitima auctoritate, & imponitur illius signum, qui eam cudi non facit. Secundo, circa materiam non debitam. Tertiò, quando justum pondus minuitur. Nam ista tria requiruntur de substantia monetæ, ut docent Sylvester verb. *Falsarius num. 9. & 10.* Emman. sà eodem verb. num. 1. & alii ab ipsis relati. Unde tunc onefores monetarum sunt falsarii, quando de justis monetis justum pondus diminuunt, quæ inde remanent leviores. Si verò justum pondus servetur, & tondant exuberantem materiam, peccant mortaliter, & tenentur ad restitutionem Principi, vel Communitati, de materia, quam inde auferunt, quia, illa per errorem censetur fuisse nummis apposita. Vide Lezanam tom. 2. verb. *Falsarius num. 5. & verb. Monetarii*, qui multa congerit ad hoc propositum. Quod autem Monetarii gaudeant immunitate Ecclesiæ, jam dixi in sit. 76. ad Inter. 27.

TITULUS XCII.

De Famulis.

Vide sit. de Cler. ad quas. 1. sit. de Defens. sit. prox. Int. 3. sit. de Fest. dieb. Int. 10. 11. sit. de Imped. divimen. Int. ult. sit. de irris. Vo. Int. ult. sit. de Occas. Int. ult. sit. de Oper. Inter. 3. sit. de Regul. Eccl. Int. 25. 85. 92. 93. sit. de Rest. ad Int. 20. 21. 22. 23. 24. sit. de Sepol. par. Int. 1. sit. de Simon. Int. 23. sit. de Val. Sac. Matr. Int. 11. sit. de Visti. Int. 8.

920 **I**nter. 1. Famulus, cui condignum salarium non tribuitur à domino, potestne suum damnum refarcire, & sibi compensationem facere?

Resp. Quidam dixerunt, quod famuli, & famulæ domesticæ possint occultè heris suis surripere ad compensandam operam suam, quam majorem judicant salario, quod accipiunt;

P 3 sed .

sed hoc est falsum, & ideo merito reprobatur ab Innoc. XI. anno 1679. ut videre licet in suo decreto, propositione 37. reprobata. Nam conventio contrahentium legem parit inter ipsos, & agere contra legem, & pactum, est agere contra iustitiam, ut docent quamplurimi Doctores: ergo nulla est ratio, quæ favet famulis ad conquerendum de domino, nec de diminutione salarii, & consequenter nullo modo possunt licite se compensare, etiam si eorum servitium sit grandia, & excellentia pretium conventum, quia scienti, & consentienti nulla fit injuria. Vide Joannem Valerum in *diff. utriusque fori verb. locatio, diff. 8. num. 2. apud Dianam par. 3. traçt. 6. resol. 16. vers. Hæc omnia*. Vide etiam Bonacinam de *Contract. disp. 3. quæst. 7. punct. 4. nu. 2. & 3. Stephanum à S. Gregorio de res. lib. 1. cap. 6. nu. 44. sed tene, ut dixi*. Advertit tamen Cardenas in *cris. Theol. diff. 23. cap. 2. in præfata damnatione non loqui Pontificem de casibus, in quibus meridiana luce clarius est, heros committere injustitiam, vel minuendo salarium ex iustitia debitum, vel non solvendo mercedem pacto promissam: Nam in hac evidenti injustitia licet famulis petere in iudicio æqualitatem mercedis sibi debitæ; aut si ex aliqua causa non possint in iudicio sui juris æqualitatem consequi, poterunt extrajudicialiter sibi occulte compensare. Non tamen sufficit, quod famulus censeat sibi irrogari evidentem injustitiam in quantitate salarii: Imò neque fidendum est iudicio Confessarii mediocriter docti, sed dumtaxat iudicio hominis valde docti, & in re mortali veratissimi. Vide Campion p. 2. c. 22 n. 3.*

921 Inter. 2. Famuli possuntne compensationem facere in bonis domini, quando conventionem fecerunt inserviendi sine pretio, aut salario?

Resp. Dico, quod nullo modo huiusmodi famuli possunt ex bonis dominorum sibi compensationem facere, quia cedunt juri suo; & volenti, & consentienti nulla fit injuria. Verum quando faciunt conventionem tacitam, vel expressam inserviendi cum pretio, tunc possunt licite compensationem uti, si dominus noluerit stare conventioni; nam aliquod pretium, seu salarium ipsis ex iustitia debetur. Ita docet Bonacin de res. disp. 1. quæst. 2. punct. ult. num. 15. & alii supra citati. Vide Campionum par. 2. cap. 8. num. 7. ubi docet, esse licitam occultam compensationem, quando sine gravi incommodo non possit quis implorare auctoritatem superioris, & creditum sit omnino liquidum, non autem in dubio, & quando grave damnum ei imminet

si petat à debitore, & alteri in particulari imputari non possit ea occulta surreptio; & tandem cavere debet, ne bis recipiat suum creditum, aut id quod sibi iuste debetur. Videatur quæstio Campionum loc. cit. & ibidem cap. 22. num. 3. Augustinus Lucensis in sua *cassella Confess. lib. 2. cap. 21. num. 31. & 32. Armilla verb. Familia num. 10. qui tandem sic recte concludit: Ab huiusmodi acceptionibus abstinendum est propter scandala, quæ solent oriri ab his, & homo non servat sic semper iustitiæ æqualitatem. Item vide Sylvestrum verb. Furtum quæst. 13. & Emman. Sà verb. Debitum num. 21. & 92.*

922 Inter. 3. Famulis ultionis, qui sponte famulatum offerunt, possuntne licite domini præbere minus stipendium?

Resp. Dico, quod sic, juxta tamen communem æstimationem, & juxta virtutem majorem, quam decursu temporis in illis experiuntur; & hoc etiam verum est, licet ipsi domini indigerent dictis famulis. Ita aliis relatis docent Bonac. de *Contra. disp. 3. quæst. 7. punct. 4. num. 6. & Stephanus à S. Gregorio lib. 2. de Contract. cap. 47. num. 4. qui fusiori calamo id probat egregie*.

923 Inter. 4. Si famulus non petat justum stipendium, sed intendat obligare dominum ad sibi procurandum aliquod officium, uel beneficium, ad quid tenetur dominus in tali casu?

Resp. Si famulum id faciat ad alliciendum animam domini ad aliquod officium, vel beneficium sibi procurandum, dominus tenetur saltem ex charitate illi procurare aliquod officium, vel beneficium; aliis debet ei dicere non posse, aut nolle id facere, ut possit famulus utio alio remedio ad suam spem consequendam. Si verò hoc non obstante servus vult inservire gratis, aut cum minori stipendio, tutus erit in conscientia dominus, quamvis nihil ei tribuat. Verum si famulus tacite, vel expresse intendat obligare dominum ad sibi procurandum aliquod officium, vel beneficium, tenetur dominus facere, quantum in se est, ut famulus consequatur intentum, dummodò sit idoneus. Postquam verò dominus fecerit, quod in se est, ad nihil aliud tenetur. Advertendum est tamen, quod si famulus intendat obligare, vel movere dominum ad procurandum sibi beneficium Ecclesiasticum, aut aliquod officium spirituale annexum, nullo modo fieri potest, quia esset Simonia, ut bene notat idem Stephanus à S. Greg. loc. sup. cit. sub n. 2. vers. In dubio autem casibus, sed vide, quæ dicam in tit. 106. de Ignorant. ad Inter. 10. & in tit. 205. de Simonia. ad Inter. 23.

924 Inter. 5. Quam mercedem, seu pretium tenetur dominus dare famulo, qui ei remittit determinationem pretii?

Resp. In hoc casu quidem non potest dominus licite tradere famulo, quod sibi placuerit, sed tenetur saltem infimum pretium iustæ mercedis illi dare, quia mens famuli in dicto casu est, ut dominus determinet pretium, quod sibi visum fuerit ex æquitate, non verò ex mera voluntate, & arbitrio. Ita Bonacin. de *Contr. disp. 3. quest. 7. punct. 4. numer. 10.* Stephanus à Sancto Gregorio lib. 2. de *Contr. cap. 47. num. 2. prop. finem*, qui benè addit ex Nauar. in *Man. cap. 17. num. 108.* & aliis, standum esse in tali casu arbitrio boni viri. Vide Bonac. ibidem num. 9. & Sylv. verb. *Familia* num. 6.

925 Inter. 6. Famulo infirmo teneturne dominus præbere salarium tempore infirmitatis?

Resp. Multi multa dicunt. Quidam sentiunt enim, quòd dominus teneatur totum stipendium præbere. Alii verò putant saltem alimenta, & modicas, & necessarias expensas. Hos Doctores referunt Bonacin. de *Contr. disp. 3. quest. 7. punct. 4. nu. 13.* & Stephanus à Sancto Gregorio ubi *sup. lib. 2. cap. 47. num. 8.* Ipsi tamen aliis citatis, absolute docent, quòd præciso pacto, vel consuetudine in contrarium, famulo pro tempore, quo infirmitate detinetur, minimè teneatur ex iustitia ejus dominus stipendium solvere, quia stipendium solvitur ob operas quotidianas. Ceterùm si famulus existeret in esum, vel gravi necessitate, tunc quidem, saltem ratione charitatis, tenetur dominus ei subvenire; nam unicuique mandavit Deus de proximo suo. Vide Sylv. verb. *Familia* num. 4. qui plures concordantes adducit. Vide etiam Emman. Sà verb. *Conductio* num. 5.

926 Inter. 7. Potestne licite famulus negotiari infcio domino cum illis pecuniis, quas apud se conservandas, vel expendendas habet, & lucrum sibi retinere?

Resp. Affirmat Diana par. 1. r. 32. & Beja par. 1. cap. 42. Et ratio est, quia tale lucrum est fructus industriæ concurrere pecunia, tanquam instrumento, quod ex se est insecundum. Imò affert exemplum de illo, qui vendit alienum frumentum eo tempore, quo carius valet, & satisfacit emendo, & restituendo tantumdem æqualis bonitatis eo tempore, quo minus valet, si dominus illud servaturus erat ad illud usque tempus, quo minus valet. Et ratio est, quia servat dominum indemnem, tantumdem æqualis bonitatis restituendo, etiam si restingat sibi lu-

crum, quo triticum alienum carius vendidit.

927 Inter. 8. Si dominus tradit famulo pecuniam in auro, ut soluat suo creditori, potestne licite famulus illam pecuniam commutare in monetam argenteam cum lucro, & eam solvere creditori, retento pro se illo lucro?

Resp. Multi Doctores dicunt id ei licere, si dominus non prohibuerit famulo, ne aliam monetam creditori tradat, quàm illam auream. Unde si dominus non curat, qua specie pecuniæ satisfaciatur creditori suo, potest licite famulus, aut alius negotiorum gestor, illam pecuniam commutare in monetam argenteam cum lucro, eamque solvere creditori, nec tenetur restituere lucrum creditori, neque domino suo, sed licite potest illud sibi retinere. Ita Azorius 3. part. lib. 10. cap. 4. qu. 11. Reginaldus tom. 2. lib. 2. §. cap. 33. nu. 450. Molina de *Jus. tom. 2. tract. 2. disp. 402. numer. 2.* Lessius, Rebellius, & Salas, quos refert, & sequitur Diana loco *prox. cit. vers. Vi. de, &c.*

928 Inter. 9. Peccatne famulus, aut famuli comitantes herum euntem ad meretricandum? & quid licite facere, vel facere non possunt circa hanc turpem materiam?

Resp. Bonacina de *matrim. quest. 4. punct. 14. num. 6. & tom. 2. de Legibus disp. 2. quest. 4. punct. 2. §. unic. numer. 26.* excusat famulos in dicto casu, quia utuntur jure suo, facientes ex se actionem indifferentem; & idem tenet Diana par. 2. tract. 3. resolut. 36. *versic. Ex dictis.* Tamen hoc intelligendum est de simplici comitatu causa obsequii, prout ex officio ipsis incumbit; sed non ut dominum animosiores reddant ad meretricandum, vel aliud crimen perpetrandum; nam aliàs esset quædam cooperatio ad illud peccatum heri, & non esset actus indifferens, sed omnino peccaminosus. Vide ergo quæ dicam in tit. 154. de Operibus ad Int. 3. Ex illa enim ibi citan. propositionem damnatam ab Innoc. XI. deducitur, non solum damnnari propositionem in casu expresso, sed etiam in cæteris similibus; quod patet ex illis verbis — *Aur quis simile cooperando* — ut optimè observat Franciscus Maria Pisani in *Gedonis gladio*, loquens de infra dicenda propositione reprobata, qui rectè refellit Tamburin. & alios loco ibi cit. nu. 10. & seq. & asserit peccare famulum, qui sternit lectum, vel associat concubinarum, ducendo ad locum, ubi dominus ejus peccaturus est, vel januam aperit eidem ingressuræ. Item nec licere famulo deferre internuncia turpia, & amatoria, aut episto-

las ad peccatum provocantia, & hoc ex causa etiam urgentissima; neque ipsi licere referre adulteræ, aut aliæ inhonestæ femine, aut in tali hora accedat ad domum heri, vel alterius, ubi scit herum eam expectare, ut peccet. Nam quoties hæc scienter faciat, certò mortaliter peccat, quia cooperatur peccato heri. Dicendum igitur, peccare famulum scientem, herum ire ad meretricandum, quoties illum aliquo modo animosiores reddat, aut unam ex actionibus supra relatis scienter faciat. Cæterum qui ex officio parat, aut ministrat in mensa Concupinæ, & similia, quæ non sunt media ad peccandum, ut de simplici comitatu dictum est, potest à peccato excusari. Peccat tamen famulus, vel coquus, si cibos excitantes ad libidinem iussu heri scienter pararet. Itaque cautè legendi sunt quidam Auctores, quos invenies apud Dianam loco supra cit. & par. 4. r. 7. ref. 27. 28. & 29. Nam nimis laxè loquuntur de tali materia, merito damnata ab Innocentio XI. Sed vide Emmanuel Sà verb. peccatum num. 9. Dianam par. 7. tract. 7. ref. 49. & præsertim Pisanum in Geodonis gladio supra propositionem 51. à præfato Summo Pontifice reprobata.

TITULUS XCIII.

De Festis diebus.

Vide tit. de Episcopis. & c. Ins. 36. tit. de Jejun. Ins. 31. 32. tit. de Parv. mas. Inter. 8. tit. de Vos. Ins. 19.

929 **I**nter. 1. Estne licitus mercatus in diebus festivis, maxime si fiat in Dominica singulis hebdomadibus?

Resp. Generaliter loquendo non est licitus, ut patet ex cap. 1. de feriis; tamen si consuetudo in aliquo loco contrarium obtinuit, licitè fieri potest, dummodò sacrum audiatur; favet Navar. in man. cap. 13. num. 8. Toletus lib. 4. cap. 24. num. 10. Bonac. de legib. disp. 5. quæ unica punct. 2. num. 10. Summ. Diana verb. Festum nu. 10. Busem. lib. 3. cap. 1. dub. 2. Alloza verb. Festum scilicet. 1. num. 13. & habetur ex cap. final. de consuetudine: & rectè quidem; nam consuetudo legitime introducta vim legis habet, cap. cum sentingas, de foro compes. cap. duo sunt de offic. ordin. cap. cum dilectus de consuet. l. de quibus ff. de legib. §. si non scripto. Imò consuetudo, quæ est sufficienter præscripta abrogat, & tollit jus positivum; colligitur ex dicto capite fin. de consuet. cum similibus. Navar. lib. 1. tit. de major. & obed. conf. 3. nu. 3. Gossred. in Summ. tit. de consuet.

Summ. Diana verb. Consuetudo num. 11. & verb. Usus num. 1. Cabrin in suo Elucidario cas. refer. part. 2. cas. 1. annot. 2. num. 4. prop. finem. Dicitur autem sufficienter præscripta, si ad quadragenarium introducta sit, teste Cabrin. loco cit. num. 5. & est communis sententia. Unde, quòd non debeat innovari consuetudo, ut post Missam Conventualem omnes vendere possint ad beneplacitum, refert decium Nicolius in Flos. verb. Festum num. 22. & merito, quia consuetudo, & praxis multum debet attendi, & minimè mutanda sunt, quæ longam interpretationem habuerunt, juxta legem minime, ff. de leg. Quòd autem talis consuetudo non adversetur juri divino, aut naturali, non est opus pluribus probare; nam jus naturale non assignat præcipuè tempus, vel diem colendi Deum; sed vult dumtaxat, ut colatur Deus. Neque juri Divino adversatur, quia omnium Christianorum festa, etiam dies Dominici, solum jure humano in Ecclesia introducti sunt, ut docet S. Thom. 2. 2. quæst. 122. art. 4. ad 4. D. Antoninus 2. part. tit. 9. cap. 7. §. 1. Turrecremata, Archid. & alii, quos refert, & sequitur Navar. in manual. cap. 13. nu. 1. Bonac. loco supra cit. num. 4. Moronus Resp. 13. num. 2. & 3. & alii apud Sanchez mox citandum dub. 1. nu. 2. Tandem quando consuetudo est immemorabilis, non solum habet vim legis, & privilegii, sed facit etiam præsumi justum titulum, ut ex Carbone, & Navarr. docet Emmanuel Sà verb. Consuetudo nu. 2. ergo & c. Vide Sanchez in Opuscul. tom. 2. lib. 5. cap. 2. dub. 25. numer. 1. & seqq. & præsertim num. 7.

930 Inter. 2. Estne licitum emere, & vendere in die festo?

Resp. Vendere, & emere in diebus festis vinum, herbas, & fructus, carnes, & cætera hujusmodi ad minutum necessaria pro usu illius diei, licitum est, tum ratione necessitatis, tum ratione consuetudinis, dummodò Episcopus non prohibeat tali hora, vel ante Missam. Ita docent Sylvest. verb. Dominica quæst. 9. conclus. 2. Navar. cap. 13. num. 6. Cajetan. 2. 2. quæst. 122. art. 4. Angelus, Tabiena, Tolet. Armilla, & alii, quos refert, & sequitur Sanchez in Opuscul. tom. 2. lib. 5. cap. 2. dub. 25. numer. 9. Item licitum est vendere calceos, & alia hujusmodi parvi momenti. Cajetan. ibidem. Suar. de Relig. tom. 1. lib. 2. cap. 29. numer. 4. Bonac. de legib. disp. 5. quæst. unica punct. 2. num. 1. Diana pars. 5. tract. 5. resolut. 6. Alloz. verb. Festum scilicet. 1. sub numer. 13. Cassian. à Sancto Elia in Arbor. opin. moral. verb. Arr. §. 4. sub numer. 12. in fin. & alii passim sic docent. Secus dicendum est, si res vendita esset magni momenti.

&

& venditio aliqua solemnitate celebretur, etiam si brevi tempore fieret; nam in huiusmodi venditionibus solemnibus, sicut & in operibus forensibus, & judicialibus, quæ sunt speciali jure prohibita, materia gravis non desumitur ex quantitate temporis insumpti in venditione, & emptione, sed ex qualitate operis; siquidem in cap. 1. de feriis, prohibentur emptiones, & venditiones, ut cesset strepitus Populi. Cæterum vendere, & emere in diebus festis, solum verbis, & confabulatione contrahendo, non esset peccatum mortale, licet multum tempus in hoc consummaretur, ut docet Sanchez loco cit. n. 17. Et dub. 26. per tot. Vide ipsum, & non te pœnitebit legisse, quæ ibi docet.

931 Inter. 3. Estne licitum piscari, vel ire venatum in die festo?

Resp. Dicunt quidam, quod tam venatio, quam piscatio non sit opus servile, sed commune liberis, & servis, ideoque licere, etiam lucri causa, & ex officio, venationem, & piscationem. Alii verò docent, solum esse licitum piscari, & venari recreationis gratia, & non principaliter propter lucrum. Ita Sylvest. ver. Dominica quæst. 1. conclus. 6. & alii quos refert Sanchez loco supra cit. dub. 14. Et 15. ubi plura videri possunt. Sed omisit opinionibus aliorum, mihi videtur dicendum cum Fillincio tom. 1. tr. 27. cap. 9. num. 172. Et seq. apud Dianam part. 4. tract. 4. ref. 222. venationem, & piscationem recreationis gratia, quæ in industria posita est, volucrum, & similibus, accedere ad opus liberum, minimeque prohibitum esse in die festo; secus de piscatione, & venatione ex officio, & quæ tota posita est in corporis defatigatione: Concludendum est tamen licere venari ob recreationem, ac etiam propter lucrum, quia consuetudo jam obtinet non esse illicitam venationem, ut docet Tolet. lib. 4. cap. 24. num. 3. cum Navar. cap. 13. n. 12. nec dissentit Suarez de Relig. tom. 1. lib. 2. de festis cap. 28. numer. 3. sed negat de piscatione adesse talem consuetudinem, nisi ob urgentem, & specialem necessitatem; ac proinde licita non est, juxta cap. hiet de feriis, ubi tantum conceditur ex occurfu lucri transitorio, ut fas sit piscari halicia, id est l'Arenghe; quæ quodam tempore transeunt; unde pari ratione non solum alios pisces transitorios, sed etiam quando repente occurrit aliquod aliud transitorium lucrum, aggredi licitum est, quia huiusmodi cessans, damnus reputatur. Sanchez ubi supra dub. 19. Verum de lucro inde sequente debet fieri pauperibus portio, aut Ecclesiæ, ut in dicto cap. licet, & docet Cajet. in Summ.

verb. in festo licita, & alii. Cæterum arundine piscari etiam toto die festo propter lucrum, dummodo Missa non omittatur, censo non esse illicitum, quia parva occupatio censetur à viris doctis; secus autem puto de piscatione, quæ magnam habet occupationem, quia est opus servile, nec ullo modo, nisi propter necessitatem, licere, docet Sanchez loco cit. dub. 15. numer. 2. in fine; nam necessitas vitæ sustentandæ, & damni vitandi excusat, ut docet S. Th. ac etiam utilitas acquirendi, quando alio tempore acquiri non potest; sed necessaria est Episcopi dispensatio expressa, vel saltem tacita, si tunc facili expressa haberi non potest ab Episcopo, vel ejus Vicario, aut saltem à proprio Parocho. Vide Sylvest. verb. Dominica numer. 6. Sanchez ubi supra dub. 19. Et 20. & alios, qui tamen non conveniunt; sed quod dixi, mihi certò probabilius videtur.

932 Inter. 4. Barbitonfores possuntne in diebus festis tondere omnes, qui ad eos accedunt?

Resp. Si barbam unius, vel alterius radant, certè mortaliter non peccant, & hoc ratione parvitatis materiæ. Tolet. lib. 4. cap. 25. num. 1. Navar. in man. cap. 13. num. 9. Azorius tom. 2. lib. 1. cap. 28. quæstio 6. & alii plures, quos refert, & sequitur Dian. part. 2. tractat. 15. resolut. 34. vers. Quoad secundum. Si verò ratione consuetudinis, à Prælati toleratæ, radunt omnes ad se accedentes, excusantur etiam à peccato, quia cum prohibita in die festo sint humano jure introducta, tolli possunt per contrariam consuetudinem. Ita firmat ipse Diana, apud quem plura videri possunt. Vide infra ad Inter. 15. Sed hoc non admittit Sanchez ubi supra dub. 21. sed solum propter paupertatem ipsorum, vel ob damnum magnum inde eis eventurum.

933 Inter. 5. Peccantne mortaliter ferrantes equos in die festo?

Resp. Si equi sunt agentium iter, non peccant, ut docet Cajet. Navar. Sylvest. Sotus, & alii communiter, teste Sanch. loco cit. dub. 18. num. 14. sed si equi sunt illorum, qui iter non faciunt, non possunt sine peccato ipsos equos ferrare, ut bene docet ipse Sanchez, & alii. Vide Bonac. de legib. disp. 5. quæst. unica pun. 3. num. 12.

934 Inter. 6. Peccantne mortaliter Typographi suam artem exercentes in diebus festis, & teneturne jejunare, vel à jejuniis excusantur?

Resp. Quoad primum dico, quod Layman lib. 4. tract. 7. cap. 2. numer. 3. & Homobonus de Bonis, quibus subscribit Diana part. 4. tract. 4. ref. 62.

resol. 62. putant non peccare Typographos, vulgò Compositores, si postquam rei divinæ satisfecerunt, artem suam sine scandalo exercent, & quamvis propter lucrum, & mercedem id faciant; sed hoc negat Pasqualig. *decis. 194. n. 5.* Tenentur tamen jejunare in Quadragesima, & aliis vigiliis, ut docet ipse Diana *ibid. resol. 134.* Typographos verò prælum versantes exculat à jejunio, sed non Typos colligentes, ut dixi; non tamen concedit posse in diebus festis suam artem exercere, quia librorum impressio servile opus est; sed omnino lege sequentem Responsum.

935 Inter. 7. Pictores possuntne licitè pingere in diebus festis ob lucrum?

Resp. Affirmat Layman *loco supra cit.* & propter eandem rationem exculat etiam Typographos, ut dixi; sed alii hoc non dicunt, sed solum concedunt posse picturis inspicendis vacare discendo, retrahendo, non ut pingant, sed ut discant: sic etiam exculant Magistros, qui designant in Charta, quomodo aliquid sit faciendum, ad instruendum aliquem de futuro opere. Cajet. *in Summ. verb. in festo licita*, Sylv. *verb. Dominica q. 5. Emm. Sà verb. Festum n. 5. & alii.* Unde secundum Sylvest. ubi supra, exculantur Pictores, qui in diebus festis retrahunt in Ecclesiis pulchras figuras, quia ad peritiam artis id faciunt, licet sequatur lucrum. Et hic Romæ hoc fit passim, teste Em. Sà *loc. cit.* Vide Tolet. *lib. 4. cap. 24. nu. 3.* Sanchez *in opus. lib. 4. cap. 2. dub. 6. n. 8.* Cæterum id, quod docet Layman, & ex eo Diana in præcedenti responsione, non videtur tutum; ideòque non excusarem à mortali Pictores, & Typographos suam exercentes artem in diebus festis, nisi ratione modicitatis temporis, & operis. Favet Sanchez *ubi supra dub. 9. præcipue nu. 6. in fine*, & *dub. 12. loquens de Pictoribus.*

936 Inter. 8. Peccantne Notarii, qui in diebus festis celebrant Rusticorum contratus.

Resp. Quidquid aliqui in contrarium dicant, satis probabile est eos non peccare ratione necessitatis, & consuetudinis; nam Rustici in profectis non possunt esse in Civitate sine gravi incommodo. Vide Cajet. *in 2. 2. qu. 122. art. 4.* Sanchez *in Opuscul. som. 2. lib. 2. cap. 2. dub. 10.* Diana *part. 1. tract. 15. ref. 34. Navar. in man. cap. 23. n. 14.* Itaque dicendum est, posse tuta conscientia Notarium facere in die festo scripturam donationis, renunciationis, instrumentum soluti debiti, vel scripturam obligationis illud solvendi, & instrumentum, in quo datur facultas ad exigenda debita (intellige pro Rusticis) ut re-

cte docet ipse Sanchez *num. 3. & alii plures.*

937 Inter. 9. Estne licitum in diebus festis scribere, & transcribere pro mercede?

Resp. Plures Doctores apud Dianam *part. 2. tract. 15. ref. 35.* dicunt, quòd scribere simpliciter est opus honestum, & liberale, sed transcribere pro officio, & mercede, est mechanicum, & purè corporalis labor; & cum non sit opus mentis, neque artis liberalis, non sit licitum. Quòd autem sit licitum scribere in die festo, optimè probat Sanchez *in opus. som. 2. lib. 5. cap. 2. dub. 8.* etiam si pretio fiat, quia, ut dixi, scribere est opus liberale; unde tas est Theologo, Jurisperito, vel Medico in die festo scribere lectiones prælegendas, vel conciones habendas ad Populum, vel ad imprimendum, etiam per alium ministrum, qui ei scribat dato sibi pretio, quia est adjuvare alterum ad opus spirituale, & liberum, & licitum, scilicet studium. Sic etiam Notarii, & Tabelliones possunt licitè scribere in festo Instrumenta de iis rebus, & contractibus, qui licitè fieri possunt in festis, & licet id faciant principaliter propter lucrum. Ita docet Sanchez *ibid. dub. 10. n. 2.* & alii ab ipso relati; tamen dicit non eis liceret transcribere chartas ex officio, & mercede pacta, & hujusmodi scripturas, ut illas partibus dent; etiam si faciant gratis pro amico, vel consanguineo, quia hoc jam reputatur opus servile, non quidem ratione lucri, sed ratione operis, & officii; & præter Sanchez *ubi supra nu. 4.* ita quoque docent Cajet. *in 2. 2. quæst. 112. art. 4. §. ad 2.* Reginald *som. 1. lib. 1. cap. 3. num. 40. in fine.* Azorius *part. 3. lib. 1. cap. 22. quæst. 5.* & alii plures, quos refert, sed non sequitur Diana *loc. sup. cit.* qui oppositum sustinet cum Sayro in Clavi Regia *lib. 7. cap. 2. n. 35.* Galletti, Molfesio, Medina, Lopez, & Suarez *de Relig. som. 1. lib. 2. c. 25. nu. 4.* docentes, transcribere non esse opus servile, sed actionem de se mentalem, & spiritualement, & consequenter non fieri servilem, si per accidens ab operante fiat ex officio, vel lucro, seu mercede; & sic tenet etiam Layman *lib. 4. tract. 7. cap. 2. n. 3.* & alii: sed prima sententia mihi videtur probabilior, & etiam cum Sanchez *ubi supra dub. 9. nu. 4.* licet secunda etiam valde probabilis sit propter autoritatem tot. Doctorum.

938 Inter. 10. Peccantne mortaliter dominus, qui servo infideli imperat, ut opera servilia diebus festis nostris exerceat?

Resp. Putant quidam, eum peccare mortaliter; tamen quia infideles non tenentur legibus Ecclesiasticis, nec peccant eas transgredien-

diendo, ita nec dominus peccabit faciens laborare servum infidelem, prout optimè aliis citatis sustinet Diana *part. 5. tract. 14. resol. 7.*

393 Inter. 11. Servi qui compelluntur à dominis laborare in diebus festis, possuntne sine peccato eis obtemperare?

Resp. Doctores communiter affirmativè respondent. *Sylv. verb. Dominica 9. 5. Navar. in Man. cap. 13. num. 7. Cajet. in Sum. verb. in festo licita. Tol. lib. 4. cap. 25. sub num. 3. vers. sexta est vis. Em. Sà verb. Festum num. 7. & alii, & ratio est, quia sic compulsi, & coacti laborant ad vitandum damnum in persona, vel rebus suis, unde talis metus eos excusat: sed hoc intelligendum est, dummodò non cogantur à dominis in festorum, & Ecclesiæ contemptum laborare: nam in tali casu potius moriendum esset, quàm eis obedire, ut docent præcitati Doctores, & alii communiter. Quòd si nullum damnum servo ex inobedientia sequatur, tunc communiter Doctores dicunt non posse servum exercere servilia in festis. Ipsi verò domini mortaliter peccant. Vide Sanchez *lib. 5. cap. 2. dub. 18. in opus. tom. 2. n. 16.**

940 Inter. 12. Peccantne Puellæ, & Domicele fuentes, vel alio modo laborantes in die festo ad fugandum otium, & ne ad domus fenestras se conspiciendas exhibeant?

Resp. Doctores quidam docent non peccare, ut *Sylv. verb. Domin. quæst. 5. Em. Sà verb. Festum. num. 6. Diana part. 3. tract. 5. ref. 8. vers. Notandum est etiam hic, & par. 4. tract. 4. ref. 62. vers. Nota quare, & alii ab ipso relati: sed oppositum censet Suarez de Relig. tom. 1. lib. 1. cap. 26. num. 4. Comitulus in Resp. lib. 4. qu. 37. apud Dianam: & hoc quidem mihi videtur probabilius, & tutius cum Sanchez loco supra cit. num. 13. quia non sanctificare festa, ex genere suo mortale est, cum sit contra divinum præceptum, quapropter curent fideles diem expendere in divinis laudibus. Vide Sylvest. ubi sup. n. 8. Saltem cundo ad prædicationem, & ad vespere; & quatenus puellis hoc non permittatur, tamen non videtur concessum ab operibus servilibus non cessare debere, & licet Diana *par. 6. tract. 6. resol. 15.* non vult in hoc suum interponere iudicium, tamen loco citat. docuit posse licite puellas ad fugiendam otiositatem &c. suere, vel alio modo laborare. Cæterum dico cum Sanchez ubi supra, quòd ad vitandum aliquod peccatum, si forte aliud remedium ei opportunius non occurrat, excusari possint à peccato.*

941 Inter. 13. Qui laborat in die festo propter Ecclesiam, vel Monasterium, vel alendos pauperes, peccatne mortaliter?

Resp. Puto cum Sylv. ubi sup. num. 7. & aliis apud Sanchez loco supra cit. dub. 23. nullum esse peccatum, dummodò non fiat in Dominicis, vel festis solemnioribus, ut Paschatis, & Pentecostes, nec usque ad ultimam deagationem, auditò tamen Sacro, quia pietas est una ex causis excusantibus, dummodò non fiat propter mercedem, ut suppono; sed hoc est verum, si Ecclesia, vel locus pius sit tam pauper, quòd non habeat necessaria ad cultum divinum, vel ad suorum sustentationem, aut pauperes sint in magna necessitate positi, ut de communi testatur idem Sylv. Vide Tolet. lib. 4. cap. 25. num. 2. Cæterum notandum est, non semper solam pietatem à peccato mortali excusare laborantes in die festo, quia opera servilia sunt ex se, & jure divino prohibita in festis, & sic licita non sunt extra necessitatem; dum opus Religionis, quale est festorum observatio, non videtur prætermittendum propter pietatem dumtaxat extra necessitatis articulum; ut pluribus relatis rectè concludit ipse Sanch. ubi supra dub. 23. sub num. 2. Vide etiam Navar. in man. cap. 13. num. 4. 10. & 11. idem asserentem, quod & docet etiam Cajet. 2. 2. qu. 122. art. 4. Azor. *par. 2. lib. 2. quæst. 28. & alii.*

942 Inter. 14. Episcopus fulminavit excommunicationis sententiam contra laborantes in diebus festis: Titius verbi gratia contrafecit, causa necessitatis, imminente pluvia, aut tempestate, vel causa pietatis pro pauperibus: estne censendus excommunicatus Titius, vel non?

Resp. Nullo modo censeri debet excommunicatus: & ratio est, quia si in sententia excommunicationis expressum est; ut nullus labore causa necessitatis, vel pietatis, aut hujusmodi, est nulla talis sententia, cum contineat intolerabilem errorem, & expressè sit contra jus canonicum, *cap. fin. de feriis.* Si verò in sententia non exprimitur necessitatis, vel pietatis causa excepta, debet omnino intelligi & interpretari secundum jus commune, scilicet, quòd non liceat laborare in festis exceptis casibus de jure concessis, qui sunt, quando necessitas urget, vel pietas suadet. Ita docent Sylvest. *verb. Dominica 9. 7. Navar. loco cit. num. 15. Em. Sà ver. Festum num. 4. Sanchez ubi sup. c. 2. dub. 18. nu. 20. Alloza verb. Jejunium fest. 3. n. 7. & alii communiter.*

943 Inter. 15. Quæ, & quot sunt causæ excusantes à peccato laborantes in diebus festis?

Resp.

Resp. Sunt metus iustus, necessitas, pietas, utilitas publica, vitiatio damni corporis, vel animæ, dispensatio Episcopi, vel Parochi, ubi est dispensare solet, & consuetudo legitime præscripta. Navar. loco citat. numer. 11. Sylvest. ibidem num. 6. Tolet. lib. 4. cap. 25. Emm. Sibi ubi supra num. 6. & alii communiter.

944 Inter. 16. Potestne quisvis tuta conscientia ex loco, ubi est festum, ire ad alium locum, ubi non est festum, causa laborandi?

Resp. Navar. in man. cap. 13. numer. 5. in fine, dicit, hoc esse licitum, si prius audiat missam in loco, ubi est festum, & ita tenent etiam Emm. Sibi verb. Festum numer. 8. Sayrus in Clavi Reg. lib. 7. cap. 12. Suarez de Relig. tom. 1. lib. 2. cap. 15. num. penult. Naldus, & Filiucius apud Dianam par. 1. tract. 10. ref. 14. Sed Sanchez de matrim. lib. 3. tom. 1. disp. 18. numer. 21. dicit non teneri prius Missam audire, si ipso mane diei festi exit, quia non tenebatur audire sacrum, nisi usque ad meridiem: ergo si intra meridiem exeat non audito sacro, non peccat: & hanc sententiam tenet Diana ibidem, & probabilem vocat Lessius, Malderus, & Fanduez penes ipsum, addens præterea hoc esse verum, non solum post factum, sed ante factum: idem docet Bonac. de præcept. decal. disp. 5. quæstio unica pun. 5. numer. 28. Verum puto, quod si hoc faciat sine iusta causa, sed solum ad fugiendum præceptum, peccet, quia fraus, & dolus non debet ei patrocinari. Vide Lessium lib. 4. cap. 2. dub. 8. numer. 60. Sayrum in Clavi Reg. lib. 7. cap. 3. numer. 14. & alios apud Sanch. & præsertim ea, quæ dixi in tit. 6. de Absolutione à reservatis, ad Inter. 11. & in tit. 33. de cas. res. ad Inter. 4. & dicam infra in tit. 105. de Jejunio, ad Inter. 14. tit. 94.

TITULUS XCIV.

De Fide.

Vide tit. de Ignor. tit. 15. 16. 17. Et ad quas. 1. tit. de Irregul. ad quas. 3. tit. de Laic. Inter. ult. tit. de Paroch. Inter. 24. 25. 38. tit. de Sacr. Matr. Inter. 25. tit. de Simul. Inter. 1. 2. 3.

945 Inter. 1. Christiani adulti pro eorum salute debentne habere fidem explicitam Incarnationis Christi, & Sanctissimæ Trinitatis?

Resp. Est grandis, & gravis quæstio inter Theologos, num etiam rudes debeant ex-

plicitè omnia fidei mysteria credere, quæ publicè in Ecclesia celebrantur, ut videre licet apud Emm. Sibi verb. fides numer. 1. & Dianam par. 3. tract. 5. ref. 46. Hoc autem in primis certum est, satis non esse solum credere, Deum bonis præmia, malis poenas daturum, & credere quicquid credit Ecclesia; nam omnes tenemur scire, & credere necessitate mediè explicitè, Unum esse Deum in Essentia, Trinum in Personis, Patrem, Filium, & Spiritum Sanctum, Creatorem, Salvatorem, & Glorificatorem; Christi Incarnationem, Nativitatem, Mortem, Resurrectionem, Ascensionem, & Adventum Iudicii: Unde qui hæc ignorat, secundum communem sententiam, mortaliter peccat; nec illum ignorantia excusat, quia Christianè vivere non potest absque eorum mysteriorum cognitione. Vide S. Thom. 2. 2. quæst. 2. art. 7. Sylvest. verb. Fides num. 6. & 7. Tolet. lib. 4. cap. 2. num. 4. & Armillam in verb. Credere num. 2. Cæterum verum est, nullum teneri ad explicitam fidem omnium, quæ credenda sunt, habendam, sed partim implicitam, partim explicitam, præter articulos supra relatos, qui in Ecclesia publicè solemnizantur, quos omnes explicitè scire, & credere debent, aliàs mortaliter peccant. Armilla verb. Credere numer. 1. Sed vide Dianam ubi supra ref. 46 & 48. hinc inde plures Doctores referentem, Et infra in tit. 160 de Paroch. ad Inter. 24.

946 Inter. 2. Confessarius potestne absolvere illum, qui ob negligentiam culpabilem nescit Mysteria Sanctissimæ Trinitatis, & Incarnationis Domini Nostri Jesu Christi, vel illum, qui ea Mysteria semel credidit?

Resp. Dico primò, nullo modo posse Confessarium illum absolvere, quia est incapax absolutionis, cum sit in peccato mortali; nec aliter dici potest, dum opposita sententia fuit jam reprobata ab Innoc. XI. ann. 1679. & est propositio 64. inter reprobata. Dico 2. non sufficere illa Mysteria semel credidisse, & oppositum fuit reprobatum ab eodem Innoc. XI. eodem anno, eodemque decreto; ideo Confessarius non potest absolvere illum, qui ea semel credidit, cum sit in statu peccati mortalis. Vide Tolet. lib. 3. cap. 17. num. 5. & lib. 4. cap. 2. in fin.

TITULUS XCV.

De Fidei professione.

Vide tit. de Eccl. pollut. Inter. 12. tit. de Regul. Eccl. Inter. 50. tit. de Simul. Int. 1. 2. 3. tit. de Susp. de Har. Int. ult.

947 **I**nter. 1. Quis tenetur publice fidei professionem emittere?

Resp. Qui est assumptus ad dignitatem in Cathedrali, vel Canonico, vel ad curam animarum, etiam Religiosorum, & Magistrum. Concil. Trident. sess. 24. cap. 12. de reform. & docet Emm. S. verb. Fides numer. 6. Imò adest Constit. Pii IV. quæ incipit: Injunctum, emanata Idibus Novembris 1564. quæ comprehenduntur etiam Religiosorum Prælati, & ita exactè observant PP. Carm. Discalc. & alii, licet Sanchez in Summ. tom. 1. lib. 2. cap. 5. num. 3. Sorbo, & alii, dicant hanc professionem fidei jam in usu non esse quoad Regulares; sed Navar. conf. 2. de Summa Trinitate, contrarium probat, & Ledesma in Summ. tom. 2. tract. 1. cap. 4. in fine, refert quandam Religiosorum consuetudinem non faciendi hujusmodi professionem; eam tamen improbat, & merito. Vide Barbosa in Trident. sess. 24. cap. 1. de reform. numer. 5. & eadem sess. cap. 22. num. 24. & seqq. ubi latè de fidei professione tractat, & refert Doctores de hac re agentes. Vide etiam Dian. part. 3. tract. 2. resol. 78.

948 Inter. 2. Infra quale tempus tenentur prædicti emittere professionem fidei, ad hoc ut faciant fructus suos?

Resp. Terminis duorum mensium datus est ad faciendum fidei professionem, quod ni faciant intra duos menses à die capte possessionis, non faciant fructus suos, nec illis suffragari possit. Ita habetur ex Concil. Trident. sess. 24. cap. 12. & ibi Doctores cumlati à Barbosa loc. prox. cit. num. 20. & seqq. & quia dictus terminus non apponitur ad finiendam obligationem, sed ad terminandam poenam, idèò elapsis quoque duobus mensibus, adhuc tenentur eam facere. Navar. conf. 4. de Summ. Trinit. & alii apud Barb. ibid. num. 22.

949 Inter. 3. Qui adeptus est v. g. Parochialem, tenentur ad restituendos fructus ob non factam professionem fidei ante bimestre?

Resp. Navar. conf. 3. de Summ. Trin. dicit, quod non, ex eo quia illa lex est poenitentialis, quæ etiam poenam ipso jure contineat, tamen in foro conscientie non ligat. Verum oppositum, & rectius, tuetur Theaurus in praxi par. 2. verb. Fidei professio cap. 1. notabile 1. &

3. limita. 2. dicens, quod poena privationis fructuum non sit purè poenalis, sed conventionalis, & consequenter liget in foro conscientie ante sententiam declaratoriam; & ita puto tenendum.

950 Inter. 4. Sufficitne illam facere coram Vicario Episcopi, si Episcopus non sit impeditus?

Resp. Licet Tridentinum loco citato supra dicat, quod debeat fieri in manibus Episcopi, vel eo impedito, coram ejus Vicario Generali; tamen plures Doctores tenent sufficere, si fiat coram Vicario, etiam Episcopo non impedito; nam supponunt, quod illa verba Tridentini ponantur ad monitionem, & denotationem convenientie. Doctores ita sentientes refert idem Barb. ubi sup. n. 23.

TITULUS XCVI.

De Filiis.

Vide tit. de Bannis. Inter. 7. tit. de Correcl. Inter. 3. tit. de Dob. conjug. Inter. 13. tit. de Denunc. Inter. 7. 8. tit. de Eccl. Immun. Inter. 13. tit. de Eccl. pollut. Inter. 13. tit. de Elecm. Inter. 11. 12. tit. de Excomm. ob Cler. percuss. Inter. 41. tit. de Homic. Inter. 4. tit. de Illegis. Inter. 1. tit. de Imped. publ. bon. Inter. 3. tit. de Infam. Inter. 2. tit. de Ing. in Rel. Inter. 4. tit. de Irreg. Inter. 7. & ad Quæst. 3. & 4. tit. de Irrit. Vor. Inter. 3. tit. de Legat. Inter. 2. tit. de Mes. Inter. 4. tit. de Mutil. Memb. Inter. ult. tit. de Occas. Inter. ult. tit. de Ordin. sac. ad Quæst. 3. tit. de Pa. a. Inter. 7. tit. de Regul. Int. 38. tit. de Rest. dam. Int. 1. tit. de Sac. Bap. Int. 1. tit. de Sac. Matrim. Inter. 19. 22. tit. de Sepul. part. Inter. 1. 2. tit. de Verb. Inter. ult.

951 **I**nter 1. Peccantne mortaliter Parentes, si per negligentiam non doceant Filios Symbolum Fidei, decem Dei præcepta, & Pater noster?

Resp. Peccare mortaliter, docet Navar. in man. cap. 4. num. 17. aut saltem si non curant, Pater noster, Credo, & Dei præcepta, ut discant. Vide Emm. S. verb. Fides numer. 2. & verb. Parentes num. 1, & Bonac. tom. 2. de legibus disp. 6. quæst. unic. pun. 5. sub num. 2. & alios apud ipsos.

952 Inter. 2. Adultera tenentur in conscientia manifestare suum adulterium, ne filii legitimi damnum in hæreditate patiantur?

Resp. Adultera non tenetur cum periculo vitæ, aut famæ, seu honoris, prodere filium esse ex adulterio, ad impediendum damnum legitimi-

legitimus hæredibus, quamvis ampla hæreditas inter ipsos, & spurium, sit dividenda; Nam vita, & fama sunt bona superioris ordinis, sunt pretiosiora auro, & divitiis: Unde quando non potest suum adulterium manifestare sine vitæ, vel famæ periculo, debet quantum potest damnum hæredibus compensare, relinquendo filium legitimis bona paraphernalia, si habet, vel alia acquisita ex propria industria; vel si non habet, tenetur indocere filium illum ad intrandam Religionem, quæ non sit capax hæreditatis, dummodo filius ad eam aptus sit; vel ut sacris initiatur, & accipiat Beneficium aliquod Ecclesiasticum, quo contentus hæreditatem aliis remaneat. D. Antoninus 2.2. par. tit. 1. cap. 18. §. 8. in fin. & melius tit. 2. cap. 7. §. 4. Cajet. 2.2. q. 62. art. 6. Navar. in Man. cap. 16. n. 44. & seqq. Bonac. de matrim. quest. 4. pun. 15. n. 17. & seqq. Cæterum si dicta adultera jam erat de adulterio infamata, & credit probabiliter absque periculo corporis, & animæ, posse id revelare, & quod sibi adhibetur fides tam à patre, quam à filio, debet revelare, ut ex comm. docet Navar. ubi supra num. 46. Vide Tolet. lib. 5. cap. 11. num. 3. Aliquando tamen quidam putant, adulteram teneri manifestare etiam cum vitæ periculo, quando scilicet redditus sunt supra modum pingues, ut Regnum, Imperium, Ducatus magnus &c. maxime si bonum Reipublicæ majus illinc proveniat. Ita Toletus loco citat. prop. finem. Vide Etman. Sà verb. Adulterium n. 3. Sed, ut verum fatear, rarò prodest detectio, & manifestatio adulterii; unde, si subest periculum mortis in revelando, taceat, quia in non revelando est periculum rerum; sed in revelando est periculum animarum, & corporum, ut docet Sylvest. verb. Adulterium sub num. 2. Imò absolute loquitur Diana par. 3. tract. 5. res. 30. in fine, ut non se prodatur, sed satisfaciatur, aut conferendo bona libera filiis legitimis, aut consulendo spurium intrare Religionem. Et hoc mihi magis probatur.

653 Inter. 3. Potestne Filius legitimus immediate beneficium paternum sine dispensatione obtinere? & potest Episcopus cum eo dispensare?

Resp. Licet Filius legitimus Sacerdotis possit obtinere beneficium in Ecclesia, in qua Genitor habuit, vel habet beneficium, ex cap. ad hæc de Filiis presby. & tradunt Sylvest. verb. Beneficium 3. nu. 10. Barbof. de potest. Episc. par. 3. alleg. 65. n. 16. & alii penes ipsos; tamen hoc intelligendum est, dummodo non ad illas dignitates, & præbendas, quas immediate Pa-

ter habuit, promoveatur, ut habetur cap. Constitutus eodem tit. & ex Concil. Trid. sess. 25. de reform. cap. 25. & ibi DD. cumulati à Barb. in Collect. in Trident. loco cit. n. 10. & ibidem nu. 13. testatur fuisse decimum, dictum Filium egere dispensatione ad obtinendum immediate beneficium Paternum, nec posse cum illo Episcopum dispensare, resolvit cum Sanch. in Opusculis tom. 1. lib. 2. c. 1. dub. 17. nu. 3. Vide Em. Sà verb. Beneficium n. 25. & 26.

954 Inter. 4. Matrimonia, quæ sunt invititis, & insciis Parentibus, suntne valida, & peccantne filii in tali casu?

Resp. Utique valida sunt, ut decernitur in Trident. sess. 24. cap. 1. de matrim. & docent DD. communiter. Sed quidam putant filios mortaliter peccare, si contra Parentum justam voluntatem matrimonium contrahunt sine justa causa; alii verò dicunt, eos non peccare, quoties absit scandalum, aut gravis aliqua necessitas. Vide Em. Sà verb. filius n. 34. & præsertim Tolet. lib. 5. cap. 1. sub nu. 6. ubi sic inquit: Ducere uxorem indignam contra voluntatem Patris; peccatum mortale est; secus, si sit digna, non est mortale nisi cum multum refert Patri aliam ducere. Cum inimicitia paterna componitur ex matrimonio, si filius nolit ducere uxorem, quam dat Pater, si digna sit, est mortale, licet ducat aliam dignam. Hæcenus Toletus. Cæterum vide DD. quos refert, & sequitur Barbof. in Collect. ad Trid. loco suprac. & Bonac. de matrim. qu. 4. punct. 17. nu. 18. & seqq. qui recte docent filios ex honestate teneri contrahere matrimonium cum consilio Patris, secus mortaliter peccare, nisi fortè habeant justam causam contrahendi absque ipsius consilio. Denique notandum est, non posse Parentes filios exheredare, neque eis dotem denegare, eò quòd contrahunt matrimonium ipsis invititis. Imò leges civiles permittentes Patri exheredare, si sine eorum consensu nupserint, sunt abrogatæ, ut docent innumeri Doctores, quos refert Barbof. ubi supra nu. 3. Vide Bonac. de legibus disp. 6. quest. unic. pun. 5. §. 3. per tot. & Dianam part. 4. tract. 4. resol. 132. Vide infra in art. 568. de Parris ad Inter. 7.

955 Inter. 5. Judex, vel Prælati Ecclesiasticus potestne licite impedire filio familias, ne talem uxorem contra voluntatem parentum ducat?

Resp. Bonac. de matrim. quest. 4. pun. 17. num. 16. & 17. pluribus relatis probat posse, & debere Judicem Ecclesiasticum suam interponere auctoritatem, quando periculum est, ut magnum scandalum ex matrimonio oriatur, quia ei incumbit salutis subditorum consulere.

fulere, rixas tollere, & scandalum impedire; nam peccat quidem filius inculpando matrimonium in tali eventu, ut asserunt Navar. in *man. cap. 14. num. 15.* Sayrus in *Clavi Regia lib. 7. cap. 5. nu. 12.* & alii communiunt: ergo Prælati debet sua auctoritate hoc peccatum etiam impedire, præsertim quando ex certis, & vehementibus indiciis, & conjecturis prævidere potest, grave inde suboritur scandalum, rixas, aliaque mala. Neque hoc est impedire matrimonium; quia libertas matrimonii non debet familiar, aut proximo nocere, nec filius habet jus ad nuptias injurias Patri, & cum periculo gravis scandali &c. Nec obstat vinculum sponsaliorum jam celebratorum, cum sponsus non teneatur perficere sponsalia, quando imminet aliquod grave malum, seu scandalum; nec sponsalia in tali casu obligare censentur. Vide Bonac. *loc. cit.* qui fortioribus terminis, & rationibus id recte sustinet, & ad objectiones respondet.

856 Inter. 6. Potest filius invito Patre contrahere matrimonium cum ea, quam carnaliter cognovit sub spe illam ducendi in uxorem?

Resp. Affirmat Bonac. *loc. prox. cit. num. 21.* Imò si promisit eam ducere, ut copulam extorqueret, debet servare promissum, & multo fortius, si juravit, ut docet Sylvest. *verb. luxuria sub num. 5.* Emni. Sà *verb. Refutatio numer. 14.* & est communis sententia, teste Diana *par. 5. tract. 14. ref. 32.* Et hoc maxime verum est, nisi illa potuisset coniicere fictionem, ut cum sunt valde impares, ut benè advertit idem Sà ubi supra, & alii, quos ego citabo in *tit. 206. de Simulatione, ad Inter. 7.* Verùm si magnum malum ex matrimonio timetur, aut magnum aliquod scandalum creditur preventurum, tunc sufficit, quòd petat promissum remissionem, & aliter satisfaciatur secundum suam facultatem, & mulieris indigentiam, præsertim quando timetur tam grave scandali periculum, ut præponderet damno sponte. Ita tradunt Sylvest. *loc. citat.* Navar. in *man. cap. 16. num. 18.* Toletus *lib. 5. cap. 11. sub n. 1.* Sà ubi supra, Bonac. *supra à n. 27. in fine* & alii. Sed vide Dianam *par. 9. tractat. 7. resolut. 71.*

957 Inter. 7. Filius, cujus Pater ob crimen perduellionis fuit condemnatus, potestne ad Ordines promoveri? Et quid de Nepotibus dicendum est?

Resp. Filius ob crimen perduellionis (quod est idem, ac dicere crimen læsæ Majestatis) commissum à Patre, remanet irregularis ratione infamiae, quæ secum trahit tale deli-

ctum, ac nullatenus proinde ad Ordines promoveri potest, ante dispensationem. Imò neque Nepotes talis perduellionis crimen perpetrantis ad Ordines admitti possunt, cum ipsi pariter infames remaneant; sicut dècernitur in *l. Quisquis, C. ad l. Juliam Majest.* & tradunt Emm. Sà *verb. Infamia*; Bonac. *de censur. disp. 7. quæst. 3. punct. 1. numer. 13.* Lezan. *eodem verbo infamia num. 11.* & alii communiter. Vide *supra in tit. 37. de Clericis, Et Personis Ecclesiasticis ad Inter. 4.*

Quer. 1. An liceat filio subvenire Patri bannito, si hoc prohibitum sit à Papa sub pena excommunicationis?

Resp. Negativam sententiam docet doctus P. Rotarius in *Apparatu Theol. moral. par. 3. cap. 11. sect. 1. sub num. 48.* ait enim, quòd si filius in dicto casu Patri subveniat, peccat, & est excommunicatus, quia censetur Pater condemnatus ad hoc genus mortis, quod licet ob publicam utilitatem; & hoc optime dicit, nam non relevat, si dicatur, quòd Bannitum alere teneatur, qui aliàs tenebatur; sed filius jure naturali, & divino tenebatur Patrem alere, & subvenire; ergo eodem modo tenetur, postquam Pater fuerit proscriptus, cum ob hanc præcisè causam non desinat esse filius, neque amittat obligationem naturalem erga Parentem, siquidem per excommunicationem, præceptum naturale, & divinum adjuvandi Patrem non aufertur; excommunicatio enim supponit peccatum mortale; sed filius si tali casu non peccat: ergo neque excommunicationem incurrit. Quòd autem minime peccet, probatur, quia filius Patris banniti, ipsa natura movente, & veluti urgente, salutis potius consulere, quàm eundem occidere, necesse habet; nam licet Pater legum contemptor, & impius, ac bannitus sit, tamen Pater filii est. Non relevat certò id, quod dictum est, quia si Pater proscriptus sit nimis nocivus Reipublicæ, & illi nocimento nequeat aliter obviari, tenetur quidem filius propter bonum commune præceptum Superioris observare, aliàs ratione inobedientiae peccat mortaliter, & excommunicationem incurrit; nam Doctores serè communiter docent, quòd filius possit accusare Patrem de hæresi, vel prodicione, & cæteris, quæ vergunt in commune damnum, quamvis certò sciat inde Patrem fore occidendum. Ita Navar. in *man. cap. 14. num. 12.* Tolet. *lib. 5. cap. 8. Em. Sà verb. Filius numer. 32.* Dicastillus *de just. Et jure lib. 2. sr. 1. disp. 10. dub. 1. numer. 16.* & alii. Ergo quando non est aliud remedium avertendi damnum commune, licitè potest Papa prohibere etiam filiis, ne subveniant Patri

Patri bannito, cui præcepto si filius non obedi-
at, peccat mortaliter, ut dixi, & excom-
municatione ob id lata innodatur; bonum
enim commune præferendum est bono pri-
vato, præsertim quando Pater est maximè
nocens, & Reipublicæ perniciosus, ut in
præsenti suppono, & supponere videtur etiam
præfatus P. Rotarius, cui libenter adhæ-
reo; banniti enim sunt hostes civitatis, & fa-
vere hominibus criminosis, sine culpa esse
non potest, cum illis audaciùs peccandi præ-
stetur occasio.

Quer. 2. An parentes mittentes, seu expo-
nentes filios ad hospitale, peccent mortaliter,
& ad quid teneantur.

Resp. Patres tenentur alere filios etiam na-
turales, & eis providere per totum tem-
pus vitæ eorum, si possunt, & filii indigeant.
Ita S. Thomas 2.2. *quest.* 167. *art.* 2. ad 2. Syl-
vester *verb. filii numer.* 24. Navar. *in man. cap.* 14.
nu. 7. & primo triennio alendi sunt apud Ma-
trem. Unde exponentes filios absque ur-
gente necessitate, mortaliter quidem pec-
cant, ut asserunt Tolet. *lib.* 5. *cap.* 1 *sub num.* 9.
Emm. *Sà verb. Parentes sub num.* 3. & alii com-
muniter. Imò mittentes filios ad hospitale,
sive legitimos, sive naturales, tenentur ad
omnes expensas, quas hospitale fecit in eis
alendis, nisi ob notabilem pauperatatem ex-
cusetur, ut dico in *tir.* 187. *de Resist.* Dam.
ad Inter. 4. cum Sylvest. Navar. & Bonac. qui-
bus nunc addo Zecum *de cas. refer. cas.* *§. nit-*
rentes quoque, & P. Angustinum Lucensem *in*
sua Cautela Confess. lib. 2. *cap.* 10. *num.* 15. Siqui-
dem Parentes jure naturæ tenentur filios ale-
re, & hospitalia solum propter pauperes fa-
cta sunt, prout magis communis Doctorum
sententia tenet.

TITULUS XCVII.

De Fornicatione.

Vide tit. de Desid. Inter. 3. tit. de Famul. Int. ult. tit.
de Legat. Int. 5. 6. 7. 8. tit. de Peccat. Inter. 26. tit.
de Sac. Matrim. Inter. 3. tit. de Usu Conjug. Int. 2.

958 **I**nter. 1. Christianus, qui habet co-
pulam cum semina infideli, com-
mittitne adulterium, vel simplicem fornica-
tionem?

Resp. Si habet copulam cum semina conju-
gata committit adulterium, ut per se patet;
si verò cum semina soluta, erit simplex for-
nicatio, præcis tamen aliis circumstantiis,
nam simplex fornicatio est concubitus soluti

cum soluta, ut docent communiter DD. Vi-
de Bonacin. *de matrim. qu. 4. punct.* 15. *num.* 7.
Sed etiam committit Sacrilegium, ut di-
xi in *tir.* 36. *de Circumstantiis peccatorum ad In-*
terrog. 8. cum Diana *part.* 3. *tract.* 4. *resol.*
138.

959 Inter 2. Alter Conjugum, qui certò
scit adesse inter eos impedimentum annul-
lans Matrimonium, potestne sine peccato
mortali reddere debitum, si aliàs ei mortis
periculum, vel infantiæ imminet, vel cen-
suris ab Ecclesia compellatur?

Resp. S. Thom. *in 4. dist.* 27. *quest.* 1. *art.* 2. *in*
fin. Sotus ibi *artic.* 3. Navar. *cap.* 16. *num.* 39.
Barbof. *in collectan. in 5. lib. Decretalium tit.* 39.
cap. 44. & plurimi alii communiter dicunt
nullatenùs posse sine gravi peccato reddere
debitum, & colligitur etiam ex *cap. Inqui-*
sitioni, de sent. excom. & cap. Litteras, de resist.
spol. & ratio est, quia talis redditio debiti est
fornicatio, cum sit accessus ad non suam &
fornicatio autem est intrinsecè mala; jure na-
turæ prohibita, ut asserunt DD. communiter
teste Dian. *part.* 9. *tract.* 9. *ref.* 59. Nec aliter af-
firmari potest post Decretum Innoc. XI. in
quo proposito 48. fuit reprobatà, quæ opposi-
tum asserbat, ac proinde in nullo eventu li-
citè fieri potest, etiam ad evitandum majus
malum; nec timendum est de excommunica-
tione, quæ quidem semper supponit pecca-
tum mortale, quod non est in præsentì casu;
nam superior, qui sub pœna excommunica-
tionis id præcipit, præsumptione falsa de va-
lore Matrimonii innititur; præsumptio au-
tem cedit veritati, unde in hoc casu optimè
concludit Emm. *Sà verb. matrim. num.* 27. lic in-
quiens: Compulsus à Judice, aut alio quo-
piam habitare cum uxore illegitima, aliò mi-
gret. Sed vide Bonacin. *de matrim. quest.* 4.
punct. 4. *num.* 17. & segg. & Dian. *part.* 4. *tract.* 4.
re solut. 48. à quibus plura ad hoc propositum
haberi possunt, & infra in *tir.* 146. *de Moribun-*
dis & morti proximis, ad Inter. 8.

TITULUS XCVIII.

De Furto.

Vide tit. de Circumf. pec. Int. 24. 25. tit. De Con-
fess. sac. Inter. 20. tit. de Defen. bon. temp. tit.
de Differ. Inter. 13. tit. de Escl. Innum. Inter.
30. 31. tit. de Infam. Inter. 4. tit. de Parvul. mar.
Inter. 2. 3. 4. 5. tit. de Regul. Etc. Inter. 6. 51. 52.
tit. de Reliq. sac. Inter. 1. 2. 3. tit. de Resp. accep.
Int. 4. tit. de Resp. Da. Int. 23. 26. 28. tit. de Re-
vel secr. Int. 6. tit. de Sacril. Int. 2. 3. tit. de Sec-
crim.

*crim. Inter. II. tit. de Superfl. Int. 14. tit. de
Vot. Int. 20. 21.*

960 **I**nter. 1. Quid est furtum?

Resp. Furtum est injusta ablatio rei alienæ invito domino. Tol. l. 5. c. 1. §. nu. 1. & alii commun.

961 **I**nter. 2. Quænam obligatio oritur ex furto?

Resp. Oritur obligatio restitutionis, tam in fure, quàm in conculis.

962 **I**nter. 3. Peccatne mortaliter, qui furatur minima animo furandi successivè majora, vel accedit animo furandi, notabilem quantitatem, sed quia parvam invenit, parvam rapit?

Resp. Mortaliter peccat, tam in primo, quàm in secundo casu; & in primo casu toties, quoties furatur minima, ratione mali animi, & prævæ voluntatis. Peccata enim voluntatis, oris, & operis, ejusdem sunt speciei. S. Thom. 1. 2. quæst. 72. art. 7. Sed gravior est opere peccare, quàm ore, & ore, quàm corde. Quoad primum probat S. Thom. 2. 2. quæst. 66. art. 6. ad tertium, communiter receptus, teste Bonac. de *Resp. disp.* 1. q. 8. punct. 2. nu. 1. Quoad secundum asserit Toletus lib. 5. cap. 16. n. 8. & est communis sententia. Vide Cajet. loc. prox. cit.

963 **I**nter. 4. Peccatne mortaliter, & tenetur ad restitutionem, qui minima, & levia paulatim furatur ab una, eademque persona, animo surripendi in quantitate notabili?

Resp. Peccat mortaliter toties quoties, quamvis minima furetur, ratione mali animi. Cajet. in *Sum. verb. Furtum*. At verò quando pervenit ad eam quantitatem, quæ mortale peccatum constituit, etiam ad restitutionem tenetur; nam licet illa modica furta, secundum se considerata, non sufficiant ad constituendam materiam restitutionis peccati mortalis, sufficient tamen, si collectivè, & simul fumantur: Undè quia infer danum notabile, quando pervenit ad eam quantitatem notabilem, mortaliter peccat, & sub mortali ad restitutionem tenetur; & oppositum est omnino improbabile, & damnatum ab Innocent. XI. anno 1679. & est 38. proposito ab eodem in suo Decreto reprobata. Non tamen totam quantitatem ablatam restituere tenetur sub culpa mortali, sed solum illam, qua restituta, non dicitur ampliùs detinere notabilem quantitatem. Bonac. loc. *supra cit.* sub nu. 2. & alii plures apud ipsum. Navar. in *man. cap.* 13. num. 139. Em. Sà *verb. Furtum* sub nu. 8. & alii. Vide Toletum lib. 5. cap. 16. n. 3.

Tom. I.

964 **I**nter. 5. Qui sæpiùs minima furatur absque animo, & intentione surripendi majora, peccatne mortaliter, & tenetur ad restitutionem?

Resp. Navar. loc. *proximè cit.* putat, non peccare, nisi venialiter, quamvis temporis decursu notabilis fiat quantitas: & ita tenet Toletus ubi *supra* n. 3. & Bonac. ibidem sub n. 2. *verb. dixi*, & alii plures ipsum: Sed hoc intelligendum est, modò non advertat, se præcedentia furta commississe; nam si advertit, peccat mortaliter, postquam pervenit ad quantitatem notabilem. Cæterum semper ad restitutionem tenetur sub culpa mortali, quando pervenit ad quantitatem notabilem, etiamsi absque animo perveniendi ad talem quantitatem surripuerit. Ita firmat Navar. & Bonac. loc. *supra cit.* & alii apud Emm. Sà *verb. Furtum* sub nu. 8. & oppositum est reprobatum ubi *supra* in Decreto Innocent. XI.

965 **I**nter. 6. Peccatne mortaliter indigentes, qui tempore messis, aut vindemiæ, notabilem quantitatem tritici, vel uvæ surripiunt, auferendo à singulis modicam quantitatem?

Resp. Dicunt quidam, eos, si revera sint indigentes, non peccare, nec ad restitutionem teneri, quia si domini nolent conditionem, & pauperum auferentium, non essent rationabiliter inuiti. Bonac. de *Resp. disp.* 2. q. 8. punct. 1. sub n. 1. quem sequitur Nicol. in *Elef. verb. Furtum* n. 4. Tamen quia permillum non est furari in gravi necessitate, ut dicam *ad Inter. sequentem*; ideo dicendum est, eos peccare, & ad restitutionem teneri, ut melius constat ex *responsione ad Inter. antecedentem*, & *infra ad Inter. I. tit. 233*.

966 **I**nter. 7. Peccatne, qui in gravi necessitate positus, occultè surripit à diuitibus, & opulentis ea, quæ sibi necessaria sunt ad graue damnum auerendum?

Resp. Multi, cum quibus sentit Diana, dicunt, quòd non peccet. Diana p. 2. *traff.* 17. *ref.* 29. & p. 5. *traff.* 8. *ref.* 23. Tamen affirmatiua sententia est communis, ut ipsemet Diana fatetur ea *resol.* 39. Bonac. de *resp. disp.* 2. q. 8. punct. 3. n. 1. & *seqq.* Navar. in *man. cap.* 17. n. 119. cum Div. Thom. *quodlib.* 8. art. 13. Et ratio est, quia gravis necessitas non facit res communes, ut facit extrema, nec tribuit jus in aliena. Cajet. 2. 2. quæst. 66. art. 7. cum Salonio ibidem *conclus.* 2. Imò in *cap. si quis, de furtis*, imponitur pœna accipienti res alienas tempore necessitatis: quod intelligendum est extra casum necessitatis extremæ, in quo omnia furati communia: tecus dicen-

Q

du

dum est casu gravis necessitatis, in quo certe non licet furari aliena occulte, & oppositum tamquam improbabile, ac scandalosum, merito fuit reprobatum ab Innoc. XI. & est propositio 36. ab eodem damnata, quæ sic assererebat: Permissum est furari non solum in extrema necessitate, sed etiam in gravi. Nam saltem debet esse gravissima, & ferè extrema, ut docet Tolet. *lib. 5. c. 15. n. 3.* quam necessitatem P. Cardenas in Crisi Theologica *differt. 23. 17.* vocat necessitatem evidenter urgentem, & asserit hoc exemplum, v.g. cum instat periculum gravissimi damni, puta si Petro evidenter imminet à Mauris periculum captivitatis, & Petrus videat equum alienum, sibi proximum; potest enim illum sibi usurpare ad fugam, & sic in similibus: Hæc enim non est necessitas gravis, de qua loquitur decretum: etenim potius reducitur ad necessitatem extremam. Haslenus Cardenas, & rectè quidem.

967 Inter. 8. Quænam est quantitas notabilis, quæ ad furtum mortale constitutum sufficit? Et quid in furtis Religiosorum est dicendum?

Resp. In hoc dubio quidem quot sunt capita, tot sunt sententiæ; asserit Diana *p. 2. tract. 6. ref. 36. & p. 2. tract. 17. ref. 37.* ubi plures Doctorum opiniones refert, taxantes parvitatem materiæ in dicto casu: ideòque non est facile tradere certam regulam in particulari, sed solum in generali dici potest, quòd requiratur quantitas notabilis, quæ tamen judicari debet arbitrio Prudentum, pro varia tum locorum, tum personarum conditione, quia quod respectu unius censetur notabile, respectu alterius erit exiguum: Ita Marchantius apud Dianam *p. 5. tr. 5. ref. 9.* Sed Tolet. *lib. 5. cap. 6. sub n. 16.* ait duplicem esse quantitatem, altera secundum se, & hæc est quæ ab omnibus censetur mediocris, aut grandis valoris, ut est quantitas unius, vel duorum Juliorum; hanc enim à quocumque etiam ditissimo furari mortale esset: altera est notabilis quantitas respectu ejus, à quo furatur, sicut esset quarta pars Julii respectu cujusdam pauperis; hanc enim furari mortale esset: ita Toletus, nec dissentire videtur Navar. in *Man. c. 17. n. 4.* Sed Em. Sà *verb. Furtum, prop. suam*, putat esse mortale furari unum Julium viro neque diviti, neque admodum pauperi; quod tamen non esse indivisibiliter intelligendum, Vir prudens videbit. Bonac. verò de *ref. disp. 2. q. 8. pun. 1. n. 7. in fin.* concludit, quantitatem duorum, aut unius, vel dimidii Regalis, nempe Julii, non esse absolute quantitatem notabilem

sufficientem ad peccatum mortale, quia Reipublicæ, aut illustri personæ non inferit damnum notabile, neque notabilem impedit utilitatem, licet tamen possit esse respectu unius pauperis mendicantis. Denique, ut omnia unico verbo concludam, dico, quòd illa quantitas furti peccatum mortale constituit, quæ domino rei notabile damnum simpliciter inferre potest, & in hoc omnes Doctores conveniunt. De furtis verò Filiorum, & Religiosorum, non est philosophandum, ut de cæteris furtis; major enim quantitas in illis, quàm in istis, requiritur, maxime si furtum sit de rebus comestibilibus, quæ sumuntur à Communitate, vel particulari Religio. Parentes non solent ægrè ferre, quòd Filii ipsi res furentur comestibiles, non magni valoris: ergo idem dicendum est respectu Religiosorum; nam Religiosi sunt addicti Religioni, ut Filii Patri, & non ut servus domino, & comparantur cum suis Prælati, voluti Filii cum Parentibus, ut probat Lezan. *tom. 2. vers. Furtum sub n. 3. ergo &c.* Undè non perperam dicam in titulo 180. de Regularibus, seu Religiosis, cum Allox. in *Ref. ad Int.* non peccare mortaliter Religiosum, qui à Communitate sui conventus unam furaretur gallinam: non enim hic, aut ibi assero cum Soto, & Rodriguez in *Summ. tom. 3. c. 118. n. 27. & 29.* Religiosum non committere furtum, quando ascendit ad summam duorum auroorum, quia solum probabile puto cum Diana, & aliis, id, quod docet Sanchez in *Summ. tom. 2. lib. 7. c. 2. n. 3. & 6.* nempe materiam notabilem in furtis Religiosorum esse summam quatuor argenteorum, quamvis sciam, Bonac. & alios, docere, eam quantitatem sufficere, quæ sufficit in Sæcularibus ad constituendam materiam peccati mortalis; sed hæc opinio ab aliis merito non admittitur. Vide Doctores apud Dianam *p. 1. tract. 6. ref. 36.* ubi plura ad intentum invenies.

968 Inter. 9. Qui furatur crumenam Sacerdoti, vel Clerico dormienti, vel aliis non sentienti, potestne à simplici Confessario absolvi, vel tanquam excommunicatus debet absolvi ab habente facultatem?

Resp. Secundum sententiam Sylv. in *Summ. verb. excomm. 6. sub n. 11.* à simplici Confessario non potest absolvi, quia putat ipsum furem incurere excommunicationem latam in *c. Si quis, 17. qu. 4.* contra tangentes personam Clerici injuriose; & hoc ipse censet tutius, & verius. Tamen mihi videtur oppositum esse multò probabilius, cum Dian. *p. 9. tract. 4. ref. 37.* ubi plures alios citat, quia in casu no-

stro

stro nullatenus violententer tangitur Sacerdos, aut Clericus; imò modica, vel nulla sit injuria personæ non sentienti, ut asserunt tres Canonistæ apud Sylv. loco citato. Dicendum est igitur, quòd talis rei ablatio non ad violentiam, sed ad furtum pertineat. Censura verò non ob furtum, sed ob violentam manuum injectionem incurritur: ergo poterit à simplici Confessario absolvi, ubi furtum non sit casus reservatus; & ita etiam docet Em. S. verb. *excomm.* Papa res. n. 2. & alii plures.

969 Inter. 10. Qui habet propositum firmum furandi centum nummos aureos, estne licitum ei suadere, ut furetur tantum quinquaginta?

Resp. Est licitum, si nulla designetur persona, à qua debeat furari: & ratio est, quia non inducitur ad furandum, quod est peccatum, sed tantum ei suadetur minus malum, ut majus vitetur. Diana p. 5. rr. 7. ref. 19. §. Nota tamen; & alii ab ipso relati. Gabrinus de cas. ref. p. 2. cas. 7. in Corollario.

T I T V L V S X C I X.

De Gabellis.

Vide tit. de Regul. Eccl. Inter. 53. 68. tit. de Uxor. ad ques.

970 Inter. 1. Fraudantes vestigalia, seu gabellam, peccantne mortaliter, & tenentur ad restitutionem?

Resp. Est magna controversia inter Doctores, ut videre est apud Bonac. de cons. disp. 2. quest. 9. pun. 1. n. 3. Dianam p. 1. tract. 10. resol. 19. & alios. Quidam enim dicunt, non peccare mortaliter, neque ad restitutionem teneri, quia lex purè pœnalis non obligat in conscientia, & quòd imputandum est ementibus prædictas gabellas, si fraudentur, si non invigilent; nam sub tali conditione illas emunt, & si cum uno amittunt, cum alio lucrantur, propter pœnam conventionalem. Ita pluribus citatis tenet Diana loc. cit. Probabilis est hæc opinio; tamen probabilior videtur opposita, quam inter alios sustinent Suarez de leg. lib. 5. c. 18. n. 7. Sanchez in Sum. tom. 2. lib. 6. c. 4. n. 62. Bonac. loc. sup. citat. & alii plures penes ipsos, & esse opinionem communem, asserit Em. S. verb. Gabella n. 6. Et ratio est, quia quod justè exigitur, non potest absque injustitia defraudari; alioquin posset dari bellum justum inter Principem & Subditos, quod est absurdum: sed vestigalia justè exiguntur; ergo non possunt frau-

dari absque injustitia; tenemur enim reddere Cæsari, quæ sunt Cæsaris, & quæ sunt Dei, Deo. Vide Bonac. sup. Tol. lib. 5. c. 75. Sylv. verb. Gabella quest. 8. & alios plures, quos citat ipse Diana loc. supra cit. in principio resolutionis. Cæterum si aliquis sine ulla fraude merces suas vehat paratus solvere gabellam, si à Gabellario non exigatur, non tenetur ipsum quærere, nec peccat, nec ad restitutionem tenetur, ut docet Toletus loco cit. n. 2. ex Tabiena, & Soto, limitans, quando est consuetudo in illis terris exigere, & custodias ponere. Quòd si consuetudo esset, quòd ipsemet præstaret merces, utique teneretur hoc facere in gabella justa, aliàs à peccato non excusare illum, nec ab onere restituendi. Vide Steph. à S. Greg. de res. lib. 1. c. 15. n. 19. & 20. & Armillam verb. Gabella n. 6.

971 Inter. 2. Clericus negotiator teneturne solvere gabellam, si non fuerit ter monitus ab Episcopo, ut à negotiatione desistat?

Resp. Est sententia valde probabilis, Clericum negotiatorem non teneri solvere gabellam, nisi fuerit ter monitus, ut desistat à negotiatione. Doctores pro hac sententia refert Diana p. 1. rr. 2. ref. 47. & p. 3. tract. 1. ref. 44. ubi vers. novandum est, docet ex Acugna in Decreto Gratiani p. 1. dist. 88. cap. 2. nu. 6. ut perdat Clericus negotiator immunitatem gabellarum, requiri tres monitiones, & non sufficere unam, quæ instar trium fit. Vide iterum Dianam p. 3. tract. 1. ref. 28. Oppositum tamen docet Lezan. tom. 2. verb. Gabella sub n. 19.

972 Inter. 3. Clericus conducens agros alienos, teneturne solvere gabellam ex fructibus inde perceptis?

Resp. Trullench. in decal. tom. 2. lib. 7. c. 12. dub. 5. n. 14. & cap. 20. dub. 19. n. 8. putat, talem Clericum de rigore non posse dici negotiatorem, ac proinde non teneri solvere gabellam in casu nostro; sed Bonac. tom. 2. de res. disp. 2. q. 9. pun. 2. n. 4. oppositum docet, ait enim, quòd licet Clericus non tenetur ad solvenda vestigalia emendo vinum, panem, & alia hujusmodi, ad sui, vel familiæ sustentationem, & idem sit, si vendat fructus perceptos ex propriis agris; tamen si eos percipit ex alieno agro, quem conduxit, & coluit per operarios, secus dicendum esset, quia hoc est genus negotiationis vetitum Clericis. Verum dato, quòd hoc etiam non sit propriè negotiari, ut docet Trullenchus, tamen est expresse interdictum Clericis, ut patet Can. 1. & 3. 21. quest. 3. ut ex Vvigeris observat Diana p. 6. rr. 7. ref. 11. ergo, &c.

973 Inter. 4. Gabella à Clerico, vel Religioso

giolis debita, potestne licite peti coram iudice laico, ut ab ipso eam solvere compellantur?

Resp. Petendam esse coram Iudice Ecclesiastico, docet Paulus Squillante de *privilegiis clericorum cap. 8. dub. 1. nu. 3.* qui citat Bertachinum, Nattam, Carolum de Grassis, Surdum, Molfesum, & Dianam, qui Diana hanc sustinet sententiam p. 1. tract. 2. ref. 42. & p. 3. tract. 1. ref. 44. & plures rationes, & auctoritates refert. Unde dicendum est, non posse Iudicem sæcularem compellere Ecclesiasticos ad solvendam gabellam, etiam si in aliquo casu teneantur solvere illam. Nam ut docet etiam Bartholomæus à S. Fausto in *Specul. Conf. disput. 33. quest. 21.* quando Clerici nolunt solvere, Iudices Ecclesiastici debent illos ad soluendum compellere, & non sæculares. Vide Lezanam tom. 2. verb. *Gabella n. 19. & 22. idem docentem.*

974 Inter. 5. Quare Clerici, & Religiosi non tenentur solvere pedagia, gabellas, & vestigalia?

Resp. Quia non subduntur sæculari potestati, ideòque sunt immunes, & exempti à datii, gabellis, vestigialibus, & aliis quibuscumque contributionibus, seu oneribus, tam realibus, quam personalibus, & tam impositis, quam imponendis à Principibus sæcularibus; nam huiusmodi tributa sunt signum subiectionis; & Ecclesiastici, ut dixi, non sunt subiecti sæculari potestati. Ita Iuribus, & Doctoribus relatis docet Lezana loc. *prox. cit. n. 5.* Vide Tamburinum de *Jure Abbas. tom. 1. disp. 15. q. 21. n. 3. & 4. in tit. 180. de Regular. seu Religiosis ad Inter. 68.*

TITULUS C.

De Gaudiis de morte Alterius.

Vide tit. de Desider. Inter. 7.

975 Inter. 1. Peccatne mortaliter, qui dicit: Si Cajus moreretur, ego maxime gauderem?

Resp. Certò mortaliter peccat, quia desiderat ei malum absque ullo bono motivo, ut suppono Bonac. de *matrimon. quest. 4. pun. 9. n. 26.* Vide etiam ad Inter. sequentem.

976 Inter. 2. Sempronius optabat mortem Titii, qua secuta, etiam gavisus est valde, non ut malum proximi, sed quatenus consecutus est quoddam emolumentum; commisitne peccatum mortale Sempronius, vel tantum venialiter peccavit?

Resp. Castropalao *tr. 6. disp. 4. pun. 1. nu. 11.* cui alitip'atur Dian. *par. 3. tract. 9. resolut. 84.* asserit, minimè peccasse mortaliter, ex eo quia ipse non fuit desiderium, & gaudium de malo Proximi, sed tantum de bono inde ei secuto: Verum alii communiter contrarium docent, teste Navarr. in *man. cap. 15. nu. 10.* quia charitas obligat præferre vitam proximi divitiis, & emolumento temporali; & ita est omnino tenendum, cum opinio Castropalaei profligata fuerit in Decreto Innocentii XI. ex quo patet, talem propositionem, quæ est 13. inter damnatas, nullam habere probabilitatem, sed scandalosam ut minimum esse.

TITULUS CI.

De Gula.

977 Inter. 1. Qui comedit, vel bibit solum propter delectationem, quam secum asfert potus, aut ipsa comestio, peccatne, vel non?

Resp. Certò, & indubitatè peccat, saltem venialiter, quia comestio, vel portio finis, & ordo à natura institutus, non est delectatio, quæ habetur ex cibo, & potu, sed sustentatio naturæ: Qui autem comedit non propter sustentationem vitæ, sed propter solam voluptatem, pervertit finem, & ordinem naturæ, ac proinde peccat, saltem venialiter; Quæ ratio est D. Thom. 2. 2. *quest. 141. art. 6.* quem solum totum perlege, & non pœnitebit legisse. Ideòque dicendum est in casu nostro, quòd peccet saltem venialiter. Vide Victoriam in *Summ. de matrim. n. 252.* Nec aliter affirmari potest, cum sit reprobatum ab Innoc. XI. in suo Decreto edito ann. 1679. & est propositio 8. inter alias ab eo damnatas, maxime si comedit, & bibit usque ad satiæatem ob solam delectationem. Unde non est audiendus Sancius, quem refert Dian. *par. 3. tr. 5. ref. 6.* qui asserbat, comedere, vel bibere absque necessitate, ob solam voluptatem captandam, nullum esse peccatum.

978 Inter. 2. Peccatne mortaliter, qui edit, & bibit usque ad vomitum?

Resp. Diana *par. 5. tr. 13. ref. 40.* tenet cum Jo. Henriq. quòd non peccet mortaliter, sed venialiter tantum. Similiter non audet peccati mortalis damnare Layman *lib. 3. sect. 4. nu. 2.* Mihi tamen videtur peccare mortaliter, dummodò voluntariè, & advertenter hoc faciat, & graviter obicit valetudini. Nam licet gulæ peccatum, ut docet S. Thom. 2. 2. *qu. 148.*

q. 148. art. 1. ex suo genere non fit mortale; tamen quando scienter ex voluptate comeditur usque ad vomitum, vel bibitur usque ad ebrietatem, est peccatum mortale. Vide Sylvest. verb. *Gula* sub n. 2. ubi dicit, semper esse mortale: Idem docent Angelus, & alii recentiores relati à Molfesio *trakt. 8. c. 8. n. 170.* quos tamen ipse non sequitur, citans pro se Cajetanum, Nav. & Reginaldum: sed nostram sententiam tenet etiam Armilla *verb. Gula n. 3.*

TITULUS CII.

De Hæresi, & Hæreticis.

Vide tit. de Desid. Int. 7. tit. de Dub. Int. ult. tit. de Eccl. Immun. Int. 33. tit. de Episc. Eccl. Int. 22. tit. de Excomm. ad quæst. tit. de Ignor. Int. 18. Et ad q. 2. & 3. tit. de Infam. Int. 2. 8. tit. de Irreg. ad q. 3. tit. de Jubil. ad quæst. de Laic. Int. ult. tit. de lib. prob. Int. 1. 2. 3. 4. 5. 6. tit. de Parv. mas. Int. ult. tit. de Præl. Reg. Int. 33. tit. de Sigil. Confess. Int. 19.

979 I Nter. 1. Quid est Hæresis?

Resp. Est error voluntarius contra aliquam Fidei veritatem, cum pertinacia assertus ab eo, qui fidem receperit. Ita docent Doctores communiter. Vide Bonac. de *Conf. disp. 2. q. 5. pum. 1. num. 1.* Dianam *par. 4. tr. 7. ref. 6.* & alios in *verb. hæresis*.

980 Inter. 2. Si quis errat circa res fidei culpabiliter, sed non pertinax, estne censendus hæreticus?

Resp. Bonac. loco supracit. asserit, quod non fit censendus hæreticus, & optimè dicit; nam nulla hæresis est sine pertinacia, & hoc clarè habetur ex cap. *Dixit Apostolus 24. qu. 3. cap. in Ecclesia, eadem quæst. Et causa*, & patet expressè in Clem. unica de *Summa Trinitate. Et fide Catholicæ*; & etiam colligitur ex aliis Juribus, ut ex cap. *Damnatus de Summa Trinitate*, & cap. *cum contumacia de heret.* & docet S. Thom. 2. 2. q. 11. art. 2. ad 3. Tolet. lib. 1. cap. 19. nn. 2. & est communis sententia.

981 Inter. 3. Quenam pertinacia requiritur ad hoc, ut quis censetur hæreticus in utroque Foro?

Resp. Communis Theologorum opinio asserit, ad pertinaciam sufficere, quod sciens quis, aliquid esse de fide, deliberatè illud non credat; seu ut quis animadvertat, suam opinionem esse contrariam sensui Ecclesiæ Cath. & tamen neglecta autoritate Ecclesiæ persistit in sua opinione. Ita tradunt Cajetanus 2. 2. qu. 11. art. 2. Layman lib. 3. *trakt. 1. cap. 13.*

Tom. I.

n. 2. Castropalao *tom. 2. tract. 4. disp. 3. pum. 8.* n. 1. Valentia *tom. 3. disp. 1. q. 11. pum. 1.* Azorius *tom. 1. lib. 8. cap. 9. quæstio 1.* Sanchez in *Summa tom. 1. lib. 2. cap. 7. num. 4.* & alii multi apud Dianam *par. 4. tract. 7. resol. 36.* Vide etiam Cajet. in *Summ. verb. hæresis*. Et licet quidam dicant, minimè esse hæreticum pertinacem, saltè in foro externo, qui prius non fuerit admonitus; tamen recedendum non est à communi sententia, quæ docet, non solum in foro animæ, sed etiam in foro externo posse decerni pertinaciam sine aliqua previa monitione; undè rectè Lorca in 2. 2. D. Thom. *quæst. 11. art. 2. disp. 41. num. 8.* sic habet: Per se, & ex natura rei non est necessaria admonitio, ut homo hæreticus sit pertinax; nam in his, quæ manifesta sunt, qui errat ex electione, & deliberatè, etiam si à nullo speciatim admonitus sit, & priusquam admonitus sit, pertinax est hæreticus. Vide Dianam *loc. cit.*

982 Inter. 4. Cajus in angulo domus, nullo præsentè, & submissa voce dixit hæresim, & quod dixit, pertinaciter tenet; potestne simplex Confessarius eum absolvere, si poenitens factus, ad Confessionem accesserit?

Resp. Non potest Confessarius quilibet eum absolvere; nam ipse Cajus, ut hæreticus externus, contraxit excommunicationem in Bulla Cœnæ contra hæreticos latam. Cajet. in *sum. verb. Hæresis*. Sylv. in *sum. ver. excomm. 7. § 3.* Tolet. lib. 1. c. 19. n. 4. & alii commun.

983 Inter. 5. Possuntne Episcopi, & Prælati Regulares absolvere suos subditos ab hæresi externa occulta? & quid de Inquisitoribus dicendum est in hoc casu?

Resp. Quod non possint Episcopi, jam satis me explicavi in tit. 83. de Episcopatu, & Episcopis ad Int. 22. & ita tenendum est omnino. Ita etiam dicendum est, non posse Prælatos Regulares absolvere suos subditos, (excepto articulo mortis) ab hæresi occulta, vigore privilegiorum, ut asserit Baunius in *Theologia Morali part. 2. de cens. disp. 3. tract. 2. qu. 26.* quem resellit Diana *par. 8. tract. 7. resol. 50.* asserens Decretum Sac. Congreg. sub Clem. VIII. anno 1602. quod prohibetur Regularibus ejusvis Ordinis Prælati, ut nec intra, vel extra Italiam in vim privilegiorum, aut confirmationis ejusmodi, possint quemquam absolvere à casibus in Bulla Cœnæ Domini, aut Ordinario loci reservatis, quale Decretum, quod per extensum refert Diana ubi supra, fuit approbatum ab eodem Clem. VIII. mandavitque ad omnibus ad quos pertinet, inviolabiliter observari. Vide Lezanam *tom. 1. par. 1. cap. 18. numer. 33.* &

Q 3

Pallac.

Passerin. de Elect. can. cap. 26. à n. 51. efficacissimè probat, nec Prælatos Regulares, nec Episcopos posse his temporibus suos subditos valide absolvere ab hæresi, & ab aliis casibus in Bull. Cœnæ. Vide in tit. 6. ad qu. 1. Revo-centur quoque in memoriam propositiones 3 & 4. damnatæ ab Alex. VII. Unde nec Episcopos, nec Inquisitores possunt ab his casibus absolvere quemquam, ut observat etiam ipse Diana loco cit. qui se explicat, dum alicui videbatur contrarium docuisse *part. 1. tract. 5. resol. 3.* sic inquit: Cum dixerim, posse Inquisitores ab hæresi absolvere, intellexi secundum Fræiram à me adductum, de Inquisitoribus Hispaniæ; secus autem de nostris: & ita me intellexit novissimè Carena. Haftenus Diana. Idem docet Bonacina de *Conf. disp. 2. q. 5. punct. 2. n. 11.* loquens de Episcopis, & alii penes Lezanam *tom. 2. verb. Hæresi nu. 12.* ubi loquitur tam de Episcopis, quàm de Inquisitoribus.

984 Inter. 6. Quid facere debet ille, qui fuit hæreticus occultus, ut possit absolutionem impetrare? Et interim an possit celebrare, si est Sacerdos, vel communicare, si sit Laicus?

Resp. Quia non potest, ut dixi in præcedenti *Resp.* absolutionem obtinere, nec ab Episcopo, nec ab Inquisitore; ideò veniat Romanam ad Summum Pontificem, vel saltem mittat Romam Epistolam ad Cárдинаlem, majorem Summi Pontificis Pœnitentiarium, & scribat eo modo, quem tradam in fine hujus operis. Et interim dum talis expectatur facultas, si Sacerdos sit, celebret, vel si Laicus, communice, si periculum sit infamiz, aut scandali; nam à quocumque Confessario poterit pro tunc indirectè absolvi ab hæresi, & directè ab aliis peccatis; & in tali casu observare potest ea, quæ de occulto excommunicato docentur à me in *tit. 194. de Sacramento Eucharistia, ad Inter. 5.* & docet etiam Navar. *cap. 27. n. 339.* Henriquez, & alii, quos sequitur Diana *part. 1. tract. 5. ref. 4.* Vide iterum Dianam *part. 7. tract. 2. ref. 13. vrs. Notandum est*, ubi concordantes adducit. Et tandem vide ea, quæ docet Dicaillus apud ipsum Dianam *part. 11. tract. 8. ref. 2.* quæ sententia mihi non placet: Sed dico quod licet addit legitimum impedimentum adeundi Papam pro absolutione, veram sententiam esse, non posse hæreticum occultum ab ullo alio absolvi; ideò scribat, ut dixi, ad Sac. Pœnitentiarium, aut roget Parochum, vel alium Confessarium, ut pro eo scribat. Vide Granadum in *2. 2. D. Thom. controv. 1. tr. 15. disp. 16. sect. 4. n. 18.* apud Dianam *part. 4.*

tract. 3. resol. 232. & præsertim Serra in *2. 2. D. Thom. q. 11. art. 4.* & Lezanam *tom. 2. verb. Casus reservati n. 24.* Sed ad id quod dixi de scribendo ad summum Pœnitentiarium, advertite, hunc habere facultatem absolvendi hæreticum externum occultum, solum in casu, quo actus externus licet factus fuerit coram aliis (nullus tamen ad talem actum advertit) vel in aliis casibus, in quibus non est necesse complices, vel confcios denuntiare, scilicet quando iidem complices, vel confcios mortui sunt, seu sunt ex regionibus palam infectis, & in illis degunt; secus autem si ex illis regionibus essent, in quibus viget auctoritas S. Officii, ut ex Bulla super facultatibus M. Pœnitentiarii, §. *Eos tamen, &c.* expressè constat.

985 Inter. 7. Confessarius simplex potestne absolvere Titium, qui solum mentaliter habuit errorem in intellectu cum pertinacia?

Resp. Si Titius sit ad cor rewerfus, & cognoscat errorem, eumque detestari firmiter promittat, cum proposito non peccandi de cætero, utique poterit simplex Confessarius eum absolvere, quia hæreticus mentalis, ut fuit Titius, non incidit in excommunicationem; nam Ecclesia non judicat de occultis, ideò nec punit actus internos. Toler. *lib. 1. cap. 19. num. 3.* Diana *part. 4. tract. 4. resol. 240.* & est communis sententia. Vide dicta in *tit. 83. de Episcopatu, & Episcopis, ad Inter. 12. in fine.*

986 Inter. 8. Ad hoc, ut hæreticus in foro interno incurrat excommunicationem Papæ reservatam, quid requiritur, & quid de foro exteriori dicendum est?

Resp. Dico, quòd in foro poli, seu conscientiz, tria requiruntur, primum, ut habeat errorem in intellectu, 2. cum pertinacia, 3. ut ejus incredulitas subiaceat humano sensui, & non sit purè mentalis. Ita docet Diana *part. 1. tract. 5. resol. 1. in princ.* Sed quoad forum externum, etiam si non haberet errorem in intellectu, tamen si aliquid perpetraret, quod posset in suspicionem hæresis devenire, ex indiciis etiam levibus, ab Inquisitore, aut Episcopo puniretur tanquam hæreticus, quia ex signis externis prudenter possunt, & debent præsumere peccatum hæresis. Diana *loc. cit.* & alii.

987 Inter. 9. Potestne simplex Confessarius absolvere Cajum, qui coram aliquibus serid, & pertinaciter asserbat, Christum non esse risibilem?

Resp. Nequaquam potest ipsum absolvere, quia ut hereticus externus contraxit excommu-

municationem in Bulla Cœnæ contra hæreticos infligam; qui enim negat propositionem quæ evidenter deducitur ex una propositione de Fide, & altera naturali, est hæreticus; & quia Christum esse risibilem deducitur ex una propositione naturali, scilicet, Omnis homo est risibilis, & ex alia de fide, nempe Christus est homo, & consequenter risibilis: ideò Cajus, ut hæreticus excommunicatus; licet sit ad cor reversus, non potest à quolibet Confessario absolvi. Vide Bonac. *de censur. disp. 2. qu. 5. pun. 1. n. 5.* qui refert Sanch. & alios multos recentiores. Vide etiam in hocmet titulo ad Inter. 4.

988 Inter. 10. Qui dicit, & credit, nullum extare præceptum largiendi eleemosynam sub mortali, potestne à quolibet confessario absolvi?

Resp. Minimè, quia est hæreticus, qui hoc pertinaciter credit; siquidem eleemolyna est in præcepto, & obligat aliquando sub pena peccati mortalis, ut deducitur ex pluribus Sacrae Scripturae locis; & ita rectè docet Tolet. *lib. 9. cap. 35. num. 1.* & est communis Catholicorum sententia. Siquidem ex præcepto divino, & naturali tenentur per eleemosynam succurrere proximo, ut rectè probat Bonac. *de præcept. decal. disp. 3. q. 4. pun. 6. n. 2.*

989 Inter. 11. Qui dicit non esse licitum jurare, & hoc pertinaciter credit, potestne à quocumque Confessario absolvi?

Resp. Non solum mortaliter peccat, sed etiam est hæreticus, qui pertinaciter id credit; nam est contra Sacram Scripturam credere juramentum esse malum, & nunquam licere. Patet ex Deuteronomio *cap. 6. Psalm. 62.* ubi dicitur, *Laudabuntur omnes qui jurant in eo,* & ex aliis Scripturae locis apud Valentian. *2. 2. disp. 6. quæst. 7. pun. 3.* Vide D. Th. *2. 2. qu. 89. art. 2. & in 3. disp. 39. art. 2.* Navar. *in man. cap. 12. nu. 4.* Ergo non potest à quolibet Confessario absolvi, licet sit ad cor reversus dictus peccator.

990 Inter. 12. Qui usuram asserit non esse peccatum, potestne à quolibet Confessario absolvi?

Resp. Si pertinaciter ita tenet, & asserit, nequaquam potest absolvi, quia est hæreticus, & per consequens excommunicatus; nam asserere usuram non esse peccatum, est contra doctrinam universalis Ecclesiae, ut docet Sylv. *verb. Hæresi 1. quæst. 4.* & assignat rationem, cur sit hæreticus, dicens, quod non solum hæreticus est malè sentiens de articulis Fidei, & Ecclesiae Sacramentis; sed etiam qui perversum habet dogma, vel falsas, aut novas opiniones gignit contra do-

ctrinam Ecclesiae. Vide jura ibi cit.

991 Inter. 13. Hæretici, vel Apostatae à fide, quando sunt occulti, incurruntn irregularitatem? & posito, quod sic, possuntne ab Episcopo dispensari?

Resp. Dicunt quidam, quod licet sint eo ipso excommunicati in Bulla Cœnæ, tamen irregularitatem non incurrant. Ita expressè docet Diana *part. 4. tract. 2. ref. 49. & in summ. verb. irregularitas ex delicto. sub num. 27.* cum Filiucio, & Azorio; idem tenet Mendo *Epir. Opin. moral. verb. Irregularitas numer. 18.* & pro se citat Sotum, Medinam, Cordubam, Cornesium, Sayrum, Sà, Avilam, & Dian. quibus ego addo Andream à Matre Dei in *curso Theol. moral. tom. 2. tract. 10. cap. 7. pun. 8. n. 79* qui allegat alios, & hanc sententiam probabilem vocat Bonac. *de censur. disp. 7. q. 3. pun. 6. num. 2.* Et ratio horum est, quia nulla irregularitas contrahitur, nisi sit in jure expressa, ut habetur ex *cap. 15. de sent. excomm. in 6.* Sed nullo jure habetur præfatos esse irregulares, quando sunt occulti: Ergo &c. Nam hæretici, & Apostatae à fide, quando publici sunt, ideò sunt irregulares, quia eo ipso efficiuntur infames ratione notorietatis criminis; at infamia non contrahitur, quando delictum est occultum: ergo minimè censendi sunt irregulares, si erunt occulti. His tamen non obstantibus, sententia affirmativa est probabilior, & sequenda, & illam amplectitur, præter Bonac. *loco cit.* Thesaurus in *praxi part. 2. verb. Hæresi excomm. cap. 1. nu. 1.* Leander *part. 5. de irregul. tract. 2. disp. 24. quæst. 2.* & Sacra Penitentiaria Romana. Verum est tamen, quod Episcopus potest cum eis dispensare, licet ab excommunicatione eos absolvere nequeat. Ita Mendo, & Leand. *locis cit.* Bossius à Jubileo *sect. 1. cap. 10. §. 8.* Diana *part. 7. sr. 2. ref. 25.* & alii communiter.

992 Inter. 14. Propter hæresim incurriturne irregularitas, si fuerit occulta; & potestne Episcopus super illam dispensare?

Resp. Docui in *Responsione ad Inter. antecedentem*, affirmativam sententiam tanquam probabiliorē esse tenendam, & iterum eam doceo cum Doctoribus, quos citat Diana *part. 9. tract. 15. ref. 24.* Nec sententia declaratoria requiritur ad irregularitatem, nam ipso jure incurritur. Ita etiam docui ibidem, posse Episcopum super illa dispensare, & hoc etiam nunc assero cum ipso Diana, quia Bulla Cœnæ tantum revocat facultatem absolvendi ab excommunicatione, quæ ob hæresim contrahitur at de dispensatione nullum verbum facit, & sic non est facienda deductio ex una ad alteram. Vide ipsum Dianam *theo*

ait. & p. 7. *tract. 2. ref. 15.* qui alios id asserentes refert. Vide etiam Bonac. *de conf. disp. 7. q. 3. puni. 7. n. 3.*

993 Inter. 15. Hæreticus non denunciatus potestne Ecclesiastica sepultura privari; & si in Ecclesia sepeliatur, polluiturne Ecclesia, & quam poenam incurrit hæreticum sepeliens?

Resp. Quoad primam partem dico, quod non desunt Doctores asserentes, hæreticum non denunciatum, præsertim si notorius non sit, posse tradi sepulturae sacrae. Doctores id asserentes refert, & sequitur Lezana *tom. 4. conf. 49. n. 22.* & *seqq.* alios citat Diana *part. 9. tract. 8. resolus. 1.* Ipse tamen cum Filiucio, & Trullench tenet, ut Hæreticus sit privatus Ecclesiastica sepultura, necessarium non esse, ut sit nominatim denunciatus; sed satis esse manifestè constare ipsius hæresim, quia hoc specialiter cautum est in hæreticis propter criminis notorietatem: tamen debet ita notoriè decedere, ut nulla tergiversatione ejus malitia celari possit, aliàs privari non debet sepultura Ecclesiastica Verùm si, non obstante notorietate, quis illum in loco sacro sepeliret, excommunicationem incurreret, & suspectus de hæresi redderetur, ut habetur ex cap. *Quicumque de hæreticis in 6.* & ibi Glos. Quod autem pertinet ad secundam partem quaesiti, nempe si Ecclesia, in qua sepelitur hæreticus non denunciatus, remaneat polluta, dico cum communi, quod non; quia Ecclesia non polluitur, nisi per sepulturam excommunicati vitandi, ut rectè probant, aliis citatis, Diana, & Lezana *ubi supra.* Et ratio est, quia non debemus communicare mortuo, cui non communicamus vivo; ideoque non debemus celebrare Missas, & divina officia, ubi ille jacet mortuus, & tumultus, sicut non debuimus celebrare, ubi ille extitit vivus. Secus autem dicendum est de excommunicato non denunciato, cum quo possumus communicare in vita, & in morte, ut patet ex Concilio Constantiense, quod incipit, *Ad vitanda.*

994 Inter. 16. Quinam sunt, qui tanquam hæretici debent condemnari propter expressam Dæmonis invocationem, aut ex pacto expresse inito cum illo?

Resp. Quoties quis latræ, vel dulæ cultum Diabolo exhibet ad divinandum, aut aliquod sortilegium, seu maleficium perpetrandum, ut dicam, *infra in tit. 215. de Superstitionibus*, ad Inter. 17. est de hæresi vehementer suspectus, & tanquam hæreticus est denunciandus Inquisitoribus, & ab ipsis potest, & debet puniri. Nam vanæ observationes, sortilegia,

& divinationes, quæ sunt cum pacto expresse cum Dæmone, hæresim sapient manifestam, ut docent Doctores communiter. Unde quoties in divinationibus, sortilegiis & aliis superstitionis actibus latræ, cultus Dæmoni exhibetur, eidem thura adolendo, sacrificia offerendo, candelas accendendo, genua flexendo, prostrationes faciendo, preces effundendo, se illi devovendo, obedientiam promittendo, per certum Dæmonem jurando, laudes Dæmonum cantando, certis vestibus se induendo, per characteres, signa, & ignota nomina obsecrando, aves, aliaque similia animalia immolando, sanguinem ex se emitendo, est signum manifestum hæresis, & tanquam hæretici sunt puniendi, qui ita agunt; Imò sufficit ad hoc, ut quis Hæreticus censetur, quod solum cultum dulæ Dæmoni exhibeat. Vide Carenam *de Offic. S. Inquis. p. 2. tit. 12. § 4. n. 28.*

995 Inter. 17. Quid est abjuratio?

Resp. Abjuratio non est aliud, quam recedere ab aliqua re cum juramento de non redeundo ad illam. Diana in *Summ. verb. Abjurare nu. 1.* Unde abjurare idem est, ac penitus renuntiare malum cum juramento, ut habet Glos. in cap. *Accusatus 8. in figuratiis casus de hæreticis in 6.* Vel ut probat Navarr. *lib. 5. conf. tit. de hæret. conf. 18. nu. 1.* Abjuratio propriè loquendo, est recessio ab hæresi cum juramento de non redeundo ad illam; & n. 6. docet, duplicem esse abjuracionem unam, quæ sit ad hoc, ut reus misericordiam consequatur, alteram verò ad hoc, ut suspectus de hæresi se purget, & innocentiam ostendat.

Quæ. An Clericus, vel Sacerdos, qui lapsus est in hæresim, possit post poenitentiam, & abjuracionem, susceptos Ordines absque dispensatione exercere, & quis possit cum eis dispensare?

Resp. Certum est, quod qui lapsi sunt in hæresim, vel Apostasiam à fide, sicuti eorum fautores, receptatores, & defensores, sunt irregulares, ut patet ex cap. *Presbyteros disp. 50. cap. qui in qualibet. cap. Saluberrimum 1. qu. 7.* Et cap. 2. de hæreticis in 6. ideo omnino indigent dispensatione, sed cum hac differentia, quod Clericus potest dispensari ab Episcopo quoad usum Ordinum susceptorum, quia textus allati id ei permittunt: Quoad usum verò Sacerdotii in Sacrificio Missæ, solus Papa dispensare potest; nam Sanctarellus in *tract. de hæresi cap. 25. dub. 1. num. 3.* & 6. Pegna in *Director. Inquis. pars. 3. communis. 175.* asserunt: B. Pium V. anno 1567. prohibuisse Inquisitori Generali Hispaniarum, ut non possit cum

Sacer-

Sacerdotibus hereticis poenitentibus dispensare, ut Missam celebrent. Idem docet Suarez de censur. disp. 43. sect. 1. num. 6. Vide Lezananam tom. 3. verb. Irregularitas sub nu. 62. Dianam part. 4. tract. 2. resolut. 48. §. Nosandum, & alios penes ipsos; & ita omnino tenendum esse puto, quia cum Celebratio Missæ sit res gravissima, videtur Pontifici Maximo reservata. Quare nec Episcopi, nec Inquisitores dispensare possunt quoad usum Sacerdotii in Sacrificio Altaris; bene tamen quoad usum inferiorum Ordinum susceptorum. Unde qui abjuravit hæresim, & de formali, non potest susceptos ordines absque dispensatione Episcopi, vel Papæ exercere, sed respectivè, ut dixi; nec audiendi sunt, qui oppositum docent. Vide igitur Armillam verb. Irregularitas num. 83. Emman. Sà verb. Hæresis nu. 5. in addit. & iterum Dianam part. 4. tract. 4. res. 38.

TITULUS CIII.

De Homicidio.

Vide tit. de Confessar. Inter. 20. tit. de Deb. ex Contrah. Inter. 3. tit. de Defens. bon. temp. tit. de Defens. bon. Inter. 2. 3. 4. tit. de Defens. pudic. Inter. 1. tit. de Defens. vit. prox. Interrogat. 1. 2. tit. de Duell. Inter. 5. tit. de Eccles. Immunit. Inter. 7. 9. 10. 11. 12. 13. 14. 18. 20. 21. 22. 23. 24. 33. tit. de Ecc. pollut. Inter. 8. 9. 10. 12. tit. de Eleem. Inter. 4. 5. tit. de Excom. ob Cler. percuss. Inter. 11. 18. 19. 20. 21. 22. 23. 24. tit. de Infam. Inter. 3. tit. de Injust. Inter. 1. tit. de Irregul. Inter. 5. 6. 7. 8. 9. 10. 11. 12. 13. 21. 22. tit. de Mandat. Inter. 1. 3. 4. tit. de Paroch. Inter. 11. tit. de Peccat. Inter. 19. 20. 26. tit. de Pun. Inter. 8. tit. de Puer. Inter. 7. tit. de Res. damn. Inter. 5. 6. tit. de Revel. secr. Interrogat. 3. tit. de Satisf. pan. Interrogat. 12. tit. de Val. Sacram. Matrimon. Inter. 8. 9. 10. tit. de Uxor. Inter. 3.

996 **I**nterrog. 1. Quodnam dicitur homicidium proditorum, quod privat immunitate Ecclesiæ?

Resp. Illud dicitur homicidium proditorium, quando occisus non potuit præcavere, vel quia nulla inimicitia, aut rancor præcesserat inter ipsum, & proditorem, vel quia cum ipso amicitiam simulabat, vel tandem quia dolose seductus fuit, ut occideretur. Unde qui alterum, cui se tamquam socium, & amicum in via adjunxerat, nulla rixæ causa interveniente, occidit, est proditor, nec immunitate Ecclesiarum gaudet. Bonacin. de Legibus, disp. 3. quæst. 7. pun. 6. §. 3. num. 2. & 3.

Lezana tom. 3. verb. Immunitas Eccles. numer. 12. Diana p. 1. sr. 1. res. 5. & alii communiter.

997 Inter. 2. Qui ratum habet homicidium nomine suo factum, contrahitne irregularitatem ex homicidio provenientem?

Resp. Minimè, quia hoc jure cautum non est, sicut de excommunicatione contra illum, qui ratificat necem in personam Clerici nomine suo factam; & sic non solum incurrit irregularitatem, sed neque cæteras juris penas. Dian. p. 4. sr. 2. res. 13. & alii ab ipso relati, licet Navar. cap. 27. num. sub num. 233. & alii apud Dian. loc. cit. oppositum sentiant.

998 Inter. 3. Eilne censendus reus homicidii Pater, vel dominus, qui injuriam ab aliquo recepit, & dixit filio, aut famulo: Domum ne redeas, donec aliquid novi de te audiam?

Resp. Si filius, aut famulus hoc audito, occidit eum, qui Patrem, vel dominum injuriis affecit, certissimum est, Patrem, vel dominum esse reum homicidii, & irregularitatis: & ratio est, quia censetur tacite mandasse homicidium filio, vel servo suo. Est communis sententia, teste Bonacin. de irregul. disp. 7. quæst. 4. pun. 8. num. 16. Imò si tale homicidium sequatur in personam Clerici, non solum irregularitatem, sed etiam excommunicationem incurrit, ut communis sententia docet.

999 Interrogat. 4. Licetne marito occidere Uxorem, aut Patri filiam adulteram?

Resp. Occidere in adulterio deprehensam uxorem, vel filiam, itemque adulterum, in foro conscientie non licet. Navar. in man. cap. 15. nu. 4. verb. Addimus item, Emmanuel Sà verb. Homicidium n. 14. Bonac. ibidem, & dummodo id faciat non ex odio, sed zelo justitiæ, vel si alii plures penes ipsum. Vide quæ dicam tit. 89. Int. 21. de excommunicatione ob Clerici percussorem. Imò nota, esse excommunicatum, qui dicit, & defendit non peccare maritum occidentem propria auctoritate uxorem in adulterio deprehensam; nam est propositio 19. damnata in Decreto Alexandri. VII. emanato anno 1665. Si quidem mortaliter peccat, nisi ratatur illi a Judice occidenda juris ordine servato. Sà, ubi suprâ num. 13. Bonac. ibidem, & dummodo id faciat non ex odio, sed zelo justitiæ, vel si alii plures penes ipsum. Vide Tolerum lib. 5. cap. 6. nu. 10. in fine. & num. 13. & ea, quæ dicam in tit. 228. de Validitate Sacramenti Matrimonii ab Inter. 8.

1000 Inter. 5. Eilne licitum marito secundum jus civile occidere uxorem in adulterio deprehensam?

Resp.

Resp. Cassianus à Sancto Elia in *Arbor opin. moral. verb. Adulterium* §. 1. num. 19. asserit, quòd secundum Jus Codicis non datur Marito facultas occidendi conjugem, sed adulterum, & quòd uxorem accuset. Imò adulteram uxorem occidens amittit bona, quæ ob adulterium lucratus fuisset, & etiam tenetur ad damna hæredum ipsius occisæ, ut docet Viñtorellus in addit. ad Emmanuel Sà *verb. Homicidium sub numer. 14.* Sed vide infra in tit. 185. de *Restitutione accepti*, ad Interrog. ult. titam.

1001 Inter. 6. Estne licitum occidere falsum accusatorem, falsoque testes, à quorum falsa accusatione, & testimonio apud Judicem tibi imminet vitæ, vel famæ jaçtura; ac etiam Judicem, à quo inquam tibi metuis capitis sententiam?

Resp. Bannes 2. 2. *quest. 64. art. 7. dub. 4.* Sanchez *lib. 2. moral. cap. 39. nu. 7.* Petrus Navarrus, Rodriguez, & alii, dicunt esse licitum, modò alius modus se defendendi non suppetat, quia hæc non dicitur inuasio, sed iusta defensio; nam vim vi repellere licet. Verùm ad hoc, ut quis licitè possit alium occidere in sui defensionem, duo præcipuè requiruntur. Primò, quòd occisio fiat in ipso actu defensionis, dum actu vis sit, & non ante, aut postquam vis facta est. Secundò, quòd servetur moderamen, quòd in casu nostro non servatur, cum statim ad occisionem discedatur; ideoque jure merito tanquam falsum, & scandalosum reprobatum fuit oppositum ab Alexandro VII. anno 1665. & est 18. propositio inter ab eodem reprobata. Vide Lessium *lib. 2. cap. 9. dub. 8. nu. 47.* ubi asserit, præfatam sententiam nunquam in praxi fuisse licitam, neque à Theologis admittam, & approbatam. Vide Gabriel à S. Vincentio de *remed. ignoran. disp. 12. dub. 18.* ubi soluit objectiones, Gabrinum *part. 2. caf. 1. annotat. 8. num. 36.*

1002 Inter 7. Licetne occidere falsum testem euntem ad testificandum falsum contra aliquem, ob quam attestationem pœna mortis puniretur innocens?

Resp. Non desunt Doctores affirmativam sententiam tenentes, ut videre licet apud Dianam *part. 3. tract. 5. resolut. 97. & part. 5. tractat. 4. resolut. 7.* Sed in hoc quidem errant, quia, ut docent Turrianus, Salonius, Corduba, Sotus, Sylvius, Malderus, & multi alii, dictus testis non potest dici inuasor, licet contra jus faciat, falsum deponendo; sed non contra ordinem juris; est enim de ratione aggressionis, ut contra ordinem juris injuriam inferat, idest, propria auctori-

tate. Ille autem non propria auctoritate, nec ut priuata persona, sed per Judicem juris ordine servato occidit, licet iniquè: ergo non licet eum occidere prætexu defensionis; nam oppositum, ut dixi in Responsione ad Interrog. antecedentem, fuit damnatum ab Alexandro VII. Vide igitur, præter Doctores, quos ibidem adduxi, Coninchum de *Actibus supernat. disp. 32. dub. 2. num. 12.* & Sylvium *num. 2. 2. D. Thome quest. 64. art. 7. questio 6.*

1003 Inter 8. Estne licitum occidere innocentem ad postulationem inimici, qui minatur urbi excidium, nisi talis ei tradatur, vel occidatur?

Resp. Nunquam licet innocentem directè occidere, ut docet S. Thomas 2. 2. *qu. 64. art. 6.* Tamen quia in casu prædicto non cooperatur directè, sed solum indirectè, ad mortem innocentis; & ideo communiter docent Doctores licere Reipublicæ ad se liberandam tradere innocentem Tyranno, qui eum petit ad necandum, & non vult desistere ab obsidione. Imò tenetur se ipsum tradere Tyranno id postulanti pro salute Patriæ, si alia ratione salva esse non possit. Tolet. *lib. 5. cap. 6. num. 5. versio. Secundus* etc. Et hoc etiam ei à Republica præcipi, & ad hoc cogi potest, quia bonum commune ita exigit. Cui autem si contumaciter resistat, an possit à Republica occidi, non conveniunt Doctores. Quidam enim affirmant, quia talis verè non est amplius innocens, sed maximus nocens. Alii verò probabilius negant, ut videre licet apud Bonacin. de *Resist. disp. 2. questio ultim. sect. 1. punct. 7. num. 1.* Dian. *part. 5. tract. 4. ref. 23.* cum homicidium innocentis sit res intrinsecè mala, & ex objecto, consequenter peccaminosa; nam in Exodo *cap. 23.* dicitur: Insonitem, & justum non occides: ergo propriis manibus illum interficere non licet; sed debet ab Urbe expelli, quod est actus ex sui natura indifferens, quo Tyrannus potest bene uti, si Velit. Vide Molinam *tom. 4. tract. 3. disp. 10. num. 1.* Quidquid in contrariam dicat Diana loco cit. in fine, dum putat, quòd possit occidi.

1004 Interrog. 9. Estne licitum occidere sagam, vel maleficum, si tollere maleficium nolit, quando non suppetit alia via?

Resp. Nullus priuata auctoritate potest maleficium occidere; quia occisio ipsius sagæ, aut malefici, non est medium ad illud maleficium tollendum; unde non valet illa regula Vim vi repellere licet: licet tamen tunc verberibus illum, & metu mortis afficere, ut

ut maleficium tollat; nam hoc est uti jure defensionis, ut ab injuria cesset, dummodò tamen putetur posse maleficium solvere sine novo maleficio, dicam in titul. 215. de Superflitionibus, ad Interrogat. 6. & docet Cardinal. de Lugo de *justis*. tom. 1. *dispusat.* 10. *sect.* 7. *num.* 162. Sed hoc intelligendum est, quando non patet recursus ad Judicem, aut aliud remedium, & maleficia, seu malefici assidue prosequitur in damno inferendo. Cæterum cogi posse maleficium, & debere à Judice, docent Sanchez *lib.* 2. *moral.* cap. 41. *num.* 24. & Suarez tom. 1. de *Relig.* *lib.* 2. de *Superflis.* *capit.* 18. *num.* 7. & 8. teste eodem Cardinal. de Lugo loc. supra cit. Vide Dianam *par.* 8. *tract.* 7. *resol.* 53. Steerphanum à S. Gregorio ad *Contract.* *lib.* 1. *cap.* 8. *num.* 13.

1005 Inter. 10. Estne licitum occidere Tyrannum, qui tyrannicè gubernat Provinciam, vel Civitatem, & bona aliena usurpant.

Resp. Licet, quòd occupantem tyrannicè possit quisvis de populo occidere, si aliud non sit remedium, cum censeatur publicus hostis, quidam asserunt: tamen quatuor conditiones requiruntur. Prima, ut non pateat recursus ad superiorem. Secunda, ut constet esse tyrannum titulo Imperii. Tertia, ut constet de voluntate saltem præsumpta Reipublicæ cupientis mortem. Quarta, ut non timeantur majora mala ab ejus successoribus. Cæterum non licet homini privato interficere legitimam Principem, qui solo regimine, & administratione est tyrannus, ut pluribus citatis, & de communi firmat Bonac. de *Resistent.* *disp.* 2. *quest.* *ultim.* *sect.* 1. *punct.* 3. *num.* 1. 2. & 3. Quare in Concil. Constantinensi *sess.* 5. publicè damnatus fuit articulus iste: Quilibet tyrannus potest, & debet meritorie occidi per quemcumque Vassallum suum, & Subditum, etiam per claustrales infidias, & subtiles blanditias, vel adulationes, non obstante quocumque præstito jramento, seu confederatione, factis cum eo non expectata sententia, vel mandato Judicis cujuscumque. Ita refert Nicolius in *Flof. verb.* *Occisio* *nu.* 5. Vide etiam Emman. *Sà verb.* *Tyrannus*, & alios Summisistas, & præsertim Dian. *part.* 5. *ars.* 4. *ref.* 21. & Tolet. *lib.* 5. *cap.* 6. *num.* 10.

TITULUS CIV.

De Horis Canonicis, & Officio Divino.

Vide *tit.* de *Assens.* *tit.* de *Beneficior.* *Eccl.* *Int.* 13. 14. 15. 16. *tit.* de *Benef.* *plur.* *Int.* 5. *tit.* de *Confi.* *Sac.* *Int.* 21. *tit.* de *Dispens.* *Int.* 10. *tit.* de *Excomm.* *Eccl.* *Int.* 3. 4. & 5. *tit.* de *Infirm.* *ad ques.* *tit.* de *matr.* *Int.* 1. *tit.* de *Peccat.* *Int.* 6. *tit.* de *Pral.* *Reg.* *Int.* 4. *tit.* de *Regul.* *Eccl.* *Int.* 9. 62. *tit.* de *Res.* *accept.* *Int.* 6. 7. 8. 9. 10. *tit.* de *Suspens.* *Int.* 5. *tit.* de *Verb.* *Int.* 2. 3.

1006 **I**nter. 1. Qui recipit beneficium per simoniam, vel existens excommunicatus, aut irregularis, teneturne persolvere Horas Canonicas?

Resp. Sanchez in *Opusc.* tom. 1. *lib.* 3. *cap.* 3. *duob.* 73. *num.* 5. apud Dianam *par.* 9. *tract.* 9. *resol.* 22. *verb.* *nota* *hic* *obiter*, docet, non teneri, quia non habet titulum verum beneficii, nec facit fructus suos; & ita fuisse resolutum Salmanticæ à Patribus Societatis Jesu, testatur. Et bene advertit, quòd si hic deberet petere in tali casu revalidationem, & fructuum compositionem, si non recitavit, deberet etiam explicare illam conditionem in compositione, alias teneretur iterum componere se de fructibus ob illam causam. Nota tamen, quòd licet non teneatur recitare Officium divinum ratione beneficii, tenebitur nihilominus ratione Ordinis Sacri, si quem haberet, prout est in confesso apud omnes scribentes.

1007 Inter. 2. Clerici Sacris Ordinibus initiati, qui tempore Litaniarum, & Rogationum non interfunt Processionibus, quæ publicè fiunt, tenenturne privatim Litanias sub mortali recitare?

Resp. Dicunt quidam, cum quibus sentit Diana *pa.* 2. *rr.* 13. *ref.* 42. non teneri sub mortali: sed hoc ab aliis non admittitur, & bene quidem; nam Litanie sunt pars diuini Officii eo die recitandi, & ob alias rationes, quas refert Bonacina de *Hor. Canon.* *disp.* 1. *quest.* 3. *punct.* 2. *n.* 13. & ita docet etiam Suarez in *Relig.* tom. 1. *lib.* 4. *cap.* 25. *nu.* 7. Tannerus in 2. 2. D. Thomæ *disp.* 5. *quest.* 1. *duob.* 5. *nu.* 148. Gauantus in *comm.* ad *Rubr. Miss.* tom. 2. *sect.* 6. *cap.* 16. *nu.* 3. & Filliuc. tom. 2. *tract.* 23. *cap.* 8. *num.* 243. Imò qui tenentur ratione beneficii persolvere Horas Canonicas, si hujusmodi Litanias, & preces nò recitant, tenentur etiam ad restitutionem pro rata Diuini Officii, saltem posita materia graui, ut docet ipse Bonacina loco cit. Vide quæ dicam infra in hoc titul. ad *Int.*

11. in fin. & in tit. 185. de Restitut. accepti ad Inter. 7.

1008 Inter. 3. Religiosi professi, qui non habent Sac. Ordines, & Moniales, peccantne mortaliter, si non perfolvant Horas Canonicas extra Chorum?

Resp. Dico, quod tam Religiosi professi, quam Moniales deputatæ ad chorum, si à choro absunt, tenentur sub onere peccati mortalis, privatim horas Canonicas perfolvere, etiam si ex vi Regulæ, vel voti, speciale præceptum non habeant, quia consuetudo, quæ vim legis habet, ad culpam mortalem illos, & illas proculdubio obligat, ut concors Scholasticorum, & Canonistarum sententia docet, teste Peyr. in comm. ad regul. Minim. c. ap. 4. §. 12. quæst. 1. nu. 3. & hæc est sententia communis, ut videre licet apud Dianam par. 2. rr. 12. ref. 17. & par. 9. rr. 6. ref. 7. & par. 10. rr. 11. resol. 45. à qua non est recedendum: nec audiendi sunt qui oppositum tradunt; nam qui contra omnes loquitur, non bene loquitur, ut ait ipse Diana. Vide Bonac. de hor. Can. disp. 1. qu. 2. par. 2. num. 1. & seqq. Emm. Sà verb. Hor. Canon. sub num. 1.

1009 Inter. 4. Concionatores quotidiani, & Confessarii, qui per unum integrum diem, vel per plures dies defatigantur in excipiendis Confessionibus, excusanturne à recitatione horarum Canoniarum?

Resp. Dico primò, Officium Divinum cum sit maximè proprium Clerico in Sacris constituto, non esse prætermittendum, nisi gravi urgente necessitate, ut aliud fieri non possit. Urgens autem necessitas illa dicitur, si in aliquo, verbi gr. die festo, vel in obitu alicujus persone insignis esset concionandum. Si autem non sit talis necessitas, sed electio, puta, quia voluntariè concionator suscipit tale munus, excusari non potest, quia non necessitate, sed voluntariè impeditur, ac proinde volens hujusmodi manus, & officium, implicite censetur velle omissionem Horarum Canoniarum; idèque peccat mortaliter, si non perfolvit Officium Divinum. Ita contra Bordonum cum Suarez de Relig. 10. 2. lib. 4. cap. 28. nu. 33. Fillium 10. 2. rr. 23. cap. 9. nu. 24. Persico de Horis Can. cap. 12. causa 3. dub. 1. num. 5. & aliis. firmat Diana p. 10. rr. 11. ref. 32. Vide quæ dixi supra in tit. 40. de Concionatoribus, & Concionibus, ad Inter. 5. loquens, an Concionator excusetur à jejuniis. Dico 2. quòd ipse Bord. in Consiliis Regul. tom. 2. ref. 70. q. 6. num. 18. licet excuset Concionatores à recitatione Canoniarum precum, tamen non excusat Confessarios: & hoc rectè dicit; nam Con-

fessarius, qui summo mane prævidet, ut toto sequenti tempore detinendus sit in Confessionibus audiendis, tenetur Officium anticipatè recitare, vel in nocte, cum Sacramentum poenitentiae solum de die administrari possit, & soleat, præcipuè mulieribus ergo quoties viget obligatio præcepti recitandi Officium, & potest adimpleri, adimplenda est. Vide Bonac. de Hor. Can. disp. 1. quæst. 4. par. 2. num. 2. Concludendum est igitur cum Persico loco citat. quòd licet Officium docendi, concionandi, & audiendi Confessiones, non sit alienum à Sacerdote, vel Religioso; si tamen propter incapacitatem persone non possit Officium recitare, ut illi muneri satisfaciatur, peccet mortaliter, illud voluntariè suscipiendo.

1010 Inter. 5. Qui dubitat, an recitatio Divini Officii valde nocitura sit valetudini, quid facere debet in tali casu?

Resp. Dico, quòd debet Medicum consulere, quia ad ipsum pertinet iudicium levitatis, aut gravitatis morbi; nam peritis standum est in rebus suæ peritiæ. Layman lib. 4. rr. 1. cap. 6. nu. 1. Bonac. de Hor. Can. disp. 1. qu. 6. par. 1. num. 4. & alii, quos ipse citat, & sequitur. Verum est tamen, quòd fugiendi sunt Medici parum timorati, & hujusmodi dispensationes faciliè concedentes, ut in simili docet Lezana tom. 1. par. 1. cap. 12. num. 29. cum Miranda, & Rodriquez.

1011 Inter. 6. Si verò Medicus ipse dubitat an morbus gravis sit, vel levis, & an recitatio Officii Divini nocitura sit valetudini, vel non teneturne in tali casu ipse Ægrotus perfolvere horas Canonicas?

Resp. Quidquid alii sentiant in hoc casu, mihi certò satis probabile videatur, non teneri, quia non debet se periculo grauis damni exponere. Ita Bonac. loco cit. nu. 5. cui etiam subscribit Diana par. 2. rr. 12. ref. 28. Tamen ad tollendos scrupulos, dico, quòd melius sit recurrere ad superiorem pro dispensatione, ut docent Filliuc. Malderus, & Villalobos apud Dian. loc. citat. Nam quando causa est dubia, Prælati dispensando faciunt iustam, prout de jejuniis tradunt Navar. cap. 22. nu. 22. Lezana tom. 3. verb. Jejunium num. 12. Diana in Summ. verb. Jejun. nu. 38. & alii. Imò ad dispensandum sufficit, putare causam esse rationabilem, ut inquit Emmanuel Sà verb. Dispens. nu. 4. & ita Prælati faciliè dispensare possunt, & subditus tuta conscientia illa dispensatione frui. Vide Dianam par. 1. rr. 9. ref. 15. ubi idem docet.

1012 Inter. 7. Qui propter infirmitatem, vel aliam iustam causam non potest recitare Ma-

Matutinum cum Laudibus, vel totum Officium, teneturne saltem illam partem recitare, quam commodè potest?

Resp. Rodriguez, Molfesius, Garzias, & alii penes Bonac. de *Hor. Canon. disp. 1. quæst. 6. pun. 2. sub nu. 6.* & alii apud Dian. *par. 2. tr. 12. ref. 29.* absolute tradunt, non teneri, quia licet Matutinum cum Laudibus non sit major pars Officii Divini, nihilominus est pars illius præcipua. Unde qui non potest recitare Matutinum, & Laudes, potest autem reliquas Horas, ad nihil tenetur, quia major pars trahit ad se minorem: sic asserit Castropalaus allegatus per Dian. *par. 4. tract. 4. ref. 225.* Vide etiam Dian. *par. 7. tract. 11. ref. 13.* Verum hæc opinio nullam habet probabilitatem, quia, qui totum Officium recitare nequit, saltem tenetur ad illam partem, quam commodè potest, ut rectè docet Suarez de *Rel. tom. 2. lib. 4. cap. 28. num. 22.* & 27. Lezana de *qq. Reg. tom. 1. par. 1. cap. 12. nu. 27.* & alii: nec aliter affirmari potest post Decretum Innocent. XI. editum anno 1679. in quo fuit condemnata propositio 54. quæ sic asserbat: Qui non potest recitare Matutinum, & Laudes, ad nihil tenetur, quia major pars trahit ad se minorem.

1013 Inter. 8. Canonicus, vel Religiosus, qui tenetur choro assistere, satisfacitne præcepto recitandi Divinum Officium, si audiat socios canentes suam partem, & ipse suos versiculos submissa voce recitet?

Resp. Certè satisfacit; nam ipse recitat suam partem, & communicat in parte sociorum communicantium sibi suam partem, quamvis ipse, submissè recitando, non communicet suam partem sociis. Ita docent Suar. de *Rel. tom. 2. lib. 4. cap. 12. num. 6.* & seqq. Navarr. de *Orat. cap. 10. num. 47.* Tabiena, Molfesius, Petrus Navarra, Lessius & Filiucius, quos refert, & sequitur Bonac. de *Horis Canon. disp. 1. quæst. 3. pun. 2. §. 1. num. 16.* & est communis sententia, teste Diana, *par. 2. tr. 12. ref. 33. in princip.* Si verò ipse, saltem submissa voce, suos versiculos non recitat, utique satisfacere non videtur. Verum est tamen, quòd licet Canonicus, vel Beneficiarius hoc modo satisfaciat obligationi Divini Officii, tamen debito chori servitio non satisfacit, & consequenter nisi mediam partem distributionum percipere potest: sed vide Bonac. ubi supra num. 17. per totum, & Dianam loco citato.

1014 Inter. 9. Canonicus, vel Religiosus surdus, qui assistit choro, & cum aliis Divinum Officium recitat, satisfacitne obligatio-

ni recitandi Officium, si partem, quam alter chorus recitat, non potest percipere, quamvis attendat?

Resp. Duplex est Doctorum sententia, una enim affirmat, altera verò negat, & dicit non satisfacere, sed teneri supplere, & postquam suppleverit, non solum posse fructus beneficii percipere, verum etiam distributiones. Rationes pro hac sententia refert Bonac. de *Horis Canon. disp. 1. qu. 3. pun. 2. num. 20.* Bordonus in *Conf. Regul. tom. 2. ref. 77. numer. 39.* Cassianus à S. Elia in *Arbor. opin. moral. verb. Audiens §. 4. num. 39.* & 43. & alii penes ipsos, & reuerà probabilis est ista sententia. Sed probabilis est etiam altera, quæ docet satisfacere, nec teneri supplere; nam verè canit cum aliis, ut suppono, & quòd non possit percipere, quæ ab aliis dicuntur, est per accidens, & per ipsum non stat, quin in choro recitet, quantum potest; alioquin nimis gravari videretur, cum per ipsum non stet, quin Horas Canonicas persolvat, quantum potest, & non videtur ad quidquam aliud ex rigore obligandus. Ita docet Suarez *tom. 2. de Relig. lib. 4. cap. 28. num. 18.* Escobar à Corro, & Rocafulla, quos refert & sequitur Dian. *par. 9. tract. 9. ref. 28.* Tamen primam sententiam puto probabiliorem in praxi. Vide Rotarium de *Exam. Cleric. cap. 4. sect. 3. num. 33.*

1015 Interrogat. 10. Quot Canonici, aut Regulares debent esse in choro pro cantandis horis Canonicis, ut suis satisfaciant obligationibus.

Resp. Debet adesse in Choro numerus competens, qui constituitur saltem ex quatuor; nam quatuor sufficiunt ad constituendum chorum, ut docet Carolus Magnus in *tract. de hor. Canon. cap. 56. num. 24.* quam sequuntur Bonac. de *hor. Canon. disp. 2. quæst. 1. pun. 2. sub nu. 1.* Diana *par. 2. tract. 12. ref. 31. in fin.* & Lezana *tom. 2. verb. Officium Divinum sub nu. 7.* Imò Diana *par. 6. tract. 8. ref. 12. prop. fin.* asserit ex Bordonis in *Conf. Regul. ref. 30. quæst. 4. num. 8.* quòd in parvis Conventibus ad minus requiruntur quatuor pro cantandis horis Canonicis in choro; addens ex ipso Bordonis, quòd ut plurimum excusantur etiam quatuor, aut quinque residentes, ex eo quia obligatio, quam habent Regulares recitandi horas Canonicas in choro, non ita strictè obligat illos, sicut beneficiarios; quamquam ipse Diana ibidem testetur, nonnullos alios Auctores docere, Regulares, quando sunt quatuor in Conventibus parvis, teneri ad Divinum Officium persolvendum in Choro; & ita puto tenendum in praxi, & multo magis, si in

si in aliquo Conventu ex fundatoris voluntate, testamento, pacto, legato, elemosyna, seu cappellania ad id se obligarunt. Nam licet ibidem numerus quaternarius quandoque non reperitur, ratione tamen pacti, vel promissionis tenentur juxta eorum possibilitatem suis obligationibus satisfacere sub poena peccati mortalis, atque obligatione restitutionis, ut recte docet idem Lezana loco supra citato. Cæterum in Conventibus, seu Monasteriis, in quibus numerus Religiosorum competens adest, minus quam quatuor non satisfaciunt obligationi canendi horas canonicas in choro, quia quatuor constituunt chorum, & non duo, vel tres, ut dicunt quidam. Nam si quatuor sufficiunt ad constituendum chorum, ut dixi supra, sequitur profectò, quòd minus quam quatuor non sufficiant, licet satis sint in parvis conventibus propter paucitatem Religiosorum ibidem existentium, ne supra vires graventur; & ita putò esse intelligendum Dianam par. 11. tr. 2. resol. 10. *propt. fin. vers. Et tandem*. Denique notandum est, hanc obligationem, quam habent Religiosi, canendi quotidie publice in choro, esse sub onere peccati mortalis, ut de communione Theologorum sententia testatur idem Diana par. 10. tract. 14. resol. 3. sed vide in tit. 175. de Prælati Regularibus ad Interrogat. 29.

1016 Inter. 11. Peccatne mortaliter, qui non recitat Officium Defunctorum die 2. Novembris.

Resp. Quilibet Sacris Ordinibus initiatus, vel obligatus ex alio capite ad perfolvendas Horas Canonicas, peccat mortaliter, si præfata die 2. Novembris Officium Defunctorum non recitat; nam est Officium proprium illius diei: & ita docent DD. communiter, ut videre licet apud Dianam par. 4. tract. 4. res. ult. Imò ipse Diana par. 9. tract. 7. res. 29. probabiliter putat, omittentem Officium Defunctorum, & Officium octavarum Omnium Sanctorum, duo peccata committere, quia sunt diversa præcepta, utpotè de Officiis diversis. Dicit tamen, quòd si beneficiarius relinquat illa die Officium Defunctorum, non teneatur ad restitutionem, & assignat rationem, quam apud ipsum videbis; sed oppositum est tenendum. Vide supra in hoc titulo ad Interrogat. 2. & infra in tit. 185. de Restitutione accepti, ad Inter. 7.

1017 Inter. 12. Peccatne mortaliter, qui, verbi gratia, recitat Primam ante Matutinum, aut Vesperas ante alias Horas, & non servat ordinem ab Ecclesia præscriptum?

Resp. Emmanuel Sà verb. Hora Canon nu. 14. sic inquit: Ordo Officii potest privatim ex causa mutari, nempe prius dici, quod posterius dicendum est: quòd si sine causa mutetur mortale non est; est tamen peccatum veniale: Si autem ex justa causa facit, nullum peccatum committit, nec tenetur repetere, etiam si absque causa non servat ordinem ab Ecclesia præscriptum, quia adimplet præceptum quoad substantiam. Bonacin. de Horis Canon. disp. 1. qu. 3. punct. 4. num. 2. Diana par. 2. tr. 12. res. 16. qui testatur de communi. Vide Toletum lib. 2. cap. 13. nu. 1.

1018 Inter. 13. Peccatne mortaliter, qui Divinum Officium recitat cum notabili interruptione inter Psalmos ejusdem Horæ, vel Nocturni, vel inter ipsos Psalmos?

Resp. Quidam dicunt peccare mortaliter, & præcepto Ecclesiæ non satisfacere, si notabilis, & longa fiat interruptio sine justa causa. Unde juxta hanc sententiam, si nolit peccare, tenetur repetere Officium. Alii verò docent non peccare mortaliter, sed satisfacere præcepto Ecclesiæ quoad substantiam, sive ad longum, sive ad breve tempus interruptat, & quamvis sine justa causa. DD. pro utraque parte referunt Bonac. ubi sup. disp. 1. q. 3. punct. 2. §. 1. n. 27. & segg. & Diana par. 2. tract. 12. res. 6. Et hanc posteriorem sententiam vocat Bonac. veriore, & probabilior, & respondet ad objecta. Unde non audeo illam improbare. Verum si absque justa causa fiat, non caret culpa veniali, nisi interruptio sit valde modica. Vide ergo Bonac. ubi plura invenies ad hoc propositum.

1019 Inter. 14. Satisfacitne præcepto recitandi Officium Divinum, qui illud recitat dum se vestit, vel spoliatur, vel ambulat, aspiciat campum, aut dum faciem abluat, vel sternit lectum, aut mensam?

Resp. Ut Divinum Officium devotè recitet, requiritur attentio, juxta dicta inter. 16. de Attentione, ad Inter. 1. & 3. qualis attentio est duplex, actualis, & virtualis. Actualis dicitur, quando actu advertit. Virtualis, cum incipit animo dicendi Officium, & attendendi, & postea non mutat animum, quamvis non attendat. Ille autem mutat animum, qui advertit se non attendere, & vult adhuc ad alia advertere. Hinc fit, quòd non possit quis dicere Officium, & vacare aliis negotiis, quibus ad attentio aufertur, puta si inter recitandum scribat, vel pingat, aut aliud legat, vel incumbat officiis, & rebus, quibus distrahi necesse est. Tamen quia ea omnia supradicta

in hoc quæſito fieri poſſunt abſque eo, quod auferatur attentio ad Officium, cum non ſint incompoſſibilia cum attentione interna, ſequitur ſatisfacere præcepto, qui ſcit illas actiones facere poſſe ſine diſtractione ab Oratione, vel non advertit ſe ab Oratione diſtrahi. Vide Sylveſtrum *verb. Hora n. 13. Et* 14. Tolet. *lib. 2. cap. 13. ſub n. 6.* Cajet. 2. 2. qu. 83. ar. 13. & præſertim Bonacin. *de Horis Canon. diſp. 1. qu. 3. pun. 2. §. 2. n. 12.* qui alios concordantes refert. Laudabile tamen eſt, ut quilibet ſe recipiat in aliquem ſecretum locum, aut Oratorium, ibique nihil aliud faciendo, Horas perſolvat, ut cum attentione, & reverentia majore illas dicere valeat. Nota hic, neceſſarium non eſſe, quando privatim dicitur Officium, illud nudo capite recitare, aut genuflexo, quamvis ſi fiat, decenter fieret, ut docent Toletus, Bonac. *ibid. pun. 6. n. 1.* & alii communiter.

1020 Inter. 15. Qui recitat unum officium pro alio, peccatne mortaliter, & ſatisfacit præcepto recitandi Horas Canonicas? Et quid ſi hoc inadverteſter faciat?

Reſp. Abſolutè, & abſque ulla limitatione reſpondet Dian. *par. 2. tract. 12. reſol. 3.* mutationem officii, etiam data opera, non eſſe peccatum mortale, quia per talem mutationem non violatur ſubſtantia præcepti, ſed tantum accidentaliter, & pro hac ſententia alios id aſſerentes adducit. Verum ſi hæc opinio eſſet vera, ſequeretur illum non peccare mortaliter, qui recitat Officium valde breve, relicto alio multo longiori proprio illius diei, puta ſi in die Palmarum recitaret Officium Paſchale; ſed hoc eſt falſum omnino, ut patet ex 6. propoſitione reprobatâ ab Alexand. VII. anno 1666. Ergo & id undè ſequitur. Dicendum eſt igitur, mutantem ſpontè Officium unius diei in Officium alterius, peccare mortaliter, conſequenter præcepto non ſatisfacere: & ratio eſt, quia B. Pius V. præcepit Officium dici juxta formam ab ipſo præſcriptam, ſed ad formam illam pertinet diſtributio officii ad tempora, feſtivities, ſeu ſolemnitates, & dies: ergo tota illa forma de ſe ſub præcepto cadit, & proinde qui voluntariè illam omittit, peccat mortaliter, & non adimplet præceptum. Ita pluribus relatis docet Bonac. *de Horis Canon. diſp. 1. q. 3. pun. 1. n. 17.* Cæterum qui inadverteſter recitat unum Officium pro alio, non eſt opus omnia repetere, modò eſſet æquivalens in quantitate, vel ſerè. Vide Suarez *de Relig. tom. 2. lib. 4. cap. 23. n. 11.* Sed ſolum quod ſuit, particulare feſti, vel ſeris, ut Hymnos, Antiphonas, Orationes, Tertiam Lectionem, ſi fuit Matutinum, vel Orationem in

illis horis. Tolet. *lib. 2. cap. 13. n. 2.* Sed qui Officium brevius recitavit, ut ſi de Sanâ, cum recitare debuiffet de Dominica, tenetur compensationem facere, dicendo v. g. novem Pfalmos primi nocturni, ne tanta detur inæqualitas. Layman *lib. 4. rr. 1. cap. 5. n. 5.* Et ita putò tenendum in caſu, quo quis advertat errorem, antequam elapſus fit dies; quod ſi facit, ſatisfacit præcepto, & conſequenter non peccat: ſed vide Bonac. *loco cit. pun. 4. n. 6.*

TITULUS CV.

De Jejunio.

Vide tit. de Caſ. reſer. Inter. 4. tit. de Conſonant. Eccl. Inter. 5. 9. tit. de Deleſt. mor. Inter. ult. tit. de Diſpenſ. Inter. 10. 13. 14. tit. de Epif. Eccl. Inter. 36. tit. de Feſt. dieb. Inter. 6. tit. de Ignor. Inter. ult. tit. de Infirm. Inter. 1. 2. tit. de Jubil. Inter. 3. tit. de Paro. mat. Inter. ultim. tit. de Peccat. Int. 11. 12. 14. 15. 16. 17. tit. de Præl. reg. Inter. 5. tit. de Regul. Eccl. Inter. 55. 56. 57. tit. de Tabac. Inter. 1.

1021 Inter. 1. Quotuplex eſt jejunium, & quale jejunium requiritur pro recipienda communione?

Reſp. Duplex eſt jejunium, ſcilicet naturale, & Eccleſiaſticum; naturale importat abſtinentiam à qualibet re etiam modica per modum comestionis, aut potus; Eccleſiaſticum verò eſt illud, quo præcipitur unica comestio in die. Bonac. *de Sacram. diſp. 4. quæſt. 6. pun. 2. n. 6.* & alii communiter. Tandem pro communione jejunium naturale requiritur, excepta communione pro viatico, quæ poteſt ſumi à non jejunio.

1022 Inter. 2. In die jejunii eſtne licitum comedere mala maſſilica, & medica, uvam recentem, & ſimilia, extra prandium ad ſedandam ſitim?

Reſp. Affirmat Paſqualigus in *praxi de Jejunio decif. 135. num. 5 Et dec. 139.* Vidal in *Acta Theol. moral. tract. de Jejunio in quæſt. 1. n. 154.* Verum Paſqualigus locutus eſt cum aliqua ſormidine; nam reliquit leſtoribus judicium de tali opinione: ſed Vidal reſe rotundo illam probabilem eſſe exiſtimat, ut inquit Diana *par. 10. rr. 14. reſ. 56.* Dicendum eſt igitur, talem opinionem non eſſe tutam in praxi, ac proinde non eſſe licitum ſine fractione jejunii comedere mala maſſilica, vulgò *Limoni*, & mala medica, vulgò *Aranci*, neque in notabili quantitate uvas recentes ad ſedandam ſitim, quia ut rectè probant Pellizarius in *Man. Regul.*

gul. tom 1. tract. 5. cap. 5. n. 8. & Leander de præcept. Ecclesiæ tract. 5. disp. 4. q. 7. & 8. hæc omnia non habent rationem potus, sed cibi; consequenter nisi parvitas materiæ excuset, frangitur jejuniū, & peccatum mortale committitur. Vide Dianam loco cit. & par. 9. tract. 5. ref. 14. qui latè, & perdoctè hanc sustinet sententiam, & merito.

1023 Int. 3. Frangitne jejuniū, qui ad sedandam sitim in die jejunii sumit poma pyra, vel uvam, si solum deglutiat succum dētibz expressū, rejecta substantia solida ab ore?

Resp. Non frangere jejuniū, putat idem Pasqualigus ubi sup. decis. 135. n. 4. sed meliùs Leander loco supracit. quæst. 9. resolvit tale dubium, inquiens, videri impossibile, quod quis possit ita dentibus contere poma, pyra, & uvas, ut possit deglutire eorum succum, & non substantiam aliquam habentem rationem cibi; item contere poma, pyra, & uvas dentibus, eaque malicari, & deglutire succum ex illis expressum, nil aliud est, quàm manducare aliquid per modum cibi: sed hoc est, quod frangit jejuniū Ecclesiasticum: ergo non potest quis hoc facere sine fractione jejunii. Quoties igitur sumantur poma, pyra, uvæ, & similia in quantitate notabili, etiamsi reiciatur substantia solida ab ore, frangitur jejuniū: & ita tenendum est omnino, nam qui contra omnes loquitur, non bene loquitur, ut optimè docet Bald. teste Diana par. 10. r. 14. ref. 56. vers. Sed quid.

1024 Inter. 4. Quenam quantitas cibi in die jejunii licitè sumi potest, ad hoc ne potus noceat? & quid si sæpius modicum cibi sumatur in die jejunii?

Resp. Quamvis Pasqualigus in praxi de jejuniis decis. 116. n. 6. dicat, quod regulariter loquendo sumi possit quantitas cibi circa unciam unam; tamen nullatenus est ei adhærendum, quia in hoc nimis laxè loquitur, ubi rectè putavit de chocolata non licere, nisi ad summum sextam partem uncie, deinde concedit ex quocumque alio cibo unciam ferè. Dicendum est itaque cum Leandro de præcept. Eccles. tract. 5. disp. 2. q. 19. generaliter loquendo non esse licitum sumere, nisi quantitatem cibi infra dimidiam unciam, quia, ut inquit Diana par. 10. r. 14. ref. 59. in fine, hæc quantitas, regulariter loquendo, videtur necessaria, & sufficiens, ut potui in stomacho commixta impediatur ipsius nocumētum. Cavendum tamen est, ne sæpius in die jejunii modicum cibi sumatur sine iusta causa; nam multa modica continuari possunt, ut unam notabilem quantitatem sufficientem ad mortale peccatum constituent, ut ex alijs bene advertit Bonac.

de leg. disp. ult. q. 1. pun. 3. sub n. 4. Gabriel. Beatus q. 60. de peccatis num. 17. Unde non toties, quoties quis bibit, ei licebit aliquid sumere, ne potus noceat, ut ex Facundez inquit Diana par. 1. r. 9. ref. 24. nam hæc sententia fuit reprobata ab Alexandro VII. in suo decreto de anno 1666. & est prima propositio ibidem condemnata.

1025 Inter. 5. Potus, qui vulgò dicitur chocolata, si sumatur extra horam prandii in diebus jejunii, frangitne jejuniū?

Resp. Ardua quidem, & difficilis quæstio est ista, cum pro utraque parte sint rationes, & auctoritates Doctorum; ut videre est apud Dian. par. 4. tract. 5. ref. 194. Ipse tamen fateatur adhærere illis, qui docent, potionem chocolatæ frangere jejuniū, quamvis oppositum damnare non audeat; sed par. 5. r. 5. ref. 11. vers. Notandum, absolute tenet, potionem in Hispania dictam chocolatam, frangere jejuniū, nisi excusetur ex parvitate materiæ. Et hanc affirmativam sententiam mordicus sustinet Doctissimus Lezan. tom. 4. conf. 48. à nu 88. usque ad 96. inclusivè, ubi ex professo de hac tractat materia. Imò absolute, & luculenter quidem probat videri sibi improbabilem, ac falsam esse opinionem oppositam, tum maxime quia potus ex chocolata confectus, non est verè potus, sed potius verè cibus substantialissimus, & maxime contrarietur fini Ecclesiæ, quæ intendit macerationem corporis. Videatur quæst. Lezana; nam pro sua tuenda sententia optimas affert rationes. Puto igitur potiuscui chocolatæ frangere jejuniū, nisi in parva quantitate sumatur, quia ex sui natura non est instituta ad sedandam sitim, sed ad expellendam famem, licet ad instar potus sumatur. Dixi, nisi in parva quantitate; nam etiam in fractione jejunii datur parvitas materiæ: quare Elcobar in Theolog. moral. tr. 1. exam. 13. cap. 3. n. 104. tantum unciam unam admittit, ne jejuniū frangatur, dato, quod sit cibus, ut ego teneo cum Joanne à S. Thoma in doctrina Christiana part. 2. s. 10. pag. mibi 119. qui hanc sententiam amplectitur.

1026 Inter. 6. Si prandium multum differatur, potestne quis licitè sumere aliquid ante illud ad sublevandam debilitatem stomachi?

Resp. Non solum quis sine fractione jejunii potest licitè sumere modicum cibi, ut ait Diana par. 10. r. 14. ref. 63. alijs 61. sed etiam, qui legit, & ministrat ad mensam, potest parū cibi sumere ab bibendum, ut docent Navarr. in man. cap. 21. nu. 14. Tol. lib. 6. cap. 2. sub n. 5. Bonac de legib. disp. ult. qu. 1. pun. 3. nu. 10. vers. Hinc potest, Diana par. 10. r. 14. ref. 61. Summa Diana

Diana *verb. Ieiunium*, Alloza *verb. Ieiunium scilicet. 2. nu. 1.* & alii plures penes ipsos. Imò potest quilibet per quartam partem horæ ante prandium sumere cibum ex quocunque genere, & quantitate, dummodò non sit cibus veticus. Diana locis proximè cit. Et ratio est, quia illa comestio est pars unius integræ comestionis cum ipso prandio, & veluti incepsio ipsius, & sic censetur unica actio moraliter continuata. Vide infra in hoc titulo, ad Interrog. 8.

1027 Inter. 7. Peccatne mortaliter, qui in diebus jejuniarum notabiliter anticipat horam comedendi?

Resp. Quamvis sæculares non citius, quam paulò ante meridiem, debeant prandere; tamen si aliquis anticiparet mediam horam, nequaquam mortaliter peccaret, imò nec venialiter, si aliqua subsistente causa id faceret, ut si, verbi gratia, facturus est iter, vel hospites habet, vel negotia expectat, quæ impediunt horam prandii. Ita Tolet. *lib. 6. c. 2. sub num. 5.* Bonac. *de leg. disp. ult. qu. 1. punct. 4. nu. 3.* Layman *lib. 4. tr. 8. cap. 1. num. 11.* Dian. *par. 1. tr. 9. ref. 27.* & alii ab ipso relati. Imò aliqui putant, nec per horam peccare laicos mortaliter, si anticiparent in die jejunii comestionem, teste Diana *par. 5. tract. 5. ref. 10.* quia talis anticipatio est solum mutatio accidentalis, & consequenter non potest esse culpa mortalis; licet esset culpa venialis tantò gravior, quantò à meridie longè recedat, præsertim si absque rationabili causa id heret. Oppositum tamen censet Sanchez in *Opus. tom. 2. lib. 5. cap. 1. dub. 28. num. 4.* & 8. Pasqualig. *decis. 143. num. 3.* docet, omnes Doctores communiter modò convenire in hoc, scilicet, ut comestio sumatur circa meridiem, & allegat pro hac sententia 24. Doctores. Dixi supra, *Quamvis sæculares &c.* nam Religiosi privilegiati, sine ullo peccato possunt prandere in diebus jejuniarum per unam horam, & dimidiam ante meridiem, ut docet Diana *supra ref. 27. citata in fine*, cui subscribit Alloza in *Summ. verb. Ieiunium scilicet. 4. numer. 11.*

1028 Interrogat. 8. Qui è medio prandio surgit ad aliquid peragendum, & postea redit, potestne licitè comestionem continuare?

Resp. Si surgit à prandio animo continuandi, licitè potest prandium reassumere, & illud continuare, dummodò redeat intra quadrantem horæ, plus, vel minus; sic enim non frangeret jejunium, quia moraliter reputatur una comestio. Cæterum quando adest modica interruptio, etiam si non habuerit animum

repetendi prandium, posse licitè prandium repetere sine fractione jejunii, pluribus relatis docet Diana *par. 1. tract. 9. ref. 32.* & de hoc ego non dubito. Spatium verò mediæ horæ non esse magnam interruptionem, putat Portellus in *Addit. ad Dub. Reg. verb. Ieiunium n. 10.* dummodò, quod manducavit, non fuerit sufficiens ad sustentationem jejunii; aliàs non posse iterum comedere absque fractione jejunii, inquit ipse Portellus, quod mihi valde probatur.

1029 Inter. 9. Licetne collationem serotinam mane sumere, & nocturno tempore eam capere?

Resp. Si hoc fiat ex aliqua iusta causa, licet, nec ullum peccatum committitur; si verò sine ulla rationabili causa fiat, est peccatum tantum veniale. Tolet. *lib. 6. cap. 2. sub num. 5.* Layman *lib. 4. tr. 8. cap. 1. num. 10.* Dian. *par. 1. tract. 9. ref. 33.* Et ratio est, quia non violatur substantia jejunii, sed tantum circumstantia mutatur, quod est quid accidentale. Sanchez in *Opus. tom. 2. lib. 8. cap. 1. dub. 27.* & alii communiter.

1030 Inter. 10. Quænam qualitas, & quantitas ciborum potest licitè sumi in collatione serotina?

Resp. Dico primò, quòd circa qualitatem ciborum, multi multa dicunt, ut videre licet apud Dianam *par. 1. tract. 9. ref. 1. p. 9. tr. 6. ref. 8.* & p. 10. tr. 14. ref. 58. Tamen omisiss huiusmodi opinionibus, mihi videtur debere esse ex fructibus, aut herbis, vel ex bellariis, quæ sunt fructus saccharo, vel melle conditi. Potest etiam fieri collatio cum herbis coctis, cum biscotto; sed non potest licitè edi panis biscottus ovis confectus, quia qualitas cibi graviter mutaretur. *Leand. de præcept. Ecclesie. lib. 5. disp. 3. qu. 18.* quem citat, & sequitur Diana *p. 10. tr. 16. ref. 17. vers. Nova verò.* Cæterum qui comederet unum tantum biscottum, putat Diana *p. 10. tr. 14. ref. 57.* quòd non peccaret graviter propter parvitatem materiæ; parvitas enim materiæ in die jejunii excusat etiam in usu carniarum, ut docet Tannerus apud Dianam *p. 1. tr. 9. ref. 43.* Sed non sunt laxandæ habent. Item quòd collatio fieri posset cū pane cocto cum aqua, & oleo, dummodò non excedat octo uncias, sustinet Diana *par. 9. tr. 6. ref. 29. vers. Quid ego sentiam,* & p. 10. tr. 14. ref. 58. *vers. Sed quia.* Contrarium dicit Bonac. *de leg. disp. ult. qu. 1. punct. 3. num. 5.* & hoc minime concedit, nisi illud ferat iusta causa. Sumere legumina cocta, etiam in quantitate licita unciarum octo, nullo modo licet. Diana *par. 5. tr. 14. ref. 14.* & alii apud ipsum. Dico secundò circa quantitatem refectiunculæ, seu collatio-

lationis ferotinq̃ non dari certam mensuram; tamen, ut inquit Mendo *epin. moral. verb. Jejunium nu. 3* infirmi, senes, & qui multum laborant, possunt majorem sumere quantitatem, & de hoc ego non dubito, quia tales licite excusari possunt à jejunio, ut dicam in Responsione ad Interrog. 23. Denique quantitate unciarum octo, licitam esse putocum Diana *p. 1. tract. 9. resol. 1.* & aliis pluribus; nam ut plurimum octo unciae, parum, vel minus, videtur quantitas parva, sed sufficiens pro unaquaque persona. Vide Mendo ubi supra, Allozam *loco cit. scilicet. 5. num. 14.* Dianam *par. 1. tract. 9. resol. 1. & p. 5. tr. 5. ref. 11. & par. 9. tr. 6. ref. 8. versic. Nota bde.* Imò ibidem *ref. 1. 5. versic. Sed hic obiter docet, & malè, excedere duas uncias esse peccatum tantum veniale, & pro se allegat alios.* In vigilia Nativitatis Domini potest sumi collatio duplo major solito. Vide Dianam *p. 5. tract. 14. resol. 12. §. Notandum est, & id prius docuerat p. 1. tr. 9. ref. 35. per totam*; sed hæc opinio videtur nimis laxa, & contra formam jejunii præscriptam ab Ecclesia; nam omnes sentiunt esse illa die jejunandum, sedecim autem unciae, in nostra sententia, quæ concedit octo uncias pro collatione ferotina, æquivalere videntur integre cenæ. Unde mihi dicendum videtur cum Jo. à S. Thom. in *Doctrina Christiana par. 2. circa 4. præcept. Eccles.* & multis aliis Doctoribus apud Balqualig. *de Jejunio decis. 92. num. 21.* posse sumi refectionem in majori quantitate consuetam, ubi consuetudo invaluit, neque Prælati reclamant. Hanc tamen consuetudinem extare apud Religiosos, negant Villalobos, & Ledesma, quos refert, & sequitur Dian. *p. 1. tract. 9. resol. 35.*

1031 Interrog. 11. Estne licitum in diebus jejuniorum extra Quadragesimam comedere ova, & lactinia, & uti sagimine, & lardo?

Resp. In Quadragesima jam est definitum, quod consuetudo non comedendi ova, & lactinia, obliget sub mortali, cum oppositum sit reprobatur ab Alexandro VII. & est propositio 4. in suo Decreto reprobata anno 1666, die 18 Martii. Difficultas igitur consistit, an in diebus jejuniorum extra Quadragesimam usus dictarum rerum prohibeatur ex consuetudine; nam de jure communi *cap. de quoque dist. 4.* solum in Quadragesima ova, & lactinia prohiberi videntur, & docet D. Thomas *2. 2. q. 147. art. 8. ad 3. & in 4. dist. 1. §. qu. 5. art. 4. qu. 2. ad 4.* apud Sanchez in *Opus. tom. 1. lib. 5. cap. 1. dub. 20 sub num. 2.* & alii ab ipso relati. Tolet. *lib. 6. cap. 2. num. 2.* Sanchez *lib. 4. in Decalog. cap. 11. num. 30. & 52. Azor. tom. 1.*

lib. 7. cap. 10. qu. 2. in fin. Roderic. in Compend. 94. Regul. ref. 75. num. 13. Dian. *par. 1. tr. 9. ref. 5. 6. & 41. & iterum par. 3. tract. 6. ref. 80. §. Notandum secundo, & par. 5. tract. 14. ref. 13. §. Nota.* Auson in Summa Diana *verb. Jejunium nu. 54.* qui testatur de communi. Unde si nullum adest præceptum, aut consuetudo non comedendi ova, & lactinia in jejunii extra Quadragesimam, necessario sequitur posse quemvis licite uti etiam sagimine, & lardo, quia pinguedo, juxta sententiam Aristotelis, non est caro, sed unà cum sagimine, & lardo, inter ova, & lactinia computatur: favet Gloss. in *cap. Præbiter dist. 82. in verb. Sagimine, & cap. adnoscere, 32. qu. 2. verb. carnem, & docet Hostiensis, & Panormapud Sylvest. verb. Jejunium qu. 5. num. 16.* Vide etiam Dian. *par. 1. tr. 9. resol. 21. §. Quod verò, ubi alios refert.* Dicendum est igitur, ubi adest consuetudo legitime præscripta comedendi ova, & lactinia in vigilia, & quatuor temp. extra Quadragesimam, licite vesci posse, ac uti sagimine, & lardo, quia horum usus de jure non est prohibitus: secus dicendum est, ubi hujusmodi consuetudo non adest, ut in Pontificiis ditionibus, imò in tota terè Italia, teste Nicolio in *Flores. verb. Jejunium nu. 2.* Apud nos adest ergo consuetudo in contrarium, quæ communiter ita observat, ideoque obligat sub mortali; nam de ejus transgressione populus scandalizatur, & timorati non bene sentiunt, ipsique transgressores poenam reportant, quæ secundum Suar. sunt signa sufficientia, quod talis consuetudo, quæ apud nos viget, non comedendi præfata, obliget sub mortali. Sylv. loco citat. num. 16. Mendo *Epit. opin. moral. verb. Jejunium num. 6 & verb. Lactinia num. 1.* Ludovic. à Crux in *Bulla Cruciatæ dist. 1. qu. 5. dub. 12. num. 17.* & alii plures. Itaque usus ovorum, lactiniorum, & pinguedinum, interdictus est apud nos, non solum in Quadragesima, sed etiam in aliis jejunii; & usus sanguinis, etiam in diebus Veneris, & Sabbati, in quibus est licitum comedere ova, & lactinia; & hoc ratione consuetudinis legitime præscriptæ, quæ quidem vim legis habet obligantis ad mortale, ut dictum est supra. Item nota, quod illi, cui concessum est comedere ova, & lactinia, non propterea concessum est comedere sanguinem animalium. Vide Dian. *par. 10. tr. 16. ref. 77.* neque sagimen addo ego cum Diana loc. cit. ref. 37. in fin. ubi tandem se retrahat.

1032 Inter. 12. Qui habet manifestas vires, & salutem ad jejunandum, sed solum est dispensatus ad edendas carnes ad præservandum

dum se ab aliqua infirmitate ; si aliqua die non comedit carnes , teneturne tunc jejunare ?

Rsp. Ego dixi in tit. 71. de Disp. de Interr. 13 quod dispensatus dumtaxat quoad comestionem carnis , eò quod pisces , legumina , oleum , &c. illi noceant , teneatur jejunare , ut docet Bonac de *Legib. disp. ult. quæst. 1. punct. 2. num. 3.* & alii ab ipso relati , quidquid in contrarium dicant alii , quos citat , & sequitur Diana p. 1. tr. 9. ref. 25. Ita à fortiori hoc idem dico in casu præsentis , & favet huic responsioni Sanch. in *opusc. tom. 2. lib. 5. c. 1. dub. 30. nu. 1.* & 3. alia tamen ratione ductus . Vide igitur Dianam p. 4. tract. 4. ref. 179. & par. 10 tract. 13. ref. 43. *vers. Notandum est hic* , ubi ait , quod si quis habet manifestas vires , & salutem ad jejunandum , sed ob se aliqua infirmitate præservandum edit carnes , jejunare tenetur , si aliqua die tunc carnes non comedit , licet oppositum doceat Turrianus apud Dian. par. 5. tr. 14. ref. 12. in fin. Sed quod dixi , mihi , & aliis tutius videtur , & in praxi sequendum .

1033 Interrogat. 13. Ille qui abest à sua Patria , teneturne jejunare illa die , in qua nullum est præceptum jejunnandi , nisi in Patria sua ?

Rsp. Statuta Territorialia , Diocesana , seu localia , extra Territorium , Diocesim , & locum , non obligant ; nam hujusmodi statuta , & consuetudines locales , affixæ sunt loco , & solùm obligant existentes in eo ; sequitur ergo , quod qui est absens à Patria , jejunare non teneatur . Ita docet Sanchez de *Matrim. tom. 1. lib. 3. disp. 18. num. 18.* Reginaldus *tom. 1. lib. 4. cap. 12. num. 136.* Villalobos , Lessius , & Filliucius , quibus subscribit Diana p. 1. tr. 9. ref. 18. licet oppositum sentiant D. Antonin p. 2. tit. 7. c. 2. §. 2. in fin. Sylv. *verb. Jejun. n. 7.* Paludanus , Rosella , & alii ; sed primam sententiam probabiliorē existimat Diana , cui ego libenter adhæreo .

1034 Inter. 14. Qui est obligatus in suo loco jejunare , potestne licite transire ad alium locum propinquum , ubi non servatur jejunium ?

Rsp. Dicunt aliqui , quod hoc licite minime facere possit , quia adest malitia , & fraus , quæ ipsi patrocinari non debet . Ita Medina , Rosella , Lessius , & Sylv. *verb. Jejunium qu. 2.* apud Dianam p. 1. tract. 9. ref. 19. Idem tenent omnes ii , qui putant non licere , ad fugiendam obligationem legis , transire ad locum , ubi lex non obligat . Ita Ledesma , Rodriguez , Robellius , Suarez , & Layman ; & hæc sententia mihi placet , licet oppositū

dicat Dian ex Fagundez , esse probabile ; sed vide supra in tit 93 de Festis diebus ad Interrog 16.

1035 Interrog 15 Qui accedit ad aliquem locum , ubi jejunatur , animo permanendi ibidem per duos , vel tres dies , teneturne observare jejunium ?

Rsp. Diana loco sup. cit. resol. 2. utriusque partis assertores refert , sed ipse negativam sententiam amplectitur . Tamen mihi dicendum videtur , ad jejunium teneri , quia tenetur se conformare aliis , ac etiam scandalum remove . Imò ad Jejunium ab Episcopo compelli potest , & puniri ; consequenter peccat non jejunando , poena enim supponit culpam . Ultra quod consuetudo communis Christianifidelium ita observat ; habetur namque ex D. P. N. Augustino *relato in cap. illa. dist. 12. Ad quamcumque Ecclesiam veneris , ejus morem serva .* Quamvis autem negativa sententia sit probabilis , si citra scandalum fiat , ut docet Sylv. *verb. Jejunium in fin.* cui subscribit Tolet. *lib. 6. c. 5. num. 2. prope fin.* tamen hanc , quam sequor , probabiliorē , ac tutiorem esse non dubito , & quod sit valde probabilis , jam fatetur ipse Diana , ubi inam solum probabilem vocat . Sed circa tale dubium vide Cassianum à Sancto Elia in *arbor. opin. moral. verb. Audiens §. 5. num. 54.* qui pluribus relatis , hanc sustinet sententiam , & merito .

1036 Interr. 16. Excusantur à jejunio equitantes , si iter solum sit unius diei ? & quid si sit iter plurium dierum ?

Rsp. Leander de *præcept. Ecclesia tr. 5. disp. 8. num. 105.* docet , equitantes non teneri ad jejunium , casu quo iter sit aut plurium dierum , aut nimis longum , etiam si non sit plurium , sed solum unius diei ; & postea qu. 102. magis individualiter tenet , eam qui unico die decem , aut octo leucas conficit , excusari à jejunio . Idem docet Mendo in *Bulla cruc. disp. 13. cap. 1. num. 4.* siquidem damnare non audeat peccati illum , qui etiam equitans facit iter , si nō jejunat , dum die jejunii viam unius diei perambulat . Hos Doctores refert , & sequitur Diana p. 10. tr. 14. ref. 2. & par. 11 tr. 2. ref. 57. Tamen advertendum est , quod non omnes absolute excusantur à præcepto jejunii , qui iter agant equitando , utcumque iter agant , etiam si iter necessarium non sit , & licet iter unius diei conficiant ; nec aliter dici potest , cum sit reprobatur ab Alexand. VII. anno 1666. die 18 Martii , & est tertia propositio ab eodem Pontifice reprobata in suo Decreto . Dicendum est igitur , regulariter equitantes non esse immunes à jejunio , quando iter

est breve, puta unus diei, quia licet tunc interveniat aliquis labor, non censetur tamen sufficiens ad eximendum à præcepto jejunii; nam potest tolerari à jejunante, absque gravi incommodo, præsertim si equus sit placidus, & obtemperans, atque gressu facilis, itaut sine magna agitatione incedat, & iter necessarium non sit, & commodè transferri possit. Si verò iter sit plurium dierum, & necessarium, puto, equitantes excusari posse à jejunio; nam attendentes est non solum præsens status itinerantium, sed etiam futurus, unde quia valdè defatigantur, & laxantur ex agitatione equi, & longitudine itineris, meritò excusari possunt à jejunio. Vide Pasqualigum in *praxi de jejuniis*, decis. 316. n. 6. Bonacin. de *legib. disp. ult. quæst. 1. pun. ult. num. 12*. Filliucium apud ipsum Bonac. & alios, & responsiones ad Inter. 18. 19.

1039 Inter. 17. Itinerantes cum curru, excusantur à jejunio?

Resp. Qui curru, aut lestica iter peragit, excusatur à jejunio, si currus valdè eum concutiat, aut iter ita longum sit, ut probabiliter dubitari possit de superventura debilitate ob magnam itineris defatigationem. Ita ex Filiucio docet Bonacin. de *præcept. Decal. disp. ult. quæst. 1. pun. ult. sub num. 12*. Idem docent Trullench. in *decal. tom. 1. lib. 3. c. 2. dub. 7. n. 12*. & ex eo Diana p. 10. rr. 12. ref. 39. Sed mihi magis placet sententia Pasqualigi in *praxi de jejuniis*, decis. 316. n. 5. ubi sic rectè loquitur: Certum videtur, quòd itinerantes in curru non excusentur, nisi jejuneant, regulariter loquendo; non enim, ut experientia constat, intervenit labor considerabilis, cum sedentes trahantur. Nec illa agitatio causat lassitudinem, cum non sit necesse eos, qui vehuntur, contra ipsam niti; solum per accidens possit aliquis excusari, si nimirum ex illa agitatione per plures dies continuata debilitaretur, quia nimirum caput debile habeat, nec possit una refectione in prandio tantum cibi sumere, quantum sufficiat, & si solum jentaculum pro prandioumat, nequeat ob debilitatem capitis resistere. Ita ille, cui libenter adhareo. Ergo non est audiendus Diana *part. 8. rr. 7. ref. 4. oppositum docens*.

1038 Inter. 18. Quando excusantur à jejunio, qui faciunt iter pedestre?

Resp. Quando iter est longum, puta quindecim, aut viginti milliaria; censetur enim gravis labor, & incompatibilis cum jejunio, ideoque ab illo excusari, ut docet S. Thomas 2. 2. q. 147. art. 4. Toletus, Reginaldus, Filiucius, & alii communiter, teste Bonacina de *legib. disp. ult. quæst. 1. pun. ult. n. 11*, quatenus Leander

de *præcept. Eccl. rr. 5. disp. 8. q. 99*, putet, iter pedestre novem milliaria à jejunio excusare: Diana verò vult, requiri iter ad minus duodecim milliaria, & licet iter sit merè voluntarium. Vide Dianam p. 10. rr. 14. ref. 2. Verum Azorius 1. p. lib. 1. c. 28. qu. 8. & Lessius lib. 4. de *just. cap. 2. dub. 6. n. 44*, excusant solum quando iter, seu peregrinatio non potest commodè in alium diem transferri, & dummodò, addo ego, non fiat in fraudem jejunii seu cum intentione violandi præceptum. Nam Tolet. lib. 6. cap. 4. sub n. 4. sic inquit: Circa peregrinationem autem omnes notant, non licere peregrinari tempore jejunii, & jejunium solvere, nisi cum voto peregrinatio est, nec potest commodè differri in aliud tempus. Ita etiam docent Sylvius in 2. 2. D. Thom. loc. sup. cit. Villalobos in *Sum. tom. 1. rr. 23. dub. 4. n. 16*, & Fernandez in *exam. Theol. p. 2. c. 8. §. 2. n. 12*. quos refert, sed non sequitur Diana p. 1. rr. 9. ref. 46. Concludamus ergo cum D. Thoma loco sup. cit. co. art. 4. ad 3. ubi docet, quòd si immineat necessitas statim peregrinandi, & magnas dietas faciendi, & simul cum hoc non possint jejunia Ecclesiæ observari, non obligatur homo ad jejunium. Videatur omnino S. Thom. ibidem. Dieta autem dicitur iter unus diei, ut legitur in *cap. Nonnulli de rescript. Et in cap. Quamvis §. 1. de offic. Ordin. in 6*. Et secundum juris civilis constitutiones, vicina millia passuum in singulos dies dinumerantur, teste Jureconsulto in *lege 3. de verb. significat. Et in l. 1. si quibus cautio*. Licet aliter dividant singulæ quæque regiones. Vide quæ dicam in tit. 175 ad Inter. 17. ubi dicitur, quid intelligatur per unam Dietam.

1039 Inter. 19. Excusantur à jejunio, qui labore aliquo defatigatur, si in alium diem commodè differre possit, aut data opera, ut non jejune, hoc agat?

Resp. Non desunt Doctores pro affirmativa sententia, ut videre est apud Dianam loco sup. cit. ref. 52. Sed nimis laxè quidem loquuntur tales Doctores in casu nostro, & præsertim Sancius in *selectis disput. 4. n. 10*. & 14. Ideò videtur Azorius, qui timoratè loquitur 10. 1. lib. 7. cap. 17. quæst. 9. & concordantes refert docentes, non excusari à jejunio, qui labore aliquo defatigatur, si illum in alium diem commodè differre queat, & data opera, ut non jejune, hoc agat; nam licet non displiceat Dianæ sententia Sancii, tamen fatetur in fine dictæ resolutionis, non esse recedendum ab opinione Azorii, & rectè dicit.

1040 Inter. 20. Qui in die jejunii datur operam ludo pilæ, venationi, &c. vel ad quærendum amasiam, longum iter facit, si non,

non jejunat, peccatne contra tale præceptum?

Resp. Quidquid dicant nonnulli apud Bonac. de legib. disp. 2. quæst. 8. punct. 1. sub num. 16. & alii quos allegat Dian. part. 1. tract. 9. resol. 40. & part. 10. tract. 14. resol. 11. ita oportet distinguere, vel talis prævidit, aut prævidere debuit, quod ex illo impedimento, voluntariè à se posito, non valebit jejunare; si vel non prævidit, aut expertus est, ex illo impedimento sequi necessitatem non jejunandi. In primo enim casu peccat mortaliter in sua causa, si non jejunat: In secundo casu verò non peccat in se, nec in causa, ut rectè docent Joan. de la Crux in dir. consil. part. 1. præcept. 3. art. 4. dub. 9. concl. 3. Homob. de Exam. Eccl. part. 2. tr. 7. qu. 23. & tra. 9. qu. 74. Rodr. in Summ. tom. 1. cap. 23. num. 6. & alii. Dico igitur, qui in die jejunii absque ulla honesta causa, sed merè voluntariè, & sua culpa, ob laborem susceptum, agendo iter, vel venando, vel insequendo amicam, ita fatigatus est, ut jejunium servare nequeat, & prævidit, vel facilè prævidere potuit, & debuit profectò prævidere, aut expertus est, quod ex tali labore omnino voluntariè, vel ad malum finem suscepto, securata erat impotentia ad jejunandum illa die, peccare contra præceptum jejunii, quia dat causam proximam omissioni jejunii, seu apponit proximum impedimentum ad implendum jejunii præceptum.

1041 Inter. 21. Aduocati, & Procuratores tenentur ne jejunare, vel sunt immunes à jejunio?

Resp. Quidam absolutè tenent, illos non esse immunes à jejunio, consequenter teneri jejunare in Quadragesima, & in aliis diebus jejuniorum. Vide Ledesmam in Summ. tom. 2. tr. 17. cap. 2. conclus. 5. dub. 3. Joan. de la Crux in direct. consil. part. 1. præcept. 3. art. 4. dub. 9. conclus. 2. Reginaldus in praxi tom. 1. lib. 4. cap. 17. nu. 216. apud Dianam part. 1. tract. 9. resol. 12. Et ita putandum, nisi aliud ferat justa causa. Unde rectè docet Facundez præcept. 4. lib. 1. cap. 8. numer. 19. non omnes esse excusandos, sed tantum illos, quorum labor improbus: vel quia ita debiles sunt, ut sufficienter studere non possunt, ut postea causis Clientium satisfacere valeant. Vide Dianam loco citat. Concludendum est igitur, quod qui nequit officio suo fungi cum jejunio, excusatur ab illo; & hoc valet, siue opus sit corporis, siue ingenii, non enim attenditur, an labor sit corporis, an animi; sed attenditur impotentia moralis jejunandi suscepto seculi opere, ut docet Lessius lib. 4. cap. 2. dub. 6. numer.

Tom. I.

43. dummodò non fiat in fraudem jejunii, addo ego.

1042 Inter. 22. Excusantur ne à jejunio omnes Artifices, qui in Republica laborant, vel solum quidam?

Resp. Facundez, Ledesma, Machadus, & alii, putant Eugenium IV. omnes Artifices indiscriminatim excusare, siue eis concedendo privilegium non jejunandi, siue declarando, eos non comprehendi in lege jejunii; & hanc opinionem non improbat Filliucius tom. 2. tract. 27. part. 2. cap. 6. num. 117. Bonacin. de legib. disp. ult. quæst. 1. punct. ult. num. 12. Imò Trulench in decal. tom. 1. lib. 3. cap. 1. dub. 7. num. 9. & Diana part. 8. tract. 7. resol. 35. præp. finem, fatentur non esse improbabilem; sed reuera, ut improbabili, & scandalosa, meritò reprobata fuit ab Alexand. VII. die 18. Martii 1666. Unde dicendum est, non omnes Artifices, qui in Republica laborant, à jejunio excusari; sed eos dumtaxat, quorum labor est gravis, & incompatibilis cum jejunio, Neque in contrarium urget Privilegium Eugenii I V. quia ipsum nihil habet, per quod censeri possit, omnes Artifices indiscriminatim comprehendi, ut patet consideranti illius tenorem, & benè obseruat Reginaldus in praxi tom. 1. lib. 4. cap. 17. num. 216. Vide Dianam loco cit. & part. 1. tract. 9. res. 8. & ita tenendum est omnino.

1043 Interrogat. 23. Quænam sunt illæ personæ, quæ meritò excusari possunt à jejunio?

Resp. Primò excusantur omnes Artifices, qui corporaliter laborant, dummodò labor sit incompatibilis cum jejunio; & ut plurimum sunt fossores, messor, aratores, seminatores, ferrarii, fabrilignarii, cæmentarii, & hujusmodi Artifices, qui valde laborant; & in hoc omnes Doctores conveniunt: de futurobus est difficultas, Toletus lib. 6. capit. 4. numer. 2. eos non excusat, sed Azorius part. 1. lib. 7. capit. 17. quæst. 8. Bonacin. de legib. disp. ult. quæst. 1. punct. ult. numer. 10. Layman lib. 4. tractat. 8. cap. 3. numer. 3. & alii, quibus astipulatur Diana part. 1. tractat. 9. resol. 7. excusant illos à jejunio; & rectè quidem; nam dicta ars est laboriosa, & incompatibilis cum jejunio; imò etiam facientes calceos molles excusat Diana part. 10. tr. 16. res. 77. vers. Nota etiam: sed hoc mihi minus placet. Quoad alios verò sutores, dico cum Sanchez, non excusari illos, qui solà scindunt calceos, seu præparant materiam officibus. Cæterum factores, pictores, barbitonfores, & similes, quorum labor compatibilis est manifestè cum jejunio, non

R. 3. excu-

excusantur, ut docent Layman, & Bonacin. numer. 12. ubi supra, & alii plures, quos refert, sed non sequitur Diana loco supra cit. ref. 8. nec eos excusat Tolet. lib. 6. cap. 4. sub numer. 2. *verf. Tertia causa*, Mendo Epit. opin. moral. verb. *Jejunium* sub numer. 1. & alii. Denique notandum est, quod non omnes Officiales, qui in Republica corporaliter laborant, sunt excusati ab obligatione jejunii, ut quidam putabant; nam Alexand. VII. in suo Decreto edito anno 1666. hanc propositionem damnavit, quæ est secunda in suo Decreto reprobata. Unde debent se certificare, an labor sit compatibilis cum jejunio, necne, petendo declarationem, vel à Confessario, aut à viro docto, & pio. Secundo, excusantur à jejunio mulieres prægnantes, & lactantes, quamvis robustæ sint; prohibentur tamen vesci carnibus. Tolet. loco cit. numer. 1. in fine, Emmanuel Sà verb. *Jejunium* num. 9. Diana par. 1. tract. 9. ref. 14. & par. 4. tract. 4. ref. 126. Mendo ubi supra à nu. 11. Alloza in summ. verb. *Jejunium* sect. 4. num. 5. & alii plures. Tertiò, excusantur etiam conjuges, qui non possunt reddere debitum uxori, item & uxores, quæ ad vitandas lites, & rixas cum marito, cenant cum eo. Tolet. ubi supra num. 4. & alii communiter. Imò dicit Cajet. in summ. verb. *Jejunium*, si uxor non potest se gratam viro servare, puta, quia propter jejunium macilenta, aut pallida depiscitur à viro, non tenetur jejunare. Quartò, excusantur à jejunio debiles, infirmi, convalescentes, & senes; nam debilitas, infirmitas, & senectus sunt inter se affines, & quod de una asseritur, de alia etiam asserendum est. Vide Sylvest. verb. *Jejunium* nu. 8. & 9. Tolet. loc. cit. nu. 1. Quintò, excusantur, qui ex vacatione stomachi notabilem capitis dolorem, vel vertiginem patiuntur, sicuti & alii, qui tota nocte calefieri, aut dormire non possunt. Navarr. in man. cap. 21. num. 16. Bonac. loc. supra cit. nu. 2. Busembaum lib. 3. tract. 4. dub. 2. Alloza ubi supra num. 6. Summa Diana verb. *Jejunium* nu. 22. Nec tenentur comedere serò, & collationem mane sumere, quia habent jus conformandi se communi hominum consuetudini, ut docet Diana par. 1. tract. 9. ref. 31. Oppositum tenent Sanchez, Filiuc. & Bossius, quos refert, sed non sequitur Pasqualig. de *Jejunio* decis. 265. Sextò excusantur Pauperes, qui unam comestionem sufficientem non habent, & sic possunt cenare, & interdiu comedere. Tolet. supra num. 2. & alii communiter. Septimò, ut inquit Tolet. ibidem sub numer. 1. adolescentes ante vigesimum primum annum completum excusantur à jejunio, quia tunc indigent cibo ad

nutritionem, & augmentum; est tamen saluberrimum consilium assuescere juvenes hos aliquibus jejuniis. Hæc igitur est regula generalis, quæ traditur à Doctõribus circa præsentem Interrogationem. Sed vide Sanchez in *Opuscul. tom. 2. lib. 5. cap. 1. dub. 14. & 15.*

1044 Inter 24. Qui bona fide putat se plane excusari à jejunio, peccatne, si jejunium non observat?

Resp. Si iustam habet causam, vel non jejunandi, vel carnes in diebus vetitis comedendi, & illa causa sit certa, nulla eget dispensatione, quia obligatio legis tollitur superveniente necessitate; Bonac. de *leg. disput. nit. quest. 1. pun. 2. nu. 5.* Carena de *offic. SS. Inquis. par. 2. tract. 15. §. 2. num. 5.* Lezan. & alii, nisi ratione scandali, aut alterius circumstantiæ petenda sit licentia, quia cum scandalo nihil licet: si verò bona fide solum putat se habere causam sufficientem, licet verè non sit sufficiens, non peccat, saltem mortaliter. Navar. in man. cap. 21. num. 20. Rederic. in *Compend. qq. Regul. ref. 75. nu. 17.* Emmanuel Sà verb. *Jejunium* num. 14. Bonacin. ubi supra *disput. ultim. qu. 1. pun. ultim. numer. 20.* Busembaum lib. 3. tract. 4. dub. 2. fol. mibi 344. Luc. Fenech. de *Jejun. num. 15.* Dixi saltem mortaliter, quia Tolet. lib. 6. cap. 4. nu. 5. *verf. Alterum est*, putat peccare venialiter, sed dicit etiam, referens Sanctum Antoninum, Palud. & Cajetan. non debere Confessarium illum à sua bona fide, & conscientia deponere, sed solum exhortari, ut experiat jejunare. Imò addo ego debere illum ad petendam dispensationem inducere, si videbit magnam in jejunando difficultatem habere; siquidem iusta dispensandi causa, est magna in jejunando difficultas, ut docent Emmanuel Sà verb. *Jejunium* nu. 10. Busemb. loco supr. cit. Alloz. verb. *Jejunium* sect. 4. num. 22. & favet etiam Sanchez in *opus. tom. 2. lib. 5. cap. 1. dub. 2. n. 3.* & alii.

1045 Inter 25. Quid facere debet, qui dubitat, an teneatur jejunare, vel an licite carnes comedere possit?

Resp. Dicant Doctores recurrendum esse ad superiorem, & postcandam dispensationem in jejunio, vel in esu carniarum. Unde sæculares recurrere debent ad Episcopum, vel eo absente ad Parochum; Religiosi verò saltem ad suum superiorem immediatum, & in ea concedenda ipsi superiores non debent esse nimium scrupulosi, quia quamvis causa sit dubia, ipsi dispensando iustam efficiunt, nec nullo modo id subditorum conscientis remittere debent. Cajetan. 2. 2. qu. 147. art. 4. Navar. in man. cap. 21. numer. 21. & 22. Tolet. lib. 6. cap. 4.

cap. 4. num. 5. Lezan tom. 2. verb. *Jejunium* nu. 10. Dian. part. 1. tract. 9. ref. 25. & alii ab ipso relati. Summa Dian. verb. *Jejunium* num. 38. Allozza verb. *Prelatus* num. 4. & alii communiter. Vide id, quod dixi in præced. titulo de Horis Canon. & offic. div. Inter. 6. & Sanchez ubi supra dub. 5. n. 19. & seqq.

1046 Inter. 26. Qui dubitat, an expleverit viginti & unum annos, teneturne jejunare?

Resp. Si facta debita diligentia dubius adhuc remaneat, an expleverit dictam ætatem, dicunt multi Doctores, quod non teneatur ad jejunium, quia tunc non stat possessio pro præcepto jejunii, sed pro libertate illius, qui dubitat; & pro hac sententia sunt Sanchez de Matrim. tom. 1. lib. 2. disp. 41. nu. 28. Layman lib. 1. tract. 1. cap. 5. §. 4. num. 33. & alii plures, quos dat, & sequitur Dian. part. 4. tract. 3. ref. 21.

1047 Inter. 27. Juvenis teneturne jejunare in die, qua complet ætatem vigesimi primi anni?

Resp. Non tenetur, etiam si compleat mane; est enim exemptus per totam diem. Diana part. 1. tract. 9. resol. 49. & alii plures.

1048 Interrog. 28. Quisnam dicitur senex ad hoc, ut immunis à jejunio censi possit, & estne eadem ratio de Religioso sene?

Resp. Doctores in hoc non conveniunt; nam Gabriel, Sylu. Rosella, Tabiena, Lopez, & alii docent, ætatem septuagenariam esse terminum, in quo cessat obligatio jejunii. Unde in hac sententia solum septuagenarii à jejunio regulariter excusantur. Alii vero putant excusandum esse senem sexagenarium, sed attendendum esse robur corporis, & ipsius naturæ complexionem; unde si viribus polleat, non excusant illum à præcepto jejunii, ideo relinquunt hoc arbitrio viri prudentis; & hæc sententia est communis, pro qua Pasqualig. de Jejunio decis. 256. refert 26. Doctores: Et hanc opinionem in praxi sequendam consulo. Alia tandem extat sententia, quam Pasqualig. probabilissimam dicit, quæque doctissimi Recentiores amplectuntur, quos ipse sequitur, quæ docet sexagenarium, quamvis robustum viribus, excusari à lege jejunii; quia ætas sexagenaria ex se est proster-natrix virium, ac tenax infirmitatum nutrix; natura enim in sexagesimo anno languescit, & ad interitum properat: & licet aliqui validi, & fortes videantur, tamen sanitas in eis firma non est, & constans, sed falsa, & incerta; ideoque sexagenarius non debet se expo-

nere periculo gravis damni, ad quod Ecclesia, cum sit pia mater, non videtur obligare. Vide Doctores, quos refert, & sequitur Dian. part. 1. tract. 9. resol. 20. Tolet lib. 6. cap. 4. sub nu. 1. Enmuel Sà verb. *Jejunium* sub num. 9. Roderic. in Compend. 99. Regul. ref. 75. num. 10. Allozza verb. *Jejunium* sect. 2. num. 5. Imò hic Author sect. 4. num. 23. ait, quod senes sexaginta annorum, licet sint obligati ratione Constitutionum sui Ordinis, tamen excusantur à jejunio non solum Ecclesiæ, sed sui Ordinis: idem tenet etiam Marcant. & ex eo Dian. part. 9. tract. 6. ref. 16. & alii plures. Cæterum Navar. in man. cap. 11. num. 16. testatur, se octogesimum annum agentem jejunare potuisse. Non est igitur recedendum à sententia (quam ipse Diana fatetur esse communem) docente, Regulares professos sexagenarios non posse licite frangere jejunia suæ Regulæ. Sed vide, quæ dicam in tit. 18. de Regularibus, seu Relig. ad Interrog. 55. nam militat eadem ratio.

1049 Inter. 29. Fœmina grauida ad superandas carnis tentationes teneturne jejunare cum periculo prolis?

Resp. Certum est, fœminas prægnantes excusari à jejunio, quia unica refectione tantum alimenti sumere non possunt, ut pro se, & prole sufficiat, ultra quod fœminæ gravidæ appetunt ferè semper aliqua, & nisi desiderio suo satisfaciant, periculum est, ne fœtus proiciatur, ut pluribus citatis resolvit Diana part. 1. tract. 9. ref. 14. Hoc ergo prænotato, dicendum est cum Homobono de Bonis in Exam. Eccles. part. 2. tract. 8. cap. 7. qu. 17. ubi sic inquit: Non est audiendus Fernandez, qui dicere ausus est, fœminam gravidam, quæ carnis stimulis ad incontinentiam lacerantibus urgetur, teneri, etiam cum prolis, vel fœtus discrimine, & extinctione jejunare, si existimat, se eos, nonnisi abstinentiæ macie, & debilitatione, superaturam. Nam cum alia remedia, ut orationem, Sacramentorum frequentiam, pia consilia, & alia hujusmodi adhiberi possint, non debet tamen jactare ipsam prolem exponere. Ita Homobon. ubi sup. cui se subscribit Diana cit. par. 1. tr. 9. ref. 30. & ego huic sententiæ adhæreo.

1050 Inter. 30. Excusaturne à jejunio, qui magis vexatur tentationibus carnis jejunando, quam non jejunando?

Resp. Quod jejunium sit optimum remedium ad superandas carnis tentationes, & ad vitanda luxuriæ peccata, Doctores communiter docent. Dico igitur, in casu nostro non excusari, nam hujusmodi tentationes sequuntur per accidens, nec est malum pati tentatio-

nes carnis, sed ab illis vinci; vincere autem eas possumus aliis medijs, quam omissione jejunii, ut recte ex Medina, & Filliuc. firmat Bonac. *de legib. disp. ult. q. 1. pun. ult. n. 15. Vide anteced. responsum.*

1051 Inter. 31. Vovens jejunare in festo alicujus Sancti, teneturne ad hoc, si eveniat in Dominica?

Resp. Ita in hoc casu respondet Sylv. *verb. Votum 2. quæst. 16.* vel votum fuit de jejunio afflictionis, scilicet ad satisfaciendum pro peccatis, & subjugandum corpus; vel de jejunio exultationis, ut scilicet esset dispositior ad gaudium, contemplationem divinorum; aut de neutro, quia scilicet non cogitaverit; aut de utroque. In primo casu jejunandum est Sabbato præcedenti, quia debet se conformare Ecclesiæ, quæ tale jejunium transfert. In 2. verò jejunet in Dominica, quia est votum virtuosum, & ligans. *Can. vinam 77. diff. In 3. verò iterum in Dominica, quia præsumitur jejunium exultationis In 4. denique in Sabbato, quia cæteris paribus debet se conformare universali Ecclesiæ.* Haftenus Sylvest. ex Jo. de Neap. Sed de hoc puncto vide Bonacin. *de præcept. dec. al. disp. 4. q. 2. pun. 6. nu. 26.* ubi plura ad intentum refert.

1052 Inter. 32. Qui vovit jejunare die Sabbati, vel sexta feria, teneturne ad id votum, si dies Natalis Domini venerit in his diebus?

Resp. Magna quidem difficultas est ista. Afirmat Sylvest. *verb. Jejunium numer. 27.* Suarez *de Relig. tom. 2. lib. 4. cap. 20. numer. 7.* Bonacin. *de Legib. disp. 4. quæst. 2. punct. 6. num. 9.* & alii plures, quos refert, sed non sequitur Diana *par. 1. tract. 9. resolut. 22.* in principio, nam ipse Diana pro contraria sententia citat Molinam, Azorium, Facundez, & Rodriguez, & ad fundamenta sententiæ affirmatiæ respondet; sed prior sententia est tenenda, quia videtur clare haberi in *cap. fin. de observ. Jejun.* ibi: *Qui nec vovet, nec Regulari observantia sunt adstricti, in 6. feria, si festum Natiuitatis Dominicæ die ipso venire contigerit, carnisbus propter festi excellentiam velci possunt.* Vide Emm. *Sæ verb. Jejunium nu. 6.* & Armillam *eodem verb. num. 13.*

Quær. 1. An in diebus jejuniarum liceat pro collatione serotina loco fructuum pisciculi, vel piscis grandioris particulam sumere? & an sit de hæresi suspectus, qui dictis diebus comederet ova, & lacticia, ubi legitima consuetudo non est?

Resp. Certissimum non adest, collationem serotinam fuisse per consuetudinem in Ecclesia introductam, ne potius noceat; tamen quam-

vis alendi causa sumatur, licita est, & sine peccato fieri potest, quia consuetudo, ut alibi dixi, est alterum jus positivum. Quænam autem qualitas, & quantitas ciborum licite sumi possit in collatione serotina? satis me explicavi in *hoc tit. de Jejunio, ad Interrog. 10.* & quoad quantitatem dixi, licitam esse quantitatem unciarum octo: quod intelligendum est secundum communem complexionem; sed quia complexio potest variari, & habere minorem indigentiam, præsertim ubi bonis cibis, & magna quantitate utitur ad prandium; idè in tali casu non potest quis licite uti quantitate unciarum octo. Quoad qualitatem verò, dixi, debere esse ex fructibus, vel herbis, aut ex bellariis, qui sunt fructus saccharo, vel melle conditi: sed nunquam asserui, ut quidam putant, posse quem licite, & sine peccato pisciculum, vel particulam aliquam piscis majoris sumere, dummodò non excedat quantitatem unciarum octo; nam hæc sententia, quam nonnulli docent, ut Bonac. *tom. 2. de præcept. Eccles. disp. ult. quæst. 1. pun. numer. 3.* Franc. Ghelius, Moscentius, Petrus, & Jacobus Marchantius, Joannes Vvigeres, Zambellus, Pasqualigus, alique, quos merito impugnat Diana *par. 9. tr. 6. resolut. 8.* non est communis, ut videre licet apud ipsam Dianam *loco citato. per part. 1. tract. 9. resolut. 1.* Imò nostram sententiam communem esse testatur, & oppositam falsam dixit Joan. Henriquez in *qq. prædicab. scil. 16. quæst. 4.* ac etiam ipse Diana locis supracit. Idè peccare mortaliter, & jejunium frangere, puto cum eodem Diana, qui ad praxim talem opinionem deducit. Dicendum est igitur, sub onere peccati mortalis quantitatem licitam non posse sumi in piscibus, ovis, & aliis lacticiis, seu cibis substantialibus in coena manducari solitis, juxta consuetudinem Regionis; sed solum licere collationem facere cum modico pane, & fructibus, vel herbis, aut electuariis, & similibus levioribus cibis, nec aliud consuetudinem permittere, sed esse corruptelam: & ratio est, quia consuetudo bonorum, ac timoræ conscientie virorum, non solum præscripuit, & præscribit quantitatem, sed etiam qualitatem ciborum; & nunquam introduxit pisces, ova, legumina, aut alia, quæ inter secula, ac pulmenta numerantur, aut communiter ad nutriendum valent; consequenter talia manducare illicitum, & peccatum erit. Aliquibus quidem hæc meam responsum non fore gratam reor; quia, ut ait Psalmista, *Si nō fuerint saturati, murmurabunt:* at si hominibus placere, servus Christi non esset; unde melius est pro veritate.

ritate pati supplicium, quàm pro adulatione recipere beneficium, ut habetur *ex cap. Nemo peritorum* 11.9.3. Itaque verbis Facundez huic meæ responsioni finem imponam; sic enim de *precept. Eccles. tract. 4. lib. 1. cap. 4. numer. 18.* rectè inquit: Consuetudine ubique receptum est, ut in refectiuncula soli fructus cum modico panis capiantur. Et hanc consuetudinem excedere non est licitum: Et si aliqui non nihil piscis adhibere solent, id quidem per corruptelam faciunt, non per consuetudinem legitimam. Communis enim consuetudo est, ut fructus modici, & modicum panis in collatione adhibeatur, non pisciculi parvi, nec tantillum magni piscis; non enim quantitas materiæ, sed materia prohibetur. Tandem sententiam, veluti tutiorem, amplexi sunt Villalobos, Azorius, Filliucius, Reginaldus, Laym. Sancius, Joseph Angles, Vivaldus, Petrus Ledesma, Jacobus Grassius, Vega, Antonius de Litteratis, Molfesius, Sylvius, Medina, Rodriquez, & alii multi, quos dat, & sequitur Diana *locis cit. & part. 10. tract. 14. resolut. 58.* ubi citat contra Pasqualigum, Leandrum de *precept. Eccles. tract. 5. disp. 4. quæst. 41.* quibus addo Lezanam *tom. 3. verb. Jejunium sub num. 4.* Denique non esse licitum in diebus jejuniorum comedere ova, & lacticia, aut uti sagimine, & lardo, ubi non adest consuetudo legitima, si dixi in hoc titulo ad *Interrogation. 11.* Nunc autem dico, quodd secus facientes, non solum peccarent mortaliter, sed etiam essent de hæresi suspecti, ut docet Illustrissimus, & Reverendissimus D. Dandinus Prælatius admirabili doctrina conspicuus, & patet ejusdem libro, cui titulus *de suspectis de hæresi tom. 1. c. 3. subsec. 3. sub numer. 17.* edito hic Romæ anno 1703. ad quem lectorem remitto, siquidem in hac scribendi materia meminij est profecto secundus. Vide sequentem responsionem.

Quær. 2. An in collatione serotina jejuniorum possit quis licite sumere octo uncias panis dumtaxat sine fructibus, aut herbis?

Resp. Hanc quæstionem pertractat Diana *part. 9. tract. 6. resolut. 19.* & contra Pellizzarium resolvit id esse licitum, & pro se refert Jacobum Marchantium in *qq. Pastor par. cap. 5. & Trullench. in Decal. tom. 1. lib. 3. cap. 2. dub. 3. numer. 8.* ubi docet, licite sumi posse in collatione serotina ea, quæ communiter in jentaculis, & post prandium sumi solent, ut sunt arborum fructus, herbæ, & cibi leviores, ut ficus, amygdalæ, uvæ passæ, nuces, pyra, poma, olivæ, bellaria, vel alia ex saccharo, aut melle confecta eleciuariorum: Item

& panis, vel solus, vel cum aliquo ex dictis. Puto igitur posse aliquem licite sumere octo uncias solius panis, sicut potest etiam sumere quantitatem unciarum octo, aut nucum, vel amygdalarum, aut aliorum fructuum, quia eo ipso, quod consuetudo introduxit talia obsonia pro jentaculo, liberum remanet de ipsis sumere, quæ magis placuerit, vel conjunctim, vel separatim, in quantitate, ut dixi, unciarum octo, quæ sanè probabiliter conceditur à Doctores, cum limitatione tamen in præcedenti resp. adducta; nam sufficit, quod sit cibus à consuetudine introductus, ut non ditatur frangi jejunium ratione qualitatatis cibi: ergo quoties quis non excedit quantitatem à Doctores permiffam, & utitur qualitate cibi à consuetudine introducta, non censetur frangere jejunium, & ullo modo peccare, si sumat totam collationem in pane tantum, vel cum aliquo ex dictis fructibus. Vide Dianam *loco cit.* qui fortioribus, terminis hanc suffinet sententiam, quam quidem tutam in praxi existimo; nam etiam Cajetanus in *summa verb. Jejunium*, dicit posse fieri cum pane, & Navar. in *Man. cap. 112. n. 12.* addit, posse similiter cum pane sumi vinum, aut duo genera fructuum, dummodò non excedatur quantitas unciarum octo, addo ego Vide Tolet. *lib. 6. cap. 2. sub num. 3. prope fin.* Tandem puto, itidem esse licitum sumere totam quantitatem panis unciarum octo, & ipsam vino imbuiere, quamvis ex hoc crescat in pondere, quia hujusmodi augmentum ponderis est omnino per accidens. Secus autem dicendum est de pane cocto, ut in frequenti quæsto ostendat, quia actio ignis mutatur cibis, & novum generatur ferculum. Vide sequentem responsionem.

Quær. 3. An liceat in diebus jejuniorum, in collatione vespertina, vesci pane cocto, aut herbis elixatis cum aqua, sale, & oleo?

Resp. Quodd jentaculum licite fieri possit in diebus jejuniorum, cum pane cocto cum aqua, sale, & oleo modò octo uncias non excedat, aliis relatis, affirmat Diana *part. 9. tr. 6. resolut. 29. vers. Quid ego sentiam*, & *p. 10. tr. 14. resolut. 58. vers. Sed quia.* Verùm ego hanc sententiam non admitto nisi aliud ferat iusta causa, ut docui in hoc titulo ad *Interrogationem 10.* Nec mea admittit Layman *lib. 4. tract. 8. disp. 1. num. 9.* Filliuc. *tom. 2. tract. 27. quæst. 6. num. 31.* Bonac. *de legib. disp. ult. qu. 1. paræst. 3. sub numer. 5.* & alii. Ratio est, quia valde mutatur materia subiecta, & ex ea fit alius cibus magis nutritivus, ac magis potus acquirit, undè generatur ferculū, quod solum

solum adhiberi licet in prandio, & cœna, non autem in collatione serotina; id eo talis consuetudo haud viget apud timorata conscientiae viros, neque est usu recepta; siquidem communiter Theologi non permittunt iuscula in collatione vespertina, imò Leander de præcept. Eccl. tract. 5. disp. 4. quæst. 30. & seqq. rectè probat, non solum minimè licere pisces fumo siccatos, & sale conditos, sed nec cibum album, vulgò bianco mangiare, si vice carnis conficiatur ex piscibus, nec legumina cum iusculo, & similia. Nescio igitur, quo pacto quidam, & præsertim Diana, concedant iusculum panis cocti, absque peculiari indigentia, & necessitate. Unde puta, iuscula non esse in collatione introducenda, veluti introducta non sunt à consuetudine Doctorum, & proborum hominum, quorum consuetudini in hoc standum est, nec facile carpenda. Itaque firmum remaneat, licitum non esse sine iusta aliqua causa vesci pane cocto aqua, sale, & oleo condito, quia huiusmodi cibis potius habet rationem pulmenti, quàm obsonii permissi à communi consuetudine, & à Doctoribus piis, ac timorata conscientiae. Secus autem dicendum est de herbis elixatis, dummodò per modum acetarii fumantur cum sale, & oleo, quia minimè nutritur materia, nec augetur cibi substantia in ordine ad nutritionem, nec naxus pondus acquirunt, ac per consequens non generatur pulmentum; ut sit ex pane cocto. Ita videtur sentire Leander ubi supra quæst. 37. & 38. Layman, & alii, quibus subscribit Diana pars. 10. l. c. supracit. & ego pariter ita sentio pro veritate, & conscientia, cum non sint laxandæ habendæ, nisi ubi adest magna ponderis ratio; nam sumere aliquid in sero, vel ultra prandium, ad sustentationem naturæ, est bis comedere, & consequenter frangere jejunium, ut ex Div. Thom. docet Armilla verb. Jejunium sub numer. 1. c. 3. Tertio. Undè dicendum est, quòd in collatione serotina neque est licitus cremor amygdalinus, aut triticus, vulgò Mandolata, secundum Leandrum, & alios, cum sit valdè nutritivus, & contra finem præcepti, qualis est refrænare carnis concupiscentias Vide Tolet. lib. 6. cap. 2. n. 1.

TITULUS CVI.

De Ignorantia.

Vide tit. de Bigam. Int. 2. tit. de Debit. conjug. Int. 2. tit. de Diff. Int. 3. tit. de Elit. Eccl. Int. 11. tit. de Episcop. Eccl. Int. 20. 59. tit. de Fid. Int. ult. tit. de Fil. Int. 1. tit. de Paroch. Inter. 24. 25. 26. 36. 38. tit. de Regul. Eccl. Int. 58. & ad quæst. 1. tit. de Sponsal. Inter. 3. tit. de Tons. Int. 3. tit. de Val. abs. Int. 3. 4. 5. 6. tit. de Val. Benef. Inter. 4. tit. de Val. Confes. Int. 1. 5. 8. 12. tit. de Val. Sac. Punit. Int. 2.

1053 **I**nter. 1. Quotuplex est ignorantia? Resp. Alia dicitur juris, alia facti, & alia pœnæ. Ita quoque ignorantia alia est Juris communis, alia Juris particularis. Præterea ignorantia, sive juris, sive facti, subdividitur in probabilem, quæ dicitur invincibilis, & inculpabilis; & in improbabilem, quæ vincibilis, & culpabilis appellatur: Ignorantia vincibilis, alia dicitur crassa, & supina, alia verò affectata. Tandem ignorantia vel dicitur antecedens, vel concomitans vel consequens voluntatem; antecedens idem est ac probabilis, & invincibilis; concomitans dicitur illa, quæ si non adestet, actus nihilominus fieret: consequens denique est quando ignoratur aliquid, quia voluntas vult illud ignorare. Vide D. Thom. 1. 2. quæst. 6. art. 8. Bonac. de cons. disp. 1. qu. 2. punct. 1. num. 1. & seqq. & de legib. disp. 2. q. 8. punct. 3. per tot.

1054 Inter. 2. Ignorantia juris excusatne contrafacientem ab excommunicatione à jure imposita, sive sit juris particularis Episcopi, sive universalis Ecclesiæ, scilicet Papæ?

Resp. Est quidem magna controversia inter Doctores: De sententiis autem latis à jure particulari Episcoporum, seu Ordinariorum, omnes conveniunt dicentes, ignorantiam præsertim invincibilem talis Juris, excusare contrafacientes ab excommunicatione, & aliis censuris, & pœnis, ut patet ex cap. Ut Animarum de cons. in 6. Sed de sententiis à jure latis à Papa est difficultas; nam dicunt quidam, quòd Papa in d. cap. Ut Animarum, in favorem animarum instituit non incurrere excommunicationem, qui sciens factum, ignorat jus; sed præcepit id solum observari in statutis Ordinariorum inferiorum, cum nullam mentionem faciat de statutis Papæ; consequenter, qui ignorat jus Papæ, non est immunis ab excommunicatione; & aliis censuris, & pœnis, si contrafecerit: Hanc sententiam aliis relatis tenet Chaves

in Summ. Sac. de excomm. quest. 8. Alii verò, cum quibus ego sentio, tenent id locum habere ne dum in Constitution. Ordinarii Inferioris, sed etiam Summi Pontificis. Non videtur differentia inter utrumque jus, nisi quòd Lex præsumit aliquem magis, & facilius ignorare jus privatum, quàm publicum, ut notat DD. in d. cap. Ut animarum; unde cum simus in foro poli, in quo cessat præsumptio, & sola veritas attenditur, non videtur posse constitui differentia inter utrumque Jus; & ita docent Panor. in cap. A nobis de sentent. excomm. S. Antoninus 3. par. tit. 25. cap. 33. Sylvest. verb. Ignorantia sub num. 16. Navar. in man. cap. 27. nu. 16. Zecus de cas. reserv. cap. 1. pag. 28. Diana part. 3. tr. 6. ref. 41. Alias rationes, & difficultates, vide apud præfatos Auctores, & præsertim Sanchez tom. 3. de matrim. lib. 9. disp. 32. nu. 31. & Bonac. de conf. disp. 1. q. 2. punct. 1. num. 6. Ego enim more meo brevitati studeo.

1055 Inter. 3. Ignorantia vincibilis juris, vel facti, excusatne ab incurfione censurarum?

Resp. Jam suppono, quòd ignorantia vincibilis hic sumatur pro culpabili, quæ est quando quis audit, vel dubitat de censura Juris, vel facti, adhibet diligentiam, sed non moraliter necessariam pro qualitate rei, & ideo est mortaliter culpabilis. Dico igitur esse valde probabile, hanc ignorantiam excusare ab incurfione censurarum, & aliarum poenarum, cum non sit neque crassa, neque supina, ut est, quando quis ex tædio, aut pigritia, modicam, aut nullam adhibet diligentiam. Unde quia ex cap. 2. de confit. in 6. habetur, quòd ignorantia, quæ non est crassa, neque supina, excusat ab omnibus sententiis Ordinariorum, remanet probatum, ignorantiam purè vincibilem, seu mortaliter culpabilem, excusare ab incurfione censurarum, aliarumque poenarum. Ita tradunt Portell. in addition. ad dubia Reg. verb. Ignorantia numer. 25. Sanchez tom. 3. de matrim. lib. 9. disp. 32. n. 31. Bonac. de conf. disp. 1. quest. 2. punct. 1. nu. 10. & alii plures, quos refert, & sequitur Diana part. 3. tract. 3. ref. 13. & par. 4. tract. 2. ref. 95. vers. Notandum est igitur & par. 9. tract. 4. ref. 42. Et hæc sententia mihi non displicet, quia non quodlibet peccatum mortale sufficit ad incurrendas censuras, sed requiritur peccatum mortale, quod habet rationem contumaciæ; quæ contumacia non datur, quando quis fecit aliquam diligentiam, licet non moraliter sufficientem: ergo non potest incurrere poenas, quæ imponuntur solùm contra contumaces, seu inobedientes. Vide Dianam par. 3. tract. 9. ref. 17. & par. 9. tract. 6. ref. 13.

1056 Inter. 4. Qui ex fenestra prolucit lapidem, ut Clericum percutiat, sed casu, & invincibiliter ignorans percutit alium Clericum illac tunc traseuntem, inciditne in excommunicationem?

Resp. Minimè, quia qui cædit casu prætereuntem, non intendit cædere illum, nec alium Clericum in persona illius; unde cum præter intentionem sequatur talis percussio, excommunicationem non incurrit. Sanchez apud Moron. ref. 80. num. 43. Molina de Just. tract. 3. disp. 53. num. 3. & ex co Diana p. 9. tr. 4. ref. 31. ubi præterea asserit, quòd si mors quocumque sequatur, irregularis non fiat. Vide ipsum, & non pigebit, & in titulo 89. ad Inter. reg. 6.

1057 Inter. 5. Qui probabiliter ignorat Titium esse Clericum, si eum percutiat, incurritne excommunicationem, si reverà sit Clericus?

Resp. Si tonsuram, & habitum non videat, & credat non esse Clericum, non incurrit, quia ignorantia invincibilis excusat à censura. Diana part. 9. tract. 4. ref. 42. & ref. 27. propè finem.

1058 Inter. 6. Titius percussit, percussione gravi Cajum Clericum, sed nesciebat illum esse Clericum, quia incedebat in habitu laicali, & sine tonsura, comamque nutrieat; quæro, an Titius sit excommunicatus, & quomodo in foro externo possit ipse probare ignorantiam?

Resp. Dico primo, quòd ignorantia invincibilis excusat ab incurfione censuræ, & de hoc nulli dubium est, ut dicam ad Inter. 10. hujusmet tituli de ignorantia, & testatur Diana par. 9. tract. 4. ref. 42. in princ. Vide Bonac. de conf. disp. 1. qu. 2. punct. 1. sub nu. 16. Dico secundò quòd ignorantia juris, vel facti, etiam si sit vincibilis, posito, quòd non sit crassa, & mortalis, excusat transgressorem à mortali, & consequenter ab incurfione censuræ. Diana part. 3. tr. 6. ref. 31. & melius id dixit ibidem tract. 3. ref. 13. & in Summ. verb. Censura n. 17. & verb. irregularitas sub num. 5. Allozo verb. ignorantia num. 24. Mendo Epit. Opin. Moral. eodem verb. numer. 17. & 18. Ex his ergo apparet Titium ob irregularitatem excusandum esse ab incurfione censuræ, dum percutiendo Clericum arbitratu esse esse laicum, quia habitum, & tonsuram non gestavit; nam ignorantia invincibilis, & etiam vincibilis, dummodò non sit crassa, & supina, aut mortaliter culpabilis, excusat ab incurfione censuræ, ut habetur ex cap. 2. de Confit. in 6. Quando denique allegatio ignorantie in casu nostro dubia sit, in foro exteriori probari debet perjuramentum ipsius.

Ipſius. *Cap. Si verò de ſent. excomm.* Et latè probat Diana *part. 10. traët. 12. ref. 4. verſ. Confirmatur hæc doctrina*, Moronus *ref. 60. num. 44.* Ignorantia igitur non ſolùm excuſat in foro poli, ſed etiam in extremo iudicio, quando iuramento probatur. Si verò jurare non vult, præſumptio eſt contra illum, & tamquam excommunicationis vitari debet. Vide dictum *cap. Si verò, de ſentent. excomm.* & ibi Gloſ. in verb. *Propria*, & verb. *noluerit*, ac etiam Bonac. *tom. 10. de peccatis diſp. 2. qu. 8. pun. 3. nu. 13.*

1059 Inter. 7 Qui ex ignorantia invincibili de excommunicatione committit aliquod peccatum, cui eſt annexa aliqua excommunicatione reſervata, poteſtne abſolvi à Confefſario non habente facultatem abſolvendi ab excommunicatione?

Reſp. In excommunicationem reſervatam non incidit, qui ignorantia invincibili laborat, ſive hæc ſit ignorantia juris, ſive facti, quia ad incurrendam excommunicationem requiritur contumacia, ideſt inobedientia contra legem; quæ contumacia non datur ubi adeſt invincibilis ignorantia, ut docent S. Thom. *2. 2. qu. 65. art. 3.* D. Antoninus *3. par. tit. 25. cap. 33.* Sylv. verb. *Ignorantia* §. 16. Tolet. *lib. 1. cap. 8. m. 4. §. 6.* Navar. in *man. c. 23. num. 44.* & ſeq. Emm. *Sà verb. ignorantia*, & alii communiter. Ergo dicendum eſt, quòd licet quis peccet faciendo aliquod contra præceptum divinum; tamen excommunicationem, vel aliam cenſuram (poſita ignorantia invincibili de cenſura) non incurrit, & conſequenter à quolibet Confefſario poteſt abſolvi. Vide Bonac. *de Cenſ. diſp. 1. qu. 2. pun. 1. num. 6. 7. & 8.* qui citat Doctores ad ſatietatem. Dian. *par. 3. tr. 6. ref. 41.* Sylv. verb. *excomm.* 10 quaſt. 3. Imò Dian. *part. 4. traët. 2. refol. 85.* ex Portello dicò hoc eſſe verum etiam de ignorantia vincibili, dummodò non ſit craſſa, & ſupina: ita quoque tenent Nauar. Sanchez, & Caſtropol. quos ſequitur Morun. *ref. 23. ſub num. 11.* Layman *tom. 1. lib. 1. traët. 5. cap. 5. num. 7.* Bonac. *de legibus diſp. 2. qu. 8. pun. 3. nu. 10.* & alii plures.

1060 Inter. 8. Qui commiſit peccatum reſervatum, ſed nescit, & ignorat eſſe reſervatum, poteſtne à Confefſario non habente facultatem ſuper reſervatis abſolvi?

Reſp. Negatiè reſpondent quamplurimi Doctores, quia peccati reſervatio directè impedit Confefſarium, ne abſoluat. Itaque poenitens, ſive ſciat, ſive nesciat peccatum eſſe reſervatum, non poteſt per ſimplicem Confefſarium abſolvi; nam reſervatio ligat etiam ignorantes reſervationem, neque in reſervatione caſuum requiritur ſcire illos eſſe

reſervatos. Ita Mazuch. *de caſ. reſerv. diſp. 2. quaſt. 2. difficul. 6.* Jacobus Mancius in *Append. ad præſt. 3. dub. 18.* Merolla *tom. 1. diſp. 1. cap. 2. diſp. 11. num. 642.* & alii. Oppoſitum tamen ſuſtinent Joſeph de Januario apud Dianam *p. 10. tr. 14. ref. 63.* Gabriel à S. Vincentio *part. 3. de Sac. panis. diſpus 9 quaſt. 3. dub. 3.* nec diſſentit Nauar. in *man. c. 27. m. 16.* & 80. Graſſius *de caſ. reſerv. lib. 2. c. 40. num. 29.* & alii; ſed prima ſententia ſequenda eſt in praxi.

1061 Inter. 9. Titius cum duabus Sororibus carnaliter peccavit, ſed nesciebat illas eſſe Sorores; accedit ad Confefſarium, in cujus Diceceſi inceſtus eſt caſus reſervatus; poteſtne ſimplex Confefſarius illum abſolvere?

Reſp. Licet ignorantia reſervationis non tribuat facultatem abſolvendi poenitentem, qui reſervationem ignorat, ut dixi in antecedenti *Reſp.* & præter Doctores ibidem citat. docet Sanchez *tom. 3. lib. 9. de matrim. diſp. 22. num. 18.* & communem ſententiam fateatur eſſe Dian. *part. 6. traët. 6. ref. 42. verſ. Hiſi tamam non obſtant* &c. verùm in caſu noſtro Titius poteſt à ſimplici Confefſario abſolvi, quia licet non excuſetur a peccato fornicationis, excuſatur tamen à peccato inceſtus; & ita caſus non eſt reſervatus, cum probabiliter ignoraverit, illas ſceminas eſſe Sorores. Ita Zeccus *de caſibus reſerv. caſ. 1. fol. mibi 27.* Et de hoc ego non dubito.

1062 Inter 10. Titius ignorabat neminem poſſe abſque labe Simonie Epifcopo inſervire animo obtinendi Beneficium in pretium ſerviti, quare ſervavit cuidam Epifcopo eo animo & intentione; poteſtne Titius à quolibet Confefſario abſolvi?

Reſp. Si Titius inuincibiliter id ignorabat, excuſatur quidem à peccato, & ab excommunicatione; nam ignorantia, dummodo non ſit affectata, & craſſa, excuſat etiam ab excommunicatione, ut docent plures Doctores quos ſequitur *Sà verb. Ignorantia*. Imò addo Simoniacum per ignorantiam invincibilem, excommunicationem non incurere, juxta ſententiam Nauar. in *Man. cap. 17. num. 16.* Lopez, Viſtorie, & Soti apud eundem *Sà verb. Simonia num. 13.* Vide igitur id quod ego dixi in *tit. 89. ad Inter. 16.* & in *preſenti tit. ad Inter. 7.* & dic, poſſe Titium abſolvi à quocumq; ſimplici Confefſario, quia nullam excommunicationem contraxit. Vide Allozam *verb. cenſura ſect. 6. n. 6.* & præſertim Dianam *par. 3. tr. 9. ref. 17.* ubi concordantes referam.

1063 Inter. 11. Confefſarius, qui novit Poenitentem ob impedimentum latens invalide contraxiſſe Matrimonium, quomodo poteſt in

in dicto casu cognoscere, an Pœnitens laborare ignorantia vincibili, vel detineatur errore invincibili?

Resp. Debet prudenter intelligere à Pœnitente, an credat se esse in bono statu, vel aliquo scrupulo agitur; hoc tamen prudenter agendum est, ne ex interrogatione, vel interrogandi circumstantiis, Pœnitens detineri dubia fide incipiat: Si pœnitens nullis agitur scrupulis, & credit se esse in bono statu, certum est, quod ignorantia invincibili laborat; si verò dubiam conscientiam habet, culpata laborare ignorantia censetur. Bonac. & præsertim Gabria. *part. 2. cap. 6. pag. 129.* ita rectè tradunt.

1064 Int. 12. Peccantne mortaliter Episcopi, Superiores, Confessarii, Medici, Advocati &c. qui nesciunt ea, quæ ad eorum munus pertinent?

Resp. Certò mortaliter peccant, primò quia officia talia non debent assumere, nisi sint ad talia exercenda sufficienter instructi, aliter eis imputatur. Imperitia enim in rebus ad proprium officium pertinentibus non excusat à mortali, maxime quando gravis intercedit negligentia in quærenda veritate circa ea, ad quæ quis est obligatus scire, ut concors Doctorum sententia docet Secundò, qui tenetur scire, & potest scire consulendo libros, vel viros doctos, & negligit hoc facere, peccat ex ignorantia crassa, & lupina, & consequenter si fecerit contra legem prohibentem aliquid sub pena excommunicationis ipso facto, talem non evaderet pœnam; nam ignorantia non excusat in iis, quæ quis tenetur ex officio inquirere. Colligitur ex cap. ad Falsarium, de crimine falsi, & nonnullis relatis docet Fagnan. in cap. nullus, de Regul. nu. 47. Vide Sylvest. verb. Ignorantia sub nu. 10. & 13. Jacobum Mancinum præf. 4. dub. 9. vers. Dico tertio. Allozam in Sum. verb. Ignorantia n. 5. & 6. & alios.

1065 Inter. 23. Penitens illitteratus, seu idiota, potestne ab Episcopo promoveri ad Ordines minores, vel saltem ad primam Clericalem tonsuram?

Resp. Talis proculdubio irregularis est; nam irregularitas oritur etiam ex defectu scientiæ, ut docent communiter Doctores, teste Diana *part. 2. tract. 16. resol. 29.* & expressè patet ex cap. Illiteratus 1. 36. dist. ex cap. precipimus dist. 34. cap. 1. & cap. fin. de tempore ordinan. in 6. cap. omnes pœnitentes, cum pluribus seqq. dist. 38. habetur etiam ex Concil. Trid. sess. 23. cap. 4. Vide Navar. cap. 27. n. 205. Tolet. lib. 1. cap. 64. Mirandam in man. Prælat. tom. 2. qu. 8. art. 7. cap. 1. in princ. Consequenter nec

ad Ordines, nec ad primam Tonsuram promoveri potest, ut docet etiam Pax-Jordanus *tom. 1. lib. 1. tit. 19. n. 5.* ubi plures concordantes refert; & demùm Dian. *part. 4. tit. 2. resol. 74. in princ.* & est communis sententia.

1066 Inter. 14. Potestne Episcopus licitè ordinare, seu Ordines conferre alicui Clerico sæculari, si minùs sit litteratus, & scientiam sufficientem non habeat?

Resp. Pax-Jordanus *tom. 1. lib. 3. tit. 6. n. 243.* affirmativè respondet, modò tamen ordinetur dumtaxat ad inserviendum Choro, & Divinis Officiis, & ad Sacrum peragendum, & non ad curam animarum habendam; nam inquit ipse Doctor, minorem scientiam, & literaturam in illo sufficere, maxime in aliquibus Diocæsesibus, attenta maxime paupertate, Magistrorum paucitate, & quod pejus est, animis à studiorum laboribus abhorrentibus; & pro se citat Glof. in cap. 1. dist. 36. verb. Illiteratus, ubi dicitur: *Scientia undio-
cris sufficit, & probatur cap. cum nobis olim, jun-
cta Glof. de elect. verb. litteratus,* ubi agitur de literarum sufficientia in Episcopis requisita. Imò Glof. in dicto cap. 1. 36. dist. dicit quòd in Clerico non requiritur summa perfectio, & id probat ex lege sciendum, §. illud, de edilit. Et l. si quis venditor prodem itul. Advertit tamen idem Pax-Jordanus ubi supra n. 248. in fin. quòd sobriè, & magna cum circumspectione Episcopus se gerere debet in dicto casu; ideòque non nisi quando adest spes proficiendi, & non aliter, debet ordinare illum, quem minùs peritum invenerit, ne à Concil. dispositione recedatur in totum; nam ut plurimum Clerici sæculares semel ordinati, nil ampliùs addiscunt, nec studere ultrò procurant, ut sciunt Regulares, ut ipsamet experientia comprobatur, cum ex continuo convivio, & communicatione cum doctis in Religione satis instructi evadant, quam rationem etiam sufficientem ad ordinandum Clericum Sæcularem, docet Innocent. in cap. cum in cunctis de elect. nu. 1. Vide in tit. 213. de Subdiaconis, ad Inter. 1. Ego tamen me remitto ad ea, quæ dicam in tit. 180. de Regularibus, seu Religiosis ad Int. 58. in fine.

1067 Inter. 15. Potestne Episcopus, vel Parochus à matrimonio arcere, qui fidei rudimenta nesciunt?

Resp. Statuere impedimenta matrimonii, non ad Episcopum, sed ad Summum Pontificem spectat; consequenter non potest Episcopus, præsertim ad longum tempus, id prohibere, seu à matrimonio contrahendo arcere qui Christianam doctrinam ignorant, aut saltem

tem Orationem Dominicam, Angelicam Salutationem, Symbolum Fidei, & Decalogi præcepta, ob ingenii tarditatem, memoria non retinet; nam hoc esset novum impedimentum inducere. Expedit tamen illos suaviter absque vi, bono modo, & prudenti ratione ad breve tempus impedire; ut sic addiscendæ doctrinæ curam habeant. Vide Sanchez de matrim. tom. 1. lib. 3. disp. 1. §. n. 19. Homobonum de Bonis in Exam. Eccles. part. 3. tract. 1. §. 1.1. qu. 33. resol. 3. quibus adscriptur Diana par. 4. tract. 4. ref. 85. & etiam ego libenter ad hæreo.

1068 Inter. 16. Possuntne salvari illi homines, qui cum nihil audierint de fide Evangelica, invincibiliter ignorant legem Baptismi, & alia Christianæ Religionis mysteria, quæ debent scire necessitate mediæ?

Resp. Dico primò, secundum fidem catholicam neminem salvari posse sine Baptismo re, vel voto suscepto: Nam Conc. Trident. sess. 6. de justificatione cap. 4. definit, quod prima iustificatio impii, post Euangelium promulgatum, sine lavacro regenerationis, aut ejus voto fieri non potest. Damnum quoque Pelagii dogma fuisse, docentis parvulos sine Baptismo habere vitam æternam, liquet ex Epistolis 89. 90. 91. & 92. apud S. P. August. Et in lib. primo de peccatorum meritis cap. 40. Dico 2. juxta doctrinam D. Thom. 2. 2. qu. 10. art. 1. in corp. illos, qui nihil audierunt de fide, ac proinde invincibiliter ignorant legem Christi, damnari non propter legis Christi ignorantiam, sed propter alia peccata ab ipsis commissis contra legem naturæ, quæ sine fide Christi remitti non possunt. Dico 3. cum Navar. in Man. cap. 11. n. 22. peccare mortaliter, qui deliberatè credit quemcumque infidelem, si bene moraliter vixerit, posse in sua secta salvari: Imò addo, sic credentem esse hæreticum, ut constat ex principio, & sine Symboli S. Athan. & in Concil. Generali Lateranen. celebrato tempore Innoc. III. ut habetur in cap. firmiter, de Sum. Trin. Et fide Casbol.) definitur sic: Una est fides Universalis Ecclesiæ, extra quam nullus omnino salvetur.

1069 Inter. 17. Qui errat in fide, & in foro externo allegat ex ignorantia errasse, estne ei credendum?

Resp. Nequaquam est illi credendum, præsertim si error commissus sit circa illa, quæ quis ex officio, vel quæ passim, & communiter illius conditionis homines scire tenentur. Unde Soufa in Apbor. Inquisit. lib. 1. cap. 12. n. 14. Castropalao tom. 1. tr. 4. punct. 5. nu. 5. & alii penes ipsum dicunt, quod Sacerdos, & alii viri docti errantes in articulis fidei, &

præceptis Decalogi, ex malitia presumuntur errare, non autem ex ignorantia. Concludendum est tandem cum Simanca apud Dian. part. 4. tract. 7. ref. 36. vers. prima opin. quod nullus Christi. excusari possit prætextu ignorantie, si erraverit in articulis fidei, vel in præceptis Decalogi, vel in aliis veritatibus divulgatis, & quas quis scire debet: sed longe magis inexcusabiles sint peritiores, & acutiores. Sed de tali dubio vide omnino Dianam, qui rectè plura congerit ad intentum.

1070 Inter. 18. Quenam ignorantia excusat ab hæresi, & consequenter à pertinacia?

Resp. Jam docui in tit. 70. de differentiis ad Inter. 3. quanam sit ignorantia culpabilis, seu voluntaria, ac etiam talem ignorantiam triplicem esse, scilicet crassam, supinam, & affectatam. Dico hic igitur, quod ignorantia affectata contingit, quando quis ex industria vult aliquid ignorare; crassa verò, & supina, quando quis non ex industria, & proposito, sed ex quadam negligentia ignorat ea, quæ potest, & debet scire. Prior ignorantia est directè, & formaliter volita; posterior autem indirectè, & virtualiter; sed utraque est vincibilis, & culpabilis. Hoc ergo prænotato, respondeo ad præsentem difficultatem, & dico, quod Doctores inter se decertant in assignando, quanam ignorantia excuset ab hæresi, & per consequens à pertinacia. Aliqui enim putant ignorantiam crassam, & supinam non excusare, quia ignorantia culpabilis non excusat ab aliis peccatis, ergo neque ab hæresi. Ita docent Lorca in 2. 2. D. Thom. qu. 11. art. 2. disp. 4. nu. 15. Toletus lib. 1. c. 19. nu. 2. & alii plures, quos refert, sed non sequitur Diana part. 4. tr. 7. ref. 36. vers. prima opinio; nam ipse ibidem vers. tertia opinio, pluribus relatis, tenet, non solum ignorantiam crassam, & supinam, sed etiam affectatam excusare ab hæresi: sed hoc intelligit, quando quis affectet, seu eligat nescire res Fidei, non ut liberius erret in fide, sed ex tædio, & negligentia addiscendi, vel ob aliam causam, quæ tamen non sit error voluntarius cum pertinacia, ita ut velit errare in fide, nec velit obedire Ecclesiæ: nam ignorantia affectata potest contingere etiam ex falsa opinione contra Ecclesiam, & est, quando quis putat parvi momenti esse ea, quæ in Ecclesia creduntur, & proponuntur: & hoc modo non excusaretur ab hæresi, cum ex illa falsa opinione affectaret ignorantiam; consequenter postquam commisit aliquem errorem contra fidem, proculdubio esset hæreticus. Vide Bonac. de cens. disp. 2. quæst. 4. punct. 1.

punct. 1. num. 7. Dianam ubi sup. & in hoc tit. ad quæst. 3.

1071 Inter. 19. Ignorantia crassa, supina, vel affectata, potestne unquam excusare à poenis à lege impositis contra transgressores ejusdem legis?

Resp. Quando poenæ sunt impositæ contra scienter aliquid facientes, vel præsumentes facere; plures Doctores dicunt, ignorantiam crassam, seu supinam excusare transgressorem à poenis, quia verè non dicitur scire, vel præsumere, qui facit aliquid ex ignorantia crassa, vel supina. Ignorantia enim excludit scientiam, & præsumptio importat dolum, & temeritatem; & ita docet Pontius de matrim. lib. 10. cap. 6. n. 10. Sanch. tom. 3. de matrim. lib. 9. disp. 32. n. 31. Avila de conf. p. 1. cap. 6. disp. 10. dub. 6. Molina, & alii, quos refert, & sequitur Diana p. 3. tr. 5. resol. 13. vers. Notandum est; & p. 5. tract. 9. ref. 17. Imò Bonac. alique plures dicunt hoc esse verum, etiam si quis operetur cum ignorantia affectata, scilicet quando nullam diligentiam adhibuit ex malicia ad liberius peccandum. Vide Bonac. de censur. disp. 1. q. 3. punct. 1. n. 11. & 12. & disp. 2. q. 5. punct. 4. num. 9. & tom. 3. de conf. in Bulla Cæna, disp. 1. q. 2. punct. 4. nu. 9. Dian. p. 3. tr. 6. ref. 7. & alios apud ipsos. Vide etiam quæ dixi in tit. 6. de absol. ad refer. ad Inter. 4. ubi hoc non approbavi; sed limito hanc sententiam, nisi ignorantia crassa non sit conjuncta cum ingenti temeritate, quia tunc censetur adesse scientia, & non excusat transgressorem à poena; quod quidem est valdè notandum.

1072 Inter. 20. Cajus quadam die in itinere dubitabat, utrum adesset præceptum de jejuniis, & post longum examen, perseverante dubio, comedit carnem; post hoc idem Cajus incidit in Titium, qui rogatus affirmavit (sub dubio tamen) adesse præceptum. Cajus verò hoc idem negans, invitavit Titium ad ludum hujusmodi: Eamus, inquit, in Urbem, & si adesset præceptum jejunii, ego dabo tibi centum: sciebat tamen Cajus latuisse legem aliquando prohibentem hujusmodi ludos, sed credebatur in præsentem esse abrogatam; & quidem lex illa vetabat tales ludos sub poena pecuniaria, quod tamen Cajus id nunquam sciverat. Queritur ergo primum? secundò fecitne Cajus contra legem, quam putabat per ignorantiam abrogatam? tertio teneturne ad poenam, cum nihil sciret de illa?

Resp. Primò, Doctores docent, quòd si facta debita diligentia quis adhuc dubitet, an

hodie sit dies jejunii, non teneatur jejunare, cum possessio non sit pro præcepto jejunii, sed pro libertate illius dubitantis. Tamen hoc est intelligendum, si practice, & cum ratione sufficienti hic, & nunc deponat dubium, cum ad rectè operandum requiratur judicium practicum moraliter certum, ut bene observat Laym. lib. 1. tract. 1. c. 5. §. 1. n. 3. & alii; aliàs non erit tutus in operando, & acproinde peccat, cum se exponat periculo peccandi. Vide Lezanam tom. 2. verb. Dubia Reg. n. 3. Bon. de legib. disp. 2. q. 3. punct. 7. n. 3. Unde quia Cajus perseverante dubio comedit carnem, ideò mortaliter peccavit, operando practice cum dubio de peccato; quod quidem nunquam licet. Vide Cajetan. in Summ. verb. Periculosa peccandi. Resp. 2. non fecisse contra legem, nisi materialiter, quia ignorantia excusavit eum, dum bona fide credebatur, legem fuisse abrogatam, vel non usu receptam, nec de hoc dubitabat, quamvis in foro contentioso talis ignorantia non præsumatur, nisi probetur. Resp. 3. In foro conscientie ad poenam illum non teneri, neque in foro fori ante Judicis sententiam; nam sicut ignorantia legis excusat à transgressione, ita etiam excusabit à poena: res enim, quæ culpa caret, in damnum vocari non convenit. Imò justa credulitas à poena legis humane excusat, ut inter alios docet Em. Sæ. v. r. poena nu. 11. Ergo Cajus in foro poli ad illam poenam non tenetur; imò neque in foro fori, si aliquo modo, vel saltem juramento, ejus ignorantiam probaverit; dummodò præsumptio aliqua contra illum non urgeat, quia tunc ejus non crederetur juramento, sed conjecturis, si aliquæ essent in contrarium. Quòd autem ignorantia in foro externo juramento probari possit, docet Sylv. verb. Lex n. 7. & alii allegatis probat etiam Diana p. 9. tr. 4. ref. 42. sub vers. Unde ex his; & p. 10. tract. 12. ref. 4. & ego obiter dixi ad Int. 6. hujus tituli; & concordat Bonac. tom. 2. de legib. disp. 2. qu. 8. punct. 3. n. 13. Cæterum in foro conscientie standum est dicto prænitentis, tam pro se, quam contra se, ut firmavi in tit. 42. de Confessariis ad Int. 10.

Quæ. 1. An qui per ignorantiam invincibilem dixit, aut fecit aliquid contra fidem, si cognito errore accedat ad simplicem Confessionem, possit ab eo absolvi?

Resp. Ignorantia invincibilis sine dubio excusat ab hæresi, & pertinacia, quia cum illa involuntaria sit, imputari non potest ad culpam. Unde S. P. Augustinus in Epist. 48. sic habet: *Porro tot gentium populos ipsa ignorantia ostendit innocentes.* Et contra Creconium

nium *cap. 26.* ait: Si enim conscientia propterea lædi non potuit, quia nescivit, nunc incipit lædi. Ergo ignorantia inculpabilis, seu invincibilis, excusat ab hæresi incurrenda, præsertim in foro conscientiae, ut ex communi docet Bordon. in *Sac. Tribunal. cap. 9. sect. 2. q. 6. n. 33.* quem citat D. meus Dandinus de *Susp. de hæresi cap. 1. sect. 6. n. 64.* Et ratio est, quia qui ignorantia invincibili ductus, facit aliquid contra fidem, non habet voluntatem contradicendi doctrinis Ecclesiae, ut habet S. Thomas 2.2. q. 10. *art. 2.* idè qui ignoranter errat contra fidem, sed est paratus Ecclesiae Romanae obedire, & credere id, quod illam credere intellexerit, coram Deo non est hæreticus, neque excommunicatus, & sic poterit à quolibet Confessario absolvi. Vide *cap. damnatus de Summ. Trin. Navar. in man. cap. 1. r. n. 22.* Sylvestrum *verb. hæresi 1. n. 6.* Em. Sà eodem *verb. sub num. 1.* Tolet. *lib. 4. cap. 3. num. 4.* Cajet. in *summ. verb. excommunicatio cap. 1.* Quando igitur homo errat non ex proprio defectu suo, non est hæreticus: nam ut ait S. P. Augustinus, quem refert Sylvestr ubi *sup.* non efficitur infidelis, nisi volens; unde in ratione hæresis includitur electio falsitatis, quæ electio importat liberam inclinationem voluntatis; sed qui errat per ignorantiam invincibilem, non habet voluntatem contradicendi doctrinis Ecclesiae, maxime si erit vir rusticus, vel indoctus circa ea quæ scire non tenetur, vel scire non potest, nimirum esse contra traditiones Apostolicas, vel cõtra determinationem Ecclesiae id quod fecit, aut dixit; ergo non solum non est hæreticus, sed neque peccat. Quando verò quis errat circa ea quæ scire tenetur de necessitate mediæ, ut sunt articuli fidei, qui continentur in Symbolo Apostolorum, & inter Catholicos publicè solemnizantur, ignorantia illum quidem excusat ab hæresi, & pertinacia, sed non à peccato mortali. Idèò videnda sunt quæ dixi *cir. 94. de Fide, ad Ins. 1. & 2. ne Confessarii fallantur.*

Quer. 2. An hæreticus ignorans excommunicationem, in illam incurrat? & an possit à quolibet Confessario absolvi?

Rsp. Novissimè hanc quæstionem movet A. R. P. Augustinus Lucensis in sua Cautela Confessarii, edita hic Romæ anno 1704. Vir quippè ob plures, ac eruditos codices, non solum Urbis, sed etiam universo Orbi celebris; & ad quæsitum negativè respondet *loco cit. lib. 1. cap. 8. propos. 12. nu. 9.* ait enim, quòd ad incurrendam censuram sat est, quòd quis sit pertinax, & hæresim internam externè manifestet. Verùm oppositum tueretur Sanch. in

Summ. tom. 1. lib. 2. cap. 8. nu. 5. & de omni excommunicatione ob quodvis delictum probat *tom. 3. de Matrim. lib. 9. disp. 32. nu. 13.* & huic sententiæ se subscribit Diana *part. 5. tract. 13. resol. 18.* Imò hoc esse verum putat, non solum quando poenitens ignorantia invincibili, sed etiam quando culpata vincibili laborat, dummodò non sit crassa, & lupina: & ratio est, quia posita tali ignorantia excommunicationis, in eam delinquens non incurrit: ergo poterit à quolibet Confessario absolvi. Et hæc sententia mihi valdè probatur, quia non quodlibet peccatum mortale sufficit ad incurrendas censuras, sed requiritur peccatum mortale, quod habeat rationem contumaciæ: quæ contumacia non datur quando quis ignorantia invincibili laborat, aut quando fecit aliquid diligentiamilicet non moraliter sufficientem: ergo non potest incurere poenam, quæ imponitur contra contumaces, seu inobedientes, ac per consequens sequitur, quòd etiam ignorantia mortaliter culpabilis facti prohibiti, poterit à poena excommunicationis delinquentem excusare; ad excommunicationem enim requiritur scientia, & contumacia, ut concors Doctorum sententia tenet. Nec relevat, si dicatur adhuc huiusmodi delinquentem esse contumacem, quia sciens, & volens, vultovere errorem contra Ecclesiam Romanam. Quia aliud est, quòd quis habeat pertinaciam peccandi, atque adeò non excusetur à culpa, etiam contra fidem; aliud verò, quòd habeat contemptum clavium Ecclesiae, & in præceptum peculiare censuræ inobediendo specialiter inobedientia delinquit. Hoc secundum ad incurrendam censuram requiritur, sicut benè idem D. Augustinus Mattheus affirmaverat *n. præcedenti*, quia excommunicatio est poena, nedum delinquentis quocumque modo, sed contemnentis claves Ecclesiae, quæ sunt in ligando, saltem monitum ipso iure, quòd separabitur à communione Ecclesiae, nisi se corrigat. Nec etiam est eadem ratio de simplici reservatione, quæ afficit etiam ignorantem illam, cum sit suspensio facultatis Confessarii; & de excommunicatione, quæ est poena afficiens directè delinquentem, modo prædicto, quæ non cadit in ignorantem, ut dixit etiam idem Auctor *loc. cit. n. 8* & est quidem communior sententia. Et tandem est sententia satis probabilis, (cum simus in foro poli, in quo cessat præsumptio, & sola veritas attenditur) quòd tam ignorantia juris particularis Episcoporum, quàm juris universalis Ecclesiae, scilicet Papæ, excuset ab excommunicatione à iure imposita. Vide ergo quæ dixi *in hoc cit.*

ad Inter. 2. & 3. & Doctores ibi relatos, & præfertim Dian. part. 9. tract. 6. ref. 13. qui pluribus allegatis hanc nostram sententiam sustinet, & merito. Quod autem possit dari hæc ignorantia non solum in Regno Hispaniarum, sed etiam ubique, apud me est indubitatum, ideoque non admitto id quod docet Hurtadus de Mendoza apud Dianam in prim. loc. citat. sed dico, quod tam in Hispania, quam alibi, posita ignorantia, de quo locuti sumus, (quæ utinam non daretur) excusat delinquentem ab excommunicatione, quæ est annexa casibus Pontificiis, atque adeo poterit absolui à quocumque Confessario habente jurisdictionem in peccata mortalia huius rei, qui in tales casus est lapsus. Vide iterum Dian. part. 5. tract. 9. ref. 10. ubi plura ad intentum.

Quar. 3. An censendus sit hæreticus, qui ex ignorantia crassa, seu supina, errat contra fidem, modò sit paratus corrigi, cognita veritate, & quid dicendum sit de ignorantia affectata?

Resp. Hoc in primis est certum, quod ignorantia crassa, & supina, est, quando quis non ex industria, & proposito, sed ex quadam negligentia ignorat ea, quæ potest, & debet scire; at ignorantia affectata est, quando quis ex industria vult aliquid ignorare; & quamvis utraque sit vincibilis, & culpabilis, tamen affectata est directè, & formaliter voluntaria; nam crassa, & supina solum indirectè, & virtualiter: hoc ergo prænotato, docent nonnulli, ignorantiam crassam, & supinam non exculare ab hæresi, & per consequens à pertinacia. Ita Toletus lib. 1. c. 19. n. 2. Sayrus de cens. lib. 1. cap. 14. nu. 15. & alii plures apud Dianam part. 4. tract. 7. refol. 36. Alii vero, quos refert & sequitur idem Diana, absolute tenent, nullum errantem contra fidem ex ignorantia crassa, esse hæreticum. Et ratio est, quia de ratione hæresis est, ut quis erret in fide, sciens se credere, & opinari, vel dubitare (nam dubium in fide reducit ad hæresim) contra communem sensum Ecclesiæ; sed qui habet crassam ignorantiam circa communem sensum Ecclesiæ, non errat, sciens se credere, & opinari, vel dubitare contra communem sensum Ecclesiæ: ergo non est hæreticus. Deinde hæresis est error voluntarius cum pertinacia contra veritatem fidei: sed qui errat in rebus fidei ex ignorantia crassa, & est paratus obedire, & corrigi, cognito errore, non dicitur habere voluntarium errorem cum pertinacia: ergo &c. & licet talis error sit voluntarius in causa, & culpabilis, tamen non habet gravitatem hæresis, quæ consistit in voluntario errore cum pertinacia

contra definitionem Ecclesiæ. Ita pariter docet Bonac. som. 1. disp. 1. q. 1. pun. 4. n. 6. Imò in foro conscientie communis sententia docet, non solum ignorantiam crassam, & supinam, sed etiam affectatam excusare ab hæresi, quando quis affectat, seu negligit scire se fidei, non ut liberius erret in fide, sed ex tædio, & negligentia addiscendi, uel ob aliam causam; nam licet offendat Deum tanquam culpabiliter ignorans, tamen non est verus hæreticus, quia non dicitur errare cum pertinacia, cum sit paratus corrigi ab Ecclesia, ne quidquam sentire velit contra Ecclesiæ definitionem. Vide Bonac. & Dianam locis cit. qui Dianam etiam argumentis contrariis respondet, & hanc sententiam communem, & probabiliorum vocat, eamque pluribus allegatis sustinet Illustrissimus Dandinus in suo eruditio volume de suspens. de bar. prædicinare 14. nu. 13. & 15. & huic sententiæ iterum me subscribo, quia hæresis non est peccatum, sed error intellectus cum pertinacia, quæ in casu nostro non adest. Vide ergo in hoc tit. ad Int. 18 ubi egi de tali dubio, & hanc sententiam docui.

TITULUS CVII.

De Illegitimis.

Vide tit. Filii. Eccl. Int. ult. tit. de Episc. Eccl. Int. 33. tit. de Res. ad Int. 1. 3. 4.

1073 **I**Nter. 1. Teneturne filius credere Matri conjugatæ dicenti, eam esse de adulterio natum?

Resp. Communis sententia docet, non teneri Matri id asserenti credere, quamvis in fine vite illa cum juramento confirmaret, nisi circumstantiæ valde urgerent, aut rationibus conuincatur, ut i. v. g. conceptus fuit marito absente, &c. Multo minus tenetur filius credere dicto Patris, quia non ita certus est, ac Mater. Imò Panormitanus in cap. per tuas de probat. vult non teneri credere, etsi uterque parens dicat, nisi testimonia, aut indicia sufficientia adducant. Vide Tolet. lib. 5. cap. 21. sub num. 4. Emm. Sà verb. Adulterium sub num. 3. Bonac. de matrim. quest. 4. punct. 15. num. 21. & de censur. disp. 7. qu. 2. punct. 3. num. 5. Dianam part. 4. tract. 2. ref. 59. verb. Notandum est; Allozom verb. Irregularitas scilicet. 4. num. 43. & Moronum resp. 66. num. 29. qui latè, & perdoctè hanc sustinet sententiam, & plures concordantes refert: Imò Diana ubi supra asserit ex Mercero, neminem debere se reputare illegitimum propter aliquem rumorem, & infamiam; quia hæc non indu-

cunt sufficientem probationem, & prævalet possessio bonæ fidei cum iusto titulo matrimonii, nisi probabilis sit conjectura in contrarium; addo ego.

1074 Inter. 2. Illegitimus estne capax pensionis?

Resp. Minimè, quia illegitimus est irregularis, & licet pensio non sit beneficium, nihilominus non datur irregulari sine dispensatione. Emmanuel Sà verb. *Pensio* num. 6. Thefaurus in praxi par. 2. cap. 2.

1075 Inter. 3. Si illegitimus fuit dispensatus ad Ordines, sitne capax pensionis, vel requiritur alia dispensatio?

Resp. Dicunt nonnulli apud ipsum Thefaurum loc. cit. illegitimum non esse incapacem pensionis, nisi ratione defectus ad Clericatum, excepta pensione super Beneficio Patris, ex Trid. sess. 25. cap. 15. & ita Rotam decidisse coram Buratto testantur: Alii verò dicunt, decisionem Rotæ nullius roboris esse in dicto casu, quia stylus Datarie, & Cancellarie, cui magis standum est, tanquam magis Papæ favorabili, est in contrarium. Vide Garziam de Benef. tom. 1. part. 1. cap. 5. num. 120. apud Dianam par. 8. r. 3. ref. 39. At ego cum Castro Palao tom. 2. de Relig. tract. de Benefic. disp. 1. pun. 11. §. 3. num. 5. hanc posteriorem sententiam probabiliorē puto.

1076 Inter. 4. Monialis, quæ non est de legitimo thoro nata, potestne eligi in Abbatissam, vel Priorissam, absque ulla dispensatione?

Resp. Doctores, prout video, inter se valde decertant circa quæsitam responsionem, ut videre licet apud Sanchez in summ. tom. 2. lib. 5. cap. 1. num. 19. & 20. & Lezanam tom. 1. part. 1. cap. 26. num. 6. Dianam par. 3. tract. 2. resol. 101. & Barbosa in collect. ad Tridentinum sess. 5. de Regul. cap. 7. num. 2. & pro utraque parte referunt Sac. Congregationis decisionem. Ego tamen sentio cum illis, qui asserunt, illegitimam non posse, absque dispensatione Papæ, seclusis Religionum privilegiis, esse Abbatissam, vel Priorissam, ut docet Sanchez loco cit. Barbosa de potest. Episc. par. 3. alleg. 100. num. 13. Suarez de censuris tom. 5. disp. 50. sect. 5. num. 15. Castellinus de electione cap. 17. nu. 5. Aldanus in compend. can. resol. lib. 1. tit. 28. num. 10. Tamburinus de iure Abbatissarum disp. 28. quæst. 21. Non nego tamen cum Sanchez ubi sup. num. 20. & Diana loco cit. posse Superiores Regularium, ut statim dicam, in dicta illegitimitate dispensare. Vide Sanchez, & Portellum in dub. Regul. verb. Abbatissa num. 6. quia Sixtus V. loquitur de viris tantum. Unde Generales, & Provinciales

Ordinum Mendicantium possunt dispensare cum Monialibus sibi subditis, ut non obstant hoc vitio possint esse Abbatissæ, vel Priorissæ, ut docet etiam Rodriguez tom. 1. qu. 13. art. 22.

Quæst. 1. An illegitimus ingrediendo Religionem possit absque dispensatione ad omnes Ordines, & dignitates Religionis promoveri? & an idem dicendum sit de Exposito?

Resp. Ex communi consensu Doctorum, irregularitas ex defectu natalium tollitur per professionem solemnem Religionis quoad omnes Ordines suscipiendos, non autem quoad Prælaturas intra Religionem, vel extra eam obtinendas: habetur ex cap. 1. & cap. final. de filiis Presbyterorum, & docent duodecim Doctores, penes Dianam par. 5. tract. 2. resol. 65. qui testatur de communi. Hanc sententiam docet etiam Sylvester verb. illegitimus nu. 8. Tolet. lib. 1. cap. 68. in fine, Em. Sà verb. irregularitas sub num. 9. & novissimè P. Rotarius in Appar. Theol. moral. part. 3. cap. 10. sect. 2. sub num. 8. qui etiam putat, quod illegitimus possit promoveri ad Prælaturas Religionis, Generalatu, aut prima dignitate excepta. Sed ego omnino necessariam esse puto dispensationem, quam secundum Dianam concedere possunt Prælati Regulares in capitulo Generali, vel Provinciali, suis subditis illegitimis, propter privilegia, de quibus loquuntur Villalobos, Portellus, & Barbosa, apud Dianam loc. cit. Imò ipse Diana par. 10. tract. 9. per totum, asserit, posse etiam Generales Religionum Mendicantium, Monachalium, & aliarum, cum sibi subditis illegitimis dispensare, non solum ad Prælaturas inferiores, sed etiam ad Generalatum, propter diversa privilegia à Summis Pontificibus concessa Religionibus, cui se subscribunt nonnulli celebres Theologi, ut videre licet apud ipsum loc. proxime cit. ubi latè, ac doctè de hac tractat difficultate. Vide etiam Lezanam tom. 1. part. 1. cap. 8. num. 60. Ego enim brevitate amplector, præsertim quia mala valetudine laboro. Tamen puto, solum Papam posse dispensare cum illegitimo, ut sit Generalis Religionis, quia tanta est Generalatus dignitas, ut valde deceat, ad tale officium assumi, vilem personam, & quadam juris infamia notatam; à Prælato enim, præsertim supremo, longè quælibet abesse debet occasio contemptus ob bonum publicum, cap. fin. disp. 63. Ideoque non sufficit adducere privilegia communia, quibus datur facultas Religionibus, vel Prælato earum, dispensandi cum talibus; sed in cœcensione facta à Pontificibus debuisset exprimi, & ex-

& expressa fuisset conditio officii Generalatus, si Pontifices voluissent, quod Superiores regulares possent dispensare illegitimo ad tantum officium; verissimum est namque illud Juris arioma, *lex si voluisset, expressisset*: Quare si dicta privilegia sunt indefinita, mihi sane non videtur tuta in praxi hæc opinio Dianæ, cum privilegia non sint amplianda, sed strictè interpretanda, quando sunt contra jus, ut minus juri communi derogent, *cap. cum dilectus de consensu*. Ita docent Sylvest. *verb. privilegium quest. 3. Armilla eodem verb. nu. 5. Miranda tom. 2. quest. 4. art. 6. & alii*. Unde si Papa dispensat cum illegitimo, ut possit effici Clericus, non per hoc poterit promoveri ad Sacros Ordines, quia est in materia odiosa; idèd solum ad minores promoveri poterit. Pan. in *cap. si quisquam de cohab. cler. & Mulier*. Item legitimatus à Papa ad dignitates, non est legitimatus ad Episcopatum, & majores dignitates, sed ad inferiores, ut ex Glof. & Host. docet Armilla in *verb. Legitimus sub num. 8. Ergo &c.* Tandem quoad Expositos, licet P. Rotarius ubi suprà dicat, præsumendos esse illegitimos, & consequenter irregulares, tamen communis sententia Doctorum docet oppositum, ut videre est apud Dianam *par. 2. tract. 14. ref. 22. Et par. 4. tract. 2. ref. 68. Allozam in summ. verb. Irregularitas sect. 4. num. 44.* qui testatur de communi, Moronum *Resp. 66.* qui perdoctè ad argumenta contraria respondet. Undè cum hæc opinio sit magis communis, & probabilior, ut asserit idem Diana *par. 10. tract. 16. ref. 96.* plures concordantes allegans; idèd eam alibi docui, & ab ea recedendum non esse puto, quia præsumptio, qua cèsetur illegitimus, in nullo jure fundatur; sed præsumptio, qua probatur legitimus, ex jure naturæ deducitur, cum quilibet sit in possessione famæ, & bonus semper præsumatur, atque honestus, & legitimus, aliter sit ei injuria. Merito igitur Greg. XIV. in quadà Bulla pro Confraternitate Expositorum S. Spiritus in Saxia ann. 1591. declaravit, Expositos esse reputandos tanquam legitimos, & puri sanguinis omnes ordines, & præbendas obtinendas, ut multi testantur Authores penes eundem Dian. loc. cit. Ergo Expositi, si remaneant in sæculo, si Religionem ingrediantur, nulla indigent dispensatione pro obtinendis beneficiis, vel dignitatibus, sicuti ea indigent, qui revera sunt illegitimi, & nullo modo dubitatur, siquidem irregularitas non est admittenda, nisi jure exprimat, sed expositi nullo jure decernuntur illegitimi: ergo censeri non debent irregulares. Vide pro hac nostra sententia Lezanam

tom. 3. verb. Illegitimi num. 15. 16. & 17. apud quem alia plura possunt haberi circa hanc difficultatem, & huic nostræ sententiæ favet etiam Bordonus in *conf. Regul. tom. 1. ref. 12. nu. 55. Vide in tit. 83. Int. 35.*

Quer. 2. An irregularitas incuratur ab illegitimo, quamvis sit occultus, & quis possit cum eo dispensare?

Resp. Illegitimum, quantumvis occultum, & communiter in foro exteriori legitimum reputatum, in foro conscientie incurere irregularitatem, & verè irregularem esse, asserunt Doctores communiter, quia in *cap. 1. Et fin. de filiis Presbyterorum in 6.* nulla fit distinctio de publico illegitimo, vel occulto. Ita Navar. in *man. cap. 27. num. 205. Layman lib. 1. tract. 5. par. 5. cap. 5. num. 1. Bonac. tom. 1. de censur. disp. 7. qu. 2. punct. 3. num. 2. & alii plures, quos refert, & sequitur Diana *par. 10. tract. 13. ref. 30. vers. sed ego*, quibus ego addo Sylvestrum *verb. illegitimus num. 2. Tolet. lib. 1. cap. 58. num. 1. Lezanam tom. 3. verb. illegitimus num. 7. Rotarium in Appar. Theol. Moral. par. 3. cap. 12. sect. 2. num. 8. & est communis sententia, ut dixi*. Itaque omnes, qui ex illicito concubitu, tam occulto, quam publico, nati sunt, ratione irregularitatis, quam ex defectu natalium incurrunt, nequeunt sine dispensatione ab Ordine promoveri. Verùm est tamen, quòd ab Episcopo dispensari possunt quoad Ordines minores, & ad simplex Beneficium obtinendum, ut dixi in *titul. de Episcopatu, & Episcopis, ad Inter. 34.* Quoad Ordines verò majores, Beneficium curatum, & cæteras dignitates, solus Papa cum eis dispensare potest. Verùm ne quis se infamare cogatur apud Summum Pontificem, faciliè recurrere poterit ad Em. Cardin. Majorem Pœnitentiarium, ut per officium Sac Pœnitentiariæ secum dispensare dignetur; & sic occurrere potest illi periculo se, & Parentes infamandi: quare non placet id, quod ex aliis docet Diana *par. 4. tract. 2. ref. 64.* nempe posse promoveri ad Ordines, urgente gravi necessitate, absque dispensatione, vel posse Episcopum cum eo dispensare &c. Videatur quæso Diana *loc. cit. Et par. 10. tra. 11. ref. 24.* ubi plura ad intentum haberi possunt. Placet tamen id, quod ex Mercero docet ipse Diana *dicta par. 4. tract. 2. ref. 60. & Lezana, ubi supra num. 16.* scilicet, neminem debere se reputare illegitimum propter aliquem rumorem, & infamiam, quia hæc non inducunt sufficientem probationem, & prævalet possessio bonæ fidei cum justo titulo Matrimonii. Vide Præfatos Authores, & ea, quæ dixi in *hoc tit. ad Int. 1.* Imò filius nec Matri dicenti*

credere tenetur, nisi adfint conjecturæ in contrarium.

TITULUS CVIII.

De Impedimentis dirimentibus Matrimonium.

Vide tit. de Affin. 3. 4. tit. de Cog. Matr. dirim. tit. de Episcop. C. Int. 38. tit. de Fornic. Int. ult. tit. de Ignor. Inter. 11. tit. de Maribun. C. Inter. 8. tit. de Sac. Matr. Int. 13. 14. 15. 16. 17. 19. tit. de Val. Sac. Matr. Inter. 1. 2. 8. 9. 10. 11. 12. 13.

1077 **I**nter. 1. Quæ, & quot sunt impedimenta, quæ non solum impediunt, sed etiam dirimunt Matrimonium?

Resp. Sunt quatuordecim, quæ omnia his verbis continentur.

Error, conditio, votum, cognatio, crimen, Cultus disparitas, vis, ordo, ligamen, bonestas.

Si sit affinis, si foris coire nequibus, Si Parochi, Et duplicis debet presentia Testis, Raptusque sit mulier, nec Parti reddita tuta: Hac facienda vetant connubia, facta retrahunt.

Ita Bonac. de matrim. qu. 3. pun. 1. num. 9. Tolet. lib. 7. sub num. 1. Em. Sæ verb. Imped. dirim. & alii communiter.

1078 Inter. 2. Si Parochus in confessione novit aliquem habere impedimentum Matrimonium dirimens, potestne ei denegare matrimonium, vel quid facere debet in tali casu?

Resp. Nequaquam potest illi denegare matrimonium propter impedimentum in confessione cognitum, aliàs esset fractor sigilli confessionis; debet igitur ipsum pœnitentem intra confessionem admonere, ne contrahat; si verò jam parata sint omnia ad nuptias, nec adest alia via euadendi infamiam, vel suspicionem gravis delicti in confessione manifestati, potest Confessarius uti tali remedio, ut sponsus voueat castitatem ad mensem, deinde dicat sanguineis, aut etiam aliis, se voto castitatis obligatum, subique à Confessario mandatum esse, ut à Matrimonio abstineat, donec obtineatur à Sede Apostolica dispensatio; debet tamen cauere, ne dicat, votum esse ad tempus, ne audientes possint dicere quoddam sufficere Episcopi dispensationem; nam tunc dictum remedium nihil valeret. Ita in terminis docet Bonac. de matr. q. 3. pun. 15. nu. 6. vers. Sed observa, ex aliis ibi citatis. Vide Sanchez de matr. tom. 2. lib. 2. disp. 40.

1079 Inter. 3. Teneturne Confessarius monere Pœnitentem, quem ob impedimentum latens novit invalide contraxisse Matrimonium?

Resp. Si Confessarius intelligat Pœnitentem laborare ignorantia invincibili, vel saltem mortaliter non culpabili, & arbitretur admonitione non secuturum esse fructum, sed potius scandala, graviusque incommoda, rixas, inquietudinem &c. dissimulare, & Pœnitentem in bona fide relinquere debet, quia si Pœnitens antea non peccabat, peccaret postea malæ ratione conscientia: Ita docet Sanchez lib. 2. de matr. disp. 38. nu. 2. Laym. lib. 5. tra. 6. cap. 13. num. 6. Bonac. de matrim. quest. 3. punct. ultim. num. 4. Diana part. 3. tract. 4. resolut. 8. qui testatur de communi, Gabrin. part. 2. cap. 6. pag. 129. & alii plures penes ipsos. Si verò Populus huiusmodi impedimentum sciret, & scandalum fumeret; quamvis admonitio non esset profutura, nihilominus Confessarius teneretur in tali casu Pœnitentem admonere, quia bonum commune est anteponendum bono particulari, ut optime docet Cardin. de Lugo disp. 22. de panis. num. 24. Bonac. loc. cit. & alii apud illos. Quando autem speratur admonitio profutura sine gravi scandalo, vel detrimento majori pœnitentis, cuius majus bonum procurare debet Confessarius; certo Pœnitentem admonere tenetur, licet ignorantia invincibili detineatur. Tandem si Pœnitens ignorantia vincibili, & mortaliter culpabili labore, utique Confessarius tenetur illum monere, etiamsi ex admonitione nullus speretur fructus, vel etiam scandali periculum, subsistat, quia si dissimularet, nec Pœnitenti, nec Sacramento consulere, ut rectè inquit Gabrin. loc. cit. Quæ omnia sunt valde à Confessariis notanda, quia passim in praxi solent accidere.

1080 Inter. 4. Quid faciendum est, quando quis obtinuit dispensationem super impedimento occulto in foro interno, si postea contracto Matrimonio detegatur, & publicetur dictum impedimentum?

Resp. Opus est, ut impetretur ratificatio dispensationis in foro externo, & interim cohabitare non possunt simul contrahentes; imò per Judicis officium separandi sunt, donec in foro externo dispensationem impetruerint. Vide Bonac. sup. pun. ult. sub. 15. in fine, & est communis doctrina.

1081 Inter. 5. Quodnam remedium adhiberi potest, quando alter conjugum certò scit adeste inter eos impedimentum annullans Matrimonium, & impedimentum non potest manifestari sine vitæ periculo, vel infamia,

aut

aut quando eo manifestato probari non potest, & adhuc compelletur conjux ab Episcopo per censuras permanere in eo matrimonio?

Rsp. Bonac. *de matrim. quest. 4. punct. 4. num. 17.* & *seqq.* ex aliis, quatuor assignat remedia; primum, ut conjux conscius impedimenti petat dispensationem, quam facile habere potest à Sac. Pœnitentiaria, si impedimentum sit dispensabile, aut ingrediatur Religionem si vult; nam de rigore non tenetur. Secundum est, ut migret ad alium locum, ubi cessat scandalum. Tertium, ut petat divortium: modò adsit justa causa illud petendi, qualis esse potest sævitia, adulterium &c. Quartum, habitare cum conjuge, ac si essent frater, aut soror, dummodò non sit periculum alicuius carnis peccati; quod tamen puto valde difficile. Vide Sanch. *lib. 2. de matr. disp. 39. n. 13.*

1083 Inter. 6. In quo casu error coactionis servilis irritat matrimonium?

Rsp. Quando quis credit servum esse liberum; matrimonium enim contractum à libero cum serva, quam putabat esse liberam, vel è contra, contractum à libera cum servo, quem putabat esse liberum, nihil valet: habetur *ex cap. ad nostram, & cap. propositus de conjug. servor. & 19. quest. 2. per tot.* Verùm si servus ducit servam, quam putat esse liberam, matrimonium tenet, quia non fit deterius conditio errantis; sicut etiam, si serva nubat servo, putans esse liberum. Ita pariter, si servus ducit liberam putans esse servam, vel serva nupit libero putans esse servum, itidem matrimonium valet, quia melioratur conditio errantis in conditione, ut docet S^t Th. in 4. *dist. 36. art. 1.* Sylv. Navar. Toletus, Bonac. & est communis sententia.

Quar. An ex vi denunciationum teneatur quis denunciare impedimentum matrimonii occultum, quod probare non potest; & an unus testis sufficiat ad effectum impediendi Matrimonium? Et quid dicendum sit, si post Matrimonium bona fide contractum aliquod detegatur impedimentum?

Rsp. Communis sententia docet, quemlibet teneri ad detegenda Matrimonii impedimenta, si absq^{ue} suo graui damno, & incommodo, vel aliorum scandalo, id facere queat, etiam si impedimenta occulta sint, nec probari possint. Vide Barbof. in *Collect. DD. in Tridens. sess. 24. de reform. cap. 1. num. 34.* Teneri tamen præmittere correptionem, si profuturam speret, ante denunciationem. Ita etiam sufficere unum testem ad impediendum Matrimonium: ratio autem hujus assertionis est, quia quando non agitur de pœna inferenda,

Item, I.

sed de vitando damno, vel alterius injuria, aut peccato, quilibet tenetur alteri denunciare. Et quòd unus testis sufficiat ad impediendum matrimonium, habetur *ex c. praterea 2. de spons. & cap. super eo 2. de testibus*: debet tamen esse fide dignus, & omni exceptione major; nam dictum hominis fide digni, & omni exceptione majoris, facit fidem, & veram notitiam. Notandum est tamen, quòd non pertinet ad Parochum discutere de impedimentis, quia spectat ad Superiorem habentem jurisdictionem in foro externo, *cap. 1. de consanguinit.* Unde Parochus debet solum admonere Episcopum, aut ejus Vicarium, ne Matrimonium contrahatur cum impedimento, quando illud sibi constat extra Confessionem; nam si per Confess. sacramentalem impedimentum noscat, seu sciat, non solum non potest admonere Episcopum, sed neque potest denegare matrimonium volentibus illud contrahere, quia nequit uti scientia in confessione habita, aliàs confessio odiosa, & onerosa redderetur: ideo in tali casu debet dumtaxat intra confessionem pœnitentem admonere, ne Matrimonium contrahat, vel si ei loqui velit extra Confessionem, prius debet ab eo licentiam impetrare loquendi de auditis in confessione, ne sigillum confessionis offendant. Ita Bonac. *de matr. q. 2. pun. 6. nu. 20 & qu. 3. punct. ult. num. 13. per totum.* Vide Emrn. Sà *verb. matrim. num. 23.* & Dianam *par. 3. tract. 4. res. 221.* qui plures Doctores congerit de hac re tractantes. Imò ex Basilio Pontio aduertit, obligationem haud esse detegendi impedimentum Matrimonii, si sit occultum, & illud unus solum sciat, & nullo modo probare valeat: Putat enim Pontius, quòd unus testis etiam in causa matrimoniali minimè probet ad effectum impediendi Matrimonium, ideoque nec Ordinarius prohibere possit Matrimonium ex dicto unius testis absque aliis adminiculis; quale assertum mihi probabile videtur, quia dictum unius non justificat nec condemnat; nam dictum unius, dictum nullius, & unus, & nullus æquiparantur, *ut dicam in tit. 220. de Testibus, & Testimoniis, ad Inter. 12.* Non audeo tamen discedere à communi Doctorem sententia, quia multum interest, ne fiat Matrimonium nullum, vel etià cum peccato, non autem quòd à Matrimonio repellantur sic contrahere volentes. Minor etiam probatio requiritur ad vitandum animæ periculum, quàm ad Reum puniendum, neque incumbit revelanti onus probandi, & magna satis damna imminet ex Matrimonii præsertim nullius. Verùm puto certò, neminem teneri ad denunciandum impedimen-

S 3 tum

tum Matrimonii occultum, quando constat impetratam fuisse dispensationem pro conscientie foro, vel ab eisdem contrahentibus, vel à Parocho, quia tunc non peccant ipsi contrahentes, neque Parochus peccabit, nec alius conscius impedimenti occulti, dum in tali casu cessat obligationis finis; nec peccat qui non denunciatur, prout ex Sanch. *de matrim. lib. 3. disp. 13. n. 8. & disp. 16. n. 14.* & aliis firmat idem Bonac. loco proximo citat. sub num. 15. Si autem post contractum Matrimonium detegatur, & publicetur impedimentum, impetranda est dispensationis ratificatio in foro externo, & interim per Judicis officium separandi sunt conjuges, donec in foro externo dispensatio obtineatur, ut aliis relatis docet Bonac. ubi supra, & ego jam breuiter dixi in hoc titulo de Impediment. dirim. matrim. ad Inter.

4. Cæterum si Matrimonium fuerit celebratum bona fide, cum ignorantia inuincibili de impedimento, ac præmissis denunciacionibus, atque coram Parocho, & testibus, si postea aliquod impedimentum occultum ab aliquo teste detegatur, debet Parochus Conjuges in bona fide relinquere, si moraliter certus sit se nihil profuturum, aut timeatur magnum scandalum ex separatione, quia non peccant conjuges ratione inculpate ignorantie: verum statim debet Parochus procurare à S. Pœnitentiaria dispensationem in foro conscientie, necnon debet admonere illum, qui est conscius impedimenti, ut taceat, ne impedimentum publicetur, & scandalum oriatur in populo &c. Tandem post impetratam dispensationem in foro conscientie, prudenter, & cautè debet Parochus efficere, ut tale Matrimonium invalide contractum, validetur post dispensationem, mediante novo contrahentium consensu; undè poterit illos prudenter interrogare, an eis placeat simul esse in S. Matrimonio junctos, & an iterum tale Matrimonium inirent? Hoc ego dico, quia necessarium puto post obtentam dispensationem, novum esse præstandum consensum à contrahentibus Matrimonium: & ratiomhi est, quia quod est inualidum à principio, tractu temporis non conualefcit, ut dicitur in *reg. juris* in 6. Ergo si dictum Matrimonium fuit invalide contractum ob impedimentum dirimens ante dispensationem, neq; validum erit post eam, nisi à contrahentibus de nouo præstetur consensus, quia consensus legitimus utriusq; contrahentis est hujus Sacramenti forma, sine qua Matrimonium consistere nequit, aliàs esse tunc inualidum ex defectu formæ, dum requiritur consensus de præfenti, verbo, scripto, vel nutibus expressus, ut

ait Emm. Sà ubi supra nu. 10. & alii comm. Vide Dianam *part. 8. tract. 3. ref. 110. in fine.* Demum si quæras, quando occultum dicatur impedimentum, vide eundem Dianam *loco cit.* Lezanani *tom. 3. verb. litteræ Apostolicæ,* & me ipsum in *tit. 83. ad Inter. 24.* ubi quædam regula generalis statuitur. Vide etiam quoad tale dubium, quæ dico in *tit. 28. de Valid. Sac. Matrim. ad ques.*

TITULUS CIX.

De Impedimentis non dirimentibus Matrimonium.

Vide *tit. de Disp. Int. 9. tit. de Val. Sac. Matrim. Inter. 8.*

1083 **I**nter. 1. Quænam sunt illa impedimenta, quæ tantum impediunt, sed non dirimunt Matrimonium?

Resp. Quinque sunt impedimenta, quæ non dirimunt, sed solum impediunt Matrimonium contrahendum, nempe Interdictum, Sponsalia, Catechismus, Votum, Crimen. *Totus lib. 7. cap. 18. num. 1.* Emm. Sà verb. *Matrimonii impedimentis non dirimen.* Bonac. *de matrim. qu. 3. pun. 14. num. 1. & alii comm.*

1084 **I**nter. 2. Quotuplex est crimen impediens Matrimonium?

Resp. Crimen complectitur septem delicta primum, incestum scienter commissum cum consanguinea, vel consanguineo alterius conjugis, usque ad quartum gradum, & quamuis incestus sit occultus. Secundum; raptum alienæ sponsæ, siue sit sponsa de futuro, siue de præfenti. Tertium, uxoridicium; tamen sunt & qui putant etiam viricidium, sed alii probabilius negant. Quartum contingit, quando quis suscipit proprium Filium, vel Filium alterius Conjugis in Baptismo, vel in Confirmatione, malo animo, ut contrahat cognationem spirituales cum altero conjugē, ne reddat debitum; talis enim, mortuo Conjugē, non potest cum alio Matrimonium contrahere, *Canon. de eo 30. quæst. 1.* Quintum, est occidere Sacerdotem, dummodò homicida fuerit de crimine conuictus in Judicio. Sextum est pœnitentia publica; nam quamdiu quis facit publicam pœnitentiam impeditur, ne Matrimonium contrahat. Septimum est, quando quis Monialem in uxorem accipit, quia non solum invalide contrahit Matrimonium cum Moniali professā, sed etiam impeditur, ne possit cum alia.

contrahere: Hæc sunt crimina, seu delicta, propter quæ homo à matrimonio. contrahendo prohibetur. Toletus *lib. 7. cap. 19. Emman. Sæ verb. matrim. impediment. non dirimens.* Bonacina *de matrim. qu. 3. punct. 14. num. 9. & seqq. & alii communiter.*

1085 Inter. 3. Qualem culpam committit contrahens Matrimonium cum impedimentis non dirimentibus.

Resp. Licet validè Matrimonium contrahat; tamen semper mortaliter peccat, quia facit contra prohibitionem Ecclesiæ in re gravi. Navar. *in man. cap. 22. num. 74. Toletus lib. 7. cap. 18. Sylvest. in Summ. verb. Matrimonium, quest. 6.* Vide Bonacinam loco proximi citat. num. 21. & est communis sententia. Habens igitur aliquod impedimentum non dirimentum, petat dispensationem, saltem per tertiam personam, ab Episcopo, ut licet, & sine peccato contrahere valeat. Potest enim Episcopus in omnibus præfatis impedimentis dispensare, nisi circa votum perfectum, & absolutum, & circa sponsalium, quia aliundè, quàm expositio iure, hæc robur habent peccati, ut optimè docet Cajet. *in Summ. verb. matrim. & ibi de impedim. non dirim.* Vide quoque, si lubet, Emm. *Sæ loco supra cit. sub num. 11. in addit.* nam etiam ipse excipit votum castitatis, & Religionis; & hæc est tutior opinio, quam ego breviter docui *in tit. 71. de dispens. ad Inter. 9.*

TITULUS CX.

De Impedimento publicæ honestatis.

Vide titul. de Sac. Matrim. Inter. 15. 16. 17. de Spons. Inter. ultim. tit. de Val. Sac. Matrim. Inter. 4.

1086 Inter. 1. Ex Matrimonio rato, & non consummato, oriturne publicæ honestatis impedimentum? & usque ad quem gradum extenditur?

Resp. Impedimentum ex matrimonio rato, alii publicæ honestatis, alii affinitatis esse volunt; sed minus probabiliter quidem. Dico igitur, quod sicut ex sponsalibus validis oritur impedimentum publicæ honestatis, sic à fortiori ex matrimonio rato, ut colligitur ex *cap. Sponsam, & cap. ad audientiam de Sponsal. & docet Bonac. de Matrim. quest. 3. punct. 11. nu. 9.* Imò hoc impedimentum extenditur usque ad 4. gradum, ita ut qui celebravit matrimo-

nium per verba de presenti, v. g. cum Bertha, si ipsa moriatur ante matrimonii consummationem, non potest ducere ejusdem consanguineam, usque ad quartum gradum inclusive, sine Summi Pontificis dispensatione. Tamen verum non est, quod ex matrimonio rato oriatur impedimentum affinitatis, quia nulla affinitas contrahitur, antequam matrimonium sit consummatum, ut aliis allegatis firmavi *in tit. 12 de Affinitate, ad Inter. 5. & docent plures Doctores, quos refert, & sequitur Bonac. loco supracitato. Et tandem nota ex matrimonio rato, non consummato, minime oriri affinitatem, sed justitiam publicæ honestatis dirimentem matrimonium, ut declaravit B. Pius V. in suo motu proprio incip. *Ad Romanum*, editum anno 1586. & itidem impedire usque ad 4. gradum. Quare audiendi non sunt docentes, ex matrimonio rato oriri impedimentum affinitatis, & non publicæ honestatis, & hoc, quod non excedat primum gradum. Vide Bonac. *ibidem num. 10. Barb. loco prox. cit. sub nu. 12. & seq. Dianam part. 6. tract. 8. ref. 25. & Fagn. loco infra adducendo nu. 12. in cap. ad audientiam.**

1087 Inter. 2. Ex sponsalibus fictis, & matrimonio inualido, confurgitne impedimentum publicæ honestatis?

Resp. Ex sponsalibus fictis, & invalidis ex defectu interioris consensus, vel ex alia invaliditate, non confurgit dictum impedimentum; bene tamen confurgit ex matrimonio rato inualido, modò non sit invalidum ex defectu consensus. Nec valet dicere, quod impedimentum non confurgit ex sponsalibus inualidis: ergo neque debet confurgere ex matrimonio inualido; quia jure nouo aliter sancitum est in sponsalibus, quàm in matrimonio, ut constat ex præfato motu proprio B. Pii V. supra relato. Vide Fagnanum *in cap. Tua de dispens. impub. sub nu. 24.* qui ita à Sac. Congreg. refert decisum, & pluribus citatis docet Bonac. *ubi supra num. 11. Sanchez lib. 7. dispus. 7. num. 5. & alii apud Barb. in Trid. sess. 24. cap. 3. de reform. matrim. num. 14.* qui Auditor ibidem num. 4. asserit ex Nauar. Conincho, & Reginaldo, impedimentum publicæ honestatis oriri ex omnibus sponsalibus quacunque ratione irritis, quandiu ipsa publica sunt, & nullitas occulta. Vide ipsum *part. 3. alleg. 51. num. 187. de offic. & potest. Episc.* ubi idem tenet. Sed oppositum patet ex Trid. loc. cit. ubi sic habet: *Justitia publicæ honestatis impedimentum, ubi sponsalia quacunque ratione valida non erunt, Sancta Synodus prorsus tollit &c.* Vide Fagnan. *in cap. ad audientiam de Spons. & matrim. num. 8.* Emm. *Sæ verb. matrim. imped.*

dirimen, num. 12. & præcipue Dian. par. 9. traçt. 6. ref. 52. qui pluribus allegatis tenet, ut dictum est supra, & par. 11. tr. 5. ref. 12. vers. Vt ràm, idem confirmat.

1088 Inter. 3. Ex sponsalibus contractis à parentibus nomine filiorum sine eorum consensu, oriturne impedimentum publicæ honestatis?

Rsp. Non oriri dictum impedimentum, tradunt Sanchez *de matrim. lib. 7. disp. 68. num. 18. & 19. Reginaldus in praxi fori panis. lib. 3. num. 129. vers. Adverto quintò, Barb. de potest. Episc. part. 3. alleg. 51. num. 186. & alii apud ipsos; nam deest promissio mutua futuri matrimonii signo sensibili expressa, & debiti consensus explicatio.*

1089 Inter. 4. Quando sponsalia mutuo consensu dissolvuntur, cessatne publicæ honestatis impedimentum?

Rsp. Sicut hoc impedimentum non cessat per mortem alterius sponsi, ut tradunt DD. communiter *ex cap. Sponsam, de sponsal. & cap. Si quis uxorem; ita neque cessat per dissolutionem sponsaliorum mutuo consensu factis; nam non decet Matrimonium contrahere inter illas personas, quæ sibi factæ sunt propinquæ per sponsalia valida; nec sponsalia ob id non fuerunt valida, eo quod postea mutuo consensu dissolvuntur. Ultra quod tale impedimentum sequeretur non esse perpetuum, quod est contra *cap. Sponsam, & Si quis dispensaverit 27. qu. 2. Ita perdoctè firmat Sanchez lib. 7. de matrim. disp. 68. num. 21. & cum ipso sentit Bonac. eodem traçt. quæst. 3. pun. 11. num. 7. ubi tandem concludit, oppositam sententiam in prima editione valde probabilem existimasse, supposita Cardinalium declaratione, quam asserunt adversarii: sed modò post novam Cardinalium declarationem, non esse recedendum in praxi à sententia Sanchez, & aliorum, quæ est non cessare impedimentum publicæ honestatis, quando sponsalia valida dissolvuntur mutuo consensu contrahentium, ut supra dictum fuit: Et ita ex Sacra Congreg. firmat Fagnanus *in capis. ad audientiam de spons. & matrim. nu. 29. Vide Barb. in Collect. ad Trid. sess. 24. de reform. matrim. cap. 3. à num. 7. qui aliis relatis sequitur oppositum, sicut Diana part. 1. tr. 1. s. 5. ref. 12. Sed ego non discedo à prima sententia, quam probabilior rem puto.***

TITULUS CXI.

De Impotentia coeundi.

Vide titul. de Differ. Inter. 23. tit. de Val. Sac. Matr. l. m. 3.

1090 Inter. 1. Quid faciendum est cum conjugibus, qui dicunt habere impotentiam coeundi?

Rsp. Si talis impotentia erat ante Matrimonium contractum: matrimonium est nullum, non solum jure Ecclesiastico, sed etiam jure naturæ, ex quacumque causa proveniat; sed hoc intelligendum est, dummodò impotentia sit perpetua, & peccat mortaliter, qui matrimonium contrahit cum impotentia perpetua, aut temporali, maxime si diù duratura sit, quia decipit graviter alterum conjugem. Si verò impotentia ignorabatur, & contractum sit matrimonium: matrimonium erit validum, sed videndum, an sit impotentia perpetua, aut temporalis, & si aliqua arte juvari possit; nam impeditus, ita ut arte juvari queat, tenetur aliquam molestiam perferre, ut illud impedimentum tollatur; sed non gravissimam, aut diuturnum morbum, & multò minus cum vitæ periculo. Quod si sine vitæ periculo non potest tolli impedimentum, perpetuum censi debet, ut patet *ex cap. Fraternalitatis, de frig. & malefic. Impotentia autem perpetua cenienda est, quando non potest tolli sine miraculo, aut peccato, aut vitæ periculo. Quando verò speratur, impotentiam tolli posse, conceditur triennium ad explorandum, an possint copulari; quod si non speratur, statim separari debent propter periculum incertitudinis: secluso verò tali periculo, jura permittunt, ut vir habeat tanquàm sororem, quam non potest habere uxorem. *cap. Laudabilem cum Glos. de frig. & malefic. & cap. Requisivisti 33. q. 1. Vivant igitur tanquam Frater, & Soror, hoc est, non petendo, aut reddendo debitum, nec delectari tangendo, osculando, &c. Et debent separatim dormire in distincto lecto; nam matrimonium inter eos est nullum. Sed, ut rectè advertunt Doctores, hæc cohabitatio non est sine periculo. Vide Sanchez *tom. 2. de matr. lib. 7. disp. 97. Em. Sà verb. Impedim. dirim. à n. 14. per tot. Bonac. de matrim. q. 3. pun. 13. nu. 12. usque ad n. 20. inclusivè, & est communis sententia. Vide etiam, quæ dixi tit. 108. de Impedimentis dirimentibus Matrimonium, ad l. m. 3.***

1091 Inter. 2. Quando incipit triennium, quod permittitur conjugibus, ut expectantur, an possint copulari?

Rsp.

Resp. Bonacin. loco citato numer. 21. dicit, quod incipiat à die copulæ attentatæ, quando impotentia provenit ex frigidityte, aut maleficio; quando verò provenit ex arctatione, incipit, quando incipiunt remedia adhiberi: addit præterea, non requiri, ut hoc tempus ita sit continuum, ut sponsi die, ac nocte inhabitaverint; sed sufficere, si majori anni parte cohabitaverint, quia moraliter loquendo censetur triennalis cohabitatio; & pro se ad alios id asserentes adducit.

1092 Inter. 3. Berta contraxit matrimonium cum viro improporcionado, vel aliquantulum debili, teneturne pati incisionem, si commodè potest, ut reddatur apta ad copulam conjugalem?

Resp. Quidam opinantur non teneri pati incisionem, quamvis sine vitæ periculo, & tamen gravis damni, possit illam pati; nam volunt tale impedimentum consensum esse perpetuum & matrimonium declarandum nullum nec foeminam teneri hujusmodi remedia pati, quia per contractum matrimonii foemina jus suum intendit tradere viro apto, non autem inepto & consequenter à conjugii onere libera remanet, & alteri nubere valet. Hanc sententiam, quæ est Basilii Pontii de matrim. lib. 7. cap. 73. nu. 2. & aliorum, sequitur Diana pars. 3. traçt. 4. ref. 221. & idem videtur sentire etiam Tolet lib. 6. cap. 16 sub n. 1. Tamen communis sententia docet oppositum, nempe teneri pati incisionem, si commodè possit sine magno incommodo, ut aptam se reddat viro; hæc est Div. Thomæ sententia, quam tuerent Sanchez de Matrim. tom. 2. lib. 7. disp. 93. numer. 3. Villalobos in Summ. tom. 1. traçt. 14. diffie. 18. numer. 16. & alii plures, quos refert Sanchez. Et ratio est, quia cum verum sit matrimonium, jus sui corporis transiit in virum; nec ullum grave damnum patitur per incisionem, ut supponitur in casu præfenti: ergo tenetur aliquam molestiam perferre in favorem matrimonii, quod habet vinculum indissolubile: quare non erit admittenda à iudice sententia probabilis aliquorum contra communem, & probabiliorē, quam sequimur.

1093 Inter. 4. Socrates contraxit matrimonium cum Berta, sed ob impedimentum impotentiae coeundi, fuit per iudicem nullum declaratum matrimonium, unde Socrates ingressus est Religionem, & in ea professionem emisit: sed postea compertus est error, & deceptio iudicis, eò quod verè non fuerit impotentia perpetua, sed temporalis: quæro, an Socrates teneatur redire ad uxorem, vel in Religionē, in qua professus est, remanere?

Resp. In hoc casu distinguendum est: aut Socrates professus est antequam matrimonium consummaret, aut post consummatum matrimonium: in primo casu non debet ad uxorem redire, sed deducitur ex cap. Ex publico de convers. conjug. nam matrimonium ratum dissolvitur per professionem: in secundo verò casu debet redire ad uxorem, quia matrimonium consummatum non dissolvitur per professionem. Imò ad hoc, ut matrimonium dicatur consummatum, sufficit, quod uxor receperit semen viri quacunque arte, licet nulla intercesserit claustrum virginis violatio. Ita rectè, aliis allegatis firmat Bonac de matrim. quæst. 3. pun. 13 n. 22. & n. 24. dicit hoc esse verum, quamvis suscepisset sacros Ordines, postquam cognoscitur, impotentiam non esse perpetuam: nam iste tenetur ad uxorem illum petentem redire, eò quod matrimonium non sit irritum propter impotentiam præsumptam. Verum est tamen, quod in istis casibus Socrates tenetur debitum reddere petenti, non autem petere poterit, propter votum castitatis emissum in approbata Religione, aut in susceptione sacrorum Ordinum; nam ejus votum non fuit conditionatum, sed absolutum: ergo ad illud tenetur; licet bene poterit reddere petendi, cum ipsa petens non sit privata jure petendi.

TITULUS CXII.

De Incestu.

Vide tit. de Confess. Sac. Int. 13. 14. tit. de Debit. Conjug. Int. 5. tit. de Ignor. Int. 9. tit. de Soc. cr. Int. 1.

1094 Inter. 1. Quid est incestus?

Resp. Incestus est concubitus cum persona consanguinea, vel affine in gradibus prohibitis, scilicet usque ad quartum gradum consanguinitatis, vel affinitatis, nisi affinitas fuerit contracta per copulam illicitam, quæ non excedit secundum gradum, ut jam dixi in tit. de aff. ad Int. 3. ad quam te remitto, & tradunt DD. communiter.

1095 Int. 2. Committitne incestum, qui commiscetur cum uxore fratris uxoris suæ.

Resp. Minimè: ratio est, quia femina cognita, non cognoscens, sed suæ ipsius uxoris est affinis. Unde rectè dicam in tit. 196. de Sacramento Matrimonii ad Interrog. 18. nempe, quod affinitas non parit affinitatem, ut habetur cap. quod super bis de Consanguin. & affinitate, & expresse tradunt Emman. S3. verb. Inped. dirim. num. 4. in fine, Layman lib. 5. traçt. 10. par. 4. cap. 5.

cap. 4. sub. n. 4. v. *præterea* Bonac. de matrim. q. 3. p. un. 12. n. 3. qui alios Doctores refert, & testatur de communi.

1096 Inter. 3. Qui abuteretur duabus fororibus, unam secundum naturam carnaliter cognoscendo, alteram contra naturam in vase turpissimo, committeretne incestum?

Rsp. Non, quia per congressum contra naturam non contrahitur affinitas. Est communis sententia.

1097 Interrogat. 4. Copula inter Confessarium, & penitentem, estne peccatum incestus necessarium explicandum in Confessione?

Rsp. Affinitas nulla oritur inter Confessarium, & penitentem per sacramentalem confessionem: ergo copula inter Confessarium, & penitentem, scilicet filiam spiritualement, non habet rationem incestus, & consequenter non est circumstantia necessarium aperienda in Confessione? Ita docent Emmanuel Sà verb. *Confessio numer. 25. & verb. Luxuria sub num. 1. Bonacin. de penitent. disp. 5. quest. 5. sect. 3. p. un. 2. § 3. diffi. 3. numer. 9. & de matrim. quest. 4. p. un. 16. nu. 8. Diana par. 1. sr. 7. ref. 12. & in summ. verb. *Circumstantia num. 27. & alii penes ipsos: & quamvis Sanctus Thomas in Addit. 3. part. quest. 56. art. 2. & 2.2. quest. 154. art. 10. ad 2. dicat quod per penitentiam contrahitur quoddam sedus inter mulierem confitentem, & Sacerdotem, spirituali cognitioni simile, ac si esset sua spiritualis filia; tamen propriè cum ea non contrahitur, sed per quamdam similitudinem. Vide Conrad. in *Rsp. cas. conf. quest. 141. prop. finem vers. dicitur etiam, & Emmanuel Sà verb. luxuria sub n. 1. Unde can. omnes 30. qu. 1. intelligitur de incestu metaphoricò, & improprio, quatenus Confessarius dicitur Pater Spiritualis ac proinde dicendum est cum Bonacina, & aliis ab eo congestis, peccatum carnis commissum cum penitente extra Confessionem, non habere malitiam incestus necessarium explicandum in confessione. Sed hoc intelligendum est cum duplici limitatione, prima, ut omnino sit extra confessionem, ita ut non reductur ad sollicitationem; quia tunc esset gravissimum sacrilegiū, necessarium explicandum in confessione. Vide quæ dicam de materia sollicitationis. Secunda limitatio est, quod Confessarius non sit proprius Parochus, à quo receptus sit Baptismus; nam Parochus, aut alius cognoscens seminam, quàm baptizavit, vel ipsius matrem committit incestum. Tandem concludit Bonacin. ubi supra de Matrim. Parochum habentem copulam cum sua Parochiana, commit-***

tere speciale peccatum, etiamsi eam non baptizaverit; qui peccat contra proprium officium, eò quod illi specialiter incumbat cura procurandæ salutis suorum Parochianorum, & teneatur ex officio oves sibi commissas bonis moribus imbueri; quare Parochum fornicantem cum filia spirituali deponendum esse, & carcerandum, meritò asserunt Riccius *decis. 376. Emm. Sà in verb. luxuria sub n. 1. supradictò, & alii.*

TITULUS CXIII.

De Infamia.

Vide tit. de Abor. Inter. 2. 3. 5. 6. tit. de Confess. sac. Inter. 22. tit. de consuet. Inter. 3. tit. de Denu. Inter. 14. tit. de Duell. Inter. 1. tit. de elict. &c. Inter. ult. tit. de Fornic. Inter. ult. tit. de Imped. dir. Mat. Inter. 5. tit. de Irrog. Inter. 13. 23. tit. de Judiciis. Inter. ult. tit. de Litt. & Script. Inter. ult. tit. de Præf. Reg. Inter. 28. tit. de Sac. Euc. Inter. 5. 6. 7. tit. de Simon. Inter. 17. tit. de sod. crim. Inter. 2. de testib. &c. Inter. 7. 13.

1098 Interrog. 1. Quomodo potest quis famam proximi denigrare? & quis dicitur infamatus, & quid est infamia?

Rsp. Per detractionem, qua quis famam absentis denigrat, ut imponendo alteri crimen falsum, revelando crimen verum, sed occultum, crimen verum augendo, interpretando sinistrè factum alterius, negando rectè facta proximi, illa diminuendo, vel reticendo, quia silentium pro tacita vituperatione accipitur, vel tandem frigide laudando: Infamare igitur est alicujus famam, & existimationem dicto, scripto, vel facto læsere, lædere, & pudorem ejus sigillare. Injusta denigratio, vel læsio famæ alterius, si publice fiat, dicitur contumelia; si autem occultè, dicitur detractio. Vide, quæ dixi in tit. 68. de Detractione, & libelli famosi, ad Inter. 1. 2. 3. & 4. & in tit. 70. de Differentiis, ad Inter. 9. & 11. & infra in tit. 188. de Restitutione Fama, ad Inter. 1. Infamatus verò est propriè dicitur, cujus opinio est læsa apud bonos, & graves viros: secus est, si apud malevolos, & viles personas; nam de tali infamia non est curandum, ut docent Doctores communiter. Infamia autem est quidam rumor ortus non à malevolis, se à probis, & honestis hominibus sparsus inter multos. Vide Sylvest. verb. *Infamia n. 3. & Lezanam ro. 1. p. 2. ca. 27. sub n. 6.*

1099 Inter. 2. Quænam sunt illa crimina, in quibus statuto juris annexa est infamia?

Rsp.

Resp. Dico cum Lezana *tom. 2. verb. Infamia num. 2.* crimina, propter quæ in Jure Canonico, vel Civili est imposita infamia, esse crimen lænocinii, crimen militis, propter quod repulsam passus est ab exercitu, matrimonium cum duabus, usuram, crimen læsæ Majestatis, hostilem persecutionem Romanæ Ecclesiæ Cardinalium, perjurium, pugnam publicam cum feris duellum, jaculatoriæ & histrionicæ artis periculosum exercitium adulterium deprehensum, sodomiam voluntariam, raptum mulierum, apostasiam à fide hæresim, ejusque fautores; simoniam, prostitutionem propriæ filiz, vel neptis, matrimonium cum meretrice, vili, abjecta, vel repudiata. Vide etiam Dianam *part. 10. tr. 11. res. 26. vers. Verum*, Emmanuel Sà *verb. Infamia n. 2.* Sanchez *in opus. 10. 2. lib. 6. cap. 3. dub. 6.* & præsertim Leandrum *quest. 8. tract. 2. de irregular. disp. 26. pag. 243.* qui luculenter enumerat delicta, quibus annexa est infamia, plura alia crimina, quam superius recensita sunt, asserens. Et nota, quod infamis jure Civili, regulariter est etiam infamis jure Canonico. Alia verò crimina notoria, licet sint depositione digna; tamen si infamiam juris non habent annexam, non inducunt veram irregularitatem, ut tenet Lezana mox adducendus num. 5. nisi post sententiam Judicis; unde per adulterium, & crimina adulterio minora non incurritur vera irregularitas; sed suspensio quædam ob indecentiam, donec infamia sit absterisa triennali emendatione: nam emendatio probatur per triennem laudabilem vitam, ut docet Dian. loco cit. Lezana *10. 3. verb. infamia num. 5. & num. 15. & 16.* & alii plures. Vide sequentem Respon.

1100 Interrog. 3. In quo casu incurritur infamia juris, vel infamia facti? & utraque infamia repellitne a susceptione Ordinum, vel ab ipsorum usu, si jam fuerint suscepti?

Resp. Infamia juris incurritur per delictum cui à jure, sive Canonico, sive Civili, imposita est infamiz pœna, sive per Judicis sententiam definitivam, qua aliquis de aliquo gravi crimine damnatur, *cap. Infames 3. quest. 7.* & ibi gloss. in *verb. Porro 1. infamem 7. ff. de public. Judic. l. quod ego 13 §. ex promisso ff. de his qui notantur Infamia*, Panor in *cap. testamentum de testibus in 6.* Decius in *cap. Et si Clerici 4. nu. 177. de Judic.* Baldus in *cap. Reprehensibiles 26 nu. 1. de appell.* Præterea talis infamis remanet irregularis, & colligitur ex *cap. Infames 6. quest. 1. cap. qui in aliquo disp. 17. cap. testes 2. quest. 7.* & ex Regula *Infamibus in 6.* & docent Sylvest. *verb. Infamia qu. 5. n. 8.* Toletus *lib. 1. cap. 62 sub nu. 1.*

Andr. à Matre Dei in *curf. Theol. moral. tom. 2. tract. 10. de cens. cap. 8. punct. 8. sub num. 8.* Suarez *tom. 5. de cens. disp. 48. sect. 2. in princ.* & alii plures, quos refert, & sequitur Garzia de *benef. par. 7. cap. 8. nu. 44.* Infamia autem juris non solum reddit hominem inhabilem ad suscipiendos Ordines; sed etiam, ut in susceptis ministrare possit, cum tollat exercitium Ordinum jam antea rite susceptorum Sylvest. *verb. Infamia quest. 10 n. 15.* Navar. Avila Sayrus, & alii quos dat, & sequitur Bonac. *de cens. disp. 7. quest. 3. punct. 1. n. 4.* qui testatur de communi. Itaque infamia juris est illa, quæ irrogatur per legitimam tam civilem, quam criminalem sententiam, vel ipso jure in casibus in quibus jure cavetur, ut notatum, fuit in præcedenti responsione. Sententia enim definitiva Judicis facit, quod delictum sit publicum publicitate juris, & ex delicto publico confurgit infamia, *ca. omnes, & cap. infames 6. quest. 1. & ibi gloss.* Verum est tamen, quod non cujuslibet criminis notorietas inducit irregularitatem, sed eorum dumtaxat, quæ faciunt delinquentem infamem tam secundum Canones, quam secundum leges civiles, ut post alios docet Marcus Paulus Leo in *praxi ad litteras M. Penitentiaris par. 3. pag. 250. vers. Sed advertendum.* Requiritur ergo ad incurrendam infamiam juris, ut quis condemnatus sit ad publicam pœnam ex causa famosa, ut docent Lezana *10. 2. verb. Infamia v. 7.* Diana *part. 10. tr. 11. res. 26. vers. Sed quid, prop. finem, & alia.* Aut quod crimen, seu delictum sit ex illis, quæ inferunt infamiam, ut bene observat Sylvest. Tolet. & Angelus apud Bonac. loco cit. num. 2. Quoties igitur quis fuit condemnatus de delicto infamiam inducente, & condemnatio est secuta ex sententia, talis dicitur laborare infamia juris: non autem si sententia secuta non sit, ut docent Moronus *resp. 92. num. 2.* Lezana loco cit. sub num. 3 & alii plures penes ipsos. Infamia verò factioritur ex gravi aliquo delicto, propter quod ex ipso facto, sine aliquo actu Judiciario, delinquens apud bonos, & graves viros male audit, & sinistra opinio de eo divulgatur; & hæc infamia reddit quodque hominem irregularem, sed nisi crimen tale sit, quod impediatur exercitium susceptorum Ordinum, & inducat peculiarem irregularitatem, qualem est, verbi gratia, homicidium, non impedit exercitium illorum; est enim irregularitas secundum quid, non vero simpliciter, ut pluribus citatis docet Lezana ubi supra *nu. 15.* Diana *part. 10. tr. 11. res. 26. §. Verum.* Nihilominus qui laborat infamia facti, non solum debet impediri ab Ordinibus, sed etiam ab eorum usu, quia in Trid. *sess. 22. de obser.*

offer & evitan, in celebratione Missæ, expresse prohibetur, ne aliquis, qui publice, & notorie criminofus fit, aut sancto Altari ministrare, aut sacris interesse permittatur. Et rectè quidem; nam irregularitas non solum ex delicto, sed etiam ex diffamatione, & scandalo oritur, ut ex Pignatello firmat Raynaldus tom. 3. observ. ad cap. 32. supplement. 7. pag. 241. n. 239. Qui plura scire desiderat circa tale dubium, legat citatos Auctores, & alios in verb. Infamia; nam longum esset sigillatim omnia hic explicare cum brevitate studeam; sed vide sequentem Resolutionem.

1101 Inter. 4. Qui est notatus in Judicio per sententiam, v. g. de furto, potestne ad Ordines promoveri?

Resp. Ut melius intelligantur ea quæ supra in præcedenti Responsione dixi, & ut melius præfenti dubio satisfaciam, supponendum est duplicem esse infamiam, juris scilicet unam, facti alteram. Prima est illa, quæ à jure Canonico, vel Civili est imposita; siquidem aliquando infamia est appositæ delicto ab ipsam lege, & aliquando delicta habeant in se annexam infamiam, ut verbi gr. furtum, & fraus, sunt delicta infamantia, consequenter condemnato de furto, non potest facere Judex, quod non sequatur infamia; deducitur ex l. non potest, ff. de furtis: unde si quis per dissimulatam sententiam Judicis damnatus est de furto, & similibus delictis, quæ inserunt infamiam, efficitur infamis infamia juris, ut docent Sylvest. verb. infamia n. 8. & alii communiter. Infamia verò facti est illa, quæ contingit ex aliquo delicto notorio quod infame censetur in opinione proborum virorum: debet esse tamen notorium notorietate facti majori parti vicinæ, vel Collegii, vel loci in quo quis degit, & talis infamia describitur quidam rumor ortus, non à malevolis, sed à probis, & honestis hominibus sparsus inter multos: Ex his ergo patet, quod ad incurrendam infamiam requiritur sententia declaratoria Judicis, aut notorietas facti, aut propria confessio, ut notat Bonacin. de cens. disp. 7. quest. 3. pun. 1. num. 3. licet Emman. Sà verb. infamia nu. 1. neget de propria confessione in judicio, quia confessus non habetur pro condemnato: idem tenet Sylvest. verb. infamia n. 12. & alii, teste Lezana to. 2. s. de deo verb. sub n. 1. Vide Sylvestrum loc. cit. Item supponendum est tanquam certum, quod infamis, tam infamia juris, quam facti, sit irregularis. Quare ad ordines, & ad dignitates promoveri non potest, quia portæ dignitatum infamibus, suspectis, vitibus, & indignis patere non debent, ut habetur ex cap. querelam

de jurjurando, cap. dictum dist. 81. cap. Inter dilectos de excess. Prælat. & cap. Infamibus de reg. juris in 6. Vide Raynaldum tom. 1. observ. cap. 8. §. 1. pag. 493. vers. effectus hujus inspectionis. His ergo politis, & prænotatis, respondeo directè ad præsentem petitionem, & dico, quod, qui est in judicio per sententiam condemnatus de furto, est infamis, & irregularis ac proinde ad Ordines promoveri non potest. Ità tradunt Navar. cap. 27. n. 104. Vivaldus in supplement. ad Candel. aureum cap. 9. tit. de infam. nu. 4. & 5. Emman. Sà verb. infamia nu. 1. & 2. Avila de cens. disp. 4. dub. 5. conclus. 1. Bonac loco supra cit. Sanctiorius in exam. penar. par. 2. cap. 27. & alii communiter, & habetur ex cap. Apostolus Paulus dist. 81. & ex aliis juribus cumulatis per Glos. in cap. multos in verb. morte dist. 54. Vide cap. infames 6. qu. 1. & leg. 1. de his qui notantur infamia.

1102 Interrog. 5. Quidam Sacerdos ob quoddam delictum fuit condemnatus ad trirèmes, potestne talis Sacerdos Missam celebrare?

Resp. Valdè controvertitur inter DD. an poena trirerium sit infamatoria, & ignominiosa, vel non, ut videre licet apud Raynaldum tom. 1. observ. cap. 8. §. 1. pag. 491. numer. 45. Diana autem par. 4. tr. 2. res. 83. partem affirmativam susequitur, scilicet posse Missam celebrare, quia putat illum non esse infamem, & irregularem. Alii verò dicunt, damnatos ad trirèmes, si actu remiges fuerint, esse infames, & consequenter irregulares. Ita Barbosa. de potest. Episc. par. 2. alleg. 43. num. 15. Lezana to. 1. par. 1. cap. 16. n. 32. Nicolius in Flos. verb. irregularitas n. 31. & alii: & hoc est verius; nam idem Raynaldus ibidem sub num. 45. refert quoddam decretum Urbani Octavi factum in Congregatione S. Officii de Mense Aprilis 1533. quo statuitur, ut super infamia, & irregularitate contracta ex poena trirerium, si actu remiges fuerint, solus Papa possit dispensare, & ita observari mandavit in omnibus tribunalibus. Et quamvis Diana ubi supra oppositum censet, tamen par. 10. tr. 11. res. 26. sic inquit: *Et licet ego olim docuerim damnatos ad trirèmes non esse irregulares, modo existimo cum Theodoro, si fuerint ad trirèmes damnati ex causa famosa, quædam poenam inducis infamiam & irregularitatem.* Dico igitur, quod licet talis Sacerdos non fuerit æmo addictus, & aligatus, consequenter nec infamis infamia juris, tamen non potest licitè Missam celebrare; quia saltem est io famis infamia facti, ac proinde propter diffamationem, & scandalum prohibitus est tanquam irregularis functiones Ordinis exercere. Vide quæ dixi supra

pra ad Interrogat. 3. præsertim circa finem, stante dispositione Tridentini eo loco citato; satis enim aperte loquitur Concilium ibidem: ergo parum refert, utrum fuerit in contumacia aut in præsentia damnatus, &c.

103 Inter. 6. Qui laborat infamia juris, vel facti, potestne promoveri ad aliquam dignitatem, aut Prælatiam?

Resp. Dico, quod non, quia portæ dignitatum patere non debent infamibus, vilibus, & indignis: patet ex cap. inter dilectos de excess. Prælatorum. Et cap. Infamibus de reg. juris in 6. Sylvester verb. infamia nu. 4. Emmanuel Sà eodem verb. sub num. 1. & alii communiter. Verrum est tamen, quod infamia facti repellit à dignitate solum dum durat, sed infamia juris durat semper, donec per dispensationem tollatur. Qui ergo in iudicio de aliquo delicto est notatus, ad dignitates, & Prælatias nimis promoveri potest, ut rectè probat Vitaldus in supplem. ad Candelabr. aureum cap. 9. tit. de Infamibus nu. 4. 5. Et 6. Navar cap. 27. nu. 104. Bonac. de cens. disp. 7. quest. 3. punct. 1. nu. 2. Peyrinus de subdito 10. 1. qu. 1. cap. 31. §. 9. & alii apud ipsos: & bene quidem; nam qui debet eligi in Prælatum, debet esse bonæ notæ, & famæ, ut docent Doctores communiter. Vide Suarez tom. 4. de Relig. tr. 3. cap. 3. n. 28. & Lezanam tom. 1. par. 1. cap. 1 §. n. 2. 5. Et tom. 2. verb. Electio nu. 151. Et verb. Prælatum nu. 2. A Prælo enim longè quælibet adesse debet occasio contemptus ob bonum publicum, cap. fin. dist. 63. cum duplici honore Prælatum honorari debeat: habetur ex cap. Ecce ego, dist. 95. ubi Glos. Imò quia infames sunt irregulares, non possunt eligi ad Prælatias, neque alios eligere, ut deducitur ex cap. 1. qui de sens. excomm. in 6. & docet Sylvest. verb. electio 1. sub n. 5. in fine, & ex eo Emman. Sà eodem verb. n. 1. Lezana 10. 2. verb. infamia sub n. 13. & alii. Sed omnino vide in tit. de elect. ad Int. ult. ubi loquitur de tali dubio. Et nota, quod infamia repellit infamem à quolibet actu legitimo, ut habetur ex cap. Licet ex quadam de res. Et cap. infamibus de reg. juris in 6. & docet Raynaldus tom. 1. observ. cap. 8. §. 1. pag. 490. n. 29. Ergo &c. Si vero est in possessione Prælatiæ, si spontè illam non resignet, debet privari; quia infamia juris repellit à dignitatibus obtentis, & obtinendis, & admittit honorem quæsitum, & querendum, Abbas in cap. inter dilectos de excess. Prælat. apud Sylvestrum ubi supra verb. infamia n. 1 §. 1. & est communis sententia. Vide Lezanam tom. 2. verb. Infamia n. 12.

1104 Inter. 7. Quis potest dispensare cum infamibus personis, ut possint promoveri ad Ordines, vel in susceptis ministrare?

Resp. Solus Papa dispensare potest cum infamibus infamia juris maculatis, & non Episcopus; aut Prælati Regulares cum sibi subditis, etiam post peractam poenitentiam ab eis, ut docet Miranda in man. 10. 2. quest. 8. art. 5. & alii communiter; nam qui semel est infamis infamia juris, semper talis manet, donec dispensetur; quia dicta infamia per poenitentiam non tollitur, ideoque necessaria est Papæ dispensatio, ut possit ad Ordines promoveri, aut in susceptis ministrare. Ita Navarr. Angelus, Sylvester apud Avilam loco prox. cit. & concordat Sà; Miranda, Bonac. Sà; Clorius, Vitaldus locis supracit. & alii omnes. Quando enim infamia est apposta delicto à lege, vel à Iudicis sententia, per modum poenæ, non sufficit vitæ emendatio, sed omnino necessaria est dispensatio. Vide Dianam par. 10. tr. 11. res. 26. Infamia verò facti tollitur per emendationem vitæ. Itaque peracta poenitentia, & per triennium laudabiliter vivens, censetur quilibet emendatus. Notandum est tamen, quod etiam infamia juris potest tolli per dispensationem Episcopi; quia dispensare potest in omnibus criminibus, dummodò tamen sint minora adulterio; unde dispensando in delicto, accessorie abolet infamiam inde confurgentem, ut bene notant Navar. Avila, & alii penes Bonac. de cens. disp. 8. §. 3. punct. 1. n. 6. & est communis sententia. Et hoc quod dictum est de Episcopo, dicendum est etiam de Prælati Regularibus circa sibi subditos, cum habeant auctoritatem quasi Episcopalem in propriis oves. Vide Lezanam 10. 1. par. 1. cap. 10 n. 35. Et c. 18. n. 36.

1105 Inter. 8. In delictis spectantibus ad S. Officium, estne opus, ut præcedat infamia ad hoc, ut Episcopus, vel Inquisitor possit licitè procedere ad inquisitionem specialem alicujus personæ?

Resp. In delictis hæresis, vel spectantibus ad S. Officium, necessarium non est, ut præcedat infamia; sed sufficient indicia, præsumptiones, & suspiciones verisimiles. Ita habetur ex excommunicatus §. Adiciunt de heres. & pluribus relatis docet Sanchez in Opus. 10. 2. lib. 6. c. 3. dub. 19. n. 16. Et seq. Imò, ut probat Carena de Offic. S. Inquis. p. 3. §. 2. n. 17. Et 18. non videntur requiri indicia valde urgentia, sed sufficient probabilia. Itaque indicia, vel suspicionibus existentibus, potest Judea, scilicet Episcopus vel Inquisitor, per inquisitionem specialem procedere contra denunciatum de delicto pertinente ad S. Officium, absque eo, quod illo sit diffamatus. Vide Lezan. 10. 2. verb. Denunciatio n. 22. Et seqq.

TITULUS CXIV.

De Infirmis.

Vide tit. de Famul. Interrog. 6. tit. de Hor. Canon. &c. Interrog. 5. 6. 7. tit. de Intens. Inter. ult. tit. de Irregul. Inter. 18. tit. de Mutu. membr. Inter. 3. tit. de Orat. priv. Inter. 9. tit. de Precept. aud. sa. Int. 8. tit. de Regul. &c. Interrog. 24. 92. 107.

1106 **I**nter 1. Qui habet licentiam comedendi carnes ratione debilitatis, vel infirmitatis præsentis Quadragesimæ, si qua die illam non comedat, teneturne jejunare,posito, quòd illius saluti conducere jejunare, & non jejunando ipsi noceret?

Resp. Dicit Sanchez in *Opuscul. tom. 2. lib. 5. cap. 1. dub. 14. num. 2.* & ex eo Dian *par. 4. tract. 5. ref. 189.* quòd non tenetur jejunare ex præcepto Ecclesiæ, quia Ecclesia absolute omnes infirmos, ac debiles excusat, cum jejunium eis ut plurimum noceat; quòd autem huic non noceat, est per accidens, & Ecclesia respicit dumtaxat id quod communiter contingere solet: ergo non tenetur ex præcepto Ecclesiæ jejunare. Nosttram sententiam docere etiam Riccard de media Villa, Rocafullam, & Leandrum, refert, & sequitur Pasqualig. de *Jejunio des. 262.* addens, & bene, eum posse peccare contra præceptum naturale temperantiæ, atque adeo aut venialiter, aut mortaliter, juxta quantitatem damni, quod inde ei sequitur.

1107 Inter. 2. Licentiatu ad carnes in Quadragesima potestne tuta conscientia illas edere in diebus quatuor temporum, saltem feria 4. & feria 6. & Sabbato comedere ova, & lactinia?

Resp. Mihi videtur respondendum negativè, nisi speciale, & expressam licentiam habuerit à Medico; siquidem absque gravi evidenter infirmitate carnis velci in illis diebus, & sine speciali licentia, puto certò esse peccatum mortale, quia ad dispensandum, præsertim in diebus Veneris, & Sabbati, requiritur omnino gravis infirmitas, ut inter alios docet Peyrin. de *subdito quest. 4. cap. 6. quest. 8.* tum propter consuetudinem, quæ vim legis habet, tum propter scandalum; nam ita est usu receptum ab omnibus timorati conscientie, quidquid in contrarium dicat Dian *par. 10. tr. 13. ref. 33.* Et tandem ita declaravit SS. D. N. Clemen. XI. anno 1702. die 14 Februarii. Unde dico, nec carnes, nec ova, & lactinia in feria 4. & 6. & Sabbato

licere sine speciali, & expressa Medici licentia; & hoc est sequendum in praxi, quia tutius, licet Peyrin. loco citat. teneat, quòd ova, & lactinia, licite comedere possit sine alia speciali licentia.

1108 Inter. 3. Qui laborat febris quartana, vel tertiana levi, teneturne ad perfolvendum Officium Divinum, si sit in Sacris constitutus?

Resp. Dicunt Doctores, quòd teneatur recitare Horas Canonicas tempore habili, anteponendo, vel postponendo, aliàs mortaliter peccet, quia hujusmodi febris non solet tota die vehementer vexare, & affligere, itaut non vacet tempus ad Divinum Officium perfolvendum. Ita docet Layman *sem. 2. lib. 4. cap. 6. nu. 1.* Bonac. de *Horis Canon. disp. 1. quest. 6. pun. 1. n. 2.* Roderic. in *comp. qq. regul. ref. 24. nu. 29. Summ.* Diana *verb. Hora Canon. nu. 70.* Busemb. *lib. 4. cap. 2. de Hora Canon. artic. 3.* Alloza in *flor. Summ. ver. Hora Canon. sect. 3. n. 2.* & alii plures penes ipsos, qui omnes concludunt, febrim tertianam, & quartanam, generaliter loquendo, non excusare à recitatione Divini Officii. Tamen mihi magis placet id, quod docet Sylv. in *Summ. ver. Hora Canon. nu. 5.* nempe, quòd in hoc standum sit arbitrio Medici, aut boni viri, utpotè Confessarii, vel Superioris, ut dixi in *tit. 104. de Hor. Can. & offic. div. ad Int. 5. 6.*

1109 Interrog. 4. Infirmus, qui cum amicis potest conversari, teneturne Divinum Officium recitare?

Resp. Certum est, quòd gravis infirmitas excusat à recitatione Horarum Canonicarum, ut docent Doctores communiter: Verùm quia potest aliquando esse, ut talis sit infirmitas, quæ nocumentum inferat recitanti, non autem confabulanti, maxime quia amicis confabulari potius animi diversionem, ut proprium obiectum respicit, non attentionem; idèò non sequitur infirmum, etsi valentem conversari cum amicis se invicentibus, ob id obligandum esse officium recitare. Ita ex Sancio probabiliter docet Diana *par. 2. tract. 12. ref. 43. vers. notandum.* Ego tamen censeo standum esse judicio prudentis Medici, an recitatio Divini Officii illi valde nocitura sit, vel non, & ita quiescendum. Vide quæ dixi in *præfatio tit. de Hor. Canon. & Offic. div. ad Inter. 5. 6.*

1110 Inter. 5. Quem morbus impedit dicere Officium Divinum, potestne licite Missam celebrare?

Resp. Doctores communiter affirmativè respondent. Ita ex Azorio, Soto, & Toleta asserit Vidorel. in *Addis. ad Emmanuel Sa*

verb. *Missa sub numer. 23.* & docet Tolet. lib. 2. cap. 14. sub nu. 1. Vnde Emmanuel Sà verb. *Hora Canon sub numer. 19.* in *Addis.* & est communis sententia.

1111 Interrogat. 6. Qui domi infirmus jacet, & aputat se peccare sacrum præmittendo, peccatne mortaliter non audiendo Missam?

Resp. Non videtur excusandus à peccato, nisi deponat conscientiam erroneam, quia licet Missam audire nequeat absque detrimento sanitatis, ut suppono, tamen, absolute loquendo, habet libertatem ipsam audiendi. Ita docet Bonac. de *Peccat. disp. 2. quest. 4. pun. 6. num. 26.* Idèò si peccare non vult, aut deponat conscientiam erroneam, aut Missam audiat.

1112 Interrog. 7. Possuntne Parochi, & Superiores Regulares, sibi subditos infirmos pluries in eadem infirmitate per modum viatici communicare; & inter unam, & aliam communionem quot dies intercedere debent.

Resp. Quòd Sacra Eucharistia per modum viatici possit pluries in eadem infirmitate ministrari, tradunt Tabieua, Armilla, Sotus Victoria, Grassus, Nugnus, Coninchus, Reginaldus, Henriquez, Suares, & alii, teste Diana par. 2. traet. 14. refol. 75. & 77. & par. 3. traet. 4. refol. 44. & par. 5. traet. 3. refol. 37. Alios referunt Palqualigus in *Theor. & in praxi quest. 254* Pax Jordanus to. 1. lib. 2. tit. 3. nu. 28. Emm. Sà verb. *Eucharistia num. 5.* & desumitur ex Rituali Rom. tit. de *Commun. Infirmorum*. Verùm quot dies debeant intercedere inter unam, & aliam ægroti Communionem, in hoc est difficultas, quia non conveniunt Doctores. Bonac. de *Sacr. disp. 4. quest. 6. pun. 2. num. 23.* & alii, quos ipse sequitur, dicunt, Viaticum repeti posse post sex, vel octo dies, & pro se concordantes adducit; Palqualigus loc. cit. quest. 255. num. 8. asserit, & probat Viaticum non posse de novo ministrari, nisi saltem, regulariter loquendo, post quatuor dies. Ludovicus à S. Joanne in *Summ. par. 1. quest. 7. de Euchar. art. 10. diff. 4.* docet, quòd possit ministrari tertio quoque die, & citat Vasquez; nec videtur dissentire Diana par. 3. traet. 4. ref. 44. Imò par. 4. traet. 4. ref. 191. vers. *Non audiendum est*, sic ait: Ego in casibus contingentibus libenter concederem infirmis posse recipere iterum Viaticum post intervallum trium, vel quatuor dierum. Layman rom. 2. lib. 5. traet. 4. cap. 6. nu. 20. tenet, posse etiam altero die ministrari, dummodò mortis periculum instare videatur sed hoc admittit pro iis, qui ob devotionem difficile à communionem abstinere.

Tandem Castropalao par. 4. apud moral. traet. 27. disp. unica. pun. 13. nu. 14. absolute putat ministrari posse singulis diebus, & hanc sententiam amplexi sunt Martinus à S. Joseph traet. 1. moral. lib. 1. & traet. 8. de *Euchar. nu. 15.* & Castillus de *Sacr. traet. 4. de Euchar. disp. 9. nu. 15.* & 344. Nec videtur oppositum docere Emmanuel Sà verb. *Euchar. n. 34.* dum ait: Infirmum in diuturno morbo non jejunum, si jejunus nequeat, posse quoties expedire videbitur, celesti pane pro viatico recreari: favet etiam Alloza in *Summ. eodem verb. sect. 12. sub n. 43.* & citat Dianam par. 2. traet. 14. ref. 75. Imò Hurtadus apud Dianam par. 4. traet. refol. 196. circa finem, docet posse periculo ægrotante non jejunò sumi Viaticum, quoties à sano jejunò; quòd idem est, ac singulis diebus. Mihi tamen valde probatur opinio Pasqualigi in praxi pro constitutis in periculo, vel articulo mortis, quest. 255. citata docentis, Viaticum non posse de novo ministrari, nisi inter unam & alteram summptionem interveniant saltem quatuor dies regulariter loquendo. Idque ostendit ex Rituali Rom. tit. de *Commun. Infirmorum*, ubi habet, quòd si æger dies aliquot vixerit, poterit rursus sumere. Deducit autem Pasqualigus ex doctrinis, legalibus, verbum, *aliquot dies*, importare saltem quatuor dies. Advertit autem num. ult. quòd si quis in phrænesi, aut ita morbo oppressus sumeret Viaticum, non tamen perciperet, quid faceret, si postea ad se reverteretur, & instaret periculum mortis, posset etiam sequenti die de novo sumere, ut scilicet ex propria dispositione fructum perciperet. Refert denique idem Pasqualigus, ita Romæ practicum esse cum quodam Eminenti. qui cum sumpsisset Viaticum ferè extra se ipsum, & postea vix recordaretur se sumpsisse, postero die cum magna devotione sumpsit.

Quar. An Religiosus Ordinis Nostri qui mala valetudine, & vitio sordiditatis laborat, licitè cogi possit à cubitu surgere ad nocturnas preces cum aliis in choro persolvendas, & ad alia Religionis onera, quæ ab eo nunc non sine magna difficultate ferri possunt?

Resp. Cum talis Religiosus ob surditatem, & virium debilitatem, amplius ferre non valeat sine magna difficultate, & morbi incremento, nonnulla suæ Religionis onera, utpote ad Matutinū surgere media nocte in choro canendum, cibis quadragesimalibus sæpe vesci, ultimam Missam celebrare, aliaque hujusmodi facere, quæ suas vires excedunt: idèò requisitus dico, quòd minimè ad supradicta peragenda teneatur, nec de jure licitè obli-

obligari possit à superiore, & assertum sic probo.

Nullum præceptum humanum ad simpliciter, aut moraliter impossibile obligat, nec leges humanæ obligant ad valde difficilia, & cum morali impossibilitate, seu impotentia, nempe cum gravi damno, vel morbi periculo, aut incremento: & ratio est, quia valde difficile, seu id, quod sine magno gravamine fieri non potest, in legibus humanis veluti impossibile reputatur. Sylvest. in Summ. verb. *Impossibile*, Emman. Sà in *Aphor. eodem. verbo*, & alii communiter. Impossibile verò nulla est obligatio, l. *Impossibile ff. de reg. jur. & cap. nemo, de reg. juris in 6.* Siquidem magna difficultas æquiparatur impossibilitati, l. *Nepos Proculo 25 ff. de verb. Signific. l. si Servus depositus 22 de noxalibus l. divorzio 37 ff. de neg. gestor. Bald. lib. 1. consil. 101.* Imò valde difficile, & impossibile, idem est judicium, juxta leg. *Idem Julianus 41. §. Constat ff. de legat 1.* Unde sicut nullus obligari potest ad impossibile, nec de jure tenetur: sic præfatus religiosus ad supradicta peragenda cum magna difficultate, & evidenti periculo, non solum non tenetur, sed nec obligari poterit, aut compelli: Nulla enim lex humana obligat, quando de facto servari non potest, ut habetur l. 1. §. *dies ff. Quando appellandum sit, & cap. rit. autem lex dist. 4.* & impeditus, si non agat, excusatur in lege, l. *qui Commentus 14. de re militari*, & ibi Bartol. quia illud solum possumus, quod sine gravi incommodo possumus, l. *Nepos Proculo de verb. Signific.* Vide Jo. Baptist. Gonet. to. 3. *Theol. disp. 5. art. 4. §. 1. per spt. & §. 2. item per totum.*

Præterea negari non potest, dictum Religiosum esse infirmum, cum surditas sit una ex corporis infirmitatibus, quæ ut plurimum magis nocet corpori, quam infirmitas alterius membri, quia caput est obnoxium distillationibus, sicque grave damnum partibus subjectis valet inferre, ut experientia nobis hoc etiam invitè demonstrat quotidie. Valet ergo dicere, surdus est infirmus; nam debiles: surdi, cæci, claudi, & similes, ita solent communiter appellari, teste Boslio de *Jubil. scilicet. 4. casu 22. §. 6. fol. mibi 328.*

Imò nomine infirmorum comprehenduntur non solum propriè infirmi, sed etiam valetudinarii, ut tradit idem Boslius *ibid. fol. 313* Valetudinarius verò ille dicitur, qui de facili ægrotat Menoch. de *arbitr. consil. 60. num. 5.* Paulus Zacchia *qq. Medicolegal. lib. 5. tit. 1. q. 5. n. 35.* Ergo dum dictus Religiosus non solum vicio surditatis laborat, sed etiam est valetudinarius, quia de facili, aut serè semper ægrotat, ut experientia comprobatur; in

dubium reuocare non licet, præfata suæ Religionis onera modo suas vires excedere; consequenter jure merito pro his, & similibus oneribus censendus erit inhabilis, quamquam sufficiat, ut sit parum habilis, quia parum, & nihil æquiparantur in lege. *Scio 4. de in integrum restitutione.*

At posito etiam non esse omnino inhabile ad præfata, tamen videtur nequaquam teneri cum gravi periculo tentare fortunam; nam cum de infirmitate constet (licet robur censeatur dubium) expectandum non est, donec penitus deficiat; tunc enim irreparabilis esset defectus. Vitam autem tueri est de jure naturæ. *cap. Jus naturale dist. 1. cap. 3. de sent. excomm.* nec non de jure positivo, ut habetur. *ex cap. 2. de homic. volunt. ubi Panor. & alii.* Quamobrem quisvis magnus jus habet ad vitæ suæ conservationem, & nulla potestas humana obligare potest ad eam non conservandam; & tale jus naturale conservandi vitam, anteponendum est omni juri humano, & omni legi positivo. *Barbosi. de Offic. Paroch. cap. 6. num. 53.* & est communis sententia; nam vitæ (sæ quisque consulere debet, *ut vim ff. de Just. & Jure.* Et licet Religiosus non sit in possessione libertatis, est tamen in possessione juris, quo potest se à valde periculosis rebus conservare. Lessius, Sanchez, & alii, quos citat, & sequitur Medulla Theol. Moral. lib. 4. cap. 1. dub. 4. in 2. resp. Et dubio, an supradicta facere valeat, nec ne, in benigniorem, & clementiorem partem inclinandum est, quia ita petit Ecclesiæ, & Religionis suæ regimen. Sylvest. Sanchez, & Diana, quos sequitur Lezana *tom. 3. verb. Prælat. Regul. nu. 14.* & benè quidem; nam ex æquitate, & benignitate juris fit, ut de omnibus dubiis benigna interpretatio fieri debeat, colligitur *ex cap. estote de reg. juris lib. 6. decret.* Et Sancti P. Augustinus in Regula ad intentum sic ait: *Famulo Dei dicenti, quod sibi doleat, sim dubitatione credatur.*

Attamen omne dubium cessare potest, si hoc unum serena mente considerare volumus, scilicet dictum Religiosum esse, pro ut assertur, quinquaginta annorum; ætas autem quinquagenaria, aut sexagenaria, aliquando ex se est prostermatix virium, & tenax infirmitatum nutrix, ut habet Marcus Paulus Leo in *praxi ad lit. Major. Panis fol. 72. vers. omittitur.* Ergo abs re non erit, si dicatur, hujusmodi religionis onera à quinquagenario aliquoties fuisse minimè posse, scilicet, si valde sanus nō sit, & fortis. Quinquagenarius enim limites sonectus ingreditur, ut notat Glof. in *prom. 6. decret.* Unde non erit absurdum, quod incipiat,

plat senectutis beneficio frui quoad labores , dum infirmitate gravatur, ut accidit in casu nostro . Fateor tamen senectutem non semper annis regulandam esse, sed temperamento, & complexionem, ut docet Murga in *Consl. Apostol. fol. 242. n. 909.* ubi ait, quod aliqui in quinquagesimo anno sunt senes, alii vero non : & ratio est evidens, quia non omnes sumus unius temperamenti, neque pares viribus natura cunctos efficit ; & ideo Panor. in *cap. Quoniam frequenter* §. *nu. 18* ut *lito non contestata v. s. f. s. Ego puto senem*, rectè quidem observat, quod in quinquagesimo anno quandoque quis est senior, quàm alius in sexagesimo, ob diversas corporis affectiones . Dico igitur dictum Religiosum non esse inhabilem ad supradicta Religionis onera ratione ætatis, & sordiditatis dumtaxat, sed quia ei annexa est mala corporis affectio, nec non prava valetudo adversatur, cum ex malo corporis habitu, & affectu sæpè malè valeat, & frequenter ægrotet ; quod facillè probari potest per attestationem medicorum, vel per testes domesticos, vel per juramentum ipsius, vel tandem per aspectum corporis ; nam ita probatur infirmitas, prout docet Carena *de offic. SS. Inquis. par. 2. tr. 2. §. 5. num. 54* Et de facto in casu præsentis sic testatur Medici, ut ex eorum attestationibus liquet ; & in his, quæ ad sanitatem pertinent, Medicorum iudicio quiescendum est ; nam peritis in arte standum est in casibus, & actibus suæ peritiæ, *cap. fin. de frigidis, & malefic. l. 1. §. si neq. C. de veteri iure, & notatur in cap. 1. de consil. Innocent. in cap. Proposuit q. de proben. Bartol. in l. 1. §. 1. ff. de veritate incipienda .*

Ergo si res ita se habet, minimè cogi, vexari, aut molestari debet talis Religiosus, primò, ne cæteri hoc exemplo deterriti statum Religiosum perhorrescere incipiant, timentes fortè, ne debita charitate, subsidiisque ægritudinis tempore desistantur, favet *cap. cum percussio de Cler. ægrot. 2.* quia sequeretur quodd jugum Domini non esset suave, & leve . 3. quia plus iusto gravaretur, non teneretur obedire . Colligitur ex *cap. Ad hac 20. in verb. Appellandum, de appell.* nam Religiosus est addictus Religioni, regulariter loquendo, ut filius Patri, & non ut servus Domino, ut ait Sayr. in *Clavi Reg. lib. 1. num. 23.* & comparatur cum suis Superioribus veluti filius cum parentibus, favet *Cap. licet, de Sepult.* & tradunt Doctores communiter, undè si Superior non tractat illum ut filium, sed tanquam simplicem servum, nullam curam habens de ejus vita, & sanitate, quod ex odio moveatur censeri, equidem potest . 4. quia Chri-

stum negare convincitur, qui necessitatem patientibus misericordiam non impendit, *c. Omnis 7. quæst. 1. §. denique quia Sac. Canones* nullo modo permittunt severè agi cum infirmitate laborante, & deducitur ex toto titulo *de Clerico ægrotante, vel debilitato, & alibi : Ægroti quippè merentur sibi rigorem disciplinæ Religionis relaxari, argum. cap. unico ubi gloss. in verb. perpetuo de Cler. ægrot. in 6. cap. de Reclorib. 3. cap. ex par. 5. eod. tit. & ubi infirmitas, lenectus, vel similis alia necessitas urget, ab observantia regulari aliquantisper discedere Religioso licet .* Lezana *tom. 1. par. 2. cap. 12. sub nu. 13* Non plus igitur exigendum est, quàm possit homo secundum suam posibilitatem, quia si per signa valde probabilia, & presumptiones quasi violentas credat subditus, quod Superior velit in hoc ejus mortem, non teneretur obedire, quia irrationabiliter movetur Prælati .

Imò quia Prælati largam manum debet habere cum necessitate patientibus, & cum curat alienam inopiam, suam credere debet, *cap. fratrem nostrum dist. 83.* Goffred. in *Summ. tit. de Offic. Ordin. num. 8.* ideo humane, & charitativè se habere debet cum supradicto Religioso, nè fortè gravatus se appellet ; siquidem qui gemebat, & vexabatur à Saul fugiebat, & veniebat ad David, *cap. omni ; 7. qu. 1.* tum quia misericordia est præferenda rigori, cum etiam quia excedendum est potius circa misericordiam, quàm circa crudelitatem, *cap. Ponderes 50. dist. cap. Alligam 26. qu. 7.* & ibi Gloss. ubi dicitur : *Si Deus benignus est, ut quid Sacerdos ejus austerus ? Pater familias idest Deus, benignus est ad miserendum, ideo Sacerdos ejus Vicarius austerus esse non debet ; & hoc quidem multum valet in casu nostro ; nam vera justitia compassionem habet, falsa justitia dedignationem, cap. Vera justitia 45. dist. & cap. hoc habet proprium dist. 46.* Sed, ut omnia unico verbo concludam, dico quod nec Deus requirit à nobis aliquid supra vires, nec obligat ad impossibile . Ita D. Hieronymus citatus in *cap. legimus de consecr. dist. 5.* Ergo multò minus id facere debent Superiores, qui non possunt præcipere aliquid, ubi est mortis periculum, cum jus conservandi vitam, saltem remediis ordinariis, sit de jure naturæ, contra quod obedientiæ votum obligare non potuit, quia licet votum jure naturali reddendum sit, tamen non obligat cum periculo gravis incommodi, ut rectè notat Gonet *loco supracit. §. 1. sub nu. 59. circa finem, & in omni obedientia intelligendæ sunt aliquæ conditiones, nempe si possibilitas adest, & si sit rationabilis causa, &c.* ut docet Sylvest. *verb. Obedien.*

bedientia q. 3. Armilla eod. verb. n. 12. & alii communiter.

Quapropter necesse est, ut corpore non sani supportentur in cunctis oneribus Religionis, quia ut dicitur in *cap. Dispensatione 1. qu. 7.* Sicut ii, qui mare navigant tempestate urgenti, navique periclitante anxii, quædam exonerant, ut cætera permaneant: Sic periclitante salute præfati Religiosi, debet per Superiorem exonerari aliquibus gravaminibus, ut levior factus, in Dei servitio diutius perseveret; & cum adsit iusta, & rationabilis causa, debet cum eo Prælati dispensare, alioquin peccat. *cap. in quanto 2. qu. 5. Sylvest. in Summ. verb. dispensatio qu. 1. n. 3. in fin. Emmanuel Sà in Aphor. verb. Dispensatio num. 2. Miranda in man. Præl. tom. 2. q. 2. 5. art. 5. concl. 2. & qu. 30 art. 6. concl. 2. & habet solemnem Glossi. communiter recepta in cap. ut constitueretur dist. 50. verb. Detrahendum, ubi ait, quòd quilibet tenetur esse misericors, & notatur in cap. Domino sancto, dist. 50. §. 1. & ibi Glossa verbo necesse. Sic pluribus relatis firmat Peyrinus tom. 1. de Subdit. qu. 1. cap. 8. §. 5. versic. dico quòd; facit etiam cap. tali, & cap. Didici 23. qu. 3. & rectè quidem; nam afflicto addi non debet afflictio, juxta cap. cum percussio 7. qu. 1. l. Navis §. Cum autem, ff. ad leg. Rhodian. de jact. Petrus de Anchar. conf. 52. in princip. apud Cassianum à S. Elia in arbor. opin. moral. verb. Afflicto num. 2. & cap. ex parte, juncta Glossa verb. Afflicto de Cler. exort. & tandem discretio est mater omnium virtutum, ut habetur ex Clement. Pastoralis de sent. & re judic. Videantur igitur ea, quæ dicam in tit. 175. de Præl. Regular. ad Interrog. 5.*

Et hæc omnia cò magis concludunt, quia non ità stricte Religiosi obligantur ad chorum, sicut Canonici, & Beneficiarii, cum talis obligatio singulos seorsim non afficiat, sed solum Communitatem, ut tenet Bonacina de Horis Canon. disput. 2. quæst. 1. pum. 1. sub nu. 9. Diana p. 3. tract. 2. ref. 18. Summa Diana verb. Hora Canonica, num. 52. & alii penes ipsos. Imò Bonacina loco cit. dist. 1. qu. 2. pum. 1. 2. num. 8. ait, Religiosos obligari ad Divinum Officium in choro persolvendum ex vi Regular, quæ cum levem obligationem pariat, levem etiam causam ad sui excusationem admittit; & pro se refert Suarez tom. 2. de Relig. lib. 4. cap. 10. num. 15. Quæ tamen dicta esse volo ad exonerandam Superiorem conscientiam in favorem præfati Religiosi reverà dispensatione indigentis, non autem ad fovendam relaxationem & inobervantiam in Religionis detrimentum; ideòque intelligenda sunt cum grano salis; nam singuli deputati ad chorum, tam Beneficiati, quàm Religiosi, de-

bent persolvere Officium Divinum in choro, nisi ex iusta causa dispensetur, alias mortaliter peccant; maxime si ex contemptu, aut notabili negligentia, vel aliorum scandalo, & sæpè sine iusta causa non intersint, ut optime docet Armilla verb. Hora Can. sub nu. 21. ex cap. ult. 92. dist.

Hæc mea denique responsio circa tale dubium, de quo olim interrogatus fui, cum missa fuerit Emin. Cardinali Protectori illius Religionis, in qua professus erat dictus Religiosus, benignissimè tandem à suo Prælo dispensationem obtinuit; quæ quidem dispensatio protinus iusta fuit, quia ut ait S. P. August. de ep. Monac. c. 19. Qui veram corporis ostendit infirmitatem, humanè tractandus est.

TITULUS CXV.

De ingressu in Monasteria Monialium.

Vide tit. de Bull. Interrog. 2. tit. de Cardin. Interrogat. 7. tit. de parv. mater. Interrogat. 12. tit. de Regul. & c. lra. 63.

1113 **I**nter. 1. Quibus de causis facultas ingrediendi Monasteria Monialium licitè concedi potest?

Resp. Dicta licentia licitè concedi non potest, nisi ob manifestam Monasterii, seu Monialium utilitatem, cui aliter commodè occurrì non potest. Verum est tamen, quòd talis necessitas accipienda est moraliter, non autem phisicè, & necessitas manifesta esse debet; tamen sufficit, ut Superior prudenter opinetur causam justam esse. Ita firmant Bonac. de claus. 4. qu. 4. pun. 4. n. 1. & seqq. & alii, quos refert, & sequitur Barboz. in Trident. sess. 25. de Regul. & Monial. num. 78. & 81. Imò nec Prælati, & alii Monialium curam habètes, earum Monasteria ingredi possunt, nisi in casibus tantum necessariis, ut mandat Gregorius XIII. in alia sua Constit. incipien. Dubiis, de anno 1581. quam refert Quartana verb. Monaster. Monialium pag. 447. sub poenis, de quibus dicam infra in hoc tit. lra. 1.

1114 **I**nter. 2. Moniales possuntne tuto conscientia admittere intra clausuram sui Monasterii, pueros, seu puellas, usum rationis nondum habentes?

Resp. Lezana tom. 1. par. 1. cap. 25. sub num. 24. ex Navarro, & Corduba, putat, posse tuto conscientia, quia prohibitio non extenditur ad infantes. Nam licèt Concilium Tridentinum sess. 25. cap. 5. videtur includere omnes

cu-

cujuscumque ætatis, intentum tamen illius solum censetur extendi ad illos, qui Moniales possunt ad peccandum inducere. Oppositum tamen videtur dicendum, præsertim quia sic declarasse Sac. Congregationem apud Gavantum in *Man. Episc. verb. Monial. Clausura* n. 31. testatur idem Lezana loco cit. Vide ad *Inter. sequentem*. Unde nec infantes utriusque sexus possunt admitti intra clausuram Monialium. Nomen enim masculini generis, etiam feminas comprehendere, est regula communis, ut docet Navar. in *comment. 4. de Regul. num. 59.* & Suarez *tom. 4. de Relig. tract. 8. lib. 1. c. 10. nu. 14.* apud Lezanam ubi supra sub num. 25. Sed vide ipsum Lezanam *tom. 2. verb. Clausura sub nu. 23.* Dianam *par. 3. tract. 2. resol. 67. vers. nota tertio,* & Barbofam in *Collect. ad Trid. ubi supra nu. 55.* nam isti multa dicunt ad propositum.

1115 Inter. 3. Monialis admittens aliquem intra septa Monasterii ad malum finem, incurritne excommunicationem?

Resp. Dico, non solum Monasterium ingredientem ad malum finem, excommunicationem incurrit, sed etiam Monialem admittentem illum, quia agentes, & consentientes, pari pena puniuntur. Nec relevat, si dicatur cum Diana *p. 2. tract. 16. ref. 32* quod nec Concilium Tridentinum, nec in Bulla Gregorii XIII. fiat mentio de Monialibus admittentibus, sed solum de ingredientibus Monasterium, & de Abbatissis, aut Priorissis, quæ aliquem admittunt; nam responderetur, quod licet in materia penali, regulariter loquendo, non sit facienda extensio; tamen quia sumus in materia accommodata, & proportionata Monialibus, & Abbatissis, idcirco videtur dicendum, Pontificem in sua Bulla potiori ratione voluisse comprehendere etiam privatas Moniales, ne de proprio delicto commodum reportarent. Violatio enim clausuræ Monialium ad malum finem, est casus Summo Pontifici reservatus, à quo nemo virtute privilegiorum potest absolvere, ut patet ex declaratione Sac. Congreg. quæ incipit—*Sacra Congregatio*—quæ referam in fine hujus operis. Unde puto cum Zecco *de cas. ref. cas. 10 num. 1.* etiam privatas Moniales dictam excommunicationem incurrit in casu nostro; & eò magis ducor; quia Paulus Comitulus *resp. moral. lib. 6 qu. 19. nu. 4.* existimat, Moniales puerum, vel puellam infantem intra monasterii septa recipientes, esse excommunicatas, & Sellius in *Selectis canon. cap. 8. num. 18.* refert Sac. Congreg. Episc. sic censuisse in Cremonen 12. Februarii 1585; teste Barbofa in *Collect. ad Trid. sess. 25. c. 5. de Regul. nu. 55. in fine.* Ergo &c. Vide

in *tit. 25 de Bullis, ad Int. 2.* & in *tit. 33 de cas. ref. ad Int. 1.*

1116 Inter. 4. Potestne Episcopus absolvere ab excommunicatione imposita contra ingredientis Monasteria Monialium ad malum finem?

Resp. Licet talis excommunicatio sit Papæ reservata, tamen dum delictum est occultum, posse Episcopum absolvere beneficium conferre, pluribus relatis docet Diana *par. 9. rr. 16. ref. 33* quidquid in contrarium dicant alii apud ipsum. Vide iterum Dianam *p. 7. rr. 2. resol. 22.* qui fortioribus terminis utitur pro hac tuenda sententia. Et nota, posse etiam Episcopum absolvere à suspensione Religiosos admittentes feminas intra Clausura, dummodò delictum sit occultum, ut dixi supra; quod idem dicendum est de Prælati Regularium. Diana *loc. cit. & in sum. verb. Ingressi Monasterium num. 5.* Sanchez in *Summ. tom. 2. lib. 6. cap. 25. num. 7.* Verum adverto, Sac. Congreg. & Gregor. XIII. respondisse, Episcopum non posse ab hoc casu absolvere, licet sit occultus, & ita referunt Merolla *tom. 1. disp. 1. c. 2. diff. 10 num. 537.* Gavantus in *Man. verb. Absolutio n. 15* & Barbofa *de potest. Episcop. par. 2. allegat. 39. nu. 45* ergo, &c.

1117 Interrog. 5. Episcopus ingrediens Monasteria Monialium, quam penam incurrit? Et Prælati Regularis ingrediendo Monasteria Monialium sibi subiectarum, incurritne eandem penam Episcopis impositam?

Resp. Si absque ulla vera, & manifesta necessitate ingrediatur Episcopus, prima vice suspenditur ab ingressu Ecclesiæ, secunda à Divinis, tertia ipso facto excommunicatur, ut patet ex Constitut. Greg. XIII. quæ incipit, *Ubi gratia*, edita anno 1571. & docet Bonac. *de cons. disp. 3. punct. 5. §. 2. num. 29.* & late de Clausura *qu. 4. punct. 5. sub num. 11.* Prælati vero Regulares incurrit excommunicationem, & simul privationem omnis officii, & ministerii; imò statim, etiam si prima voce ingrediatur, licet Bonac. *loc. cit.* probabiliter censeat, Prælatos Regulares prima vice interdictos esse ab ingressu Ecclesiæ, secunda vice suspensos à Divinis, tertia affici excommunicatione, & privatione omnis officii. Oppositum, & verius, docet Sanchez in *Summ. tom. 2. lib. 6. cap. 16. nu. 102.* Sed hodie in Constitut. Alex. VII. edita X. Kalendas Novembris 1664. Prælati Regulares extra visitationem localem ingredientis Monasteria Monialium, incurrit ipso facto excommunicationem, privationem omnium officiorum, quæ obtineant, & perpetuam inhabilitatem

ad illa, vel alia in posterum obtineoda, vocifque activæ, & passivæ privationem absque alia declaratione; quas omnes penas pariter incurrunt omnes Regulares tam Subditi, quam Superiores, qui aliquid contra teorem præfatæ Constitutionis facere, vel moliri præsumperint, aut adimplere neglexerint.

1118 Inter. 6. Præfatæ censuræ contra Prælatos sine urgenti necessitate ingredientis Monasteria Monialium sibi subjectarum, cui sunt reservatæ?

Resp. Bonac. loc. sup. cit. nemp. de clausura qu. 4. pun. 5. nu. 13 nulli esse reservatas probat, quia in Constit. Greg. XIII. nulla de reservatione fit mentio, ac proinde de jure communi quivis approbatus Confessarius poterit à præfatâ excommunicatione absolvere dictos Prælatos juxta cap. Nuper de sent. excomm. Sed quoad Prælatos Regulares, vide quæ dixi in præcedente Resp. ex Constit. Alexand. Septimi. Tameo Theaurus de pen. verb. Clausura cap. 4 docet, non solum violentam Clausuram Monialium ad malum finem iocurrere excommunicationem Papæ reservatam, sed etiam secundum opinionem multorum, quam sequitur stylus Curie, in omni casu, etiam si ingressus fiat non ad malum finem, excommunicationem Papæ reservatam esse in pluribus Constitut. Pontificiis, quas refert num. 2. ubi addit, quod licet hæc Constitutiones videantur loqui de ingredientibus prætextu facultatum, tamen ex stylo Curie intelliguntur etiam de ingredientibus sine tali prætextu, afferens pro hoc plures Doctores.

1119 Interrog. 7. Episcopi, & Superiores Prælati, quando possunt licite ingredi Monasteria Monialium sibi subjectarum.

Resp. Visitationis gratia, seu alterius rei necessariæ, dummodo tamen iocrent pro tam urgenti necessitate, pro quanta ipsi ad intrandum licentiam possent dare aliis. Ita aliis allegatis docet Barbosa in Trident. sess. 25. de Regul. & Monial. sub num. 77. Sed quando ingrediuntur dicta Monasteria, debent ingredi cum decenti comitatu, à Gregor. XIII. præscripto in sua Constit. incipiens: *Ubi gratia*, maxime quando ingrediuntur causa visitandi Monasterium. Vide Bonacinam loc. cit. nu. 6. & Barbofam eum. 84. qui alios concordantes refert.

1120 Inter. 8. Potestne Episcopus, vel alius Superior ingredi Monasterium Monialium, quando fit electio Abbatissæ.

Resp. Concil. Trident. sess. 25. cap. 7. mandat, ut Superior, qui electioni Abbatissæ,

seu Priorissæ præ est, Monasterii Clausura non ingrediatur, sed aote Cancellorum fessellam, vota singularum Monialium audiat, vel accipiat. Verum licet hoc ita sit, tamen licitum esse Superiori ingressum in Monasterium ad electionem Abbatissæ, quoties magna subornationis suspicio est, seu quoties electio Canonicè fieri non potest, nisi ipse in Monasterium ingrediatur, tradunt Barbosa de potest. Episcop. par. 3. allegat. 102. nu. 46. Bonac. de Claus. quæst. 4. punct. 4. num. 7. & alii plures apud ipsos. Imò Bonac. loc. cit. testatur de comm. & ratio est, quia adest moralis necessitas, vel quia præsumitur, Trident. nolle prohibere ingressum in casu tantæ necessitatis, & in præjudicium boni communis illius Monasterii.

TITULUS CXVI.

De Ingressu in Religionem.

Vide tit. de Illegit. ad qu. 1 tit. de Præl. Reg. Int. 27. tit. de Regni. Etc. Int. 2. 64. 65. Et ad quæst. 1 tit. de Relig. aliq. par. ad qu. 1. tit. de Vet. Interrog. 12. 13. 14. 16.

1121 Interrog. 1. Quam pœnam incurrunt, vi, vel metu cogentes viros, vel pueros, virginem, vel viduam ad Religionem aliquam suscipiendam, aut prædictis consilium, auxilium, vel favorem dantes?

Resp. Peccant mortaliter, quia ingressus Religionis debet esse liber; præterea cogens feminas cujuscunque conditionis, live sit virgo, live vidua, excommunicationem incurrit, ut patet ex Conc. Trident. sess. 15. cap. 18. & latè docet Suarez de Relig. tom. 3. lib. 5. cap. 9. Verum cogentes masculos, licet peccent mortaliter, ut dixi, tamen dictam excommunicationem non incurrunt; quia Tridentinum loc. cit. solum loquitur de illis, qui cogunt feminas. Vide Lezanam tom. 1. cap. 24. num. 29. qui alios id afferentes refert; idem asserit Bonac. iofra adducendus num. 15. Qui verò solum vi induciva, non coactiva induceret aliquam feminam ad statum Monachale suscipiendum, excommunicationem minimè iocurreret. Ita Barbosa de potest. Episcop. par. 3. allegat. 104. Imò Tambur. de jura Abbatissarum disp. 3. qu. 1. num. 2. docet, non esse prohibitum puellæ Religionis ingressum persuadere, vel benevolentia, aut muneribus, absque ullo pacto, captare. Vide Barbof. in Collect. ad Trident. loco supracit. ubi plu ra

ad hoc propositum invenies. Cæterum excommunicantur etiam in eodem Conc. Tridentino, auxilium, consilium, vel favorem dantes, ut docet Toletus in *Summ. lib. 4. cap. 41. num. 6.* & alii communiter. Hæc tamen excommunicatio nemini est reservata, teste Cabrino de *cas. reservat. pars. 2. fol. 42. linea 1.*

1122 Inter. 2. Cogentes foeminas intrare Monasterium, educationis causa, inciduntne in excommunicationem latam in Conc. Trid. loco supra citato?

Resp. Si foeminae sunt impuberes, scilicet ante annum duodecimum, illas cogentes, dictam excommunicationem non incurrunt; siquidem pater, & mater ex jure Canonico habent jus naturale offendi filios Religionis; nec filius sic oblati potest, antequam annos pubertatis attingat, à Monasterio exire; tenetur enim obedire parentibus, etiam post Concil. cum circa hoc Conc. nihil innovaverit, ut docent Sanchez in *summ. 10. 1. lib. 4. cap. 19. num. 8.* & seq. Suarez de *Relig. tom. 3. lib. 5. cap. 9. num. 4.* & Portellus, quos allegat, & sequitur Dian. *par. 2. tr. 1. §. ref. 56.* Verum si post annum duodecimum cogantur foeminae Monasterium ingredi, etiam ut ibi maneant cum habitu seculari, usque ad occasionem nubendi, controversitur inter Doctores, an tales sic cogentes, in excommunicationem incidant. Quidam enim putant tunc cogentes foeminas intrare in Monasterium, incurrere in dictam excommunicationem, quando coactio illa ingressus efficeretur in ordine, vel cum animo ad postea suscipiendum habitum Religionis, sive alia via; secus autem dicendum esset, si ipsi cogentes talem animum non haberent. Vide Bonac. de *Censura extra Bullam disp. 2. qu. 2. n. 6.* Alii verò dicunt tunc cogentes, excommunicationem incurrere, quando haberent animum, ut in Monasterio foeminae permaneat, & suscipiant Religionis habitum, & non si solum habeant animum, ut ibi custodiantur, vel etiam ut paulatim assueantur, & postea, si voluerint, habitum suscipiant. Cæterum quidquid sit quoad excommunicationem incurrendam, tamen semper mortaliter peccant parentes cogentes filias ad ingressum Monasterii, etiam educationis causa, ut bene observat Diana loco supracit. Imò sibi videtur probabilius incurrere excommunicationem, quia Concilium, sicut expressit susceptionem habitus, aut professionem, sic etiam disjunctivè expressit Monasterii ingressum: & ubi lex non distinguit, nec nos distinguere debemus. Et hanc sententiam tradunt quamplures Doctores, ut Navar.

conf. 59. de sentent. excommunic. in prima editione, & conf. 6. de Regul. in 2. editione. Barbof. de *potest. Episc. par. 2. alleg. 104. num. 5.* Zerola in *prax. Episc. par. 2. verb. Meniales qu. 3.* Filliuc. *tom. 1. tr. 24. cap. 6. num. 89.* & alii, quos refert, & sequitur idem Diana. Itaque cautè debent parentes in hoc tam gravi negotio incidere. Vide Tolet. *lib. 1. cap. 41. nu. 6.*

1123 Inter. 3. Incurruntne excommunicationem cogentes mulieres Monasterium ingredi, ingressu non sequuto; aut si cogant foeminas ad ingrediendum Monasterium in poenam alicujus peccati, vel ad cautionem pudicitiae?

Resp. Dico primò, quòd, si non sequitur ingressus, excommunicationem non incurrunt. Ita Navar. in *Manual. 2. 27. num. 51.* Bonac. ubi supra num. 8. Suarez, & Miranda, quos dar, & sequitur Barbofa in *Collect. in Tridentin. sess. 25. de Regul. & cap. 15. num. 8.* Dico secundò, absque metu excommunicationis incurrendæ, posse cogi foeminas in poenam alicujus peccati, vel ad custodiendam pudicitiam, aut alia iusta de causa à jure permilla, ad Monasterium ingrediendum, ut docent Suarez, Filliucius loc. cit. & Bonacin. de *Censura extra Bullam disp. 2. qu. 2. pun. 2. n. 14.* apud Barbof. loc. cit. num. 7.

1124 Inter. 4. Suntne excommunicati parentes, qui manifestant solum filiae statum monachalem illi convenire, eò quòd non habeant dotem pro matrimonio, vel quia non illi securum est manere in saeculo absque matrimonio, & absque Monachatu?

Resp. Nequaquam sunt excommunicati, etiam si importunis precibus id suaderent puellæ, quia tunc censetur ingredi Monasterium tantum ex metu reverentia, non autem ex minis, seu coactione aliqua, ut suppono. Et ita tradunt Riccius in praxi rerum fori Ecclesiastici *ref. 599. nu. 4.* Portellus in *Addit. ad dubia Regul. verb. Menialis nu. 12.* Rodericus in *compend. 99. Regul. ref. 101. nu. 80.* & alii, quos refert; & sequitur Barbofa ubi supra num. 4. & Diana *par. 2. tract. 1. §. ref. 56. vers. Ex his apparet.* Secus autem dicendum erit, si parentes malè tractent puellam in victu, vestitu, verbis, & aliis actionibus, contumeliosè illam tractando; nam si ità facerent, excommunicationem utique incurrerent; sicut etiam si excederent limites simplicis persuasionis; nam tunc esset metus gravis, & cadens in virum constantem, ac proinde præfatam excommunicationem non effugerent. Cautè igitur se gerant parentes, & consanguinei puellarum in dictis casibus,

1115 Inter. 5. Cui competit examinate Puella, vel alias fœminas, an coactè, & seductæ assumant habitum monialium; & debentne examinari ante susceptionem habitus, aut ante professionem?

Resp. Examinari debent ab Episcopo loci, etiamsi ingrediatur monasteria Regularibus subiecta, ut declaravit Sacra Congregatio, teste Piascio in *praxi Episcop. par. 2. c. 3. nu. 7.* & 8. Episcopo verò absente, vel impedito, spectat ad ejus Vicarium illas examinare, & debet fieri examen ad cancellos, seu crates Monialium. Et quamvis Conc. Trident. duplex examen petat, *sess. 25. cap. 17.* tamen usu, & consuetudine jam receptum, ut unicum puellæ quacumque ætate ingredienti permittatur, ut scil. ante professionem dumtaxat examinentur. Ita Sanchez, & Rodriquez, quos refert, & sequitur Diana *p. 4. tr. 2. resol. 47.* Lezana *tom. 1. par. 1. cap. 25. num. 12.* & alii ab ipso relati. Verùm licet sit peccatum mortale illud prætermittre, in quod incurrit non solum ipsa puella, sed etiam Abbatissa, vel Prælati ad professionem admittens; tamen professio valida foret. Vide citatos DD.

1126 Interrogat. 6. Quam pœnam incurrunt impediētes fœminam, ne Monasterium ingrediatur, & Religionem suscipiat?

Resp. Non solum excommunicationem incurrunt, qui cogunt fœminas vitam Religiosam suscipere, sed etiam qui eas ab eo vitæ genere prohibent; nam in Conc. Trid. *sess. 25. de Regular. cap. 18.* post excommunicationem latam in cogentes fœminas ad ingressum in Monasterium, vel ad susceptionem habitus, vel ad emissionem professionis, imponitur alia excommunicatio contra illos, qui fœminas impediunt, ne velum accipiant, seu professionis votum emittant. Sed quia nemo potest profiteri, nisi prius habitum Religionis suscipiat; idcirco qui susceptionem habitus impedit, excommunicationem præfatam incurrit, ex eo quod saltem remotè professionem impedit. Ita ex Suarez, & Filiucio contra Sanchez firmat Bonacin. *tom. 3. de censu. extra Bullam disp. 2. quæst. 2. punct. 3. num. 8.*

1127 Interrogat. 7. Impediētes aliquem virum, ne Religionem ingrediatur, incurritne excommunicationem? vel saltem mortaliter peccat?

Resp. Concilium Tridentinum loquitur dumtaxat de impediētibz fœminas, & cum excommunicatio sit res pœnalis, & odiosa; idcirco extendenda non est de casu ad casum.

Bonacin. ubi supra numer. 7. & est communis sententia. Cæterum qui absque justa causa retrahit aliquem ab ingressu Religionis, peccat mortaliter, quia læditur charitas erga proximum in gravi. Vide Dianam *par. 11. tract. 3. ref. 22.* & ea quæ dicam infra in tit. 175. de Prælati Regularibus, ad Interrogat. 21.

1128 Inter. 8. Qui habet aliquam justam causam impediendi tœminam, ne Religionem suscipiat, subiiciturne huic excommunicationis pœnæ?

Resp. Concilium Tridentinum solum loquitur de impediētibz sine justa causa, consequenter qui habet justam causam retrahendi fœminam à Religione, huic excommunicationi non subiicitur, Emmanuel Sà *verf. excommunicationes nulli reservate num. 12.* Bonac. *loco supracit. nu. 8.* Tolet. *lib. 1. c. 41. num. 6. verf. 4.* qui asserit etiam hanc excommunicationem non esse reservatam.

1129 Inter. 9. Qui impedit fœminam, ne faciat votum ingrediendi Monasterium, aut assumendi habitum Religionis, incurritne excommunicationem?

Resp. Bonac. ubi supra numer. 4. resolvit, quod non, quia talis solum indirectè impedit professionem, nec Concilium Tridentinum loquitur de impediēte votum simplex; nam est certissimum illud juris axioma, lex si voluisset, expressisset; Hoc Concilium non expressit, consequenter non debet fieri extensio unius ad aliud, præsertim quia agitur de materia pœnali. Sed vide Bonacinam loco citat.

1130 Interrogat. 10. Berta postquam contraxit matrimonium per verba de præsentibus cum Catone, nondum consummato matrimonio, vult ingredi Religionem, fierique Monialis; sed quia hoc summopere displicet Catoni, idcirco quantum potest precibus à Religione illam retrahit; incurritne excommunicationem ipse Cato, si Berta Religionem non ingrediatur?

Resp. Licet Berta post contractum matrimonium possit licitè denegare debitum conjugii, & ante bimestre monasterium ingredi, fierique Monialis, ut docet Bonac. *de matrim. disp. 3. punct. 4. sub nu. 4.* estque communis sententia, ut dicam ad Inter. seq. non per hoc tamè dictus Cato incurrit excommunicationem in casu nostro; quia non dicitur impedire voluntatem Bertæ, cum preces voluntatem nō auferant, & sic Berta etiam positis precibus Catonis, censetur sponte nolle amplius Religionem suscipere. Favet idem Bonac. *eodem tom. 3. de cens. extra Bullam disp. 2. quæst. 2. punct. 3.*

n. 5. Sed hoc intelligendum est, nisi interceperit dolus, quia dolus voluntarium auferit.

1131 Interrog. 11. Berta contraxit Matrimonium cum Sempronio per verba de præsenti, tamen debitum conjugale denegat viro suo, dicens se velle Monasterium ingredi, fierique Monialis; potestne Berta tuta conscientia debitum negare, & Monasterium ingredi?

Resp. Equidem potest, quia post contractum matrimonium Jus Canonicum concedit Conjugibus bimestre ad deliberandum de statu eligendo, & de capessenda religione; habetur cap. Verum, & cap. ex publico, de conv. conjug. & tradunt DD. communiter; quare liberum est conjugi denegare debitum ante consummatum matrimonium, ut Religionem ingrediatur. Emmanuel Sà verb. Debitum conjugale n. 9. & alii apud ipsum, Victor. in Summ. de Matrim. n. 232. Bonacin. de matrim. disput. 3. punct. 4. sub nu. 4. vrf. Notandum est, qui testatur de communi. Elapso verò bimestri peccat non reddendo debitum penitenti. Verum facta professione, alter conjux, qui remanet in sæculo, potest ad secundas nuptias liberè transire, ut docent DD. communiter.

1132 Inter. 12. Qui contraxit matrimonium, & illud consummavit, potestne ad Religionem transire?

Resp. Generaliter loquendo non potest, quia neuter conjugum est sui juris. Verum si unus conjugum commiserit adulterium, alter innocens, certò tuta conscientia ad Religionem transire valet, altero conjugè invito remanente in sæculo. Patet ex cap. Agatosa 27. q. 2. Imò etiam potest Sacros Ordines suscipere, ut tenet Victoria in Summ. de Matrim. n. 231. Item pariter delicta alterius conjugis, potest alius transire ad Religionem; sed qui licentiam concedit, tenetur quoque Religionem intrare, nisi sit in ætate senili, qua possit Episcopus judicare, non adesse incontinentiæ periculum, licet in sæculo remaneat voto castitatis obstrictus: Mulier autem quinquagenaria dicitur senex, ut vir possit proferri religionem, remanente illa in sæculo cum voto castitatis: Vig etiam si sit sexagenarius, ad hunc effectum censetur senex, ut docet Bonacin. de matrim. disput. 3. punct. 4. sub nu. 12. Diana p. 4. rr. 4. ref. 75. & alii plures penes ipsos. Imò probabiliter docet Diana ubi supra ref. 129. quòd vir consentiente uxore possit ad Sacerdotium promoveri, quamvis ipsa Religionem non ingrediatur, & juvenis sit, dummodo castitatem voveat. Oppositum

censet Sanchez de matrim. lib. 7. disp. 39. nu. 6. Utraque sententia est probabilis stando in puncto juris, ut ait ipsemet Diana loco citato, & probabilem eam vocat etiam Sanchez, licet sententia negans mihi videatur probabilior. Cæterum quotiescumque licet viro transire ad Religionem, licet ei quoque ad Sacros Ordines in sæculo transire. Ita Paludanus 4. disp. 27. quest. 3. cui subscribit Victoria loco supra cit. & de hoc ego non dubito. Verum est tamen, quòd ad Episcopatum vir minimè promoveri potest, nisi uxor, sive sit senex, sive juvenis Religionem ingrediatur, ut habetur cap. sanè de conv. conjug. & tradit Ancharan. in d. cap. sanè in fine, Basilii Pontius de matrim. lib. 7. c. 25. n. 6. quibus subscribit Diana dicta ref. 129. §. nota etiam.

1133 Inter. 13. Potestne Episcopus ingredi Religionem?

Resp. Episcopus non potest sine licentia Papæ transire ad Religionem, ut patet ex cap. licet, de Regul. & cap. scio. 7. q. 1. & docet Sanctus Thomas 1. 2. qu. 185. art. 4. Valentia tom. 3. disp. 10. q. 3. punct. 4. & colligitur etiam ex cap. Nisi cum pridem de renunc. Vide Emmanuel Sà verb. Episcop. nu. 39. & Lezanam to. 1. p. 1. c. 24. n. 11.

TITULUS CXVII.

De Inimicis.

Vide tit. de Homicid. Int. 8. tit. de Paroch. Inter. 11. tit. de Peccat. Int. 20. tit. de Testib. Eccl. Int. 9.

1134 Interrog. 1. Potestne Confessarius absolvere penitentem, qui non vult alloqui, vel salutare inimicum?

Resp. Si non addit odium, aut scandalum, aut periculum, ut inimicus odium, & rancorem ob denegatam sibi salutationem concipiat, vel conservet, potest illum absolvere, quia per se loquendo non est peccatum mortale non salutare inimicum, quando nobis occurrit, quia non tenemur specialia benevolentiae signa exhibere inimicis, quæ non tenemur erga alios. Vide Dianam p. 2. rr. 15. resolut. 62. Mancinum pract. 7. dub. 2. Tamen dicendum est, quòd teneatur ratione nostræ depravatæ irascibilis; nam denegans hujusmodi signa, ut plurimum est prave affectus erga inimicum, illumque odio prosequitur, vel saltem aliquam præbere solet scandali occasionem, siquidem abstinentum est ab omni specie mali, ut inquit Sanctus Paulus ad Thesalon. Vide Sylvestrum verb. Charitas numer. 4. Tolet. lib. 5. cap. 10.

T 4 sub

sub n. 5. Layman lib. 2. tr. 4. cap. 4. n. 2. Bonacin. de precept. Decalogi disput. 4. q. 4. punct. 3. n. 3. per totum, Diana p. 5. tr. 13. ref. 89. Navar. in Man. cap. 14. n. 3. nam isti multa dicunt. Ceterum, qui inimicum salutem non refalutat, mortaliter peccat, quoties inde sequitur scandalum, aut quoties notabilis contemptus existimatur, inspecta circumstantia temporis, loci, personarum, & consuetudine Patriæ. Bonac. sub n. 5. ubi supra. Denique ut omnia unico verbo concludam; dico cum Emmanuel Sæ verb. Charitas, inimico non tenemur ostendere signa amoris, nisi in casu necessitatis, nempe quando tenemur ex charitate subvenire. Tenemur tamen alloqui, si alioquin esset scandalum, ut supra dixi, & salutem nos refalutare, & veniam petenti reconciliari, ut docet Div. Thomas 2.2. qu. 25. art. 9. & ex eo supracitati Doctores. Vide Armillam verb. Charitas sub n. 1.

1135 Inter. 2. Peccatne mortaliter, & potestne absolvi, qui non vult alloqui, vel salutare eum, cum qua familiaritatem dissolvit?

Resp. Præciso scandalo, & deposito odio, vel tristitia de bono illius, non peccat mortaliter, & consequenter potest absolvi, quia non tenemur illum, qui non est nobis notus, vel familiaris, alloqui, vel salutare, cum charitas non obliget nos ad hujusmodi signa peculiaris benevolentie præstanda, & exhibenda; ita ob dissolutam familiaritatem, iste non est melioris conditionis altero, quem salutare, aut alloqui non solebamus. Ita Bonacina tom. 2. de rescriptis. disp. 2. q. 5. punct. 2. nu. 4. ex Beja, Navarro, Bannes, Cajetano, & aliis. Vide tamen quæ dixi ad Inter. antecedentem: Et Armillam verb. Odium n. 3. ubi sic habet: Sunt tamen hortandi homines, ut ab inimicis non subtrahant consueta beneficia, colloquia, & hujusmodi, etiam extra articulum necessitatis, ut omnis spiritus odii de mente eradicitur, & inimicus ad bonum provocetur exemplo Christi &c.

1136 Interrog. 3. Peccatne mortaliter, qui veniam inimico petenti concedere recusat?

Resp. Non tenetur quis remittere debitam sibi pro injuria satisfactionem, imò potest contra inimicum in iudicio agere, ut secundum jura puniatur, & exigere satisfactionem injuriæ, aut damnorum; sed solum tenetur injuriam remittere quantum ad odium, & voluntatem mali, quia non licet aliquid ex odio, & animo vindictæ facere: ergo non peccat mortaliter, si veniam inimico petenti, (deposito tamen odio, & vindictæ affe-

ctu) concedere recuset, ut sibi compensatio juridicè fiat, vel ob justitiæ zelum delicta non remaneant impunita. Imò si homicida v. gr. homo est iniquus, non tenetur desistere à causa, sed ipsam prosequi debet, donec suspendatur. Toletus lib. 4. c. 10. n. 5. circa finem. Emman. Sæ verb. Injuria n. 1. Navar. c. 14. n. 25. prope finem, & alii apud Bonac. de præc. Decal. disput. 4. q. 4. punct. 3. n. 5. Sylvest. verb. Charitas sub n. 4. Manc. præf. 7. dub. 3. & 4. Tamen, ut verum fatear, in praxi difficile est, quòd aliquis actionem injuriarum prosequatur, deposito omni odio, & vindictæ affectu; idè melius est remittere veniam petenti, juxta illud S. Lucæ c. 17. Si reversus fueris ad te dicens, peccati peccatis meo, dimitte illi, præsertim tibi debitam satisfactionem offerenti, nisi necessaria sit iudicis actio ad consulendum honori, vel damno tuo; maxime cum hoc sit conforme consilio Christi: Si quis percussit te in maxilla, præbe ei & alteram. Vide Bonac. loco præc. cit. in fin. D. Thom. 2. 1. q. 107. art. 1. & 2.

1137 Interrog. 4. Qui juravit inimico se nihil damni illaturum, peccatne contra juramentum, si ex nova causa superveniente illi noceat?

Resp. Bonacin. de Præcept. Decal. disput. 4. q. 1. punct. 16. cum communi asserit non peccare, quia intelligitur jurasse, se non nociturum ex causa præterita, vel nisi novam causam dederit: promissio enim, & juramentum aliquid faciendi, & omittendi, intelligitur ex causa subsistente tempore, quo juramentum præstatur. Peccabit tamen mortaliter, sed non contra juramentum, si grave damnum injussè inferat.

TITULUS CXVIII.

De Injustitiâ.

Vide tit. de Eleemos. Inter. 3. 16. tit. de Homicidiis. Inter. 8. tit. de Peccat. Ins. 20. 23. tit. de Poen. ven. Inter. ult. de Ref. mort. ad quas.

1138 Inter. 7. Qui jubet aliquem percuti baculo injustè, etiam expulso modo ne illum interficiat, si mandataris interficit, sitne irregularis, qui percussorem illam mandavit.

Resp. Fit irregularis juxta sententiam Navar. c. 27. n. 233. Suarez de consensu. disp. 41. scilicet 2. nu. 3. & colligitur ex cap. fin. de homic. in 6. Opusitum tamen docet Diana p. 4. tr. 2. ref. 19. & pro se citat. Præpositus in 3. par. q. 5. de irreg. dub. 10. n. 78.

1139 Inter. 2. peccatne mortaliter Judex, qui juxta allegata, & probata profert sententiam mortis contra aliquem, quem scit ex privata scientia esse innocentem?

Resp. Magna quidem questio est inter DD. Quidam docent, non posse Judicem in conscientia innocentem morti adjudicare, licet jure probeatur nocens; nam directe, & ex intentione occidere innocentem de facto est per se malum, ideoque contra charitatem; ac etiam contra justitiam putant peccare Judicem, nisi talem à morte liberet, eo meliori modo, quo potest, adhibitis omnibus diligentis necessariis ad ipsum liberandum; quomodo autem se gerere debeat tali casu, pluribus citatis docet Diana p. 5. tr. 4. ref. 22 Alii verò, & præsertim D. Th. 2. 2. q. 67. art. 2. & ibi Cajet. Bannes, Salonijs, Aragonius, & alii plures, quos refert ipse Diana loc. cit. docent, Judicem non peccare, quia Judex in judicando, publicam personam, & quidem ipsius communicatis, sustinet; ergo uti debet scientia publica dumtaxat, quæ ipsi Communitati probabilis reddatur, aliàs aperiretur via infinitis fraudibus, si privata scientia uteretur. Unde mihi videtur, postquam adhibuit omnes diligencias ad illum liberandum, posse tuta conscientia reum, prout de jure apparet, condemnare; nam sequitur opinionem certò probabilem, nec opposita probabilior videtur mihi, quia si ille est innocens de facto, tamen est Reus de jure: ergo juridicè, nempe juxta allegata, & probata, condemnatur ad mortem, & consequenter non debet imputari Judici, si in judicio suit probatum sufficienter esse nocentem. Vide omnino Tolet. lib. 5. c. 56. à n. 3. qui hanc nostram sententiam communiorem, & veriorum appellat. Excipit tamen, nisi sit supremus Judex, ut Rex, Princeps, aut ii, quorum dicta habent in suo Territorio vim legis; hi enim secundum conscientiam tenentur innocentem eripere. Vide etiam Emm. Sà verb. *Judici oles actus* n. 13. ubi utriusque opinionis Authores refert, sed ipse primam sequitur opinionem, quamvis secundam communem esse fateatur. Vide Stephan. à S. Greg. de *contract.* lib. 1. cap. 8. n. 5. pro hac nostra sententia.

1140 Inter. 3. Estne peccatum mortale, vel veniale, si quis doleat de Beneficio collato indigno, quia injustè datum est illi?

Resp. Si doleat, & tristetur, quia indignus est tali beneficio, & quòd sit violata justitia, cum Beneficia, aut Dignitates dari non debeant indignis, nec quidem venialiter peccat, quia ex zelo movetur, & ex justitia, & sicut licitum est tristari de bono alicujus,

quo licitè possemus eum privare, si in nobis esset potestas ob illam causam, propter quam tristamur, ut docet Cajet. in 2. 2. D. Thom. q. 63. art. 1. ita licet tristari de Beneficio collato indigno, & quòd violata sit justitia. Tolet. lib. 8. c. 63. n. 1. sup. & communis. Vide Bonac. de *Præc. Decal.* lib. 8. c. 63. n. 1. disp. 3. q. 4. pun. ult. §. 1. sub n. 7.

TITULUS CXIX.

De Inquisitoribus.

Vide tit. de Denunc. tit. de Edict. Inter. 1. 1. tit. de Excomm. etc. Int. ult. tit. de hæres. etc. Int. 5. tit. de Judicib. ad quas. tit. de lib. prob. Int. ult. tit. de Sigil. Confess. Int. 14 tit. de Sollicit. Int. 8. 9. 11. tit. de Superfl. Int. 20. tit. de Testib. etc. Int. 9.

1141 Inter. 1. Spectatne ad Inquisitores miscuit Sacramentalia?

Resp. Utique ad Inquisitores pertinet hujusmodi Reos punire, quia sortilegium cum mixtione Sacramentalium est hæreticale; nam tales sortilegi admittentes supradictas res sacramentales in suis sortilegiis, significant se credere hujusmodi adhibita habere vim ad malefactorum operationem, ut Bellochio, Florono, Genuensi, Zanardo, Delrio, Pegna, Scaccia, & alijs, firmat Diana p. 4. tr. 8. ref. 14. & testatur de communi.

1142 Inter. 2. Possuntne Inquisitores punire sortilegium, qui in sortilegio miscuit hostiam non consecratam, si tantum super eam Sacerdos Missam celebravit?

Resp. Si quis abuteretur hostia consecrata (quod est horribile dictum) proculdubio ab Inquisitoribus severè esset puniendus; nam hoc scelus ad hæresim magnopere presumendam pertinet; & in hoc omnes Doctores conveniunt. Imò ex ordinatione S. Officii posita in fine operis judicialis Inquisitorum, teste Diana, qui usus fuit Sanctissimo Eucharistiae Sacramento in sortilegijs, traditur Curiae Seculari puniendus. An verò possint Inquisitores punire sortilegium, qui in sortilegio miscuit hostiam non consecratam, dummodò super eam sit celebrata Missa, est dissensio inter Doctores, ut videre licet apud Dianam p. 4. tr. 7. ref. 10. *verf. Quæro igitur*: ipse tamen, & benè, cum Scaccia, Soula, & Moura, absolute putat, hæresim sapere manifestam in dicto casu, tum ex parte operis, tum quia Sacrificium Missæ dictus sortilegus ordinat ad sortilegium, licet mediatè, & tandem quia præ-

præsumitur, quod hæc faciens credat illud Sacrificium vim habere ad maleficium operandum, & hoc ipsum in facto ostendit: ergo dicendum est, supradictum sortilegium esse puniendum ab Inquisitoribus, ut suspectus de hæresi vehementer, cum abjuratone de vehementi. Vide Dianam loco cit. usque ad *synthesi*.

1143 Inter. 3. Possuntne Inquisitores procedere contra sortilegos, qui solum implicitè invocant Dæmonem sine cultu, seu honore, aut mixtura rerum, vel verborum Sacrorum?

Resp. Quidam dicunt non esse sortilegium hæreticale, & consequenter non esse delictum spectans ad Inquisitorum forum. Vide Dianam *dist. p. 4. tract. 7. resol. 10. vers. Sed ostenditur*, qui tandem concludit cum Zanardo *in direct. Theol. p. 3. cap. 84. fol. 366.* contra sortilegos non hæreticantes posse Inquisitores procedere tanquam contra suspectos de levi ex amicitia cum pacto implicito saltem cum Dæmone; nam sicut subditus contrahens amicitiam cum hoste sui Principis, redditur de infidelitate suspectus, ita & qui cum Diabolo sedus, pactum, vel amicitiam contrahit, etiam quoad ea, quæ sunt illi propria, vel ad quæ se potest extendere sua virtus: & rectè quidem; nam nobis omne cum Dæmonibus commercium interdictum est. Imò Bartholomæus de Spina insignis Theologus Dominicanus, qui etiam fuit Sac. Palatii Apostolici Magister, absolute probat in *Apolog. 4. contra Ponzinium*, omnem invocationem Dæmonis sapere hæresim manifestam. Dicendum est igitur, quod quoties quis est certus, vel quasi certus, rem, quam facit, secundum se superstitiosam esse, & eam tamen ferri facit, etiam si protestetur se non intendere, vel nolle effectum consequi, si qua Diaboli virtus, vel pactum subsit; adhuc esse sortilegium, & superstitionis Reum, quia talis protestatio, cum sit contraria facto, non excusat protestantem, quin possit ab Inquisitoribus tanquam de hæresi suspectus puniri. Et nota id, quod asserit Em. Sà verb. *Hæresi n. 6.* scilicet, quod ex sortilegio, & divinatione non probatur quis hæreticus, sed præsumitur. De variis nominibus sortilegiorum, quæ omnia sunt damnata, habetur ex *cap. illud 26. quæst. 1.*

TITVLVS CXX.

De Intentione.

Vide tit. de Elect. Int. 9. tit. de Episc. &c. Int. 68. tit. de Eius. Inter. 3. 4. 5. tit. Jur. Int. 5. tit. de Occof. Inter. 7. tit. de Peccat. Inter. 20. tit. de Sacril. Inter. 7. 8. tit. de Simon. Int. 5. 18. tit. de Simul. Int. 4. tit. de Val. Sac. Bap. Int. 2. tit. de Vor. Int. 16. 17.

1144 Inter. 1. Perverfa intentio Ministri in conferendo Baptismo, & aliis Sacramentis, suppletur à Deo, saltem quoad gratiam?

Resp. Dico primò, quod non valet Baptismus collatus à Ministro, qui omnem ritum externum, formamque baptizandi observat, si intus in corde suo apud se resolvit, non intendendo facere, quod facit Ecclesia; & hoc est certissimum, cum oppositum jam postremo sit damnatum ab Alex. VIII. anno 1690. & est 28. propositio ab eodem reprobata. Itaque nullo modo sunt audiendi, qui docuerunt oppositum; nam ad valide conficiendum Sacramentum requiritur intentio, seu faciendi, quod intendit Ecclesia, vel quod Christus instituit; patet enim hoc ex Conciliis asserentibus Sacramenta tribus perfici, materia scilicet, forma, & intentione Ministri; & tanquam de fide habetur ex Trid. *sess. 7. can. 11. de Sac. in genere, &c.* tradunt DD. communiter apud Bonac. *de Sac. disp. 1. q. 3. pun. 2. §. 3. nu. 4. & 5.* inter quos est S. Thomas præcipuus Theologorum Magister *3. p. q. 64. art. 10.* Dico secundo, si Minister ex malitia in Baptismo, vel Pœnitentia, vel alio Sacramento deciperet, non habendo intentionem faciendi, quod facit Ecclesia, sed tantum irideret hominem, Deum non supplere effectum Sacramenti: Hanc sententiam aliis relatis docet Diana *p. 3. tr. 4. res. 17.* esse valde probabilem. Vide etiam Bonac. *loco sup. citat. n. 10.* qui tandem ita reserit concludit: *Caveat tamen baptizatus, ne anxius, & scrupulosus sit circa susceptum baptismum, nisi cerò sciat se scilicet baptizatum fuisse; non enim facili credendum est, administrantem Baptismum debita carnis intentione: Et sic dicendum est etiam de aliis Sacramentis: Vide infra in tit. 226. de Validitate Sacramenti Baptismi, ad Int. 1.*

1145 Inter. 2. Quænam intentio est sufficiens ad valide conficiendum Sacramentum Ordinis, & aliorum Sacramentorum?

Resp. Supponendum est primò, Sacramenta tribus perfici, scilicet materia, forma, & intentione ministri, ut asserit Conc. Florent.

sess. 11.

ff. 11. can. 117. Supponendū est secundō, triplicem esse intentionem, nempe habitualement, virtualem, & actualement: his ergo suppositis, & & prænatis, dico varias esse opiniones DD. quænam intentio virtualis sufficiat; nam omnes fatentur, intentionem habitualement non sufficere, & actualement non esse necessariam, ut videre licet apud Bonac. *de Sac. disp. 1. quæst. 3. punct. 1. §. 2. n. 11.* Dianam *par. 2. tract. 17. ref. 33.* & alios; tamen non conveniunt in asserendo, quænam intentio virtualis sufficiat. Sed quidquid dicant aliqui, quos refert, & non sequitur Diana *loco cit.* dicendum est cum communiori, intentionem virtualem necessariam ad Sacramenta illam esse, quæ actu transivit, & virtute manavit ex impressione in imaginativa recta in primo proposito, quo quis humano modo ad agendum se applicuit, quæ excitatur potentia motiva, ut actus initio propositos (qui primum actum immediate sequuntur, aut cum eo saltem mediatè connexi sunt) perficiat, homine interim alia omnia cogitante, donec actu aliquo contrario inturbetur. Ut v. g. incipit quis Sacrum intendens celebrare, & postea totum Sacrum involuntariè omnino distractus ordine suo perficit: Hic habet intentionem virtualem; nam in illa Missa omnes illæ actiones à prima illa intentione verè secundum modum agendi humanum procedunt ratione imaginationis, quam prima illa voluntas applicavit. Ita pluribus relatis rectè & in terminis firmat idem Diana *loco citat.* & hanc sententiam probabiliorē appellat. Sed vide Champion. *Instr. pro Ordin. cap. 14. num. 9. & cap. 19. n. 13.* & Rotarium in *Appar. pro exam. Cler. cap. 3. n. 24. & seqq.*

1146 Inter. 3. Satisfacitne præcepto Eccles. qui Missam audit die festo, animo, & intentione non satisfaciendi?

Resp. Plures Doctores, quos refert, & sequitur Bonac. *de Horis Can. disp. 1. q. 3. punct. 2. §. 1. n. 32.* dicunt, quod satisfaciat, quia Ecclesia non præcepit Missæ auditionem animo satisfaciendi præcepto, sed simpliciter præcepit Missam audiri: ergo si de facto Missam audit, adimplet præceptum, dummodò tamen devotè audierit.

1147 Inter. 4. Quodnam peccatum committit, qui jurat se facturum aliquid veniale, animo tamen illud non exequendi?

Resp. Committit peccatum mortale ex defectu veritatis primariè requisitè in juramento. Navar. in *man. cap. 12. n. 13. & 16. Em. Sæ verb. juram. 5.* Bonac. *de Prac. Decalog. disp. 4. q. 1. punct. 3. sub nu. 6.* & alii. Qui verò jurat se facturum veniale animo illud exequendi, non

peccat; plusquam venialiter, ut docent præcitati Doctores.

1148 Inter. 5. In quo casu quis non peccat, si tristatur de sanitate alicujus, aut gaudet de illius infirmitate, aut optat alterius mortem?

Resp. Quando movetur ex bono motivo, & recta intentione, puta, quia sanitas est illi occasio peccandi mortaliter, & offendendi Deum, vel proximum: Undè non est peccatum optare alterius mortem, aut morbum, aut rei familiaris jacuram, aut gaudere de illius infirmitate, in finem, ut convertatur ad Dominum, vel ne tot, tantaque facinora perpetret, vel in alium finem honestum, & sanctum. Ita Sanct. Thom. 2. 2. quæst. 36. art. 2. Navar. in *Man. cap. 15. n. 10.* Tolet. *lib. 8. cap. 56. n. 2.* Bonac. *de Prac. Decal. disp. 3. q. 4. punct. ult. §. 1. nu. 7.* qui alios concordantes adducit, & iterum Toletus *lib. 4. cap. 11.* & Armilla *verb. Invidia in fin.* sic inquit: Licet lætari de ruina malorum, & dolore de eorum prosperitate, ne bonis nocere queant.

TITULUS CXXI.

De Interdicto.

Vide tit. de Celebr. Miss. Inter. 10. tit. de Concinnat. Eccl. Inter. 2. tit. de Elect. Eccl. Int. ult. tit. de Pecc. mort. Int. ult. tit. de Puer. Int. 6. tit. de Sac. Matrim. Int. 24. tit. de Sac. Pan. Int. 3. tit. de Val. Sac. Pan. Int. ult. tit. de Visir. Int. 3.

1149 Inter. 1. Quid est Interdictum.

Resp. Est Ecclesiastica censura, qua homo baptizatus separatur à perceptione quorundam Sacramentorum, à Divinis Officiis, & à Sepultura Ecclesiastica. Ita Bonacina *de cens. disp. 6. punct. 1. nu. 1.* Tolet. *lib. 1. c. 51. nu. 1.* Zeccus *de cas. rej. de interd. pag. 69.* Cabrin. *de cas. ref. par. 2. cas. 1. annot. 1. num. 4.* Layman. *lib. 1. tr. 5. part. 4. cap. 1.* & alii communiter.

1150 Inter. 2. Quotuplex est Interdictum?

Resp. Triplex est, locale, personale, & mixtum, quod complectitur locale, & personale. Navar. in *man. cap. 27. numer. 166.* Sylvest. *verb. Interdictum 1. quæst. 2.* Bonac. & alii *supra cit.* Locale subdividitur in generale, quo interdicatur locus, ut Regnum, Provincia, Civitas, vel Pagus, &c. & in speciale, quo interdicatur locus particularis, ut Ecclesia, vel etiam omnes Ecclesiæ unius Pro-

Pro-

Provinciæ, Civitatis, vel Oppidi. Item personale tantum¹, est duplex, generale, & speciale: Generale est, quando interdictur aliqua universitas hominum, ut Regni, Provinciæ, Civitatis, vel Oppidi: Speciale, quod interdicti personas singulares. Ita citati Doctores, & alii communiter.

1151 Inter. 3. Peccatne mortaliter, qui non interdictus audit Missam Sacerdotis personaliter interdicti, & publicè denunciati?

Resp. Multi multa dicunt, & probabiliter quidem. Tamen si non inducit ipsum Sacerdotem ad celebrandum, nec ei cooperatur insertiendo, &c. mihi videtur, non peccare audiendo dumtaxat Missam ipsius, quia nullum jus positivum prohibet huiusmodi Missæ auditionem, nec est prohibitum communicare cum interdicto, etiamsi nominatim denunciatus sit; ut ex Diana *part. 3. r. 10. ref. 63.* cum Turriano, Mercero, & Filliucio, tenet Lezana *verb. Interdictum, n. 25. in fine.* Sacerdos verò peccat peccato sacrilegii, & irregularitatem incurrit.

1152 Inter. 4. Quodnam peccatum est violare interdictum, & quam pœnam incurrit illud violantes?

Resp. Personæ Ecclesiasticæ, sive Sæculares, sive Regulares, violantes quodcumque Interdictum, peccant mortaliter, quia faciunt contra præceptum Ecclesiæ in re gravi, & quæ ipsos directè tangit. Navar. *in man. cap. 27. n. 187.* & præterea irregularitatem incurrit, si interdictum violant per exercitium alicuius Ordinis sacri, eo modo, quo à Laicis exerceri non potest. Sylv. *verb. Interdictum 6. n. 2.* Tolet. *lib. 1. cap. 63. n. 3.* dummodò tamen scienter id faciant, secus autem si ex negligentia, aut ignorantia, etiam culpabili; nam in *cap. Is qui, de sent. excomm. in 6.* additur hæc particula, *si verò scienter*, quæ quidem supponit malitiam, ut docet Lezana *loco supracit. nu. 137.* Laici verò violantes interdictum personale, sive sit generale, sive particulare, mortaliter peccant. Navar. *ubi sup.* & alii: Quando autem interdictum locale generale, vel speciale, secluso scandalo, & contemptu, solum venialiter peccant, nisi per violentiam, fraudes, aut mendacia Officiis divinis in loco interdicto se ingerant, vel Clericis iubentibus, ut exeat, non obediant, aut si Clericos inducant, ut coram ipsis Divina celebrent, quia in hoc casu putant quidam peccare mortaliter; sed excepto Sacrificio Missæ, facile possunt excusari à peccato mortali, quia parum videtur repugnare Ec-

clesiæ voluntati. Ita Coninchus, Suarez, Hurtadus, & Præpositus apud Dianam *part. 3. r. 10. ref. 68.* Cæterum hoc est verissimum, quod Laici propter violationem interdicti nullam irregularitatem incurrit. Sed vide Lezanam *ubi suprad. n. 38. & 39.* ubi plura invenies ad hoc propositum.

1153 Inter. 5. In quibus casibus possunt Episcopi incurere pœnam interdicti ad ingressu Ecclesiæ?

Resp. Primò, contraveniendo Bullæ Urbani VIII. contra non Residentes. II. si præsumant in confidentiam Beneficia Ecclesiastica recipere, ut in Extravag. Pii IV. 109. III. si extra casus necessitatis ingrediantur Monasterium Monasteria, ut in Extravag. Gregorii XIII. incip. *Dubius, quæ emergunt.* IV. si Episcopi doctorandi facultatem habentes, aliquem promoveri patiantur, non præmissa fidei professione, ut in Extravag. Pii IV. V. si Metropolitanani non denunciant Summo Pontifici absentiam suorum suffraganeorum, & suffraganei antiquiores absentiam suorum Metropolitanorum, ut decernit Tridentinum *sess. 6. cap. 1. §. crescente, de reformat.* VI. si sibi usurpent sine iusto titulo bona Ecclesiarum vacantium, ut in *cap. Presenti de offic. ordin. in 6.* & in Extravag. unica, *ne Sede vacante.* VII. si præsumant bona Ecclesiarum &c. præterquam in casibus à jure expressis alienare, ut in Extravag. *Ambrosio de rebus Eccl. non alien.* VIII. Si occasione visitationis accipiunt procuracionem in pecunia, & non in victualibus, ut in *cap. exigit de consue. in 6.* vel accipiunt munera, & duplum non restituant intra mensem, ut decernit Trid. *sess. 24. de reformat. cap. 3. IX.* si glosas, adnotationes, absque autoritate Papæ super decretis Concilii Trident. edere audeant, ut cavetur in *Consist. 73. incip. Benedictus Deus* Pii IV. edita anno 1564. X. Si Episcopatum de manu laicæ personæ cum effectu suscipiant, ut in *Can. Si quis deinceps 16. q. 7. XI.* Si excommunicent sine monitione canonica, & præsentibus testibus, *cap. Sacro de sent. excommun.* Vide Dianam *par. 10. r. 13. ref. 2.* à quo hæc hausi.

1154 Inter. 6. Quid facere, aut facere non potest Episcopus, quando pœna interdicti ab ingressu Ecclesiæ est irritus?

Resp. Ad hoc dubium respondet Diana *loco cit.* & ait, quod per dictam pœnam Episcopus non potest intra Ecclesiam celebrare, nec audire Officia Divina, nec in loco sacro sepeliri, etiam intra cœmeterium. Extra verò Ecclesiam, vel sub dio, vel in tentorio, vel etiam in Oratorio privato non erecto auctoritate Episcopi, celebrare non prohibetur,

tur, sicut etiam & in cœmeterio, quamquam ibi sepeliri nequeat, Sacramentaliter absolvere intra Ecclesiam non potest, quia est actus Ordinis: at jurisdictionem in Ecclesiam exercere in foro exteriori integrum est illi. Si celebrat intra Ecclesiam, peccat mortaliter, & irregularitatem incurrit, *cap. 11 cui de sent. excomm. in 6.* sed audiendo ibi Divina officia dumtaxat, quamvis mortaliter peccet, tamen irregularitatem non contrahit. An verò possit intra Ecclesiam recipere Sacramenta, est problema. Diana tenet cum illis, qui partem affirmativam amplectuntur, in quantum dicunt, quòd interdictum ingressus Ecclesiæ solum respiciat officia Divina. Alii verò sequuntur *glossam in cap. presens 6 q. 2.* ubi generaliter dicunt, quòd cui interdictum Ecclesiæ, interdicta sunt Sacramenta; & ita tenet Angelus *verb. suspensio 3. nu. 4.* Sylvest. *eodem verbo, qu. 5. circa fin.* & alii. Sed vide Avil. *de censur. par. 5. disp. 4. sect. 3. dub. 5. concl. 5. per sor.* & alios, quos pro se citat idem Diana, quibus & ipse adhæreo.

TITULUS CXXII.

De Invidia.

1155 **I**nter. 1. Quid est invidia, & quale peccatum est?

Resp. D. Thom. 2. 2. *quæst. 36. art. 1. & 3. ait,* quòd invidia est tristitia quædam de alieno bono, in quantum est diminutivum propriæ gloriæ, vel excellentiæ (seu, ut dicit Cajet. *verb. Invidia*, quasi propriam excellentiam diminuat) Quare cum aliquis tristatur de bonis alicujus, in quantum alter excedit ipsum in bonis, hoc propriè est invidia, & istud semper est peccatum, quia dolet de eo, de quo est gaudendum, scilicet de bono proximi; & ex genere suo est mortale contra charitatem, quia bonum proximi diligere tenemur. Vide Navar. *cap. 23. nu. 118.* & Tolet. *lib. 8. cap. 63. n. 1.* & Armillam *verb. Invidia*.

1156 **I**nter. 2. Peccatne mortaliter, qui dolet, & tristatur de scientia, honore, fama, divitiis, favore, veneratione, aut de alio bono proximi?

Resp. Si deliberato animo tristatur, ea ratione, quòd sua per illud bonum excellentia diminuitur, utique mortaliter peccat; nam revera est invidus, cum non velit alterius videre bonum, tanquam propriæ excellentiæ diminutivum. Verum est tamen, quòd ad incurrendum peccatum mortale in hoc casu, bonum proximi debet esse notabile, & deli-

berato animo debet invideri; alioquin est dumtaxat peccatum veniale. Navar. Tolet. loc. cit. & alii communiter. Vide Sylv. *verb. Invidia* *prop. fin.*

1157 **I**nter. 3. Peccatne mortaliter peccato invidiæ, qui tristatur de bono alterius, eò quòd sibi bonum proprium diminuit?

Resp. Lorca in 2. 2. D. Thom. *qu. 36. in addit. ad ar. 3.* conatur probare non peccare mortaliter in tali casu, quia dolere de bono proximi, quatenus suum bonum diminuit, nò est absolute de bono proximi dolere, sed dolere de illo, quatenus hunc effectum causat; alias rationes vide penes Dianam *par. 3. ar. 6. ref. 85.* Sed salitur Lorca, nam invidia, ut docet S. Thomas loco cit. non est aliud, nisi tristitia quædam de alieno bono, in quæsum est diminutivum propriæ gloriæ, vel excellentiæ. Vide igitur id, quòd dixi ad Inter. 1. & DD. ibidem relatos, & dic, esse peccatum mortale dolere de bono proximi, quia sibi bonum proprium diminuit, non propter aliud, sed propter hoc solum, quòd ille parùm à te distans, bonum, seu melius habet; apprehendit enim invidus, quasi alterius bonum sit suæ diminutio excellentiæ; & hoc quidem ex genere suo peccatum mortale est, ut tradunt Cajet. in *Sum. verb. Invidia*, Suarez de *Charitate disp. 6. sect. 3. n. 4.* Reginald in *praxi tom. 2. lib. 7. n. 129.* Coninch. Valen. Villalobos, & alii quibus subferibit Diana ubi supra. Concordat etiam Armilla *verb. Invidia*.

TITULUS CXXIII.

De Ira, & Odio.

Vide tit. de Confess. Sacram. Int. 24. tit. de Differ. Int. 14. tit. de Eccl. pollut. Int. 12. tit. de Excom. ob Cler. perc. Int. 5. tit. de Luam. Int. 13. 3. sit. de Peccat. Int. 18.

1158 **I**nter. 1. Estne semper peccatum mortale irasci, alterum odio prosequi, & indignari?

Resp. Generaliter loquendo, irasci cum animo se vindicandi semper est peccatum mortale, nisi imperfectus animi consensus, vel parvas materię à mortali excuset. Item odium ex genere suo est mortale peccatum charitati oppositum, ut docet S. Thom. 2. 2. *q. 34. artic. 3.* & alii communiter: potest tamen esse veniale, quando leve malum alicui optatur, vel si levis erga proximum displicentia, aut modica quædã aversio habeatur. Indignatio verò ut plurimum est peccatum veniale, præcisè tamen aliqua circumstantia; nam ut suppo-

supponitur, non elicitur ex dispendio personæ, neque ex aliquo pravo fine mortaliter peccaminoso. Imò nullum peccatum esse potest, ut si eliciatur ex aliquo honesto fine; nam a quo sumit malitiam à motivo, cujus intuitu elicitur: ergo si motivum est honestum nullam involvit malitiam. Vide Bonac. de Precept. Decal. disp. 3. qu. 4. punct. ult. & est communis sententia.

1159 Inter 2. Qui ex odio, & malo animo impedit aliquem, ne obtineat beneficium Ecclesiasticum, teneturne ad restitutionem?

Resp. Qui impedit indignum, ne consequatur beneficium, licet peccet mortaliter, quia ex odio, & malo animo illum impedit, tamen nihil ei reddere tenetur, cum indignus nullum jus ad beneficium habeat. Imò, qui ex odio, & malo animo impedit quempiam dignum ab aliquo bono, non tenetur restituere, nisi illum contra justitiam impediat; nam est regula generalis, ex peccatis contra solam charitatem, nullam oriri restituendi obligationem, nisi sit ratio injustitiæ ibi conjuncta. Unde si Episcopus vult dare beneficium digno, & aliquis impedit imponendo ei falsum testimonium, vel detegendo injuste crimen omnino occultum, licet verum, vel illum cogendo, aut decipiendo, ne compareat, tenetur ei restituere beneficii valorem, quia injusta via impedit à beneficii consecutione. Itaque dicendum est, quod qui per vim, fraudem, vel dolum, alterum impedit, ne beneficium consequatur, teneatur ad restitutionem, quia peccat contra justitiam. Qui verò solum ex odio, aut animo nocendi, vel alia via, etiam mala, impedit, licet peccet contra charitatem, tamen ad restitutionem non tenetur, ut rectè docent ex D. Thoma Toletus lib. 5. cap. 19. n. 5. Diana part. 11. tract. 4. resol. 36. & alii apud ipsum. Siquidem Diana ibidem probat contra Thomam Hurtadum, odium, sive nocendi animum, ex se non esse contra justitiam, sed contra charitatem; & egregie ad argumenta contraria respondet. Concludo igitur, quando quis ex odio, aut precibus, vel pollicitationibus, vel alia via, licet mala, impedit eum circa id, quod alteri dare vult, peccat solum contra charitatem, ac proinde ad restitutionem non tenetur; secus verò si alia utatur via contra justitiam.

TITULUS CXXIV.

De Irregularitate.

Vide tit. de Etat. Eccl. Inter. 12. tit. de Different. Int. 21. tit. de Dub. Int. 3. 11. tit. de Elect. Eccl. Int. ult. tit. de Episc. Eccl. Int. 26. 27. 31. tit. de Excomm. Eccl. Inter. 5. tit. de Exc. ob Cler. perc. Int. 18. tit. de Hæres. Eccl. Int. 13. 14. tit. de Homic. Int. 2. 3. tit. de Her. can. Eccl. Int. 1. tit. de Infam. Int. 3. 4. 5. 7. tit. de Injust. Int. 1. tit. de Mand. Int. 3. tit. de Med. Int. 3. 4. 5. tit. de Moribus Eccl. ad quæst. tit. de Ord. Sac. Int. 5. tit. de Peccat. mort. Int. ult. tit. de Præf. reg. Int. 19. tit. de Puer. Int. 7. tit. de Sac. Bap. Int. 13. tit. de Sacr. Or. Int. 1. 3. 7. tit. de Suspend. Int. 4. 5. tit. de Val. Confess. Int. 10. 11.

1160 Inter. 1. Irregularitas estne censura? & quid est irregularitas?

Resp. Non est censura, sed pœna quædam, seu inhabilitas; ideòque dicitur esse canonicum impedimentum proveniens ex delicto, vel defectu, quod directè impedit susceptionem Ordinum Ecclesiasticorum, aut eorum usum, ob reverentiam divinorum. Vide Bonac. de cens. disp. 1. q. 1. punct. 1. sub n. 4. & disp. 7. q. 2. punct. 1. n. 1. Emm. Sæ verò Irregularitas n. 1. & 2. Sed meliùs definitur à Tolet. lib. 1. cap. 57. sub n. 1. sic, Irregularitas est Canonica inhabilitas Ordines suscipiendi, aut susceptos exercendi, à solo jure proveniens; quod autem non sit censura, probat n. 2. prope finem, & assignat differentiam, quæ est inter irregularitatem, & censuras.

1161 Inter. 2. Irregularitas redditne hominem inhabilem ad Beneficium obtinendum, & ad fructus percipiendos, vel non?

Resp. Pro utraque parte Doctores resert Diana part. 4. n. 2. resol. 37. Tamen non est recedendum ab affirmativa sententia. in praxi, quæ docet, irregularitatem reddere hominem inhabilem ad obtinendum beneficium Ecclesiasticum, nec posse tuta conscientia beneficium retinere, nec fructus ex eo perceptos. Imò nota, quod etiam post obtentam dispensationem ab irregularitate, non potest beneficium retinere sine nova collatione, seu revalidatione collationis prius factæ. Vide Navar. in man. cap. 24. n. 35. Sayrum de censur. lib. 5. & alios allegatos à Diana loco cit. & Bonac. de censur. disp. 7. q. 1. punct. 4. n. 6. & seq.

1162 Inter. 3. Ad hoc ut aliquis sit irregularis ex defectu corporis, quid requiritur?

Resp.

Rsp. Requiritur, quod talis defectus vel impediat usum, & exercitium Ordinum, aut horrorem inducat, seu saltem notabilem deformitatem gignat; colligitur ex cap. 2. de Clerico agrot. lib. 3. Decret. tit. 6. Idemque tradunt Navar. Suarez, Molina, & alii quos congerit, & sequitur Bonac. tom. 1. tract. de Irregul. disp. 7. qu. 2. num. 1. Avila de conf. par. 7. de irregul. ex defectu Corporis disp. 3. concl. 1. Modica verò deformitas nullam parit irregularitatem, cap. cum de tua 2. de corp. vit. Panor. in cap. fin. prope finem ejusdem tituli, Butrius, & alii communiter, prout docet Marcus Paulus Leo in praxi ad litter. major. Panit. part. 3. fol. 257. nam modica deformitas ex se non habetur in consideratione; Glossa in cap. Exposuisti 6. de Corp. vitiat. verbo enormi. Modica enim deformitas non generat scandalum, & consequenter non repellit ab Altaris ministerio: ita DD. communiter, & post alios, docet Marcus Paulus Leo loco citat. fol. 440. vers. non multum.

1163 Inter. 4. Ad quem pertinet judicare, quando dubitatur, an debilitas, vel deformitas sit talis, ut inducat irregularitatem in illo, qui petit Ordines?

Rsp. Ad Episcopum quidem pertinet judicare de corporis defectibus, ut habetur ex cap. 2. de Corp. vit. & tradunt Innocentius, & Hostiensis ibidem, Goffredus in Sum. cod. tit. Navar. cap. 27. nu. 200. Marcus Paulus Leo ubi supra, Hieronymus Rodericus in compend. 99. Regul. resol. 57. n. 17. Bonac. de irregul. disp. 7. qu. 2. pun. 2. sub n. 36. & alii plures penes ipsos: idem docet Sylvester verb. Corpore vitiat. n. 2. & alii quos congerit Diana pars. 3. tr. 6. ref. 6 vers. Dices. Et hoc intelligendum est non solum respectu Sæcularium, sed etiam respectu Religiosorum exemptorum, ut tenent Sylvester, & Bonacina locis cit. Navar. ubi supra, & alii. Et bene quidem; nam nullo jure probatur hoc privilegium illis concessum esse. Et licet Diana pars. 4. tract. 2. ref. 73. Busemb. lib. 7. cap. 5. de Irregul. dub. 5. & alii apud ipsos dicant oppositum, tamen fatentur posse Episcopum reicere arbitrium Prælati Regularis. Dicendum est igitur pertinere ad Episcopum ordinantem, quia Prælati Regulares carent potestate conferendi Ordines, & consequenter non possunt judicare de materia, circa quam Superior operatur, vel formam inducit; ut ait Sylvester loco cit.

1164 Inter. 5. Cum multi jacent lapides, & nescitur quis eorum hominem occiderit, censendi suntne omnes irregulares, vel nullus?

Rsp. Quando non constat, à quo ille fue-

rit occisus, omnes, de quibus dubitatur, sunt irregulares: & ratio est, quia in dubia homicidii censendus est quisque irregularis; colligitur ex cap. Significasti 2. de homicidio, & est communior sententia, quam sustinet Covarruvias 2. par. §. 2. n. 3. in Clem. Si furiosus, & alii plures, quos dat, & sequitur Emm. Sà verb. irregularis ex deform. illicita n. 4. Bonacin. de censur. disp. 7. q. 4. pun. 8. sub nu. 29. licet ipse Bonac. & alii dicant, hoc solum esse verum in foro externo; nam in foro conscientie, si post factam diligentem inquisitionem, adhuc sit dubium, quis eorum occiderit, neminem esse irregularem affirmant, quia satius est crimen aliquod impunitum relinqui, quam innocentem puniri. Ita Lessius in 3. par. D. Thom. cap. 3. de irreg. dub. 1. n. 25. apud Dianam par. 9. tr. 7. ref. 20.

1165 Inter. 6. Si plures in rixa subito contingente percusserunt aliquem, sed unus tantum percussit vulnere lethali, ex quo ille mortuus est, quis ex istis censendus est irregularis?

Rsp. Dicunt quidam apud Dian. part. 2. tr. 15. ref. 18. omnes irregularitatem incurere, sed probabilius puto cum ipso Diana, Bonac. loco proxime citato, & aliis, quod ille solus, qui vulnere lethali percussit, censendus sit irregularis; nam ille tantum tenetur de homicidio, cæteri verò de percussione, & consequenter ab irregularitate excusantur. Ita docet Sayrus de censur. lib. 7. cap. 4. nu. 13. & ante ipsum Covarruvias in Clem. Si furiosus 3. par. §. 2. num. 3. vers. Secundus casus, & probat etiam Diana loco citato, & par. 9. tr. 7. ref. 20. vers. quoad secundam, ubi alios concordantes refert.

1166 Inter. 7. Quidam necavit adulterum inventum cum uxore, potestne promoveri ad Ordines, fierique Sacerdos absque dispensatione?

Rsp. Quidam dicunt, nulla indigere dispensatione ex eo, quia non contraxit irregularitatem, quia tale homicidium non fuit peccaminosum; nam licitum esse putant in foro conscientie, Patri, Marito, & Fratri occidere Filiam, Uxorem, & Sorores adulteras simul cum adultero, quicumque ille sit, in adulterio inventas. Addunt præterea, quod sicut non incurritur excommunicatio ab eo, qui in Clericum cum Uxore, Matre, Sorore, vel Filia propria turpiter inventum, manus injecerit violentas, ita nec irregularitas; parcit, inquit, Ecclesia his poenis propter justissimum dolorem, &c. Vide Hurtadum, Facundez, & alios, quos congerit Diana par. 11. tract. 6. ref. 28. Sed hæc opinio non est vera, quia

quia semper mortaliter peccant: Pater, Maritus, aut Frater, qui adulteros, vel stupratos occidunt propria auctoritate, ut tradunt S. Thom. in 4. disp. 37. q. 2. art. 1. in corp. S. Bonaventura ibidem art. 2. q. 1. Sanchez lib. 10. de matrim. disp. 8. n. 3. Em. Sā verb. homicidium nu. 14. & alii plures, quos dat, & sequitur idem Diana ubi supra vers. Sed hæc opinio. Nec valet paritas de excommunicatione, & irregularitate; nam licet non incurrat excommunicationem ob percussione, aut interfecione Clerici reperti infraganti crimine cum Matre, Filia, Uxore, aut Sorore, ut dixi in tit. 89. de excommunicatione ob Clerici percussione, ad Inter. 21 & habetur ex cap. Si verò aliterius, de sentent. excomm. & docent Doctores communiter; tamen incurrit culpa lethalis, ut dixi in tit. 103. de Homicidio, ad Inst. 4 ac etiam irregularitas, si sequatur homicidium, vel mutilatio, quia irregularitas non est pœna Ecclesiastica, sicut est excommunicatio, sed inhabilitas quædam Ordines suscipiendi, aut susceptos exercendi, ut docui in hoc tit. ad Inter. 1. ac proinde cum tale homicidium sit peccaminosum, inducit inhabilitatem ad Ordines, hoc est irregularitatem; consequenter dicendum est, supradictum homicidium non posse ad Ordines promoveri, nisi prius dispensationem irregularitatis obtineat. Vide Dianam loco cit. qui ita recte concludit, licet oppositum dicat Cassianus à S. Elia in Arbor. opin. moral. verb. Adulterium, sub n. 28. de irregularitate.

1177 Inter. 8. Fitne irregularis adulter, si Maritus, cognito adulterio, uxorem interfecit?

Resp. Circa tale dubium tres opiniones Doctorum enumerat Diana pars. 4. tract. 2. resol. 1. Prima affirmat, fieri irregularem; secunda negat, tertia verò, quæ mihi magis placet, distinguuit; aut adulter temerè se ingerendo exposuit adulteram mortis periculo, aut cautè, & arbitrio prudentis, convenienti diligentia adhibita, commisit adulterium. In primo casu, secuta morte adulteræ, fit irregularis, quia dat operam rei illicitæ, periculosæ, & satis ordinatæ ad mortem: In secundo autem casu non ita, quia posita convenienti diligentia, est per accidens, si adultera interficiatur à Marito; nam tunc adulterium non censetur per se ordinatum ad huiusmodi homicidium, ut optimè resolvunt Suarez de censur. disp. 45. sect. 6. nu. 5. Layman par. 3. tract. 3. sect. 5. cap. 10. num. 2. Cornejo in 3. pars. D. Thoma 1. q. 5. de irregul. disp. 3. dub. 2. concl. 1. num. 3. & 1. c. i. c. i. tom. 1. tract. 20. cap. 3. nu. 80. qui testatur de praxi Sac. Pœnitentiariæ. Verùm

nota, quòd in dubio facti circa homicidium, quilibet in utroque foro censendus est irregularis, ut docent Doctores communiter. Vide Dianam pars. 3. tr. 5. ref. 72.

1168 Inter. 9. Fitne irregularis Adulter, si Maritum aggressorem causa necessariæ defensionis occidit?

Resp. Diana pars. 11. tract. 6 ref. 28. prop. fin. asserit, quòd si adulter evadere nequeat, possit licitè interficere Maritum aggressorem, tanquam injustum invasorem, in foro conscientie; an verò sit irregularis, si interficiat, controversatur inter Doctores, & utramque sententiam probabilem putat, idèdque posse Occisorem sequi partem sibi magis favorabilem, inquit ipse Diana: Doctores pro utraque parte adducit idem Diana pars. 4. tract. 2. ref. 2. ubi ex professo agit de tali dubio. Ego verò adhæreo illis, qui docent irregularitatem incurrye in dicto casu, quia adulterium est de se illicitum, & via quædam ad homicidium perpetrandum. Undè si potest ante prævidere ex tali occasione se futurum in morali periculo, aut occumbendi, aut occidendi, non excularem illum ab irregularitate, si maritum occidat, vel mutilet; nam est homicidium voluntarium in causa. Si autem potuit sibi persuadere, nullum adesse periculum, puto, quòd irregularitatem non incurrat, si occidat eum moderamine inculpatæ tutelæ pro defensione propriæ vitæ. Si quidem in Clem. Si furiosus de homicidio, eximitur ab irregularitate, qui non potest aliter defendere propriam vitam, nisi occidendo. Ita concordant has diversas Doctorum opiniones inter se pugnantes Coninchus de Sac. disp. 8. dub. 9. n. 64. Layman lib. 5. tract. 3. cap. 10. n. 1. Suar de censur. disp. 46. sect. 1. n. 12. quibus, ut dixi, libenter adhæreo. Vide Dianam ubi supra, & pars. 5. tr. 4. ref. 3.

1169 Inter. 10. Qui non potest fugere, vel alio modo sibi consulere, & mortem vitare, peccatne, & fitne irregularis, si interficit, aut mutilat aggressorem?

Resp. Quoties quis non potest fugere, vel fuga illi est periculosa, quia hostis instat à tergo, vel aggrediens majorem ex fuga audaciam capit, interficiendo illum, non peccat, nec efficitur irregularis; ita habetur ex Clem. 1. de homic. & docet Filius, & communis in cap. suscepimus de homicidio. Navarrus cap. 27. nu. 211. & alii communiter, ut dixi. Vide Toletum lib. 1. cap. 80. num. 8. & Sylvestrum verb. homicidium 1. sub nu. 13. Et hoc intelligendum est, etiam si invasus sit persona Ecclesiastica, dummodò non faciat animo ulciscendi, & servetur moderamen inculpatæ tutelæ. Vide Dianam

Dianam *par. 5. tr. 4. ref. 9. circa finem*, & ea quæ dicantur in hoc titulo ad *Int. 13.*

1170 Inter. 11. Peccatne, & sitne irregularis, qui potest vitam tueri, non occidendo inuolorem, sed tantum mutilando; & tamen illum occidit?

Resp. Qui potest evadere mortem mutilando inuolorem, si occidit, peccat mortaliter, & fit irregularis ex delicto, quia deest moderamen inculpatæ tutelæ; nam non licet occidere, nisi quando aliter quis non potest evadere non occidendo: ergo graviter peccavit, & ab irregularitate delicti non est immunis. Ita docet Sylvest. *verb. Homicidium 3. num. 6.* & ex eo Tolet *lib. 1. cap. 80. sub num. 7.* & alii communiter. Verum est tamen, quod si præter intentionem, & adhibita diligentia, sequatur homicidium, non peccat, nec fit irregularis, ut bene notat idem Sylvest. loco citato.

1171 Inter. 12. Qui occidit se aggredientem, valens fuga, clamore, vel alio modo sibi consulere, sitne irregularis?

Resp. Dico, quod sic, quia modus inculpatæ tutelæ non est, si inuolens noluit fugere, cum posset; nam licet quis non teneatur fugere, quando fuga est vituperosa, ad peccatum vitandum, ne interficiat aggressorem; tenetur tamen fugere ad vitandum irregularitatem, secundum Glos. in *Clein. 1. de homic.* & docet Panormitanus in *cap. olim de rest. spol.* & Nauar. in *manual. cap. 27. num. 211.* Vide Zeccum de *cas. res. tit. de irregul. pag. 101. in princ.* Cæterum personæ Ecclesiasticæ semper fugere debent, si commode possunt, quia illis fuga non est indecora, sicut non est plebeis, & rusticis. Vide Toletus *lib. 1. cap. 80. num. 8.* & Dianam *par. 4. tr. 1. 2. ref. 13.*

1172 Inter. 13. Si quis non potest fugere sine gravi nota, & amissione honoris, incurritne irregularitatem, si alium occidat se defendendo?

Resp. Nonnulli dicunt, quod quando vir nobilis fugiendo magnam infamiam notam incurrit, non teneatur fugere, & alterum occidendo cum moderamine inculpatæ tutelæ, non fieri irregularem, quia quod vitari non potest sine magna infamia, & dedecore, moraliter inevitabile est, & consequenter hic casus sub verbis Clementin. *si furis* comprehenditur. Ita Suarez in *3. par. tom. 3. de conf. disp. 46. sect. 1. num. 6.* qui tamen limitat suam sententiam, nisi præcesserit culpa, & injuria ex parte ejus, qui fugere cogitur; ut si ille dedit alteri alapam, vel injuriosum verbum dixit, vel cum uxore inventus est, &c. Sed hanc limitationem non addit Dianam

sed cum Filliucio *tom. 1. tr. 1. 20. cap. 5. n. 135.* putat hoc esse verum, quando id omnino prævisum fuit, vel prævideri potuit ab inferente injuriam, & non quando per accidens ea consecuta essent. Vide Bonac. de *conf. disp. 7. qu. 4. pun. 6. sub num. 4.* Coninchum de *Sacr. disp. 18. dub. 9. num. 90.* & præsertim Dianam *par. 2. tr. 1. 15. ref. 16* & *par. 4. tr. 1. 2. ref. 32.* ubi plura ad intentum. Vide etiam quæ dixi in *tit. 59. de defensione honoris, ad Int. 3.* & nota probabilius esse, quod quis ab irregularitate excusetur aliquem occidendo, quando aliter vitam suam tueri non potest, non autem pro defensione honoris; & hoc ego puto verius cum DD. ibidem à Diana relatis in principio resolutionis. Vide Tolet. *lib. 1. cap. 80. sub nu. 7. vers. 7.*

1173 Inter. 14. Estne censendus irregularis, qui in rixa præcidit alteri digitum?

Resp. Bonacina loco proxime citato *pun. 8. num. 8.* cum Molina negativè respondet, & hoc verum est, etiam si esset pollex, vel index. Et ratio est, quia irregularitas non incurritur nisi propter mutilationem alicujus membræ, sed digitus non est membrum, ut probant Bart. & Doctores in *1. publicorum ff. de pub. jud.* ergo non est censendus irregularis, qui alteri digitum præcidit. Ita ex Avila, Sayro, Fernandez, Fillucio, & aliis docet Diana *par. 2. tr. 1. 15. refolut. 20.* quidquid aliqui in contrarium sentiant, sed minùs probabiliter quidem. Vide Tolet. *lib. 1. cap. 76. sub num. 3.* & iterum Dianam *par. 4. tr. 1. 2. ref. 26.*

1174 Inter. 15. Possuntne licitè Clerici exercere Medicinam, & artem Chirurgiæ, si sunt in Sacris constituti? & suntne irregulares?

Resp. Licet nonnulli Doctores, quos refert, & sequitur Jacobus Mancinus *tr. 10. dub. 6. & 8. in Additione Cutili*, & Diana *par. 4. tr. 1. 2. ref. 23.* dicant, quod Sacerdotes, & Clerici in Sacris constituti, qui Medicinam, & Chirurgiam bene valent, non sunt irregulares, si secundum regulas artis medentur, aut Chirurgiam cum incisione, vel adustione exercent, etiamsi postea casu mors sequatur, dummodò id lucris cupiditate non præsent; tamen ipse Mancinus *dub. 9.* putat Chirurgos peccare mortaliter, quia faciunt contra prohibitionem Canonum *cap. Sententiam Sanguinis, de Clerici, vel Monachi, & cap. Tuo mor, de homic.* ubi prohibetur Clericis, & Religiosis in Sacris constitutis exercere artem Chirurgiæ cum incisione, vel adustione, ex eo quia hoc officium ut quid vult in præfatis capitulis existimatur, & sunt irregulares, juxta cō-

munem sententiam, teste Diana loco citat. Hoc tamen intelligendum est, modò in extrema necessitate non fiat, quia si nullus Chirurgus adsit, & vulnus dilationem non admittat, tunc certò tenetur ex charitate adjuvare proximum in extrema necessitate constitutum; nam in hoc casu jus naturale Diuinum anteponi debet juri Ecclesiastico de tali munere non exercendo. Ita ex Turriano, Rodriquez, Henriquez, & Avila, docet idem Mancinus loco proxime cit. Vide Bonacinam de censur. disp. 7. q. 4. pun. 5. sub nu. 4. & Sanchez tom. 2. cap. 14. num. 18. & 19.

1175 Inter. 16. Clerici Beneficarii, & Religiosi in Sacris minimè constituti, possuntne licitè Medicinam, vel Chirurgiam exercere absque periculo irregularitatis?

Resp. Mancinus loco citat. dub. 10. docet, quòd si secundum regulas artis totum præstent, irregularitatem non incurrant secuta morte infirmi; tamen dub. 11. putet eos mortaliter peccare, ex cap. Multa sunt, ne Clerici, vel Monach. ubi officia secularia, cuiusmodi est officium Chirurgiæ, & Medicinæ, Clericis, vel Monachis exerceri prohibentur, nisi in casu necessitatis proximi, vel propriæ, quoad vitam scilicet sustentandam, si alius modus non suppetat, ut ex eodem Capitulo patet. Oppositum autem docet Lezana tom. 1. par. 1. cap. 9. num. 15. de Religiosis, asserens nullo modo eis licere Chirurgiam exercere cum incisione, & aduisione, neque causa pietatis, & si secus faciant, irregularitatem incurrere, si inde sequatur mors, quatenuscumque diligentiam adhibeant, ne sequatur. Et ita ego puto tenendum. Verùm Diana par. 6. tra. 7. ref. 50. putat quidem licitum esse Clericis mederi in Minoribus constitutis, secus verò si sint in Sacris, vel Beneficariis, nisi mediante dispensatione Pontificia; quamvis non neget posse aliquando gratis personis miserabilibus, & consanguineis mederi, ut observant Doctores apud Squillante de obligat. Cler. part. 2. dub. 17. num. 52. & docet Novarius de priviil. misrab. person. priviil. 83. apud ipsum Dianam loco citat. Hoc ego tamen non admitto extra casum extremæ necessitatis. Sed vide etiam Bonacinam loco proxime citat. de numer. 4. usque ad finem disti. puncti 5. & iterum Dianam part. 4. tra. 2. ref. 23 in fin. & part. 10. tra. 11. ref. 49.

1176 Inter. 17. Clericus Sacris Ordinibus initiatus, sciendo venam ad emittendum sanguinem, sitne irregularis secuta morte?

Resp. Juxta sententiam Bonac. ubi sup. sub num. 5. vers. 4. fit irregularis; licet oppositum

doceat Rodriquez, & Molina apud ipsum Bonac. & sustinent hanc negativam sententiam Diana part. 4. tra. 2. ref. 24. & in Summ. verb. Irregularitas num. 51. & alii ab ipso relati, & concordat etiam Mendo Episc. Opin. Moral. verb. Medicina sub num. 2. & alii. Mihi tamen placet sententia Bonac. dicentis, quòd opus sciendi venam propriè pertineat ad Chirurgum, quamvis hoc tempore præstetur à Tonsoribus tanquam famulantibus, & inferientibus Chirurgis, seu in defectum Chirurgorum. Quapropter melius est, ut Clerici in Sacris se abstanteant ab hujusmodi ministerio, maximè quia indecens pro illis videtur, & officia secularia omnino exercere prohibentur in toto titulo, Ne Clerici, vel Monachi. Ergo &c.

1177. Inter. 18. Incurruntne irregularitatem Sacerdotes, qui ministrant infirmis invertendo eos de lecto ad lectum, vel eis cibum, vel potum porrigendo, si ex his mors citius sequatur?

Resp. Minimè, dummodò hæc omnia cum cautela, & diligentia, quæ communiter à prudentibus adhibetur, efficiantur ab ipsis. Ita Corradus in Resp. quæst. 217. in Addit. in princ. Toletus lib. 1. cap. 81. sub num. 7. & pluribus relatis firmat Diana part. 3. tra. 5. ref. 79. vers. Non gravabor, & part. 5. tra. 3. ref. 117. Notandum est tamen, quòd custodientes infirmum, & dantes aquam, vel vinum contra mandatum Medici, vel sine eo, si mors sequatur, sunt irregulares, juxta sententiam Toleti loco cit. sub n. 4. & Jacob. Mancin. part. 8. dub. 12. qui tamen subdit, posse Sacerdotem sine metu irregularitatis inservire infirmo, & ut commodius cibum sumat, volvere illum de loco ad locum, vel ut tali modo cubando magis quiescat, dum ex charitate, & bona fide putet, quòd mortem infirmo distat; adiones acceleraturæ non sint. Verùm ad tollendos scrupulos, si adsunt laici, qui bene æquè possint infirmo inservire, melius est, ut Sacerdotes non se ingerant quoad corporis contactum ipsius, prout resoluit idem Mancinus loc. cit.

1178 Inter. 19. Fitne irregularis, qui joco terrore alteri incutit, & est causa, quòd ille eo terrore commotus & perterritus, le præcipitat, & moritur?

Resp. Affirmat Bonacina de irregul. disp. 7. qu. 4. punct. 7. num. 26. Sed hoc puto verum, modò tamen animo nocendi fecerit, aut minore diligentiam adhibuerit, aut aliàs illicitum erat jocus, vel ludus. Vide Sylvest. verb. Homicidium 2. sub nu. 13. & 14. Siquidem homicidium casuale ex ludo licito non inducere irregularitatem.

regularitatem, docet Navarrus *conf. 3. si de homicid.* ex cap. Joan. de homicid. & Em. Sā verb. homicid. in fin.

1179 Inter. 20. Incurritne irregularitatem vir doctus, qui interrogatus à Iudice, an sit obligatus ad condemnandum aliquem ad mortem, respondet esse obligatum?

Resp. Multi quidem multa dicunt, ut videre licet apud Dianam *part. 3. tr. 5. ref. 80.* Quidam dicunt, quòd Clericus consultus de aliquo casu in particulari, debeat respondere: Hoc non pertinet ad me, sed ad iuriconsultos. Bonac. verò *de censur. disput. 7. quest. 4. pun. 1. num. 7.* & alii ab ipso relati, docent in tali casu, Clericum interrogatum posse dicere, quid sentiant leges in communi, nil aliud dicendo in particulari. Tandem Diana cum Vasquez, & Turriano, putat in tali casu Confessarium, vel alium Doctorem non incurere irregularitatem, etiamsi respondeat in particulari adesse obligationem occidendi reum. Rationes videri possunt apud Dianam, quæ mihi certò probabiles videntur, maxime quia illi solam incurrit irregularitatem ex defectu lenitatis, qui vel sunt necessarij ad causam judicalem, vel ut Ministri iustitiæ assistunt executioni mortis; sed tales non sunt nec Confessarius, nec alius vir doctus: Ergo non sunt irregulares in dicto casu.

1180 Inter. 21. Cajus sollicitabat ad inhonestam Bertā, quæ dixit, Noli me ad turpia sollicitare, aliàs me interficiam; ille noluit à sollicitatione desistere, unde Berta se occidit; esse censendus irregularis Cajus prædictus?

Resp. Certò irregularis est, quia dedit operam rei illicitæ; & fuit causa mediata illius homicidii; nam Berta sibi comminata fuit mortem, & tamen Cajus non se abstinuit à sollicitando, ac proinde fuit causa illius mortis, quæ ex circumstantia illa quidem periculosa erat. Ita docet Toletus *lib. 5. cap. 82. nu. 6.* & alii.

1181 Inter. 22. Berta comminatur sibi mortem inferre, nisi Titius in re inhonesta consentiat; si Titio dissentiente Berta se occidit, sitne irregularis dictus Titius?

Resp. Dico, quòd non, quia potius debet milles mori, quam Deum offendere; unde si Berta se interfecit, non fuit causa Titius, sed malitia Bertæ: ergo cum Titius nullam culpam commisit, neque irregularitatem contrahere potuit. Ita S.P. Augustinus *relatus in can. cum homo 23. qu. 5.* quem citat Tolet. *loco supra cit. num. 7.*

1182 Inter. 23. Sacerdos, vel Clericus in Sacris constitutus censuram violans exercendo actum Ordinis, ad vitandum vitæ pe-

riculum, aut infamiam, incurritne irregularitatem?

Resp. Nequaquam, etiamsi id faciat ratione scandalii vitandi, vel ob ignorantiam, inadvertentiam, aut oblivionem, quæ excusant à peccato mortali; nam quando duo præcepta concurrunt, quæ simul servari non possunt, servandum est præceptum majus: majus autem præceptum est naturale de defendenda propria vita, & fama: ergo &c. Vide Navar. *cap. 27. n. 239.* & alios, quibus subscribit Gabr. in *elucid. cas. refero part. 2. cas. 1. de absol. à censur. num. 11.* & pag. 49. quibus addo Mendo *Epist. opin. moral. verb. excommunicatio num. 38.* Vide, quæ dixi in titulo 34. de Celebratione Missæ ad Inter. 7. & dicam infra in tit. 194. de Sacramento Eucharistiæ, ad Inter. 5. 6. & 7. Et nota, quòd obliivio, incogitantia, inconsideratio, & inadvertentia excusant à peccato mortali, quia causant inuoluntarium, & consequenter ab incurisione censuræ, & irregularitatis ex delicto provenientis. Vide Allozam *verb. cens. scilicet 6. num. 6.* & *verb. Ignorantia num. 12.* Imò Navar. *conf. 18. de sentent. excomm. num. 3.* & *conf. 5. de tempus ordin. num. 4.* asserit, quòd irregularitas ex delicto sine dolo, & contemptu non incurritur. Unde celebratio excommunicati, vel suspensi, si non sit mortifera, non inducit irregularitatem, ac etiam bona fides excusat. Accipe, & tene menti, & vide etiam Em. Sā *verb. conjura num. 4.* & *verb. Irregularitas num. 6.*

1183 Inter. 24. Fitne irregularis, qui omfisa prima tonsura recipit alios Ordines minores, vel Sacros?

Resp. Juxta communem Theologorum sententiam prima tonsura non est Ordo, ut ego breuiter dicam in tit. 221. de Tonsura ad Inter. 4. & latè probat Diana *part. 6. tract. 80. resolut. 29.* qui respondet etiam ad argumenta contraria, & consequenter asserit, recipientem Ordines minores, vel Sacros, non suscepta prima tonsura, nullam irregularitatem contrahere, cum non dicatur ordinatus per saltum, ex eo quia prima tonsura non est Ordo, sed dispositio ad Ordines.

Quær. 1. An efficiatur irregularis Episcopus, aut alius Jux, vel Prælat, si carceratus in ejus moriatur carceribus?

Resp. Non fit irregularis Episcopus, Prælat, siue alius Jux, si carceratus moriatur, quia non est causa propinqua, & immediata illius mortis. Verùm si carcer esset adeò arctus, qui careret sufficienti aere, aut carcerato cibis, & necessaria ad vitam negarentur, & ita còsumatus periret, equidem, sequuta morte, Prælat, seu Jux dicti carcerati fieret

heret irregularis; siquidem necare dicitur, qui non alit, juxta illud, *Si non pavisti, occidisti*. Caveant igitur Prælati, & Judices, ne Carceratus verisimiliter brevi tempore moriatur, vel quoad qualitatem Carceris, vel quoad vitæ necessaria; nam Carceratus ob sua demerita pane doloris, & aquæ angustie est sustentandus, non autem illico consummandus, quia debet vitam ducere in penitentia, & miseria; attamen ex nimia miseria vita ei auferri non debet, ut inter paucos dies sit moriturus, aliàs certò à Judice incurritur irregularitas, si talis Carceratus moriatur. Ita aliis relatis firmat Navar. *10.2. conf. 1. sit. de panis lib. 5.* Item non est de facili Clericus incarcerandus, quia excommunicatus est, qui injuriose Clericum detinet, per capitul. *nuper de sentent. excomm. Armilla verb. Inquisitio sub num. 13.* Unde Iudex debet Carceratos visitare, & facere, quòd habeant necessaria ad vitæ sustentationem, ut dicitur in *l. 3. Cod. de Episc. audien.* aliàs non solum mortaliter peccat, si non visitat, & pauperibus provideri non curat, ut docet Em. Sà *verb. Iudex*; sed etiam irregularitatem secuta morte incurrit, & si carceratus est Clericus, excommunicatione itidem innodatus. Notandum est igitur cum Diana *part. 4. rr. 2. resol. 33.* & aliis ab eo citatis, Episcopos incurrrere irregularitatem, quæ fertur aliquo jure generali, quia solum excipiuntur ab incurrendo suspensionem, & interdictum, non autem ab irregularitate, & excommunicatione, quæ jure generali feruntur, ut docet etiam Navar. *in man. cap. 27. num. 16.* Cajet. *2.2. qu. 185. art. ult.* & alii quos refert, & sequitur Em. Sà *verb. Episc. apud nu. 10. ex cap. quia periculosum de sent. excomm. nu. 6.* Idem docet Armil. *verb. Episc. n. 12. Et ver. su. pensio num. 18.* & est communis sententia.

Quer. 2. An sit irregularis, qui suspectus de hæresi abjuravit in Sancto Officio de levi, aut de vehementi? & quid dicendum sit de Regularibus?

Resp. Pœna irregularitatis imponitur in jure hæreticis tantum, non autem abjurantibus hæresim; nam hi non damnantur tanquam hæretici, nec imponitur eis aliqua penitentia ob hæresim, sed solum ob ea gesta, ex quibus hæresis suspicio orta est, à qua se purgant per abjurationem; ergo qui de hæresi suspectus cogitur per Inquisitores abjurare de levi, aut de vehementi, nullam irregularitatem incurrit. Ita tradunt Em. Sà *verb. Hæresis num. 5.* Navar. *lib. 5. sit. de hæresi confil. 16. num. 1.* Sanchez *in Summ. tom. 2. lib. 2. cap. 25. nu. 12.* & alii plures, quos refert, & sequitur Diana *part. 4. tract. 2. resol. 47.* Nec

disentit Lezana *tom. 3. verb. hæresi sub num. 11.* quia licet ratione notorietatis criminis sit irregularis propter infamiam inde confluentem, tamen tollitur hæc infamia facti, & purgatur suspicio mediante abjuratione. Vide Bonac. *de censur. disp. 7. quest. 3. pen. 7. num. 4.* Verum est tamen, quòd si tales fuerint Regulares cujusvis Religionis, penitentiati à S. Officio, etiam minori pœna, quam ordinaria, ob hæresis suspicionem, sunt inhabiles ad officia suæ Religionis ex Decr. Urbani VIII. quod refert idem Lezana *tom. 1. part. 1. cap. 15. num. 39.* & Angelus à Lantulca *in Theat. Regul. verb. Pœna num. 3.* Et hoc verum est, etiam si penitentia tempus expleverint, vel gratiam à SS. Papa, vel à S. Officii Congr. receperint, nisi specialiter, & expresse rehabilitati fuerint. Vide citatos Auditores, qui tamen non loquuntur de penitentis salutibus, quia in præfato decreto non comprehenduntur, sed omnino exclusæ censentur.

Quer. 3. An sit irregularis filius, cujus Pater cecidit in hæresim, & ita mortuus est, aut traditus fuit brachio sæculari, sed catholico, & emendatum se decessisse ostendit? & an talis filius ad Ordines promoveri valeat?

Resp. Est quidem quæstio valde gravis inter Theologos, an dictus filius censeri debeat irregularis, cum pro utraque parte adfint rationes, ut videre licet apud Doctores mox adducendos. Hoc autem certum est, hæreticorum filios usque ad secundam generationem per lineam paternam, & usque ad primam generationem per lineam maternam, esse irregulares; nempe si per viam virilem descendant, sunt irregulares filii, & nepotes hæretici; si verò via sceminea, solum filii, & non nepotes fiunt irregulares; præsertim si eorum parentes impœnites, & damnati per Iudicem mortui fuerint. Ita habetur ex cap. *statutum 2. de hæret. in 6.* tradunt Doctores communiter, ut Navar. *in man. cap. 27. nu. 205.* Suarez *de censur. disp. 43. sect. 3. num. 1.* Toletus *lib. 1. cap. 69. num. 3.* Emm. Sà *verb. hæresi num. 4.* Bonac. *de censur. disp. 7. quest. 3. par. 7. num. 9.* Armilla *verb. hæres. numer. 7.* Lezana *tom. 3. verb. irregul. sub numer. 16.* Et *verb. Infamia sub num. 11.* ubi tamen cum Sanchez *tom. 1. in decal. cap. 28. num. 7.* & Thesaur. *de panis part. 2. verb. hæresi num. 3.* ait, id non procedere in filiis ante hæresim genitis; sed hoc negat Toletus ubi *suprà num. 2. in fine*; neque in illis Regionibus, quibus palam, & impunè hæres grassantur, & quando delictum paternum est notorium jure, vel facto. Quòd autem filius hæretici emendati non sit irregularis, quamvis ejus pater combustus fuerit, si signa

signa contritionis ostenderit, docent nonnulli, quos refert, & sequitur Diana par. 10. tr. 11. *resol.* 23 nec discrepare videtur Tolet. Bonac. Lezana, & alii. Sed oppositum docet Sanchez ubi *supra* cap. 27. num. 22. & *seqq.* cuius opinio est magis communis, ut inquit Diana loco cit. & licet *part.* 4. *trac.* 3. *resol.* 45. utramque opinionem probabilem censeat, tamen concludit, quod sententia negativa, scilicet haud esse irregularem dictum filium, non habet locum in partibus, in quibus versamur, quia licet non incurrat irregularitatem, in *cap. Statum* contra filios hæreticorum inflicta, incurrit tamen irregularitatem, quæ oritur ex infamia, propter legem Quisquis C. ad legem Iuliam majest. quia hæretici sunt rei læsæ Majestatis Divinæ, prout sentiunt multi apud Sanchez loco *supra* citat. cap. 28. num. 4. Oppositum tamen docet Lezana ubi *supra* verb. *infam.* num. 21. & alii plures. Ego verò puto dicendum, primò malè limitari ad filios ante hæresim genitos, & ad illas Regiones, in quibus hæretes grassantur. Nam primum est contra *cap. statutum de hæreticis in 6.* quod absolute loquitur, ibi: *Hoc sanè de filiis, & nepotibus hæreticorum, qui tales esse, vel tales etiam decessisse probatur:* Lex ista enim lata fuit in odium hæresis parentum, & directè, & primò in parentum supplicium, ut ait Glossa in *Extravag. Joann. XXII. de panis 5. filii cuius, vers. quomodo libet*, cum in filiorum persona patres acriùs puniantur, quam in propria: Et quia etiam spectetur periculum imitationis, hoc maximum est in omnibus filiis; ita tenet Rota coram Poëna in Conchen. pension. 24. Octobr. 1594. & in eadem causa coram Peregrin. 6. Martii 1568. quam sequitur Garzias de Benefic. *part.* 11. *cap.* 10. nu. 79. ubi plures refert. Secundum verò est falsum ex eadem ratione, & quia deficit fundamentum Sanchez, dum dicit infamiam facti cessare; si pater moriatur inter hæreticos, sine infamiae nota: Nam nil interest, quòd hæresis generet infamiam apud hæreticos, quia per se semper generat eam respectu cuiusque benè sentientis, & requiritur notorium facti, non ut generans infamiam, sed ut manifestans rem, adeò ut non possit tergiversatione celari, & ita ut patres sint probati esse heretici. Dico secundò, quòd sententia docens esse irregularem filium patris hæretici pœnitentis, si intelligatur de reconciliato, & prima vice pœnitente, est expressè cõtra textum in dicto *cap. statutum*; nam ibi sic habetur: *Non autem illorum, quos emendatos esse confiteris, & reincorporatos Ecclesia unita.* Lessius lib. 2. *cap.* 34. nu. 12. & *seqq.* quem se-

quitur Garzias ubi *supra* §. 1. nu. 83. Peyr. de *Præl. quest.* 2. *cap.* 3. §. 6. num. 77. Penna *conf.* 162. *ver. jam tandem.* Tolet. lib. 2. *cap.* 69. *ver.* 6. Farinac. de *heres. quest.* 191. num. 64. Passerin. de *elect. can.* *cap.* 25. num. 75. De filiis autem relapsum procedit sententia de irregularitate ad officia publica, etiam si parentes pœniteant. Penna *conf.* 164. *verb. oppositam sententiam*, Rojas *part.* 2. *affert.* 42. num. 338. Azor. *part.* 1. lib. 8. *cap.* 13. *quest.* 8. Suarez *tom.* 5. *disp.* 43. *sect.* 3. num. 3. Avila de *cen. part.* 7. *disp.* 4. *dub.* 3. Farinac. loco *cit.* num. 65. Duard. in *Bull. Cane lib. 2. in can. 1. quest.* 27. num. 27. Sigism. de Bonon. de *elect. dab.* 79. Peyr. loco *supra* citat. & Passer. *ibidem* num. 76. Nec verum est, quòd dicti filii patris hæretici, etiam impœnitentis, sint infames ex reatu læsæ Majestatis Divinæ ex identitate rationis, imò nec ex majoritate, nisi intelligatur de quadam imperfecta infamia, pro quanto sunt in minori æstimatione, ut explicat Passerin. *quest.* 21. num. 95. Nam jure Ecclesiastico nullibi lata est in eos poena infamiae. Nec valet arguere ex inhabilitate ad beneficia, & officia publica; hæc enim est quædam veluti irregularitas, non verò infamia, nec à prima ad secundam valet consequentia; quamplures enim effectus parit infamia, quos non parit irregularitas; nam irregularis non impeditur esse testis, & eligere, à quibus actibus, & aliis impeditur infamis, *cap. non potest*, & *seq.* 2. *quest.* 7. & *cap. refestim. cap. licet de testibus, & cap. licet de probat.* Nec rectè etiam arguitur ex crimine læsæ Majestatis humanæ ad crimen læsæ Majestatis Divinæ; nam præterquam quòd, ut tradit Socin. *consult.* 225. nu. 21. *vol.* 2. in pœnalibus non fit extensio, præsertim ad eos; qui non deliquerunt; præter hoc, inquam, non valet illud argumentum, nisi in casibus in jure expressis, & delictum patris in non expressis non præjudicat filio. Gygas de *crim. læsæ Majestatis lib.* 5. *tit.* 1. de *Privileg.* 17. in *fin.* Greg. Lopez lib. 9. *ver. fuerat, eadem, tit.* 31. *part.* 7. Nec poena imponenda est contra delinquentem, nisi in jure sit expressa, *cap. si qui de sent. excomm.* in 6. Neque valet argumentum à crimine graviore; nam sæpissime contingit minora crimina; quia communiora, graviùs puniri. Covar. lib. 2. *var. cap.* 8. num. 5. & de facto jus canonicum minus punit hæreticos, quàm jus civile reos læsæ Majestatis humanæ, quod damnat ad mortem; non sic jus canonicum, si pœniteant; & in hoc casu filii non sunt inhabiles ad beneficia, & officia publica. Quòd autem filii hæreticorum non sint infames, quidquid dicat Dia-

na, tenent Menoch. *conful.* 808. nu. 44. & 45. vol. 9. Suarez *tom.* 5. in 3. par. *disput.* 48. *sect.* 3. *num.* 2. Sanchez *lib.* 2. in *decal.* cap. 28. num. 5. Sayrus *de censur.* lib. 6. cap. 10. num. 40. de Bononia *de elect.* *disput.* 80. num. 1. Saleles *de matr.* *tribun.* 58. *Inquisitionis lib.* 6. cap. 5. num. 97. & *segg.* Quoad ultimum denique de irregularitate ad suscipiendos Ordines, bene Passerinus *quest.* 12. num. 97. conciliat sententias, ut sententia negativa sit vera per se loquendo, quia in jure non est imposita irregularitas directè contra filios hæreticorum; sed sententia affirmativa sit vera consecutivè, quia Ordines Sacri sunt officia publica, ad quæ tales filii inhabilitantur, unde hæc non est propriè irregularitas, quia non est inhabilitas ad Ordines, ut Ordines sunt, & ratione sanctitatis illorum, sed ut sunt publica officia, & colligitur ex cap. *quicumque, de hæret.* in 6. Vide Em. Sà *verb. hæresis sub num.* 4. & *Dianam par.* 10. *tract.* 11. *ref.* 23. & alios apud ipsos diversè sentientes.

Quer. 4. An filii Saracenorum, Pagano-
rum, vel Judæorum, irregulares censi de-
beant, itaut ad Ordines promoveri nequeant.

Resp. Si tales fuerint baptizati in infantia, scilicet ante septennium, irregulares minime censi debent, quia tales non sunt filii hæreticorum, contra quos in jure imposita est irregularitatis pœna. Si verò præfati filii in ætate adulta baptizati fuerint, utique irregulares censi debent, & ad Ordines minime promoveri possunt; nam dicuntur Neophiti, scilicet novi in fide: & licet jura circa hoc, certum tempus non præscribant, tamen ferè omnes Doctores asserunt, quod post decennium à Baptismo suscepto, nō amplius dicantur Neophiti, ac per consequens cesset hujusmodi irregularitas: quamquàm meliùs dicant quidam, hoc tutè posse remitti arbitrio Episcopi, qui post aliquam temporis moram à die suscepti Baptismatis judicare potest an aliquis sit habilis, & idoneus ad Ordines suscipiendos, nempe an sit satis instructus in rebus fidei, & in iis, quæ necessaria sunt ad Ordines ritè suscipiendos; nec Episcopus in tali casu dicitur dispensare. super irregularitate, sed solum declarare irregularitatem cessasse: & hoc mihi videtur probabilius. Siquidem S. Ambrosius recens regeneratus, in Episcopum Mediolanensem electus fuit; unde Episcopus tuta conscientia ad Ordines, & Beneficia potest Neophitos admittere, quoties noverit eos Christiana disciplina apprime imbutos esse. Vide Navar. in *man. cap.* 27. nu. 205. Toletus *lib.* 1. *cap.* 64. num. 5. Em. Sà *verb. irregu-*

laritas ex defectu Animæ nu. 3. Miranda in *man. tom.* 1. *quest.* 19. *art.* 7. Bonac. *de censur. dispus.* 7. *quest.* 3. *pun.* 7. num. 11. Lezanam *tom.* 3. *verb. irregularitas nu.* 11 & *tom.* 4. *Conf.* 16. n. 31. & *segg.* & *conf.* 31. num. 22. & *segg.* *Dianam par.* 4. *tra.* 2. *resol.* 50 à quibus hæc libavi. Alia plura videri possunt apud præfatos Auctores: ego enim, ut sæpè dixi, in hisce meis laboribus brevitati studeo. Vide etiam Barbof. in *Trident. sess.* 23. *de reform. cap.* 7. num. 5 & 6. ubi docet, non esse excludendos ab Ordinatione, qui à Judæis originem trahunt, nisi aliud canonicum impedimentum obestet. Et bene quidè, non enim generis nobilitas, sed virtutum præstantia gratum facit Deo, atque hominibus.

TITULUS CXXV.

De Irritatione Votorum.

Vide tit. de Abbatiss. &c. Inter. 1. tit. de differ. Inter. ult. tit. de Præl. Regul. Inter. 11. 12. 13. 14. tit. de Vot. Inter. 6. tit. de Uxor. Inter. 5.

1184 **I**nter. 1. Potestne Maritus irritare omnia Uxoris vota?

Resp. Est quæstio valdè gravis inter Doctores. Quidam dicunt integrum esse viro omnia uxoris vota irritare, excepto voto continentiae emissio de communi consensu. Pro hac sententia sunt plurimi Doctores, ut videre licet apud Sanchez *de matr. lib.* 9. *disput.* 49. num. 4. & in *summ. tom.* 1. *lib.* 4. *cap.* 34. num. 3. & *segg.* Bonacin. *de præcept. Decal. disput.* 4. *quæst.* 2. *pun.* 7. *§.* 2. num. 16. & *Dianam par.* 3. *tra.* 4. *ref.* 220. Vide etiam Enum. Sà *verb. Voti irritatio num.* 1. Et est quidem probabilis hæc sententia, ut asserit idem Bonac. loc. citat. Verùm mihi videtur dicendum, nullo modo posse Maritum omnia uxoris vota irritare, & nulla facere, nisi in quantum impediunt domus, & familiæ gubernationem, aut ei præjudicium faciunt. Unde non potest Maritus irritare votum uxoris de oratione aliqua recitanda, de non mentiendo, pejerando, aliqua parva elemosyna eroganda, & cætera hujusmodi non præjudicialia; & ita tenet Navar. in *man. cap.* 12. *num.* 64. *vers.* *Maritus autem, Azorius tom.* 1. *lib.* 11. *cap.* 17. *quest.* 12. Sylv. *Votum §. quest.* 1. propter rationem S. Thomæ 2. 2. *quest.* 88. *art.* 8. Suarez *de Relig. lib.* 3. *cap.* 6. *num.* 26. & latius *lib.* 6. *cap.* 3. *num.* 2. Sylvius, Filiucius, Valentia, & alii apud Dianam, & Bonacinam ubi *sup.* num. 10. & *segg.* Et ratio est, quia licet vir sit caput uxoris in iis, quæ pertinent ad domus

domus gubernationem, & administrationem familiarum; tamen mulier non in omnibus est subiecta viro, maxime quando ei nullum præjudicium facit. Alias rationes vide, si lubet, apud Suar. loc. cit. Ego enim, more meo, brevitati studeo. Vide etiam Dian. part. 4. tra. 4. resol. 110. Sed non omnia quæ ibi docet placeant mihi.

1185 Inter. 2. Estne in potestate Patris irritare omnia vota filiorum? & quid dicendum est de Matre, Tutore, Curatore, & Avo?

Resp. Quod omnia vota realia, personalia, vel mixta filiorum impuberum possint irritari à Patre, saltem intra tempus impubertatis, est sententia communiter recepta; nec peccat Pater irritando prædicta vota, quia utitur jure suo. Dixi, intra tempus impubertatis, quia licet vota facta ante annos pubertatis possint etiam à Patre irritari transacto tempore impubertatis, ut docent plures Doctores; tamen hoc intelligi debet, dummodò filius pubes, post acquisitam pubertatem, non ratificaverit vota tempore impubertatis facta. Nota igitur, quod impubertas incipit ab usu rationis, & durat in foeminis usque ad duodecimum annum completum; in mascululis autem usque ad decimum quartum completum: quia impuberes non præsumuntur satis iudicii habere, ut maturè, & prudenter votare possint; ideo ne imprudenter se votis astringant, voluit jus omnia eorum vota subdi potestati eorum, quibus ipsi impuberes subsunt. Itaque dicendum est posse Patrem, & eo deficiente Matrem, dum tutores filiorum gerit, ac etiam Tutores, & Curatores pupillorum, licet omnia vota filiorum, pupillorum, & minorum in ætate impuberi emissã, & non ratificata tempore pubertatis, irritare. Vide Navar. in man. cap. 12. num. 64. Sanchez in Summ. tom. 1. part. 2. lib. 4. cap. 35. per tot. præsertim numer. 7. Bonac. de Præcept. Decal. disp. 4. quæst. 2. punct. 7. §. 2. num. 18. & seqq. Dian. part. 9. tract. 8. ref. 14. qui plures Doctores referunt. Item deficientibus Parentibus, & Tutores, possunt Avi, & Avie irritare omnia vota, quæ posset Pater, aut Mater; nam sunt veluti Parentes, ac eorum loco, & eis tenetur impubes obedire. Ita aliis relatis docet Cassianus à Sancto Elia in Arbor. Opin. moral. verb. Avus n. 11. & alii.

1186 Inter. 3. Potestne Pater irritare vota filiorum puberum?

Resp. Potest etiam, sed non omnia ipsorum vota irritare quit, sed tantum realia, absolute loquendo, & in quacunque ætate ea emisserint, dummodò filii non sint emancipa-

ti, scilicet extra Patriam potestatem; nam vota emissã à filio jam emancipato, & subinde extra patriam potestatem conficuto, nequit Pater irritare. Item Pater irritare non valet vota realia filii, qui habet bona castrensia, vel quasi castrensia, quia filius horum bonorum est dominus, & est sui juris, sicque potest de illis disponere ad beneplacitum independentem à Patre. Quænam autem sint bona castrensia, vel quasi castrensia, docet Bonacina de restitut. disp. 2. quæst. 10. punct. 1. num. 1. Vide ergo ipsum. Dixi, tantum realia, quia nullo jure probatur posse patrem irritare vota personalia filiorum puberum, nisi quantum vergunt in præjudicium domesticæ gubernationis, & Patri præjudicant; quod intelligendum est secundum Sanchez, quando graue, & alicujus momenti esset præjudicium, secus autem quando modicum; & hæc doctrina militat etiam de votis mixtis, ut peregrinandi, quatenus in illis admiscetur aliquid reale, nempe expensæ, quibus peregrinatio est peragenda. Fallit tamen hæc regula in casu, quo filius minor pubes voveat ingredi Religionem, licet in consequentiam ingressus succedere debeat Monasterium in bona ipsius ingredientis; nam tale votum nequit Pater irritare, ut docet Navar. in man. cap. 12. num. 70. & alii plures apud Sanch. loco supradicti, num. 24. Tandem nec votum Religionis, Confessionis, Communionis, & simile emissum à filio pubere potest Pater irritare, quia nullatenus ipsius potestati repugnat. Vide D. Tho. 2. 2. quæst. 88. art. 9. & 8. ad 2. alios DD. in præcedenti responsione allegatos, & præsertim Sanch. in cap. 35. per tot. ubi hæc, & alia plura videri possunt. Vide etiam, si lubet, Em. Sà in verb. Voti irritatio num. 1.

1187 Inter. 4. Potestne Dominus servorum suorum vota irritare?

Resp. Dicunt quidam posse Dominum universa vota servorum irritare, excepto castitatis voto. Tamen discedendum non est à communi sententia, quæ docet ea sola vota à Domino irritari posse, quæ juri, ac potestati ipsius aliqua in parte offendant, & obstant, ut votum peregrinationis, Religionis, & alia hujusmodi, quæ Domini servitio præjudicarent, præter votum castitatis, quod communiter DD. fatentur, non posse dominum irritum reddere. Dicendum est igitur posse Dominum ea sola vota servorum irritare, quæ ipsi præjudicant; non autem vota non metiendi, non furandi, diligendi Deum, aliarum Orationum, jejuniis, & abstinentiæ, dummodò moderatæ sint, & Dominis non præjudicent, quia tunc saltem suspendere pos-

set; sicut etiam potest herus, respectu famulorum suorum, vota suspendere, quæ obsequio sibi debito præjudicant; non autem potest herus famulorum vota irritare, quia non habet in illis dominatium potestatem, sicut dominus in servis, qui sunt ipsius mancipia. Vide S. Thom. in 4. dist. 28. qu. 2. art. 1. Sylv. verb. *Votum* 4. qu. 2. Sanchez tom. 2. par. 2. lib. 4. cap. 36. per tot. Bonac. de Præcept. decal. disp. 4. q. 2. pun. 7. §. 2. n. 7. Azor. tom. 1. lib. 11. cap. 16. q. 8. cap. 17. qu. 9. Navar. cap. 12. nu. 64 & alios apud Sanchez, qui late, & eruditè hanc pertractat materiam.

TITULUS CXXVI.

De Jubilæo.

Vide tit. de Confess. ad qu. 3. tit. de Confessor. extr. Mon. Int. 5. §. 6. tit. de Confess. Sacr. Int. 2. §. 5. tit. de Denun. Int. 29. tit. de Paroch. Int. 18. tit. de Præl. Reg. Int. 22. tit. de Regul. Eccl. Int. 66. 67. tit. de Sec. crim. Int. 1. §.

1188 **I**nter. 1. Potestne quis bis, aut pluries lucrari Jubilæum?

Resp. Posse aliquem bis, seu pluries consequi indulgentiam, aut Jubilæum, si opera iuncta bis, seu pluries exerceat, tradunt plurimi DD. quos refert, & sequitur Diana par. 2. tr. 17. resolut. 49. Et par. 5. tr. 12. resolut. 28. Tamen hoc non est ita certum, ut supponunt huius opinionis Doctores; nam Filliucius ro. 1. tr. 18. cap. 10. num. 261. Et num. 278. refert Clementem VIII. & Sac. Congregat. Cardinalium declarasse, semel tantum sumi posse Jubilæum, tam in Anno Sancto, quam in aliis. Ita testatur Lezana tom. 2. verb. *Jubilæum* sub num. 20. Sed Diana ea resolut. 28. supradict. dicit, quod de tali Sacræ Congregationis declaratione non constat authenticè; idèd alii judicent. Ego enim sentio cum Filliucio, & aliis asserentibus, non posse quem bis, aut pluries Jubilæum lucrari; nam in forma Jubilæi dicitur, *hæc vice sanctorum*, idèd una vice in una, vel altera hebdomada, ut benè ait Suar. tom. 2. de Relig. lib. 6. de voto cap. 16. nu. 17. quem refert, & sequitur Bonacina de Sacram. disp. 5. qu. 7. pun. 5. §. 3. sub num. 17. vers. *opposita sententia*. Vide Cabrinum Elucid. cas. reserv. part. 2. resolut. 143. asserentem hanc nostram sententiam securiorem esse, & in praxi sustinendam, licèt probabilem censcat oppositam; sed si prædictam Sacræ Congregationis declarationem authenticè extare conspicerit, ei omninò standum esset, & contraria sententia penitus profligata remaneret.

1189 Inter. 2. Qui non habet nisi peccata venialia, potestne lucrari Jubilæum, si confessionem venialium non præmittat?

Resp. Dicunt tredecim Doctores, quos refert Pasqualig. in praxi *Jubilæi* q. 62. & præterea Sanch. de matrim. lib. 8. disp. 1. §. num. 19. Confessionem esse unam ex conditionibus specialiter requisitis pro comparando Jubilæo; idèd ea non adimpleta, minimè posse Jubilæum lucrari. Tamen verius, & probabilius puto oppositum cum Suarez in 3. par. tom. 4. disp. 52. sect. 3. nu. 5. Filliucio, Reginaldo, & pluribus aliis, quibus subscribit Diana par. 3. tr. 4. resolut. 26. Potius de Joris mox adducendus, & alii; nam peccata venialia non sunt materia necessaria Confessionis, ut omnes Doctores fatentur, & ego breviter dicam in tit. 165. de Peccato veniali, ad Int. 3. Et nec Summus Pontifex in Bulla Jubilæi mādāt confiteri venialia: ergo non est necessaria simpliciter peccatorum venialium confessio pro Jubilæo acquirendo, cum ad huiusmodi confessionem nemo ullo iure teneatur. Vide Potitum de Joris de *Jubilæo* extr. n. 21. qui plures pro hac sententia refert, & 27. Doctores Diana par. 5. tr. 2. resolut. 30 pro hac citat sententiam. tamen vide quæ dicam in tit. 173. de præc. an. Conf. ad Int. 5. in fin. vers. *asteriscum*. Et placet prudens motivum Passerin. de Indulg. q. 28. nu. 530. dicentis: Indubitatum, & securius esse ad lucrandam Indulgentiam concessam cum illa clausula, præmittere adualem confessionem, & quod consulendi sunt omninò fideles, ut id observet. Vide Em. Sà verb. *Indulg.* sub nu. 3. qui pro utraque parte Doctores refert.

1190 Inter. 3. Adolescentes non completo vigesimo primo anno, possuntne lucrari Jubilæum, non servato jejunio?

Resp. Jejunium, cum sit una ex conditionibus necessariis pro comparando Jubilæo, necessariò etiam ab Adolescentibus servari debet, aliàs Jubilæum obtinere non possunt. Ita docent plures, quos dat, & sequitur Diana part. 1. tr. 9. resolut. 61. vers. *Ex supradictis*, Potius de Joris de *Jubilæo* extraor. part. 3. quæst. 16. num. 5. unde tam Adolescentes, quam senes Jubilæum lucrari non possunt, nisi jejunent, quia hoc non est præceptum, sed conditio pro consecutione indulgentiæ. Vide Em. Sà verb. *Indulgentia* prope finem.

1191 Inter. 4. Fuit jam publicatum Jubilæum, Titius spe absolutionis obtinendæ committit incestum, sodomiam &c. vel ingreditur Monasterium Monialium ad malum finem, potestne confessarius eum absolvere?

Resp. Qui in confidentiam Jubilæi committit aliquod peccatum relictum, vel incurrit aliquam

aliquam censuram, potest absolvi. Ergo Confessarius potest Titium absolvere; nam in Bulla Iubilæi non ponitur talis exceptio, ut non absolvatur peccans ex confidentia Iubilæi, & spe absolutionis obtinendæ: ergo &c. Diana par. 1. sr. 11. ref. 16. Bonac. de legib. disp. 4. q. 2. p. 6. §. 3. m. 12. & alii apud Potitum de Joris in tract. de Iubilæo extraordinario par. 3. quæst. 16. sub nu. 13.

1192 Inter. 5. Quando in Iubilæo conceditur facultas absolvendæ ab omnibus casibus Papæ reservatis, potestne Confessarius absolvere etiam à Censuris, & casibus Episcopo reservatis?

Resp. Alii ajunt posse, alii verò probabilius negant, scilicet quando Summus Pontifex concedit in Iubilæo facultatem absolvendæ à censuris, & casibus reservatis, non censeri concedere censuras, & casus, quos Episcopi Diocesano statuto sibi specialiter reservant. Ita Navar. Graffius, Bonac. & alii, quos refert, & sequitur Cabrin. Elucid. cas. reserv. par. 1. ref. 131. Verum est tamen, quod Episcopi, dum publicant Iubilæum, solent eam facultatem concedere.

1193 Inter. 6. A quo Episcopo debet esse approbatus Confessarius per Iubilæum eligibilis?

Resp. Tres sententias diversas refert Diana circa tale dubium. Prima asserit sufficere approbationem Episcopi loci, in quo auditurus est Confessiones, licet pœnitens vi Iubilæi ipsum eligens sit alterius Diœcesis. Secunda docet, quod satis erit, si Confessarius fuerit approbatus ab Episcopo, seu Ordinario pœnitentis habentis per Iubilæum facultatem eligendi quemlibet approbatum ab Ordinario, licet non adsit approbatio Episcopi loci. Tertia tenet sufficere approbationem Episcopi ejusdem Confessarii, ita ut Sacerdos à suo Episcopo absolutè, & simpliciter approbatus ad audiendas Confessiones, possit ubique terrarum eligi ab habente facultatem eligendi quemlibet Confessarium ab Ordinario approbatum vi Iubilæi, licet non sit approbatus ab Episcopo pœnitentis, vel loci; & hanc sententiam amplectitur ipse Diana par. 5. tract. 12. ref. 52. Ego tamen puto discedendum non esse à prima sententia, quia Sac. Congreg. Concilii, petente Archiepiscopo Valentino Joan. de Ribera, declaravit, approbatum ab alio, quam Valentino Episcopo in Diœcesi Valentina, non censeri approbatum ab Ordinario. Vide Vericellum qq. moral. tract. 2. quæst. 5. num. 4. vers. 6. quia, & ea quæ dicam in tit. 160. De Parochiis, ad Inter. 17. ubi firmabo ex Congr. quod habentes Parochiale

Beneficium in una Diœcesi, non possunt in alia Diœcesi absque loci Ordinarii approbatione eligi in Confessarium vigore Iubilæi: ergo multò minus poterunt eligi, qui non sunt Parochi. Quare non est audiendus Diana ubi sup. Et p. 1. sr. 11. ref. 7. qui pluribus relatis oppositum docet. Sed vide Lezan. p. 1. sr. 1. c. 18. num. 19. pro hac nostra sententia, quam probabiliorē puto.

1194 Inter. 7. Moniales possuntne tempore Iubilæi quoscumque Confessarios ab Ordinario approbatos eligere?

Resp. Quidquid dicant Bonacina de Sacram. disp. 5. quæst. 7. punct. 4. §. 1. nu. 22. in fine, Bossius de triplici Iubilæo sect. 3. num. 2. Peyrinus tom. 3. privileg. Minim. cap. 4. in Constit. Leonis X. num. 4. & alii, absolutè dicendum est, & tenendum, non posse, per ea, quæ egomet dixi in tit. 43. de Confessariis extraordinariis Monialium, ad Interrog. 6. Et dicam in tit. 180. de Regularibus, seu Religiosis ad Interrog. 67. & hanc sententiam docent Molfesius, Alphonsus de Leone, Faustus, Joan. Francisc. Suarez, & Gregorius Pollacrus in Bulla Iubilæi Urbani Octavi, sect. 1. num. 8. qui testatur, ita declaratum fuisse à Sac. Cardin. Congregat. Vide Dianam par. 3. tract. 5. resolut. 154. Et par. 5. sr. 12. ref. 12. Et par. 9. sr. 6. ref. 49. Et tract. 8. ref. 51. prope finem; & in hoc opinionum consensu standum est pro hac nostra sententia, utpotè tutiore, cum agatur de Sacramenti validitate. Nullus enim potest accedere ad Monasteria Monialium sine licentia, & multò minus Confessiones earum audire sine speciali deputatione Ordinarii: ergo &c. Idem tenet Author Caus. Confess. lib. 1. cap. 9. n. 10. & clarè patet ex Constit. Clem. X. incipit Superna, apud Lantuscum in Supplem. verb. Privilegium.

1195 Interrog. 8. Confessarius; qui ob immaturam ætatem, vel juvenilem aspectum, solum approbatus fuit ad Confessiones viro- rum audiendas, potestne tempore Iubilæi mulierum Confessiones excipere, si ab illis eligatur?

Resp. Bonac. tom. 1. tract. de Sacram. panis. disp. 5. quæst. 7. punct. 4. §. 1. num. 22. docet probabiliter eligi posse, & consequenter, quod ipse Confessarius eas audire queat, & absolvere à peccatis &c. Idem tenet Dian. par. 3. sr. 2. ref. 93. & alii asserentes, dictum Confessarium, si à feminis fuerit electus, validè, ac licitè posse ipsarum mulierum Confessiones excipere: tamen non sine fundamento dubitat Bordonus tom. 2. var. ref. 70. num. 11. imò absolutè asserit, quod si talis Confessarius sit Regularis, nullatenus possit contra voluntatem sui Superioris id

ris id facere . At hoc ego puto verum de omni Confessario , ut dixi in tit. 42. de Confess. ad quas. 3.

1196 Inter. 9. Cajus tempore Jubilæi ex oblivione inculpabili omittit confiteri aliquod peccatum reservatum, potestne transacto Jubilæo à quocumque simplici Confessario absolvi?

Resp. Dico, quòd sic ratio est, quia Confessarius censetur hic, & nunc velle penitentem absolvere, quantum licitè potest, & Penitens indiget, & consequenter reservationem tollit; & Penitens idè accedit ad Confessarium ut quantum fieri potest à peccatis omnibus liberetur, & si recordaretur se esse reservatis obstrictum, omnino confiteretur, & absolutionem peteret. Sanchez de matrim. tom. 2. lib. 8. disp. 15. n. 21. Portellus, & alii teste Diana par. 3. tr. 4. ref. 145. Idem docet Potitus de Joris in tract. de Jubilæo Romano par. 5. num. 13. ubi alios concordantes adducit. Vide etiam Bonacin de Sacram. dispus. 5. quas. 7. punct. 5. §. 5. à num. 8.

1197 Interrog. 10. Socrates habet votum non reservatum, sed noluit tempore Jubilæi illud pro tunc sibi commutare; sed transacto Jubilæo, mutato animo petit illius commutationem, potestne quivis Confessarius illud ei commutare?

Resp. Licet Socrates non possit uti facultate ut absolvetur à reservatis, nisi de obliis transacto Jubilæo, ut docent DD. communiter; tamen finito Jubilæo licitè potest illius commutationem petere, & consequenter quilibet Confessarius eam sibi præstare valet; nam penitens per confessionem factam tempore Jubilæi jus acquisivit, ut possit postea dictum votum commutare. Ità Portellus in dub. Regular. verb. Indulgentia pro Jubilæo nu. 18. Bossius de Jubilæo sect. 2. cap. 74. quibus subscribit Diana p. 5. tr. 12. ref. 40. & idem docent Faustulus, Sanctarell. Moron. Cobat, quos refert, & sequitur Pasqual. de Jubil. q. 332.

1198 Inter 11. Possuntne tempore Jubilæi commutari vota extra Sacramentum Confessionis?

Resp. Pluribus relatis affirmativè respondet Bonac de præc. dec. disp. 4. q. 2. p. 7. §. 3. num. 16. & hanc assignat rationem, nempe, quia nullo jure præscribitur, commutationem fieri debere in ipsa Confessione; nam hujusmodi commutatio non est materia necessaria confessionis, & ad argumenta in contrarium satis respondet. Vide igitur quæ dixi supra ad Interrog. 18. tit. 42. de Confess. & Dianam par. 3. tr. 2. resol. 9. in finem.

1199 Inter. 12. Vota commutata vigore

Jubilæi, reviviscuntne, si postea vovens consultò, & deliberata voluntate, prætermittit opera in Jubilæo præscripta, & illud non consequitur?

Resp. Nonnulli dicunt reviviscere: sed oppositum puto probabilius, quia Summus Pontifex in Jubilæo hoc non dicit, sed absolute Confessarius potestatem tribuit absolvendi à reservatis, & commutandi vota; consequenter cum semel legitime facta fuerit commutatio, absurdum est dicere, postea reviviscere votum, quod jam per commutationem fuit extinctum. Suarez de Relig. tom. 2. lib. 6. cap. 16. n. 10. Sanch. in sum. to. 1. lib. 4. c. 55. nu. 49. Bonac. de præc. dec. disp. 4. q. 2. pun. 7. §. 5. nu. 18. Rodriq. Nald. Filliuc & alii, quos refert, & sequitur Diana par. 2. tra. 16. resol. 10. Emman. Sà verb. Absolutio n. 18.

1200 Interrog. 13. Qui voti commutationem accipit vigore alicujus Jubilæi, peccatne mortaliter, si postea voluntariè omittit opera Jubilæi, & illud non lucratur?

Resp. Quidam dicunt peccare mortaliter, quia facit contra intentionem Pontificis in re gravi, qui concedit Jubilæum, & facultatem commutandi vota cum onere ea faciendi, quæ in ipso Jubilæo præscribuntur. Sed mihi dicendum videtur non peccare mortaliter, si habeat animum præstandi cætera ad Jubilæum necessaria, licet postea mutato animo ea non præstet; nam nulli facit injuriam, sed solum sibi nocet. Ita ex aliis tenet Bonac. de Sac. disp. 5. qu. 7. pun. 5. §. 1. nu. 18. & melius probat Diana loco prox. cit. ref. 11. cum Sanch. in Summa tom. 1. lib. 4. cap. 55. nu. 54. & hoc mihi probatur, quia de tali Pontificis intentione non constat, & ipse Pontifex, si vellet, posset hanc suam voluntatem explicare. Unde cum ipse non explicat, neque nos explicare debemus. Probo insuper, quia penitens nihil promissit, nec obligationem aliquam illi imposuit Confessarius, nec Jubilæum talem obligationem petit; undè videtur sufficere propositum bona fide factum exequendi opera in Jubilæo præscripta.

Quæ. 1. An virtute Jubilæi possit Confessarius absolvere à casibus Papæ reservatis, etiam in Bulla Cœnæ? & an possit ab hæresi occulta absolvere penitentem, si in Jubilæo generaliter concedatur facultas absolvendi à casibus in Bulla cœnæ contentis?

Resp. Casus qui continentur in Bulla cœnæ sunt specialis notæ digni, cum habeant specialem quamdam gravitatem, ob quam haud verisimile est, velle Pontificem maximum illos concedere, nisi in Jubilæo de illis expres-

sam

sam faciat mentionem; nam in generali concessione non veniunt ea quæ quis non est verisimiliter concessurus in specie, ut habet *reg. 1. 8. juris in 6.* Et hæc est Doctorum communis sententia, teste Diana *par. 5. sr. 12. ref. 34.* Idem pariter dicendum est ob eamdem rationem de absoluteione ab hæresi: Si enim in Jubilæo concedatur facultas absolvendi ab omnibus casibus, etiam in Bulla Cenzæ, Papæ reservatis, adhuc ab hæresi non potest Confessarius penitentem absolvere, quia talis casus est specialissimus, & nisi exprimitur, non censetur consensus, prout observat stylus hujus Curiz Romanæ; & ita declaratum fuisse à Gregorio XIII. plures testantur Auditores, quos refert, & sequitur Diana *par. 1. sr. 5. ref. 1.* quidquid aliqui apud ipsum in contrarium dicant; & præsertim novissimè P. Rotarius in *Appar. Theol. moral. par. 1. cap. 2. sect. 2. n. 5.* Sed nostram sententiam sequitur etiam Lezana, qui alios concordantes adducit. Imò ex Azorio *tom. 1. lib. 8. cap. 10. q. 12.* vocat eam veram, & conformem usui, ac stylo hujus Romanæ Curiz; quare omnino sequenda est in praxi. Vide Lezanam *tom. 2. verb. casus refer. n. 28.* Emm. Sà *verb. Absolutio in fin. & verb. Hæresis itidem in fine in annotat.* Andreæ Viçorelli, & alios apud ipsos. Et tandem id notat etiam P. Campionus in *Instruct. Ordinand. cap. 40. sub n. 39 in fin.* & ita declarasse Alex. Septimum, optimè advertit, & huic nostræ sententiæ perdoctè favet.

TITULUS CXVII.

De Iudicibus.

Vide tit. de Cler. &c. Inter. 5. 6. 7. 8. 9. 10. & ad qu. 4. tit. de Eccl. Immun. Int. 47. 55. tit. de Ecclesiis ad quas tit. de Gabel. Int. 4. tit. de Homic. Int. 6. tit. de Infam. Int. ult. tit. de Injust. Int. 2. tit. de Irrig. Int. 20. & ad quas 1. tit. de Litt. & Scrip. Int. ult. tit. de Mutil. Memb. Inter. 2. tit. de Opin. Int. 10. tit. de Pun. Int. 5. tit. de Præl. Reg. Int. 28. tit. de Privileg. &c. Int. 11. tit. de Regul. &c. Int. 33. tit. de Reis mort. tit. de Res. accept. Inter. 8. tit. de Res. Da. Int. 19. tit. de spons. Inter. 4. tit. de Test. Inter. 10. 12. tit. de Viti. Int.

1201 **I**nter. 1. Potestne quilibet iudicem recusare?

Resp. Inquisitus quidem potest recusare Iudicem, si habeat illum suspectum, puta, quia ex odii fine procedat, vel quia est criminolus, *cap. cum speciali de appellat. & docet Sylvest. verb. Appellatio.* Unde quando Iudex, sive

Laicus, sive Ecclesiasticus, ac etiam Regularis, valde suspectus crederetur, excelsurusque ob passionem, posset recusari, sicut in hoc casu potest ab eo appellari: sed hæc recusatio non admittitur, nisi quando manifesta est causa suspitionis, ut bene notat Sanchez in *Sum. tom. 2. lib. 6. cap. 8. 3.* Item si Iudex non est in legibus Canonis peritus, aut veri, recti, & æqui amator, potest recusari, ut docet idem Sylvest. *verb. Recusare.* Iudex autem delegatus potest recusari, si est consanguineus adversarii, si commensalis, si oriundus de ejus terra, idest, de districtu, si ad eum accessus haberi non possit, nisi per terras inimicorum, si loquatur in aure, & familiariter cum adversario, si in alia causa litigavit cum eo, si est imperitus, vel habet averseorem suspectum. Ita docet Panor. quem refert, & sequitur Sylvest. *verb. recusare n. 1.* Goffredus in *Summa tit. de appell. n. 19 & seqq.* Peyrinus de *subdito cap. 19. n. 2.* Lezana *tom. 2. verb. Iudex, & Judicium n. 12.* Pax Jordanus *ro. 3. lib. 3. tit. 4. nu. 66. & seqq.* Et nota, quod ista quatuor, *Timor, odium, dilectio, census, sapd solent rebus hominum pervertere sensus,* ut habet Glos. in *c. cum ceteri de sens. & re judic.*

1202. Interrog. 2. Si Laicus, sive sæcularis delinquat simul cum Clerico, à quo Iudice debet puniri?

Resp. Dico, quod non potest puniri à Iudice laico, sed à Iudice Ecclesiastico, quia cum Iudex Ecclesiasticus dignior sit laico, ad ipsum pertinebit in hoc casu, reum judicare. Ita docent Laym. *l. 4. sr. 9. c. 4. n. 10.* Tambur. de *Jure Abb. 10. 1. disp. 1. §. qu. 19. n. 31.* Imò Scaccia in *lib. 1. de Judic. causarum cap. 11. num. 24.* asserit ita fuisse decisum anno 1591. à Sac. Congreg. die 10. Decembris, dum rescriptit D. Pompejo de Amatis, tunc temporis Commisario Civitatis Tusculanæ, ut tam Clericos, quam Laicos iniquitos de violentia illata cuidam mulieri, remitteret ad Iudicem Ecclesiasticum. Et bene quidem; nam magis dignum trahit ad se minus dignum, ut rectè probat Diana *par. 3. sr. 1. ref. 1. & p. 4. sr. 1. ref. 7.* qui pro hac sententia plures DD. refert, & oppositum sentientes luculenter retundit.

1203. Int. 3. Ad quem Iudicem pertinet cognoscitio fractionis sigilli Confessionis.

Resp. Ut plurimum pertinet ad Episcopum seu Ordinarium, cui subiectus est Confessarius. Si vero hoc crimen est conjunctum cum hæresi, itaut Confessarius defendat, licitum esse revelationem hujus sigilli, aut male sentiat de Sacramentis Ecclesiæ, est hæreticum; ideo ut talis ejus cognitio pertineret ad S. Officium, ut docent Bonac. de *Sacr. disput. 5. qu. pun. 1. n. 6.* Diana *par. 4. sr. 95.* & alii communiter

niter. Vide, quæ dicam ego in tit. 204. de *figillo Confess. ad Inter. 19.*

1204. Inter. 4. In quo casu sententia contra aliquem lata à Judice nulla censetur? & quomodo Judex debet procedere, quando quis est infamatus de aliquo delicto?

Resp. Quando est à Judice non competente lata, aut quando quis non est de aliqua culpa accusatus, vel denunciatus, vel nisi adsint indicia sufficientia, & præterea si certior non sit factus, & citatus ad iudicium, sententia contra eum lata non tenet, & nulla cēsetur, quia contra non citatum, aut legitime auditum, est ipso jure nulla, ut habetur *ex cap. Nos in quoniam 2. q. 5.* Unde sine accusatione, vel denunciatione, vel alia via, quæ eis æquipollet, nemo iuste, & valide damnari potest, ut clamant iura, *cap. super his, & cap. qualiter, & quando de accusationibus.* Imò bene docet *Lezana verb. Iudex numer. 6.* (ex *Sanchez tom. 2. conf. lib. 6. cap. 8. dub. 1. nu. 5.*) non statim quod denunciatus, vel accusans dicit esse infamiam dedelicto, debere Prælatum procedere via inquisitionis specialis: sed debet inquirere, apud quos sit hæc infamia, & unde ortum habuerit; & si videat esse apud paucos, & leves, & levi fundamento, præcipue de persona, quæ fuerit clara, & bonæ famæ, non sic procedat; sed si infamia sit apud graves, & bonos, pluresque viros, quia fama apud tales cum suspicionibus violentis secundum conditionem personæ, quæ agit, facit aliquam probationem. Et hæc doctrina est Sylvestri *verb. Inquisitio 2. dicto 5.* Vide infra in tit. 175. de *Prælati Regular. ad Interrog. 28. & seq. Quæ.*

Quer. An Judex licite punire valeat eum, qui ex publica voce, & fama, aut ex præsumptionibus, vel indicii probatur aliquod grave crimen commississe? Et quid dicendum sit de Inquisitoribus?

Resp. Dico primò, quod si fama probetur solum ex voce populi, non probata aliqua præsumptione, ex qua dicta fama, & opinio trahat originem; tunc fama non probat, sed magis dicitur vana vox populi. Dico secundo, quod si publica fama, & clamorosa insinuatio à fide dignis procedat, solum incitat Judicem ad inquirendum, ita ut si procedat à viris honestis, non autem à malevolis, & maleficis, non semel, sed pluries, Inquisitio à Judice licite fieri potest. Sed testes deponentes de fama, ad minus duo esse debent, spectatæ vitæ, & omni exceptione majores, ut ex aliis docet *Miranda de Ord. Indic. tom. 2. qu. 26. art. 5. conclus. 2.* Insuper probare debent omnino, quod fama sit orta non à malevolis, sed

ab honestis, & fide dignis. Requiritur igitur, quod fama per testes idoneos probata sit, nec sat est, quod testes dicant hanc esse publicam famam, sed debent reddere rationem eorum dicti, etiam non interrogati; ac etiam debent exprimere causas, indicia, & conjecturas, quibus orta est fama, aliter non probant; & ita inter alios docet idem *Miranda de probat. lib. 2. conclus. 149. nu. 11. 12. & 13. & lib. 3. conclus. 1379. nu. 8.* Sylvest. *in verb. Inquisitio 1. qu. 4. & 11.* Alia vero requisita ad probationem famæ videnda relinquo apud *Fari nac. q. 37. usque ad nu. 277.* Vide supra in hoc tit. de *Iudiciis, ad Inter. ult. & infra in tit. 175. de Prælat. Regul. ad Inter. 28.* Quando verò fama probatur trahere originem ex aliquibus præsumptionibus legitimis præcedentibus, tunc facit probationem plenam, puta in causis brevioribus, vel modici præjudicii, non autem in aliis. Nam licet præsumptio, quæ defumitur ex conjecturis, sit fortissima, ut tradunt *Soccini, Junior, Decius, Parisius, Menoch.* quos dat, & sequitur *Marcus Paulus Leo in praxi ad lit. M. Panis fol. 59.* tamen conjecturæ, ex quibus arguendus est dolus, ad id debent esse perspicuæ, ut non nisi in malam partem capi possint. *Paulus de Castro in lege dolum, C. de dolo, Mascard. de probat. lib. 1. conclus. 130. verb. dolus n. 70.* Quare si quis prætendat ex præsumptionibus inditiare e. gr. Titium, attamen quando etiam illæ essent magni ponderis, & valde urgentes, nihilominus evitari non posset *Regula, quæ habet, neminem ex præsumptionibus, ordinaria posse damnari poena.* *Cæpolla conf. 27. n. 12.* Sequitur *Guazzinus in defen. Reorum 33. cap. 10. n. 4.* Nam probatio per præsumptiones, & conjecturas, non dicitur vera probatio. Omnis enim probatio debet esse concludens, & plena, ac de plena, & concludenti intelliguntur iura, probationem requiruntia. *Sperellus Decif. for. Eccl. dec. 101. n. 23. & seq.* Unde poena ordinaria nemo puniri potest, nisi probationes contra ipsum sint luce meridiana clariores, præsertim in causis criminalibus magni ponderis. Scriptura verò privata Epistolæ, qua quis suum delictum fatetur, sufficit ad plenam probationem, dummodò in iudicio à reo scriptore recognoscatur. *Roderic. post alios in comp. qq. Regul. ref. 42. n. 24.*

Reus autem de crimine vehementer præsumptus, & veritatem nolens recognoscere, potest poni ad questiones, id est ad tormenta: quod si adhuc in tormentis non confiteatur delictum, absolvendus est; nam tunc dicitur iudicia purgasse, & quasi oblituisse. *Sua. cz de Retig. lib. 10. cap. 12. nu. 12.* Sed si confiteatur delictum, populus est, ut ratificet confessionem illius

il-
lius extra tormenta, quia confessio facta in tormentis fragilis est, & incerta, ut docet Franc. Aretinus in *tract. crim. cap. 12. de Confess. per torturam*. Sed totum intelligendum est de delictis atrocioribus, & gravissimis, quibus pena mortis, mutilationis, vel trirerium applicatur. Si enim delictum non est atrocius vel capitale, quod pena mortis, mutilationis, aut trirerium puniri nequeat, tunc Iudex debet Reum mitiori pena punire, quam si ejus delictum plenè probatum esset, & condemnandus ad illam; nam dum Iudex ex præsumptione procedit, debet multum temperare sententiam, ut notatur in *cap. Afferre de præsumpt.* Nullo modo tamen est à quæstionibus inchoandum, & quæstiones circa Clericos omnino moderatæ esse debent, propter periculum excommunicationis, ac etiam quia iudicium pessimum est, quod ex suspitione, vel extorta confessione fit, ut in *cap. Si Sacerdotibus 6. q. 6.* Hic autem notandum est quòd iudicium quatuor præsertim modis perverti potest à Iudice scilicet timore, cupiditate, odio, & amore. *cap. Quatuor 11. q. 3.* Nam ista quatuor, timor, odium, dilectio, census, sæpe solent rectos hominum pervertere sensus, ut habet *Glossa in cap. cum cæteri de sent. & re judic.* Cætera, quæ ad forum externum pertinent, Jurisfisi relinquo: Ego enim more meo brevitati studeo, & ad instruendas conscientias scribo majori, qua possum, facilitate, & brevitate: idè vide Sylv. *verb. inquisitio 1. Lezan. to. 1. par. 1. cap. 27. per tot. & to. 3. verb. Iudex, & Iudicium item per tot.* Autem Inquisitores ex indiciis, & præsumptionibus indubitatis possint punire reum pena ordinaria? Vide *Dian. par. 4. ar. 8. ref. 116.* qui affirmative respondet; & hoc est verum etiam de crimine simoniæ, ut habetur in *cap. Sicut de simon. & de crimine hæresis*, habetur *ex cap. cum contumacia de hæres. in 6.* Vide *Armill. verb. probatio nu. 7.*

TITULUS CXXVIII.

De Iudiciis temerariis, & suspicionibus.

Vide tit. de Diff. Inter. 12.

1205 **I**nter. 1. Iudicium temerarium, & suspicio, estne peccatum mortale?

Resp. Si iudicium temerarium non consistit in dubitatione, sed in certa æstimatione, & materia est gravis, semper est peccatum mortale; secus erit veniale, si materia est levis. Ita etiam iudicium temerarium oriens ex suspi-

cione potest esse peccatum mortale in materia gravi, nisi oriatur ex indiciis probabilibus; nam iudicare juxta indicia probabilia non est culpa, saltem gravis, si prudenter feratur iudicium, & cum formidine de parte opposita, quia indicia probabilia non possunt causare certam æstimationem. Item suspicio aliquando potest esse peccatum mortale, si fiat de persona habente nomen sanctitatis, & suspicio esset de re gravi. Vide *S. Thom. 2. 2. qu. 60. art. 3. Cajet. ibid. Bonac. to. 2. de Restit. disp. 2. qu. 7. pan. 1. sub nu. 4. vers. non nego tamen Steph. à S. Greg. de Restit. lib. 1. cap. 13. num. 10. 11. & 12. & alios penes ipsos.* Vide etiam *Dian. par. 3. ar. 5. ref. 31.* ubi pluribus citatis docet, suspensionem etiam de re gravi, si non habet assensum firimum, numquam esse peccatum mortale, quia licet suspicio uni parti magis adhæreat, non tamen id fit, nisi inchoatè, atque non sine formidine de opposito; quæ ratio mihi valdè probatur. Vide *seq. Resp. & Em. Sà verb. Iudicium n. 1.*

1206 **I**nter. 2. Ad hoc ut iudicium temerarium committatur cum peccato mortali, quid requiritur?

Resp. Primò requiritur, ut efficiatur sine indiciis sufficientibus. Secundò, ex plena deliberatione. Tertiò certò, & sine ulla formidine; quæ omnia, teste Diana loco supracit. raro simul concurrunt in homine, malè de proximo iudicante, & præsertim tertium requisitum, quia multi iudicant cum formidine alterius partis, & tunc non est iudicium temerarium mortale. Itaque dicendum est cū communi DD. sententia, quòd tunc committitur iudicium temerarium mortale, quando quis iudicat firmiter, & deliberatè de aliquo gravi malo proximi absque sufficienti fundamento, & indiciis, seu conjecturis, & absque rationali causa, atque etiam qui id tenet quasi pro certo. Ita pluribus relatis firmat *Bonac. to. 2. de restit. disp. 2. q. 7. pan. 1. nu. 4. & seqq. Vide Em. Sà verb. Iudicium temerari & ibi Viñorell. plura congerit ad intentum.* Vide etiam *Armillam verb. Iudicium nu. 8.*

1207 **I**nterrog 3. Peccatne mortaliter, qui dubitat de aliqua actione proximi, & illam in malam partem interpretatur?

Resp. Dubium circa malum proximi semper est interpretandum in bonam partem, nisi contrarium constet; alioquin erit peccatum mortale, si materia erit gravis, quia qui habet malam opinionem de proximo suo, facit ei injuriam; nullus enim debet alteri injuriâ inferre absque cogente causa: Hæc sententia est D. Thomæ 2. 2. q. 60. art. 4. & ibi Cajet. Bannes, Salonius Aragonius, & alii. Vide Azorium

3. par.

3. par. lib. 13. cap. 11. dub. 5. *Lessium lib. 2. cap. 29. dub. 4. Molin. tom. 4. disp. 17.* & confirmatur ex communi dicto Doctorum: *In dubio non est presumendum delictum: & habetur ex l. merito ff. pro socio.* Itaque tenemur dubia circa actiones proximi in potiore, & meliorem partem interpretari; scilicet putare nostrum proximum non fuisse auctorem criminis, vel peccati, & non esse virum improbum, id est non commisisse tale malum, &c. nisi contrarium nobis constet. Nam quilibet habet jus, ne contra ipsum alii malum opinentur, quia semper presumitur bonus, nisi probetur malus. Unde notanda sunt verba S. Thomæ loco cit. qui ad 3. sic inquit: *Dicendum, quod interpretari aliquid in deterius, vel meliorem partem, constringit dupliciter, uno modo per quamdam suppositionem, & sic cum debemus aliquibus malis addibere remedium sive nostris, sive alienis, expedit ad hoc, ut securius remedium opponatur, quod supponatur id, quod est deterius, quia remedium, quod est efficax contra majus malum, magis est efficax contra minus malum. Alio modo interpretamur aliquid in bonum, vel malum, distinguendo, sive determinando; & sic in rerum judicio debet aliqui nisi, ad hoc, ut interpretetur unumquodque secundum quod est. In judicio autem personarum, ut interpretetur in melius, sicut dictum est. Vide Armillam verb. Dubitatio, sub n. 1.*

1208 Inter. 4. Peccatne mortaliter, qui malè suspicatur de proximo, vel dubitat, & suam suspicionem, vel dubium aliis manifestat?

Resp. Sicuti mortaliter peccat, qui delictum alterius verum, sed occultum, alteri manifestat; ita qui malè de alio suspicatur, vel dubitat cum sufficiente fundamento, & suam opinionem, vel iudicium alteri manifestat, quia bonam proximi opinionem aufert, & lædit illius famam. Scus tamen esset, quando in aliquo casu non læditur notabiliter bona proximi opinio, vel quia res est manifesta, & alii idem iudicium faciunt, vel ad aliquem honestum finem manifestatur, modo non augetur suspicio, & mala opinio apud audientes. Bonac. de *Resist. disp. 2. qu. 7. pun. 1. n. 9.* Stephan. à S. Gregorio lib. 1. cap. 13. nu. 17. & Emman. Sà verb. *Judicium temerarium.* Vide Armillam. verb. *Suspicio.*

TITULUS CXXIX.

De Juramento.

Vide tit. de Care. Int. 2. tit. de Consuet. Int. 4. 5. 6. tit. de Defens. vi. prop. Int. 2. tit. de Episcop. &c. Int. 40. tit. de Hæres. &c. Int. 1. tit. de Infam. Inter. 2. tit. de Inim. Int. ult. tit. de Intest. Int. 4. tit. de morib. Int. 8. tit. de Par. mat. Int. 6. 7. 15. de Pec. Inter. 20. 21. tit. de Regul. &c. Int. 26. tit. de Sacr. Matr. Inter. 14. tit. de Testib. &c. Int. 3. tit. de Val. sponsal. Int. 1. tit. de Usura &c. Int. 21.

1209 Inter. 1. Quid est Juramentum?

Resp. Juramentum est invocatio Divini Testimonii in confirmationem alicujus dicti. Ita DD. communiter.

1210 Inter. 2. Quotplex est Juramentum, & ejus species?

Resp. Quatuor sunt species Juramenti: Est enim juramentum assertorium, promissorium, comminatorium, & execratorium. Assertorium, quando affirmatur, aut negatur aliquid præsens, aut præteritum, ut si dicatur: Per Deum, iste occidit hominem, vel, Per Deum non occidit. Promissorium, in quo futurum affirmatur, vel negatur promittendo, ut, Faciam hoc per Deum. Comminatorium, in quo promittitur malum poenæ, ut Per Deum te occidam, castigabo te, percutiam te &c. Execratorium denique, in quo sive promittendo, sive negando, aut asserendo, aliquid affirmatur, aut negatur sibi apponendo poenam, ut v. gr. Deus me destruat, nisi hoc ita sit, aut nisi hoc faciam &c. Vide Toletum lib. 4. cap. 20. d. num. 3.

1211 Inter. 3. Quæ, & quot sunt conditiones, quas debet habere juramentum, ad hoc ut licite fiat, & sine peccato?

Resp. Tres sunt conditiones: Veritas, Justitia, & necessitas. Tolet. *cod. lib. 4. c. 21. nu. 2.* & alii communiter.

1212 Interrogat. 4. Estne peccatum mortale, quando in juramento desunt dictæ conditiones?

Resp. Quando desit veritas, etiam in minima, est peccatum mortale: si desit justitia potest esse mortale, si materia, supra quam juratur, mortalis est: si desit iudicium, hoc est necessitas, vel utilitas, est veniale, si absit pejerandi periculum, & juramenti contemptus. Tolet. lib. 4. c. 21. n. 8. & 9.

1213 Inter. 5. Qui sæpè, dum loquitur, dicit, *Si per Deo*, facitne juramentum?

Resp. Dicunt aliqui, & probabiliter, quod non, quia ut plurimum dicitur sine animo juran-

jurandi; tamen est magna reprehensione dignus.

1214. Interrog. 6. Peccatne, qui ex iusta causa jurat alio sensu, quam alter intelligit?

Resp. Non semper peccat, quia licet æquivoce jurare, quando iuramentum exigitur indebitè, vel injustè, ut v. g. si quis exigit iuramentum, qui jus non habet, ut Iudex incompetens, vel si non fervet ordinem juris, vel si exigatur per vim, metum, injuriam &c. ut si maritus exigit iuramentum ab uxore adultera, an adulterium admiserit, dum est occultum: Unde quoties quis injustè cogitur ad jurandum vel habet iustam causam celandi veritatem, potest uti verbis æquivocis. *Busem. lib. 3. tit. 2. dub. 4. n. 4. Alloza in Flos. sum. ver. juram. sect. 2. n. 28.* qui testatur de cõmuni; *Bonac. de præcept. dec. disp. 4. q. 3. n. 12. n. 4. Et seqq.*

Vide etiam *Dianam p. 2. tit. 1. Miscel. ref. 25. Et p. 3. tit. 6. ref. 30.* qui plures casus particulares decidit. Nam qui ex hujusmodi approbatis æquivocis decipitur, suæ debet imperitiæ, vel importunitati imputare, quia alteri urget dicere, quod dicere nõ tenetur, nam utitur jure suo ad celandum animi sui arcana, & sic deceptio dicitur potius accepta, quam data. *Parpera in Indice copios. p. 4. q. 3. n. 7.* qui rectè agit de restrictione mentali, æquivocis, & amphibologiis, & quomodo, ac quando æquivocis licitè uti possimus etiam post propositiones illas damnatas ab Innoc. XI. Itaque concludendum est, quod quoties quis habet iustam causam celandi veritatem, & occultat eam mediante aliqua æquivocatione, verum jurat secundum sensum verborum, & nulla irreverentia sit iuramento, & cõsequenter non peccat, nec est perjurus. Verum si iuramentum iuste exigatur ab eo, qui iuramentum præstare valet, non dicitur iustè habere causam utendi æquivocatione; ideoque peccat mortaliter, quia si non facit mendacium, saltem committit perjurium. Ille verò, qui spontè jurat, tenetur uti vocabulis secundum cõmunem significacionem, eò quod non habet causam æquivocandi. *Tolet. lib. 4. cap. 21. per tot.* Tandem homo privatus peccat mortaliter si cogat ad jurandum, quem scit falsum juraturum. *Sylvest. verb. Lex n. 13. S. verb. Jurament. in fine.* Secus verò dicendum est de Iudice. Vide, quæ dicam in tit. 181. de Rei Mortis ad Interrog. 1.

1215. Inter. 7. Sempronius promisit Cajocum juramento se empturum ejus domum, quam credebatur esse bonam, sed postea invenit eam vitiosam in fundamentis; teneturne Sempronius stare iuramento?

Resp. Nequaquam: quia quoties intercedit

error, aut dolus circa substantiam, vel saltem circa causam finalem, non censetur quis voluisse jurare, si dolum cognovisset; ultra quod censetur jurasse sub conditione, scilicet si bona esset domus. Vide *Bonac. de præcept. dec. disp. 4. q. 1. pun. 7. n. 4. Et 5. Navar. c. 12. sub n. 13. Em. S. verb. Jurament. n. 9* & alios apud eundem Bonac.

1216. Inter. 8. Titius cum iuramento promittit Bertæ diviti, sanæ, virgini, & bonæ fame velle ipsam in uxorem ducere; teneturne Titius stare iuramento, si Bertæ incidat in infirmitatem incurabilem, aut in paupertatem, aut in fornicationem?

Resp. Non tenetur stare promissioni, nec eam vi iuramenti ducere; nam iuramentum habet eam tacitam conditionem, quam habent sponsalia, vel promissio futuri matrimonii; sed promissio matrimonii non obligat, quando res sunt ita mutabiles (intelligo de notabili mutatione) ut si cogitasset in futurum, non promississet: ergo neque iuramentum obligare poterit. Ita ex cõmuni docet Bonac. ubi sup. disp. 4. q. 1. pun. 16. n. 2. Vide iterum Bonac. disp. 4. qu. 2. pun. 5. n. 7.

1217. Interrog. 9. Qui jurat se facturum rem indifferentem, quam melius est non facere, quam facere, teneturne adimplere, quod juravit?

Resp. Non tenetur: quia iuramentum de re indifferenti, aut melioris boni impeditiva, non obligat. *Emmanuel S. verb. Juramentum nu. 10.*

1218. Inter. 10. Quidam juravit se non mutaturum alicui aliquid, vel numquam sibi iussurum: peccatne non adimplendo tale iuramentum?

Resp. Peccavit venialiter ita jurando; non tamen debet implere iuramentum, nec ullo modo peccat non implendo; ut rectè docet *Tolet. lib. 4. cap. 22. sub n. 2. & alii plures.*

1219. Inter. 11. Qui jurat latroni se centum aureos illi daturum, teneturne illosolvere, si aliàs non debet?

Resp. Dicunt quidam, iuramentum servandum esse, tum ne Deus videatur adductus in testem falsi, tum quia iuramentum servari potest sine peccato. Dicunt etiam, quod hujusmodi iuramentum potest ab Episcopo relaxari, & post relaxationem possit petere solum & hæc est expressa doctrina *S. Th. 2. 2. qu. 89. ar. 7. ad 3.* Qui autem jurat se daturum aliquid sine proposito servandi iuramentum, semper peccat mortaliter, nec in hoc datur parvas materias; mentitur enim; & pejerat; nam qui jurat se facturum talem rem, jurat se habere propositum faciendi; si ergo non habet hoc propositum faciendi, mentitur. Vide Bonaciam

de præc. decal. disp. 4. q. 1. pan. 9. Et de Contr. disp. 3. q. 1. pan. 1. Tamen dico, quod tunc licite jurare possit æquivocè, sine tamen restrictione mentali, cum non teneatur jurare secundum mentem, & intentionem latronis, cum hic non sit ejus Judex; & consequenter non peccat, nec est perjurus, si ei illos centum aureos non solvit. Vide Sylvest. verb. *Juram.* 4. q. 7. Navar. in man. c. 12. n. 15. prop. fin. Bonac. loco sup. cit. de præc. decal. pan. 12. nu. 3. Si verò tunc intellexit verè dare, sine æquivocatione jurando; tenetur sub mortali dare postea, ut rectè concludit Tolet. loco cit. sub nu. 1. Vide, quæ dicam in tit. 181. de Reis Mortis, ad Inst. 1.

1220 Inter. 12. Qui propter urbanitatem jurat se in primo loco non lesurum, vel, Primus non ibo, peccatne mortaliter, si postea non adimplet?

Resp. Non peccat mortaliter. Ita Cajet. Sotus, Azorius; quos citat, & sequitur Emm. S. verb. *Juramentum* n. 37. prope fin.

Casus reservati in Bulla Cane Domini.

- 1 **H**Æretici cujuscumque sectæ, eorumdem fautores, libros legentes, tenentes, aut imprimentes, & schismatici.
- 2 Appellantes à Pontifice ad futurum Concilium, eorumque fautores.
- 3 Piratæ, atque eorum receptatores, & fautores.
- 4 Naufragorum Christianorum cujuscumque generis bona, etiam in littoribus inventa, furripientes?
- 5 Imponentes nova pedagia, & gabellas, vel eas augentes.
- 6 Falsificantes Litteras Apostolicas, aut falsò fabricantes.
- 7 Deferentes arma, & alia usui bellico idonea, ad Turcas, vel alios Christiani nominis inimicos; & ad Reipublicæ Christianæ

statum pertinentia, iisdem in damnum Christianorum nunciantes.

- 8 Impedientes eos, qui victualia, & alia necessaria Romam convolvunt.
- 9 Ad Sedem Apostolicam venientes, vel ab ea recedentes, sua, aut aliorum opera lædentes; & sine jurisdictione vexantes in Curia commorantes.
- 10 Romipetas, ac peregrinos, etiam in urbe morantes vel abeuntes, lædentes.
- 11 Offendentes S.R.E. Cardinales, & alios Prælatos.
- 12 Ad Romanam curiam pro negotiis suis recurrentes, per se, vel per alios, lædentes.
- 13 Appellantes à gravamine, vel futura executione litterarum Apostolicarum ad laicam potestatem.
- 14 Executionem litt. Apost. aut aliarum expeditionum impediennes, & prohibentes ad gratias impetrandas accedentes.
- 15 Judices sæculares, qui Ecclesiasticas personas trahunt ad sua Tribunalia, quique Ecclesiasticam libertatem tollunt, aut in aliquo perturbant.
- 16 Impedientes Prælatos, ne sua jurisdictione utantur, quique illorum, & delegatorum judicia eludentes ad Curiam sæcularem recurrunt, aut contra illos decernunt, præstantesque auxilium.
- 17 Usurpantes Sedis Apostolicæ, & quarumcumque Ecclesiarum jurisdictiones, vel etiam fructus sequestrantes.
- 18 Imponentes decimas, & alia onera personis Ecclesiasticis, Ecclesiis, Monasteriis aut eorum fructibus.
- 19 Judices sæculares, qui se interponunt in causis capitalibus, seu criminalibus contra Ecclesiasticas personas.
- 20 Occupantes bona, aut terras Ecclesiæ Romanæ, & illius jurisdictionem usurpantes.

Finis huius Primi Tomi.

I N D E X

Locuplex rerum notabilium , quæ in hoc

Primo Tomo attinguntur .

*Prior numerus indicat paginam ; secundus vero
numerum marginalem .*

A

Abbas .

Abbatibus Regularibus habentibus iura Episcopalia , conferentibus primam tonsuram , & Ordines minores Regularibus alterius instituti , statuuntur pœnæ . 1. sub num. 1.

Non est necessarium , quòd hi sint benedicti . ibid.

Abbas ligatus aliqua censura , sit irregularis , conferendo minores Ordines . 215. 857.

Est speciale Privilegium pro Abbatibus Congreg. Cassinensis se ingerendi in illis benedictionibus , in quibus sacra unctio requiritur . 2. 3.

Abbatissa , seu Priorissa .

Monialis , ut eligi possit in Abbatissam , seu Priorissam , debet esse quadraginta annorum ætatis , & octo post expressam Professionem . 25. 92.

Quadraginta anni debent esse completi . ibid. Defectus dictarum conditionum ex decisione Sac. Congreg. reddit electionem nullam . ibid.

Si his qualitatibus non reperiatur , potest eligi cum Ordinarii licentia una ex his , quæ annum trigesimum exceßerit , & quinque saltem annos professionis habuerit . ibid.

Monialis , quæ non est de legitimo thoro nata , non potest eligi in Abbatissam , vel Priorissam , absque dispensatione Papæ , seclusis Religionum privilegiis ; sed Generales , & Provinciales Ordinum mendicantium possunt dispensare cum Monialibus sibi subditis , ut non obstante hoc vitio possint esse Abbatissæ , vel Priorissæ . 275. 1076.

Tom. I.

Nequit dispensare in votis Monialium . 2. 4. & pag. 4. quæf.

Non est veluti Pater , vel Mater . pag. 4. quæf. Non minorem potestatem habet , quàm Mater tutrix impuberum . 2. 4.

Ejus potestas in Moniales est simpliciter spiritalis . pag. 4. quæf.

Tantum ex causa , quam vir prudens sufficientem existimauerit , potest pro ratione administrationis donationes tribuere . 3. 6.

Abjuratio .

Proprie loquendo , est recessio ab hæresi cum Juramento de non redeundo ad illam . 248. 995.

Qui de Hæresi suspectus cogitur per Inquisitores abjurare de leui , aut de vehementi , nullam irregularitatem incurrit . pag. 308. quæf. 2.

Abortus .

Non est licitum , Abortu in procurare , nè Mulier occidatur , aut infametur . pag. 8. quæf.

Si aliquis extra Confessionem sciat , Mulierem velle se interficere , nec posse diuertere , & dubitat de iactura vitæ foetus , debet , si adest tempus , & commodè fieri possit , curare , non obstante secreto naturali , ut Iudex ponat in tuto vitam foetus , & Matris . pag. 9. quæf.

Abortus malitia formaliter continetur in Matris occisione . 5. 11.

Grauiissimum peccatum est , etiam si foetus non sit animatus . 5. 13.

Abortus foetus animati est unus ex casibus , in quibus persona Ecclesiastica potest tradituræ sæculari tradenda . 6. 17.

Supplicans in Sac. Pœnitentiaria pro dispensatione super Irregularitate ex abortu , debet exprimere , si erat foetus à se genitus . 7. 22

X

Cum

Cum abortus foetus animati sit ubique casus referuatus, & annexam habet excommunicationem, qui illum procuravit, potest ante effectum sequutum à simplici Confessario absolui, sed postea effectui sequuto, non tenetur iterum confiteri pro casu referuato; sed pro excommunicatione. pag. 102. quæf. 1.

Absolutio à Censuris.

Ferri potest in absentem, ignorantem, ac etiam existentem in peccato mortali. 9. 28.

Absolutio à Peccatis.

Absolutio Sacramentalis non potest impendi indigno, seu ponenti obicem, aut indispotitio 141. 549.

Tunc fit Sacramentum Pœnitentiæ, quando Sacerdos à peccatis absoluit. 120. 462.

Non tenetur Pœnitens in Confessione exprimere, quod peccauerit spe absolutionis impetrandæ. 109. 414.

Consultum est peccatori recidivo, atque consuetudinario, non esse impendendam toties quoties confitetur absolutionem; sed expectandum per aliquot dies, donec emendatio aliqua appareat. 117. 446.

Falsum est omnino absolutionem non esse differendam pœnitenti habenti consuetudinem peccandi, et si emendationis spes nulla appareat. ibid.

Qui paulatim Confessionē generalem faciunt de peccatis aliis ritè confessis, possunt absolui quotidie ab illis peccatis, quæ paulatim, & quotidie fatentur. 106. 394.

Quando in Confessione accidit aliquis casus difficilis, ubi sit necessarium Sapientum virorum Consilium, potest Confessarius absolutionem impendere: modò Pœnitens promittat se facturum quod iudicatum fuerit. 98. 369.

Si Confessarius in aliquo casu difficili, dicat pœnitenti velle consulere viros doctos; & pœnitens nolit nec in genere quidem consilium peti, quamvis teneatur dum viros doctos consulit nomen pœnitentis celare, non debet illum absolue. 116. 445.

Confessarius, qui videt aliquos occidentes hominem, qui iteratis vicibus Confessionem petit, sed non potest ad audiendum illius Confessionem accedere, quia interfectores minantur ei mortem, illum absolvens à peccatis dicitur esse moraliter præsens. 101. 380.

Absolutio à referuatis.

Romæ solum prohibetur absolue à casibus Summo Pontifici referuatis. 8. 26.

Etiam iniusta denegatio facultatis valida est, sicut valida censetur iniusta referuatio. 14. 55.

Absoluens absque facultate à referuatis, sub spe rati habitationis, vel ex inconsideratione, aut ignorantia, non incurrit ullam penam. 15. 56.

Pœnitens, siue sciat, siue nesciat peccatum esse referuatum, non potest per simplicem confessarium absolui. 268. 1060.

Episcopus, vel alius Superior, debet se facilem ostendere ad concedendam facultatem absolue à referuatis. 18. 70.

Hæc facultas generaliter committenda non est, nisi viro docto, & prudenti. 18. 71.

Si quis habeat Priuilegium, absolue à sex casibus à jure Episcopis referuatis, hoc Priuilegium ei non suffragatur in tota Italia extra Urbem. 56. 226.

Bona fides pœnitentis dum ad Diocesim Confessarii se transfert deuotionis, aut negotiationis gratia, operatur dumtaxat, ut absolui possit à referuatis, non autem ab excommunicatione referuata. 19. quæf. 2.

Qui tempore Jubilæi ex obliuione inculpabili, omittit confiteri aliquod peccatum referuatum, potest transacto Jubilæo à quocunque Confessario absolui. 314. 1196.

Si in Jubilæo concedatur facultas absolue à ab omnibus casibus etiam in Bulla Cœnæ Papæ referuatis: adhuc ab hæresi occulta non potest Confessarius pœnitentem absolue, nisi exprimatur. pag. 314 & 315. quæf.

Acceptio Personarum.

Est peccatum mortale ex genere suo. 190. 759.

Accusatio.

Ponitur differentia accusationis propriæ sumptæ à Denunciatione. pag. 147. quæf.

Quando reus accusatus non est dignus morte, & nihilominus Judex pro sua malicia, vel ignorantia, illum condemnat ad Mortem, tunc non accusator, sed Judex censetur causa efficax mortis. 21. 79.

Onus probandi, semper incumbit accusatori. 22. 81.

Quando alterius crimen vergit in multitudinis corruptelam corporalem, vel spiritua-lem, & dummodò sufficienter probari possit;

Index Rerum Notabilium.

fit; tunc quis tenetur illud crimen sub mortali accusare Superiorem propter bonum publicum. pag. 147. quæst.

Præterea non solum quis tenetur accusare, quando crimen alterius vergit, in periculum corporale, vel spirituale multitudinis sed etiam quando vergit in graue damnum alicuius tertiæ personæ, etiam si hoc sciat sub secreto naturali. ibid.

Facile cuicumque peccato potest occurri per simplicem denunciationem iudicialem, absque instigatione Iudicis; alias accusatio perturbat pacem, auget inimicitias. ibid.

Accusatio non debet fieri ex odio, aut aliquo alio iniquo fine; sed zelo Iustitiæ. ibid.

Ponitur forma accusationis inter Regulares. ibid.

Actus.

Est habitus in exercitio positus. 115. 435.

Actus internus.

Præceptum humanum non extenditur per se ad actus internos. 139. 538.

Licet Ecclesia non possit directè præcipere actum internum seorsum sumptum; tamen potest illum compræcipere, quatenus habet connexionem cum externo; & quoties actus internus est de substantia actus externi, Ecclesia potest actum internum præcipere. 33. 128.

Ecclesia non punit actus internos. 246. 985.

Adoptio.

Est quædam legitima assumptio extraneæ Personæ in filium, aut filiam, vel in nepotem. 88. 340.

Ex adoptione confurgit Cognatio legalis, quæ impedit, & dirimit Matrimonium inter adoptantem, & adoptatum, & adoptati descendentes usque ad quartum gradum. 88. 340.

Item: non potest subsistere Matrimonium inter adoptatum, quandiu non est emancipatus, & adoptantis filius legitimus, dum sunt in Patria potestate, & inter Uxorem adoptantis, & adoptatum, & inter hujus uxorem, & adoptantem. 88. 340.

Duo adoptati inter se contrahere minime prohibentur. ibid.

Adoratio.

Crux, quæ requiritur in Altari, dum Missa ce-

lebratur, tali modo sita esse debet, ut censetur exposita pro adoratione. 59. 239.

Ad hoc non sufficeret, si esset pictus Christus, aut sepultus, ut deferens Crucem ad Calvarium, sufficeret tamen Iniago B. V. Pietatis, in qua Crux stat erecta, & tanquam adorabilis. ibid.

Licet Crucem variis reliquiis, licet non approbatis, ornatam in altari collocare, & Populo adorandam proponere, quia adoratio Reliquiarum tunc est per accidens, & solum cultu priuato, & non publico adorantur, cum sola Crux adoranda proponatur, quæ cultu publico adoratur. ibid.

Adulatio.

Melius est pro veritate pati supplicium, quam pro adulatione recipere beneficium. pag. 165. quæst. 1.

Adulterium.

Etiam consentiente Marito committitur. 107. 401.

Quando Marito Adulteræ est nota injuria, & desiderat satisfactionem, requiritur in Adulterio quædam satisfactio, quæ consistit in petitione veniæ à patiente injuriam, & ostendere ei signa doloris, & similes actus. 24. 88.

Maritus ignarus Adulterii, irregularitatem incurrit. 43. 172.

Conjux adulter occultus, aut petat dispensari ab Episcopo, vel ab alio habente facultatem, aut se ablineat à debiti petitione. 127. 487.

Uxor debitum negare potest conjugi adultero, sicut vir uxori. 128. 488.

Quæ vult facere Diuortium ob alterius adulterium debet esse moraliter certus. 160. 638.

Ad faciendum in foro conscientie, non requiritur, ut adulterium probetur. pag. 160. nu. 638. & 639.

Pro faciundo in foro externo, si adulterium non est notorium, debet probari intra octo dies, ut constet Iudicio Ecclesiæ. 161. 639.

Quoties Maritus certus sit de uxoris adulterio, potest in conscientia alimenta negare, sed in foro externo potest à Iudice compelli ad præbendum alimenta uxori, donec sententia sequatur diuortii; secuto verò per sententiâ Iudicis: Maritus non tenetur alimenta præbere uxori adulteræ. 162. 645.

Vir, qui non suppeditauit alimenta uxori, atque eam è domo eiecit, quare uxor commisit adulterium, non est causa proxima adulterii, consequenter non censetur adulterio consentire, neque à diuortio faciundo

X 2 potest.

Index Rerum Notabilium.

potest impediri, sed si vir ea intentione uxorem repulisset, & alimenta denegasset, ut necessitate compulsus adulterium committeret, esset causa proxima illius adulterii; ac proinde idem esset, ac si adulterio coniuveret, & ad faciendum diuortio iuste impediretur. 161.640.

Septem sunt casus, in quibus vir uxorem adulteram repellere non potest. 160.637.

Jus, quod ex adulterio innocenti acquiritur, est, dum innocens est; & cessat prædictum Jus, si is postea labitur in adulterium. 161.641.

Conjux adulter non potest absq; licentia Innocentis sacros Ordines suscipere, aut profiteri in Religione. 161.642.

Si Conjux adulter sæpius petat ab innocente reconciliationem, & innocens nolit eam concedere, tunc potest, vel ordines suscipere, vel Religionem intrare; nec innocens poterit amplius reuocare Adulterum. 162.642.

Si Mulier de Adulterio condemnata, vel publice deprehensa, in Monasterium detrudatur ad poenitentiam perpetuam peragendam, vir eam emendatam recipere potest intra biennium; si verò recipere noluerit, propter hoc tamen Monialis non erit, si non fuerit amplius processum. 162.633.

Adultera non tenetur cum periculo vitæ, aut famæ, prodere, filium esse ex adulterio, ad impediendum damnum legitimis hæredibus. 237.952.

Debet, quantum potest, damnum Hæredibus compensare. ibid.

Non tenetur Filius credere Matri conjugatæ dicenti, etiam in fine vitæ, cum juramento esse de Adulterio natum, nisi rationibus convincatur. 273.1073.

Occidere in adulterio deprehensam uxorem, vel filiam, itemque adulterum, in foro conscientie non licet. 249.999.

Qui dicit, & defendit, non peccare Maritum occidentem propria auctoritate uxorem in adulterio deprehensam, est excommunicatus. ibid.

Si tradatur illi à Judice occidenda, juris ordine seruat, non peccat, dummodo id faciat non ex odio, sed zelo Justitiæ. ibid.

Secundum Jus Codicis non datur marito facultas occidendi conjugem, sed Adulterum, & quod uxorem accuset. Imò adulteram uxorem occidens amittit bona, quæ ob adulterium lucratus fuisset, & etiam tenetur ad damna hæredum ipsius occisæ. 250.1000.

Qui necavit adulterum inuentum cum uxore

fit irregularis. pag. 303. & 304. nu. 1166.

Adulter, qui temerè se ingerendo exposuit adulteram mortis periculo, secuta morte adulteræ fit irregularis. 304.1167.

Adulter, qui præuidit ex tali occasione futurum in morali periculo, aut occumbendi, aut occidendi, occidens Maritum aggressorem causa necessariæ defensionis fit irregularis; si non præuidet, excusatur ab irregularitate, si adulter non potest defendere propriam vitam, nisi occidendo. 304.1168.

Malitia Fornicationis continetur in adulterio. 116.442.

Advocati, & Procuratores.

Non omnes excusantur à Jejunio, sed tantum illi, quorum labor improbus, vel quia ita debiles sunt, ut efficienter studere non possint, ut postea causis Clientum satisfacere valeant. 261.1047.

Peccant mortaliter, si nesciunt ea, quæ ad eorum munus pertinent. 269.1064.

Non potest Cliens de quota litis pacisci cum Advocato, vel Procuratore. 119.460.

Ætas requisita.

Incipit à die Natiuitatis, non est à die Baptismi. 26.97.

Adolescentes ante vigesimum primū annum completum excusantur à Jejunio. 267.1043.

Etiā qui dubitat, an expleuerit viginti, & unum annos, si facta debita diligentia dubius adhuc remaneat, an expleuerit dictam ætatem, ad jejuniū non tenetur. 263.1046.

In die, qua quis complet ætatem vigesimi primi anni, etiam si compleat mane, est exemptus per totam diem à jejunio. 263.1047.

Episcopus debet habere ætatem 30. annorum completorum p. 26. n. 97. & p. 199. n. 790.

In Regno Galliz, ex concordatis inter Leonem X. & Regem Galliz, sufficit, quod sit in 27. anno constitutus. 199.790.

Requiritur, quod Canonicus Poenitentiarius sit in ætate 40. annorum incæptorum. 49.199.

Capella potest conferri Clerico minorum Ordinum, licet solum habeat annos. 14.52. 212.

Affinitas.

Ad contrahendam affinitatem requiritur seminatio viri intra vas femine. 28.109.

Ad contrahendam affinitatem requiritur sanguinum commixtio, & quod fiat una caro, & quod ex copula carnali generatio sequi possit. 28.109.

Afflictio.

Afflictio addi non debet afflictio. 290. quæf.

Alienatio bonorum Ecclesie.

Possunt Regulares absque consensu Sac. Congreg. & absque incurfu censurarum in pignus tradere, & vendere immobilia, quando tam urgens est necessitas, ut expectare non possint licentiam Sac. Cong. neque necessaria est in dicto casu licentia Episcopi, etiam si commodè haberi possit. 29. 118.

Ad Episcopum pertinet judicare de bonorum sufficientia pro victu Clerici in Sacris constituti, qua existente pro alienatione Patrimonii, ad cuius titulum fuit ordinatus, suum debet præstare consensum. 30. 121.

Alimenta.

Episcopus exiens per villas, & Oppida, non causa visitationis, sed solum, ut Sacramentum Confirmationis conferat, non potest recipere Victualia. 214. 852.

Concilium admonet Episcopos, ut frugali victu contenti sint; & hoc intelligendum est de hominibus Ecclesiasticis, maxime si habeant Eccles. Benef. 200. 794.

Ecclesiastici valde nobiles, aut magnæ litteraturæ, cæteris paribus possunt plus aliis minus nobilibus, & minus doctis in sui sustentatione infumere; debet tamen talis excessus sustentationis esse moderatus. 200. 794.

Ad Episcopum pertinet judicare de bonorum sufficientia pro victu Clerici in Sacris constituti. 30. 121.

Qui non suppeditavit alimenta uxori, est tantum causa remota Adulterii, nisi vir ea initione alimenta negasset, ut necessitate compulsa Adulterium committeret. 161. 640.

Secuto divortio per sententiam Judicis Maritus non tenetur alimenta præbere Uxori adulteræ. 162. 645.

Quævis sententia divortii non sit secuta, quoties Maritus certus sit de Uxoris Adulterio, potest in conscientia alimenta negare; sed in foro externo potest à Judice compelli ad præbendum alimentum uxori; donec sententia sequatur. ibid.

Cum periculo incontinentiæ non excusat conjuges ab obligatione reddendi debitum gravis difficultas in alendis filiis. 130. 498.

Patres tenentur alere filios, etiam naturales. pag. 240. quæf. 2.

Mittentes filios ad hospitale, sive legitimos, Tom. I.

sive naturales, tenentur ad omnes expensas quas hospitale facit in eis alendis, nisi ob notabilem paupertatem excusentur. ibid. Reo dum est in Ecclesia, negari non possunt necessaria, quæ sunt ad conservationem vitæ. 169. 675.

Confugientes ad Ecclesiam, si habent proprium, sibi victum providebunt de proprio, quod si non habent, nec querere possunt, Ecclesia providere debet. Item si habent proprium, & eo uti non possunt, Ecclesia providebit, sed tenentur ad restitutionem, quando sua poterunt rehabere. 169. 676.

Necare dicitur, qui non aluit. pag. 308. quæf. 1.

Altaria.

Non est opus, ut in Altari, dum Missa celebratur, collocetur crucifixus, sed sufficit, quod addit Crux tantum. 59. 239.

Altaria debent cooperiri tribus Mappis, sex tobaleis, in representationem Sancti Trinitatis. 59. 240.

Si Episcopus excommunicatus denunciatus Altare consecravit, in hoc celebrandum non est. 182. 729.

Quoad Missæ celebrationem prohibitam in Altari, in quo Episcopus eadem die celebravit, Patriæ consuetudini standum. Et ubi viget, ea qua decet reverentia, observanda est. 62. 248.

Ordinarius non potest concedere, ut partes Altarias collapsæ ad usus profanos vendantur. 186. 747.

Si Ecclesia per longum tempus steterit absque tecto, & Janua, & plena multis spurciis, satis erit, si Episcopus his ejectis, Altaria, visitet, & an sint integra, fracta, vel polluta, tam oculis suis, quam aliorum lustrat, lustrata reconciliet aspersione aquæ benedictæ, benedictione simplici, aut reconciliare per Sacerdotem sua auctoritate, ac nomine curet. 186. 749.

Non committitur Sacrilegium, ubi non est propriè locus Sacer, quamvis fortè ibi Altare sit. pag. 81. quæf.

Beneficiorum Permutatio.

Urgente necessitate jure communi permittitur est celebrare sub dio, & extra Ecclesiam, aut Oratorium designatum, modò tamen addit Altare portatile ab Episcopo consecratum. 62. 249.

Judici consulendum, ut consuetudinem introduceret, quod portantes secum Aram portatilem gauderen t immunitate Ecclesiastica. pag. 180. quæf.

Index Rerum Notabilium.

Ambitiones.

Ambientes, & pro se, vel pro aliis, vota vel suffragia in capitulis procurantes, incidunt in poenam priuationis officiorum, quæ obtinent ad futura quæcumque pariter inhabiles habentur; nec ab ullo possunt dispensari, nisi à summo Pontifice. 191. 764.

Qui propter ambitionem principaliter Episcopatum appetit, & similiter propter ambitum alium pinguiores Episcopatum procurat, mortaliter peccat. 258. 789.

Amicitia.

Turpis Amicitia non habet conditiones veræ amicitiae. 153. 601.

Apostata à Religione.

Non confilist præcisè in habitus dimissione. 31. 125.

Ille dicitur Apostata, qui discedit animo deferendi statum religiosum; aut intentione non amplius redeundi. *ibid.*

Apostatæ à Religione, transeuntes ad partes hæreticorum, & cum eis communionem habentes, sunt de hæresi suspecti; dummodo aliquid agant in contemptum religionis Catholicæ. Item quoties Apostata per annum in excommunicatione infortescit, & postquam est declaratus excommunicatus, non curat ad Religionem redire. Tandem transeuntes ad Hæreticos, vel Judæos, &c. ex libidine, & desperatione. pag. 32. quæf.

1 Apostata à Fide.

Puniendi sunt, ut Hæretici pag. 33. quæf.

Etiā occulti sunt excommunicati, & Irregulares; sed Episcopus tunc potest cum eis dispensare, non verò absolvere ab excommunicatione. 247. 991.

Qui lapsi sunt in Apostasiam à fide, possunt dispensari ab Episcopo quoad utrum ordinem susceptorum; quoad utrum verò Sacerdotii in Sacrificio Missæ solus Papa dispensare potest. pag. 248. quæf.

Appellatio.

Adire Superiorem ob iniustum gravamen, habet vim appellationis. 31. 124.

A Papa nullus iure appellare potest 32. 126.

Nec ab æquali ad æqualem, nec à Superiorem ad inferiorem dari potest appellatio. *ibid.*

Assassinium.

Ad Assassinium requiritur, non quidem mandatum ad vulnerandum, sed ad occidendum, & pecunia, vel loco pecuniæ aliqua res pretio æstimabilis. 169. 677.

Sub nomine Assassinii, non venit mediator. 170. 680.

Assassinus.

Etiā Grassatores viarum dicuntur Assassini 170. 678.

Qui mandato alterius, mediante pecunia occidit communem inimicum, in rigore non dicitur assassinus; item nec qui præsentem mandante occidit. 170. 681.

Assensio.

In recitatione Divini Officii, & in auditione Missæ, necessaria est attentio. 33. 128.

Qui non habet attentionem saltem implicitam, & virtutalem, more Plittaci vociferatur, sed reverè non orat. *ibid.*

Attritio.

Cum quis dolet de Peccato, sed si non essent Pœnæ Inferni, non curaret Deum offendere: ille dolor non est attritio. 14. 52.

Actus attritionis est, si quis, cum proposito non peccandi de cætero, doleat se non habere tantum dolorem, quantum exigeret offensæ Dei. 14. 53.

Ad Susceptionem Sacramenti Baptismi, & Pœnitentiæ, sufficit attritio. 121. 466.

Non quælibet attritio sufficit ad gratiam, & fructum in Sacramento Pœnitentiæ suscipiendum; sed requiritur, & sufficit attritio supernaturalis; & efficax. p. 34. n. 132. & pag. 121. & 122. quæf.

B

Bannitus.

Bannitus, sibi prospicere debet, & sibi imputare, si in statu peccati mortalis occidatur. 36. 139.

Capitaliter Banniti confugientes ad Ecclesiam, gaudent ejus immunitate; dummodo delictum, pro quo sunt Banniti, non sit de exceptuatis in Bulla Gregoriana. pag. 35. sub n. 135. & 136.

Index Rerum Notabilium.

Benedictio.

Non est necessarium, quod Abbates consecrantes primam tonsuram, aut Ordines minores, sint benedicti. 1. 1.

Est speciale privilegium pro Abbatibus Cong. Cassinensis, se ingerere in illis Benedictionibus, in quibus Sac. Unctio requiritur. 2. 2.

Ad Parochum, non ad Capellanum, pertinet Benedictiones facere Cinerum, Candelarum, Ramorum Olivæ, Otorum, aliorumque frugum, nisi adsit consuetudo in contrarium, & sit sufficienter præscripta. 53. 213.

Benedicere dona Dei; Officium est Presbyterorum, non Diaconorum; unde solus Sacerdos, & non Diaconus, valet aquam benedicere. 151. 591.

Ecclesia, pro forma Consecrationis Calicis verbalem benedictionem assignavit. 48. 193.

Sæcularis, licentiam habens prædicandi à Prælato Regulari, jurisdictionem habente in loco, in quo prædicatio est facienda, tenetur petere Benedictionem ab Episcopo; multò magis quàm Religiosi. 91. 351.

Qui celebrat Missam coram Episcopo existente in propria Diocesi, in fine Missæ debet inclinare caput, & expectare ab Episcopo licentiam benedicendi adstantes, deinde illos benedicere, sed non Episcopum; postea iterum se debet Episcopo inclinare, veluti expectans ab illo benedici. 61. 247.

De jure communi non licet celebrare, nisi in Ecclesia consecrata, vel benedicta. 62. 249.

Si Oratorium non est consecratum, aut benedictum; non est opus, ut qui commisit aliquod luxuriæ peccatum in Oratorio privato, hanc circumstantiam in confessione aperiat. pag. 81. quæf.

Sacer dicitur locus, dum est benedictione deputatus ad officia diuina, aut sepulturam. ibid.

Cemeterium, eo ipso, quod sepulturæ fidelium est deputatum, præsumitur benedictum esse. 176. 712.

Omnes Ecclesiæ benedictæ gaudent Immunitate. 177. 717.

Ecclesia censetur polluta, si per Episcopum excommunicatum denunciatum fuerit benedicta; & si cæmeterium benedixit, in eo ante reconciliationem non est sepeliendum. 182. 729.

Sex sunt Casus, in quibus Ecclesia tamquam polluta, indiget reconciliatione per novam benedictionem. ibid.

Ecclesia polluta, si erat consecrata, non potest, nisi per Episcopum reconciliari cum aqua per ipsum benedicta, scilicet cum sa-

le, vino, & cinere; non consecrata verò potest reconciliari per simplicem Sacerdotem cum aqua benedicta communi. 185. 744.

Si Ecclesia femel consecrata, per longum tempus steterat absque recto, & Janua, & plena, multis spurcitiis: satis erit si Episcopus hæc ejectis, Altaria visitet, & an sint integra, fracta, vel polluta, tam oculis suis, quàm aliorum iustret: lustrata reconciliet aspergione aquæ benedictæ, benedictione simplici, aut reconciliari per Sacerdotem sua auctoritate, & nomine curet. 186. 749.

Benedictio Nuptiarum.

Est sanum consilium Matrimonium consummare ante Benedictionem, quando ex aliqua iusta causa differtur, etque periculum incontinentiæ. 37. 141.

Dando benedictionem solemnem tempore ab Ecclesia interdicto. Sacerdos graviter puniendus esset; sponsi verò in penam criminis separandi essent ad tempus, nisi periculum incontinentiæ timeatur ob separationem, sed puniri deberent alia pena. 37. 142.

Benedictiones non respiciunt Nuptias, sed Personas. 37. 145.

Beneficia Ecclesiastica, Et Beneficarii.

Beneficium appellatur res Dei, Patrimonium Christi, & bona Pauperum. 196. 782.

Qui aliquod Beneficium simplex exoptat, suscipit quod habet 14 annos inceptos. 2. 93.

Si Episcopus in hoc dispensaret, collatio, Beneficii nulla esset. 2. 94.

Debet esse clericus, saltem prima tonsura initiatus, ac nullo canonico impedimento irretitus, scilicet non irregularis, excommunicatus, suspensus, & hujusmodi. 2. 93.

Debet esse dignus, quod consistit in scientia, morum rectitudine, & aptitudine ad officium. ibid.

Qui Jus habent conferendi beneficia per provisionem liberam, non sunt Domini Beneficiorum, sed Æconomi. 190. 759.

Beneficia sine cura animarum, quæ quis de rebus propriis instituit, & vult dari iis, qui sibi sunt cognati, aut de ejus familia, possunt conferri Cognato digno, relicto non cognato digniori. 189. 757. Consilium prohibet Episcopis tollere, etiam cum consensu Patroni, qualitates in fundatione Beneficiorum appositæ 208. 829.

Unum tantum Beneficium haberi debet. 25. 93.

Episcopus non potest plura simplicia, ultra

duo conferre sine Papæ dispensatione. 42. 166.

Episcopus dispensare non potest cum Bigamis in Irregularitate, ad Beneficium etiam simplex, in bigamia vera, vel interpretativa, sed tantum in similitudinaria, si talis Bigamus contraxit cum Virgine. 44. 175.

Qui nondum attigit annum 25. ætatis, sine dispensatione non potest retinere beneficium cum cura animarum, nec fructus percipere. 26. 97.

Beneficiarius, qui divinum Officium recitat sine attentione, tenetur ad restitutionem fructuum, & si recitat in Choro ex officio absque attentione, neque distributiones in conscientia retinere potest. 33. 130.

Collatio beneficiorum non est actus ordinis, sed Jurisdictionis. 38. 146.

Beneficiorum Permutatio.

Ex Bulla Pauli IV. prohibitum est sub poena excommunicationis latæ sententiæ, & Summo Pontifici reservatæ, recipere beneficium animo permutandi. 39. 151.

Dicta Bulla procedit de impetrantibus Beneficia in Curia Romana, non ab Ordinariis locorum. ibid.

Licet partibus inter se tractare de futura permutatione, si Superior consentiat. 41. 163.

Beneficiorum Pluralitas.

Ad obtinendum plura simul beneficia, iusta causa dispensandi non est, nisi ob necessitatem, vel utilitatem Ecclesiæ. 42. 168.

Multi fuerunt æternaliter condemnati, propter Beneficiorum pluralitatem. ibid.

Cardinalibus conceditur, ut plura Beneficia simul habeant. 55. 220.

Beneficiorum Resignatio.

Ex Bulla Pauli IV. prohibitum est sub poena excommunicationis latæ sententiæ, & Summo Pontifici reservatæ, recipere beneficium, animo resignandi. 39. 151.

Dictam poenam non incurrit, qui post aliquot annos habet intentionem resignandi beneficium. 39. 151.

Etiam, qui obtinet Beneficium, cum animo dubio, aut conditionali illud resignandi in favorem alterius, dictam poenam non incurret. ibid.

Dicta Bulla procedit de impetrantibus Beneficia in Curia Romana, non ab Ordinariis locorum. ibid.

In Romana Curia datur Juramentum, quod

non accipiat Beneficium animo resignandi. ibid.

Bigamia.

Qui ducit sceminam à seipso corruptam ante Matrimonium, non fit Bigamus. 43. 170.

Bigamia facit hominem irregularem. 155. 613.

Qui post Votum solemne, Castitatis Matrimonium celebrat cum aliqua Virgine, vel corrupta, eamque carnaliter cognoscit, fit irregularis ratione Bigamiæ. 44. 175.

Bigamia vera, majorem habet Bigamiæ rationem, quam interpretativa; & hæc quam similitudinaria. 44. 176.

Blasphematores, & Blasphemia.

Blasphemias hæreticales proferens, est impius Blasphemus. 45. 181.

Blasphemias hæreticales proferens sine errore adversante Catholicæ fidei, non est Hæreticus. ibid.

In foro externo habetur tanquam Hæreticus, & excommunicatus. ibid.

Talis perditissimus Peccator, si extra Sacramentalem Confessionem innotescat, Inquisitoribus hæreticæ pravitatis denunciari debet. ibid. & pag. 118. n. 450.

Evomentes Blasphemias hæreticales, in inquisitione Romana habentur vehementer suspecti de hæresi, & imponitur eis abjuratio de vehementi. 46. 188.

Blasphemi hæreticales, attentis DD. Inquisitorum Edictis, denunciandi sunt absque prævia correctione. 125. 479.

Qui intra triduum illos non denunciatur, Blasphemantis pœnas incurrit. 140. 542.

Si blasphemia sit simplex, sufficit, si denunciatio fiat Episcopo, maxime, si Blasphemus consuetudinem habet Blasphemandi. 139. 541.

Blasphemiæ simplices sunt etiam mixti fori, & pertinet earum cognitio, tam ad Judicem Ecclesiasticum, quam ad Sæcularem: ita ut inter eos sit locus præventionis. 140. 541.

Blasphemiam hæreticalem evomens, Ecclesiæ immunitate gaudere non potest, non ratione Blasphemix, sed quia est suspectus de hæresi. 45. 182.

Blasphemi in ira semel, bis, & ter si ira magna fuit, & ex causa juxta, non solent abjurare: consuetudinarii vero in ira & extra iram, de vehementi. 46. 186.

Minimè est dubitandum, quod qui dicit per modum contemptus, *Al cospettaccio di Dio, al Sanguaccio di Dio, Dio Sacratissimo* &c. incidat in casum reservatum, ubi est reservata Blasphemia. 58. 232.

Sensus horum verborum, *al dispetto di Dio*, est quod

quod omnino debet fieri id, quod blasphemans profert, etiam si Deus sua omnipotentia nolit. 46.185.

In his verbis, *al cospetto di Dio, Corpo di Dio, Sangue di Dio, possar Dio, possanza di Dio*, quia, ut plurimum abest intentio blasphemandi, seu convicium inferendi Deo, aut falsum dicendi, non sunt veræ blasphemiae; nisi ex conscientia erronea. 46.187.

Huiusmodi blasphemiae; Deus non vult mihi succurrere, succurrat igitur mihi diabolus. Deus non recordatur mei, memor igitur mei sit diabolus; derogant, tum iustitiae, tum providentiae Dei, ideoque habentur haereticæ. 150.544.

Bona externa.

Sunt media ad conservationem vitae. 134.511.
Dicuntur sanguis, & vita hominis. ibid.

Bona Fama.

Est bona opinio communis de aliquo circa aliquod ipsius bonum. 153.602.
Est pretiosior auro, & divitiis. 238.952.

Bona Fides.

Pœnitens, qui bona fide est confessus, apud Deum excusatur, si inveniri à Confessario non possit, ut ei detegat suum errorem. 99.373.

Non tenetur repetere confessionem, qui confitetur confessario aliquando dormienti, aut non advertenti ob surditatem, vel animi distractionem, dummodò bona fide sua peccata aperuerit, sed quando cognoscit confessarium unum, vel plura peccata nullo modo intellexisse, tenetur in sequenti confessione iterum explicare. 110.415.

Post factam scienter, & malitiosè unam Confessionem invalidam, aliae bona fide continuatæ cum ignorantia invincibili, vel inadvententia ad primam, validæ fuerunt, & semper validæ remanent. 110.417.

Bona fides pœnitentis, dum ad Diœcesim confessarii se transfert, devotionis, aut negotiationis gratia, operatur dumtaxat, ut absolvi possit à reservatis, non autem ab excommunicatione reservata. 19. quæf. 2.

Bona fide ordinatus ante legitimam ætatem, suspensionem non incurrit, neque irregularitatem, si celebrat, etiam adveniente mala fide. 27.103.

Nulla indiget dispensatione, ut Missam celebrare queat, & qui bona fide suscepit sacr.

Ordines, credens mortuam esse uxorem, licet durante matrimonio non possit, sed solum post mortem conjugis. 71.282.

Si quis in Calice non consecrato, bona fide celebret, non per hoc maneat consecratus. 48.193.

Potest Sacerdos sine metu Irregularitatis inservire infirmo, dum bona fide putat, quod mortem infirmo sua actio acceleratura non sit. 306.1177.

Ecclesia minimè censenda est consecrata, ex eo quod bona fide (id quod in nullo iure fundatur) quis in ea missam celebraverit. 185.743.

Qui bona fide emit rem à latrone, sufficit, si illi restituat ut recuperet suum pretium; si verò pretium recuperare non potest, eam domino reddere tenetur. 197.785.

Qui falsam monetam alicujus magni valoris bona fide accepit, non solum peccat mortaliter, & ad restitutionem tenetur, si scienter & pro bona eam expendit, sed si eadem bona fide in alium transiit, adhuc tenetur ad restitutionem. 229.918.

Qui putat se habere causam sufficientem, quæ excuset à Jejunio, licet verè non sit sufficiens, non peccat, saltè mortaliter, sed Confessarius, si viderit illum magnam in jejunando difficultatem habere, non debet eum à sua bona fide deponere, sed exhortari, ut experiatur jejunare, & inducere ad petendam dispensationem. 262.1044.

Nemo debet se reputare illegitimum propter aliquem rumorem, & infamiam, cum praevaleat possessio bonæ fidei. 273.1073.

Bona immobilia.

Bona mobilia, quæ triennio non corrumpuntur, quoad æstimationem comparantur inter immobilia. 29.118.

Bona Opera.

Tutior est, ut bonum, quod quisque post mortem suam sperat agi per alios, agit ipse, dum vivit per se. pag. 73. & 74. quæf. 4.

Bona ratio.

Bona ratione scrupulus est deponendus. 115.440.

Qui in dubio ex duabus opinionibus contrariis unam eligit, debet, cum aliqua bona ratione ex animo dubietatem expellere, certò credens opinionem ab eo electam esse veram. 165.659.

Index Rerum Notabilium.

Bonum commune.

Debet præferri bono privato. pag. 36. num. 139 & num. 140. pag. 141. nu. 547. & num. 548. pag. 143. num. 557 pag. 196. num. 572. pag. 194. num. 774. & pag. 240. quæf. 1.
Bonum publicum debet anteponi malo particulari, quod sequitur delinquenti. pag. 146. quæf.

Bonus.

In dubio quilibet præsumitur bonus. 139. 540.

Bulla.

Non sunt propria auctoritate corrigendæ, etiamsi sensus non mutetur, sed per officiales, seu Notarios in Curia deputatos, nisi difficilis ad ipsos aditus esset. 228. 914.

Conjuges de communi consensu voventes non petere, nec reddere debitum conjugale, possunt per simplicem confessarium dispensari virtute Bullæ cruciatæ, ubi adest tale privilegium: 157. 626.

Ex Bulla super facultatibus majoris Pœnitentiarii, is facultatem habet absolvendi hæreticum externum occultum, solum in casu, quo, licet actus externus factus sit coram aliis, nullus tamen ad talem actum advertit, vel in aliis casibus, in quibus non est necesse complices denunciare. 246. 984.

A casibus Bullæ Cœnæ non possunt absolvere nec Prælati Regulares, nec Episcopi. p. 18. quæf. 1. & pag. 246. nu. 983. Nec etiam nostri Inquisitores. 246. 983.

Casus in Bulla Cœnæ, dubiè, vel clarè, sunt reservati. 16. 58.

Hæreticus est excommunicatus in Bulla Cœnæ. 45. 181.

Excommunicatio, quæ incurritur ob violationem libertatis Ecclesiasticæ, est reservata in Bulla Cœnæ. pag. 180. quæf. 1.

Non potest Confessarius virtute Jubilæi absolvere à casibus in Bulla Cœnæ reservatis, nisi Pontifex in Jubilæo de illis expressam faciat mentionem. pag. 314. & 315. quæf.

In Bulla Jubilæi non ponitur exceptio, ut non absolvatur peccans spe absolutionis obtinendæ. pag. 312. & 313. 1191.

Habentes temporale dominium, si prohibent laicis, ne Clericis exhibeant aliqua servitia, & obsequia, incurrunt pœnam excommunicationis Bullæ Cœnæ, quia fa-

ciunt contra libertatem Ecclesiasticam. 84. 332.

Ex Bulla Pauli IV. prohibitum est sub pœna excommunicationis, latæ sententiæ, ac summo Pontifici reservatæ, recipere Beneficium animo resignandi, vel permutandi. 39. 151.

Explicatur dicta Bulla. ibid.

Bulla B. Pii V. non excipit à recitatione Divini Officii habentes beneficium tenue. 41. 159.

Ex Bulla B. Pii V. etiam Clericus, qui non est Sacris Ordinibus initiatus, habens onus recitandi Officium ratione Beneficii, si culpabiliter illud recitare prætermittit, non solum peccat mortaliter, sed etiam tenetur restituere pro rata juxta omissionem Officii. pag. 41. num. 160. & num. 161.

Item, ex Bulla B. Pii V. Qui plura beneficia juxte, & cum legitima Superioris auctoritate retinet, tenetur fructus omnium Beneficiorum pro rata Officii culpabiliter omisi restituere. 43. 169.

Privilegia Regularibus concessa quoad tempus celebrandi Missas revocata sunt à Bulla B. Pii V. 64. 258.

Monasteria, & Domus Religiosorum, tam Regularium, quàm Secularium, gaudent privilegio Immunitatis, ex Bulla Gregor. XIV. 177. 717.

Juxta dictam Bullam Ministri Curis extrahentes rerum sine licentia Episcopi ab Ecclesia, incurrunt ipso facto pœnam excommunicationis, à qua absolvi non possunt nisi à Summo Pontifice. 178. 722.

Post eandem Bullam ad incurrendam hanc excommunicationem, sufficit attentio, scilicet actio, qua quis opere externo tentavit extrahere existentem in loco sacro. 178. 723.

Reservatur etiam hæc excommunicatio in Decretis Clem. VIII. pag. 180. quæf. 1.

Octo sunt casus ex Bulla Greg. XIV. in quibus delinquentibus Immunitas Ecclesiastica non suffragatur. 174. 707.

Licet Crimen læsæ Majestatis in Personam Principis, sit unus, ex casibus exceptuatis in prædicta Bulla, cui immunitas Ecclesiæ non suffragatur; tamen cum quis illud scit, & non revelat, hoc crimen omissionis in ea Bulla non comprehenditur. 173. 699.

Ex diversis Summorum Pontificum Bullis, omnes dominium temporale habentes, qui in terris suis locum ad Monomachiam cedere, hoc est causa duelli, ultra alias gravissimas pœnas, incidunt etiam in ex-

com.

Index Rerum Notabilium.

communicationem latæ sententiæ, à qua, excepto Summo Pontifice, nullus potest absolvere, nisi in mortis articulo. 166. 664.

Id clarè patet ex Bulla Clement. Octav. 167. 664.

Item ex Bulla Clem. Octav. Gregor. XIII. & Pii Quarti incidunt etiam in talem excommunicationem, tum duellantes, vel diffidationem facientes, tum Patrini, & consules, tum huic spectaculo concurrentes. 167. 665.

Ex Bulla Gregorii XV. Confessarius, qui non declarat seminæ ab alio sollicitatæ obligationem denunciandi, aut eidem dicit ad talem denunciationem faciendam non teneri, ab Inquisitoribus, pro qualitate culpæ potest puniri. 145. 567.

Multæ sunt pænæ impostæ contra duellantes, ex Bullis Summorum Pontificum, præsertim contra Clericos. 82. 320.

C

Calix Missæ.

C Alici hæsisse Hostiæ particulam, in Calice infusam, advertens Sacerdos, potest digito ad labrum Calicis adducere: sed melius est propter maiorem reverentiam infundere vinum. 65. 263.

Cambium.

Possunt Regulares absque consensu S. Congr. pecunias ad cambium sumere, si aliter non reperiant, quando tamurgens est necessitas; ut expectare non possint S. Congr. licentiam, 29. 118.

Canonici.

Licetè conspirare possunt de non parendo Episcopo excommunicato, vel non eligendo indignum, 22. 80.

Canonicus, nisi sit ætate annorum 22, non potest habere vocem in Capitulo, licet possit esse annor. 14. ut sit Canonicus in Collegiata. 26. 95.

Requiritur ætas annor. 14. ad obtinendas dimidiæ portiones in Cathedrali, nec tales dimidiæ portiones habent annexum Ordinem Sacrum. ibid.

Quando Canonicatus Sacerdotalis alicui confertur, non est necesse ut actu Sacerdos sit, sed sufficit ut aptitudinem habeat Or-

dinem Sacerdotalem recipiendi intra annum à die adeptæ possessionis, immò si infra annum non sit Sacerdos, iusto aliquo impedimento detentus, excusatur. 81. 317.

Ratione Doctoratus nulla datur præeminentia inter Canonicos; sed debent præcedere ratione Canonicatus, aut antiquitatis præbendæ, vel promotionis ad illam, juxta consuetudinem Ecclesiarum, in quibus habent Canonicatum. p. 86. quæst. 3.

Canonici coadiutores, viventibus coadiutis, sedere debent in ultimo loco ejusdem Ordinis coadiuti; sed si coadiutor esset in dignitate; absente, vel impedito coadiuto suo, tunc præcedit omnibus Canonicis. ibidem.

Assumptus ad Canonicatum, tenetur publicè fidei professionem emittere. 237. 947.

Capitulum Sede vacante.

Potest per se conferre Beneficium, quod cum Episcopo providere solebat. 38. 146.

Potest etiam per se ipsum conferre Beneficium Jurispatronatus, licet solus Ordinarius conferebat. ibid.

In locum Episcopi, quoad ea, quæ sunt jurisdictionis, non dignitatis Episcopalis, succedit. 188. 753.

Succedit in omnem jurisdictionem ordinariam Episcopo competentempag. 50. nu. m. 202. & n. 203.

Venit nomine Episcopi. ib. 204.

Si præstat assensum donationis jurispatronatus, præstat titulum coloratum ad præferendum. ibid.

Cappellani, & Cappellania.

Cappella potest conferri Clerico minorum Ordinum, licet solum habeat annos 14. 52. 312.

Non potest Episcopus dispensare, etiam ex consensu hæredis, quod Cappellania, actu, vel habitu Sacerdotali, saltem una, vel altera vice, conferatur Clerico 14. annor. 209. 829.

Carceratus.

Non fit irregularis Episcopus, Prælatus, siue alius Judex, si Carceratus moriatur. pag. 307. quæst. 1.

Si carcer esset adeo arctus, ut careret sufficienti aere, aut Carcerato cibus, & necessaria ad vitam negarentur, ita ut consuma-

Index Rerum Notabilium.

sumatus periret, secuta morte Episcopus, Prælati, vel Judex esset irregularis. ibidem.

Carceratus ob sua demerita pane doloris, & aqua angustia est sustentandus, non autem illico consumandus. pagin. 308. quæf. 1.

Non est de facili Clericus incarcerationandus, quia excommunicatus est, qui injuriose Clericum detinet. pag. 308. quæf. 1.

Cardinales.

Ad Cardinalatum requiritur ætas, ut intra annum possit promoveri ad eum ordinem, ad quem destinatur. 26.96.

Cardinales dicuntur inviscerati Papæ, & dicuntur pars corporis Papæ, & una persona cum illo. 56.224.

Quando, pars Cardinalium sufficiens, ad electionem Papæ, vult dignum in Papam eligere, prætermisso digniori, tunc minor pars tuta conscientia, potest se conformare cum majori. 190.758.

Eorum declarationes magnam inducunt probabilitatem. 133.510.

Filii, & nepotes offenditium Cardinalem, sunt inhabiles ad Beneficia Ecclesiastica consequenda. 40.156.

Quod dicitur de celebrante Missam coram Episcopo existente in propria Diœcesi, multo magis procedit de celebrante coram Cardinali. 61.247.

Cardinalis, maior Penitentiarii.

Facultatem habet absolvendi hæreticum externum occultum, solum in casu, quo, licet actus externus, factus sit coram aliis, nullus tamen ad talem actum advertit, vel in aliis casibus, in quibus non est necesse complures denunciare. 246.984.

Casus reservati.

Casibus omnibus, qui sunt Papæ reservati, annexa est aliqua censura. 10.30.

Casus in dubio, non presumitur reservatus, loquendo de casibus reservatis ab Episcopis, sed Casus in Bulla Censuræ, dubie, vel clare, semper sunt reservati. 16.58.

Casus, qui à jure sunt Episcopis reservati, sunt quinque, aut sex, 16.62.

Qui scienter negat, Episcopum casus sibi reservare posse, excommunicationis pœnam incurrit. 57.227.

Ideo reservantur casus, ut crimina gravio-

ra corrigantur, salubrioraque iis remedia adhibeantur, & ut ex difficultate impetrandæ veniæ (sacerdotes homines reddantur minus proclives ad committenda peccata. 57.228.

Qui consulto, & data opera alio se transfert in fraudem reservationis, pœnam reservationis non evadit. 57.229.

Celebratio Missæ.

Sacerdos simplex, qui solum quater in anno celebrat, licet non peccet mortaliter secluso scandalo, & contemptu, tamen peccat venialiter, quia defraudat Ecclesiam suo sacrificio, ad quod offerendum est constitutus minister. 69.277.

Nullus tenetur quotidie celebrare, sed debet celebrare, salva reverentia, & honestate. 51.205.

Si institutio Missæ dirigatur ad personam Sacerdotis, & eligatur Cappellanus, qui quotidie celebret, potest tuta conscientia, semel in hebdomada à celebrando vacare, sed non potest in tali die celebrare Missam pro aliis, & accipere stipendium. Si vero Institutor dixerit, quod per se, vel per alium Cappellanus celebret, vel ut dicatur ab ipso quotidie Missa in tali Ecclesia, vel Capella; tunc qui hujusmodi onus habet, tenetur quotidie celebrare: ibidem.

Ex aliqua inurgente necessitate licet Cappellano quater, vel sexies per annum pro se ipso, vel sibi conjuncto, ad aliquam à Doo gratiam obtinendam celebrare. 52.211.

Cappellanus quotidie obligatus ad celebrandum, non tenetur pro institutore Cappellaniæ applicare Missam in die commemorationis omnium Defunctorum, neque tres Missas in die Nativitatis Domini, sed unam tantum. 52.209.

Si Cappellani infirmitas non excedat 15. dies, non obligaret illum ad Missas celebrandas nec per se, nec per alium, nisi tale Beneficium, aut nota consuetudo id non permittrat, quia tunc majori rigore urgebit obligatio quotidiana. 51.206.

Si Testator dicat, ut Cappellania conferatur Sacerdoti, & in fundatione talis Cappellaniæ cautum non est, ut Cappellanus per se ipsum Missas celebret, non tenetur promoveri ad Sacerdotium; sed debet curare, ut per alium Missæ celebratur. 52.212.

Cappellanus, vel alius, qui simplici benefici-

Index Rerum Notabilium.

clò cum onere missarum gaudent, potest sine licentia Episcopi alium idoneum substitutum deputare pro tali munere, nisi in institutione Cappellaniæ expressè fuerit dispositum, ut Cappellanus per se ipsum celebret. 51. 207.

Episcopus non potest cogere obtinentem Cappellaniam, ut ipsemet celebret, licet in ejus fundatione disponatur, quòd Rectores celebrent. 51. 207.

Sufficit dare substituto justam stipem, & consuetam, juxta morem Patriæ. 51. 208.

Cappellanus obligatus ad celebrandum in certo Templo, Oratorio, vel Altari, peccat mortaliter alibi celebrando, fraudando promissum in re magni momenti, quamvis excusetur propter parvitatem materiæ, si bis, vel ter in anno in tali Cappella, vel Altari non celebret. 52. 210.

Si Cappellanus in designato loco minimè celebravit, & aliquid inde suffragium Defunctis subtraxerit, tenetur hujusmodi defectum aliis precibus compensare; sed si obligatio esset celebrandi in altari privilegiato, ad restitutionem tenetur, nam tunc Testator græue patèretur damnum. ibidem.

Non est peccatum mortale, secluso scàdalo, & contemptu, celebrare sine imagine Crucis, vel Crucifixi, licet commodè haberi posset. 59. 239.

Qui in Missa utitur Calice non consecrato, incurrit pœnam depositionis ab officio, & Beneficio. 48. 192.

De jure communi non licet celebrare, nisi in Ecclesia consecrata, vel benedicta. 62. 249.

Licet permissum sit in casibus necessitatis celebrare sub dio in Altari portatili ab Episcopo consecrato, absq; eo quòd accipiatur Episcopi licentia, securius erit petere licentiam ab Episcopo. ibid.

Ex præcepto diuino tenetur Sacerdos in Missa se communicare sub utraque specie. 70. 280.

Non potest Sacerdos partem sibi debitam ex opere operato in sacrificio Missæ alteri applicare, ut duplicatum in Missa stipendium accipiat. pag. 72. quæst. 3.

Missæ non est instituta, & ordinata ad sustentationem Sacerdotis pauperis. 66. 268.

Est prohibita à Sac. Rit. Cong. in festis duplicibus celebratio pro Defunctis, excepta una solenni, presente corpore defuncti. 69. 275.

Decretum Sac. Rit. Congreg. celebrandam esse unam tantum Missam feriis quinta in

Cœna Domini, multis in locis non est usu receptum. 69. 278.

A Sac. Congr. prohibetur, nec præter illam missam, quæ celebratur in nocte Natiuit. Domini, aliæ Missæ in ea nocte celebrentur. pag. 63. & 64. n. 256. & 257.

In Romana Urbe extat decretum de determinato tempore celebrandi Missas, nisi exhibeatur, & approbetur priuilegium aliquod. pag. 64. n. 257. & 258.

Cum de jure communi Missa sit celebranda ab anhora usque ad meridiem, Bulla B. Pii V. reuocat priuilegia in contrarium Regularibus concessa. 64. 258.

Quia Missa debet celebrari, cum A. B. C. D. idest; Altè, Breviter, Clarè, Devotè, illud Breviter debet cohærere, cum Deuotè, præsertim si addatur altera littera, scilicet, E. idest, exactè, aut exquisitè. Denotat etiam illud Breviter, non ultrà mediam horam, & non minùs, quàm quadrantem cum dimidio. 64. 259.

Missæ vivorum debent esse de Sanctis, aut pro remissione peccatorum &c. non de requiem. pag. 73. & 74. quæst. 4.

Est optimum consilium, ut fideles curent pro se missas non de requiem, sed pro viuis, ante mortem celebrari. ibid.

Tanta esse possunt Sacrificia in vita alicujus oblata, ut totam pœnam, quæ in Purgatorio debebatur, expient, ac delectant, ita ut ille decedens Cælum statim consequatur. ibid.

Est valdè laudabile, quòd quisque etiam post mortem sibi Missas de Requiem applicari curet, cum ad extremum vitæ contrahere possit novas obligationes ad pœnas Purgatorii, quas bonum est per sacrificium post mortem tollere. ibid.

In collectis Missæ non potest aliquid addi, sub pœna peccati mortalis, præter orationem solitam. 65. 260.

Sacerdos in die Parasceve exercet actionem, quæ dicitur celebratio. pag. 112. 427.

Cum Sacerdos complet sacrificium ab alio inceptum, etiam post Consecrationem, talis actio sub nomine celebrationis meritò comprehenditur. ibid.

Excommunicatus minor excommunicatione, celebrando Missam, irregularitatem non incurrit. 221. 384.

Quem morbus impedit dicere Officium divinum, potest licitè Missam celebrare. 286. 1110.

Index Rerum Notabilium.

Censura.

Ignorantia etiam crassa, & supina, excusat transgressorem à censura. 15.57.

Non excusat ignorantia affectata, vel adeo crassa, ut sit quasi scientia, ibid.

Pœnitens postquàm cognoverit se irretitum esse censurâ, si tunc petendo absolutionem censurâ, & confitendo peccatum, cui est annexa censura, quam per ignorantiam, vel oblivionem prætermiserat confiteri. 110.416.

Jure humano est instituta censura. 75.286.

Censura debet esse medicinalis, & solum instituta ad tollendam contumaciam. 13.49.

Est Medicinalis, vel illi, contra quem fertur, vel aliis. 220.878.

Quando Clericus ob delictum jam perpetratum privatur officio, & Beneficio, in vindictam commissi criminis, talis privatio non habet rationem censuræ, quamvis privet divinis officiis. 13.49.

Irregularitas, & cessatio à divinis, non sunt censuræ. 75.284.

Etiam ob culpam præteritam, & remissam, incurruntur censuræ sub conditione effectus secuti. pag. 102. quæst. 1.

Censuræ in Decretis Visitationis Episcopalis insuntur per modum præcepti, & Decreti. 75.285.

Hæ vim suam amittunt mortuo, vel ab officio amoto Episcopo, ut nemo deinceps eas incurrat, quamvis si antea incurrerat, iis innodatus maneat, donec absolvatur, ibidem.

Censuræ per constitutiones Synodales perpetuò durant, sicut, & ipsæ constitutiones, nisi vel à successore revocentur, vel contraria consuetudine legitime præscripta abrogentur. ibidem.

Potest Episcopus procedere ad censuras contra Ministros regis inconsulto Rege, seu Prorege. 213.848.

Charitas.

Non est forma justificans, nisi præsuppositivè seu dispositivè. pag. 122. quæst.

Omnia cum charitate tentanda sunt, ut minori cum detrimento proximi, subveniatur. pag. 122. quæst.

Circumstantia in confessione explicanda.

Uxoratus, qui habet copulam cum conjuga-

ta, duo adulteria committit, utrumque in confessione explicare tenetur. 24.86.

Quando conjugatus rem habet cum Virgine, & adulterium cum stupro conjungitur, id etiam explicari debet in confessione. 24.87.

Quoties, non est circumstantia, sed peccatorum multiplicatio. 76.287.

Qualitas Personæ, cum qua committitur incestus, non est circumstantia actus, sed quid pertinet ad substantiam actus. 107.402.

Quantitas Officii omissi, non est circumstantia necessariò aperienda in confessione. 108. & seq. 410.

Claudus.

Claudus, vel debilis Sacerdos, potest Missam celebrare, licet non possit sine baculo incidere, modò tamen per se ipsum ad Altare accedere valeat, & sine baculo Altari assistere possit. 62.250.

Clausura Monialium.

Violatio Clausuræ Monialium ad malum finem est casus Summo Pontifici reservatus, à quo nemo potest absolvere virtute privilegiorum. 294.1115.

A casu violationis Clausuræ Monialium ad malum finem, non potest Episcopus absolvere, licet sit occultus. 294.116.

Clerici, atque Ecclesiastici.

Non licet Clericis, pro defensione rerum, aut honoris, quemquam occidere, sed tantum ob vitam salvandam, quando aliter salvare non possunt. 134.513.

Si commodè fugere queant, & ob levem aliam vitandam occidunt invasorem, peccant contra iustitiam. 135.516.

Licet Ecclesiasticis percutere furem citra occasionem. 134.513.

Clerici percussi, vel invasi, quando fugere possunt sine gravi incommodo, tenentur fugere. 135.516.

Personæ Ecclesiasticæ semper fugere debent, cum illis fuga non sit indecora. 305.1171.

Ecclesiastici prohibentur accusare aliquem apud Iudicem secularem, quando agitur de pœna mortis propter delictum, de quo est accusatus; nimirum petendo vindictam. 20.73.

Accusare eis permittitur, etiam si veniat sanguis.

gulis poena imponenda ; dummodo protestentur , quod non intendunt accusare , ut poena sanguinis imponatur , sed solum satisfactionem , vel interesse debitum petere , pag. 147. quæf.

Clericus exculatur ab irregularitate , quando accusat ad vitandum grave damnum innocentis , vel Reipublicæ . 21.79.

Personæ Ecclesiasticæ non possunt puniri poena comminata à Judice laico , sed alia arbitraria . 83.326.

Clerici omnes evitare debent mulierum familiaritatem , cohabitationem , & consuetudinem , & peccant mortaliter habitando cum mulieribus , si adest scandalum , vel si scienter se exponunt periculo peccandi , aut quoties hæc contumaciter , aut contemptibiliter faciunt . pag. 85. quæf. 1. nu. 1.

Notare debent , tum Sacerdotes , tum Clerici , quod mus in pera , ignis in sinu , serpens in gremio , male suos remunerant hospites . pag. 85. quæf. 1.

Conc. Trid. contra concubinariorum , vel fornicarios Clericos , graves poenas infligit , ultra eas , quæ habentur in jure antiquo . 95.355.

Clericus concubinariorum notorius sine aliqua monitione Superioris est hodie , prout in veteri jure , ipso facto suspensus ab Officio , & Beneficio . 96.

Episcopus potest absolvere Clericum concubinariorum à supradicta suspensione . 96.357.

Ex concubinato Clericorum , tria mala oriuntur . ibid.

Clerici concubinariorum dicuntur violare Templum Dei . ibid.

Sacri Canones , Ecclesiasticorum bona patrimonium Dei appellant , & ideo in ministrorum Dei sustentatione , & piis operibus infundenda sunt . 192.769.

Superfluum magis invenitur in Ecclesiasticis personis . ibid.

Contra bona patrimonialia Clericorum , inter præsentem in eadem Provincia præscribitur regulariter consuetudo decem annis , inter absentes viginti ; sed si agatur de re Ecclesiastica , inter præsentem 30. anni requiruntur ad præscribendum , & inter absentes 40. 194.555.

Etiam Clericus , si sit excommunicatus denunciatus , intrans in Ecclesiam , dum Missa celebratur , potest per vim expelli , cum post admonitionem non vult exire . 61.245.

Nonnulli quando adest spes proficiendi , &

non aliter , debet Episcopus ordinare Clericum sæcularem , quem minus peritum invenerit . 269.1066.

Clerici conjugati .

Clericus conjugatus gaudet privilegio fori , & Canonis , si unam , & Virginem duxerit , & incedat in habitu , & tonsura , & alicui Ecclesiæ servitio , & ministerio ab Episcopo deputatus , eidem Ecclesiæ serviat , & ministret . 38.148.

Clericus conjugatus , de jure communi habere non potest Beneficium Ecclesiasticum , nec administrationes Ecclesiasticas . ibid.

Clericus in minoribus , contrahens matrimonium validum per verba de præsentem , perdit Jus ad Beneficium , & ad illud amplius non habet regressum ; contrahens verò sponsalia per verba de futuro , non perdit Beneficium . 38.149.

Clericus in sacris , contrahens per verba de præsentem matrimonium , quod est nullum , est privandus Beneficio . ibid.

Clericus in Minoribus , contrahens matrimonium cum Moniali , aut cum ea , quæ votum solenne Castitatis emisit , non fit irregularis ratione Bigamiæ similitudinis . 43.171.

Cæmeterium .

Ex ipso quod sepultura fidelium destinatum est , præsumitur benedictum esse , & auctoritate Episcopi sacratum . 176.712.

Si Episcopus excommunicatus denunciatus benedixit Cæmeterium , in illo ante , & reconciliationem sepeliendum non est . 182.729.

Polluta Ecclesia , polluitur etiam Cæmeterium conjunctum , sed non è contra , & illa reconciliata , reconciliatum est Cæmeterium . 182.728.

Ecclesiæ parietum diruptione , aut constructione , Cæmeterium non violatur . 182.729.

Cognatio matrimonium dirimens .

Sicut cognatio naturalis dirimit matrimonium ob reverentiam debitam consanguineis , ita conveniens est , ut matrimonium dirimatur per cognitionem spirituales ob reverentiam cognitionis spiritualis . 89.342.

Contactus , qui ad Cognationem spirituales requiritur , sufficit , quod sit alienus . 89.343.

Cohabitatio Coniugum.

Uxor tenetur sequi viri infortunium, non per modum pœnæ, sed tanquam onus annexum matrimonio. 90.346.

Compulsus à Iudice, vel alio quopiam, habitare cum uxore illegitima, alio migret. 240.259.

Comœdia.

Quando in illis turpes res repræsentantur, peccatum est mortale sæcularibus huiusmodi comœdiis interessentibus; multò magis Ecclesiasticis. 81.318.

Prohibitio, quòd Clerici, & Ecclesiasticæ personæ comœdiis interfint, licèt non obliget sub mortali, cessante scandalo, & contemptu; tamen melius est, ut ab istis nugis Ecclesiastici se abstineant. ibid.

Commodatum.

In commodato non transfertur dominium rei, sed conceditur usus tantùm, & res eadem postea redditur. 155.615.

Commutatio votorum.

Commutare in euidenter melius, quilibet propria auctoritate potest, sed non votum Papæ reservatum; excipitur tamen commutatio in Religionis ingressum, in quam quodlibet votum commutari potest propter summam Religionis perfectionem. 156.619.

Si conjuges de communi consensu voverint non petere, nec reddere debitum conjugale, Confessarius Regularis potest huiusmodi vota commutare, ad id à suo Superiore deputatus. 157.626.

Confessarii Regulares possunt vota commutare etiam extra confessionem, & respectu omnium fidelium ex quacunque Diœcesi ad se accedentium, in opus etiam minus bonum. 100.378.

Possunt tempore Jubilæi commutari vota extra Sacramentum Confessionis. 314.1198.

Qui habet votum non reservatum, & noluit tempore Jubilæi illud sibi commutari, per confessionem factam tempore Jubilæi, ius acquirit, ut possit postea quivis confessorius illud ei commutare. 314.1197.

Vota commutata vigore Jubilæi, non reuiviscunt, si postea vouens deliberata voluntate prætermittit opera in Jubilæo præscripta. 314.1198.

Qui voti commutationem accipit vigore aliqujus Jubilæi, habens animum præstandi cætera ad Jubilæum necessaria, licèt, mutato animo, postea ea non præstet, non peccat mortaliter. 314.1200.

Facultas delegata dispensandi vota, extenditur ad ea commutanda. 157.625.

Commutatio in minus, participat de dispensatione. 157.624.

Ut validè, & licèt fiat commutatio, necessaria est iusta causa. 156.619.

Concionatores, & Conciones.

Omnes possunt audire concionem cum excommunicato vitando. 91.348.

Oratio Angelica in principio concionis non censetur publica, sed priuata. ibid.

Per divina officia non intelligitur Prædicatione. pag. 91. n. 349. & pag. 217. n. 868.

Concionatores Regulares semel approbati in una Diœcesi, itinerantes possunt prædicare ubi voluerunt, non contradicente Parocho, & in loco ubi non est Episcopus, dummodò præsumi possit ejus licentia tacita, vel interpretatiua, & legitima consuetudine sit receptum. 91.350.

Etiam prædicante Episcopo, Religiosi prædicare possunt, ipso Episcopo non contradicente. pag. 5. quæst. 4.

Etiam laici de vobis communi permittitur prædicare. 91.351.

Sæcularis licentiam habens prædicandi à Prælato Regulari jurisdictionem habente in loco, in quo prædicatione est facienda, tenetur petere professionem ab Episcopo, & emittere professionem fidei coram eodem, multò magis quàm Religiosi, à quibus etiam potest id exigere Episcopus. 91.351.

Quomodo prædicabunt, nisi mittantur? pag. 92. numer. 353. & quæst. 1. & pag. 93. quæst. 2.

In transgressione Præcepti non prædicandi sine licentia Superiorum legitima, datur parvitas materiæ. pag. 92. quæst. 1.

Melius est, quòd Concionator ante prædicationem confiteatur peccata mortalia, si habet, aut saltem actum contritionis eliciat; nam aliàs ad minus semper grave peccatum veniale committit. pag. 93. quæst. 2.

Prædicare propriè, & secundum se, non est actus Ordinis, vel alterius Sacramenti. ibidem.

Aliud est legere Evangelium, aliud docere populum, aliud prædicare. ibid.

Præ-

Prædicare est actus jurisdictionis spiritualis. ibid.

Quod spectat ad sustentationem, & pro itinere Concionatoris, potest deduci in pactum, & obligationem ex justitia; pro labore verò intrinseco Concioni non videtur nullo modo posse in pactum deduci, potest tamen aliquid exigui absque pacto ex consuetudine Ecclesiæ, & Judicis Ecclesiastici auctoritate interposita. pag. 94. quæst. 2.

Concionatores quotidianis voluntariè suscipientes tale munus non excusantur à recitatione horarum Canonicarum. 252. 1009.

Scamna, & sedilia laicorum posita in Ecclesiis pro audiendis concionibus, possunt à Rectore mutari, & auferri pro libito, non obstante quacunque consuetudine, etiam immemorabili; tamen hujusmodi mutationes non sunt facilè faciendæ. pag. 186. & 187. num. 750.

Concubinarii, & Concubinatus.

Non potest probari concubinatus ex publica voce, & fama. 95. 354.

Ex concubinatu Clericorum tria mala oriuntur. 95. 355.

Clerici concubinarii dicuntur violare templum Dei. ibid.

Per specialem constitutionem B. Pii V. monentur omnes locorum Ordinarii, & in virtute sanctæ Obedientiæ eis præcipitur, ut statuta Conc. Trid. contra concubinarios, tam Clericos, quàm Laicos, edita, distictè faciant observari. 95. 354.

Inter crimina dispositione digna est concubinatus diù continuatus, præsertim notorius. 96. 355.

Confessarius.

Scire tenetur suam potestatem, antequam absolvat. 99. 373.

Non est necessarium, ut Confessarius sciat determinatè, peccatum confessum esse mortale, aut veniale, cum hoc distictè, & determinatè scire de omnibus peccatis sit impossibile. 164. 655.

Major scientia requiritur in Confessario, cui munus incumbit audiendi confessiones Clericorum, quàm sæcularium, cum scire teneatur etiam casus irregularitatem continentes, vel saltem de illis dubitare. 81. 319.

Tom. I.

Peccant mortaliter Confessarii, qui nesciunt ea, quæ ad eorum munus pertinent. 269. 1064.

Confessarius potest absolute, etiam cum juramento, negare peccatum Pœnitentis, quia non scit illud ut homo, sed ut Deus. 137. 524.

Confessarius eligibilis ad audiendas confessiones tempore Jubilæi, debet esse approbatus ab Episcopo loci, in quo auditurus est confessiones. 313. 1193.

Confessarius solum approbatus ad confessiones virorum audiendas, non potest tempore Jubilæi Mulierum confessiones excipere si ab illis eligatur. 313. 1195.

Quod Confessarius debeat esse approbatus ab Ordinario, est conditio à Concilio universaliter apposta respectu omnium sæcularium, inter quos etiam Episcopi continentur. Prælatus verò Regularis, vel quilibet Regularis, habens absolute licentiam eligendi Confessarium, possunt sibi eligere quemlibet Sacerdotem, etiam si ab Episcopo non fuerit approbatus. 210. 837.

Confessarius Monialium debet esse specialiter ab Ordinario pro ipsis approbatus. 2. 5.

Quilibet simplex Sacerdos potest absolvere quemlibet in mortis periculo constitutum absente tamen approbato Confessario. 14. 50.

Episcopus potest cogere Confessarios etiam Canonicos sub pœna pecuniaria, ut ad Congr. casuum conscientie interveniant. 49. 198.

Confraternitates non possunt in earum Ecclesiis per suos Cappellanos facere confessiones audire, absque expressa Ordinarii licentia, aut illius Parochi, intra fines cuius Parochiæ Ecclesiæ Confraternitatum sunt. 53. 213.

Hic Romæ extat Decretum, ne confessores in domibus laicorum confessiones audiant sine licentia Eminentiſs. Card. Vicarii, vel ejus Vicegerentis, exceptis Cardinalibus, Principibus, Oratoribus Regum, & magnorum Principum, Ducibus, & Nepotibus Summi Pontificis, nisi gravi infirmitate detenti ad Ecclesiam accedere nequeant. 101. 383.

Potest Confessarius absolvere pœnitentem, qui non vult alloqui, vel salutare inimicum, si non adsit odium, aut scandalum, aut periculum, ut inimicus odium, & rancorem ob denegatam sibi salutationem concipiat, vel conservet. 296. 1134.

Confessarius absolvens eum, qui denuncia-

Y

re non

re non vult ex malitia, aut absque rationabili causa, incurrat poenam excommunicationis latae in Decreto, seu in Edicto S. Inquisitionis 141. 549.

Confessarius in gravioribus dubitationibus non potest licite amplecti quamcumque opinionem, quae sibi videtur probabilis; sed tenetur doctiores, proque viros consultare, antequam poenitentem absolvat, ne temeritate ductus, animabus periculum creet sibi quae exitum infelicem. 165. 660.

Indoctus, & audax Confessarius, hostis est potius, quam Medicus Animarum. ibidem.

Si Confessarius in aliquo casu difficili dicat poenitenti velle consulere viros doctos, & poenitens nolit, nec in genere quidem, consilium peti, quamvis teneatur, dum viros doctos consulit, nomen poenitentis celare, non debet illum absolvere. 116. 445.

Si Maritus est ligatus Voto castitatis, confessarius debet consulere, ut dispensationem petat propter periculum incontinentiae. 129. 492.

Debitori urgeant confessarii properam solutionem, maxime quando non admodum magna est; quamvis ob dilationem non magnam condemnare non debeant eum, qui est in mora solvendi debitum ex contractu, absque damno creditoris, & cum intentione solvendi. 131. 500.

Uni Confessario pendenda sunt omnia peccata, veluti tota infirmitatis uni Medico. 110. 419.

Confessarii, qui per unum integrum diem, vel per plures dies defatigantur in excipiendis confessionibus, à recitatione horarum Canonicarum non excusantur. 252. 1009.

Non tenetur repetere confessionem, qui confitetur Confessario aliquando dormienti, aut non advertenti ob surditatem, vel animi distractionem, dummodò sine culpa poenitentis hoc accidat, & bona fide sua peccata aperuit. 109. 415.

Quando poenitens cognoscit, vel dubitat, confessarium unum, vel plura peccata nullo modo intellexisse, tenetur in sequenti confessione explicare. 110. 415.

Quando id, quod apponitur Confessario vel à poenitente, vel à tertia persona, non confitetur Confessarius non sit convictus, aut non sit confessus, ceteris paribus praesumendum est in favorem confessarii pag. 22. nu. 81 & pag. 103. quæf. 3.

Non licet Confessario interrogare poenitentem de complice in ordine ad faciendam

illi correctionem de licentia poenitentis. 124. 474.

Confessarius concubinaris potest audire confessionem suae concubinæ, si non casus sit reservatus, & non esset periculum lapsus, vel doloris defectus, vel manendi in occasione peccandi. 96. 359.

Confessarius excommunicatus toleratus non debet se spontè ingerere ad audiendas confessiones, sed rogatus, & cum praemissa contritione. 98. 367.

Sacerdos, qui incipit audire confessiones in peccato mortali, sed ante absolutionem conteritur, non peccat. 120. 462.

Si in peccato mortali non conteratur, non duo, sed unum peccatum committit. ibid.

Si plures successivè in peccato mortali absolvat, toties quoties mortaliter peccat. ibid.

Confessarius extraordinarius Monialium.

Moniales pluries quàm per tres vices in anno confessarius extraordinarium petere queunt. 104. 384.

Approbatus pro una vice, non potest pluries in vim approbationis ejusmodi, illarum confessiones audire. 2. 5.

Episcopus licite potest concedere confessarium extraordinarium alicui Moniali particulari. 104. 386.

Finis, cur concedatur à Prælati Confessarius extraordinarius Monialibus, est utilis spiritualis ipsarum Monialium. 105. 387.

Tempus hujusmodi deputationis videtur esse, ut infra 15. dies totum negotium perficiatur, nisi aliter Episcopus judicaverit. ibid.

Confessio Sacramentalis.

Si aliquis per Dei revelationem certò sciret se esse perfectè contrarium, adhuc teneretur confiteri. pag. 122. quæf.

Peccata dubia sunt materia confessionis. pag. 163. num. 651. & pag. 164. num. 652. & 653.

Peccata dubia, & sub dubio confessa, si postea advertatur fuisse certa, tenemur illa iterùm in confessione aperire. pag. 164. num. 654. & 655.

Si poenitens integrè falsus est peccatum, quod fecit, dubitans tamen ipse, vel confessarius, an esset peccatum mortale, tunc non tenetur iterùm confessionem illius peccati repetere, nisi aliunde confessio fuerit irrita. 164. 655.

Index Rerum Notabilium.

De Jure diuino, & humano, tenemur dumtaxat confiteri omnia peccata mortalia. 76. 289.

Quilibet de Jure diuino tenetur ad confessionem mortaliū ante Eucharistiæ summptionem. 121. 464.

Sacerdos, qui inchoata Missa meminit se esse in peccato mortali, si possit vocare confessorium ad Altare commodè, & sine scandalo, tenetur id facere. p. 60. & 61. 244.

Etiā Sacerdos, qui est in peccato mortali, quando tenetur alterius Sacerdoti Sacrificium inceptum perficere, tenetur confiteri. 71. 287.

Præceptum est, non consilium, quod Sacerdos conficius peccati mortalis, qui ob necessitatem urgentem non præmissa Confessione celebrat, quā primum postea confiteatur. 112. 425.

Ad satisfaciendum illi præcepto, potest Sacerdos intrā triduum confiteri; sed si prima die haberet commoditatem confitendi, non habiturus sequentibus diebus, tenetur non differre confessionem. 113. 428.

Illud verbum Concilii, quā primum, non est intelligendum, usque ad aliam sequentem communionem, vel cū Sacerdos suo tempore confitebitur. ibid.

Qui habet aliquod peccatum, cui est annexa excommunicatio, vel suspensio reservata, sed est occultum, potest ad evitandum scandalum, vel grauem iacturam suarum rerum, vel honoris personæ, celebrare, sed previa confessione peccatorum; quia licet non absoluator stante censura reservata, tamen fit in signum majoris contritionis, vel ad ipsam excitandam. 60. 243.

Licet non sufficiat dubium, quamuis prudens, sed requiratur notitia moraliter certa, aliquem esse excommunicatum denunciatum, ut teneatur quis illum vitare; tamen si quis confiteri vellet ei, quem dubitat esse denunciatum, deberet abstinere, ne se exponat periculo faciendi Sacramentum irritum, modò absque scandalo, vel alio periculo fieri possit. 165. 657.

Uni Confessario pandenda sunt omnia peccata, veluti tota infirmitas uni medico. 110. 419.

Nemo tenetur, per se loquendo confessionem facere per interpretem. 114. 433.

Integrè facienda est, quando moraliter fieri potest, absque damno notabili poenitentis, vel confessorii. 13. 47.

Dupliciter integra appellari potest. 106. 396.

Cum aliquis prætermisit aliquod peccatum mortale confiteri sine iusta causa, sufficit in alia confessione, si fiat apud eundem Confessarium, se accusare in particulari de illo peccato voluntariè prætermisso, & de aliis in communi, dummodò confessarius recordetur, saltem in confuso, status poenitentis, vel poenitentiae ei injunctæ. 110. 418.

Si Poenitens non vult iteratò redire ad Confessionem cum concessione facultatis; ut confessarius ei loquatur de confessione præterita ad detegendum gravem errorem à confessario in confessione commissum, culpa in poenitentem transfunditur. 99. 372.

Poeniteas, qui bona fide est confessus, apud Deum excusatur, si inveniri à confessario non possit, ut ei detegat suum errorem. 99. 373.

Nullus tenetur sua peccata, semel ritè confessi, iterum confiteri. p. 102. quæst. 1.

Qui paulatim confessionem generalem faciunt de peccatis aliis ritè confessi, possunt absolvi quotidie ab illis peccatis, quæ paulatim, & quotidie fatentur. 106. 394.

Quando sunt plura peccata ejusdem speciei, non oportet in confessione, individua nominare figillatim. 107. 400.

Melius est, quod concionator ante prædicationem confiteatur peccata mortalia, si habet. pag. 93. quæst. 2.

Confraternitates.

Non possunt, nec debent Sanctiss. Eucharistiæ Sacramentum in suis Ecclesiis tenere. 53. 213.

Non possunt in eorum Ecclesiis per suos capellanos facere solenniter celebrare, confessiones audire, sepelire, Sacramenta ministrare, & alia hujusmodi, quæ ad solum Parochum spectant, absque expressa Ordinarii licentia, aut illius Parochi, intra fines cujus Parochiæ Ecclesiæ Confraternitatum sunt. ibid.

Possunt facere solas Processiones, quando non sunt in Parochiali, & Primaria Ecclesia. ibid.

Conjuratio.

Conjuratio, quæ est multorum simul juratio, contingit, quando aliqui Rebelles auctoritate in unum se colligendo, juramenta in se dederunt. 22. 80.

Conjuratio, & conspīratio, pro eodem crimine accipiuntur. ibid.

Conscientia.

Conscientia prohibente, si fiat aliquid, peccatum cit. 115. 434.

Si conscientia propter eā lēdi non potuit, quia nescivit, nunc incipit lēdi, quia scivit. pag. 272. quāf. 1.

Conscientia recta est regula proxima voluntatis, derivata à prima, & principali regula omnium actionum humanarum, scilicet lege divina, & æterna. 115. 437.

Conscientia erronea.

Carceratus, licet ex conscientia erronea putet se peccare mortaliter non audiendo Missam, quā audire non potest, non tamen peccat mortaliter. 53. 214.

Qui domi infirmus jacet, ac putat se peccare sacrum prætermittendo, peccat mortaliter non audiendo Missam, nisi deponat conscientiam erroneam. 287. 1111.

Qui falsò putat, hodie esse vigiliam, & carnes comedit, committit peccatum ejusdem speciei, ac si verè fuisset vigilia. 80. 315.

Consecratio.

Consecrare Calices, Patenas, & alia, in quibus requiritur sacra unctio, est actus ordinis Episcopalis. 48. 195.

Est speciale Privilegium pro Abbatibus Congreg. Cassinensis consecrare Calices, Altaria, & Campanas. 2. 2.

Si per Episcopum excommunicatum denunciatur Ecclesia fuerit consecrata, censetur polluta, & si in altare consecravit, in hoc celebrandum non est. 182. 729.

In Missa expedit prius circa calicem omnes guttas, præsertim remotas, abstergere, & tunc simpliciter omnem materiam consecrabilem, quæ est in Calice consecrato, consecrare, ne materia non consecrata misceatur consecratæ. 48. 196.

Præceptum consecrandi in utraque specie est divinum. 65. 261.

Consecratio utriusque speciei est de essentia Sacrificii. ibid.

Licet una species validè consecrari possit, altera non consecrata; tamen Sacerdos in dicto casu non potest licitè accipere stipendium, accipiendo stipendium certum pro fructu incerto. 65. 262.

In Sacrificio Missæ, si consecratio fuerit in-

cepta, & tunc lumen deficiat, nec aliud haberi possit, tenetur Sacerdos Sacrificium perficere. 60. 241.

Si iacta est consecratio, vel inchoata, dum excommunicatus denunciatus intrat in Ecclesiam, & exire nolit, nec expelli potest sine periculo, Sacerdos perficere debet missam usq; ad sumptionem inclusivè, & post sumptionem se recipere debet in Sacrificium, vel in alium locum ad perfolvendas ibi reliquas orationes dicendas post communionem. 61. 245.

Tenetur sub peccato mortali Sacerdos, licet non sit jejunus, aut excommunicatus vel irregularis existat, perficere Sacrificium alterius Sacerdotis, qui dum Missam celebrat, post consecrationem morbo corripitur, nec potest sacrum inceptum explere; quamquam præferendus sit Sacerdos jejunus, & nulla censura irretitus, si adsit. pag. 70. num. 279. & pagina. 71. num. 281.

Si post consecrationem utriusque materiæ Sacerdos moriatur, & nullo modo Sacrificium possit explere, secundus Sacerdos debet species Sacramentales remanentes sumere, & Sacrificium inceptum perficere, nihil addendo; si verò Sacerdos, qui moritur, unam tantum consecraverat speciem, consultius est, alteram hostiam non consecrare; & dato, quòd Sacerdos moriatur post sumptionem hostiæ à se consecratæ, & non potuit vinum consecratum sumere, secundus Sacerdos potest solum sanguinem sumere. pag. 70. 280.

Quando non constat, in qua parte Missæ mortuus fuerit Sacerdos, & dubitatur, an consecraverit, vel non, satis est Hostiam, & Calicem, quæ invenit secundus Sacerdos in altari, sub conditione consecrare, & non debet aliam hostiam, & vinum apponere. 71. 280.

Missæ hodie inceptæ, & post consecrationem Corporis Christi non perfecta propter impedimentum celebrantis, non potest ab alio perfici cras. ibid.

Prælati Regularis non potest reddere invalidam sui subditi consecrationem. pag. 74. quāf. 5.

Consilia.

Popitur differentia consilii à mandato. 116. 444.

Plus requiritur ad removendum effectū consilii, quā mandati. ibid. & pag. 152. n. 597. Licet

Licet consulere minus malum ad vitandum majus malum. pag. 5. nu. 10. pag. 224. n. 900. & pag. 243. num. 969.

Hoc intelligitur, dummodo non sit damnum tertii, & damnum sit irreparabile. pag. 9. quæf.

Filius ex honestate tenetur contrahere Matrimonium cum consilio Patris, secus si iusta causa mortaliter peccat. 238. 954.

Est sanum consilium, matrimonium consummare ante benedictionem, quando ex aliqua iusta causa differtur, estque periculum incontinentiæ. 37. 141.

Si Maritus est ligatus Voto castitatis, confessorius debet consulere, ut dispensationem petat propter periculum incontinentiæ. 129. 492.

Judici consulendum, ut consuetudinem introduceret, quod portantes secum Aram portatilem, gauderent Immunitate Ecclesiastica. pag. 180. quæf. 2.

Est optimum Doctorum consilium, quod potius sit declinandum ad æquitatem, quam Epichejam vocant, quam ad rigorem. 105. 386.

Consulendi sunt fideles, qui non habent nisi peccata venialia, ut confessionem actualement præmittant ad lucranda Indulgentiam, cum illa clausula concessam. 312. 1189.

Optimum consilium erit, nihil facere sine consilio prudentis Confessarii, & Superioris. 136. 522.

Confessarius in gravioribus dubitationibus tenetur doctiores, pioque viros consulere. 165. 160.

Quando in confessione accidit aliquis casus difficilis, ubi sit necessarium sapientum virorum consilium, potest confessorius absolutionem impendere, modo poenitens promittat se facturum, quod judicatum fuerit. 99. 369.

Tenetur confessorius, dum viros doctos consulit, nomen Poenitentis celare. 116. 445.

Qui dubitat, an recitatio Divini Officii valde nocitura sit valetudini, debet Medicum consulere. 252. 1010.

Qui agunt consilio, reguntur sapientia. 213. 846.

Consilio docti viri, scrupulus est deponendus. 115. 440.

Fœmina gravida, ad superandas carnis tentationes, cum jejunare non teneatur, ad pia consilia tamquam remedia recurrat. 263. 1049.

Est saluberrimum consilium, quod Juvenes,

qui ad jejunium minimè tenentur ante vigesimum primum annum completum, aliquibus jejunii assuefiant. 262. 1043.

Consulendum est, ut Moribundus omnia peccata mortalia in specie confiteatur per Interpretem, si alio modo non potest. 114. 433.

Consulendi sunt poenitentes, & præsertim in periculo mortis, ad eliciendum actum perfectæ contritionis. pag. 122. quæf.

Est optimum consilium, ut fideles curent pro se Missas, non de requiem, sed pro vivis, ante mortem celebrari. p. 73. & 74. quæf. 4.

Consulendi sunt Regulares, ut cum Parochis bene se gerant, & poenitentes à frequentatione Ecclesiarum Parochialium non dissuadeant. 212. 844.

Consulendum est semper eis, qui superflua habent, ut largè elemosynas præbeant. 194. 776.

Conspiratio.

Est fraudulenta confœderatio in præjudicium alicujus Personæ, vel Dignitatis. 22. 80.

Importat idem, quod conjuratio sine jramento, & pro eodem crimine accipiuntur. ibidem.

Conspiratores audiendi non sunt, ut potè infames. ibidem.

Consuetudo.

Blasphemi consuetudinarii, non solum in ira abjurant de levi, sed in ira, & extra iram, de vehementi. 46. 186.

Qui est solitus blasphemare, non debet excusari, si in iracundia profert blasphemias, sicut nec in totum excusatur, si in somno dormiens blasphemat, neque qui in ebrietate; nec est excusatione dignus, qui ludendo exponit se periculo blasphemandi. 46. 186.

Propter pravam consuetudinem ex gravi negligentia non correctam, blasphemiarum, & juramenta sunt voluntaria in causa. 118. 449.

Qui consuetudinem habet jurandi, & mentendi, si talem consuetudinem evellere non conatur, semper est in occasione proxima peccandi. 118. 449.

Consuetudo peccandi arguit infirmum emendationis propositum. 117. 446.

Ad quamcunque Ecclesiam veneris, ejus morem serva. 259. 1035.

Ecclesiæ consuetudo ad mortalem culpam obligat. 151. 590.
 Tenentur Clerici consuetudinem laicorum servare, quando materia consuetudinis pertinet ad politiam civilem, & Ecclesiasticam, & si materia sit spiritualis, & ad bonum animæ tendat. 84. 331.
 Multum faciunt consuetudines locorum, quando non sunt contra legem naturalem & divinam. pag. 120. quæf.
 Consuetudines locales affixæ sunt loco, & solum obligant existentes in eo. 259. 1033.
 Consuetudo legitime introducta vim legis habet. 232. 929.
 Consuetudo immemorabilis, non solum habet vim legis, & privilegii, sed facit etiam præsumi iustum titulum. ibid.
 Loci consuetudo valde attenditur in præcedentiis, etiam si consuetudo juri repugnet. pag. 86. quæf. 3.
 Consuetudo est alterum jus positivum, & æquipollet veritati, & dubia, quæ possunt esse, removet, ac denique est optima cujuslibet dispositionis interpres. ibid. & 89. 343.
 In favorem consuetudinis decidit Sac. Congr. 89. 343.
 Judici consulendum, ut consuetudinem introduceret, quod portantes secum Aram portatilem, gauderent Immunitate Ecclesiastica. pag. 180. quæf. 2.

Contractus Mohatra.

Est usura palliata. 119. 459.

Contritio.

Tria exigit vera contritio, displicentiam de peccatis commissis supra omne odibile propter Deum super omnia dilectum, propositum vitandi peccata supra omne vitabile, & propositum confitendi, seu satisfaciendi; sed hoc tertium requiritur, si homo non est confessus: duo autem prima simpliciter, & absolute exiguntur. pag. 122. quæf.
 Qui non habet copiam Confessarii, eliciat actum contritionis cum proposito tunc confitendi, si posset, aliis salus non obtinetur. 35. 133.
 Qui actum contritionis elicit, quando non habet copiam Confessarii, tenetur adhuc eadem peccata, quorum remissionem per actum contritionis obtinuit, subicere suo tempore Sacramento Pœnitentiæ, ibid.

Si aliquis per Del revelationem certò sciret se esse perfectè contritum, adhuc teneretur confiteri. pag. 122. quæf.
 Consulendi sunt pœniteres, & præsertim in periculo mortis, ad eliciendum actum perfectæ contritionis. ibid.
 Si quis de mortalibus jam confessis, & remissis, de novo conteratur, benè facit. 721. 463.
 Qui habet aliquod peccatum, cui est annexa excommunicatio, vel suspensio reservata, sed est occultum, potest ad vitandum scandalum, vel gravem iacturam rerum suarum, vel honoris Personæ, celebrare, prævia tamen contritione, ac etiam confessione peccatorum, vel in signum majoris contritionis, vel ad ipsam excitandam. 60. 243.
 Deficiente Confessario ab Ordinario proprio approbato, potest Sacerdos in die festo celebrare cum sola contritione, si non habeat aliam Missam, quam audiat; & similiter laicus, cum sola contritione communicans, satisfacit præcepto Paschalis communionis. 111. 424.
 Melius est, quod concionator ante prædicationem, si habet peccata mortalia, saltem actum contritionis eliciat; nam aliàs ad minus semper grave peccatum veniale committit. pag. 93. quæf. 2.
 Actus contritionis est in nostra potestate, posito divino auxilio, quod semper est paratum, ad eum actum eliciendum. 61. 244.
 Contritio est actus præcipuus pœnitentiæ. pag. 122. quæf.
 Nascitur ex charitate erga Deum. ibid.
 Per hanc redditur Deo ratio summi boni, & ultimi finis. ibid.
 Necessaria fuit ante legem, sub lege, & tempore gratiæ, necessitate medii extra Sacramentum post Baptismum iis, qui mortaliter peccarunt. pag. 122. quæf.
 Ponitur actus contritionis. pag. 123.

Contumelia.

Qui diversis contumeliis proximum affecit, sufficit, quod in confessione dicat toties gravibus contumeliis affeci proximum meum. 109. 472.
 Peccaret maritus, si uxorem aliqua injuria afficeret, qua notam infamiæ incurreret. 124. 475.
 Injurix verbales verbis repelli possunt, quæ est legitima vindicta. 135. 517.

Copula carnalis.

In Copula carnali finis à natura intentus est generatio, & filiorum procreatio. 77. 398.

Illà dicitur perfecta copula, & sufficiens ad generationem, & ad affinitatem contrahendam, in qua solum vir intra claustra pudoris feminei seminat. 28. 110.

Qui habet copulam cum soluta, tenetur in confessione copulam explicare. 107. 399.

Qui dormivit cum quadam femina, tenetur explicare in confessione numerum copularum, quamvis non habuerit interruptionem mentis, vel operis. 108. 408.

Correctio.

Potest quis ante correptionem Prælati denunciare, si peccatum est publicum, aut in damnum tertii, aut alicui Reipublicæ perniciosum, vel communitati, aut Prælati sit Vir prudens, & probus. pag. 147. quæf.

Exponitur præceptum Christi de correctione fraterna. 126. 481.

Crux.

Crux, quæ requiritur in Altari, dum Missa celebratur, tali modo sita esse debet, ut censetur exposita pro adoratione. 59. 239.

Ad hoc non sufficeret, si esset pictus Christus, aut sculptus, ut deferens Crucem ad Calvarium; sufficiet tamen Imago B. Virg. Pietatis, in qua Crux stat erecta, & tanquam adorabilis. ibid.

Licet Crucem variis Reliquiis, licet non approbatis, ornatam in altari collocare, & populo adorandam proponere, quia adoratio Reliquiarum tunc est per accidens, & solum cultu privato, & non publico adorantur, cum sola Crux adoranda proponatur, quæ cultu publico adoratur. ibidem.

Culpa.

Alia dicitur Theologica, alia Juridica. 127. 483.

Culpa Iuridica.

Est quædam negligentia, & quanto magis est negligentia, tanto magis est gravis culpa. 127. 484.

Culpa Theologica.

Ponitur differentia culpæ theologicæ à peccato. 127. 483.

Cultus Sanctorum.

Duplex est cultus, privatus, & publicus, seu solemnis; & hic non dicitur talis, quod coram aliis exhibetur, sed quod deferatur tanquam institutus ab Ecclesia, & nomine Ecclesiæ. 23. 84.

Curia.

Stylus Curie jus facit, & stylus, & observantia Romanæ Curie servari debet in omnibus aliis Curiis. 182. 731.

D

Dammum.

Diversitas damni illati affert peccata specie distincta. 109. 413.

Debitum Coniugale.

A jejuniis excusantur conjuges, qui non possunt reddere debitum uxori. 261. 1043.

Conjuges de communi consensu voventes non petere, nec reddere debitum conjugale, possunt dispensari, non solum ab Episcopo, sed etiam per Confessarium simplicem virtute Bullæ Cruciatę, ubi adest tale Privilegium; imò quilibet Confessarius Regularis potest commutare hujusmodi vota, dummodò fuerit ad id à suo Superiore deputatus, & unus post mortem alterius potest ad secundas nuptias transire. 158. 626.

Conjux adulter occultus aut petat dispensationem ab Episcopo, vel ab alio habente facultatem, aut se abstineat à debiti petitione. 127. 487.

Licet uxor debitum negare possit conjugii adultero, sicut vir uxori; tamen melius est, ut uxor viro reddat, ad evitandum majus malum. 128. 488.

Qui scienter commisit incestum cum consanguinea alterius conjugis in primo, & secundo gradu, privatur jure petendi debitum conjugale, & solum potest reddere conjugii petenti. pag. 29. n. 116. pag. 128. n. 490. & pag. 158. n. 627.

Index Rerum Notabilium.

Non debent moneri conjugati de hoc impedimento, excusante illos ignorantia, si nullus speretur fructus ex admonitione. 158. 627.

Ultra secundum gradum est privatus jure petendi debitum, non ratione incestus, sed ratione adulterii. 128. 490.

Cum conjugibus incestuosus potest Episcopus dispensare per se, vel per alium Confessarium, cui id specialiter committat. 158. 627.

Debitum conjugale moderatè petendum est, ne corporis sanitati noceat. 130. 499.

Debitum ex contractu.

Debitori, qui est in mora solvendi debitum ex contractu, absque damno creditoris, urgeant semper Confessarii properam solutionem, maximè quando dilatio non esset admodum magna. 131. 500.

Decretores.

Quamvis obstricti sint debito publico, aut suspecti sint de fuga, aut decoxerint cum magno Reipublicæ detrimento, & etiam si fraudulenter, gaudent Privilegio immunitatis, si ad Ecclesiam confugiant. 131. 503.

Debitorum fraudulentum ad Ecclesiam unà cum bonis confugientes, non debent ibi multo tempore tolerari, sed ab Ecclesia sunt eiciendi; & bona transportata ad Ecclesiam in creditorum præjudicium, Judici sæculari consignanda sunt, ut illa, cui de jure, adjudicet. 131. 504.

Decreta.

Si conslet authenticè de Decis. S Congr. non est recedendum ab ea. 26. 99.

Casu, quo declarationes aliquarum Em. Cardinalium nec authenticæ sint, nec publicatæ, tamen si conslet illa responsa à S. Congreg. emanasse, tantæ quoque auctoritatis sunt, ut sine firmissimo fundamento recedendum non sit. 133. 510.

Ex determinatione S. Cardin. Congreg. extrahit ab Ecclesia contra formam Bullæ Gregor. XIV. eidem Ecclesiæ est restituendus. 178. 724.

Decretum Sac. Rit. Congreg. celebrandum esse unam tantum Missam feria quinta in Cœna Domini, multis in locis non est usu receptum. 69. 278.

In Romana Urbe extat Decretum de deter-

minato tempore celebrandi Missam, nisi exhibeatur, & approbetur privilegium aliquod. pag. 64. 257. & 258.

Ex Decreto Sac. Congregat. incidunt in excommunicationem Papæ reservatam omnes dominium temporale habentes, qui in terris suis locum ad Monachiam concedunt, hoc est causa duelli. 166. 664.

In Decreto DD. Cardinalium Inquisitorum generalium mandatur denunciari Inquisitoribus, vel locorum Ordinariis illos, qui sunt de Hæresi suspecti, sub excommunicationis majoris pena ipso facto incurrenda, & Papæ, ac Sanctæ Romanæ Ecclesiæ Inquisitioni generali reservata. Idem quoque sub censuris, & gravissimis penis decernitur in Decreto Alex. VII. quod singulis annis legi debet à Regularibus in Capitulo, aut publica mensa Kalendis Martii. 142. 550.

Confessarius absolvens eum, qui denunciare non vult ex malitia, aut absque rationabili causa, incurrit penam excommunicationis latæ in Decreto S. Inquisitionis. 147. 549.

Decretum, quod adducit Gavantus, verb. Monialium cura spiritualis, circa Confessarium extraordinarium Monialium, procedit de una designatione pro pluribus vicibus. 104. 386.

Censuræ in Decretis Visitationis Episcopalis infiguntur per modum Decreti. 75. 285.

Decreta Visitationis Episcopalis sunt leges. 132. 507.

Ex Decreto Sac. Congr. Episcoporum, & Regul. sub Clem. VIII. Regulares tenentur, quando Episcopus in Pontificalibus vult adesse in eorum Ecclesiis, in loco ad solum Episcopi constituendum opportuno Baldachinum attollere; aliis possunt ad id pœnis, & censuris Ecclesiasticis cogi ab Episcopo. 199. 793.

Ex Decreto Sac. Congregat. sub Clement. VIII. prohibetur Regularibus cujusvis Ordinis Prælati, ut nec intrà, vel extrà Italiam, in vim privilegiorum possint quemquam absolvere à casibus in Bulla Cœnæ Domini, aut Ordinario loci reservatis. 245. 983.

Ex Decretis Clement. Octav. procurantes pro se, vel pro aliis, Vota, vel Suffragia in Capitulis, complices, & simpliciter scientes, & non revelantes, præter alias pœnas, & censuras à Sacris Canonibus infligendas, eo ipso incidunt in pœnam priuationis.

tionis Officiorum, quæ obtinent, & ad futura quæcumque pariter inhábiles habentur, nec ab ullo possunt dispensari, nisi à Summo Pontifice. 191. 764.

Ex Decreto Urbani VIII. Regulares cujusvis Religionis pœnitentiati à S. Officio, etiam minori pœna, quàm ordinaria, ob Hæresis suspensionem, sunt inhábiles ad officia suæ Religionis, nisi specialiter, & expressè rehabilitati fuerint. pag. 308. quæf. 2.

Ex Decreto Clementis XI. dispensatus à carne, mortaliter peccat, si non salubrior, sed quæcumque carnes comedit. 159. 632.

Defensio honorum temporalium.

Jus naturale conservandi bona propria, sine quibus homo non potest sustentari, præponi debet omni legi Positivæ, & humanæ pag. 86. quæf. 2.

Defensio honoris.

Non excusatur quis ab irregularitate, aliquando occidendo pro defensione honoris. 305. 1172.

Defensio Immunitatis.

Clerici ob defensionem immunitatis grave damnum pati tenentur. pag. 86. quæf. 2.

Defensio vite propria.

Quilibet tenetur ex charitate se ipsum conservare, & non habere affectum contrarium. 136. 522.

Jus conservandi vitam est de jure naturæ, saltem remediis ordinariis. 289. quæf.

Est pariter de jure positivo. ibid.

Jus naturale conservandi vitam præponi debet omni legi positivæ, & humanæ. pag. 86. quæf. 2.

Qui potest evadere mortem mutilando inviolentem, si occidit, peccat mortaliter, & fit irregularis. 305. 1170.

Qui occidit se agredientem, valens fuga, vel alio modo sibi consulere, fit irregularis illum occidendo. 305. 1171.

Personæ Ecclesiasticæ semper fugere debent, si commodè possunt. ibid.

Adulter, qui prævidit ex tali occasione se futurum in morali periculo, aut occumbendi, aut occidendi, occidens Maritum aggressorem causa necessariæ defensionis, fit irregularis; si non prævidit, excusa-

tur ab irregularitate, si aliter non potest defendere propriam vitam, nisi occidendo. 304. 1168.

Qui suum interficit invasorem cum moderatione inculpatæ tutelæ, scilicet si alia ratione suam vitam defendere nequeat, non solum non peccat, nec tenetur ad restitutionem, sed neque irregularitatem incurrit. 134. 514.

Ad hoc ut quis licite possit alium occidere, duo requiruntur. 250. 1001.

Defensio vite Proximi.

Nullò jure tenetur dives solvere Pauperis debita, ne Pauper se interficiat; sed tenetur solum ex charitate. 131. 502.

Defunctus.

Vivens. Officia Defunctorum pro se dici, licet facere non potest. pag. 73. quæf. 4.

Est valde laudabile, quò quisque etiam post mortem sibi Missas de requiem applicari curet, cum ad extremum vitæ contrahere possit novas obligationes ad pœnas Purgatorii, quas bonum est per sacrificia post mortem tollere. ibid.

Missæ, si per modum congratulationis intelligatur, omnibus in Purgatorio existentibus prodest, non autem si per modum expiationis. pag. 73. quæf. 3.

Est prohibita à Sacr. Rit. Congregat. in festis duplicibus celebratio pro Defunctis, excepta una solemnè præsentè corpore. 69. 275.

Non minùs homo mortuus, quàm vivus, potiri debet Ecclesiæ Immunitate, & excommunicatio Canonis, si quis suadente, extenditur etiam ad defunctos. pag. 180. quæf. 3.

Homo mortuus non est verè homo, sed potius non homo, aut æquivocè homo. ibid.

Eciàm mortuis fit injuria, & violentia. ibid.

Delectatio morosa.

Sicut consensus efficax circa actû sumit speciem ab illo, sic etiam sola complacentia, quæ propriè est delectatio morosa. 78. 305.

Quamvis licet cupiat quis delectationem cum aliqua muliere conditionaliter, si esset uxor suæ; delectatio tamen voluntaria, quam iste in præsentì reciperet de tali opere cogitato cum illa, esset delectatio morosa, cum sine conditione habeatur. 148. 578.

Delegati.

Delegatus ad nudum Ministerium, non potest subdelegare, nisi aliam esse Superioris delegantis voluntatem constet. 18.72.

A delegato ad delegantem permessa est appellatio. 32.127.

Facultas delegata audiendi Confessiones, durat etiam post mortem Episcopi in ordine ad Confessarios Regulares, non verò pro omnibus Confessariis, sicut nec licentia eligendi Confessorem ab Episcopo concessa. 97.364.

Facultas delegata dispensandi vota, extenditur ad ea commutanda. 159.625.

Facultas dispensandi, & absolvendi, ex Juris Privilegio Episcopis competens, cum sit ordinaria, poterit speciali commissione alicui generaliter delegati, sicut quælibet alia ordinaria potestas. 211.840.

Episcopus examen alicujus potest alteri delegare, quamvis in litteris Apostolicis fuerit Episcopi conscientia onerata, cum non censetur electa industria personæ. 217.866.

Quando in aliquo Brevi Apostolico dicitur Episcopo, tuam oneramus conscientiam, illa verba, potius videntur posita in vim monitionis, quàm in vim formæ delegationis. 212.842.

Episcopus non potest procedere ut Sedis Apostolicæ delegatus, nisi in casibus à Concilio Trid. & aliis Bullis Pontificiis exceptis, unde si alio modo est delegatus, tenetur copiam suæ commissionis parti petenti dare; aliàs non solum erit injusta, sed etiam nulla excommunicationis sententia; & hoc procedit de quocumque alio denegato, quia delegato non creditur, nisi probet delegationem, nec tenetur quis exequi sententiam, nisi litteræ ostendantur. 212.843.

Delicta.

Non solum denunciare tenentur delicta ad S. Officium pertinentia, qui illa certò sciunt fuisse à tali, vel tali commissa; sed etiam illi, qui à personis saltem fide dignis hoc acceperunt. 140.545.

In delictis spectantibus ad S. Officium non requiritur infamia, sed sufficienter indicia etiam solum probabilia, præsumptiones, & suspensiones verisimiles. 142.551.

In delictis ad S. Officium spectantibus nulla est præmittenda correctio fraterna. 126.480. & 481.

In delictis quæ tendunt contra bonum com-

mune, non est præmittenda correctio, ibid. Si delictum, aut crimen est publicum, ita ut sciatur à majori parte viciniae, Collegii, Parochiæ, aut Monasterii, ubi saltem sunt decem, tunc non habet locum correctio, pag. 147. quæst. 1.

In loco ingenti non sufficit sex homines scire delictum, ut publicum censetur; sed debet innotescere saltem decem hominibus. 204.811.

Diffamatum censetur per publicitatem delicti, quod in multorum præsentia commissum est, aut in via publica, tempore quo multis innotescere potuit; tandem quando fama ex sufficientibus indiciis orta innotuit majori parti viciniae, vel oppidi, vel parochiæ, tunc delictum dicitur famosum. 150.588.

Ut delictum dicatur notorium, non sufficit quoddam actus externus sit notorius, & publicus tantum materialiter; sed requiritur, ut sit notus formaliter, & in ratione delicti. 204.813.

Delictum adhuc dicitur occultum, si sententia absolutoria sit secuta. 205.816.

Delinquens per criminis publicitatem amittit jus ad famam. p. 150. n. 588. & 58.

Filius, & Nepotes, perduellionis, seu læsæ Majestatis crimen perpetrantis, sunt infames ratione infamiæ, quam trahit secum tale delictum. 239.957.

Delictum Paris in non expressis à jure non præjudicat filio; pag. 309. quæst. 3.

Scriptura privata Episcopalis, qua quis suum delictum fatetur, facit plenam probationem, dummodò in judicio à reo scriptore recognoscatur. pag. 416. quæst. 1.

Denunciatio.

Ponitur differentia denunciationis ab accusatione propriè sumpta. pag. 147. quæst. 1.

Qui denunciare non vult ex malitia, & absque rationabili causa, in re gravissima, nec obedire Ecclesiæ præcipienti dictam denunciationem, non est dignus absolutione ponit obicem effectui ipsius absolutionis, et sic indispotus. 141.549.

Periculis, quæ timeri possunt ex denunciatione, mederi potest ope Superiorum, & ratione strictissimi Tribunalis S. Officii secreti. 145.570.

Facile cuicumque peccato potest occurrere per simplicem denunciationem judicalem, absque instigatione Judicis. ibid.

De peccato futuro non debet fieri secreta monitio, sed statim potest denunciari Prælatq

Index Rerum Notabilium.

lato, saltem ut singulari personæ, seu tanquam Patri, ut impediatur, quando aliter non potest obviari. pag. 147. quæf.

Etiam si delator delictum spectans ad S. Officium probare non possit, tamen si denunciationem prætermisit, ipse excommunicationem incurrit. 146. 574.

Quando alterius crimen vergit in multitudinis corruptelam corporalem, vel spirituale, & dummodò sufficienter probari possit, tunc quis tenetur illud crimen sub mortali denunciare Superiori, propter bonum publicum. pag. 146. quæf.

Præterea, non solum quis tenetur denunciare Superiori, quando crimen alterius vergit in periculum corporale, vel spirituale multitudinis, sed etiam quando vergit in grave damnum alicuius tertie personæ, etiam si hoc sciat sub secreto naturali. pag. 147. quæf.

Nemo tenetur denunciare se ipsum. 187. 751.

Non est regula generalis, quòd criminosi non teneantur denunciare complices, pag. 143. n. 557. & pag. 187. n. 751.

Non est necesse complices denunciare, quando mortui sunt, vel sunt ex regionibus palam infectis, & in illis degunt. 246. 984.

Quilibet tenetur ad detegenda Matrimonii impedimenta, etiam occulta, si absque suo gravi incommodo, vel aliorum scandalo facere queat: tenetur tamen præmittere correctionem, si profuturam speret, ante denunciationem. pag. 277. quæf.

Scientes, & non revelantes eos, qui pro se, vel pro aliis, vota, vel suffragia in Capitulis procurant, incidunt, ut illi, & complices, in poenam privationis Officiorum, quæ obtinent, & ad futura quæcumque pariter inhabiles habentur, nec ab ullo possunt dispensari, nisi à Summo Pontifice. 191. 764.

Conspiratores repelluntur à denunciatione. 22. 80.

Denunciatio fieri non debet ex odio, aut aliquo alio iniquo fine, sed zelo Justitiæ. pag. 146. quæf.

Ponitur forma denunciationis inter Regulares. pag. 147.

Desiderium.

Conditio excusat desiderium futuri. 148. 578.

Detrahitio.

Est pejor, quàm furtum. 149. 585.

Infamare dicendo falsum, & infamare dicen-

do verum, sed occultum, sunt duæ infamationes, quæ differunt specie. 109. 411.

Audiens detrahentem de re gravi, si de tractione minimè delectatur, vel si delectatur solum de auditione rei novæ, vel de eloquentia detractoris, dummodò ad detrahendum ex nullo signo, nec quidem indirectè, detractorem moveat, non peccat mortaliter. 126. 482.

Si potest corrigere detrahentem, & sperat correctionem profuturam, & non corrigit, peccat mortaliter contra charitatem. ibid.

Si ex officio detractionem impedire tenetur, peccat etiam contra Justitiam. ibid.

Qui non potest aliter impedire detractionem debet, vel discedere, vel sermonem ad res alias convertere, vel facietiam interponere, vel obsecrare, ne de ea re agatur, aut vultum hilarem non præferre, sed tristitiam. ibid.

Diaconi.

Ad Diaconatum requiruntur 23 anni incepti. 27. 102.

Corona Diaconi debet esse formæ mediæ. pag. 89. quæf. 3.

Differentia.

Inter accusationem propriè sumptam, & denunciationem. pag. 147. quæf.

Inter contumeliam, & detractionem. 282. 1098.

Inter culpam Theologicam, & Peccatum. 127. 483.

Inter dubium, & opinionem. 163. 649.

Inter immunitatem, & libertatem Ecclesiasticam. pag. 179. quæf. 1.

Difficultas.

Magna difficultas æquiparatur impossibilitati, idemque est iudicium. 288. quæf.

Dilectio Dei.

Actus dilectionis Dei est perfectior actu contritionis. pag. 122. quæf.

Dilectio Inimicorum.

Inimico non tenemur ostendere signa amoris nisi in casu necessitatis, nempe quando tenemur ex charitate subvenire. 296. 1134.

Sunt hortandi homines, ut ab inimicis non subtra-

Index Rerum Notabilium.

subtrahant consueta beneficia, colloquia, &c. etiam extra articulum necessitatis. 296.1135.

Discretio.

Est mater omnium virtutum. 190. quæf.

Dispensatio.

Si uterque conjugum ex communi consensu voverit castitatem, neuter debitum petere potest, aut reddere petenti, absque Summi Pontificis dispensatione, tanquam votum integræ, & perpetuæ castitatis, nec dispensatio pertinet ad Episcopum, nisi quando ad Sedem Apostolicam, vel legatum, facile non patet recursus. 129.494.

Si Episcopus in dicto casu dispensavit, mortuo uno conjugum, non potest alter Matrimonium aliud inire, sine Summi Pontificis dispensatione. 210.834.

Idem dicendum de eo, qui castitatis voto dispensatus fuit ab Episcopo, ut Matrimonium contrahere possit; & contra votum peccaret, si extra Matrimonium fornicaretur. 209.831.

Tunc Episcopus propriè non dicitur dispensare, sed suspendere voti executionem ad tempus. pag. 209. & 210. n. 831. & 834.

Non ita facile debent Episcopi dispensare in votis non fornicandi, non se polluendi, non committendi sodomiam, & similibus. 209.830.

Qui vovit non petere dispensationem, adhuc illam petere potest explicando secundum votum, si timeret aliqui periculum peccandi. 209.832.

Licet in levibus corporis vitiiis, & deformitatibus, non requiratur Papæ dispensatio, sed Episcopus dispensare possit: tamen in gravibus, & magnis deformitatibus, & membrorum principalium mutilatione, solus Papa dispensat. At verò Prælati Regulares super hujusmodi irregularitate non dispensant. 206.820.

Qui lapsi sunt in Hæresim possunt dispensari ab Episcopo quoad usum Ordinum susceptorum; quoad usum verò Sacerdotii in Sacrificio Missæ, solus Papa dispensare potest. pag. 249. quæf.

Per dispensationem in foro interno super impedimento Matrimonium dirimente, & occulto, si postea impedimentum detegatur, impetretur ratificatio dispensationis in foro externo. 276.1080.

Illegitimi ab Episcopo dispensari possunt quoad Ordines minores, & ad simplex be-

neficium; quoad Ordines verò majores, Beneficium Curatum, & cæteras dignitates, solus Papa cum eis dispensare potest. pag. 275. quæf. 2.

Solus Papa potest dispensare cum illegitimo, ut sit Generalis Religiosis. pag. 274. quæf. 1.

Generalatu, aut prima dignitate excepta, possunt Prælati Regulares, in Capitulo generali, vel Provinciali, dispensationem concedere ad Prælaturas Religionis suis subditis illegitimis, propter privilegia. pag. 274. quæf. 1.

Cum infamibus infamia Juris maculatis solus Papa dispensare potest; nisi quando Episcopus, & Prælatus Regularis, dispensando in delictis, quæ sint minora adulterio, accessorie abolet infamiam inde confluentem. 285.1104.

Non potest Episcopus, vel Capitulum, Sede vacante, dispensare cum illegitimo, etiam occulto, nisi ad Ordines minores, & Beneficium simplex; & sicut dispensare non potest in Ordine Sacro, sic nec in beneficio simplici, quod requirat Sacrum Ordinem. Requiritur etiam, quod illud Beneficium simplex non fuerit possessum à Patre talis illegitimi. 206.821.

Illi, cui concessum est comedere ova, non propterea concessum est comedere sanguinem animalium, neque sagimen. 258.1031.

Si Medicus dubitet de morbo, recurrendum est pro dispensatione ad Superiorem. 252.1011.

Fugiendi sunt Medici dispensationes facile concedentes. 252.1010.

Ad dispensandum sufficit putare causam esse rationabilem. 215.1011.

Cum adest iusta, & rationabilis causa, debet Prælatus dispensare, alioquin peccat. pag. 156. n. 621. & pag. 290. quæf.

Potestas dispensandi commissæ est Prælatis in bonum Reipublicæ, & subditorum utilitati. 156.620.

Prælati, ac Superiores, quando subditi proponunt causam dubiam ad obtinendam dispensationem, non debent esse nimis scrupulosi, ac ambigui, remittentes id conscientie subditi petentis, cum potius ad ipsos spectet tunc dispensare, causam dubiam per dispensationem efficiendo justam. 157.622.

Multis scrupulorum occasionibus esset exposita Superiorum potestas, si ad causas solas certò justas extenderetur, & vix auderent Superiores. 156.621.

Iusta

Index Rerum Notabilium.

Iusta dispensandi causa in jejuno, est magna jejunandi difficultas. 262.1044.
Inferior nequit dispensare in lege Superioris sui. pag.200.num 797. pag. 207. n.823. & pag.208.n.828.

Dispensatio Votorum.

Si uterque communi consensu voverit Castitatem, neuter debitum petere potest, aut reddere petenti, absque Summi Pontificis dispensatione, tanquam votum integræ, & perpetuæ castitatis; nec dispensatio pertinet ad Episcopum, nisi, quando ad Sedem Apostolicam, vel Legatum, facile non patet recursus. 129.494.

Conjuges de communi consensu voventes non petere, nec reddere debitum conjugale, possunt dispensari non solum ab Episcopo, sed etiam per Confessarium simplicem virtute Bullæ Cruciatæ, ubi adest tale Privilegium. 157.626.

Magis iusta causa requiritur ad dispensationem, quam ad commutationem. 157.624.

Divites.

Peccant mortaliter divites, qui habent superflua, & non faciunt elemosynam extra extremam, vel quasi extremam necessitatem pauperibus, si habeant intentionem construendi Tempia, aut omnia relinquendi Pauperibus post mortem, cum hæc eorum intentio non tollat obligationem. 194.777.

Divites habentes superfluum, sunt æconomi in Dei familia, & ex præcepto tenentur distribuere ea in pauperes. ibid.

Non tenentur inquirere pauperes, sed solum misereri occurrentibus. 193.770.

Divortium.

Matrimonium ratum dissolvitur per professionem in Religione approbata, vel aliquando per Summi Pontificis dispensationem. 159.634.

Sententia divortii ob adulterium non concedit innocenti jus divertendi, sed jus, quod ex adulterio acquisivit, declarat, ut co publicè uti possit. 161.641.

Sententia divortii non abstrulit jus superiori, ne possit conjuges separatos quoad torum, & habitationem, iterum conjugere ad vitanda pericula incontinentiæ; imò tenetur hoc facere, quando adest scandalum, vel manifestum incontinentiæ periculum. 161.641.

Facto divortio, si unus conjugum suscepit Sacros Ordines, vel Religionem intravit, non tenetur alter, vel Religionem ingredi vel votum castitatis facere; hoc enim valet solum de Matrimonio integro, & illæso, quando factum est divortium. 162.644.

In calu divortii vir, & uxor sunt pares. 162.646.

Doctores.

Doctore non est credendum propter dignitatem, sed propter doctrinam. 49.199.

Turpe est Doctore ignorare leges, in quibus versatur. ibid.

Nemo est, qui doceri non egeat, cum vivit. 213.846.

Officium Pœnitentiariæ non est conferendum Doctore, qui dicebatur esse valde ignarus ibid.

Etiam Doctor in Theologia, vel in jure canonico, & in publica universitate graduatus, debet examinari, quando petit provideri de aliqua Ecclesia Parochiali. 217.865.

Inter Doctores datur præcedentia. Theologus omnibus Doctoribus præcedit, deinde Canonista, postea Legista, ultimò Medicus. pag.86.quæst.3.

Ratione Doctoratus, nulla datur præeminentia inter Canonicos. ibid.

Gradus Doctoratus minor est Ordine Presbyteratus. ibid.

Ecclesiastici magnæ litteraturæ possunt plus aliis minus doctis in sui sustentationem infumere. 200.794.

Doctor interrogatus à Judice, an sit obligatus ad condemnandum aliquem, non incurrit in irregularitatem, etiam si respondeat in particulari, adesse obligationem occidendi reum. 307.1179.

Dolus.

Dolus præsumptus est culpa latior, dolus apertus culpa latissima. 127.484.

Datur dolus bonus, & dolus malus. 127.485.

Par non est, ut patrocinetur. pag.17.n.64. pag.40.n.158. pag.91.n.352. pag.236. num.944. & pag.259.n.1034.

Dubium.

Posnitur differentia dubii ab opinione. 163.649.

In dubio quilibet præsumitur bonus, & innocens,

nocens, dummodò contrarium non probetur, præsertim si fuerit bonæ notæ, & famæ. 139. 340.

De omnibus dubiis benigna interpretatio fieri debet pag. 196. n. 822. & p. 218 quæst.

In dubio de rebus pertinentibus ad S. Officium, tutior pars eligenda. 144. 360.

In dubio tutior pars est eligenda. pag. 165. n. 660. & pag. 197. n. 784.

Duellum.

Duellum est intrinsecè malum, & prohibitum. etiam lege Ecclesiastica. 166. 662.

Multæ sunt poenæ impositæ contra Duellantes ex Bullis Summorum Pontificum, præsertim contra Clericos 82. 320.

E

Ebrietas.

Ebrietas non in totum excusat eum, qui in ebrietate blasphemiat, si est solitus blasphemare. 46. 186.

Si culpabilis fuit ebrietas, non solum mortaliter peccat, si quis tunc fornicetur, polluitur, occidat, vel vulneret; sed ad peccatum imputari debent etiam peccata blasphemiae, perjurii, & infidelitatis, cum sint prævisa in causa, nec Deus ea acceptat, ut facietas; contumeliæ verò erga homines peccata non sunt, cum non sequatur illis illum detrimentum. 168. 672.

Mortale est, se ebrietatis periculo committere; nec licet ad vitandam comminatum mortem se vino replere cum manifesto periculo ebrietatis. 166. 663.

Qui alterum cogit, ut se plusquam opus est bibendo inebriet, minus malum ei erat, si carnem ejus vulneraret gladio, quam animam ejus necarem ibid.

Ebrietas non est ita intrinsecè mala, quin ob justam causam possit aliquando permitti; unde si pro curando morbo necessarium sit ex medicorum consilio generosum vinum, ex quo sumpto sequitur ebrietas per accidens, sumi potest eo animo, ut morbus pellatur; dummodò non timeatur aliquod damnum in ebrietate faciendum, nempe occisionis, vulnerationis, blasphemiae. 118. 672.

Recensentur ebrietatis mala. 168. 671.

Vitari debet à personis, præcipuè Ecclesiasticis. ibid.

Ebrius.

Ebrii sunt deteriores brutis, & diabolo, filii Belial sine jugo, & Apostatæ. 168. 671.

Per Sac. Canones gravissimis poenis puniuntur ebriosi. ibid.

Ecclesia.

Personæ unà cum Sacerdote gestante Sanctiss. Eucharistiæ Sacramentum, repræsentant unam Ecclesiam 176. 716.

Non consideratur Ecclesia materialiter, ex mortuis lapidibus ædificata, sed sub ratione formali; & quando fit injuria Ecclesiæ, non censetur fieri lapidibus, ex quibus constat, sed ei, quem repræsentat. pag. 181. quæst. 3.

Solum spatium illud Ecclesiæ dicitur locus Sacer, quod spectat ad interius Ecclesiæ Corpus, à tecto interiori usque ad pavementum. 79. 309.

Chorus, & Capellæ spectant ad interius Ecclesiæ Corpus, non autem Sacristiæ, vel cameræ Ecclesiæ ad hærentes. ibid.

Eo ipso, quod Ecclesia auctoritate Episcopi cæpit construi, dicitur locus divinis obsequiis dicatus. 175. 710.

Ob cessationem ab ædificio non tollitur deputatio Ecclesiæ ad divina celebranda. ibi. Ecclesia diruta, ratione loci in quo ædificata erat, non definit esse sacra, modò non sit diruta auctoritate Episcopi, sine spe reædificandi. 175. 711.

Ecclesia diruta sine spe reædificandi amittit Indulgentias. 175. 711.

Ordinarius non potest concedere, ut partes Ecclesiæ collapsæ, ad usus profanos vendantur. 186. 747.

Episcopus non potest concedere Ecclesiæ non Parochiali facultatem tenendi Sanctiss. Eucharistiæ Sacramentum, sed requiritur Privilegium Apostolicum. 53. 213.

Consulendi sunt Regulares, ut poenitentes à frequentatione Ecclesiarum Parochialium non dissuadeant. 212. 844.

A Sac. Congregat prohibetur retineri in Ecclesiis quoscunque malè viventes, & facinorosos 36. 136.

Ecclesia est extra Territorium, & Jurisdictionem Principis laici; vel licet dicatur esse in territorio Principis sæcularis, non tamen propriè dicitur esse de ejus territorio. 36. 137.

Ad quamcumque Ecclesiam veneris, ejus morem serva. 259. 1035.

Nal-

Index Rerum Notabilium.

Nullum est peccatum laborare in die festo propter Ecclesiam, vel Monasterium, si Ecclesia, vel locus pius sit tam pauper, quod non habeat necessaria ad cultum divinum, vel ad suorum sustentationem; auditum tamen sacro, & dummodò non fiat in Dominicis, vel festis solemnioribus, ut Paschatis, & Pentecostes. 235. 941.

Ecclesia Immunitas.

Ponitur differentia Immunitatis Ecclesiasticæ à libertate Ecclesiastica. pag. 179. quæst. 1. Sufficit tangere parietem Ecclesiæ partis exterioris, aut amplecti. 176. 713. Sufficit intrare in cubiculum ægroti, cui à Sacerdote præbetur Sacramentum Eucharistiæ; aut se immiscere inter illas personas quæ associant hoc venerabile Sacramentum. 176. 716. Scalæ Ecclesiæ, quando constat illas pertinere ad publicam viam, aut esse illius partem, non gaudent ejus immunitate. 176. 714. Expresse prohibetur Judicibus Laicis aliquam jurisdictionem in Ecclesia exercere. 171. 691. Non solum non possunt satellites, aut ministri laici, auferre à confugiente ad Ecclesiam arma prohibita, sed neque rem aliquam furto ablatam. ibid. Immunitas violatorum ob violentiam alteri illatam. pag. 182. quæst. 5. Excommunicatio incurritur ob violentam extractionem ab Ecclesia, vel cooperationem ad illam. ibid. Confugiens ad Ecclesiam, neque ab Episcopo potest corporali poena puniri. 177. 718. Brevia Sacræ Penitentiariæ non suffragantur in foro externo, sed tantum in foro interno; prævia tamen satisfactione, in materia violationis libertatis, ac jurisdictionis Ecclesiasticæ. 178. 722. Qui in duello inimicum occidit, gaudet Ecclesiæ immunitate. 167. 666. Privilegium Ecclesiæ extendendum est etiam ad illos, qui solum timore poenarum, non zelo fidei, vel Religionis, ad eam confugiunt. pag. 181. quæst. 1. Octo sunt casus, in quibus ex Bulla Gregoriana delinquentibus immunitas Ecclesiastica non suffragatur. 174. 707. Licet crimen læsæ Majestatis in personam Principis sit unus ex casibus exceptuatis in Bulla Gregoriana, cui immunitas Ecclesiæ non suffragatur: tamen cum quis illud

sciat, & non revelat, hoc crimen ommissionis puniri quidem debet poena mortis, sed immunitatem Ecclesiæ non amittit, nec comprehenditur in dicta Bulla. 173. 700. Violantes Ecclesiam, non nisi per homicidium, & mutilationem in ea commissam, excluduntur ab ejus immunitate. 174. 705. Aliter delinquentes in Ecclesia, debent à Judice Ecclesiastico severe puniri ratione loci delicti, & consulto Romano Pontifice poterunt etiam tradi Curie seculari, quando delictum fuerit atrocissimum. 174. 706. In materia immunitatis non respicitur delictum, sed loci sanctitas. 173. 702. Circa delicta, quæ si fiant in Ecclesia, ipsius immunitate non gaudent, non est attendendus locus inchoati, sed consummati delicti. pag. 172. n. 695 & n. 697. Delictum homicidii censetur commissum in Ecclesia, non si ibi mors, sed ibi fuit lethalis vulneratio. 173. 698. Non est idem dicendum de incendiariis, ac de depopulatoribus agrorum, quoad Ecclesiæ immunitatem, nisi ex incendio sequatur proditoria mors, aut alia delicta in Bulla Gregoriana expressa. 174. 703.

Ecclesia Pollutio.

Ecclesiæ gaudent immunitate, etiam si fuerint pollutæ. 177. 717. Ecclesia polluta non est propriè interdicta. 185. 742. Ut Ecclesia remaneat polluta per sanguinis effusionem, vulnus debet fieri cum peccato mortali. 183. 732. Ecclesia non solum polluitur per ipsum contactum sanguinis decidentis in pavimentum, sed etiam per actionem injuriosam, qua causatur effusio, & omnis propria malitia formaliter continetur. 183. 735. Ad Ecclesiam pollutam reconciliandum à simplici Sacerdote, si non erat consecrata, non est petenda licentia ab Episcopo, vel ejus Vicario Generali, nisi ex congruentia, vel nisi casus esset, quod Ecclesia pollueretur, dum Missa incepta est. 185. 744.

Edicta.

Consulenda sunt specialia locorum Edicta, ad quæ nos conformare debemus. 145. 566. Quotannis promulgantur Inquisitionum Edicta, quibus præcipiunt sub excommunicationis latæ sententiæ poena, ut Hæreticales Blasphemi ad S. Inquisitionis tribunal deferantur. 139. 541.

Etiam si

Etiamsi delator delictum probare non possit, tamen ex Edicto Sanctissimæ Inquisitionis, quod bis in anno publicari solet, si denunciationem prætermisit, ipso facto excommunicationem incurrit. 146. 574.

Præcipiunt omnibus, & singulis, nisi unus nomine omnium denunciaret. 140. 543.

Blasphemi hæreticales, attentis DD. Inquisitorum Edictis, denunciandi sunt absque ulla alia prævia monitione. 125. 479.

Inquisitorum Edicta non adversantur præcepto Christi de correctione fraterna. 126. 481.

Terminus præfixus in Edictis Inquisitorum non assignatur eo fine, ut extingatur denunciandi obligatio, sed ut non differatur. 140. 546.

Confessarius absolvens eum, qui denunciare non vult ex malicia, aut absque rationabili causa, incurrit pœnam excommunicationis latę in Edicto S. Inquisitionis. 141. 549.

Ex vi edicti SS. Inquisitionis, Confessarius, neglecta denunciatione sceminae sollicitatę, extra mortis periculum absolvere præsumens, ipso facto excommunicationem incurrit. 145. 566.

Edicta sunt leges ab homine. 188. 753.

Electio.

Dignior & melior ille est, qui muneri, cui præficitur, est aptior. 188. 754.

Dignitas, vel major dignitas personę censenda est, non absolute, sed in ordine ad Ecclesię commoditatem. 189. 755.

Eligendus in Prælatum Ecclesiasticum, duobus debet pollere virtutibus, nempe, quod sit bonus sine peccato mortali, & quod sit melior cæteris cognitis, qui possit eligi, & haberi, non quantum ab bonitate vitę, sed quantum ad illud regimen nunc, & hic respectu talium Ovium, & reliquis particularibus occurrentiis pensatis. 189. 758.

Ut electio non possit impugnari in foro Judiciali, sufficit eligere bonum, nec oportet eligere meliorem, quia sic omnis electio posset habere calumniam, sed ad conscientiam eligentis necesse est eligere meliorem. 190. 759.

Etiamsi in Beneficiis habentibus curam animarum, eligendo dignum prætermisso digniori, si excessus est parvus, aut non bene dignoscitur, nullum adeit inconveniens maxime si speratur major futura dignitas probabiliter, quam sit in præsentia. 189. 755.

In eligendis ad animarum curam Episcopus

debet considerare probitatem vitę, scientiam, industriam, & prudentiam, sed probitas debet præferri scientiæ, & interdum comparative anteferri debet industrię, & prudentię, supposita semper sufficientia, & scientia. Unde eligit ex probatis ad animarum curam, quos magis idoneos putabit, considerata ætate, moribus, scientia, & prudentia. 212. 845.

Tractatus passionalis, & conventionalis pro sua electione est prohibitus. 191. 766.

Electores.

Infamis impeditur eligere. pag. 309. quęst. 3.

Irregularis non impeditur eligere. ibid.

Antequam quis sententialiter sit declaratus inhabilis, in foro externo pro habili habetur, licet ipse mortaliter peccet, quia cum inhabilitate, quamvis occulta, accedit ad electionem non dispensatus. 192. 767.

Eleemosyna.

Eleemosynę erga Pauperes de licentia Superioris localis non prohibetur in Bulla de largitione munus. 3. 6.

Si alicui personę, cui bonorum administratio competit, prohibitum sit donare, eleemosynę fiant modeste, & discretę. 3. 6.

Si quis mitteret servum ad dandam eleemosynam, licet servus doleret, & repugnet, nihilominus eleemosyna valeret omnibus illis, pro quibus offertur. pag. 72. quęst. 1.

Quilibet tenetur de superfluis vitę, naturę, & statui, facere eleemosynas proximo, etiam extra necessitatem extremam, vel quasi extremam. pag. 194. num. 774. & pag. 195. n. 778.

Consultendum est semper eis, qui superflua habent, ut large eleemosynas præbeant. 194. 776.

Eleemosyna est in præcepto, & obligat aliquando sub pœna peccati mortalis. 247. 988.

Qui dicit, & pertinaciter credit, nullum extare præceptum largiendi eleemosynam sub mortali, non potest à quolibet Confessario absolvi, quia est hæreticus. ibid.

Ex præcepto divino, & naturali, tenemur per eleemosynam succurrere proximo. 247. 988.

Lucę 11. Quod superest, date eleemosynam. 195. 778.

Divites non tenentur inquirere Pauperes, sed solum misereri occurrentibus; Episcopi

scopi verò tenentur inquirere necessitates pauperum, ut eis succurrant. 193. 770.
 Circa eleemosynas Concionatori præstandas, consideranda est consuetudo Ecclesiarum, & secundum illam determinandum, quæ seculus Episcopum obligabit. pagin. 94. quæf. 4.
 Nec Episcopus, nec Parochus, prædicantes, illas prætereendere possunt. pag. 94. quæf. 4.

Emendationis Spes.

Qui potest corrigere detrahentem, & sperat correctionem profuturam, & non corrigit, peccat mortaliter contra charitatem. 126. 482.
 Si crimen alterius non vergit in damnum communitatis, aut in damnum tertii, & est occultum ante accusationem, vel denunciationem, necessario prius præcedere debet fraterna correctio; modò tamen profutura speretur. pag. 147. quæf.
 Suspecti de Hæresi statim sunt denunciandi, etiam si speretur per correctionem emendatio. 126. 480.

Episcopatus.

Episcopi dignitas, & potestas, non pendet ex qualitate Sedis, sed quia ex se magna dignitas est in Ecclesia. 200. 795.
 Hæc dignitas omnino conservanda est, ut decernitur à Tridentino. ibid.
 Episcopatus est culmen omnium dignitatum. 200. 795.
 Vocatur status perfectionis, quia supponit perfectionem in illo, qui ad Episcopatum promovetur. 199. 792.
 Vir habens uxorem, ad Episcopatum minime promoveri potest, nisi uxor, sive sit senex, sive juvenis, Religionem ingrediat. 295. 1132.

Episcopus.

Episcopi in locum Apostolorum successerunt 200. 795.
 Potest Episcopus compellere Clericos, quamvis senes, ad removendas famulas, & ancillas pag. 85. quæf. 1.
 Episcopus aliorum doctrina non debet egere. 212. 845.
 Defectus scientiæ in Episcopis omnino reprobatus, nec tolerandus. 213. 846.
 Peccant mortaliter Episcopi, qui nesciunt ea, quæ ad eorum munus pertinent. 269. 1064.

Tom. I.

Non potest Episcopus ad longum tempus à Matrimonio coercere, qui Christianam Doctrinam ignorant. 269. 1067.
 Non nisi quando adest spes proficiendi, & non aliter, debet Episcopus ordinare Clericum sæcularem, quem minus peritum invenierit. 269. 1066.
 Ad Episcopum pertinet judicare de bonorum sufficientia pro victu Clerici in sacris constituti; quia existente, pro alienatione patrimonii, ad cuius titulum fuit ordinatus, suum debet præstare consensum. 30. 121.
 Ad Episcopum pertinet judicare de corporis defectibus inducentibus irregularitatem, tam in Sæcularibus, quam in Regularibus. 303. 1163.
 Pertinet ad Episcopum, vel ejus Vicarium Generale, cognoscere circa immunitatē Ecclesiæ, an delictum, seu casus sit exceptus in Bulla Gregorii XIV. 177. 718.
 Etiam pertinet ad Episcopum judicare, an inconvenientia aliqua accidere possint in representationibus sacris, quæ sunt in Ecclesia. 186. 746.
 Episcopus debet habere ætatem 30. annor. completorum. 199. 790.
 Item debet esse in Ordine ad minus Subdiaconatus antea sex mensium spatio constitutus. ibid.
 Episcopus tenetur sub poena peccati mortalis concedere Monialibus sibi subiectis, duabus, aut tribus vicibus in anno, confessorium extraordinarium. 103. 384.
 Si sæpius vult concedere, non est ei prohibendum. pag. 103. & 104. num. 384.
 Tenetur concedere, tam bene valentibus, quam infirmis. 104. 385.
 Potest Episcopus, auctoritate propria, ad præcisam spiritualem consolationem Monialis mortis proximæ, concedere aliquem Confessarium Regularem, quem ipsa petit, ut loco Confessarii Ordinarii ei omnia Sacramenta administret, & assistat tempore agonizæ, dummodò sit gravis, pius, & prudens. 104. 386.
 Episcopus licite potest concedere Confessarium extraordinarium alicui Moniali particulari, non obstante Decreto Sac. Congreg. quod adducit Gavantus. ibid.
 Episcopi per Privilegium eligendi Confessorem, non possunt sibi eligere Sacerdotem sibi non subditum, nisi aut Parochiale Beneficium habeat, aut à suo Ordinario approbatus fuerit ad confessiones audiendas. 99. 122.
 Episcopus, si peccat mortaliter, non tenetur explicare in confessione. quod est Episcopus,

Z

pus,

pus, nisi peccatum publicum sit, quod scandalum pareret. 108. 407.

Episcopi non possunt absolvere à casibus Bullæ Cœnæ. pag. 19. quæf. 1.

Cum aliquis habet impedimenta adeundi Papam pro absolutione in censuris Bullæ Cœnæ, si impedimentum est perpetuum, Episcopus absolvet, & sine onere præstandi imposito Apostolicæ Sedi, absolvere potest impeditum. 202. 806.

Episcopus non potest absolvere à casibus occultis post Concilium ex nova lege Sedi Apostolicæ reservatis cum clausula, non obstantibus. 47. 190.

Episcopus ab excommunicatione à jure non reservata potest absolvere, sed non à suspensione, nisi quando est perpetua, & quando posita est in contumaciam, vel ob delictum, super quod potest dispensare. 154. 611.

Episcopus ingrediens Monasteria Monialium absque ulla vera, & manifesta necessitate, prima vice suspenditur ab ingressu Ecclesiæ, secunda à Divinis, tertia ipso facto excommunicatur. 291. 1117.

Episcopi, virtute facultatis Tridentini, non possunt absolvere delinquentes contra formam in eligendo Summo Pontifice à Greg. XV. præscriptam. 203. 810.

Ad hoc, ut Episcopus, non possit absolvere vigore Tridentini, satis est, ut denunciatio, vel accusatio coram legitimo Judice facta sit, & Reus ratione illius citatus fuerit. 204. 812.

Dispensare potest in omnibus irregularitatibus ex delicto occulto, nec deducto ad forum contentiosum provenientibus, excepta irregularitate, quæ ex homicidio voluntario contrahitur. 203. 810.

In impedimentis quoque non dirimentibus Matrimonium, excepto voto Castitatis, ac Religionis, absoluto, & perfecto. 158. 628.

Pariter in impedimentis dirimentibus, quæ superveniunt Matrimonio jam contracto, ad effectum petendi debitum conjugale. 207. 825.

Licet, quando necessitas urget, possit Episcopus dispensare quoad votum Castitatis perpetuæ, & Religionis; quoad alia tamen vota raro, aut nunquam eventurus est hic dispensandi casus. 209. 831.

Episcopus in Bigamia vera, vel interpretativa, non solum non potest dispensare ad Ordines Sacros, sed neque ad minores, vel ad primam tonsuram, vel ad Beneficium, etiam simplex; in similitudinaria verò po-

test, si talis Bigamus contraxit cum Virgine. 44. 175.

Dispensare nequit, per se loquendo, in jure communi. 75. 286.

Episcopi non sunt domini, sed dispensatores proventuum Ecclesiasticorum, quos in pauperes Christi dispensare tenentur, si ultra necessitatem suam superant. 196. 783.

Episcopitenentur inquirere necessitates pauperum, ut eis succurrant. 193. 770.

Episcopus non potest suspendere effectus censurarum, nisi Privilegium habeat, aut consuetudo aliqua immemorabilis hoc ei permittat. 75. 286.

Episcopi, juxta eorum arbitrium, possunt casus sibi reservare. 57. 227.

Monentur, ut concessa potestate utantur in ædificationem, non destructionem, nec in re modum excedant. ibid.

Monentur quoque, ut non passim mortalia delicta, sed atrociora tantum, gravioraque crimina sibi reservent. 57. 228.

Non sint faciles Prælati ad compositiones faciendas super delictis. 96. 355.

Per specialem constitutionem B. Pii V. monentur omnes locorum Ordinarii, & in virtute S. Obedientiæ eis præcipitur, ut statuta Concilii Tridentini contra concubinariorum, tam Clericos, quam Laicos, edita, dilrigentè faciant observari. 95. 354.

Possunt, ac debent punire, leges Pontificias non observantes. 133. 509.

Impedire non potest Parochus prædicare, nisi ipse aliquando infra annum prædicare vellet, aut alium magis idoneum deputare; neque quando ipse in sua Cathedrali prædicat. pag. 94. & 95. quæf. 4.

Episcopus prædicans prætereundere non potest sibi præstari elemosynam solitam dari Prædicatoribus. ibid.

Sicut non debet Episcopus contradicere Regulari, ne prædicet in sua Ecclesia, sic nec Laico docto, qui licentiam habet à Prælato Regulari jurisdictionem habente in loco, in quo prædicatio est facienda; si tamen Episcopus contradixerit, melius est, ut ei obediatur. 91. 351.

Episcopus non potest concedere Ecclesiæ non Parochiali facultatem tenendi Sanctiss. Eucharistiæ Sacramentum. 53. 213.

Episcopus, non verò Inquisitores, procedit contra illum, qui diceret: *Runego Mariam, S. Petrum, &c.* dummodò ex aliqua circumstantia judicari non possit suspectus de hère. 45. 184.

Nec Episcopi ab Inquisitoribus ligari censuris possunt, nec propter hæresim citari,

Index Rerum Notabilium.

ri, vel puniri, nisi sit suspectus de fuga, vel aliquid in manifestum fidei, & fidelium detrimentum moliretur, quia tunc potest capi, & custodiri, donec Summus Pontifex certior reddatur. 220. 879.

Eremitæ.

Etiâ quando non vivunt in communi, servientes sub obedientia Episcopi, vel alterius Prælati, gaudent Privilegio Canonis 221. 886.

Error.

Error, cui non contradicitur, approbatur. pag. 147. quæf.

Error meus nulli nocere debet, sed error suos tenere debet auctores. 229. 918.

Qui errat in fide, & in foro externo allegat ex ignorantia errasse, non est ei credendum. 270. 1069.

Error conditionis servilis irritat Matrimonium, quando quis, cum sit liber, putat alterum conjugum esse liberum, cum sit servus. 277. 1082.

Examen Conscientiæ.

De Jure divino prærequiritur examen conscientiæ ante confessionem. 216. 863.

Qui nulla præmissa diligentia in examinatione conscientiæ, confessioni accederet, ultra peccatum mortale, quod tunc committit, tenetur quoque ad novam suorum peccatorum confessionem, quamvis suam negligentiam aperuerit in confessione, & à Confessario absolutionem obtinuerit, 216. 862.

Tenetur Confessarius pœnitentem examinare, & interrogare. ibid.

In examine mulierum circa peccata carnalia nisi de puris necessariis à Confessario interroganda non erit, & melius est, quod Confessarius peccatum pœnitentis minus perfecte intelligat, quam illi, vel sibi ruinam pariat. 99. 275.

Abusus est non ferendus, nihil confiteri, nisi interrogatum. 216. 862.

Examen Puellarum ante Professionem Religiosam.

Examinari debent ab Episcopo loci, etiamsi ingrediantur Monasteria Regularibus subiecta. 294. 1125.

Episcopo absente, vel impedito, ad ejus Vi-

carium spectat tale examen, quod ad crâtes Monialium fieri debet. ibid.

Si prætermittatur hoc examen, in peccatum mortale incurrunt Puella, Abbâtissa, & Prælati. 294. 1125.

Examen quoad scientiam, & doctrinam.

Potest Episcopus sine examine ad audiendas Confessiones admittere quemlibet Sacerdotem suæ Diœcesis idoneum. 211. 839.

Potest etiam licite revocare, absque ulla causa, licentiam excipiendi confessionem datam Regulari sine examine, quamvis aliter revocare non possit sine causa confessiones ipsas concernente, aut ob non servatum interdictum ab Ordinario positum. 211. 839.

Examinatores Synodales.

Si solum sint sex, & aliqui ex eis moriantur officium omnium expirat. 215. 859.

Examinator non potest præmonere examinandum de punctis, si fiat per concursum, vel detur Juramentum de non præmonendo. 216. 860.

Exceptio.

Firmat regulam in contrarium. 174. 705.

Non potest Judex secularis per viam exceptionis cognoscere Clericum de delicto tali testimonii, ad effectum eum à tali testimonio repellendi. 82. 322.

Excommunicatio.

Ex Privilegio à Summo Pontifice obtento Reges, & Imperator nequeunt ab Episcopo excommunicari. 213. 848.

Tam ignorantia Juris particularis Episcopi, quam juris universalis Ecclesiæ, excusat ab excommunicatione à jure imposita. pag. 272. quæf. 24.

Excommunicatione non ablata, invalida est absolutio. pag. 12. n. 42. pag. 19. & 20. quæf. 2 & pag. 221. n. 880.

Excommunicatio major.

Ubi non est peccatum mortale, excommunicatio major non incurritur. pag. 85. quæf. 2. pag. 92. quæf. 1. pag. 137. nu. 527. pag. 222. num. 891. & pag. 240. num. 959.

Excommunicatus majori excommunicatione, etiamsi non sit denunciatus, peccat mortaliter, assistendo divinis Officiis. 218. 869.

Index Rerum Notabilium.

Excommunicatio minor.

- Privat** receptione, seu passiva participatione Sacramentorum. pag. 76. num. 293. & pag. 221. num. 882.
- Item** privat passiva electione, præsentatione, & collatione beneficii Ecclesiastici, & Ecclesiasticæ dignitatis. 221. 882.
- De** excommunicatis minori excommunicatione, valet electio secundum aliquos, sed potest annullari. 192. 768.
- Excommunicatus** minori excommunicatione, validè administrat Sacramenta, sed peccat venialiter. 221. 882.

Excommunicatio ob Clerici percussione.

- Qui** invenit Clericum, vel Religiosum, inhonestè cum Uxore, Matre, Sorore, Filia, vel etiam Nepote, si ipsum percutiat, mutilet, aut etiam occidat, non est excommunicatus, si ex incontinenti, & passione subita id fiat; quamvis semper mortaliter peccet. 225. 906.
- Qui** invenit Clericum domi honestè colloquentem cum Uxore, Matre, Sorore, vel filia, post monitionem, ut ab ea re abstineret, posset illum verberare sine periculo incurrendi excommunicationem. 85. 336.
- Percutens** Clericum mortuum, excommunicationem Canonis incurrit. pag. 180. quæst. 3.
- Per** violentas manus, intelligitur quilibet injuriolus effectus adversus Clerici Personam. 223. 896.
- Qui** furatur crumenam Sacerdoti, vel Clerico dormienti, vel aliàs non sentienti, non incurrit excommunicationem. 242. 968.
- Si** Clericus solum strepitu sclopi perterritus ex hac vita decedat, sufficit ad excommunicationem. 223. 895.
- Ob** reverentiam status Clericalis imposita fuit excommunicatio. 223. 893.
- Sufficit**, dum quis capit Clericum, vel Religiosum, per capillos, aut barbam, vel per caputium, dicens, Si non esses Clericus, vel Religiosus, te occiderem, vel percuterem. 223. 897.
- Aliud** est de percussione voluntariè Clericum, & aliud casu, & inculpabiliter. 223. 892.
- Dum** quis percutit unum Clericum, credens esse alium Clericum, nulla ignorantia excusat in tali casu. 223. 893.
- Non** excusatur quis percutiendo Clericum

conjugatum, eò quòd non deferat habitum & Tonuram. 222. 888.

- Si** Uxor, & Filii Clerici conjugati percutiantur in odium mariti, vel respectivè Patris, tales sic percussiones essent excommunicationis. 222. 889.
- Si** Clericus seipsum, suadente Diabolo, percuteret, in excommunicationem incidere. pag. 181. quæst. 3.
- Quæstiones**, seu tormenta circa Clericos, ut delictum constentur, moderatæ esse debent propter periculum excommunicationis. pag. 317. quæst.
- Qui** ob Clerici percussione est excommunicatus, ante absolutionem prius parti læsæ satisfactionem præstet, quantum commodè possit. 203. 808.

Excommunicatus.

- In** dubio Juris, nemo in foro externo, aut interno, censendus est excommunicatus; in dubio verò facti, debet se habere ut excommunicatum. 164. 656.
- Excommunicatus** in una Diocesi, est excommunicatus ubique locorum. pag. 19. qu. 2.
- Posito**, quòd quis alibi sit denunciatus, & hic ubi degit, nescitur, non debemus illum hic publice vitare, sed benè in privato. 219. 874.
- Est** licitum communicare cum excommunicato occulto, hoc est, non denunciato. 75. 286.
- Excommunicatus** denunciatus intrans Ecclesiam, dum Missa celebratur, si post admonitionem non vult exire, potest etiam per vim expelli, quamvis sit Clericus. 61. 245.
- Admonitus à** celebrante, ut exeat, si exire nolit, incurrit novam excommunicationem Papæ reservatam. ibid.
- Communicare** cum excommunicato fori est veniale peccatum, nisi in divinis communicetur illicitè. 76. 293.
- Omnes** possunt audire concionem cum excommunicato vitando. 91. 348.
- Omnes** casus, in quibus prohibitum nobis est communicare cum excommunicatis vitandis. 218. 871.
- Communicare** in crimine criminoso cum excommunicato vitando, est cooperari crimini, vel contaminaciæ ipsius, propter quam lata fuit excommunicatio. 218. 870.
- Participans** in crimine criminoso cum illo, incurrit eandem excommunicationem. 213. 849.
- Licet** excommunicati sint rebelles Ecclesiæ, & exclusi ab Ecclesiâ, & communione fide.

fideliū : tamen Ecclesia majorem offendit pietatem, dum illos tuetur . 173. 702.
 Excommunicatus non per hoc definit esse membrum Ecclesiæ per fidem , nec est exemptus à legibus , & præceptis sui Prælati , nec omnino extra Ecclesiam , sicut Ethnicus . 219. 876.
 Excommunicatus vitandus potest orare in Ecclesia , etiam si ibi alii fideles privatim orent , dummodò separatim oret . 217. 868.
 Potest etiam orare in eodem Sacello . ibid.
 Potest ingredi Ecclesiam tempore , quo celebrantur divina officia , ut transeat ob commoditatem itineris , etiam si paululum oret ibid.
 Casus , in quibus licitum est participare cum excommunicatis vitandis . 219. 872.
 Infordescentes per annum in excommunicatione , sunt de Hæresi suspecti . 239. 877.
 Tales infordescentes sunt Beneficii privati , dummodò pro crimine aliquo fuerint excommunicati . 220. 877.

Expofiti.

Habendi sunt pro legitimis . pag. 39. n. 174. & pag. 206. n. 822.
 Expofiti debent reputari tamquam legitimi & puri sanguinis , ad omnes Ordines , & præbendas obtinendas . pag. 275. quæst. 1.

F

Facinorosi.

Facinosi gaudent Ecclesiarum immunitate . 35. 136.

Falsa Moneta.

Cudentes Monetam falsam , immunitate Ecclesiastica gaudent , licet in Ecclesiis tale delictum commiserint ; & non sunt proprie perduellionis rei , neque publici latrones . 173 701.

Falsificatio Scripturarum .

Licet non sit contra Justitiam commutativam , est tamen contra Justitiam legalem , & bonum Reipub. 228. 913.
 Severis legibus prohibetur . ibid.

Fama .

Fama ex voce Populi , non probata præsumptione , ex qua fama trahat originem , dicitur .
 Tom. I.

tur vana vox Populi . pag. 216. quæst.
 Si publica fama à fide dignis procedat , solum incitat Judicem ad inquirendum . ibid.
 Fama apud graves , & bonos , cum suspitionibus violentis , secundum conditionem personæ , de qua agitur , facit aliquam probationem . 216. 2204.
 Quando agitur de crimine , fama nec semiplenam probationem facit , sed tantum delicti operatur indicium . 95. 354.
 Quando fama probatur trahere originem ex aliquibus præsumptionibus legitimis præcedentibus , facit probationem plenam in causis brevioribus , vel modici præjudicii , non autem in aliis . pag. 216. quæst.
 Testes deponentes de fama , ad minus duo esse debent omni exceptione majores . pag. 316. quæst.
 Lætio famæ alterius , si publicè fiat , dicitur contumelia ; si autem occultè , dicitur detractio . 282. 1098.

Famula .

Potest Episcopus compellere Clericos , quamvis senes , ad removendas famulas , & ancillas . pag. 85. quæst.

Famuli quicunque .

In casibus , in quibus meridiana luce clarius est , heros committere injustitiam , si famuli in Judicio non possint sui juris æqualitatem consequi , poterunt extrajudicialiter sibi occultè compensare , judicio tamen hominis valde docti , & in re morali versatissimi . 230. 920.
 Ab hujusmodi acceptationibus abstinere debent propter scandala , quæ solent oriri . 230. 921.
 Famulis , qui spontè famulatum offerunt , possunt domini præbere minus stipendium licet illis indigeant . 230. 922.
 Mens famuli , qui remittit domino determinationem pretii , est , ut dominus determinet ex æquitate , non ex arbitrio . 232. 924.
 Cum servus compellitur à Domino laborare in diebus festis , si nullum damnum servo ex inobedientia sequatur , non potest tunc exercere servilia . 235. 939.
 Solum servorum vota , quæ domino præjudicant , potest is irritare . 311. 2187.

Famulus .

Tenetur ob conventionem dominum comitari , ac ejus vitam defendere , si opus fuerit ,
 Z 3 etiam

Index Rerum Notabilium.

etiam cum vitæ propriæ periculo, si ad talem effectum conductus fuerit. 137. 528.

Favor.

Favores sunt ampliandi. pag. 164. n. 656. pag. 180. quæf. 3. pag. 181. quæf. 4.

Festus dies.

Omnium Christianorum festa, etiam dies Dominicæ, solum jure humano in Ecclesia introducti sunt. 232. 929.

Cum quis vovit jejunare in festo alicujus sancti, & hoc accidit in Dominica si votum fuit tantum de jejunio afflictionis, aut de jejunio afflictionis simul, & exultationis, jejunandum est Sabbato præcedenti; si vero de neutro, quia non cogitavit, vel solum de jejunio exultationis, jejunet in Dominica. 264. 1057.

Qui nec voto, nec regulari observantia sunt adstricti, in 6. feria, si festum Nativitatis Dominicæ die ipso venire contigerit, carnibus propter festi excellentiam vesci possunt. 264. 1052.

Non sanctificare festa, ex genere suo mortale est, ac contra divinum præceptum, & curare debent fideles diem festum expendere in divinis laudibus 235. 940.

Opera servilia sunt ex se, & jure divino prohibita in festis, & licita non sunt extra necessitatem. 235. 947.

In venditionibus solemnibus, & in operibus forensibus, ac judicialibus, quæ sunt specialiter prohibita in die festo, materia gravis non desumitur ex quantitate temporis insumpti, sed ex qualitate operis. 232. 930.

De lucro sequente ex piscatione facta ob urgentem, & specialem necessitatem in die festo, debet fieri pauperibus portio, aut Ecclesiæ. 233. 931.

Fidei Professio.

Sæcularis licentiam habens prædicandi à Prælato Regulari jurisdictionem habente in loco, in quo prædicatio est facienda, tenetur emitte professionem fidei coram Episcopo, multo magis quam Religiosi. 91. 351.

Fides.

Expediit ad breve tempus impedire à matrimonio contrahendo, qui Christianam Doctrinam ignorant, ut addiscendæ Do-

ctrinæ curam habeant. 270. 1067.

Qui nihil audierunt de fide, damnantur propter peccata commissa contra legem naturæ, quæ sine Fide Christi remitti non possunt. 270. 1068.

Nullus Christianus excusari potest prætextu ignorantie, si erraverit in articulis fidei. 270. 1069.

Nullus tenetur ad explicitam fidem omnium, quæ credenda sunt, habendam; sed partim implicitam, partim explicitam, præter articulos, qui in Ecclesia publice solemnizantur, quos omnes explicitè credere debent, aliis mortaliter peccant. 236. 945.

Non sufficit Mysteria Trinitatis, & Incarnationis Domini Nostri Jesu Christi, semel credidisse. 236. 946.

Fidere.

Scrupulos mitigat, sibi paràm, & multum Christo fidere. 115. 440.

Fili.

Nunquam in foro conscientie licet filio occidere Patrem, quamvis capitaliter ban- nitum, nisi esset valde noxius Reipublicæ. 171. 687.

Extra necessitatem extremam potius filii, quam parentibus, succurrendum est. 195. 779.

Filii Clerici conjugati gaudent Privilegio fori, dummodò non fuerint emancipati. 222. 889.

Filii Hæreticorum, usque ad secundam generationem per lineam paternam, & usque ad primam per maternam, sunt irregulares. pag. 308. quæf. 3.

Id malè limitatur ad filios ante Hæresin genitos, & ad illas regiones, in quibus hæreses grassantur, sed ad filium Patris Hæretici prima vice poenitentis. pag. 308. quæf. 3.

Filii relapsorum sunt ineligibiles ad officia publica, etiam si parentes poeniteant. ibid.

Filii Patris Hæretici, etiam impoenitentis, non sunt infames, nisi loquendo de quadam imperfecta infamia, pro quanto sunt in minori estimatione. ibid.

Filii Saracenorum, Paganorum, vel Judæorum, si fuerint baptizati ante septennium, non sunt irregulares; secus si in ætate adulta baptizati fuerunt, cum sint novi in fide; sed post aliquam temporis moram à die suscepti baptismatis cessat hæc

Index Rerum Notabilium.

hæc irregularitas iudicio Episcopi sic declarantis. pag. 310. quæf. 4.

Finis.

Qui vult finem, vult etiam media necessaria ad finem; & cui finis est permixtus, media quoque necessaria permixta censetur. 105. 387.

Fœmina.

Nullo modo debet admitti ad ministrandum Missæ. 60. 242.

Audiendum potius sibi respondere, & ministrare, quam fœminam ad id muneris admittere. 60. 243.

Fœminæ non competit prædicare. pag. 93. quæf. 2.

Fœminam minor metus excusat, quàm virum. pag. 86. quæf. 2.

Est regula communis, nomen masculini generis etiam fœminas comprehendere. 291. 1114.

Fornicatio.

Est intrinsecè mala, jure naturæ prohibita. 240. 959.

Fuga.

In causa gravi fugere non dicitur, qui ad Superiorem vadit. 31. 124.

Si aliquis non potest absque suo dedecore fugere, non tenetur id facere. 135. 518.

Licet quis non teneatur fugere, quando fuga est vituperosa, ad peccatum vitandum, ne interficiat aggressorem; tenetur tamen fugere ad vitandam irregularitatem. 305. 1171.

Quoties quis non potest fugere, vel fuga illi est periculosa, interficiendo non peccat, nec efficitur irregularis. 304. 1169.

Occidentes furem, qui cum re furata fugiat, incurrunt irregularitatem, 134. 512.

Fuga occasione peccandi.

Vera penitentia non est sine excisione causarum peccandi. 11. 37.

Fures gaudent Ecclesiarum immunitate. 35. 136.

In tribus casibus occidi non possunt pro defensione rerum. 133. 511.

Furtum.

De furtis filiorum non est philosophandum, ut de cæteris furtis; major enim quantitas in illis, quàm in istis, requiritur. 242. 967.

Tam in fure, quàm in concausis, oritur obligatio restitutionis. 241. 961.

G

Gabellæ.

Abellæ sunt signum subjectionis. 244. 974.

Generalis Religionis.

Solus Papa potest dispensare cum illegitimo, ut sit Generalis Religionis. pag. 274. quæf. 1.

Si peccat mortaliter, non tenetur explicare in confessione, quòd sit talis, nisi peccatum publicum sit, quòd scandalum pareret, ut dicitur etiam de Episcopo. 108. 407.

Non potest poni in Canone Missæ pro nomine Episcopi nomen Generalis Religionis. 65. 260.

Gula.

Ex genere suo non est mortale. 159. 633.

Qui spontè bibit sine causa, causa voluptatis, notabiliter lædit usum rationis, & exponitur periculo proximo peccandi mortaliter. 168. 671.

H

Hæresi, & Hæretici.

Hæretici occultj non solum sunt eo ipso excommunicati in Bulla Cœnæ, sed etiam irregularitatem incurrunt, ita quòd Episcopus potest cum eis dispensare. pag. 227. n. 990. & 992.

Si in Jubilæo concedatur facultas absolvendi à casibus in Bulla Cœnæ, adhuc ab Hæresi occulta non potest Confessarius absolvere nisi exprimatur. pag. 315. quæf.

In Hæresi detestationem admittuntur testes alijs inhabiles. 140. 545.

Homicidium.

Homicida est coram Deo, & in foro pœn-
tentiali, qui causavit certò moraliter mor-
tem ex vi vulneribus secuturam, pag. 102.
quæf. 1.

In dubio facti circa homicidium, quilibet in
utroque foro censendus est irregularis. 304
1167.

Hora Canonica, & Officium Divinum.

Quatuor modis quis attendere potest, ut
præceptum adimpleat, & unus sufficit.
33. 129.

I

Jejunium.

IN collatione serotina quantitas secundùm
communem complexionem est unciarum
octo. pag. 264. quæf.

Jejunium est una ex conditionibus pro com-
parando Jubilæo, & tam adolescentes,
quàm senes, Jubilæum lucrari non pos-
sunt, nisi jejeant, cum hoc non sit præ-
ceptum, sed conditio pro consecutione.
312. 2190.

Non potest Episcopus, aut Prælati Regul-
aris, dispensare cum sibi subdito, ut nun-
quam in tota vita jejunet. 258. 629.

In locis valde ab Urbe remotis, vel ubi peri-
culum est in mora, vel ex generali consue-
tudine, licet Episcopo universos Cives ab-
stinencia quadragesimali ex causa pestis sol-
vere. 207. 824.

Qui est dispensatus ad edendas carnes in qua-
dragesima, si sanus sit, & fortis, non excu-
satur à jejunio. 259. 632.

Licentius ad carnes in Quadragesima, non
potest tuta conscientia illas edere in die-
bus quatuor temporum, absque gravi ne-
cessitate, & licentia Medici. 286. 1107.

Ex Decreto Clement. XI. dispensatus à carne
mortaliter peccat, si non salubriores, sed
quascumque carnes comedit. 259. 632.

Ignorantia.

Ignorantia invincibilis dicitur probabilis, &
inculpabilis; vincibilis verò improbabilis,
& culpabilis appellatur. 266. 1053.

Ignorantia antecedens idem est, ac probabi-
lis, & invincibilis; consequens verò idem,

ac affectata, ibidem.

Ignorantia affectata contingit, quando quis
ex industria vult aliquid ignorare; crassa
verò, & supina, quando quis ex aliqua
negligentia ignorat ea, quæ potest, & de-
bet scire, pag. 270. num. 1070. & pag. 273.
quæf. 3.

Illegitimi.

Sunt irregulares. 274. 1074.

Impedimenta dirimentia Matrimonium.

Impedimentum affinitatis per copulam lici-
tam contrahitur usque ad quartum gra-
dum, per illicitam verò usque ad secun-
dum inclusivè. 28. 106.

Propter incestum cum consanguinea uxoris
in primo, vel secundo gradu, contrahi-
tur unum ex impedimentis impediens
29. 116.

Impedimentum publicæ honestatis.

Ex Matrimonio rato, & non consummato,
non oritur affinitas, sed impedimentum
publicæ honestatis. 28. 108.

Impotentia coramdi.

Impotentia perpetua censenda est, quando
non potest tolli sine miraculo, aut pecca-
to, aut vitæ periculo. 280. 1090.

Instantia.

Fit dicendo verba inutilia, aut inefficacia
ad effectum, non apponendo res naturales,
sed sola verba cum concursu Dæmonis.
154. 607.

Incestus.

Qui scienter commisit incestum cum con-
sanguinea alterius conjugis in primo, &
secundo gradu, privatur jure petendi de-
bitum conjugale, & prohibetur, altero
conjugis defuncto, matrimonium cum aliis
contrahere, etiam si incestus sit occultus.
29. 116.

Item si eo mortuo ducat uxorem, & respec-
tively Maritum, debitum petere non po-
test, sed solum reddere. ibid.

Parochus, aut alius cognoscens fornicatam,
quam baptizavit; vel ipsius Matrem, com-
mittit incestum. 282. 1097.

Edict.

Index Rerum Notabilium.

Indulgentia.

Securius est præmittere actualem confessionem ad lucranda Indulgentiam cum illa clausula, & consulendi sunt ad id fideles, qui non habent nisi peccata venialia. 312. 1189.

Indignatio.

Contingit, dum quis dolet, cum videt bona indignis conferri. 153.605.

Infamatur.

Infamatus propriè dicitur, cujus opinio est læsa apud bonos, & graves viros. 282. 1098.

Infamis.

Impeditur esse testis, & eligere. pag. 309. quæst. 3.

Infamis jure Civili, regulariter est etiam infamis jure Canonico. 283.1099.

Infirmi.

Nomine Infirmorum comprehenduntur non solum propriè infirmi, sed etiam valetudinarii, qui de facili ægrotant. pag. 288. quæst.

Sacerdotes qui ministrant Infirmis in vertendo eos de lecto ad lectum, vel eis cibum & potum potrigendo, si ex his mors citius sequatur, non sunt Irregulares, dummodò hæc omnia cum cautela, & diligentia fiant. 306.1177.

Sacerdotes non se ingerant, assistendo Infirmis, quoad corporis contactum, si adsunt laici. ibid.

Cardinales ægritudine laborantes non possunt pati sanguinis missionem sine licentia Papæ, ubi commodè haberi possit. 56. 224.

Ingressus in Monasteria Monialium.

Episcopus non potest accedere, & multò minus ingredi Monialium septa, sine licentia Episcopi prohibentis, ne quis accedat ad Monasteria Monialium. 213. 847.

Consultitur Episcopus, ut se absteineat ab absolvendo ab excommunicatione occulta

contra ex ingressu ad Monasterium monialium. 47.190.

Non possunt Cardinales Protectores ingredi Monasteria Monialium, nisi in casibus necessariis. 56. 223.

Semper mortaliter peccant parentes cogentes filias post annum duodecimum ad ingressum Monasterii, etiam educationis causa. 293.1122.

Inimicus.

Qui Inimicum salutantem non resalutat, mortaliter peccat, quoties inde sequitur scandalum, aut quoties notabilis contemptus existimatur, spectata circumstantia temporis, loci, personarum, & consuetudine patriæ. 296.1134.

Ad postulationem inimici, qui minatur Urbi excidium, nisi innocens ei tradatur, potest Respublica illum tradere; imò se ipsum tradere debet, & ad hoc cogi, pro bono communi 250.1003.

Innocens.

Dupliciter quis dicitur innocens; de facto, & de jure. 139.540.

Inquisitores.

Contra evomentes blasphemias hæreticales solum Inquisitores procedere possunt. 46. 188.

Possunt procedere contra blasphemantes hæreticaliter in iracundia. 46.186.

Non solum nullam indiciorum notitiam habuisse constet eos, qui beneficio spontè parentum coram Inquisitoribus gaudere volunt, sed Confessio sit integra velut Sacramentalis. 100.376.

Contra Inquisitores jurisdictionem non habet Episcopus. 220. 879.

Intentio.

Triplex est intentio, nempe actualis, virtualis, & habitualis. 299.1145.

Interdictum.

Ecclesiæ gaudent immunitate, etiam si fuerint interdictæ 177.717.

Interstitia.

Justa causa, ob quam licet concedi potest dispensatio interstitiorum, non est eadem in Omnibus Ordinibus. 157.623.

Invaliditas.

Importatur per verbum, nullatenus, vel, non possit. 30.122.

Invaliditas Absolutionis.

Excommunicatione non ablata, invalida est absolutio. pag. 12. nu. 42. pag. 19. quæst. 2. & pag. 121. n. 881.

Invaliditas Beneficiorum.

Irregularitas reddit hominem inhabilem ad obtinendum beneficium Ecclesiasticum, nec potest tuta conscientia retinere, nec fructus ex eo perceptos. 302.1161.

Etiā post obtentam dispensationem ab irregularitate, non potest Beneficium retinere sine revalidatione collationis prius factæ ibid.

Si Episcopus dispensaret, ut quis ante annum 14. Beneficium simplex obtineat, collatio Beneficii nulla esset. 25.94.

De Jure communi invalida est collatio Beneficii facta excommunicato ante absolutionem. 75.286.

Collatio Beneficii facta indigno, in utroque foro est nulla. 188.755.

Invaliditas Juramenti.

Non valet Juramentum, quoties intercedit error, aut dolus circa substantiam, vel saltem circa causam finalem. 319.1215.

Invaliditas Sacramenti Matrimonii.

Ex Matrimonio rato invalido, modò non fit invalidum ex defectu consensus, confurgit impedimentum publicæ honestatis. 279.1087.

Invaliditas Sacramentorum.

Ad validè conficiendum Sacramentum, intentio habitualis non sufficit. 299.1145.

Invaliditas sententia Judicis.

Sententia contra aliquem lata à Judice, nulla censetur quando est à Judice non competente lata, aut quando quis non est de aliqua culpa accusatus, vel denunciatus, aut citatus, vel nisi adint indicia sufficientia. 315.1203.

Invaliditas Sponsalium.

Ex Sponsalibus fictis, & invalidis ex defectu interioris consensus, vel ex alia invaliditate, non confurgit impedimentum publicæ honestatis. 279.187.

Irregularis.

Irregularis non impeditur esse testis, & eligere. pag. 309. quæst. 3.

In dubio juris posita ignorantia invincibili nullus consensus est irregularis. In dubio autem facti debet unusquisque in foro animæ se irregularem existimare; sed in foro contentioso non debet Juxta aliquem reputare irregularem. 163.650.

Irregularitas.

Non est Censura. 75.284.

Etiā ob culpam præteritam incurritur irregularitas sub conditione effectus secuti. pag. 102. quæst. 1.

Irregularitas oritur etiam ex defectu scientiæ. 269.1065.

Irregularitas, quam incurrit maritus ignarus adulterii, non est in pœnam delicti, neque ob infamiam ullam personæ, sed ob defectum significationis inducta est. 43.172.

Tam infamia juris, quam facti, reddit hominem irregularem: sed prima simpliciter, secunda verò secundum quid, non impediendo exercitium susceptorum Ordinum nisi crimen tale sit, quod inducat peculiarem irregularitatem, ut homicidium; debet tamen impediri, nam irregularitas non solum ex delicto, sed ex diffamatione, & scandalo oritur. 283.1100.

Aliaque crimina notoria, si infamiam juris non habeant annexam, non inducunt veram irregularitatem, nisi post sententiam Judicis. 283.1099.

Non requiritur sententia declaratoria ad incurrendam irregularitatem, sed ipso jure incurritur. 247.992.

Irregularitas ex defectu nataliū tollitur per pro-

Index Rerum Notabilium.

professionem solemnem Religionis, quoad Ordines, non quoad Prælaturas. pag. 274. quæf.

Si Clericus violavit censuram exercendo a-
ctum proprii Ordinis, irregularitatem con-
traxit, à qua, si est notoria, solum Sum-
mus Pontifex dispensare potest; si verò oc-
cultæ, etiam Episcopus dispensare non
prohibetur. 96. 357.

Excommunicatus minori excommunicatio-
ne, celebrando Missam, irregularitatem
non incurrit, sicut incurrit excommuni-
catus majori excommunicatione. 221.
884.

Inhabiles ad Beneficia, & officia publica,
est quedam veluti irregularitas. pag. 309.
quæf. 3.

Inhabilitas ad Officia publica, non est pro-
priè irregularitas, sed consecutivè, quia
non est inhabilitas ad ordines, ut or-
dines sunt, & ratione sanctitatis illo-
rum, sed ut sunt publica officia. pag. 310.
quæf. 3.

Irritatio Votorum.

Irritare Vota non pertinet ad Ecclesiasticam
authoritatem, sed directè spectat ad po-
testatem dominativam, seu quasi domina-
tivam. 2. 4.

Non requirit causam ad sui validitatem, sicut
requirit commutatio, & dispensatio. 156.
619.

Jubilæum.

Confessarius approbatus tantum pro uno op-
pido, vel ad certum genus personarum,
non potest eligi vigore Jubilæi, nisi ab
illis personis dumtaxat, pro quibus da-
ta est illi talis approbatio. pagin. 103.
quæf. 3.

Non tenetur poenitens in Confessione expri-
mere, quod peccaverit in confidentiam Ju-
bilæi. 109. 414.

Judex.

Judices laici violant immunitatem Ecclesia-
sticam, si Clericos propter crimen per-
duellionis, seu læsæ Majestatis puniant.
82. 321.

Judices laici non excusantur à peccato, &
à censuris, si metu probabili amittendi
officium violant immunitatem. pag. 86.
quæf. 2.

Judex Ecclesiasticus, licet tradat reum bra-

chio sæculari, non per hoc dicitur concur-
rere ad mortem. 21. 75.

Judex quatuor præsertim modis pervertere
potest judicium. pag. 317. quæf.

Non peccat Judex, nisi sit supremus, si juxta
allegata, & probata profert sententiam
mortis contra aliquem, quem scit ex pri-
vata scientia esse innocentem. 297. 1139.

Judex, si carceratos non visitat, & pauperibus
providi non curat, irregularitatem secu-
ta morte incurrit; & si Carceratus est Cle-
ricus, excommunicatione itidem innoda-
tur. pag. 308. quæf. 1.

Jura.

Jura Juribus debent concordari, & jurium
correctio est evitanda. 114. 430.

Ubi jus non distinguit, nec nos distinguere
debemus. pag. 181. quæf. 4.

Dum non militat eadem ratio, non potest ef-
fe eadem Juris dispositio. 214. 852.

Jura probationem requirunt, de plena,
& concludenti intelliguntur. pagin. 309.
quæf.

Juramentum.

Juramenti obligatio cessat ratione eventus.
136. 523.

Si Juramentum sit in favorem alicujus tertii,
Episcopus non potest dispensare, & com-
mutare, etiam in iis, quæ, si vota essent, dis-
pensare posset. 208. 827.

Si Juramentum fuit poenale, & conditionale,
etiam in quinque juramentis reservatis,
potest Episcopus dispensare ante, & post
impletam conditionem, & poenam incur-
sam. ibid.

Jurisdictio.

Consuetudo legitime præscripta, Jurisdic-
tionem concedit. 159. 631.

Episcopus, vel alius Judex non potest exer-
cere jurisdictionem in aliena Diocesi, vel
Territorio. 201. 798.

Justificatio.

Justificatio formalis solum à gratia sanctifi-
cante habetur. pag. 122. quæf.

Per contritionem justificatur homo extra Sa-
cramentum, & multò magis cum Sacra-
mento, saltem præsuppositivè, cum sit
sufficiens dispositio ad gratiam. pag. 122.
quæf.

Prima

Index Rerum Notabilium.

Prima iustificatio impij post Evangelium promulgatum, sine lavacro regenerationis, aut ejus voto, fieri non potest. 270. 1068.

Justitia.

Vera Justitia compassionem habet, falsa dedicationem. 289. quæf.

Juventis.

Loquendo de periculo incontinentiæ, Juvenis intelligitur usque ad annum quinquagesimum. pag. 85. quæf. 1.

L

Laici.

Laicus coram Judice Laico potest reconvenire Clericum civiliter. pagin. 87. quæf. 4.

Si Laicus delinquat simul cum Clerico, debet puniri à Judice Ecclesiastico. 315. 1202.

Contra Laicos præsentibus in eadem Provincia præscribitur regulariter consuetudo decem annis, contra absentes viginti. 119. 455.

Largitio Munerum.

Si alicui personæ, cui bonorum administratio competit, prohibitum sit donare, ea prohibitionem non comprehenduntur eleemosynæ, dummodò per regulam, aut Ordinis statuta, non prohibeantur. 3. 6.

Neque etiam comprehenduntur donationes remuneratoriæ, dummodò fiant modestæ, & discretæ. ibid.

Donatio remuneratoria est jure naturæ debita, & non est propriè donatio. ibid.

In remunerationem pro beneficio accepto potest dari aliquid plus. ibid.

Lex.

Leges Pontificiæ, cum Romæ more solito publicatæ fuerint, obligant ubique. 133. 509.

Earum obligatio non pendet ex acceptance populi. ibid.

Extra Romam saltem per duos menses à publicatione Romæ facta obligare incipiunt, nisi certum tempus obligationis opponatur. ibid.

In quinque casibus Episcopi, & Regulares, possunt dispensare cum sibi subditis in legibus Pontificiis, quamvis expressam potestatem non habeant. 159. 631.

Non licet, ad fugiendam obligationem legis, transire ad locum, ubi lex non obligat. 259. 1034.

Libellus famosus.

Est Scriptura, vel signum infamiam continens de crimine alicujus occulto, publicans illud. 150. 589.

Jure civili libelli famosi author, poena capitali punitur; de jure autem canonico, excommunicantur, verberantur, sunt infames. ibid.

Qui libellum famosum invenerit ignarus, & non statim destruxerit, vel occultaverit, sed vim ejus dolo manifestaverit, secundum jura puniretur ut auctor. ibid.

Libertas Ecclesiastica.

Ponitur differentia libertatis Ecclesiasticæ ab immunitate Ecclesiastica. pag. 179. quæf.

Excommunicatio, quæ incurritur ob violationem libertatis Ecclesiasticæ, est reservata in Bulla cœnæ. ibid.

Licentia.

Solum in ordine ad forum externum est necessaria licentia in scriptis, in foro verò conscientie satis est licentia tacita, vel interpretativa. 3. 6.

M

Mala.

Minus malum de duobus est eligendum. 5. 9.

In materia peccatorum non valet dicere: De duobus malis minus est eligendum. pag. 9. quæf.

Non sunt facienda mala, ut eveniant bona. pag. 5. sub nu. 13 & 14. pag. 166. nu. 663. pag. 169. n. 673. & pag. 195. n. 777.

Maleficium.

Est ars nocendi ex pacto, & auxilio dæmonis. 315. 606.

Index Rerum Notabilium.

Malitia.

Coeundi potentia, interdum malitia appellatur. 27.100.

Circa ea, quæ jure positivo sunt prohibita, quando apponitur illa particula, nisi esset prohibitum ab Ecclesia, aufertur malitia operis. 148.576.

Mandata.

Ponitur differentia mandati à consilio. 116.

444.
Rati habitio est mandatum fictum, non verum. 58.233.

Censetur tacite mandasse homicidium filio, vel servo suo, qui eidem dixit, postquam injuriam ab aliquo recepit, Domum ne redeas, donec aliquid novi de te audiam. 249.998.

Maritus.

Secundum Jus Codicis non datur marito facultas occidendi conjugem, sed adulterum & quod uxorem accuset. Imò adulteram uxorem occidens, amittit bona, quæ ob adulterium lucratus fuisset, & etiam tenetur ad damna hæredum ipsius occisi. 250.1000.

Non potest maritus irritare omnia uxoris vota, quando ei nullum præjudicium faciunt. 310.1184.

Maritus, qui non potest omnibus subvenire, potius tenetur subvenire parentibus, & filiis, quàm uxori. 195.780.

Medicus.

Fugiendi sunt Medici, dispensationes facile concedentes. 252.1010.

Clerici in Sacris, vel Beneficiariis, mederi non possunt sine dispensatione Pontificia, quamvis irregularitatem non incurrant; & extra casum extremæ necessitatis peccant mortaliter. 306.1175.

Memoria peccatorum.

Sacerdos, cum inchoata Missa meminit se esse in peccato mortali, si possit vocare Confessarium ad altare, commodè, & sine scandalo tenetur id facere. 61.244.

Non tenemur habere contritionem de peccatis jam confessis, quoties illorum recordamur, nisi quoties recordamur prædicæ; sed solum de illis non complacere, vel mentis aliò divertere. p.120 & 121.n.463.

Metus.

Si servi coacti laborent in diebus festis ad vitandum damnum in persona, vel rebus suis, talis metus eos excusat, dummodò non cogantur à dominis in festorum, & Ecclesiæ contemptum laborare. 235.939.

Metus justus, & probabilis, qui dicitur cadere in constantem virum, est, quando quis probabiliter timet sibi, aut suis, aliquod grave malum eventurum. pag. 86. quæf.2.

Talis metus non semper est metiendus ex causa, ex qua nascitur, & ex natura rei, sed ex persona, cui incutitur. ibid.

Fœminam minor metus excusat, quàm virum. pag.86. quæf.2.

Qui metu peccat, penam extraordinariam non effugit. 143.555.

Minister Sacramentorum.

Licet sine peccato mortali petere Sacramentum à Ministro parato, licet excommunicato, vel suspensio, dummodò non sit nominatim denunciatus excommunicatus, aut publicus Clerici percussor. 98.366.

Excommunicatus minori excommunicatione valide administrat Sacramenta, sed peccat venialiter. 221.882.

Si Minister ex malitia in Sacramento deciperet, non habendo intentionem faciendi quod facit Ecclesia, Deus non suppleret effectum Sacramenti. 298.1144.

Minister Sacrorum Ordinum.

Qui præsumit vivente uxore, sine ejus licentia, vel extra casus à Jure concessos, Sacros Ordines suscipere, etiam absoluto matrimonio non potest in illis ministrare sine Summi Pontificis dispensatione, nisi profiteatur in aliqua approbata Religione; nam in tali casu etiam Episcopus dispensare valet. 71.282.

Misericordia.

Est præferenda rigori. 289. quæf.

Missæ.

Non solum ex opere operato, quantum ad Sacramentum, æquè valet Missa Sacerdotis boni, & mali; sed etiam quoad Orationes, consideratas tanquam proceden-

dentes à celebrante in persona Ecclesiæ . pag. 71. quæf. 1.

Missa , si per modum congratulationis intelligatur , omnibus in Purgatorio existentibus prodest ; non autem si per modum expiationis . pag 73. quæf 3.

Missa applicata vivis , non solum est satisfactoria , sed propitiatoria pro peccatis , conferendo varias gratias prævenientes , & impetratorias variorum beneficiorum . p. 74 quæf. 4.

Mollities , seu Pollutio .

Habere copulam cum fœmina mortua , est tantum peccatum mollicitiei , dummodo peccans cum tali fœmina mortua non habeat effectum fornicarium diversum à pollutione . 124. 471. & 472.

Ejus potissimum , & efficax remedium est frequentissima Confessio cum eodem confessario , & ut fiat ter in hebdomada , si fieri potest . 117. 448.

Moniales .

Moniales non possunt tuta conscientia admittere intra clausuram sui Monasterii pueros , seu puellas usum rationis non habentes . 290. 1114.

Monialis admittens aliquem intra septa Monasterii ad malum finem , incurrit in excommunicationis pœnam . 291. 1115.

Monomachia .

Idem est , ac singularis pugna , scil. unius cum uno pugna ex conditio . 167 664.

Moribundus , & mori proximus .

Non omnes prægnantes , proximè parituræ , censendæ sunt in periculo mortis . 17. 66.

Absolutus in periculo mortis ab excommunicatione reservata , si convalescat , & non se præstent suo Superiori ad obediendum ob illud peccatum inobedientiæ incidit in excommunicationem eodem modo reservatam , ut erat illa , super quam fuerat absolutus . pag 20. quæf. 2.

Si aliquis ita sit morti propinquus , ut non vacet tempus ad impendendam utramque absolutionem , Potest Sacerdos dicere , Absolve te à peccatis tuis , sub intelligendo prius à censuris , & deinde à peccatis . 101. 380.

Tenetur penitens per interpretem confiteri ,

si alio modo non potest , quando in articulo mortis existit . 114 433.

Consulendum est , ut in tali casu moribundus omnia peccata mortalia in specie confiteatur , quia Interpres tenetur servare sigillum , sicut Confessarius . ibid .

Mutilatio membrorum .

Nemo est dominus membrorum suorum . 205. 818.

Non est censendus irregularis , qui in rixa præscidit alteri digitum . 305. 1173.

N

Necessitas .

Necessitas extrema , vel ferè extrema non est , quando pauper emissurus est spiritum ; sed quando ob defectum necessariorum apparet , quod ille moritur , nisi ei succurratur . 195. 778.

Gravis necessitas non facit res communes , ut facit extrema . 241. 966.

Necessitas accipienda est moraliter , non autem physice . 290. 1113.

Negotiatio Clericorum .

Percipere fructus ex agro alieno , licet non sit propriè negotiari , est tamen expresse interdictum Clericis . 243. 972.

Nobilitas .

Nobilius trahit ad se minus nobile , sed minus nobile non trahit nobilior . 182. 728.

Ecclesiastici valde nobiles possunt plus aliis minus nobilibus in sui sustentationem insumere . 200. 794.

O

Obedientia .

Obedire non tenetur subditus , si per præsumptiones quasi violentas credat quod superior velit ejus mortem . pag. 289. quæf.

In omni obedientia intelligendæ sunt aliquæ conditiones , nempe si possibilitas adest , & si sit rationabilis causa , &c. pag. 289. quæf.

Index Rerum Notabilium.

Occasiones.

Non plura, sed unum peccatum committit, qui facit illud peccatum, cuius periculo se antea exposuit, dummodò inter periculum & actum, non intercesserit notabilis mora. 80.314.

Odiump.

In Confessione non sunt explicanda mala voluta, cum optentur sub una ratione formali, quæ est odium proximi; nec currit paritas de damnis illatis. 109.413.

Officiales Papa.

Censuris ligari non possunt. 220.879.
Per eos est facienda Bullarum correctio, quoties juxta Pontificis mentem sensus non mutatur. 228.914.

Opera.

Ad rectè operandum requiritur iudicium practicum, moraliter certum. 271.1071.

Opinio.

Ponitur differentia opinionis à dubio. 163.649.

Non peccat, qui in dubio ex duabus opinionibus contrariis unam eligit, & secundum illam operatur, nisi pro contraria esset aliquis Scripturæ locus, aut Ecclesiæ auctoritas, & nisi aliquid ageret, priusquam cum aliqua bona ratione ex animo dubietatem expelleret, certò credens opinionem ab eo electam esse veram. 165.659.

Romana praxis anteposenda est omnibus Doctorum sententiis. 182.731.

Existente opinione probabili Ecclesia non supplet Jurisdictionis defectum in confessorio, sicut eundem supplet concurrente errore communi, & titulo colorato; & contraria assertio hic Romæ non admittitur amplius 98.368.

Oppignoratio.

Sicuti res Ecclesiæ alienari non possunt, neque etiam possunt oppignorari propter eandem rationem. 29.119.

Oratio.

Nil aliud ex vi Orationis exigitur, quam unus ex 4. modis, quibus quis attendere potest in Officio divino. 33.129.

Ordines Minores.

Ad tres minores requiruntur 7. anni completi, ad Accolitatum 12.27.102.

Possunt conferri in quolibet festivo die, qui sit de præcepto. 214.854.

Sufficit, quoddam sit dies festivus in Diocesi, vel Civitate, ibid.

Loquendo de Abbatibus conferentibus dictos Ordines, satis erit, si solemnitas sit in sua Religione, vel Monasterio. 214.854.

Conferri possunt à Cardinalibus presbyteris in suis titulis familiaribus. 54.217.

Ordines Sacri.

Conjux innocens, factò divortio ob fornicationem, potest invita Uxore sacris Ordinibus insigniri. 161.642.

Prohibetur Clericis, & Religiosis, in sacris constitutis, exercere artem Chirurgiæ, nisi in extrema necessitate. 305.1173.

Melius est, ut Clerici in sacris se abstineant à ministerio sciendi venam, cum hoc opus propriè pertineat ad Chirurgum. 306.1176.

Osculum.

Obsolam delectationem sensibilem est peccatum lethale. 138.530.

P

Papam.

P Arit inter contraheentes, legem. 230.920.

Papa, seu Summus Pontifex.

Nulla pro Summo Pontifice à jure determinata ætas requiritur. 26.96.

A Papa nullus jure appellare potest. 32.126.

Quia habet potestatem supra jus humanum, suspendere potest effectus censurarum. 75.286.

Potest consequenter validè conferre Beneficium excommunicato, quamquam unus ex effectibus excommunicationis sit, collationem Beneficii irritam esse. ibid.

Potest dissolvere Matrimonium ratum, & non consummatum, dummodò adsit aliqua iusta causa. 207.826.

Id potest non solum inter magnos Principes, sed etiam inter alios 208.826.

Hoc etiam potest absque mutuo consensu conjugum. ibid.

Parentes.

Non possunt parentes filios exheredare, neque eis dotem denegare, eò quòd contrahant ipsi invitis. 238.954.

Parochus.

Quando Beneficium Parochiale alicui confertur, non est necesse, ut actu Sacerdos sit; sed sufficit, ut aptitudinem habeat Ordinem sacerdotalem recipiendi intra annum à die adeptæ possessionis; imò si infra annum non fit Sacerdos, iusto aliquo impedimento detentus excusatur. 81.317.

Parochus potest audire confessiones suorum Parochianorum in quacumque Diœcesi. 97.362.

Parochus habens copulam cum sua Parochiana, committit speciale peccatum, etiam si eam non baptizaverit. 282.1097.

Parvitas materia.

Modica furta, licet in se considerata non sufficiant ad constituendam materiam restitutionis peccati mortalis, sufficiunt tamen si collectivè, & simul sumantur. 241.963.

Etiā in materia jejunii multa modica continuari possunt, ut unam notabilem quantitatem sufficientem ad mortale peccatum constituant. 256.1024.

Parum, & nihil, æquiparantur in lege. p. 288. quæf.

Pater.

Pater non nisi, vota realia filiorum puberum, absolutè loquendo, irritare potest, si non sint emancipati. 311.1186.

Nec vota realia irritare potest filii, qui habet bona castrensia, vel quasi castrensia. ibidem.

Vota personalia, & mixta filiorum puberum solum irritare potest, quando patri grave afferunt præjudicium, excepto si filius minor pubes voveat ingredi Religionem, & succedere debeat Monasterium in bona ingredientis. ibid.

Patrini.

Inter Baptizatum, & Patrimum, oritur cognatio spiritualis, quæ dicitur paternitas; sed inter patrem, & matrem Baptizati ex una parte, & Patrimum, vel Patrinos ex altera, oritur spiritualis cognatio per compaternitatem. 88.341.

Inter ipsos Patrinos nulla oritur spiritualis cognatio. ibid.

Tridentinum statuit, ne sint plures duobus susceptoribus in Baptismo. ibid.

Dispositio Concilii militat in cognatione orta ex Confirmatione, sicut militat in cognatione orta ex Baptismo, excepto, quòd in Confirmatione adhibendus sit unus tantum Patrinus. 89.342.

Procurator tenens alieno nomine Baptizatum, vel confirmatum, non potest esse Patrinus, benè tamen qui illum mittit. 89.343.

Munus susceptoris in Baptismo non obitur propriè, nisi quando Baptismus est solemnus. 90.345.

Peccatum.

Ponitur differentia peccati à culpa Theologica. 127.483.

Illa peccata specie diversa sunt, quæ vel diversis virtutibus adversantur, vel eidem virtuti diversa ratione difformitatis repugnant. 76.290.

Qui unico voluntatis actu vellet plures homines interficere, vel pluries ad mulierem accedere, & peccare, in eo actu dantur plures malitiæ numero distinctæ, quæ non tantum aggravant peccatum, sed diversificant, sicut qui unico actu occideret plures homines, licet fuerit unum peccatum physicè ratione actionis, tamen in eo essent diversæ malitiæ homicidii, necessariò in confessione aperiendæ. 81.319.

Peccatum contra naturam.

Si Eunuchus carnaliter cognoscit fœminam, talis copula reducit ad peccatum contra naturam. 75.298.

Peccatum mortale.

Motus primò primus, & secundò primus, non suffiunt ad peccatum mortale. 226. quæf.2.

Peccatum veniale.

Licet peccatum veniale non expellat gratiam & Dei amicitiam, expellit tamen fervorè charitatis, & devotionem aliqua ex parte extinguit, atque infrigidat. 152.599.

Qui jurat se facturum aliquod veniale, si habeat animu illud non exequendi, committit peccatum mortale; cum animo verò exequendi, peccat venialiter. 299.1147.

Pen.

Index Rerum Notabilium.

Pensionarii, & Pensiones.

Non potest aliquis ante 14. annum inceptum Pensiones obtinere. 26. 99.
Licet Pensio non sit Beneficium, nihilominus non datur irregulari sine dispensatione. 274. 1074.
Illegitimus non tantum est incapax Pensionis ratione defectus ad Clericatum, excepta Pensione super beneficio patris; sed si fuit dispensatus ad Ordines, requiritur alia dispensatio, ut sit Pensionis capax. 274. 1075.

Percussio Clerici.

Quando dubium esset, an esset levis, vel gravis, credendum est esse gravem. p. 16. nu. 58. & pag. 226. quæst. 1.
Sex genera personarum possunt sine metu excommunicationis percutere Clericos disciplinæ, vel correctionis gratia, dummodo non excedant modum, aut sit parvus excessus, & non ex odio percutiant, p. 227. qu. 3.
Punire etiam eos possunt per alium, sive Clericum, sive Laicum. pag. 227. quæst. 4.

Peregrinatio.

Iter unius diei dicitur dieta. 260. 1038.
Secundum Juris civilis constitutiones vicena millia passuum in singulos dies dinumerantur. ibid.

Peregrini.

Judicari debent juxta leges loci, in quo reperiuntur. 17. 65.

Pena Depositionis.

Inter crimina depositione digna est concubinitas diu continuatus, præsertim notorius & stuprum Virginis. 96. 355.
Qui crimine depositione digno notatur, est irregularis. ibid.
Aliqua crimina notoria, licet sint depositione digna, tamen si infamiam juris non habeant annexam, non inducunt veram irregularitatem, nisi post sententiam Judicis. 282. 1096.

Pena privationis sepultura Ecclesiastica.

Duellantibus, si in loco conflictus morerentur, quamvis ibi essent ministrata Sacramenta Pœnitentiæ, & Eucharistiæ, non
Tom. I.

est concedenda Ecclesiastica sepultura. 167. 668.

Ut Hæreticus sit privatus Ecclesiastica sepultura, necessarium non est, ut sit nominatim denunciatus, sed satis est manifestè constare ipsius hæresim; tamen debet ita notoriè decedere, ut nulla tergiversatione ejus malitia celari possit. 248. 993.

Pœna.

Pœna statuta delicto certo, non est imponenda delicto dubio, sed extraordinaria pro qualitate dubii. 7. 20.

Pœna non est imponenda contra delinquentem, nisi in jure sit expressa. pag. 309. quæst. 3.

Pœnæ sunt restringendæ. p. 15. n. 58. p. 58. nu. 233. p. 173. n. 699. & p. 185. n. 742.

Polygamia.

Gravis pœna imponitur ei, qui contrahit cum pluribus simul viventibus, & præsumitur malè sentire de fide contra Sacramenta. 155. 613.

Præcepta.

Quando duo præcepta concurrunt, quæ simul servari non possunt, servandum est præceptum majus. 307. 1182.

Præceptum annuæ Communionis.

Deficiente Confessario ab Ordinario approbata, Laicus cum sola contritione communicans, satisfacit præcepto Paschalis Communionis. 111. 424.

Præceptum annuæ Confessionis.

Meretrices peccant mortaliter non implendo annuæ confessionis præceptum. 132. 508

Præceptum audiendi Sacrum.

Qui Missam devotè audivit in diebus Festivis cum intentione non satisfaciendi præcepto, adimplevit præceptum. 299. 1146.
Deficiente Confessario ab Ordinario proprio approbato, potest Sacerdos in die festo celebrare cum sola attritione, si non habeat aliam Missam, quam audiat. 111. 424.

Præceptum Charitatis.

Obligat ad præferendum vitæ propriæ corpora-

Index Rerum Notabilium.

porali vitam spiritualem proximi extreme indigentis. 5. 9.

Obligat præferre vitam proximi divitiis, & emolumento temporali. 244. 976.

Obligat, quod potius homo debeat facere iacturam decentiæ status sui, quam quod alius moriatur ob defectum elemosynæ ab ipso faciendæ. 194. 775.

Præceptum integritatis Sacrificii.

Major est obligatio perficiendi sacrificium, quam præmittendi confessionem, licet utrumque sit de Jure Divino. 71. 281.

Præceptum sumendi Viaticum.

Intelligi debet, quando decenter, & reverenter Sacramentum confici, & sumi potest. 63. 253.

Preces.

Voluntatem non auferunt. 294. 1130.

Prægnantes.

Excusantur à jejunio, quamvis robustæ sint, prohibentur tamen vesci carnibus. 262. 1043.

Praelati Regulares.

Possunt retinere in suo conventu per aliquot dies bannitum aliquem sibi benevolum, qui casu aliquo, & non data opera commisit aliquod crimen, propter quod proscriptus est. Cautè tamen in hoc procedendum. 36. 136.

Non sunt domini bonorum Conventuum. 3. 6. Possunt dare licentiam sæculari, ut concionetur in suis Oratoriis, aut Ecclesiis, dummodò sit sufficiens. 91. 351.

Potest superior, non obstante consuetudine 40. annorum derogante Regulæ Religiosorum, illam reducere in pristinum statum. 118. 454.

Præscriptio.

Præscriptio consuetudinis immemorabilis probanda est per testes, qui singuli debent deponere de 4. requisitis. 118. 453.

Consuetudo decem annorum contra legem Civilem censetur esse legitime præscripta, 40. contra legem Canonicam. 118. 454.

Consuetudo præscripta, non eodem modo in-

ter præsentes, & absentes, intelligenda est. 119. 455.

Contra Ecclesiam Romanam non datur præscriptio, nisi 100. annorum spatio. pag. 118. num. 454. & 455.

Præsumptio.

In dubio de sollicitatione, præsumptio est contra confessarium. 144. 560.

Præsumptio transfert onus probandi in agentem, qui debet probare, contra quem facit præsumptio. 101. 382.

Privilegia.

Privilegia sunt strictè interpretanda, quando sunt contra jus. pag. 275. quæst. 1.

Privilegium Canonis.

Nemo potest huic privilegio renunciare. pag. 181. quæst. 3.

Gaudet hoc privilegio etiam Clericus non deferens habitum, & Tonsuram. 222. 888.

Præterea hoc privilegio gaudet etiam Clerici conjugati, nulli inservientes Ecclesiæ, modò habitum, & tonsuram deferant; imò Clericus conjugatus non bigamus, si dimittat habitum, & Tonsuram, & postea resumat, gaudet privilegio Canonis. 222. 888.

Privilegium fori.

Tantum in tribus casibus potest capi clericus à Ministris Judicis sæcularis. 175. 708.

Tota familia Episcopi, licet laica, gaudet intuitu ejus Privilegio fori. 176. 715.

Uxor Clerici conjugati gaudet privilegio fori non solum vivente viro, sed etiam post mortem, durante viduitate. 222. 889.

Professio Religiosa.

Tam Religiosi professi, quam Moniales deputatæ ad Chorum, si à Choro absint, tenentur sub onere peccati mortalis privatim horas Canonicas persolvere, etiamsi ex vi Regulæ, vel Voti, speciale præceptum non habeant. 25. 1008.

Regulares professi sexagenarii non possunt licitè frangere jejunia suæ regulæ. 263. 1048.

Mulier quinquagenaria dicitur senex, ut vir possit profiteri Religionem, remanente illa in sæculo cum voto castitatis. 295. 1132.

Index Rerum Notabilium.

Q

Quærela subditorum Regularium.

Qui discedit à Conventu sine licentia, animo se præsentandi Superioribus, ut ab injusta vexatione in causa gravi subleuetur neque est Apollata, neque fugitivus, nec ab Ordinario debet incarcerari, aut puniri. 31. 124.

Quota.

Quota Ecclesiastica est certa pars debita Ecclesiæ Ministris in ipsorum subsidium. 119. 460.

Non potest cliens de quota litis pacisci cum Advocato, vel Procuratore. ibid.

R

Raptum Mulierum.

Raptus mulierum sufficienter per solam violentiam constituitur. 124. 471.

Ratihabitio.

Ratihabitio retrahitur, & mandato æquiparatur. 224. 903.

Regulares, seu Religiosi.

Consuetudo 40. annor. derogat Regulæ Religiosorum citrà Vota. 118. 454.

Si agatur de re Religiosa, inter presentes 30. anni requiruntur ad præscribendum, & inter absentes. 40. 119. 455.

Materia notabilis in furtis Religiosorum est summa quatuor argenteorum. 242. 967.

Cum permittitur Religiosis donare in remunerationem beneficiorum, vel ex aliis causis, sufficit licentia obtenta semel pro semper. 3. 6.

Religiones aliquæ particulares.

In nostra Congreg. Irregulares non possunt eligi, nec alios eligere. 192. 768.

Remissio peccatorum.

Peccata commissa contra legem naturæ, sine Fide Christi remitti nõ possunt. 270. 1068.
Remissio peccatorum magis tribuitur poeni-

tentiæ, seu contritioni claudenti charitatem, quam actui dilectionis Dei. pag. 122. quæst.

Restitutio accepti.

Non totam quantitatem ablatam, licet notabilem, restituere tenemur sub culpa mortalitatis, sed solum illam, qua restituta non dicimur amplius detinere notabilem quantitatem. 241. 963.

Qui mala fide rem emit à latrone, domino, non furi, reddere debet. 197. 786.

Qui bona fide emit rem à latrone, sufficit, si illi restituat, ut recuperet suum pretium; si verò pretium recuperare non potest, eam domino reddere tenetur. 197. 785.

Restitutio damni.

Fraudantes gellam, tenentur ad restitutionem. 243. 970.

Revelatio Secretorum.

Infamatum alicubi juridicè, aut publicè, alibi prædere, non est mortale. 150. 588.

Reus.

Dupliciter quis dicitur reus, de jure, & de facto. 139. 540.

Reus Mortis.

Sub peccato mortali tenetur fateri veritatem Judici legitime interroganti. 100. 379.

S

Sacer locus.

Sacer dicitur locus, dum est benedictione deputatus ad officia divina, aut sepulturam. pag. 81. quæst.

Sacerdotes.

Ad Sacerdotium requiruntur 25. anni incepti. 27. 102.

Presbyter prius ordinatus præferri debet postea ordinato. pag. 86. quæst. 3.

Corona Sacerdotis debet esse ad mensuram majoris hostiæ. pag. 87. quæst. 3.

Sacramentalia.

Sacramenta tribus perficiuntur, scilicet materia,

Index Rerum Notabilium .

teria, forma, & intentione Ministrorum. 298.

1145.

Speſtat ad Inquiſitores punire reum, qui in ſortilegiis miſcuit Sacramentalia. 297.

1141.

Sacramentum Eucharistiæ .

Hoc Sacramentum eſt præcipua ratio, cur Eccleſiis immunitas conceſſa ſit. 176. 716.

Major ratio habenda eſt reverentiæ hujus Sacramenti, quàm neceſſitatis proximi. 63. 253.

Quilibet de jure divino tenetur ad Confeſſionem mortalium ante Eucharistię ſumptionem. 121. 464.

In tribus præcipuè caſibus poteſt licitè Sacerdos non jejunus ſumere, & conſecrare in Miſſa Sacram Eucharistiæ. 63. 254.

Nemo poteſt Sacram Synaxim ſumere in illa Miſſa, quæ celebratur in nocte Nativitatis Domini. 63. 256.

Si hoſtia adhæreat palato illius, qui ſe communicavit, toties debet adhibere ablutionem, donec hoſtia deglutatur ab eo, non autem licet adhibere digitum. 65. 263.

Sacramentum Matrimonii .

Ad contrahendum matrimonium, niſi malitia ſuppleat ætatem, in maribus requiruntur anni 14. in fœmina 12. 27. 100.

Filius ex honeſtate tenetur contrahere matrimonium cum conſilio patris; ſecus ſine juſta cauſa mortaliter peccat. 238. 954.

Si filius promiſit aliquam ducere in uxorem, juravitque, ut copulam extorqueret, ac eam ſub tali ſpe carnaliter cognovit, tenetur ſervare promiſſum invito patre, niſi illa potuiſſet conicere fictionem, ut cum ſunt valde impares, & niſi timeatur tam grave ſcandali periculum, ut præponderet damno ſponſæ, cui aliter tunc ſatisfaciendum eſt. 239. 956.

Ex matrimonio rato, magis quàm ex ſponſalibus validis, oritur impedimentum publice honeſtatis, & extenditur uſq; ad quartum gradum. 279. 1086.

Ad hoc ut matrimonium dicatur conſummatum, ſufficit, quodd uxor receperit ſemen viri quacumque arte, licet nulla interceſſerit clauſtri Virginalis violatio. 281. 1093.

Sacrificium Miſſæ .

Cenſetur inchoatum incepto Canone, ex eo quodd hoſtia tunc proximè præparatur ad Conſecrationem. 184. 741.

Sacerdos in die Paraſceves propriè Sacrificium non facit. 112. 747.

Sacrilegium .

Tripliciter poteſt committi Sacrilegium ratione loci, per furtum in Eccleſia commiſſum, per injurioſam ſanguinis humani effuſionem, & per effuſionem ſeminis. 80. 312.

Scientia .

Non minùs eſt neceſſaria ſcientia Sacrorum Canonum, quàm Theologia, ad Eccleſiæ regimen. 199. 791.

Scriptura privata .

Scriptura privata epiſtolæ, qua quis ſuum delictum fatetur, facit plenam probationem, dummodò in judicio à reo ſcriptore recognoſcatur. pag. 316. quæſ.

Scriptura Notariorum .

Non licet Notariis in die feſto tranſcribere ſcripturas, ut partibus dent, etiamſi faciant gratis pro amico, vel conſanguineo. 234. 937.

Senectus .

Non ſemper annis regulanda eſt, ſed complexionem. 289. quæſ.

Sepultura Eccleſiaſtica .

Eccleſia cenſetur polluta, ſi ſepeliatur in ea excommunicatus vitandus. 182. 729. Sepulto in Eccleſia Infideli, non ſolum Eccleſia cenſetur polluta, & indiget reconciliatione per novam benedictionem; ſed niſi Eccleſia ſit conſecrata, tunc etiam parietes radi debent. ibid.

Si quis Hæreticum non obſtante notorietate in loco ſacro ſepeliret, excommunicationem incurreret, & ſuſpectus de hæreſi redderetur. 248. 993.

Sigillum Confeſſionis .

Cognitio fractionis Sigilli Confeſſionis pertinet

Index Rerum Notabilium .

tinet ad Ordinarium ; si verò hoc crimen est conjunctum cum hæresi, pertinet ad Sanctum Officium . 316. 1203.

Sodomia .

In Copula Sodomitica , si habeatur concubitus cum Affinibus , vel Consanguineis in linea transversali , explicandus est in Confessione gradus personæ usq; ad secundum gradum tantum; si verò cum consanguineis in linea recta , in quocumque gradu . 108. 404.

Si quis in Confessione dicere nollit, an fuerit agens , vel patiens , non debet absolvi , propter pollutionem , quæ contingit in agente . 108. 405.

Sollicitatio .

Carentes jurisdictione sollicitantes in Confessione , quamvis non absolvant , videntur suspecti de fide . 144. 562.

Simonia .

Est Simonia redimere pecunia vexationem , dum quis tantum habet jus ad rem ; facta verò collatione Beneficii , si quis injustè impediretur accipere possessionem, tunc est licitum hanc redimere vexationem , quia habet jus in re acquisitum per collationem Beneficii . 190. 761.

Sorilegium .

Fit mittendo sortes , vel quid æquivalens, ad cognoscendum cum concursu Dæmonis secretum præteritum, vel futurum . 154. 607.

Qui in sorilegio miscuit hostiam non consecratam, sed super eam est celebrata Missa, est puniendus ab Inquisitoribus , ut suspectus de hæresi vehementer, cum abjuratone de vehementi . 297. 1142.

Sponsalia .

Promissio futuri Matrimonii non obligat quando res sunt notabiliter mutatae . 319. 1216.

Ex sponsalibus contractis à Parentibus nomine filiorum sine eorum consensu , non oritur impedimentum publicæ honestatis . 280. 1088.

Quando sponsalia mutuo consensu dissolvuntur , non cessat publicæ honestatis impedimentum . 280. 1089.

Sponsa .

Circumstantia Sponsi , vel Sponsæ tantum necessaria explicari debet in Confessione , si copula inter illos sit casus reservatus in Diœcesi . 79. 307.

Stuprum .

Deflorare Virginem spontè consentientem est stuprum , maxime si sit sub cura parentum . 77. 297.

Subdiaconus .

Ad Subdiaconatum requiruntur 22. anni incœpti . 27. 102.
Corona Subdiaconi debet esse formæ mediæ . pag. 87. quæf. 3.

Subditus .

Quatuor modis aliquis dici potest subditus Episcopi , ut ab eo ordinari queat . 215. 856.

Superstitio .

Quoties quis latræ , vel dulæ cultum diabolo exhibet ad divinandum , aut aliquod fortilegium , seu maleficium perpetrandum, est de Hæresi vehementer suspectus , & tanquam hæreticus est denunciandus Inquisitoribus , & ab ipsis potest & debet puniri . 248. 994.

Quoties quis est certus , vel quasi certus , rem , quam facit , secundum se superstitionem esse , & tamen seriò facit , etiam si protestetur se non intendere , vel nolle effectum consequi , si qua diaboli virtus, vel pactum subit, adhuc est superstitionis reus , cum talis protestatio sit contraria facto , nec excuset protestantem , quin possit ab Inquisitoribus tanquam de hæresi suspectus puniri . 298. 1143.

Surdus .

Sine dispensatione exercere valet omnia ea munera , ad quæ non est necessarius auditus . 62. 251.

Surdus Sacerdos , licet non audiat Ministrum respondentem in Missa , potest Missam submissè celebrare ; non est tamen admittendus ad Missam solemnem celebrandam . ibid.

Surdus , qui in Choro canit cum aliis , & non

non potest percipere , quæ ab aliis dicuntur , quamvis attendat , non videtur ad quidquam aliud ex rigore obligandus , aliàs nimis gravari videretur . 253.1014.

Suspecti de Hæresi .

Suspecti quomodolibet , etiam leviter , de Hæresi , prætermissa omni correctione fraternæ , denunciandi sunt Inquisitoribus , vel locorum Ordinariis . 126.481.

Judicium discernendi circa suspicionem de Fide , quæ resultat supposita Pontificis , vel alicujus edicti præsumptione , non competit Confessariis , vel aliis , sed Inquisitoribus , vel aliis Fidei censoribus 144.562.

Suspensio .

Suspensio à celebratione pro tanto tempore , vel ad arbitrium Superioris , non est propriè censura . 13.49.

Suspicio .

Triplex est suspicio , levis , gravis seu vehemens , & violenta . 142.551.

Suffragatio .

Est peccatum linguæ , quo quis manifestat alterius defectus ad seminandas discordias inter amicos . 153.601.

Synderesis .

Est habitus quidam naturalis , qui ex principiis operabilium naturaliter inditis instigat hominem ad bonum , ac malo reniunurat . 115.435.

Est conscientia principalis radix , & regula . ibid.

T

Tactus .

T Actus impudici in Ecclesia habent specialem malitiam Sacrilegii . p. 79 n. 308. & pag. 80 n. 312.

Item pollui tactibus alicujus Religiosi professi , aut in Sacris constituti . 78.303.

Similiter si Religiosus , vel Monialis , aut alius in Sacris Ordinibus constitutus , alium tangat impudicè . 78.304.

Testes , & Testimonia .

Testis , qui vadit ad testificandum falsum contra aliquem , non potest dici infaustus . 250.1002.

Testes de publica voce , & fama , non sufficiunt . 95.354.

Testes deponentes de fama , ad minus duo esse debent omni exceptione majores . pag. 316. quæf.

Tonsura .

Ad primam tonsuram requiruntur 7. anni completi . 27.102.

Prohibentur initiari Tonsura , qui Sacramentum Confirmationis non susceperunt . 151.590.

Prima Tonsura quovis anni tempore , quovis die , hora , & loco dari potest . 214.854.

Prima Tonsura non est Ordo , sed Dispositio ad Ordines . 307.1183.

Tristitia de bono alterius .

Intendendo alterius injuriam , & damnum , est peccatum odii ; quatenus verò est diminutivum proprii boni , est peccatum invidiæ . 25.91.

Typographi ,

Exercentes suam artem , in diebus festis , non excusantur à mortali , nisi ratione modicitatis temporis , & operis . 234.935.

Excusantur à jejuniis prælumi versantes , sed non typos colligentes . 234.934.

Tyrannus .

Licet innocentem , & se ipsum Tyranno trahere pro communi bono . 250.1003.

Occupantem tyrannicè , potest quisvis de Populo occidere , si aliud non sit remedium , dummodò adsint quatuor conditiones . 251.1005.

Legitimum Principem , qui solo regimine , & administratione est Tyrannus , non licet homini privato interficere . ibid.

V

Validitas .

V Aria tenent facta , quæ prohibentur fieri . 189.756.

Valis

Index Rerum Notabilium.

Validitas Beneficiorum

Papa potest validè conferre Beneficium excommunicato. 75. 286.

Validitas Confessionis.

Ad Confessionis vatorem non est necessarium, ut pœnitens, aut Confessarius sciat determinatè peccatum confessum esse mortale, aut veniale, cum hoc distinctè, & determinatè scire de omnibus peccatis sit impossibile. 164. 655.

Validitas Electionis.

Electio de digno facta, non est irrita ipso jure, nec venit irritanda, quamvis illicitè peracta sit. 189. 756.

Validitas Professionis Religiosæ.

Etiamsi sit peccatum mortale prætermittere examen Puellarum ante Professionem religiosam, tamen professio valida foret. 294. 1025.

Validitas Sacramenti Matrimonii.

Matrimonia, quæ sunt invitis & insciis Parentibus; valida sunt. 238. 954.

Sequens Copula non facit Matrimonium ante contractum impuberum validum, nisi adit consensus, saltem tacitus, utriusque. 27. 101.

Matrimonium contractum cum impotentia coeundi, non ante cognita, est invalidum. 280. 1090.

Validitas Sacramentorum.

Ad validè conficiendum Sacramentum, intentio habitualis non sufficit, & actualis non est necessaria. 299. 1145.

Venatio.

Licet venari in die festo ob recreationem, ac etiam propter lucrum. 233. 931.

Veneficium.

Est aliquid arte Dæmonis fabricatum, quo Malefici ejusdem Dæmonis auxilio per occultam veneni applicationem alteri nocent, vel in bonis corporis, vel in bonis for tunæ. 153. 606.

Fit applicando res naturales inefficaces ad aliquem effectum, non utendo aliquibus verbis, neque ceremoniis. 154. 607.

Venditio, & Venditores.

Vendentes vinum bibere volenti in ea quantitate, ut probabiliter credere possint, aut experti sint lapsurum in ebrietatem, mortaliter peccant. 169. 674.

Venia facilitas.

Incentivum tribuit delinquendi. 177. 446.

Venia petitio.

Qui inimico veniam petenti, deposito odio, & vindictæ affectu, concedere recusat, ut sibi compensatio juridicè fiat, vel ob zelum justitiæ, ne delicta remaneant impunita, non peccat mortaliter, licet in praxi difficile sit, quòd aliquis actionem injuriarum prosequatur deposito omni odio, & vindictæ affectu, & melius est remittere veniam petenti. 296. 1136.

Venia Spes.

Non tenetur pœnitens in Confessione exprimere, quòd peccaverit spe veniæ. 109. 414.

Verba.

Qui contra omnes loquitur, non benè loquitur. pag. 252. nu. 1008. & pag. 256. n. 1023. Verba indefinite prolata, æquivalent universali. pag. 181. quæst. 4.

In S. Officio, verba dubia, & æquivoca, in deteriorè significationem accipiuntur. 1144 559.

Viaticum.

Sacra Eucharistia per modum Viatici non potest de novo ministrari in eadem infirmitate, nisi inter unam, & aliam sumptionem interveniant saltem 4. dies, regulariter loquendo. 287. 1112.

Si quis in phrænesi sumeret Viaticum, ut non perciperet, quid faceret, si postea ad se reverteretur, & instaret periculum mortis, posset etiam sequenti die sumere Viaticum. ibid.

Vicarius Episcopi.

Idem est tribunal Episcopi, & Vicarii, & eadem

Index Rerum Notabilium.

eadem iurisdictione, & potestas amborum. 32.127.

Clericus conjugatus non potest esse Vicarius Episcopi. 38.148.

Vicarius Foraneus Episcopi.

A Vicariis foraneis datur ad Episcopum appellatio. 32.127.

Ad extrahendum Reum ab Ecclesia, quando notoriè constat, ipsum immunitatem Ecclesiæ non gaudere, non sufficit licentia Vicarii foranei. 177.719.

Vicarius Generalis Episcopi.

Licet dicat Tridentinum, quòd professio fidei debeat fieri, impedito Episcopo, coram ejus Vicario Generali; potest tamen fieri coram illo, etiam Episcopo non impedito. 237.950.

Vicarius Papa.

Non judicat familiares Cardinalium, sed remittit eos suo Cardinali. 56.225.

Vicarius Parochi.

Non potest subrogari à Parocho, nisi de licentia Episcopi. 51.207.

Visitoria litis.

Non potest dari, & recipi aliquid ex iustitia, & ex pacto, pro palmario litis in casu visitoriæ pag.120. quæst.

Respicendum est in hoc casu ad consuetudines, & statuta diversorum locorum ibid. Hic Romæ non licet aliquid exigere ultra statutas taxas pro labore; alicubi verò exigitur etiam coram Judice. ibid.

Vili Personæ.

Contrahens cum vili personæ, similis illi efficitur. 44.173.

Personæ infimæ conditionis, quando, dum percutiuntur, vel invaduntur, fugere possunt sine gravi incommodo, tenentur fugere. 135.516.

Visitatoris.

Potestas Episcopis concessa visitandi Eccle-

sias Episcopatus subjectas, transit ad Capitulum sede vacante, post lapsum anni à die ultimæ visitationis per Episcopum factæ, nisi de proximo Ecclesia sit de Pastore providenda. 50.203.

Episcopi, & Superiores Prælati, quando ingrediuntur Monasteria Monialium sibi subjectarum causa visitandi, debent ingredi cum decenti comitatu, à Greg. XIII. præscripto. 292.1119.

Votum.

Vota solemnia Castitatis, quæ emittuntur in professione Religiosa, & in susceptione sacrorum Ordinum, sunt ejusdem speciei. 76.292.

Votum simplex, & solenne Castitatis, non differunt specie, sed solum accidentaliter. 78.302.

Vfus Conjugii.

Qui in actu conjugali cogitat, & delectatur de alterius personæ, pro qualitate personæ, quam mente revolvit committit, vel adulterium mentale, vel incestum, vel sacrilegium, vel Stuprum. 79.306.

Delectari in sola pulchritudine alterius viri, aut foeminae, ac in cogitatione alicujus picturæ pulcherrimæ, ut ad actum conjugalem magis excitetur, à conjugatis non est practicandum, cum istæ præcisiones minus juvent in circumstantiis adeò lubricis, & magnum periculum est cadendi in aliquam turpem cogitationem. 79.306.

Conjuges, qui utuntur Copula conjugali ob solam voluptatem, venialiter peccant. 138.529.

Uxor.

Sponsa de futuro, non est Uxor. 225.907.

Nomine Uxoris venit etiam illa, quæ solum contraxit Matrimonium in facie Ecclesiæ coram Parocho, & testibus. 225.907.

Post contractum Matrimonium, & nondum consummatum, potest licitè denegare debitum conjugii, & ante bimestre Monasterium ingredi, siæque Monialis. 294.1130.

Ut vir habens Uxorem ad Episcopatum promoveatur, debet Uxor, sive senex, sive juvenis, Religionem ingredi. 295.1132.

Finis huius Primi Tomi.